




[۱۸۴۸] ، سوئیچرہ مسئلہ سی [۱۸۴۸ — ۴۸] ، ۱۸۴۸ انقلابی ، حکومت
مطلقہ نیک اعادہ تاسیسی [۱۸۴۹] ، اوسٹریا نیک روسیہ یہ تمایلی [۱۸۵۰] ، فرانسیز
ایمپراطور نیک تصدیق [۱۸۵۲] ، چار و شرق مسئلہ سی [۱۸۵۲ — ۵۳] ،
تعریف مؤلفات .

۱۸۴ یکریمی برنجی باب : فرانسنک تفوق و محاربات ملیہ ،
اوروپا سیاستندہ تحولات ، قریم محاربه سی [۱۸۵۳ — ۵۶] ، پارس قونفرہ سی
[۱۸۵۶] ، ناپولئونک تفوق [۱۸۵۶ — ۵۹] ، فرانسه و ساردنیا آره سنندہ
اتفاق [۱۸۵۸] ، ایتالیا محاربه سی [۱۸۵۹] ، اوسٹریا ایلہ مصالحہ [۱۸۵۹] ،
الحاقلر و ایتالیا مسئلہ سی [۱۸۶۰ — ۶۲] ، لہستان مائلی [۱۸۶۳] ، دو قہ لفلر
محاربه سی [۱۸۶۴] ، پروسیہ و اوسٹریا آره سنندہ انقطاع مناسبات [۱۸۶۴ — ۶۶] ،
۱۸۶۶ محاربه سی ، پراغ مصالحہ سی [۱۸۶۶] ، لوکسنورغ مسئلہ سی [۱۸۶۷] ،
فرانسه و پروسیہ آره سنندہ اختلاف خفی [۱۸۶۷ — ۱۸۶۸] ، اعلان حرب
[۱۸۷۰] ، تعریف مؤلفات .

۲۱۴ یکریمی سکرنجی باب : آلمانیک تفوق و صلح مسلح
فرانسه محاربه سی [۱۸۷۰ — ۷۱] ، لوندرہ و فرانقفوت معاہدہ نامہ لرئ [۱۸۷۱] ،
۱۸۸۱ دن صکرہ اوروپا سیاستنک شرائط جدیدہ سی ، اوچ ایمپراطور اتفاتی
[۱۸۷۱ — ۸۶] ، تعریف مؤلفات .

۲۴۰ خاتمہ : آوروپادہ تحولات سیاسیہ :



اوپنچی جلد

حقیقہ

- ۳ یکرمی ایکنچی باب : شرائط حیات سیاسیہ تہولات مادیہ
 اختراعات مادیہ ، وسائط جدیدہ تجربیہ ، وسائط جدیدہ مناقلات و مخبرات ، نفوس
 عمومیہ تبدلات ، تزايد ثروت ، حیات اقتصادیہ تہولات ، تعریف مؤلفات .
- ۱۶ یکرمی اوپنچی باب : کلیسا وقاتولیک فرقہ لری
 انقلابدن اول کلیسا ، کلیساده انقلاب ، اولترامونتن فرقہ سی ، قاتولیک أحرار فرقہ سی ،
 حاکمیت عامہ طرفنداری قاتولیکلر ، قاتولیکلر و ۱۸۴۸ انقلابی ، کلیساده ارتجاع ،
 قوآنتا کورا تحریرات عمومیہ سی وسبیلابوس [۱۸۶۴] ، آنتیقان مجلس روحانیسی
 [۱۸۶۷ - ۷۰] ؛ کلیسا ایله حکومت آرسنندہ اختلافات ، ارن اوپنچی لئونک
 سیاستی ، تعریف مؤلفات .
- ۵۳ یکرمی دردنجی باب : بین الملل انقلاب فرقہ لری
 فارماصولر وقاربوناریلر ، جمهوریت طرفنداری کنج أوروبا ، مسالک اشتراکیون ،
 قومونست فرقہ لری ، ۱۸۴۸ انقلابی ایله ارتجاع زمانندہ انقلاب فرقہ لری ، انترناسیونال -
 بین الملل [۱۸۶۲ - ۷۲] ، آلمانیاده اشتراکیون پروگرامنک تنظیمی [۱۸۶۳ - ۷۵] ،
 آنارشیزت فرقہ لری ، ملی اشتراکیون فرقہ لرنک تشکیلی ، انقلاب فرقہ لرنک مسلکی ،
 بین الملل اشتراکیون قونفرہ لری ، تعریف مؤلفات .
- ۸۸ یکرمی بشنچی باب : مترسیخ زمانندہ أوروبا
 ۱۸۱۵ ده أوروبا مسئله لری ، اتفاق مقدس ، آلکساندر ایله مترسیخ آرسنندہ رقابت
 [۱۸۱۵ - ۱۸] ، اکس لاشاپیل قونفرہ سی و آلکساندرک تبدیل مسالک ایلمسی
 [۱۸۱۸] ، اوستریا قونفرہ لری ومداخله لر [۱۸۲۰ - ۲۳] ، انکلتره نك قانون
 زمانندہ کی سیاستی ، امور شرقیہ ده مداخلات [۱۸۲۳ - ۲۹] ، أوروبا اتفاقنک
 فسخی [۱۸۳۰] ، تعریف مؤلفات .
- ۱۰۷ یکرمی آلتنجی باب : روسیہ وانکلتره آرسنندہ رقابت
 ۱۸۳۰ دن صکره سیاست خارجیہ نك احوال وشرائط مخصوصہ سی ، تموز حکومتنک
 تصدیق [۱۸۳۰] ، بلجیقا امورینک تنظیمی [۱۸۳۰ - ۳۲] ، لهستان مسئله سی
 [۱۸۳۰ - ۳۲] ، اوستریا وفرانسہ نك ایتالیا امورینہ مداخله سی [۱۸۳۱ - ۳۸] ،
 اسپانیا وپورتگیز امورینہ مداخله سی [۱۸۳۳ - ۳۶] ، شرق مسئله سی [۱۸۳۲ -
 ۳۳] ، ملنجیلر وحکومات مظنہ اتفاق [۱۸۳۳] ، شرق مسئله سی وبوغازلر مقالہ
 نامہ سی [۱۸۳۹ - ۴۱] ، ائتلاف صمیمانہ [۱۸۴۱ - ۴۵] ، اسپانیا
 ازدواج لری [۱۸۴۶] ، قراقوی مسئله سی [۱۸۴۶] ، پورتگیز وایتالیا اموری

تحقیقه

۳۱۰

اون طقوزنجی باب : روس ایمبراطورانی ولهستان

۱۸۱۴ ده روس ایمبراطورانی ، برنجی آلکساندرک حکومتی ، فلانڈیا ولهستان حکومت مشروطه سی ، کانون اول ۱۸۲۵ عصبانی ، لهستان عصبانی [۱۸۲۰ - ۳۱]
نیقولانک اصول اداره سی ، کویلیرک اسارتدن تخلصی [۱۸۵۸ - ۶۳] ، ایکنجی
آلکساندرک اصلاحات احرارانه سی ، ۱۸۶۳ لهستان عصبانی ، له حرکت ملیه سنک
احمادی ، روسیه ده مطلقیت اداره به عودت ، مخالف فرقه لر ، اوچنجی آلکساندرک
طرز اداره سی ، روسلاشدرهق ، چار ایکنجی نیقولا ، تعریف مؤلفات .

۳۵۵

یکرمنجی باب : سلطنت عثمانیه

۱۸۱۴ ده حکومت عثمانیه ، سلطان محمود ثانیکنک اصلاحاتی ، مصر بحرانی [۱۸۲۳ -
۴۰] ، رشید پاشانک اصلاحاتی [۱۸۲۸ - ۵۰] ، قریم محاربه سی بحرانی [۱۸۴۲ -
۵۹] ، فؤاد و عالی پاشالرک اصلاحات تشبیباتی [۱۸۵۹ - ۷۱] ، بحران مالی
وکنج ترکیا [۱۸۷۱ - ۷۶] ، قانون اساسی عثمانی ، روسیه استیلا سی و مقاسمه
[۱۸۷۷ - ۷۸] ، براین قونفره سندن صکره ، ارمنی مسئله سی وانکلیر سیاسی ،
روم ایلی ولایاتی ، یونان محاربه سی ، تعریف مؤلفات .

۴۲۶

یکرمی برنجی باب : بالقاندرده خرسیتیان ملنلر

۱۸۱۴ ده ممالک عثمانیه نك خرسیتیان ملنلری .

رومانیا :

۱۸۵۶ تاریخنه قدر افلاق و بغداد بکلکاری ، رومانیا حکومتنک تشکیلی [۱۸۵۶ -
۶۶] ، مشروطیت اداره .

یونانستان :


۱۸۲۰ دن اول روم ملتی ، یونان قرالغنک تشکیلی [۱۸۲۹ - ۴۳] ، مشروطیت اداره
زماننده یونانستان .

صربستان و قره طاغ :

صربستان امارتنک تشکیلی ، مشروطیت اداره زماننده صربستان ، قره طاغ

بلغارستان :

۱۸۸۵ اتحادندن اول بلغاریاتی ، ۱۸۸۵ اتحادندن صوکره بلغارستان ، تعریف
مؤلفات .



صحیفہ

اون آلتجی باب : آلمان ایمپراطورلنی ۱۹۷

ایمپراطورلفده فرقهلر ، شرائط حیات سیاسیہ ، کولتور قامپف وایمپراطورلنک
تشکیلاتی [۱۸۷۱ - ۷۷] ، اشتراکیون علیہندہ تدابیر [۱۸۷۸] ، بسمارک
سیاست اقتصادیہ واجتماعیہسی [۱۸۷۸ - ۸۶] ، قانون عسکری وقارتل
[۱۸۸۶ - ۸۸] ، ایکنجی ویلہلم وسیاست خرسیانیہ ، طریق جدید ،
آلساس لورہن ، آلمانیانک اون طقوزنجی عصرده کی تکامل سیاسی ، تعریف مؤلفات .

اون یدنجی باب : اوستریادہ مشروطیت اداره ۲۳۷

اوستریا - مجارستانک تشکیلی :

تشرین اول ۱۸۶۰ قانون اساسیسی ، ۱۸۶۱ قانون اساسیسی . وحدت حکومتک
تأسیسی ایچون تشبثات [۱۸۶۱ - ۶۵] ، قانون اساسینک تعطیل احکامی ،
مجارستان ایله ائتلافنامہ ، ۱۸۶۷ قوانین اساسیہ احرارانهسی .

اوستریا - مجارستان :

اوستریادہ شرائط حیات سیاسیہ ، سیاسی و ملی فرقهلر ، ہیئت وکلای احرار [۱۸۱۷
- ۷۰] ، فہدہ رالیست ہیئت وکلانک تشبثاتی [۱۸۷۰ - ۷۱] ، انتخاب اصولنک
اصلاحی ، قانون اساسی طرفداری ہیأت وکلا [۱۸۷۱ - ۷۸] ، مجارستانده
فرقهلر و حیات سیاسیہ [۱۸۶۷ - ۷۸] ، بوسنہ نک اشغالی بحرانی [۱۸۷۷ - ۷۸] ،
نافہ ہیئت وکلانک سیاستی [۱۸۷۹ - ۹۳] ، آلمانزلرہ لہیلبرک اتحادی وقانون
انتخابک اصلاحی [۱۸۶۹] ، ۱۸۷۸ سنہسندن صکرہ مجارستانده اختلافات سیاسیہ ،
اوستریا - مجارستانک اون طقوزنجی عصرده کی تکامل سیاسی ، تعریف مؤلفات .

اون سکزنجی باب : اسقاندینا ویا مملکتلری ۲۸۰

اسقاندینا ویا حکومتلرنک تشکیلی .

اسوج :

اسوج قانون اساسینک تبدیلی ، اسوجده فرقهلر .

نوروج :

حاکمیت عامہ فرقهسی ، قانون اساسی اختلافاتی ، اختلافات ملیہ .

دایمارقہ ودوقہ لقلر :

دوقہ لقلرک آیرلسندن اول دایمارقہ حکومتی ، شلرویغ - هولشتاین دوقہ لقلری ، دوقہ لقلر
اختلافی [۱۸۴۸ - ۶۴] ، دوقہ لقلرک آیرلسی ، ۱۸۶۶ قانون اساسیسی ، قانون
اساسی اختلافاتی [۱۸۷۳ - ۹۴] ، تعریف مؤلفات .

صحیفه

۱۸۴۱ انقلابی ، ماچینی و جمهوریت فرقه‌سی ، ریسورچیمه‌نتو ، ۱۸۴۸ انقلابی ، اختلافات و منازعات داخلی ، ارتجاع ، ساردنیا حکومت مشروطه‌سی [۱۸۴۹ - ۵۰] ، فاوورک سیاستی ، ایتالیا قرالنگنک تشکلی [۱۸۵۹ - ۶۰] ، روما مسئله‌سی [۱۸۶۰ - ۶۶] ، وندیک ایالتی ایله رومانک الحاقی [۱۸۶۶ - ۷۰] ، فرقه‌لرک تشکلی و غوائل داخلی [۱۸۶۱ - ۷۰] ، قونسورته‌ریا [۱۸۶۱ - ۷۶] ، صول جناحک موقع اقتداره کچمه‌سی [۱۸۷۶] ، اتفاق مثک و شخصی رقابتلر ، قریسپینک حکومتی [۱۸۸۷ - ۹۶] ، تعریف مؤلفات .

اون ایکنجی باب : اتحاددن اول آلمانیا ۶۳

۱۸۱۴ ده آلمانیا ، جرمانیا حکومت متفقہ سنک تشکلی [۱۸۱۵] ، حکومت خصوصیه و قوانین اساسیه ، آلمانیا فرقه‌لر ، دارالفنونلرک تزییق [۱۸۱۸ - ۲۰] ، جنوب حکومت مشروطه سنک مخالفی ، ۱۸۳۰ حرکات احرارانه‌سی ، ۱۸۴۰ دن صکره‌کی حرکات احرارانه ، آلمانیا ده ۱۸۴۸ انقلابی ، فرانقفورت شورای امتی ، پروسیه اتحادی ، آلمانیا ده ارتجاع ، تعریف مؤلفات .

اون اوچنجی باب : اداره مطلقه زماننده اوستریا ایمپراطورلغی ۹۶

۱۸۱۴ ده اوستریا ایمپراطورلغی ، مجارستانده حرکات ملیه ، اسلاولرک حرکات ملیه‌سی ، آلمانلرک حرکات احرارانه‌سی ، ۱۸۴۸ انقلابی ، مجارستانده انقلاب ، محاربه داخلی و تأدیب و تنکیل ، مجارستانده محاربه ، ۱۸۴۹ ده حکومت مطلقه نیک یکیدن تأسسی ، ۱۸۵۵ قونقورداسی ، تعریف مؤلفات .

اون دردنجی باب : برنجی ویلهلمدن اول پروسیه قراللغی ۱۲۵

ناپولئون محارباتی ائشاننده پروسیه نیک اصلاحاتی ، شرائط حیات سیاسییه ، حکومت مطلقه طرفدارلرینک اصلاحاتی [۱۸۱۴ - ۲۳] ، ولایات مجلسنک تشکیلی [۱۸۱۵ - ۲۵] ، اوچنجی فره‌دریق ویلهلمک اوخر حکومتی ، دردنجی فره‌دریق ویلهلمک تشبثاتی [۱۸۲۰ - ۴۷] ، لانتاغ مجلسنک اجتماعی [۱۸۴۷] ، ۱۸۴۸ انقلابی ، شورای امت ، ۱۸۵۰ قانون اساسیسی ، ارتجاع [۱۸۵۰ - ۵۹] ، پروسیه نیک آلمانیا ده تشبثاتی ، تعریف مؤلفات .

اون بشنجی باب : آلمان اتحادینک تشکلی ۱۶۲

پروسیه اردوسنک اصلاحی [۱۸۵۹ - ۶۰] ، فرقه ترقیپروورانک تشکلی [۱۸۶۱ - ۶۲] ، حقوق اساسیه اختلافاتو [۱۸۶۲ - ۶۶] ، آلمانیا ده حرکات ملیه و احرارانه [۱۸۵۹ - ۶۴] ، دوقه‌فلر بحرانی [۱۸۶۴ - ۶۶] ، هیئت متفقہ نیک طاغیلمسی ، پروسیه نیک توسمی [۱۸۶۶] ، فرقه لرحه تحولات [۱۸۶۶ - ۷۰] ، جنوبی آلمانیا ، ایمپراطورلغک تأسسی [۱۸۷۰ - ۷۱] ، تعریف مؤلفات .

صفحه

سکزنجی باب : پهینی با (بلچیکا وهولاندا) ۳۰۱
 پهینی با قرالغنگ تشکلی ، بلچیکا فرقه مخالفه سی ، ۱۸۳۰ انقلابی ، بلچیکا قرالغنگ تشکلی .
 ۱۸۳۰ دن صکره پهینی با قرالغنی :
 ۱۸۴۸ قانون اساسی ، لوکسمبورغ .
 بلچیکا قرالغنی :

فرقه لرك تشکلی ، قاتولیکرله احرار آره سنده مجادلات ، مکتب قانونی ، آرای عمومی
 اصولنک تطبیقی ، تعریف مؤلفات .

طقوزنجی باب : اسویجره ۳۳۵
 ۱۸۱۴ ده اسویجره ، حکومت قدیمه نك اعاده سی دوری [۱۸۱۴ - ۳۰] ، دوره
 تجدد [۱۸۲۹ - ۳۷] ، منازعات محلیه [۱۸۳۷ - ۴۵] ، زوندر بوند و محاربه داخلیه
 [۱۸۴۰ - ۴۷] ، ۱۸۴۸ قانون اساسی مشترکی ، بلاواسطه حکومت اصولنک تطبیقی ،
 تکلیف و تصدیق قانون اساسی . تکلیف و تصدیق قوانین ، قانون اساسی مشترک
 تعدیل ، ۱۸۴۸ دن صکره سیاسی فرقه لرك تحولانی ، تعریف مؤلفات .
 اوتنجی باب : اسپانیا و پورتیکیز ۳۷۲
 اسپانیا :

۱۴۱۴ اطورلق محارباتی صوکنده اسپانیا ، ۱۸۱۴ ده حکومت مطلقه نك یکیدن تأسسی ،
 ۱۸۲۰ انقلابی ، ۱۸۲۳ ده حکومت مطلقه نك یکیدن تأسسی ، وراثت منازعه سی
 [۱۸۲۰ - ۲۳] ، ۱۸۳۴ نظامنامه اساسی و ۱۸۳۷ قانون اساسی ، قارلیت
 محاربه سی [۱۸۳۴ - ۳۹] ، ۱۸۵۱ قونشوردنسی و فرقه لرك طاغیله سی ، اتحاد احرار
 و ۱۸۵۴ انقلابی . ۱۸۶۸ انقلابی ، ۱۸۶۹ قانون اساسی ، جمهوریت [۱۸۷۳ -
 ۷۴] ، ۱۸۷۴ ده قرالغنگ اعاده سی ، حکومت مشروطه .
 پورتیکیز :

۱۸۲۶ قانون اساسی ، شارلیستلر ایله سه پتان بریستلر آره سنده مجادلات [۱۸۳۴ -
 ۴۲] ، تجدد فرقه سی و بودجه آچینی ، تعریف مؤلفات .



ایکینجی جلد

اون برنجی باب : ایٹالیا ۳
 ایٹالیاده حکومت قدیمه نك اعاده تأسسی ، ۱۸۲۰ و ۱۸۲۱ انقلابات عسکریه سی ،

ایرلندا فرقه سنک تشکلی ، فرقه احرار ایله ایرلندا فرقه سی آرہ سندہ مجادلہ ، انتخاب اصلاحاتی [۱۸۸۴ - ۸۵] ، فرقه احرارک طاغیامسی [۱۸۸۵ - ۸۶] ، اتحادیون ہیئت وکلاسی [۱۸۸۶ - ۹۲] ، اشتراکیون فرقه لرینک تأسسی [۱۸۸۴ - ۹۲] ، ہیئت وکلاسی احرارک تشبثاتی [۱۸۹۲ - ۹۵] ، اتحادیونک موقع اقتداره عودتلی [۱۸۹۵] ، اون طنوزنجی عصرده انکلزہنک تکامل سیاسی ، تعریف مؤلفات .

فرانسہ

صحیفہ

۱۴۱ بشنجی باب : حکومت مکلفین بوربونلره اعادہ حکومت ، برانک موضوعات سیاسیسی ، شرائط حیات سیاسیہ ، (یوزکون) وایکنجی دفعہ اعادہ حکومت ، یوزکونک نتایجی ، مقابل اختلال بحرانی [۱۸۱۵ - ۱۶] ، مشروطیت فرقه سنک دورہ حکومتی [۱۸۱۶ - ۲۰] ، صاغ جناحک دورہ حکومتی [۱۸۲۰ - ۲۷] ، قرال ایله مجلس مبعوثان آرہ سندہ اختلاف [۱۸۲۷ - ۳۰] ، ۱۸۳۰ اختلالی ، لوئی فیلیپک اداره سیاسیسی ، فرقه لر منازعه سی [۱۸۳۰ - ۳۱] ، قیاملر علیہندہ مجادلہ [۱۸۳۹ - ۴۴] ، جمهوریت فرقه سنک مغلوبیتی [۱۸۳۴ - ۳۵] ، اشتراکیون فرقه سنک تشکلی ، مجلس مبعوثانہ مجادلات [۱۸۳۶ - ۴۰] ، کیزو ہیئت وکلاسی [۱۸۳۰ - ۴۸] ، قاتولیک وعوام فرقه مخالفلری ، حکومت مکلفینک اجرائی ، تعریف مؤلفات .

۲۰۶ آلتنجی باب : جمهوریت و سلطنت عامہ ۱۸۴۸ انقلابی ، حکومت موقتهدہ مجادلات ، قانون اساسی تنظیمنه مأمور شورای امتک دورہ حکومتی . قراللق طرفداری فرقه لریک دورہ حکومتی ، رئیس جمهور ایله شورای امت آرہ سندہ اختلاف ، حکومت شخصیه نک تأسسی [۱۸۵۱ - ۵۲] ، سلطنت مستبدہ [۱۸۵۲ - ۶۰] ، اداره مستبدہ نک تحقیقی [۱۸۶۰ - ۶۶] ، مبعادات احرارانه [۱۸۶۷ - ۶۹] ، سلطنت احرارانه و فرقه افراطیون [۱۸۶۹ - ۷۰] تعریف مؤلفات .

۲۵۰ یدنجی باب : جمهوریت مدافعہ ملیہ حکومتی ، مجلس ملی وقومون انتخابی ، تیرک حکومتی [۱۸۷۱ - ۷۳] ، قراللق فرقه لرینک حکومتی [۱۸۷۳ - ۷۵] ، ۱۸۷۵ قانون اساسیسی ، رئیس ایله مجلس مبعوثان آرہ سندہ جدال [۱۸۷۶ - ۷۹] ، جمهوریت فرقه سنک غلبه سی و تحولاتی [۱۸۷۹ - ۸۴] ، جمهوریت فرقه سنک انقسامی و محافظه کاران فرقه سنک یکیدن تشکلی [۱۸۸۴ - ۸۷] ، بولانژہ بحرانی [۱۸۸۷ - ۸۹] ، اقصای یسار ویمین فرقه لرندہ تحولات ، فرقه لریک تصنیف جدیدی ، اون طنوزنجی عصرده فرانسہ نک تکامل سیاسی ، تعریف مؤلفات .

فہرس

برنجی جلد

صفحہ	
۲	مقدمہ مؤلف
۱۳	مدخل مترجم
۲۳	برنجی باب : ۱۸۱۴ دہ اورویا : ناپولٹونک انقراض سلطنتی ، ویانہ مؤتمر کبیری ، تنظیم و تقسیم ممالک ، ۱۸۱۵ دن صکرہ اورویا ؛ تعریف مؤلفات .

انگلترہ

۳۵	ایکنجی باب : ۱۸۳۲ اصلاحات، قدر انگلترہ . انگلترہ اولیٰ اصول ادارہ قدیمہ : حکومت مرکزیہ ، حکومت محلیہ ، اصول انتخاب ، کلیسالر ، ایرلندا احوالی ، اصلاحات : فکر اصلاحات ، فرقہ مفرطہ نک تحریکاتی واستثنا قانونلری [۱۸۱۶-۱۸۱۹] ، اصلاحات جزئیہ [۱۸۲۰-۲۷] ، قانونلیرک خلاصی ، ۱۸۳۲ سنہسی انتخاب اصلاحاتی ، تعریف مؤلفات .
۶۹	اوجنجی باب : ایکی صنف اصلاحات آرہ سندہ انگلترہ [۱۸۳۲ - ۶۷] . حیات سیاسیہ نک یکی شرائطی ، ادارہ اصلاحاتی [۱۸۳۳ - ۴۰] ، تراد اونیون دنیلن جمعیتلرہ منسوب عملہ تحریکاتی [۱۸۳۲-۳۴] ، شارٹیسٹرک تحریکاتی [۱۸۳۷-۴۸] ، ایرلندا الیرک تحریکاتی [۱۸۳۲ - ۴۴] ، سربستی مبادلہ طرفدارلیرنک تحریکاتی [۱۸۳۸ - ۴۶] ، عملہ قانونلری ، دورہ سکون ، حاکمیت عامہ فکرلیرنک انکشافی [۱۸۴۹ - ۶۵] ، ۱۸۶۷ انتخاب اصلاحاتی ، تعریف مؤلفات .
۶۰۳	دردنجی باب : انگلترہ عامہ . حیات سیاسیہ نک شرائط جدیدہسی ، ابلک غلادستون ہیٹ وکلاسینک اصلاحاتی [۱۸۶۸ - ۷۴] ، تراد اونیونلر حقندہ قانونلر وضعی ، محافظہ کار ہیٹ وکلاسینک امپریالیست سیاسی [۱۸۷۴ - ۸۰] ، ہوم رول یعنی حکومت محلیہ نامندہ کی

اصول مشورتی تطبیق و قاتولیک ، اشتراکیون فرقه لرینک اساسنی وضع ایتدی . -
 ثانیاً ؛ ۱۸۴۸ انقلابی آرای عمومیہ اصولنک تطبیقی ، اورویای وسطانک اتحاد ملیسنی
 تأمین ، قاتولیک و اشتراکیون فرقه لرینی تشکیل ایلدی . - ثالثاً ؛ ۱۸۷۰ محاربه سی آلمان
 ایمپراطورلغنی وجوده کتیردی ، بو ایمپراطورلنه (اوروپا) ده بر موقع ممتاز تأمین ،
 (پاپا) نك حکومت جسمانیه سی محو ، فن حربی تماماً دکیشدیره رک صلح مسلح
 اصولنی وضع ایتدی .

۱۸۳۰ انقلابی اوتخی (شارل) ک تجربه سز لکندن استفاده ایدن جزئی مقدار جمهوریت
 طرفدارلرینک ؛ ۱۸۴۸ انقلابی (لوتی فیلپ) ک یأس و نومیدینسی فرصت اتخاذ ایلین
 حاکمیت عامه طرفدارلرینک ، اشتراکیونک ؛ ۱۸۷۰ محاربه سی اوچنجی (ناپولئون) ک
 سیاست شخصیہ سندن مستفید اولان (بسمارق) ک اثری ایدی . ایشته بو اوچ وقعه ناکهانی
 ایچون بتون (اوروپا) یه شامل هیچ بر معنوی ، سیاسی و اقتصادی برسبب عمومی ارأه
 ایدیله مز . عصر حاضرده کی (اوروپا) نك تحولات سیاسیہ سی بردنبره ظهور ایدن بو
 حادثه لرک نتیجه قطعیہ سیدر .

صوک



فرقه‌لره تلقينه ابتدار ايتديلر . — فرقهٔ محافظه‌كار ، (پروتستان) مملكتلرنده قاتوليك فرقه‌سيه برلشمكه ، ياخود اتفاق ايتمكه ميل ايدر ك كليسانك حكم ونفوذني تايمينه چاليشيور . — حاكيت عامه فرقه‌سي ، افكار اشتراكوني قبول ايدييور و پروغرامني تماماً موقع تطبيقه قويديني مملكتلرده بر طاقم اصلاحات اجتماعيه اجراسنه صرف غيرت ايليور .

بو صورتله بتون فرقه‌لر ، (بلجيقا) ده اولديغي كچي ، بري محافظه‌كار وديكري حاكيت عامه طرفداري اولمق اوزره ايكي بيوك فرقه تشكيلنه وسياستي آنجق بر آلت ، بر واسطه عد ايدن قاتوليك و اشتراكيون فرقه‌لرينك افكار ونظرياتي قبوله ميل ايدييورلر . قاتوليكلر ايله اشتراكيونه كلنجه ؛ بونلر يكديكرينه تماماً ضد اولان نظريه‌لريني حيات سياسييه ادخال ايتمكه چاليشيورلر . كليسا ، حق حاكيتك يوقايدن آشاغي به طوغري اجراسي ، طرف الپيندن بو وظيفه ايله مكلف رؤسا طرفندن استعمالي نظريهٔ قديمه‌سنه صادق قاليور ؛ اشتراكيون ايسه ، حاكيت عامه اساسنه توفيقاً ، حق حاكيتك آشاغيدن يوقاري به طوغري اجراسندن ، يعني وكلاي ملت طرفندن استعمالندن بشقه بر فكر قبول ايتيورلر . — فقط هر مملكتده حيات سياسيه‌نك اداره‌سي شوراي امتلرده كي متوسط فرقه‌لر اننده بولنيور ، بونلر نظري بر مسلك تعقيب ايده جكلرينه ادارهٔ امورلر ايله مشغول اوليورلر ، ايكي مفرط فرقه‌نك بربرينه تاميله مخالف اولان مسلكلري آره‌سنده كي اختلافات و مصادماتي تخفيف ايدر ك ، اك شديد مباحثات و مبارزات آره‌سنده (اوروپا) يه بك چوق زماندن بري مجهول اولان صلح و مسالمتي ، حریت سياسييه تايمين ايدييورلر .

حادثات عظيمه‌نك اسباب مهمه يه عطف واسنادي حقتنده كي ميل طبيعي ، بزي ده تحولات سياسييه — طبق تحولات ارضيه كچي — تاثيرات شخصيه دن دها درين ، دها قوتلي اسباب تحريسنه سوق ايدييور . فقط اون طقوزنجي عصر تاريخي بو نظريه يه پكده توافق ايتيور .

يالكز (انكلتره) ، (نوروج) و (اسوج) مملكتلرنده تحولات سياسييه ، تكملات مهمديهٔ داخلينه‌نك نتيجه‌سي كچي كورونيور . (اوروپا) ممالكنك قسم متباقيسي ، ۱۸۱۴ و ۱۸۷۰ تاريخلري آراسنده ، برطاقم ناكهاني وقايمك تاثيريله آني بحر اترله دوچار اولمشدر : اولاً ؛ (اوروپا) نك انقلابه قارشى اتناقني رخنه دار ايدن ۱۸۳۰ انقلابي ممالك غربيه ده

اوروپای وسطاده [آلمانیا ، ایتالیا ، مجارستان] ملی فرقه‌لر حکومت جدیده ملیه ایله اتفاق ایدرک مخالفلری ضعیف دوشوردیلر . فقط سیاست داخلیدهکی تحولات ، بطائت کسب ایتیش اولقله برابر ، صلح ومسالمت دأرهنده دوام ایتدی وسیاسی فرقه‌لر تدریجی بر تکامل نتیجه‌سی اوله‌رق یواش یواش حاکمیت عامه اساسنه میل ایلدیلر ، - حکومتلر ، مطلقیت اداره‌ینی ترک ایدیورلردی ؛ فرقهٔ محافظه‌کار، حکومتلری تعقیبه مجبور اولدیغیندن ، قدیم فرقهٔ احرارک پروغرامنی قبول ایلدی . - اصول مشورت فرقه‌سی ، آرای محدوده اصولی محافظه ایده‌مدیکی ایچون ، حاکمیت عامه پروغرامنه یاقلاشمغه مجبور اولدی . الحاصل صنف متوسطدن چیقان ایکی فرقهٔ احرار همان تماماً برلشدی ، مشروطیت فرقه‌سی محافظه‌کارلره ، اصول مشورت فرقه‌سی حاکمیت عامه طرفدارلرینه قاریشدی . - (نوروج) ، قوتلی بر اردونک فقدانندن و ۱۸۱۴ قانون اساسیسنک انقلاب پرورانه اولسنندن بالاستفاده قرالی حاکمیت عامه قاعده‌سنه موافق بر اصول مشورتی قبوله مجبور ایتدی . - (انگلتره) ده (ایرلندا) فرقه‌سیله برلشمسندن طولایی تشکیلات اصلیه‌سی بوزولان فرقهٔ احرار فرقهٔ مفرطیه قاریشدی . - (بلجیقا) ده ، حق انتخابک معین مقدار ویرکو ویرنلره حصر ایدلسی اصولنه طرفدار اولان قدیم فرقهٔ احرار ، مجلس مبعوثانجه عمله انقلابنک وقوعنی منع ایچون قبول ایدیلان آرای عمومی اصولنک تطیقتی متعاقب اورته‌دن غائب اولدی . - (فرانسه) ده ، (ایتالیا) ده ، (آلمانیا) ده قدیم شورای امت فرقه‌لری انتخابتده حاکمیت عامه طرفداری افراطیونه رقابت ایده‌مدکلرندن اهمیتلرینی غائب ایتدیلر . الحاصل (اورویا) ده محافظه‌کارلر و حاکمیت عامه طرفداری نامیله یالکز ایکی فرقه‌ قالدی ، فقط بونلر ۱۸۱۵دهکی فرقه‌لر کبی بربرلندن او قدر اوزاق دکلدیلر ، چونکه محافظه‌کارلری احارره تقریب ایدن تحولات سیاسیه ، عینی زمانده بونلری حاکمیت عامه فکرینه دخی یاقلاشدیرمشدی . (بسمارق) ، ایکنجی (ویلهلم) ، (دیسرائینی) ، اوچنجی (ناپولئون) وقوت دو (پاری) حاکمیت عامه اساسنه مستندیکی برطرز حکومت توصیه ایتشلدرد ، که بو اصولده حکمدار ملتک صداقته استناداً حکومت شخصییه مالک اوله‌جق ، سیاست مملکتی اداره ایدن حکمدار و آرای عمومیه اصولیله حکمدارک افعال وحرکاتی تصدیق ایلین تبعه آره‌سنده دائمی بر ائتلاف موجود بولنه‌جقدر .

ایکی فرقهٔ بین‌الملل ، قاتولیکلر ایله اشتراکیون ، تشکیلات اساسیه‌لرینی اکیال ایدرک حیات سیاسییه‌ده بر موقع دائمی احراز وافکار ونظریات مخصوصه‌لرینی قدیم سیاسی

او صرهده (اوروپا) موازنه دوليهسى ، محاربه دن طولاني ، آلت اوست اولمشدى .
 او زمانه قدر ايكنجى درجه ده بر دولت اولان (پروسه) ، (ناپولئون) ه قارشى
 وقوع بولان محاربات ائناسنده قبول ايتديكى خدمت عسكريه اصولنى بك ماهرانه بر
 اداره عسكريه واك مكممل اسلحه ايله مزج ايدرک ۱۸۶۶ دن اعتباراً (آلمانيا) ده
 و ۱۸۷۰ دن صكره (اوروپا) ده مهم بر تفوق عسكرى به مالك اولدى .

۱۸۷۰ حربى ، محاربات مليه بحرانه نهايت ويردى . (اوروپا) ده تفوق ايدن
 (آلمانيا) ديكر حكومتلى كندى اصول عسكرىنى قبوله مجبور ايتدى ومحاربه ينى
 صوك درجه مدھش برحاله كتيره رك ظهور حربك اوكنى الدى . (آلساس - لورھن)
 قطعه سنى الحاق ايتسندن طولاني (فرانسه) ايله كندى آرسنده توليد ايلديكى
 خصومت دائمه نك تاثيريله (اوروپا) سياست خارجيه سنى محافظه صالح ومسالت
 ايچون واقع اولان تشبھات ديپلوماتيقيه دن عبارت قالدى . حرکات حزبيه شرقه ،
 (اوروپا) خارجه نقل اولندى . شرق مسئله سى ، (اوروپا) دولترينك رقابتندن
 طولاني بر صورت معقوله ده حل ايديله ميكنندن ، يواش يواش ، فقط نا تمام بر حالده ،
 خريستان حكومتلك تشكلى صورتيه نقطه حله طوغرى ايلرلدى ؛ (اوروپا) دن
 مقتبس اشكال سياسيه آلتده وجوده كان خريستان حكومات جديده سى دولتر
 آرسنده كى نفوذ رقابتك و . (اوروپا) مدنيتي ايله عادات مليه آرسنده كى اختلافاتك
 تحت تاثيرنده قالديلر .

محاربه احتمالى قالدى . ضابطه نك تكملى ، قواى عسكريه نك عظمت وهيتى
 انقلابلك وقوعى امكان خارجه چيقاردى . هر حكومت ، تحولات وتكميلات
 عسكريه نك حين وقوعنده كى شكل اداره سنى محافظه ايتدى ؛ حكومتلر ، اردونك نه
 بيوك بر قوت اولديتى آكلادقلرندن مشروطيت اداره نك اصول مشورته متقاب اولمىنى
 انتاج ايدن تحولات سياسيه ينى توقيف ايلديلر . يالكز (فرانسه) ، اردولرندن محروم
 اولان ايمپراطورلغه نهايت ويردى وحاكيت عامه اساسنه . وفاق بر اصول مشورت
 تاسيس ايتدى ؛ بو اصول اداره مؤسسلىرى بك چوق زمان قراللق طرفدارى قاتوليك
 فرقه ليله اوغراشدق دن صكره فرقه مفرطه ينى موقع اقتداره چيقارديلر ؛ شمى
 (فرانسه) ، ملك طوغرى دن صكره فرقه مفرطه ينى موقع اقتداره چيقارديلر ؛ شمى
 آغير ، فقط امين خطوه لرله يورييور . ديكر حكومتلر ، اولكى طرز اداره لرئى
 محافظه ايتدیلر ، يعنى غرب اصول مشورته ، وسط اصول مشروطيته قالدى .

اساساً حکومت شخصیته آلتده قالمش کویلی بر ملت اولان (صربستان) ، نیابت زماننده ، حاکمیت عامهیه موافق بر قانون اساسییه نائل اولدی .

(اسپانیا) ، ۱۸۶۸ ده وقوعه کلن بر انقلاب نتیجهسنده ، سریع بر تحول ایله ، نفوذ رهباندن آزاده ، آرای عمومیه اصولنی قبول ایتمش بر حکومت مشروطه‌دن (آمریکا) طرزنده بر جمهوریت عامهیه کچدی ؛ ۱۸۷۴ سنهسنده عسکرلر یکیدن امور حکومتی‌اله آلدقارندن وکلا ورهباڤک تحت نفوذنده بر اداره مشروطیه عودت ایتدی . (اسویچره) ، قانتونلردن هر برینک کندی قانون اساسیسنی تعدیل ایتسی نتیجهسی اوله‌رق ، افراد ملتک تنظیم قوانینه طوغریدن طوغرییه اشتراکی اصولنی ایلك دفعه اولمق اوزره موقع تجربهیه قویدی .

وسطی (اوروپا) دن اخراج ایدیلن مطلقیت اداره . ایکی شرق حکومتده ، (روسیه) ایله دولت عثمانیه‌ده دوام ایتدی . ۱۸۱۵ و ۱۸۵۲ ده بتون (اوروپا) ده جاری اولان بو اصول اداره‌دن شمدی یالکیز بر خاطره قالدی . اداره احرازانه ، غریبه حاکمیت عامه اساسنه موافق اصول مشورت ، وسطده اصول مشروطیت شککنده (اوروپا) نک حکومت معناده‌سی اولدی . حکومتلر ، احراز فرقه‌لرینی موقع اقتداره کتیردیلر ، امور ادارهیه بونلری‌ده اشتراک ایتدیردیلر . — حریت سیاسی‌ینی تأمین ایدن بو اصول اداره هریرده تقرر ایدنجه حاکمیت عامه فرقه‌لری یکیدن تشکل ایتدیلر : (فرانسه) ده جمهوریت فرقه مفرطه‌سی ، (ایتالیا) ده قراللق طرفدارلریله برلشن فرقه مفرطه ، (آلمانیا) ده فرقه اشتراکیون ، (اسقاندیناویا) ممالککنده کویلی فرقه‌سی .

ایکی فرقه بین‌الملل ، قاتولیکلر ایله اشتراکیون ، دخی یکیدن میدانه چیقیدیلر . — حکومتلرک سیاست جدیده جسمانی‌لری قارشیسنده تدافی بروضعیتده قالمغه مجبور اولان قاتولیک فرقه‌سی (پاپا) نک (ایتالیا) قرالغی وحریت جدیده علمهنده کی اعتراضاتندن قوت آله‌رق انقلابه مقاومت ایدیور [۱۸۶۴] ؛ کلیساک حقوقی مسئلهسندن طولایی بتون حکومتلره اختلاف چیقاریور ، (بلجیقا) دن ماعدا هریرده رجعت ایلور ، فقط مجاهده سیاسیه ایچون تشکیلات جدیدیه باشلاپوردی . — ۱۸۴۸ انقلابیورلردن حیاطده قالنلرک مساعیسه یکیدن تشکل ایدن فرقه اشتراکیون بین‌الملل بر جمعیت تشکیلنه تشبث ایتدکن صکره اولا ، (آلمانیا) ده — که بوراده بر فرقه مفرطه مقامنده ایدی — ، بعده دیگر مملکتلرده ملی فرقه‌لر تشکلنی آلدی . دائمی بر هیئت اداره آلتیده ، حاکمیت عامه اجتماعیه پروغرامنی تطبیقه باشلادی .

عامه اساسنه بدرجهيه قدر موافق اولان اصول اتخاني ، مأمورين حكومتك مجالس مليه جه تحت مراقبه بولنديرلمسي اصولني محافظه ايتدي .

(سارديا) حكومت انقلابيه سنك اتحاد ملي نامنه اوله رق جمهوريت طرفدار ليله ائتلاف ايتمسي اوزرينه اساسي حاضرلنان (ايتاليا) ، بتون ايتاليان حكومتلرينك — اهلينك آرزوي قطعي سي ايله و (پاپا) نك اعتراضاتنه رغماً — برر برر سادنيا قرالغنه التحاقرلي نتيجه سنده وجوده كلدي . مشروطيت اداره محافظه اولندي و قاتوليك محافظه كارلر ك حيات سياسي دن چكيلملي سايه سنده ، جنوب افراطيو ني طرفدن اصول مشورت و حاكميت عامه تماماً تطبيق ايدلدي .

او زمانه قدر تحولات سياسي خارجنده قالمش اولان (روسيه) بيله ايكسچي (آلکساندر) ك اصلاحاتي سايه سنده بشقه برشكاه كيرمكه باشلادي ؛ اصحاب املاك النده اسير اولان كويليلر تخلص ، مجالس مليه تأسيس ايدلدي ؛ عدليه نك اصلاحي ، مطبوعاتك كسب اهميت ايتمسي اوزرينه (چار) ك حكومت شخصيه سي آلتنده برروس ملتي ، برروس افكار عموميه سي تشكك ايتمكه باشلادي . — (اوروپا) افكار عموميه سندن جسارت آلان (لهيلير) ، مملكتلرنده حاكميت عامه اساسنه مستند بر حكومت مليه تأسيسي ايجون عصيان ايتديلر ؛ فقط (اوروپا) حكومتلري سلاح ايله معاوتنه جسارت ايدمدكلرندن لهيلير (اسلاو) ملتك اتحادي نامنه ازيلديلر . هر مملكت حريته طوغري يورور ايكن (لهستان) مطلقيت اداره يه طوغري كريلدي ، دين و ملت نامنه انواع تضيقاته دوچار اولدي .

مخاربه نتيجه سنده دو قه قلدردن آريلان (دانمارقه) ، ۱۸۴۸ ده باشلايان بحراندن ، حاكميت عامه اساسنه موافق بر مشروطيت اداره ني قبول ايتك صورتيله ، چيقدی [۱۸۶۶] ؛ مع مافيه ۱۸۸۶ دن ۱۸۹۲ سنه سنه قدر دوام ايدن اختلافاتك دخی اثبات ايتديكي وجهله حاكميت حقيقيه قرالده قالدی . — (اسوچ) ، قديم مجلس عموميسي طرز جديدده برشوراي امته تحويل ايتدي و حاكميت عامه قاعده سنه موافق بر مشروطيت اداره يه داخل اولدي .

دولت عثمانيه دن آريلان خريستان حكومات جديده سنده كي تحولات سياسي دخی (اوروپا) طرزنده در . (يونانستان) ۱۸۶۱ ده وقوعه كلن بر انقلاب ايله مشروطيت اداره دن اصول مشورته كچدی ، صنف زادكاني بولنديغندن بر مجلس مبعوثان ايله حاكميت عامه اساسني تطبيق ايتدي . — (رومانيا) ، ۱۸۶۶ انقلابي ايله حكومت سخيه دن قورتيله رق اصول مشورته يقين ، فقط خواصك تحت نفوذده بر طرز اداره قبول ايدی . —

استدار ایتمسنة معاونت ایلدی . هرایکی اتحاد ، (فرانسه) نك ۱۸۷۰ - ۷۱ مغلوبیتی اوزرینه تمام اولدی .

۱۸۵۹ سنهسنده باشلایان ایلک محاربه ملیه دوره ارتجاعیه ختام ویردی . ۱۸۴۹ سنهسندن بری موقع تطبیقه وضع ایدیلن مطلقیت ادارهیی آرتق هیچ کیمسه نظری بر صورتده مدافعه ایتموردی ؛ واقعا (اوروپا) نك افکار منوره قسمی هنوز فرانسه طرزندهکی حاکمیت عامه انقلابلرندن نفرت ایدیوردی ، فقط انکیز قواعد احرارانه سنی ، « سلف غووه رنمت » اصولنی تقدیر ایتمک باشلامشدی . (اوروپا) نك همان هر طرفنده اون سنه قدر ، حکومتلرک معاوتیه ، افکار احرارانه ترقی ایتدی ، مؤسسات وقوانین سیاسیهده تحولات عظیمه وقوعه کلدی . ایشته حال حاضردهکی (اوروپا) صلح ومساملت ایچنده وقوعه کلن بوانقلابک محصولدر .

(انکلتره) ، ۱۸۶۷ انتخاب اصلاحاتی ایله ، حاکمیت عامه قاعدهسنه موافق بر اصول مشورته کچدی . - (فرانسه) ، ایمراطورک مساعدات متابعهسی نتیجهسنده ، اصول مشورته یقین ، قسماً احرارانه وحاکمیت عامه اساسنه موافق بر مشروطیت ادارهیه واصل اولدی .

(اوستریا) ، مشکلات وغوائل مالیهنک تضییقی آلتنده ، حق انتخابده خواص غلبه ایتمک شرطیه ، بر مشروطیت اداره قبول ایتدی . بعده ، مرکزیت اصولنی محافظه ایتمک ایستین (آلمان) ملت حاکمسی ایله بر هیئت متفقه تشکیلی ایچون زادکان ورهبان کی طرز قدیم اداره طرفداری فرقه لری دائرة اتفاقه جلب ایدن (مجار) ، (چه) ، (له) و (اسلوهون) ملت محکومه لری آردسندهکی منازعات واختلافانک سبب اولدینی شدتلی بربحران کچیردی . نهایت ، مملکت ، اجانبه قارشی متحد ایکی حکومته ایرلدی : ۱۸۴۸ انقلابی اثناسندهکی اصول مشورتی قبول ایدن (مجارستان) ؛ آلمانلرک تحت نفوزنده اصول مرکزیت موافق مشروطیت ادارهیی محافظه ایلین (اوستریا) .

(پروسیه) ده هیئت وکلای محافظه کار [۱۸۶۲ - ۶۶] ، شورای امتدهکی فرقه مخالفه ایله اوزون مدت اوغراشدقندن صکره (اوستریا) محاربهسنده احراز ایلدیکي مظفریت عسکریه دن بالاستفاده حکم ونفوذی قرال ایله مأمورلرینه براقان برنوع عسکری مشروطیت ادارهیی تأسیسه موفق اولدی . (آلمانی) ده اتحادملی ؛ آرای عمومیه ، (پروسیه) طرزنده خدمت عسکریه ، (پروسیه) قرالنک حق حاکمیتی اساسلرینه مبتنی اوله رق تأسس ایتدی [۱۸۶۷] . ایمراطورلغک تشکلی [۱۸۷۱] بتون آلمان حکومتلرینی بو اتحادده ادخال ایلدی ؛ هربر حکومت ، مشروطیت اداره سنی ، حاکمیت

(فرانسه) بر مطلقیت ادارهٔ عسکریه به عودت ایدنجه به قدر کری به دوندی. (اسپانیا) ده ، مشروطیت اداره شکل ظاهریسی آلتنده حکومت شخصیه یرلشدی .

انقلاب علیهنده کی تشبثلری صره سننده صاحب تجربه ومعلومات اولان حکومتلر ، بتون قوهٔ محافظه کارانی بر نقطه ده جمع ایتدیلر ؛ افکار اشتراکیوندن قورقان صنف متوسط اهالی ایله (روما) جمهوریتنك آشکلندن تلاش ایدن (پایا) حکومتلره ظهیر اولدیلر . - انقلاب فرقه لری وبونلرک مطبوعات واجتماع کبی وسائط اجراییه سی علیهنده واقع اولان تضییقات حکومتلرک ، سیاسی فرقه لر طرفندن دکل ، حتی شورای امتلر طرفندن بیله ، تحت تقشش ومراقبه ده بولندیرلمسی اصولئی میداندن قالدیردی . بونک اوزرینه (اسویچره) ایله ۱۸۴۸ انقلابی خارجنده قالان مملکتلر ، یعنی (انگلتره) ، (بلجیقا) ، (بهینی با) و (نوروچ) مستثنا اولمق اوزره (اوزوپا) نك هر طرفنده مطلقیت اداره یکیدن تأسس ایتدی . مطلقیت اداره ، اون سنه قدر کال سکون ایله دوام ایلدی ، یالکز (اسپانیا) ده ۱۸۵۴ سنه سننده بر انقلاب وقوعه کله رک مشروطیت اداره اعاده اولندی .

قط ۱۸۴۸ انقلابی اوج مملکتده دائمی بر اثر براقدی : (فرانسه) ده آرای عمومی و حاکمیت ملیه اصوللرینك صورت رسمیه ده تصدیق ؛ (پروسیه) ده حربت سیاسی بی ومحدود بر آرای عمومی اصولئی تأمین ایدن ۱۸۵۰ قانون اساسیسی ؛ (ساردنیا) ده اصول مشورته یاوقین بر حکومت ، حق انتخاب ایچون همان حاکمیت عامه قاعده سنه موافق صورته جزئی بر مقدار ویرکو ایله حکومت جسمانی بی قبول ایدن ۱۸۴۸ نظامات اساسیه سی . بوندن بشقه عقیم قالان اتحاد ملی تشبثاتندن (ساردنیا) ده ایتالیان ، (پروسیه) ده آلمان اتحاد ملیسی وجوده کتیرمک آرزوسی قالمشدی ؛ قدیم بر انقلابیور اولان (ناپولئون) ده شخصاً « ملیت سیاسی » طرفداری ایدی . (ناپولئون) اول امرده (انگلتره) ایله اتفاق ایتدی ، (روسیه) چارینك طریق فتوحانده ایلریلمسنه مانع اولدی ، شرق مسئله سنك تنظیمندن بلاستفاده (رومانیا) حکومت ملیه سنك اساسی وضع ایلدی و (ایتالیا) اتحادی مسئله سنی میدانه چیقاردی . بعده ، اوج حکومت ، (ایتالیا) و (آلمانیا) اتحادلرینه مانع اولان (اوستریا) علیهنده اتفاق ایتدیلر . (ناپولئون) ، اوستریالیلری (ایتالیا) دن چیقاره رق (ساردنیا) نك ایتالیان اتحادینی وجوده کتیرمسنه یاردم ایتدی [۱۸۵۹] ؛ ۱۸۶۶ سنه سننده بیطرف قاهره (پروسیه) نك (اوستریا) بی (آلمانیا) دن اخراج و (آلمان) اتحادینی تأمینه

اجتماعیه ایچون اشتراکیونک تضیقیه موقع تطیقه وضع ایدیلن ایلك تجربه لر حزران طرفنده کی اشتراکیون عصیانده نتیجه سز قالدی .

(فرانسه) انقلابی تقلیداً (اوروپا) نك هر طرفنده حاکمیت عامه فکرینه طوغری بر حرکت انقلابیه مشاهده ایدلدی ؛ بردن بزه وقوعه کلن بو تحریکاتدن قورقان ، انقلابیورولرک قوت و اقتدارینی حقیقتدن فضله ظن ایدن حکومتلر انقلابک وقوعه مساعد طوراندیلر ، یاخود انقلابی بالذات وجوده کتیرمکه راضی اولدیلر . — (پهییبا) قراللی مشروطیت ادارهئی اصول مشورته تحویل ایتدی ، (دانیارقه) قراللی مطلقیت ادارهدن مشروطیت ادارهیه کچدی . — (آلمانیایا) ، (پروسیه) و (اوستریا) ده انقلاب ، ایمپراطورلق وقراللق ایله اردویه طوقونقسزین ، آرای عمومیه ، مساوات حقوق ، مجالس ملیه ، سربستی مطبوعات و اجتماع کبی حاکمیت عامه اساسلرینی قبول ایتدیردی . انقلاب ایله برابر (آلمانیایا) نك اتحاد ملیسنی وجوده کتیرمک ایچونده تشبثات وقوعکدی ؛ اتحاد طرفدارلرینک برقسیمی بتون (آلمانیایا) نك حاکمیت عامه قاعدهسنه توفیقاً برهئت متفقه ، برقسیمی ایسه (پروسیه) قرالک ریاستی آلتنده بر ایمپراطورلق تشکیلی طلب ایتمکده ایدی . — (اوستریا) ده ، آلمان ایالاتنده صرف حاکمیت عامه فکرینه مستند اولان انقلاب ، (مجار) ، (ایتالیان) ، (اسلاو) مملکتلرنده ملی برشیکل آلدی . — (ایتالیایا) ده (ساردنیایا) قراللی غایت واسع آرای عمومیه اصولی قبول ایدرک مشروطیت ادارهیه کچدی و (اوستریا) علینده کی حرکت ملیهیی ادارهیه باشلادی ؛ جمهوریت عامه طرفدارلری وسطی (ایتالیان) ده جمهوریتلر تأسیس ایتدیلر [۱۸۴۹] .

ارتجاع ، حکمدارک امری آلتنده قالان اردولر واسطهسیله وقوعه کلدی ؛ عسکر ، بیوک شهرلرده کی حاکمیت عامه فرقهسنی محو ایتدی . (اوستریا) ده (اسلاو) ملتلرک (آلمان) و (مجار) لره قارشلی حکومت مرکزییه معاونتلیله باشلایان ارتجاعه (پروسیه) قرالی طرفندن اولاکندی مملکتسته ، بعده (آلمانیایا) ده دوام ایدلدی ؛ (ایتالیایا) ده اجنبی اردولری ، (مجارستان) ده روس اردوسنک معاونتی [۱۸۴۹] ، آلمانیده (چار) ک تهدیداتی ، دوقه لقلرده (اوزوپا) نك مداخله سی [۱۸۵۰] ارتجاعی اكمال ایتدی . (فرانسه) ده وقوعه کلن بر ارتجاع داخلی ، قوه اجرائیه ریاستسته (ناپولئون) ی کتیردی ، بعده قوه تشریحیهیی قاتولیک فرقه محافظه کارینه تسلیم ایدلدی ؛ (ناپولئون) ایله قاتولیک فرقه محافظه کاری حاکمیت عامه فرقهسی علینده متفقاً حرکت ایتدکن صکره آرهلرنده اختلاف چیقدی ، نتیجهده ایمپراطورلق تأسیس ایتدی ،

(اسويجره) ده جمهوريت عامه تأسس ايتدى . — (انكلتره) ده عمله ، « شارتيست » لر ، ايرلاندايلر طرفدن تحريكات عظيمه سياسيه اجرا ايدلى [۱۸۳۰ - ۴۸] ، صلحپورانه بيوك نمايشلار ياپىلدى ، فقط نتیجه ده هيچ بر اصلاحات وقوعه كىلدى . — (اوروپا) نك قسم متباقيسى همان بي حركت قالدى [۱۸۳۵ - ۴۷] وفرانسه ، مشروطيت فرقه ليله اداره حكومت ايجون براز كرى به رجعت ايتدى .

بودوره سكونده فرقه لر نشر افكار ايجون چاليشديلر ، اون طقوزنجي عصر ك قسم متباقيسنده بتون دنيا ده اجراي حكم ايدن افكار جديده بي تعيم ايديلر . — بين الملل عدولنه بيله جك درجه ده عمومى ايكي بيكي فرقه تشكىل ايتدى : قاتوليك فرقه سى ، فرقه اشتراكيون [قومونست] . بوفرقره لر ، قديم سياسى فرقه لرك برشكل جديدى اولمق له برابر سياسيه ، آرزو ايتدكلرى انقلاب دينى واجتماعى بي حصوله كتيرمكه بر واسطه ، بر آلت نظريه باقعه باشلاديلر . — قاتوليك فرقه سى ، هر يره محافظه كارلرى وبالخاصه اوزمانه قدر عالم سياسيه عاقل قالمش اولان كويليلرى جمع ايدرك كليسانك حكم ونفوذ قديمى اعاده به چاليشوردى . — حاكيت عامه طرفدارلردن مركب اولان فرقه اشتراكيون آراي عموميه اصولنى طلب ايدىور ، فقط بو اصولى انقلاب اجتماعى بي تأمين ايجون برواسطه دن عبارت عد ايلوردى . — عيني زمانه وسطى (اوروپا) نك هر طرفنده ، (اوستريا) ، (آلمانيا) و (ايتالياده) ده مى فرقه لر تشكىل ايدىوردى . اجنيلردن نفرت و وحدت لسان اساسنه استناد ايدن بوفرقره لر قراللق طرفدارى زادكاندن حاكيت عامه و جمهوريت طرفدارلرينه قدر هر نوع وطنپورانى عيني مقصد اطرافنده جمع ايلورلردى . فقط حكومتلر علمنده ، فرق سياسيه مخالفه ايله برلشديلر وانقلابپور اولديلر .

(فرانسه) ده حاكيت عامه و اصول مشورت فرقه لر نك آرقه سنده كيزلنهر ك نشر افكاره چاليشان بر فرقه اشتراكيون ۱۸۴۸ انقلابى وجوده كتىردى ؛ بو انقلاب نتیجه سنده موقع اقتداره كچن حاكيت عامه طرفدارلر بيله اشتراكيون ، بردن بره ، صرف حاكيت عامه اساسنه مستند بر اصول اداره ، آراي عموميه ، جمهوريت ، حق حاكميته مالك مجلس مى ، صنف عوامدن مركب عساكر مليه ، سربستى مطبوعات [غزته لر ايجون طلب ايديان كفالت تقديه نك الغاسى صورتيله] ، سربستى اجتماع [قلوبلر ، جمعيات سياسيه] كچي اساسلرى وضع ايتديلر . حكومتك افراد ملت ايش تدارك ايتسى ، منافعى عمليه عاقد اولمق اوزره مى دارالصناعه لر تاسيسى كچي اصلاحات

انقلابی ازدیلر و بو فرصتن بالاستفاده « انقلاب » علمنه مداخله نظریه‌سی موضوع بحث ایتمهک باشلادیلر [۱۸۲۰ - ۲۳] .

مطلقیت اداره فرقه‌سنک غلبه‌سی پک آز دوام ایتدی . حکومتلر آره‌سنده کی اتفاق ، ۱۸۱۵ تنظیماتی خارچنده قالان مسائلدن [اسپانیا مستملکاتی ، دولت عثمانیه اموری] متولد اختلافاتک تأثیریه بوزولدی ، ۱۸۳۰ انقلابنده بسبتون اورته‌دن قالقدی . بو انقلاب (پارس) ده بولنان جمهوریت طرفداری حاکمیت عامه فرقه صغیره‌سنک اثری ایدی ؛ فرقه ، اوننجی (شارل) ایله متوسط فرقه‌لر آره‌سنده ظهور ایدن اختلافدن بالاستفاده قیام ایدرک انقلابی وجوده کتیردی . حاکمیت ملیه ، حق انتخابک ویرکو ایله مکلف اهالی‌یه حصر اولمنسی صورتیه اصول مشورت ، عساکر ملیه‌نک قوه سیاسی‌یه مالکیتی ، حریت مطبوعات کبی قواعد اساسیه‌یی (فرانسه) ده تقریر و تطبیق ایتدی . بوکا مشابه ، فقط صلح‌پرووران ، بر انقلاب دخی [۱۸۳۲ اصلاحاتی] انکلتزه‌ده اصول مشورت قطعیه‌یی تأسیس و مجلس مبعوثانک حقیقه وکلای منتخبه‌ملتن مرکب اولمنسی ، حق انتخابک توسیعی تأمین ایتدی . - اصول مشورت طرفدارلرنجه نمونه اتخاذایدیلن فرانسه و انکلیر اصول اداره‌لری ، (فرانسه) و (انکلتزه) حکومتلرینک معاونت‌لریله وقوعه کلن بر انقلاب نتیجه‌سنده ، (بلجیقا) ده تطبیق ایدلدی [۱۸۳۱] . - (اسویجره) ده بوکا بکیزر بر حرکت انقلابیه وسائط مدافعدن محروم اولان محافظه‌کارانی دوشورمهک و بیوک (قانتون) لرده حاکمیت عامه قاعده‌سنی تطبیقه سبب اولدی .

(ایتالیا) ده حرکات انقلابیه عقیم‌قالدی . شرقی (اوروپا) ده (له) ملتک و مشروطیت اداره‌سنک محوینی انتاج ایتدی . (فرانسه) ده حاکمیت عامه فرقه‌سی یکی بر انقلاب حصوله کتیرمک ایستدی ، فقط متفق قدیمی اولان اصول مشورت فرقه‌سی طرفندن محو ایدلدی . (ایبهریا) حکومتلرنده ، ایکی وراثت غوغاسی نتیجه‌سنده ، (اروپا) بی تقلیداً مشروطیت اداره تأسس و فرقه‌لر تشکل ایتدی ، فقط مملکتک قوه حقیقه سیاسی‌یه اردوده قالدی .

(اوروپا) ایکی منطقه‌یه آیرلدی ؛ شرق و وسط مطلقیت اداره‌یی محافظه ایتدی ، غرب اصول مشورتی قبول ایدلدی . اتفاق قدیم ایکی‌یه منقسم اولدی : ۱۸۴۰ شرق مسئله‌سنه قدر دوام ایدن (فرانسه - انکلتزه) ائتلافی ، اوج حکومت محافظه‌کار اتفاق . - (اسویجره) ده انقلابلر ، (زوندر بوند) قاتولیکلرینک مغلوبیتلرینه و ۱۸۴۸ قانون اساسی مشترکنک تنظیمنه قدر دوام و نتیجه‌ده بتون

تحول ايديوردى [۱۸۳۰ دن صكره انكلترده اولديغى كې] . — حق انتخاب توسيع وتشميل ايدينجه و مجلس مبعوثان قواى سائرۈ حكومتك كافهسنه ناقابل مقاومت بر قوت ايله تفوق ايلينجه اصول مشورت يرينه حاكميت عامه اصولى قائم اوليوردي [اسويچرده اولديغى كې] . بناءً عليه حق انتخابك توسيع وتشميلي ، بر جوق تحولات تدريجيه نتيجهسنده ممكن اوله ييلوردي ؛ حقوق حاكميتك حكمداره منحصر اولمى نظريه سندن حق حاكميت مليه قاعده سنه چمك ، نظرياتجه غير ممكن كورلديكى حالده ، فعلياتده شوراي امتك يواش يواش تزويد نفوذ ايمسى وحق تفتيش و مراقبه سنى فرقه بيله وارالمق سزىن حق اداره يه تحويل ايلمى ايله ساحه امكانه كيريوردى [] .

ايسته « تدريج » سايه سنده دركه بر يرينه ياقين فرقه لر آره سنده اتحاد لر وقوعه كلسى ممكن اولمشدر . مخالف فرقه لك ميلان طبيعى موقع اقتدارده بولنان فرقه عليهنه اتفاق ايتمكدر : مطلقيت اداره يه قارشى اوج فرقه احرار اتفاق ايتدى ؛ مشروطيت اداره ، اصول مشورت و حاكميت عامه طرفدارلرينك اتقانه قارشى اوغراشمغه مجبور اولدى . مفرط فرقه لك عادتاً بر سوق طبيعى يه تبعاً اتخاذايدلكرى مسلك ايسه حكومته اك ياقين اولان فرقه نك آرقه سنه التجا ايدرك هپ برلكده بر آديم ايلرى يه آتمغه چالشمقندن عبارت قالدى . [فرانسز احرارى « يشاسون برات مشروطيت ! » ديه باغرييورلردى ؛ انگليز افراطيونى « ويغ » لك اصلاحاتى لهنده نمايشلر ياديلر ، آلمان و ايتاليان حاكميت عامه طرفدارلرى يالكلز قانون اساسى ايستمككه ايشه باشلاديلر] . فرقه مخالفه ، دائماً — حتى (انكلتره) ده بيله — بر فرقه دن عبارت اوليوب متعدد فرقه لك اتقاقندن حصوله كلدى .

قانون اساسيلرى ، شوراي امترى ، مطبوعات سياسيه لرى اولان (انكلتره) و (فرانسه) حكومتلرى احرار نظرنده نمونه اتخاذايدلير ؛ انگليز و فرانسزلرك افكار و نظريات سياسيه سى بتون (اوروپا) يه تشميل ايدملك ايستميدى . حكومتلر عليهنده كى مجاهده ؛ (انكلتره) ده افراطيونك اصلاحات ايجون نتيجه سز تشبيلرى [۱۸۱۶ — ۱۹] ، (فرانسه) ده ۱۸۱۶ دن صكره احرارك انتخاب حقنده كى مساعيسى ، (آلمانيا) دارالفنون طلبه سى آره سنده كى تحريكات ايله باشلادى .

بعده (اسپانيا) ، (پورتگيز) ، (ناپولى) و (ساردنيا) ده ، حاكميت مليه نامنه عسكرى عصيانلر شكله كيردى ، حكومات متفقه آز مدت دوام ايدن محاربه لرله ارباب

[*] بونحولات تدريجيه نتيجه سيدر كه انگليز جهده « تفتيش و مراقبه » كله سى « حاكميت » ، « اداره حكومت » معناسنه قولالغفه باشلامشدر .

طبقه‌سنی منتخبلر میانہ کچیرمک ایچون ویرکو مقدارینک تزیلته چالیشیوردی . کافه ممالکده ، مطلقیت اداره‌نک اعاده تاسیسی اوزرینه رأس کاردن چکلمکه مجبور اولان بوفرده آنجق ۱۸۳۰ سنه‌سندن صکره تکرار موقع اقتداره کچمکه باشلادی .

۴ . دارالفنون طلبه‌سی ، عمله ، محررین ، دعوی وکیلرندن مرکب اولان حاکمیت عامه فرقه‌سی [افراتیون] حق حاکمیت ملیه و مساوات حقوق سیاسییه فرانسز انقلابسک وضع ایلدیکی قواعد کوره طلب اییدیوردی . اصول مشورت فرقه‌سنک مطالباتنه آرای عمومیه اصولنک وضعی ، شورای امت اعضاسنه تخصیصات اعطاسنی ، ثروت و ساماندن متولد هر نوع امتیازات سیاسیهنک الغاسنی ، کلیسالر ایله حکومتک آیرلمسنی علاوه ایلیوردی . بو فرقه‌نک غایه خیالی (قونوانسیون) طرزنده صرف اهالی طرفندن منتخب برحکومت عامه و ترجیحاً برجمهوریت تاسیسی ، یاخود قوانین اساسیه‌نک آرای عمومیه ملت ایله تنظیمندن صکره طوغریدن طوغریه ملت طرفندن اجزای حکومت ایلمسی ایدی . بو فرقه ، ۱۸۱۵ ده ، هیچ برملکتده رأس کارده بولمقدون بشقه (انکلتزه) ، (استویجره) ، (نوروج) دن ماعدا هیچ بریرده پروغرامنی علناً بیان و ایضاح ایتمک حقنه بیله مالک دکلدی .

ایکی فرقه مفروطه‌نک ، یعنی مطلقیت اداره و حاکمیت عامه فرقه‌لرینک حکومت جمعیت بشریه حقنده کی فکر و نظریه‌لری یکدیگره مخالف ایدی . مطلقیت اداره طرفدارلری « عدم مساوات ارنی » اوزرینه مؤسس بر جمعیت بشریه ، « حکمدارک حاکمیت مطلقه‌سی » اوزرینه مؤسس برحکومت ایستیورلر ، بتون قوای حکومتک حکمدارک شخصنده اجتماعنی و حق حاکمیتک یوقاریدن آشاغییه ایمنسی ، مذهبک مجبوری اولمسنی التزام ایدیورلردی . حاکمیت عامه طرفدارلری ایسه نه حقوق سیاسیهده حق وراثتی ، نهده حکومت روحانییه قبول ایتمورلر ؛ مساوات اجتماعییه ، حق حاکمیتک آشاغیدن یوقارییه چیقمسنی ، یعنی طرف ملندن حکمداره ویرلمسنی ، حکومت جسمانییه ، حاکمیت ملییه طلب و ادعا ایلیورلردی . بونکله برابر برملکت ، تحولات تدریجیه نتیجه‌سنده ، بو درت مختلف فرقه‌جه التزام اولنان طرز اداره‌لرک برندن دیکرینه کچه‌بیلردی . چونکه درت فرقه بر « تدریج دائمی » دن عبارتدی . — مطلقیت اداره حکمدارک قانون اساسی « بخش » ایلمکه موافقت ایتمسی اوزرینه ، مشروطیت اداره‌یه منقلب اولیوردی [۱۸۱۶ دن ۱۸۱۹ سنه‌سنه قدر آلمان حکوماتنده اولدینی کی] . — حکمدار ، اداره حکومتده مجلس مبعوثانک آرزوسنی نظر دفته آلمه باشلاینجه ، مشروطیت اداره عادتاً حس اولنیه‌جق بر صورتده اصول مشورته

(ژاقوبيت Jacobite) ناميله معروف اولان قديم مطلقيت اداره فرقه سى بر عسقل حریت سياسيه سايه سنده ميدانن قالمشدى [۱]. (پيني با) ، (اسوج) و (نوروج) ده بويله بر فرقه تشکل ايتدی ؛ (فرانسه) ده ايسه هيچ بر زمان مطلقيت اداره طرفدارى فرقه محافظه کاران يالکز باشنه موقع اقتداره کچه مدی .

۲ . — صنفى متوسط اهلينک يوکسک طبقه سى ايله حریت پرور مأموريندن مرکب اولان فرقه محافظه کار احرار ، يا خود مشروطيت فرقه سى [انکلترده توری ، فرانسه ده مرکز يمين] شعبات اداره نك وبالخاصه امور مالیه نك مجلس مبعوثانك تحت تفتيش ومراقبه سنده بولمىنى طلب ايديوردی . بوفرقه نك غايه خيالى حکمدارک برى زادکاندن مرکب ، ديکرى اهاليجه منتخب ايکى مجلسک تشکيل ايلديکى شورای امت ايله اجراى حکومت ايتمى ایدی ؛ حق انتخابک اولدقجه يوکسک مقدار ويرکو ويرن صنف اهالى به حصرى ، شورای امتک هر سنه بودجه يي تدقيق ايتمى فقط وکلایى انتخاب وسياست عموميه يي اداره خصوصى حکمداره بر اقمى ، مطبوعاتک تفتيش ومعاینه يه تابع اولماقجه برابر صنوف اغنيایه مخصوص مطبوعاته محدود بر سر استى ويرلمى ، حقوق مملکتک قطعى بر قانون اساسى ايله تأمین ايدلمى فرقه محافظه کار احرارک جه آمانلندی . بوفرقه حکومت مشروطه ده رأس کارده ایدی ؛ مطلقيت اداره يي محافظه ايدن حکومتلر داخنده قانون اساسى ، مجلس مبعوثان ، مطبوعاتک عدم تفتيش ومعاینه سنى طلب ايلوردی .

۳ . — صنف متوسط اهالى آره سنده تشکل ايدن اصول مشورت طرفدارى فرقه احرار [انکلترده ويغ ، فرانسه ده مرکز يسار] شعبات اداره نك مجلس مبعوثانجه تحت نظارت ومراقبه ده بولنديرلمسندن بشقه بومجلسک حکمداره ، وکلانسه ومجلس اعیانه تقوق ايتمى دخى ايستوردی . بوفرقه نك غايه خيالى اصول مشورتک تأسيلى ، يعنى مجلس مبعوثانک اکثرى آره سندن بر هیئت وکلای تشکل ايدرک بوهیئت وکلانک حکمدار نامه ، فقط ملایک وکلای منتخبه سنک آرزوسنه توفيقاً اداره امور ايتمى ، ملتک حقوق عاليه سنى [حق حاکميتى] ، حریت سياسيه يي [حریت مطبوعات ، اجتماع واشتراك] وحریت مطلقه مذهبي تصديق ايدن بر قانون اساسى ويرلمى ایدی . بوبابده تأمینات ماده اولمق اوزرده عساکر مليه طا بورلرینک تشکيلنى ، يعنى صنف متوسط اهلينک کندی حقوق سياسيه سنى مدافعه ايتمى ايچون تسليحنى طلب ايديوردی [انکلترده مستشارلر] . حق انتخابک معين مقدار ويرکو ويرنلره حصرى قبول ايديور ، فقط صنف متوسط اهلينک آشاغى

[*] انکلترده تحولات سياسيه نك صاحب ورانه بر صورتده وقوعه کلمسک ، بر قاچ مختلف فرقه تشکل ايتمى سببى بودر [انکلترده بتون فرقه لرك ايکيه انحصار ايتديکى سوزى طوغرى دکلدر] .

اجنبی حکومتک زیر اداره سنده بولان مملکت رده کی وطن پرورانه منحصر قالیوردی . طرز اداره دن ممنون اولیان بوقسم خلق قوای مادیه و سیاسیهدن ، منتظم بر اداره دن محروم اولدینی ایچون یکدیگریله دست بدست اتفاق اولان قوای مختلفه محافظه کارانه قارشی عدیم الاقدار کورونیوردی . هر مملکتده ملتک اکثریت عظیمه سی ، کویلیرایله کوچک صنف متوسط ، عاطل ، حیات سیاسییه بیگانه ایدی ؛ بناء علیه طرف مخالفینه هیچ بر قوت تأمین ایده میوردی .

بواصول اداره ، ظاهر آ پک متین کورولمکنه برابر ، نصف عصر بیله دوام ایده مدی . چونکه دوره انقلاب ، یالکز بعض خاطرات و تأسفات براقامش ، بلکه بر صنف مجاهدین تشکیل ایتشدی ؛ ایشه بو مجاهدلر حکومتدن هر نه صورته اولورسه اولسون خوشنود اولمیانلری احرار و ملی فرقه لر حالنده برلشیدیدیلر ، اعاده تأسیس ایدیلن حکومت مطلقه علیهنده سوء قصدلر ، بیوک شهرلرده اختلاللر ، عسکری عصیانلر ، ملی قیاملر کبی وسائط شدید و مؤثره ایله اعلان حرب ایتدیلر . حکومتلر ایسه دعوالر ، محکومیتلر ، اعداملر ، تضییق ایله مقابله ایدیلر ؛ بو سیاست (فرانسه) ده واوروبای وسطاده مختلف فاصله لرله ، جنوب مملکتلر نده دائمی صورته دوام ایتدی . فقط حکومتلرک ، رقیلرینه قارشی چیقاردقلری اردولر ضعیف و نقصان بر صورته مجهز ، قوللانداقلری ضابطه مأمورلری تجربه سز ایدی . انقلاب پرورلر حکومت مطلقه واحوال حاضره نك مدافع لری اولان زادگان ایله بیوک صنف متوسط ، هیئت رهبان ایله مأمورین ، ضابطان ایله سرای آره سنده ظهور ایدن اختلاللردن وبالخاصه حکومتلر میاننده کی خصومت ملیه و رقابتلردن استفاده ایتدیلر .

هر یرده مجاهده ، حیات سیاسی نك عینی قواعد اساسیه سزه استناداً وقوعه کلیوردی . حق حاکمیت « حقوق نقطه نظرندن » هانکی هیئته عأددر و بوحقی هانکی فرقه « فعلاً » استعمال ایده چک ؟ بونک ایچوندرکه ممالک متمدنه نك کافه سنده فرقه لرک صورت تشکی و تقسیم لری عیندر . ملی فرقه لر خارج براقیلیر ، اشخاص طرفندن وجوده کتیریلن و معین یرایش ایچون تشکی ایدن کوچک فرقه لر حسابا قاتیلماز ایسه درت بیوک فرقه قایلرکه بونلر هر یرده عینی صورته تشکی ایتشلر ؛ عینی پروغرامی تعقیب ایله مشلردر :

۱ . — ارکان مأمورین ایله صاحب املاک و اراضی صنف زادگاندن متشکل « مطلقیت اداره طرفداری فرقه محافظه کار » حکومت مطلقه یی ، هیئت رهبانک نفوذنی ، مطبوعاتک تقش و معاینه سنی محافظه ایتک ایستور ؛ (اوروپا) نك وسط ، شرق و جنوب دولترلرینک کافه سنده اجرای حکم ایدیوردی . بو فرقه یالکز (انکلتزه) ده موجود دکلدی ؛

امور ايتديلىر ؛ يالكىز بعض حكومتلرده [°] اهالىنك قسم مكلفىنى طرفىدن منتخب ، قانون اساسى موجىنجه امور حكومتى تقيش وظيفهسىله مكلف مبعوثان مجلسلىرى و نظم و استبداده قارشى تاىينات مخصوصه بولمقده ايدى ؛ فقط هر ىرده ، حتى (انكلتره) ده بيله ، شورى امت ، فعلاً ، وكلايه تابع كى ايدى .

۱۸۱۴ ده بتون (اوروپا) ده جارى اولان اصول اداره - اون سكزنجى عصرده اولدينى كى - وكلا و مأمورينك [حتى بعض جنوب مملكتلرنده قماريللانك] معاونتاريله اداره امور ايدن حكمدارك حكومت شخصيهسندن عبارتدى . املاك و اراضى صاحبي اولان قديم صنف زادكان ، صنايع جديده نك تأسسى ايله ميدانه چيقمغه باشلايان يكي بر صنف زادكاندن ده زانكين اولدينى ايجون قوه اقتصاديهي ، تفوق اجتماعي ، حكمدار اوزرنده نفوذى محافظه ايدىيور و مجلس مبعوثان ايله اداره اولنان مملكتلرده انتخابات عموميهده بيوك بر تاثير صاحبي بولنيور ؛ مملكتك امور ادارهسنى صنف مأمورين ايله مشتركاً ايضا ايلوردى . كوكلولردن ويا صرف فقرا صنفندن آلنان افراددن مركب اولان اردو ، بر قوه مليه دكل ، حكمدارك خدمته مخصوص بر آلت تفوق ايدى . قوه جسمانيه به تابع اولان هيئت رهبان ، جنوب مملكتلرى مستتا اولق اوزره ، ديكر محللرده قديم قوه روحانيهسنى غائب ايتمش ؛ هر ىرده بر نوع حكومت مأمورينى حالنه كمشدى .

حكومته صاحب اولان اشخاص و هيأتك كافهسى بو اصول ادارهي بالاتفاق مدافعه ايدىيورلردى . براتفاق رسمى ، كافه دول معظمه نك حكومتلرينى ۱۸۱۵ سنهسندنه تعيين و تنظيم ايديلن ممالكك حاليله محافظهسنه مجبور ايلمكده ايدى ؛ (اوستريا) حكومتى ، (مرنىخ) ك نفوذيله ، سياست مشتركى اداره ايدىيور و كافه حكوماتك اداره داخليهلرنده دخى « استاتوقو » نك محافظهسنه و بوضورتله (اوروپا) ده هر درلو تبدلات سياسيه نك وقوعنى منعه چالشيوردى . - هر مملكتده حكمدار ، مأمورين ، صنف زادكان ، هيئت رهبان ، اردو آرهسندنه براتفاق طيبى حصوله كليور و بتون بو هيئتلر طرز ادارهي محافظه به غيرت ايدىيوردى .

بو اتفاق قوى قارشيسندنه ، قواى مخالفه ، هنوز اكثرتى تشكيل ايتمهكله برابر بعضاً صنوف سآره به تابع دخى اولان صنف متوسط اهالى به ، بر قاج بيوك شهرك اهاليسنه . مملكتلرده كى شىبانه ، بر قاج غزتهجى به ، پارچه پارچه حكومات صغيره به آريلان ويا بر

[°] انكلتره ، فرانسه ، پهنيبا ، اسويجره ، جنوبى آلمانيا حكوماتى ؛ اسوچ ، نورويچ ؛

لهستان ، مجارستان .

خاتمه

آوروپانك تحولات سياسيهسى

اون طقوزنجى عصر ، (اوروپا) مملكتلرينك كافهسى ايچون - تاريخ عالمك هيچ بردوره سنده مشاهده اولنه ميه جق درجه ده - درين وسريع تحولات اجتماعيه وسياسيه عصرى اولمشدر . بتون حكومتلر ۱۸۱۴ سنه سندن صكره تشكيلات سياسيه واجتماعيه لرني دكيشدير مشلر در . همان كافه سنده [۱] بوتحولات اختلالر ، داخلى محاربه لر و برچو غنده محاربات مليه ايله وقوعه كلشدر . اون طقوزنجى عصر ، انقلابات داخليه دوره سيدر . بوكا مقابل ، اعصار سابقه ايله مقايسه اولنورسه عصر حاضر (اوروپا) ايچون بردوره صلح ومسالمندر ؛ قرق سنه ظرفنده [۱۸۱۴ - ۵۴] هيچ بريوك محاربه ظهور ايتمدى . برربع عصر قدر [۱۸۷۰ دن برى] ، شرق مستثنا اولمق اوزره ، هيچ بريده محاربه كورلمدى ؛ بو ايكي زمان آره سنده يالكز اون بش سنه قدر [۱۸۵۴ - ۷۰] بيوك محابله روقوعه كلدى [۲] . بوتقلابلر ومحاربه لر مختلف زمانلره نسبتسز برصورتده تقسيم ايدلشدر . همان كافهسى نسبة آزدوام ايدن ودها اوزون بردوره سكون ايله يكدى كرندن آيريلان تحريكات زمانلرنده ، يعنى ۱۸۲۰ - ۲۳ ، ۱۸۳۰ - ۳۵ ، ۱۸۴۷ - ۵۰ ، ۱۸۵۹ - ۷۰ تاريخلرندن وقوعه كلشدر .

عصر حاضر تاريخى انقلابلرور (فرانسه) ايله (ناپولئون) عليهنده كي ارتجاع عمومى فرانسز طرفندن ضبط ايديلان ممالكك استردادى ، ينه فرانسزلر طرفندن ميداندن قالديرييلان حكومات مطلقه نك اعاده سى ايله باشلار . بتون (اوروپا) ده قوه سياسيه صنف خاصه استناد ايدن حكمدارلره اعاده ايدلدى . همان بتون حكومتلر ده حكمدار ايله وكلا قانون اساسى ، مجلس ملي ، قونترول موجود اولمدهن ، آمر مطلق حالنده اداره


[۱] بودورى انقلابلر كچيرن حكومتلر (انكلتره) ، (روسيه) و (اسويچره) در .

[۲] ۱۸۲۸ ، ۱۸۵۴ ، ۱۸۷۷ سنه لرنده ظهور ايدن شرق محاربه لرى بو دورك خارجنده

قالير ، چونكه محاربات مذكوره (اوروپا) ده كي تحولات عموميه به همان هيچ تاثير ائتميشدر .

تعریف مؤلفات

بو دوره عائد باشلیجه و نائق حکومتلر طرفندن مجالس ملیه یه توزیع اولنان اوراق دیپلوماتیقیه یعنی ماوی، صاری و سائر در نکلی کتابلر دره. ۱۸۷۰-۷۱ محاربه سی ایچون (آنکه برغ Angeberg) ک بش جلدن مرکب (فرانسه - آلمانی محاربه سنه متعلق معاهدات و اوراق دیپلوماتیقیه) نامنده کی اثریدر. خاطرات و مخبرات هم آز، هم ده اهمیت سزدر. مجامع موقوته تاریخیه ده معلومات مفیده یه تصادف اولنور. بو دورک هیئت عمومیه سی ایچون (بول Bull) و (اونکن Oncken) ک آلمانجه آثار یله (Hippeau) ناک (اوجنچی جمهوریتک دیپلوماسی تاریخی) نامنده کی کتابنه ایدلیدر. فرانسه - آلمانی محاربه سی ایچون آلمانی ارکان جریبه سی طرفندن تألیف ایدلین بش جلدک اثر فرانسیزجه یه ترجمه ایدلدیکی کی (فرانسه - آلمانی محاربه سی) نامیله ۲۰ جلدک بر اثر معتبر دخی موجوددر. بو محاربه ناک اک امین واک مکمل تاریخی (شوکه Chuquet) ناک (۱۸۷۰ - ۷۱ محاربه سی در) در. (والفره ی Valfrey) ک ایکی جلدک (فرانقفورت معاهده نامه سی تاریخی) و (صوره ل) ک کذا ایکی جلدن مرکب (فرانسه - آلمانی محاربه سنک دیپلوماسی تاریخی) شایان توصیه در. شرق محاربه لری ایچون فرانسه حریبه نظارتی کتبخانه سی قتلوغنه مراجعت ایدلیدر. بز یالکز (لوقونت Lecomte) ک (۱۸۷۶ - شرق محاربه سی) عنوانلی ایکی جلدک کتابنی ذکر ایده جکز.



استحصالاتده وقوعه کلن آچینگ مقداری تخمین اولنماشدر . تکالیف عسکریه دن معرا اولان (آمریکا) و (آسیا) نك (اوروپا) ایله رقابتدن نه بیوک بر تهلكه اقتصادی حصوله کله چکی علی الاکثر موضوع بحث اولمشدر . سنی بین الملل صلح ومسالمت جمعیتی ترك سلاحي ، ملتر آره سنده حکم اصولنك قبولیله حرب احتمالنك دائرة امکان خارجنده بر اقلسنی تکلیف ایتمشدر . بو بایده کی تشبثات آنجق (آمریکا) ده ، (نوروچ) ده حکومتلر اوزرنده بر تأثیر حاصل ایده بیلدی . (اوروپا) ده ملترلر آره سنده کی امنیتسزک ، انواع مشکلات وبالخاصه (بنهارق) ک ۱۸۷۰ ده ایضاح ایتمدیکی وجهه قیصه بر مدت ایچون هر کسک عسکر اولسی اصولی جاری ایکن ترك سلاح امرنده تصادف ایدیله چک مشکلات تشبثات صلح و روانه نك بر صورت جدیده نظر اهمیته بیه آلمسنه مانع اولدی . هیچ بر حکومت ، ۱۸۶۷ ده کی فرانسه جمهوریت طرفدارلرینک تکلیفی ، یعنی خدمت عسکریه مدتنک ممکن مرتبه تقیصیه اردولرک (اسویچره) ده اولدینی کی « ملی میلینس » ه تحویلی فکرینی قبول ایتمدی . (آلمانیا) حکومتک خدمت عسکریه پیاده ایچون ایکی سنه یه تزیلی بو فکری ترویج ایچون آتیلش بر خطوه کی کورونیور ایسه ده حقیقت حالده وقت حُریده اردوناک تزیید مقداری مقصدیله اتخاذ ایدلش بر تدیردر [اون آلتنجی بابه مراجعت] .

(اوروپا) صلح ومسالمته نائل اولمشدر ؛ فقط بو صلح ومسالمت « صلح مسلح » ، یعنی محاربه نك کافه تکالیف ومشکلاتی حاوی اولان ، بونکله برابر تماماً امنیت بخش اوله میان بر صلحدر .



نیم مدنی بالقان مملکتلری مستثنا اولمق اوزره ، (اورویا) نك هیچ بر طرفده بیوك ویا كوچك بر محاربه وقوعه كلدی . (اورویا) ایلك دفعه اولهرق بو قدر اوزون بر زمانی صلح و مسالمت تامه ایچنده کچیریور . فقط بو صاآ و مسالمتك تحتده دائمی بر خصومت ، بر تهلكه اختفا ایتمكده در . - (آلمانیا) ایله (فرانسه) آرهسنده (آلساس - لورهن) مسئلهسندن متولد اختلاف الآن موجود اولوب حل ایلمسی امكانی ده یوقدر ، چونكه آلمان ایمپراطورلنی حق قتح ایله حق حاكیت حكومتك تأسیس ایدهككنه ، فرانسه جمهوریتی ایسه هر ملكك كندی تابعیتی تعینه صلاحیتدار اولدینی قاعدهسنه استناد ایدیورلر ، بو ایکی اساسی تألیف ایتمك ممكن دكلدر . - (روسیه) ایله (اوستریا) آرهسنده شرق مسئلهسندن طولانی دوام ایدن اختلاف قدیم ، (بالقان) مملكتلرنده اجرای نفوذ ایچون مبارزه شكلی آلدی .

اولكندن دهها مدهش ، قورقونج بر حاله كیرن محاربه قورقوسی حرکات خصومت كارانه یه مانع اولدی ؛ بتون اقوام محاربه دن او درجه قورقیورلر كه حكومتلر كندی سیاستلرینی ترویج ایدن تهیدید مقامنده محاربه دن بحث ایتمكه بیله جسارت ایدهمیورلر . بتون دولتلر محافظه صلح و مسالمت سیاستك قاعده اساسیه اتخاذ اولمنی خصوصنده متحدالفكردرلر .

فقط هر طرفده اظهار ایدیلم بو آرزولر افكار عامه یی تأمینه کافی دكلدر ؛ اون بش سنه قدر كلهكك ایلك بهارده محاربه ظهور ایدهككنه دائر بر چوق روایتلر ایشیدلدی . ملتارك یكدیكرلرندن امنیتلرلكری او درجه عظیمدركه هر ملت ، قوموشوسنك صمیمیتنه اینانهمیور ، بونك بیانات و تأمینات صلحپروورانسنی هجومدن اول دشمنی اویومتی ، آوومتق قیلندن عد ایدیور . محاربات جدیدده عسكرك حال سفر بری یه وضعی او قدر سرعتله وقوعه کلیور ، ایلك او كجه او درجه قطعی نتیجهلر حاصل ایدیوركه بر دشمنه مقاومت ایده بیلمك ایچون دائما محاربه یه حاضر بر حالده بولنق لازم کلیور [۱] . فن حربك ترقیات سریعسی هر دولتی ، قوموشولرندن كری قالماق ایچون ، لوازم حربیه سنی صیق تبدیل و تجدیده و عسكرك مقدرینی تزییده مجبور ایدیور ؛ بو كون وقت حضرده سلاح آاتنه بولنان عسكرك مقدری و قتیله میدان حربه سوق ایدیلمن اردولرینه مقدرینه مساویدر . (اورویا) حكومتلرینك مصارف عسكریه سی ایچون بك چوق جدوللر ترتیب ایلمش ایسه ده خدمت عسكریه ده کچیریلمن زماندن طولانی

[۱] بسارق ، (رایخشتاغ) ده عسكری قانونی مذاكره اولنور ایكن ایراد ایلدیكی ایکی

نطق ایله بو حالی بك آچیق صورتده ایضاح ایتمشدر [۱۱ كانون نانی ۱۸۷۸ . ۶ شباط ۱۸۸۸] .

آرسنده برائتلاف موجود اولدینی آشکار ایدی ؛ بوئتلافک طبیعت و ماهیت حقیقه‌سی خفی قالدی . (انکلتره) ، (ایٹالیا) ایله دوست اولدینی کوستردی ، دونماسنی (ایٹالیا) یه کوندردی [۱۸۹۳] .

بوندن صکره (آوروپا) سیاستی اتفاق مثلث ایله اتفاق مثنی آرسنده کی ضدیت و مخالفت خفیه‌نک تحت تاثیرنده قالدی . هر ایکی اتفاق محافظه صلح و مسالمت مقصد ظاهر ایسیله عقد ایدلمش اولدیندن بو ضدیت (آوروپا) ده بالجله حکومتلر آرسنده بر اتتلاف عمومی موجود ایش کبی تاثیر ایتدی . فقط هر وسیله‌ده (فرانسه) نک معاونته مظهر اوله جفندن امین اولان (روسیه) شرق و اقصای شرق امورنده بر نوع تفوق و رجحان قزاندی (چین) محاربه‌سندن صکره (فرانسه) ایله برلکده مداخله ایتدی ، (آلمانیا) دخی یالکز قالمق ایسته‌میه‌رک (روسیه) و (فرانسه) یه التحاق ایلدی ، اوچ دولت (ژاپونیا) بی صلحه مجبور ایلدیلر [۱۸۵۹] .

ارمنی قتالی اوزرینه شرق مسئله‌سی یکیدن موضوع بحث اولمغه باشلادینی زمان [یکرمنجی بابہ مراجعت] روسیه و انکلتره سیاست قدیمه لرندن انحراف ایش کبی کوروندیلر . (انکلتره) دولت عثمانیه‌نی خرسیتیان تبعه‌سی ایچون اصلاحات اجراسنه مجبور ایشک اوزره مداخله اولمسنی (آوروپا) یه تکلیف ایدیور ؛ (روسیه) ایسه مداخله‌یه و اصلاحات مانع اولمق ایچون دولت عثمانیه طرفنی التزام ایلوردی [*] . (روسیه) ، (فرانسه) نک معاونتیه ، (انکلتره) نک تشبثاتی عقیم بر اقدی . (اوستریا) و (آلمانیا) شرقده اختلافات و خیمه‌یه مانع اولمق ایچون روس سیاستی قبول ایتدیلر ؛ (آوروپا) آهنگ دولیسی باب عالی نزدنده هیج بر مؤثر تشبثنده بولمندی [۱۸۹۵ - ۹۶] . بلغارستانده کی نفوذنی یکیدن الده ایش اولان (روسیه) دولت عثمانیه‌نی (آوروپا) نک مداخله‌سندن دخی قورتاردینی ایچون بالقان شبه جزیره‌سنده دول سائر یه تفوق ایشدی . (فرانسه - روسیه) اتلافنی چار (نیقولا) نک (پارس) ی زیارتی تقویه ایتدی [تشرین اول ۱۸۹۶] ، بو دفعه هر کس ایکی مملکت آرسنده بر اتفاق قطعی موجود بولندیغنه قانع اولدی . (آلمانیا) نک غربده کی تفوقه مقابل (روسیه) شرقده احراز تفوق ایتدی ؛ (آوروپا) موازنه‌سی یکی بر شکه کیردی .

صلح صلح . — آلمان و ایٹالیا اتحادلرینک اکلندن بری ، یعنی ربع عصر ظرفنده ،

[*] بو سیاست (روسیه) سفیرینه عطف اولنان شوجله ایله افاده ایدیله بیلیر : « ارمنستانده

یکی بر بلغارستان وجوده کتیرلمنی آرزو ایتیز . »

خطاب ایتدی [۱۸۸۹] . فقط (بسماق) ك سقوطدن صكره (آلمانيا) حكومتی (روسیه) ایله منعقد اولوب ۱۸۹۰ ده مدتی منقضى اولان معاهده نامہی تجدید ایتك ایستمدی [۱] و (پوزنانی) ده کی (له) فرقه سیله باریشهرق بوندن طولانی ده (چار) ی کوچنیدردی [اون آلتنجی بابہ مراجعت] .

۱۸۸۶ سنه سندن بری (سالیسوری) نك تحت ریاستنده کی هیئت وكلائی محافظه كار طرفندن اداره ایدیلن (انكلتره) اتفاق مثلثه میل ایدیوردی . محاصره بویه زماندنبری (انكلتره) نك اشغال ایلدیکی (هلیغولاند) آطه سنك (آلمانيا) یه تركی ایکی حكومت آره سنده کی ائتلافه دلیل ایدی ، آطه نك تركی آلمانلرك عزت نفس میلیرینی اوقشادی و بو سایه ده (انكلتره) ، شرقی (آفریقا) ده بعض مساعدتاه نائل اولدی [۲] .

فقط ، (چار) ، آچقندن آچیغه (فرانسه) یه تقریه قرار ویرمشدی . بیانات علنیه ایله ، نمایشارله بوفکرینی اظهار ایتدی . (بالطق) دكزینه كوندزیرلن برفرانسز دونمسی (قرونشاد) لیمانده غایت مظنطن بر صورتده استقبال ایدلدی ؛ (چار) ، (مارسه یه ز) مارشنی قائماً دیکلدی ، (فرانسه) رئیس جمهورینه كوندردیکی تلقرافنامه ده « فرانسه و روسیه یی بربرینه ربط ایدن محبت عمیقهن دن » بحث ایتدی [تموز ۱۸۹۱] . روسیه حكومتی طرفندن (فرانسه) ده بر استقراض عقد ایدلدی و فرانسز سرمایه دارانی بو تحویلاتك كافه سنی ساتون آلدی . - (چار) ك (آلمانيا) ایمپراطورینه اعاده ایده جکی زیارت تأخیر اولندی ، نهایت (چار) اعاده زیارت یرینه (دانمارقه) دن عودت ایدركن (کیل) ه اوغرایوب برقاج ساعت قالدی [خیزان ۱۸۹۲] . - برروس دونمسی (طولون) ه کیتدی ، دونما ضابطان و افرادندن برقمسی (پارس) ه کیتدیلر ، شنكلكر و آلقیشلرله اكرام و اعزاز ایدلدیلر [تشرین اول ۱۸۹۳] ؛ (چار) ایله رئیس جمهور تلقرافنامه لر تعاطی ایتدیلر ؛ (چار) ، « ایکی مملکتی یكدیكره ربط ایدن روابط دوستانه » دن بحث ایدیوردی . فرانسز افكار عمومیه سی (روسیه) و (فرانسه) نك بر اتفاق عقد ایتمش اولدقرینه قانع اولدی . اتفاق اولسه بیله هر حالده ایکی حكومت

[۱] بوتبدل سیاست آنجق (هامبورگر ناخرینختن) غزته سنك ۱۸۹۶ سنه سی تشرین اولنده کی افشا آتی ایله معلوم اوله بیلمشدر ، مذکور غزته تبدل و اقی ۱۸۸۴ معاهده سیله تهدید ایدیلن (انكلتره) نك تأثیرینه عطف ایدیور .

[۲] عملی حایه ایچون قوانین مقتضیه تنظیمی ایچون بین الملل بر قونفرانس عقدی ۱۸۸۹ سنه سنده (اسویجره) طرفندن تکلیف ایدلسی اوزرینه قونفرانس (برلین) ده ایمپراطورك ریاست شخصیه سی آلتنده كشاد ایدلدی ، فقط هیچ بر نتیجه عملیه حاصل اولدی [مارت ۱۸۹۰] .

شرقی روم ایل انقلابی [۱۸۸۵] دولت‌ری شرق امورینه مداخله‌یه مجبور ایتدی [یکریمی برنجی بابہ مراجعت] . دول معظمه‌نک جمله‌سی شرقی روم ایلنک (بلغارستان) ایله اتحادی ۱۸۷۸ معاهده‌سی احکامنه مغایر اولدیفنی سویلهرک اعلان ایدیلن اتحادی طانیمدیلر . فقط (اوستریا) ، بالاآخره ، (بلغارستان) ی حمایه ایتدی . (بسمارق) ، پرنس (فردیناند) ی رسماً طانیمدی ، (آلمانیا) نك علاقہ‌دار بولمدينی بر مسئله‌یه صورت مؤثرده مداخله‌دن امتناع ایلدی [شرق مسئله‌سنك بر پومهرانیالی نفرک کیکلرینه بیله دکمديکنی سویلدی] :

بلغارلره خصم اولان اوچنجی (آلکساندر) ، (اوستریا) و (آلمانیا) یه حدت‌لندی . روس افکار عمومی‌یه سی بوندن بالاستفاده آلمانلر علینه اظهار خصوصت ایتدی [۱] . روسیه‌ده بو نمایشلر وقوعه کلیرکن (فرانسه) ده آلمان حدودی حادثاتی و « جمعیت وطنپروران » ک تجریکاتی سببیه افکار عامه دوچار هیجان اولمشدی [۲] . هرایکی مملکتده (آلمانیا) ایله محاربه‌دن و اتفاق عقدی لزومندن بحت ایدیلوردی [۱۸۸۷] . اهمیت ماده‌یه و سیاسی‌لری محتاج اثبات اولان بونمایشلره مقابل ، (بسمارق) ، (اوستریا) ایله عقد ایدیلن ۱۸۷۹ معاهده‌ اتقاقیه‌سنی نشر ایتدی [شباط ۱۸۸۸] و آلمان اردوسنك مقدارینی تزید ایتدی . اوزمان ظن اولمدينی کبی (بسمارق) ، (روسیه) ایله بستون قطع مناسبات ایتیموردی ، چونکه ۱۸۸۵ بیطرفلق معاهده‌نامه‌سی حکمی ۱۸۹۰ سنه‌سه قدر جاری اولدی . فقط آلمان سرمایه‌دارانی (روسیه) حکومتک اسهام و تحویلاتی اللرندن چیقاردیلر و استقرضاته اشتراک ایتدیلر . بونک اوزرینه اتفاق مثلک ایکسی‌ده یالکز قالمش اولان (فرانسه) و (روسیه) عاینه عقد ایدلیکی ظنی حاصل اولدی . (بولانزه) نك مغلوبیتی (فرانسه) ده‌کی هیجان افکاری تسکین ایتدی ، اوچنجی (آلکساندر) سیاست مسالته‌پورانه‌سنی محافظه‌ایدلی ، خشنودسزلتنی ایما ایچون قره‌طاغ پرنسی شرفه ویریان ضیافتده پرنسه « روسیه‌نک یکانه محب صمیمی و صادق » صفتیه

[۱] قاتوفک (بسمارق) علینده کی مقالاتی [۱۸۸۶] ؛ — روس امراهی عسکریه‌سنك (اوستریا) علینده کی بیاناتی (ده‌یل نیوز) غرتسه‌یه نشر ایدیلن ملاقانلر ؛ — (ایعتاییف) ک بر صرب غرتسه‌جیسیه ملاقانی ، — پرنس (نیقولو) نك (دونسک) ده کی نطقی [تشرین اول ۱۸۸۷] .

[۲] حدود اوزرنده (شنباهله) اسمنده بر فرانسز پولیس قومیسرینک توقینی [نیدسان ۱۸۸۷] ، آلمانیا طرفندن قومیسرک تخلیه‌می [اسباب توقینی لایقوله آکلاشیله‌مامشدر] . — راتون حادثه‌سی [ایلول ۱۸۸۷] : بر آوجینک فرانسز طوپراغنده بر آلمان عسکری طرفندن اتلافی ، آلمانیا تضمینات ویردی .

مراجعت] ، سیاست شرقیه سنی د کیشدیردی . ترکلرک خصم بی امان اولان (غلا دستون) ، قره طاغ و یونانستانی التزام ایتدی [یکریمی برنجی بابه مراجعت] .
ایکنجی (آلکساندر) ک وفاتی اوج ایمپراطور ائتلافی بسبتون بوزدی . اوچنجی (آلکساندر) آلمان نفوذینه شخصاً دشمندی . فقط هرشیدن اول صلح و مسالمتی آرزو ایتدیکی ایچون خارجیہ نظارتنه صلح پرور برذاتی ، موسیو (کیرس Giers) ی کتیردی [۱۸۸۲] و ایمپراطور لر آرسنده کی ملاقاتلر اصولنه دوام ایلدی [۱۸۸۱ و ۱۸۸۴ ده آلمانیایی ، ۱۸۸۵ ده اوستریایی زیارت ایتدی] .

ایتالیا حکومتی ، احتمالکه قراللی تقویه ایتک ایچون ، (آلمانی) و (اوستریا) آرسنده کی اتفاق تدافعی به قبول اولمنسنی طلب ایتدی . ایشته (فرانسه) ویا (روسیه) طرفندن وقوعی ملحوظ اولان تشبثات خریبه به قارشی اوروپای و سلطانک اوج حکومتی آرسنده کی اتفاق ایله صلح و مسالمتی محافظه ایچون عقد اولنان «اتفاق مثلک» بوضورتله میدانہ چیقدی [۱۸۸۳] . فرانسیز افکار عمومی سی اتفاق مثلکک صرف تدافعی و بناءً علیه صلح و مسالمتی محافظه به خادم اولدیننه اینانق ایستهمدی . وپوکا محاربه تهدیدی نظریله باقعه آلبشدی .

فرانس و روسیه ائتلافی . — اتفاق مثلک ، اول امرده ، بتون قرالقلر ایچون بر مرکز استناد کبی تلقی اولندی : (رومانیا) ، (صربستان) ، (اسپانیا) قراللری (آلمانی) به کیتیلر . (مصر) و (هندچینی) مسئله لرندن طولایی (فرانسه) ایله و (افغانستان) ایشلرندن طولایی ده (روسیه) ایله حال اختلافده بولنان (انگلتره) ، (ایتالیا) به یا قلاشدی . (چار) بیله (افغانستان) ده مختل اولسی محتمل بولنان صلح و مسالمتی محافظه ایتک ایسته دیکندن (آلمانی) ایله بر معاهده خفیہ عقد ایتدی [*] . (روسیه) و (آلمانی) بومعاهده نامه ایله ، طرفیندن برینک دوچار هجوم اولسی اوزرینه طرف دیکرک بر مسلک بیطرفی خیرخواهانه اتخاذایده جکنی تعهد ایدیورلردی [اسکیرنه ویس Skirnevics ده اوج ایمپراطور ملاقاتی ، ایلول ۱۸۸۴] . یالکز قالان ، مستملکه تدارکی خصوصنده کی تشبثاتیه مشغول اولان (فرانسه) افریقا مسائلنک تنظیمی ایچون (آلمانی) ایله ائتلافه راضی اولدی [برلین قونفرانسی ، ۱۸۸۴-۸۵] .

(اوروپا) سیاستنده حصوله کلن یکی بر تبدله ، ینه شرق مسئله سی سبب اولدی .

[*] بومعاهده خفیہ ، آنجق ۱۸۹۶ ده (بسمارق) ک جریده رسمی سی طرفندن واقع اولان نشریات ایله معلوم اولمشدر ، معافیته معاهده نک متنی نشر ایدلمه مشدر ؛ هر حالده (انگلتره) ایله بر محاربه ظهوری احتمالی اوزرینه عقد ایدلمش اولدینی ظن ایدلمکده در .

باده‌نوش اولدی [مارت ۱۸۸۰] . فقط (روسیه) حکومتی حدود غربیه‌ده بر محاربه ظهور ایده جکمش کچی (لهستان) ده تدارکات عسکریه‌ده بولنیور ، غزت لرك (فرانسه) لهنده ویا (آلمانیا) علمینده نمایشلرده بولمیرینه مساعده ایدیوردی . (فرانسه) ایله (روسیه) آره‌سنده بر ائتلاف عقدی فکری ۱۸۳۰ دن اول بر چوق دفعه لر فرانسزلرجه قبول ایدلمش [ناپولئون ، ریشلیو ، پولینیاق طرفندن] ایکن (روسیه) نك (لهستان) ده تعقیب ایلدیکی سیاستك (فرانسه) ده حصوله کتیردیکی . سوء تأثیراتدن طولایی یارم عصر قدر متروك قالمشدی ، بو دفعه (آلمانیا) یه قارش ی بر متفق بولمق ایستین (فرانسه) ده و آلمانلرك تفوقندن تلاتس ایدن (روسیه) ده افکار عمومیه یکیدن بو ائتلاف مسئله‌سیله مشغول اولمغه باشلادی . (غورچاغوف) ك (صولهی) تامندهکی فرانسر غزته‌سی محررلرندن بریله وقوعه کلن ملاقاتنده [ایلول ۱۸۷۹] ، بالآخره (غامبتا) نك و روس جزالی (اسقوبه‌لف) ك نظرلنده [۱۸۸۲] ائتلافك لزومندن بحث ایدلدی .

شرق مسئله‌سی ، اورویای شرقی حکومتلری آره‌سندهکی ائتلافه خاتمه ویرمش و حکومتلر ایچون بر طاقم یکی اتفاقلر حاضرلمشدی . مستملکات سیاستی بو باده‌کی تمایلاتی بر نتیجه‌یه ایصال ایتدی . (فرانسه) ۱۸۷۰ محاربه‌سندن بری تعقیب ایلدیکی « طویلانه » سیاستنی « ترك ایدرك (آفریقا) و (آسیا) ده توسیع ممالک چاره‌لرینی آرادی . بوندن طولایی (ایتالیا) ایله اختلاف چیقدی . (ایتالیا) ، ۱۸۷۰ سنه‌سندن بری ، (پاپا) نك حکومت جسمانیه‌سنی اعاده ایتمك ایسته‌مسندن شهبه‌لندیکی (فرانسه) یه امنیت ایده‌میور ، اهلایی ایتالیان اولان (تیرو) و (تریسته) یه صاحب اولدیغندن (اوستریا) یه خصومت کوسترییوردی [اون برنجی بابه مراجعت] . ظهور ایده‌بیله‌جك فرصتلردن استفاده ایچون سربست قالمق مقصدیله هر هانکی بر تعهد آلتته کیرمکدن امتناع و « سربست بر سیاست » تعقیب ایلور ؛ فرانسر جمهوریت طرفدارلرینك غلبه‌سندن بری ده (فرانسه) یه تقریبه و دول اجنبیه‌نك اداره‌سنده بولنوب اهلایی ایتالیان اولان ممالکک (ایتالیا) اتحادینه داخل اولسنی طلب ایدن (ایرره دانتیست) فرقه‌سنی التزامه میل ایدیوردی . (تونس) ك (فرانسه) طرفندن ضابطی ایتالیان سیاستی بردن بره دکیشدیردی . (ایتالیا) حکومتی فرانسرلره ائتلاف فکرندن واز کچدی ، (ایرره دانتیزم) مسلکنی ده براقدی ؛ (اوستریا) یه یاقلاشدی ؛ قرال ، (اوستریا) ایپراطورینی زیارت ایتدی [تشرین اول ۱۸۸۱] .

(انکلتره) ، هیئت وکلای احرارک موقع اقتداره کچسنی متعاقب [دردنجی بابه

(بوسنه) نك (اوستریا) طرفدن اشغالی مسئلهسنده بتون دولتله متحد الافكار ایدیلر ، بونی دولت عثمانیه یه قبول ایتدیردیلر . فقط (بلغارستان) ، (آناطولی) ، (طونه) مسئلهلرندن طولایی اختلاف ظهور ایتدی . - (بلغارستان) مسئلهسنده دولتله (روسیه) یی موافقته مجبور ایتدیلر [یکریمی برنجی بابه مراجعت] . - (انکتره) ، (روسیه) نك آناطولیدن اراضی آلمسنه ، فقط یالکز شکلا ، اعتراض ایتدی و بوندن بالاستفاده (قبریس) ك اشغالنه مساعده ایدن معاهده خفیه یی نشر ایلدی . - (طونه) مسئلهسنده (اوستریا) ، نهرک بیطرفلنی و قلعه لرك هدمنی (روسیه) یه قبول ایتدیرمکه موفق اولدی .

قونفره ، (یونانستان) ایلده مشغول اولدی [یکریمی برنجی بابه مراجعت] و موسویله حقوق سیاسیجه مساوات ویرلکسنی (صربستان) و (رومانی) یه قبول ایتدیردی .

اتفاقه منٹك نكلی [۱۸۷۹ - ۸۳] . - شرق مسئلهسنك (برلین) ده حل ایدلمسی (آلمانیا) ، (اوستریا) و (روسیه) ایمپراطورلقلری آرهسنده کی ائتلافه خاتمه ویرمشدی ؛ (غورچاقوف) ، (بسمارق) ك (روسیه) مطالباتی مدافعه ایلمه مسنی بر درلو عفو ایده میوردی . (بوسنه) یه صاحب اولان (اوستریا) بالقان خرنستیانلری اوزرنده کی نفوذنی تزئیده ، (سلانیک) طریقله بر طریق تجارت کشادینه چالیشدی ، بوندن طولایی (اوستریا) و (روسیه) آرهسنده بر رقابت حاصل اولدی . آرهده کی اختلاف روس غزته لرینك (آلمانیا) علیهنده کی مقالاتی و (روسیه) نك (اوستریا) حدودی اوزرنده کی تسلیماتی ایله بر قات ده کسب ایتدی . (بسمارق) ، (اوستریا) بی شرقده (روسیه) یه قارشلی مدافعه ایتمک ایچون (ویانه) حکومتته دها زیاده یاقلاشدی . (اوستریا) ، (آلمانیا) ایمپراطورلنی ایله « صالح و مسالمت و مدافعه متقابله اتقاقی » ایچون بر معاهده خفیه عقد ایتدی [تشرین اول ۱۸۷۹] ؛ بواتقاق بالخاصه « طرفیندن برینه روسیه طرفدن هجوم ایدلمسی » احتمالی نظر دقته آله رق عقد اولمشدی ، چونکه دیگر بر دولت طرفندن بر هجوم وقوعنده طرفین یکدیگرینه قارشلی بر مسلک بیطرفی خیر خواهانه اتخاذ ایده جکلرینی ، یالکز هجوم ایدن حکومت (روسیه) نك معاوتنه مظهر اولور ایسه اوزمان محاربه یه اشتراك ایلیه جکلرینی وعد ایدیورلردی .

ایکنجی (آلتکساندر) ایله (ویلهلم) آرهسنده کی مناسبات شخصیّه دوستانه ، ایکی دولتی ظاهراً حال ائتلافده کوسترییوردی ؛ حتی ایکی ایمپراطور ملاقات دخی ایتدیلر [۱۸۷۹] ، (آلتکساندر) بر ضیافتده « محب محترمی ویلهلم » ك شرفه

قالدیفندن صلح طلب ایتدی و (چار) ك علو جنبانه التجا ایلدیکنی بیلدیردی ؛
 (روسیه) شرائط صلحیهی « ادرنه پروتوقولی » ايله بیان ایتدی [۳۱ کانون ثانی] :
 رومانیا ، صربستان و قره‌طاغك توسیعی و استقلالی ، بلغارستان پرنسلکنك تشکلی ،
 (بوسنه) نك مختاریتی . (انکلتره) تلاشه دوشدی ، بر دونما کوندرمکه حاضرلندی
 [۲۸ کانون ثانی] ، بعده پادشاهك اعتراضاتنه رغماً سفائن حربیه‌سنی قلعه سلطانیه
 بوغازندن کچیردی . (روسیه) حکومتی (انکلتره) نك بو نمایشنه جواباً استانبولی
 اشغال ایتمکده سربست اولدیغنی بیان ایتدی [شباط] ؛ موقت بر صورت تسویه ايله
 ایکی دولت آره‌سنده حربك ظهوری منع ایلدی . دولت عثمانیه مذاکرات صلحیهی
 اوزاتدیغندن غراندوق (نيقولا) قرارگاه عمومیسنی (آیستفانوس) ه نقل ایلدی ؛
 اوراده ، روس مرخصی (ایغاتیف) ك اولتیماتومنی قبول ایتدی . (آیستفانوس)
 مقدمات صلحیه‌سی [۳ مارت ۱۸۷۸] ۳۱ کانون ثانی تاریخلی پروتوقول اساسی اوزرینه
 صلحی اعاده ایتدی [دولت عثمانیه بحثه مراجعت] .
 (روسیه) حکومتی ، صرف ، (اسلاو) محمیلرینك منفعتی ایچون حرکت ایتشدی .
 (انکلتره) حکومتی خربجویانه نمایشلر یاپدی ، فقط هیچ بر حکومتك کندیسنه معاونت
 ایتمه‌جکی بر محاربه‌یه یالکز باشنه کیریشمکده تردد ایتدی . (روسیه) ، بتون قوتنی
 صرف ایتش ، بتیرمش اولدیغنی ایچون صالح ایستوردی . (روسیه) و (انکلتره)
 حکومتلری ، نهایت (اوروپا) مرخصلرندن مرکب اوله‌رق عقد ایدیله‌جك قونفرده
 مذاکره‌سی ایجاب ایدن مسائلی قرارلشدیردی . (روسیه) نك (آسیا) ده آلدیغنی
 اراضیه‌یه مقابل موازنه‌یی محافظه ایچون دولت عثمانیه ايله بر معاهده خفیه عقد ایتدی
 [۴ جزیران] و بو معاهده نامه ايله شاید (روسیه) نك الحاق ایتدیکی ممالک کندیسنه
 قالدیرسه آسیائی صغرای مدافعه ایده‌جکنی تعهد ایلدی ؛ پادشاده ، بوکا مقابل ، ناطولیده
 اصلاحات اجرایی و عد ایدیور و (انکلتره) نك (قبریس) جزیره‌سنی اشغال
 ایتمسه مساعدده ویریوردی .
 (روسیه) ، (آلمانیا) ، (آوستریا) ، (انکلتره) ، (فرانسه) ، (ایتالیا)
 و دولت عثمانیه نك وکلا و سفراسندن مرکب اوله‌رق (بسمارق) ك تحت ریاستنده انعقاد
 ایدن (برلین) قونفره‌سی [جزیران - تموز ۱۸۷۸] آلمانیا نك (اوروپا) ده‌کی
 تفوقنی اثبات ایتدی (بسمارق) بو مسئله‌ده صلحی تأمین ایچون حکم وظیفه‌سنی دکل ،
 « ناموسلی سیمسار » وظیفه‌سنی قبول ایتدیکنی سویلیمشدی .
 قونفره ، ممالک عثمانیه‌ده عصیانلر و محاربه‌لر ايله میدان چیقان مسائلك کافه‌سنی حل ایتدی .

اولاً. — روس اردوسی (رومانی) یه کیدی [نیسان] ونه رده بر عثمانلی فیلوسی بولمنسه رغماً یواش یواش (طونه) دن کچدی [مایس — حزیران] ؛ (رومانی) نك آلات و وسائط حربیه سندن استفاده ایلدی ، فقط (رومانی) اردوسنك معاونتتی ایسته مدی .

ثانیاً. — روس اردوسی (بلغارستان) ه استیلا ایتدی ، عثمانلی قلاع اربعه سنی یان طرفه براقه رق بالقانلز اوزرینه یوریدی ؛ (غورقو) نك قومانداسنده کی پیشدار (شیقا) کچیدنی ضبط ایتدی ، بالقانلرک اوته طرفنه کچمکه چالیشدی ، کری یه پوسکوردلی ، فقط کچیدی محافظه یه موفق اولدی . ترك اردوسی (بلغارستان) ك باشلیجه یوللرینك نقطه تلاقیسی اولان (پلونه) ده تحصن ایتدی و ایکی هجومی دفع ایلدی [تموز اواخری] . روس اردوسی بوموقی محاصره یه و (رومانی) اردوسنك معاونتتی طلبه مجبور اولدی .

ثالثاً. — (پلونه) محاصره سی پك اوزون و خونریزانه اولدی [ایلول — کانون اول] . اکثریتله آرناوود اولان ترك عسکرلری ، ضابطلرینی قوغه رق و کوچك قسملره آریلارق [] طایه لر آرقه سنه تحصن ایتدیلر ، (مارتینی) و (شنایدر) سیستمده کوزل تفککری و (پلونه) دبویرنده ایستدککری قدر فشك بولندیغدن شدتله مقاومت ایدیورلر و پك چوق دشمن اولدیریورلردی [۱۶،۰۰۰ روس ، ۵،۰۰۰ رومانیالی] . لوازمی نقصان اولان روس اردوسنده متریس آحق ایچون ایجاب ایدن آلات یوقدی . (پلونه) موقعی ایجه صارمق ایچون قوای امدادیه ورودینه انتظار ایتك لازم کلدی [تشرین اول] ؛ نهایت ، ترکری آج براقق ایچون هر طرفدن ایجه احاطه ایلدی . ارزاق و مهماتی قالمیان (پلونه) اردوسی طایه لردن چیه رق هجوم ایتدی ، فقط محاصره ایلدیکندن تسلیم اولدی [۱۰ کانون اول] . پك چوق زماندن بری تسلیحاته دوام ایدن (صربستان) یکیدن اعلان حرب ایلدی .

رابعاً. — روس اردوسی ، قار و صفوغه رغماً ، بالقانلردن کچدی ، کچیدلری ضبط و طاعلرده بر ترك اردوسنی احاطه و اسیر ایتدی ، صکره (مریچ) و ادیسی طریقله (قلبه) اوزرینه ایتدی ، اوراده صوك ترك اردوسنی طاغیتدی [۱۴ — ۱۷ کانون ثانی ۱۸۷۸] وادرنه یه واصل اولدی .

آبستفانوسی مصالحه سی برلین قونفره سی [۱۸۷۸] . — پادشاهک اردوسی

[*] سه نیوبوسک حقیقت حاله موافق اولمیان بوفاده سی — کتابک عیناً ترجمه ایلدیسندن

طولابی — اولدینی کی ابقا ایلدی . ع . ر .

(صربستان) اعلان حرب ایتدی : (میلیس) لردن مرکب کوچک صرب اردولری عثمانی طوپراغنه داخل اولدیلر [تموز] ؛ فقط برمدت صکره صربستانه پوسکور دلدیلر . صربلری آچقندن آچیغه حمایه ایدن (چار) قومیتلر طرفندن روس کولکلورینسک تحت سلاحه آلملرینه مساعده ایتدی و محاربه نك قریب الوقوع اولسی احتمالتدن علناً بحث ایلدی ؛ نهایت ترکلری ایکی آیلق متارکه عقیدینه مجبور ایتدی [تشرین ثانی] . بعده ، (دیسرائلی) ، (انکلتره) شورای امتده تهدید آمیز برنطق ایراد ایلدیکندن (چار) اردویی حال سفر برییه وضعه باشلادی [تشرین ثانی] . آلتی دولتک مرخصلردن مرکب اولمق اوزره استانبولده برقونفرانس عقداولنمسی تکلیفی (انکلتره) یه قبول ایتدیردی ؛ برقونفرانسده بر اصلاحات لایحهسی قلمه آلتدی ، فقط حکومت عثمانیه بونی قبول ایتدی [سلطنت عثمانیه بحثه مراجعت] .

دول معظمه در سعادتده کی سفیرلرینی کرییه آلدیلر [کانون ثانی ۱۸۷۷] ، روسیه حکومتی نهایت « لوندره پرتوقولنی » دولتاره امضا ایتدیرمکه موفق اولدی ، (چار) بو پرتوقولده ذات شاهانه طرفندن وعد ایدیلن اصلاحاتک اجرایی تعهد ایدیلرسه ترک تسلیحات ایلجه جکنی تعهد ایلوردی . باب عالی ، پرتوقولی رد ایلدیکندن (روسیه) حکومتی هر درلو اصلاحات لایحه لرینک باب عالیجه غیر قابل اقتحام مشکلاته تصادف ایتدیکندن اغتشاشانه نهایت ویرمکه منفعتی نقطه نظرندن مجبور اولدیغنی بیان ایتدی . ایکنجی (آکساندر) ، صلح و مسالمتی محافظه ایتمک آرزوسنده بولنسنه رعماً ، نهایت ، ترکلرک ظلم و تضییق آلتنده کی اسلاو قرداشلرک معاونتنه حکومتی اجبار ایچون ایکی سندن بری واسطه مطبوعات ایله [بالخاصه آقصابوق واسطه سیله] افکار عمومییه خاضرلیان فرقه ملیه یه مامشات ایتمک مجبور اولدی .

ترکیا محاربهسی [۱۸۷۷ - ۷۸] . — بتون (آروپا) دولتری بیطرفلقلرینی اعلان ایتدیلر ؛ (انکلتره) معاهدات نامنه اوله رق پرتوستو ایتمکله برابر لدی الايجاب آنجق انکایز منافعی ، یعنی سویس قنالی ، استانبولی ، قلعه سلطانیه بوغازینی مدافعه ایچون مداخله ایلجه جکتی بیلدیردی .

(روسیه) ، دولت عثمانیه ایله حال حربده قالان (قره طاغ) دن بشقه بر متفق دها بولدی ، (رومانی) حکومتی بیطرف قالمدیغندن (روسیه) ایله ائتلافی ترجیح و تمامی ملکیتی (روسیه) طرفندن تأمین ایدلمک شرطیله روس اردولرینسک داخل مملکتدن مرورلرینه مساعده ایتدی .

محاربه ، بوجه آتی درت نوع حرکات حربیه یه آیرلدی :

بولنان اسلاو خرسیتیانرینی تحریکه ، روس قونسولوخانه لری مأمور لرله پیدای مناسباته باشلامشدی [*].

نهایت (هرسك) دهکی صرب اورتودوکس لری عصیان ایتدیلر [تموز ۱۸۷۵] ، بوضورتله شرق مسئلهسی یکیدن میدانه چیقدی . (آندراشی) نك نوطه سنده [دولت عثمانیه بختنه مراجعت] صلحك ادامه سنی تأمین ایچون دولت عثمانیه دن طلب ایدیله جك تأمینات ذکر وتعداد ایدلدی ؛ یالکز ، ذات شاهانه نك عزت نفسی جریحه دار ایتمهك ایچون بونوطه نك مشترك المال برنوطه شكنده باب عالی یه تبلیغدن واز کچیلدی .

فقط عصات طرفندن طلب ایدیلن اصلاحات باب عالیجه رد اولندی ؛ بونك اوزرینه عاصیلر ، قره طاغیلرک معاوتی ایله ، عثمانلی اردوسنی پوسکورتمهك موفق اولدیلر [نیسان ۱۸۷۶] . روسیه طرفندن تهید ایدیلن پادشاه ، قره طاغه اعلان حربه جسارت ایدهمدی ؛ فقط حدوده براردو کوندردی . قره طاغ پرئسی ایسه آچقندن آچیغه مخاصماته باشلادی ؛ (بالقان) شبه جزیره سنده ترکلر علمنه اوقدر قوتلی بر جریان حاصل اولدی ، که (صربستان) و (رومانیا) ده صرب فرقهسی رأس کاره کچیدی ، بلغارلر عصیان ایتدیلر [ماینس ۱۸۷۶] . عینی زمانده ، (سلائیک) ده (آلمانیا) و (فرانسه) قونسولسارینک مسلمانلر طرفندن قتلی دول معظمه نك مداخله سنی استلزام ایتدی . باب عالی بی ، اغتشاشاته نهایت ویره جك اصلاحات اجراسنه مجبور ایتک ایچون (اوروپا) دولتری آره سنده کی اتلافه کووه نیلیوردی . فقط (دیسرائلی) هیئت وکلاسی دولت عثمانیه بی هر نه صورتله اولورسه اولسون (روسیه) یه قارشى مدافعه ایتک سیاست قدیمه سنی اتخاذ ایدرک دیگر دولتلر طرفندن تنظیم ایدیلن «برلین مه موراندومنی» قبولندن امتناع ایلدی و دونماسنی آریجه درسعدت قرینه کوندره رک (انکلتره) نك دولت عثمانیه بی التزام ایده جکی ظنی حاصل ایتدیردی .

افاده سنه باقیلیرسه بوحاشه هرایکیسی کندیسنک دشمنی اولان (غورچاقوف) ایله (غونتو بیرون) طرفندن محضا مشکلات چیقارمق و کندیلرینی محافظ صلح و مسالمت کبی کوسترمک فکرینه ابتناء میدانه چیقارلشدر ؛ بوایکی ذات (رادویچ) ک پترسبورغه اعزامندن و (چار) ک (برلین) ی زیارتیدن بالاستفاده (پروسیه) نك محاربه تکلیفنده بولدیغنه ، فقط (چار) ک مداخله سیله ظهور حربک منع ایدلیکنه بتون عالمی ایتاندیرمشلردر .

[*] بوباده کی تحریکات خفیه دولت عثمانیه نك ۱۸۷۲ ده اله کچروب ۱۸۷۷ سنه سنده — اسماء خاصه بی حذف ایتک صورتیه — نشر ایلدیکی مکتوبلرله ثابت اولمشدر . روس مأمورلرینک حکومت متبوعه لرینک امریله می ، یوقسه کندی کندیلرینه می حرکت ایتدکلری جای ملاحظه در .

شرق مسائی [۱۸۷۵ - ۷۶] . — (فرانسه) نك مغلوبیندن بری (روسیه) ، دولت عثمانیه اوزرنده بیوک بر نفوذ صاحبی اولمشدی . بلغارلر ایچون براکسارحخانه احدائنه ، یعنی اورتودوقس بلغارلری درسعادت روم بطریقخانهسی ادارهسندن آلهرق (روسیه) نك محیسی اولان بر (اسلاو) راهبک ادارهسی آلتیه ویرمکه موفق اولدی . (روسیه) ده (اسلاو) فرقه ملیهسی (اسلاو) لرك ترك تابعیتدن قورتارلسنه چالیشمق اوزره متعدد قومیتلر تشکیل ایتمش ووقومیتلر (بوسنه) ده ، (بلغارستان) ده

(پارس) ده کی سفیری (هوئلوهه) بی ایضاحات ایسته مکهمامور ایلدی ؛ (هوئلوهه) برآشام خارجیه ناظری (دوغاز) ه صراجعت ایدرك : « حکومت متبوعه مک تسلیحاتکره تهدید آمیز بر حرکت نظریله باقدیغنی بیانه مأمورم ؛ بوصراجتمی نظر دفته آلریمسکیز ؟ » دیدی . (دوغاز) بوبابده کی شبهه بزلرك پك نابجل اولدیغنی جواباً بیان ایتدی . — (پوست) نامنده کی نیم رسمی آلمان غزته سی « یاقینده محاربه » سرلوحه سیله بر مقاله بازه رق محاربه نك نتایجی حقنده بیان مطالعات ایلدی . — ینه اوضرده (آلتایا) حکومتی (رادووچ) ی مأموریت مخصوصه ایله (چار) ك نزدینه کوندردی . — (فرانسه) نك محاربه تهلاکسی قارشیدنه بولدیغنه دائر بتون (اورویا) محافل دیپلوماتیقه مننده برروایت شایع اولدی ؛ (دوغاز) ، روسیه سفیری (اورلوف) دن معاونت طلب وشاید فرانسزلر دوچار هجوم اولورلرسه (لووار) نهرینک اوبرطرفنه چکیلجکلرخی بیان ایتدی . (تایمس) غزته سنک نشر ایتدیکی بر مقاله ده (روسیه) ده فرقه عسکره نك محاربه ایتک ، (پارس) اوزرینه یوریمک ویکي ملیارلر ایسته مک فکرنده بولدیغنی حکایه ایلدی . — (روسیه) ده باش وکیل (غورچاقوف) کیفیتی (فرانسه) سفیری (لوفلو Leflô) واسطه سیله خبر آلدیغنی زمان : « قوتلی اولغه چالیشیکیز ! خصم لرك انظار حسدنی جلب ایده جک درجه ده زنگینسکیز » دیدی . (لوفلو) ، (چار) ك حضورینه قبول ایلدی ، محاربه تهلاک لرندن بحث ایدرك (فرانسه) یه سلاح ایله معاونت ایدوب ایتیه جکنی صوردی ؛ (چار) محاربه مانع اولمق ایچون سوزك کفایت ایده جکنی ، یاقینده (برلین) ه کیتدیکی زمان صلح ومسالتک محافظه نی توصیه ایده جکنی سوبلدی . — ۱۱ مایسده (چار) (برلین) ده امپراطور ایله کوروشدی ، بوملاقانی متعاقب محاربه شایعه لرینک آرقه سی کسبیلدی . — بر مدت صکره امپراطور (ویلهلم) روایات مذکورنک (بورسه) لرده کی معامله جیلرك مانورهلرندن عبارت اولدیغنی (فرانسه) سفیرینه سوبلدی و « آتاشه میلیر » ه دخی « برم آره منی بوزمق ایستدیلر . » دیدی . (بسمارق) ، (رایخشتاغ) مجلسنده ایراد ایلدیکی بر نطقده غزته لرك امور خارجیه ایله لزومندن زیاده مشغول ایدقلرخی بیان ایتدی .

بو احوال وحوادث ایکی صورته تفسیر ایلدی . (غورچاقوف) ك ای و (فرانسه) سفیری (غونتو بیرون Gontau-Biron) ك افاده ایتدیکنه کوره (روسیه) حکومتی محاربه یه قرار ویرمش ، (چار) ك فکرنی آکلامق ایچون (رادووچ) ی (پترسبورغ) ه کوندرمشدی ، (روسیه) نك مداخله سی اولسه روسیه لیلر هجوم ایده جکلر دی . بوفکر ، (اورویا) دیپلوماتلرندن قسم اعظمنک افکارینه توافق ایتکده در . — (بسمارق) ایسه بالعکس نه کندیسنک ، نه ده امپراطورک محاربه ایسته مدکلرخی و محاربه آرزوسنک « بیوک براحقق » اولدیغنی بیان ایتدی ؛ (بسمارق) ك

ضیافتده ایمپراطورک شرفه بادهنوتس اولدینغی صرهده آلمان وروس اردولری آرهسندهکی اخوتدن وایکی حکمدار میانسندهکی محبتدن بحث ایتمک و یو اخوت و محبتک « اوروپا صلح و مسالمتی و نظام و انتظامی ایچون ائ مکمل برضمان » تشکیل ایتدیکنی سویلمک صورتیه اظهار ایتدی [۸ کانون اول ۱۸۷۱] .

(ایتالیا) پاپالقمقامنک حکومت جسمانیهسنی اعاده ایچون (فرانسه) ده قاتولیک فرقهسنی طرفندن اظهار ایدیلن آرزولردن تلاش ایتدیکندن (آلمانی) یه تقریه باشلامشدی . ولی عهد پرنس (هومبرگ) (برلین) ده ایمپراطوری زیارتی یو مقارنت سیاسییه دلیل ایدی [مایس ۱۸۷۲] .

دولتله آرهسندهکی ائتلاف اوچ ایمپراطور ایله وکلالرینک (برلین) ده ملاقاتلریله برقات دهها ظاهره چیقدی [ایلول ۱۸۷۲] . بسمارق بو ملاقات و ائتلافک ماهیتتی : « اوروپا ، یکی آلمان ایمپراطورلنک شهراه صلح و مسالمت عمومیه اولدینغی تصدیق ایدیور . » سوزلریله افاده و ایضاح ایتدی . بو ائتلافه یا کلش اولهرق « اوچ ایمپراطور آرهسنده اتفاق » نامی ویرلدی ، فقط هیچ بر معاهده نامه عقد اولتمدی . بوندن بشقه دهها بر چوق ملاقاتلر وقوعه کلدی : ۱۸۷۳ ده (ویانه) سرکیسنده ، ۱۸۷۴ ده (پترسبورغ) ده ، ۱۸۷۴ - ۷۵ ده (اوستریا) طاغلرنده ، (ایشل) ده ، ۱۸۷۶ ده (سالزبورغ) ده ، ۱۸۷۵ - ۷۶ ده (بوهمیا) ده . — (ایتالیا) قرالی (ویانه) و (برلین) ه کیتدی [۱۸۷۳] ، ایکی ایمپراطور قراله اعاده زیارت ایتدیله [۱۸۷۵] ، فقط (پایا) دن طولایی (روما) یه کیتدیله ، (پایا) ایله مناسبات بازکانده بولمقده اکتفا ایلدیله .

(انکلتره) و (فرانسه) وسطی و شرقی (اوروپا) حکومات معظمه سنک دائره ائتلافی خارچنده و حال تجررده قالدیلر . صلح و مسالمت ، بلا حادثه ، ۱۸۷۶ سنه سی شرق مسئله سنه قدر دوام ایتدی [۱] ؛ بومدت ظرفنده [نیسان - مایس ۱۸۷۵] فرانسه و آلمانی آرهسنده محاربه ظهور ایده جکنه دائر - منشائی معلوم اوله میان - برطاقم روایتدن بشقه باعث اندیشه برحال وقوعه کلدی [۲] .

[۱] برآلان قروواوزورینک (قارتزهون) محاربه داخلیه سنه مداخله سنی [۱۸۷۳] ، بلچیکا بسقپوسلرینک (بسمارق) علیهنده کی بیاناتندن طولایی (آلمانی) ایله (بلچیکا) آرهسنده ظهور ایدن اختلافی [۱۸۷۵] حادثات مهمه سیاسیهدن عد ایتمیورم .

[۲] بوباده محقق صورتمده معلوم اولان احوال بوجه آتیدر : فزانسز مجلس ملیسی اردونک قارولری حفته برقانون عسکری قبول ایتشدی . (آلمانی) ارکان حرب رئیس (مولنکه) بوقانونک (فرانسه) حکومتک قریباً برمحاربه حاضرلندیغه دلالت ایلدیکنی بیان ایتدی . (آلمانی) حکومتی

مؤسس اولدیغندن (اوروپا) ده (آلمانیا) نك - وقتيله برنجی ناپولئونك یابدینی کبی - اردوسنك تقوقندن بالاستفاده الحاق ممالکک دوام ایده جکی ظنی حاصل اولمش ؛ جرمان مملکتلرینک . (په بی با) نك ، (اوستریا) داخلنده کی آلمان ولایتنك ، (اسویچره) ده کی آلمان قانتونلرینک (پروسیه) طرفندن ضبطنه انتظار ایدیلور ایدی . ایمپراطور ، بوندن صکره ، متحد وقوقلی (آلمانیا) نك یالکز (اوروپا) صلح ومسالمتی محافظه یه چالیشه جغنی سویلمشدی [۱۸ کانون ثانی تاریخلی بیاننامه ، ۲۱ مارت تاریخلی نطق افتتاحی] ؛ فقط بو بیاناته اعتماد اولئیوردی . بر قاج سنه ، ایمپراطورلغه قومشو اولان کوچک مملکتلرده ، (هولاندا) ، (بلجیقا) ، (لوکسمبورغ) ، (اسویچره) ، (دانمارقه) ده افکار عامه تلاش ایچنده قالدی ، آلمانلره امنیتسزلك کوسترلدی . حقیقت حالده ، (آلمانیا) حکومتی ۱۸۷۱ دن صکره نه محاربه ایتدی ؛ نه ده یکی مملکت الحاق ایلدی ؛ حتی سیاست صلح پرورانه دن بیله اصلا انحراف ایتدی .

دیگر دولتر (آلمانیا) نك تقوقتی تصدیق واعتراف ایتدیلر وحکومتلر محافظه صلح ومسالمت حقده کی آرزولرینی اظهار ایچون بربرینه یاقلاشدیلر . ایلت اوکجه (اوستریا) ایشه باشلادی ؛ ایمپراطورلغک تأسسی (آلمانیا) ده بر موقع رجحان احراز ایتک امیدینی صورت قطعیه ده ازاله ایلدیکندن - بمارق ۱۸۶۲ سنهنده کی نصیحتنه اتباعاً - بتون سیاستنی شرقه توجیه ایتدی ، بو طرفده (روسیه) یه قارشى موازنه یی تأمین ایچون آلمان ایمپراطورلغک معاونتته محتاجدی . تاریخ عقدندن بری پایدار اولان (آلمانیا) و (اوستریا) ائتلاف صمیمانه سی ۱۸۷۱ سنهنده متعدد نمایشلر ، تظاهرات ایله باشلادی: - (بوست) ک اوستریا و مجارستان (ده له غاسیون) مجلسلرنده (اوستریا) نك (آلمانیا) و (ایتالیا) ایله دوستلغنه و بو دوستلغک اوروپای وسطایی بر شهراه صلح ومسالمت حالته قویدینه دئر بیاناتی [تموز] ، - (بمارق) ایله (بوست) آردسنده (غاشتاين) ملاقاتی [آغستوس] ، - (سالزبورغ) ده ایکی ایمپراطور ملاقاتی [ایلول] . بو ائتلاف صمیمانه (بوست) کسقوطی [اون یدنجی بابہ مراجعت] واسلاولره قارشى (آلمانیا) نك متفق طبیعی اولان (مجارستان) و کلاسندن (آندراشی) نك خارجه نظارتنه تعینی ایله تقویتپذیر اولدی [کانون اول ۱۸۷۱] .

(روسیه) ده ، افکار عمومی ، بالحاصه (اسلاو) فرقه ملیه سی ایله مأمورین حکومت محافظنده ، آلمانلر عاھنده بولمنه باشلامشدی . فقط ایمپراطور (ویلهلم) ک محب شخصیسی اولان (چار) ۱۸۶۳ ده لهیلره قارشى وقوعه کلن محاربات ائسانسده تأسس ایدن مناسبات دوستانه نك محافظه سی التزام ایدیوردی . بوایده کی حیساتی بر

« انتقام » شکل عوامپسندانه سنده و مبهم بر صورتده موضوع بحث اولغه باشلادی : اوزمان ، محاربه نك ایکی ملت آرسنده دونللودن عبارت اولدینی و مغلوبك محافظه شان و ناموس ایچون یکیدن حربه باشلامسی لازم کلدیکی فکر قدیمی هنوز جاری ایدی . بو حال ، آلمانلره و بلکه ده بتون (آوروپا) یه ، فرانسنزلرك اعتراضاتی و قتیله ۱۸۱۵ معاهداتی علیهنده کی حس نفرته مشابه بر حسك تأثیر یله وقوعه کلدیکی ظننی ویردی . واقعا ۱۸۱۵ سنه سنده مقصد یالکز حیثیت ملیه یی محافظه دن عبارتدی ، حال بوکه (آلساس - لورن) اها یلسنك « آرزولری خلافتده » آلمانیایه الحاق ایدلملری بر « عدالت سیاسیة » مسئله سنی میدانه چیقار یوردی : چونکه ، حاکمیت عامه فکرینك ائک اساسلی ، ائک صاغلام قاعده سنی اخلاص ایدرك (فرانقفورت) معاهده نامه سنك مشروعتنی تصدیقه امکان بر اقیور ، الحاق ایدیلان اها یلسنك حقوقی محل بولنیوردی . فقط (آلساس - لورن) ك مطالبه سنه قاریشان فکر انتقام ، مسئله یی یالکز استرداد اراضی آرزوسی ، رقابت ملیه حسی شکلنه قویدی . - بو کون بیله فرانسنز افکار عمومیه سی (آلساس - لورن) مسئله سنی حقوق اقوام قاعده سی نقطه نظرندن تدقیقه موفق اوله مامشدر . (فرانسه) رجال حکومتی ، وکلای ملتی ، محافظه صلح و مسالمت طرفداری اولمقله برابر ، هیچ بر زمان فرانسنزلرك ۱۸۷۱ معاهده سنی قبول ایتدکلرینی سویلیه مه مشر ونه ایچون قبول ایتدکلرینی آکلاته مامشدر . یالکز بر نقطه (اوروپا) نظرنده واضح کوروندی ، اوده (آلمانیایه) نك ناقابل تألیف دشمنی اولان (فرانسه) نك ، اعلان حرب ایتسی ایچون مناسب بر فرصته انتظار ایتسی فکریدر ؛ بو سیاست ، بالآخره (غامبتا) طرفندن « دائماً بونی دوشونه لم ، فقط هیچ بوندن بحث ایتمه لم . » سوزلریله افاده ایدلمشدر .

(اوروپا) سیاستی ، ۱۸۱۵ دن صکره اولدینی کبی ، بو دفعه ده (فرانسه) یی حال صلحه طوتمقدن عبارت قالدی . (آلمانیایه) ، ۱۸۱۵ ده کی (اوستریا) یی تقلیداً ، بو وظیفه یی درعه ده ایتدی . و قتیله (اوستریا) کبی ، طلب ایده جك بر شی قالمدینندن ، « حال اشباعه » کلدیکندن [*] استاتوقویی ، یعنی ثمرات مظفرینتی و تفوقنی محافظه یه چالیشدی . فقط (اوستریا) قوتلی بر اردویه استناد ایده مین دیپلوماسیسی ایله تفوقنی پك چابوق غائب ایتشدی ؛ (آلمانیایه) ایسه (اوروپا) نك ائک قوتلی اردوسنه صاحب اولدیغندن کندی تفوقنی محافظه یه موفق اولدی .

اوج ایمیراطور انفاق [۱۸۷۱ - ۷۶] . - (بسمارق) ك ۱۸۶۴ و ۱۸۶۶ سنه لرنده کی سیاسیات تجاوزکارانه سی ، ۱۸۶۶ و ۱۸۷۰ الحاقلری صرف حق فتح اوزرینه

[*] بو تعبیر (مترنیخ) ك اولوب (بسمارق) طرفندن ده استعمال ایدلمشدر .

اجرا ایدیلن طرز جدید محاربه ، استیلار ، وقت حربده جهت عسکریه ایچون اهلیدن آت ، آرابه وارزاق آلمنی ، معاملاتک بردن بره طورمسی ، آلات جدیده تخریبیه محاربه‌یی او درجه مدھش بر حاله کتیرمشدرکه بتون اقوام حربدن چکینیورلر ، اودرجه شایان نفرت بر حاله کتیرمشدرکه هیچ برسیاسی آرتق مسئولیت حربی اوزرینه آلمغه جسارت ایدمیور . کیندکجه ده‌ها قوتلی و حاکمیت عامه فکرینه ده‌ها زیاده طرفدار اولان مجالس ملیه ، ملتک صلحپرور قسمنک آرزولرینی اولکنندن زیاده اهمیتله تلقییه باشلامشدر و حکومتلری محاربه‌دن منع ایچون اولکنندن زیاده اجرای نفوذ و تأثیر ایلمشدر .

بوندن اولکی دورک محاربه‌لرینه سبب اولان حکمداران و وکلانک آرزولری اقوام مختلفه‌نک حسیات ملیه‌لرله حکمدن ساقط اولمشدر . (بسمارق) ، (آندراشی) ، (غورچاقوف) ، (دیسرائلی) و (غلادستون) کبی بعض ذواتک نفوذلری ۱۸۷۱ سنه‌سندن صکرده کال اهمیتله جاری اولمش ایسه‌ده آرتق وقایع سیاسی و حربیه اوزرنده رجال حکومتک تأثیرلری او درجه حس اولنه‌میور . یالکز شرقده ، عصر حاضرک شرائط حیاتیه‌سی خارجنده قالان ، حکمدار مطلقلر طرفدن اداره ایدیلن ، اردولری غیر منتظم و غیر معلم اولان مملکتلرده محاربه‌لر دوام ایش ، دیپلماتلرک تأثیر عظیملری کورلمشدر : بتون (اورویا) نک ۱۸۷۱ دن صکره‌کی تاریخ سیاسی (بالقان) شبه چیزه‌سنه منحصر قالمشدر . متمدن (اورویا) ده یکانه واسطه‌ تهید و تخریبندن ، محاربه‌دن محروم اولان دیپلوماسی ، اظهار محبت و یا نفرت ایچون اجرا ایدیلن نمایشلردن عبارت قالدی . دیپلوماتلر ، اهمیت عسکریه‌دن عاری اتفاقلر وجوده کتیرمکده دوام ایتدیلر ؛ غزته‌لر دیپلوماسی عالندن ترشح ایدن هیجان آمیز خبرلر نشرندن کری طورمدیلر ؛ خلق ، دائمی براندیشه واضطراب ایچنده قالدی ؛ فقط هیچ بر وقعه‌ حربیه تحدث ایتدی .

آلمان استیلاسی ، فرانسزلرک محاربه حقدنکی خیاللرینی تبدیل ایتدی : شمدی محاربه‌ینی « ممالک اجنبیه سفر » دکل ، « استیلا » شکنده کوریورلر ؛ سیاست خارجه‌ینی اداره ایدن وکلای ملت ، متخبلیرنک اکثریت عظیمه‌سنک « هیچ بر صورتله » تجاوزی بر محاربه‌ینی آرزو ایتدکلرینی بیلورلر .

فقط (فرانقفورت) معاهده نامه‌سی ، اهلایسنک آرزوی قطعیسنه رغماً ، (آلساس - لورهن) ی (آلمانیا) یه الحاق ایتدیکی ایچون (اورویا) ده یکی بر مسئله‌نک میدانه چیقمنه سبب اولدی . بومسئله ، اول امرده ، فرانسز افکار عمومی‌سنده

(آلمانیا) نك مداخله سندن تلاتن ایدن (تیر) ، (فرانقفورت) شهرنده یکیدن مذاکراته باشلادی [مایس] ۱۰۰ مایسده عقد ایدیلن (فرانقفورت) معاهده نامه سی حدود جدیدی ، ۵ ملیار فرانقک صورت تسویه سنی ، فرانسز طوبراغنک زمان تخلیه سنی تعیین ایتدی .

(بسمارق) شرق قومپانیاسنه عأد شمندوفر خطوطنی ۳۲۵ ملیون فراننه ساتون المغه [اولجه] ۱۰۰ ملیون فرانق تکلیف ایتمشدی [، تضمینات حربیه نك برقسمنی صاعلام اسهام اوله رق قبوله ، ۱۸۶۲ تجارت معاهده نامه سندن واز کچمکه راضی اولدی ؛ فقط ایکی ملت آره سنده کی کمرک تعرفه لرینک ائک زیاده مظهر مساعده اولان ملتره مخصوص تعرفه درجه سنه تیزیل خصوصنده اصرار ایتدی] .

۱۸۷۱ ده صکره آوروپا سیاستنک شرائط مبریه سی . — (فرانسه) محاربه سی (اوروپا) سیاستنی قارمه قاریشیق ایتدی . آلمان ایمپراطورلننک ، یعنی (پروسیه) نك تفوق عسکریمی آلتده آلمان اتحادینک تشککنه سبب اولدی [آلتجی بابه مراجعت] . — ایمپراطورلق ، (اوروپا) ده بر موقع مهم ومستتتا احراز ایتدی . — (پاپا) نك حکومت جسمانیه سی محو اولدی و (ایتالیا) اتحادی اکیال ایدلدی . — قره دکزک بیطرفلغی مسئله سی اوزته دن قالدی وشرق مسئله سی تکرار میدانه چیقدی . — (فرانسه) ده ایمپراطورلق محو اوله رق ائک زیاده دوام ایدن حکومت جمهوریه تأسس ایتدی . — (فرانسه) دن ۱،۵۰۰،۰۰۰ هکتار وسعتنده وکذا ۱،۵۰۰،۰۰۰ نفوسی حاوی اوچ ده پارتمان آلدی و (آلساس لورهن مسئله سی) نامیله یکی بر مسئله تحدث ایلدی .

بوندن بشقه ، (فرانسه) محاربه سی (آوزوپا) حکومت واقوامنک سیاست خارجه حقدنه کی فیکرلرینی تبدیل ایتدی . (آلمانیا) بی تقلیداً بتون (آوروپا) دول معظمه سی طرفندن خدمت عسکریه نك عمومه شامل اولسی اصولنک قبول ایدلمنی اردویه اغنیا عائله لری اولادینک کیرمسنی موجب اولدینندن رجال حکومت واعضای شورای امت محاربه بی منع خصوصنده کندیلرینی شخصاً علاقه دار کوردیلر . قوای جسمیه عسکریه ایله

[*] فرانسزلر بوکا « Sedan industriel » دیمشدر . مقصد ، ۱۸۶۰ سنه سندن بری (اوروپا) ده تجربه ایدیلن ، (فرانسه) طرفندن ترک اولنان سربستی مبادله یه مشابه براصولی محافظه ایتکدی . حقیقت حالده ، هر ایکی مملکتک قوانین عمومیه سنی دیپلوماسی طریقله تقید ایتک ممکن اولدینندن ، معاهده نامه ده (آلمانیا) ایله عینی درجه ده کمرک رسمی ویره جک بعض ملترک ذکر وتصریحه اکتفا ایدلدی .

معاهده نامہ بی تحت ضمانہ آلمش اولان دولتردن هیچ بری محاربه ایدہ بیلہ جک بر حالده دکلدی . (بسمارق) ، مسئلہ نك بر قونفرانس عقدی صورتیله حلنی تکلیف ایلدی [کانون ثانی ۱۸۷۱] . روسیه ، بر دولتک وقتیه عقد آیمش اولدینی بر معاهده نامہ احکامندن کنندینی وارسته عد ایدہ میه جکی قاعدہ اساسیه سنی قبول ایتدی ؛ فقط بوقبول ، صرف شکله عائد برشیدی . (لوندره) قونفرانسی (روسیه) طرفندن فسخ اولنان موادی النانو (روسیه) یه قره دکزده کی سربستی حرکاتی تأمین ایدہ جک صورتده یکی بر معاهده نامہ تحریر وتنظیم ایتدی [۱۳ مارت] . پادشاه ، بومعاهده نامہ بی بلا اعتراض قبول ایلدی .

(فرانسه) و (آلمانیا) آرسنده کی مذاکرات اوج قسمه آیریلیر :

اولا . — مصالحه بی مذاکره ایدہ جک بر مجلس ملی انتخابنه وقت براقق ایچون متارکه عقدا ایلدی ؛ شرق ازدوسی متارکه شرائطی خارجنده قالیوردی [۲۸ کانون ثانی] . ثانیاً . — (ورسای) ده مجلس ملی نامنه حرکت ایدن (تیه) ایلہ (بسمارق) شرائط مصالحه بی قرارلشدیرهررق مقدمات صلحیه بی عقد ایتدیلر [۲۶ شباط] . بسمارق ، (بلفور) دخی داخل اولمق اوزره بتون (آلساس) ی ، (لورهن) ک بر پارچه سنی و ۶ مینار فزانق ایستیوردی ؛ (تیه) اصرار نتیجه سنده (بلفور) ی محافظه بی [] و تضمینات حربیه بی بش میلیاره تنزیه موفق اولدی . آلمان ارددوسی (پارس) ه کیره جک و مقدمات صلحیه نك قبولنه قدر اوراده قاله جقدی . مجلس ملی مقدمات صلحیه بی مستعجلیت قراریلہ و ۱۰۷ رأیه قارشی ۵۴۶ رأی ایلہ قبول ایتدیکندن آلمانلر (پارس) ک (شانزه لیزه) دن بشقه بریرینی اشغاله وقت بوله مدیلر .

ثالثاً . — معاهده قطعیه ایچون مذاکراته (بروکسل) ده باشلاندى [مارت و اخی] . تضمیناتک صورت تأدیہ سنی ، ترک ایدیلن ممالکده کی شمندوفر خطوطنک اشتراسنی ، مناسبات تجاریه بی تعیین وتنظیم ایتک ایجاب ایدیوردی . آلمانلر تضمینات حربیه نك تقدماً تسویه سنی ، شمندوفر لرك بلا تضمینات ترکی ، ۱۸۶۲ تجارت معاهداتنک تجدیدینی ایستیورلردی ؛ ائتلاف حاصل اوله مدی . — (قومون) ، مذاکراتک انقطاعنه سبب اولدی ؛ آلمانلر بیطرف قالدیلر ، فقط (بسمارق) رایخشتاغ مجلسنده ایراد ایلدیکی بر نطقده اردویی محاربه یه حاضر بولندیرمق لزومندن بحث ایتدی . —

[*] قرال ، آلمانلرک (پارس) ه کیرملری مسئله سنده اصرار ایتمه کیه راضی اولمشدی ، بونک اوزرینه (تیه) آلمان عسکرینک (پارس) ه کیرمی مقابلنده (بلفور) قلعه سنی قورتارمغه موفق اولدی .

توقیف ایدلدی ، اوچ کون محاربه دن صکره [۱ - ۳ کانون اول] قاریشیق بر حالده (لووار) ك آرقه طرفه چکیلدی . - اکثریتله (موبیل) و (غارد ناسیونال) طابورلرندن مرکب اوله رق (پارس) ده تشکیل ایدیلن ۳۰۰۰۰۰ کشیک اردو جنوب طریقله شهردن چقبوب (لووار) اردوسيله برلشمکه چالیشدی ، فقط درحال توقفه و (پارس) ه عودته مجبور اولدی [۳۰ تشرین ثانی - ۲ کانون اول] .

ثالثاً . - غایت شدتلی برصغوق حکمفرما اولان موسم شتاده وقوعه کلن محاربات فرانسز اردولرینی تماماً محو ایتدی . (شائزی) نك قومانداسی آلتنده کی (لووار) اردوسی آلمانلرک ایکنجی اردولرینک هجومنه دوچار اوله رق (مانس) ه چکیلدی [۱۶ کانون اول] . - (لووار) اردوسنک برقسمندن مرکب اولمق اوزره (بورباکی) نك قومانداسی آلتنده تشکل ایدن شرق اردوسی (فرانش قونته) طریقله (بلفور) اوزرینه یورویوب خط رجعتلرینی تهدید ایتک صورتیله آلمانلری کری به چکیلمکه مجبور ایده جکلردی . - شمالده تشکیل ایدیلن دیگر بر اردوده (فهدرب) ك قومانداسنده (پارس) اوزرینه یورویه جکدی . - (لووار) اردوسی (مانس) ده مهزم اولدی [۱۰ - ۱۲ کانون ثانی] ؛ شمال اردوسی (سن قانتنه) ده بوزولدی [۱۹ کانون ثانی] ؛ شدت شتادن طولایي وقتيله ایلریله مین شرق اردوسی ائی بر موقعهده تحصن ایدن بر کوچک آلمان اردوسی طرفدن توقیف ایدلدی [ویلله رسه کسل Villersexel ۹ کانون ثانی ، ههریقور Héricourt ۱۵ - ۱۸ کانون ثانی] ، جنوب جهتدن احاطه اولندی ، نهایت (اسویجره) اراضیسنه التجا ایتدی [۱ شباط] . - بعده ، ۱۷ کانون اولدنبری طوپه طوتیلان (پارس) ده ارزاق قالمدیغندن عسکر بر مقصد معین تعقیب ایتمکسزین شهردن چیقمه چالیشدی [بوزنه وال ، ۱۹ کانون ثانی] ، صکره تسلیم اولدی [۲۴ کانون ثانی] .

لومره و فراتفورنت معااهده نامه لری [۱۸۷۱] . - (روسیه) ، ۱۸۵۶ معااهده نامه سنی فسخ ایتکله «سبب حرب» اوله بیله جک بر حرکتده بولمیشدی . «انکلتره» و (آوستریا) اعتراض ایتدیله [*] ، (انکلتره) تهدید بیله ایتدی . فقط

[*] «ولی عهدک خاطراتی Journal de Kronprinz» نه نظراً قرال (ویلهلم) روسیه حکومتک معااهده نامه نك فسخی متضمن تحریرات عمومیه سندن هیچ ممنون اولمامش و بو حرکتک لطیفه حدودینی تجاوز ایتدیکنی ، «بوضربه ناکهانی و قطعینک» مرتجی اولان (غورچاقوف) ه آرتق معاونت ایدمه جکنی سویلشدر . ۱۸۷۸ ده عقد ایدیلن (برلین) قونفره سنده حاضر بولنان (غورچاقوف) اوزمان خیلی تلاش ایتدیکنی ، چونکه (روسیه) اردوسنک محاربه به حاضر بولمیدیغنی حکایه ایتشدر .

ایدی . محاربه (پارس) محاصره سنه . (پارس) ی قورتارمق ایچون وقوعه کلن تشبثاته منحصر قالدی ؛ حربك بو قسمی دخی اوچ صفحهدن مرکبدر :

اولا . — آلمانلرک ایکنجی اردولری (مچ) ی محافظه ایتمکه ایکن اوچنجی ودرنجی اردولری (پارس) اوزرینه یورودیلر . (فرانسه) حکومتی متفق آرامق ایچون (تیه) ی (آروپا) یه کوندردی [۱۲ ایلول] . افکار عامه اوچنجی (ناپولئون) ه غیرمساعدایکن موفقیات حربیه لرلیله پک زیاده قوتلنن آلمانلر علیهنه و (فرانسه) لهنه دوندی ، هرطرفه فرانسرله اظهار محبت ایدلدی ، خصوصی اعانه لرطوبلاندى ؛ فقط هیچ بر حکومت مداخله یه جسارت ایده مدی . (ژ . فاور) ۱۶ ایلول تاریخی تحریرات عمومیه سنده «طوپراغمزدن برپارمق یری ، قلعه لر مزدن برطاشی ترک ایتمه مکى» شرائط صلحیه میاننده ذکر ایدیوردی . (بسمارق) ، (فهریه) ملاقاتنده (آلساس) ی ایستدی [یدنجی بابه مراجعت] ؛ متازکه عقدی ایچون بیله ائتلاف حاصل اولدی [۱۹ ایلول] . آلمانلر (شاتییون) ته لرینی ضبط ایتدیلر ، جنوب طرفندن (پارس) ی طوپه طومنه موفق اولدیلر ، نهایت (پارس) ی محاصره ایدیلر . — (بازن) ، (مچ) اردوسنی بشقه بر مقصد ایچون محافظه ایتدیکندن خط محاصره یی یاروب کچمکه تشبث ایتدی ، آلمانلرله مذاکره یه کیریشدی [یدنجی بابه مراجعت] ونهایت آچ قالان اردوسنی تسلیمه مجبور اولدی [۲۷ تشرین اول] . — (روسیه) حکومتی آرتق ۱۸۵۶ معاهده سنه باغی اولدیغنی اعلان [۳۱ تشرین اول] وقره دکزده سربستی حرکتی استرداد ایتدی . (تیه) متازکه عقدینی مذاکره یه کوندرلدی [۳۱ تشرین اول] ؛ (بسمارق) ، (آلساس) قطع سیله ۳ میلیار فرانق ایستدی ؛ مذاکرات بر نتیجه یه منجر اوله جق ایکن [*] بردن بره منقطع اولدی [۵ کانون اول] .

ثانیاً . — ۱۵۰,۰۰۰ کشیدن فضله برقوت ایله (اورلئان) ده تشکیل ایدیلن (لووار) اردوسی — غیر منتظم بر صورتده تجهیز ایدیلن بو عسکره قوماندان ایدن جنرالک رایی خلافته اوله رق — (پارس) اوزرینه یوریمکه باشلادی [تشرین اول] . فقط بر آرزو صکره ، (مچ) ک تسلیمندن طولایی سربست قالان ، ایکنجی آلمان اردوسی طرفندن قیمت حربیه لری حقدنه معلومات آلتق ایچون (فون درغولج) ک (لئون غامبتا و اردولری) نامیله نشر ایتدیکی اثره مراجعت ایدلیدر . اثر مذکور ۱۸۷۷ ده فرانسیزجه یه ترجمه ایدلشدر .

[*] مذاکرانک انقطاعی اسباب مختلفه یه ، یعنی حکومت موقتہ نك متازکه عقدی تقدیرنده برعصیان وقوعندن نورقسته ، (بسمارق) ک (پارس) علیهنه کی حرکات عسکریه ایچون تأمینات جدیدد ایسته سنه ، قرال (ویلهم) ک (بازن) علیهنه (غامبتا) طرفندن نشر ایدیلن بیاننامه دن منون اولماسنه عطف ایدلشدر .

(رن) اردوسنه هجوم و ۱۸۷۰ سفرینك اے قانلی محاربہ لری اولان شرقده (بورنی)، جنوب غربیده (مارس لا تور Mars-la-Tour)، شمال غربیده (غراولوت Gravelotte) مصادمہ لرنده [۱۶ - ۱۷ - ۱۸ آگستوس] فرانمز لری توقیف ایتدی، بوصولتله ایکنجی اردونك (مچ) ی چویروب (رن) اردوسنك خط رجعتی قطع ایلمسنه وقت قرانیلدی. نتیجهده اے منتخب عسکر دن [عسا کر خاصه] مرکب و دشمنی توقیف ایدہ بیله جك یكانه قوت اولان (رن) اردوسی بی حرکت طورمغه مجبور اولدی. آلمانلر ۲۰۰.۰۰۰ کشیلک بر اردو حالته قوی دقلری برنجی و ایکنجی اردولرینی (مچ) اوکنده براقدیلر، فرانمز لری انشا ایتدکلری متریس لر ایله احاطه ایتدیلر. اوچنجی اردو (شالون) اوزرینه یورودی؛ ۷۵.۰۰۰ کشیدن مرکب اوله رق تشکیل ایدیلن دردننجی اردو فرانمز لره کوندریان قوای امدادیه بی توقیف ایچون (موز) حوالیسنده قالدی. ثالثاً. — (آلساس) اردوسنك بقیه السیوفندن قیمت عسکر یه لری دون قوای امدادیه دن مرکب اوله رق (شالون) ده تشکیل ایدیلن بر اردو شمال طریقله (مچ) اردوسی قور تارمغه کیتمک ایچون (ماق ماهون) ک قومانداسی آلتنده حرکت ایتدی. اودرجه آغیر بر صورتده ایلریلدی که اوچنجی آلمان اردوسنك ورودینه وقت قرانیدردی؛ (موز) اردوسی طرفندن توقیف ایدلدکن، بعده شماله طوغری رجعته مجبور اولدق دن صکره (سهدان) ده قیاندی، (ناپولئون) ایله بر لکنده تحت محاصره یه کیردی [۲ ایلول]. آرتق دشمنه مقاومت ایده جك فرانمز اردوسی قالمشدی. (ایتالیا)، (روما) شهرینی اشغال ایتدی.

۲. — حربك ایکنجی قسمی ده اوزون، دها قاریشیق ایسه ده عسکر لک نقطه نظرندن اودرجه، حائر اهمیت دکلدن. دشمنك تحت استیلاسنده قالان، منتظم اردودن محروم اولان (رانسه) محضاً شان و شرف ملی قور تارمق ایچون مقاومت ایتدی. آایلرک دبو ی خدمتنده قوللانیلان لفراندن، عسا کر بحر یه دن، (موبیل Mobile) و (موبیلیزه Mobilisé) دنیلن، یعنی یکر می بردن قرق یاشنه قدر سلاح آلتنه آلبان فقیر عامدن مرکب اوله رق بر چوق اردولر تشکیل ایلدی، (انکلتره) دن اشترا ایدیلن اسلحه ایله مجهز اولان بو غیر منتظم اردولر شدت مقاومت لریله آلمانلری حیرتده براقدیلر [۰]. فقط فرانمز لرک خیالاتنه رغماً نتیجه حربك نه اوله جفی بللی

[*] فرعیسینه نك (ولایانده محاربه، ۱۸۷۱) نامنده کی کتابنه نظر آ فرانسه ۲۳۰.۰۰۰ عسا کر منتظمه، ۲۲۰.۰۰۰ سواری، ۱۱۰.۰۰۰ موبیل، ۱۸۰.۰۰۰ موبیلیزه، ۳۰.۰۰۰ (فران تیرور Franch-tireurs) دنیلن کولکلو و ۱۰.۴۰۰ طوب چیقارمشیدر. بو اردولرک

آلابرک موجودی ترتیب معینک آنجق نصفی درجه‌سنده ایدی. (رن) اردوسنک موجودی ۱۱۰۰۰۰ و (ماق‌ماهون) اردوسنککی ۴۰۰۰۰ کشتی بی تجاوز ایتدی. اوچنجی (ناپولئون) حرکات تجاوزیه دن واژ کچمکه مجبور اولدی. طول مدت سلاح آلتنده قالمش جنور و تجربه کار عسکرلردن مرکب اولان بو اردولرک ارزاقی، مهماتی، سیار خسته‌خانه‌لری نقصان اولدیغی کبی (جزایر) ده بولنه‌رق غیرمنتظم محاربه‌لره آلبشان، معین بر پلان تعقیب ایتمین، دشمنک قوت و موقعی حقدنه معلومات آله میان، دارالحربک طوبوغرافسانی بیلمین حتی خریطه‌سی بیله بولنمین [ضابطانه آلمان مملکتلرینک خریطه‌لرینی ویرمشلردی] ضابطانک قومانداسی آلتنده ایدی. دارالحربده بطاقت و عدم انتظام ایله حرکت ایدیورلر، دائماً ناکهانی بر هجومه معروض اولیورلر، کشف قوللری حتی بعضاً نوبجی استخدام ایتدیورلردی. (قریم) و (ایتالیا) محاربه‌لرندهده بویله یابیلمشدی؛ فقط او زمان دشمن دخی عین حالده ایدی. ۱۸۷۰ محاربه‌سی ایسه اصول قدیمیه توفیقاً تشکیل ایدلمش بر کوچک اردو ایله فن حربیه موافق اوله‌رق وجوده کتیرلمش بر بیوک اردو آره‌سنده ایدی. بو محاربه اوچ صفحه‌یه آریلیر:

اولا. — آلمانلر حرکات تجاوزیه باشلایه‌رق عینی زمانده هم (آلساس)، همده (رن) اردوسنه هجوم ایتدیلر [۶ آغستوس]. — (آلساس) اردوسی (فره‌شویل-رایخشم‌وفهن Froeschwiller — Reichshoffen). مؤقصدنه باویرالیر طرفدن آرزولری خلافتنده سببیت ویریلن قاریشیق بر محاربه‌ده آلمانلرک اوچنجی اردولرینه مغلوب اوله‌رق انتظامسز بر صورته (آلساس) ی تخلیه و (ساوهرن) بوغازی طریقله (شالون) اوزرینه رجعت ایتدی. — (فورباخ — اسپیکره‌ن Forbach — Espickeren) مؤقصدنه یرنجی اردونک هجومنه معروض اولان (رن) اردوسی (مچ) رجعت مجبور اولدی. — بو محاربات نتیجه‌سنده (آلساس) ترک ایدلدی، آلمانلر ایچون بوقطعه‌ده (استراسبورغ) ی محاصره دن بشقه یابیله‌جق بر شی قالمدی، (اولیوییه) هیئت وکلاسی دوشدی، (رومانا) ده‌کی فرانسز عسکری کری‌یه آلتدی، (آوروپا) ده (فرانسه) نک محقق صورته مغلوب اوله‌جینی ظنی حاصل اولدی. هنوز مذاکرته دوام ایتکنده اولان (ایتالیا) بیطرف قالمه قرار ویردی. بیطرف قالمق، فقط اردولرینی محاربه‌یه حاضر بر حالده بولندیرمق ایچون (آوستریا) ایله بر معاهده عقد ایتمشدی؛ (ناپولئون) ک اصرارینه ده‌ها قولای مقاومت ایتک ایچون (انگلتره) ایله‌ده بر معاهده عقد ایتدی، بو معاهده موجبیجه هر ایکی دولت بیطرف قالمی تعهد ایدیلر.

ثانیاً. — اوچ آلمان اردوسی موجودی ۱۵۰۰۰۰ کشدین فضله‌یه ابلاغ ایدیلن

ائتلاف حصوله چالیشه جنی وعد ایتدی . (ایتالیا) ده (ویقتورمانوئل) محاربه ایستیوردی ، فقط هیئت وکلا احوال عسکریه ومالیه یی نظر دقته آلهرق بونک ممکن اوله میه جنی فکرنده ایدی ، مع مافیله (فرانسه) حکومتیله مذاکره یه دوام ایتدی ، فقط (روما) مسئله سی ائتلاف حصوله مانع اولدی . بناء علیه (فرانسه) ، آلمانیا قارشیسنده یالکز قالدی .

محاربه ، (سهدان) هزیمتی ایله یکدیگرندن تفریق ایدیلن ایکی قسمه آیرلدی :

۱ . — هر ایکی طرفدن حرکات تجاوزه یه باشلامق ایسته نیلیوردی ؛ اردو اون

بش کونده حال سفر بری یه وضع ایدلدی . آلمانلر ، ۱۸۶۸ سنه سنده (مولتکه) طرفندن ترتیب ایدیلن محاربه پلانه توفیقاً ، « دشمنک قوه اصلیه سنی آرامق وبونی (مچ - استراسبورغ) خطی اوزرنده زرده بولورسه همان هجوم ایتک » مقصدیله حرکت ایدیورلردی . (باد) مملکتی مدافعه یه چالیشمدیلر و (پالاتینا) ده تحشد ایتدیلر . اوچ اردویه آیرلشلردی ، بو اردولرک موجودلری اکیال ایدیلنجه تقریباً ۵۰۰۰۰۰ کیشیک بر قوت حاصل اولدی . ۷۵۰۰۰۰ کیشیک برنجی و ۳۰۰،۰۰۰ کشیدن فضله ایکنجی اردولر (سار) طریقله (مچ) اوزرینه ، (پروسیه) ولی عهدینک قومانداسی آلتنده اولهرق بالخاصه جنوبی آلمانیا لیلردن مرکب و ۱۵۰۰۰۰ کشیدن فضله اولان اوچنجی اردو (استراسبورغ) اوزرینه یوریورلردی .

فرانسزلر (راشات) موقعنک آلت طرفندن (رن) نهرینی کچوب (پروسیه) یی جنوبی (آلمانیا) دن آیرمق ایستیورلردی . باشلیجه ایکی اردولری واردی ، که بری اوچنجی (نپولئون) ک بولندیغی (رن) اردوسی اولوب (لورهن) ک ایلریسنده (سار) ده ، دیکری (ماق ماهون) ک قومانداسنده اولهرق (آلساس) ده ایدی . فقط دارالحربده کی عسکر کاغد اوزرنده ۷۵۰۰۰۰ کشی ایکن حقیقت حالده ۳۵۰۰۰۰ کشی یه بیله بالغ اولمیوردی ؛ ۶۰۰۰۰۰ کشیدن مرکب اولهرق تشکیلی تصور ایدیلن (غارد موبیل) اصلا تشکیلی اتمه مشدی ، اردونک حال سفر بری یه وضعی قاریشیق بر صورتده اجرا ایداشدی ؛ آلایلر ، موجودلری اکیال ایده جک نفرات وضابطانک ورودینه انتظار ایدلمدن ، وقت حضرده کی موجودلریله حدوده سوق اولنیوردی ،

بر هجومه معروض اولماق ایچون یکانه واسطه در . « گرامون ، بو سوزلری وعد معاونت کبی تفسیر ایتدی ، حال بوکه بر برلری خبردار اتمه دن هیچ بر معاهده نامه عقد اتمه مک ایچون ۱۸۶۹ سنه سنده اوچ حکمدار آره سنده واقع اولان تمهدی ایمادن ، مهم بر وعد توسطدن عبارت کبی دخی تلقی اوله بیلیر .

یکرمی سکزنجی باب

آلمانیانک تفوقی و صلح مسلح


فرانسہ محاربه سی [۱۸۷۰ - ۷۱] . — (فرانسه) یالکز (پروسیه) یه اعلان حرب ایتشدی . فقط شمالی (آلمانی) هیئت متفقہ سندن ماعدا جنوبہ کی مستقل حکومتلر دخی (پروسیه) ایله اتفاق ایتدیلر . ایلك دفعه اوله رق بتون (آلمانی) یالکز باشنه (فرانسه) علیہ حرب ایدیوردی .

(انکلتره) ، توسط تکلیفندہ بولندقدن صکرہ ، بیطرف قاله جغنی اعلان ایتدی [۱۹ تموز] . — (پروسیه) قرالی ایله مناسبات شخصیه سی بولنان و ۱۸۵۶ معاہدہ نامہ سندن قورتولمق ایستین (چار) بیطرف قاله جغنی اعلان ایلمکله برابر شاید (آوستریا) ، (فرانسه) یی التزام ایدرسہ بودولت علیہندہ مداخله ایده جکنی بیلدیردی . — (فرانسه) حکومتی ، ایلك مغلوبیتلرہ قدر ، (اوستریا) و (ایتالیا) ایله مذاکر اتدہ بولندی ؛ بو ایکی دواتک رسماً بیطرفلقدن آیرلامقله برابر محاربه یه حاضر لئمرینی و توسط ایتمک ایچون تسلیحانہ دوام ایلدکلرینی اعلان ایتلرینی طلب ایدیوردی . (آوستریا) ده (بوست) انتظار ایتمک ایستیوردی ؛ (مجارستان) رئیس و کلاسی (آندراشی) حکومتک بیطرف قالسنہ قرار ویردیردی ؛ فقط (بوست) بیطرفلغنی آچیقندن آچیغہ (فرانسه) یه بیلدیرمکے جسارت ایدهمدی [*] و مشترکاً توسط ایچون (ایتالیا) ایله

[*] پارسده کی آوستریا سفیرینہ کوندردیکی مکتوب [۲۰ تموز] آوروپا دیپلوماتلرینک اعتیادینہ موافق اوله رق ایکی یوزلیکدن بشقہ بر شیئہ دلالت ایتمین شو فقرہ یی محتویدر : « کچن سنہ حکمدارلر آره سنده تعاطی ایڈیلن مکتوبلرده محرر تعهداترہ صادق قاله رق فرانسه نک آمالنہ کندی آمالر نظر یله باقدیفغیزی و فرانسر اردولرینک موفقیته ممکن اولدینی درجہده معاونت ایده جکیزی اعمراطور ایله وکلاسنہ بیان و تکرار ایڈیکر . » بوست ، آوستریانک روسیه ایله مجارلر و آوستریاده کی آلمانلر طرفندن حرباً مداخله دن منع ایلدیکنی ذکر و ایضاح ایلدکدن صکرہ دیبورک : « شو احوال و شرائط قارشیسنده مع التأسف بیطرف قالغہ مجبور اولدق . . . فقط بو بیطرفلق سیاستمزنک غایسنہ یافلاشمق ، تسلیحانمزی اکمال ایتمک و وسائط مدافعہ مزی تأمین ایتدہ دن نا کھانی

جواب ویریلیرکن محاربه اعلان ایدلدی . حکومت ؛ افراد ردیفی سلاح آلتنه دعوت ایتدیکنی بیان واردونك حال سفریری به وضعی ایچون تخصیصات طلب ایتدی . در حال تشکیل ایدیلن بر انجمن حربیه نظریله کوروشدی ، ناظر محاربه به حاضر بولندیغنی بیلدیردی ؛ (غرامون) حقارت حقنده ایضاحات ویردی و (اوستریا) ایله (ایتالیا) نك معاونتنه کووه نیله بیله جکنی ایما ایتدی . بعده مجلس مبعوثان نخصیصاتی قبول ایلدی . — عینی کونده ، (برلین) ده ، (غرامون) ك بیاناته دائر تلغرافنامه نك ورودینی متعاقب اردونك حال سفریری به وضعی امر ویرلدی .

(فرانسه) ، ۱۹ تموزده ، رسماً اعلان حرب ایتدی .



تعریف مؤلفات

دیپلوماتلرک بو دوره عائد خاطراتی پک چوقدر . (پروسیه) ایچون (هان) ك بش جلدك (پرنس بسماق) ی ، (پوشینکهر) و (سیپیل) ك آتاری ، ایتالیا ایچون (بیانکی) ، (لامارمورا) ، فرانسه ایچون (دارقور) ، (توونهل) و (مه مور) ك — که غرامونك نام مستعاریدر . — آوستریا ایچون (پوست) ك خاطراتی موجوددر .

۱۸۷۰ محاربه سنك اسبابی حقنده (غرامون) ك (فرانسه و پروسیه) سی ، (به نه ده تی) نك (پروسیه ده و طیفه سفارتم) نامنده کی کتابی ، « محاربه حقنده کی انجمن تحقیق » ك وثائق شایان توصیه در . (سیپیل) ك برنجی (ویلهلم) حقنده یازدیغنی یدی جلدك کتاب پروسیه سیاست خارجییه سی ایچون اك مکمل بر تاریخدر . قریم محاربه سی حقنده انکلیز مؤلفلرندن (قینغلاق) ك فرانزجه به مترجم درت جلدك (قریم استیلاسی) ، (روسه) نك ایکی جلدك (قریم محاربه سی تاریخ) ، (طونله بن) ك درت جلدك (سیواستوپول مدافعه سی) نامنده کی اثری شایان ذکر در . ایتالیا ، دو قفلر ، ۱۸۶۶ محاربه لری ، لوکسه بورغ مسئله سی حقنده دخی پک چوق آناز موجوددر .



نظریه باقدینی یوری واسطه سیله (فرانسه) سفیرینه تبلیغ ایتمردی . (به نه ده تی) ملاقات ایچون اصرار ایتدی ؛ یوره قرالک صباحلین واقع اولان بیاناتی تکرار ایلدیکنی سویلیدی . صیفیه دن (برلین) ه عودت ایتمش و (غرامون) ک بیاناتی ایله فرانسمز غزله لرینک مقالاتندن حدتلمش اولان (بسمارق) ، فرانسه دن ایضاحات و تأمینات ایسته مک نیتنده اولدیغی (انکلتره) سفیرینه بیان ایتمشدی . (امس) ملاقاتنک صورت جریاننه دأر بر تلغرافنامه آلدی ، بونک مطبوعاته تبلیغی ایچون کندیسینه مآذونیت ویریلوردی . (بسمارق) تلغرافنامه بی در حال دهأ مختصر و قطعی برشکله قویدی ، قرالک (به نه ده تی) نک مطالباتنه جواب ویرمکدن امتناع ایتدیکنی آکلامق ایسته دی ونیم رسمی (شمالی آلمانیا غزته سی) ایله نشر ایتدی [*] .

(اوروپا) نک هر طرفنه انتشار ایدن بو غزته نک مقالهنی انقطاع مناسباتی انتاج ایتدی . (آلمانیا) ده بر نمایش ملی ، (فرانسه) ده ایسه بر حقارت کبی تلقی ایلدی . تموزک اون دردنجی کونی صباحلین اجتماع ایدن مجلس وکلا صلح و مسالمتی محافظه یه چالیشدی ؛ (ناپولئون) ک ترجیح ایتدیکی تدبیره ، یعنی (اسپانیا) تاجی نامزدلکنندن (پروسیه) قرالی عالیه سنه منسوب پرنس لرنک اخراجی قاعده سنی وضع و قبول ایچون بر قونتره عقیدینه تشبث ایدلمسینی دوشوندی . ینه یوم مذکورده آقشام ساعت اونده ، (سن قلو) ده طوبولانان مجلس وکلاده بو مسئله مذاکره اولنورکن (غرامون) ، (برلین) سفیرندن بر تلغرافنامه آلدی ، بونک اوزرینه در حال اردونک حال سفربری یه وضعی قرار کیر اولدی ؛ تلغرافنامه ده (فرانسه) یه واقع اولان حقارت اخبار ایدیلوردی [**] . ایرتسی کونی [۱۵ تموز] مجلس مبعوثانده تأمینات حقدنه کی استیضاحه

[*] بسمارق ، بالاخره ، محاربه یه سبب اولق ایچون تلغرافنامه نک طرز تحریرینی تعدیل ایتدیکنی سویلمش اولدیغندن آلمان اشترایکونی کندیسینی ساخته کارمله اتهام ایتمش و فرانسمز غزته لر یه بوندن اوزون اوزادی به بحث ایلمشلردر . فقط ایشک ایچنده ساخته کارلق اولدیغی آکلامق ایچون هر ایکی متنی تطبیق و مقایسه ایتک کایدیر . (آبه کن) طرفندن قرال نامنه (بسمارق) ه کوندرلین تلغرافنامه محرمانه و مهم بر شکله یازلمشدی ، مطبوعاته عیناً تبلیغ ایدیله جک صورتده تحریر اولنممشدی ، چونکه شو جله ایله ختام بولوردی : « ذات حشمت پناهی (به نه ده تی) نک یکیدن تأمینات طلب ایتدیکی و بو طلبک رد اولدینی مسئله سنی سفیرلرمن ایله مطبوعاته تبلیغ ایدوب ایتهمکی ذات اصیلانه لرینک رأیته ترک ایدر . » — (بسمارق) طرفندن نشر ایدیلن تلغرافنامه یه اصلنده وجود اولیان هیچ برکله علاوه ایدلمه مش ، یا لکن اختصار اولنمشدر .

[**] بو حقارتنک ماهیتی الآن لایقوله تنویر ایدلمه مشدر . آلمان مورخلری بونی (امس) ملاقاتی حقدنه کی غزته مقاله سیله قاریشدرلر . حال بوکه ، فرانسمز دیپلوماسی عالنده شایع اولان بر روایت کوره قرال (ویلهلم) نشرینه جبارت ایدیله میه جک درجه ده آغیر بر سوز سویلمشدر .

مساعده ايتدی ايسه منع ايلسون « دیدى [۷ تموز] . قرال ، اوزمان ، (امس) قابليجه لر نده ايدى ؛ (فرانسه) حكومتى قرال ايله كوروشمك ايجون سفيرى (به نده تى) نى اورايه كوندردى . قرال بومسئله نك حكومه تعلق اولمديغى و پرئسى هيچ برشيدن منع ايدمه يه جكنى جواباً بيلديردى . (روسيه) قرالنك محاربه يه حاضر لنه جق وقت قرانمق ايجون ايشى اوزانمق ايسته ديكنه قانع اولان (غرامون) ماسكه يى آتمغه مجبور ايتمك ايسته دى و قطعى بر جواب طلب اولمئسى امر ايتدى . مقصد ، بومسئله نك (روسيه) طرفندن اداره ايدلديكنى و (فرانسه) نك مداخله سى اوزرينه كرى يه چكلمكه مجبور اولديغى (اوروپا) يه كوسترمكندى . قرال ايسه بالعكس مسئله ده اصلاً ذيمدخل اولمان برسيرجى صقيله طور يوردى ؛ پرئسك جوابته انتظار ايتديكنى بيان ايلدى [۱۱ تموز] .

پرئسك نامزدلكدن واز چكسى اوزرينه (غرامون) ك اولكى طلبنده اصرار ايتمئسى موجب برسبب قالدقندن فرانسمزملتتك حسيات مليه سنى نمون ايتمك ايجون قرال طرفندن بيانانده بولنلمئسى طلب ايتدى ؛ مجلس مبعوثانده محاربه طرفدارى اولان صاغ جناح مبعوثلارى آتى ايجون نه كجى تأمينات آله جغنى حكومتدن استيضاح ايدمه جكلر نى بيلديرديلر . بونك اوزرينه حكومت ، نامزدلكدن واز چكمه نك مطالبات واقعه يه بر جواب كافى اولمديغى وبالطبع آتى ايجون هيچ بر تأمينات بخش ايلمديكنى ، بناء عليه شايد ايلريده پرئس طرفندن ينه نامزدلك مسئله سى ميدانه چيقاريليرسه بوكا مساعده ايتمه جكنك (روسيه) قرالنجه وعد ايدلسى لازم كلديكنى (به نده تى) يه بيلديره رك بوكا كوره حركت ايلمئسى امر ايتدى . بونكه برابر (فرانسه) مجلس وكلاسى عسكرك حال سفر برى يه وضعى حقنده حربه ناظرى طرفندن درميان ايديلن تكليفى رد ايلدى .

محاربه يى انتاج ايدن احوال (امس) ده جريان ايتدى [۱۳ تموز] . قرال ، شهر مذكوره ، باغچه ده ايدى . (به نده تى) صبا حلين قرال ك نرينه كيدرك تأمينات طلبى حقنده (پارس) دن آلدغى تعليماتى تبليغ ايتدى . قرال : « زمان تحديد ايدلمه دن هر درلو احوال ايجون تعهد طلب ايدى ورسكز ، بويله بر تعهدده بولنه نام » جوابى ويردى . (به نده تى) اصرار ايتدى ؛ نهايت ، قرال هيچ انتظار ايتديكى بو طلبى صورت قطعده رد ايلديكنى سويلدى . بعده (روسيه) نك (پارس) سفيرندن بر تلغرافنامه وارد اولدى و (ناپولئون) ك ، (فرانسه) منافضه ايراث خلل ايتمك ايسته مديكنه دائر قرال طرفندن كئديسنه برنامه خصوصى يازلمئسى طلب ايتديكى آكلاشيلدى . (ويلهلم) حدتلدى ، آرتق (به نده تى) نى قبول ايتمه كه قرار ويردى و پرئس دو (سيفمارينكن) ك نامزدلكدن واز چكديكنى تأييداً بر مکتوب كلديكنى و بناء عليه مسئله يه ختام بولمش

(اسپانیا) تخته جلوسنی (پروسیه) طرفندن برتهدید مقامنده تلقی ایدیوردی ؛ (فرانسه) نك (شارلکن) ایمراتورلنك یکیدن تأسسنه تحمل ایده‌میه جکی سویلیوردی . (برلین) ده ایسه بالعکس (اسپانیا) یه برقرال انتخابی مسئله‌سنگ (پروسیه) یه تعلق اولدیفنی بیان ایدیلوردی ؛ بومسئله (هوهنزولرن) خاندانه عائد خصوصی برایشدی . (ویلهم) ك بوخاندانك (سیغمارینکن) شعبه‌سی اوزرنده حکم ونفوذی یوقدی [۶] .

فرانسز شورای امتده (هوهنزولرن) خانداندن برپرنسك (اسپانیا) قرالغنه نامزد اولمسی مسئله‌سندن طولایی هیئت وکلادن استیضاح واقع اولدی . اکثریت عظیمه‌سی صلح طرفداری اولان هیئت وکلا مسالته‌ورانه بر جواب ویردی . فقط (غرامون) مسئله‌یه (بسمارق) ك بر انترقیقه‌سی نظریله باقدیغندن ویریلن جوابه (پروسیه) حقنده برقره علاوه ایتدی ؛ بوقره مجلس مبعوثانده‌کی وطنپروان طرفندن شدتله آلفیشلاندی [۶ حزیران] وغزته‌لر محاربه‌دن بحث اتمکه باشلادی .

(اوروپا) دولتری پرنسك نامزدلکنی تصویب ایتیمورلر و صلحك محافظه‌سنی ایستورلردی ؛ (انکلتره) حکومتی اسپانیا حکومتنه تکلیفی کری آلمسی توصیه ایتدی . (ناپولئون) ، پرنسی قرالنی قبول فکرندن واز کچیرتمسنی صورت خصوصیه ده (پروسیه) قرالندن طلب ایلدی . پرنس ، رسمی بر بیاننامه ایله موافقتی کری آلدی [۱۲ تموز] . مسئله‌یه آرتق ختام بولمش ، قیامش نظریله باقیلیوردی ؛ (اولیویه) صلح و مسالتهك محافظه‌سی تأمین اولدیفنی بیلدیردی ، فرانسز اسهامی ایکی فرائق یوکسلدی . فقط (غرامون) مسئله‌یی بشقه برشکله دوکش ویکي بر اختلاف میدانه چیقارمشدی .

پرنس دو (هوهنزولرن) ك (پروسیه) قرالک تعلیمات خفیه‌سنه توفیقاً حرکت ایدیکنه قانع اولدیفنی جهته پرنسی (فرانسه) ایچون حقارت آمیز اولان بونامزدلکی قبولدن منع ایلمسی (ویلهم) دن طلب ایتدی . « بر پروسیه‌لی پرنسك رئیس عائله اولان قرالک مساعده‌سی اولقمسزین اسپانیا تاجنی قبول ایتسنه هیچ کیمسه اینانه‌ماز . . . اکر قرال

[*] بوابده‌کی وقایع سیاسییه ایکی مختلف صورتده تفسیر ایدلشدر . - اوچ قتولیک حکومتك [فرانسه ، ایتالیا ، اوستریا] پروسیه ایله محاربه ایتك ایستدکلرینی ظن ایلین آلمانلر (فرانسه) حکومتك (هوهنزولرن) نامزدلکنه بردن بره مقاومت ایتسنه بر « سبب حرب » الده ایتك ایچون بهانه نظریله باقدیلر . - (فرانسه) افکار عمومی‌سی ایسه بالعکس (بسمارق) ك فرانسه حکومتك حیثیت و عزت نفسی جریحه‌دار ایتك ایچون بر حمله‌سی ظن ایتدی . - (سیبل) ك افکار و مطالعاتی بو ایکی طرز نفسیردن هیچ برینك صحیح ثبوت بولدیفنی مرکزنده در . فقط ۱۸۹۴ده (رومانیا) قرالک - پرنس شارل دو هوهنزولرن ایدی - برسوزی نامزدلک مسئله - سنك (پروسیه) سیاسته آلت اتخاذا ایدلش اولدیفنی ظنی حاصل ایدیور .

ناپولئون محاربه‌دن واز كچمش كې كورندى ، چونكه حربه ناظرى افراد جديده‌دن ۱۰,۰۰۰ كشيونك تزيلى مجلس مبعوثاندىن طلب ايتدى . (اوليويه) دخی صلح و مسالمتك هر زمانكندن زياده تأمين ايدلمش اولديقى و حكومتلك (اوروپا) صلح و مسالتمته اساس اولان معاهداته ، يعنى (آلمانيا) ايچون (پراغ) و شرق ايچون (پارس) معاهده‌لرینه رعایت لزومنى آكلامش بولندقلرينى بيان ايلدى .

اعلانه حرب [۱۸۷۰] . — صلح و مسالمت تأمين ايدلمش كې كورونيوردى ، (ناپولئون) خسته ايدى ، (پروسيه) رجال حكومتى تعطيل وقتى كچيرمك ايچون . صيفه‌لره ، قابليجه‌لره كيتشاردى ؛ ايشته بويله برزمانده ظهور ايدن بر حادثه سياسيه (اوروپا) نك ايكي بيوك حكومت عسكريه‌سى آره‌سنده محاربه‌يى انتاج ايده‌جك درجه‌ده . وخيم براختلافه سبب اولدى .

(اسپانيا) حكومت موقتسى ۱۸۶۶ سنه‌سندن برى برقرال آرامقده ايدى [اوتخى . بابه مراجعت] . قراللى (لثوپولد دو هوهنزولرن سيغما ريتكن) اسمنده ، (فرانسه) عائله حكمداريسنه قرابتى بولنان برقاتوليك پرنسسه تكليف ايتدى . بو تكليف پرنسك پدرينه درت دفعه تكرر ايدلدى [*] ؛ پرنسك پدري اوچ دفعه رد ايتدى ايسه‌ده . دردنجي دفعه‌سنده قبول ايدلى [تموز ۱۸۷۰] . ۱۸۶۹ سنه‌سندن برى بوبابده جريان ايدن مذاكراتدن خبردار اولان (فرانسه) حكومتته كيفيت (اسپانيا) طرفندن صورت رسميه‌ده اخبار ايدلدى ؛ (فرانسه) ، قرالرينى سربستجه آتخاب ايلملرينه مانع اولور كې كورونه‌رك اسپانيوللك حسيات مليه‌لرينه طوقونماق ايچون طوغريدن . طوغرى يه جواب ويرمدى . (پروسيه) حكومتته مراجعت ايدرك بواتخابك (فرانسه) ده . سوء تأثير حاصل ايتديكنى بيلديردى . افكار عامه (هوهنزولرن) خاندانندن برپرنسك .

[*] بو تكليف اول امرده (اسپانيا) نك آحاد فرقه‌سى مبعوثاندىن (سالازار) طرفندن ميدانه قوندى : ۱ ، پرنسك پدرينه تكليف ايدلدى ، جواب رد آلدى [ايلك مهار ۱۸۶۹] . فرانسه‌نك (برلين) سفيري بوندىن خبردار اوله‌رق (بسمارق) دن معلومات ايتدى ، (بسمارق) پرنسك پدري طرفندن جواب رد ويريله جكنك محقق اولديغى بيان ايتدى . — ۲ ، ايكنجى تكليف (اسوجرد) ده بولنان پرنسك پدرينه صورت خفيه‌ده تبليغ ايدلدى ، پرنسك پدري بوبابده مذاكراته كيريشمزدن اول (ويلهلم) و (ناپولئون) ك كيفيت انتخابى تصديق ايده جكارينك تأمين اولمى ايتدى و (ناپولئون) اخبار كيفيت ايدلى [ايلول ۱۸۶۹] . — ۳ ، اوچنجى تكليف (پريم) ك (ويلهلم) و (بسمارق) ه يازديغى ايكي نامه خصوصى ايله و صورت خفيه‌ده پرنسه تبليغ اولدى [شباط ۱۸۷۰] ؛ (ويلهلم) رد اولمى توصيه ايتدى ؛ قبول طرفدارى اولان (بسمارق) اوصره‌ده خسته‌لدى و كوبه كيندى . — ۴ ، (اسپانيا) حكومتك تكلفى اولوب . پراس طرفندن قبول اولدى [۱۴ حزيران] .

اولیویه ، بو نوطه نك ارسالته مانع اولدی ؛ چونكه پاپالق مقامی ، امور مذهبییه سربستجه حل و تسویه ایتمكه کلیسانك صلاحیتی اولدینی ادعا ایدیوردی [مارت] . دارو ، بر مخطره قلمه آلدی و بو مخطره (اوستریا) نك مظهر تصویبی اولدی ؛ فقط پاپالق مقامی مخطره نك مجلس روحانییه تبلیغنه راضی اولدی [نیسان] . فرانسه ، (روما) دهکی عسکرینی کرییه چکه چکنی مقام تهدیده بیسان ایتمك صورتیله (پاپا) اوزرنده اجرای تأثیر ایده بیلیردی ؛ (اولیویه) بو واسطهیه مراجعت ایتمهسی ایچون (ناپولئون) ی اقتناع ایلدی . — نهایت (دارو) ، آرای عمومیّه ملته مراجعت مسئله سندن طولانی (اولیویه) ایله بسبتون قطع مناسبات ایتدی [آلتیمی باده مراجعت] . هیئت وکلا تجدد ایتدیکی زمان [۱۵ مایس] صاح طرفداری اولان (دارو) نك پرینه (پروسیه) دشمنانی ایله شهرت قازانان (غرامون) کجدی . (ناپولئون) ، آرشیدوقك محاربه پلانی فرانسز ضابطاننه تبلیغ ایلدی و جنرال (له برون) ی ، بر مأموریت رسمیهیی حائز اولمدن ، یالکوز پلانده تعدیلات اجراسی ایچون (آرشیدوق) ایله کوروشمك اوزرینه (ویانه) یه کوندردی : (اوستریا) و (ایتالیا) ، اردولرینی حال سفر برییه وضع ایتمك ایچون آلتی هفتهیه محتاجدی ؛ دهها چابوق حاضرلته بیان (فرانسه) جنوبی (آلمانیا) ده محاربهیه کیریشه چک ، (اوستریا) و (ایتالیا) ایسه بیطرفلقرینی محافظه ایدرك تسلیحاته دوام ایلیه چکدی . (له برون) ، صورت خصوصیه ده اوستریا ایمپراطورینك حضورینه قبول ایلدی [حزیران] ، ایپراطور (فرانسه) ایلا عینی زمانده اعلان حربی تعهد ایده میه چکنی سویلدی [*] .

[*] فرانسز سیاسیونندن یکی ذات ، دوق دو (غرامون) ایله (شودوردی Chaudordy) طرفندن بو مذاکراته دائر درمیان اولنان مطالعات (فرانسه) ده افکار عامه نك بر قسمجه قبول ایلدیکی کچی (بوست) ک رقبی اولوب (پروسیه) علینده ترتیبات خفیه اجرا ایلدیکنه قانع بولنان آلمان مورخلرنجه ده شایان قبول کورلمشدر . — (غرامون) ک افاده سنه نظرأ (فرانسه) اعلان حرب ایتمزدن اول (اوستریا) و (ایتالیا) نك معاونتی تأمین ایتش ؛ بو باده بر معاهده نامه عقد ایلمه مکله برابر (اوستریا) دن وعد معاونت آلتش ؛ موضوع بحث اولان بیطرفلق مسئلهسی عسکرک حال سفر برییه وضع ایچون وقت فزاعق متصدیله میدان چیقارلمشدی . — (شودوردی) نك روایتنه باقیلیرسه (غرامون) ۱۵ تموز ۱۸۷۰ دن ؛ آغستوس تاریخنه قدر اوستریا و ایتالیا سفیرلری و آناشه میلترلریله [مترنیچ ، ونجتوم ، نیغرا ، ویمه رقاتی] مذاکراته بولنیش ؛ (اوستریا) و (ایتالیا) نك اردولرینی حال سفر برییه وضع ایچون وقت قرار دیرمهق اوزره بیطرف قاللری ، بعده ، یعنی ایلول طرفنده محاربهیه اشتراک ایلری و بوکا مقابل ده بر فرانسز اردوسنك جنوبی (آلمانیا) یه سوق ایلدیسی قرار کیر اولمشدر . — بو افادات ، (بوست) ک اوستریا - فیرینه یازدینی بر مکتوبده موجود اولان ایکی مهم فقره یه مستنددر [۲۰ تموز ۱۸۷۰] . — (ایتالیا) یه کلنجه ، رنس (ژرروم) متصور اولان اتفاق (روما) مسئله سننده ظهور ایدن اختلافدن طولانی وجوده کلمه دیکنی بیان ایتمشدر . بناء علیه اتفاق مثلتك تصور دن عبارت قالدینی شبهه نئزدر ، چونکه بونك عکسکی اثبات ایده چک هیچ بر دلیل یوقدور .

لازم كلدیكى صردهده [آگستوس] ایتالیان هیئت وكلاسی عسكركه هان چكیلمسنی و (فرانسه) نك عدم مداخله قاعده اساسیه سنی قبول و تصدیق ایلدیكنك اعلان اولمسنی طلب ایلدی . مذاكرات تعطیل ایلدی ؛ اوج حكمدار ، یالكز ، بربرلینه خبر ویرمه دن هیچ بر صورتله عقد اتفاق ایلمه مکی تعهدایتیلر . بعده (ناپولئون) شورای امتك اكثریتنجه مظهر اعتماد اولان بر هیئت وكلاسی ، (اولیویه) هیئت وكلاسی موقع اقتداره چیقاردی ، (اولیویه) صلح و مسالمتك محافظه سی و (آلمانیا) ایله ائتلاف طرفداری اولدینتی بیان ایلدی . بو هیئت وكلا ، عینی زمانده (فرانسه) و (پروسیه) یه ترك تسلیحات ایلتیره رك (اوروپا) نك امنیتنی تأمین ایلمك تصوری یكیدن اله آلدی [كانون ثانی ۱۸۷۰] . فرانسه هر سنه سلاح آلتیه آلدینی افراد عسكریه نك مقدارندن ۱۰۰۰۰۰ كشی تزیلنی تكلیف ایلدی . (بسمارق) ، (پروسیه) تشكيلات داخلیه سنك ترك تسلیحاتی امکان خارجه چیقاردینتی سویله رك اعتراض ایلدی [شباط ۱۸۷۰] .

(باد) غراندوقه لئنك شمال (آلمانیا) هیئت متفقهنه دخولی حقدنه (رایخشتاغ) مجلسنه واقع اولان تكلیف (پروسیه) نك ، (آلمانیا) اتحادینك علیهنده کی تحریكاته یكیدن میدان ویردی [۲۴ شباط] ؛ (بسمارق) ، غراندوقه لئنك هیئت متفقیه دخولنك (ماین) نهرینك جنوب طرفنده کی حكومتاره استقلاللرینی تأمین ایدن (پراغ) معاهده نامه سنه مغایر اولدینتی سویلمه مکه اتهام ایلدی . (بسمارق) غزته لر ایله ویردیکی جوابده معاهده نامه نك جنوب حكومتلرینی هیئت متفقیه كیرمكدن منع ایلمدیكنی بیان ایلدی ، (اوستریا) آرشیدوقی (آلبر) بر قاچ هفتنه (پارس) ده اقامت ایدرك (فرانسه) نك قوای عسكریه سنی تدقیق و (ناپولئون) بر محاربه پلانی تكلیف ایلدی ؛ (آرشیدوق) ك افاده سنه نظراً فرانسز اردوسی یالكز باشنه (پروسیه) ایله محاربه ایده میه جك درجه ده ضعیفدی ، فرانسز لرك جنوبی (آلمانیا) یه استیلا ایلملری و (اوستریا) و (ایتالیا) اردولرینك ده (باویرا) یه داخل اولملری اقتضا ایتمكده ایدی . (ناپولئون) یو محاربه پلانی وكلاسنه تبلیغ ایتیه رك حفظ ایلدی [مارت] .

(واتیقان) ده مجلس عمومی روحانی عقد و آرای عمومی ملته مراجعت ایلمسی (فرانسه) حكومتك نظر دقتی بشقه نقطه لره توجیه ایلدی . قاتوليك حكومتلر مجلس روحانینك عقد اجتماع دعوتی خصوصنه مداخله دن اجتناب ایلدیلر ؛ فقط (پاپا) نك لایخطیلکی حقدنه کی لایحه موقع مذاكره یه وضع اولنجه (فرانسه) خارجه ناظری (دارو) ، ناپولیون) ایله بالاتفاق ، حكومتك حقوقی محافظه ایتمك و مجلس روحانی یه یر فرانسز مرخصنك كوندریله جكنی بیان ایلمك ایچون بر نوطه تحریر ایلدی [شباط] .

(روسیه) بی مشغول ایتک و غرب امورینه مداخله سنی منع ایلمک ایچون فرانسز مأمورلری طرفندن تشویق ایلمکده ایدی. نتیجه تحریکات اوله رق کریده (یونانستان) حکومتجه مظهر معاونت اولان عصات طرفندن برقیام وقوعه کتیرلدی [۱۸۶۶-۱۸۶۸]، رومانیان کلن چته لک تأثیرله (بلغارستان) ده بر حرکت عصیانیه کورلدی [۱۸۶۸]، رومانیاده دخی هیجان افکار آرته رق تسلیحاته باشلاندى [۱۸۶۸]، صربستانده دخی برچوق وقایع حصوله کلدی، (لهستان) ملتجیلری (غالیچیا) ده طوبیلاندى. فقط (چار) کافی السابق صلح پرور قالدیغندن آزرمدت ظرفنده هر طرف کسب سکونت ایتدی. (فرانسه) حکومتی (روسیه) علیهنده (دانمارقه) یه کووه نیوردی ؛ (بسمارق) ۱۸۶۶ ده وعد ایدلدیکی وجهله (شلزویغ) دوقه لئی الحاق ایچون آرای عمومه خلقه مراجعت ایتمزدن اول آلمان عنصرینک حمایه سی ضمننده تأمینات خصوصیه طلب ایتدی [۱۸۶۷] ؛ بعده، ترک اولنه جق اراضی حقدنه ائتلاف حصوله کلدیکنندن، مذاکراتی نتیجه سز بر اقدی [مارت ۱۸۶۸] . - (دانمارقه) حکومتی، حربیه ناظرینی (پارس) ه کوندردی [نیسان] . اوستریا و ایتالیا حکومتلری دخی (فرانسه) ایله برلشمک ایستیورلردی. فقط (اوستریا) ده صلح طرفداری اولان مجارلر ایله (فرانسه) یه خصم بولنان آلمانلر (بوست) ک سربستی حرکاتنه مانع اولیورلردی ؛ (ایتالیا) ده (فرانسه) ایله اتفاق طرفداری اولان « قونسورته ریا » هیئت و کلاسی (مهنتانا) مسئله سنه حدتله نن و (فرانسه) بی (روما) بی ترکه مجبور ایتک ایچون (روسیه) ایله اتفاق ایتک ایسته ین فرقه مفرطدن چکینیوردی. بناء علیه یاپیله بیان شی مذاکرات خفیه دن عبارت قالدی، واقعا بومذاکرات صور مختلفه ده تفسیر ایدلمش ایسه ده نتیجه ده هیچ بر تأثیر عملیسی کورلمدی .

فرانسز شرق شرکتی طرفندن (بلجیقا) شمندوفر خطوطنک اشتراسی مسئله سی ظهور اختلاف، سبب اولدی ؛ (بلجیقا) حکومتی خطلرک صاتیلسمنی منع ایتدی [شباط ۱۸۶۸] ؛ فرانسه حکومتی بوموفقیتمسزلکی (بسمارق) ه عطف ایلدی . پک زیاده حدتله نن (ناپولئون) . (روسیه) نك تجاوزاتنه نهایت ویرمک و (اوستریا) یه (آلمانیا) ده کی موقع سابقی اعاده ایلمک ایچون بر اتفاق مثلک عقد ایدلمسنی (اوستریا) و (ایتالیا) یه تکلیف ایتدی [مارت] . سفرا آره سننده مذاکراته دوام اولندی . (اوستریا) تدافعی براتفاق عقدینی قبول ایلدی، فقط (فرانسه) محاربه یه باشلامغه مجبور اولورسه بیطرف قالمق ایستدی [نیسان] . ایتالیانلر (روما) ده کی فرانسز عسکرینک چکیلسمنی ایستیورلردی ؛ (ناپولئون) ک ممکن اولدینی قدر آز بر زمان ظرفنده عسکرک چکیله جکی حقدنه کی وعده یله اکتفا ایتدیلر ؛ فقط اتفاق معاهده نامه سی لایحه سنی تصدیق ایتک

اولدینی برصرده (رايخشتاغ) مجلسنده بر آلمان پرنسك بر آلمان مملكتی صامتی ایچون بازارلغه کیریشدیکنه دائر شایع اولان روایت حقنده استیضاح واقع اولدی . بسماق هنوز هیچ بر شیک صورت قطعیده قراراشدیرلمدینی بیان ایتدی و (آلمانیا) افکار عمومیهنسك غلبانه نظراً (لوكسمبورغ) ك تركی سبب حرب اوله بيله جكنی (هولاندا) قرالنه سویلندی ؛ قرال ، (فرانسه) نك اصرارینه رغماً موافقتی کری آلدی . (ناپولئون) رجعت ایتدی ؛ (پروسیه) دیپلوماسیسی غالب كلدی .

مشترك قلعه مسئلهسی ۱۸۳۹ معاهده نامه‌سنی تبدیل ایتك صورتيله قونفرانس طرفندن تسویه اولندی [سکزنجی بابه مراجعت] .

فرانس و پروسیه آره‌سنده اختلاف زنی [۱۸۶۷ - ۷۰] . — پروسیه ، اردوسنك تفوق سایه‌سنده (اروپا) ده بر موقع ممتاز احراز ایتمش ، (آلمانیا) نك اتحاد تامنه چالشمغه باشلامشدی . دیگر حكومات معظمه (اروپا) موازنه قديمه‌سنی تهدید ایدن بویكی انقلابه راضی اولیورلردی . فقط (اوستریا) مایوس ، (انكلتره) بی اقتدار ، (چار) صلحپرور ایدی . یالكز (فرانسه) ، (پروسیه) بی طریق ترقیده توقیف ایده جك وكنندی تفوقتی یكیدن تأمین ایله جك قدر اردوسنی قوتلی كورویوردی . افكار عامه بردن بره آلمان اتحادینه دشمن اولمشدی ؛ (صادووا) انتقامنك آلمسندن بحث ایدیوردی . (پروسیه) ده موقیات متابعه ایله تهییج ایدن افكار عامه « دشمن ارثی » علمهنده ایدی . فقط هرایكی طرفده حسیات حربجویانه ، نتیجه‌سنك پك مندهش اوله جنی استدلال ایدیلان بر محاربه قورتوسيله نتیجه‌سز قالیوردی .

بر خیلی مدت ، تردد ایله كچدی . (چار) ك و (پروسیه) قرالئك (پارس) عمومی سرکسینی زیارتی صاحب و مسالمنك محافظه ایديله جکی امیدینی حاصل ایتدی [۱۸۶۷] . فقط (ناپولئون) ایله (اوستریا) ایمپراطورینك (سالزبورغ) دهکی ملاقاتلری افكار عامه‌یی اندیشه‌یه دوشوردی [آغستوس ۱۸۶۷] ، باخصوص (ناپولئون) ك (فرانسه) یه عودتدن صكره رسمی برنطقده « افق سیاسیده سیاه نقطه‌لر » كورولمسندن بحث ایدیشی بواندیشه‌یی برقات دها آرتدیوردی . صلح و مسالمت فرقه قديمه‌سنی [اوستریا ایله برابر] بر حرب فرقه‌سی اولمش ، (پروسیه) علمهنده اتفاقلر عقیدینه چالیشیوردی . (اوستریا) ده ایمپراطور سیاست خارجه‌نك اداره‌سنی (بوست) ه تودیع ایتمشدی ؛ (صاقسونیا) قرالئك وكلائی سابقه‌سندن و (پروسیه) نك اك شدتلی خصم‌لرندن اولان (بوست) ، (اوستریا) یه (آلمانیا) دهکی موقع قدیمتی اعاده ایتك فکرنندن واز كچمیوردی . اوصرده شرفنده بر جوق تحریكات وقوعه كلدی ، بو تحریكات — روایته نظراً —

عامه نك هیجانی قارشیسندہ تکلیفی کری آلدی، مذاکرات جریان ایتدیکنه دائرشایع اولان روایاتی تکذیب ایتدیردی . [۱۲ آغستوس] ، صکره (بلجیقا) جهتدن تأمین استفادهیه قالمیشدی . (بلجیقا) و (لوکسمبورغ) ی الحاق ایچون (فرانسه) یه معاونت ایتسنی (پروسیه) یه تکلیف ایتدی [۲۰ آغستوس] . بسمارق بو بابهکی تکلیفی بالذات استکتاب ایله یازدیری ، ۱۸۷۰ده (بلجیقا) ایله (فرانسه) نك آرهسنی بوزمق ایچون نشر ایتدی [] .

یالکز قالان جنوبی (آلمانیا) حکومتلری (پروسیه) یه پک چابوق مغلوب اولدیلر [اون بشنجی بابه مراجعت] . اولاً ، (فرانسه) دن توسط ایتسنی طلب ایلدیلر؛ فقط (بسمارق) ، (ناپولئون) ك الحاق اراضی حقدن پروژهنه سنی بونلره کوستردی ، (پروسیه) ایله تدافیی و تجاوزی براتفاق خفی عقدینه موفق اولدی [آغستوس] . بناء علیه (ناپولئون) هیچ بر نتیجه قطعیه استحصال ایدمدی و (پروسیه) یالکز بر محاربه ایله (آلمانیا) ده تفوق ایتدیکی حالده (آروپا) طرفدن هیچ بر ممانعته تصادف ایتدی . (آروپا) آهنگ دولیسی بو مسئلهده هیچ بر اثر اقتدار کوسترمدی .

لوکسمبورغ مسئلهسی [۱۸۶۷] . — (لوکسمبورغ) غراندوقه لئی ، (جرمانیا) هیئت متحده سنك فسخندن صکره ، هیئت متحده یه عائد اولان قطعدهکی (پروسیه) عسکرینك تحت اشغالنده قالمشدی [سکزننجی بابه مراجعت] . غراندوقه لقلر حکمداری اولان (هولاندا) قرالی بو مملکتی صائمق ایستوردی ؛ (ناپولئون) توسیع ممالک ایچون بو فرصدن استفاده ایتک ایستدی (پروسیه) نك قلعهدهکی عسکرینی آلمان افکار عمومیهنه سنی جریحه دار ایتدین چکمک ایچون بر فرصته منتظر اولدیغنی ظن ایدیوردی ؛ (بسمارق) بو خیالی ادامه ایتدیردی . (هولاندا) قرالی (پروسیه) نك موافقت ایتسی شرطیله فرانسهنه فروخته راضی اولدی ؛ (بسمارق) بونی آچقدن آچیفه رد ایتدی ، فقط ۱۸۶۶ ده جنوبی (آلمانیا) حکومتلریله عقد ایدلمش اولان معاهداتی غزته لرده نشر ایتدیردی [۱۹ مارت ۱۸۶۷] ، بو صورتله (پروسیه) نك قوتی کوسترمک ایستدی و کافه حرکاتنك مسئولیتنی کندیسنه بر اقدیغنی (هولاندا) یه بیلدیردی . قرال ، (بسمارق) ك مقصدینی آکلایه مدی ، (ناپولئون) ه جواب موافقت ویری [۳۰ مارت] .

(لوکسمبورغ) ك ترکی معاهده نامه سی حاضر لشمس حتی (آروپا) یه بیلدیرلمش

[*] فرانسزمصرخصی (بنده تیی) نك بو مذاکرانه دائر اولان راپوری ۱۸۷۰ ده (آلمانیا) ده (رومر) ك اوراقی آره سنده ضبط اولنه رفی نشر ایلدی .

اوزرينه (ناپولئون) ، (ايتاليا) نك متاركة عقدايمسى ايجون قرالدين مساعده طلب ايتكم اوزره (پروسيه) اردوكاهنه بر مأمور كوندردى . بعده مصالحه نك اساسلرينى تكليف ايتدى [۱۴ تموز] . (آوستريا) نك تمامى ملكيتى ، هيئت متحده نك فسئى ، شامى آلمانيا هيئت متحده نك تشكىلى ، دو قه لقلرك تركى . بو شرائط حقنده ائتلاف افكار واردى . حل و تسويه سى اكه مشكل اولان جهت الحاق ممالك ماده سى ايدى : (پروسيه) بر چوق آلمان حكومات صغيره سنى الحاق ايتكم ايسيتور ؛ (آوستريا) متفقلرينى تركه جسارت ايدميور ؛ (ناپولئون) ، (پروسيه) نك بيومسنه مقابل تضمينات اولمق اوزره بعض اراضينك الحاقنى آرزو ايدىوردى . فقط (بسمارق) ، (پروسيه) نك قوتلى اردوسى سايه سنده (آروپا) احواله حاكم اولديغنى بيليوردى ، مناسب كوردىكى شرائطك كافه سنى قبول ايتديردى .

(آوستريا) ، (نيكولسبورغ Nikolsburg) مقدمات صاحيه سيلاه [۲۶ تموز] آلمانيا امورندن كفيد ايتدى . دو قه لقلرى ترك ايلدى ، (پروسيه) نى ييكي بر هيئت متحده تاسيسنده و (ساقس) مستشا اولمق اوزره شامى (آلمانيا) حكومتلرينى الحاقده سربست بر اقدى . (بسمارق) ، صرف شكاه عائد بعض مساعدانده بولندى ، (ماين) نهرينك جنوبنده و تشكىل ايديله جك هيئت متحده نك خارجنده بولنان آلمان حكومتلرى بر اتحاد تشكىلى حقنه مالك ايديلر . (شلزويغ) ك شمال طرفلرى - شايد اهالى آرزو ايدرسه - (دانمارقه) يه الحاق اولنه جقدى [اون سكرنجى بابيه مراجعت] . بو ايكي ماده (پراغ) مصالحه قطعيه سنده محافظه ايدلدى ايسه هيچ بر زمان فعلاً تطبيق اولمىدى .

(ناپولئون) ، (پروسيه) دن توسيع اراضى ايسيتور ، (پروسيه) مرخصى ، اميد بخشا سوزلر سويليوردى [۱۹ تموز] . روسيه (چار) نى (آلمانيا) دهكه تبدلاتى تنظيم و تعيين ايجون بر قونفره عقدينى تكليف ايتديكى زمان ايلك او كجه (ناپولئون) جواب رد و يردى ، چونكه (پروسيه) دن دهها زياده منافع استحصال ايله جكنى اميد ايدىوردى . توسيع اراضى حصوصنده ايكي دولتك يكديكره معاونت ايدم جكنى تعهد ايتكم ايجون بر اختلاف خفى عقدينى تكليف ايتدى : (فرانسه) ، (باويرا) و (هس) ك (رن) نهرينك صول ساحلنده كى مملكه تلرينى آله جقدى . (بسمارق) بو تكليفى كاغد اوزرينه يازديره رق ، بالاخره (ناپولئون) علمبنده استعمال ايتكم ايجون ، آلدى ؛ بعد رد ايتدى ، (سييه قل) نامنده كى فرانسه غزته سنك مخايريله وقوعه كلن بر ملاقاتده (ناپولئون) ك تصوراتى افشا ايلدى . (ناپولئون) ، (آلمانيا) ده افكار

پوسکوردلدى . ۲۵ حزرانده وقوعه كلن (كوستوچا) محاربه سنده ايتاليانلر (لومبارديا) به رجعته مجبور اولديلر . — (صادووا) مغلوبيتندن صكره ايتاليانلر يالكز باشلرينه (ونديك) ايالتى ضبط ايتك ايستديلر ؛ فقط ايتاليان اردوسى هيچ بر موفقيت قطعيه استحصال ايدهمدى وايتاليان دونماسى (ليساده) ده اوستريا دونماسى طرفندن محو ايدلدى .

براغ مصالحه سى [۱۸۶۶] . — (اوستريا) حكومتى بتون قوتى (پروسيه) به قارشى جمع وتحشيد ايتك اوزره (ونديك) ايالتى (ناپولئون) ه ترك (ايتاليا) ايله مذاكرات صلحيه ايجون توسط ايتمنى ايمپراطوردن رجا ايتدى [۵ تموز] . ناپولئون (آروپا) نك حاكم مطلق كچي كورونيوردى . (آوستريا) طرفدارى اولان خارجيه ناظرى عسكردن خالى قالان (رن) نهري ساحل يسارينك اشغال اولنه چتى اعلان ايدرك (پروسيه) يى طريق مظفريته توقيف ايجون اردونك حال سفربرى به وضعى (ناپولئون) ه توصيه ايديووردى . فقط حربيه ناظرى (مكسيقا) سفرندن طولايى اردونك تشكيلاتى بوزولدينى و ۴۰۰۰۰ كشيدين فضله عسكرك جمع ايديله ميه جكنى اعتراف ايتدى . خسته اولان (ناپولئون) ايكي سياست آره سنده تردد ايتكمه ايدى : (پروسيه) يى مصالحه به مجبور ايتك ، يا خود استحصال منافع ايجون (پروسيه) ايله مذاكره به كيريشمك [°] . بو صورتله (رن) اوزرنده بر نمايش ياپه رق . (پروسيه) يى قورقوتمق وقتك كچمسنه سبب اولدى . (پروسيه) حكومتك مسلكى (ناپولئون) يى مبهم وعدارله آوته رق حال عطا لنده براقمق ويو ائنده (پروسيه) اردوسنى (ويانه) اوزرينه يوروتمك ايدى .

(ناپولئون) ، اول امرده ، (آوستريا) ايا اتفاق ايده جكنى سويله رك (ايتاليا) يى توقيفه چاليشدى [۹ تموز] ؛ ايتاليا ، (پروسيه) اولدوجه هيچ بر مقساوله نامه عقد ايتمه كى تمهد ايلمش اولدينى جوانى ويردى و متاركة تكليفنى رد ايتدى . بونك

[*] نموزك دردنچي كوفى آقشام ساعت اون برده اردونك حال سفربرى به وضعى مصارفى قبول ايجون مجلس ميمونان واعبانك عقد اجتماعه دعوتى حفته كى امرنامه يى امضا ايتدى ؛ بشنچي كوفى صباح ساعت بشده بو امرنامه نك كان لم يكن حكمنده اولدينى امرينى ويردى . يوم مذ كورده بر مجلس عقد ايتدى ؛ (دروئين) ايله ايمپراطوريجه نك رآيلرى اوزرينه تداركات حربيه به دوام اولمسنه قرار ويردى ؛ بعده ، (لاواله) فرانسزاردوسنك فنا برحالده بولنديقى وايكنه لى تفنكلرك اسلحه سائره به فائق اولدينى سويلد بكندن اولكي قرارينى فسوخ ايلدى ، (دروئين) ، (رن) اوزرنده بر نمايش عسكرينك كفايت ايده جكنى سويله رك اصرار ايتدى ؛ پرنس (ژه زوم) ، (پروسيه) يى محاربه به تشويق ايتدكدن صكره خصمانه بر حركت اخذ ايتمه نك سوء تأثيرى موجب اولدجنى بيان ايلدى . (ناپولئون) ده متردد و بيترار قالدى .

۱۸۶۶ مخاریسی . — (ایتالیا) بی دائره اتفاقنه آلمان (پروسیه) ایله آلمان حکومتلرندن اکثرینک متفق بولنلار (اوستریا) آره‌سنده کی محاربه عینی زمانده (بوهمیا) ، (ونڈیک) و (آلمانیا) ده وقوعه کلدی [اون بشنجی بابہ مراجعت] . بتون (آوروپا) کبی (ناپولئون) دخی طرفینک قوتلری همان یکدیگره مساوی اولدیغندن محاربه‌نک چوق زمان دوام ایده‌جکسه قانمدی ؛ طرفین محاربین یورولدوقلری زمان حکم صفتیه ایشه مداخله و او زمان مسئله‌بی محاربه‌یه کیریشمکه حاجت قاله‌دن ایستدیکی کبی حل ایده‌جکینی امید ایدیوردی . هیچ خاطره کلین بر حال ، یعنی (پروسیه) اردوسنک امثالی نامسوق بر سرعته حال سفربری‌یه وضعی بو حسابی آلت اوست ایتدی .

(پروسیه) ، (اوستریا) جهته‌ده ۳۰۰۰۰۰ کشتی جمع ویکدیگرندن آیری اوچ اردو تشکیل ایتدی : (البه) اردوسی ، برنجی (سیلزییا) اردوسی ، ایکنجی (سیلزییا) اردوسی . بواردولر اوچ طرفدن (بوهمیا) یه کیردیله و (صاقسون) لر ایله اوستریالیلری اولکرنده سورهرک [۲۶ - ۳۰ جزیران] یکدیگریله برلشه‌جک صورته‌ده حرکت ایتدیله . ۲۲۰۰۰۰ کشتیدن مرکب اولان (اوستریا) اردوسی بطائت ایله حال سفربری‌یه وضع ایلدیکندن کپیلری مدافعه ایده‌مدی و حرکات تدافیه‌یه مجبور قالدی ؛ پروسیه‌لیلرک سرعت حرکاتندن وایکنه لی تفنکرک سرعت انداختندن قوه‌منویه‌سنه خلل کلدیکی حالده (قونیغ‌غره‌ج) قربنده بر موقع مستحکمه تحشد ایتدی .

محاربه‌نک نتیجه‌سی بر کونده آکلاشیلدی . پروسیه‌لیلرک اوچ اردوسندن ایکینی [البه و برنجی سیلزییا اردولری] یکدیگریله برلشمشله ، صعب‌المرور کپیلردن کچمکه مجبور اولان اوچنجی اردویی بکلورلردی . اورمانلق برملکته‌ده ، عارضه‌لی تپه‌لر اوزرنده تحصن ایدن ، تپه‌لرک قاعده‌سندن ذروه‌سنه قدر قات قات تعیه ایدیلن طوپلر ایله مدافعه اولنان (اوستریا) اردوسنه هجوم ایتدیله . (صادووا) محاربه‌سی [۳ تموز] اوزون وقانلی بر محاربه اولدی . نتیجه‌ده حرب ، اوچنجی (پروسیه) اردوسنک میدان حربه کله‌رک اوستریالیلر طرفندن کورلمکسزین (اوستریا) اردوسنک طوتدینی مواقعک همان اوره‌سنه قدر ایلیلمسی اوزرینه تعین ایتدی [اوستریا قوماندانی (بنه‌دهق) حکمفرما اولان سیسک پروسیه‌لیلری کورمکه مانع اولدیغنی سویلمشدر] . اوستریا اردوسی ۲۵۰۰۰ ضایعات و ۲۰۰۰۰ اسیر ویردکدن صکره قارمه قاریشیق برحاله کری‌یه چکیلدی . آرتق دشمنک (ویانه) اوزرینه حرکتی توقیفه مقتدر دکلدی .

(ایتالیا) ده (اوستریا) اردوسی (ونڈیک) ایالتی محافظه ایدرک حال تدافعه‌ده قالدی . ده‌اغلبه‌ک اولان ایتالیان اردوسی اوستریالیلره هجوم ایتدی ، فقط کری‌یه

اینانمبور ، (ایتالیا) بی محضا (اوستریا) بی قورقوتمق ایچون قوللانمندن شبه‌لییوردی . اختلاف کسب شدت ایتدیکی زمان [اون بشنچی‌بابه‌مراجعت] پروسیه ، (ایتالیا) نك فکرنی استمزاج ایتدی ، (ایتالیا) برلینه بر جنرال کوندردی . فقط مذاکرات اوزادی . (ایتالیا) ، منحل قالان (رومانیا) مقابلنده (وندیک) ایالتی بلا حرب آلمق امیدنده ایدی [یکریمی برنجی‌بابه‌مراجعت] . پروسیه‌ده قرال (ویلهم) ایله حکومت صلح آرزوسنده ایدیلر . مع مافیه (بسمارق) اوج آیلق براتفاق تجاویزی معاهده‌نامه‌سی استحصالنه موفوق اولدی [۸ نیسان] . ایتالیا ، هیئت متحده‌نك اصلاحی ایچون (پروسیه) طرفندن واقع اوله‌جق تکلیف‌لری سلاح ایله مدافعه ایتکی ، (پروسیه) وندیک ایالتک ترکنی استحصال ایلمکی تعهد ایدیوردی ، (ایتالیا) ، «اوستریا» تابع اولان ایتالیان ممالکنی «دخی ایسته‌مشندی ، بو ایسه هیئت متحده اجزاسندن اولان (تیرول) ک دخی ترکنی مستلزم‌دی ؛ (بسمارق) رد ایتدی . (ناپولئون) بیطرف قالنی وعد ایلدی .

(اوستریا) نك سیاستی (پروسیه) بی ایلك اوکجه هجومه مجبور ایدرک آلمان حکومت‌لرینه دشمن ایتک ایچون (آلمانیا) ده قطع مناسباتی ممکن مرتبه تأخیر ایلمک و (آوروپا) ده دخی (ایتالیا) بی ممنون قیلیم صورتیله (پروسیه) بی یالکز یراققدی . (ایتالیا) ده‌کی اردولر مستثنا اولمق اوزره هر ایکی طرفک ترک تسلیحات ایلمسنی (پروسیه) یه تکلیف ایتدی [۲۵ نیسان] . اگر (ایتالیا) بیطرف قالیرسه (وندیک) ایالتی ترک‌ایده‌جکنی (فرانسه) یه آکلادتی ؛ بویالته مقابل (پروسیه) دن (سیلیزیا) بی استرداد ایده‌جکنی سویلیوردی .

پرنس (زهروم) ایله قاتولیک فرقه‌سنک تأثیرات متضاده‌سنه تابع اولان (ناپولئون) تردد ایدیوردی ؛ بو دفعه‌ده اک زیاده ترجیح ایتدیکی واسطه‌یی ، یعنی (آوروپا) خریطه‌سنی تعدیل ایچون برقونفره عقد اولمسنی تکلیف ایلدی . (انگلتره) و (روسیه) قبول ایتدیلر ؛ (پروسیه) و (ایتالیا) ، (ناپولئون) ه جمیله ابراز ایتک مقصدیله ، قبول ایده‌جکلرنی اولجه اعلان ایلمشردی . (اوستریا) ، قونفره‌ده هیچ بر دولتک توسیع اراضی ایلمسنک مذاکره اولنماسنی و (پاپا) نك‌ده دعوت ایدلمسنی طاب ایتدی ، بوسورتله قونفره فیکرینک عقیم قالسنه سبب اولدی .

انقطاع مناسبات ، (آلمانیا) ده ، (دیت) مجلسنده وقوعه کلدی [اون بشنچی‌بابه‌مراجعت] . فرانسه، جهتندن امین اولان (پروسیه) غرب حدودنده‌کی عسکرینی چکدی وبتون قوتی (اوستریا) ایله متفق‌لری علیهنه جمع و تحشید ایتدی .

ایدیوردی . (غاشتاين) مقاله نامه سی دوقه لقری تقسیم ایدرك مسئله یی موقاً حل ایتدی [آغستوس] . فرانسه ، بوحركتك ملت قاعده سنه و دوقه لقر اها لسنك آرزوسنه منایر اولدینی بیان ایدرك اعتراض ویکی (آروپا) نك خیل زماندن بری ترك ایلبیکی برواسطه یه مراجعت اولنمسینی طلب ایلبدی . یعنی (پروسیه) طرفندن اوتهدن بری قبول ایدیلان « حق فتح » نظریه سنه [*] مقابل فرانسنزرك آرای عمومی ملته مراجعت صورتیله ظاهره چیقان « حق ملت » نظریه سنی موضوع بحث ایتدی . (ناپولئون) ، ایلول ۱۸۶۴ مقاله نامه سیله (روما) مسئله سنك حلنی تأخیر ایدرك (ایٹالیا) یه یا قلاشمسدی [اون برنجی بابه مراجعت] . ۱۸۶۲ سنه سندن بری موقع اقتدارده بولنان صلح طرفدار ی هیئت وكلا (ونديك) ایالتنی الحاق ایتدیرمك صورتیله (ایٹالیا) ایله (آوستریا) یی باریشدیره بیله جکسنی امید ایدیوردی . فقط (ایٹالیا) حكومتی اردوسنی محاربه یه حاضر بولندیرمق ایستور و (آوستریا) ایٹالیا قرالغنی طانیماقده اصرار ایدیوردی .

(بسمارق) ، (آوستریا) یه قارش ی (ایٹالیا) ایله بر اتفاق عقیدنه چالیشدی : (ایٹالیا) ، (فرانسه) نك موافقتی منضم اولمزدن ، اتفاق ایده مزدی ؛ بنساءً علیه (ناپولئون) ك مساعده سنی استحصال ایتك لازم کلیوردی . (بسمارق) بومساعده یی طلب ایتدی . (بیاریچ) ملاقاتی [تشرین اول ۱۸۶۵] بوابده جریان ایدن مذاکراته شکل قطعیت ویردی [*] . ناپولئون ، سیاست شخصی سنی یکیدن تعقیبه باشلایوردی : (ایٹالیا) نك اتحاد ملیسنی وجوده کتیرمك ، (آوستریا) یه قارش ی (پروسیه) یی قوتلندیرمك ، اختلافدن بالاستفاده بهض اراضی آلق و ۱۸۱۵ معاهداتی فسخ ایتدیرمك [*] . بسمارق ، هیچ برتعهد قطعی یه کیریشمه مك صورتیله بومایدلری تشویق ایتدی . (ناپولئون) ی بیطرفلغنی وعد ایچون اقناعه موفق اولدی . (ایٹالیا) ایله مذاکرات پك اوزون سوردی . (ایٹالیا) حكومتی اولجده ایکی دفعه اتفاقه دعوت ایدلدیکسندن [۱۸۶۲ و ۱۸۶۵] آرتق (بسمارق) ك صمیمیتنه

[*] فرانسنزر (بسمارق) ك سیاستنی « قوت حقه تقدم ایدر » قول مشهوریله خلاصه ایدیوردی .

[**] بسمارق ۱۸۶۴ ده دخی (بیاریچ) ه کیتمش ، فقط (ناپولئون) ایله خارجیه ناظری پروسیه باش وکلنك سوزلرنی جدی اوله رق تلق ایتمه مشدی .

[***] اوقسه رده ایراد ایلبیکی برنطفده [۶ مایس ۱۸۶۶] شو سوزلری سو بلمشدر : « بوکون سیاست خارجیه مزه یگانه اساس اتخاذا ایدلك ایسته نیلن بو ۱۸۱۵ معاهداتندن نفرت ایدیورم . » تیهرك مجلس مبعوثانده (پروسیه) ایله آلمان اتحادی علیه ایراد ایتدیکی برنطق اعیراطورلق طرفدار ی اولان اکثریته دخی آلفیشلانمشدر .

راکب اولغه وقت برامه دن محو ایتمه چالیشه جقدی . (دانه ویرق Danevirk) ه
 هجوم ایتدی ، فقط (دانیمارقه) اردوسی محاربه یه کیریشه مدن کیجه لین چکیدلی
 وقور تولدی . متفقلر بتون (شلزویغ) ی اشغال ایتدیلر [کانون نانی - شباط ۱۸۶۴] .

۲. — (دوپل Düppel) طابیه لری آرقه سنده اخذ موقع ایدن (دانیمارقه)
 اردوسی (ژوتلاند) شبه جزیره سی یولنی قاپوردی . (دوپل) ک ضبطی ایچون
 وقوع بولان حرکات عسکریه بش هفته لق محاصره دن ، بر بومباردمان دن ، آلتی قول
 عسکرک طابیه لره هجوم عمومیسندن عبارت قالدی [مارت ، نیسان] . دانیمارقه لیلر
 طرفدن تخلیه ایدن (ژوتلاند) شبه جزیره سنی متفقلر اشغال ایتدیلر . — نهایت
 (انکلتره) لوندرده بر قونفرانس عقدی تشبثاتی بر نتیجه یه ایصال ایتمشدی ؛ فقط
 بقونفرانس آچیلدیغی زمان (دوپل) ک ضبطی مسئله یی صورت عملیده حل ایلمشدی ؛
 مظفر اولان (پروسیه) و (آوستریا) آرتق ۱۸۵۲ معاهداتی طانیق ایسته میورلر
 ودوق لقلرک قطعاً آیرلمسنی طلب ایدیورلردی [اون سکزنجی بابه مراجعت] .
 انکلتره ، بر اولتیا توم تبلیغی ایچون مشترکاً حرکت ایلمسنی (فرانسه) یه تکلیف
 ایتدی . (فرانسه) ، (لهستان) مسئله سنده کی تشبثات مشترکه لرینک « نتیجه مؤسفه سنی »
 اخطار ایلدکن صکره (انکلتره) نک بر ائناق تجاوززی عقدینی ایستیوب ایسته مدیکنی
 صوردی ؛ (انکلتره) جواب ویرمدی وقونفرانس بلا نتیجه طاغیلدی .

۳. — متفقلر متارکه نک ختامنده [حزیران] آطه لری استیلا ایتدیلر . (دانیمارقه)
 حکومتی صلح طلب ایلدی [اون سکزنجی بابه مراجعت] . ویانده عقد اولنان مصالحه
 موجبنجه دوقه لقلر (پروسیه) و (آوستریا) یه ترک ایلدی [۳۰ تشرین اول] .

پروسیه و آوستریا آره سنده انقطاع مناسبات [۱۸۶۴ - ۶۶] . — (آوستریا)
 و (پروسیه) آره سنده اختلاف هیئت متحده نک اصلاحی تشبثاتی ایله ۱۸۶۰ دن اعتباراً
 باشلامشدی [اون بشنجی بابه مراجعت] . فقط (آوستریا) حکومتی دوقه لقلر
 مسئله سنده آلمان حکومتلریله ائتلاف ایده مدیکی ایچون (پروسیه) یه یاقلاشمشدی .

(دانیمارقه) دن مشترکاً ضبط اولنان دوقه لقلرک مقدراتی تعیین ایتک مسئله سی
 موضوع بحث اولنجه اختلاف تکرار باتس کوستردی [اون بشنجی بابه مراجعت] .
 پروسیه و کلاسندن مرکب اوله رق اجتماع ایدن بر مجلس فوق العاده (آوستریا) طرفندن
 کوستریلن مساعداتک غیر کافی اولدیغنی بیان ایتدی [۲۱ تموز ۱۸۶۵] و پروسیه
 محاربه یه حاضرلندی . فقط قرال (ویلهلم) ایلك هجومک کندی طرفندن واقع اولمسنی
 ایسته میور ؛ (آوستریا) ایسه پاره سی اولمدینی ایچون محاربه یه مانع اولئی آرزو

(انكلتره) بويله بر قونفر دنك فائده سز لكنى اثبات ايتدى .

بو صورتله (ناپولئون) يالكز ، عاجز ، (چار) ايله بوزوشمش ، (روما) مسئله سندن طولايى مشكلاته دوچار اولمش بر حالده قالمشدى . اولجه حائر اولديغى تفوقى غائب ايتمشدى ؛ (چار) ك متفقى اولان (پروسى) ناپولئونك يرينه قائم اوله جقدى .

دوقه لقلر محاربه سى [۱۸۶۴] . — (شلزويغ - هولشتاين) دوقه لقلرى مسئله سى ۱۸۴۸ ده آچيلمش . ايكن ۱۸۵۲ ده دولتلكر قراريله قياشمشدى ، بودومه (دانمارقه) خاندان قراليسنك انقراضيله يكي دن موضوع بحث اولدى [اون سكزنجى بابيه مراجعت] . آلمان حكومتلى (آوغوستبورغ) ى التزام ، (آوروپا) دولتلى ايسه (دانمارقه) قراللىك تاممى ملكيتى مدافعه ايديورلردى ؛ (آوستريا) و (پروسى) ، (آوروپا) طرفدن تا ميين ايديان (غلوقسبورغ) ك وراثتى قبول ايدرك متوسط وظيفه سنى ايفاء ، فقط قانون اساسى يى رد ايلبورلردى [كانون ثانى ۱۸۶۴] . اوچ فرقه واردى : ۱ ، آلمان حكوماتسندن ماعدا دول معظمه طرفدن التزام ايديان (دانمارقه) ؛ ۳ ، آلمان حكومتلى طرفدن التزام ايديان دوق (داوغوستبورغ) ؛ ۳ ، (پروسى) و (آوستريا) .

(دانمارقه) حكومتى (آوروپا) نك مداخله سنه كووه نيوردى . (انكلتره) بي طرفلتنى تا ميين ايده ميه جكنى (پروسى) يه بيان و ۱۸۵۲ معاهده نامه سنده امضاسى بولنان دولتلكر مرخصلر دن مركب بر قونفرانس عقدينى تكليف ايتدى [كانون اول ۱۸۶۳] . فقط (ناپولئون) ، (لهستان) مسئله سنده كنديسندن آيرلش اولان (انكلتره) دن ممنون اولديغى ايچون دوقه لقلر ك آلمان عنصريله مسكون قسملرينى (آلمانيا) ايله برلشديره ك « ملت » قاعده سنى تطبيق ايتمكى دوشون نيوردى ؛ قوه عسكريه ايله (دانمارقه) يه معاونته راضى اولدى . قراليجه (ويقتوريا) محاربه ايسته ميوردى ، اونك ايچون (انكلتره) هيئت وكلاسى اولتيماتوم كوندرمكه جسارت ايده مدى . (پروسى) و (آوستريا) دوقه لقلر محاربه سنه باشلا ديلر [كانون ثانى ۱۸۶۴] . بو محاربه اوچ قسمة آيريله بيلير :

۱ . — ۳۵,۰۰۰ كشي دن مركب اولان و (دانه ويرق) خطوط مدافعه سى آرقه سنده تحصن ايدن (دانمارقه) اردوسى (آوروپا) نك مداخله سنه وقت بر ارقق ايچون حر كات حربيه يى اوزاتمغه ، فقط (دانمارقه) نك يكانه قوه عسكريه سى اولديغندن بسبتون محو اولمق تهلكه سنه آتيلمامغه مأمور ايدى . ۷۰,۰۰۰ كشي دن مركب (آوستريا - پروسى) اردوسى ، (دانمارقه) اردوسنى اطهرله التجا ايچون سفائنه

ناپولئون ، (پاپا) نك و (اوستریا) ایله صلح عقد اولمسنك طرفدارى اولان ذواتى
موقع اقتداره كچوردى [تشرین اول ۱۸۶۲] .

لهستانه مسائلى [۱۸۶۳] . - (ایتالیا) اموردن اوصامش اولان (ناپولئون)
لهستان مسئله ملیه سیله مشغول اولمغه باشلادی . لهیلر بر قاج سنه تحریكات ملیه ده
بولندقدن صكره [اون طقوزنجی بابه مراجعت] دولتری مداخله به مجبور ایتك ایچون
عصیان ایتیلردی ؛ ممالك اجنبیه دن وبالخاصه (اوستریا) دن عصات چتله ری کلیوردی .
حكومات معظمه نك كافه سنده افكار عامه مداخله اولمسنی طلب ایتدی .

یالكز قالدینی ، هر طرفدن تقییح ایدلدیكنی كورن (چار) طوغریدن طوغری به
(پروسیه) قرالنه مراجعت ایتدی ؛ (بسمارق) ، (پروسیه) ایله (روسیه) آره سنده
بر ائتلاف تأسیس ایتك ایچون بو فرصتن استفاده ایلدی ، ایكى حكومتك عصات
علیه نده كى حرکات عسكریه سنی تألیف ایتك ایچون بر مقاله نامه عقد [شباط ۱۸۶۳]
و آلمانیا افكار عمومیه سنه رغماً لهیلره دشمن اولدینى اعلان ایتدی . دیگر دول معظمه ،
(اوستریا) ، (فرانسه) ، (انكلتره) ، لهیلر طرفنى التزام ایلدیلر .

(ناپولئون) ، اول امرده ، (چار) ه بر نامه خصوصى كوندزه رك (لهستان)
قرالانك تأسیسنی توصیه ایتدی . جواب رد آلمسى اوزرینه دیگر دولتره (روسیه)
علیه نده اتفاتی تكلیف ایلدی ؛ (انكلتره) موافقت ایتدی . اوچ دولت ، یالكز
(لهستان) ده اصلاحات اجراسنى (چار) ه تكلیف ایتك و دیپلوماسی وسائلیه تضییقات
اجرا ایلمك خصوصنده ائتلاف ایتدیلر . مداخله بی محاربه به قدر كوتورمك ایسته میورلردی .
(روسیه) حكومتى بونی بیلدیكى ایچون مسئله بر قاج نوطه تعاطیسندن عبارت قالدی :-

۱ ، نیشان نوطه سی [اوچ دولتك نوطه سی همان مشترك انال ایدی] . - ۲ ،
۲۷ حزیران تاریخی جواب مشترك ؛ اوچ دولت (لهستان) ده موقع تطیقه وضعی الزم
اولان اصلاحاتك آلتی ماده سی حقنده ایضاحات ویریوردی [اون طقوزنجی بابه
مراجعت] . - ۳ ، آغستوس نوطه سی ؛ اوچ دولت ، (روسیه) بی « اغتاشاتك
دوامندن حاصل اوله بیله جك نتایجنن مسؤل » طوته جقلرنی بیان ایدیوردی . بعده ،
(روسیه) ایله محاربه تهلكه سنه دوشن (اوستریا) حكومتى (غالیچیا) ده عصیانى تماماً
ازاله ایچون اداره عرفیه اعلان ایتدی . دوقه لقلر مسئله سیله مشغول اولان (انكلتره)
لهستانی بر اقدی . (ناپولئون) اك زیاده ترجیح ایتدیكى واسطه به مراجعت ایتك
ایستدی ؛ دولتری (لهستان) ، دوقه لقلر ، (روما) كى مسائل معلقه نك كافه سنی حل
ایتك و ۱۸۱۵ معاهداتى تعدیل ایلمك ایچون بر قونفره عقیدینه دعوت ایتدی .

(لومبارديا) نك تركندن ماعدا موادندن هيچ برى موقع اجرايه قومدى .
 اطافتر راياليا مسندسى [۱۸۶۰ - ۱۸۶۲] . — (ناپولئون) ايتاليان اتحادي نك
 (ساردنيا) حكومتك معاونته مظهر اولان ايتاليان انقلاب پرورلى طرفندن وجوده
 كترلمسنة مساعده ايتدى [اون برنجي باهه مراجعت] وبيطرفلغنه مقابل (صاووا)
 و (نيس) ي آلدى .

بوالحاق ، (ناپولئون) حقنده عمومي برامينتسزلكي موجب اولدى . — (اسويچره) ،
 (صاووا) نك ۱۸۱۵ معاهداتيله بيطرف اعلان ايديان قسمنى طلب و هيئت متحده
 مجلسي بوراسنك اشغال عسكرى آلتنه آلمسندن بحث ايتدى . — ۱۸۳۰ سنه سندن برى
 (بلجيقا) ايله آراسي بوزولان (هولاندا) قرالى (بلجيقا) قرالى زيارت ايلدى . —
 (آلمانيا) ده « اتحاد ملي » الحاق علمنده پروتستو ايتدى . — (انكلتره) ده فرانسرلك
 تجاوزينه قارشى سواحلى مدافعه ايجون كوكلو ميليس آلايرلى تشكيل اولدى .

(ناپولئون) صاح و مسالمتي محافظه ايتك آرزوسنده بولنديغنى ادعا ايتدى؛ چينده ،
 سوريده ، تركياده (انكلتره) ايله برلكده حركت و ۱۸۶۰ تجارت معاهده نامه سنى
 عقد ايلدى . فقط امينتسزلك دوام ايدوب كيتدى . (انكلتره) ، (پروسيه) و (اوستريا)
 بين المللك مسائله متعلق اوله رق (فرانسه) طرفندن واقع اوله جق تبليغاتك مشتركاً تدقيق
 و مذاكره سنى تمهد ايتديلر .

(ايتاليا) قرالغتك تشكلى مناسبيله (روما) مسئله سى ميدانه چيقمشدى [اون
 برنجي باهه مراجعت] ؛ ناپولئون بو مسئله يي صلح پرورانه بر صورتده حل ايتك ايجون
 ير قونفره عقدينه چاليشدى ؛ فقط (اوروپا) موافقت ايتدى . (ناپولئون) متردد
 قالدى ، نه (روما) ده كى فرانسز عسكريني كرى به چككمكه ، نه ده (پايا) طرفندن محكوم
 ايديان انقلابك اثرى اولان (ايتاليا) قرالغنى تصديقه جسارت ايدو بيلدى ، امپراطور يچه به
 رغماً ، (ايتاليا) قرالغنى تحت تأمينه آله مدينى بعض شرائط تحديده ايله تصديق
 ايتدى [۱۵ حزران ۱۸۶۱] ، هيئت رهبانك اعتراضاتنى حكمسز براقق ايسته ميوردى .
 (ويكتور امانوئل) ه يازديغى بر مکتوبده احوال ماضيه سندن طولايى فرانسز عسكريني
 (روما) ده براققه مجبور اولديغنى بيان ايلدى ، فقط (پايا) طرفدارى اولان سفيري
 (غرامون) ك يرينه (ايتاليا) طرفدارى (لاوالهت) ي تعيين و (پايا) به مالك اولديغى
 ولاياتى — رئيس روحانى بولنديغى ايجون — (ايتاليا) قرالنه ترك ايتسنى تكليف
 ايتدى . (پايا) و (قاردينال) لرك كليسا حكومتك تمامى ملكيتنى محافظه يه مين ايتمش اولدقلى
 جواني و يرلدى . — (غاربالدى) نك تشبثدن صكره [اون برنجي باهه مراجعت]

ماهون) فرقه‌سی اوستریالی‌ری رجته مجبور ایتدی؛ فرانسمز اردوسی قارمه قاریشیق برحاله کیجه‌یی بولندی‌یی موقعلرده کچیره رک دشمنی تعقیب ایتدی. — نتیجه، (اوستریالی‌ری) ک (لومباردیا) دن چکیلیرینه وبعده برانقلاب ملی وقوعه منجر اولدی [اون برنجی بابه مراجعت].

۲. — (اوستریا) اردوسی (وندیک) ایالتنده یکیدن تشکل ایتدکن، بالذات ایمپراطورک قومانداسی آلتته کیردکن و موجودی ۲۲۰۰۰۰ کشی‌یه ابلاغ اولندقدن صکره برخیلی زمان تردد ایتدی، نهایت (لومباردیا) بی استرداد ایچون حرکات تجوزیه به باشلادی؛ (فرانسمز — سارد) اردوسی عدداً ده‌آز اولدینی حالده (مینچیو) اوزرینه یوردی. هرایکی اردو ناکهانی برصورتده یکدیگره تصادف ایتدی، چونکه هیچ بری دشمنک حرکاتنه واقف دکلدی. (صولفه‌رینو) محاربه ناکهانیسی [۲۴ حزران] بربرندن آیری اوچ مصادمه‌دن عبارت قالدی: شمالده (ساردنیا) اردوسی توقنه مجبور اولدی، جنوبده فرانسمز قوماندانی (نیهل) موقعی محافظه‌یه موفق اوله‌رق (قازویر) ی معاونت ایتهمکله اتهام ایتدی [بویکی جزالک دوللو ایتسمه رمق‌قالمشدی]، مرکزده (صولفه‌رینو) نک ضبطی اوستریالی‌ری رجعتی انتاج ایلدی.

اوستریا ایدر مصالحه [۱۸۵۹]. — محاربه میدانلرینک منظره‌سندن متأثر اولان، قوماندانلری آرسنده‌کی منازعاتدن تلاش ایدن (ناپولئون) محاربه‌دن نفرت ایتدی؛ اردوسی قلاع اربعه‌یی ضبط ایده‌جک درجه‌ده قوتی کورمینوردی. محارلری عصیان ایتدیره‌ک (اوستریا) نک باشنه بر بلا جیقارمنی دوشوندی؛ محار ملتجیلری رئیس (قوشوت) ایله پیدای مناسبات ایتمش [یکرمی دردنجی بابه مراجعت]، کندیسنی (پارس) وبعده (ایتالیا) یه کتیرتمشدی. فقط (انکلتره) ایله انقطاع مناسباتدن قورقدی. (آلمانیا) ده (فرانسه) نک موفقیاتندن قورقنه باشلایان افکار عامه (پروسیه) بی (اوستریا) طرفی التزامه تشویق ایدیوردی. پرنس (ویلهلم)، (اوستریا) بی درمیان ایلدیکی شرائطی قبوله مجبور ایتمک ایچون خیلی زمان بکلدی. نهایت ازدویی حال سفر بری‌یه وضع ایدرک (رن) حدودینی تهدید ایتدی. (ناپولئون) دولترک توسطلرینه وقت برامق ایچون طوغریدن طوغری‌یه (اوستریا) ایمپراطوریه مذاکره‌یه کیریشدی. (ویلا فرانقا) ده وقوعه کلن برملاقانده [۱۱ تموز] شرائط صلحیه‌یی قرارلشدیردی و مصالحه‌نامه (زوریخ) ده عقد ایلدی [تشرین ثانی ۱۸۵۹]: (ساردنیا) یه یالکز (لومباردیا) ویرلدی، (طوسقانه) و (موده‌نا) سابق حکمدارلرینه اعاده ایلدی، ایتالیان حکومتلرندن مرکب رهیت متحده تشکیلنه قرار ویرلدی. فقط مصالحه‌نامه‌نک

محافل كبار ، قاتوليكلر ، عالم تجارت محاربه علمنده ایدی . (ناپولئون) ، (روسیه) واسطه سیله بر قونفره عقد اولمنسی تکلیف ایتدیردی ، انک زیاده خوشنه کیدن فکر بو ایدی [مارت ۱۸۵۹] . اوستریا ، (ساردنیا) نك قونفره دعوت ایدلمه منسی وعسکرینی طاغیتمغه مجبور اولمنسی طلب ایتدی . — (انکلتره) ، ایتالیان حکومتلرینک کافه سنک قونفره دعوت اولمنسی وهرایکی طرفدن عینی زمانده ترك سلاح ایدلمنسی تکلیف ایلدی ؛ (ناپولئون) محاربه یی ایستدیکنی اعتراف ایدمه دیکندن بو تکلیفی قبوله راضی اولدیغنی و (ساردنیا) نك ده قبول ایتمسی لزومنی تلفراف ایله (قاوور) ه بیلدیردی . مایوس اولان (قاوور) راضی اولدیغنی اخبار ایتدی . فقط (اوستریا) ، (ساردنیا) قرالنه بر اولتیاوم کوندره رك اوچ کونده ترك تسلیحاتی طلب ایتدیکندن محاربه یه سبب اولدی . (ساردنیا) جواب اعطاسندن امتناع ایتدی ؛ (اوستریا) اردوسی (ساردنیا) حکومتی اراضیسنه کیردی . (اوستریا) ایلك اوکجه محاربه یه باشلامش کبی کوروندیکندن یالکز قالدی .

۱۸۵۹ سفری هر ایکی طرف اردولرینک پک فنا و غیر منتظم بر صورتده اداره ایدلکلرینی کوسترن ایکی بیوک حرکت عسکریه دن عبارتدر . — (اوستریا) ۲۵۰۰۰۰ عسکردن آنجق ۱۱۰,۰۰۰ کشی پی میدان حربه کوندره بیلدی ؛ فرانسزلرک ۳۲ آلاینه مجموع افراد ۱۴۰۰ کشیدن آزدی ؛ هر ایکی طرفک عسکرینی حال سفر بری یه وضعی بطائنه و ناتمام بر طرزده اجرا ایدلدی .

۱ . — یوز بیک کشیدن مرکب اولان (اوستریا) اردوسی ۷۰۰۰۰ کشیلک (ساردنیا) اردوسنه قارشی حرکات تجاوزیه به باشلايه جعی یرده ۱۳۰۰۰۰ کشیلک فرانسز اردوسنک (آلکساندری) ده (ساردنیا) اردوسیله بر اشمه سنه وقت بر اقدی ؛ بعده دشمنک جنوبده (بارمه) اوزرینه یوریه جکنی ظن ایدرک (مونته بللو) یه قدر بر فرقه کوندردی ، حال بوکه (فرانسز — ساردنیا) اردوسی شمالدن کچه رك حرکات تجاوزیه به باشلادی و (لومباردیا) یه کیردی [پاله ستروده پیشدار محاربه سی ، ۳۰ مایس] . (اوستریا) اردوسی (میلان) ه مدافعه ایچون رجعت ایدرک بر قتال آرقه سنده کی اووده یراشدی . — (ماجنتا) محاربه قطعه سی عمومی بر پلانه توفیق حرکت ایدلمه دن وقوعه ککش قاریشیق بر محاربه در ؛ فرانسزلرک قتال اوزرنده کی کوپریری ضبط ایچون اجرا ایتدکلری بر هجومی هر ایکی طرفدن کوندریلان قوای امدادیه آره سنده وقوعه کلن بر چوق محاربات تعقیب ایلدی . (اوستریا) قوماندانی مظفریتی تلفرافله (ویانه) یه بیلدیرمش ، (ناپولئون) مغلوب اولدیغنه قانع بولمش اولدیغنی بر صدرده محاربه نك صوکلرینه طوغری کلن (ماق

خبر کوندردی ؛ (پلومیبر) ملاقات خفیسندہ عقد اتفاق ایتدیلر، محاربه به حاضرلندیلر [تموز ۱۸۵۸] . شرائط اتباق پک قولای قرارلشدیردیلر : (اوستریا) ناک (ایتالیا) دهکی ایالاتنک کافهسی (ساردنیا) یه ، (ساووا) ، فرانسه یه ویریله جک ، شاید (پارمه) و (طوسقانه) ناک دخی (ساردنیا) یه الحاقنه موفقیت الویرر ایسه بوکا مقابل (فرانسه) ، (نیس) ی آله جقدی . فقط اعلان حرب ایچون هانکی مسئله ناک بهانه اتخاناایدیله جکنی قرارلشدیرنجه یه قدر خیلی زحمت چکدیلر ؛ (ناپولئون) انقلابی التزام ایدیور کبی کورونمک ایسته میوردی . (ویقتور امانوئل) بو اتفاقه مکافات اولمق اوزره ایمپراطورک یکنی وملیت سیاستنک شدتلی طرفداری اولان پرنس (زهروم) ه پرنسس (فلوتیلد) ی ویردی . (ناپولئون) ایتالیا دهکی حرکات ملیدن بالابستفاده (طوسقانه) پی یکسنه و (ناپولی) قرالفنی پرنس (مورا) یه ویرمک ایستیوردی . (اوستریا) پی یالکز براقق ایچون یکسنی (چار) ه کوندردی ، (چار) بیطرف قاله جفتی وعد ایتدی ؛ (ناپولئون) پروسیه ایله اتفاقه ده چالیشدی ، فقط جواب رد آلدی .

عینی زمانده ، شخصی علمیندهکی ترتیبات خفیه دن تلاش ایدن (ناپولئون) فرانسر ملتجیلری علمینده تشبثات دیپلوماتیقیه ده دخی بولتمشدی . (ساردنیا) ده (قاوور) ، (بلجیقا) ده یکی هیئت وکلای احرار سایه سنده حکمدارانہ حقارت ایدنلرک دوچار مجازات ایدلملری ایچون بر قانون مخصوص نشر ایتدیردی . فقط (انکلتره) ده (پالمستون) طرفدن تنظیم ایدیان لایحه قانونیه انیکلزلرک حسیات مله لرینه طوقوندی ، عوام مجلسی وکلای تقییح ایتدی [شباط ۱۸۵۸] ، هیئت وکلا دوشدی ؛ (دربی) ناک ریاستنده تشکل ایدن یکی هیئت وکلای محافظه کار (اوستریا) یه تقرب ایتدی .

ایتالیا محاربه سی [۱۸۵۹] . — (اوستریا) علمیندهکی محاربه تصویر کیزلی طوتولمشدی . بردن بره ، ایکی حادثه محاربه ناک ظهور ایده جکنی بتون علمه آکلاتدی : ۱ کانون ثانی ۱۸۵۹ تاریخنده (ناپولئون) ک (اوستریا) سفیرینه سویلیدیکی بر کله ، (ویقتور امانوئل) ک ۱۰ کانون ثانیه کی نطق افتتاحیسنده « ایتالیا ناک هر طرفنده ظنین انداز اولان فریاد مضطربانه » یه دائر صرف ایلدیکی بر جمله اعلان حرب به بر شی قلمدینقی کوسترمشدی . هر ایکی طرفدن تسلیحاته ابتدار اولندی .

(انکلتره) ، (اوستریا) ناک طلبی اوزرینه ، عرض توسط ایتدی ، (فرانسه) و (سادرنیا) پی بیان مطالباته دعوب و (ایتالیا) حکوماتنک تخلیه سنی و اصلاحات اجرایی تکلیف ایلدی . (ناپولئون) متردد کوروندی . (فرانسه) ده بالخاصه احرار و جمهوریت فرقه لری ، یعنی حکومت دشمنلری محاربه پی ایستیوردی ؛ فقط وکلا ، ایمپراطور یچه ،

غوطه) زیارت ایتدی [مارت ۱۸۵۴] ، بعده (بلجیقا) قرالی (لئوپولد) ، دها صکره (پورتگیز) قرالی (پارس) ه کیتدیله ؛ نهایت قرالیچه (ویقتوریا) نك زوجی پرنس (آلبر) ناپولئونی زیارته راضی اولدی [ایلول ۱۸۵۴] . ناپولئون ایله ایمپراطوریچه (انکلتره) یه کیتدیله [نیسان ۱۸۵۵] ، ویقتوریا ایله آلبر اعاده زیارت ایتدیله [۱۴۲۲ سنه سنندن بری ایلك دفعه اوله رق بر انکلتره قرالی پارسه کیدیوردی] . قوبورغ عائلهسی طرفندن (ناپولئون) نك زیارت اولنسی اوزرینه او زمانه قدر (پارس) ه عزیزمه راضی اولیان (ویقتورامانوال) دخی (ناپولئون) ایله کوروشدی . قونفردهن صکره (وورتمبرغ) ، (باویرا) ، (طوسمانه) حکمدارلری (پارس) ه کیتدیله . [۱۸۵۶ — ۵۷] .

(ناپولئون) اولکی کچی بر سیاست فعالانه تعقیب ایده بیلمک ایچون حکمدار عائله لریله پیدا ایلیکی مناسباتدن استفاده ایتمک ایستدی . (روسیه) قرالی قراننه چالیشدی ، فقط موقتی اوله مدی ؛ (انکلز) سرای حکمدار یسه سنه ۱۸۱۵ مه اهداتنک یکیدن تدقیق و تعدیل اولنمندن بحث ایتدی ، لکن باز دانه بر معامله کوردی [آغستوس ۱۸۵۷] . بونک اوزرینه (روسیه) یه یاقلاشدی [استوتنارتده چار ایله ملاقات ، تشرین اول ۱۸۵۷] . ۱۸۵۸ ده (فرانسه) و (روسیه) ، رومانیا اتحادی ایچون دولت عثمانیه ، (اوستریا) و (انکلتره) علیهنده مشترکاً حرکت ایتدیله [یکرمی برنجی بابه مراجعت] ؛ صربستانده (آوستریا) یه قارشی (اوبره نوویچ) لری التزام ایلدیله [یکرمی برنجی بابه مراجعت] .

فرانسه سادیا آرمه نده اتفاق [۱۸۵۸] . — (اوستریا) علیهنده محاربه یه قرار ویرمش اولان (قاوور) مجلس مبعوثانده ایرادا ایلیکی نطقده (ویانه) و (تورینو) ده تطبیق ایدیلهن قواعد اساسیه نك غیر قابل تالیف اولدینی بیان ایتدی . (اوستریا) بوکا جواباً ایمپراطورک (ایتالیا) امورینه مداخله امرنده کی حقوقی کافی السابق استعمال ایده جکنی بیلیدی [میس ۱۸۵۶] . نهایت (ساردنیا) ایله مناسبات دیپلوماتیقیه سنی قطع ایتدی [مارت ۱۸۵۷] .

(ناپولئون) هنوز تردد اییدیوردی . (ماچینی) طرفدارلرندن (اورسینی) ، کنجلیکنده (ایتالیا) نك استقلالنه چالیشه جننه یمین ایدن (ناپولئون) ی بو یمنه رعایت ایلمه سنندن طولای اولدیرمکه تصدی ایتدی [کانون ثانی ۱۸۵۸] . سوء قصد (ناپولئون) اوزرنده بیوک بر تأثیر حصوله کتیردی ؛ (اورسینی) نك کندیسنه کوندردیکی مکتوبک نشر اولنسنه مساعده ایتدی [اون برنجی بابه مراجعت] . بعده (قاوور) ه

سفائندن بر رسم معین اخذینہ قرار ویرہ چکندی ؛ بعدہ طورنہ یہ نظارت وظیفہ سی نہر ساحلانہ کی مملکتوں کو مرخصلندن مرکب دیگر بر ہیئتہ تودیع اولنہ جقدی .

۳ . — بحرسیناہک بیطرفلنی تصدیق ایداندی ، هیچ بر حکومت بو دکزده اون قطعہ خفیف سفینہ دن ماعدا نہ ترسانہ ، نهدہ سفینہ حریہ بولندیرہ میہ جقدی .

۴ . — افلاق و بغدادہ مختاریت اداره ویرلندی [یکریمی برنجی بابہ مراجعت] .

قونفرہ ، مصالحہ نامہ بی امضایتدکن صکرہ حقوق بحریہ مسئلہ سنی درت قرار ایله تنظیم ایتدی ، که مقررات مذکورہ (آروپا) حقوق دولی میانہ ادخال ایداندیر : ۱ ، قورصالنق

مقادیر ؛ ۲ ، بیطرف حکومت سنجاغنی حامل سفائندہ کی هر نوع اشیا بیطرفنر ؛

۳ ، دشمن سنجاغنی حامل سفائندہ بیطرف حکومتلرہ عائد هر نوع اشیا بیطرفنر ؛

۴ ، آبلوقہ یالکز بر بیاننامہ ایله وضع ایدیلہمز ، ہمہ حال فعلاً اجرا ایدلمسی شرطلر .

(ساردنیا) مرخصنی (قاوور) ، (فرانسه) و (انکلترہ) مرخصلریہ بالاتفاق

(ایتالیا) مسئلہ سنی قونفرہ مده موقع مذاکرہ قویدیردی . اوچ دولتک مرخصلری

فرانسر عسکرینک (پیرہ) بی تخلیہ سندن بحث ایتدیلر [بو مذاکرہ شرق مسئلہ سنہ

متعلقدی] ، بعدہ (پیرہ) نک اشغالی مناسبیلہ (اوستریا) لیلرک (طوسقانه) بی الآن

اشغال ایتمکده اولدیغنی سویلدیلر ؛ (انکلترہ) ، (طوسقانه) نک تخلیہ سنی طلب

ایتدی . (اوستریا) بومسئلہ نک مذاکرہ سندن امتناع ایلدی ، مع مافیہ (قاوور) بوندن

بالاستقاده (ایتالیا) نک حال اسف اشغالی قونفرہ یہ تصویر وایضاح ایتدی .

ناپولئونک نفرقی [۱۸۵۶ - ۵۹] . — (پارس) قونفرہ سی اوچنجی (ناپولئون)

وسیاست مخصوصہ سی ایچون بر موقنیت شخصیه ایدی . (ناپولئون) ، (فرانسه) بی

یکیدن (اوروپا) آهنگ دولیسنه ادخال ایتدکن ماعدا ایلك دفعہ اولہرق مملکتندہ

وکندی ریاستی آلتندہ بر (اوروپا) قونفرہ سی عقیدینہ موفق ایشدی . (مترنیخ) ک

ملتر علیہندہ کی تدابیر ووساطتی ملیت فکری لہندہ استعمال ایدرک (رومہن) ملتک

مختاریتی استحصال و (ایتالیا) مسئلہ ملیہ سنی موقع مباحثہ یہ وضع ایتشدی . (ناپولئون)

ملیت اساسنی محافظدہ دوام ایتدی و (اوروپا) بی یکیدن تنظیم ۱۸۱۵ معاهداتی الفا

ایتمک ایچون یکی بر قونفرہ عقد ایتدیرمکه چالیشدی ، موفقی اولہمدی .

(پارس) قونفرہ سی (ناپولئون) ک (اوروپا) دکہ موقنی دکشیدیردی ،

حکمدارلر ، (فرانسه) ایمپراطورینک داخلہ صاغلام بر موقہ مالک و خارجاً

قوتی اولدیغنی کورنجه کندیسنه تقرب ایتدیلر . ایلك اوکجه (قوبورغ) عائلسنه

مذسوب پرنسلسر دیگرلرینه نمونہ امثال اولدیلر ؛ اولاً ، (ارنست دو قوبورغ

وفات ايتدى [۲مارت ۱۸۵۵]. آرتق دوام حرب ايجون اورته ده برسب قلامشىدى ، مخاصماته نهايت ويرمك ايجون (ويانه) ده مذا كره يه كيريشيلدى [مارت]. مذا كره اوزون مدت دوام ايلدى ، چونكه (آلكساندر) تكاليف صالحه نك اوچنچي ماده سنى ، يعنى قره دك زده كى سفان حربه نك تحديد مقدارنى قبول ايتيور ، (انكلتره) ايسه نك زياده بو نقطه ده اصرار ايدى يوردى . متفقلر (سيواستوپول) محاصره سنى اكمال ايتديلر ؛ قلعه يى ضبط ايجون مدهش بر بومباردمان [۲۵۰،۰۰۰ طوب مرميسى ، ۸۰۰۰ تلفات ، نيسان] - نتيجه سز قالان ديكر بر هجوم - ايكنچي بر بومباردمان - (مالاقوف) هجومى كچي محاربه لر وقوع كلدى . نهايت روسلر هر شياى تخریب ايدرك (سيواستوپول) ي تخليه ايتديلر [ايلول ۱۸۵۵] .

(سيواستوپول) ي ضبط ايدن متفقلر (چار) ي نه صورت له صلحه ارضا ايده جكلرينى بيلمور لردى . (ناپولئون) ، (لهستان) ده ، (فنلانديا) ده ، (قفقاسيه) ده محاربات مليه يه ، يا خود (بالطوق) دك زنى محاصره ايدرك محاربه بحريه تشيت اولمىنى تكليف ايتدى ، فقط (بالطوق) دك زنده كى (انكليز - فرانسه) دو نيماسى آنجق بعض متفرق نقطه لرى طوبه طوتدى ويا ضبط ايده بيلدى [۱۸۵۴ و ۱۸۵۵] ؛ اسوچ محاربه يه كيريشمكه جسارت ايدميور ، انكلتره ساحه حربك توسيع اولمىنى ايسته ميوردى . نهايت (ناپولئون) - تركر له برلكنه يالكلز باشنه محاربه يه دوام ايده چكنى سويلين (پالمستون) ك تهديداتنه رغماً - مصالحه يه قرار ويردى [تشرين ثانى] . آوستريا موادار به يى حاوى (اولتيا توم) ي روسيه يه تبليغ ايتدى ، (چار) بو دفعه قبول ايتدى [كانون ثانى ۱۸۵۶] ، دولتر مصالحه شرائطك (پارس) ده اجتمع ايده جك بر قونفرده قرار لشديرلمسى مناسب كورديلر .

پارس قونفره سى [۱۸۵۶] . - پارس قونفره سى [مارت - نيسان ۱۸۵۶] فرانسه مرخصلرينك تحت رياستنده اولم اوزره (فرانسه) ، (انكلتره) ، (روسيه) ، (تركيه) ، (آوستريا) و (ساردنيا) دن هر برينك ايكيشمر مرخصندن مركب اوله رق اجتماع ايتدى ؛ (پروسيه) بالاخره قونفره يه دعوت اولدى .

قونفره شرق مسئله نك تنظيميله ايشه باشلادى :

۱ . - دولت عثمانيه نك تمامى ملكيتى دولتر طرفندن تامين ايدلدى ؛ پادشاه اصلاحات اجراسنى وعد ايتدى [دولت عثمانيه بحثه مراجعت] ، دولتر حكومت عثمانيه نك امور داخله سنه هر نه صورت له اولورسه اولسون مداخله دن واز كچديلر .

۲ . - طونه ده سربستى سير سفان اعلان ايدلدى ؛ يدى دولتك مرخصلرندن بر هيئت نهري سير سفانته صالح بر حاله قويه جق و بو بابه كى مسارفه قارشيلق اولمق اوزره

ایتدی . آوستریالیلر ایله عساکر عثمانیه افلاق و بندان بکلکلیرینی اشغال ایلدیلر [ایلول] . حرب تدافعی ختام بولمشدی . (ناپولئون) ، (قفقاسیه) اهلایسنک عصیان ایتدیرلمسینی تکلیف ایتدی ؛ (انکلتره) قره دکیزدهکی (سیواستپول) عسکری لیماننه هجومی ترجیح ایلدی . بو صورتله دولت عثمانیه نك حمایه سی ایچون آجیلان محاربه یه قریم سفرینه منجر اولدی .

روسار بو طرفدن هجومه منتظر دکلدیلر ؛ بالطق سواحلنه ۲۰۰,۰۰۰ ، لهستانه ۱۴۰,۰۰۰ . طونه یه ۱۸۰,۰۰۰ عسکر کوندر دکلری خالد قریمه یالکز ۵۰,۰۰۰ کشی بولندیر مشاردی . روس اردوسی عساکر متفقهنك قریه چیقمسینی منعه موفق اوله مدی ، فقط غایت عارضه لی اراضیده تحصن ایتدی و (آلمان) محاربه سی اودرجه قانلی اولدی که فرانسه وانکلیز اردوسی توقف ایلدی و (سیواستپول) عساکر محافظه سنه سفائن حربیه یی لیمان مدخلنده باطیرمق و قره ده استحکامات انشا اتمک صورتیه وسائط مدافعه یی اکیال ایچون وقت قزانیدردی . فرانسه قوماندانی (قازوبر) هجومه جسارت ایده مدی ؛ (سیواستپول) ی محاصره یه باشلادی .

محاصره پک آغیر و خونریزانه ایدی ، دول متفقهنك بتون قوتلیرینی اشغال ایدیوردی . محاصرین (دو بریجه) ده کی قولرانی قریمه نقل ایتدکلرندن حرکات عسکریه سرعتله اجرا اولنه میوردی . نهایت هجومه حاضر اولدقلمی زمان روسلرک امداد اردولری کلدی و متفقلمی یابلاده ، دره لرده قانلی محاربه لره مجبور ایتدی [اینکرمان ، بالقلوه محاربه لری ، تشرین ثانی ۱۸۵۴] . آثار عمراندن خالی بر مملکتده و شدتلی بر صفوق آلتنده بتون قیش محاربه یه مجبوریت حاصل اولدی ؛ ارزاق و مهماتی لایقینه تدارک ایده مین انکلیز اردوسی ، موجودینك نصفی غائب ایتدی . (انکلتره) ده افکار عامه دوچار هیجان اوله رق هیئت وکلایی دوشوردی .

متفقلمر یکی عسکر کوندر دیلر و قریمه واصل اولور اولماز (اویاتوریا) ده محاربه ایدن [شباط ۱۸۵۵] بر ترک اردوسنه معاونت ایتدیلر ، صکره (ساردنیا) دن کلن اردویی ده تقویه ایلدیلر . (ساردنیا) حکومتی (ناپولئون) ه جمیه کوسترمک ایچون دول متفقنه میاننه کیرمشدی [کانون ثانی ۱۸۵۵ - ایتالیا بحثه مراجعت] . آوستریا دخی تجاوزی بر اتقاق عقد ایدرک [کانون اول ۱۸۵۴] (پروسیه) یی و (دیت) مجلسنی محاربه یه حاضر لئمه تشویق ایلمشدی . فقط اوزمانه قدر (آوستریا) یه مطیع اولان (دیت) مجلسی مقاومت ایتدی ، (آوستریا) ده اصراره جسارت ایده مدی .

چار (نیقولا) - روایتنه نظر آ ترکله مغلوب اولمقندن متولد یاس و نومیدیدن طولانی - بردنبره

قبوله قرار ويردى . فرانسز وانكليز دونمالي روس سفان حربيه سنى (سيواستپول) ه
 عودته مجبور ايمك امرينى آله‌رق قره‌دكزه كيرديلر [كانون ثانى ۱۸۵۴] . (چار) ،
 بوندن فوق‌العاده حدتلتنه‌رك (فرانسه) و (انكلتره) ايله قطع مناسباته قرار ويردى .
 انقطاع مناسبات ، (اوستريا) و (پروسيه) ايله جريان ايدن مذاكراتدن طولايي
 بر مدت تاخر ايتدى ، نهايت ، (فرانسه) و (انكلتره) افلاق و بندان بلكلكرنندن
 روس عسكرينك چيقمسنى طلب ايلديلر ، (چار) جواب رد ويردى ؛ بونك اوزرينه
 ايكي دولت باب‌عالى ايله بر معاهده‌نامه عقد ايدرك دولت عليه بر امداد اردوسى وعد
 و آبرى آبرى حركت ايمه‌مكى تعهد ايتديلر [۱۲ مارت] . بعه (روسيه) يه اعلان
 حرب [۲۷ مارت] وهـيچ بر حكومتك آبرى آبرى استحصال مناسفه چالشماسنى
 كندى آرملرنده تعهد ايلديلر [۱۰ نيسان] . ديكر دولتلري ده اتفاقه دعوت ايتديلر ؛
 (پروسيه) قرالى (ناپولئون) ايله (پلرستون) ك تصورات انقلابرورانه‌لرندن
 طولايي جواب رد ويردى ؛ يالكز (اوستريا) يي بيطرف طوتمق ايچون بر هجوم وقوعنده
 معاونت ايلمكى تعهد ايتدى .

متفقلر ، بدايت امرده ، افلاق و بندان بلكلكرنندن روس عسكرينى چيقارمنه
 تشبث ايتديلر ، چونكه (اوستريا) نك (چار) عليهنده بولمى ايچون يكانه سبب بو
 بلكلكرك اشغالى ايدى ؛ بونك ايچون حرب تدافى ايله اكتفا ايلديلر . فرانسز
 وانكليز عسكرندن مركب كوچك بر اردو استانبولى مدافعه ايچون كليولى به ، ديكر
 بر اردوده بونانيليرى تهديد ايچون (پره) يه كوندردلى . روسلر ايلربيلورلردى ،
 (فرانسز - انكليز) اردوسى تكرر سفينه‌لره اركاب ايدلى ، تركرك طلبلري اوزرينه
 اولا وارنه‌يه ، بعه دوريجيه چيقارلدى ، اوراده قولرا علتندن قيرلدى . بو حركات
 عسكريه غايت آغير وقاريشيق بر صورتده اجرا ايديله بيلدى .

(چار) هنوز متردد ايدى ؛ قديم متفقلرى اولان (پروسيه) و (اوستريا) ايله
 اشتلافه چالشيوردى ؛ نهايت (رومانيا) يي تحليه ايتدى ، آراتق محاربه ايچون بر سبب
 قالميوردى . فقط (فرانسه) و (انكلتره) آنى ايچون تاامينات آلمق ايستديلر ؛
 (چار) ه تكليف اولنه‌جق موادى (اوستريا) ايله بروجيزير قرارلشديرديلر :
 ۱ ، افلاق و بندان بلكلكرينك (آروپا) نك تحت ضماننده بولمى ؛ ۲ ، طونه‌ده
 سراسى سیر سفان ؛ ۳ ، بوناظرلر مقاله‌نامه‌سنگ تعديلى [قره‌دكزك بيطرفلغى] ؛
 ۴ ، ذات شاهانه‌نك حقوق حكمرانيسنه خلل كله‌مك شرطيله خرسيتيان تبغه‌سنگ حمايه‌سى
 [۸ آگستوس] . روسيه بودرت ماده‌ي رد ايدرك جريان احواله منتظر اولدني بيان

بطی اولان براردو ایله مملکت، غیر مساعد احوال و شرائط داخلنده محاربه ایتمکی منزه موفق اوله مدی . - (روسینه) ده ۱۸۵۵ سنه سنده (نیقولا) نک یرینه کچن (آلکساندر) انسانیت پرور و محب صلح و مسالمت بر حکمدار اولدیندن یکریمی سنه قدر (اوروپا) ده محاربه سبب اولدی . - (انکلتره) ده (پارستون)، وفاتنه، یعنی ۱۸۶۵ سنه سنه قدر امور خارجیه بی اداره ده دوام ایتمدی، فقط دولتری قورقومتق ایچون تشبث ایتمکی تدابیر آرتق محاربه ده حاضر نمش حکومتلر اوزرینه هیچ بر تاثیر حصوله کتیره مدی . (انکلتره)، کولکلو عسا کردن مرکب کوچک اردوسیله، خدمت مجبوریه بی قبول ایدن (اوروپا) اردولرینه قارشی طوره مازدی . (انکلتره) حکومتی، براز صکره بسبتون ظاهره چیقان بواقتمدار سنزلندن طولایی سکوته مجبور اولدی، سیاست شدید - سندن واز کچدی .

بناء علیه بودورده (اوروپا) بی اداره ایدنلر (فرانسه)، (ایتالیا)، (پروسیه) یعنی (ناپولئون)، (قاوور)، (بسمارق) ایدی، سیاست خارجیه، بو اوچ دولتک مناسباتنه مربوط بولنیوردی. هر اوچ ده عینی زمین اوزرنده حرکت ایدیورلر، یعنی ملیت قاعده سنی و (انکلتره) یه مخالفت مسلکینی التزام ایلورلردی . (اوروپا) آهنگ قدیمی «محافظة معاهدات» اساسنه مبتنی ایدی، فقط ۱۸۴۸ انقلابی ایتالیان، آلمان، مجارکی یکی ملتلر وجوده کتیره رک معاهدات ایله تأسس ایدن اصول و قواعدی صارصمش وبتون اورویای وسطاده ملیت مسائل جدید سنی میدان چیقارمشدی . ارتجاع، بو مسئله لرک حانه میدان قالمدن حرکات ملیتی ازمشدی . شیمدی، بونلر یکیدن موضوع بحث اولمنه باشلامشدی؛ فقط بودفعه ائک محافظه کار حکومت اولان (اوستریا)، انقلاب ملی طرفداری اولان (ناپولئون)، (قاوور) و (بسمارق) ه قارشی یالکز قالمشدی .

فریم محاربه سی [۱۸۵۳ - ۱۸۵۶] . - بوندن اولکی بابده بیان اولندینی اوزره پادشاه ایله (چار) آرنهنده کی محاربه - ۱۸۲۸ ده اولدینی کچی ایکی حکومته منحصر قاله جنی یرده - بر (اوروپا) محاربه سی حالتی آلدی . (اوروپا) ده بر موقع ممتاز طومتق ایستین اوچنچی (ناپولئون) دولت عثمانیه بی حمایه ایچون (انکلتره) حکومتیه برلشمشدی . (فرانسه) و (انکلتره) استانبولی مدافعه ایتمک اوزره دونمالرینی شرقه کوندرمشلردی . قره دکزده کزن روس دونماسی (سینوب) ده عثمانی سفائن حربیه سنی محو ایتمدی [۳۰ تشرین ثانی ۱۸۵۳] . انکلتره ده افکار عامه (آبردین) ایله صاحب محافظه ایتمک ایستین پرنس (آلبر) علیه دوندی؛ روسلرک قره دکزه صاحب اولملرینه مساعد ایتمک ایسته میورلردی . (انکلتره) حکومتی (ناپولئون) ک تکلیفلرینی

ايچون دول متفقہ نك ائرى اولان تشکيلات دوليهي محواتمك ايستوردى . (فرانسہ) نك ملل جديد نك تشکلنه معاونت ايتمى و بوکا مکافاة توسيع اراضى ايلمنى آرزو ايتمکده ايدى [بسارق بو توسيع اراضى آرزوسنك « بخشيش آلمق » ديمك اولديغنى مستهزيانه بيان ايدىوردى] . الحاصل (ناپولئون) ك مسلکى الحاق سياستى ايله قاريشيق بر « مليت سياستى » ايدى . فقط (ناپولئون) ك معيتى بربرينه دشمن ايکى فرقه، يه آيرلمشدى : پرنس (زهروم) ك اداره سندهكى فرقه انقلابوروران مليت سياستى ايچون دول سائرہ امورينه مداخله و (اوستريا) يه اعلان حرب اولمىنى ؛ امپراطور يچنه نك التزام ايتديكى فرقه محافظه کاران ايسه صلح و مسالمتك ادامهنى و قاتوليك حكومتارك محافظه سنى ايستوردى . تاثيرات شخصيه يه پك زياده تابع اولان (ناپولئون) تردد ايدىور ، بعضاً برفرقه يي بعضاً ده ديكرنى التزام ايلبور ، يکديکرينه اويماق تدبيرلر اتخاندن كرى طور ميوردى ؛ حتى بعضاً افکار و آلمانى كندى و کلاسندن بيله کيزلى طوتار ؛ خفى مأمورلى واسطه سيله حكومتك مسلک رسميسنه مخالف بعض تشبثات سياسيه ده بولنور ايدى ، كه (ناپولئون) سياستنده كوريلن تناقضلرک سببى ده بودر .

(ساردنيا) ده حکمدار جديد (ويشتور امانوئل) کوچك ، فقط محاربه يه متمدر براردويه مالکدى . سياست خارجيه نك اداره سنى ، (ايتاليا) اتخاديني هر درلو وسائطه مراجعتله وجوده کتيرمک فکرنده بولنان وطنپرورانن (قاوور) ه ترك ايتمشدى .

(پروسيه) ، (ويلهلم) ك مقام حکمدارى يه کلمسنه قدر سياست خارجيه ده ابراز فعاليت ايتدى . (ويلهلم) ، ايکى سلفى کي ، شخصاً صلحچور اولمقله برابر هر شيدن اول قوتلى براردونك قوماندانى ايدى ، بناء عليه محاربه دن چکينميه بيلردى . ۱۸۶۲ تاريخندن صکره (پروسيه) سياستك اداره سنى ، سلاح قوتيله (آلمانيا) اتخاديني وجوده کتيرمک عزم ايتمش اولان (بسارق) ه ترك ايتدى . (پروسيه) اردوسى خدمت عسکريه نك عمومه شامل اولمى ، اسلحه سنك مکمليتى ، عسکرک کمال سرعتله حال سفر برى يه وضع ايدلمى ، قوماندانك مقتدر اللرده بولمى سايه سنده (اوروپا) اك قوتلى اردوسى حاله کلمشدى .

سياست خارجيه ده ابراز فعاليت به باشلايان بو اوچ دولت قارشيسنده ، وقتيله (اوروپا) يه حکم ايدن دولتلر بر سياست سکونپرورانه تعقيب ايتديلر . - (محار) لرك تحريکات مليه لريله ضعيفه ين ، مشکلات ماليه دن طولاي سربستى حرکاتى غائب ايدن (اوستريا) نك سياستى صرف تدافعى ايدى ؛ امور خارجيه نك اداره سنى اله آلان امپراطور (فرانسوا ژوزف) محاربه يي سومه مکله برابر تجهيزاتى نقصان ، قوماندانلرى فنا ، حرکات عسکريه يي

یکرمی یدنجی باب

فرانسه نك تفوقی و محاربات ملیه

۱۸۵۴ - ۱۸۷۰

آروریا سیاستمنده نمرات ۰ - ۱۸۴۴ دن ۱۸۵۴ تاریخنه قدر کچن زمان ، انقلابات داخلیه و صلح و مسالمت خارجیه دوره سیدر ؛ ۴۰ سنه ظرفنده (اوروپا) دولتلی آرdsنده بیوک بر محاربه وقوعه کله مش ، ۱۸۱۵ سنه سندن بری (یونانستان) و (بلجیقا) کوچک قرالقلینک تأسسندن و (قراقووی) جمهوریتک محوند بشقه (اوروپا) احوال سیاسیه سنده بر تبدل کورولمه مشدی . قریم محاربه سیله یکی بردوره محاربات و تحولات باشلار : - اون آلتی سنه ده دول معظمه آره سنده درت بیوک محاربه وقوعه کندی [ایتالیا و دانیمارقه محارباتی مستتا] و بتون اوروپای وسطی بشقه بر شکله کیردی .

بو تحول ، اوزمانه قدر عالم سیاسیا نده ابراز فعالیت ایتمه مش اولان ایکی بیوک دولت [فرانسه و پروسیه] ایله ایکنجی درجه ده بر حکومت ایکن (اوروپا) دول معظمه سی صرده سنه کچن (ساردنیا) ده رجال جدیده نك موقع اقتداره کلسی اوزرینه واقع اولمشدی .

(فرانسه) ده اوچنجی (ناپولئون) یالکز باشنه اعلان حرب و معاهده عقدا تمک صلاحیتی حائز ، مجلس مبعوثان و افکار عمومیه دن مستقل ، سیاست خارجیه ده آمر مطلق ایدی ، فرانسه زاردوسی (اوروپا) نك اڭ قوتلی اردوسی تلقی ایدلیکنندن (ناپولئون) محاربه تهلهکنندن قاچینموردی . (فرانسه) ، سیاست داخلیه سنک دوره سکونه داخل اولسنی متعاقب (اوروپا) ده حائز اهمیت بر موقع رجحان احراز ایتدی . فقط اوچنجی (ناپولئون) بو موقعک بخش ایلدیکی قوتی افکار ذاتیه سنه کوره اداره ایدیوردی .


(فرانسه) قرالغنگ اوتهدن بری تعقیب ایتدیکی صلح و منفعت سیاستی ترک ایلدی ؛ و قتیله ایتالیان انقلابیورانی میاننده بولنمش اولدینندن اتحاد ملی طرفداری ایدی ، شخصاً بر سیاست انقلابیورانه تعقیب ایلمکده ایدی ؛ ۱۸۱۵ ماهداتنک دشمن بیامانی ، (اوستریا) نك رقیبی ، ملترک کندی کندیلرینی اداره ایتسی حقتک طرفداری اولدیغی

تعریف مؤلفات

بو باب ایچون ۲۵ نجی بابک تعریف مؤلفاتنه مراجعت ایدلیدر. انکلتره سیاستی (پالمرستون)ک مکنبولرندن مرکب اوله‌رق (ل . بولوهر Bulver) طرفدن نشر ایدیلن ۳ جلدک اثرنده ، فرانسز سیاستی (کیزو) نک ۸ جلدک خاطر اتنده . پروسیه سیاستی (رانکه) نک دردننجی فره‌دریق وبلهلمه عائد کتابنده تفصیل وایضاح ایدلشدر . هر مملکتک مناسبات خارجه‌سی ایچون اک مکمل تواریخ ملیه انکلتره ایچون (والپول) ، فرانسه ایچون (هیلبران) ، (تورو دانژهن) ، (تاقسیل دولور) ، آلمانیا ایچون (تراچکه) ، اوستریا ایچون (اسپر-بکر) ، ایتالیا ایچون (روشلین او) (بیانکی) ، اسپانیا ایچون (بوم غارتن) ، دولت عثمانیه ایچون (روزهن) ، بلجیقا ایچون (ژوست) ، اوسویجره ایچون (هم‌آمرین) نامنده کی مورخ‌نرک آثار ایدر . شرق اختلافات و محارباتنه متعلق آثار ایچون ۲۷ نجی بابک تعریف مؤلفات قسمنه مراجعت ایدلیدر .



دو نمانی مخالفت هر ادن طولایی (سینوب) لیمانه التجا ایدن عثمانی کملرینی بولدی .
 ۳۰ تشرین اولده باشلایان محاربه عثمانی دو نمانسک محزی وشهرک طوبه طوتلمسی اینه
 ختام بولدی . محاربه خبری ۱۱ کانون اولده (اوروپا) یه وارد اولدینی زمان تا اثرات عمومی بی موجب
 اولدی ، هر کس روسلرک دولت عثمانیه بی محو ایتمک خصوصنده کی آرزوسنی تعیب ایدیوردی . بولیک
 وقته حریره ، مبالغته لی بر صورتده تفسیر ایددی . (نسلرود) دیوردی که : « اعلان حربدن صکره حرکت
 ایدن عثمانی دو نمانسی چرکستان ساحلنه چقارلمن اوزره سلاح ، عسکر و مهیات کورتور دیوردی .
 روسلر بالطبع بودونمایی حرکات خصمانه سنه دوام ایچون سربست براقه مازلردی » . اوروپا
 دو نمانلری قره دکیز بوغازنده ایکن عثمانی کملرینک محو ایدلمسی افکار عمومی یه پک فنا تا اثر ایتدی .
 روسلرک حرکتی حیدودجه سنه بر هجوم کبی تلقی اولنیور ، (اوروپا) نک پادشاهه معاونت
 ایلمسک بو هجومه سبب اولدینی سویلنیوردی . او زمانه قدر صلح پرور اولان (دروین
 دولونیز) بیله « بو هجوم یالکیز ترکیا علیهنده دکلدر » دیدی و اوچنجی (ناپولئون)
 فرانسلرک حیثیت عسکر یه سنه اوریلان بو ضربه نک انتقامی آلتیق لازم کلدیکنی بیان ایتدی .
 بونک اوزرینه (فرانسه) و (انکلتره) دو نمانلرینه قره دکیزه کیندرک روس
 سفینه لرینک سیر و سفیرینه مانع اولملری امر ایددی [۲۰ کانون اول] . دول بحریه
 ۲۰ کانون اول تاریخیه کوندر دکلری بر نوطه دهه مملکتینک روس عسکری طرفندن
 تخلیه سنه قدر بحر سیاهدن چقیمه جقلرینی بیلدیر دیار . اوچنجی (ناپولئون) ۲۹ کانون
 ثانی ۱۸۵۴ تاریخیه برنجی (نیقولا) یه یازدینی اولتیا توم طرزنده کی مکتوبنده :
 « سینوب وقعه سی بزی سیرجی اولمقندن ده ها قطعی بر مسلک اتخاندینه مجبور ایتدی .
 آرتق یا قطعی بر ائتلاف و یا قطعی بر محاربه دن برینی اتخابدن بشقه چاره قلمدی »
 دیوردی . (ویانه) قونفرانسی عقیم قالدی ، ۲ شباطنه طاغی ایدی ؛ ۴ شباطنه (روسیه) نک
 استانبول سفیری مملکتته عودت ایتدی ؛ مارت اوئلنده (فرانسه) و (انکلتره)
 حکمدارلری اعلان حرب اولدینیتی شورای امتره بیلدیر دیار ؛ (چار) بتون روس ملتتی
 « مقامات مقدسه یه حرمت ایتمین » دولتر علیهنده اهل صلیب محاربه سنه دعوت ایددی .



اولدیغنی ادعا ایتدی . رشید پاشا ترکرک غلیان تعصبنه چوق زمان مقاومت ایدله‌می‌جکنی وذات شاهانه‌نک انقطاع مذاکرات و مناسباتدن مسئول اوله‌می‌جغنی بیان ایلدی . هر ایکدسی‌ده دولت عثمانیه‌یی تحت حمایت سنه آلمق ایچون (چار) طرفندن واقع اولان مطالبات قارشیسنده (اوروپا) نک وبالخاصه (انکلتره) نک تردد ایتمه‌رک باب عالی‌یی التزام ایله‌جککنه قاعدیلر .

روس ازدولرینک افلاقه استیلاسی دولت عثمانیه‌نک تمامی ملکیتی اخلال ایتدیکندن پادشاه (استرادفورت) ک تشویقیله ۲۳ تشرین اولده اعلان حرب ایلدیکی زمان اوروپا دولتری باب عالی‌یه حق ویردیلر . اعلان حربدن برکون اول (انکلتره) و (فرانسه) دوتملاری قلعه سلطانیه بوغازینی کچمشلر ، استانبولی مدافعه ایچون بکقوزقوینه کشاردی . پادشاه ، دول بحریه‌نک معاونتیه حرکات تجاوزیه‌یه باشلاوردی . (استرادفورت) ک سیاستی ترکرکی (اوروپا) نک معاونتیه مظهر اولمق امیدیه محاربه‌یه سوق ایتمش ، اوروپایی‌ده ترکرک مدافعه مشروعه حالنده بولندقرینه اقناع ایلمشدی .

(اوروپا) دیپلوماتلری صوک دفعه اوله‌رق بوسیاست حرب‌جویانه علیهنده بر تشبته بولندیلر . (ویانه) قونفرانسی مسئله‌سی تکرار میدانه چیقدی . (چار) ایله باش وکیل (اولموچ) ده اجرا ایدیلن (اوستریا) مانوره‌لرنده حاضر بولندیلر وبوصورتله ایمپراطور (فرانساوزوف) ه عرض توسط ایچون بروسیله تهیه ایتمش اولدیلر . بونلر روس اردولرینک « دولت عثمانیه‌نک مذاکرات صلحیه‌یه موافقت ایتسنه انتظاراً » قیش موسمنده حال تدافعیده قاله‌جغنی اعلان ایتدیلر . قونت (بوئول) طرفندن واقع اولان تکلیف اوزرینه دول معظمه‌نک (ویانه) سفراسی باب عالی‌یه مشترک‌المال برنوطه کوندره‌رک صلح ومسالمتی محافظه ایچون صوک شرائطک نه اوله‌بیله‌جکنی صوردیلر [۵ کانون اول] . بالخاصه (فرانسه) بوتشبه اودرجه بیوک بر اهمیت عطف ایدیوردی‌که براز اول (استرادفورت) ه مقاومت ایده‌بیله‌جک مقتدر بر دیپلوماتی ، جنرال (باراغوآی دیلییه) یی استانبوله سفیر تعین ایتمشدی .

فقط (استرادفورت) ده اول طاور ایتمشدی : (پالمستون) ۲۱ ایلوده (انکلتره) حربیه نظرینه : « روسیه‌نک لهستان ، چرکستان ، کرکستان کبی ضعیف طرفلری واردز » دیمشدی . (انکلتره) سفیری‌ده (چار) ی تهدید ایچون بو ضعیف طرفلره هجوم ایدلمسینی عثمانلیره توصیه ایتکده ایدی . تشرین ثانی او اوزرینه طوغری فرقتین ونقلیه کیسی اولمق اوزره اون ایکی سفینه‌دن مرکب بر ترک دونماسی چرکستان سواحلنه کیتمک اوزره استانبولدن حرکت ایتدی . بوندن خبردار اولان آمیرال (ناخیموف)

ایکی آی اول آناتولی ایچریلرندن روم ایلیه طوغری حرکتی باشلامش ، علما مسلمانلری جهاده تشویق ایلمشدی . صدراعظم ، بوندن صکره کری به دونه چک اولورسه دواتنه اهانت ایده چکنه قانعدی . ملاقاتدن صکره بر قاچ کون رفتاسیله مذاکراتده بولندی ، نهایت (ویانه) نوطه سنک تعدیل بهانه سیله قاینارجه وادرنه معاهده نامه لرینک فسخ والناسنی (اوروپا) دن طلب ایتمک قرار ویردیله . صدراعظمک طلبی اوقدر مهم ایدی که (روسیه) بیوک بر مغلوبیتدن صکره دخی بونی قبول ایده مزدی . دولت عثمانیه نك تأمین ایتمک شی «قاینارجه وادرنه معاهده نامه لرینک خرستیان مذهبک باب عالی طرفندن حمایه سنه متعلق احکامنه رعایت ایتمک» دن عبارتدی . (اوروپا) ، باب عالی دن روسلرک غرور ملیسنی اوقشایه جق بر جوابه انتظار ایدرکن رشید پاشا ظاهرأ اهمیتسز کورینن بر قاچ کله ایله (چار) لره میدان اوقویور، شرقده کی خرستیانلرک حمایه سنی کندینه منحصر بر حق کبی تلقی ایدن (روسیه) نك آمالنه سد چکیوردی . (استرادفورت) محاربه ایسته مش و بوکاده موفق اولمشدی .

دولت علیه مقامات مقدسه مسئله سنده اوچنجی دفعه اوله رق (چار) ک ائتلاف حصولی ایچون کوستردیکی مساعداتی رد ایدیوردی : اولاً ، حائز قیمت اولمیان بر فرمانی نشر ایتمکدن امتناع ایتمش ؛ صکره ، (منچاقوف) ک استانبوله ورودنده ، نك بیوک مشکلات ایله مذاکره وتنظیم اولنان نوطه یی رد ایلمش ؛ نهایت ، (روسیه) حکومتی طونه اوزرنده کی اردوسنی ایلری به طوغری حرکتدن منع ایلمک زامانده (روسیه) نك حق حمایه سنی طانیماق ایسته مشدی . (استرادفورت) ، ترکیانک ویردیکی جوابک (پرسبورغ) ده نه بیوک بر حدتله تلقی ایدیله چکنه واقعدی . فی الحقیقه برمدت صکره ، ۷ ایلول تاریخنده ، اولجه (منچاقوف) ک درسما دتن عزیمتی زماننده اولدینی کبی (پرسبورغ) ده بیوک بر غلیان افکار کورلدی . باب عالی نك جوابندن حدتلان ، صلح ومسالته طوغری بر آدیم آتمسندن طولایی تلاش ایدن (روسیه) اوچ آدیم کری به چکیلدی . باتش وکیل (نسلرود) روسیه حکومتنک روم اورتودوکس مذهبنی مدافعه ایله برابر دولت علیه نك روم تبعه سنی حمایه ایتمک خصوصنده کی فکرینی اصلا دکیشدیرمدیکنی و بو طلبدن فارغ اولمیه جتنی بیان ایلدی ، بیاناتی (پروسیه) غزته لرندن بریله نشر ایتمدی .

بیانات مذکورده نك تأثیری درحال کورلدی . ۲۵ ایلولده استانبوله بر مجلس حرب تشکل ایدرک صالح ویا حربدن برینی ترجیح ایچون مذاکراته باشلادی . (استرادفورت) ، محاربه نك باعث اوله بیله جکی تهلک لری رشید پاشایه ایضاح ایلمش

ایده جگنی تأمین ایتدی ، اوچنجی (ناپولئون) دخی بوخبری (ویانه) یه تبلیغ ایلدی .
 (ویانه) ده مقیم سفرا (روسیه) نك ممالك عثمانیه داخلنده اورتودوقس مذهبنی حمایه
 ایتك حفته مالك اولدیغی و بو حقه استناداً خرسیتیانلره مظاهرات ایده بیله جگنی ، فقط
 بو حقه هیچ بر زمان (آروپا) ویا باب عالینك ترکیاده کی خرسیتیانلری حمایه و اداره
 ایتسنه مانع اوله رق منحصر اکندی طرفندن استعمالنه مساعدنه ای دیلایمه جگنی بیان
 ایلورلردی . تنظیم قلنان نوطنده : « روسیه چارلری ممالك عثمانیه ده روم اورتودوقس
 کلیسای امتیازاتك محافظه سی ایچون دائماً ابراز آثار مساعی ایلدکری کی پادشاهلردخی بو
 امتیازاتی تصدیق و تأییددن خالی قالمش لردر . خاقان لاحق شوکتلو عبدالمجید خان
 حضر تلری اولجه اولدیغی کی شمندی ده قاینارجه وادرنه معاهده نامنلرینك خرسیتیان
 مذهبك حمایه سنه متعلق احکامنه رعایت ایده جك و روم اورتودوقس مذهبنی مذاهب
 سائره خرسیتیانیه بخش اولنان منافع و امتیازاته اشتراك ایتدیره جکدر . » دنیلوردی
 [۳۱ تموز ۱۸۵۳] . انکلز نك موافقتی ، آوستریانك توصیه سی ایله فرانسه طرفندن
 تحریر اولنان بونوط نك ، ۳ آغستوس تاریخنده ، برنجی (نيقولا) نزدنده مظهر قبول اولسی
 محافظه صاح و مسالمت ایچون (اوروپا) دولت لری آردسنده حصوله کلن ائتلاف و اتحادك
 صورت رسمیه ده اعلانی دیمکدی .

ایشته (انکلتره) خارجیه نظری (قلاره ندون) شرق بجرانك ختامی شورای
 امته بیلدیردیکی بر صروده ، ۱۲ آغستوس ۱۸۵۳ تاریخنده ، سیر (استرادفورد ره دقلیف)
 دول معظمه نك مسای صلح پرورانه سنی انکلتره هیئت و کلاسنك امری و آروپانك آرزوسی
 خلافنه اوله رق عقیم براقق مسئولیتی یالکز باشنه قبول ایتدی . حال سفربری یه وضع
 ایدیلن اردولره دونماریکری یه آلدیرلمسی حفته کی نوطه بی ذات شاهانه یه قبول ایتدیرمک
 ایچون باب عالی یه کینن هیئت سفرایه حسب الوظیفه رفاقت ایلدی . فقط سفرا ایضای
 وظیفه ایدرک چکیلدکن صکره (استرادفورد) باب عالی ده قالدی ، رشید پاشا ایله خفیاً
 کوروشه رك صلح پرور (آروپا) یه قارشى بیله مقاومت ایدلمسنى توصیه ایتدی . (ویانه)
 نوطه سنك (روسیه) نك آرزوسی وجهله تنظیم ابدلیکنی ، حتی (چار) ك (ویانه)
 سفیری وقونت (بوئول) ك قان برادری (مه یه ندورف) طرفندن تحریر اولنان بو نوطه نك
 صلح و مسالمتك محافظه سی آرزوسنه ترکیاری فدا ایتمکدن چکینمین دول معظمه یه قبول ایتدیرلیدیکی
 آکلادتدی . رشید پاشا ، اون سنه دنبری (انکلتره) نك توصیه سیله دولت عثمانیه نك
 اردوسنی ، مالیه سنی اصلاح و تنسیقه چالیشمش ، (استرافورت) ك تأمیناتی اوزرینه
 دشمن دین و وماتی اولان (روسیه) یه غلبه ایده جگنی امید ایدیوردی . ترك اردوسی

« اوستریا ایچون هیچ بر صورت تسویه حال حاضرک محافظه‌سندن دها ای بر نتیجه ویره من . چونکه میلوئزجه اسلاو تبعه‌سی واردز » دیمشدی .

ذاتاً محاربه‌نك قریباً ظهور ایتمی احتمالاً مبنی هر طرفده باش کوستره چیکی شبهه‌سز اولان احتراصات ملیه و مذهبییه مقاومت ایتمک ایچون (اوروپا) قابینه‌لرینه بیوک بر جسارت لازمدی . (انکلتره) ده ، غزتلرده ، شورای امته ، افکار عمومیه روسلرک تهدیدی آلتنده بولنان ترکرک حمایه‌سی و چناق قلعه بوغازینک مدافعه‌سی ایچون تدابیر سریعه‌یه توسل اولنمشی طلب ایدیوردی . (پلرستون) ، (آردین) ه یازدینی بر مکتوبده : « مملکت بزم طرفزدن بویله بر حرکتی منتظر در . » دیمش ، باتس وکیل شو جوابی ویرمشدی : « بویله بر حال وقوعنده افکار عمومیته مظاهرتندن قورقارم . » روسیه‌ده (منچاقوف) سفارت فوق‌العاده‌سنگ موفقیتسز لکنه نتیجه‌نمسندن طولایی دوچار هیجان اولان محافل عسکریه ایله عوام ، (چار) ی اورتودوکس مذهبک مدافعی اولدینه دأر بر بیاننامه نشرینه مجبور ایتمش بو بیاننامه ، بتون کلیسارده او قوموشدی . ترکیاده دخی مسلمانلر جهاده حاضر لنیورلردی . (فرانسه) ده بیله (ویقتور هوغو) ، (کینه) کبی جمهوریت طرفدارلری روس اردولرینی طرفندن اوزاقلاشدیرمتی ایچون (رن) حدودینه عسکر سوق ایدلمه‌سندن شکایت ایدیورلر ؛ قاتولیکلر ، « مدینیک ، خرسیتیانلغک غلبه‌سی ایچون جناب حق طرفندن احضار ایدیلن » بو محاربه‌یه ممنون اولیورلردی . هر ایکی فرقه ، پک چوق زماندنبری تخیل ایتدکلری اهل صلیبه ، انقلاب و دین محاربه‌لرینه صبرسنز قلعه منتظر دی .

۱۸۵۳ سنه‌سی تموز نهایتنده (فرانسه) نك مساعیسی ثمره‌سی اوله‌رق بجرانک اوکی آلمش ظن اولندی . ۷ آغستوس تاریخلی جریده رسمیه ۱۸ مایسده اولدینی کبی بودفنده حرب احتمالک بر طرف ایلدیکنی خبر ویردی . برسنه‌دنبری پرنس دو (شوارچنبرغ) ک بارکران میراثی یوکلنمش ، یعنی سلفنک (اوستریا) امپراطورلننی تقویه ایتمک ایچون (روسیه) یه قارشى واقع اولان تعهداتنه رعایت ایتمک ، برده حکومت متبوعه‌سنه فائده یخس فرصتلردن استفاده ایلمک مجبوریتنده بولنمش اولان (اوستریا) باتس وکیل (بوئول) چار ایله اوروپا آره‌سنده توسط دوستانه‌ده بولنمنی قاعده احتیاطه دها موافق کورمشدی . (بوئول) تموز تاریخنده (ویانه) ده مقیم سنراپی جمع ایدرک اوروپایی تأمینیه ، برنجی نیقولایی ممنون ایتمک چالیشدی . بو بایده اک بسیط چاره (منچاقوف) ایله عثمان و کلاسی آره‌سنده قرارلشدریلوب (استراد فورده ره‌دقلیف) طرفندن نتیجه‌سز بر اقیلان نوطه‌یی دولتره قبول ایتدیرمکدی . فرانسه‌نک (پترسبورغ) سفیری (قاستل بایاق) چارک بونکده

واوچنجی (ناپولئون) ، روسیه‌یه اعلان حرب ایچون انکلتره ایله اتفاق ایدلدیکی انکاره چالیسیورلردی . فرانسه‌نک لوندره سفیری (واله‌وسکی) ، ۳۱ مایسنده ، « نه‌اتفاق عقد ایدیله‌جک ، نه‌ده محاربه اوله‌جق » امر قطعیسنی آلمشدی . عینی زمانده فرانسه‌نک ویانه سفیری آوستریا باش وکیل جدیدی قونت (بوئول) نزدنده صلح و مسالمتی تأمین ایده‌جک صورتده تشبثاتده بولنیوردی . فرانسه سفیرینک آوستریا باتش وکیلنه بو مراجعتی فرانسه قاینه‌سنجه ایکی آیدنبری تعقیب ایدیلن پروگرامک ایجاباتندن ایدی ؛ بو یکی پروگرام موجینجه فرانسه هیئت وکلاسی اوچنجی (ناپولئون) ک مساعدا تیله آرتق حل ایدلمش اولان مقامات مقدسه مسئلهسنی ، یعنی فرانسه و روسیه آره‌سنده‌کی منازعه‌یی برنجی (نیقولا) نک دولت عثمانیه حقنده‌کی آمالندن متولد اختلافدن آیرمق ، ایکی مسئله‌یی آیری آیری حل ایتمک ایستیوردی . (چار) ی حد تلندیرمه‌دن ، محاربه‌یه میدان ویرمه‌دن ، اوروپانک ۱۸۴۱ معاهداتیله دولت عثمانیه‌یی مدافعه ایتمک محبوریتنده بولندیقتی ، روسیه‌یه قبول و تصدیق ایتدیرمک لازم کلیوردی . اگر روسیه‌نک متفق اولان (اوستریا) اوروپانک آرزوسی وجهله حرکت ایدرسه سالف‌الذکر معاهدات محاربه‌نک ظهورینه مانع اولمق ایچون کافی ایدی .

فرانسه حکومتی ، شرقده اورتودوکسلر ایله لاتینلر آره‌سنده‌کی منازعات مذهبی‌ده پک ایلری‌یه واردیقتی آکلامش ، اسکی خطالرینی تعمیر ایتمک فکرینه دوشمشدی . (مورنی) ، (دروئین دولوئیز) ک افکارینی تصویب ایدیور ، (توونهل) اورونده‌کی نفوذندن استفاده ایدیوردی . ۲۳ حزیرانده فرانسه مجلس وکلاسی ، دول بحریه ایله (چار) آره‌سنده ظهور ایده‌جک محاربه‌نک تهله‌کلرینی کوسترمک ، انگلیز - فرانسوز دونمارینه استناد ایتمکدن ایسه اوروپانک حمایه‌سنی طلب ایتمک ده‌ها موافق اولدیقتی بیان ایلمک ایچون ترکیایه بر نوطه کوندرلمسنه قرار ویردی . لوندره سفیری (واله‌وسکی) ، انگلیز رئیس وکلاسی (آردین) ی (پلمرستون) ک نصایح جنک‌جویانه‌یه سنک تأثیرندن قورترمغه موفق اولدی . (پترسبورغ) ده بیله (مورنی) نک تشبثاتی ثمرسی اوله‌رق (روسیه - فرانسه) اتفاقندن بحث ایدیوردی ؛ حتی (توونهل) ۱۵ تموز تاریخلی مکتوبنده : « ایکی حکومت آره‌سنده مقارنت حاصل ایتمک ، جدی براتفاق حاضرلمق ایچون فرصتدن استفاده ایدلم » دییوردی . (دروئین دولوئیز) بالخاصه (ویانه) ده صرف مساعی ایدیوردی : (اوستریا) یه برقاچ سنه اول کچیردیکي بحرانی خاطرلمتق ، محاربه‌نک تهله‌کلرینی کوسترمک پک قولایدی . ذاتاً (فرانسه) سفیری

لوندریه کیتی . مارت ظرفنده (منچقوف) ك مطالباتی استخبارایدنجه همان درسعادته عودت ایتدی ، مصارعهیه حاضر بر پهلوان وضعیتی آلدی .

۵ نisan تاریخنده درسعادته واصل اولدینی زمان عثمانی وکلاسی روسیه نك مطالباتی کندیسنه تبلیغ ایتدی . (ره دقلیف) ترکلی مقاومته تشویق ایتدی ، (چار) ك شرقدهکی اورتودوقسلر اوزرنده طلب ایلدیکی حق حمایه نك ، « خسته اولان سلطنت عثمانیه طمارلرینه روس زهری داخل اولسنك » تهلیکه لرینی تعداد ایدرك انکلیز هیئت وکلاسنك نظر دقتی جلب ایلدی . مایس ابتداسنده ، محمدعلی پاشا ایله (منچقوف) آره سندهکی مذاکراتک ، دول بحریه نك مسلک احتیاط پرورانه لری نمره سیله ، سکون تام حاصل ایتمسندن هیچ ممنون اولمدی ؛ ۸ مایسده (منچقوف) ه شدید المال بر نوطه کوندردی . ایرتسی کونی روسلرک مطالباتی رد ایدرسه مالطه دهکی انکلیز دونماسنك معاونت ایده جکنی پادشاهه وعد و تأمین ایلدی . بتون بو تشبثات ، انقطاع مناسباته منجر اوله جق صورتده ، اجرا ایدیلوردی . انکلیز سفیری بدایه موفوق اوله ممدی ، چونکه ۳ مایسده ائتلاف حاصل اولمش کبی کورنیوردی . (ره دقلیف) تردد ایتدی ؛ او قدر ماهرانه حرکت ایتدی که سلطان عبدالمجید (منچقوف) ك طلبی اوزرینه صالح طرفداری و زراسنی عزل ایتدی . رشید پاشا ، مسئولیت حربی درعهده ایلدی ؛ (منچقوف) ك پرحدت پترسبورغه کیتدیکی کون (استرادفوردره دقلیف) طرفندن دعوت ایدیلن آمیرال (دونداس) دونماسی مالطه دن حرکت وفرانسز دونماسنه التحاق ایدیوردی . بو صورتله (انکلتره) حکومتی ، صرف درسعادت سفیرینک آرزوسیه دولت علیه نك مسلک حرب بجویانه سی الزامه مجبور اولمشدی .

مخاصماته باشلانمازدن بر قاج کون اول ، روس اردولری شمالدن جنوبه طوغری ایندیکی وانکلیز — فرانسز دونمالری جنوبدن شماله طوغری چیقدینی زمانلر ، (آروپا) قاینه لرینک محاربه یه مانع اولمق ایچون صرف مساعی ایلملری قدر غریب بر شی اوله ماز . (روسیه) باتس وکیل (نسلرود) ، (انکلتره) نك درسعادت سفیرینک هر درلو تشبثات ائتلاف جویانه یه مانع اولدینتی . (پترسبورغ) سفیری سیر (هامیلتون سه یور) ه اثبات ایتمهک چالیشیور ؛ (منچقوف) ك دولت عثمانیه دن اولابره معاهده نامه ایسته مش ایکن یواش یواش تعدیل مطالبات ایدرك ساده جه بر تمهد و نهایت عادی بر نوطه ایله اکتفا ایتدیکنی سویلیوردی . انکلیز قاینه سی هنوز صلح پرور اولدیغندن دونماسنی حزیران ظرفنده ، چناق قلعه خارجنده کائن (بشیکه) ده توقیف ایتدی . حتی ۱۸۵۳ سنه سی تموزنده — روس عسکری ۳ تموزده پروت نهرینی کچمش اولقله برابر — مذاکره یه کیریشمهکه راضی اولدی . (فرانسه) ده (دروین دولوئیز)

بر آدمک آرزوسی طونده محاربه‌نک ظهورینه سبب اولدی .
 بو حال، شرق مسئله‌سی تاریخنده یکی کورلمش بر شی دکلدی . ۱۸۴۰ ده انکلتره‌نک
 فرانسه و محمد علی پاشا اوزرینه احراز ایلدیکی موفقیت عظیمه سیاسییه درساعات
 سفیری (پونسونبی) سبب اولمشدی . پادشاه ، حزیران ظرفنده ، دشمنلریله مذاکره
 کیریشمکه حاضرلندی صروده (پونسونبی) سوریه‌ده بر قیام وقوعنه سبب اولیور ،
 (لوندره) دن هیچ بر تعلیمات آلمدینی حالده ترکیه‌ده سوره‌ده سوق و تحریک ایدیوردی .
 خلقی سیر (استرادفور دره‌دقیف) ، مملکتته منافع جدیده تأمین ایچون بوکا بکزه
 بر تشبند بولمقدن چکینه‌جک آدم دکلدی . ۱۸۰۹ سنه‌سندن بری شرقده بولنمش ،
 مملکتک اگ مهم مسئله‌لرینه قاریشمشدی .

تجارب مدیده‌سی ، (انکلتره) نک درساعات سفارتخانه‌سنه تأمین ایلدیکی نفوذ
 فوق‌العاده ، ۱۸۴۱ معاهداتیه روسلرک وصایتندن قورتاریلان ترکیانک تشکیلات
 جدیده‌سی ، تنظیمات مؤسسی و (روسیه) چارلرینک خصم بی امانی اولان رشید پاشا
 ایله کندی آره‌سنده موجود اولان اتحاد افکار بو متعظم ، متشبت دیپلوماته اولیه بر
 اهمیت قزاندیرمشدی که سفیر دکل ، عادتاً بر حکمدار کجی حرکت ایدیوردی . حتی
 کندیسنه « انکایز سلطانی » لقبی ویراشدی . (رهدقیف) اول امرده وقتیه قزانیلان
 شیئی محافظه ایتمک ، بعده دها بیوک موفقیتلر اله ایتمک ایستیوردی .

مقامات مقدسه مسئله‌سنه بدایه اهمیت ویرممش . حتی بو مسئله‌یه عطف ایدیلان
 اهمیت کولمشدی . بر مدت صکره روسیه ایله اوچنجی ناپولئون آره‌سنده‌کی اختلافدن
 بالاستفاده بولانیق صوده اولامق ممکن اوله‌جغنی آکلادی . مایس ۱۸۵۲ تاریخندن
 اعتباراً ، طرفینی یکدیگری علمنه تشویق و تحریکه باشلادی . (لاوالهت) ک
 عزیزمندن صکره فرانسه‌نک درساعات سفیرلکی وظیفه‌سنی ایفا ایدن (ساباتیه) یه
 روسلرک اهانتندن ، انکلتره ایله فرانسه آره‌سنده بر ائتلاف عقد ایدمک صورتیه
 روس دیپلوماتلرینک آمالنه سد ممانعت چکیلیمی لزومندن بحث ایدیوردی ،
 فرانسلرله قارشی او قدر آثار محبت و دوستی ابراز ایلدی که بو حسیاتک صمیمیتندن
 شبهه ایدیه بیلردی .

مع مافیه سفیرک سوزلری (لوندره) ده پکنه حسن تلقی ایدلمیوردی .
 انکلتره هیئت وکلای (ویغ) لره خوش کورونمک ایچون (پلرستون) ی قاینه‌یه
 ادخال ایتمش ایسه‌ده کندیسنه داخلیه نظارتی تودیع ایلمش اولدینندن لوندره حکومتی
 اساساً صلح‌پرور ایدی . (رهدقیف) آلتی آی ماذونیت آلدی ، سنه نهایته طوغری

دھا پک چوق شیر استحصال اولنہ بیله جکئی تأمین ایتدی . (منچیقوف)
هان ایناندی ، کندیسنی آلداتان وزیرک عزلی ورشید پشانک مقام صدرتہ
کتیرلسنی ایستدی ، موفق دہ اولدی ، بعدہ علی العجلہ ، یعنی ۱۶ مایسدہ صدر
سابق اصراریلہ ترک ایتدیکی معهود مقالہ نامہ لایحہ سنی رشید پشایہ تبلیغ ایدرک
قبولنی تکلیف ایلدی .

فقط رشید پشانک بو مسئلہ دہ مقالہ نامہ بی قبولہ ہیچ یناشمدیغنی ، مذا کرہ نہ
کیریشمک بیله ایستہ مدیکئی کورنجه حیرتدہ قالدی . رشید پشا مقالہ نامہ لایحہ سنی
قالہ بیله آلمق ایستہ میور ، فضلہ اولہرق خلنی طرفندن اعطاسنہ موافقت ایدیلن
نوطیہ حقوق پادشاهینک محافظہ سنی متضمن قطعی المفاد بر فقرہ نک علاوہ سنہ لزوم
کورییوردی [۲۰ مایس ۱۸۵۳] . منچیقوف آزه قناعت ایتہ مکله هر شیئی غائب
ایتمشدی . یعنی اغفال اولمشدی . درسعادتدہ روس سیاستک بلکہ دہ اک معند رقیبئی
کندی الیہ موقع اقتدارہ کتیرمشدی . آرتق اولکی کی آمرانہ ، متعظمانہ حرکت
ایدہ مزدی . بونک ایچون حدتلدی ، درسعادتدن چیقدی کیتدی ؛ بالذات سبب اولدیغنی
مضحکہ فاجعہ رنگئی آلدی .

بو مسئلہ دہ قولایجه آکلشیلہ میان جهت باب عالینک انتریقہ دن نہ استفادہ سی
اولدیغنی بیلمکدر . حکومت عثمانیہ صلح ایستیورسہ مذا کراتی بر نتیجہ مسالمتپورانہ بہ
ایصالہ مہیا اولان بر صدر اعظم وار ایکن مهر ہایون نیچون روس سیاستک رقیبئی
اولان ، مذا کراتی بو نتیجہ بہ ایصال ایدہ میہ جکی آشکار بولنان رشید پشایہ ویریلیور؟
محمد علی پشا بونی بالآخرہ ایضاح ایتمشدر : « بو حال ، فوق العادہ نفوذ صاحبی
اولان بر سفیرک ، (انکلترہ) سفیری سیر (استراد فورڈ رہ دقلیف) ک ایشیدر .
سفیر مومی الیہ ، محمد علی پشانک روسلرہ پک چوق مساعدتدہ بولندیغنیہ قانع اولمش ،
نتیجہ قطعیہ بہ مانع اولق ایستہ مشدر . » انکلترہ سفیری محاربه ظہورینی منع ایچون
روسلرہ مساعد طاورانان ائتلاف پرور صدراعظمی بہ روسیہ واسطہ سیلہ موقع اقتداردن
دوشورتمکہ موفق اولق چارہ سنی بولمشدی . ۱۳ مایسدہ اوروپادہ هر کس مسئلہ نک
صلحاً حل اولندیغنیہ قاعدی : (انکلترہ) دونماسی (مالطہ) دہ توقف ایتمشدی .
سفائن حربیہ سنی سالامین صولرینہ کوندرن فرانسه بو نمایش الیہ اکتفا ایتمش ، مقامات
مقدسہ مسئلہ سندہ کی مطالباتدن واز کچشمدی . قاتولیکرک تضیقاتدن قورتیلان دولت
علیہ اورتودوقس تبعہ سی حقندہ کی محبت وشفقتی ، قاینارجه معاہدہ نامہ سی احکامنہ
رعایتی روسیہ چارینہ بیلدبرمکله مسئلہ بی قیامتق اوزرہ ایدی . ایشتہ بویلہ بر صرہ دہ

صکره ، قاینارچه معاهده نامه‌سیله روسیه‌یه بخش اولنان حقوق تأیید و ممالک عثمانیه‌ده اورتودوکس مذهبک سرستی اجراسنی تأمین ایلمسی تقرر ایتدی . بو صورت تسویه بر نمایشدن عبارت اوله جقدی ؛ فقط روسلر ایله اورتودوکس روملر بو سایه‌ده مذهب‌لرینک چار طرفدن حمایه ومدافعه ایلمکده اولدیغنی آکلایه جقار ایدی . برنجی (نیقولا) نك محرم اسراری اولان منچیقوفک اولجه بر اولتیماتوم شکلنده اوله‌رق باب عالی‌یه تبدیغ ایتدیکی مقاوله نامه یرینه بو قدر جق بر شی ایله اکتفا ایتسی روسیه دیپلوماسیسنک مقامات مقدسه منازعاتنه معنوی بر موفقیت ایله ختام ویرمک ایستدیکنی کوستریوردی . (فرانسه) هیئت وکلاسنگ اعتدال حرکاتی بو نتیجه‌یی حاصل ایتشدی . آرتق صلح ومسالمت تقرر ایتمش عد اولته بیلیردی . حتی (فرانسه) جریده رسمی‌سی ۱۸ مایس ۱۸۵۳ تاریخلی نسخه‌سنده آرتق تهلمکه حربک بر طرف ایدلدیکنی اعلان ایتدی .

اوج کون صکره ، ۲۱ مایس ۱۸۵۳ تاریخنده (منچیقوف) آرتق ختام بولمش عد اولنان مذاکراتی بردن بره قطع ایتدی ، تهدید آمیز بر طور ایله علی‌العجله پترسبورغه عودت ایلدی . بعده ، ۳۱ مایسده برنجی (نیقولا) دولت علیه‌یه بر اولتیماتوم کوندردی ، اوروپا دولت‌لرینه‌ده روسیه اردولرینک مملکتینه داخل اوله‌جق‌لرینی بیلیردی . عجبا ، روسیه چارینی : « سلطانک بش پارمغی یناغمه حس ایدیورم » سوزینی سویله‌جک درجه‌ده حدتندیرن حقارت نه صورتله ، نصل وقوع بولمشدی ؟ هر زمانکندن زیاده ائتلاف پرور و ممنون کورندیکی بر صرده نصل بر حادثه نا کهظهور (منچیقوف) ک عزیمت نا کهانسنه ، حدتنه‌سنه سبب اولمشدی ؟ اوروپا وبالخاصه فرانسه‌یه افشا ایدلمین بر انترقه قانلی واوزون بر محاربه‌یی انتاج ایتدی .

(منچیقوف) ، صدر اعظم محمد علی پاشانک سیاست ائتلاف پرورانه‌سی و مشاوری مثابه‌سنده بولنان (فرانسه) سفیری موسیه (دولاقور) ک مساعیسی ثمره‌سی اوله‌رق مطالبات سابقه‌سنی تماماً ترکه موافقت ایده‌جکی بر صرده ، ۱۲ مایس ۱۸۵۳ تاریخنده لغوفت آریستارکی بک اسمنده بر روم مأمور (روسیه) سفارت خانه‌سی باش ترجمانی (آرکیرو پولو) نك صدر اعظم طرفندن اله ایدیلهرک سفارت خانه‌یه اهانت و بیهوده مساعداتده بولمغنی توصیه ایلدیکنی (منچیقوف) ه بیان وادله ایله اثبات مدعا ایلدی . ترجمانک اجرت اهانت اوله‌رق بیوک درده ترکلردن آلدیغی املاکک سندلرینی کوستردی وشاید صدر اعظم محمد علی پاشایی موقع اقتداردن دوشوروب‌ده رشید پاشایی مقام صدارته کتیرمه‌که موفق اولور ایسه باب عالی‌دن

مارتده طولون لیمانندن چقه‌رق (سالامین) صولرنده جریان واقیعه منتظر اولسنی دونمایه امر ایتدی .

(فرانسه) وکلاسنک عمومی بو فکرده دکلدی : انکلتره ، فرانسر قاتولیکلری طرفندن میدانه چقاریلان ، (فرانسه) نک عناد واصراریله کسب اهمیت ایدن بو مسئلهده مشترکاً حرکتدن امتناع ایدیور ، (توری) قاینه‌سی مسئله‌ی دها وخیم یرشکه قویمق ایسته‌میوردی ، بو ایسه فرانسر دیپلوماتلرینی دوچار اندیشه ایلوردی . روسلر ایله ترکر آره‌سنده محاربه ظهور ایدرسه دولت عثمانیه‌ی مدافعه ایتک وظیفه‌سی یالکیز فرانسرلرده می عائد اوله‌جقدی ؟

خارجیه نظری (دروئین دولوئیز) : «بتون آوروپانک منافعی تأمین وتنظیم وظیفه‌سی بش دولته عائد اولمیلدر» دییوردی . بو فکر ، او قدر طوغری ایدی‌که اوچنجی (ناپولئون) مساعدات جدیده اعطاسیله محاربه‌یه مانع اولنه چالیشمی ایچون فرانسه‌نک درسعادت سفیرینه امر اعطاسنه راضی اولدی .

فی‌الحقیقه فورطنه‌یه مانع اولمق ایچون اک ائی چاره کری‌یه دونمک ، منجیقوفی رجعته مجبور ایتمکدی . (فرانسه) سفیری درسعاده مواصلتی متعاقب - (لاوالهت) ک ایلول ظرفنده رد ایتمش اولدینی شیئی ، یعنی - باب عالینک اورتودوقسلر ایله لاتینلره عین زمانده ویردیکی ایکی فرمانک نشرینی حکومت عثمانیه‌یه تکلیف ایتدی . بالطبع ، بو ایکی فرمان آره‌سنده‌کی مغایرتی ازاله ایچون یکی بر فرمان نشر ایدیله‌جکدی . ۴ مایسنده بو فرمان دخی نشر ایدیلارک لاتین کلیساسنه اولجه بخش اولنان حقوق پک زیاده تحدید اولندی .

بونک اوزرینه صدر اعظم محمد علی پاشانک منجیقوف ایله مقاوله‌نامه لایحه‌سنی مذاکره ایتسی قولایلشدی ؛ چونکه (روسیه) چارینک لدی‌ایجاب قوه عسکریه ایله تلافی ایتک ایستدیکی ضرر وزیان تضمین ایدلمش ایدی . مذاکرات سکز کون ، یعنی ۱۳ مایسه قدر دوام ایتدی . بر روس دیپلوماتنک قول مشهوری وجهله «دولت علیه‌نک اک بیوک دوستی ، یاخود اک بیوک دشمنی» اولان (منجیقوف) گاه تهدید ، گاه الزام واقناع صورتیله مذاکره‌یه دوام ایدرک (روسیه) نک مطالباتنه جواد رد ویررسه اعلان حرب ایدیله‌جکنی ، شاید موافقت ایدوبده آوروپادن قورقار ایسه (چار) ک باب عالی‌یه دست اتفاقی اوزاته‌جغنی صدر اعظمه بیان ایلدی . مع مافیه دولت علیه‌ی اقناعه موفق اوله‌مدیغی ایچون ۱۳ مایسنده صدر اعظمک وعد ایلدیکی نوطه ایله اکتفایه مجبور اولدی . باب عالینک ، مقامات مقدسه مسئله‌سنک حلندن

بوکا اینامالیدر . « دیمشدی . کرک وکلاسی ، کرک کندیبی آتی آیدنبری محافظه صلح و مسالمت ایچون پک چوق فدا کارلقز اختیار ایتشردی . حتی اوچنجی (ناپولئون) جمهوریت ائناسنده کی تجربه واعتدال حرکاتی تصدیق ایدیلن (دوروئین دولوئیز) ی ۱۸۵۲ سنه سی تموزنده خارجه نظارتنه کتیرمش ، بوحرکتیله (فرانسه) نك صلح پرورانه برمسلك تعقیب ایده جگنی بتون اورویایه آکلامق ایسته‌مشدی .

مقامات مقدسه مسئله سی فنا برشکل آلدینی زمان فرانسه هیئت وکلای جدیده سنك ایلك حرکتی موسیو (لاولهت) ی پارسه جلب ایتمک اولدی ، (لاولهت) ۱۸۵۳ سنه سی کانون نانیسنده درسعادت سفارتندن انصال ایتدی . موخی ایله ، روسیه سفیری (کیسه‌لف) ه : « آتلافرور اولمی یز . حقوقزك صوك درجه سنه قدر کیتمه ملی یز . » دینوردی . (پارس) هیئت وکلاسی درت سنه دن بری (ویانه) سفارتنده بولنورق دایما روسیه و اوستریا لهنده حرکت ایتش اولان موسیو (دولاقور) ی درسعاده کوندردی . کذلک روسیه نك هیچ بر زمان علیه‌نده بولنماش اولان (مونیخ) سفیری موسیو (تونهل) ی خارجه نظارتی امور سیاسیه مدیریته تعین ایتدی . موسیو (تونهل) وقتیه مونیخدن پارسه یازدینی برتحریراته : « قاتولیک غزتله رمزك کورولتیلی نشریاتی پک غریبدر . بز قدسی ضبط ایتمک نیتنده دکلز و روسیه ایله ده منازعه چیقارمق ایسته‌میز » دیمشدی . دیپلوماتلرندن ده آتلافرور اولان (ناپولئون) روسیه ایله منازعه چیقارمغه او قدر آز میال ایدی که ۱۲ کانون ثانی ۱۸۵۳ ده روسیه سفیری (کیسه‌لف) برنجی نیقولانك شدیدالمال برمکتوبنی تقدیم ایتدیکی زمان شوسوزلری سویلمشدی : « ذات حشمتناهی به مکتوبنده (محب لطفکارم) گله‌رینی استعمال ایلدیکندن طولایی تشکر ایدرم . (برادرم) تعیرینی قوللامش اولسه‌یدی او درجه ممنون اولمازدم . چونکه انسان برادرلرینی انتخاب ایده‌مز ، فقط دوستلرینی ایستدیکی کی انتخاب ایدر . »

اوچنجی (ناپولئون) ، (منچیفوف) ك سفارت فوق‌العاده‌سنندن پک بیسوك نتیجه‌لره انتظار ایدیوردی . روسلرک پر شعشه و عظمت سفیر فوق‌العاده‌سنك استانبولده نه یایدیفنك تمامیه معلوم اوله‌مامسی دیپلوماتلری قورقوتیور ، روسیه نك تحشیدات عسکریه سی ، ترسانه‌لرنده کی تدارکاتی شرقده یکی بر محاربه نك علامات وخیمه سی کی تلقی ایدیلیور ، دولت علیه نك موجودیتی تحت تهله‌کده کوریلیور ، تمامیت ملکیه عثمانیه‌نی تأمین ایدن آوروپا دولتلرینه روسیه نك میدان او قودینی ظن اوئتیوردی . اوچنجی (ناپولئون) فرانسه‌یه میدان او قویان روسلره مقابله‌یه قرار ویردی . ۲۰

انتقام آلمق ایستور ، فقط بوانتقماک دیپلوماسی طریقہ اولسنی آرزو ایدیوردی . (انکلتره) یہ واقع اولان تکلیفلر ، (منچقوف) ک وظیفہ سفارتہ ویریلن اہمیت فوق العادہ ہپ (اروپا) نک و باب عالینک مقاومتہ تصادف ایدلمدن (روسیہ) نک عظمت و اقبالہ متناسب برترضیہ نائل اولمق ، (روسیہ) دہ بولنان اک مفروط و طنپوروانی دخی نمون ایدہ جک درجہ دہ پارلاق بر موفقیت سیاسیہ استحصال ایلمک املنہ معطوف ایدی . مقامات مقدسہ نامیلہ میدانہ . چیقان مسئلہ سیاسیہ نک ایلمک صفحہ سندہ فرانسز دیپلوماتلری قدسہ روسیہ سیاستی مغلوب ایتشلردی . برنجی (نبقولا) بو مغلوبیتک روسلر آرہ سندہ حصولہ کثیرہ جکی حدت و ہیجانی تسکین ایچون وسائط سیاسیہ ایلہ استانبولده غلبہ ایتمک ، صوک سوزی کندیسنده براقق ، الحاصل مسئلہ نک صفحہ نانیسنی روس منافضہ موافق صورتہ حل ایلمک ایستوردی .

بر آی ظرفندہ استحصال ایتدیکی موقیقات ، امید و آرزوسنہ پک زیادہ موافق ایدی . (اوستریا) ، دولت علیہی اعلان حرب ایلہ تہدید ایدرک (قرہ طاغ) ایلہ عقد مصالحیہ مجبور ایتمشدی [۱۴ شباط ۱۸۵۳] . انکلترہ ہیئت وکلاسی احوال سیاسیہ دن امین اولدینتی بیان ایتکدہ و فرانسه خطالرینی تصمیرہ اصلا میال بولنما مقده ایکن (منچقوف) مقام اقتدارہ کلسنہ سبب اولدینی رفعت باشایہ بر مقالہ نامہ لایحہ سی ، تعبیر دیگرلہ بر « سند » مسودہ سی ویردی [۳۱ مارت ۱۸۵۳] . بو مقالہ نامہ یہ نظر آ روسیہ ، اورتودوقس تبعہ عثمانیہی تحت حمایت سنہ آلہ جقدی ؛ بودفہ روسیہ حکومتی ایلریدہ فسخی ممکن اولان بر فرمان ایستہ میور ، بلکہ معاہدہ نامہ حکم و قوتندہ بر « سند » ایستوردی . اوزمانک بعض دیپلوماتلرینہ باقیلیرسہ بتون قباحت فرانسدہ ایدی . موقع اقتداردہ کی (توری) فرقدسنک واسطہ نشر افکاری عد ایدیلن برانکلیز غزتہ سی « روس سفارت فوق العادہ - سنک سبب اعزای فرانسز دیپلوماتلری طرفندن لایتیلر ایچون طلب ایدیلن امتیازات واسعدن بشقہ برشی دکلدز . دولت علیہ نک شکایت ایدہ جکی ایلمک متجاوز روسیہ دکلہ ، فرانسدہ در . « دیوردی . فرانسه ، لایتیلرہ خوش کورونمک ایچون باب عالینک اورتودوقس تبعہ سی اوزرندہ کی نفوذینی اخلا ایتمشدی . قاتولیکرک مقامات مقدسہ دہ کی موقیتلری « همان ہیچ منزلسنہ ایتمش » ، اورتودوقسلر غلبہ ایتمش ، روسیہ نہ نقد ، نہ دہ نفوسجہ ہیچ برضایعات ویرمہ دن بیوک بر مظفرت احراز ایلمشدی .

ایشته بو ملاحظات اوچنجی (ناپولئونک) ک روسیہ ایلہ محاربه احتمالی نظر دقتہ آلمسنہ سبب اولدی . ایکی آی اول (ناپولئون) عسا کر دائمہ مقدارینک مهم بر صورتہ تنفیضی مجلس مبعوثانہ تکلیف ایتمش و : « فرانسه حال صلحدہ یشامق عزم قطع ایسنده در ؛

کلیر ایسه دیگر حکومتلرک نه اهمیتی قالیر ؟ « دیمشدی . بوندن صکره ، ۲۰ شباط تاریخنه قدر انکلتره سفیریله وقوعه کلن مصاحبه‌لرده دائماً دولت علیه‌نک اولوم درجه‌سنده خسته و محکوم اضمحلال بولندیفندن ، آن‌بآن تقرب‌ایدن بحران ائناسنده میلیونلرجه خرسدیانک منافعی محافظه ایتمک (روسیه) نك وظیفه‌سی اولدینندن بحث ایتدی و نهایت انکلتره ، روسیه‌نک کندی حقوقی استعمال ایلمسنه مساعده ایدرسه تعویضات مقامنده اوله‌رق مصر ایله کریدی انکلیرلره براقه‌جننی وعد ایلدی .

(انکلتره) ، (روسیه) نك آمال حقیقه‌سنه کسب وقوف ایلمسنه پک نمون اولدینی ایچون (چار) ایله سفیری آره‌سنده جریان ایدن مباحثات و مذاکراتی ممکن مرتبه تمید ایدیوردی . (لوندزه) هیئت وکلاسی برمدت‌نبری (توری) فرقه‌سنه منسوب وکلادن مرکبیدی ؛ (ویقتوریا) نك زوجی پرنس (آلبر) تشبثات سیاسی‌سنی قریلجه‌نک نظر تصویب‌نه عرضه لزوم کورمین (پالرستون) ک رینه بر هیئت وکلای محافظه‌کار تشکیله موفق اولمشدی . لوندزه قایینه‌سی صاح و مسامت طرفداری ایدی . انکلیرلرک صبر و سکونی ، اعتدالی برنجی نيقولايه جسارت ویردی .

۱ مارت ۱۸۵۲ تاریخنده روسیه سرایی و حکومتی رجال مشهوره‌سیندن ، برنجی (نيقولا) نك ندیم خاص و محرم اسراری پرنس آمیرال (منجیقوف) سفارت فوق‌العاده ایله استانبوله اعزام ایلدی ؛ پرنس ، معینده ایمپراطورک یاورلری ، بر چوق امرای بحریه و عسکریه بولندینی حالدہ یا تخت عثمانیه مواصلت ایتدی ؛ اورتودوقس روملرک آلفیشلری آره‌سنده قره‌یه چقیدی . ایرتسی کونی خارجه‌ناظری فؤاد پاشایی تحقیر ایتدی ؛ مشارالیهک انفصالنه سبب اولدی . آمر مطلق کبی حرکت ایلور ، اطوار واقوال متعظمانه‌سیله ترکلری دلخون ، اورتودوقسلری ایسه فوق‌العاده نمون ایدیورایدی . عجبا برنجی نيقولا محاربه‌یه ، ممالک عثمانیه‌یی ضبط و تسخیره‌می قرار ویرمشدی ؟ دولت علیه مقبومت ایدرسه اعلان حربی ایده‌جکدی ؟ موافقت ایدرسه روسیه‌یه تابع بر حکومت درک‌سنه ایندیرمکی ایستیوردی ؟

(چار) ، بوفکرده بولنیور ایسه ، ۱۲ کانون ثانیده (فرانسه) نك (پترسبورغ) سفیری موسیو (دوکاستل باباق) ه سویلیدیکی شوسوزلر تماماً یالان دیمکدی : « غریبه اولدینی کبی شرقده دنخ محاربه‌یه مانع اولمق ایسترم ، اعلان حربه لزه‌م واحتیاج حس ایتمه‌مک ایچون ترکلره قارشی شدتلی برلسان قوللانیورم . » — اوچنجی ناپولئون ، ایمپراطورک اقوال و افعالتی مقایسه ایدرک : « چار ، طوغری سویلمکدن زیاده فوق‌العاده بر اثر احتیاط کوستریور » دیمشدی . مع‌مافیہ برنجی نيقولا حقیقتی سویلمشدی . ترکلردن

ویردگری سوزی طومامش ایدی ؛ خفياً ویردگری وعدلرك عدم اجراسی (روسیه)
 ایمبراطورینی تبعهسی نظرندہ غریب وکولنج برموقعه قویمشدی . روسلر : میلیونلرجه
 اورتودوقسلر ایله بونلرك حامیلری اولان چارك منافی بر قاج قتولیک زوارك خاطر
 ایچون ترکلر طرفندن اخلال اولنه جمعی ؟ « دیورلردی ، شرقده صاح و مسالمت لاتین
 واورتودوقس صلیبونی طرفندن تهدید ایدلمکده ایدی ، ترک دیپلوماتلرینک بر قاج آی وقت
 قازانلری صلح و مسالمت ایچون ای بر نتیجه ویرمشدی . اوزمانه قدر (استاتوقو) نک
 محافظه سیله اکتفا ایدن (روسیه) چاری برنجی (نیقولا) بتون روسلره داغ درون
 اولان موفقیتسزلکی بارلاق بر صورتده تعمیره قرار ویردی .

قاینارجه معاهده نامهسی حکومت عثمانینک اورتودوقس مذهبندہکی تبعهسی حقندہ
 مطالعات بیانی ایچون روسیه به حق ویرمشدی . ادرنه معاهده نامه سیله تأیید ایدیلن بو
 حق شیمدی ، دولت علیه نک تمامیت ملکیه سنه وخرستیان تبعه سنه تکفل ایدن اوروپا
 دولتلرینک مداخله سیله خللدار اولیوردی . بونک ایچون برنجی (نیقولا) صورت
 قطعیده تأیید حقوقه لزوم کوردی . تبعه عثمانیهدن اورتودوقس مذهبندہ بولنان اون ایکی
 ملیون نفوسی طوغریدن طوغری به حمایه ایله روسیه قارشى ربط ایتمک ایچون اوروپا
 دول معظمه سندن آیرمق فکیرینه دوشدی . بو ایسه مقامات مقدسه مسئله سندن
 بوسبتون آیری بر مسئله اولدقدن بشقه فرنکلرك قدسده احراز ایتدگری موفقیته غریب
 بر مقابله ایدی .

(چار) ۱۸۵۲ سنهسی اواخرنده توسطه قرار ویردی . هیچ بر حرکته بولناز
 ایسه تبعه سنک حدتنه ، هر هانکی بر حرکته بولنور ایسه اوروپانک خصومتہ مروض
 قاله جفتی بیلدیکندن ۱۸۵۳ سنهسی کانون ثانیسنده ، ایکنجی (قاترین) ک تصورات
 عظیمه سنه وارث اولان بر روس حکمدارینه یاقیشه جق صورتده بر مسلک آتخاند ایتدی .
 متفق اولان (اوستریا) ، (قره طاغ) محاربه سندن تلاش ایتدیکی ایچون بالقانلرده ترکلرك
 حرکات حربیه سنه نهایت ویرمک مقصدیله روسیه به التحاق ایتشدی ؛ حتی ۲۰ کانون
 ثانیده قونت (دولاینکن) واسطه سیله باب عالی به بر اولتیا توم ویردی . (روسیه) حکومتی
 انکلیزلری (فرانسه) دن آیرمغه موفق اولور ، فرانسز وانکلیز دونخالرینک حکومت
 عثمانیه به معاونت ایتمه لیرینی تأمین ایلر ایسه اوروپاده هانکی دولت (چار) ک آمالنه
 مقاومت ایده بیلیردی ؟ برنجی (نیقولا) بون نقطه به اهمیت ویردیکی ایچون ۹ کانون ثانیده
 غراندوشس (الن) ک سراینده ترتیب ایدیلن بر مسامره رقصیده (انکلتره) سفیری
 سیر (هاملتون سهیمور) ه خطاباً : « اکر انکلتره ایله روسیه آره سنده ائتلاف حصوله

آره‌سنه القای نفاق ایچون ده‌ا برمدت انتظار ایتمک ایستردی . بو‌ترددلر شانلی برماضی‌به مالک اولان ملتی قارشیسنده کندیسنی مسئول کورن ، وکلاسنک نصایح و اخطاراتی ایله تجارب ذاتیه‌سی سایه‌سنده وظیفه‌سنده‌کی مشکلاتی آکلایان مغرور بر حکمدارک حسیات و حساباتندن بشقه برشی دکلدی . هر حالده شوراسی محقق ایدی که چار برنجی (نیقولاً) کری‌یه دونمک ایسته‌میوردی . ایستسه‌ده دونه‌مز ایدی . (فرانسه) نک (پترسبورغ) سفیری موسیو (دو‌تورنل) پارسه یازدیغی بر مکتوبده : پارسده شوراسنی ایجه بیلسونلرکه روسیه ، مطالباتندن واز چکمی‌ه جکدر . بومسئله ، روسلر ایچون ، حیات و نجات مسئله‌سیدر ، دیمشدی . دولت علیه بو بایده هیچ آلدانمدی : صدراعظم پاشا اولجه لاتینلره ویریلن امتیازاتک لنوینی متضمن فرمانی کیزلیجه (روسیه) سفیری موسیو دویتوفه تبلیع ایتدی [مارت ۱۸۵۲] . چار ، آرزوسنه نائل اولمشدی ؛ دیگر طرفدن (لاوالهت) ده ممنوناً رومیایه عودت ایتدی . ابراز ایلدیکی مهارتدن طولایی روماده (پاپا) نک ، پارسده ایمبراطورک تبریکاتنه نائل اولدی .

فقط اختلاف حل ایدلمش عد اولنه‌مازدی . هر کسک دوستی اولان ترکرلر تدابیر متصوردی موقع اجرایه وضعه تشبث ایتدکلری زمان مسئله صوک درجه کسب و خامت ایتدی . ۱۸۵۲ سنه‌سی ایلولی ظرفنده حکومت عثمانیه فلسطینه عقیف بک اسمنده بر ذاتی قومیسر صفتیله کوندردی . لاتینلر - قاتولیک غزته‌لرینک نشریات مهیج‌ه‌سی ایله - غلیان ایچنده ایدیلر ، اورتودوکسلره قارشی غلبه‌ایتمکله مفتخر و مغرور اولورلردی ؛ موسیو (لاوالهت) و فرانسه‌نک قدس و قونسولوسی موسیو (بوتنا) نک حین عزیمت‌لرنده عاداتا مظفرانه نمایشلر پایدیلر . اورتودوکسلر دخی مقصدلرینه نائل اولدقلرینی ظن ایدرک (یافه) دن قدسه کیدن (روسیه) قونسولوسنی غایت مظنطن بر صورتده استقبال ایتدیلر . عثمانلی قومیسری بر برینه دشمن راهلردن ، زواردن زیاده صلیبونه بکزدین لاتین و اورتودوکسلر آره‌سنده قالنجه بالطبع دوچار مشکلات اولدی ؛ لاتینلر لهنه ویرلمش اولان فرماندن ماعدا برشی بیلیمور کبی طاوراندی و بونی موقع اجرایه قویمتی ایستدی . منازعه در حال باشلادی : نائل مساعده اولان لاتینلر اولکنندن زیاده جسارت کوستردیلر . روم بطریق ایله (روسیه) سفیری (چار) ه وعد اولنان فرمانک همان نشر اولمسنی طلب ایتدیلر . عقیف بک بونلری تسکین ایچون فرمانی یالکیز بطریق ایله مأموریندن مرکب سامعین حضورنده قرائت ایتدیردی . بو حادئاتک وقوعی خبری روم اورتودوکس جماعتلری آره‌سنده شایع اولدینی و اورادن (پترسبورغ) ه کیتدیکی زمان پک بیوک تأثیری موجب اولدی . لاتینلر ، مظفرانه طورلر ایله مقامات مقدسه‌یه کیریورلردی ، ترکرلر (چار) ه

اورتودوقس اهل صلیب محاربه سنك همان باشلايه جنی ظنی حاصل اولدی .
 (قره طاغ) مسئله سی بوباده روسلر ایچون ائی برفرست اوله بیلیردی . قره طاغ لیلر
 روسلره پیشدارلق وظیفه سنی ایفا ایده بیلیرلردی . قره طاغده ساکن مختلف قبیله لر
 (ولادیکا) دنیلن پستقوسلرک زیرا اداره لرنده ایدی . پستقوسلردن بری ، ایکنجی (پترو) ،
 قبیله لری برلشدریمک املنه دوشدی ؛ روسیه ده تربیه ایدیلمن بو ذات ۱۸۳۳ سنه سنده
 بتون قبائل رؤسائی کندی پستقوسخانه سنده جمع ایتدی ؛ صکره اوغلی (دانیلو) یکی
 برخطوة ترقی آهرق ۱۸۵۱ سنه سنده حق ورشته مانع اولان صفت روحانی سنی براقدی ،
 برپرئسلک خاندانی تأسیس ایلدی . بو تشکیلات هنوز ختام بولماش ایدی که (دانیلو)
 قره طاغ لیلری سلاح آلتنه آهرق آرناوودلنی ته دیده باشلادی [کانون ۱۸۵۲] . عثمانلیر
 (دانیلو) نك مقصدینی وقتیده کشف ایدرک عمرپاشایی ۳۰,۰۰۰ کیشیک بر اردو ایله
 قره طاغه کوندریلن ؛ محاربه ده درخال باشلادی .

طرفینک قوتلری آره سنده کی نسبت سنلک او درجه ایدی که اوروپاده هیچ کیمسه قره
 طاغک کندی سنی بوقدر بویوک کورمک ایچون هانکی دولتدن جسارت آلدینی ، هانکی
 دولتک معاونت خفیه سنه نائل اولدینی و بوندن صکره ده اوله جنی مسئله سنده تردد
 ایتیموردی . چار نیقولانک تبعه سنه مسلمانلرله محاربه ذوقنی بخش ایتمک ایچون بو
 واسطه یه مراجعت ایتدیکی شهبه سز عد اولتیموردی .

حقیقت حالده (چار) بوفکرده اولسه بیله عثمانلیرلی دائماً محافظه یه حاضر اولان
 انکلتره وفرانسه قارشیسنده بو ایونو اوینامق براز مشکل اوله جنی آکلایوردی . ۱۸۴۴
 سنه سندن بری برنجی (نیقولا) نك آغزندن بربرینی نقض ایدر سوزلر ایشیدیلیموردی .
 بعضاً حکومت عثمانیه نك تنظیماتدن بری خسته اولدینی ، سقوطه مهیا بولندیغنی ، بو
 سقوطک نتایجی اولدن حساب ایدرک ممالک عثمانیه یی تقسیم ایتمک لازم کله جکنی تکرار
 ایدوب طورور ؛ بعضاً ایسه تبدیل فکر ایدر ، روسیه نك بوقعه مهمه یه هنوز حاضر لتمامش
 اولدینی بیان ایدن وکلاسنک افکارینی قبول ایتش کی کورونوردی . برکون کندی
 مملکتدن بحث ایدرکن : « بو واسع ایمپراطورلقده ، توسیع حدودی دوشونمزدن
 اول یاپیله جق اوقدر چوق ایش واردرکه اوچ حکمداری مشغول ایده بیلیر . بوکون
 قسطنطنیه یه صاحب اولمق روسیه ایچون سبب اضمه حلال اولور . دیمشدی » بعضاً اوروپای
 وسطی حکومتلرینه بوقدر خدمت ایتدی ایضا ایتدکن صکره ماضیده کی موفقیتسنز لکلرک آجیسنی
 چیقارمق ایچون بویوک برایشه تثبیت ایده جک درجه ده کندی سنی قوتلی کورور ؛ بهضاً داوروپا
 دول بحریره سنه قارشى نتیجه سی مشکوک برتاشبده بولمق تهملک سندن قورقار ، بودولتیر

محافظه‌سنی ایستدی وشو سوززلره تعریض ایتمدی : « آکلاشیلان ، باب عالی فرانسه‌نک حمایه‌سنی قبول ایدیور . » بو جمله دولت‌علیه‌نک لهستان ملتجیلری مسئله‌سنده فرانسه وانگلتره دونم‌لرینه استناد ایدرک برنجی (نیفولا) بی بر هزیمت سیاسییه دوچار ایتسنک روسیه سرای حکمدار یسنجه نه قدر غرض وخصومتی دعوت ایتمدیکنی کوستریوردی . (چار) ، اخذنار ایتکم ایستوردی ؟ (آوروپا) ده حاضرانان اهل صلیبه مقابل بر اورتودوقس اهل صلیبی ترتیب ایتک وبوندن بالاستفاده ۱۸۴۱ معاهداتیله دوچار تزلزل اولان شرقده کی نفوذینی اعاده ایلمک فکرنده می بولتیوردی ؟

روس حکمدار لرینک کندی مملکتارنده هیچ بر قانون ایله تحدید ایلدین نهایتسز نفوذلرینه ، اداره مطلقه لرینه باقاندل روسیه ایمپراطورلنک مقدراتی چارلرک آرزوی ذاتیلرینه مربوط ظن ایدرلر . حال بوکه روسیه تاریخی دتله اوقونور ایسه کرک بحران ، کرک ترقی دوره لرنده حکمدارلرک حسابات وخطیأتندن بشقه بر قوتک ، مقاومت سوز بر نفوذ و تأثیرک (روسیه) بی احراز ایلدیکی موقع عظمته طوغری کوتوردیکی کوریلور . مدقق بر مؤلف ۱۸۴۳ سنه‌سنده بو نقطه‌بی شو سوززلره ایضاح ایتشدلر : « روسیه ایمپراطوری نا محدود بر قوت وصلاحیته مالک اولمقله برابر هر ایشده استنادکاهی وباشلیجه قوتی اولان تبه‌سنک افکار وحمیاسانه تبعیت ایتکه مجبوردر . »

روس قومی کندی قوتنه نا قابل تزلزل بر اعتقاد ایله کووه‌نیر ، حیثیت ملیه مسئله‌سنده پک قولای غلیانه کلیر ؛ بونک ایچون لهیلرک مغلوبیتلرندن وقاینه‌ارجه معاهده‌نامه‌سندن بری شرقده کی منافعنک محافظه وترقیسنه هر آن نکهمان اولیوردی . ۱۸۴۱ دن صوکره (روسیه) چارینه قارشی اتفاق ایدن آوروپا دولتلرینک توصیه‌سی وصدراعظم رشید پاشانک معاونت وهمتی ایله سلطان عبدالمجید تنظیمات خیریه‌بی ، کلخانه خط هایونی احکامنی خرسیتان تبعه‌سنه تطبیق ایدرک اصلاح مملکته چالشیدینی زمان خرسیتانلره عدالت و مساوات تأمین ایدن بو طرز اداره اورتودوقسلرک اووقاتلری اولان روسلره خوش کورونمندی ؛ روسیه حکومتی تنظیمات خیریه‌نک نیجه سنه‌لردن بری حائز اولدینی حق حمایه‌بی اخلال ایتدیکی اعاسنده بولندی .

فی الحقیقه تنظیمات خیریه روسلرک لندن اورتودوقسلری قاجیریور ، رقیب دولتلرک منافعی تأمین اییدیوردی . روسلر بورقیب دولتلرک ممالک عثمانیه‌یه التیجا ایدن (لهستان) امرای عسکریه‌سنی حمایه ایتدکلرینی کورنیجه - بر مؤلفک تعمیری وجهله - « حدتارندن قودوردیلر . » لاتینلرک مقامات مقدسه اوزرنده کی مطالباتی ، بومطالباته قارشی اورتو-دوقس کلیسائی رؤسائسنک اعتراضاتی غلیان افکاری درجه اعظمیسنه چیقاردی .

ایدیلن ، پاپار طرفیندن اداره اولسان اوروپادن بحث ایلوردی . بونلرک پروغراملری خیالندن عبارت اوله مازدی ؛ چونکه ۱۸۵۰ فرانسه مجلس معوثانی ورئیس جمهوری مناستر راهلرینه سربستی و حقوق قدیمه لرینی ، پایاه املاکنی اعاده خصوصنده تردا ایتدیله . پایالق مقامی ده قدسده بر بطریقک مقامی احداثه قرار ویردی .

بو احوال مقامات مقدسه یی قورتامق ایچون مناسب بر فرصت ایدی . قتولیک دینک دشمنلرینه قارشى یکی بر اهل صلیب سفری ترتیب ایتکه وقت پک مساعددی . او زمانک مؤلنلرندن بری ، (قتولیک آنسیقلو پدیسی) مؤسی ، (ددبا) و (ره ووده دوموند) محرری مجلس مبعوثانک قتولیک اعضاسنه خوش کورونمک ایچون رئیس جمهور طرفندن میدانه چیقاریلان بو مسئله دن بحث ایدرکن دیورکه : « بو مسئله یی عادى بر غوغا کی کوستر مه ملیدر . چونکه فرانسه نك دیننه ، اعتقاداتنه شدت تعلق واردر . فرانسه تاریخنک ائشانلی صحیفه لرینی خاطره کتیریور . فرانسه نك شان و شرفی ، سیاست مخصوصه سی ، عالم مدینتده حائر اولدینی موقع بو مسئله نك حل و فصلنه بزى مجبور ایدییور . » (لویی ناپولئون) مقامات مسئله سنی میدانه چیقاردینی زمان بونک اهل صلیبه حاجت قاله دن حل اولنه بیله جکنی امید ایتشدی . خارجیه نظری موسیو (دوتورغو) ایکی سنه دوام ایدن مذا کرادن صکره ، ۱۸۵۲ سنه سی اوائلنده « بو کی حادثانک مناسبات سیاسیه نك انقطاعنه سبب اوله میه جتنی » سویلیوردی . عثمانلیرک اورتودوقس ولاتین کلیسالی آرهنده حکم وظیفه سنی ایضا ایتلریله باشلایان بو « یکی اهل صلیبه » ترکر جدی بر شی نظریله باقیورلردی . صدر اعظم عالی پاشا هیچ معجه ایتهدن اعطای حکم ایتدی . قتولیکلره ، کندى حقوق و امتیازاتلرینی یوز سنه متروک بر حالده بر اقدقلری ایچون شمعدی ، اون سکزنجی عصرده اورتودوقسلرک ایستدکلی شیلره ، یعنی زیارت محللرینه کیره بیلمک و مقامات مقدسه دن مشترکاً مستفید اولمق حق ایله اکتفا ایتلری لازم کله جکنی بیلدیردی . ۹ شباط ۱۸۵۲ تاریخنده تسطیر ایدیلن بر فرمان ایله بیت اللحم کلیساسنک اوچ آناختارینی لاتینلره تسلیم ولاتین ره باننک مرقد مریمده اجرای آیین ایتلری حقی تصدیق ایلدی . (فرانسه) سفیری (لاولهت) پارسدن آلدینی امر موجینجه بونلره اکتفا ایتدی . مسئله نتیجه پذیر اولمش کی کورینیور ، (لویی ناپولئون) ک ارض مقدسه کی فرانسز قتولیکلرینک احوالی اصلاح ایتک صورتیه حادثه یی قپاتمش اولدینی ظن ایدیلیوردی ،

او صروده (روسیه) بردن بره درسعاتده صحنه سیاسیه کیردی ؛ (چار) برنجی (نیکولا) نك درسعات سفیری موسیو (دوتیتوف) صدراعظم پاشادن استاتوقو نك

داخلیه‌سی نقطه نظرندن حائز اهمیتدی . قتولیکلر ۱۸۴۱ تاریخندن اعتباراً غزته‌لرده ، مجموعه‌لرده اورتودوکسلرک امتیازاتنه اعتراض ایدیورلردی . فقط ۱۸۵۰ تاریخنده بو اعتراضات افکار عمومی‌ده درین بر تأثیر حاصل‌ایتدی ؛ فرانسرلرده حس‌دیانت‌اویانمش و حکومت ، افکار عمومی‌ه لاین رهباننک استرداد حقوقنه پک مساعد بر حاله‌کلشدی . ایشته فرانسرلرک نقطه نظرندن سالف‌الذکر نوط، نك اهمیتتی بو جهتده ایدی .

اوتوز سنهدن بری (فرانسه) ده یکیدن تشکیک ایدن جمعیات ره‌بنایه‌یه منسوب لاین راه‌باری غرب متعصب‌لرینک صدقه و اعانه‌لریله کسب قوت ایدرک شرقده مسلمانلره و اورتودوکسلره قارشی قتولیک کلیسایسینک توسیع حقوقنه چالیشمه‌باشلامشیر ، سوریه‌نک و آسیای صغرانک هر طرفنده میسیونر جمعیتلری تاسیس و مکتبلر ، مناسترلر ، خسته‌خانلر کشاد ایتمشیر ، پک آرزمانده برلی اهل‌لیدن یتیش‌دیردکلری ره‌بان دخی کندیلرینه انتحاق ایدرک تزید نفوذده موفق اولمشلردی . قتولیکلر ، لاین کلیسایسینک ششئه اقبال قدیمی اعاده امیدله پرشوق و سرور ایدیلر . باپالق مقامی شرقده کی میسیونرلرک نشریات و مساعی‌مئادیه‌لرنده امیددی فوقنده بر آلت استفاده بولدی ؛ خیل زماندنبری متروک و مه‌جور قالان ممالک عثمانیه‌ده کی میسیونرلری قتولیکلرک تشویق و معاونت‌لریله جدا‌الترامه باشلادی ، بر قاچ سنه‌ده بونلرک اهمیتتی فوق‌العاده آرتیردی . بر یکی اهل صلیبک مرتب‌لری ، رؤسای آوروبانک هر طرفنده و بالخاصه فرانسه‌ده ارباب تعصبک تشویقاتی ایله کوندن کونه یکی قوتلر بولیورلر ، تزید غیرته‌ده تصور ایتورلری . افکار عمومی‌ه مساعددی ؛ قتولیک مؤلفلردن بری دیوردی‌که : « فرانسه بو زمانه قدر قتولیک دینه ایتدیکی فنالقلاری تعمیر ایتدی . وقتله دین‌علمنده کوستردیکی خصوصت‌لره نسبت قبول ایتیه‌جک درجه‌ده فضله فضیلت ابراز ایلدی . وقتله قتولیکلری ازمک ایچون قوللان‌دینی اشخاصدن پک چوق فضله ذواتی شم‌دی قتولیک مذهبک تعالی‌شانی اوغورنده عسکر کی قوللان‌دی . فرانسه‌نک سایه‌سنده قتولیک مذهبی شم‌دی هر زمانکنندن زیاده خرس‌تیا نلق عالمنده حائز نفوذ و اعتباردر . »

اوزون مدت دوام ایدن بر دوره توقف و عطا‌التدن صکره بو قدر ترقی فرانسر قتولیکلرینک غرور ملیسینی اویاندیردی ، حسیات دینه‌سنی غلیانه کتیردی ؛ دین ایچون ، مملکت‌لرینک تعالی‌شان و شوکتی ایچون اجدادلری کی چالیشمق هوسنه دوش‌دیلر . ۱۸۴۰ تاریخندن صکره غزته‌لری ، مجموعه‌لری ، نظقلری هپ بوفکرلری محتوی ایدی . (لا‌قوردهر) حسیات دینه‌یی ته‌بیج ایدیور ، (مونت‌الانبر) و (فالو) قتولیکلرک تزید غیرت‌لرینه مدار اولمق اوزره قرون وسطاده ره‌بان طرفندن دائره مدینه اذخال

پادشاهلردن قطعی وعدلر آلمشدی ؛ حتی بو قاپیتولاسیونلرک ۳۳ نجی ماده سی قدسده مرقد مریمک ، بیت الاحمده مولد عیسا کلیساسنک ، قامه کلیساسنک ، (لاتین) قرالری مزارلرینک محافظه سی (لاتین) رهبانه عاقد اولدیغی ذکر و تصریح ایدیوردی . فقط قتولیک رهبانی ایله (فرانسه) نك بو امتیازاتی عهد قدیمه ایله تصدیق ایدلیدیکی حالدده اون سکزنجی عصر ظرفنده مقامات مقدسه یه پك آز قتولیک زواری کیتمشدی . بوکا مقابل اورتودوقس مذهبنده کی خرسیتیانلر ارض مقدسه سنندن سنه ده غلبه لک اوله رق کیدیورلردی ؛ باخصوص روسیه حکومتی قاینارجی معاهده نامه سیله اورتودوقس مذهبک حمایه سی و اورتودوقسلرک قدسی سر بستجه زیارتلری حقیقی استحصال ایتدکن صکره اورتودوقس زوارک عددی پك زیاده آرمشدی . او زمانه قدر مقامات مقدسه تک محافظ وصاحی عبد ایدیلن قتولیک رهبانی ، کلیسالی اورتودوقسلره قامش اولسه لر ایدی بالطبع ارض مقدس زیارتنک اهمیتی قالمزدی . فقط قتولیکلر اورتودوقسلرک زیارتلرینه مانع اوله مادقرندن بونلر مقامات مقدسه یه ، کلیسالر کیرمک ایچون آناختارلر تدارک ایتدیلر ؛ معبدلرده کندی مذهبلی اقتضاسنجه اجرای آیین حقیقی استحصال ایدیلر . بو صلاحیتی ، مساعدا تی اوقدر ای استعمال ایتدیلرکه ۱۸۰۸ سنه سننده ، بر یانغینده محترق اولان قاما کلیسائی - مصارف انشائییه کی کندیلری ویره رک - یکیدن یابدیلر ؛ ۱۷۸۹ تاریخندن اعتباراً آرتق « لاتین کلیساسنک بیوک قیزی » عنوان قدیمی غائب ایدن (فرانسه) نك اهل ایتدیکی مقساماتک قسم اعظمی ، کندی ماللری ایمش کچی ، تزین و توسیع ایتدیلر .

دولت علیه روملره وارمنیلره مقامات مقدسه یی زیات ، تعمیر و تزین حقیقی بالطبع برد ایتدی ؛ ۱۸۱۲ ، ۱۸۱۶ و ۱۸۲۹ ده بو حقی مصدق فرمانلر ویردی . بو یکی فرمانلر ایله الآن مرعی الاجرا اولان قاپیتولاسیونلرک احکامی آره سننده کی مفارقتی نظر دفته آلمدی ؛ عین کلیسارک ، مقاماتک ایکی مختلف مذهب اربانه ویرلسی ، لاتینلرک بستیون اخراجیله اورتودوقسلره تسلیمی امکان خارجنده بولندیغنه اهمیت ویرمدی . فی الحقیقه باب عالی ، لاتین کلیساسنک یارم عصر قدر عطالت ولاقیدی تام ایچنده وقت کچیردکن صکره اورتودوقسلرک مهاجمات دیانت پرورانه لرینه ، روسیه چارلرینک قوت و عظمتلرینه قارشى استرداد حقوق ادعا سننده بولنه بیله چکنه احتمال ویره مزدی .

(فرانسه) جمهوریتنک در سعادت سفیری جنرال (اوییق) ۲۸ مایس ۱۸۵۰ تاریخنده باب عالی یه اورتودوقس کلیساسنک امتیازاتی علینده بر نوطه ویردی . بو نوطه نك اهمیتی لاتینلرک ادعا ایتدکلیری حقوق نقطه نظرندن دکل ، (فرانسه) نك او زمانکی احوال

قبول ایتدیردی . اوچنجی (ناپولئون) ، (لوئی فیلیپ) کبی ، محافظه‌ صالح ومسالمت فکرنده بولندیغی دولتله تأمین ایتشدی .

درت دولت معظمه (ناپولئون) ك مواعد صلحپورانه‌سنی نظر دقته آلدقلمی و « استاتوقو » نك محافظه‌سنه‌دقت ایلمكده كافی‌السابق بردوام اوله‌جقلمی بیلدیردیلر [کانون اول ۱۸۵۲] . بوندن صکره ، اولا (انگلتره) ، بعده دیکر حکومتلرایمپراطورلنی تصدیق ایتدیله . فقط (چار) بین‌الحکمداران مستعمل اولان « برادر عزیزم » تعمیرینک (روسیه) سراینده یالکز عین درجه‌ده کی حکمدارلر آره‌سنده قوللاندیغی بیان ایدرک (ناپولئون) ه کوندردیکی مکتوبلرده « محب عزیزم » عنواتی استعمال ایتدی . (ناپولئون) ایمپراطورلنی تصدیق اولندقدن صکره دخی (اوروپا) حکمدارلری طرفندن عینی صورتله معامله‌یه مظهر اولدی . تأهل ایتک ایستدیکی زمان هیچ بر خاندان حکمداری ، حتی (وازا) ، (هوهنزولرن - سیغمارینکن) خاندانلری بیله قیز ویرمک ایسته‌مدی . (اسپانیا) نك قدیم زادکان غائله‌لرندن برینه منسوب (اوژه‌نی دوموتی‌بو) ایله ازدواج ایتدی [کانون ثانی ۱۸۵۳] .

هار رشوه‌ سنده‌سی [۱۸۵۲ - ۵۳] . ۱۸۵۱ سنه‌سنده فرانسه‌نك اءعالم ، بالخاصه مسائل شرقیه‌ده اء زیاده صاحب وقوف دیپلوماتلرندن بری ، موسیو (توونل) او زمانکی شرق بخراندن بحث ایدرکن : « میدانه چیقاردیقمز بو مقامات مقدسه مسئله‌سنك اهمیتی نه‌در ؟ بونی بر درلو اءلایه‌میورم . » دییوردی . بالا‌آخره (لوئی ناپولئون) ك خارجیه ناظری اولان (فرانسه) نك (لوندره) سفیری (واله‌فسکی) ده بو مسئله‌نك هیچ بر دکری اولدیغی انگلیزلره تکرار ایدوب طوریوردی .

فی‌الحقیقه نه (اوروپا) ده ، نه‌ده (فرانسه) ده هیچ‌کیسه ، علی‌الخصوص هیأت وكلا ارکانی بر عصردن بری بومسئله‌دن بحث ایتمه‌مش ، بحث ایدلدیکنی ده ایشیتمه‌مشدی . فقط ۲۸ مایس ۱۸۵۰ تاریخنده بر دوبره میدانه بر مقامات مقدسه مسئله‌سی چیقدی ؛ نتیجه‌ده ، اوروپا دولتلری آره‌سنده قرق سنه‌دن بری حکمفرما اولان صلح‌ومسالمت مختل اولدی ، اون طقوزنجی عصرک اءبیوک محاربه‌سی وقوعه کلدی . بر « کلیسا غوغاسی » شکلنده ظهور ایدن بو مسئله‌نك ماهیت حقیقیه‌سنی کمال دقتله تدقیقه چالیشانلر سبب ایله نتیجه آره‌سنده بیوک بر نسبتلرک کوردیلر .

۱۷۴۰ قایتولاسیونلری ایله ممالک عثمانیه‌ده مقیم لاتینلرک حامیسی اولان فرانسه کرك قدسه ، کرك قدس خارجنده بولنان زیارت محللارینك محافظه‌سنی ایچون

(دیت) مجلسنک (هولشتاین) و (هس) حقنده کی مقرراتنک (پروسیه) طرفندن موقع تطبیقه قومئنی طلب اییدیوردی . [مقصد ، هس قانون اساسیسنک الغاسی ایدس] . اوستریا رد ایتدی ، (چار) ده (اوستریا) طرفنی طوتدی .

یالکز قالمسندن تلاش ایدن (پروسیه) قرالی نهایت راضی اولدی ؛ (شوارچنبرغ) ایله ملاقات ایتک ایستدی ؛ (اولموچ) ملاقات مشهوره سی وقوعه کلدی ، که (پروسیه) نك هزیمت قطعیه سی دیمکدی [۲۸ تشرین ثانی ۱۸۵۰] . پروسیه مرخصی ترک سلاحی تعهد ایتدی بوکا مقابل بر قونفرانس عقد ایدیله چکی وعدنی آله بیلدی ، بو قونفرانس (درسد) ده اجتمع ایتدی و بر چوق ضبطنامه لر تنظیمندن باشقه بر نتیجه به منجر اولدی [۱۸۵۱] .

(پروسیه) نك تصور اتندن هیچ بر شی قلامش ، (آلمانیا) حکومتری (پروسیه) نك رجعت وهزیمتی کوردکلرندن پك چوق زمان بو دولتک (اوستریا) به مقاومت ایده میه چکنی ظن ایتشدردر .

فرانز ایمپراطورلنک نصریفی [۱۸۵۲] . — (فرانسه) ده ایمپراطورلنک اعاده تأسیسی دول معظمه جه حسن صورتله تلقی ایددی . — (چار) ، (ناپولئون) ك ضربه تغلبی تقدیر ایتکله برابر (ایمپراطور) عنوانی آلمسنه اعتراض ایتدی . — (اوستریا) حکومتی (لوئی ناپولئون) کی بر شخصه عینی موقعی بخش ایتک « قدیم حکمدار عائله لرینک حیثیت و عزت نفسنه مغایر کورونمکله برابر » ایمپراطور عنوانی قبول ایددی . — (انکلتره) ده (پالمستون) ضربه تغلبی تقدیر ایتدی ؛ حتی بوندن طولایی رفقاسی وقرالیجه (ویقتوریا) ایله کندی آره سنده اختلاف ظهور ایددی ؛ قرالیجه ، (پالمستون) ی مجلس وکلا مقرراتنه مخالف حرکت ایدیکندن طولایی تعیب ایتدی . — (پروسیه) قرالی ، (ناپولئون) ه متایل اولماقله برابر دیگر حکومتلرک اثرینه اقتضایه مجبور اولدی . ایمپراطورلنک اعلاقی ، (فرانسه) مسئله سنک تکرار ظهورینه سبب اولدی . ۱۸۱۵ و

۱۸۱۸ معاهداتی (بوناپارت) عائله سنی (فرانسه) تخت حکمدار یسندن صورت قطعیه ده تبعید ایتشدی ؛ بناءً علیه (ناپولئون) ك جلوسی بر « سبب حرب » ایدی . (ناپولئون) ك (ایمپراطور اوچنجی ناپولئون) عنوانی آلمسی متفقلرجه اصلا تصدیق ایدلمه مش اولان ایکنجی (ناپولئون) ی حکمدار مشروع عد ایتک دیمک اولدیغندن بو حال ، معاهدات احکامنک اخلاقی مسئله سنی بر قات دها وخیم بر شکه وضع اییدیوردی . فقط (فرانسه) ده جمهوریتدن بشقه بر حکومتک تأسسنی کورمک آرزوسی حکومتلره یکی ایمپراطورلنی

برقانون اساسی ویرن (پروسیه) قرالندن نمون اولیان (نیقولا)، (دانیمارقه) قرالنه
متمایلدی ومع مافیه (اوستریا) ایله (پروسیه) آره‌سنده محاربه‌یه مانع اولمق ایسته‌یوردی ؛
۱۸۱۵ معاهداتنه صادق قاله‌جق طرفی التزام ایده‌جکینی بیان ایتدی .

(برلین) قونفرانسی دو‌قه‌لقلم مسئله‌سنی حل وفصل ایده‌میوردی . (انکلتره)
و (فرانسه) ، اختلافه ختام ویرلمسنی طلب ای‌دیورلردی [۶] . برصورت تسویه‌یه ربطی
ممکن اولیان بو مسئله‌ده بتون دولتر ۱۸۴۸ دن اولکی حاله عودت ای‌دلمسنه متمایل
بولنیورلردی . دولترک افکارندن تلاش ایدن (پروسیه) قرالی دو‌قه‌لقلمده کی آلمانری
ترک ایتمکه قرار ویردی ، (برلین) . قونفرانسی (لوندره) یه نقل ای‌دلدی ؛
(انکلتره) ، (فرانسه) و (روسیه) ، (دانیمارقه) قراللغنیک تمامی ملکیتنک
محافظه‌سنی تعهد ایتدیلر و بو صورتله دو‌قه‌لقلم مسئله‌سنی بر (اوروپا) مسئله‌سی شکلنه
قویدیلر [۲ اغستوس] ه بالا‌خرده وراثت مسئله‌سنی دو‌قه‌لقلم (دانیمارقه) ایله
اتحادی لهنده حل ای‌دیلر [۱۸۵۲] .

بعده (اوستریا) ، (اتحاد) مسئله‌سیله صورت جدیده اشتغاله باشلایه‌رق (ارفورت)
قانون اساسینک لغا ای‌دلیکنی اعلان ایلمسنی (پروسیه) قرالندن طلب ایتدی . قرال ،
قانون اساسینک غیر قابل تطبیق اولدیغنی اعتراف ای‌لدی ، فقط بونی بسبتون ترک ایتمک
ایسته‌مدی . (شوارچنبرغ) اوستریا اردوسنی حال سفر بری‌یه وضع ایتدی ؛
(وورتمبرغ) (باویرا) قراللری (پروسیه) عامینه (اوستریا) ایله اتحاق ای‌دیلر ؛
اوج حکمدار آره‌سنده وقوعه کلن ملاقاته‌حر بحیوانه بر نطق ایراد ای‌دلدی [تشرین اول] .
(پروسیه) حکومه‌تته بری صلحک محافظه‌سی ، دیکری عسکرک حال سفر بری‌یه
وضعی طرفنداری اولمق اوزره ایکی فرقه واردی . قرال ، اول امرده هیئت وکلانک
اکثریت آرا ایله محافظه‌صالح و مسانته قرار ویرمسنه مساعدنه ایتدی [ولی عهد پرنس
ویلهم اقلیت طرفنده ایدی] ؛ بعده ، (اوستریا) عسکرینک (باویرا) یه کیردیکینی
خبر آ‌دلیغندن اردونک حال سفری‌یه وضعی امر ای‌لدی [۵ تشرین ثانی] . محاربه
باشلانجه‌جق ظن اولندی ، حتی برده مصادمه وقوعه کلندی . (شوارچنبرغ) . (پروسیه)
عسکرینک کری‌یه چکیلمسنی طلب ایتدی . قرال راضی اولدی ؛ بعده «اتحاد» مسئله‌سنده
(اوستریا) نک آرزوسنه موافقت ای‌درک بو اتحادک طاغیدلینتی اعلان ای‌لدی . یالکز ،

[*] ناپولونک (پروسیه) و (اوستریا) آره‌سنده کی اختلافدن استفاده ایچون وقوع بولان
تشیقاتی ، (پرسیینی Persigny) نک ۱۸۴۹ ده کی سفارت فوق‌العاده‌سی ، ۱۸۵۰ ده (پروسیه)
سفریله جریان ایدن مکالمات عقیم قالدر .

اعاده سی (مجار) اردوسيله وقوعه کلن محاربات اوزرینه ممکن اوله بیلدی . (مجار) لرك بالاخره ینه غلبه لرندن قورقان (آوستریا) ، روسیه (چار) ینه مراجعت ایتدی . روس اردولری (مجارستان) ی یکیدن ضبط ایدیلر .

(نيقولا) حكومات مشروعه نك اعاده تاسیسی فكرینك اك شدتل طرفدارى ایدی . (پالمستون) ایسه انقلاب طرفدارى و وطنپرورانك حامیسی ایدی . ۵۰۰۰۰۰ (مجار) ممالك عثمانیه به التجا ایتشدی ؛ (آوستریا) و (روسیه) بونلك تسلیمی طلب ایدیورلردی . (پالمستون) ، پادشاهی جواب رد اعطاسنه تشویق ایتدی ؛ مناسبات دیپلوماتیقیه یی قطع ایدن ایکی امپراطورك تهدیدانسه رغماً (مجارلر) لرك تسلیم ایدلیوب حدود خارجه چیقارلقه اکتفا ایدلسنه موفق اولدی ؛ پادشاه ، اوتوز قدر (مجار) ی تویف ایتدی ؛ (پالمستون) ایکی سنه قدر مذاکرات و مخبر اتدن صکره بونلری تخلیه ایتدردی . — (انکلتره) ، (ناپولی) قرالنی داخلنده کی جرائم سیاسیة محکوملرینه ایدیلان سوءمعاملاتی دخی پرواستو ایتدی .

آوستریانك روسیه تمایلی [۱۸۵۰] . — (ایتالیا) و (مجارستان) ده مشغول اولان (آوستریا) ، (المانیا) امورینك (پروسیه) قرالی طرفندن اداره ایدلسنه راضی اولشدی ؛ پروسیه قرالی عصیانلری بر طرف ایتمش ، (اتحاد) ی وجوده کتیرمش [پروسیه بحثه مراجعت] ، دو قه لقر مسئله سی اله آلمشدی . فقط (آوستریا) ایله (روسیه) (پروسیه) نك وجوده کتیردیکی تشکیلاتی محو ایدرک حال سابقی اعاده خصوصنده متحدالفکر ایدیلر . (پروسیه) قرالی حسیات متضاده آره سنده قالدی : آلمان وطنپرورلکی سائقه سیله دو قه لقرده کی آلمانلری طوتیور ؛ (آوستریا) نك محو ایتدیکی « اتحاد » ی ده محافظه عزت نفس ملاحظه سیله التزام ایدیور ، فقط سکومت مشروعه فکرینه اولان رعایتدن طولایی حکمدارلری علیه عیسان ایدن تبعه امورینه وشورای امتك قبول ایتدیکی قانون اساسی مسئله سنه مداخله ایتیوردی . (اتحاد) قانون اساسی نك تبدیلی فکرینی قبول ایدیور ، لکن بوتعدیلاتك طاعیلمش نظریله باقدینی (دیت) مجلسنجه دکل ، (پروسیه) و (آوستریا) آره سنده عقد ایدیله جك بر قونفرانس نتیجه سنده اجراسنی ایتیوردی . آوستریا حکومتی (دیت) مجلسنه مراجعت ایتدی ؛ (پروسیه) یه یالکز باشنه اعلان حربی آرزو ایتیور ، (روسیه) یی المان حکومتلری ده (پروسیه) علیه سوق ایتمکه چالیشیوردی .

(شوارچنبرغ) ك ، « پروسیه یی ضعیفتمك ، بعده ییقمق » قول مشهوریله خلاصه ایدیلان ، سیاسی (پروسیه) قرالنی حکومت مطلقه نك اعاده سی عیابنده بولمغه مجبور ایدرک (چار) ایله آراسی بوزمغه چالیشمقدن عبارتدی . تبعه سنه : حاکمیت عامه قاعده سنه موافق

جمهوریت تاسیس ایتدیلر [شباط ۱۸۴۹] ؛ ساردنیا حکومتی ده بو وسیله دن استفاده ایدرک تکرار حرکات حربیه باشلادی . فقط (اوستریا) اردوسی (ساردنیا) اردوسنه هجوم ایتدی . ۱۸۴۹ سنه سی مارتنده وقوعه کلن بر محاربه (ساردنیا) اردوسی طاغیدوب طلب صلحه مجبور ایتمک ایچون کافی کلدی . — (اوستریا) ایتالیان جمهوریتلرینک قالدیرلسنی طلب و (طوسقانه) جمهوریتنک ازاله‌سنی بالذات تعهد ایتدی . — (روما) ایچون دولترک مداخله‌سی خیلن زمان صکره وقوعه کلدی ؛ قاتولیکلر حکومتلر مداخله‌نک هانکی دولت طرفندن اجرا اولنه‌جقنی مذاکره ایدیورلردی ؛ نهایت (فرانسه) ، (اوستریا) اردوسنک حرکات حربیه‌سنی توقیف ایتمک وظیفه‌سنی درعهده ایلدی [اون برنجی بابنه مراجعت] . فقط مجلس ملینک اکثریتی (پاپا) نک اعاده حکومتنی ایستیور ، رئیس جمهور ایسه (روما) نک اهالیسنک موافقتیه (پاپا) حکومتدن تخلیضی آرزو ایدیوردی ؛ مجلس ملی ایله رئیس جمهور آره‌سنده کی اختلاف یکدیگرینه ضد حرکات عسکریه اجراسنه سبب اولدی . (ایتالیا) یه کوندیریلن فرانسنز اردوسی قره‌یه چیقارکن (اوستریا) نک مداخله‌سنه مانع اولمق ایچون کلدیکنی اعلان و (روما) جمهوریتی عسکرلریله عقد رابطه‌ اخوت ایتدی ؛ فقط (روما) یی مسدود بولدی ، ناکهانی بر هجوم ایله شهره کیرمک ایستدی ، موفق اوله‌میه‌رق کری‌یه چکیلدی . بونک اوزرینه (ناپولی) ، (اسپانیا) ، (اوستریا) اردولری (پاپا) نک امدادینه کلدیلر ؛ اوستریالیلر (رومانی) قطعه‌سنی اشغال ایتدیلر . (فرانسه) سفیری [دوله‌سپس de esessps] رومالیلرله بر صورت تسویه بولمق ایچون مذاکره‌یه کیریشدی [۳۱ مارت] ؛ فقط (فرانسه) حکومتی بو صورت تسویه‌ینی قبول ایتدی ؛ مقداری تزید ایدیلن فرانسنز اردوسی نهایت (روما) یی محاصره و محصورینی تسلیمه مجبور ایتدی . حل سابق تماماً اعاده اولندی ؛ رئیس جمهور (لوئی ناپولئون) عدم عنونیتی غزته‌لرله نشر ایتدیکی بر مکتوبده بیان ایلدی .

(آلمانیا) ده حاکمیت عامه طرفدارلریله حکومتلر آره‌سنده کی اختلاف برعصیان‌شکلنی آلدی ؛ (پروسیه) قرالی سلاح قوتیه (باد) و (ساقسونیا) ده مطلقیت اداره‌ینی اعاده ایتدی ؛ شورای امت طاغیلدی . متارکه‌نک ختامنده دوقه‌لقلر مسئله‌سی تکرار میدانه چیقدی ؛ فقط (پروسیه) قرالی بو محاربه‌دن اوصانمشدی ، مذاکراتک اداره‌سنی درعهده ایلدی ؛ مذاکره‌یه مأمور قونفرانس (برلین) ه نقل ایلدی ، فقط آره‌ده ائتلاف حاصل اولمیدیندن متارکه عقیده اکتفا اولندی .

انقلاب نتیجه‌سنده بر جمهوریت تشکیل ایدیلن (مجارستان) ده حکومت مطلقه‌نک

کندی آرلرنده ائتلاف حاصل ایتدیلر ؛ بر متارکه عقد ایدلدی ، (بروکسل) ده بر قونفرانس عقدینه قرار ویرلدی ؛ فقط مظفراولان (اوستریا) اراضی ترکنه راضی اولدی ومذاکرات نتیجهسز قالدی . — (انکلتره) دخی (سیچلیا) دهکی تبعهسیله محاربه ایتمکده اولان (ناپولی) قرالی عقد متارکهیه مجبور ایلدی [ایلول ۱۸۴۸]

(آلمانیا) ده انقلاب ، شورای امتملینک اجتماعنه ویکي بر ایمپراطورلق حکومتک تأسیسنه منجر اولدی [اون ایکنجی بابه مراجعت] . فقط حکومت جدیده ، نه (آلمانیا) نک اتحاد تجاریسنه دشمن اولان (انکلتره) ، نه (آلمانیا) نک آنجق حاکمیت عامه قاعدهسنه مستند بر قانون اساسی ایله اتحادینی ایستین (فرانسه) ، نهده هر درلو انقلابک دشمنی اولان (چار) طرفندن تصدیق ایدلدی .

(شلزیغ — هولشتاین) دوقهلقری داخلندهکی انقلاب ، اول امرده محله منحصر قالدی ، بر آلمان حکومتک تأسیسنه سبب اولدی ونهایت دانیمارقه لیلرله آلمانلر آرهسنده محاربهینی انساج ایتدی ؛ دوقهلقردهکی آلمانلر اولا ، آلمان کولکلورینک ، بعده (پروسیه) عسکرینک معاونتارینه نائل اولدیلر . شمال حکومتلری (دانیمارقه) قرالغنی محافظه ایتک ایستوراردی ؛ (انکلتره) قوتلی بر آلمان دونماسنک وجوده کلسنه مانع اولمق ایچون ، روسیه (چار) ی انقلابه دشمن و (دانیمارقه) قرالنک اقرباسی بولندیغی ایچون بو حکومتک موجودیتنه لزوم کورییورلردی . (انکلتره) ، (روسیه) و (اسوچ) حکومتلری (لوندره) ده بر قونفرانس عقد ایدرک طرفینی متارکهیه مجبور ایتدیلر وموقت بر صورت تسویه بولدیلر [اون سکزنجی بابه مراجعت]

مکومات مطلقه نک اعاده تأسیسی [۱۸۴۹] . — ۴۸ انقلابندن اک زیاده

صارصیلمش بر حکومت اولان (اوستریا) ارتجاع عسکری ایله حکومات سائرهبه نمونه امتثال اولدی ؛ پرنس (شوار چنبرغ) ، (اوستریا) سیاستی ید ادارهسنه الهرق انقلابیرورانک وجوده کتیردکلری شیرلی تخریبه چالیشدی .

حکومت مطلقه ایلك اوکجه (اوستریا) ده یکیدن تأسس ایتدی [تشرین اول ۱۸۴۸] ؛ بعده (پروسیه) قرالی کندی مملکتنده مطلقیت ادارهینی اعاده ایلدی . [کانون اول ۱۸۴۸] . — مجارستان عصیانی [اون اوچنچی بابه مراجعت] وپروسیه قرالنک تحت ریاستنده بر آلمان ایمپراطورلغی وجوده کتیرمک ایچون وقوع بولان تشبث [اون ایکنجی بابه مراجعت] مطلقیت اداره نک اعادهسی خصوصندهکی مساعییه بر آرهلق مانع اولدی .

(ایتالیا) ده جمهوریت طرفدارلری فرصتدن بالاستفاده وسطی (ایتالیا) ده بر

(اوروپا) سیاستنی قارمه قاریشیق ایتدی . (فرانسه) ایله محافظه کار حکومتلر آره‌سنده کی ائتلاف بر دنبره بوزولدی ، (اوستریا) و (روسیه) سرستی^۲ حرکاتدن محروم اولدی . یالکز (انکلتره) و (روسیه) سرستی^۲ حرکتلرینی محافظه ایتدیلر و بوندن بالاستفاده وقایع سیاسییه حاکم اولدیلر .

برآره‌لق (فرانسه) جمهوریتکینه محاربه‌یه باشلایه‌جی ، افکار جمهوریتپرورانه‌یی ممالک ساره‌ده نشره‌چالیشه‌جینی ظن اولندی ؛ (پارس) ده (ایتالیا) و (لهستان) مورینه مداخله ایدلسی ایچون نمایشلر یاپوردی . فقط حکومت موقته صاحب و مسالمتک محافظه‌سنه قرار ویرمش و (لامارتین) بوقراری بر بیاننامه رسمی ایله بتون (اوروپا) یه بیلدیرمشدی . [۵ مارت] مع‌مافییه حربیجویانه نمایشلر دوام ایتدیکندن [۱۵ مایس] عصیانی لهستانه مداخله‌یی طلب ایچون وقوعه کلهشدی . اوروپا انقلاب‌پرورانی (فرانسه) انقلاب‌پرورلرینک یکی بر انقلاب نتیجده‌سنده رأس کاره کچرک کندیلرینه معاونت ایده‌جکلری امیدندن ینه فارغ اولمدیلر .

(کیزو) نک سقوطندن ممنون اولان (پالمستون) جمهوریتی طانیدی ؛ دیکردولتله جمهوریت علیهنده اتخاد و تدابیر ایچون ائتلاف حصوله کتیرمه‌که وقت بوله‌مدیلر . (اوستریا) ، (ویانه) شهرنده و (لومباردییه — ونديک) ده ظهور ایدن انقلاب ایله مشغول اولدی [مارت] . (ساردونیا) حکومتی ایلك دفعه اوله‌رق ایتالیان ملیت پروراننک تشویقاتنه تابع اولدی . و (اوستریا) یه هجومه جرأت ایتدی ؛ (میلان) عصیانندن صکره (ساردنیا) اردوسی اعلان حربیه لزوم کورمکمزین (لومباردیا) یه کیردی [نیسان] . (مترنیخ) ی موقع اقتداردن دوشورمش اولان (اوستریا) حکومتی (پالمستون) ه مراجسته متفق اولان (ساردنیا) یی حرکات حربیه‌دن منع ایلمسنی طلب ایتدی ؛ بونک اوزرینه (پالمستون) (اوستریا) ایله (ایتالیا) حکومتلری آره‌سنده حکم وظیفه‌سنی ایفا ایلدی .

(اوستریا) حکومتی اعتدال دم ایله حرکتیه باشلا‌دینی زمان (راده‌چکی) نک قومانداسی آلتنده‌کی اردو — که قلاع اربعه‌یی محافظه ایتمش و ۲۰۰۰۰۰ کشی ایله تقویه ایدلمشدی — حرکات تجاوزه‌یه ابتدار ایلدی ، (ونديک) شهری مستثنا اولمق اوزره بتون (ونديک) ایالتی یکیدن اشغال [حزیران] وبعده (ساردنیا) اردوسنه هجوم ایتدی . ۲۵ تموزده وقوعه کلن (کوستوچا) محاربه‌سی حرکات حربیه‌یه نهایت ویردی ؛ (ساردنیا) اردوسی رجعت ، (اوستریا) اردوسی بتون (لومباردیا) یی اشغال ایلدی . (ساردنیا) ، (فرانسه) و (انکلتره) دن امداد ایستدی ، بو ایکی حکومت توسط ایچون

ایچون مجلسك قرارندن اول مشترك المال برنوطه ویرلمسنى تكلیف ایتدی ؛ (کیزو) بوکا راضی اولدی و (اسویچره) دهکی سفیر واسطه سیله ۱۸۱۵ معاهداتنک ماهیتی حقدنه بعض مطالعاتده بولمقله اکتفا ایلدی . (پالمستون) بوفرستدن بالاستفاده درت دولتی آلداتدی . مداخله یی رد ایتدی ، فقط مذاکراتی اوزاتدی واسویچره (دیت) مجلسنه خفیاً خبر کوندره رک چابوق حرکت ایتسنی توصیه ایتدی . دولتر صالحی محافظه ایچون مشترك المال برنوطه تحریر ایتدکلی صروده (اسویچره) محاربه یه قرار ویردی [۴ تشرین ثانی] . (پالمستون) بر آردا وقت قزائمق ایچون دیگر بر پروژه تکلیف ایتدی ، دولتر بونی قبول ایتدی ؛ (پالمستون) دخی (کیزو) نک پروژه سنی قبول وامضادن امتناع ایلدی و (انکلتره) نک (اسویچره) سفیری جنرال (دوفور) ه محاربه یی چابوق بیتیرمسنى توصیه ایتدی . الحاصل مشترك المال نوطه واصل اولدینی زمان محاربه ختام بولمشدی [اون ایکنجی بابه مراجعت] .

بیطرف قالمش اولان (نوفشاتل) قانتونی (دیت) مجلسی طرفندن جزای تقدی اعطاسنه محکوم اولدی ؛ بعده بر انقلاب یاهرق (روسیه) والیسنى طرد و بر جمهوریت تشکیل ایتدی [۱۸۴۸] . روسیه قرالی شدتله پروتستو ایدرک حکومتلرک مداخله سنی طلب ایلدی ، نهایت قرار قطعینک بر قوتنرانسه تعلیقنه راضی اولدی . ۱۸۴۸ انقلابی بومستله یی ناتمام بر حالده بر اقدی .

۱۸۴۸ انقلابی — انقلابر ، ۱۸۴۷ دن اعتباراً (اسویچره) ده ، ۱۸۴۸ سنه سی کانون نانیسنده ده (سچلیا) ده باشلامشدی . فرانسمز انقلابی ایلک انقلاب دکلدی ؛ فقط هر مملکتده حاکمیت عامه و ملیت طرفدارلرینک حرکات عمومیه سی ایچون نمونه امتثال اولدی . انقلابیورانی تأدیب و تنکیل صنعتنده هنوز تجربه سز اولان حکومتلر (انقلاب) کله سنک اسرار آلود قوتندن قورقیدیلر ، اعتدال دملرینی غائب ایتدیلر ، پک آزمقاومت کوستردیلر (اوروپا) نک منتهای غربنده بولنان (انکلتره) ، (اسپانیا) ، (پورتگیز) ایله (اسوچ) ، (نوروچ) و (روسیه) مستثنا اولمق اوژره (اوروپا) نک بوتون حکومتلرنده حرکات انقلابیه مشاهده ایلدی . — (باجیقا) ، (په یی با) و (دانمارقه) ده انقلاب انتخاب اصولیه قانون اساسینک اصلاحندن عبارت بر شکل صلحچورانه آلدی . — (فرانسه) ، (اوستریا) ، (روسیه) ، (المانیا) ، وسطی (ایتالیا) ده داخلی بر انقلاب وقوعه کلدی . — شمالی (ایتالیا) ده ، (شلزویغ — هولشتاین) ده ، (مجار - ستان) ده محاربات ملیه شکنده تظاهر ایتدی .

انقلاب ، اوج حکومت مرکزیه نک احوال داخلیدلرینی دیکشیدیرمک صورتیه بتون

سوزینی تکرار ایدیور و (ایتالیا) بی متعدد حکومت مستقله آیرمش اولان ۱۸۱۵ معاهداتی محافظه ایتمک ایسته‌یوب ایسته‌مدکاری دولتردن صوریوردی . (پالمستون) ایتالیان حکمدارلرینک حق حاکمیتی ، اجنیلر طرفدن ممانعت ایدلمکسزین کندی مملکتلرنده اصلاحات اجرایی صلاحیتی تأمین ایدیکنی وعمومک خشنودسزلنی تسکین وازاله ایچون اصلاحاته لزوم اولدینی ، حتی ناپولی ده اصلاحات اجرایی ایچون (اوستریا) نك اعمال نفوذ ایلمسنی طلب ایتدیکنی جواباً بیلدیردی [۱۲ اغستوس] . ایتالیان حکومتلری (اوستریا) نك سلاح ایله مدافعه ایچون برهانه به انتظار ایتدیکنه قانع اولدیلر؛ (پالمستون) حکومتلرک بوظنلرندن خبردار اوله‌رق (انکلتره) نك دوستلنی (ساردنیا) قرالنه تأمین ایچون لورد (میتو) بی سفارت فوق‌العاده ایله (ایتالیا) به کوندردی [تشرین اول ۱۸۴۷] و (پاپا) (ساردنیا) ، (طوسقانه) آره‌سنده کمرک معاهده‌نامه‌سی عقدی ایچون مذاکره به کیریشدی ، (ناپولی) قرالنی متارکه به مجبور ایدرک (سچیلیا) دهکی محاربه داخلیه نهایت ویردی . (انکلتره) حکومتی (اوستریا) حکومت مطلقه‌سنه قارشی ایتالیا-حامارک‌یسی صفتی طاقمشدی .

اسویجره مسئله‌سی [۱۸۴۷ - ۴۸] . ۱۸۱۵ معاهداتی (اسویجره) قانون اساسیسی تحت تأمینه آلمشدی ؛ بالاخره فرقه مغرطه قانونک تعدیلنی تکلیف ایتدی ، بوتکلیف دول متفقه نك قرارلرینی بوزمق دیمکدی [طقوزنجی بابه مراجعت] ؛ فرقه نك حاکمیت عامه قاعده‌سنه مؤسس اولان سیاست داخلیه‌سی حکومتلری اندیشه به دوشور - بیوردی . (پروسیه) قرالی (اسویجره) نك برجمهوریت متفقه تشکیل ایتمسه مانع اولمق ایستیور ، چونکه بوشکل حکومتی ، حائز اولدینی (نوفشاتل) پرنسلیک حقوقیه غیرقابل تألیف بولیوردی .

(اوستریا) ، (پروسیه) و (فرانسه) ۱۸۴۵ سنه‌سندن بری انقلابه مانع اولمق و «زوندربوند» ی حایه ایتمک لزومنه قانع اولمشلردی ؛ فقط بوبابده نه کبی وسائطه مراجعت ایدلمسی لازم کله چکنه دائر آره‌لرنده ائتلاف حاصل اولمامشدی : (مترنیخ) سلاح ایله مداخله ایدلمسی ، (کیزو) ، محافظه‌کار ویا افراطیون ، بتون اسویجره لیلرک حیثیت ملیه لری جریحه دار ایتمک قورقوسیه صلحچورورانه برتضیق اجرایی تکلیف ایدیوردی .

(کیزو) مداخله ایچون محاربه به انتظار اولمسنی و ۱۸۱۵ معاهداتنک امضالری بولنان بتون دولترک ، (انکلتره) دخی داخل اولمق شرطیه ، مشترکاً حرکت ایتلرینی ایستیوردی . (فرانسه) سفیرینی یالکز باشنه حرکتدن منع ایتدی . (دیت) مجلسی (زوندربوند) ک فسخنه قرار ویرمکه حاضرلندینی زمان (مترنیخ) مبعوثلری قورقوتقی

قراقوری مسئله سی [۱۸۴۶] . — متفکر ، ۱۸۱۵ ده ، (لهستان) ك (قراقووی)
 قطعه سنده بر (سناتو) ایله اداره اولنور بر جمهوریت خواص تشکیل وبو حکومتی
 (آوستریا) نك تحت نظارتنه وضع ایتمشردی . (لهستان) قرالینك محو اولمسی اوزربنه
 (قراقووی) ، له حرکات ملیه سنك مرکزی اولدی ؛ (له ملتی جمعیتی) نامیله بر جمعیت
 تشكل ایتدی وبونك بتون (له) مملکتلرنده شبهه لری آچیلدی [۱۸۳۱] .

(له) وطنپرورلری (لهستان) ك هم (پروسیه) ، همده (آوستریا) کبی
 قسملرنده اهالی پی عصیان ایتدیرمکه قرار ویردیلر . فقط (پروسیه) ضابطه سی
 ترتیبات واقعه دن خبردار ارله رق رؤسای توفیق ایتدی ، عصیانی آنجق
 (غالیچیا) ده وقوعه کلدی . قراقووی (سناتو) سی آسایش وانتظامك محافظه سنی
 تکفل ایده جکنی بیان ایدیوردی ، (اوستریا) ، (سناتوی) طوتمق ایچون عسکر
 کوندردی . وطنپرورلر عصیان ایتدیلر ، اوستریالیلری قوغدیلر ، برحکومت موقته
 تشکیل ایلدیلر [شباط ۱۸۴۶] ؛ برحکومت طرفدن بر بیاننامه نشر ایلدی .

بر آرز صکره (اوستریا) اردوسی قوه کله ایله تکرار مملکته داخل اولدی ؛
 (اوستریا) ، (روسیه) و (پروسیه) حکومتلری (قراقووی) جمهوریتی اورته دن قالدیرمق
 ایچون ائتلاف ایتدیلر . (مترنیخ) ، جمهوریتك (اوستریا) یه الحاق ایلدیکنی اعلان
 ایلدی [۶ تشرین ثانی] وبونك سببی ایضاح ایدرکن (قراقووی) نك موجودیت
 سیاسی سنی کندی اللریله محو ایتدیکنی و بناء علیه ذاتاً تابع اولدینی (اوستریا) عودت
 ایلدیکنی بیان ایتدی . (انکلتره) و (فرانسه) ۱۸۱۵ معاهداتی نامنه پروتستو
 ایله اکتفا ایلدیلر .

پورتگیز رایتالیا اموری [۱۸۴۷] . — (لوتی فیلیپ) ، (اسپانیا) ازدواج لری
 مسئله سندن صکره شرق حکومت مطلقه سنه ده ا زیاده تقرب ایتدی ؛ یالکز قالان انکلتره
 حکومتی ، دول سائر نك مسلکی خلافتنه اوله رق ، یالکز باشنه حرکت ایتمکه باشلادی .
 محازبه داخلیه یه ختام ویرمک ایچون (پورتگیز) امورینه مداخله ایتدی . شورای
 امت ، عدم مداخله قاعده سنی اخلال ایتدیکی ایچون آز قالسون (پالمستون) ی توبیخ
 ایده جکدی . (پالمستون) (ایتالیا) حکمدارلرینه اصلاحات اجرایی توصیه ایتمک
 صورتیه . حرکات احرارانه و ملیه پی تشویق ایچون (ایتالیا) ایشلرینه ده مداخله
 ایتدی [اون برنجی بابه مراجعت] . (مترنیخ) ، (اوستریا) یه آچقندن آچقه خصمانه
 اولان بوحرکتدن تلاش ایدرک دول اربعه معظمه یه برنوطه کوندردی [۷ اغتوس] ؛
 بونوطه ده قول مشهورینی ، « ایتالیا ، جغرافیایه عائد بر تعیردن بشقه برشی دکدر »

خاندانندن بر پرنس ایله ازدواج ایتمسینه و قرالیچه‌نک بر ارکک اولادی دنیسایه کلدکدن صکره دوق دو (مونپانسیه) نک (انفانت لوئیز) ایله اولنسنه قرار ویردیله [۱۸۴۵].
قرالیچه‌یه زوج اولوق اوزره‌ایکی یکننندن بری تکلیف اولنیوردی: فرانسه، (فرانسوا داسیس) ی، انکلتزه بونک برادری (هانری) پی مناسب کورمکنده ایدی. قرالیچه‌نک والدهسی (قریستین) بدناً و فکرأ ضعیف اولان (فرانسوا) پی استحقار ایدیور، (هانری) دن ایسه ترقی‌پورران ایله متفقاً حرکتدن طولایی نفرت ایلوردی؛ دیگر بر (اوروبا) لی پرنس بونلرک ایکیسنه ترجیح ایتمکنده ایدی. ایکی حکومت سریمأ بر قرار اتخان ایمی ایچون (قریستین) ک تصدیقی مناسب کوردیلر.

فقط (فرانسه) و (انکلتزه) نک (مادرید) سفیرلری و یکدیگرینک رقیب و خصم شخصیتی اولان (بره‌سون) ایله (بولوور Bulwer) تشبثات متقابله‌لرینی حکمسز براققه چالیشورلردی. (بره‌سون)، (قریستین) ی ایکی قیزی ده بردن اولندیرمسی ایچون تصدیق ایدیور؛ (بولوور)، (انفانت لوئیز) ک ازدواجنه مانع اولنهو [ایزابل] ایچون (قوبورغ) خاندانندن بر پرنسی زوج اوله‌رق قبول ایتدیرمکه غیرت ایلوردی. (قریستین) بو پرنسک پدرینه ازدواج ایچون خبر کوندردی (میس ۱۸۴۶). (کیزو)، (بوربون) پرنس‌لرینک تأهل‌لرینه ممانعت ایدیلرسه (فرانسه) نک (مونپانسیه) ایچون ایستدیگی حرکتده سربست اولدینی بیلدیردی؛ (آردین)، (بولوور) ک مسلکینی تعقیب و کیفیت (کیزو) یه اخبار ایتدی.

فقط (توری) هیئت و کلاسی سقوط ایتدیکنندن [حزیران ۱۸۴۶] پالم‌رستون انکلز سیاستنک اداره‌سنی درعهده و مسئله‌نک وضعیتی تبدیل ایتدی: اوچ نامزد، یعنی (ایزابل) ک ایکی یکنی ایله بر (قوبورغ) پرنسی قبول ایده‌جکنی، فقط (اسپانیا) حکومتک بر حکومت مستبده اولوب وکلانک قریبأ قانون اساسی پی قبول ایتلری لازم کله‌جکنی بیلدیردی [۱۹ تموز]. (لوئی فیلیپ) ۱۸۴۵ مقاله‌نامه‌سنک مفسوخ اولدینی بیان ایلدی. (بره‌سون)، اولجه، حکومت متبوعه‌سندن تعلیمات آلمقسزین، قرالیچه‌نک (فرانسوا) و (انفانت) ک (مونپانسیه) ایله ازدواج‌لرینی تأمینه چالیشمشدی؛ (فرانسه) سفیرک بو حرکتی قبیح ایده‌جکی یرده مذاکراته دوام ایچون امر ویردی. انکلز نفوذینه دشمن اولان (قریستین)، (فرانسوا) پی زوج اوله‌رق قبول ایلمسی ایچون (ایزابل) ی اقتناع ایتدی، هر ایکی ازدواج عینی زمانده اعلان و اجرا ایلدی. (انکلتزه) حکومتی بو مسئله‌یه ویریان سوزده طورلمامق نظریله باقادی و اتسلافک ختام بولدیغی بیان ایلدی.

عزل اولندی ، محمد علی پاشایه تکلیف اوانسان شرائط تخفیف ایدلدی ، پاشاده - ینه فرانسه نك تضییق ایله - بو شرائطی قبول ایتدی . بو صورتله مصر مسئله سنك صفحه ثانیسه ختام ویرلدی .

ائتلاف صمیمانه [۱۸۴۱ - ۴۵] . - (فرانسه) ده مرکز یمین فرقه سنه منسوب بر هیئت وکلانك (کیزو) ، انکلترده هیئت وکلای محافظه کارك موقع اقتداره گلیمی و بونلرک هر ایکیسنك ده صلح وائتلاف سیاستنی تعقیب ایتسی ایکی حکومت آره سنده مقارنت حصوله سبب اولدی ؛ ایکی دولت میانده یکی بر ائتلاف عقیدینه چالیشدیلر . حکمدارلر بر برلرینی زیارت ایتدیلر ، و یقتوریا فرانسه یه کلدی [۱۸۴۳ و ۱۸۴۵] و « شاتو دو chateau d'Eu » یه مسافراولدی ، (لوئی فیلیپ) انکلتره یه کیتدی [۱۸۴۴] ؛ وکلا دوستانه قونوشدیلر و « ائتلاف صمیمانه دن » رسماً بحث ایتدیلر . فقط ائتلاف هنوز یالکز حکومتلر آره سنده ایدی ، ایکی ملت آره سنده اختلافات ظهورینه مانع اولمق ایچون افکار عامه یه قارشلی چالیشمق ایجاب ایدیوردی ، فرانسه ده افکار عامه آچیق دکزلرده سفائتک « حق معاینه سی ، مسئله سندن طولانی دوچار هیجان اولدینی کبی (پریمچار) تضمیناتی مسئله سنده بسبتون تهییج ایتدی [آلتنجی بابه مراجعت] . (انکلتره) ده افکار عامه ، (فرانسه) ، (بلچیکا) و (اسویچره) آره سنده کمرك اتحادی تصورلی علیهنده بولندی ، حکومت بویله براتحادك بلچیکا نك استقلالنی اخلال ایده جکنی بیان ایلدی : (انکلتره) ، فرانمز عسکرلرینك کمرك مأمورلری قیافتنده (آنورس) لیماننده بولمئرینه رضا کوستره مزدی [۱۸۴۲] . افکار عامه فرانمز لرك فاس ده کی محاربه لرندن دخی متأثر اولدی .

ایشته او صرده چار (نيقولا) انکلتره یه کله رك « قریباً وفات ایده جك » ظننده بولندیفی دولت عثمانیه نك مقدراتی برلکده تعیین وتنظیم ایچون اتفاق عقدا تملرینی هیئت وکلای محافظه کاره تکلیف ایتدی [یکرمنجی بابه مراجعت] ؛ هیچ برشی آلمق ایسته مدیکنی ، فقط دیگر حکومتلرک دولت عثمانیه ضررینه توسیع ممالک ایلملرینه تحمل ایده میه جکنی سویلیوردی ، انکلتره وکلاسی بو مسئله نی موقع مذاکره یه قویتمقدن امتناع ایتدیلر .

اسپانیا ازواجلری [۱۸۴۶] . - (اسپانیا) قرالیجه سی (ایزابل) و کوچك همشیره سی (لوئیز) سن تاهله واصل اولمشلردی ؛ والده لری ایکسینی ده فرانمز پرنس لرینه ویرمک ایستیوردی . (لوئی فیلیپ) بو فرصتن بالاستفاده اوغلی دوق دو (مونپانسیه) نی اولندیره جکنی امید ایدیوردی ، (فرانسه) و (انکلتره) حکومتلری بو ازدواج مسئله سنی حل ایچون بر صورت تسویه بولدیلر ؛ قرالیجه (ایزابل) ک (بوربون)

اوسروده در سعادت سفیری (پونسونبی) ، (پارستون) ک آمانه خدمت ایچون باب عالی بی محمد علی پاشانک مصر اوزرنده کی حق وراثتی قبول ایتمه مکه تشویق اییدیور ، شرق بحر انک ادا مهنه چالیشوردی ، فقط (پارستون) احرار و محافظه کار فرقه لرینک شورای امتده اظهار ایلدگری آرزویه ، قرالیچه (ویقتوریا) نک آمال صلح پرورانه سنه تبیته ، (پونسونبی) نک تشبثات واقعه سنی تعبیه مجبور اولدی . بر نطقنده : « مهم بر قوهٔ بحریه و عسکریه به صاحب اولان فرانسه اوروپا مسائندن خارج بر اقبه نماز، دیدی . (لوندره) قونفرانی ، ۳۱ کانون ثانی ۱۸۴۱ تاریخنده ، دولت علیه ایله محمد علی پاشا آره‌سنده کی مصالحه بی اعلان ایتدی . بعده ، ۵ مارت ۱۸۴۱ تاریخنده ، ۱۵ تموز معاهده نامه سی احکامنک طرفینک و (اوروپا) دولترینک ممنونیتی موجب بر صورتده موقع اجرایه وضع اولدینی بیان ایدلدی .

بوندن صکره (کیزو) لوندره هیئت وکلا سی ایله خوش کچینمکه لزوم کوردی . «انکلتره ایله روسیه آره‌سنده اوزون مدت مناسبات صمیمیه موجود اولمسنه مانع اولمیدر » دیوردی . (چار) برنجی (نیقولا) نک حدت وشدته ، (روسیه) نک (لوندره) مصاحتکنذاری موسیو دو (برونوف) ک مساعیسنه رغماً ۲۷ تموز تاریخی نوطه نک (اوروپا) حقوق عمومیه سنک اک متین اساسارندن برینی تشکیل ایده جک بر معاهده نامه شکلنه افراغی و (روسیه) نک دولت علیه اوزرنده یالکز باشنه هیچ برحق صاحبی اولمیدنک قبول و اعلان تکلیف و (انکلتره) نک موافقتی استحصال ایتدی . واقعا بو معاهده نامه به دولت علیه نک تمامی ملکیتک واستقلالنک تحت تعهد آلدیغه دائر صریح بر ماده علاوه ایتدیرمکه موفق اوله مدی ایسه ده مقدمه ده ، ذات حضرت پادشاهینک حقوق حکمرانیسنه بتون آوروپا دولترینجه رعایت ایدلسی لازم کله جکنک ذکر و تصریح ایدلسنی (روسیه) ایچون کافی درجه ده بر مغلوبیت عد ایتدی ؛ حقیقت حالده بویله ایدی . معاهده نامه موچینجه وقت صلحده چناق قلعه وقره دکز بوغازلری دول اجنبیه سفان حربیه سنه قیاندی . یالکز سفار تخانه معیتده بولنه جق سفان خفیفه نک بوغازلردن کچه بیلمسنه مساعده ایدلدی . بو «بوغازلر مقاوله نامه سی ، ۱۵ مارتده تنظیم و قبول ایدلمش ایکن (پونسونبی) نک یکی بر اترقیه سیله آنجق ۱۳ تموزده کسب قطعیت ایده بیلدی . (پونسونبی) ، (لوندره) دن آلدینی امرلره رغماً باب عالی بی یکی بر خط شریف اصدارینه اقتناع ایتشدی . محمد علی پاشانک حق وراثتی ایچون تحدیدات و تقیداتی محتوی اولان بوخط شریف یکی بر محاربه نک ظهورینه سبب اوله بیله جکدی ، بونک ایچون (اوروپا) دولتری در سعادت تشبثات جدیده بولندیلر ، انکلتر طرفداری عدایدیلن صدراعظم رشید پاشا

جویانہ سنہ مانع اولمق ایچون (فرانسہ) یی شرق مسئلہ سنہ صورت جدیدہ مداخلہ ایتدیرمک حاضری ایدیلر . (لوئی فیلیپ) ک سیاستی تعقیبہ آنجق شو شرطہ راضی اولمشاری ایدی : شاید روسلر استانبولہ کیرلرسہ (کرید) ی اشغال ایدہ جکلر ، بحر سفیدہ (روسیہ) ایلہ اوغراشہ جکلر ، ہرنہ او اورسہ اولسون روسلرہ قارشی حکومت عثمانیہ یی مدافعہ ایلیہ جکلردی . (کیزو) ورفقاسنک خفی برامللری مصرہ مسئلہ سنی انکلیرلر ایلہ صلحاً نسویہ ایتدکن صکرہ (چار) برنجی (نیقولا) علیہندہ (انکلترہ) ایلہ اتفاق ایتک ایدی .

(فرانسہ) یی کندی سیاستنہ آلت اتخاذا ایدرک نتیجہدہ حیثیت ملیہ سنی جریحہ دار ایدن (انکلترہ) ایلہ اتفاق فرانسز ملتہ قبول ایتدیرمک پک مشکل برایش ایدی . بردہ بویلہ بر اتفاق ، مسلك احتیاطکارانہ وصلحچرورانہ یی مرجع اولدینی ادعا ایدیلمزدی . فقط (کیزو) مشکل ایشلرلہ اوغراشمعی سوردی . (انکلترہ) ایلہ اتفاق پک کوچ اولدینغی بیلملکہ برابر بوکا چالیشمغہ قرار ویردی .

(لوندرہ) دہ پک چوق احبای سیاسیہ سی واردی . بونلر (پلرستون) ک (روسیہ) ایلہ اتفاقی خوش کورمیورلردی . (کیزو) محمدعلی پاشایہ دہا مساعد شرائط تأمینتی ، ہیچ اولمازسہ (عکا) نک ویرلمسنی تکلیف ایتدی . بو صورتلہ انکلیر ہیئت وکلاسنک فرانسزلرک دوستلغنہ ، معاونتہ اهمیت ویردیکنی کوسترمک ایستوردی . فقط ابراہیم پاشانک سوریدہ توالی ایدن مغلوبیتلری ، عکانک مصر لیلردن ضبطی (پلرستون) ک تکلیف واقعہ جواب رد ویرمسی ایچون کافی برر سبب تشکیل ایتدی . (انکلترہ) باش وکیلی شمدی ییہ قدر تأمین ایتدیکی موققیاتدن جسارت آلہرق سوریدہ یی دولت عثمانیہ ییہ اعادہ ایتدکن صکرہ محمدعلی پاشایہ دہا مؤثر بر درس عبرت ویرمک مصریہ دہ استرداد ایتک تصورندہ بونلوردی .

(کیزو) بو مانعہ ییہ تصادف ایدنچہ طوغریدن طوغری ییہ یتیشہ مدیکی مقصدہ وصول ایچون بر قاچ آی قدر وسائط سائرہ ییہ مراجعت ایتدی . (تیر) ک حال سفر بری ییہ وضع ایتدیکی اردویی سلاح آلتندہ طوتدی ؛ بونکلہ (فرانسہ) نک ہیچ بر شیدن قورقدینغی کوسترمک ایستدی . بعدہ موسیو دو (والہفسکی) یی خفیاً قاہرہ ییہ کوندرہ رک محمدعلی پاشایہ مصالحہ نک قبولتی توصیه ایتدی . انکلیر آمیرالی (ناپیر) اوروپانک شرائطی تبلیغ ایچون اسکندر ییہ کیتدیکی زمان محمدعلی پاشا - پلرستونک آرزوی خفیبی . خلافتدہ اولہرق - ہان مصالحہ یی قبول و (فرانسہ) نک نصایحی اوزرینہ سوریدن واز کچہرک مصر ایلہ اکتفا ایلدی .

قبول ایدل‌یکنی (اوروپا) یه‌بیلدیردی . (فرانسه) ، سوریه‌نک حکومت عثمانیه‌یه اعاده‌سنی قبول ایدیور؛ یالکز مصر قطع‌سنک محمد علی پاشایه تأمین اولمسنی ایستوردی . (لوئی فیلیپ) ک سیاستی اوروپاده ظهور ایتمک اوزره بولنان یانغینی اطفا ایتمش، شرق مسئله‌سنی تحدید ایلمشدی . بحرآنک مسیلری اولان (پالمستون) ایله (پونسونبی) فرانسه قرآنک اعتدال حرکاتی قازیشنده شرق مسئله‌سنه آرزو ایستکاری زماندن اول نهایت ویردیله . ۱۵ تشرین اول ۱۸۴۰ ده محمد علی پاشا (اوروپا) مقررآتته راضی اولورسه مصر قطع‌سنک حق وراثتله برلکنده کنن‌دیسنه توجیه اولمسنی باب‌عالی‌یه توصیه ایستدیلر . ۱۸۳۸ ده بتون (اوروپا) یه میدان اوقویان (کیزو) شمندی «تهلکلی و مشکل بر مسئله‌یه نهایت ویردک» دیدکدن صکره بو احوال مشکله‌ده قرالک ، قیمتی تقدیر ایدیله‌یه جک درجه‌ده بیوک بر خدمت ایفا ایستدیکنی سویلیوردی .

(واترلو) نک انتقامنی آلمق حرصیله هر فنا کارلنی اختیاره ، بتون (اوروپا) یه بیله اعلان حربه حاضر بولنان فرانسه ملتته بومغلوبیتی قبول ایستدیرمک (لوئی فیلیپ) ک تختی ایچون تهلکلی بر تشبث ایدی . مع‌مافیه قرال تردد ایتمدی ، (فرانسه) یی قور تارمق ایچون کنندی تختی تهلکله آتمنی ترجیح ایتمدی . (تیهر) ، مغلوبیتی سترواخفا ایتمک مقصدیله مجلس مبعوثانده شدید‌المال بر نطق ایراد ایتمک ایستدیکنی زمان (لوئی فیلیپ) شورای امتده سویلنه جک حرب بوجویانه سوزلرک (فرانسه) یی تهییج ایدیه جکنی، (اوروپا) یی ده فرانسه هیئت وکلاسنک خلوص نیتدن شبهه‌یه دوشوره جکنی بیان ایدرک راضی اولمندی؛ (تیهر) ک استعفاسنی قبول ایدلی .

مارشال (صولت) ک ریاستی آلتنده خارجیه نظارتی درعهده ایدن (کیزو) (لوئی فیلیپ) ک آرزوسی وجهله صلح‌پرورانه بر سیاست تعقیبنه باشلادی . اولجه فرانسه‌لرک خصومت قدیم‌لرینی ، حسیات ملیه‌سنی تهییج ایتمکدن چکینه‌مش، (اوروپا) ایله محاربه تهلکه‌سندن قورقماش ایکن شمندی : «فرانسه‌نک انقلاب ایله محاربه‌یی اوروپاده بر آلت نفوذ و تفوق کبی استعمال ایلمسی زمانی کچمشدر . ضبط اولنه‌جق اراضیدن ، تشبث ایدیله جک بیوک محاربه‌لردن ، آله‌جق انتقام‌لردن آرتق بحث ایتمه‌لم .» دییوردی . (کیزو) نک کنندی موقعتی ، قرالک تختی تهلکله قویه‌جق صورتده استلافجو ، صلح‌پرور طاورانتسنک اسباب حتمیه‌سی محاربه تهلکه‌سندن زیاده انقلاب طرفدارلرینک مغلوبیت سیاسیهدن بالاستفاده فرانسه‌لرک جریحه‌دار اولان حسیات ملیه‌لرینی تهییج ویکی بر انقلاب تمهه ایتمک صرف مساعی ایتملری ایدی . نه (کیزو) ، نه ده هیئت وکلا ۲۷ تموز ۱۸۳۹ نوطه‌سندن نادم اولما مشاردی ؛ بالعکس ینه (روسیه) نک آمال استیلا-

مکتب شاگردلری (جرمان) عرفقک اتحادینی تأمین ایدرک معظم، منتظم بر (آلمانیا) وجوده کتیرمک ایچون محاربه به حاضر بولنیورلردی .

ایشته ۱۸۴۰ تاریخنده (فرانسه) بویله بیوک برتهلکه قارشیسنده بولنیوردی. فرانسزلرک بتون (اوروپا) ایله دکزده، شرقده، (رهن) حوالیسنده محاربه دن قورقاملری، برقم مطبوعاتک بیروت بومباردماننه کرک قرده، کرک بحر سفیده جواب ویرمک ایچون حکومتی اعلان حربه تشویق ایتسی (رهن) نهرینک و (آلب) طاغابرینک اوتیه طرفلرنده کی اقوامک حریتپور (فرانسه) یه ابراز محبت ایده جکلرینی، فرانسز انقلابی نموناً قبول ایلیه جکلرینی امید ایتمکدن ایلری کلیوردی. (هانزی هاینه) فرانسزله اطرافه دقت ایتمکی توصیه ایدیوردی. شاعر شهیرک قولنجه، انقلاب کیرک خطرات حریتپورانسیله سرمست غرور اولان فرانسزلر قومشولری بولنان اقوامک نه کی تحولاته اوغرادقلرینی کوره میورلر؛ بالخاصه فکر اتحاد ایله، (جرمان) عرفقک تأمین عظمتی آرزوی شدیدی ایله حریت، اخوت اقوامه قارشلی لاقید طوران آلمانلرک احوال روحیه سنی آکلایه میورلردی. واقعا ۱۷۹۳ ده جمهوریت اردولری بتون (اوروپا) یه قارشلی محاربه ایتمشدی؛ فقط اوزمان فکر انقلاب اوروپاده فرانسزلر ایچون برحس محبت او یاندیرمشدی. بودفعه ایسه (اوروپا) ایله (فرانسه) آرسنده ظهور ایده جک محاربه بوکا بکزه میه جک، ۱۸۱۴ وقایعنده اولدینی کی بتون (اوروپا) حکمداران واقوامی کویا کندی حریتلرینی مدافعه بهانه سیله (فرانسه) بی ازه جکلر، صکره کندی امللرینی تأمین ایده جکلردی.

(لوئی فیلیپ) بتون (اوروپا) نک (فرانسه) علمنه برلشمسندن تولد ایده جک تهله کی کورونجه عادتاً سوق طبیعی ایله (فرانسه) ایچون اک مناسب مسلکی اتحاد ایتدی، وکلاسنه درت حکومته قارشلی محاربه ایتمک ایسته مدیکنی سویلیدی. (تیه) استعفا ایتدی. فقط (کیزو) فرقه سی خطاسنی اعتراف ایلیدی؛ شدیدی یه قدر تعقیب ایلیدی مسلکک رقیب فرقه لرجه حسیات ملیه یی تهییج ایچون وسیله آتخان اولنه رق هم (فرانسه) بی نتیجه سی آشکار برحاز به یه سوق ایتمک، همده قرالغه نهایت ویرمک، کی برعاقبه منجر اوله جتی کوردی. موسیو دو (برولی) ده، سیاست مخصوصه سنک تولید ایلیدی بومشکلاتدن وطنی قورتارمق ایچون الدن کلدیکی قدر چالیشمغه قرار ویردی. (کیزو) نک، (برولی) نک مساعیسی (تیه) ک استعفا سنی کری آلمسیله نتیجه لندی. (تیه) ۸ تشرین اول ۱۸۴۰ تاریخنده (انگلتره) یه اتلافجویانه برنوطه کوندردی، بعده (لوندره) ده محمد علی پاشا علمنده اتحاد اولنان مقرراتک (فرانسه) طرفندن

صو صدیردی ؛ (پارس) ده حرب طرفدارلری ایچون عادتاً سلاح باشنه دعوت درجه سنده بر تأثیر عظیم کوستردی. امور و معاملات روزمره دوچار توقف اولدی ، بورسه قاپاندی ، کنجدر کولکل قید ایدیلورلر ، بتون تیاترولرده (مارسه بیهز) چالینیور ، بتون غزته لر ملتی محاربه یه دعوت ایدیلوردی . (لوئی فیلیپ) ک قیزی دفتر خاطر آتنده شوسوزلری یازیوردی : « اون سنهدن بری کچیردیکمز بحر انلرک اشمهی بو کونکی حالدر. افکار عامه پرهیجان ، بعضاری فکر انقلاب ایله متهیج ، بعضاری اندیشه حرب ایله مایوس ، هر آن اعلان حرب ایتمک ، بتون آوروایه قارشى محاربه یه کیریشمک احتمالی موجوددر. » (لوئی فیلیپ) اون سنه صلح و مسالمتی محافظه یه چالیشدینی حالدده شمدی ینه محاربه تهلکه سی قارشیسنده بولنیوردی . فرانسز ملتی (واترلو) نك انتقامی آلمسنه صبر سز لقله منظر ، (اوروپا) اختلافات حاضرهدن استفاده یه مهیا بولندیینی ایچون محاربه هر آن ظهور ایدیه بیلردی . (پالمستون) ، (فرانسه) نك (لوندرده) مصاحتکنذارینه « بن قرالکزی سز دن دها اپی طانیرم . هیچ بر زمان محاربه ایتمه جکدر » دییوردی . (انکلتره) باش وکیلنک بر طور متعظمانه ایله سویلدیکی بو حقارت آمیز سوز قائلندن زیاده (لوئی فیلیپ) ایچون باعث شرف ایدی . فی الحقیقه (انکلتره) ایله بحری وبری بر محاربه نك مضراتی بالتجربه آکلامش هیچ بر فرانسز ، مملکتی محاربه تهلکه سنه آتمه ازیدی . (تیهر) بیله متهیج و مضطربدی . (اسپانیا) مسئله سنده کوستردیکی متانتدن ، آغستوس ظرفنده (آوستریا) ایله محاربه ایچون تدارکاته باشلادینی زمان ابراز ایلدیکی خواهش و مسرتدن اثر کورلیور ؛ شاید (انکلتره) ایله محاربه باشلارسه ساحه حربی تحدید ایتمک ممکن اوله میه جتی آکلایوردی .

(پالمستون) ، ایلك اشارتده (روسیه) چارینک (آوروپا) یی قارمه قاریشیق ایتمک ، اختلالچی (فرانسه) یی تأدیب ایلمک ایچون نیجه سنه لردن بری انتظار ایلدیکی فرصتدن استفاده ایده جکنه امین اولدینندن : « اگر فرانسه محاربه یه باشلارسه حربک ختام بولدیغنی کورمزدن اول کیلیرینی ، مستملکه لیرینی ، تجارتی غائب ایده جکدر » دییوردی . (آوستریا) جدأ صلحچورور ایدی : فقط ایتالیانی مدافعه ایچون - کندی آرزوسنه رغماً - (روسیه) ایله برابر آلمان حسیات وطنپر وانه سنه آلت اواسی اقتضا ایدیلوردی . فرانسزلر (اوستریلیج) و (آغرام) مظفریتلرینک خاطره شوق افزاسیله بیوک (ناپولئون) زماننده کی موقیت عسکریه یه نائل اوله بیله جکلرینی ادعا ایدرکن (آلمانیا) ده بتون حکمدارلر ، پرنسلر ، مملعلر ، صنف متوسط اهالی ،

سیاست داخلی‌سندن ممنون اولیان صول جناحه ، احرازه خوش کورنمک ایچون (لوندزه هیئت وکلا سندن زیاده « اوروپا » بی اتهام ابتدی « فرانسه » وطنپرورلرینک آرزولری وجهله اوروپادن ۱۸۱۵ معاهداتنک انتقامی آلمق ایچون « رن » و « ایتالیا » حدودلرنده محاربه‌یه حاضرلمغه باشلادی .

بو صورته « فرانسه سیاستنه وقوع بولان حقارتک همان « انکلتره » یه اعلان حربی انتیاج ایتسی منع ایدلمش اولدی . « اوروپا » یه قارشی میدان او قومق ایچونده قوه عسکریه ومهمات حربیه‌یی تزیید ایتمک ، قلعه‌لره طوبلر کوندرمک ، « پارس » ی تحکیم ایلمک ، « ایتالیا » و « آلمانیا » دهکی حکومات صغیره آرسنده متفقلر بولمغه چالیشمق ایجاب ایدیوردی . « تیهر » بوکا چالیشدی ، بتون ملتک افکاری « اوروپا » دن انتقام آلمق املنه معطوف ایدی . « لوتی فیلپ » ده حسیات حربیجویانه‌یی تصویب ایدیورکچی کورندی . حقیقت حالده ایسه نه قرال ، نه ده « تیهر » محاربه‌یی آرزو ایتیمورلر ؛ جوش و خروش حسیاتی مرور زمان ایله تسکین ایده‌جکلرینی امید ایدیوسورلردی . موفق‌ده اولدیلر . ۱۸۴۰ سنه‌سی آغستوسندن تشرین اولنه قدر ایکی آی ظرفنده افکار عامه‌یی ایستدکلری کچی اداره ایتمک اقتدارینی کسب ایلدیلر .

« پالمستون » هکلنجه ، بحران حاضرده ممکن مرتبه چوق منفعت تأمین ایتمک ایستوردی . « روسیه » چارینک « انکلتره » دن آیرلمه‌جنه ، « اوستریا » و « پروسیه » نکه‌ده « روسیه » ایله برلکده حرکت ایده‌جکلرینه امین اولدینی ایچون عادتاً رفقاسنک افکاری خلافتنده اوله‌رق ممکن مرتبه ایلری‌یه کیتدی . « لوتی فیلپ » و « تیهر » ک آرزولری وجهله فرانسز دونماسی بی حرکت طور برکن انکلیز دونماسی ۱۴ آغستوس ۱۸۴۰ تاریخنده بیروت پیشکاهنه کیتدی ؛ امیرال « چارلس ناپیهر » ابراهیم پاشادن شهرک تخلیه‌سی ایستدی ، جواب رد المسی اوزرینه ۱۱ ایلولده شهری طوپه طوتدی . عین کونده ، متحیر ومایوس قالان مصرلیلر مقاومت‌یه بیله تثبت ایتمه‌دن ، دیکر بر انکلیز دونماسی - بر قاج « اوستریا » سفینه‌حربیه‌سیله تقویه ایدلمش اولدینی حالده - سکز بیگ عثمانلی و بیگ بش یوز انکلیز عسکرندن مرکب کوچک بر اردویی قره‌یه چیقاردی . « لوندزه معاهده‌نامه‌سی احکامی سهولته موقع تطبیقه وضع ایدلمک » باشلادی .

« تیهر » محمد علی پاشانک حمایه‌یه احتیاجی اولدینی ظن ایتمشدی . لوتی فیلپ « مصرک خیل مدت مقاومت ایده‌جکی » « انکلتره » ایله صلحی مذاکره ایچون وقت قازانیله‌جنی ، بو مدت ظرفنده‌ده فرانسزلرک حسیات حربیجویانه‌لری سکوت‌تیاب اوله‌جنی . امید ایدیوسوردی . بیروت بومباردمانی « لوندزه ده » « پالمستون » ک رقیبلرینی

بر اتفاق وجوده کتیرمی فرانسرلرجه حقارت عد ایدلدی . بر برینه رقب اولان بتون فرقه لر محاربه ایچون اتحاد ایدیور ، هرکس (انکلتره) یه مؤثر بر درس ویرمک لازم کلدیکنی سویلیوردی . اگ معتدل غزته لر بیله (لوندره) رجال سیاسی سنک (فرانسه) یه ایدلکری حقارته مقابل ایرلاندا لیلری (انکلتره) علیهنه عصیان ایتدیرمکدن بحث ایلورلردی . (لوئی ناپولئون) بیله فرانسرلرک غلیان افکارندن ، محاربه حسلرینک او یانمسندن بالاستماده بیوک (ناپولئون) ک فرانسرلرجه دشمن ملی عد ایدیان (انکلتره) علیهنده بر اردو حاضرلدیغی (بولونی) شهرنده بر اختلال چیقارمغه ، (لوئی فیلیپ) حکومتته نهایت ویرمکه چالیشدی .

او ائنده وقت تعطیله تصادف ایتدیکی ایچون اجتماع ایتین فرانسه شورای امتی عقد اجتماعه دعوت ایدلمش اولسه یدی ۱۵ تموز معاهده نامه سنه شدتلی بر جواب ویره چکی ، (انکلتره) یه اعلان حرب قرارینی آلتیشارله تلقی ایله چکی شهسز ایدی . (اوروبا) دولت لرینک مسلکی ایکی سنه دن بری (فرانسه) ده سیاسی فرقه لرینک او یاندریغی حسیات حرب بوجویانه یی تشدید ایدیور ، فرانسرلر ۱۸۲۷ ده یونان استقلاللی ایچون (نوارین) ده دوئمناسنی محو ایدلکری محمد علی پاشایی سمدی حمی ومفق عد ایدرک اونک منافعی مدافعه مقصدیله بتون (اوروبا) یه اعلان حربی کوزه آلیورلردی . اگ صلح پرور اولانلر بیله « آرتق بو ایشه نهایت ویرمیلدر » دیورلردی .

بو دفعه دخی قرال ایله وکلاسی فرانسز ملتی داهیة حریدن قورناردیلر . (لوئی فیلیپ) محاربه ایسته میور ؛ قرال درجه سنده صلح پرور اولیان (تیه) (انکلتره) ایله محاربه یه فرانسرلرده اقتدار کوره میوردی . (کیزو) ، (دوق دوبرولی) کبی محافظه کاران رؤسای ایچون (انکلتره) ایله قطع مناسبت ایتک (روسیه) علیهنده کی سیاست لرینی اساسندن محو ایلمکه مساوی ایدی . حکومت ایسه بو فرقه نک معاونتته پک زیاده محتاجدی . (تیه) محافظه کارلره خوش کورونمک ایچون لندن کلدیکی قدر چالیشدی ؛ (لوندره) هیئت وکلاسنک سیاستنه قارشى حدتلمک دکل ، یالکز متأسف کورونمکه اکتفا ایتدی ؛ مجلس مبعوثانی اجتماعه دعوت ایتدی ؛ (لوندره) سفیری (کیزو) یه اعتدال توصیه ایدرک « شرقده نه اولورسه اولسون فرانسه بر طوب بیله آتمه جقدر » دیدی . (فرانسه) اردولری (انکلتره) تهدیداتنه قارشى طوره بیله جک درجه ده قوتلی کورینن محمد علی پاشایی کندی قوتحاتی بالذات مدافعه خصوصنده یالکز برافه حق ، پاشایی حمایه ایچون بحر سفیدده کی انکلتره کورونمک قارشى دوئمناسنی کوندر میا جکدی . (تیه) ، (انکلتره) یه قارشى بو مسلکی تعقیب ایتدکن صکره

۲۷ تموز نوطه‌سی کبی بر « اولتیماتوم » ایدی .

(چار) برنجی (نیقولا) مذکور نوطه‌نک انتقامنی آلتق ایچون (فرانسه) نك محبی ، محیی اولان محمدعلیدن سوریه‌یی استرداد ایتک اوزره دولت علیه ایله (انکلتزه) یه معاونت ایده‌جکنی وعد ایلوردی . محمد علی پاشا اون کون ظرفنده تکلیف اولنان شرائطی قبول ایدرسه یالکز عکایی محافظه ایده‌بیله‌جک ایدی . معاهده‌نک امضا ایدلدیکی صبرده (ناپولی) ده بولنان انکلیز دوئناسی قوماندانی آمیرال (استوفورد) دولت علیه یه صادق اولان سوریه‌لیلره معاونت ، انکلیز سیاستنک حاضرلدینی عصیانی تمید ایتک وحتى مقتدر اوله بیلرسه مصر دوئناسنی ضبط ایلمک ایچون امر آلوردی .

(آروپا) نك محمدعلی پاشا علیه‌نه اعلان ایلدیکی بو حرب (پالمستون) ایچون بر موفقیت عظیمه ایدی . شه‌سزکه (پالمستون) ک سیاستی (فرانسه) سیاسته غلبه ایتشدی . (لوندره) هیئت وکلاسی (فرانسه) قرالی (لویی فیلیپ) ی بر سنه‌دن بری (روسیه) علیه‌نه بولتمق و روسلری (انکلتزه) علیه‌نه سوق ایتک ایله اتهام و فرانسزلرک هر یرده بولانیق صوده منفعت تأمیننه چالشدقرلینی بیان ایدیوردی . (لویی فیلیپ) اون سنه‌دن بری مسلك اعتدالدن انحراف ایتهمش ، (انکلتزه) نك معاونتته نائل اوله‌میله‌جفی اکلادینی زمانلر دائماً (ویانه) حکومتته تمایل ایتمش ایکن یالکز بر دفعه (روسیه) علیه‌نه بولنان رجال سیاسی‌نک آماننه خدمت ایتک ، محمد علی پاشانک موفقیتاتی مظفریت ملیه کبی تلقی ایدن بر قسم فرانسزلره خوش کورونمک ایسته‌سی (اوستریا) یی وبتون (اوروپا) یی کندی علیه‌نه چویرمشدی . (لویی فیلیپ) ، (اوروپا) صلح و مسالمتی اون سنه محافظه‌یه چالشدیدینی حالد بر آن ایچون بومسلکدن انحراف ایدنجه شرقرده بر آروپا محاربه‌سی ظهور ایتدیکنی کوریوردی .

(فرانسه) قرالی نتیجه‌دن پک مایوسدی : « اون سنه‌دن بری کندی شهرتمی ، راحتمی و اکثریا حیاتی فدا ایدرک انقلاب و اختلاله قارشنی سد نمانت چکدم . اوروپا حکمدارلری اوروپا صلح و مسالمتی ، کندی تاج و تختلرینی بکا مدیوندرلر . بوخدمته مقابل شمدی نه یاپیورلر ، یوقسه بنده انقلابیروانه التحاقیمی ایستورلر ، » دییوردی . (مترنیخ) ایسه بوکا جواباً (فرانسه) نك بر سنه‌دن بری تعیب ایلدیکی مسلك حریصانه‌نک ، (اوروپا) خارجنده ایش کورمکه چالشمسنگ مجازاتی کوردیکنی سویلیوردی .

۱۵ تموز معاهده‌نامه‌سی (فرانسه) ملتی اوزرنده جدأ بیسوک بر تأثیر حاصل ایتدی . (اوروپا) فرانسه‌نک فکرنی بیله آ کلامه‌نلوزم کورمه‌دن ، محمد علی پاشا علیه‌نه

جانی عد ایدیلن صدر اعظم خسرو پاشانك عزلی اوزرینه محمد علی پاشا شرائط ائتلافی مذاکره ایچون باش کاتبی سامی بکی درسعاده کوندردی . (فرانسه) نك برسنه اول حصوله کلمسنه مانع اولدینی وشممدی (تیه‌ر) ك پك زیاده آرزو ایتدیکی بو ائتلاف قریب‌الحصول کورونیوردی . (فرانسه) هیئت وکلاسی تشبثات خفیه‌سنی ده‌ها برقاچ کون حسن اداره ایدرسه مقصدینه نائل اوله‌جقدی .

فقط (اوستریا) نك (پارس) سفیری اولوب (لوئی فیلیپ) ك نصلسه شایان امنیت کوردیکی قونت (آپونی) ایله (انکلتره) نك درسعادت سفیری (پالمستون ك معتمدی لورد) پونسونبی (فرانسه‌نك بتون تشبثات خفیه‌سنی ، مصر مسئله‌سنك بتون اسرارینی فاش ایتدیلر . مغلوب اوله‌جینی حس ایدن (پالمستون) پك زیاده حدتلدی . هنوز ترددن قوریتله‌میان (اروپا) قایینه‌لرینی ؛ کندی مسلکنی تماماً تصویب ایتیمان انکلیر وکلاسی (فرانسه) علیهنه تشویق ایچون فرانسرلک بتون (اروپا) یی عادتاً اغفاله چالیشدقلرینی ، (لوئی فیلیپ) ه قارشى حسن معامله‌دن زیاده تداییر شدیدۀ قطعیه اتخاذ ایدلمسی لازم کله‌جکنی بیان ایتدی . « اوروپادن آیریله‌رق برسیاست شخصیته تعقیب ایتمک ایسته‌ین فرانسه‌نك خاطرینه نیچون رعایت ایتلی ؟ » دییوردی . دولت علیه و مصر آره‌سنده طوغریدن طوغری‌یه برصورت تسویه بولنسی (فرانسه) هیئت وکلاسی ایچون ائ موافق تدیرعد اولنورکن (پالمستون) بونی اوروپالیرلک فرانسرلر علیهنده‌کی خصوصتترینی تشدیدیه سبب عد ایدیوردی . (پونسونبی) غائب اولان زمانی تلافی ایتمک وعقد ایدمک اوزره بولنان مصالحه‌یه مانع اولمق ایچون ترجانی (وود) ی لبنان اهالیسنی محمد علی علیهنه قیام ایتدیرمک مأموریتله علی‌العجله بیروته کوندردی . سوریه اهالیسی مصردن آیرلمق ایچون عصیان ایدرسه آرتق بوقطعه محمد علی پاشایه ترك ایدیله‌بیلیرمیدی ؟ (انکلتره) نك معاونتیه نائل اولان باب عالی ، پاشانك تکلیف ایتدیکی وبالطبع کنیدیسی ایچون ده‌ها فائده‌لی بولدینی صلحه آرتق راضی اولورمیدی ؟

اولجه (اروپا) یی امر واقع قارشیسنده بولندیرمغه چالیشان (فرانسه بر آرز صکره کنیدیسی امر واقع قارشیسنده قالدی . (پالمستون) استعفا ایده‌جکنی سویله‌رك (انکلتره) هیئت وکلاسنك هنوز بولنان اعضاسنك صوك ترددلرینی دخی ازاله‌یه موفق اولدی . (روسیه) ، (اوستریا) ، (پروسیه) سفیرلری (لوندره) هیئت وکلاسیله کیزلیجه مذاکراته کیریشه‌رك محمد علی علیهنه براتفاق دولی حاضر لایوردی . (لوئی فیلیپ) ، (کیزو) ، (تیه‌ر) بوباده‌کی مذاکرادن یخبر بولنیورلردی . نهایت دول اربعه ۱۵ تموز ۱۸۴۰ معاهده‌نامه‌سیله (پالمستون) ك غلبۀ قطعیه‌سنی تأمین ایتدیلر . بومعاهده‌نامه

(کیزو) نك مهارتنه كووه نهرك — (انكلتره) بی دوستانه وعدلرله آوومق ، دیگر طرفندده مصر مسئله سنك طوغریدن طوغری یه باب عالی ایله محمد علی پاشا آره سنده حل و تسویه سنه چالشمق ایستدی . بوسیاست ، (فرانسه) هیئت وکلاسی ایچون پک کوزلدی . لکن (لوئی فیلیپ) ۲۷ تموز ۱۸۳۹ تاریخلی نوطه ایله مسائل شرقیه نك (اوروپا) دولترینك مشارکت و معاوتی اولمه دن (فرانسه) طرفندن حل اولنهمیه جفنی تمهید ایتشدی . بناءً علیه (تیهر) ك آرزوسی وجهله مصر مسئله سنك یالکز (فرانسه) حکومتجه تسویه سی ایچون تشبثات سیاسی بی غایت خفی طومتق ، (اوروپا) یه وبالخاصه (انكلتره) یه سزیرمه مك ایجاب ایدیوردی ، الحاصل مهارت (انكلتره) بی آوومقده ، صوکره مصر مسئله سنی باب عالی ایله محمد علی پاشا آره سنده بر صورت تسویه یه ربط ایدرك بتون (اوروپا) بی امر واقع قارشیننده بولندیرمقده ایدی .

(تیهر) ك سیاسی ۱۸۴۰ سنه سی مایس نهایتنه قدر یولنده کیتدی . (پارس) هیئت وکلاسنه هیچ بروقت امنیت ایده میان (پالمستون) فرانسه حکومتی صیقیشدیر . بیور ؛ محاربه یه حاجت قالمه دن ، یالکز تهیدیات ایله مصر مسئله سنك حلنه فرانسرلری اقناع ایتمه کچالیشیوردی . فقط (پالمستون) ك رفقاسی اولان لورد (هولاند) ، (قلاز ندون) ، (لانسدون) ، (ملبورن) کبی وکلا (روسیه) یه تقریدن قورقورلر ، (پالمستون) (لوئی فیلیپ) قارشیده مساعده برمسلك اتخاذه بی توصیه ایدیورلردی . دیگر طرفندن (پترسبورغ) هیئت وکلاسنك محمد علی پاشایه (اوروپا) نامنه بر « اولتیماتوم » کوندرلمی ایچون (انكلتره) حکومتی نزدنده واقع اولان تشبثاتی (اوستریا) و (روسیه) نك مساعیسیله عقیم قالیوردی . چونکه بو ایکی دولت برشرق محاربه سنك ظهورندن (لوئی فیلیپ) قدر اجتناب ایدیورلر . و محمد علی پاشایه شایان قبول بر صورت تسویه تکلیف ایدلمسی ، سوریه نك بر قسمك ویرلمسی ، یاخود قید حیات شرطیه بتون سوریه نك توجیهنی آرزو ایلوردی . بو صورتله (انكلتره) هیئت وکلاسنك بعض ارکانی (تیهر) ك آرزوسی وجهله ، (اوروپا) دولترینده محمد علی پاشانك منفعتیه توافق ایده جک بر صورتده حرکت ایلمکده ایدیلر . (فرانسه) نك لوندره سفیری (کیزو) محل مأموریتنه کیتدیکی زمان انکلیرلرک هر شیء ، رغماً ایلری یه آتلمق عزمنده بولندقلرینی کورمشدی ؛ فقط آرادن اوچ آی کچدیکی حالده هنوز برشی یابیلد ایشدی . نتیجه ده محمد علی پاشانك رقیبلی پاشانك کمندی ایشلرینی در سعادتده بالذات تسویه ایتسنه وقت بر اقمش اولدیلر .

(فرانسه) هیئت وکلاسی تشبثات خفیه دن کری طور میوردی . محمد علی نك خصم

صلحک محافظہ سنی آرزو ایتمکہ برابر (لوند رہ) ہیئت وکلاسنگ تکلیفی رد ایتدی .
بوجواب رددن اے زیادہ ممنون اولان (پالمستون) ایدی .

اوزمان (فرانسه) نك سیاست داخلہ سی (لوئی فیلیپ) ی بویلہ برمسلك اختیارینہ
مجبور ایتمسدی . فرانسز غزتہ لری ، (تیر) ك مفتونی اولان فرقہ سیاسیہ بر سیاست
حربجوبانہ تعقیب ایدیورلردی . (انکلترہ) نك محمد علی پاشا علیہندہ کی تصوراتی
(فرانسه) نك شان و شرف ملیسنہ مغایر کوردکارندن حکومتی جواب رد ویرمکہ
مجبور ایبدیلر .

بونلرہ نظراً انکلترہ (پیت) زمانندہ اولدینی کبی شمدی دہ (فرانسه) علیہندہ
بر اتفاق دولی تشکیکنہ چالیشیوردی . (ناپولئون) ك مناقب مظفریاتی (انکلترہ) یہ
خصومت فکرینی ادامہ ایتمکدہ ایدی . (فرانسه) افکار عمومیہ سنجہ محمد علی پاشا
بیوک (ناپولئون) ك عادتا خلفی ، (فرانسه) نك قاہرہ دہ قوماندانی کبی ایدی .
محمد علی یہ ، بونظرلہ باقان وطنپروران ۱۸۳۹ سنہ سی صوک بہارندہ بر چوق نمایشلرلہ
فرانسز لری تہیج ایبدیلر .

(پارس) ہیئت وکلاسی اولجہ صرف (روسیہ) نك علیہندہ ایکن شمدی صرف
محمد علینك مدافعی اولدی . حال بوکہ نہ (روسیہ) نك دشمنی ، نددہ محمد علینك متفق
اولیہ بیلیردی . حتی محمد علی پاشا (فرانسه) مأمورلرینہ شو محق سوزلری سویلیوردی :
« نیچون بزم ایشرمزہ قاریشدیکیز ؟ سز اولسہ کز بونلری چوقدن بیتر ایدک . »
فقط فرانسزلر مصر مسئلہ سنہ مداخلہ بی شان و شرف ملیاری اقتضاسندن عدایدیورلردی .
(فرانسه) دہ بوسیاستہ اعتراض ایدنلر چوق دکلدی . برفرقہ دہ مداخلہ علیہندہ
ایدی . (لوئی فیلیپ) ہر ایکی فرقہ نك آمال نہ توفیق حرکتہ ، ہر ایکسنك نصایح
ووصایاسنی نظر دقتہ آلفہ مجبور اولدی : ۱۸۴۰ سنہ سی اوائلندہ (روسیہ) بی دول متفقہ
کلیارینك مرمرہ یہ دخولی مسئلہ سنہ متعلق بر مقالہ نامہ بی قبولہ اجبار ایتدی . صکرہ
محمد علی پاشا علیہندہ ہیج بر تشبندہ بولنہ مہ جفی (انکلترہ) یہ بیلیردی . نہایت
ہیئت وکلا دیکشدی . مصری و محمد علی پاشایی مدافصہ مسئلہ سنك « اے مہم بروظیفہ
وطنپرورانہ ، شن و شرف ملینی اعلا ایچون اے کوزل بروسیلہ » اولدینی ادعا ایدن
(تیر) ریاست وکلا یہ کچدی .

بوصورتلہ ایکی سنہ دن بری (لوئی فیلیپ) ك (اوروپا) قارشیندہ بیون اکتدیکنی
ادعا ایدن فرقہ سیاسیہ موقع اقتدارہ کلدی . (تیر) یکی بر مسلك اتحاد ایتدی .
بتون (اوروپا) یہ اعلان حرب تہلکہ سنی بر طرف ایتمک ایچون — (لوند رہ) سفیری

عرض خدمت ایله ، انکلیزله توجه ایده جک حس شکرانندن کنیدیسی ده حصه دار اولمق امانی تعقیب ایدیوردی . بونک ایچون (لوندره) هیئت وکلاسنه اولان عداوتی اونوتدی ؛ مسئله بشقه برشکنه کیردی ؛ (فرانسه) ، (روسیه) چارینه غلبه ایتدیکنی ، (روسیه) پی قره دکزه قبادیتی بیان ایله عالم سیاسیاده اعلان ظفر ایدرکن (روسیه) ایله (انکلتره) آره سنده برائتلاف حاصل اولدی ؛ ایکی دولت ، (فرانسه) نک متفق اولان محمد علی پاشایه اعلان حرب ایتدی . حتی (پارس) هیئت وکلاسی دولت عثمانیه نک تمامی ملکیت قاعده سی نامنه اوله رق مصر علیهنده کی محاربه یه اشتراکه دعوت اولندی . (اوستریا) و (پروسیه) دخی (پترسبورغ) و (لوندره) قایینه لریله توحید حرکت ایدرک (فرانسه) یه عین نصایحه بولندیلر .

(لوئی فیلیپ) قورقدی ؛ اونک نظرنده مصر مسئله سی « بتون اوروپا دولترینک باب عالی یه قارشی عین موقمه بولندولرینی روسیه یه قبول ایتدیرمکدن عبارت ایدی » . شمدی ایسه (روسیه) نک بردن بره تبدیل مسلت ایتسیله مصر مسئله سی (فرانسه) ایچون حیات ومات مسئله سی رنکنی آلیوردی . چونکه محمد علی و ابراهیم پاشا لر (اوروپا) دولترینک تبلیغاتی قبول ایتزلرسه (فرانسه) نک بتون (اوروپا) ایله محاربه ایتسی لازم کلیوردی .

چار برنجی (نیقولا) مذاکراتی ختامه ایردیرمک ایچون معتمدی اولان بارون (برنونوف) ی (لوندره) یه کوندردیکی صروده (لوئی فیلیپ) ده محمد علی پاشایه خصم اولدینتی بیلدیکی درسعاتت سفیری آمیرال (روسه ن) ی (فرانسه) یه جلب ایتدی . وعین زمانده شاید (روسیه) نک قره دکزده کی سفائن حریه سنی آطه لر دکزینه کچیرمسنه مساعده ایدرسه ، ولوکه یالکز باشنه اولسون ، (فرانسه) نک مرمریه دوئما کوندره نک روسله ممانعت سیاستنه دوام ایده جکنی (لوندره) هیئت وکلاسنه تبلیغ ایتدی . (فرانسه) قرالئک بیانات مفرورانه سی اوصروده (انکلتره) ده موقع اقتداره کچن و (پالمستون) درجه سنده حربجو اولمان (روسل) هیئت وکلاسی ازکافی خیل دوشوندیردی . (روسل) محمد علی پاشا ایچون ده موافق شرائط تکلیفنه ، مصرک اولاد واحفادینه انتقالی وسوریه یه مقابل عکا ایله اکتفا اولمنسی کبی مساعدات اعطاسنه راضی اولدینتی (فرانسه) یه تبلیغ ایتدی . محمد علی پاشا ایچون اهمیتی درکار اولان بو مساعداتی قبول ایتک ویا بتون (اوروپا) یه میدان او قومق شقلرندن هانکیسنی اختیار ایتک لازم کلدیکنی دوشونمکه حاجت یوقدی ؛ برنجی شقک ترجیحی حائده صلح ومسالتک محافظه ایدیله جکی آشکار ایدی . مع مافیه (لوئی فیلیپ)

آچیلدیفنی ، (اوروپا) موازنه‌سنک عنصر اساسیسی اولان دولت علیه‌نک مقررانه (اوروپا) حکومتارندن یالکز برینک برامتیاز مخصوص کبی حاکم اولسنه (فرانسه) و (انکلتره) جه مساعده اولنه‌میه‌جفتی بیان ایدیوردی .

فقط محاربه وقوعه‌گلدی ؛ ۱۸۳۹ سنه‌سی تموزنده (اوستریا) دنخی داخل اولمق اوزره دول معظمه دونمالری چناق قلعه‌دن کچه‌جکلرینی (چار) ه تبلیغ ایدرک یاریم عصردن بری (روسیه) نک شرقده استحصال ایلدیکی موقع ممتازی ترکه‌اجبارایتدیلمر . مارشال (صولت) : « دولت علیه اوروپا حقوق عمومیه‌سنه داخل اولیور ؛ باب‌عالی‌یه قارشی بتون دولتر عین موقعده بولنیورلر ؛ ترکیانک استقلاللی تأمین وظیفه‌سی اوروپا هیئت دولیه‌سنه عأندر . آلی سنه‌دن بری شرق مسئله‌سنک تولید ایلدیکی حادثات بوصولته تسویه ایللمش ، روسیه‌نک آمال استیلاجویانه‌سنه سدچکیلمشدر . « دیوردی . (فرانسه) وکلاسی بالآخره بو سیاستلرندن ممنون اولدیلمر ، خطا ایتدکلرینی سویلمکه باشلادیلمر . معارضلر دولت علیه ایله محمد علی پاشا آره‌سنده مصالحه‌یی تأمین ایتک ده قولاوی و (فرانسه) منافعه‌ده موافق ایکن (روسیه) یه اعلان حربی کوزه آله‌جق صورتده برانتقام پولتیقه‌سی تعقیب اولمسنی ، شرق بحرآنک دوامنه سیبیت ویرلمسنی (لوی فیلیپ) ک خطای سیاسی اولدیفنی بیان ایدیورلردی . فقط بوپولتیقه انکلتره‌نک آمالنه پک موافق و (پالمستون) قاینه‌سی قتیجه‌دن پک ممنون ایدی .

مصر مسئله‌سنک ایکنجی دوره‌سنی اداره ایدن و محاربه‌دن اصلا چکینمین انکلتره بونکه اکتفا ایتدی ، آمال و تصوراتی نهایتنه قدر تعقیب ایتدی . (روسیه) نک ۱۸۳۳ سنه‌سندن بری شرقده احراز ایلدیکی موقعی ترکه مجبور اولسی (لوندره) هیئت وکلاسی ایچون کافی دکلدی . دولت علیه‌نک منت وشکرانه استحقاق کسب ایتک وبالخاصه بونک مکافاتنه نائل اولمق ایچون انکلیزلر مصر حکومت جدیده‌سنه قطعی یر ضربه اورمق ایستیورلردی . برطرفدن باب‌عالی‌یه خدمت ایدرکن ، دیگر طرفندن ده محمد علی پاشانک غرورینی قیرمق ایچون برهزیمت قطیعه‌یه اوغرا تمغه چالشیورلردی . مقصد اصلی پاشانک لندن سوریه‌یی آلمق ، مصر ایله اکتفایه مجبور ایتمکدی .

(پالمستون) ۲۷ تموز ۱۸۳۹ تاریخلی نوطه‌سنی هنوز امضا ایتمه‌مشکن (لوندره) هیئت وکلاسنک مقصدینی (اوروپا) یه تبلیغ وبرقاج کون صکره‌ده مصره قارشی جدی برخرکته تشبث ایتدی . بوسیاست ، (لوندره) هیئت وکلاسی ایچون پک سهل‌الاجرا ایدی . چونکه (روسیه) هم (فرانسه) دن انتقام آلمق ، هم‌ده دولت علیه‌یه خوش کورونمک ، خدمت ایتک خصوصنده انکلیزلری یالکز براتق ایسته‌میوردی . باب‌عالی‌یه

حل اولنورسه آرتق آتیا کافه مسائل شرقده طرفینک (اوروپا) هیئت دولیه سنه مراجعت ایتمدن فصل اختلاف ایده میه جکلیرنی اثبات ایتک لازم کلدیکی بحثده (فرانسه) و (انکلتره) متفق کیدی . (روسیه) ایسه بالعکس بر آن اول مصالحه یه لزوم کوریوردی . باب عالی بی سریمه ارضه ایچون صوک غیرتی ده صرف ایتدی . محمد علی پاشایه کافه مطالباتنک توجیه ایدلدیکنی مین اولان فرمان هایون تسطیر ایداش ، حتی نثر ایدلک اوزره بولنش ایدی که (اوستریا) نک در سعادت سفیری بارون (اشتورمر) مصر والیسنه مساعدات ویرلسنه مانع اولمق ایچون (فرانسه) و (انکلتره) سفیر لریله بر لکده همان باب عالی نزدنده تشبثات مقتضیه ده بولنلمسی امرینی آلدی . بتون (اوروپا) سفیر لری - (روسیه) سفیری داخل اولدینی حالد - اجتماع ایدرک باب عالی یه بر نوطه تبلیغ ایدلسنه و بونوطه نک (فرانسه) سفیری (روسه) طرفدن قلمه آلمسنه قرار ویردیله . (فرانسه) بتون (اوروپا) نامنه « دول خسه معظمه آره سنده ائتلاف تام بولندینی و بودولت لک کندی معاونت لریله عقد ایدیلن هر درلو مصالحه شرائطنی قبول ایده میه جکلیرنی » باب عالی یه تبلیغ ایتدی .

بونوطه نک (اوروپا) سیاسیات عمومیه سنجه حصوله کتیر دیک تاثیر پک بیو کدر . خنکار اسکله سی معاهده نامه سنه اهمیت ل بر ضربه اوریل یوردی . بوندن صکره دولت علیه و شرق ، (اوروپا) نک تحت نظارتنده قاله جق کبی کورونیوردی ؛ (اوروپا) هیئت دولیه سی باب عالی یه خرسیتیان تبعه سنک تأمین مساوات حقوقی توصیه ایدیوردی ، نتیجه ده کلخانه خط هایونی تسطیر ایدلدی . اوروپانک بو مسلکی روسلری قره دکزه آتمق ، (روسیه) حکومتنک خرسیتیانلر اوززنده ادعا ایتدیکی حمایه بی قالدیرمق مقصدینه مبتنی ایدی ؛ بو صورتله (اوروپا) دول بحریه سی (روسیه) چارلرینک قاینارجی معاهده نامه سنندن بری شرقده نائل اولدق لری موفقیتنک انتقامنی آلمش اوله جقاردی .

موسیو دو (برولی) ۱۸۳۴ ده شوسوزلری یازیوردی : « اون سکزنجی عصرده لهستانک اشغالنه وبعده تقسیمنه قارشیدن سیرجی قالمق ذلتی اختیار ایدن انکلتره و فرانسه بو دفعه ده عین معامله نک دولت علیه یه تطبیق ایدلسنه راضی اولمالیدر . » بونصیحه نقطه سی نقطه سنه رعایت ایدلدی . (لویی فیلیپ) مصر مسئله سنندن بالاستقاده دیگر (اوروپا) دولتلرینک ده باب عالی یه قارشیه عین حال و موقعدمه بولندقلرینی (روسیه) یه قبول ایتدیرمک ایست یوردی . اگر (روسیه) بوکا ممانعت ایتسه ایدی شرقده صلح و مسالمت محافظه ایدیله جکی یرده - (دوق دو برولی) نک ۱۸۳۴ ده آرزو ایتدیکی وجهله - محاربه ظهور ایلنه جکدی . مارشال (صولت) عالم سیاستده یکی بردوره

حرکتی کورولور کورولمز چناق قلعه بوغازندن کچمک ایچون تعلیمات آلدی. الحاصل (صولت) ۱۸۳۴ سنه‌سنده دوق دو (برولی) نك تعقیب ایتمک ایستدیگی سیاستی ؛ یعنی (انکلتره) و (فرانسه) آره‌سنده - (اوستریا) نك‌ده معاونتیه - (چار) علمینه براتفاق تأسیسی مسلکنی ترجیح ایدیوردی . (روسیه) یه کلنجه ؛ چار برنجی (نیقولا) انکلز دیپلوماترینک خنکار اسکله‌سی معاهده‌نامه‌سنک فسخی ایچون معاونتیرینی وعد ایده‌رك ترکی محاربه‌یه سوق ایتمکیرینی بیلور؛ بومعاهده‌نامه‌نك محافظه احکامی ایچون بتون اوروپا دولتریه محاربه‌یه جسارت ایده‌میوردی . (روسیه) انتقام تصوراتندن واز کچمسنی باب عالی‌یه توصیه ایدیور ؛ محاربه‌یه منعه چالیشوردی . (تزیب) هزیمتی متاقب سریعاً عقد مصالحه ایچون درسعادتده تشبندن فارغ اولدی . اوزمان (فرانسه) دخی‌صلحی آرزو ایتمکندن (پرسبورغ) (پارس) حکومتیری پک قولای صورتده ائتلاف ایده‌بیلیرلر انکلتره‌نك تصوراتنه مانع اوله‌بیلیرلردی . (پالمستون) ده بوندن قورقیور ، باب عالی - مصر اختلافنک برقاچ کون ایچنده حل اولنه‌بیلیمسی حتمالی نظر دقته آیلوردی . فقط (فرانسه) ، (روسیه) ایله ائتلاف جهتیه یناشمادی ؛ انکلز سیاستنک شرقده آچدینی بحرانه ختام ویرمزدن اول (روسیه) پوئتیقه‌سنه غلبه ایتمک ایستدی . مارشال (صولت) تموز ۱۸۳۹ تاریخلی تخریرات عمومی‌سنده : «فرانسه ایچون اولدینی کبی انکلتره حتی و اوستریا ایچون‌ده اک مهم مسئله متحداً حرکت ایدرک روسیه‌نك توسعنه مانع اولمق ومسائل شرقینک اوروپا هیئت دولیه‌سنجه مشترکاً حل ایلمسینه بو حکومتی آیشدیرمقدر» دییوردی .

(پالمستون) ، (فرانسه) هیئت وکلاسنک مسلکندن پک ممنوندی . حتی «صولت» کرانها برمجوهردر «دیتمکده ایدی . انکلز باش وکیل (لوندره) و (پارس) قابینه‌لری آره‌سنده‌کی ائتلاف افکاری‌ده شویله تصویر ایدیوردی : «هرشی حقتده متفقز آره - مزده‌کی مخبرات ایکی حکومتک یکدیگری‌نه تبلیغاتندن زیاده برهیئت وکلا‌اعضاسی آره‌سنده تعاطی افکار ایلمسینه بکزه‌یور . «روسیه علمینده ایلك تشبند بولمنی (فرانسه‌یه) براتفاق انکلزلیر ایچون پک مهم بر مسئله ایدی . ایلك کوندنبری بوکا چالیشیورلر ، روسلرک تعریضاتندن کندیلیرینی محافظه ایله بتون حدت وشدتی (پارس) قابینه‌سنه توجیه ایتمیرمک ایستیلورلردی .

انکلز سیاستنک موفقیت قطعیه ایله نتیجه پذیر اوله‌جنی محقق ایدی . انکلزلیر بالکز سلطان عبدالحمید ایله محمد علی آره‌سنده سریعاً عقد مصالحه ایدیله‌رك (اوروپا) مداخله‌سنه میدان قالماسندن قورقیورلردی . مصر مسئله‌سی (اوروپا) مداخله‌سیله

برشی قالمشدی . باب عالی هر درلو مساعدات و امتیازاته راضی اولان بر مرخصی، عاکف افندی بی قاهره یه کوندردی ؛ محمد علی پاشا حکومتک ارثاً اوغلنه انتقال ایلمسنه موافقت ایدیور ، وضع امضایه حاضر بولنیوردی .

مخاربه همان همان بو صورتله نتیجه لثمک اوزره ایدی : (لوتی فیلیپ) دها ایلمک ساعته محمد علی پاشایه صلح توصیه ایتشدی . باتش وکیل مارشال (صولت) یاور حربی بیکباشی (قالیه) بی نزیب مخاربه سندن صکره ابراهیم پاشا اردو کاهنه کوندره رکه اعتدال ایله حرکت ایتمی لزومنی اخطار ایلمشدی . اگر دولت علیه یالکز اولسه ایدی . هزیمت لثمک نتیجه سی باب عالی دن بشقه سنی اضرار ایتسه ایدی محمد علی ایچون صوک درجه فائده بخش بر مصالحه عقندی پک قولای ایدی .

فقط دولت علیه نك آرقه سنده - اولامتعظم و متجاوز ، شمندی ایسه محجوب و متحیر - انکلتزه بولنیور ؛ در سعادتده کی نفوذینی اعاده ایتمک و خدماتنه مقابل منافع تجاریه تأمین ایلمک ایچون محمد علی پاشایه قارشی مخاربه یه حاضر طور بیوردی . اولجه باب عالی نك موفقیتنی حساب قاهره اوکا کوره حرکته حاضر لنان (پالمستون) نزیب فلاکتدن صوکره عثمان لیلرک هزیمتی نتایجنی حساب ایدیوردی . مغلوب ترکره غالب کل دکلری حاله بیله اله ایده میه جکلری بر فائده نی تأمین ایتمک ایستدی ، بتون (اوروپا) بی محمد علی علیه چویره رکه ، اتحاد ایتدیره رکه باب عالی یه جسارت و یرمک مملکتده شرقده بر موقع رجحان قازاندرمق جهتی دوشوندی و موفقده اولدی .

اول امرده ، (نزیب فلاکتک تأثیر یأس آوری آلتنده بولنان و مصری ، سوریه بی ، حتی کریدی اولاد و احفادینه انتقال ایتمک شرطله محمد علی یه ویرمکه حاضر لنان باب عالی نك مصالحه نی تأخیر ایتسنه چالشدی . قیامتق اوزره بولنان بحرانی تکرار آچدی . مع مافیه بو تشبهنده آنجق (فرانسه) نك و (فرانسه) قرالنک (انکلتزه) هیئت و کلاسی آلمانیه موافق بر مسلک سیاسیده دواملری سایه سنده موفق اوله بیلدی .

(لوتی فیلیپ) ایله باش وکیل (صولت) صلحک (فرانسه) منافعه ، سیاسته موافق کلدیکنی تقدیر ایده رکه یالکز مصالحه بی تسمینه چالیشه جکلری یرده اولار روسلر علیه نك تشبثاده بولندیلر . در سعادتق (روسیه) یه قارشی مدافعه ایتمک ، ترکلری محمد علی یه مقاومت ایچون (روسیه) نك معاونتی طلبدن منع ایلمک ، روسلری قره دکزه آتوب اوراده قیایه جق بر (اوروپا) اتحاد دولیسی وجوده کتیرمک ایستور لریدی .

بدایت حربده مارشال (صولت) علی العجله بر دونما تشکیلی ایچون مجلس مبعوثانندن تخصیصات طلب ایتدی . بو دونمانک قوماندانی آمیرال (لالاند) روسلرک اوفاق بر

بو محاربه‌ده (انکلتره) نك باب عالی‌یه معاونت ایده‌جکی آچقندن آچیغه کورلدیکندن دولت علیه‌جه، سوریه‌نك استرداد ایچون یکی بر محاربه‌یه کیریشلمسنی آرزو ایتمک طبیعی ایدی .

وسيله حرب پك قولای بولندی : (فرات) حوالیسنده‌کی کردلر دولت علیه‌یه ، ابراهیم پاشانك کندیلرندن عسکر آلمسنه راضی اولمیان امان اهاالیسی محمد علی پاشایه قارشى عصیان ایتدکلرندن هم باب عالی ، هم‌ده مصر والیسی عصائی تأدیب ایچون اردو کوندرمشلردی . نیشان ظرفنده بواردولر حدود اوزرنده بر برینه او قدر یا قلاشمشله ایدی‌که عادتاً حال تماسده بولنیورلردی . حزیران ایچنده دولت علیه محمد علی پاشایی داعیه استقلال ایله اتهام ایتدی . شایان دقتدرکه باب عالی‌نك اتهاماتی آره‌سنده محمد علی پاشانك انکلیز تجارتیه قارشى مصر و سوریه لیمانلرینی قیامش اهلیمسده بولنیوردی ؛ بش آی اولده (پالمستون) خنکاراسکله‌سی معاهده‌نامه‌سنى حکمسز براقق ایچون سلطان محمود لهنده بیوک بر (اروپا) اتفاقی تأسیس اولمسنی (فرانسه) و (اوستریا) یه تکلیف ایتمشدی . شرق بحران جدیدینك انکلیزسیاستنك محصلی اولدیغی شه‌سزدی . (پالمستون) : « دولت علیه‌نك سوریه‌یی ، حتی مضرى استرداد ایتسنى منفتمز اقتضا - سندندر » دییوردی . (انکلتره) نك درسعادت سفیری (پونسونبی) ده بو سوزی (فرانسه) سفیری آمیرال (روسه‌ن) ه تکرار ایدوب طورییوردی .

نهایت محاربه باشلادی ، فقط محمد علی یدی سنه اولکنندن ده‌پارلاق بر مظفریت احراز ایتدی : ابراهیم پاشانك اردوسی (تزیب) ده اردوی عثمانی‌یی ایکی ساعت ظرفنده منہزم و پریشان ایتمکه موفق اولدی . بر آی صوکره احمد پاشا عثمانی دولت‌مانسی - اسکندریه‌یی طوپه طوته‌جقلرینی متفاخرانه سویلین انکلیز ضابطاننى حامل اولان سفائن عثمانیه‌یی - اسکندریه‌ده محمد علی پاشایه تسلیم ایتدی . بوفلاکتلر یتیشمیورمش کبی سلطان محمود ثانی‌ده ارتحال ایدرک عمان یأس وقتور ایچنده یووارلانان سفینه دولتی هنوز اون آلتی یاشنده برچوجق اولان اوغلی سلطان عبدالمجیده براقدی . ایشته (اوستریا) باتس وکیلی (مترنیخ) ك « ترکلرک دلجه حرکاتی » دیدیکی شینك نتیجه‌سی بو اولدی . دولت علیه محاولمش ؛ استقبال عثمانی محمد علی‌نك ؛ یاخود - ۱۸۳۲ ده اولدیغی کبی - ایلک اوکجه عرض خدمت ایده‌جک بر حامینك النده قالمش کبی کورونیوردی . پادشاه نوجاهک مسؤلیتدن قورقان و کلاسنك بوتله‌که‌دن قورتولمق ایچون محمد علی پاشانك مطالباتی قارشیسنده بیون اکهرک محمود ثانی‌نك خطاسنی اعتراف و تسلیم ایتلرینه پك از

(انگلتره) وبالخاصه (پالمستون) ۱۸۳۳ سنه سنده چار (نیقولا) نك احراز ایلدیکی موقیت عظیمه یه راضی اوله مامشدی ؛ درسعدتی الی لاید روس نفوذی آلتده برامتی ایسته میوردی . انگلیزلك ایلک تدبیرلری ۱۸۳۶ دن اعتباراً شرقده اولکنندن دهامهم بر موقع تجاری الده ایتمک ، یواش یواش دولت علیه ایله تأیید مناسبات ایلمک نقطه سنه معطوف اولدی . (ایونیهن) آطه لریله یونانستانده یرلشهرک درسعدتی معاملات تجاریه لریته مرکز یاپدیله ، (قلاص) و (طربزون) قدر توسیع مناسبات ایتدیله ، (طونه) آغزلرنده بیوک بر مؤسسسه تجاریه وجوده کتیرمکه چالیشدیله . او زمان (فرانسه) نك (پترسبورغ) سفیری اولان موسیو (دوبارات) دییورکه : «انگلتره سیاستک عناصر مهمه سندن بری ، بلکه برنجیسی منافع تجاریه در . بر محله انگلیزلر برلشهرک کافی درجه ده تکثر ایدنجه همان مشکلیسند اولورلر ، بر چوق شیلر ایسته مکه باشلارلر ، آمر مجبر کسلیرلر ، افکار عمومیه یی قازانه رق کسب قوت ایدرلر . شرقده انگلیز تجارقی بر موقع مهم طوتدینی زمان انگلیز تجارینک منافعی وحتی افکاری لوندره قاینه سنک اجرا آتته رهبر اوله جق ؛ بر زمان کله جک که صلح ویا حرب بونلرک رایته منوط بولنه جقدر . واقعا شیمدیلک بویله تهلکه موجود دکل ایسه ده ، آتی ایچون نظر دفته آلمق ایجاب ایدر .»

۱۸۳۸ سنه سنده بو تهلکه نك یاقلاشدینی ؛ بو سیاستک وضوح ایله تعین ایتدیکی کورلدی . (انگلتره) نك درسعدت سیری وروسلرک خصمی امانه اولان (اورقارت) باب عالی ایله بر تجارت معاهده نامه سی عقد ایدرک انگلیز امتعدسنگ ممالک عثمانیه به بلا رسم ادخالی کبی بر منفعت عظیمه یی استحصاله موفق اولدی . مصر والیسی محمد علی انگلیز تجارتنه قارشی کمرکارده شدتی بر اصول حمایه تطبیق ایتدیکی ، سوریه وسویشی انگلیز امتعه سنه قبادینی حالد باب عالی انگلتره نك عدنی اشغال ایلمسنه مساعده [کانون ثانی ۱۸۳۹] ایدیوردی . بو مساعدات بالطبع بر مقصده مبتنی ایدی . انگلیزلر شرقه تاجر صفتیله کلیورلر ، فقط سیاسی صفتیله یرلشورلر ، هپ مقاصد سیاسییه تبعاً حرکت ایدیورلردی . دولت علیه نك مصر والیسندن اخذ ثار ایلمسنه ، سوریه یی محمد علیدن آلمسنه انگلتره نك معاونت ایده جکنی باب عالی یه سویلورلردی . (پالمستون) ک محرم اسراری اولان درسعدت سفیری (پونسوبی) دولت علیه نك محمد علی باشا علیهنده کی حسیات خصومتکارانه سنی تشدید ایدرک ، ایجاب ایدرسه محاربه یه سوق ایله رک انگلیزلره شرقده اقتصادی و سیاسی بر موقع مهم قازاندرمنه چالیشیوردی . انگلیز دونمسانی بر تهدید دائمی کبی مصر وسوریه صولرنده طولاشیوردی .

۲. — (لوئی فیلیپ) ، مشروع حکمدار لر له ملاقات ایتک ، قدیم خاندان حکمدار یلر ایله پیدای مناسبات ایدرک عالیه‌سنی جمعیت حکمدارانہ ادخال ایلمک ایستیور ؛ شخصاً بتون (آروپا) سرایلرینه حکم ایدن حکومت شرقیه ایله مناسبات حسنده بولنمی و بونک ایچوندہ (انکلتره) نک هیأت وکلای احراری ایله ائتلاف اوزره بولنمانی آرزو ایدیوردی .

۱۸۳۶ دن اعتباراً آره‌ده‌کی صفوقلق حس اولنه‌جق درجه‌یه کلدی . (فرانسه) (وانکلتره) نک مشترکاً مداخله ایتدکری مملکتلرده ، (یونانستان) ، (اسپانیا) و (پورتیکیز) ده هر بری کندی نفوذینه تابع اولان فرقه‌ینی طوتیور ، مأمورین مخصوصه‌سی واسطه‌سیله بوفرقه‌ینی دیگر حکومتک التزام ایتدیکی فرقه‌علینه‌تحریک ایدیوردی . بالخاصه (اسپانیا) مسئله‌سندہ ایکی حکومت آره‌سندہ‌کی اختلاف کوزه چارپه‌جق درجه‌ده شدتلندی . (لوئی فیلیپ) اقرباسندن اولان (قریستین) ایله فرقه‌ معتدله‌ینی طوتیوردی . [اوننجی بابہ مراجعت] . انکلتره ، ترقیپروان فرقه‌سنی التزام ایتدی . (قارلیست) لر طرفندن تهدید ایدیلن (اسپانیا) حکومتی اتفاق مر بعدن استمداد ایلدی [۱۸۳۶] . (لوئی فیلیپ) ، وعد ایتدی ، فقط وقوعه کلن انقلاب نتیجه‌سندہ ترقیپروان رأس‌کاره کچدکرندن [اوننجی بابہ مراجعت] تیره ایله قطع مناسبت ایلدی . [بشنجی بابہ مراجعت] و (ایزابل) ایله (دون قارلوس) آره‌سندہ بیطرف قالدی . (لوئی فیلیپ) دول شرقیه‌یه تقریب ایتدی . بیوک اوغلی (دوق دورلثان) ی اولندیرمک ایستیوردی ، اوغلی (پروسیه) و (آوستریا) سرایلرینی زیارته کوندردی ؛ دوق ، (ویانه) ده باردانه بر صورت قبول کوردی ، مشروعیت فرقه‌سی طرفداری اولان (آوستریا) زادکانک کندیسندن قاچدق‌لرینی مشاهده ایتدی ؛ بر (آرشیدوق) قیزی ایتدی ، جواب رد آلدی . منکسر الحاضر اولان (لوئی فیلیپ) ، (پروسیه) قرالی طرفندن تکلیف ایدیلن بر پرنسس ، (ال‌ن دو مکلنبورغ) ی بیوک اوغله‌نه زوجه اوله‌رق قبوله راضی اولدی .

شرق مسئله‌سی و بوغازلر مقاله‌نامه‌سی [۱۸۳۹ - ۴۱] . — محمود ثانی ایله محمد علی ، ۱۸۳۳ سنه‌سندہ ، (آروپا) قابینه‌لرینک ثمره‌ مساعیسی اوله‌رق عقد مصالحه ایتمش ایکن ۱۸۳۹ سنه‌سی ایلمک بهارنده سلطان ایله والی آره‌سندہ یکی بر محاربه باشلادی . پادشاهک عاصی مصر والیسنی صورت قطعیه‌ده تأدیب ایچون آچدیغی بو محاربه‌نک ساحه‌ ظهوری ینه آناتولی ایدی ، فقط بو دفعه‌کی محاربه آروپا هیأت وکلای آره‌سندہ‌کی اتزیه‌لرک نتیجه‌ ضروریه‌سندن بشقه بر شی دکلدی .

فائده‌سزدر و حکومت‌لرک موقع سیاسیلرینی ضعیف‌لتمکدن بشقه برنتیج‌ویرمز» دییوردی .
فرانسه وانکلتره آرسنده کی اتفاقک بوزولسی [۱۷۳۶ - ۴۰] . — (فرانسه)
وانکلتره آرسنده ۱۸۳۰ ده حاصل اولان ائتلاف ایکی حکومتک ضدیت منافعنندن
طولانی مختل اولدی :

۱ . — هر ایکی حکومت مشروطیت ایله اداره اولنور . برر حکومت مکلفین
اولدقاری ایچون صنف متوسط اهلینک آمانی ، احتراصاتی نظر دقته آلفه مجبورایدیلیر .
حالبوکه هر ایکی مملکتده ، (فرانسه) و (انکلتره) آرسنده سنه لرجه دوام ایدن
محاربات مدیده نك خاطراتی هنوز اونودلماش ایدی . قهرمان ملی ، (انکلتره) ده
(واترلو) غالبی (وه‌لینتون) ، (فرانسه) ده ایسه انکلزلرک خصم جانی (ناپولئون)
ایدی ، او زمانده اردویالکیز فقرا صنفندن اولدیغی ایچون (فرانسه) نك احرار فرقه سنه
منسوب صنف متوسط اهلیمی ۱۸۱۵ معاهدات مشومهنسی حکمسز براقق ، « حدود
طبیعیه » یی ، یعنی (رهن) و (آلپ) حدود لرینی استرداد ایتمک ایچون محاربه دن ، قوتو حادتن
بحث ایدیوردی . — انکلیز شورای امتی بیله انکلتره نك شان و شرفندن ، دکزلرده کی
حاکمیتندن ، (اروپا) ده کی تفوقندن بحث ایلمسندن خوشلانیوردی ؛ انکلیز
وطنپر لکی بریتانیا جزائرینه متعلق اولاندردن بشقه بر شیشه حرمت ایتماکی ،
(اروپا) کله سنی حقارت آمیز بر تعیز کبی قوللانغی ایجاب ایدیوردی . — فرقه لرک
انظار دقتی جلب ایدن مسائل عظیمه سیاسییه ، (انکلتره) ده اصلاحاتدن (فرانسه) ده
قرالفاک تأمین موقع ایتمسندن صکرده یواش یواش حل ایلدیکی زمان مشکلات ده
زیاده آرتدی . کسب سکون ایدن سیاست داخلیه آرتق افکار عامه یی تهییج ایتیور ،
غزته لره سرمایه بحث و مناقشات اولیوردی ؛ هر کس مسائل خارجه یه مراق ایتدی ؛
مطبوعات امور خارجه دن کمال هیجان ایله بحث ایدیوردی ؛ فرقه مخالفه ، بالخاصه
(فرانسه) ده ، صنف متوسط اهالی یی حکومت علیه تهییج ایده بیله جک بر مسئله
داخلیه بوله مدینندن ، سیاست خارجه یه اهمیت ویردی ، سیاست خارجه ایله ملتک
عزت نفسنی تحریک و تهییج ایتمک ایستدی . یکدیگره حسود و عزت نفس ملی یی محافظه ده
فوق العاده مغرور اولان بو ایکی ملت آرسنده رقابت دائمی ، انکسار خاطر یی موجب
وقایع متمادی ایدی . حکومتلر ، اهالی نظرندن دوشه رک مملکتی تهلکیه القا ایتمه مک
ایچون ، دائماً « حیثیت ملیه » یی محافظه ایتمک مجبور ایتنده ایدیلر ، « حیثیت ملیه » ایسه
رقیب اولان ملتک ایستدیکی هر شینک ردندن عبارت کبی تلقی اولنیوردی . ائتلافی
مشکل بر حاله کتیرمک ایچون بو حسیات کفایت ایدردی .

اوج حکومت شرقیه ، یعنی (آوستریا) ، (روسیه) و (پروسیه) انقلاب علیهنده بر نمایش یامق ایچون اتفاق ایتدیله . بو مقصد ایله (آوستریا) ایمبراطوری ، (چار) و (پروسیه) ولی عهدی ۱۸۳۳ سنه سی ایلولنده (مونشن گرهچ Münchengraetz) ده ملاقات ایلدیله . بو ملاقاتده بر بیاننامه حاضرلندی ، فقط (پروسیه) قرالی محاربه ایچون بر تعهد آلتنه کیرمکدن قورقدینی جهته بیاننامه یی امضا ایتمکدن امتناع ایلدیکندن (برلین) معاهده خفیه سیله اکتفا اولندی [۱۵ تشرین اول ۱۸۳۳] . اوج حکمدار « حقوق عمومی و معاهدات وبالخاصه ۱۸۱۵ معاهده لری ایله (آوروپا) ده تقرر ایدن احوالک تحت تهیدده بولندیرلمسندن متولد تهله کله ری نظر دقته آله رق سیاسترینک لایتیر اساسنی تشکیل ایدن مسلك محافظه کارانی تأییده متحداً قرار ویردکلرینی » بیان ایدیورلردی . بناء علیه ، « هر بر حکمدار مستقلک داخل مملکتده قاریشیق و قوعه کلدیکی ، یا خود مملکتی خارجی تهله کله ره معروض قالدینی زمان معاونته اکی لایق کوردیکی دیگر بر حکمدار مستقلدن استمداده صلاحیتدار بولندینی و بویاکنجی حکمدار کده طلب اولنان معاونتی کندنی منافعه ویا ایجابات احواله کوره قبول ویا رد ایده بیله جکنی تصدیق ایدیورلردی . طلب اولنان معاونت ، ایفا ایلدیکی تقدیرده دوچار تهله اولان حکومت طرفندن کندینه مراجعت ایدلمش بر دولت نه معاونتک ایفاسنی منع ایتک ، نه ده عکسی صورتده حرکت ایلک ایچون مداخله یه صلاحیتدار دکلدیر . اوج حکومتدن برینک معاونت مادیه سی طلب ایلدیکی و دیگر هر هانکی بر حکومت سلاح قوتیله ایفای معاونته مانع اولمق ایستدیکی زمان اوج حکومت بو مقصد ایله واقع اولان هر درلو حرکات خصمانه یی کندینه توجیه ایدلمش عد ایده جکدر . » الحاصل بو معاهده خفیه ۱۸۲۰ ده میدانه قونیلان « مداخله » قاعده سنک محافظه سی ایچون واقع اولان بر تعهددن [*] . غرب حکومتلرینه قارشی شرق حکومتلرینک اتقاقندن عبارتدی .

ایمبراطور (فرانسوا) نک وفاتندن صکره اوج حکومت آره سنده ائتلاف ، (لهستان) ده کائن (قالیش) ایله (ته پلج) شهرلرنده وقوعه کلن ملاقاتلرده تجدید ایلدی [۱۸۳۵] . هیچ بر بیاننامه نشر ایدلمه سنه قرار ویرلدی . (مترنیخ) بر مکتوبنده : « اوج حکومتک ایستدیکی شی هر کسجه معلومدر ، بونی تکرار ایتک .

[*] مترنیخ ، ۱۸۲۳ سنه سندن اعتباراً ، نوموز حکومتندن لسان نفرت ایله بحث ایدیور : « بو تحت ، بو حکومت هیچ بر شی یاپدی ، یاپه بیله دیکی شی کندینی محافظه ایتمکدن عبارتدر . یکانه محصول سعی عدم مداخله قاعده سی دنیلن شی ، یکانه اثر اختراعی افکار مفرطه یه مرکز صدور اولان بر بایتخدر . »

ترتیب ایدیوردی . ظاهری ماده لر خنکار اسکله سی مقاوله نامه سنک نهدن طولایی مقابل بر معاهده تدافیه اولدینی ایضاح ایده میور و ضعیف ، مغلوب اولان دولت علیه نك پایتختی محافظه ایچون استمداد ایلدیکی متفقنه نصل معاونت ایده بیله جکی جای سؤال کوریلوردی . ایشته بونک ایچوندرکه ماده خفیه ده (چار) ک دولت علیه دن معاونت مادیه طلبنده بولمیدی ، بلکه بومعاونت یرینه — ظاهری معاهده نامه نك متضمن اولدینی معامله متقابله اساسنه توفیقاً — باب عالینک قلعه سلطانیه بوغازینی (روسیه) نك دشمنلرینه سد ایتمکله اکتفا ایلله جکی ، یعنی هر نه بهانه ایله اولورسه اولسون هیچ بر حرب کیسنک مرورینه مساعده ایتمه جکی بیان ایدیلوردی .

معاهده نامه نك امضا ایدلمسنی متعاقب روس مهندس لرینک چناق قلعه نی تحکیمه باشلادقلری کوریلنجه (اوروپا) ، (روسیه) نك بر اتفاق ایله الدهه ایده بیله جکی منافعدن ده ایلدی بونک بر منفعت استحصال ایتمش اولدینی آکلادی . ایکی عصر دن بری روس دونمسانک قنابوب قالدینی بحر سیاه ، چناق قلعه نك طوبلر یله مدافعه ایدیلن بیوک بر روس لیمانی حالی آلوردی . روس دونماری بود کزده سر بستجه کزه جک ، بوغازدن سر بستجه کیروب چیقجه جقدی ؛ الحاصل بحر سیاه روس دونمسی ایچون غایت امین بر اس الحرکه ، غیر قابل تسخیر برملجا اولوردی .

(انکلتره) مصرده فرانسیز نفوذینک یرلشمسینه مانع اولمنه چالیشیرکن قوتلی بر رقیب میدانه چیقمسینه سبب اولمشدی . (پلرستون) بر آراق همان چناق قلعه دن کچوب معاهده نامه نك تصدیق قطعی معامله سنک اجرا سندن اول اجرای تأثیر ایتمک فکرینه د شدی . (تالهران) ده بوکا متایلدی . فقط بود فعه (فرانسه) هیئت وکلای ، احتمال که دوق دو (برولی) نك (انکلتره) دن اخذ ثار فکری بوتشبه مانع اولدی ؛ « فرانسه یکی بر شرق مسئله سنه باشلامق تهلکه سنی قبول ایده مز . بو علاج خسته لقدن ده مضر در » دنیلدی . روس سیاستنک غلبه ایتدیکی شهه سزدی . فقط قباحت کیمده ایدی ؟ (فرانسه) دولت علیه یی ره سیه (جاری) نك جایه سنه تودیع ایدن بر معاهده نامه یی قبول ایده میه جکنی بیان ایله اکتفا ایتدی . (انکلتره) ده بشقه بر حر کتده بولنه مدی . ایکی ممکتک بتون اوروپا مسائلنده حاکمیتی تأمین ایدن (فرانسه — انکلتره) اتفاقی ایکنجی دفعه اوله رق دوچار تزلزل اولدی .

ملعبیر و حکومت مطلقه اتفاق [۱۸۳۳] . — حکومت غربیه نك (بلجیقا) ، (اسپانیا) و (پورتگیز) مورینه مداخله ایتملرندن ممنون اولمان ، (اسویجره) و (فرانسه) یه التجا ایدن له ، آلمان ، ایتالیان انقلاب پرور لرینک تحریکاتدن تلاش ایدن

خلاصہ فرانسزلرانگلیرقاینہسنگ معاونتی تأمین ایتہدن واقع اولان تشبثری نتیجہسندہ عدم اقتدار و محجوبیتدن بشقہ بر شی کوستردمدیبلر . بدایہ (فرانسه) شرقدہ برمسلك تجاوزکارانہ اتخاڈینہ تمایل کوسترمش ، (انگلترہ) اوروپا دولترینک مخالفت و خصوصتتری قارشیسندہ فرانسزلری یالکیز براتمشدی . ۱۸۳۲ سنہسندہ (فرانسه) نك جندا بیطرفانہ برمسلك اتخاڈ ایتسی اوزرینہ کرک (لوندرہ) و کرک (ویانہ) دہ (اوروپا) امور سیاسیہسی ہپ فرانسزلرک آرزولری دائرہسندہ حل اولمشدی . آتی آی صکرہ ایسہ (فرانسه) شرق مسائلندہ (اوروپا) ہیئت دولیہسی خارجنہ قالدی . محمد علی پاشا بیہ مصر حکومتک توسیع و تقویہسی ایچون فرانسز سیاسیونک صرف ایتہکری مساعیدن طولای متتدار اولدی .

(انگلترہ) برمدت صکرہ مسلك حسودانہسندن نام اولدی . معاونتی (فرانسه) دن دریغ ایتش اولسنہ تأسف ایتدی . روس عسکرینک عزیمتی خبریلہ برلکنہ وزود ایدن دیگر برخبر (لوندرہ) و (پارس) قاینہلری تلاشہ دوشوردی . برنجی (نیفولا) نك سفیری قونت (اورلوف) — کہ ماضیہ عائد حسابلری تسویہ مأموریتیلہ درسعادتہ اعزام اولمشدی — دولت علیہ ایلہ خنکار اسکہسندہ برمعاهدہنامہ امضا ایتمشدی .

سلطان محمود ایلہ (چار) آرسندہ برمعاهدہ خصوصیتہ عقدی — ولو کہ ظاہراً تدافعی برمعاهدہنامہ کی کورونسون — اپنی برعلامت دکلدی ، بالعکس آتی ایچون بیوک تہلکہلری موجب اولہ بیایدی . ایلاک تہلکہ دوچار ضعف اولان دولت علیہ نك سکنز سنہ ایچون (روسیہ) نك حمایتی آلتہ کیرمسی ، ہر درلو احوالہ یالکیز (چار) ک معاونتی طلب ایتکی تہند ایتسی ایدی [۵۵ نجی مادہ] . ذاتاً قاینارجی معاهدہنامہسیلہ اورتودوقس اہالینک حامیسی اولان (روسیہ) بو معاهدہنامہ ایلہ بالذات ترکلرک حامیسی اولنجنہ دولت علیہ نك کافہ امورینہ مداخلہ ایتک حقی اکتساب ایدیوردی . وقتیلہ نصل (ویستول) حوالیسندہ (لہستان) احوالہ حاکم اولمش ، دینلوماتلری وعسکرلری ایلہ لہیلرک اضمحلالتی تعجیل ایتش ایسہ شمدی دہ عین مساککی دولت علیہ یہ قارشی تعقیب ایتک ایستیوردی . روس قاینہسی دولت علیہ حقتہ کی آمال استیلاجویانہسنگ بردن برہ وجود پذیر اولہ میہ حتی پک اپی بیلدیکی ایچون بر عصردن بری استانبولہ طوغری تعقیب ایتدیکی طریقہدہ ایکنجی بر قطعی خطوہ آیتش اولمشندن بختیار ایدی . قاینارجی معاهدہسندن صکرہ ادرنہ معاهدہنامہسیلہ خرسٹیائیلر نامہ مداخلہ حقی تأیید ایتمشدی .

بومداخلہ خنکار اسکہسی معاهدہسیلہ ترکلرہدہ تشمیل ایدیلیوردی .

مقاولہ نامہ نك برمدہ خفیہسی (چار) نظرندہ قیمتتی ، اوروپا نظرندہ ایسہ تہلکہسنی

خلاصه ، (انکلتره) ، روسری در سعادتدن اوز اقلاشدیرمق ایچون دوق دو « برولی ، نک یامسی اقتضا ایدن شیئی یاییوردی : طوغریدن طوغری به مد علی پاشایی صیقشیدیره رق مصر لیلرک آناتولیدن چکیلرینی تأمین ایتمک ایستیوردی . فقط بوکا فرانسه ایله برلکده چالیشمور ، حتی در سعادتده (فرانسه) سیاستنی تصویب بیله ایتمور ، بابعالینک محمد علی پاشایه قارشیی دهها مساعد طاورانمسی خصوصنی در عهدده ایدن (اوستریا) ایله مشترکاً حرکت ایدیوردی . بوناغ ایچنک آناتولی ساحلنه چیقان روس اردوسیه مصر صورلنده طولاشان انکلیز دونماسنک تهدیدلری آردسننده قالان محمد علی پاشانک ویردیکی امر اوزرینه ابراهیم پاشا کوتاهیله ده مقدمات صلحیه بی امضا ایتدی . مصالحه قطعیته نک عقدی دهها برآی قدر تأخر ایلدی . چونکه مصر والیسی آظنه ولایتی ایسته مکدن واز کچه میور ، سلطان محمود ایسه بونی صورت قطعیته زد ایلیوردی . نهایت راضی اولدی . انکلیز دونماسنک اسکندریه به تقریبی اوزرینه ابراهیم پاشا سوریه نک پدرینه وقرمان ایالتنک ده کندیسنه توجیهی متضمن فرمان هایونی حاملاً آناتولی بی تخلیه ایتدی . شرقده صالح ومسلت اعاده ایدلمش اولدی . بونتیجه دن فوق العاده ممنون اولان (دوق دو برولی) محاربه به مانع اولدینی ایچون اظهار مسرت ایدن (لوئی فیلیپ) کبی فرانسه سیاستنک غلبه ایتدیکنی سویلیور و « آرتق روسلری مملکتلرینه کوندرمکدن بشقه برشی قالدی » دییوردی .

پارسیه منتشر (ژورنال ده دبا) فرانسه سیاستنک غلبه سنی شو سوزلرله اعلان ایدیوردی : « بونذا کرات انساننده فرانسه نتوخی او درجه اجرای تأثیر ایتدی و آناتولی وقایعنده حصوله کلن نتیجه ممنونیت بخشاده فرانسه نک فعالیتی اوقدن پارلاق بر صورتده حس ایدلدی که دیپلوماتلر مزنی عن صمیم القلب تبریکی وظیفه عد ایدرز . » آمیرال (روسه) دخی محمد علی به عین مآلده بر مکتوب یازدی و : « ایسته فرانسه نک اوچ آیدن بری مصر حکومتی تقویه وتوسیع ایچون هرکسندن زیاده صرف ایلدیکی مساعینک ثمره سی ! » دیدی . فقط محمد علی پاشا (فرانسه) سفیرینه جواب بیله یازمیه رق مکتوبنی (مترنخ) کوندرمکده اکتفا ایتدی .

مصر والیسی اوچ آی ظرفنده (فرانسه) نک نه کندیسی آرزوسی وجهله محاربه به ، نه ده دهها ممنونیت بخش بر صورتده مصالحیه مقتدر اوله مدیغنی پک ابی بیلیوردی . (روسیه) ، فرانسلری کندیسنک قورقدینی بر محاربه ایله جریان احواله عرض تسلیمیت آرسنده مخیر براقشیدی ؛ فرانسلر ده ایکنجی شق قبولده مضطر قالمشلردی . مصر والیسنک دولت علیه ایله مصالحه سی صرف انکلتره و اوستریانک تضییق ثمره سی ایدی .

انکلز هیئت وکلاسنک مسلك لا قیدانه‌سنه جیرت ایدیلور؛ حتی بو مسلك ، (پالمستون) ك جهلنه ، كندیسنجه مجهول اولان شرق مسائنه قارشی بی قید بولمسنه عطف ایدیله‌جك درجه‌ده ایلری‌یه واریلیوردی . حقیقت حالده ایسه (پالمستون) شرق مسئله‌سنده‌کی جهالتدن دكل ، حسدنن طولایی بویله حرکت ایدیوردی . آناتولیده محمد علی پاشا ایله (روسیه) آره‌سنده حاضرلنان محاربه انکلزلرجه — محمد علینك موفقیات متابعه‌سنك پارسده حاصل ایتدیکی جوش خروش مسرتة نظراً — (فرانسه) نك شرقده یکی بر سیاست استیلا جویانه تعقیب ایلیه‌جکینه دلیل کی تلقی اولمقده ایدی . (جزایر) ك اشغال ایدلیکی شو صروده مصر والیسنك موفقیاتی آلقیشلامق ، فرانسه نفوذینك بحر سفیده ، شمال آفریقاده توسعنه خدمت ایتك انکلز سیاسیوننه خوش کورونموردی . انکلزلر محمد علی پاشایی صلحه راضی ایتك ایچون (آوستریا) و (روسیه) ایله مشترکاً حرکتی ترجیح ایدیورلردی : نته‌کیم سکز سنه صکره عین اسبابدن طولایی بویله حرکت ایتدیلر . ابشته (دوق‌دوبرولی) و (تالهران) نك تکلیف‌لرینه (لوندره) هیئت وکلاسنك ایلك جویایی بوندن عبارت قالدی [شباط ۱۸۳۳] .

بر آز صکره (پالمستون) فرانسه قابینه‌سنك پروغرامنی قبول ایده‌جکی ، یعنی چار (نیقولا) یه قارشی (انکلتره) ایله (فرانسه) نك اتحاد ایدرك و بو اتحاد (آوستریا) بی دخی ادخال ایلهرک مشترکاً مقاومت کوستمرلی تصویرنی موقع اجرایه قویه‌جنی یرده بو پروغرامک تماماً ضدینی اله آلدی . (فرانسه) خارجه ناظرینك دكل ، آوستریا باتش وکیلی (مترینخ) ك افاداتنه ده‌ها زیاده میال کورندی . (مترینخ) ، (فرانسه) نك مصر حقنده آمال استیلا جویانه بسلمکده اولدیغنی لوندره‌یه اشعاردن کری طور میوردی . (آوستریا) باتش وکیلی ۱۵ شباط ۱۸۳۳ تاریخنده یازدیغنی بر تحریراتده : محمد علینك آمال فساد جویانه‌سنه سد چکک ایچون ایچون یکانه چاره بزم ایله انکلز قابینه‌سی آره‌سنده آرتق تأسس ایتش نظریله باقدیغمز ائتلافدن عبارتدر . دیوردی . مصر والیسی علیهنده واونی صاحب، مجبور ایتك ایچون عقد ایدیلن بو ائتلاف بالطبع اسکندریه‌ده اجرای تأثیر ایتدی ؛ (فرانسه) سفیری در سعادته روسلرک ایلر یلملرینه قارشی عاجز بر حالده اوغراشوب طور برکن آوستریا قونت دو (پروکش اوسته‌نی) وانکلتره موسیو (قامل) ی مصره کوندره‌ك محمد علی پاشایی عرض اطاعته مجبور ایتك چالیشورلردی . شاید پاشا شرائط مقوله‌یی ، مثلاً سوریه‌یالته قبولدن امتناع ایدرسه اسکندریه‌نی آبلوقه ایتسی ایچون انکلز دو نمانسند امر ویریلیوردی .

مغلوبك منفعته عقد صلح ایده‌میه‌جکنی بیلدیردی . (تاله‌زان) بر مکتوبنده « آمیرال روس‌نک محمد علی پاشانک افکار و آماندن امین اوله‌دن در سعادتده بو درجه قطعی بر حرکتده بولمیش اولمی غیربدر « دیبور . بو تجربه‌سز دیپلومات خطاسنی تعمیر ایتمک ایستدی . حلب و شام ایله برابر سوریه‌نک محمد علی پاشایه ویرلمسی ایچون باب عالینک موافقتی استحصالده استعجال کوستردی و بو مساعدات جدیدینی اخبار ایچون موسیو دو (وارهن) ی ابراهیم‌پاشا زردینه کوندردی . فقط سلطان محمود ثانی مصر اردوسنک متمدیاً ایبریلیمسندن بنحوق تلاش ایتدیکی ، مذاکرات سیاسیه‌نک بر نتیجه‌ حسنیه منجر اوله‌جفندن ایسه اصلاً امین بولمندینی ایچون موسیو دو (وارهن) ک در سعادتدن حرکتدن سکز کون اول روس دو تناسنک معاونتی استحصال ایچون چاره مراجعت ایتشدی . برنجی (نیقولا) بو مراجعتی همان قبول و عرض خدمته شتاب ایدرک (اودسا) دن سفائنه ارکاب ایتدیکی عسکری بوغاز ایچنک آناتولی ساحلنه چیقارتدی . ابراهیم پاشا ایلری‌یه طوغری حرکتده دوام ایدرسه مقابله‌یه حاضر لندی . بر آرهلوق فرانسه‌نک روسلرک بو حرکتی حقارت مقامنده تلقی ایده‌جکاری ظن اواندی . برنجی (نیقولا) ده بو فکرده ایدی . آمیرال (روسهن) ک در سعادتدن عزیمتی طلب ایده‌رک فرانسزلرک عزت نفسلرینی جریح‌دار ایتمک چالیشیور ، (بندان) ده عسکر طوبلا یوردی . چار ، محاربه ایستیوردی . اگر (انکلتره) ایسه مداخله ایدوب دولت علیه — مصر اختلاقه سریعاً نهایت ویرمه‌مش اولسه‌یدی بو محاربه مطلقاً ظهور ایدردی . (انکلتره) ۱۸۳۰ سنه‌سندن بری ایلك دفعه اوله‌رق شرق مسئله‌سنده (فرانسه) نك سیاستندن آیری بر مسلک اتخاذ ایتمش ، بدایه‌ منافع مشترکه ایکی مملکتی یکدیگره تقرب ایتدیکی حاله بالاخره فرانسه سیاستنه مربوط قالماشدی .

دوق دوبرولی پک چوق زماندن بری (روسیه) دیپلوماسیسی علیهنده (فرانسه) ایله مشترکاً حرکت ایلیمسنی (انکلتره) دن طلب ایدیور ، لکن بر جواب موافقت آله‌میوردی . (انکلتره) بو مسئلهده قیدسزلق درجه‌سنه وارن بر برودت کوستریبوردی . (روسیه) ایله اختلاف ظهورینه مانع اولمق ایچون (پترسبورغ) سفارتنه تعیین اولنان (پونسونبی) بی محل مأموریتنه بیله کوندرمیوردی . (دوق دوبرولی) ایسه سفیرک بر آن اولی اعزامی رجا ایتمکده ایدی . (فرانسه) خارجه ناظری (روسیه) نك سیاست استیلا جویانه‌سی علیهنده کوچک بر تشبثده بولمغنی بیله انکلتره‌یه قبول ایتدیره‌مدی .

فقط نتیجه‌ده محافظه‌ی صلح و مسالمت ایچون اے لازم اولان برشیشی ، یعنی دولت علیه - مصر اختلافنک حلتی اھمال ایتدی .

سلطان محمود ثانی محمد علی ایله مذاکره ایچون خلیل پاشایی مصره کوندرمش و سوزیه ، آٹنه ایالتلرینه مقابن قدس ، طرابلس ، عکا سنجاقلرینک کندیسنه ویرلسنی تکلیف ایلمشدی . لکن محمد علی مطالبات سابقه‌سنده اصرار ایدیوردی ؛ اوغلنک اردوسی آناتولی بی اشغاله دوام ایله رک کو تاهیه‌یه ، بعده از میره کیریوردی . طرفینک بومتخالف تکلیفاری آره‌سنده فرانسه‌نک بر زمین ائتلاف بولسی امکان خارچنده دکلدی . فقط بوزمین ائتلافی اسکندریه‌ده آرامق ، (روسیه) نك حرکاتندن زیاده محمد علینک موفقیاتی نظر دفته اتمق لازمدی . روسیه چارینک آمالنه سد چکمه‌که مشغول و شمندی‌یه قدر محمد علی پاشایه مساعد اولان (فرانسه) ، (بلجیقا) و (ایتالیا) ده نوزد و قوتی تأمین ایدن سیاست مخصوصه‌سنی ، اوروپانک حضور و مسالمتی ایچون تهلکلی کوریلن اختلافات و منازعاتنک صلح‌پرورانه بر صورتده حل و تسویه‌سنی اھمال ایدیوردی .

آمیرال (روسه‌ن) آسرا نه و تهدید آمیز برطور ایله باب عالی‌یه مراجعت ایدوب « حکومت متبوعه‌سندن آلدینی تعلیاتی موع اجرایه قویمق و دولت علییه‌ی محافظه‌ایتمک » ایچون روس دونماسنک کری‌یه کوندرلسنی طلب ایتدیکی و بو طلبنه باب عالیجه موافقت اولاندینی زمان فرانسه بیوک بر موفقیت سیاسیہ قرانديغنه ذاهب اولدی . (فرانسه) سفیری شاید سلطان محمود ، (انکلتره) باش وکیلی (پالمستون) ک تعیری وجهله ، « روس آمانتی قویروغی باجاقلری آره‌سنده اوله‌رق » مملکتته اعاده ایتزه قطع مناسبات ایده‌جکنی سویلیه‌رک باب عالی‌ی قورقوتمه چالیشیوردی . (فرانسه) سفیری در سعادتده قالدی ، محمود ثانی (روسیه) چارینک معاوتتی رد ایتدی . دوق دو (برولی) ، (تالهران) ، حتی انکلیزلر (روسیه) پی رجتمه‌مجبور ایتدکارندن طولایی سویندیلر . فقط بوسرور چوق زمان دوام ایتدی . باب عالی (فرانسه) نك تکلیفی آنجق آمیرال (روسه‌ن) ک محمد علی بی جنوبی سوزیه ایله اکتفایه مجبور ایده‌جکنی صورت قطعیه‌ده وعد ایلمسی اوزرینه قبول ایتمشدی . آمیرال ، (فرانسه) خارجه ناظری کبی ، اول‌بابول شدتلی و غایت سریع بر حرکتده بولتمق ، هر نه اولورسه اولسون روسلرک عزیمت‌لرینی تأمین ایتمک ایسته‌مشدی . محمد علی پاشانک متبوعی طرفندن در میان ایده‌جک شرائطه راضی اوله‌جفتی ظن ایدیوردی . محمد علی (فرانسه) سفیرینه یازدینی بر جوابنام‌ده کندیسی ایچون بو قدر فنا شرائطه راضی اوله‌میه‌جفتی ، غالب ایکن

اعتراف ایله توسیع معلوماته چالیشه جتی سویلین سلفی (قازیمیر پریه) کبی دکلدی .
 (دوق) ، بالعکس امور خارجه ده کندیسنی متخصص عد ایدیور ، دولت عثمانیه نك
 محافظه سنه اعتنا و فرانسه نك شرقه کی نفوذ قدیمی یرینه روس نفوذ نك قائم اولمسی
 منع ایتمک لزومنه قانع بولنیوردی . (فرانسه نك) باب عالی نزنده کی مصلحتگذاری
 موسیو دو (وارهن) ه طوغریدن طوغری به اوامر و تعلیمات قطعیه ویره چی یرده
 سلطان محمود ایله محمد علی آره سنده کی اختلافاتی حل ایچون مصره کیتمسی واسکندریه
 قونسولوسی موسیو (میمول) ایله مشترکاً چالشمسی توصیه ایتدی . تشرین ثانی به قدر
 هیچ بر حرکت قطعیه بولمندی ، « مذاکره اولنیور » دیمکه اکتفا ایادی .
 نه مصلحتگذار ، نه قونسولوس غیر قابل تألیف ایکی دشمن آره سنده کی حربه سرعاً
 ختام و یردیره بیله جک درجده صاحب نفوذ دکلدیلر . موسیو دو (وارهن) مصر
 اردوسنک آناتولی ایچریلرنده ایلیلمسی آرزو ایتمکله برابر باب عالی به پک آغیر
 فداکارلقلر اختیارینی توصیه به جسارت ایده میور و محمد علی پاشا اردوسنی ایلیلمکدن
 منزه مقتدر اوله میوردی . موسیو (میمول) محمدعلینک شرائطی قبوله مجبور اولمشدی .
 پاشا ، شمندی سوریه ایله اکتفا ایتمور ؛ آطنه ایالتیه برابر برنوع استقلال ایستیوردی .
 فرانسز قونسولوسی بومطالبی پک آغیر بولمقله برابر ، احتمالکه ، خفیاً تصوب ایدیوردی .
 ابراهیم پاشانک قونیه مظفریتی ، جنرال (موراویوف) ک مواصات و تکلیفاری مسئله نك
 حلنی تصعب ایتدیکندن مذاکرات و مخابراتی سرعته بر نتیجه ایصال ایلمک لازم کلیوردی .
 دوق دو (برولی) انکلتراهی بطی حرکت ایتمکله اتهام ایلیوردی . حقیقت حالده ایسه
 (فرانسه) ابراهیم پاشانک موفقیتی و (روسیه) نك درسعادت اوزرینه یوریمک
 عزم قطعیسی اوکنده پک تدارکمز بولنمشدی .

براز صکره دوق دو (برولی) آرتق قطعی بر حرکت کوسترمک ، (فرانسه) نك
 مسلك قدیم سیاسینه توفیقاً دولت علییه ی محافظه چالشمق ایستدی ؛ در حال استانبوله
 برسفیر اعزام ایتدی . بودفعه مذاکرات ایله وقت کچیره جک بر دیپلومات یرینه (ایزبون) ده
 حسن خدمتی کوریلان آمیرال (روسن) اسمنده بر عسکری — هر نه اولورسه اولسون
 روسلرک در سعادت کیرملرینه مانع اولمق تعلیماتیه — کوندردی . دیگر طرفدن
 (انکلتراه) پی (روسیه) نك توسعی عاینده بولندیغنی بیان واعلانه دعوت ایتدی .
 حتی مشترکاً حرکت ایچون برده پلان تکلیف ایلدی که بو پلانه نظراً اوستریا دخی
 (فرانسه — انکلتراه) اتناقه جلب اولنه جقدی . بردن بره مسئله پی تماماً (روسیه)
 علیه چو یردی ، عادتاً بالاخره وقوعه کان قریم محاربه سنک اساسلرینی حاضرلدی ؛

افکار مخصوصه‌سنه پک زیاده توافق ای‌دیوردی .
 بو مسئله ، (انکلتره) و (فرانسه) نك ممانعته رغماً (اوستریا) طرفندن
 (ایتالیا) و (آلمانیا) امورینه مداخله‌ده دوام ای‌لمسنی حقی کوسترمک ایچون
 (مترنیخ) نظرنده پک کوزل بره‌بانه ای‌دی . (مترنیخ) ، (آلمانیا) ده‌کی اغتاشاشات
 انقلاب‌پرورانه ایله بو اغتاشاشاتک مسیلمی اولان حکومت صغیره (دیت) مجلساری ،
 غزته‌جیلر ، احراز وبالخاصه جنوب حکومتلرنده‌کی اهالی‌علینه اتخاذاولنه‌جق تدابیر
 شدیدیه‌یی ویانه‌ده (دیت) مجلسی رئیس قونت دو (مونخ) ایلامذاکره‌ایتدیکی صره‌ده
 [مارت - حزیران ۱۸۳۲] سوریه محاربه‌سی باشلادی . مذاکرات نتیجه‌سنده آلمان
 حریت‌پرورانی ، علی‌الخصوص اولجه (روسیه) نك معاونتیه مظهر اولان جنوبی
 (آلمانیا) حکومت صغیره‌سی عاینه‌ده بر طاقم امرنامه‌لر ، نظامنامه‌لر نشر ای‌لدی .
 (مترنیخ) روسیه‌یی شرقده سربست براقیور ، فقط کندیسیده آلمانیا‌ده سربست‌قالمق
 ایستیوردی . روسیه‌نك شرق امورینه مداخله‌سنه مقابل (اوستریا) ده (آلمانیا)
 امورینه مداخله‌ده دوام ای‌ده‌جکدی . شاید (فرانسه) کرک محمد علی‌یی ، کرک آلمانلری
 التزام ای‌دوبده درسعادتده ، (رن) حدودنده (روسیه) و (اوستریا) یه مشکلات
 چیقاریر ایسه بو حال ذاتاً (پارس) دن کلن افکار اختلال‌پرورانه‌یه قارشی حکومت
 مطلقه‌لرینی محافظه‌یه عزم ای‌دن حکمدارلرک اتفاقلرینه استناداً (روسیه) و (اوستریا) نك
 فتوحات مشترکه‌ده بولنمارینه بهانه تشکیل ای‌لیه‌جکدی .

بو صورتله اک کوچک بر محاربه علامتی ، اک کوچک بر قیغلمج بتون آوروپایی
 آتشلر ایچنده براقعه کافی کله‌جکدی . (تالهران) ، « روسیه‌نك بحر سیاهده
 وقوعه کله‌جک هر بر تشبته فرانسه‌نك (رن) حدودنده جواب ویرمسی اقتضا ای‌در »
 دی‌یوردی .

بویله بر حرب (لوئی فیلیپ) ک آمانته موافق دکلدی . نه (روسیه) یه قارشی
 محاربه ، نه‌ده محمد علی پاشایه فعلاً معاونت ایتمک ایستیوردی . ۱۸۳۱ سنه‌سی اوائلنده
 باب عالی‌یه روسلر عاینه‌ده مشترک بر محاربه آچیلیمسی ایچون بر پروژه تقدیم ای‌دن
 فرانسه‌نك درسعادت سفیری قونت دو (کیومینو) یی آنسزین پارسه جلب ای‌تدیرمش
 ویرینه دیکر بر سفیر تعیین ایتمه‌مشدی . (لوئی فیلیپ) محمد علی پاشایی تبریک ایتمکله
 برابر ده‌ایلك موفقیاتنده پک ایلری کیتهمسنی توصیه‌دن کری قالمامشدی .

۱۸۳۲ سنه‌سی تشرین اولنده (فرانسه) خارجییه نظارتی (دوق دو برولی) یه
 تودیع اولندی . ناظر جدید ، موقع اقتداره کچدیکی زمان امور خارجییه‌ده‌کی جهلنی

قونیہ محاربه سندن اول قفقاسیاده کی عسکرینک رشید پاشا اردوسنه معاونت ایتمسنی تکلیف ایلدی . ابراهیم پاشا دولت علیه نك صوك و سائط مقاومتی ده محو ایتمسکی زمان (موراوییه ف) اسمنده بروس جزالی درسعادتہ کلدی ، (چار) نامنه معاونت نامہ وعد قطعیسنده بولندی . سلطان محمود ، دولتک دوچار اولدینی فلاکت مدہشہ نك تأثیرله تکلیف واقعی قبوله مجبور اولدی . روس مرخصی درحال اسکندریه یه کیتدی ؛ محمد عربی تهیدیتدی ، اردوسنی توقیف ایتمسسه (روسیه) نك اعلان حرب ایده جکنی سویلدی ، بو حربک پك قریب الوقوع اولدینی ده (سیواستوپول) دونماسنك درسعادتہ حرکت ایتمش اولمسلیله اثبات ایلدی . برنجی (نیکولا) بو محاربه نی شدتله آرزو ایدیوردی ؛ چونکه نتیجه حربدن ایکی بیوک منفعت اومیور ، یعنی هم مصر والیسنك موفقیتانه سد چکه جکنی ، همده ترکری هر درلو شرائطی قبوله مجبور ایده جکنی امید ایلیوردی .

محاربه نك ظهوری ایچون محمد علی نك فرانسزلر آره سنده کی متمولارندن جسارت آلهرق ، فرانسه نك معاونتہ کووه نهرک روس اولتیا تومنہ جواب رد ویرمسی کافی ایدی . ذاتاً ۲۸ کانون ثانی ۱۸۳۳ تاریخنده (چار) ک لوندره ده کی مأمور مخصوصی اولان موسیو دو (مدهدن) فرانسه سفیری (تالهران) ه روسیه چارینک ، ادرنه معاهده نامه سنه رعایتہ پك آز متایل اولان بر قومشونک درسعادتہ یرلشمه سنه « راضی اوله میه جغنی سویلمشدی . بو افادات ، (روسیه) سیاستی تبلیغ وافهامدن زیاده بر تهیدیت ، دها طوغریسی (لوتی فیلیپ) ک (بلجیقا) مسئله سنده (روسیه) بی متضرر ایتمسنه مقابل یرنوع انتقام ایدی . (تالهران) بو مسئله ده هیچ آلدانمدی : جزال (موراوییه ف) ه ویریلن تعلیماتک ، یعنی روس تهیدیتاتنک (پروسیه) و (آوستریا) قاینه لر نجہ تصویب اولدینی آکلادی .

(مترنیخ) ۱۸۳۳ سنه سی کانون ثانیسنده آوستریانک پارس سفیری قونت (آپونی) یه شو سوزلری کمال مسرتله سویلمشدی : « محاربه بر نتیجه ضروریه در . (چار) عثمانلیری روم ایلمدن چیقارمق و (آوستریا) حدودنده اونلرک یرینه قائم اولمق ایچون دکل ، (اوروپا) بی بالآخره تهله ککی اوله بیله جک یکی بر حکومتہ قارشى قیامق ایچون بالقانلرده محاربه ایده جکندن (مترنیخ) ، (روسیه) مداخله سنک مضرتدن زیاده منفعت تأمین ایده جکنه قانع ایدی ؛ باخصوص بو محاربه بر حکمدار مشروعی عاصی بر والیه قارشى مدافعه ایچون وقوعه کله جکندن ، فرانسزلر جه انقلاب طرفدارى عداولنان محمد عربی علیه نده اوله جضدن بو جهت دشمن انقلاب اولان (آوستریا) باش وکیلنک

بودفمه موفقیتله تکرار ایتمسی او صرده (بوناپارت) طرفدارلرینک تشویقاتی نتیجه‌سی اوله‌رق ناپولئونک مظفریاتی ذهنلرنده بیولتن فرانمزلی محمد علی به مفتون ایتمدی . جمهوریت طرفدارلری ده محمد علینک مظفریاتی انقلاب ، حریت زامنه آلقیشلا یورلردی . حال بوکه مصر و ایلسنک عصبانیله حریت آره‌سنده بر مناسبت یوقدی ، محمد علی دشمنلرینه قارشلی نه قدر شدتلی ایسه مصر لیلره قارشلی اودرجه مرحمتسزک ایتمکدن خالی قالمزادی . فقط آره‌ده‌کی مسافه عظیمه بر سراب کبی حقایق احوالی فرانمزلیک نظرندن صاقلادی ، بر از اول (ناوارین) ده کیم لرینی یا قودلری محمد علی بی شمدی بر قهرمان حریت کبی کوریورلر ، اونک مظفریاتی انقلاب کیرک موفقیتی جمله‌سندن عد ایدیورلردی .

روسیه چاری برنجی (نیقولا) ایسه دولت علیه‌نک دوچار اولدینی بحراندن در حال استفاده به قرار ویردی . (روسیه) ، ادرنه مصالحه‌سیله الهه ایتمدیکی منافع عظیمه‌نک بر قسمی دول غربینه‌نک مداخه‌سی اوزرینه ترکه مجبور اولمش ، صورت دیکرله بشقه درلو منافع تأمین املنه دو شمشدی . عثمانلی اردولرینک آناتولیده‌کی منلوبیتلری در سعادت طریقی — (موره) عصبانندن دهایی بر صورتده — روس اردولرینه آچمشدی . برنجی (نیقولا) ۱۸۳۲ سنه‌سی حزراننده اسکندریه‌ده‌کی قونسولوسنی (پترسبورغ) ه جلب ایدیور ، بحر سیاه دونماسنه بوغاز ایچنه طوغری کیتسی ایچون امر ویریور ، طونه حدودنده قوتلی بر اردو حاضر لیوردی . مع مافیه (چار) ک تخیل ایتمدیکی محاربه بودفمه دولت علیه علمنه دکلدی . دولت علیه محاربه نتیجه‌سنده دوچار اضمحلال اولدینی ، اغتشاشات داخله‌نک تأثیرله (روسیه) ایچون صیدی قولای بر شکار حالنه کلدیکی صرده مصرده ظهور ایدن بر قوماندانک آسیای عثمانی به صاحب اولدقندن صکره موسقوف اردولرندن اول در سعادتله یرلشمسی ، روم ایلیده عثمانلیلرک فتوحات جهانگیرانه لرینی تجدید و تکرار ایله اوروپا ولایاتی تحکیم و تقویه ایتمسی روس سیاستنه موافق دکلدی . چارک نظرنده ثمرات مظفریاتی بر آن اول اقتطاف ایتمسی ایچون ابراهیم پاشایه معاونت ایتمک ، محمد علی پاشانک موفقیت قطعیه‌سنه خدمت ایلمک تهلمکله بر او یوندی ؛ چونکه بو حالده (روسیه) نک آمال بعیده‌سنی فائده‌لی اولقندن زیاده تهلمکله کورینن بر متفقه فدا ایتمک لازم کلیوردی .

(چار) یکی بر حرب فرصتی کمال مسرتله تلق ایتمدی ، فقط بو حرب محمد علی علیه اوله‌حق ، مصر اردوسنی طریق مظفريت اورته‌سنده توقیف ایده‌جک ؛ صکره محمود ثابندن بو امید ایدلمز خدمته مقابل بر چوق منافع قطعیه استحصال ایلیه‌جکدی .

تقدیر ایدلدیکنه دلیل ایدی . محمد علینک آمان حریصانه سی ، طرف پادشاهیدن بو آمال حریصانه قارشی کوستریلن مقاومت عادی بر عصیانندن عبارت اولان مصر مسئله سنی ، ایکسیسه رأی وعزممنده ثابت ، ایکی حکمدار آره سنده ظهور ایتمش بر محاربه شکله قوبدی .

محاربه سرعت وشدتله وقوعه کلدی ، سوریه یی استانبولدن کوندریله جک قوته قارشی مدافعه ایچون آطنده یرلشن ابراهیم پاشا اردوسنه ، ساحلده طولاشان مصر دونماتنه مقابل دولت علیه یکی بر اردو ودونما چیقاردی ، عزل ایدیلن حسین پاشانک یرینه صدر اعظم رشید پاشا حرکات عسکریه یی اداره ایتدی . قونیه ده قطعی بر محاربه یه کیریشدی ؛ بتون قوتی ، مهارتی صرف ایتدی ؛ لکن اردوسی یریشان ، کندیسیده مجروحاً ابراهیم پاشایه اسیر اولدی . آناتولی ، بتون الجزیره ، آسیای عثمانی محمد علی پاشا اته کچدی . یکچیریلرک الغاسندن ممنون اولیان ، اصلاحات ایسته مین اهالی درویش قیافتنده بعض متصبرلرک تشویقاتنه قاپیلیورلر ؛ او صرده اجزای حکم ایدن قولرانک تأثیرله متحیر ومأیوس ایکن بوکا برده محاربه انضمام ایدنجه بستون شاشیریورلر ؛ ابراهیم پاشایی ممنوناً استقبال ایدیورلردی . اردوسی طاغیتدینی عسکرک بقیه السیوفی ایله ، راست کلدیکی سرسریلرله کیتدیکجه بیویور ؛ هر بر خطوه ده درسعاده یاقلاشیوردی . موفقیاتدن سرمت غرور اولدینی بر صرده ده : « عربجه نیک آکلاشیلدینی یره قدر کیده جکم ! » دیمشدی . لسان عربی ایسه طونه یه قدر آکلاشیلر ؛ بالقانلرک اوته طرفنده دخی بو لسانی آکلایان کیمسه لر بولنوردی . الحاصل مصر مسئله سی بوغاز ایچی ایله بالقانلر اطرافنده وقوعه کان بر (اورویا) محاربه سی رنگینی آلمشدی .

ایشته بو محاربه نیک ده ایلک صفحهلرنده (اورویا) ده برچوقامللر ، احتراصلر ، حسابلر ، انترقیهلر میدانله چیقمهغه باشلادی . (مترنیخ) ۱۸۲۳ سنه سی شباطنده : « شرق ، فرانسه سیاستی ایچون یکیدن بر سلاح استفاده یرینه کچدی . فرانمزسیاسیونی بو سلاحی معتادلری وجهله ینه کندی منفعتلرینه استعمال ایدیورلر . » دیمشدی .

غریبدرکه محمد علی پاشانک موفقیات قی فرانسلرله پک خوش کوردندی ؛ خوش کورنمکده قالمدی ، بو موفقیات ناپولئونک مظنریاتی کبی افکار عامه یی تهییج ایتدی . فرانمزلر یونان استقلاللی ایچون نصل دوچار هیجان اولدیلر ایسه بودفعه ده محمد علی پاشایه برقه رمان ملی نظریله باقغه باشلادیلر . (ناپولئون) کبی عسکرلکدن یتیشن مصر والیسنک ینه (ناپولئون) ک نتیجه سز قالان سوریه سفرینی تکرار ایتسی ، فقط

رد آنجه اوراسنی جبراً ضبط ایتمک فکرینه دوشدی ؛ اولاً حیلله ایله ، ویرکولردن قاجان مصر کوبیلیرنی حمایه‌ایتدیکی ایچون عکاوایلسنی تأدیباتمک بهانه‌سیله ایشه‌باشلادی . باب عالی محمد علینک اطوار معلومه‌سنه کوره بالطبع بو بهانه‌یه ایناعمدی . مع مافیه قاعده احتیاطه رعایه اینانور کجی کوروندی ؛ مسئله‌یه ایکی والی آره‌سنده ظهور ایتمش بر غوغا ، بر اختلاف نظریله باقرق هر ایکی طرفه مأمورین مخصوصه کوندردی ، سوریه‌یه کوندردیکی ۲۲ کمی ایله ۳۰۰۰۰۰۰ کشیدن مرکب اردویی کری‌یه آلمسنی ، شکایات ومطالباتی درسعداته عرض ایلمسنی مصر والیسنه امر ایتدی . محمد علینک جوابی مسئله‌یی بتون ماهیتله میندانه چیقاردی : ذاتاً سوریه‌نک بر قسمنه صاحب اولدینی ، فتوحاتی توسیعه‌ده مهیا بولندینی جهتله بو ایالتک کندیسنه توجهینی طلب ایلدی ؛ ینه جواب رد آلدی . سلطان محمود بو عاصی والینی تأدیبه قرار ویردی ، بونک اوزرینه دولت علیه ایله مصر آره‌سنده محاربه باشلادی . محمد علی اوغلی ابراهیم پاشانک طرابلسده تصادف ایتدیکی ایلك عثمانلی اردوسنک هزیمتی ، عکا قلعه‌سنک ضبطی فال خیر و اوغلتک مهارت عسکریه‌سنه ، عسکرینک انتظام وسطوته بر پارلاق دلیل عد ایتدی . ایلك موفقیات اوزرینه سیاست مخصوصه‌سنی‌ده درحال توسیع ایلدی .

اوروپایه کلنجه ؛ (مترنخ) سوریه مسئله‌سنک منشانه ، ظواهر حالنه باقرق بونک بر والینک حکمدارینه قارشی عصیانندن ، بر عائله غوغاسندن ، ساحه ظهوری اوروپادن خیلی او اوقده ، آسیا و آفریقا حدودنده بولنان بر عصیان مجلیدن عبارت اولدینی سویلیوردی . فقط ایلك موفقیات اوزرینه جسارتی آرتیران ابراهیم پاشا اولاشمی ، بر بچق آی صکره حلبی ضبط ایدنجه مسئله بردن بره بشقه بر رنگه کیردی : پادشاه‌دولت علیه‌نک بتون قوتی استعماله قرار ویردی ، حسین پاشایه مصر ایالتیله برابر صلاحیت واسعة اعطا ایدرک ۶۰۰۰۰۰۰ کشیلک بر اردو ایله سوریه‌یه کوندردی ؛ لکن بو اردوده اولاً حصنه ، یکریمی کون صکره بیلانده منزوم اولدی .

بونک اوزرینه محمد علی پاشا یواش یواش دولت علیه‌نک مقامنه قائم اولمق ، ولایات عثمانیه‌یی بربرر ضبط ایدرک ، اصلاحات خیره‌نک متحصلرده تولید ایلدیکی خشنودسزلقدن بالاستفاده بتون تبعه‌یی عصیان ایتدیره‌نک یا درسعداته یرلشمک ، یاخود نام سلطانی‌یه اولمق اوزره بتون سوریه و آناتولیده اجرای حکومت ایتمک خیالنه دوشدی . سلطان محمودک دها بدایت مسئله‌ده محمد علی‌یی تأدیباتمک ایچون کوستردیکی عزم و شدت روساره قارشی آجیلان بر محاربه‌ده صرف ایدیان مساعیه معادلدی ؛ بو حال مصر مسئله‌سنک دولت علیه‌جه ، مقام سلطنتجه نه درجه وخیم بر ایش اولدینک نظر پادشاهیده درحال

موقیاتی تأمین ایدن بر جهت ده اوغلی ابراهیم پاشانک اقتدار و لیاقت ذاتیه سیله پدربینه غایت قیمتدار بر معاون اولسی، اجراءات واقعتاً نیک ثمره آور موقیت اولسی اسبابی استکمال ایلمی ایدی. بو صورتله تشکل ایدن و دائماً فتوحاته آماده اولان مصر حکومت جدیدی او زمانه قدر تحت اطاعته آلمه میان عربستانی، (نوبی) و حتی (قوردوفان) ی ممالک عثمانیه الحاق ایدرک دولت علیه نیک حدود قدیمه سنی توسیع ایتدی و مکّه مکرمه دن خرطومنه قدر امتداد ایلین ممالکده اسلاملرک یراشمی بتون آفریقا فتوحاته بر مقدمه تشکیل ایدیور کچی کوروندی.

فقط محمود ثانی دولت علیه یی یونان عاصیرینه قارشی مدافعه ایتک و اوروپا مداخله ایتزدن اول بونلری دائره اطاعته ادخال ایلک ایچون محمد علی پاشایی آفریقا فتوحاتنده ایلری یه کیتمکدن منع و بتون قوا و احتراصاتی بحر سفید جهته جلب ایلدی. شبهه سزکه الله بولنان مالکی حسن محافظه ایتک فتوحات جدیده آره سنده قوشمقدن دها مناسب و معقول ایدی. لکن محمد علی درسعادتن آلدینی او امره توفیقاً حرکت ایدر بر مأمور، بر قوماندان دکلدی. اوغلی ابراهیم پاشانک یونانستان سفری او امر پادشاهی یه اطاعت ثمره سی دکل، دولت علیه ایله مصر آره سنده عقد اولسان حقیق بر معاهده نامه نیک نتیجه سی ایدی: سلطان محمود (موره) و (قندیه) یی محمد علی پاشایه ترک ایدیور، کندیسنک بیوک بر بحر سفید حکومتته معادل بر خدیویت تشکیله راضی اولیوردی. موره سفرینک ختامنده شرائط مقررده نیک موقع اجرا یه وضعنه امکان قالمدی. محمد علی بش سنه بتون عسکرینی، کیمیرینی موره سفرنده استخدام ایتدیکی، قوای موجوده سنی صرف ایتمکدن کری قالمدینی حالده (ناوارین) محاربه سندن صکره یونانیلرک مقاومتی، اوروپانک مداخله سی اوزرینه ثمرات موقیاتی اقتطاف ایدمندی، (موره) یی آله مدی. (موره) قطعه سی دولتک لندن چیقیدینی جهته حکومت عثمانیه محمد علی پاشایه ایدیلن وعدک انجازه اولنه نامسندن طولایی بالطبع معاتب اوله مازدی. ذاتاً پادشاه کربدی، ۱۸۳۰ پروتوقوللرینک یونانیلرده بعض آمال او یاندیرمسنه رغماً دولت علیه ده قالان بو جزیره یی مصره ویرمک صورتیله خلوص نیتی اثبات ایتدی. محمد علی کربده یرلشدی؛ فقط بومکافاتنی کافی کورمدی، (موره) یه مقابل شام ایالتی ایستدی. ۱۰۰,۰۰۰ کیشیک بر اردو جمع ایتدی. پادشاه بحق جواب رد ویردی.

مصدرن کلن مظفر قوماندانلرک دائماً مطمئح نظری اولان سوریه نیک محمد علی پاشا نظرنده بشقه بر قیمتی دها واردی. پاشا (ناوارین) محاربه سنده محو اولان دونمسانی تجدید و توسیع ایچون سوریه اورمانلرندن مستفید اولمق ایسینوردی. باب عالی دن جواب

واطفا ، اوروپانك صالح و مسالمتی ، یونانیلرك استقلالنی تأمین ایتدیکی صدرده بمالك عثمانیهده یکی بر بحران باشلا یوردی . بو دفعهدهکی بحرانك صورت ظهور و توسعنی ، نتایجنی تدقیق ایدن اوروپا سیاسیونی حكومتلك موازنهسی ، ملترك استقلالنی ایچون محاربه ایتمك غایت مهم محذورلری داعی اولدیغنی آكلادیلر .

(لوندره) قونفرانسك اكال وظیفه ایتسندن یكرمی كون صكره مصر والیسی محمد علی پاشا اوغلی ابراهیم پاشایی سوریه قطعہ سنك ضبطه . مأمور ایتمش ؛ اوزون بر محاصره ایله باشلایان طرابلس شام مظفریتندن صكره سوریه ولایتك آناختاری مثابه سنده اولان ، یونانبارتك جزار احمد پاشا قارشیسندن منہزماً رجعتی كورن عكا شهرینی اشغال ایلمشدی . محمد علی پاشانك بو حرکتی تاریخ عثمانیهده صیق صیق كوریلن والی عصیانلرندن بشقه بر شی دكلمدی ، یونان استقلالنی حاضرلمش اولان تپه دلیل علی پاشانك عصیاننه پك مشابهدی ؛ فقط سلطان محمود ثانی ایچون ائ تهلکهلیمی بو اولمشدر . محمود ثانی حكومت عثمانیینی تجدید واحیایه بر عزم مجاهدانه ایله چالیشیركن ، ادرنه مصالحه سیله شوكت و سطوت عثمانیه اوریلان ضربه نك تأثیرینی تخفیف ایله اوغراشیركن محمد علی پاشانك سوریه به استیلاسی خبری وارد اولدی . پادشاه آرانوودلقده ، روم ایلینده ، بوسنهده عاصی پاشالری ، اصلاحات فکرینه دشمن اولان متعصبیاری تحت اطاعته آلمق ، الفایدیان یکچریلرك یرینه یکی بر اردو تشکیل ، دولتہ تازه حیات و یرمك ایچون باشدن باشه ملتی اصلاح ایتك ایله مشغول ایدی . بو حکمدار ، سلاطین اخیرہ عثمانیه نك ائ بیوکلرندن بری اولمقله برابر زمان سلطنتنده ائ وخیم بحرانلر وقوعه ، کلبش ، دورہ انقراضك ائ مهم وقایعنی کورمكده متالم اولمشدر .

محمد علی پاشایه کلنجه ؛ پك چوق زماندن بری عادی بر والی کبی حرکت ایتیمور ، باشلی باشنه بر حكومتك رئیس طوری طاقینیوردی . محمد علی مصرده حكومتی تأیید ایتدیکن صكره بر اردو ودونما تشکیله باشلامش ؛ دونماسی (ناوارین) ده محو اولور اولمازانشآت بحریهده یکی برهوس ایله کیریشمش ؛ میرالای «سهو» ، ملازم «بهسون» کبی فرانسز ضابطانك نصایحندن مستفید اولمش وبالخاصه میرالای «رهی» اسمنده بر فرانسزی طویجی تشکیلاتنه مأمور ایتمش ؛ زراعت و صنایع جدیدی مصرک منبت طور براغنده تطبیق ایلمك ، پاموق و کنویر یتشدرمك ، تجارتی توسیع ، یکیدن یکیه جدوللر ، لیمانلر انشا ایتمكده بیوک بر خزینه به صاحب اولمش ایدی . بیوک (پترو) روسیه یی نصل باشدن باشه اصلاح و تجدید ایتمش ایسه محمد علی دخی اورونالیلرك ، بالخاصه فرانسزلك معاوتیله نیل وادیسندنه عین اجرا آتده بولتیوردی . محمد علی پاشانك

ایچونده شاید اوستریالیر شورای امتک کشاندن اول تخلیه ایتمزلر ایسه کلیسا حکومتک برقمنی اشغال ایتمیره جکنی اعلان ایلدی .

(اوستریا) اردوسی وظیفه سنی اکمال ایتمکدن صکره کلیسا حکومتدن چکیلدی . فقط (پایا) طرفندن واقع اولان دعوت اوزرینه ۱۸۳۲ سنه سی کانون نایسنده تکرار کلدیکی زمان (فرانسه) حکومتی تهدیدینی موقع اجرایه قویمق مجبوریتنده بولندی . اوچ سفینه ایله ۱,۲۰۰ عسکر کوندره رك (آنتونا) قلعه سنی اشغال ایتمدی . (اوستریا) بوندن بالاستفاده عسکرینی ۱۸۳۸ سنه سنه قدر کلیسا حکومتده براقدی [اون برنجی بابنه مراجعت] .

اسپانیا رپورتیکیز اموریده دراضله [۱۸۳۳ - ۳۶] . — (اسپانیا) و (پورتیکیز) ده مذاخله ، هنوز سن رشده واصل اولمان واحرازه اسناد ایدن برقرالیچه [اسپانیاده ایزابل ، پورتیکیزده ماریا] ایله مطلقیت اداره طرفدارلرینک التزام ایتمکلی برمدعی [اسپانیاده قارلوس ، پورتیکیزده میکهل] آردسنده ظهور ایدن وراثت منازعه سی اوزرینه وقوعه کلدی . (فرانسه) و (انکلتزه) قرالیچه لک حکومتلرینی تصدیق ایتمیلر ؛ (اوستریا) ، (روسیه) و (پروسیه) مطلقیت اداره طرفدارلرینک طوطقلری مدعیلری — رسماً تصدیق ایتمک صورتیه — التزام ایلمیلر .

(اسپانیا) ده موقع اقتداره کچن هیئت وکلای احرار (انکلتزه) دن امداد ایستدی . (پالمستون) ، (اسپانیا) و (پورتیکیز) ک کندی آردلرنده و (انکلتزه) ایله اتمام ایلملرینی توصیه ایتمدی ؛ (تالهران) ، (فرانسه) بی ده بوتماقه ادخاله موفق اولدی و بو صورتله « اتفاق مربع » عقد ایلدی [نیسان ۱۸۳۴] . دولتر ، ایکی مدعی بی (پورتیکیز) دن طرد و تبعید ایلمکی تمهد ایتمشردی ؛ (انکلتزه) دونماسیله ، (اسپانیا) اردوسیله مذاخله ایده جکنی ؛ (فرانسه) نک بوکا اشتراکنه لزوم کوریلورسه بالآخره برقرار ویریله جکنی ؛ معاهده نامه (اسپانیا) ایچون مذاخله حقیقده هیچ بر ماده بی محتوی دکلدی : (پالمستون) (فرانسه) نک بو مناسبتله (اسپانیا) شبه چیزده سنده یراشمه سنه مساعده ایتمک ایسته مشدی .

(پالمستون) اتفاق مربعک ، (اوستریا) ، (پروسیه) و (روسیه) حکومتلرینک اتفاقه قارشى موازنه بی تأمین ایده جکنی سویلوردی . بو اتفاق ، حقیقی اولقندن زیاده بر نمایشین عبارتدی . (پورتیکیز) مسئله سندن بشقه بر مسئله ده تأثیر کوریلدی .

شوه مسله سی [۱۸۳۲ - ۱۸۳۳] . — (لوندزه) قونفرانسی ، ۷ مایس ۱۸۳۲ تاریخنده ، یونانستانک صورت قطنیه ده تشکیلله شرقده کی آتش اختلالی تسکین

بروس اردوسنه قارشی هیچ برشی یاپه مازلردی ؛ (پالمستون) فعلاً بر تأثیری کوریلیر بر تشبشه اشتراک ایتمکدن امتناع ایدی . بناءً علیه لهیلره اظهار محبت ایچون پایلان نمایشلره اکتفا اولندی ؛ فرانسیز مجلس مبعوثانی قراله تقدیم ایتدیکی بر عریضه ده « له ملتک محو اولیه جننه قانع بولندیغنی » بیان ایتدی .

شرق حکومتلری بر برلرندن آیرلیر . (آوستریا) بیطرف اولدیغنی اعلان ایتدی و حکومت متبوعه لرینه قارشی عاصی اولمقله برابر لهیلره مساعد کوروندی ؛ لهیلرک دشمنی اولان (روسیه) ، ارزاق و ماکولات تدارکی صورتیه روس اردوسنه یاردم ایتدی .

(له) اردوسیه روس اردولری آردسنده کی محاربات (له) ملتک ازیلمسیه ختام بولدی [اون طقوزنجی بابہ مراجعت] . پالمستون ، ۱۸۱۵ معاهداتی احکامنه توفیقاً ، لهیلره تأمین ایدیلن امتیازاتک محافظه سنی طلب ایتدی . (روسیه) ، (ویانه) قونفره سنک کندی امور داخلیه سنه متعلق هیچ بر شرطی محتوی اولدیغنی جواباً بیلدیردی ؛ ۱۸۱۵ قانون اساسیسی (چار) ک بر لطف مخصوصی اولدیغندن لهیلرک عصیانیه حکمدن ساقط اولمشدی .

(فرانسه) ده ، (وارشووه) نک ضبطنه بر ماتم ملی درجه سنده اهمیت ویرلدی ؛ (پارس) ده معاملات منقطع اولدی ، تیاترولرقیاندی ، خارجیه ناظرینک « وارشووه ده سکون وانتظام حکمفرمادر » مآلنده کی بیاننامه سی افکار وحسیات عمومیه یه قارشی حقارت مقامنده تلفی ایدلدی [۱۸۳۲] .

آوستریا و فرانسنک ایتالیا امورینه مدافعه سی [۱۸۳۱-۳۸] — (ایتالیا) ده ، کلیسا حکومتی ایله (موده نا) و (پارمه) کی وسط حکومتلرنده وقوعه کلن انقلاب نتیجه سنده حکومت موقته تشکل ایتمشدی [اون برنجی بابہ مراجعت] . تاج و تختلرندن محروم اولان پرنسار (آوستریا) دن استمداد ایتدیلر . (فرانسه) ده « حرکت فرقه سی » عصیان ایدن احراری (آوستریا) نک محمیلرینه قارشی التزام ایتمک ایستورلدی . (لافیت) هیئت وکلاسی آوسریالیلرک (پارمه) پی اشغال ایتملرینه مساعده اولنه بیله چکنی ، فقط کلیسا حکومتته کبرمارینه اصلا مساعده ایدبلامیه چکنی بیان ایتدی . (لومباردیا) ده کی (آوستریا) اردوسی عصیان ایدن مملکتلرک کافه سنی اشغال ایلدی [مارت ۱۸۳۱] . (قازیمیر پریه) هیئت وکلاسی بوکا اعتراض ایتمدی ویا لکز عصاتک تحت اطاعته آلمسندن صکره (آوستریا) اردوسنک چکیلمسنی طلب ایتدی . (فرانسه) ده ملتک عزت نفسنی ممنون ایتمک

۱. - ۲۰ کانون ثانی ۱۸۳۱ ده « افتراقك اساسی » تعیین ایتدی: (لوکسمبورغ) ك تامی (هولاندا) قرالنه ، دیون عمومیه نك تقریباً نصفی (بلجیقا) یه ویرلدی . (هولاندا) بونی قبول ایتدی ؛ بلجیقا « قونفره سی » رد ایلدی و (لوئی فیلیپ) ك اوغلی قرال انتخاب ایتدی . - (پالمستون) ، بواختاب قبول اولنورسه اعلان حرب ایده جکئی (فرانسه) یه بیلدیردی ؛ (لوئی فیلیپ) ، حرکت فرقه سنه منسوب اولان وکلانك آرزوسنه رغماً ، اوغلك قرالنی ایچون جواب رد ویردی . - بونك اوززیننه قراللق (لئوپولد دو قوبورغ) ه تکلیف اولندی ، (لئوپولد) قبول ایتزدن اول ۲۰ کانون نائیده تقرر ایدن شرائطك تخفیف ایدلمسنی طلب ایتدی .

۲. - ۲۶ حزیران ۱۸۲۱ تاریخده « ۱۸ ماده » نامیله معروف صورت تسویه قبول ایلدی : (لوکسمبورغ) ده ، استاتوقو « نك ، حال حاضر ك محافظه سی ، ۱۸۱۶ دن اقدامکی دیون عمومیه نك (هولاندا) یه تحمیل . (بلجیقا) بونی قبول ایتدی ؛ فقط (هولاندا) قرالی رد ایدرك (بلجیقا) یه براردو کوندردی . - (لئوپولد) فرانسه دن امداد ایستهدی ؛ فرانسز اردوسی قونفرانس مقرراتی موقع اجرایه قویق ایچون مملکته کیردی . - فرانسزلك (بلجیقا) یه کیرمسندن تلاتس ایدن (پالمستون) اردونك چکیلمسنی طلب ایتدی و بر متارکه عقدی ایچون مذاکره یه کیریشدی ؛ فقط فرانسز اردوسی قونفرانسك فرانسه علیه انشا ایدیلن استحکاملرك هدمی مسئله سنی . حل و تسویه ایتسنه انتظاراً (بلجیقا) ده قالدی .

۳. - ۱۵ تشرین اول ۱۸۲۱ تاریخده ، ۲۴ ماده « نامیله معروف صورت تسویه قبول اولندی : (لوکسمبورغ) و (لیمبورغ) قطعه لرندن برقسمنك (هولاندا) یه اعاده سی . (بلجیقا) راضی اولدی ، (هولاندا) قرالی رد ایلکنده اصرار ایتدی ، قونفرانس ، معاهده قطعیه یی عقد ایلدی . دول معظمه (بلجیقا) قرالمنك بیطرف برحکومت اولدیغی تصدیق ایتدیلر [۱۸۳۲] . انکلتره و فرانسه ، دیگر دولتره رغماً ، قوه جبرییه استعمالنه قرار ویردیلر .

لرستانه سئدرسی [۱۸۳۰ - ۳۲] . - (چار) علیه عصیان ایتمش اولان لهیلر حکومت غریبه دن استمداد ایتدیلر [روسیه بحثه مراجعت] . احرار فرقه لری (نیقولا) یه اولان خصوصت لرندن لهیلری التزام ایتدیلر ، بتون (اورویا) نك افکارمنور قسمی لهیلر لهنده نمایشلر یاپوردی . (لافیت) هیئت وکلاسی حکومت عثمانیه یی (روسیه) علیه حربه تشویق ایتدی . (قازیمیر پرییه) هیئت وکلاسی (انکلتره) یه مشترکاً توسطده بولمنغی تکلیف ایتدی . فقط نه (فرانسه) ، نه ده (انکلتره) ، (لهستان) ده بولنان

— (چار) ۶۰۰۰۰ کَشـیـلـک بر اردو. کوندرمکی تکلیف ایتمدی وکندیسنک مأمور مخصوصی اولان (دیهبیچ) قرالی محاربه‌یه تشویق ایچون (برلین) ده ایکی آئی قالدی . فقط (فرانسه) ، «حرکت» فرقه‌سنک تأثیریله [بشنجی بابہ مراجعت] بلچقایلیر طرفنی التزام ایتمدی . مقصد ، ولوکه ایکنجی درجه‌ده کی موادی ایچون اولسون ، ۱۸۱۵ مـاـهـداتـی اخلال ایتمک ، عدم مداخله سیاستی قبول ایتمک ، (فرانسه) علیه انشا اولنان (بلچقا) قلعه‌لرینی ییقديرمق ، یاخود برپارچه اراضی آلمتی ایدی . (فرانسه) ، شاید شرق طرفندن بر (پروسیه) اردوسی کیرسه درحال بر فرانسهز اردوسنک غرب طرفندن کیره‌جکینی بیان ایدرک (پروسیه) پی توقیف ایتمدی . مداخله ایتمک اوزره بوانتان (چار) ، اوصره‌ده ظهور ایدن (لهستان) انقلابیه اشتغاله مجبور اولدی [اون طقوزنجی بابہ مراجعت] .

(لوندزه) قونفرانسی آچیلدینی زمان انکلیز هیئت وکلای محافظه‌کاری دوشدی ، یرینه (ویغ) فرقه‌سنندن مرکب یکی بر هیئت وکلا قائم اولدی . (پالمستون) ینه خارجه نظارتیه کچمش وایکی حکومت مشروطه ، (فرانسه) و (انکلتره) آره‌سنده ائتلاف سیاستی قبول ایتمدی . (فرانسه) مرخصی اولان (تاله‌یران) ایله بالاتفاق (بلچقا) و (فلمنک) حکومتلرینک صورت قطمیه‌ده آیرلملرینی تکلیف ایتمدی . شرق حکومتلرینک مرخصلری ، حکومت متبوعه‌لرندن تعلیمات قطمیه آلهمدقلرندن ، راضی اولدیلر . قونفرانس ، طرفینه متارکینی قبول ایتمدیردکن صکره (بلچقا) نک استقلالنی تصدیق ایادی [کانون اول ۱۸۲۰] .

قونفرانس ، یکی قرالغه عابد ممالکک تعینی ، دیون عمومیه‌نک ایکی حکومت آره‌سنده تفسیمی ، (بلچقا) قرالنک اتحانی مسئله‌لریاده مشنول اولدی . (تاله‌یران) فرانسز ملتکک عزت نفسنی ممنون ایده‌بیلیمک ایچون (لوکسمبورغ) ک ویاهیچ اولمازسه (فیلیپ ویل) و (مارینبورغ) ک (فرانسه) یه ترکیبی طلب ایتمدی ؛ (پالمستون) انکلیزلرک عزت نفسلرینی چیره‌دار ایتمک ایچون جواب رد ویردی [*] . بش دولت معظمه خاندان حکم‌داریسنه منسوب پرنس‌لردن هیچ برینک (بلچقا) تختنه چیقار - لامسی قرارگیر اولدی .

قونفرانس ، بربریخی متعاقب اوج صورت تسویه عقد ایتمدی :

[*] پالمستون ، بر مکتوبنده شوسوزلری یازمیشدی : «فرانسه حکومتی بزه دائما شویله دیور : فرانسه‌ده افکار عمومیه‌نی ممنون ایتمک ایچون بو ویا شوواولیدر ، فقط (فرانسه) دوشونمایدرکه کندی مملکتنده اولدینی کبی انکلتره‌ده دخی بر افکار عمومیه واردر .»

(فرانسه) دن طرد ایتدیکی ایچون ۱۸۱۸ مقاله نامه سندده مصرح «اسباب حرب» دن برینی تشکیل ایدیوردی [یکرمی بشنجی بابه مراجعت] ؛ بناءً علیه انقلاب علمینده اوله رق (فرانسه) نك امور داخله سنه مداخله مسئله سی میدانه چیمش دیمکدی .

فقط متفکر کندیارنده مداخله ایچون لازم کلن قوتی بوله مدیلر ؛ (لوئی فیلیپ) انقلابی منع ایچون تحت حکمداری بی قبول ایتدیکنی و (فرانسه) بی جمهوریتدن قورتارمق ایچون کندیسنک مقام حکمداریده بولنمی الزم اولدیغی دولتاره بیلدیردی و ۱۸۱۵ معاهداتی احکامنک محافظه اولنه جنتی تأمین ایلدی . (انکلتره) دهکی هیئت وکلای محافظه کار اولدجه مهم بر اقلیت تشکیل ایدن فرقه احرارک تحت تأثیرنده بولندینی ایچون مداخله دن امتناع ایتدی ، (پارس) دهکی سفیرینه محل مأموریتنده قلمسنی امر ایلدی ، بعده (لوئی فیلیپ) ک حکومتی رسماً تصدیق ایتدی . — (مترسیخ) ۱۸۱۵ مقاله نامه سی احکامنک موقع اجرایه وضعی طلبه بيله جسارت ایده مدی : دولتاردن هیچ برینک اردوسی محاربه یه حاضر دکلدی . — یالکز (چار) ، انقلابی ازمنک ایچون مداخله ایدمنی ایستوردی ؛ روس تبعه سنک (فرانسه) دن چیقوب کیتلرینی امر ، روس لیمانلرینه فرانسز بایراغنی حامل سفائنک کیتمنسنی منع ایتدی و (آوستریا) ایله (پروسیه) بی محاربه یه تشویق ایچون (ویانه) و (برلین) سرایلرینه مأمورین مخصوصه کوندردی . فقط دینکر حکومتلر (لوئی فیلیپ) ک حکومتی تصدیق ایتدکلرندن نهایت الامر کندیسی ده تصدیقه مجبور اولدی . یالکز دینکر حکمدارلر کبی (فرانسه) قرالیله وقوع کلن مخابراتنده «برادرم» تعیرینی قوللانماق صورتیله اظهار نقرتدن کری طورمدی .

(فرانسه) ده محصول انقلاب اوله رق تشکل ایدن بر حکومت جدیده ، ۱۸۱۵ معاهداتنه رغماً ، (آروپا) آهنگ دولیسنه داخل اولدی . فقط «باریقادلر قرالی» ، دینکر حکمداران نظرنده یسانجی کبی ایدی ؛ (لوئی فیلیپ) بتون (آروپا) نك کندیسنه برتوریدی نظریله باقدقلرینی حس ایدیوردی . بو حالدن کندینی قورتارمق آرزوسی قرالک بتون سیاستنه حاکم اولیوردی .

بلجیقا امورینک تنظیمی [۱۸۳۰-۱۸۲۲] . — بلجیقا انقلابی ، ۱۸۱۵ معاهداتی ایچون بررخنه ایدی . قرال (کیوم) ، ۱۸۱۴ ده تحت تأمینه آنان ممالکک (بلجیقا) یه ویرلمسنی دول معظمه دن طلب ایتدی . — (انکلتره) ، بلجیقایلیری یالکز اداره آیرملق ایله اکتفایه اقتاع ایچون (لوندره) ده برقوق فرانس عقد ایتدیردی . — قرال (کیوم) ک قاین برادری اولان (پروسیه) قرالی (په بی با) حدودنده براردو توپولادی .

اداره سنک ، دیکری غرب اداره احرارانه سنک شمالی اولان (نیقولا) و (پالمستون) آره‌سنده کی رقابتک تحت تأثیرنده قالدی .

(اوروپا) نك سالف الذکر رؤسای رسمیه سنک مادوننده اوله رق سیاست خارجه عالمده احرار نفوذ ایدن یکی بر حکمدار عائله‌سی دها وار ایدی ، که (صاقس توبورغ) خاندانی ایدی . اولا (بلچیکا) قرالی ، بعده (فرانسه) قرالنک دامادی اولان (لثوپولد) یکنی (فریدیناند) ه (پورتکیز) قرالیچه‌سنی ، دیکر یکنی (آلبر) ه (انگلتره) قرالیچه‌سنی تزویج ایتدیردی [۱۸۳۶ - ۱۸۴۰] ؛ (قوبورغ) خاندانی ، (آوروپا) حکمداری عائله‌لیله مناسباتی سایه‌سنده بعضاً دول معظمه سرایلری آره‌سنده متوسط وظیفه‌سنی ایفا ایتمکه موفق اولدی .

(آوروپا) سیاستی ، (بوربون) لرك اعاده حکومت زماننده کندن زیاده قاریشیق و متحول بر شکل آلدی . بو دورده بر چوق کیزلی و ماهرانه انترقه‌لر ، هیجان آمیز وقعه‌لر ، کورولتیلی نمایشلر و قوعه کلدی ؛ بتون بو انترقه‌لر ، وقعه‌لر ، نمایشلر غزنه لرك ستونلرینی طولدیردی ، افکار عمومی‌نی هیجانده بر اقدی ، فقط نتیجه اعتباریله یک جزئی تبدلاته سبب اولدی .

سیاست خارجه‌ده بر طاقم یکی تعیرات رسمیه استعمال اولنیوردی . — از جمله « محافظه معاهدات ، تعیری ۱۸۱۵ ده (آوروپا) حکومتی آره‌سنده تقرر ایدن صورت تسویه لرك ابقاسی معناسنه قوللانیلیوردی . — « مداخله » کله‌سی دول معظمه نك ، ۱۸۱۵ ده تقرر ایدن طرز اداره‌ی محافظه ایتک اوزره ایکنجی درجه‌ده کی حکومتلرک امور داخله‌لرینه مداخله دیمکدی . — دول معظمه عکسی صورتده مداخله ایتدکری وقت میدانه بر نفوذ مبارزه‌سی چیقور ، یاخود « آوروپا آهنگ دولیسنی » تأمین ایچون بر قونفرانس عقد ایدیلیوردی . — طرز قدیم اداره تعیراتندن اولان « آوروپا موازنه‌سی » سوزندن مقصد بش دولت معظمه دن هیچ برینک توسیع ممالک ایلسنه ، بالخاصه ۱۸۱۵ معاهداتی خارجه‌ده قالمش اولان دولت عثمانیه دن اراضی ضبط ایتک صورتیله بیومسنه مانع اولمق دوشونجه‌سی ایدی .

هر مملکتده ظهور ایدن اختلافات داخله‌دن هر بری دول معظمه ایچون توسیع نفوذه خادم بر مداخله قوسی آچور ، معاهداتی محافظه ایتک ویا (آوروپا) موازنه‌سی قورنارمق ایچون مداخله لازم کلوب کلدیکنی مذاکره‌یه وسیله اولنیوردی .

تمرکز حکومتک تصدیقی [۱۸۳۰] . — ۱۸۳۰ انقلاب ۱۸۱۵ معاهداتی احکامک اخلالی دیمکدی ؛ حکومتلری دول متفقه نك تحت کفالتنده بولنان (بوربون) لری

(چار) ه کچدی ؛ (چار) ۱۸۳۰ دن ۱۸۵۴ تاریخنه قدر مطلقیت اداره نك شمالی ، انقلاب و (فرانسه) نك دشمنی قالدی .

غرب دول مشروطه سنده سیاست خارجی بی یالکز حکومت اداره ایتموردی :
 بو باده مجلس مبعوثان و اعیانك آلمانی ، صنف متوسط اهالینك افکاری نی نظر دفته
 آلمق ایجاب ای دیوردی . — (فرانسه) ده تحت سلطنتی تقویه ایتمک ، حکومتی
 اولاد واحفادینه براقق آرزو سنده بولنان (لوئی فیلیپ) شخصاً بر سیاست صلح پرورانه
 تعقیب ایتمکده ایدی ؛ فقط بر حکمدار مشروطی و املق حسیبله اداره حکومتی و کلاسنه براقش
 کبی کورونمک مجبوریتنده ایدی . بو باده کی مشکلاتی ازاله ایده بیلیمک ایچون (قازیمیر بریه) ،
 (برولی) ، (کیزو) کبی کندی سیاستنه طرفدار اولان ، یاخود (موله) ، (صولت)
 کبی هیچ بر سیاست مخصوصه صاحبی بولنمان ذوات وصول جناحه منسوب کیمسه لردن
 هیئت و کلا تشکیله مجبور قالدینی زمانلرده (لافیت) ، (تیهیر) کبی رجال حکومتی
 موقع اقتداره کتیریور ، مع مافیه صول جناح و کلاسنی ایستدکلی کبی حرکتدن منع
 ای دیوردی . حقیقت حالده ، (فرانسه) سیاستی (لوئی فیلیپ) ک سیاستی ، آره صره
 ملتک عزت نفسنی ممنون ایتمک ایچون حرب بجویانه نمایشلرله فاصله دار اولان بر سیاست
 صلح و عظالت ایدی .

(انکلتره) ده حکمدار لر ، قرال (کیوم) و ائمه قرالیچه (ویتوریا) ، امور
 خارجی نك اداره سنی دخی و کلا یه براقیدیلر ؛ بناءً علیه انکلیز سیاستی موقع اقتدارده
 بولنان فرقه نك مسلکته مربوط قالدی و اکثریتک تبدلاتنه تبعاً تحول ایتدی . فرقه
 محافظکار ، صلح و اجتناب سیاستی محافظه ای دیوردی ؛ فقط بوفرقه پک جزئی دوام
 ایدن دوره لرده ، ۱۸۳۴ - ۳۵ ، ۱۸۴۱ - ۴۶ ، ۱۸۵۲ تاریخلرنده موقع اقتداره
 کله بیلدی . بناءً علیه (انکلتره) نك سیاست خارجی سنی دائماً فرقه احرار [ویغ]
 تعیین ایتدی و بوفرقه خارجی ناظری (پالمستون) ی سیاست خارجی بی آرزوسی وجهله
 اداره سربست براقیدی . (پالمستون) عینی زمانده هم انکلیز ملتک عزت نفسنی
 مدافعه ، همده اداره احرارانه بی محافظه ای دیوردی ؛ بو ذاتک مسلکی ، دول معظمه بی
 تدارکات حریبه ایله ، اعلان حرب تهدیدلریله قورقومتق ، بتون مملکتلرک حکومتدن
 غیر ممنون احرارینی حکومت علیهنه تحریک ایچون مذاکرات خفیه ده بولنمی ایدی .
 اوتوز سنه بی متجاوز برمدت ظرفنده [تاریخ وفاتی ۱۸۵۶ در] انکلتره نك ضعف
 عسکرینسی کیزلمک موفق اولدی و حکومت متبوعه سنی (روسیه) نك رقیب دائمیسی
 حالنده اداره ایتدی . ۱۸۳۰ دن ۱۸۵۴ تاریخنه قدر (اورویا) ، بری شرق مطلقیت

یکرمی آلتنجی باب

روسیه وانکلتره آره‌سندہ رقابت

۱۸۳۰ — ۱۸۵۴

۱۸۳۰ء ۱۸۳۰ء ۱۸۳۰ء ۱۸۳۰ء ۱۸۳۰ء ۱۸۳۰ء ۱۸۳۰ء ۱۸۳۰ء ۱۸۳۰ء ۱۸۳۰ء
 ۱۸۳۰ء انقلابی و (انکلتره) ده (ویغ) فرقه‌سنک موقع اقتداره کلیسی (آورویا)
 احوال سیاسیہ سنی دکیشدیردی . ایکی دولت معظمه غریبه اصول مشورتی قبول
 ایتمشلر ، احرار فرقه‌لرینک تحت نفوذده قالمشلر ایدی ؛ حکومات مطلقه‌نک اعاده
 تأسیسی طرفدارلغنه صادق قالان اوچ دولت ایله اتفاقلرینی فسخ ایتدیلر ؛ (آورویا)
 ایکی پارچیه آیرلدی : شرق حکومت مطلقه اصولنی محافظه ایتدی ، غرب اداره
 احرارانہنی قبول ایلدی .

شرق حکومت مطلقه‌سندہ اداره امور دولت حکمدارک ویا وکلاسنگ یدانحصارنده
 بولنیوردی . عالم سیاسیاته حکم ایدن ذوات شونلر ایدی : — (اوستریا) ده ،
 (مترنیخ) اولا ، ایمپراطور (فرانسوا) . بعده ، ۱۸۳۵ دن ۱۸۴۸ تاریخنه قدر
 (فردیناند) نامنه حکومتی اداره ایتدی ؛ ۱۸۴۸ انقلابندن صکره پرنس (شوارچنبرغ)
 اونک یرینه قائم اولدی ؛ — (روسیه) ده ، چار (نیقولا) حکومتک مناسبات
 خارجیہ سنی بالذات اداره ایدیوردی ؛ — (پروسیه) ده ، قورقاق و صلحچورور
 اولان ، قرال اوچنجی (فره‌دریق ویلهلم) ، ۱۸۴۰ تاریخندن صکره‌ده ، ایش کورمک
 ایچون فوق‌العاده خواهش کوسترن ، فقط پک آز دوام ایدن برزماندن ، ۱۸۴۹-۵۰
 سنه‌سندن بشقه برزمانده شخصی برسیاست خارجیہ تعقیب ایتیمین دردنجی (فره‌دریق
 ویلهلم) اداره امور ایتمکده ایدی . سن شیخوخته واصل ، یأس ونومیدی یه دوچار
 اولان ، (نیقولا) اوزرنده هیچ برننوذ شخصیسی بولمیان ، (اوستریا) اردوسنک
 بوزولمسندن طولانی‌نده قوتلی برسلاح دخی قالمیان (مترنیخ) اولکی کبی سیاسیات
 خارجیہ عالمه حکم ایدهمز اولدی ؛ نفوذ و تأثیر ، قوی ومظفر براردویه صاحب اولان

تعریف مؤلفات

دولتر آره‌سنده کی مناسباً خارجییه دایر انتشار ایدن آثار جدیده ایچون (لانغوا) نك
تعریف مؤلفات تاریخیه‌سنه ، محاربات جدیده تاریخ عسکر یلری ایچون‌ده فرانسه حربیه نظارت‌نك
کتبخانه قتالوغه مراجعت ایدلملیدر .

اوراق ووثائق دیپلوماتیه (مارتنس Martens) ك اوج جلدك (Recueil des traités) ،
۱۸۱۴ دن ۱۸۷۸ تاریخه قدر دیپلوماسی تاریخی ایچون‌ده (دوبیدور Debidour) ك (آروپانك
دیپلوماسی تاریخی) نامنده کی اثرینه مراجعت اولنه بیلیر .

(مترنیخ) سیاستی ایچون (مترنیخك اوراق) نامیله ۸ سکز جلدك برکتابی ، (غنج) ك،
انكلتره و فرانسه رجال حكومتك خاطره‌لری واردر .

۱۸۱۵ دن ۱۸۳۰ تاریخه قدر وقایع سیاسییه و دیپلوماتیه ایچون ك مفصل آثار هر مملكتك
مورخلری طرفندن دور مذ کوره دایر یازیلان کتابلردر ، که آلمانیه‌ده (ترایچکه) ، روسیه‌ده
(برنهادی) ، آوستریاده (اسپیرینگر) ، فرانسه‌ده (دیهل قاستل) ، انكلتره‌ده (اسپنسر
والیون) بو مورخلك ك مشهورلریدر . دولت عثمانیه حقیقده (روزنه) ك آثارینه مراجعت
ایدلملیدر . (مولتکه) ۶ روسلرك آروپای عثمانیه ۱۸۲۸ — ۲۹ سفری ، نامیله ایلک طبی
۱۸۴۵ سنه‌سنه عائد اولق اوزره ایکی جلدك برکتاب یازمیش و بو اثر فرانسه‌جه ترجمه ایدیلیرك
۱۸۵۴ ده باصیلمشدر .




قوت ایسه استانبولی ضبط ایچون کافی دکلدی . فقط (دیه بیج) ک اطوار متجددانه سندن قورقان پادشاه ، حکومتک بقاسی روسلرک النده قالدیفنه ذاهب اوله رق تضمینات حربیه ، رومانیا ده کی قلاع عثمانیه نک هدمی ، کافه اقوامه منسوب سفائنک بوغازلردن سر بستجه مروری ، یونان قرالنک تشکلی کی شرائط صاحیه نک جمله سنی قبول ایتدی [ایلول ۱۸۲۹] . ادرنه معاهده نامه سی ، روسیه نک شرقده کی نفوذ و تفوق قطعینی تأمین ایلدی .

آروریا انفاقنک نسخی [۱۸۳۰] . — (قانین) ک سیاستی و (روسیه) نک دولت عثمانیه علمینده کی محاربه سی (مترنخ) ک مسلکینه مخالفدی . فقط او زمانه قدر دولتر ایله (آوستریا) آرسنده ، ۱۸۱۵ معاهداتندن خارج قالان مسائل و ممالک حقنده کی اختلافاتدن بشقه بر اختلاف ظهور ایتمه مشدی ؛ ۱۸۱۵ معاهداتی احکامی تمامیه مرعی الاجرا ایلدی .

(فرانسه) ده ۱۸۳۰ انقلابی (ویانه) قونتردسنک اثری اولان بنای سیاسیده ایلك رخنه بی آچدی . چونکه بو انقلاب (فرانسه) حکومتی متفقلرک تحت کفالتنده بولنان (بوربون) لردن آلوب بر حکومت انقلابیه ، محصول انقلاب اولان حاکمیت فرقه قاعدسسه استناداً و علامت انقلاب عد ایدیلن اوج رنگلی بایراق ایله مقام حکمداری یه کلن « باریقادر قرالی لوئی فیلیپه » وریوردی .

بعده ، (بلجیقا) ده ظهور ایدن انقلاب ، متفقلرک اثری اولان (پینی با) قرالغنی ایکی پارچه یه آیریوردی . نهایت ، (انکلتره) ده ، (فرانسه) علیهنه حکومت مطلقه ایله اتفاق ایتمش اولان (توری) فرقه سی موقع اقتداری (آوروپا) احراری ایله متفق بولنان (ویغ) فرقه سنه براقدی [تشرین ثانی ۱۸۳۰] . ۱۸۱۵ اتفاق صورت قطعیه ده بوزولمش و (مترنخ) مسلکی ترک ایدلمشدی .



ریشورلر ، (آوستریا) و (روسیه) ایسه مداخله دن امتناع ایلورلردی ؛ (روسیه) ۱۸۲۰ ده تبعه علیهنه مداخله ایتمش ایکن ۱۸۲۷ ده حکمدار علیهنه مداخله ایدیوردی . (قازین) ک بردن بره وفاقی [آغستوس ۱۸۲۷] انکلیز هیئت وکلاسنک سیاستی تبدیل ایتدی ؛ خلفری هر درلو اختلافه مانع اولغی آرزو ایدیورلردی . فقط اوچ دولت کری یه چکیله میه جک درجه ده ایلری یه کیتمشلردی . انکلیز آمیرالنگ قومانداسی آلتنده کی دونمالری طرفینه تمطیل محاصمات ایتدیرمک مأموریتله (موره) نک ساحل غریبسنه کیشلردی . ابراهیم پاشا ، اولا ، متارکه مذاکراتنه کیریشمکه راضی اولدی ؛ صکره ، پادشاهدن آلدینی امر اوزرینه (مهسنی) ده تعقیبات و تأدیباته دوام ایتدی . (اوروپا) دونماسی مصر دونماسی عزیزمه اجبار ایتمک صورتیله مداخله ایلدی ، ابراهیم پاشا او صره ده دونماده یوق ایدی ، معینده کی امرا حرکت ایتمکدن امتناع ایتدیکری ایچون دول متفقه دونماسی (ناوارین) لیماننده سفائن مصریه نک یاننده لنکرانداز اولدی . خرسیتان سفائن حربینسی مرتبائی مسلمانلر علیهنه او درجه هیجان و غلبان ایچنده بولنیورلر ایدی که مصر دونماسنک محو اولدینی (ناوارین) محاربه سنه سبیت و یرمک ایچون یر مصر سفینه سنندن بر طوپ انداخت ایداسی کافی کلدی [۲۰ تشرین اول] . محاربه دن صکره اوروپالیر چکیلدیلر . پادشاه ، دونما قوماندانلرینک حرکتلرینی تعیب و تضمینات اعطا اولمسنی طلب ایتدی ، جواب رد آلمسی اوزرینه اوچ دولته قطع مناسبات ایلدی [کانون اول ۱۸۲۷] . مداخله ، نهایت دولت عثمانیه ایله انقطاع مناسباته منجر اولمشدی .

فقط انقطاع مناسبات بر حرب عمومی یه سبب اولدی . (انکلتره) بر دونما کوندره ک محمد علی پاشایی ابراهیم پاشایی مصره جلبه اجبار ایتدی [آغستوس ۱۸۲۸] . یالکز (روسیه) دولت علیه ایله محاربه یه کیریشدی [۱۸۲۸] .

۱۸۲۸ سفری ایکی محاربه دن عبارتدر . ایلك محاربات روسلرک (رومانیا) داخلندن ایلریلملری و قلعه لری محاصره ایتلملیرد ؛ ارزاق و مهماتی نقصان ، قوماندانلری جاهل اولان روس اردوسی بالقانلره واصل اولمازدن اول (شمئی) اردو کاهندن واقع اولان مدافعه اوزرینه توقف ایتدی .

۱۸۲۹ سنه سننده وقوعه کلن صوک محاربات (بلغارستان) ده تک بر مصادمه ایله ختام بولدی : یکیچریلرک الفاسندن بری تشکیلاتی بوزولان عثمانی اردوسی بوزولدی . (دیه بیچ) بو بوزغونلقدن بالاستفاده بالقانلری کچدی و ادرنه یه قدر ایندی . معینده قسماً حربه یاراماز ۲۰۰۰۰۰ کیشیلک بر اردو قالمشدی ، بو

امور شرقیده مراجعت [۱۸۲۳ — ۲۹] . — شرق مسئله سی ۱۸۲۱ دن اعتباراً موضوع بحث اواشندی [یکرمنجی ویکرمی برنجی بابلره مراجعت] . اوروپاده افکار عامه یونان عصائنه پک مساعد و میال ایدی ؛ فقط حکومتلر حسیات عمومیه به اشتراک ایتیمورلردی ؛ حتی (ورونه) قونفره سنده یونان مرخصلرینی قبولدن امتناع و عصیانی تقییح ایتدیبار . — (قانین) ایلك دفعه اولمق اوزره یونانلیلری محارب صفتیه طانیدی [شباط ۱۸۲۲] . آلكساندر ، یونانلیلرک کندیسندن پک زیاده امیدوار اولمیرینه و مصیتک محارب به یه تشویق ایتسنه رغماً ، نه انقلاب پرور یونانلیلر ونه ده دشمن عصات اولان پادشاه لهنه مداخله به قرار ویره مندی ؛ صاحب و مسالمتی اعاده ایچون (پترسبورغ) ده بر قونفرانس طوپلادی و (یونانستان) ک اوج امارت مختاره به آیرلمسنی تکلیف ایتدی [کانون ثانی ۱۸۲۴] ، فقط بو تکلیف هر طرفدن رد ایدلدی . قونفرانس ، پادشاهی دولترک توسطنی قبوله دعوت ایلمکله اکتفا ایتدی [نیسان ۱۸۲۵] ، صلح و مسالمتی جبراً اعاده به تشب ایتدی . (آلكساندر) بو باده قطعی بز مسلك اتخاذ ایده چکی صروده وفات ایتدی [کانون اول ۱۸۲۵] . وفاتی ، روس سیاستنک تبدانی تعجیل ایلدی . خلفی (نيقولا) ، یونانلیلرک حمایه سی انحصارینی (انکلتره) به بر اقق ایسته میوردی ؛ جلوسندن اول ، ممالک عثمانیه ده عصیان ایدن خرستیانلر حقنده کی محبتی اظهار ایتشدی . (قانین) ، ایمپراطورک آمال و حسیاتندن بالاستفاده کننسیسیله بر ائتلاف حاصل ایتک ایچون (وهلینتون) ی (پترسبورغ) ه کوندردی ؛ (انکلتره) نک پادشاهه توسط تکلیفنده بولمسنه و (روسیه) نک بوتکلیفی التزام ایلمسنه قرار ویردیبار [نیسان ۱۸۲۶] . شو صورتله (مترنخ) ک سیاستی ترک ایدلمش اولیوردی .

(روسیه) ، مسائل سائره حقنده حکومت عثمانیه ایله مذاکره به کیریشمش ایدی ، یونان مسئله سنی موضوع بحث ایتک ایچون بومذاکراتک ختام بولمسنه انتظار ایتدی . آنجق برسنه صکره ، یعنی ۱۸۲۷ سنه سی نیساننده صدر اعظمه ۱۸۲۶ پروتوقولی صورت رسمیه ده تبلیغ اولندی . باب عالی بونی نظر دفته آلمقدن امتناع ایتدی . فقط (انکلتره) و (روسیه) قرارلرنده ثبات ایلدیبار ؛ (فرانسه) دخی پروتوقولی قبول ایتشدی ؛ اوج دولت (یونانستان) مختاریتی جبراً دولت عثمانیه به قبول ایتدیرمکه مهیا بولندقلرینی بیان [تموز ۱۸۲۷] و یونانستانه بر دونما اعزام ایتدیبار ؛ پادشاهدن یونانلیلره متارکه عقدینی طلب و شاید جواب رد آلیرلرسه تدابیر لازمه به توسل ایده جکلرینی تبلیغ ایلدیبار [آغستوس ۱۸۲۷] . بوصورتله حال و موقع ۱۸۲۰ ده کننک تمامیه عکسی ایدی : بودفحه (انکلتره) و (فرانسه) مداخله ایدیورلر ، فقط بر انقلاب لهنده ایشه قار -

دیگر دولت‌ها آرمنده (اسپانیا) حکومتی بر نوبه تبلیغی و مداخله ایدیه جکسک (اوروپا) به اعلانی ایچون ائتلاف حاصل اولدی . (فرانسه) حکومتی بر مدت ده‌ها تردد ایتدی . فقط (فرانسه) مجلس مبعوثانی مشروعیت طرفدارلرینک تشویق‌له محاربه ایستوردی . بناءً علیه (فرانسه) ، (اسپانیا) قرائتک حکومت مطلقه‌سی اعاده ایچون محاربه ایتدی . بو محاربه (قادیس) محاصره‌سیله ختام بولان [۱۸۲۳] بر مشیت عسکریه دن عبارت قالدی [اونجی بابه مراجعت] .

انگتره‌نک قانون زمانه کی سیاستی . — اوزمانه قدر بش دولت آرمنده کی اتفاق رسماً محافظه ایداشدی ؛ (انگتره) متفقریله برلکده مداخله دن اجتناب ایدیور ، فقط بونلر علیه مداخله ایستوردی . اتفاق ، ۱۸۱۵ ده معلق قالان ایکی مسئله دن ، یعنی (اسپانیا) مستملکاتی و شرق مسئله لرندن طولایی منفسخ اولمه باشلادی . بو تبدل سیاست اشخاصک دکیشمی نتیجه سی ایدی . (انگتره) خارجیه ناظری (قاستراخ) متحرراً وفات ایتدیکندن یرینه (قازین) تعیین اولندی [۱۸۲۲] . قازین ، (ودرونه) قونفره‌سنده (اسپانیا) امورینه مداخله علیهنده بولمق‌له ایشه باشلادی و او زمانه قدر تعقیب ایدیلن مسلکدن انحراف ایدرک متفقرک آرزولری خلافنده مداخله ایتدی . سیاستی ، (مترینخ) سیاستک ضدی ایدی . اسلافی اولان انگلیز رجال حکومتی کبی مداخله قاعده‌سی رد ایتدکن و ۱۸۱۵ معاهداتیه حکمدارلره وعد ایدیلن تأمیناتک « تنظیم و توزیع ممالک‌ک متعلق اولوب سیاسی اولمدیقنی » و انقلابه قارشی مطلقیت اداره‌نک محافظه‌سنی استزام ایلمدیکنی سویلدکن باشقه بر دولتک دیگر دولت امورینه مداخله سیاسی‌سینه مانع اولمق حقنی طلب و ادعا ایدیوردی .

عصیان ایدن (اسپانیا) مستملکاتی مستقل حکومتار شکلنده شکل ایتمشدی . (ودرونه) قونفره‌سنده (فرانسه) مرخصی (شاتوریان) مداخله قاعده‌سینک مستملکاته دخی تشمیل ایدیلرک بونلری تحت اطاعته آلمق ایچون (اسپانیا) قرانزه معاونت اولمسنی تکلیف ایتدی . (قازین) ، اولاً ، شورای امته استقلال اقوامه و حیثیت ملییه دأر بر نطق ایراد ایتک صورتیه جواب ویردی . بعنده اسپانیا مستملکاتک تشکیل ایتدکری جمهوریتلری رسماً تصدیق ایلدی [کانون ثانی ۱۸۲۵] . — (اسپانیا) به بر فرانسه اردوسی کوندرلمش اولمسنه مقابله اولمق اوزره (پورتگیزی) امورینه مداخله ایتدی ، (دون میکئل) ک علیه‌نه اولاً بر دونمما ، بعده بر اردو کوندردی [۱۸۲۶ اواخری] .

(مترینخ) ک بنای سیاستنده آچیلان ایلاک رخنه بو اولدی .

ایدن دیگر بر (اوستریا) اردوسی (نوواره) ده عاصی آلایلری طاغیتدی [اون برنجی بابه مراجعت] . ایسیلاتینک فرقه‌سی ترکر طرفدن محو ایدلدی . (مترنخ) ، (آلکساندر) ک حدندن بالاستفاده کنسینسی انقلاب و (فرانسه) علمینه شو بوقایتدی [*] و احوال حاضر دینی آلت اوست ایتک « ایچون یایلان » ترتیبات خفیه « یه ، « دینسزلر جمعیتنه » و « بوسیلاب مدهشه » قارشی حکمدارلرک چکنکری « سد ممانفته » دأر بر بیاننامه عمومی نشر ایلدی . اوصرده یونان عصیانی وقتالاری نتیجه‌سی اوله رق مسئله شرقیه میدانه چقدی [یکرمنجی بابه مراجعت] . اور تودوقسلرک حامی قدیمی اولان (چار) بر اولتیا نوم ایله پروتستو ایتدی [حیزران ۱۸۲۱] . « خرسیتیانلق عالمی بر خرسیتیان ملتک محوینه بی حرکت بر سیرجی کبی طوره ماز » دیوردی . فقط (اوستریا) و (انکاتره) نك مقاومتری اوزرینه نهایت بونلرک توسطلرینی قبول ایتدی و ترکره خرسیتیان عاصیلری تأدیب ایچون میدان ویردی . (مترنخ) ، (آلکساندر) ک سربستی حرکتنه مانع اولمشدی .

شمدی (اسپانیا) مسئله سنک حلی لازم کلیوردی . (اوستریا) ، (روسیه) ، (پروسیه) حکمدارلرندن ، دول معظمه مرخصلرندن و (ایتالیا) پرنس لردن مرکب اوله رق (ودرونه) ده اجتماع ایدن قونفره بونکله مشغول اولدی [تشرین اول — کانون اول ۱۸۲۲] . اسپانیا قرالی اون سکزنجی (لوئی) یه بالذات بر مکتوب یازه رق تبعه‌سنی تأدیب ایچون امداد ایسته‌مشدی . (فرانسه) حکومتی ، (ناپولئون) علمینده کی اسپانیول محاربات ملیه‌سنی تخطر ایدرک مداخله ایتک آرزو سنده دکلدی . (انکاتره) حکومتی مداخله نك تهلسکلی اولدیننی و بویله بر شیده اشتراک ایتیه چکنی بیلدیردی . فقط (آلکساندر) ، « فرانسه ایله ، یاخود فرانسه داخل اولمدینی حالده اسپانیا علمینده ، حتی لدی الایحاب فرانسه علمینده » محاربه ایستیوردی . (انکاتره) مستثنا اولق اوزره

[*] چاره دیگر بر مخطر ده ویردی [مارت ۱۸۲۱] . بو مخطر ده دیورکه : « واسع و تهلسکلی بر اتفاق خفی ، ۱۸۱۴ سنه سندن بری خیلی قوت و وسائط تحریکات الله ایدرک اداره عمومی نك اسباب و وسائل موفقیتندن بر چوغنی ضبط ایتدی ... عامه نك نظر محبتی قزاق ایچون بر کله کفایت ایدر ، که اوده « قانون اساسی » در ... هر کیسی اکلندیرن بر او یونده ، نصل ، یوکسک و یاغلی اولدیفندن طولابی قایار بر دیرکک اوچنه قیمتلی برشی قونفرق ذروه سنه چیه بیلنلر طرفندن آلمسنه انتظار ایدیلیرسه انلابرورلر دخی نفوذ ، منصب ، ثروت کبی شیلری حریت آغاجنک اوچنه بو صورتله آصمشلردر . « مترنخ بوکا چاره اولق اوزره (اوستریا) و (روسیه) آره سنده بر ائتلاف عقیدنی توصیه ایدرک دیورکه : « بو حکومتلر ، کندی سفیرلینه هر مسئله ده متقابلاً بر برلرینه معاونت ایاملرنی امر ایتلدرلر ... بتون مملکتلرک مفسدلی بر مرکز استخبارات و حرکات [پارس شهری] بولمشلردر ؛ بوکا قارشی بشقه بر مرکز اتخاذ ایتلدر » [ویانه شهری]

کوندردیکی بر تلغرافنامه ایله بتون عالمه اعلان ایدلدی : « ناپولی انقلابی حد ذاته حکمدارلرک نظر دقتی جلب ایده جک درجه ده موجب اندیشه در . . . حکمدارلر بر جوق زماندن بری بتون دنیایی متأثر ایدن اغتشاشات و تبدلاتک ماهیتی آکلادیلر . . . ناپولی قرالنی داخلنده تأثیر انقلاب ایله تأسس ایدن شیلردن هیچ برینی قبول ایتمه مکه قرار ویردیلر . »

بناء علیه ، حکمدارلر محصول انقلاب اولان بر حکومت ایله مذاکره یه کیریشمک ایسته میهرک (ناپولی) قرالنی کندیلر ایله کوروشمک اوزره بالذات (لایباخ) قوندرسنه کلمکه دعوت ایتدیلر . (ایتالیا) نک دیگر پرنسلیرنی ده بوشهره چاغیردیلر .

(لایباخ) قونفره سی (ناپولی) قرالغنک احوال داخله سنی تنظیم ایتدی ؛ قانون اساسی بی مدافع ایده جکنه یمین ایلدکدن صکره (ناپولی) دن حرکت ایدن قرال فریدیناند [اون برنجی بابه مراجعت] ، مطلقیت اداره نک یکیدن تأسیس اولغمنسنی قونفره دن طلب ایلدی . دول معظمه ، شاید قرالک تبعه سی عرض مطاوعت ایتمزلسنه بر (اوستریا) اردوسی کوندرلمسنی کندی آرهلرنده قرارلشدیردیلر ؛ بعده بوقرارلرینی (ایتالیا) حکومتلرینک مرخصلرینه تبلیغ ایدرک آنلرده امضا ایتدیردیلر [پاپانک مرخصی مستثنا] . فرانسه ، بیهوده یره ، تشبثات ائتلافجویانه ایله ایشه باشلانمسنی طلب ایتدی . حکمدارلر نامنه حرکت ایدن (اوستریا) ، (ناپولی) قرالغنه بر اردو کوندردی ؛ اشغال مدتی یکی بر قونفره ده تعیین اولنه جقدی .

(لایباخ) قونفره سی ، دول معظمه آره سننده اتحاد افکار موجود اولدیغنه دائر (اوستریا) طرفندن نشر ایدیلان بر بیاننامه عمومی ایله ختام بولدی . (فرانسه) حکومتی بویاننامه نک بعض جهتلرینی موضع بر نوطه ایله تصحیح ایتدی ، (مترنخ) بوندن بالاستفاده (فرانسه) بی (چار) انقلاب واختلال اوجانی کبی کوستردی . حکمدارلر (لایباخ) دن عزیمت ایده جکلری صهرده - که او زمان (ناپولی) یه سوق ایدیلان (اوستریا) اردوسنک نتیجه حرکتنه انتظار ایدیلروردی - (پیه مونته) انقلابی [اون برنجی بابه مراجعت] و بر آرز صکره افلاقدنه (ایپسیلاتی) نک عصیان [یکرمنجی بابه مراجعت] خبر آلدیلر . (آلکساندر) ، بلا تردد ، انقلابپرورلر علیهنده بیان رأی ایتدی ؛ (پیه مونته) علیهنده قوللانلق اوزره بر اردو کوندرمکی تکلیف ایتدکدن صوکره (ایپسیلاتی) بی توییح ایلدی و کندیسنی روس اردوسی قادروسندن چیقاردی .

(ناپولی) قرالغنه کوندریلان (اوستریا) اردوسی همان بلا حرب مملکتی تحت اطاعته آلدی [مارت ۱۸۲۱] . پیه مونته ده ، عصیان ایتمه مش اولان (ساردنیا) آلایرینه التحاق

دولت شرقیه ، (آوستریا) ، (روسیه) ، (پروسیه) ، بو باده نظر دقته آنه‌جق قواعد اساسیه‌یی حاوی بر بیاننامه امضا ایتدیلر . (اوروپا) اتفاقنه داخل اولان حکومتلردن برنده بر انقلاب داخلی وقوعه کلدیکی زمان او دولت ارکان اتفاقدن بری یولتمق صفتی غائب ایدیور و « احوال داخلیه‌سی نظام وانتظام عمومی ایچون امنیت بخش بر درجه‌یه کلنجه‌یه قدر » خارج قالیوردی . دولتلر ، صورت غیر مشروعه‌ده واقع اولان اصلاحات وتبدلاتی تصدیقندن امتناع ایلمکی تعهد ایدیور وبو تبدلاتک وقوعه کلدیکی حکومتلری « سینه اتفاقه تکرار آلمق » ایچون اولا تشبثات دوستانه‌ده یولنلمسنه . بعده لدی‌الایجاب تدابیر جبریه‌یه توسل ایدلسنه قرار ویریورلردی . بو ، (اوروپا) حقوق عمومیه‌سنده رسماً طانمش اولان « مداخله‌قاعده‌سی » ایدی ؛ متفقلر ، انقلاب علیهنده‌کی مبارزه‌ده یکندیکره معاونت ایده‌جکلرینی و ۱۸۱۴ ده‌کی نتایج مساعی‌یی یالکز تنظیم وتوزیع ممالک خصوصنده دکل ، مطلقیت اداره‌نک اعاده تأسیسی خصوصنده دخی اقوامک وحتی حکومتلرک آرزولری خلافنده اوله‌رق صرف ایدیلن همت وغیرتلك ثمراتی محافظه وادامیه مهیا بولندولرینی بیان ایدیورلردی . انقلابه قارشی بین‌الملل انضباط وظیفه‌سنی ایفا ایچون عاداتا (اوروپا) نک برمحکمۀ عالیۀ سیاسیه‌سی صفتی آلیورلردی . ایکی حکومت غریبۀ مشروطه ، (انکلتره) و (فرانسه) ، بوتظاهرات محافظه‌کارانه‌نک خارجنده قالیورلر ، فقط هیچ برشی یایمیه‌زق میدانی حکومت مطلقیه سرلیست براقیورلردی .

(مترنخ) ک بو مظفرتی (روسیه) حکومتک (ناپولی) ده‌کی سفیرینه خطاباً

صکره « دین ، اخلاق ، قانون ، اقتصاد ، اداره ، الحاصل هرشی برمال مشترک ، هرکس ایچون قابل تدارک مال مشترک اولمش کی کورینیور . . . اقوامک مطلقیت اداره‌دن تخلیصی سوزی حد ذاتنده بی معنا بر فکدر « دیور . مخطره‌یه نظراً ، فنالق ، دین علیهنه یازی یازلسنه و « مقاوله اجتماعیه » دن بحث ایدلسنه مساعده ایدن اون سکزنجی عصر حکومتلردن کلیور ؛ بعده (ناپولکون) ک یوزکونلک حکومتی و ۱۸۱۵ دن ۱۸۲۰ تاریخنه قدر (فرانسه) حکومتک سیاست خطا لودی بوفنالتی تزید ایتدی . معنوی برغانغره‌ن عد ایدیله‌بیلن بو فنالق اک زیاده صنوف متوسطه‌یی تحریب ایدیور . برملت حرکتدن ، قاریشقلقندن قورقار ؛ دائما تحریکانه معروض اولان صنفلر پاره ایله خدمت ایدن آدملر ، حکومتدن معاش آلانلر ، دعوی وکیللری ، تربیۀ عمومیه‌یه مأمور کیمسه‌لردر . بونلری بر نقطه‌ده توحید ایدن « قانون اساسی » سوزی تبدل واغتشاش ایله توأمدر . اصلاحات ، احتراصاتک غلبانیل زمانلرزه دوشونیه‌سز ، عقل وحکمت بویه وقلترده احوال حاضره‌یی محافظه ایله اکتفا اولنسنی امرایدر . محروم اخلاق خودپنلر ، ریاکارلر ، دماغلری مختل اولمش ، ساخته فکری کیمه‌لر ، درلو درلو پروژه‌لر ترتیب ایدنلر هر زمان ، هر یرده کورلشدر . فقط زمانمزده بونلری قوتلی بر حاله کترین شی « حربت مطبوعات دینلن واون سکزنجی عصرک نصف اخیرندن اول دنیانک مجهولی اولان بلادر »

(ناپولی) انقلابنده طوغریدن طوغری به علاقه‌دار ایدی ، (لومباردیا) ده‌کی تبعه‌سی احرار ایله اتماق و حکومت‌علینده اجرای ترتیبات ایدیورلردی . اردولرینی حاضرلادی و ایمپراطورک « ایتالیا ده سکون و حضور عامه‌نک محافظ و حامی طبیعی » وظیفه‌سنی اینا ایده‌جکنی اعلان‌ایلدی . (فرانسه) حکومتی (آوستریا) نك (ایتالیا) ده یکانه صاحب نفوذ بر حکومت اولسنی ایستمدیکندن بر (آوستریا) اردوسنك (ایتالیا) به دخولندن تلاش ایدن ایتالیا نلری تأمین ایچون مشترکاً مداخله‌یی دیگر حکومتلره تکلیف‌ایتدی . (چار) بو تکلیفی قبول‌ایتدیکندن بش دولت معظمه‌نك مرخصلرندن مرکب بر قونفره عقد اولنسی قرارلشدیرلدی .

(تروپا) قونفره‌سنده (ناپولی) اموری ایله اشتغال ایدلدی . (مترنیخ) ، قرال (فریدیناند) ك (آوستریا) ایله عقد‌ایتدیکی برماهده‌نامه ایله دکیشدیرمه‌جکنی وعدا اتمش اولدینی [اون برنجی بابه مراجعت] مطلقیت اداره‌نك یکیدن تأسیسی ایچون مداخله اولنسنی تکلیف ایدیوردی . (چار) ایله (فرانسه) قانون اساسیدن پك انقلابیورانه اولان احکامی چقارمق ، فقط بسبتون فسخ و التا ایتهمك ایچون (ناپولی) قرالی ایله مذاکره‌یه کیریشمك صورتیله ایشه باشلانسنی ایستورلردی ؛ (فرانسه) به نظراً ، دولت (آروپا) حکومتلری آره‌سنده‌کی موازنه‌ملیکه‌یی تحت تأمین آله‌جقلمق ، سیاست داخلی‌لرینه مداخله ایتیه‌جکلردی . الحاصل ، یکدیگره ضد ایکی قاعده‌ اساسیه وضع ایدلمك ایسته‌نیلیوردی . (آروپا) نك مطلقیت اداره‌یه اك زیاده طرفدار بر حکومتی اولان (آوستریا) طرفندن « مداخله » ، اء احرارانه بر حکومتی اولان (انکلتره) طرفندن « عدم مداخله » سیاستی تکلیف ایدلمکده ایدی ؛ بو حال (انکلتره) و (آوستریا) نك (روسیه) به قارشى متفق طبیعی اولملرینه مانع دکلدی . « مداخله » قاعده‌سی مطلقیت اداره طرفدارلرینك ، « عدم مداخله » قاعده‌سی احرار فرقلرینك پروغرامی اولدی [*] .

(انکلتره) و (فرانسه) مشترک بر بیاننامه امضاسندن امتناع ایتدیلر . فقط (مترنیخ) ، انقلابك هر یرده ، از جمله (پورتگیز) ده ، (هارشووه) نك (دیت) مجلسنده ، (پترسبورغ) ده عساکر خاصه آلایلرینك عصیاننده بان کوستره‌رك حکومت حاضرینی تهدید ایلدیکنی سویله‌رك (آلكساندر) ی اقتداع ایلدی [**] : اوچ

[*] سیلابوس ، عدم مداخله قاعده‌سی محکوم ایشدر [بکرمی اوچنجی بابه مراجعت] .
 [**] انقلابك اسبابی حقیقده‌کی افکارینی مبین اوله‌رق یازدینی مخره‌ینی (چار) و یردی ؛ بو مخره‌ده اسباب مذکورینی برکله ایله ، « خودپسندك » تعبیری ایله خلاصه ایتدیکنی سویله‌کدن

نظام وانتظام ، صلح و آسایش مجلرینی تشجیع ایتش و هر یرده مجددلری ، مفسدلری قور قوتشدر « دیمشدی .

(آلكساندر) ، (اكس لاشاپل) ده تبدیل فكر ایتكه باشلایهرق یواش یواش ، آلمان دارالفنونلری طلبه سی طرفندن یاپیلان نمایشلرك ، ۱۸۱۹ ده (فرانسه) ده اجرا ایدیلن مبعوثان اتخابك و علی الخصوص (قوچوئه) نك قتلنك [اون ایكنجی بابہ مراجعت] تأثیرله بسبتون فكرینی دكیشدیردی . (مترنیک) ، « بتون آلمانیاہ شامل اولمق اوزره بیوك بر ترتیبات فسادیه » موجود اولدیفنه وحتی (پروسیه) قرانی احاطه ایدن زاقوبه نرك [باش و كیلك بوندن مقصدی احراردر] تشویقی و جمعیات خفیة نك اداره سی ایله بتون (آوروپا) احرارینك تشكیلات و ترتیبات اختلالیه ده بولندقلرینه (چار) ی اقناعه موفق اولدی . دارالفنونلر و مطبوعات علیهنه بعض تدابیری (آلمانیا) یه قبول ایتدیردی . (فرانسه) ده ، بالذات (آلكساندر) ، سیاست داخلیه مداخله ایتك ایستدی ؛ (چار) ك نظر توجهندن سقوط ایدن (دو قاز) هیئت و كلاسی مداخله دن امتناع ایتش اولان (انكلتره) حكومتته میل ایتدی .

اوستریا قونفره لری و مراهلر [۱۸۲۰ — ۲۳] . — (اسپانیا) و (ایتالیا) انقلابلری (مترنیک) ك (آلكساندر) ه غلبه قطعیه سنی تأمین ایتدی . برسنه ظرفنده ، (اسپانیا) ، (پورتگیزی) ، (ناپولی) ، (ساردنیا) ده جمعیات خفیة واز جمله (فارماصون) لر ، (قاروناری) لر ایله مناسباتده بولمان ضابطان طرفندن عینی پروگرام ایله درت اختلال و انقلاب وقوعه كیتیلدی ، حاكیمت ملیه اساسنه مبتنی اولان ۱۷۹۱ قانون اساسی انقلابرورانه سنی تقلیداً ۱۸۱۲ قانون اساسینك موقع تطبیقه قونمسی ، عینی زمانده (فرانسه) ده بر پرنسك قتل و بر چوق عسكری عصیانلری ترتیب ایدلمسی ، بتون بواحوال (مترنیک) ك اخطارات و تخمیناتنك بك طوغری اولدیغی اثبات ایدیور كبی ایدی . انقلابك تهلكه سنه قانع اولان . (چار) ، (مترنیک) طرفندن وضع ایدیلن « مداخله » قاعده سنی قبول ایتدی . تأثیر انقلاب ایله قارمه قاریشیق ارلان مملكتلرده اعاده انتظام و آسایش ایچون قونفرلر عقد ایدلدی : ۱۸۱۹ ده (قارلسباد) ده آلمان حكومتلرینك قونفره سی ، ۱۸۲۰ ده (سیلیزیا) نك (تروپاؤ) ، ۱۸۲۱ ده (قاریئولا) ده (لایباخ) ، ۱۸۲۳ ده (ونديك) ایالتنده (وهرونه) قونفره لری . (آلكساندر) ، (اسپانیا) انقلابی بر طرف ایتك ایچون دول متفقہ خمسہ نك مداخله سنی تكلیف ایتدی ؛ (انكلتره) ، بویله بر مداخله نك اسپانیول فلتنك عزت نفسی جریحه دار ایده كینی بیان ایدرك جواب رد ویردی . فقط (آوستریا) ،

ایدیلن انتخابانده احرازك احرازك اكثریت ایملرندن بك زیاده قورقدی [*]؛ ذاتاً اولجه انتخاب قانونك دكیشدیرلمسئی اون سکزنجی (لوتی) به توصیه ایتمشدی. (مترنیخ) روسیه امپراطورنك احوال روحیه سندن بالاستفاده درت متفق دولت آره سنده بر مقاوله نامه خفی عقیدینه موفق اولدی [۱۸۰۷ تشرین ثانی]، متفکر، (فرانسه) ده هر هانگی بر صورتله قاریشیلق وقوعه کلوبده همجوار حکومتك حضور و امنیتتی اخلال ایدرسه قوه عسکر به لرینی بو قاریشیلقك از اله سی امر نده مشترکاً استعمال ایده جکلردی. [انکتره آنجق بوناپارت] خاندانندن بری تحت حکمدازی به چیقارسه اشتراك ایده جکنی تعهد ایتمشدی. متفکر، (فرانسه) علیه تدابیر احتیاطیه به توسل آیدکدن صکره تشرین اولده رد ایلمش اولدقلری شیئی بو دفعه (زیسیلیو) دن دریغ ایتمدیله، یعنی خفی بر پروتوقول [۱۸۰۷ تشرین ثانی] و عمومی بر بیاننامه ایله (فرانسه) بی اتناقه قبول ایلمدیله. خفی پروتوقوله، (فرانسه) ده بر انقلاب وقوعنده ایدرلرک صورت سئوق و حرکتی، قلعه لرک مدافعه سی کبی تدابیر حرابه ذکر و بیان اولتیوردی. [چار] بر محاربه پلانی تنظیم اولمسئی بیله تکلیف ایتمشدی [۱۸۰۷]. بوندن صکره، قونفرانس (آلمانیا)، (اسپانیا) و مستملکات اموری ایله مشغول اولدی.

(اکس لاشابل) قونفرانسی (مترنیخ) سیاستك موفقیت قلمیه سی اثری ایدی. قونفرانسدن استحضال ایدیلن باشلیجه نتیجه، انقلاب پرورانه قارشی اتفاق دولتک بردوام اولدیغی اثبات ایتمکدی. (مترنیخ)، «ک مسعود نتیجه ماحوال حاضره نك دكیشمه مسییدرکه افکار تجدید پرورانه ایله حرکت ایتمن حکومتلر ایچون ک کوزل بر موفقیتدر» دییوردی [*]. (آوستریا) باش و کینه نظرأ «افکار جدیده دنیلن شیلری تقدیر ایدن واقوال و گفتاری ایله هر نوع مجددلرک، بدعت صاحبیلرک ایدلری آرتیران سرای» یعنی (آلکساندر) ایچون بو قونفرانس بر هریمت معنویه ایدی. (مترنیخ)، «قونفره دن صکره یازدیغی بر مکتوبده» «قونفره، بسون تملکلرده

[*] مفرط قرالک فرقه سی، مسویبندن (ویترول Vitrolles) روسیه سفیرینه و بردیگی محظوره لرده حرکات انقلابیه مانع اولق ایچون (چار) ک هیئت وکلانک تبدیلی اون سکزنجی (لوتی) به توصیه ایتمسئی رجا ایتمشدی. بونک اوزرینه (دوقاز) هیئت وکلانته خفی بر نوطه ویرلدی؛ رئیس وکلای بونوطه بی نشر ایدرک مفرط قرالک طرفدارلری قرال علیه سنده تریبیتانده بونقله اتهام ایلمی [۱۸۱۸].

[**] مترنیخ نوطه لرنده، (غنج) ک خاطر آنده، (اکس لاشابل) قونفره سنک سیاست محافظه کارانه نقطه نظرندن تأمین ایلمدیگی منافع بر صورت منظمه ده ایضاح ایدلشدی. [مترنیخ] اوراق، اوچنجی جلد [۱].

تاریخنده ، اشغال اردوسی باتس قوماندانی (وهلیغتون) ه ویریلن تعلیماتده « متفقلرک قرال اون سکزنجی لوئی بی هر دلرلو تشبثات انقلابورانه قارشی کندی اردولرلیله مدافعه ایتمکی صورت قطعده وعده ایلدکلی « اخبار و » معینده کی عسکرک نه وقت ونه صورتله حرکت ایتملی لازم کله جکنی تعیینده باش قوماندانک سربست اولدیغی « بیان ایدیوردی .

۲۰ تشرین ثانی ۱۸۱۵ تاریخلی مفاهده نامه [برنجی بابه مراجعت] « آوروپانک سکون عمومیسنی تأمین ایچون » ناپولئون ایله عالمه سنی فرانسه حکومتدن اخراج ودول متفقّه اربعیه (فرانسه) بی نظارت آلتنده بولندیرمق وظیفه سنی تحمیل ایدیوردی . « منافع مشترکه مهمه نک مذاکره سی ایچون معین زمانلرده بین الدول اجتماعلر عقد بوزمانلرک هر برنده اقوام مختلفه نک سکون ورفاهی و (آوروپا) نک صلح و مسالمتی ایچون اقتضاییدن تدابیرک تدقیق اولمسنه » قرار ویرلمشدی . یعنی (قونفره) لرک منتظماً عقد ایلمسی ودول معظمه نک بو قونفره لر واسطه سیله (آوروپا) بی اداره و (فرانسه) یه نظارت ایلمسی آرزو اولنیوردی .

بر « قونفره » عقدی ایچون ایملک وسیله (فرانسه) نک احوال سیاسی اولدی . (ریشلیو) هیئت وکلاسی (فرانسه) ده کی دول متفقّه عسکرینک بر آن اول حقیقسنی رجاییدیوردی . (انکلتره) حکومتی تضمیناتک بر قسمک تأدیبه سی مقابلنده اشغال اردوسنک تنقیص مقدارینه موافقت ایتدی ؛ (فرانسه) برانکلیز بائقه سنک معاوتیه یوزده بش فائضلی بر استقراض عقد ایده رک پاره تدارک ایلدی [شباط ۱۸۱۷]

متفقلر (فرانسه) بی تماماً تخلیه ایچون بر اجتماع عقیدینه قرار ویردیلر ؛ (آلکساندر) بتون آوروپا دولتلرینک دعوت ایلدکلی (ویانه) قونفره سی کبی بر قونفره عقیدنی تکلیف ایدیوردی . (مترنخ) ویانه قونفره سنک سبب اولدیغی جان صقندیلرینه میدان ویرمه مک مقصدیله [برنجی بابه مراجعت] یالکمز درت متفق دولت طرفندن بر قونفرانس عقد ایدیله رک فرانسه نک دخی دعوت اولمسنی قبول ایتدی .

یاکلش اوله رق (اکس لاشاپل قونفره سی) دنیان بو قونفرانس [تشرین ثانی ۱۸۱۸] روسیه ، اوستریا ، پروسیه حکمدارلرینک وبش حکومت معظمه باتس وکیللرینک اجتماع شخصیلرندن عبارت قالدی . دول متفقّه اربعه (فرانسه) بی مذاکراته قبول ایتمزدن اول کندی آرهلرنده ائتلافلر عقیدینه باشلادیلر . تخلیه نک نه صورتله وقوعه کله جکنی قرارلشیدر دیلر [تشرین اول] . روس ضابطانندن مرکب بر جمعیت حاضره نک ظاهره حقیقارلمسندن طولایی تلاش ایدن (آلکساندر) تشرین اول طرفنده (فرانسه) ده اجرا

کافه‌سنه « ژاقوبن » نامی ویریوردی [اوستریا باس وکیلی ، « وسطی آوروپانک راحت و سکونی اخلاصه باشلایان مختلف طریقته ترقیاتی حکومتلک نظر دقته » وضع ایدیوردی . بالخاصه مادام دو (قرودر) ه غایت تهلکه‌لی بر قادین نظریله باقیور و « چونکه بوقادینک و عظاری ، نصیحتلری دأتما صنوف محتاجینی اصحاب املاک علیهنه تحریک ایتک جهته معطوفدر » دیوردی [۱۸۱۷] .

(آلكساندر) ، شرقده ، فتوحات سیاستی تعقیب ایتکده ایدی ؛ ذاتاً اولجه ، (ناپولئون) زماننده (فرانسه) و (روسیه) آره‌سنده ایلک اتقاقی عقد ایتمش ، شرقده ایستدیکی کچی حرکتده سربست اولمق شرطیله ممالک غربیه‌نی (فرانسه) به براقش ؛ ممالک عثمانیه‌نک ضبطنه باشلامش [۱۸۰۶ — ۱۲] وقتوحاتندن بر قسمی ، (بسارییا) قطعهنی الحاق ایتمشدی ، (مترنیخ) ، (آلكساندر) ك یكیدن (فرانسه) ایله بر اتفاق صمیمی عقد ایتک و فتوحاته باشلامتی نیتده اولمسندن شبه‌لیوردی . (آلكساندر) ، (ویانه) قونفره‌سنده عثمانلی پادشاهنک ، تمامی ملکیتلری تأمین اولنان دیگر حکمدارلر صره‌سنده عد ایدلمنی قبول ایتمه‌مشدی . حقیقت حالده ، (آلكساندر) روسیه اردوسنی پک زیاده مشکلاته دوشورن (طونه) محاربه‌سندن اوصامش ، یورولمشدی ؛ بو طرفده یکیدن محاربه ایتک ایسته‌میوردی ؛ ۱۸۱۷ ده معاوتنی استرحام ایچون (پترسبورغ) ه کلن یونان جمعیت عصیانیه‌سی مأمورینی حضورینه قبول ایتدی .

اکس لائیل قونفره‌سی و آلكساندرک تبديل مسلك ایلریمی [۱۸۱۸] . — (آلكساندر) ایله (مترنیخ) آره‌سنده کی رقابت (چار) ك نفوذی آلتنده کی مملکتلرده ارتجاعک شدتی تقیص ایلدیکی جهته لک زیاده احاراه فائده بخش اولمشدی . فقط (آلكساندر) یواش یواش احرار فرقه‌لرینک ترقیاتندن قورقیور ، (مترنیخ) ایمپراطورک اوزرنده یکیدن اجرای نفوذه باشلایه‌رق مطلقیت اداره سیاستنه عودتی تأمین ایدیوردی .

(آلكساندر) ، فرانسر سیاستی مناسبتیه تبديل مسلك ایتکده باشلادی . متفقار ۱۸۱۵ ده انقلابک عودتنه مانع اوله‌جق تدابیر احتیاطیه‌یه توسل ایتشلردی . بونلرک (پارس) ده کی سفیرلری هفته‌ده بردفعا اجتماع ایدرک (فرانسه) نك احوالندن خبردار اوله‌جقار ، (فرانسه) حکومتته نصیحت ویره‌جکلر ، مصارف حریه‌نک تأدیه‌سنه و حرکات عسکریه‌نک صورت اجراسنه نظارت ایلده‌جکلردی . ۳ تشرین ثانی ۱۸۱۵

اقتدارده محافظه ایتدیردی ؛ حتی حکومت متبوعه سندن آلدیخی اوامر و تعلیمات خارجه بيله چیقارق (اسپانیا) حکومتته پاره و عهد ایتدکن بشقه (پورتگیز) ك الحاقی دخی و عهد ایلدی و عضیان ایدن (آمریکا) مشتملگاتی ایچون عضو عمومی ایله برابر مشروطیت استحصالیه جالیشدی [اوتخی بابه مراجعت] . — (فرانسه) ده ، (آلكساندر) برات مشروطیت طرفدارى اولان (ریشلیو) هیئت و کلاسنی [] قرالی مفرط قراللق طرفدارلاردن مرکب بر هیئت و کلا تشکیله مجبور ایتک ایستین « بولماز مجلس مبعوثانه » قارشى الزام ایتدی [بشنجی بابه مراجعت] . اون سکرینجی (لوی) مفرط قراللق طرفدارلرینك نمایندگی اعلینده اوله رق بر مخرطه کوندردی ؛ بو مخرطه ده ۱۸۱۵ معاهده نامه سنك (فرانسه) ده ۱۸۱۴ ده تقرر ایدن احوالك محافظه و تأییدی مقصدیله عقد اولتوب بو صورتله حقوق حکمدارینك خلدن مصونیتی و برات مشروطیتك موقع تطیقه وضعی اساسنك قبول ایدیش اولدیخی بییان و مجلس مبعوثانك طاعینلسنی توصیه ایلدی .

(آلكساندر) ، حکومتلر زندهگی مناخلاتندن بشقه مخالف فرقه لر رؤسا و معتبرانی ایله مناسباده بولنیور ، بولنسه بيله حكومات حاضردهن غیر ممنون احراز (خار) ك کندیلرینه معاونت ایتدیکنی سولیلورلردی . (بوربون) لری سومدیکی [بشنجی بابه مراجعت] و هر مملکتده کی رسمی کلیسالر خارچنده شریات و تشویقات دینه بی تسهل ایلدیکی معلوم ایدی . — (بلجیقا) ده ، (بوربون) لری طرد ایدرك بونلرک یرینه (چار) ك قاين برادری پرنس (دورانتز) ك اقامه سی ایچون ترتیبات خفیه ده بولنان (بوناپارت) طرفدارلری (آلكساندر) ك کندیلرینی تشویق و تشجیع ایلدیکنی ایما ایدیورلردی [۱۸۱۶] . — (ایتالیا) ده ، (مترسیخ) ، بحریكات احرارانه و ملیه بی روس مامورلرینك تشویقانه حمل ایلور و برمدت صکره [۱۸۱۹] دخی بوتلری (قاربوناری) قلوبنه ریاست ایتمکه اهمام ایتدکن بشقه (چار) ك جمعیات روحانیه بی تشویق ایلدیکندن طولایی شکایت ایدیوردی . (اوستریا) ایمپراطورینه یازدیغی بر مکتوبده شو صورتله اداره لسان ایتشدی : « آلكساندر ، ۱۸۱۵ سنه سندن بری (ژاقوبینیزم) مسلكنی ترك ایدرك تصوف ایله اشتغاله باشلادی . مع مافیه کندیسنك افکار و آمالی دائما انقلاب پرورانه اولدیخی ایچون حسنیات دینه بی ده بولندهر ... حساباتنده برنجی موقعی طوتان شی کندی افکار دینه شی قبول ایدنلرک مقصداری تکثیر ایتمکر . » [مترسیخ ، مشروطیت اداره طرفدارى اولانلرک

[*] ریشلیو بك چوق زمان (اوده سا) والیسی صفیله (روسیه) ده بولنشدی .

حکمدارک نفوذی غلبه ایتک شرطیله ، یعنی همان (توری) اصوله باقین بر مشروطیت
 اداره تأسیس ایتک فکر نیده ایدی . (انکلتره) ایله متفقاً ، (فرانسه) و (اسویجره) ده
 مشروطیت اداره نك محافظه سنه معاونت ایتمش و حتی (المیستان) قرالانته بر قانون
 اساسی ویرمشدی .
 بک چوق سنه لایش ایچنده یو وار لاشمش ، هر شیدن شبهه بی عادت ایدیش ، هر شیشه قارشی
 حسینز قالمغه آلیشمش بر دیپلومات اولان (مترنیخ) منفعت سیاستدن بشقه بر جهته عطف
 اهمیت ایتیموار و موجود اولان هر شیتک محافظه و ادامه سنه منافع اساسیه نك الیه مهمی نظر یله
 باقیوردی . ۱۸۱۷ ده «زمان حاضر سیاستک اساسی حضور وراحتدر و او یله اولمیدر»
 دیمشدی . هانکی شکله اوورسه اولسون هر درلو انقلابه دشمن اولدیغین حکومت
 مطلقه خواصی ترجیح ایتدیکنی بیان و هر درلو قانون اساسی بی اختلاجیلر یندنه بر سلاح
 عد ایدیوردی .
 (آلکساندر) و (مترنیخ) آرمسنده اختلافه سبب اولان باشیجه مسئله (آورویا)
 حکومتلر نك تشکیلات داخله سی ایله فرق لره قاوشی اتخاذا اولنه حق مسلك ایدی .
 (آلکساندر) مشروطیت اداره طرفداری حریت پرورلی طوتور ، (مترنیخ) ایسه
 بالعکس بونلرک علیهنده بولتیوردی . ایکنجی درجه ده کی حکومتلر نر دینسه کوندر یلن
 (آوستریا) و (روسیه) سفیرلری بر چوق اتریقه لره اجر ای نفوذه چالیشیور لردی . —
 (آلمانیا) ده (روسیه) سفیرلری ، مأمورلری تبعه لرینه قانون اساسی ویرمک ایستین
 (وایمار) ، (وورتمبرغ) ، (باد) ، (باویرا) پرنس لرینی التزام ایدیسیور لردی .
 (آلکساندر) جنوبی (آلمانیا) ده کی حکومت مشروطه نك حامیسی اولدی ؛ (رن)
 نهر نیک صول ساخننده کی (بالاتینا) قطعه سندن طولانی آرولنده اختلاف ظهور ایدن
 (باویرا) و (باد) حکومتلر نك ایکنیسی ده اوکا مزاجت ایدیسیور لری . — ایتالیا ده
 ۱۸۱۵ سنه سنده (مترنیخ) طرفندن (آوستریا) ایله بر معاهده خصوصیه عقیدینه
 دعوت ایدیلن (ساردنیا) قرالی (انکلتره) نك معاونت ایستدی و دعوت واقعه بی
 قبول ایتسی لازم کله چکی جوابی آلدی [اون برنجی باه مزاجت] ؛ بعده (آلکساندر) ده
 مزاجت ایتدی ، (چار) موجود اولان اتفاق عمومینک معاهده خصوصیه عقیدینه
 مانع اوله جفتی بیان ایلدی ؛ بو صورتله (آوستریا) نك نفوذی آلتنده اوله رق (ایتالیا)
 حکومتلر نندن مزکب بر هیئت متحده تشکیلی تصوری عقیم قالدی . — (اسپانیا) ده ،
 قرال (فردیناند) نر دینده بک زیاده نفوذ صاحبی اولان (روسیه) سفیری ، مطلقیت
 اداره فرق سنه رغماً ، امور مالییه بی اصلاحه چالیشان (غازای) هیئت وکلانسی موقع

مقاوله نامه ایدی . بری قاتولیک ، بری اورتودوقس ، بری پروتستان اولان ، یعنی یکدیگره رقیب اوچ مذهبه منسوب بولنان اوچ حکمدار آره سنده عقد ایدیلن بو « اتفاق مقدس » روما سراینک ، (پاپالوق) مقامنک خوشنه کیتمدی . قاتولیک مؤلفلری سر آمدانندن (ژ . دومهستر J. de Maistre) اتفاق مقدسی « برقاچ مجنونک اثری » عد ایدیور وبوکا اتفاق مقدس سوزندن زیاده « حکمدارلرک بتون خرسیتیانلره عینی مذهبه برعائله نظریله باقدقلرینه وبونلری بربرلندن تفریق ایدن مذاهب مختلفه اسمارینک معناستر اولدیننه دائر عقد ایتدکلری مقاوله نامه » عنواننک دهها مناسب اوله جفتی بیان ایلوردی . فی الحقیقه معاهده نامه امور مذهبه ده لاقیدی بی ، کلیساجه محکوم اولان بدعتی ترویج ایدیوردی [یکریمی اوچنجی بابہ مراجعت] .

معاهده نامه دیگر حکومتلری ده بو اتفاق مقدسه کیرمکه و « احکام مقدسه دینیه نیک علوتنی اعتراف واعلانه » دعوت ایدیوردی . اون سکزنجی (لوی) ، محضا (چاره) بر اثر نزاکت کوسترمش اولوق اوزره قبول ایتدی ؛ حکمدارلرک قسم اعظمی ده بویله یاپدیلر . (انکلتره) حکومتی ، (انکلتره) ده قرالک هر درلو اوامر ومقرراتنه ناظر مشولی طرفندن وضع امضا ایدلمسی ایجاب ایدوب حال بوکه بودرجه عمومی براتفاق هیچ برناظرک امضایده میه جکی بهانه سیله جواب رد ویردی .

حقیقت حالده ، اتفاق مقدس فعلاً هیچ برتأثیری کورلین برنمایشدن عبارت قالدی ؛ (مترنیخ) بوکا « کورولتیلی برهیچ » دیمشدی . فقط معاهده نامه حکومت مطلقه نیک اعاده سی علیهدارلری اوزرنده وعلی الخصوص (فرانسه) ده بیوک برتأثیر اجرا ایتدی . اهالی بونی ، (فرانسه) علیه دولتر آره سنده عقد اولنان اتفاق ایله قاریشدیریور ، ۱۸۱۴ متفقلرینی « اتفاق مقدس » عنوانیه یاد ایدیوردی ؛ بونک ایچون بو ایکی کله (فرانسه) واداره احرارانه علیه محاربه کله سیله مترادف عد ایدلدی .

آلکساندر ایله مترنیخ آره سنده رقابت [۱۸۱۵ - ۱۸] . — دول معظمه حکومتلری آره سنده جاری اولان ظاهری ائتلافک تحتده ، او زمان (اوروپا) سیاستک حاکم مقدراتی اولان ایکی آدمک ، (الکساندر) ایله (مترنیخ) ک کیزلی بر مجادله لری حس اولنیوردی . بونلر آره سنده طبیعت ، آمال سیاسی و منافع خصوصیه نقطه نظرندن بیوک برضدیت موجود ایدی .

طبیعة نازک ، سریع التأثر ، دیندار ، مرحمتی بر آدم اولان (آلکساندر) وظائف حکمداریسنی تقدیر وافکار انسانیت پرورانه یی قبول ایتمش ایدی . (وود) قانتونی اهالیسندن (لاهارپ) اسمنده حریت پرور برمرنی طرفندن تربیه ایدلمش اولدینی ایچون

معاهدات سیاسیہ دن عبارتدی . روسیہ جاری (آلکساندر) برطاقم متعصب خرسیتیانرک تحت تأثیرندہ بولندیخی ایچون [*] حکمدارلر آرسندہکی اتفاق سیاسی بی براتفاق دینی ایله تقویہ ایتمک ایستدی ؛ ۱۸۱۳ - ۱۸۱۵ محارباتندہ (چار) ایله دوست اولان و ذاتاً غایت دیندار بولنان (پروسیہ) قرالی بوتصوری تصویب ایستدی ؛ (اوستریا) ایمراطوری (چار) ہ برائر نزاکت کوسترمک اوزرہ قبول ایلدی . هنوز (فرانسه) دە بولنان اوچ حکمدار بر معاهدہ عقد وبونی « اتفاق مقدس » نامی آلتندہ اعلان ایستیلر [۲۶] ایلول ۱۸۱۵ .

(اروپا) دیپلوماسی عالمندہ بر مثلی دھا کوریا مین بو معاهدہ نامہ جناب حقندن استمداد ایله باشلامقدہ بیانات دینیہ وتعهدات اخلاقیہ دن ماعداد بر شیشی احتوا ایتمہ - مکدہ در : « دولترک ، مناسبات متقابلہ لرنندہ اتخاذا ایلدکلری خط حرکتی دینک بزہ تعلیم ایلدیکی حقایق علویہ اوزرینہ استمداد ایستدیرملری لازم کله چکنہ بتون قلبلریله قانع اولان حکمدارلر اشبو معاهدہ نامہ بی ، کندی مسلکلرینی آنجق احکام دینیہ بہ توفیق ایلیہ جکلرینی بتون عالمہ اعلان ایچون عقد ایستیورلر . عدل وحقانیتی ، شفقت و مرحمتی ، صلح و مسالمتی تأمین ایلین بواحکام دینیہ یالکذحیات خصوصیہ بہ قابل تطبیق اولمق شویله بالعکس حکمدارلرک مقرراتنہ تأثیر ایتملی وبولنرک کافہ حرکاتنہ رهبر اولملیدر .

« اشبو معاهدہ نامہ بی عقد ایدن اوچ حکمدار ، بتون انسانرہ یکدیگرینک قرداشی نظریلہ باقلمی امر ایدن کتاب مقدس احکامنہ توفیقاً حقیقی و ممنوع الانفساخ روابطخت ایله بربرلرینہ مربوط قاله جقلر ، هر وسیلہ ایله هریردہ معاونندن کری طور میہ جقلر ، تبعه لرینہ قارشلی کندیلرینی عائله پدری عد ایدرک دینی ، صلح و مسالمتی ، عدالتی محافظہ ایچون عینی حسن اخوتہ تبعاً بولنلری سوق وادارہ ایده جکلردر . کرک حکومتلر ، کرک تبعه لری آرسندہ حکمی جاری اوله جق یکانہ قاعدہ اساسیہ ، هر کسک یکدیگرہ عینی خرسیتیان ملتک اعضاسی کبی نظر ایتمسی ، متقابلاً ایفای خدمتہ شتابان اولمسیدر ؛ اوچ متفق حکمدار نصل کندیلرینہ عائله نک اوچ شعبه سنی اداره بہ طرف الہمیدن مأمور اولمش نظریلہ باقارلر و کرک کندیلرینک ، کرک تبعه لرینک داخل بولندقلری خرسیتیان ملتک جناب حقندن بشقہ بر حکمدار حقیقیسی بولندیخی اعتقادینی محافظہ ایدرلر . »

بو معاهدہ نامہ اخوت انقلابیہ بہ مقابل اخوت خرسیتیانہ نامنہ ، فقط کلیسا خار چندہ ، « جناب حقک و کیلیری » عد ایدیلمن حکمدارلر طرفندن ملتار نامنہ عقد اولمش بر [*] اوآنادہ مادام دو (قروندر) ک تحت تأثیرندہ بولنیوردی . ۱۸۱۶ سنه سی مایسندن بری طانیدینی بو قادین (بالطق) ولایاتندہ ، (ریغا) دە تولد ایتمش وبرقاچ سنہ (اسویجرہ) دە اقامت ایتمش براهل تصوف ایدی .

امورا داخله ايله مشغول و محافظه صلح و مسالته محتاج ، (انكلتره) نك (توری) فرقه سته منسوب رجال سیاسیه سی (استاتوقو) نك ، حال حاضر ك محافظه سی طرفداری و (آوروپا) امورینه قارشی بی قید ، (پروسیه) قرالی متردد و (مترنخ) ك نصایحه مطیع ایدی ، كافه سی اختلافات خارجه نك منعی آرزو ایدی سورار و كوزولتیل بر سیاست تعیندن چكینوزاردی . عالم سیاسیا تده متشبت و دیگر حكومتان اوزرنده صاحب نفوذ و تأثیر آنجق ایکی حكومت وار ایدی كه بونلرده (روسیه) و (آوستریا) ایمبراطورلقاری ، دها طوغریسی برنجی (آلكساندر) ايله (مترنخ) ایدی . دول معظمه نك سیاستری و بنده علیه (آوروپا) امورینه عائد مقررات بو ایکی ذات آره سنده كی ائتلافه و یا ضدیته تابع ایدی .

۱۸۱۵ سنه سندن اعتباراً ، دیپلوماتلری مشغول ایده بيله جك بزچوق مسئله لر موضوع بحث اولمغه باشلامشدی :

اولا . — (فرانسه) ائتلافه داخل اولمشدی ، فقط (ناپولئون) ك یوزگونك حكومتی حكومت مشروعه نك بو مملكتده دائماً تهلكیه معروض اولدیغی زطنی حاصل ایشدی ، عجباً (فرانسه) بی كمال صمیمتله (آوروپا) اهنك دولینه قبول ایتكمی ، یوقسه حال ترصده طوتوب سیاست خارجه سینه مداخله ایلنكمی دهاموافق اوله چقدی ؟ بو مسئله (اكس لاشاپل) قونفره سنده حل ایدلدی .

ثانیاً . — متفقن اولمق دولت مملكتی تأمین ایتشدر ایسه ده حكومت داخله سی حقنده بر تعهدده بولمامشردی . عجباً بو دولتری قوانین اساسیه جدیده اعطاسنده سربستی بر اقلی ، یوقسه مطلقیت اداره یی محافظه ایچون مداخله یی ایتلی ؟ بو مسئله « مداخله مسئله سی » نامیله معروف اولوب (ایتالیا) انقلاب سندن بالاستفاده حل ایدلدی .

ثالثاً . — متفقن دولت عثمانیه مستش اولمق اوزره ، بتون (آوروپا) دولترینك تمامی مملكتلریغی تعهد ایتشردی . دولت عثمانیه نك ده تمامی مملكتی محافظه ایديله جكمی ایدی ؟ بده شرق مسئله سی ایدی ، (ویانه) قونفره سنده موضوع بحث اولمش ، فقط (چار) مذاكره ایدلمسته مانع اولدیغندن یونان عصیانیه برلكده حل ایدلمسی اقتضا ایتكده بولمیش ایدی .

رابعاً . — متفقن (آمریکا) مستملكاتی حقنده هیچ بر قرار ویرمه مشردی . (اسپانیا) مستملكاتی تحت اطاعته آلمق ایچون مداخله ایديله جكمی ایدی ؟ ۱۸۱۵ دن بری موضوع بحث اولمغه باشلایان بو مسئله (ورونه Verone) قونفره سنده حل ایدلدی .

اتفاق مفرس [۱۸۱۵] . — ۱۸۱۵ معاهداتی دین ايله هیچ بر مناسبتی اولمایان

یکری بشنچی باب

مترین زماننده آوروپا [*]

۱۸۱۵ — ۱۸۳۰

۱۸۱۵ ده آوروپا مستدری . — دول معظمه ۱۸۱۴ و ۱۸۱۵ سنه لرنده (آوروپا) نك
 بتون تشکیلاتی ، مملکتلرک تقسیمنی و حتی حکومت داخلیه نك تنظیمنی قرار لشدر مشار
 [برنجی بابه مراجعت] و حال جدیدک محافظه سنی تعهد ایلمشردی . ۱۸۱۵ - معاهداتی
 ایله تأسس ایدن (آوروپا) سیاسی ، موازنه دولیهی و حکومت مشروعهی مدافعه
 ایتمک ، یعنی محصول انقلاب اولان اشکال حکومتک عودتی و فرانسزلرک فتوحات
 محاربه لرنیک تکررینی منع ایلمک ایچون بش دولت معظمه آره سنده عقد اولتان بر اتفاق
 دائمی اساسنه مستند ایدی .
 دولتلرک کافه سی برر حکومت خواص ایدی : اوچی ، یعنی (روسیه) ، (آوستریا)
 و (پروسیه) حکومت مطلقه ، ایکسیسی ، یعنی (انکلتره) ایله (فرانسه) حکومت
 مشروطه ایدی ؛ مع مافیہ بو صوک ایکی دولتده دخی حکومت سیاست خارجه به
 ایستدیکی کبی حکم ایدیوردی . بنه علیه کافه مقررات حکومت عدداً پک جزئی
 خواصک ، حکمدارلر ایله و کلاسنگ آرزوسنه تابعدی ؛ بونلرک حسیات شخصیه لری ،
 افکار و مطالعات مخصوصه لری ، آرزو وامللری (آوروپا) نك مقدراتنه حاکم ایدی .
 حقیقت حالده ، کافه سنک تأثیری عینی درجه ده دکلدی . (فرانسه) قرالی و وکلاسی

[*] دولتلر آره سنده کی مناسبانه متعلق اولان بو صوک بابلرده [۲۵ — ۲۸ نجی بابلرده]
 مورخین قدیمه زمانندن بری جاری اولان عادی ترک ایتمک ، یعنی وقایح حربیه نك و دیپلوماتلر
 آره سنده کی مذاکرات و مخابراتک تفرعاتی تاریخ سیاسی به درج ایتمک . ارباب اختصاص ، یعنی
 ضابطان عسکری ایله دیپلوماتلر ایچون یازیلان عسکری و دیپلوماسی تاریخلرنده الزم اولان بو
 تفصیلات و تفرعاتک تاریخ عمومینک حدودی خارجه نده قالمی لازم کله جکنه قائم ؛ چونکه تکامل
 سیاسی بی اکلامق ایچون بونلره لزوم یوقدر . بوراده وقایع عسکریه و دیپلوماتیه دن آنجیق ، مسائل
 سیاسی خارجه نك نه صورتله حل و تسویه ایدلدیکنی اکلامق ایچون الزم بونلارلری نقل ایدمک . —
 سیاست داخلیه به طوغریدن طوغری به اجرای تأثیر ایدن محاربات ذاتاً هر مملکتک تاریخ سیاسیسنده
 ذکر و ابضاح ایدنلش اولدیغندن بوندن صکره یا لکزیبن الملل و قایع سیاسی به د اثر تفصیلات و یریه جکدر .

تعريف مؤلفات

بوابه متعلق باشليجه وئائق - انقلاب فرقه لری رؤساسنك ائارندن بشقه - فرقه لرك اجتماعلرينه متعلق اوله رق غزته لر ويارساله لرايله طبع ايديلن مذاكرات ضبطنامه ليردر . بونوع ائار ايسه تعداد ايديلميه جك درجه ده چوقدر . فرقه اشتراكيونه منسوب اوليان اختلال وانقلاب فرقه لری ايچون (ده شان Dechamps) ك (جمعيات خفيه وانقلاب Les sociétés secrètes et la Révolution) نامنده كي اوچ جلدك اثرى ، اشتراكيون فرقه لرنيك هيئت عموميه حقنده كي معلومات تاريخيه ايچون ده عمومه مخصوص اوله رق يازيلان (لاوله لى Laveleye) ك (Le socialisme contemporain) عنوانلى كتابى توصيه ايديليز .


« بين الملل » ايله آلمان فرقه لرنيك صورت تشكللرى حقنده (لاسال) و (ماركس) ك آثارينه ، احوال اخيره لری ايچون ده (زاشهر Zacher) ك (L, international rouge) ، (وينته رهر Winterer) ك (Le socialisme international) ، (بورده و Bourdeau) ك (Le socialisme allemand et le nihilisme russe) ، (ويزه و Wzwea) ك (Le mouvement socialiste en Europe) نامنده كي كتابلرينه مراجعت اولنه بيلير . (آنارشيزم) ايچون عمومى برتاريخ يوقدر ، آلمان مؤلفلرندن (آدلر Adler) و (زه نكر Zenker) ك آثارينه مراجعت ايتك اقتضايدير . كذا آلمان مؤلفلرندن (مهنزه ر Menger) ك مسالك اشتراكيون حقنده كي اثرى - كه فرانسوزجه يه دخى نقل و ترجمه ايدلشدر - وضوح ومنطق نقطه نظرندن امثالى آئارك كافه سنه فائقدر .



صنّفنه قارشى مجاهداتنه خدمت ايتدكلىنى « بيان ايلدى . بومجاهداتنه دوام ايچون سنديقه طرزنده تشكيلاتنه لزوم اولديغى تصديق ايتدى . - اكثرىتى احراز ايدن (مارقس) طرفدارلىرى ، محاربه وقوعنده تعطيل اشغال عمومى به قرار و يرلمسى حقنده واقع اولان تكلىفى رد ايلدى .

۱۸۹۳ ده ۴۴۰ مرخصدن مركب اوله رق (زوريج) ده اجماع ايدن قونفره « آنارشىست » لرى مذاكراته قبول ايتدى ؛ « آنارشىست » لركندى حركتلىرىنىك « مجاهدت سياسيه دن بشقه برشى اولمديغى » سويلدیلر ايسه ده قونفره ، تحريكاتك قانونه موافق اولمى لازم كله جكنى بيان ايتدى . ۱ مایس شنلكلرنده كونده سگز ساعت چاپشلمسنة ، اشتراكيونك سنديقه تشكيلاتى حقنده كى مسلك سياسىلرينه ، محاربه وقوعنده اتخاذ قلنه حق مسلكه دائر بعض مقررات اتخاذ ايلدى . تعطيل اشغال عمومى حقنده كى تكلىفى رد ايدرك يالكز اشتراكيون فرقه سنه منسوب مبعوثلىرى حربه بودجلىرى عليهنده رأى ويرمكه و ترك تسليحاتى طلب ايلمكه دعوت ايله اکتفا ايتدى . - زراع فرقه سيله ائتلاف ايچون واقع اولان تشبثاته نهايت ويرمك اوزرده ارضك ملكيت مشتركسى اساسى قبول ايلدى .

۱۸۹۶ سنه سنده ۸۰۰ مرخصدن مركب اوله رق (لوندره) ده اجماع ايدن قونفره « آنارشىست » لرى رد ايتدى ؛ بونلرك قبولى لهنده رأى ويرن اقليت [۲۲۳ رايه قارشى ۱۴۴ رأى] مارقس طرفدارلىرىنىك رقيبلىرىن و بالخاصه انكليزلرله فرانسزلردن مرکت برهيت متحده ايدى . قونفره آراى عموميه اصولى ، رهفه راندوم ، قادينلرك تحلىصى ، شمندوفرلرك ، معدنلرك و قابريقه لرك املاك اميريه مياثنه ادخالى ، كمركلرك الغاسى لهنده و دائمى اردولر ايله مستملكات سياسى عليهنده قرارلر اتخاذ ايتدى .



ایدیلن قونفره ، (قوار Coire) ده اجتماع ایدن عادی برقونفرانسیدن عبارت قالدی ومقررات اتحادینه کافی درجه‌ده اعضا حاضر بولمیدی . — ۱۸۸۳ و ۱۸۸۶ اجتماعلری (پاریس) ده فرانسز « احتمالون » ی ایله انکلیز « تراد اونیون » لرینک عقداستدکلری قونفرانسلردن عبارت اولدی ؛ (مارقس) طرفدارلری بو اجتماعلره حقیقی قونفره

نظرله باقی ایستمدیلر .
فرانسز اشتراکیونی آردسنده کی انقسام تیججه سی اوله روق ۱۸۸۹ سنه سی تموزینک اون دردیجی کونی (پاریس) ده ایکی قونفره عقدایدلدی . — « احتمالون » طرفندن دعوت ایدیلن وبالخاصه فرانسزلردن مرکب اولان [۶۰۶ مرخص میاننده ۵۲۴ فرانسز] برنجی قونفره ، عموم ایچون تحصیل تم ، حد اصغری اجرت ، حکومت طرفندن تخصیصات آلان دارالصناعه لر طلب ایتدی . (مارقس) طرفدارلرینک عقداستدکلری ایکنجی قونفره [۳۹۵ مرخص میاننده ۱۷۴ اجنبی] نیک مقرراتی بروجه آتی ایدی ؛ (مارقس) نظریه سنک قبولی ، قادیبارک اجرت نقطه نظرندن ارککارله مساواتی ، سرستی اتحاد ، کونده سکز ساعت چالیشیق ، چوجبارک چالیشدیرلمقدن منعی ، مضر صحت ایشلرک وکیجیلین چالیشمه نیک منعی ، هفته ده بلا فاصله اوتوز آتی ساعت استراحت ، فابریقه لره عمله بولمه مخصوص اداره خانه لرک قالدیرلمسی ، نصفی عمله دن اولمق اوزره منتشیر تعینی . (قونفره) کافه بمالکک محتاجین عمله سنی کونده سکز ساعت چالیشیق ایچون بین الملل برنمایش اجرائینه دعوت ایتدی ، بونمایش ۱ مایسنده اجرا اولدیدی . دائمی اردولرک قالدیرلمسینی طلب و (قومون) اتناسنده تلف اولانلرک مزارلرنده بیوک برنمایش ترتیب اولدی .

۱۸۹۱ ده اجتماع ایدن (بروکسل) قونفره سی ، مذاکراته اشتراک ایچون « مجاهده سیاسیهنک لزومنی » تصدیق ایتمک لازم کله جکنه قرارویردی وبوصورتله « آنارشیزت » لری قونفره یه قبول ایتدی . — (آلمانیا) ایمپراطوری (ویلهلم) ک عمله یه متعلق قانونو نلرینی مذاکره ایچون ۱۸۹۰ سنه سنده بین الملل برقونفرانس ی عقد اجتماعه دعوت ایللمسنه سبب اولان ۱۸۸۹ قونفره سی مقرراتی شایان تبریک بولدی . — عمله نیک حمایه سی حقنده کی قانونلرک پک فنا تطبیق ایدلدیکنندن شکایت ایدرک عمله احوالی حقنده تحقیقات اجراسنه قرار ویردی وبتون دنیا ایشجیلرینی اجرت ایله چالیشیق اسارتندن قورتولمق ایچول حقوق سیاسیهلرینی استعماله دعوت ایتدی . — موسوی علیهدارلنی مسئله سنی موقع مذاکره یه قومقدن امتناع وبتون اشتراکیون فرقه لرینک « مختلف قوم ویا عرقلر آراسنده هیچ برضدتی قبول ایتیموب یالکیزبتون مملکتلرک محتاجین صنفنک سرمایه دارلر

بوکا مانع اولیورلردی ؛ ایکی رئیسک افاده سننه نظراً همان موقع تطبیقه واضی ممکن اصلاحات جزئیہ ایچون مقصد اصلی فلذا ایدیلر سننه فرقه اشتراکیون حال و موقعه مناسب ضرورته حرکت ایدن عادی بر فرقه حالنه کلیر (قونفره) ، رؤسا آره سننده ظهور ایدن اختلافی حل ایتمک جهتہ یناشلمدی . جنوبی (آلمانیا) اشتراکیونی (فرانسه) نک « رادیکال سوسیالیست » لر نجبه ، یعنی « افراطیون - اشتراکیون فرقه سنجه قبول اولنان مسیختی ترجیح ایتدیلر ؛ (باویرا) نک (لانتاخ) مجلسنده کی معیونلری بودجه نک هیئت عمومی سنی رد ایتمک راضی اولدیلر [۱۸۹۴] ؛ فرانقفورت قونفره سی هر حکومت داخنده کی اشتراکیونک تعیین مسیختده سر بست اولدقلرینه قرار ویردی [۱۸۹۴] . کویلیری جلب ایچون تصور اولنان اصلاحات زراعیه لایحه سی ۱۸۹۵ قونفره سی طرفندن رد ایلدی ؛ فقط (باویرا) اشتراکیونی لایحه نک قبولی ایچون نحریکانه دوام ایتدیکلر ندن ۱۸۹۶ ده اجتماع ایدن (حال) قونفره سی دخی بو مسیختی موقع مذاکره قویدی ایسه ده اساسی برقرار اتخا ایدمدی .

بین الملل اشتراکیونه قونفره لرلی . — « بین الملل » جمعیتک طابعی مسندن بزی ملی اشتراکیون فرقه لرلی ، بتون مملکتاره شعامل بر اصلاحات اجتماعیه پروغراخی نظری بر صورتده مذاکره مخصوص قونفره لر عقد ایدرک بین الملل بر ائتلاف وجوده کتیر مکه چالیشملردن . فقط مذاکره ایدرک زیاده اجزای تاثیر ایدن مسئله مرخصلرک هانکی شرائط تحتده قونفره یه قبول اولنه جقلرینه قرار ویرمک ، یعنی « آنارشیزم » فرقه لرلی مرخصلرینک قبول ویا راد ایدیله چکلرینی بیلیمک ایدی ؛ نیم « آنارشیزم » اولان اشتراکیون ایله (مارکس) طرفدارلری آره سننده کی نزاع بومسئله اوزرینه جریان ایدیوردی .

۱۸۷۷ ده (غاند) شهرنده اجتماع ایدن ایلاک قونفره ده (مارکس) طرفدارلری علیه ایتدیلر ؛ آنارشیزم بوقونفره یه قبول ایدیلر ؛ چونکه اوزمان بر زمین ائتلاف آرا نیوردی . استحصال ثروت و بوکا غاند تشکیلات مذاکره اونندی ؛ آنارشیزم استحصال ثروتک نفوذ حکومتدن کلیاً آزاده قاله رق سر بستجه شکل ایتمش ، حسن تعاون ایله برلشمش جمعیتاره غاند اولسنی تکلیف ایتدیلر . (مارکس) طرفدارلری ، حکومت بتون ملتک تمالی اولدینی جهتله « اراضی یه وآلات و وسائط سعی و عمله » مالک اولسنی لازم کله جکنه قرار ویردیلر . بوندن بشقه سید بقولرک « عمله نک سرمایه دارلره قلدشی محادلاتنده ان مؤثر وسائط اولدینی » بیان ایدیلر .

۱۸۸۱ سنه سننده (زوریخ) ده اجتماعه دعوت اولنان و حکومت طرفندن منع

بودر [*] . كذلك (هولاندا) فرقة اشتراكيونك بر قسمی ، « كنجار » ناميله معروف اولوب رؤسايي افكار انقلابي وروانهي محو ايتك واشتراكيون فرقه‌سني ساده‌جه بر اصلاحات فرقه‌سي حالته كيتيرمك ايله اتمام ايدن « مستقلر » نامنده كي آلمان فرقه‌سنيك بر جزئي - كه ۱۸۹۱ قونفره‌سندن اخراج ايدلمشدي - بو مسلكده درلر .

(ماركس) طرفدارلرينك مسلكي بر قاعدهٔ عموميّه تعقيب ايدن ، نهايت غلبه ايده جكنه امين اولان و تدبيرسزلك ايله نتيجهٔ قطعيه‌نك حصولي تاخره دوچار ايتمه‌نك تهلكه‌سني آكلايان بر فرقه‌نك مسلكي ايدى ؛ بونلر ديكر فرقه‌لر ك كافه‌سنجهدا اولنيورلر ، فقط واقع اولان اعتراضاته شدتلي بر لسان ايله ، هيچ بر فرقه‌يه پيداي مناسبات ايتمه‌نك ايله جواب ويريورلردي . (آلمانيا) ده قوانين استثنائيّه دوام ايتديكي مدتيجه بو مسلك محافظه ايدلدي ؛ فقط مستثنا قانونلر ك فسختي متعاقب آلمان فرقه‌سي ، مسلك قديم معروفني محافظه ايتمه‌نك برابر صاغ جناحه ميل ايتدي [* *] .

اصلاحات تدريجيّه مسلكي (فرانسه‌ده) عمله فرقه‌سنيك اكثر نتيجه قبول ايدلمش اولديغندن [۱۸۸۲] ماركس طرفدارلري ايله « امكانيون » دنيلن فرقه قطع مناسب ايتديلر [يدنجي باهه مراجعت] . ۱۸۹۳ سنه‌سي ائتلاقندن بري بو مسلك قبول ايدلدي ؛ « افراطيون - اشتراكيون » نامي آلتنده اشتراكيون ايله جمهوريت فرقه‌سي آرهنده متوسط بر فرقه تشكّل ايتدي ؛ ۱۸۹۴ سنه‌سنده (نانت) شهرنده اجماع ايدن قونفره كويابيلري جلب ايجون كوچك اراضى اصولنك محافظه‌سنه و زراعت « دشمن مشتركه ، يعنى بيوك اراضى اصولندن عبارت اولان دره بلكلكه » قارشى اتحادي لزومنه قرار ويريدي . انكلتره‌ده كي (فايان) لرك مسلكي ده بودر [دردنجي باهه مراجعت] . بلجيقا اشتراكيون دنخي فرقه ترقير ووران ايله مناسباته كيريشمه‌شلر در . (باويرا) اشتراكيونك رئيسي اولان (وولمار Vollmar) آلمانيا شوراي امتده عمله قانونلري لايحه‌سنيك موقع مذاكره يه وضعني ايتسيوردى [۱۸۹۱] ؛ فرقه رؤسايي ، (بهبل) ايله (ليبقه‌خت) ، عمله صنفيك صنوف متحكمه ايله و حكومت علمانده كي مبارزه سنه دوام ايتك مجبوريتني سويله‌لر ك

[*] بر آره‌لق « قومونيزم ليبرتر Communisme libertaire » نامي آلتنده آنارشيستلر ايله اتحاده تئبث ايدلمشدر .

[* *] « قوة سياسيه نك الهه ايدلمسي بر لحظه‌ده ممكن اوله ميه جني كي موقتاً موقيتيله نتيجه نمش بر حركت نا كها نيونك فرقه‌سي ده اوله‌ماز ، بلكه مئمادي بر سمى وغيرت نتيجه‌سنده ونشر و تعميم افكار ايجون كافهٔ وساطدن استفاده ايتك صورتيله ممكن اولور ، بناء عليه فرقه نك مسلكي تبديله عمل يوقدن . »

انقلابك نه صورتله یاپیاه جنی مسئله سنه کلنجه ؛ بو باده ایلری به سوربان مسلکله مختلفند ؛ (بلانکی) فرقه سی محاربه داخله مسلک قدیمنده قالدی ایسه ده بونک موقع اجرایه وضعی تدریجاً امکان خارجه چقدی ؛ دیکر لری محاربه اقتصادی ، تعطیل اشغال عمومی بی ترجیح ایستیلر . الحاصل بومسلك قوت ایله انقلاب تام وجوده کتیرنجیه قدر مبعوثان مجلسلری خارجنده اجرای تحریکات ایلمک مسلکدر .

۳ . — صاغ جناحده ، افراطیونه یاقین اولمق اوزره ، تدریجی حرکت ایتمک وسائر فرقه لره صورت تسویه لر بولمق مسلکی موجوددر ؛ بو مسلکده مقصدک تمامیه حصولنه انتظاراً قانون شکلنده اصلاحات جزئیه اجراسی اصولی قبول اولنور ؛ بونک ایچون ایسه مجلس مبعوثان حیاته داخل اولمق ، انقلاب اجتماعی به دشمن اولان دیکر فرقه لر ایله اویشمق ، اصلاحات جزئیه اجتماعی بونلره قبول ایستیرمک اقتضا ایدر . منتخبلری جلب ایچون ، بونلره مخصوص ، قابل اجرا بعضی اصلاحاتی مین پروگراملر تنظیم اولنور ؛ بالخاصه کویلرده کی منتخبلری تأمین ایچون ده کافه آلات و وسائط استحصالیه نك اشتراکی قاعده سی ترك و کندی تر لاسنی بالذات زرع ایدن کویلیرک حق تصرفه مالک اولملری اصولی قبول ایستیلر . بو ، تدریجی بر انقلاب اجتماعی حاضرملق ایچون مبعوثان مجلسلرنده و بیدرپی اصلاحات اجرانسه چالیشمق مسلکدر .

اشتراکیون فرقه لری بو مسلکلردن برینی قبول ایتمشلردر . هر بری حیات سیاسییه ده کی خط حرکتی قبول ایستدیکی مسلکه کوره تعیین ایتمش ، یعنی یا دیکر فرقه لره مناسبدن اجتناب ، یا خود بر واسطه تحریک اولمق اوزره حیات سیاسییه دخول و یا اشتراکیوندن اولمان فرقه لر ایله مناسبات پیدا ایلمشدر . فرقه لره هیئت عمومییه نظر دفته آلنیرسه (مارکس) طرفدارلرینک متوسط مسلکلردن کچمک صورتیه صول جناحدن صاغ جناحه طوغری تمایل ایستکلری کویلور ؛ فقط عینی مملکتده مختلف مسلکله منسوب فرقه لر قالمش و بونلر یکدیگرلریله رقابتدن کری طور مامشدر .

نیم « آتارشیست » عد اولنان انقلابیورلرک قبول ایستکلری مسلک اجتناب ، عدداً بک آز اولدقلری ایچون ناکهانی احوال و حرکاتدن استفاده ایلمکدن بشقه بر امیدلری اولمان قدیم فرقه لره مسلکی ایدی ؛ بو نوع اشتراکیون ، انتظاردن اوصاتان ، یا خود مجلس مبعوثان فرقه لریله الفت ایدرک بونلره ائتلاف چاره لرینی آرایان مبعوثلردن ممنون اولمان بر قاچ فرقه دن عبارت قالمشدر . (بلانکی) و (آله مان) طرفدارلری نامیه معروف بر قاچ فرانسه فرقه سنک مسلکی

اشتراک‌یون، افراطیون ایله «آنارشیت» لر آره‌شنده متوسط بر موقع طومشلر، هم صرف مجلس مبعوثانده چالیشمق مسلکنی، هم ده تدابیر شدیدیه توسل ایتک اصولی ود ایلمشلدر: فقط بوقاعده عمومیه، مختلف صورتلرده تفسیر ایلدیکندن، مختلف مسلک‌لر قبولنه سبب اولمشلدر؛ ایکیمی مفرط، بری متوسط اولمق، اولکیری «آنارشیت»، دیگرکی افراطیون مسلکنه مشابه بولمق اوزره لا اقل اوج مسلک تفریق ایلدیلر:

۱. — آلمان فرقه‌سیله (مارکس) فرقه‌لرینک مسلک رسمیتی مبعوثان مجلسلر نده کی فرقه‌لرک اشکالی قبول ایتک، فقط بونی یالکیز افکار اشتراکیون ایچون بر واسطه نشر و تعمیم اولمق قوللانمقدرد. فرقه، انتخاباتانده نامزد چیقاریر، مجالس ملیه یه مبعوث کوندریر، طرفدارلرینی سیاسی بر فرقه کی تشکیل و تنظیم ایدر؛ فقط، صنف متوسط اهلینک انتخاباته اشتراک و مبعوثان مجلسلرینه دخول ایتکله برابر، اصلاحات اجتماعی وجوده کثیرمک ایچون انتخابلردن، مبعوثان مجلسلرندن هیچ بر فائده امید ایتدیکنی، یالکیز نشر افکار ایتک، افکار عامینی تهییج ایلیمک، طرفدار بولمق، بولری تنظیم و تشکیل ایله قوت بولمق ایستدیکنی بیان ایلر. [انتخاب اولنان مبعوثلرک عددندن زیاده اشتراکیون نامزدلرینه ویریلن رایلرک مقدارینه عطف اهمیت ایدر]. مبعوثان مجلسلرینه، کندی نظریاتی، مسلکنی ایضاح ایچون برکونی خطبات نظرله باقار، اصلاحات جزئیة اجتماعیه تکلیف ایدرک مسائل سناره حقتده کی مذاکراته اشتراک ایتمز، دیگر فرقه‌لر ایله پیدای مناسبایدن توق ایلر. فقط، حکومته فرقه‌نی ازمک ایچون بهانه همه ایتکدن بشقه برایشته یارامیلان هر درلو حرکات انقلابیه و اختلالیه دن اجتنابی توصیه ایدر. بو، مبعوثان مجلسلر نده جاری اصول و قواعد تابع اولمق صورتیه تحریکات انقلابیه ده بولمق مسلکینرک مقصد، بشرتی صورت مسلک پروروانده بر انقلاب تامه حاضرلمقدرد.

۲. — صول جناحده، «آنارشیت» لرک مسلکنه یا قلاشمق اوزره، ایکنجی بر مسلک واردرک ناکهانی بر انقلاب حاضرلمق ایچون دیگر فرقه‌لرله مناسبایدن اجتناب مسلکیندر: انتخاب و مبعوثان ایشلرینه قاریشمق سنار فرقه‌لرله صورت اتنویه لر عقده‌نی استیاج ایتدیکندن، فرقه‌نک قواعد اساسیسنی اونوتدیردیندن، انقلاب پرورلری صنف متوسط اهالی ایله الفت سایه‌سنده تعدیل افکاره سوق ایلدیکندن بوندن اجتنابی ایلدیلر. بنه علیه فرقه‌نک هر درلو مسائل سیاسییه مداخله دن اجتناب ایتیمی و انقلابه حاضر بولمسی اقتضا ایدر.

برکون کلوب اشتراکیونک نظریاتی قبول اولنه جقدی ، شو . حالده ناکهانی بر انقلاب نابوسم اولدیفندن فائده سزدر ، کذلک بویله بر انقلابک فرقهیی ازوب محو ایتیمی احتمالی موجود اولدیفندن هر حالده تهلهکدیلدر . ۱۸۷۵ سنه سنده (غوطه) ده قبول اولنان پروغرامده فرقه نك « بالجمله وسائط مشروعده ايله » حرکت ایتدیکی بیان ایدیلوردی ، پروغرامک بو ماده سی ۱۸۸۰ ده طی و اخراج ایدلدی ایسه ده مقصد نظریات اشتراکیونی ساده چه نشر ایتمکی بیله جرم عد ایدن ۱۸۷۸ قوانین استثنائی سنه جواب ویرمکدی .

انقلاب اجتماعی بی حاضرملق ایچون نصل بر مسلک اتحاد و قبول ایدلیدر ؟ انقلاب فرقه لرینک سیاسته اک زیاده تأثیر ایدن ، بونلر آره سنده کی اختلافاتک ، انقطاع مناسباتک ، اقتساملرک همان کافه سنه سبب اولان بو مسئله در .

حاکمیت عامه فرقه مفرطه سی ، (روسیه) مستثنا اولمق اوزره ، هر مملکتده اختلال فرقه سی حالندن چیقوب بر فرقه مبعوثان حالی آلمش ، طرق قانونیه ايله اصلاحات جزئیه تکلیف ایتمکه ، هیئت وکلایی تشکیل ایده بیلیمک ایچون اکثریتی احرازه چالشمغه باشلامشدر .

دیگر طرفدن (آنارشیزت) فرقه سی دخی اشتراکیون فرقه لرندن آیرلمشدر . (آنارشیزت) لر جمعیت بشریه نك احوالی تنقید ایتمک خصوصنده اشتراکیون ايله اتحاد ایدرلر ؛ بونلر پک چوق زمان عینی صورته اداره لسان ایتمشلر ، برلکده حرکت ایلمشلردر ؛ بونک ایچون ، خلق ، شمعی بیله ، اشتراکیون ايله « آنارشیزت » لرک هر ایکسینی ده جمعیت بشریه حاضرده نك دشمنی عد ایدرلر . فقط هر ایکی فکر و نظریه آره سنده کی فرق بر بردن تامیله آیری مسلکله اتحادینی انتاج ایتمش ، مشترک بر مسلک قبولی امکان خارجه چیقارمش و نهایت آره ده غیر قابل تألیف بر تضاد حصوله کتیرمشدر .

« آنارشیزت » لر ، افراده حریت مطلقه تأمین ایده میه جک بر انقلاب حاضرملق ایچون ، سیاسی فرقه لرده جاری اولان قواعد انضباطیه تبع اولمق ایسته مدکلرندن هر نوع اجرا آت سیاسییه اشتراکدن امتناع ایدیورلر ، انتخاباته و مجالس ملییه اهمیت ویرمیورلر و افکار عمومیه تأثیر ایده بیلیمک ایچون افعال و حرکات شدیدیه توصیه ایلورلر . تحریکاتده بولتمق ایستینلر روس اختلالچیلرینک قتل و اتلاف ايله تهدید اصولی استعمال ایدیورلر . آلمان اشتراکیون فرقه سی بو وسائط شدیدیه صورت قطعیه ده زد ایتمشدر (*)

(*) « قوت ، هم بر عامل ارتجاعی ، همده بر عامل انقلابیدر . قوتک افراد طرفندن استعمالی مقصده وصولی تأمین ایده من ، خلقک حسیات حق و عدالتی جریحه دار ایتدیکی مدتیجه مضردر ، بناء علیه شایان رد و تفتیحدر . »

(هولاندا) ، (ایتالیا) کبی آرای محدوده اصولنک جاری اولدینی مملکتلرده آرای عمومیه اصولنی طلب ایدر ، نته‌کیم ۱۸۴۸ دن اول (فرانسه) ده ، ۱۸۶۶ دن اول (آلمانیا) ده ، ۱۸۹۳ دن اول (بلجیقا) ده ایسته‌مشدر .

اشتراکیون پروغرامی ، عمله‌نک ترفیه احوالی ایچون اصلاحات جزئیسه‌دن [سندیقلر ، عمله قانونلری ، مدت سعی و عملک واجرتک تنظیمی ، تقاعدصندوقلری] و تحولات اقتصادییه « قولکتیویست » لرك آرزولری وجهله باشلایه‌بیلیمک ایچون اقتضا ایدن تدابیردن [شمندوفرلر ، معدنلر وسیغورطه‌ده اشتراک ، بلا واسطه ویرکولرک تکلیف مترقی حالنه افرانغی] مرکبدر .

هیئت عمومیه‌سی اعتباریه بو پروغرام حاکمیت عامه ، مساوات ، حریت مطلقه اساسلرینه مستند سیاسی، صلحچورانه و بین‌الملل بر پروغرام اولوب قانونلرک، ویرکولرک تنظیمی صورتیه افکار اشتراکیونی حکومته قبول ایتدیرمه‌ک سعی ایدر . بو ایکی پروغرامدن هانکیسنک اشتراکیون فرقه‌لرینه ده‌ها چوق طرفدار قزانیدر دینی تعیین ایتمک مشکلدر .

انقلاب فرقه‌لرینک مسلکی . — اون طقوزنجی عصرک نصف اولنده انقلاب فرقه‌لرینک کافه‌سی تدابیر شدیدله ایله انقلابدن ، ایتالیان اصولنده عصیاندن [ماجینی‌نک مسلکی] فرانسیز اصولنده قیامدن [بلانکی‌نک مسلکی] بشقه بر مسلک بیلیمورلردی . بو دورده‌کی موققیات سائره‌نک جمله‌سی یا اردوده ، یا خود یا تختده عصیانلر ترتیه‌له ایلدیشدی .

اون طقوزنجی عصرک نصف اخیرنده حکومتلر ده‌ای اسلحه ایله مجهز اردولره مالک اولدقلرندن [یکریمی سکزنجی بابه مراجعت] انقلاب پرورلر بشقه درلو برمسلاک تصور ایتملر ، قوه‌سیاسیه‌نی صورت مشروعه‌ده ضبط ایده‌بیلیمک ایچون صلحچورانه نشر و تعمیم افکاره باشلامشدر . — (لاسال) طرفندن تأسیس ایدیلن جمعیت ، ۱۸۶۳ تاریخلی نظامنامه‌سنده ، مقصدینک « وسائط مشروعه و صلحچورانه » ایله افکار عامه‌نی قزاقق صورتیه حرکت ایتمکدن عبارت اولدینی بیان ایدیوردی . — (مارقس) طرفداری فرقه‌ اشتراکیون محتاجینک « دیق‌تارتوزلکنی » تأمین ایتمک عزمینده بولدینی سویلمکله برابر هر درلو عصیانلردن، قاریشیققلردن اجتناب ایتمک مسلکنی اتخاذایتدی . (مارقس) بشریتک تکامل طبیعی نتیجه‌سی اوله‌رق « قولکتیویزم » اصولنه واصل اوله‌جفی فکرینی اذهان اشتراکیونه یرلشدیرمش اولدیفندن بونلر ناکه‌انی انقلابلردن اجتناب ایتمک باشلادیلر ؛ چونکه ، مادامکه تکامل طبیعی نتیجه‌سنده

هر سنه اصولی دآرہ سندنہ انتخاب ایدلمش وکیلردن مرکب بر قونترہ ، پروغرامی و سیاست عمومیہی تعیین خصوصندہ استقلال تامہ مالک بر مجلس ؛ قونترہ طرفندن انتخاب ایدیان وقوۂ اجراییہ وظیفہ سیلہ مکلف اولان بر انجمن دائمی . بوتشکیلات ، عمومی بر صندوق ، غزہ سی ، انتخاب اصولی و مجلس عمومی اولان بر حکومت طرزندہ ایدی . بر حکومت داخلندہ بر فرقہ تشکل ایتدی ، چونکہ بتون اشتراکیون عینی مجلس مبعوثان اوزرندہ اجرای تاثیرہ چالشپوردی [مع مافیہ بر حکومت داخلندہ یکدیگرہ رقیب آیری آیری فرقہ لر تشکل ایتدی کی دہ کورلمشدر]

بو فرقہ لر کافہ سنک قطعی بر پروغرامی واردی ؛ پروغرام ، ۱۸۴۸ دہ اولدینی کچی ، تمایلات عمومیہی کوستر بر ورقہ دکل ، بلکه مجلس عمومی طرفندن مذاکرہ و اعلان و فرقہ اعضاسی طرفندن قبول اولنسان بر نوع قانون اساسی ایدی . عمومیتہ پروغرام لر فرقہ نک غایہ خیالی ، مقصدینی ، خط حرکتی کوسترن نظری بر قسم ایلہ موقع اجرایہ وضعی ممکن اصلاحاتدن باحث اولان قسم عملیدن مرکبدر .

مسلك نظری ، هر یردہ عینی اساسہ مستنددر : احوال حاضرہ اقتصادیه عملہ صنفہ غیر مساعددر ؛ اصلاحات عملہ صنفک محصول سعی ، اثری اولمیدر ، عملہ صنفی قوۂ سیاسیہی الدہ ایدرک و حکومتک قوتندن استفادہ ایلہرک طور اراق دخی داخل اولمق اوزرہ بتون آلات و وسائط استحصالیہ نک ملکیت مشترکہ سنی تأمین و اصلاحات مقتضیانی اجرا ایدہ جکدر ؛ استہلاک شمیدی کی مشترک اولیہر ق شخصی قالہ جقدر .

موقع اجرایہ وضعی ممکن عد ایدیلن اصلاحات ، سیاسی واجتماعیدر . — سیاسی پروغرام قدیم حاکمیت عامہ فرقہ مفرطہ سنک پروغرامنی یالکز اک صوک نتایج منطقہ سنہ ایصال ایتکدن عبارتدر : مساوات تامہ ، بناءً علیہ قادیلر دخی داخل اولمق شرطیلہ آرای عمومیہ اصولی ، خدمت عسکریدہ مساوات ، هر کس ایچون تحصیل تام ، حریت مطلقہ ، بناءً علیہ حریت مطبوعات ، اجتماع و شرکت ، کلیسا و حکومتک تماماً تفریقی ، حکومتک نفوذ رهباندن تمامیلہ آزادہ قالمسی ؛ اخوت مطلقہ ، بناءً علیہ صلح عمومی ، ترک تسلیحات ، تبعہ واجانب آرہ سندنہ هیچ بر فرق بولنامسی ، کافہ امور و مصالح مشترکہ نک بین الملل جل و تسویہ سی .

فرقہ اشتراکیون ، حاکمیت عامہ فرقہ سی عنواتی آلیر ؛ چونکہ حاکمیت عامہ فرقہ لری آرہ سندنہ طرفدار بولمش ، حاکمیت عامہ نظریہ سندن باشلا یہر ق انقلاب اجتماعی ایستہ جک درجہ یہ واصل اولمشدر . فرقہ اشتراکیون (آلمانیا) و (اوستریا) کچی بعض حکومتلر دہ فرقہ مفرطہ نک یرینی طوتار ؛ (اوستریا) ، (اسقاندیناویا) مملکتلری ،

پروغرامی [°] و آلمانیاده اولدینی کبی برقونفره ، بر هیئت اداره و بر هیئت تفتیشیه دن مرکب تشکیلاتی قبول ایتدی؛ بالخاصه آرای غمومیه نك ، کونده سکنز ساعت چالیشلمسی اصولنک قبولی ایچون نمایشار یادی . — (اسقاندیناویا) نك اوچ مملکتده ، (هولاندا) و (بلجیقا) ده فرقه آلمانلرک فرقه سی طرزنده تشکل ایتدی . — (لهستان) ده ، بالخاصه (لهستان روسی) نك فابریقه لر بولنان شهرلرنده ۱۸۸۲ سنه سنده تشکل ایدن فرقه ۱۸۸۵ تاریخده محو ایدلدی ؛ بونک برینه (آلمانی) بی تقلیداً « قولکتیویست » پروغرامیله دیکر بر فرقه ده تشکل ایتدی [۱۸۹۲-۹۳] ؛ فقط بوفرقه (لهستان) ک جمهوریت عامه شکلنده یکیدن تشکلنی طلب ایدن بر فرقه وطنپروراندر . — (فرانسه) ده و (رومان) مملکتلرنده « قولکتیویست » پروغرامی یواس یواس بتون انقلاب فرقه لر نیجه قبول ایدلدی ؛ فقط بو فرقه لر منتظم بر تشکیلات و مشترک بر اداره مرکزیه وجوده کتیرمدیلر .

مستنا قانونلرک احکامی جاری اولدینی مدتجه [۱۸۷۸ - ۹۰] تشکیلات رسمیه سنی فسخته و قونفره لر نی ممالک اجنبیه ده عقده محبور اولان آلمان فرقه سی قوانین مذکور نك فسختی متعاقب فرصتن بالاستفاده تشکیلاتی یکیدن اکیال ایتدی . « حاکمیت عامه اجتماعیه فرقه سی » نامنی آلدی [۱۸۹۰] ، انتخاب طریقیله تعیین اولنان شایان اعتماد ذواتدن مرکب اولمق و اکثریا انتخاب انجمنلری شکلنده بولمق اوزره هر یرده بر طاقم هیئتلر تشکیل ایتدی و کویلرده افکار اشتراکیونی نشر و تعمیمه قرار و یردی . — ۱۸۹۱ سنه سنده (ارفورت) ده اجتماع ایدن قونفره پروغرامی تعدیل ایلدی . یکی پروغرامده ، (لاسال) ک مسلکنه عائد اولان قونفره لر طی و (مارکس) نظریه سی ، یعنی تکامل نتیجه سنده حق تصرف منفسخ اوله رق « قولکتیویزم » اصولنک قبول اولنه جنی فکره اوزون اوزادیه ایضاح ایدلدی . فرقه ، بشریتک صنوف ممتازه سی علیهنده مجاهداتده بولنه جنی و بوجاهد نك اهمیتنی عمله صنفنه آکلاتمغه چالیشه جنی بیان ایدیوردی . — عملی پروغرامه « ساهات نسوان ، مجاناً تداوی و تدفین ، عمله ایچون اتخا ذ اولنان تدابیرک زراعت عمله سنه و خدمتکارلره دخی تشمیلی کبی خصوصات علاوه اولندی .

بو صورته (آوروپا) حکومتلرینک قسم اعظمنده اشتراکیون فرقه لری تشکل ایتدی . بو فرقه لرک حاکمیت عامه اساسنه مستند اولان تشکیلاتی بروجه آتی ایدی :

[*] « فرقه ، بین الملل بر فرقه اولوب نسب ، جنس ، ثروت نقطه نظرندن موجود اولان امتیازات کبی ملتلرک امتیازاتی ده رد ایدر و انسانک انسان طرفندن ایشلتدیرلمسی اصولی هر ملت آره سنده جاری اولدیغندن بوبابده کی مبارزاتک ده بین الملل بر ماهیتده اولسنه لزوم کوسترر . »

اخراآت سیاسیہ لری ارتجاع و قوعندن بشقہ برشیئہ خدمت ایتہ مشدر ، چونکہ ایقاع ایلدکلری جنایات هرکی قور قوتمشدر ؛ بونک ایچون (آنارشیزم) تاریخی مختلف مملکتلرده برطاقم شخصی تشبئاتدن ، نمایشلردن عبارت قالمشدر .

«اتحاد» جمعیتی بقیه سیله (آنارشیست) لرك (پارس) دهکی قسمی طرفندن ۱۸۸۱ سنه سننده (لوندره) ده عقد ایدیلان قونفره «حرکات انقلابیه هنوز اشتراک ایتمین و وسائط قانونیه نك الك مشروع ومؤثر تدیر اولدیغی تخیل ایدن عوام آردسنده فکر انقلابی نشر ایتک وعصیان حاضرملق ایچون هر درلو واسطه به مراجعت الزم اولدیغی» بیان و «شمدی به قدر انقلابه پک چوق خدمت ایتمش اولان کیمیانک مطالعه سنی» توصیه ایتدی .

۱۸۷۹ دن ۱۸۸۲ سنه سنه قدر (آنارشیست) لر فرانسه نك جنوب شرقی سننده [لیون ، سن آتیهن] ، پارسده خیلی تحریکاتده بولندیلر ؛ (قروپوتکین Kropotkin) و (نه . ره قلوس E. Reclus) اسمنده ایکی مؤلفک نشریاتی مناسبیه نمایشلر یاپیلدی ، (لیون) ده براشتعال و قوعه کلدی و متجاسر لری شدتله تأدیب اولندی [۱۸۸۲] .

(اوستریا) ده (موست Most) و (پوکرت Peukert) اسمنده کی (آنارشیست) رؤسای طرفندن و قوعه کتیر بیان تحریکات صورت مخصوصه ده تنظیم اولنان قانونلرک تطبیق و بر چوق کیمسه لرك توقیفی صورتیه ازاله ایلدی [۱۸۸۲ - ۸۵] .

(آنارشیست) لرك صوگ تحریکاتی پارسده [۱۸۹۲ - ۹۴] ، ایتالیا ، اسپانیاده ، بارسلونده و قوعه کلدی . — آلمان مملکتلرنده اشتراکیون فرقه سی (آنارشیست) لرك تحریکاتنه مانع اولدی . — (انکلتره) ده ، (لوندره) ، اجنبی (آنارشیست) لرینه ملجأ اولدی ایسه ده بوشهرده هیچ بر حرکت و قوعه کلدی .

ملی اشتراکیون فرقرلر نك تکلی . — آلمان اشتراکیونی انقلاب اجتماعی به لزومی اولان قوه سیاسییه الده ایتک ایچون بین الملل تشکیلات عمومیه دن موقتاً واز کچمشلر ، انتخاب ایشلرینه و مجلس مبعوثان مذاکرانه قاریشه رق بر فرقه ملیه تشکیل ایتشلر ایدی .

دیگر مملکتلر دخی یواش یواش بوللری تقلید ایتدیلر . ملی اشتراکیون فرقرلر نك تشکیلات و ترقیاتی اولا ، «اتحاد» آنارشیستلر نك مقاومتلری ، بعده اشتراکیون آردسنده کی اختلافات ، حکومتلرجه اتخاذ اولنان تدابیر تضییقه ایله تأخر ایتدی . فقط همان هر طرفنده آلمان فرقه سی نمونه اتخاذ ایدلمک و بونک پروغرامی قبول اولنمق صورتیه برر عمله فرقه اشتراکیونی تأسیس اولندی . (اوستریا) ده ، (آنارشیست) لرك محو ایدلسندن صکره ، شکل ایدن «حاکمیت عامه اجتماعیه عمله فرقه سی» بین الملل (قولکتیویست)

عدلی ، مالی ، انضباطی ، علمی ، اقتصادی و اجتماعی كافة مؤسسات و موضوعات موجوده سیله برابر محو ایتک « ایدی .

« اتحاد » جمعیتی ، یوقازیده بیان اولندیغی وجهله ، ۱۸۶۹ سنه سنده « بین الملل » ه داخل اولدی و ۱۸۷۲ سنه سنده (باقونین) ایله برابر جمعیت مذکورده دن آیرلدی . « اتحاد » ، (رومان) مملکتلری اهاالیسنندن و « بین الملل » ك ا مطیع واك زیاده صاحب عزم و شدت اعضاسندن ، ایتالیان شعبه سنندن ، اوننجی بابده بیان اولنان (قانتونالیست) عصیانلرینه اشتراك ایدن اسپانیول شعبه سنندن ، بلجیقا شعبه سنندن ، (نوفشاتل) قانتوننده کی ساعت فابریقه لری عمله سنندن مرکب اولوب افرادی آز ، فقط غایت فعال اولان و « زورا هیئت متحده سی » دنیان جمعیتدن مرکبیدی . ۱۸۷۲ ، ۷۳ ، ۷۴ ، ۷۶ و ۷۷ سنه لرنده قونفره لر عقد ایتدی .

« آنارشیزت » لر کافی درجه ده غلبه لك اولدقلری کبی اشتراکیونك اعتراضاتنه معروض قالدقلرندن آنجق اشتراکیون فرقه لرینك هنوز تشکل ایتدیکی مملکتلرده طرفدار بوله بیلیدیلر . فقط هر طرفی خوف و دهشت ایلچنده بر اقان روس آنارشیزتلرینك وسائظنی قبول ایدرك ، (دینامیت) سوء قصدلرنده بولنه رق عددلری ، قوتلری ایله غیر متناسب بر تأثیر سیاسی اجرا ایتدیلر ؛ مسلکلرینی بر نظریه حالنه قویدیلر ، بوسایه ده دنیانك هر طرفنده شهرت قازاندیلر . شمدی یه قدر انقلاب فرقه لری آنجق انقلابه مانع اولان بر شخصی اورته دن قالدیرمق ایچون تدابیر شدیدیه توسل ایشملر ، یعنی استعمال جبر و شدتده دائمآ بر مقصد معین تعقیب ایلمشلردر . حال بوکه « آنارشیزت » لر سوء قصد ، استعمال و سائره کبی واسطه لری بر مقصد معین کوزه دلمکسزین ، محضا جمعیت بشریه نك فناقلری اوزرینه انظار دقت عمومیه یی جلب ایتک ، هر کسی دوشوندیرمک ایچون بر واسطه نشر و اعلان اولمق اوزره قوللانمقده درلر ، که « فعل ایله نشر و تعمیم افکار » دنیلیر .

« آنارشیزت » فرقه سی ، طبیعت مسلکی اقتضای اوله رق ، دائمی بر فرقه تشکیل ایدمک حالده دکلدکر ؛ بر مملکتده بر فرقه فعاله تشکل ایدنجه حکومت علیه نده کی اجرا آتیله موجودیتنی کوسترر و براز صکره محو ایدیلیر ؛ حکومتلر یالکز کتابلر ، غزته لر ایله نشریاتده بولنان نظری (آنارشیزت) لره مساعده ایدرلر و بونلری ده خفیله لرله احاطه ایلرلر . بوندن بشقه (آنارشیزت) لرك بر چونغی ، مقتضای مسلک ، ولوکه کندی اختیارلرله اولسون بر هیئتک امر و اداره سی آلتنده بولنمقدن نفرت ایدرلر ؛ فرقه دن زیاده آیری آیری حرکت ایدن « قسم » لر ، « بلوک » لر تشکیل ایلرلر . حقیقت حالده بونلرک

نمونه اولمشدر ؛ مؤسسنك بتون ملتلك احوال اجتماعیه سی حقهده کی فکرینی محافظه ایتهدیکی ایچون یواش یواش « بین الملل » جمعیتك ناطام قالان تشبته تام دوام ایلدی .

آنارشیت فرقرلی . — « آنارشی » و « آنارشیت » کلهلری پك چوق زمان انقلابپروانه ، دشمنلری طرفندن ویریلن حقارت آمیز بر عنوان مقامنده تلقی ایلدی . ایلك اوکجه (پرودون) کندی مسلکنه « آنارشی » اسمنی ویردی . مومی الیهك آنارندن — بر چوق تفقیدات و مناقشاتدن اول — استدلال ایلدیکنه کوره غایه آمال عمله وزراعك ، هیچ بر حکومت سیاسیة اولقمسزین ، هیئت متحده حالنده عقد شرکت ایتملیدر . ۱۸۴۰ دن ۱۸۴۸ تاریخنه قدر انقلاب پرورلر آره سندن بعضلری بوکا مشابه بعض آمال اظهار ایتمشله ایسهده [*] آیریکجه برفرقة تشکیل ایلمه مشلدر .

« آنارشیت » فرقه سنك مؤسسی (باقونین) ایدی . (باقونین) روسیه ضابطانندن اولوب ، (پارس) ده اقامت ایتهدیکی صرهده [۱۸۴۳ — ۱۸۴۷] ، (پرودون) ك شاکردله اولمش ، ۱۸۴۹ ده (درسد) عصیانی رؤسای آره سنده بولنش ، (سیریا) یه نفی ایلمش ، اورادن قاچهرق (لوندره) یه التجا ایتمش [۱۸۶۰] ، (هرچن) ك غزته سنده یازی یازدقدن صکره (اسویجره) یه کیتمشدی . (پرودون) ك افکار و نظریاتی قبول و فقط بوکا باجمله مؤسسات و موضوعات مدنییه خصومتی ، بونلری محو و تخریب ایچون اهلینك عصیانه دعوتی علاوه ایتمشدی . ظلم و تضیق آلتنده بولنان صنمترك کندله کندیلهرینی تخلیصه غیر مقتدر اولدولرینی بیان ایدیوردی ؛ شاید بو صنفاریکی بر هیئت اجتماعیه تشکیل ایدرلرسه ظلم و تضیق نقطه نظرندن شمعیکندن فرقلی اولیه جقدی ؛ بناء علیه هر درلو تأسیسات قطیهدن اجتناب ایتمك و « احتراصات ردیه دنیان هر شیء تشدید و عینی لسانده نظام و انتظام عمومی تعییر اولنان هر شیء محو ایتمك » ایله اكتفا ایلمك ایجاب ایدیوردی . تعقیب ایدیلهجك مسللك عصیانه تشویق و تخریکدن عبارت اولسی مقتضی ایدی .

(باقونین) طرفندن ۱۸۶۸ سنه سننده تأسیس ایدیلمن « حاکیت عنمه اشتراکیون اتحادی » جمعیتك خفی نظامنامه لری و « آنارشیت » مسلکنه موافق بر پروگرامی واردی ؛ بوجمیت ، کافه افراد بشرک مساوات تامه سنی و طوبراقده ، آلات و وسائط سعی و عملده اشتراکی طلب ایتمکله قالمیور ، بلکه « بتون دنیاده اجتماعی ، فلسفی ، اقتصادی و سیاسی بر انقلاب » ایستیوردی ؛ تعقیب ایتهدیکی مقصد « بتون حکومتلری و بتون کلیسالری دینی ، سیاسی ،

[*] آلمانیاده (هس) و (غرون) ، اسویجرهده (مار) .

و «اجرتك حد اصغر احتیاج ایله متناسب اولمسی قانونی»، — «حکومتك معاونتیه استحصال ثروت شرکتلرینك تأسیسی» و «بر عمله فرقه سیاسیسی تشکیل اولمق صورتیه عمله صنفك تخلصی»، «نشریات و تحریکاتك بین الملل بر ماهیتی حائز اولمسی» و «هر ملكه مخصوص فرقه اشتراکیونك آریجه حرکت ایتسی».

پروگرام ایکییه آریلیر : ۱. — غایه سیاسی ، «اساس حکومت» : آرای عمومیه ، «رهفه راندوم» دنیلن حق تشریحی ، میلدس ؛ مطبوعات ، شرکت واجتماع حقنك سر-بستی تام اوزره جریانی ؛ ملتك اجرای عدالت ایتسی ، تحصیلک عمومی و مجانی اولمسی ، دینك خصوصات ذاتیه دن عد ایدلمسی [بو ، حاکمیت عامه طرفدارلرینك ۱۸۶۹ پروغرا-میدر] ؛ ۲. — هیئت اجتماعیه حاضرده هان موقع تطبیقه وضعی لازم اصلاحات اجتماعیه : حقوق مختلفه نك فرقه نك غایه آمالی ایله متناسب صورتده توسیعی ، یالکیز بر تکلیف مترقی ، حریت اجتماع ، عمله نك معتاد اولان ساعتارده چالیشمسی ، چوجقنك چا-لیشیدیر لمقدن منعی ، عمله نك حمایه سی قانونلری ، فابریقنلرک ، معدنلرک و اقامتکاهلرک تفتیش صحییه تابع اولمسی ، حبسخانه لرده تنظیم سعی و عمل ، فابریقه صاحب لرینك ، سرمایه دارلرک مسئولیتی .

تشکیلات ، (مارقس) طرفدارلرینك ۱۸۶۹ تشکیلاتنه مشابه هیئت متحده حالنده ایدی : هر یره مخصوص و مختاریت اداره یه مالک هیئتلر ، حق استقلاله مالک مرخصلردن مرکب اولمق اوزره هر سنه بر قونفره ، ۳ اعضادن مرکب بر هیئت حکو-مت ، ۵ اعضادن مرکب بر هیئت اداره ، دیگر بر شهرده مقیم یدی اعضادن مرکب بر تفتیش انجمنی ، هیئت اداره ایله انجمن تفتیش آره سنده حکم وظیفه سنی ایفا ایتک اوزره ۱۸ اعضادن مرکب دیگر بر انجمن ، فرقه یه مخصوص بر غزته و بر صندوق .

مسلک ، ۱۸۴۸ بیاننامه سندنك آز فرقلی ایدی ، تشکیلات «بین الملل» ك تشکیلاتنه مشابهدی ؛ (مارقس) ك «قومونیزم» نامی و «بین الملل بر جمعیت» شکلی آلتنده عقیم قالان تشبثی نهایت «قولکتیویزم» نامی و فرقه مایه شکلی آلتنده بر نتیجه یه منجر اولیوردی . (آلمانیا) ده بو فرقه نك تشکلی بر وقمه بین الملل کبی تلقی اولندی . ایلك دفعه اولمق اوزره بدولت معظمده تشکیلات دائمه [بر حکومت مرکزیه مقامنده اولان اولان هیئت اداره سی ، عادتاً بر شورای امت دیمک اولان قونفره سی ، رسمی غزته سی] ایله بر عمله فرقه اشتراکیونی تشکل ایدیوردی ؛ بو فرقه نك منتظم بر بودجه سی اولوب هم نظری ، هم عملی معین بر پروغرامه توفیقاً حرکت ایتمکده و سیاسی فرقه لر آره سنده بر موقع دائمی طوتمقده ایدی . بو آلمان فرقه سی بالاخره دیگر مملکتلرک اشتراکیوننه

فرقه منسویینی جمعیت قانونک احکام شدیدہ سنہ معروض اولماق ایچون دائمی بر جمعیت تشکیل ایتہدن برلشورلر وشایان اعتماد بر آدمی اجتماعہ دعوت وحصہ نقدیہ لری جمع ایتکہ مامور ایدیورلردی . ہر سنہ انتخاب اولنان مرخصلر مسائل عمومیہ بی تنظیم ایچون قونفرہ حالندہ طوبالانیورلردی ؛ قونفرہ اون بر اعضادن مرکب بر تفتیش انجمنک تحت نظارتندہ ایضای وظیفہ ایدن بش کشیک بر ہیئت اجراییہ تعیین ایدیور و بویکی ہیئت ایکی مختلف شہرہ اقامت ایلوردی . فرقه نک ، حصہ نقدیہ لری ایلہ ادارہ اولناز ، بر غزتہ سی واردی .

ایکی آلمان اشتراکیون فرقه سی (قونفرہ) لریخی آری آری عقد ایتدیلر ، آری آری نامزد چیقاردیلر و ۱۸۷۵ سنہ سنہ قدر بر بریلہ مجادلہ دن خالی قالدیلر ، فقط ہر ایکسینک جمعیتی (پروسیہ) دہ اجتماعی منع ایدن قانون نامنہ تعقیب ایدلنکر ندن ، طاعیدلر ندن (آلمانیا عملہ فرقه اشتراکیونی) نامیلہ بر فرقه تشکیل ایلدیلر . ۸۱۷۵ سنہ سی مایسنندہ (غوطہ) دہ مشترکاً تنظیم ایدیلن پروگرام ایکی قسمہ آریلہ بیلیر ، بری فرقه مسلکنک ایضاح نامہ سی ، دیکری اصل پروگرام . — مسلک [۱] ، ۱۸۶۹ سنہ سنندہ (مارقس) طرفدارلرنجہ قبول اولنان پروگرامدی یالکز آردہ کی تناقضلرہ اہمیت ویریلرک (لاسال) ک دستورلر ندن بعضلری علاوہ اولنشدی [۲] . بو تناقضلر بروجہ آتیدر : « منبع یکانہ ثروتک سعی و عمل اولسی »

[۱] مارقس ، کندی طرفدارلرنہ خطاباً بو ائتلاف پروگرامی علیہندہ شدیدالال بر مکتوب یازمشدر . بو مکتوب ، آنجق ۱۸۹۰ سنہ سنندہ (نویہ چاپت Neue Zeit) غزتہ . سندہ نثر ایلدی .

[۲] باشلیجہ فرقلر بروجہ آتیدر : « سعی و عمل ، بتون ثروتلرک منبعیدر و آنجق شرکت ایلہ ممکن الاجرادر . بناءً علیہ محصول سعی و عمل تماماً شرکتہ ، ہیئت اجتماعیہ ، یعنی بتون افرادہ عائددر ، شوقدر کہ افراد چالیشق وظیفہ عمومیہ سیلہ مکلفدر ، بوکا مقابل کافہ سی عینی حقوقہ مالکدر ؛ ہرکس معقول بردر جہدہ کی احتیاجانہ کورہ منتفع اولمیدر . . . صنوف عملہ نک تخلیصی ، آلات و ادوات سعی و عملک ہیئت اجتماعیہ نک اموال مشترکہ سی حالنہ افرانغی وسی و عملک بر شرکت متعاونہ طرزندہ تنظیمی مستلزمدر . بو مقصدہ آنجق عملہ صنفک سعی و غیرتی ایلہ واصل اولمیدر . چونکہ بو صنف قارشینندہ صنوف سائرہ نک کافہ سی برکرو ارتجاعیوندن عبارت قالیر . فرقه ، حر بر حکومت ، افکار اشتراکیونہ موافق بر ہیئت اجتماعیہ تشکیل ایتک ، عملہ نک اجرقلہ چالیشدی برلسی اصولنک الغاسی صورتیلہ حد اصغر احتیاج و اجرت قانونتی حکمسز براققی ، ہر نہ شکلدہ اولورسہ اولسون انسانک انسان طرفندن کندی منفعتنہ چالیشدی برلسنی منع ایلک و اجتماعی ، سیاسی بتون مساواتسز لقلری قالدیرمق ایچون قانون داخلدنہ کی وسائط و تدابیرک جملہ سنہ مراجعت ایدہ جک ، چالیشہ جقدر . فرقه ، بدایہ ماہیت ملیہ سی محافظہ ایدہ جک ایسہدہ بو بابدہ کی آمالک عموم ملترہ عائدنتی تصدیق ایدر . »

۱۸۴۸ سنه سنندن بری نظر اعتباردن ساقط اولان (قومونیزم) کیرینه (قولکتیویزم) قائم اولمشدی .

فرقه ، « حاکمیت عامه اجتماعیه عمله فرقه سی » نامنی آلدی [۱۸۴۸ دهکی نام قدیمده بو ایدی] . پروگرام اوچ قسمة آریلیوردی : ۱ ، غایه ؛ ۲ ، اعضانک رعایتہ مجبور اولدوقلری قواعد اساسیه [*] ؛ ۳ ، همان موقع تطبیقه قومسی لازم پروگرام . اساس مسلك ۱۸۴۸ بیاننامه سنک عینی ، یعنی عمله صنفتک صنوف سائرہ تحکمندن تخلصی ایچون مبارزه ، برانقلاب اجتماعی وجوده کتیره بیلیمک ایچون قوه سیاسیہ نك الده ایدلمسی ، بین الملل برائتلاف وقوعه کتیرلمسی کبی مواده متعلق ایدی . همان موقع تطبیقه قومسی لازم کلن پروگرام حاکمیت عامه فرقه مفروضه سنک پروگرامی اولوب [**] یالکز چالیشمه مدتک تحدیدی ، قادین ایشجیلره ویریان ایشلرک تنقیصی ، چوجقلرک چالیشدیرلمقدن منعی ، یالکز ایراد ومیراث اوزرینه برتکلیف مترق وضع وطرحی ، حکومت طرفندن استحصالات شرکتلرینه تخصیصات اعطاسی کبی بعض اصلاحات اجتماعیه علاوه ایدلمشدی [صوک ماده لاسال طرفدارلرینی جلب ایچون علاوه اولمشدر] .

تشکیلات ، (لاسال) ک تکلیف ایتدیکی تشکیلاته مخالف ایدی . یعنی شهردهکی

[*] غایه ، « حاکمیت عامه اساسنه مستند حر بر حکومت تأسیسدر . »

قواعد اساسیه بوجه آتیدر : « حال حاضر سیاسی واجتماعی صوک درجهده مغایر عدل وحقائیت اولدیغندن بیوک برعزم شدت ایله تعدیل وتبدیلنه چالیشمق اقتصا ایدر . عمله صنوفنک تخلصی امرنده واقع اولجق مبارزه مساوات حقوق ووظائف ایچون ، صنوف مختلفه نك حکمنی ازاله ایچون وقوع بولان بر مبارزه دیمکدر .. فرقه ، شمدیکی اصول استحصالی [یعنی عمله نك یومیه ایله چالیشمسی اصولی] الفا ایدرک هر مر ایشجینک محصول سی وعملنک تامنه اشتراکنی تأمین ایتک چاره لرینی آرایور . حریت سیاسیہ ، عمله نك سرمایه دارلر الذدن قورلمسی ایچون برنجی شرطدر ، مسئله اجتماعیه آنجق حاکمیت عامه اساسی قبول ایتمش بر حکومت داخلنده حل اولنه بیلیر .. عمله صنفتک سیاسیة واقصاداً تخلصی آنجق هر ایکسینه برلکده چالیشمق ایله ممکن اوله بیلیر .. بو مسئله برملکته ویا بر ملتہ مخصوص اولیوب بتون عالم انسانیتہ شامل بر مسئله اجتماعیه در ؛ بناء علیه فرقه ، کندیسنه « بین الملل » ک بر شعبه سی نظریله باقار . »

[**] کافه انتخابده ۲۱ یاشنه واصل اولانلرک حق انتخابه نائل اولملری صورتیله آرای

عمومیه اصولی [آرای عمومیه اصولی ، آلمانیاده آنجق رایخشتاغ مجلسی ایچون و ۲۰ یاشدن اعتباراً جاریدر] ، — مبعوثانه تخصیصات اعطاسی ، — بلا واسطه قوه تشریعه اصولی [رفته راندوم] ، — صنفت ، ثروت ، نسب ، مذهب امتیازاتنک کاملاً الغاسی ، — ملی میلیس عسکری ، — حکومت ایله کلیسانک تفریقی ، — تحصیلک نفوذ ره باندن آزاده اولق شرطیله درجه ابتدائیده مجبوری ودرجات سائرده مجانی اولسی ، — مجانی محاکمه ، ژوری ، اصول محاکمه شفاهیہ ، — حریت مطبوعات ، اجتماع واتحاد ، — بالواسطه برکولرک الغاسی .

حقیقه بیلیر ؛ بولره حکومتک معاوتی لازمدر؛ الك عملی چاره حکومت طرفندن تخصیصات آلمق اوزره عمله ایچون استحصالات شرکتری تشکیل ایتمکدر ؛ فقط بو تخصیصاتی الده ایتک ایچون قوه سیاسییه بی اله آلمق و شرط اساسی اوله رق آرای عمومیه اصولنک تطیقنی طلب ایلمک اقتضا ایدر . بناء علیه (لاسال) ، (لویی بلان) ک فکرینه ، آرای عمومیه اصولیه ملی دارالصناعه لر تأسیسی تصویرینه عودت ایدیور دیمکدی [بشنجی بابه مراجعت] ؛ ذاتاً « حاکمیت عامه اجتماعیه طرفداری » عنوان قدیمی ده آلمشدی . فقط ۱۸۴۸ اشتراکیوننک افکارینی علم اقتصادک نظریاتیه برلشدریمور و بوکا « زمانک بتون علمی ایله سلاجلائق » تعیر ایدیوردی .

(لاسال) ، اول امرده ، (رن) حوالیسندگی عملیه فکرینی قبول ایتدیردی ، (لایچیغ) قونفره سی بش سنه ایچون انتخاب ایدیان بر رئیسک زیر اداره سنده بولنق اوزره « آلمان عملیه سی اتحاد عمومی جمعیتی » نامیله بر جمعیت تأسیس ایتدی [مایس ۱۸۶۳] . رئیس انتخاب اولنان (لاسال) برلینه کیدرک فرقه ترقیروران علیهنده بولمغه باشلادی و (سمارق) ایله مناسبتده بولندی [اون بشنجی بابه مراجعت] . وفاتندنسکره [۱۸۶۴] ، فرقه سی حاکمیت عامه طرفداری بر فرقه ملیه حائنده قالدی و اشتراکیوننک پروگرامنی محدود بردرجه ده تطیق ایتدی .

(مارقس) فرقه سی ، دها صکره ، تشکیلاتی اکمال ایلدی . « بین الملل » ده داخل اولان آلمانلر (لاسال) فرقه سنی (پروسیه) حکومتیه کندینی صامش اولمقده اتهام ایدرک بوفرقدن آپرلیدلر [۱۸۶۵] ، بده (صاقسونیا) جمعیتاری مسلك اشتراکیونی قبول ایدرک ۱۸۶۸ ده « بین الملل » ده داخل اولدیلر .

(مارقس) فرقه سی ۱۸۶۹ سنه سنده (آیزه ناخ) ده تشکیلی و اشتراکیوننک ایلمک مکمل پروگرامنی تنظیم ایتدی [۱۸۶۹] . اکثریت ، ۱۱۰ رایه قارشوی ۲۶۲ رای ، (مارقس) طرفدارلرینه عأددی ؛ اونک نظریه سنی ، دستورلرینی قبول ایتدی . کندی مسلكنی (سرمایه) نامنده کی کتابنک برنجی جلدنده ایضاح ایتمش اولان (مارقس) ، (لاسال) کچی ، ۱۸۴۸ سنه سی اشتراکیوننک افکار و نظریاتی برمسلك فی حالنه وضع ایدیوردی ؛ قیمت اشیا حقیقه کی نظریه سی علم اقتصاده توافق ایتمکده و قیمتک محصول سعی و عمل اولدیغنی بیان ایلمکده ایدی . قدیم اشتراکیوننک حسیات و خیالات اوزرینه مؤسس نظریاتندن توقی ایدیوردی . ذاتاً (مارقس) نظریه سی ۱۸۴۸ ده ککنک عینی و اشتراک استهلاک و حیاتی التزام ایدن قدیم (بابوف) طرفداری (قومونست) لرک مسلكندن بک فرقی ایدی ؛ (مارقس) وسائط استحصالینده اشتراکی ایسته مکله اکتفا ایدیوردی .

« بين الملل » ك هرسنه اجتماع ايدن قونفره‌سى ۱۸۷۰ و ۱۸۷۱ سنه‌لرنده محاربه‌دن و آلمان اشتراكیونى عليهندهكى تعقیبات قانونیه‌دن طولایى طولابانه‌مدى . (لاهى) ده اجتماع ايدن ۱۸۷۲ (قونفره) سى ، ایكى رقییدن برینى التزام ایتمك مجبوریتنده بولندى ؛ (باقونین) طرفدارلری مجلس عمومینك مستبدانه اداره امور ایستدیکندن بخله الفاسنى ایسته‌نجه شدتلى براختلاف باتس کوستردى ؛ (مارقس) طرفدارلری اولان اکثریت ، بالعکس ، مجلس عمومینك بر شعبه‌یى ویا هیئت متحده‌یى طاغیتمق حقنه مالک اولدیغنه قرار ویردى ؛ (باقونین) ایله قدیم « اتحاد جمعیتى » منسوبینك « بين الملل » دن اخراجنه قرار ویردکدن صکره مجلس عمومی‌نى (آمریقا) یه ، (نیورق) ه نقل ایستدی . (بلانكى) طرفدارلری « بين الملل » ى میدان محاربه‌دن قاحقوله اتمام ایدرك جمعیتدن چکیلدیلر ؛ یالکیز انکلیرلر ، آلمانلر ، آمریقالیلر قالدیلر ؛ بونلر ۱۸۷۳ ده جمعیتك طاغیله‌دیغنى اعلان ایستدیلر .

« بين الملل » هیچ بر نتیجه فمليه استحصال ایدمندن طاغیله‌دیلر ؛ بين الملل برائتلاف عمومی واصلاحات اجتماعیه ایچون تشکل ایستدیكى حالده حکومتلری واهالى‌یى قورقوتمقندن يشقه بریشته موفق اوله‌مدى . بو ، بين الملل بر فرقه تشکیلى ایچون صوك تجربه اولدى .

آلمانلارده اشتراكیوره پروغرامك تنظیمى [۱۸۶۳-۷۵] . « بين الملل » ، اصلاحات اجتماعیه ایچون بر فرقه بين الملل تشکیله چالیشدیغى صروده (آلمانیا) ده ، بالاخره يتون (اورویا) مملکتلرینه نمونه اوله‌جق بر پروغرام وتشکیلات ایله ملی بر فرقه اشتراكیون تأسس ایتمکده ایدی .

۱۸۴۸ انقلابوراندندن (لاسال) ك تأسیس ایستدیكى فرقه اشتراكیون (برلین) وقایعی مناسبتيله سیاسی قونفرانسلر ویرمك صورتيله ایشه باشلادی . عمله‌نك نسل جدیدی هنوز اشتراكیون نظریاتی بیلیمور ، فقط احوال وشرائط خصوصیه‌لرینك اصلاحی چاره‌لرینی تدقیقه باشلایوردی ؛ عمله‌نك منافعی تدقیق ایتمك اوزره (قونفره) تشکیلى ایچون (لایپجیغ) ده بر هیئت تأسس ایستدی ؛ هیئت مذکوره (لاسال) ك رأینى صورتدی ، (لاسال) بر « آچیق مکتوب » ایله جواب ویردی [مارت ۱۸۶۳] . مکتوبنده ، قوه سیاسیه‌یى الده ایتمك ایچون صنف متوسط اهالى فرقه‌لرندن مستقل بر عمله فرقه‌سى تشکیلى توصیه ایدیوردی ؛ مقصد ، عمله اجرتی رقابتك تأثیريله آنجق یشامغه مدار اوله‌جق قدر حد اصغری‌یه تنزیل ایدن اصولدن قورقوتولمق ایدی . عمله ، بولندقلری حالندن نه اقتصاديونك دیدیكى کبی مساعى شخصیه ایله ، نهده شرکت متعاونه ، سندیقه ، مؤسسات اعتباریه کبی جمعیات خصوصیه ایله

(پارس) عملی و عمله صنفك قربانلری شرفنه بر بیاننامه نشر ایتدی . « بین الملل » ، (قومون) ایله اعلان اشتراك ایلدیکندن بوجمیتیه عاصی نظریله باقیلدی ؛ (فرانسه) ده مجلس ملی جمعیت علیهنه بر قانون مخصوص قبول ایلدی [۱۸۷۲] ؛ انکلترده عمله ، جمعیتدن چیقیدیلر . یالکز (آلمانیا) ، (بلجیقا) ، (اسویچره) ده و جنوب مملکتلرنده « بین الملل » منسوبینی بولمقده ایدی .

عینی زمانده اختلافات و منازعات داخلیه ، جمعیتک تشکیلاتی بوزمشدی . (اسویچره) یه التجا ایدن بر روس ، (باقونین) ، ۱۸۴۸ انقلابیورانسندن ایکن « آنارشیست » اولمش ، ۱۸۶۸ ده « بین الملل » ه کیرمشدی ؛ (جنوه) ده بر هیئت مرکزیه طرفندن اداره ایدیلن « بین الملل حاکمیت عامه واجتماعیه اتحاد جمعیتی » نامنده کی جمعیتک رئیس ایدی [براز آشاغیده ذکر ایدیله جک پروغرامه مراجعت] ؛ بوجمیت « رومان » لسانتک تکلم ایلدی کی مملکتلرده ، (اسویچره) ، (ایتالیا) ، (اسپانیا) ، (بلجیقا) ده طرفدار بولیوردی . (باقونین) ، اتحاد جمعیتی ، تشکیلات مخصوصه سنی محافظه ایتمک شرطیه « بین الملل » ه ادخال ایتمک ایستدی ؛ مجلس عمومی ، جمعیت مذکورهنک برر شعبه حالنده قبولی جائز اولدیضه ، فقط هیئت متحده طرزنده قبول ایدیله جکنه قرار ویردی . (باقونین) کندی جمعیتی طاغیتمنه وشعبه لری آیری آیری « بین الملل » ه ادخال ایتمکه موافقت ایلدی [۱۸۶۹] . فقط بوشعبه لری آره سنده کی اتحاد خفیاً دوام ایتدی و ۱۸۷۰ ده بر (قونفره) دن طولایی ، دها صکره (روسیه) ده (نه چایف) ک اکابر مأمورینی قتل و اتلاف فکرنی نشر و تعمیم ایتمسندن ناشی [اون طقوزنجی بابیه مراجعت] « بین الملل » ک مجلس عمومی ایله آره لرنده اختلاف باش کوستردی . بواختلاف ، انقلابیورانک ایکی رئیس اولان (باقونین) ایله (مارقس) آره سنده ، — ایکی قومه منسوب انقلابیورولر ، یعنی (باقونین) ه تابع (رومان) مملکتلری اهالیسی ایله (مارقس) ه تابع شمال مملکتلری اهالیسی آره سنده ، — ایکی پروغرام ، یعنی (مارقس) ک « قولکتیویویزم » نظریه سی ایله (باقونین) ک « آنارشیزم » نظریه سی آره سنده ، — ایکی طرز حرکت ، یعنی (مارقس) ک قوانین و نظامات خارجه چیقیمیهرق تشبثانده بولمق مسلکی ایله ، (باقونین) ک تدابیر شدیدیه توسل ایدرک برانقلاب تام وقوعه کتیرمک مسلکی آره سنده بر مبارزه ایدی ؛ (مارقس) « بین الملل » ی عموم شعبه لریک اداره سنه مقتدر برحاله کتیره بیلمک ایچون مجلس عمومی بی تقویه ایتمک ، (باقونین) ایسه جمعیه « مکتوب قوطیسی » ، یعنی واسطه مخبره خدمتی کوردیروب هر شعبه بی مستقل براقق ایستیوردی .

فكرنده بولندی . بوصولته « بين الملل » ، (مارقس) ك « قولكتيوزم » نظريه سنی قبول ایتش اولیوردی .

(بال) ده اجتماع ایدن ۱۸۶۹ (قونفره) سی حق تصرف شخصی طرفداری اولان فرانسه لرك [از جمله « طولن » ك] اعتراضاتنه رعماً ۱۸۶۸ (قونفره) سنك مقرراتی تأیید و « جمعیت بشریه نك اراضینك حق تصرف شخصی سنی حق تصرف مشتركه تحویلله صلاحیتدار بولندیننی و بوتحولك الزم اولدیننی » بیان ایتدی .

« بين الملل » ، ۱۸۴۸ ده کی (قومونیست) لرك پروگرامنه عودت ایدیوزدی : آلات و وسائط سعی و عملده اشتراکی تأمین ایچون بتون مملکتلرك محتاجینی اتحاد ایتدیرمك . فقط بو پروگرام صرف نظری برقاعده اساسیه ایدی . بونی موقع اجزایه قویه بیلیمك چاره لری ایچون هیچ برقطعی پروگرام کوستریله میور و ذاتاً « بين الملل » جمعیتی هیچ بڑ قوته مالک بولنمیوردی . بو جمعیتك (تراد اونیون) لر کی زنکین اولدینی ظن ایدیلیوردی ؛ عمله تعطیل اشغال زمانلرنده تخصیصات آلق ، معاونت کورمك امیدیلله جمعیته داخل اولیوردی ؛ بو خیالی معاونت سایه سینده فابریقه صاحب لرینی قورقودوب بعض طلب لرینی قبول ایتدیرمشلردی . فقط جمعیته داخل اولانلر حصه نقدیه ویرمکلرندن جمعیت صندوقی هان دائماً بوش ایدی .

« بين الملل » ، حکومتلری و صنف متوسط اهالی بی پك چوق قورقوتدی ؛ (فرانسه) ده ، اولاً ، (پارس) شعبه سی هیئت اداره سی علیهنده تعقیبات قانونیه اجزا ایدلدی [۱۸۶۷] ، بعده بتون رؤسانك توقیفی امر اولندی [۱۸۷۰] . حقیقت حالده « بين الملل » ، نظریات و افکار اشتراکیونی نشر و تعمیمه مخصوص بر جمعیت کی حرکت ایتدی و پك آز دوام ایددی . هم خارجدن کلن هجوملره معروض اولدی ، هم ده داخلده کی اختلافات و منازعاتدن طولانی تشکیلاتی بوزولدی .

۱۸۷۰ محاربه سی ، حسیات و ظنپورانه بی هر درلو تشکیلات بین الملله قارشى تمهیج ایتدیکنندن جمعیتك تناقص قوتنه سبب اولدی ؛ « بين الملل » ك مجلس عمومی طرفندن (آلمانیا) نك توسیع ممالک مقصدیلله آجدیننی محاربه علیهنده نشر ایدیلن پروتستو نامه نظر دقتی جلب ایدمدی [ایلول ۱۸۷۰] . محاربه دن صکره یارسنده (قومون) ، حکومتی ضبط ایتدی ؛ فقط بونك « بين الملل » ایله بر مناسبتی اولیوب ۱۷۹۲ خیالاتنك محصولی ایدی ؛ حتی (قومون) ه داخل اولان و کوچك بر اقلیت تشکیل ایدن « بين الملل » طرفدارلری بیله جمعیتك وکیللری دکلدی . فقط حکومتك غلبه سنندن ، عصاتك هزیمتندن صکره (قارل مارقس) ، « بين الملل » ك مجلس عمومی نامنه اوله رق

حمایه‌سنة ، ترقی‌سنة ، سرمایه‌دارانك تضییق‌دن قور تولسنه چالیشان عمله جمیتری آره‌سندہ توحید حرکت ایچون بر مرکز مشترک وجوده کتیرمک ایدی . بو بایده ائتلاف طریقیه ، وسائط صلح‌چوروانه ایله حرکت ایتک ایستیلیوردی .

« بین‌الملل » ، بدایه ، تشکیلاتی بطائت ایله اکیال ایده‌بیلدی ؛ ایلک (قونفره) آنجق ۱۸۶۶ سنه‌سندہ (جنوره) ده اجتماع ایدرک نظامات قطعیه قبول ایتدی . بوندن صکره هر سنه بر کوچک مملکتده واکثریا (اسویجره) ده بر قونفره عقد ایلدی ، (مارقس) ک تحت اداره‌سنة ویریان مجلس عمومی نفوذ و اقتدارینی تزیید ایلدی . « بین‌الملل » قونفره لر توالی ایتدیجکه بر جمعیت سیاسیہ حالی آلیور ، سنه‌دن سنه‌یه ده ا انقلاب‌پرور اولیوردی .

(جنوره) ده اجتماع ایدن ۱۸۶۶ قونفره‌سی برطاقم عمومی قواعد اساسیه وضع ایتیکه اکتفا ایتدی [۰] ، فقط بو قواعد عمومیہ تدقیق ایدیلیرسه (مارقس) ک ، صنوف مختلفه مبارزاتی حقنده کی فکر اساسینی محتوی اولدینی کوریلور . (مارقس) سرمایه‌دارلرک انترقیه‌لرینه قارشی عمله‌نک اتحادینی ، ممالک مختلفه‌ده کی عمله حوال و شرائط مخصوصه‌سی حقنده تحقیقات اجراسنی ، تعاون شرکتری و عمله سندیقہ‌لری تشکیلک تسهیلنی توصیه ایتدی . دائمی اردولرک الفاسنی طلب ایلدی .

(لوزان) ده اجتماع ایدن ۱۸۶۷ (قونفره) سی « عمله‌نک سرمایه‌دارلر یندن تخلص آنجق حقوق سیاسیہ‌نک توسیعی ایله ممکن اولدیغنه و حریت سیاسیہ‌نک استحصالی برنجی درجه‌ده الزم بولدیغنه » قرار ویردی . کافه وسائط نقلیه‌نک حکومتجه تملک ایدلمتی اساسنی ذخی قبول ایتدی .

(بروکسل) ده اجتماع ایدن ۱۸۶۸ (قونفره) سی محاربه و عمله‌نک اجرتله استخدامی علمینده پروتستو ایدرک تعطیل اشغال ایچون بین‌الملل بض تشکیلات اجراسنی لهنده رأی ویردی و معدنلرک ، طاش اوجاقلرینسک ، طرق نقلیه‌نک ، اورمانلرک عموم افراد ملتک اموال مشترکه‌سندن عد ایدلمسنی طلب ایلدی . طوپراغه کلنجه ؛ « تکامل اقتصادی نتیجه‌سی اوله‌رق بتون اراضی مزروعه‌نک حکومتک تحت تصرفه کچه‌جکی »

[*] قونفره‌نک مقرراتندن : « عمله صنفک تخلصی بالذات عمله‌صنفی طرفندن تأمین ایدیلیرد . عمله صنفک سرمایه‌داران لندن تخلصی اوله‌برغابه‌درکه هر دلرو حرکات سیاسیہ بوغابه‌یه وصول ایچون برواسطه‌دن عبارت قالمیلیر . کیفیت تخلص محلی ویا ملی بر مسئله ذکل ، هیئت اجتماعیه جدیده‌یه مائک اولان کانه ممالکه شامل اجتماعی بر مسئله در ؛ بو مسئله‌نک حلی الک مترقی مملکتلرک مساعی مشترکه‌سنة متوقفدر .

فرانسز عمله سنك مرخصی اولان كيمسه لر [طولهن ، فریبورع] نسل جدیددن اولوب ۱۸۴۸ اشتراكیوتی طانیورلردی ؛ تعقیب ایتدکلی غایه خیال (پرودون) ك مسلكنی تطبیق ایتك ، حكومتك مداخله سی اولمهدن عمله نك اتحادلرینی تأمین ایلمكدی . (تراد اونیون) لره داخل اولان انكلیزلر ملی عمله جمعیتلرینه آلیشمش بولندقلری ایچون ده ایلری به واروب بین الملل بر جمعیت تشکیلی وبو جمعیتك بتون مملکتلر عمله سی آرہ سنده تعاون واتحادی تأمین ، سرمایه دارلری ممالک مختلفه عمله سنك بر قسمی دیگر قسم علیهنه استخدا مدن منع ایلمسنی تحیل ایدیورلردی . [انكلیز فابریقه صاحبلرینك تعطیل اشغاله میدان ویرمه مك ایچون اجنبی عمله استخدا م ایلملرندن شکایت اولنیوردی] . اوزمان ایستیلن شی بر مقصد سیاسی به مبتی اولیان عمله جمعیتلری تأسیسندن عباتدی .

۲۸ ایلول ۱۸۶۴ تاریخنده (لوندره) ده عقد ایدیلمن بر اجتماع قطعیده مکمل بر جمعیتك نظامنامه سنی تحریر ایچون اللی اعضادن مرکب بر هیئت مخصوصه تشکیل ایلدی . قدیم انقلابیورلر بر چوق لایحلر تقدیم ایتدیلر ؛ (ماجینی) بر هیئت مرکزیه به تابع تشکیلات اجرایی ، (مارقس) مختلف جمعیتلردن مرکب بر هیئت متحده تشکیلی تکلیف ایلدی ؛ (ماجینی) نك لایحه سی بر عمله جمعیتی ایچون یاپیلاماش عد اولنه رق رد ایلدی . (مارقس) ك لایحه سی موقت نظامنامه شکلنده قبول اولندی [۱۸۶۴] .

« بین الملل عمله جمعیتی » مختلف شعبه لردن مرکب بر هیئت متحده حالنده تشکل ایتدی ؛ جمعیتك قواعد اساسیه سنی قبول ایتدیکنی بیان ایلمن اعضا ، آیرجه هیئت اداره لری بولنان بر طاقم شعبه لره داخل اولیورلردی ؛ حصه تقدیه پك جزئی وعاداتا هیچ مباحثه سنده ایدی . جمعیتك ایکی مجلس مشترکی واردی : بری شعبه لرك مرخصلردن مرکب اوله رق سنده بر دفعه اجتماع ایدن ومستقلاً حرکت حقنه مالک اولان (قونفره) ، دیگرکی بو (قونفره) طرفندن اجرای تدقیقاته وشعبه لر ایله مخبراته مأمور اولوب (لوندره) ده اجتماع ایلمن (مجلس عمومی) ایدی . بو اصول ، بو تشکیلات انكلیز (تراد اونیون) لرینك اصولی اولوب قدیم انقلاب جمعیت خفیه سیله بر مناسبتی یوق ایدی . جمعیه دخول ایچون صنعت نقطه نظرندن هیچ بر شرط اتخا ذ ایلمه مش ، یالکز ال ایشلریله مشغول عمله نك قبولی حقنده فرانسز مرخصلری طرفندن واقع اولان تکلیف رد اولنمشدی . حقیقت حالده ایسه « بین الملل » ه یالکز عمله دکل ، انقلابیورلر وحتى (زول سیمون) کبی صنف متوسطه منسوب انسانیتپورلر بیله داخل اولدی . جمعیت طرفندن اعلان ایدیلمن مقصد ممالک مختلفه ده عمله صنفك

یعنی (اوستریا) ایله (پروسیه) نك طلبرينه توفیقاً بتون آلمان حكومتلرینی عمله جمعیات سیاسیة سنی طاغیتمغه مجبور ایده جك صورتده بر امرنامه تصدیر ایتدیردی [۱۸۵۴] .
 (ویلیش) فرقه سی (اسویجره) ، (بروكسل) و (فرانسه) ده کی جمعیتلك اداره سینه دوام ایتدی وحتی « بین الملل حاکمیت عامه و سوسیالیست جمعیتی » نامیله برده جمعیت تأسیس ایلدی؛ فقط فرانسه ضابطه سی طرفندن کشف اولنه رق اعضاسی توقف ایلدی [آلتنجی بابہ مراجعت] .

صاقلامغه مجبور اولان اشتراکیون حیات سیاسیة دن تماماً چکیدیلر ؛ ۱۸۴۸ انقلابیله اشتراکیونك تشکیلاتندن ، قوتندن خبردار اولان حكومتلر تشبثات انقلابیرو رانه یه قارشی تدابیر شدیدہ اتخاذ ایتدیلر ؛ بوبابده کی تحریکات تماماً نتیجه سز قالمش کی کوروندی . اشتراکیونك تاریخی یازمش اولان (ل . ره یو L. Reybaud) دیوردی کی : « مسلك اشتراکیون وفات ایتمشدر ، بوندن بحث ایتك بر متوفانك مزاری باشنده اوقونان نطقه بکزر . »

۱۸۵۹ دن صکره حیات سیاسیة ده یکیدن فعالیت کورلیدیکی زمان تحریکات تکرار باشلادی ، مسلك اشتراکیون اودرجه اونودلمشدی که اکثر معاصرین نشریات و تحریکات واقعه یه بسبتون یکی برشی نظریله باقیورلردی . حقیقت حال ایسه ۱۸۴۸ دن اولکی اشتراکیون تحریکاتنک یکیدن باشلامسندن عبارتدی ؛ رؤسا ۱۸۴۸ ده کی آدملر ، یعنی (قارل مارقس) ، (لاسال) ، (لیب قنهخت) ایدی ، بونلر قدیم اشتراکیونك نظریاتی ، دستورلینی ، وسائط اجرائیة سنی نسل جنیدہ تبلیغ و تفهیم ایتمکنه ایدیلر . بربرینه مربوطیتی اولمان وحتی یکدنیکره رقیب بولنان ایکی جمعیت ، (قارل مارقس) ک « جمعیت بین الملل » ی ایله (لاسال) ک اداره سننده کی « آلمان فرقه ملیه سی » اشتراکیون تحریکاتنک یکیدن میدان آلمسنه سبب اولدیلر .

انتر ناسیونال — بین الملل [۱۸۶۲ — ۷۲] . — اشتراکیونك تشکیلات جنیدہ سی اشتراکیونہ ملجأ و (قارل مارقس) ه محل اقامت اولان (لوندره) ده باشلادی . بوبابده کی ایلك تشبث ، انکلیز عمله رؤسای ، عمله سندیه قهرلی [تراد اونیون] کاتب عمومیلری طرفندن وقوعه کلادی [اوچنجی بابہ مراجعت] . ۱۸۶۲ ده کشاد ایدیلن (لوندره) عمومی سرکیسی بوبابده کوزل بر وسیله اولدی ، انکلیز عمله سی فرانسه و بلجیقالی عمله نك مرخصریله کوروشدیلر . ۱۸۶۳ سنه سننده (لوندره) ده عقد ایدیلن بر اجتماع عمومیة یسه بو اوج مملکتک عمله سی طوبولاندی ، عصیان ایدن لهیلر لهنده قرارلر اتخاذ اولندی ، اتحاد لزومندن بحث ایلدی .

عامه طرفدارلریله حاکمیت عامه طرفدارلی و اشتراکیون نامیله ایکی یه آیرلایلر ، آره‌ده‌کی اختلاف محاربه‌ده داخلیه بی انتاج ایلیه‌جک درجه‌ده کسب شدت ایتدی [آلتجی بابّه مراجعت] . دیگر مملکتلرده ، (پروسیه) ، (آلمانیا) ، (اوستریا - مجارستان) ، (ایتالیایا) ده جمهوریت طرفدارلری حکومت موجودیه قارشلی طورمغه مجبور اولدقلرندن متحد قالدیلر ؛ اختلاف مسلکدن متولد منازعات نظریات دأره‌سنده قالدی و قومونیسیت و سوسیالیستلرک جمهوریت عامه طرفدارلریله متحداً حرکتلرینه مانع اولمدی . فقط (آلمانیا) ده عمله طرفندن بعض جمعیتلر تشکیل ایدلدی . - (برلین) ده شکل ایدن « حاکمیت عامه اجتماعیه عمله اتحاد » جمعیتی عمله‌دن مرکب بر قونفره عقد ایتدی [آغستوس ۱۸۴۸] ، بو قونفره‌نک مذاکراتی نتیجه‌سنده المان عمله طرفندن تشکیل ایدیلن (اخوت) جمعیتی (باد) و (درسند) انقلابلرینه اشتراک ایلدی . - غربده ، (قولونیا) ده (قارل مارقس) طرفندن قومونیسیت افکارینی نشر ایچون برغزته تأسیس ایدلدی ، بر عمله جمعیت اشتراکیونی شکل ایتدی ، عقد ایدیلن اجتماع عمومیده بر « جمهوریت عامه اجتماعیه » تأسیسنه رأی ویرلدی [ایلول ۱۸۴۸] . (برلین) ضربه‌ده تغلبی متعاقب قومونیسیتلر اهالی بی ویرکو اعطاسندن امتناعه تشویق ایچون بر بیاننامه نشر ایتدیلر ؛ (قولونیا) ده (مارقس) ، (دوسلدورف) ده (لاسال) خلقی عصیانیه تحریک ایتک همیتله تعقیبات قانونیه یه دوچار اولدیلر . (فرانقفورت) شورای امتنه داخل اولان بر قاج سوسیالیست مبعوث عمله و محتاجینک حکومتدن ایش ایستهمک حقنه صاحب اولملرینی طلب ایلدیلر . (ایتالیا) ده‌کی تحریکات حاکمیت عامه طرفدارلرینک حرکات ملیه‌سندن عبارت قالدی .

۱۸۴۹-۵۰ ارتجاعی انقلاب فرقه‌لرینی محو ایتدی ؛ (آلمانیا) ده ، (فرانسه) ده ، حتی (بلجیقا) و (اسویچره) ده تعقیب اولنان قومونیسیتلر (لوندره) یه التجا ایتدیلر . (قومونیسیتلرک اتحادی) جمعیتی بو شهرده یکیدن تشکیل ایدلدی [۱۸۴۹] و (آلمانیا) ، (فرانسه) ، (اسویچره) ده بولنان (قومون) لر ایله پیدای مناسباته چالیشدی ، فقط براز صکره ایکی قسمة آیرلدی ؛ (ویلش) ک اداره‌سی آلتنده‌کی قسم سلاح ایله انقلابی حاضر لمقده دوام ایتک ایستور ، (قارل مارقس) ک اداره‌سنده بولنان دیگر قسم نشر و تعمیم افکار ایله اکتفا اولمسنی آرزو ایدیوردی . (مارقس) فرقه‌سی (قولونیا) یه نقل اولندی و اوراده ضابطه طرفندن توقیف ایدلدی [۱۸۵۱] . قولونیا شهری قومونیسیتلرینک بالحاکمه وطنه اهانتله محکوم اولملری اوزرینه [۱۸۵۲] مارقس ، فرقه‌سنی طاغیتمغه مجبور اولدی . (دیت) مجلسی ، ایکی بیوک دولتک ،

۳. سوسیالیست و قومونیست نامریله یاد اولنان مسالك اشتراکيون حقدنه کی آثار ، مختلف مسلکلك تقيدي ؛ ۴. قومونیستلك مخالف فرقه لره قارشى وضعيتى ، فرقه نك طرز حرکتى .

نتیجه ، قومونیستلك بين الملل بر انقلاب فرقه سى اولديغى بیلدیریور : « قومونیستلر بتون مملکتلك حاکمیت عامه فرقه لرینک اتحادینه چالیشورلر . فکرلرینی ، مقصدلرینی صاقلامنه نزل ایتمزلر . احوال حاضرّه اجتماعیه تمامیه آلت اوست اولمدیقه مقصدلرینه واصل اوله میه جقلرینی اعلان ایتمکدن چکینمزلر . » بیاننامه نك خاتمه سنی شو جمله مشهوره تشکیل ایدیوردی : « بتون مملکتلك صنوف محتاجینی ! اتحاد ایدیکز . »

۱۸۴۸ انقلابی ایلد ارجماع زمانده انقلاب فرقه لری . — سیاسی ویا اجتماعی انقلاب فرقه لری ، جمهوریت عامه طرفدارلری ، سوسیالیستلر ، قومونیستلر (اوروپا) ده ۱۸۴۸ دن اول بعض شهرلرده بولنان متفرق ، ضابطه نك تعقیباتنه معروض ، خفیاً اجرای تجربیکاته واکثریا صاقلامنه ویا قاجغه مجبور ، اهالی نظرنده مجهول ویا محقر کیمسه لردن عبارتدی . حاکمیت عامه اجتماعیه فرقه سنی منفعتنه و مساوات و جمهوریت نامنه وقوعه کلن ۱۸۴۸ فرانسز انقلابی بتون (اوروپا) انقلابیروواتی امیده دوشوردی . ملتجیلر ، انقلابه اشتراک ایتک مقصدیله ، کندی مملکتلرینه ، (آلمانیا) و (ایتالیا) یه عودت ایتدیلر . بر مملکتک انقلابیروولری دیگر مملکتک انقلاب فرقه لريله مناسبانده بولندیلر ؛ حتی بر چوغی حکومتلر علیهنه عصیان ایتش حاکمیت عامه طرفدارلرینه معاونت ایچون ممالک اجنبیه یه بیله کیتدیلر ؛ بالخاصه لهیلر (اوروپا) نك بتون عصیانلرنده بولندیلر ، آنک ایچون (فرانسه) ده ، (آلمانیا) ده انقلاب فرقه لری (لهستان) لهنده مداخله اولمسنی طلب ایتدیلر . مع مافیه ۱۸۴۸ انقلابی بین الملل بر فرقه نك اثری دکدی . ملل مختلفه انقلابیروواتی بر برلرینه نمونه امثال اوله رق ، یکدیگری تشویق ایدرک دوچار هیجان اولدیلر ، فقط مشترک بر اداره یه تابع اولمدهن ، صرف ملل انقلابلر وجوده کتیردیلر .

(فرانسه) ده موقع اقتداره کچن انقلابیرووان انقلاب اجتماعی ایسته مین جمهوریت

بر نسیبته ویرکو طرحی ؛ ۳ ، وراثتک العاسی ؛ ۴ ، مهاجرت ایدنلره عائد امول و املاکک مصادره سی ؛ ۵ ، سرمایه سی حکومت طرفندن ویرلش امتیازلی بر ملی بانقه واسطه سیله قره دی معاملاتنک بر مرکزیه جمعی ؛ ۶ ، بتون وسائط نقلیه نك بر هیئت مرکزیه یه ربطی ؛ ۷ ، فابریقه لرك ملت طرفندن ایشادسی ، اراضینک ملت طرفندن زرعی ؛ ۸ ، سی و عملک هرکس ایچون مجبوری اولدی ؛ ۹ ، بتون اطفالک مجاناً تعلیم و تربیه سی .

انقلابدن مقدم نشر اولمش ، اووقت نظر دقتی جلب ایتمه مش ایسه ده صوڪ زمانلرده « قوله کتیبوست Collectiviste » دنیلن فرقه اشتراکیونك دستوری حکمنه کیرمشدر ؛ چونکه (مارقس) مسلکنی غایت قطعی ومؤثر بر لسان ایله ایضاح ایدیور .
 درت قسمه آیرلمشدر : ١ . - صنف متوسط اهالی ومحتاجین ، تاریخ انقلاب اجتماعی [*] ؛
 ٢ . - محتاجین وقومونیستلر ، فرقه نك قواعد اساسیه سی ایله پروغرامی حقه ده ایضاحات [**] ؛

[*] وضع ایدیلن قواعد اساسیه شونلردر : « ١ . - هر برجیت بشریه نك زمانزه قدر اولان تاریخی صنوف مختلفه آره سننده کی مبارزاتك تاریخیدر . جمعیت بشریه ، کیتدکجه ، یکدیگره دشمن ایکی صنفه ، صنف متوسط ایله صنف محتاجینه آریلدور . ٢ . - صنف مبارزاتك کافه سی مبارزه سیاسیهدن عبارتدر . قوه سیاسییه ، برصنك دیکریخی تضیق اتمسی ایچون تشکیل ایدلش برقوتدر . حکومت جدیده ، صنف متوسط اهالینک امورینی رؤیت اتمک اوزره شکل ایدن برهیت اداره دن بشقه برشی دکلدور . ٣ . - صنایع جسمیه ، بتون دنیا ایچون بر بازار تجارت وجوده کتیرمشدر . صنف متوسط اهالی بوبازار تجارتی ایشلمک صورتیله هر مملکتک استحصالاتی بتون دنیایه مخصوص برحاله کتیرمش ، صنایع ماهیت ملیه سنی ازاله ایتشدور . جمعیت بشریه برجیت بین الملل اولمشدر . ٤ . - صنف متوسط ، انسال سابقه نك هیچ برنده کورله مش درجه ده مختلف وجسم قوای استحصالیه وجوده کتیرمش ایسه ده اتخاذ ایلدیکی مسلکدن طولانی حصوله کلن ثروت عمومیه بی حسن اداره ایدمه یه لک لزومیز استحصالات ایله پیاسه لری طولیدر مشدر . صنف متوسطک سبب اولدینی بحر انلر کیتدکجه دها عمومی بر شکل آلیور . ٥ . - صنف متوسط اهالی ، کندیسنه ضربه ماتی ایدیره جکی شبهه سز اولان بر صنف خلقی ، عمله صنف جدیدی ، فایر یقه لرده اوست اوسته بیفیله رق عسکر جه سنه اداره اولان محتاجینی میدانه کتیرمشدر . صنف محتاجین ، کیتدکجه تزید قوت ایتکده وقوتنک درجه سنی آکلامقده در ، دوچار فقر واحتیاج اولان صنف متوسطک آشاعی طبقه سی ، کوچک صنعتکارلر و کویلیلر بوضفه اثحاق ایتدکاری کی افکار اشتراکیونی تقدیر ایدیلن ذوانک دخی معاوتی تأمین ایدلمکده در . ٦ . - شمعی به قدر وقوعه کلن حادثات تاریخیه نك کافه سی اقلینک ، منافع اقلیت ایچون واقع اولان تحریکاتی نتیجه سنندن بشقه برشی دکلدور . صنف محتاجینک احوال ومعاملاتی ایسه اکثریتک تأمین منافی یولنده واقع اولیور . واقعا هر مملکتده بر مبارزه ملیه شکلنده باشلا یورسه ده قریباً بین الملل بر شکل کیره جکدر ؛ چونکه عمله نك وطنی یوقدر . »

[**] قومونیستلر « صنف محتاجینک منافع مشترک سنی » مدافعه ایدرلر ، بونلرک تکلیفلری دنیایی اصلاحه قالدیشان کیسه لرک افکارینه بکزه من ، « صنوف موجوده آره سننده کی مبارزه نك احوال وشرائط حقیقه سنی » ایضاح ایله اکتفا ایلرلر ، مقصدلری محتاجینی بر صنف فرقه سی حالنده تشکیل اتمک واجرتی عمله نك سرمایه داران منفعتنه سمی وعملنک محصولی اولان صنف متوسط ثروتی الفا ایلکدر . « سرمایه بتون هیئت اجتماعیه مخصوص برقوتدر » ، عمومک مال مشترکی اوله جقدر . ایسته اوزمان « صنف متوسطه مخصوص سربستی » ، « صنف متوسطه مخصوص عائله » ، اعصار قدیه نك محصولی اولان دین و اخلاق ، ملنلر آره سننده کی مخاصمات اورته دن قالدجه قدر . انقلاب اجتماعی ، وسائط سیاسییه ایله وقوعه کله جکدر . بیاننامه ، حال حاضر دن بوانقلابه کچه بیلیمک ایچون تدابیر آتییه بی توصیه ایدیور : ١ ، ایراد ارضک مصادره سی ؛ ٢ ، شدید

اتحادی» ، (آریابتربیل دونفس فهران Arbeiterbildungsvereine) دنیان عملیه مخصوص قرائت ، تدقیقات ، مباحثات جمعیتیه مناسبانده بولنهرق طرفدارلرینی تکثیره چالیشیوردی .

(پارس) ده تأسیس ایدیلن « قومونستلر اتحادی » حریت سیاسییه مالک بتون مملکتدرده شعبه لر تشکیل ایتدی : (وایت لینغ Weitling) اسمنده بر ترزی (اسویچره) ده یرلشهرک [۱۸۴۱] آلمان عمله آرسنده نشر افکار ایلدی [*] ؛ انکلتریه فرار ایدن (شاپر) اسمنده بر ملتجی (لوندره) ده بر « قومون » تأسیس ایتدی [۱۸۴۰] ؛ (کارل مارقس) و (آنژلس Engels) ، (بروکسل) ده بر جمعیت وجوده کتیردیلر [۱۸۴۵] . بوتشکیلاتک کافهسندهمالانلر احرازاکثریت ایدیورلردی : بونلر دخی (فرای لیغرات Freiligrath) ، (هرروهغ Herwegh) ، (غوجوقوو Gutzkow) کبی فرقه مفروضیه منسوب آلمان شاعرلری و (فوروهرج Vorwärts) نامنده بر غزیه بی اداره ایدن حاکمیت عامه طرفدارلری ایله مناسبانده بولنان صنایع عالیه عمله سی و موسویلر ایدی . (فرانسه) حکومتی مذکور غزیه بی تعطیل ومحررلرندن بعضلرینی طرد وتبعید ایتدی ، (کارل مارقس) بروکسله عزیمت ، (موئیزهس Moise Hess) آلمانیاه عودت ایلدی ؛ بونک اوزرینه (رن) حوالیسندهمالان (قولونیا) ، (تره) ، (دوسلدورف) شهرلرنده « قومونست » لر طرفندن تعمیم افکاره غیرت وبلاآخره منع ایدیلن بعض آثار نشر ایلدی [*] .

« قومونستلر اتحادی » اداره مرکزیه سی ، ۱۸۴۰ سنهسندهمالانکی - بارهس (دعواسنی متعاقب اجرا ایدیلن تعقیباتدن قورتولمق ایچون (پارس) دن (لوندره) یه نقل ایلدی و ۱۸۴۸ سنهسندهمالان قدر اوراده قالدی . ۱۸۴۶ ده ، (بروکسل) ده بولنان (کارل مارقس) ایله (آنژلس) ی « اتحاد » ه داخل اولمغه اقناع وبر بیاننامه تحریر وتظیمنه مأمور ایتدی . ۱۸۴۷ قونفره سی طرفندن قبول ایدیلن بو بیاننامه « قومونست فرقهسنگ بیاننامه سی » نامیله معروفدر ؛ ۱۸۴۸ سنه سی اوائلنده ،

[*] وایت لینغ ، حریت ، مساوات ، وفاق اساسنه مستند بر مسلک تعقیب ایدیور ؛ قان دوککیزین ، یالکز حق تصرفه مجوم ایله اکتفا اولنهرق انقلاب باقمق ایستیوردی . « فقیربالقچینک انجیلی » نامیله نشر ایتدیکی اثرده دین عیسوی بی « قومونست » لر نقطه نظرندن تفسیر ایشدر [۱۸۴۳] .

[**] سبیلزبانک صنایعه ترقی ایدن محللرنده دخی « قومونست » لر طرفندن بعض نمایشلر اجرا ایدلش وحکومتجه بر جمعیت خفیه کشف اولنش ایسه ده بوجعیتکمالاک سائره ده کی تحریکاته اشتراک ایتتمش اولسی محملدر . ۱۸۴۴ ده چولخلرک عصیانی - که هوپتان اسمنده کی مؤلفک یازدیغی فاجعه دن طولانی پک زیاده شهرت قزانیشدر - فقر وسفالتدن متولد بر قیامدن عبارت کبی کورینورد .

مجانى قره‌ديلىر ، مبادله بائقهرلىرى ، تقاعد صندوقلىرى ، عمله‌نك حمايه‌سى قانونلىرى ، حق تصرف مشترك ، تكليف مترقى ، تعطيل اشغال عمومى ، مدت سى و عملك سكز ساعته تزيلى ، عمله قونفره‌لرى كې شيار تكليف ايديليوردى .
بالاخره تشكيل ايدين اشتراكيون فرقه‌لرى اون طقوزنجى عصرك نصف اولندهكى افكار اشتراكيونه تبعيت ايتديلىر .

قومونست فرقرلى . — اشتراكيون ، اختلال و انقلاب فرقه‌سى تشكيل ايتديلىر . انقلاب اجتماعى حقه‌دهكى تحريكاته (بابوف) ك مسلكنى قبول ايدين (پارس) جمهوريت فرقه‌سى طرفندن باشلاندى ؛ (بابوف) مسلكى طرفدارلارندن (بوئوناروتتى Buonarrotti) اول امرده (وواييه دارژانسون Voyer D'Argenson) ، بعده نيسان دعواسى متهملرينه [فرانسه بختنه مراجعت] كندى افكارنى قبول ايتديردى [*] ، فرانسز جمهوريت فرقه‌سندن « قومونست » ناميله بر فرقه آيريلهرق حق تصرفك الغاسى صورتيله انقلاب اجتماعى طلبنه باشلادى ؛ بونلك نظريات و افكارى ابتدائى برحالده ايدي ، هرشيدن اول براختلال فرقه‌سى وجوده كتيير مشلردى [بشنجى بابه مراجعت] . فقط « قومونست » فرقه‌سى آلمانلر آرهنده پك چاپوق توسع ايتدى .

(آلمانيا) ده ۱۸۳۳ حاكميت عامه فرقه‌سى [اون ايكنجى بابه مراجعت] فرانسز فرقه‌سى كې انقسام ايتدى . (بوخنر Büchner) ، (هس) ده « حقوق بشر » ناميله بر جمعيت خفيه تشكيل ايدرك كويليلره خطاباً يازلمش بر كتاب نشر ايتدى [۱۸۳۴] ؛ « قلبه‌له صلح و صلاح ! سرايله جنك و جدال ! » سوزلريله باشلايان بوآرده انقلاب اجتماعى اولمدهن انقلاب سياسى وقوعنه امكان اولمديغنى بيان ايديليوردى .

(پارس) ده آلمان عمله و ملتجىلرى (بوند در كره‌ختن Bund der Gerechten) ، يعنى « جمعيت حقپورران » ناميله بر جمعيت تاسيس ايتديلىر [۱۸۳۶] ، كه برمدت صكره بو جمعيت « قومونيستلر اتحادى » نامنى آلهرق بر چوق شعبه‌لر وجوده كتيردى ؛ « قومون » ناميله ياد اولنان شعبه‌لر « قونفره » يه برر مرخص كوندروب جمعيتك هيئت عموميه‌سى اداره ايچون بر « اداره مركزيه » تعيين ايديليورلردى . « قومونيستلر

[*] دارژانسون ايله (شارل تهسته Ch. Teste) ۱۸۳۳ سنه سنده قومونست مسلكنه موافق اولهرق يازدقلىرى بر رساله دن طولايى تعقيبات قانونيه يه دوچار اولمشلردى . (تهسته) اصلاحات اجتماعيه يى شو صورتله تكليف ايديليوردى : « برنجى ماده ؛ بتون اموال منقوله و غير منقوله ملته عائد اولوب صورت تقسيم و توزيعى يالكز اد تعيين ايدر . — ايكنجى ماده ؛ سى و عمل بتون افراد ملت ايچون مجبورى بروظيفه در . »

عملیه قیمت حقیقه سندن دون اجرت ویریور ، بوصورتله اکتساب ثروت ایدیور ، مع مافیه چالیشان ، محصولی میدانه کترین کندیسی دکندر . بوادعا ، « هرکس کندی ایشنه کوره » جمله سیله ، یاخود « محصول سعی و عملک تمامنه استحقاق » تعبیرله افاده اولنیوردی . [سالف الذکر ایکی تعبیر برلشدریلرک « چالیشمه حق » یاخود « سعی و عمل ایله تأمین معیشت حق » ذنیلیوردی] .

احوال اجتماعی بی بوصورتله تنقید ایدن مؤلفر - که بالاخره کندیلرینه اشتراکیون نامی ویرلدی - جمعیت بشریه نك فناقلرینی تشکیلات اقتصادیه ، حق تصرفه ، وراثته ، اجرت قونطوراتوسنه ، اسراف قوایی انتاج ایتدیکی بیانیله سر بستنی رقابته عطف ایدیورلردی . بو فناقلرک ازاله سننه مدار اولان چاره لره کلنجه ، بو باده آره لرنده اختلاف واردی . فقط ۱۸۳۰ دن اول (اوون) و (سن سیمون) طرفندن ایکی اصول توصیه ایدمش ، بالاخره (بازار) بونلری دهها مکمل بر شبکه قویمشندی . (سن سیمون) طرفدارانک واسطه نشر افکاری اولان (غلوب Globe) غزته سی ۱۸۳۰ سنه سنده یازدینی مقاله ده شو صورتله اداره لسان ایدیوردی : « بالمله مؤسسات وقوانین اجتماعی دن مقصد انک فقیر واک غلبه لک صنفک احوال روحیه ، ماده و فکریه لری نی اصلاح ایتک اولمیدر ؛ بلا استثنا بتون امتیازات نسیبه لغو ایدلمیدر . هرکسک کندی اقتدارینه ، هر بر اقتدار صاحبی کندی سعی و عملنه ، ایشنه کوره استفاده ایتمیدر . »

(فرانسه) ده (پ . لهرو P. Leroux) ، (قونسیده ران Considérant) ، (ل . بلان) ، (پرودون Proudhon) و (آلمانی) ده (رودبرتوس Rodbertus) و (مارلو Marlo) کبی اشتراکیونک ایکنجی نسلی عد ایدیلن ذوات احوال اجتماعیه حقنده کی اعتراضات و تنقیداتی دهها مکمل برحاله کتیردیلر .

(لوی بلان) مستثنا اولمق اوزره بتون اشتراکیون حیات سیاسییه اشتراک ایتیه رک یالکز نشر افکار ایله اکتفا ایتدیلر ، فقط سیاسی فرقدلر تأسیسنه چالیشمدیلر . مع مافیه مسلك اشتراکیونک مؤسسی بونلردر . جمعیت بشریه حاضره حقنده کی اعتراضاتی ، مسلك اشتراکیونک دستورلری نی ، حتی وسائط اجراییه و تدابیر اصلاحیه بی بونلر ذکر و ایضاح ایتمشلردر . ۱۸۴۸ دن اول « انسانک انسان طرفندن ایشلمسی » ، « حق سعی و عمل » ، قیمت اشیانک عملیه ویریلن اجرتدن فضله سی ، « آنارشی » ، حاکمیت عامه اجتماعیه ، صنوف مختلفه آره سنده مبارزات ، عمله فرقه سی ، عمله آره سنده اتحاد بین الملل ، محتاجینک تخلیصی ، تنظیم سعی و عمل ، اتحاد صنایع کبی تعبیرات موضوع بحث اولیور ؛ استحصالات ایچون شرکت متعاونلر ، ملی دارالصناعلر ،

طرفداری انسانیت‌پرور را هیئت اجتماعی حاضرین تنقید استدیگر [°]. اون سکنزنجی عصر فیلسوفلرینک بر اقدقلری نقطه‌دن ایشه باشلادیلر ؛ یالکمز مؤسسات وقوانین سیاسیله ایله اکتفا ایتیمه‌رک حق تصرفی ، وراثت ، عائله ، عمله اجرتی کچی مسائل اجتماعی ، فیلسوفلر ایله اقتصاديونک جمعیت بشریه‌نک اس‌الاساسی عد ایتدیگرلی مسئلهلری تدقیق ایلدیلر . صنایع جسیمه‌نک احداثی ، اک مترقی مملکتلرده ، (انکلتره) و (فرانسه) ده ، کوزله کوریله‌بیله‌جک درجه‌ده تبدلات وقوعنه سبب اولیور ؛ یالکمز یومیله ایله یشانیان وصنایع بحرانلرنده ایشینزلکه ، آچلغه محکوم اولان ییکی بر صنف عمله تشکل ایدیور ؛ بویکی صنف ، رومالیر زمانندن قالان بر نام ایله ، « صنف محتاجین Prolétaires » اسمیله یاد اولمغه و ثروت صنایعه‌نک ترایدی نتیجیسی اوله‌رق میدانه چقان و « پوه‌ریزم Paupérisme » دنیان ییکی بر ففر وسفالتدن بحث ایدلمکه باشلامشدی .

جمعیت بشریه علمهنده‌کی تنقیدات مختلف شکللرده اولمقله برابر باشلیجه ایکی اساسه ارجاع ایدیله‌بیلردی :

۱. — جمعیت بشریه فقر وسفالت اصحابی ایچون پک مرختسزدی ، بونلری انواع مشکلات ومزاحمه دوچار ایدیور ، غایت آز ودوامی مشکوک بر یومیله ورییور ، مغایر صحت وآغیر ایشلر ایله اوغراشدیریور ، پک اوزون زمان چالیشدیریور ، فابریقه صاحبلی وایش باشیلرک اسیری کچی قوللانور ، کوچک ، پیس ، قواعدصحیه مغایر خانه‌لرده اقامته ، غیر کافی اغذیه ایله اکتفایه ، انتظامسز بر حیات کچیرمکه ، قادینلری افعال غیر مشروعیه مجبور ایلدیوردی . جمعیت بشریه‌نک بو حالی علمهنده‌کی اعتراضات ، فقرايه مرحمت ، زنکینلردن نفرت شکلنی آلیور ، حسیات دینه وبرچوق مبالغات ایله‌قاریشیوردی . (فرانسه) ده بومسلاک « هرکس احتیاجنه کوره » جمله‌سی ، یاخود « حق معیشت » تعیری ایله تعریف ایدیلدیوردی .

۲. — جمعیت بشریه‌نک تشکیلاتی عدل وحقانیته مغایردی . حق تصرف ووراثت انسانلری غیر مساوی ایکی صنفه تقسیم ایدیوردی . ۱۷۸۹ قواعد اساسیه‌سنه مغایر اوله‌رق قانونک تصویب وتأیید ایلدیکی بومساواتسزلق محصول سعی وعملک تقسیمهنده‌کی عدالتسزلکدن نشأت ایتمکه ایدی : سرمایه‌دار بتون استحصالاتی کندی آلیور ،

[*] مسلاک اشتراکیون مؤسسلیرینک ترجمه‌ حالریخی ذکر ایتک ویا مسلاکلیرینک تفرعاتی تدقیق ایلکم موضوع بحثمز خارجنده‌در ؛ مقصدمز یالکمز اشتراکیونک احوال سیاسییه تأثیرلینی ایضاح ایتمکدر .

اعضا رؤسایه اطاعت و اسرار جمعیتی محافظه ایده جگرینی تعهد ایلورلردی ؛ بر محکمۀ خفیہ خائنری محکوم و اعضای جمعیتی بونلری اولدیرمکه مأمور ایدیوردی .

(ماجینی) ملل مختلفه میانده بر جوق جمعیتلر [کنج ایتالیا ، کنج لهستان ، کنج آلمانیا ، کنج سویچره ، کنج فرانسه ، کنج اسپانیا] تشکیلنه موفق اولدی ؛ اعضای ، بالخاصه صنف متوسط اهالی آره سنده قرق یاشندن دون کیمسه لردن مرکب اولان بوجعیتلر (ماجینی) نك تحت اداره سنده بر هیئت متحده تشکیل ایدیوردی . (ماجینی) نك غیرت و فعالیت فوق العاده سی ، حکومتلر علیهنده بعض ترتیباتدن ، عقیم قالمش تشبثلردن و برقاج قتلدن بشقه بر نتیجه حاصل ایتدی . ۱۸۴۸ دن صکره (کنج اوروپا) جمعیتی هیچ بر نتیجه سیاسیہ استحصال ایده مه دن طاغیلدی . فقط (فرانسه) ، (آلمانیا) ، (سویچره) ، (لهستان) جمهوریت فرقه لری انقلابیوران ایچون بر مرکز اولمش و (قومونست) ، (سوسیالیست) دنیلن اشتراکیون فرقه لری بو مرکز لردن تشکیل ایتشدی .

(ماجینی) ، (ایتالیا) ده جمهوریت تأسیس ایتک و اوستریالیلری بوقطعه دن طرد ایلمک ایچون ترتیباتده دوام ایلدی . ایتالیانلرک وطنی تخلص ایچون ایتدیکی یمنی طوتمامقه اتهام اولنان اوچنچ (ناپولئون) علیهنده (اورسینی) طرفندن واقع اولان سوء قصدی ترتیب ایتدی . (ایتالیا) اتحادی وجوده کلدیکی زمان [۱۸۵۹ - ۷۰] ایتالیا حکومتی رؤسایه ، احتمال که قرال (ویقتور امانوئل) ایله ، (قوشوت) ، جنرال (تور) و (قلاپقا) کبی محارستان ملتجیلریله ، لهستان عاصیلریله مناسبانده بولندی ؛ (اوستریا) علیهنده عمومی بر عصیان ترتیب ایتمکه چالیشیوردی [۱۸۵۹ - ۱۸۶۶] . فقط بو ، بین الملل بر فرقه دکلدی ، بلکه هر مملکتک انقلابیورلری طرفندن تشکیل ایدلمش بر هیئت متحده ایدی .

مسائل اشتراکیونه . — جمهوریت فرقه لری بر انقلاب سیاسی حاضر لغه باشلادقاری صرده یکی بر نوع فرقه لر شکل ایدرک انقلاب اجتماعیه چالیشدیلر .

انقلاب اجتماعی ایچون وقوع بولان تحریکات (ناپولئون) ک سقوطندن صکره [۱۸۱۴ - ۱۸۳۰] ، عینی زمانده ، هم (انکلتره) ، هم ده (فرانسه) ده باشلادی ؛ اول امرده یکیدن یکی به بعض مسلکله میدانه چیقدی . (انکلتره) ده (اووهن) و (طومسون) ، (فرانسه) ده (سن سیمون) و (فورییه) کبی صلح و مسالمت

(ناپولی) ده حکومت مطلقه نك اعاده تأسیسندن صكره اوزمانه قدر صرف ملی اولان (قاربوناری) جمعیت خفیه سی فرانسز انقلابیورلری واحتمال كه (فارماصون) لری ایله مناسباته کیریشدی . بر (ماصون) محفلنك مؤسساری اولان و (محبان حقیقت) عنوانیه یاد ایدیلن (بوشه Buchez) ، (ژوبر Joubert) ، (بازار Bazard) ، (فلوتار Flottard) ایتالیان جمعیتی نمونه اتخاذا ایدرك فرانسز (شاربونهری) جمعیت خفیه سنی تشکیل ایتدیله [۱۸۲۱] . فقط بوجعیت ، صرف ملی اولوب (بوربون) لرك فرانسهدن تبعدیلرینه چالیشیوردی [بشنجی بابه مراجعت] . یكانه جمعیت بین الملل بعض فرانسز رؤسای احراری وبالخاصه (لافایت) طرفندن تأسیس ایدیلن (اتحاد جهانی Alliance cosmopolite) جمعیتی ایدی .

جمعیات خفیه نك تشبثات سیاسییه سی ، نتیجه سز قالان (اسپانیا) و (ایتالیا) انقلابلرینه ، (بوربون) لر علیهنده کی ترتیباته [۱۸۲۰-۲۲] واحتمال كه (روسیه) ده (ده قابریست) لرك عصیاننه [اون طقوزنجی بابه مراجعت] منحصر قالدی ؛ فقط (فرانسه) ده ۱۸۳۰ انقلابی وجوده کتیرن جمهوریت فرقه صغیره سنك ، (بلجیقا) ده (فارماصون) لرك استاد اعظمی (دوقافز) طرفندن تأسیس ایدیان [سکنزنجی بابه مراجعت] فرقه احرارك تشکیکنه معاونت ایتدیله .

جمهوریت طرفداری « کنج اروپا » . — ۱۸۳۰ دن صكره بر چوق مملکتلرده ، از جمله حکومتلری ضعیف اولان (آلمانیا) ، وسطی (ایتالیا) و (لهستان) ده فرانسز جمهوریت فرقه سنی تقلیداً متعدد فرقه لر تشکل ایتدی . کنجلا ایله عمله آره سنده طرفدار بولان بوفرقلر بین الملل مرکز اداره یه مالک اولماقلا برابر بربرلریله مناسباته بولنیورلردی ؛ بر مملکتده کی فرقه ممالک سائر انقلابیورلری لهنده نمایشلا یاپاردی ؛ بالخاصه (چار) علیهنه قیام ایدن لهیلر ایله (پاپا) نك عاصی تبعدسنه معاونت ایچون مداخله اولمنسی طلب ایدیورلردی .

(ایتالیا) ده کی عصیانلرك نتیجه سز قالمنسی متعاقب ، (ماجینی) ، صورت منتظمه ده انقلاب حاضرملق وبر جمهوریت عامه تأسیس ایتك ایچون سیاسی بر جمعیت تشکیل ایتدی . بوجعیت ، مرکز اداره سی ممالک اجنبیه ده بولنان بر ایتالیان جمعیتی ایکن پك آز زمان طرفنده بر اروپا جمعیتی حالی آلدی [ایتالیا بحثه مراجعت] . « کنج ایتالیا » ، « کنج اروپا » نك بر شعبه سی اولدی . بتون (ایتالیا) یی بر حکومت حالنده برلشدرمك ، « غیر قابل تقسیم بر جمهوریت » تأسیس ایتك ایچون تشکل ایشمدی ،

(فارماصولنق) ، هر مملکتده حریت مذهب اساسنی تعقیب ای دییور ، بو مقصدی تأمین ایچون هر نوع اشکال حکومت ایله اتفاق ایلیور و جمهوریت طرفداری اولمق اوزره میدانه چیقیوردی ؛ هر طرفده هیئت رهبانه و بونک متفی اولان حکومت مطلقهیه دشمن احرار فرقه لری آره سنده طرفدار بولیوردی . متعدد محفلره آیرلمشندی ، اکثریا برملته منسوب محفلر برلشه رک بر هیئت متحده تشکیل ای دییور و هر مملکت بر استاداعظمی ، برده مجلس عالیسی بولیوردی .

ممالک مختلفه ده کی (فارماصون) لر یکدیگر ایله مناسبتده بولیور ، هانکی مملکت و ملته منسوب اولورسه اولسون بتون (ماصون) لرجه معلوم بعض اشارات ایله بر برلرینی طانیور لردی ؛ حکومت مشروطه داخلنده کی (ماصون) لری دیگر مملکتلرده بولنان برادرلرینی تصدیق ایدن حکومتلر علیهنده چالیشمش اولملری محتلمدر ؛ کذلک اداره مشروطه احرارانه فکرینی مملکتدن مملکته تبلیغ و تعمیم ایتش اولملری ده احتمال دائره سنده در . عجیبا هر مملکته مخصوص تشکیلات رسمیه دن بشقه ، معلوم اولان قواعد اساسیه و اعتراف ای دیلن مقصد خارجنده اوله رق ، هر یرده جمهوریتی تأسیسه و نفوذ رهبانی بسبتون ازاله یه چالیشان بین المللی بر هیئت اداره خفیه موجود میدیر [۱] ؛ بونی تاریخ نقطه نظرندن اثبات ایتک ممکن دکلدیر ؛ یالکز (فارماصولنق) ده عمومی و مشترک بر قاعده سیاسی بولمندی ، بر جوق رؤسای انقلابک (فارماصون) اولدینی ، بونلردن بعضلرینک طرفدار بولمق و یا احتمال که افکار انقلابی پرورانه نی نشر ایلمک ایچون (ماصون) محفلرینه کیتدکلی کوریلور . فقط بونلرک صرف (ماصون) اولمق صفتیه انقلابه چالیشمش اولدق لری ثابت اوله مامشدر .

(ناپولئون) ک سقوطندن صکره حکومتلرک (فارماصون) لر حقنده کی معاملاتی یکدیگره بکزه مزدی . پروتستان حکومتلر بونلری سربست بر اقدیلر . (فرانسه) ده احرار فرقه سنه منسوب هیأت وکلا ماصونلغی تشویق ایتدیلر . (روسیه) چاری برنجی (آکساندر) محفلر کشادینی تسهیل ایلدی . (مترنیخ) ایسه بالعکس سیاسی ، دینی کافه جمعیاتی منع ایتدی و بونلرک افعال و حرکاتی حکومت سائره یه غایت تهلکلی کوستردی . صرف (آلمانیا) یه مخصوص اولوب ماصونلغی ایله هیچ بر مناسبتی اولمندی محتمل بولنان آلمان دارالفنون جمعیاتندن و بالخاصه (اسپانیا) و (ایتالیا) انقلابندن بالاستفاده جمعیات خفیه یی اورته دن قالدیرمسنی (چار) دن طلب ایتدی [۱۸۲۰-۱۸۲۱] . آکسار ، برمدت صکره (روسیه) ده فارماصولنغی منع ایلدی [۱۸۲۲] .

[*] بعض قاتولیک مؤلفلرک ، از جمله (قوه تینو ژولی Crétineau - Joly) ، راهب (ده شان) ، (فلودیو ژانه Claudiot Jannet) نک ادعایری بودر .

یکرمی دردنجی باب

بین الملل انقلاب فرقه لری

فارماصونلر و قار بوناریلر . — اون سکرنجی عصرده افکار انسانیتپرورانه بی نشر و تعمیمه مخصوص بر جمعیت حالی آلان (فارماصونلق) برفرقه سیاسیة اولماقله برابر بین الملل بر هیئت متحده شکننده ایدی . مع مافیه حریت مذاهب قاعده سنی تطبیقه چالیشدینی صروده هیئت رهبانک نفوذ و اقتدارینه قارشی مبارزه به کیریشدی ، یبالق مقامی طرفندن رفض ایله محکوم ایدلدی [۱۷۳۸ ، ۱۷۵۱] ، کلیسالرک حکم و نفوذلرینی تخریبه چالیشدجه یواش یواش بر جمعیت انقلابیه حالی آلدی .

انقلاب کیردن صکره ، حکومت جسمانیه اصولی تأسس ایتدیکی زمان ، تکرار بر جمعیت صلحپرورانه اولدی ، معین بر مقصد سیاسی تعقیب ایتدی . حکومت مطلقه ناک اعاده تأسسندن صکره ، حریت مذاهب قاعده سنی محافظه ایدن مملکتلرده ، یالکیز اسماً خفی بر جمعیت حالی آلدی ؛ بر طاقم خفی آینلری ، اسرار انکیز اجتماعلری واردی ، فقط حقیقت حالده نائل مساعده و مسامحه اولیور ، حتی بعضاً تشویق کوریوردی . وقت وحالی مساعد صنف متوسط اهالی آره سنده ، حتی اکابر مأمورین میاننده طرفدار بولیور ، ارکان حکومتی ریاست مقاملرینه کچیریوردی . قاتولیک مذهبنک عموم ایچون مجبوری اولدینی جنوب مملکتلرنده (فارماصونلق) حقیقه خفی ، ممنوع ، تعقیبات قانونیه به معروض و بناء علیه انقلابپرور بر جمعیت ایدی ، بالخاصه صنف متوسط اهالی به منسوب سربست فکری کنجلیر و حکومتدن غیر ممنون ضابطلر بو جمعیه داخل اولیورلردی . (اسپانیا) ، (پورتکیز) ، (ایتالیا) ده وبالخاصه کلیسا حکومتی داخلمده (فارماصون) لر حکومت علیهنه ترتیباده بولنیورلری .

تعریف مؤلفات

قانونیک کلیسا سنک احوال اخیرہ سی حقنہ (فونق Funk) ک فرانسیزجہ بہ مترجم (کلیسا تاریخی) شایان ذکر درہ ۱۸۶۴ دہ نشر اولنات تحریرات عمومیہ ایلہ ۶ سیلابوس « آبری آبری طبع ایلدیکی کبی طقوزنجی (پی) واون اوچنجی (لئون) ک نطقری دہ کتاب شکلندہ جمع ایلدشدرہ (واتیقان) مجلس عمومی روحانیسی ایچون (فروند Frond) ک ۸ و (وویو Veuillot) نک ۲ جلدک (مجلس عمومی روحانی مقرراتی و تاریخی) ، (مجلس عمومی روحانی زمانندہ روما) عنوانی کتابلری واردہ . بوندن بشقہ پاپالردن ہربرینک ترجمہ حاللری ایچون متعدد کتابلری یازاش ، ازجلہ طقوزنجی (پی) نک ترجمہ حالی (پوزووا Pougeois) طرفندن آلتی جلد اوزرینہ ضبط ایلدشدرہ . (آناتولہ روابولیو) نک (۱۸۳۰ دن زمانزہ قدر قانونیک احرار) عنوانی کتابی بوفرقتہ نک سیاسی نقطہ نظرندن شایان توصیه در .



واتیقان مجلس عمومی روحانیسی امور مذهبیہنک وحدت ادارهسنی اعلان ایتیش اولدیغندن بتون قاتولیکلرک اداره سیاسیہسنک دخی (پایا) یه عائد اولمسی اقتضا ایدر .

(المانیا) حکومتنک سیاست اجتماعیهدهکی تشبثاتی متعاقب ، اون اوچنچی (لئون) دخی بوسیاسته مداخله ایله « عمله‌نک احوالنه دائر » اولان تحریرات عمومیه مشهورهسنی نشر ایتدی [۱۸۹۱] ؛ بوتحریرات عمومیهده مسلك اشتراکیونی ، « غره‌و » لری تعیب و تقییح ، سرمایه دارلریله عمله‌نک اتحادینی توصیه ، عمله جمعیتلرینی مدح و ثنا ایدیور ؛ تشبثات خصوصیه جمعیتلرینک و علی‌الخصوص قاتولیک عمله‌سندیه‌لرینک تشکیلنه لزوم کونستریوردی .

اون اوچنچی (لئون) اورتودوقس کلیسالرک قاتولیکلکه عودت‌لرینه دخی چالیشدی . ۱۸۸۴ دن اعتباراً ، (خروات) فرقه ملیه‌سی رئیس یسقبوس (استروس مایرک) ک تحت اداره‌سنده اوله‌رق (روما) یه کیدن قاتولیک اسلاو زوارینی [خرواتلر ، چهلر ، غالیچیلر] قبول ایتدیکی زمانلر (اسلاو) ملت معظمه‌سیله اتحادیتمک امیدنده اولدیغی سویلیوردی . ۱۸۹۴ ده « بتون دنیا حکمدارلرینه و ملتلرینه » خطاباً نشر ایلدیکی تحریرات عمومیهده شرقیلیری وحقی پروتستانلری اتحادیه دعوت ایتدی ؛ اتحادی حاضرملق ایچون برقونفرانس عقد ایتدیردی و (روما) یه تابع شرق کلیسالرینک آیین و مناسک مخصوصه‌لرینی محافظه ایتلری ایچون برقانون تصدیر ایلدی .

اون طقوزنجی عصر طرفنده (اوروپا) ده حکومت ، قاتولیک کلیساسنک نفوذ و اقتدار مادیسینی تماماً آلدی؛ وحدت اعتقاد اساسنی فسخ ایله بونک یرینه حریت مذاهب قاعده‌سنی وضع ایتدی . فقط بتون کلیسا نفوذینک (پایا) نک شخصنده جمع ایدلمسی ، کافه ممالکک شورای امتلرنده بر مرکز مشترکه تابع قاتولیک فرقه‌لرینک تأسس ایتمسی ، منسوبین روحانیه‌نک آرمسی ، ثروتک چوغالمسی ، هر درجه‌دن قاتولیک مکتبلرینک آچیلیمسی سایه‌سنده کلیسا غائب ایتدیکی نفوذ و اقتدار رسمینک فوقنده بر قدرت اجتماعیه و سیاسیته اکتساب ایلدی .



پسپوسلرینک اعتراضاتنه اشتراک ایتمکه اکتفا ایلدی . - قاتولیکلرک هر مملکتده آیری آیری حکومتلره اوغراشه جقلری یرده جمله سنک مساعیسنی برنقطه ده جمع ایچون قاتولیک فرقه لرینک ومطبوعاتنک اداره سنی اله آلمغه چالیشدی .

سیاستی ، هر مملکتده بر قاتولیک فرقه سی تشکیل ایتک وبوفر قه بی پابلق مقامنک اتقافنی آرزو ایدیلیر برحاله کتیرمکه کافی درجه ده قوتلندیرمک ، بعده کلیسایه ویریله جک مساعدا نه مقابل حکومتلره عرض اتفاق ایلک اساسنه مستند ایدی . - اون اوچنجی (لئون) آلمانیا ده قانون عسکری بی مرکز فرقه سنه قبول ایتدیردی ، بوکا مقابل وقتیه (کولتور قامیف) زماننده اتخاذا اولنان تدابیری ، مذاکرات میدیده دن صکره ، یواس یواس الفای ایتدیرمکه موفق اولدی [نکاح مدنی ایله پروسیه قانوننده کی تعدیلات مستتا] . - انکلتره ده ایرلاندا لیرک تحریکاتنه قارشى حکومته معاونت ایتدی [انکلتره بحثه مراجعت] ، ایرلاندا یه برسفیر کوندره رک زراعت جمعیتی علمبنده بولندی [۱۸۸۸] . - روسیه ده (لهستان) هیئت رهباننه اطاعتی توصیه [۱۸۹۴] وبوکا مقابل روسیه نک واتیقان نزدنده کی سفارتخانه سنک یکیدن احداثی تأمین ایلدی [۱۸۹۵] . - فرانسه ده ، ۱۸۸۹ ده محافظه کارلرک مغلوبیتدن صکره بر قاتولیک فرقه سی تشکیلنه چالیشدی [۱۸۹۱-۹۲] ، کلیسانک حقوقنه مخالف اولان قانونلرک فسخته غیرت ایتک ایچون قانون اساسی بی قبول ایتلرینی جمهوریت طرفدارى قاتولیکلره امر ایتدی [فرانسه بحثه مراجعت] .

الحاصل (پاپا) حکومتلرک سیاست داخلیه لرینه مداخله ایتمکه باشلامشدی . اول امرده ، فرقه لرینی آرزو ایتدکلری کبی اداره یه آلیشمش اولان قاتولیک فرقه لری رؤسائینک مقاومتلرینه تصادف ایتدی ؛ ۱۸۸۳ و ۱۸۸۷ ده ایرلاندا لیلر ، ۱۸۸۷ ده آلمان مرکز فرقه سی ، ۱۸۹۱ ده فرانسه ز محافظه کارلری خیل مقاومت کوستردیلر . یونلر بتون قاتولیکلرک (پاپا) یه اطاعته مجبور اولدقلری مسائل دینه ایله هرکسک استقلال ذاتیسيله حرکت ایلدیکی مسائل جسمانیه آره سنده فرق اولدیغنی ادعا ایتدیلر . اون اوچنجی (لئون) بوداعانک پابلق مقامنک حقوق مشروع سنه مغایر اولدیغنی بیان ایلدی ، چونکه کلیسانک منافعیه مسئله سنه آنحق (پاپا) حاکم مطلقدر ، صادق قاتولیکلرک رئیس روحانی یه هانکی حدود داخلنده اطاعت ایده جکلرینی تمینه صلاحیتلری یوقدر [*] .

[*] فرانسه ده ، (پاپا) ، بوقرارینی متعدد وسائط ایله تأیید ایتدی : پارس سرپسپوسنه مکتوب [۵ کانون ثانی ۱۸۹۲] ، پسپوسلر ایله صادق قاتولیکلره تحریرات عمومیه [۱۶ شباط] ، فرانسه زاردینال لرینه تحریرات عمومیه [۶ مایس] ، فرانسه ز قاتولیکلرینه مکتوب [۱۴ حزیران] ، (غره نوبل) پسپوسنه مکتوب [۲۲ حزیران] . صوک مکتوبک برفقره سنده : « سیاست ، منافع دینه یه مربوط اولدیغنی زمان منافع مذکورده بی مدافع یه اک الویریشلی اولان مسلیکی تبیین ایتک کلیسا رئیس روحانیسنه عاندر ، دنیلور .

ایراد ایلدیکی نطقلرده ، دور سنوی^۲ تتوجنده [۵ مارت] ، نوئل یورطیسنده (روما) نك اشغالی علیهندهکی اعتراضاتی تکرار و پایالق مقامنك حقوقی مدافعه ایلدی [*] . طقوزنجی (پی) کبی « معناً اسیر » اولدیغنی اعلانده و (واتیقان) دن خارجه حیقما مقده اصرار ایتدی . (ایتالیا) حکومتنی صورت رسمیهده اصلا طانجیدی ؛ جلوسنی بو حکومته تبلیغ ایتدی ؛ بونکله مذاکره یه کیریشمکه ، تأمینات قانوتی و حتی پایالق مقامنه تخصیص اولنان خزینته^۳ خاصه پارهسنی قبولدن امتناع ایلدی . ایتالیان قاتولیکلرینك مبعوثان انتخابنه اشتراکلرینی منع ایتدی . (پایا) ایله (ایتالیا) قرالی آرهنده ائتلاف حصوله کلمک اوزره بولندیغنه دائر روایتلر شایع اولدجه شدتله تکذیب ایتدیردی ؛ ائتلاف تکلیفنه جرأت ایدن رهبان [۱۸۸۴ ده کورچی Curci ؛ ۱۸۸۷ ده طوستی Tosti] تعیب و تقیح و تبدیل فکره اجبار ایلدیلر . (ایتالیا) قرالی زیارت ایدن قاتولیک حکمدارلر ، پرنسپلر (واتیقان) سراینه قبول اولمیدیلر [اون اوچنجی لئون آنجی پروتستان حکمدارلرینی قبول ایتمشدر] . برچوق دفعه لر ، یعنی ۱۸۸۳ ، ۸۴ و ۸۹ سنه لرنده ، (پایا) نك مرکز ادارهسنی (ایتالیا) خارجه نقل ایده جکی روایتی شایع اولدی . زوار (پایا) یه (روما) نك حکمداری نظریله باققده دوام ایتدیلر ، حتی بعضاً « یشاسون قرال پایا ! » ندالریله نمایشلر یاپدیلر .

طقوزنجی (پی) کبی اون اوچنجی (لئون) دخی صورت دائمده (فارماصون) لرك علیهنده بولندی ، ۱۸۸۴ ده بونلر علیهنه خطاباً برتخیرات عمومیه و ۱۸۹۲ سنه سنده ایتالیان ملتته خطاباً برمکتوب نشر ایدرک « فارماصونلغه و یابوکامربوط جمعیتلرهنه منسوبیتلرندن شبنه ایدیلن اشخاص ایله قطع مناسبت ایدلسنی » توصیه ایلدی .

فقط ، اون اوچنجی (لئون) ك سیاست عملیه سی طقوزنجی (پی) نك مسلکهنه مشابه دکلدی . حکومتلر ایله مبارزه ایده جکنه مذاکره یه کیریشدی [ایتالیا مستشار ، بوراده پایا حکومت جسمانیهنه سنك حقوق و صلاحیتندن بیله واز کچمکه مجبور اولدی] ؛ اختلافاتی تمدید ایده جکی یرده منع ایلمک چاره لرینی آرادى . طقوزنجی (پی) زماننده منقطع اولان (اسویجره) ، (آلمانیا) ، (روسیه) مناسباتی تجدید ایتدی . (فرانسه) ده جمعیت روحانیسه علیهندهکی اجراءات صره سنده [۱۸۸۰] قطع مناسبتدن اجتناب و فرانسنر

(*) بوندن بشقه (پایا) بین الملل بر جمعیت روحانیه اولوب هیچ بر جمعیت جسمانییه تابع اولماسی اقتضا ایدن (پروپاگانده Propagande) ه غاندا اولان املاکک ایتالیا حکومتنك زیر اداره سنه ویرلسی حقنده کی قانونه صورت مخصوصده اعتراض ایتدی [۱۸۸۴] . طقوزنجی (پی) نك بقایای عظامنك نقل صره سنده قاتولیک دشمنلرینك نمایشلرینه [۱۸۸۱] ، « یوردانو برونو Giordano Bruno » نك شرفنه بر آیده رکز اولمسنه [۱۸۸۹] دخی اعتراضدن خالی قالدی .

جزئی ایدی — تعداد ایدیوردی [۱] .

۱۸۸۹ ده « زمانک مشکلاتندن طولایی سنن زوزف ایله حضرت مریمک
حمایه لینی طلب واسترحام ایچون » نشر اولنسان تحریرات عمومیه ده زمان حاضرک
« خرسنباں هیئت اجتماعیه سی ایچون » اک فلاکت آور زمانلردن بک آفرقی اولدینی
بیان ایدیلوردی .

اون اوچنچی لئون (ایتالیا) حکومتنه قارشی طقوزنجی (بی) نك مسلکنی عیناً محافظه
ایتدی . پاپالقی مقامنک سربستیسی و حکومت روحانیه نك تمامی استعمال و اجرایی
ایچون الزم اولان حکومت جسمانیه بی طلبیدن اصلاً فارغ اولدی . هر سنه قاردینالره خطاباً

حریت و برمه نك اک مقدس وظائفی تغییر ایتک ویا بلا مجازات ایفا ایلمک حنقنک بخش ایدلسی
دیئک اولدینقی بیان ایدیور [. - « حکومتک بردین ایله متدین اولسنه ویا برینی دیکرینه ترجیح
ایلمسنه سبب یوقدر ، عموم ادیانه عینی حق ویرملیدر »] پاپا ، عدالت و عقل سلیمک
حکومتی دینسز اولقدن ویا دینسزلکی انتیاج ایده جک بر حالدن ، ادیان مختلفه قارشی عینی
حسیاتی بسلمدن و بونلره بلا تفریق عینی حقوق ویرمکدن منع ایلدیکنی سویلیور [. - حریت
افکار و مطبوعاته کلنجه ، (پاپا) حقیقی و موافق ناموس اولان شیرک سربسته و کمال احتیاط
ایله نشر و تعمیمی حقیقی تصدیق ایدیور ایسه ده غیر صحیح افکاری ، حکومتک ، کندی اضمحلانله
سببیت و برمه سی ایچون منع ایتسی لازم کله جکنی ادعا ایلور .

[۱] تحریرات عمومیه دن : « کلیسا ، خرسنباںلق قواعد اساسیه سی حکومتک کانه قوانین
و نظاماتنه ادخال ایتکی شدتله آرزو ایدر . چونکه بودرجه مدح و ثنا ایدیلن حریتلردن متواتر
زمان حاضرک فنالقرینی برطرف ایتک ایچون اک مؤثر واسطه یوقاعددن عبارتدر . اگر بونلره
برچاره آرانیورسه قواعد سالمه دینه یه عودت اولمایدر . . . مع مافیہ کلیسا ، انسانیته مادر
مشفق اولدینی ایچون ضعف بشری نظر دفته آلیور . زمانیزی سوق و اداره ایدن جریان ، کلیسانک
مجهولی دکدر . ایته بونک ایچوندرکه کلیسا آنجق موافق حقیقت و ناموس اولان شیرله « حقوق
و صلاحیت » ویرمکله برابر ده زیاده فنالقی منع ، یا خود ده زیاده ایلیکی استحصال و یا محافظه
ایچون حکومتک حقیقته و عدالتیه مغایر اولان بعض خصوصاته تحمل ایتسنه مقاومت ایتز . فقط
بر حکومت حال تکملدن نه قدر اوزاقلاشیرسه او حکومتده فالغه مسامحه ایتک اودرجه
لازمدر ؛ شوقدرکه فناغه مسامحه سبب حقیقینک ، یعنی سلامت عامه نك التزام ایلدیکی حدود
خارجنه چیقما یلیدر . . . شاید حکومتک احوال مخصوصه سی حسبیله کلیسا ، زمان حاضر حریتلردن بعضرینی
قبول ایدر سه بونلری ترجیح ایتدیکندن طولایی دکل ، بلکه ایجاب حاله مناسب کوردیکی ایچون قبول ایله جک
واحوال زمان کسب صلاح ایدنجه کندی قواعد حریتی تطبیق ، طرف آلهیدن تعیین اولنان و وظائفی ایفا و بشریتک
سلامت ابدیه سی تأمینه غیرت ایدر جکدر . هر کسک هر شیده حر اولسی اصولی بذاته شایان قبول و آرزو اوله ماز ،
چونکه ساخته ایله حقیقتک عینی حقوقه نائل اولسنی عقل سلیم قبول ایده مر . » — (پاپا) کلیسا و حکومتک
تفریق اصولی محکوم ایتکدن ماعدا قانون یا بقی ، محاکمه ایتک جزا و یرمک حنقنک کلیسایه عائد اولدینقی
و کلیسانک آنجق بالا اختیار تابع اولانلری سوق و اداره ایله کتتا ایتسی لازم کله جکی نظریه سی ده رد
و جرح ایدیور .

۱۸۸۴ ده « فارماصولر جماعتی » دائر نشر اولنان تحریرات عمومی‌دهه فارماصولرک « طبیعیونک وسائط اجراییه سی » یعنی حکومت جسمانیه طرفدارلری اولدقلری و « حکومت ایله قوانینی قاتولیک دینک تأثیرات نجات بخشاسندن محروم ایتدکلری » و بو مسسکک نهایت « حکومتی تماماً کلیسا قوانینی خارجنده طومغه منجر اولدینی » ذکر و ایضاح اولنیور، طقوزنجی (پی) نك افکاری تکرار ایدیلوردی [۱].

۱۸۸۵ ده « حکومتلرک تشکلات دینه‌لرینه دائر » نشر اولنان تحریرات عمومی‌دهه « حیات سیاسیة ایچون کلیسا طرفندن تصدیق و تقدیر اولنان قواعد خارجنده بر طاقم قوانین آراق ادعاری » رد و جرح ایدلکدن صکره « حقوق جدید خطلاری » [۲] تعداد و « سیلابوس » ک محکوم ایتدیکی مواد سورت قطعیهده تکرار اولنیوردی .

۱۸۸۶ ده (محارستان) یسقوسلرینه خطاباً نشر ایدیلن تحریرات عمومی‌دهه « شاگردانک مواد دینه‌نقطه نظرندن جهالت مطلقه ایچنده تربیه ایدلمیزی ایچون » تأسیس و « بیطرف ، مختلط ، جسمانی ناملریله یاد اولنان مکتبلر » محکوم ایدیلوردی .

۱۸۸۸ ده « حریت بشریه » حقدنه نشر اولنان تحریرات عمومی‌دهه « اجرار نامنی آلمق ایستین آدملرک ، حریتپرورلرک یوزندن ایقاع فسادلایلین کیمسه‌لرک هر مملکتده انتشار ایدن مسلکلرندن » و سیاسیاده « طبیعیون » مسلکینی تطبیق ایتک ایسته‌ملرندن بحث ایدلکدن صکره « زمانیزک فوحت عظیمه‌سی کبی تلقی اولنان ، حریت مذاهب ، حریت افکار ، مطبوعات و تدریسات رد و جرح اولنیوردی [۳] . پایا . حریتپرورلرک مقابل ، کلیسا طرفندن مذاهب سائریه کویستریله بیله‌جک مساحهلری — که هر حالده پک

[۱] پاناک ، طبیعیونک مسلکلرندن رد و جرحه شایان کوردیکی مواد بروجه آتیدر :

نکاح مدنی (نکاح ، بر نوع مقاوله‌نامه‌دن بشقه بر شی دکدر ، روابط زوجیت حکومت جسمانیه‌نک قانونه تابعدر) ، ره‌بانک تدریساتدن منع ایدلمسی ، مساوات افراد بشر ، حاکمیت ملیه (حق حاکمیت ، ملنک امری ویا موافقی ایله اجرا واستعمال ایدیلیر) ، حکومتک مذهب نقطه نظرندن بیطرفلانی (مذاهب مختلفه‌دن برینی دیکرینه ترجیحه حاجت یوقدر ، کافه مذاهب عینی مرتبه‌ده عد ایدیلیدر) .

[۲] انسانلرک مساوات و حریت طبیعی‌لری ، حاکمیت ملیه ، نامحدود حریت افکار ، حکومت جسمانیه [حکومت علناهیچ بر مذهبک آیینی اجرا ایتلمی ، مذاهب مختلفه‌دن هانکیسنک حقیقی و دیکرلرینه مزاج اولدیغی آراماملی ، هپسنه‌عینی مساوات حقوقی تأمین ایلیدر . مسائل دینه افرادک حکمنه ، وجداننه تابع اوللی ، هرکس ایستدیکی دینی قبولده و حتی هیچ بر دینی موافقی کورمزسه ادیان مختلفه‌دن برینی قبول ایتمکده حراولیدر] تحریرات عمومی‌دهه « کلیسانک حکومت درجه‌سنده مکمل برهیت اجتماعی اولدی و حکومتلرک حضرت عیسا طرفندن کلیسایه ویریلن حقوقک هیچ برینی قالدیرماملری لازم کلدیکی » بیان ایدیلوردی .

[۳] تحریرات عمومی بومختلف حریتلر حقدنه شوصورتله اداره لسان ایدیلوردی : هرکسک ترجیح ایتدیکی مذهبی قبولی ویا هیچ برینی قبول ایتمه‌سی جائزدر . . . [پایا ، انسانه بودرجه

Inscrutabili « تحریرات عمومیہ سندنہ » اکثر ممالکدہ قبول ایدیلن و قاتولیک کلیسا سنک قوانین عالیہ سنہ مغایر بولنان قانونلری ، فنا اولان ہر شئی تدریس و نشر ایتک خصوصاً صندہ کی سربستی بی » رد و جرح ایلدی [۱] .

اشترا کیون علمبندہ اولہرق ۱۸۷۸ سنہ سی قانون اولندہ نشر ایدیلن « یکی خطا لر » تحریرات عمومیہ سی حکومت جسمانیہ بی ، حاکمیت ملیہ بی [۲] ، تدریساتک رہبان طرفدن اجرا ایلدہمی اصولی [۳] رد و جرح ایتدکدہ ایدی .

۱۸۸۰ دہ « نکاح دینی » یہ دائر نشر اولنان تحریرات عمومیہ دہ کلیسا تک خرسیان ایمر اطور لر زمانندن بری نکاح اوزرندہ حائر اولدینی « حقوق و صلاحیت قانونیہ وعدلیہ » تک دوام ایتسی لازم کله چیکی ادعا و « نکاح مقاولہ نامہ سنی مراسم روحانیہ دن تقریق ایدنلرک بومسئلہ دینیہ بی حکمدارلرک آرزو واستبدادینہ تودیع ایتدکری » بیان ایدیلوردی .

۱۸۸۱ دہ « حکومت جسمانیہ تک منشای » حقدہ نشر ایدیلن تحریرات عمومیہ دہ جمعیت بشریہ تک بر نوع مقاولہ نامہ دن عبارت اولدینی نظریہ سی ، اون سکزنجی عصرک « ساخته فلسفہ سی » ، حاکمیت ملیہ دینلن شی » رد و جرح اولنیوردی .

[۱] بوتحریرات عمومیہ یہ نظراً « جمعیت بشریہ بی هر طرفدن احاطہ ایدن فناقلر ، کلیسا تک حقوق و صلاحیت تک طانم اسندن ، رد ایدلسندن نشأت ایدیور . « پاپا » جمعیت بشریہ تک اساسی اولان حقایق عالیہ تک دوچار اضداد ایلدیکنی » بیان و « دینہ ، حضرت عیسا تک کلیسا سنہ بو قدر خصم اولان زمانز ایلہ کلیسا تک اقوام مختلفہ طرفدن برمادر مشفق کبی سوبلدیکی ازمئہ مسعودہ بی » مقایسہ ایتدکن صکرہ اسکی زمانلرک رجحانہ حکم ایدیور ، « اوزمانلر انسانلر دہا مسعود ایدی ، چونکہ بتون اقوام ہم حکومتہ ، ہم دہ کلیسا تک قانونلری نہ اطاعت ایدیورلردی ، حال بوکہ زمانز مدہش براوچورومک قعر نایابنہ طوغری سوروکلنوب کیدیور » دییوردی . حکومت روحانیہ دن محروم مدنیق « ساخته برمدنیت » عد ایلور . « دینزلرک قانونی » ایلہ وضع و قبول اولنان نکاح مدنی بی محکوم و « نکاح دینی یرتہ استغراش نظامی بی قبول ایدن قاتولیکری » تعیب ایدیور .

[۲] تحریرات عمومیہ یہ نظراً حاکمیت ملیہ ، « بتپرستلر زمانندہ بیلہ کورلمہ مش یکی بر دینزلرکدر ، چونکہ بوفکرہ کورہ حکومتلر جناب حق و جناب حقک وضع و تأسیس ایلدیکی نظام وانتظامی اصلاً نظر دقتہ آلمہ دن تشکل ایدیورلر ، حکومتک قوت وعظمتی ، نفوذ و صلاحیت بی جناب حقہ دکل ، ملتہ عطف واسناد ایتک بویاکش فکر دن ایلری کلیور . حکومتک تبعہ سنہ حکم ایتک حقنک طرف التہیدن بخش اولندیقنی انکار ایتک حکومت سیاسیہ تک بتون رونق وعظمتی ازالہ واعصاب حیاتہ سنی قطع ایلدکدر . حکومتک آرزوی ملتہ تابع ومطیع اولدینی سوبلمک اولای بویک برخطادر ، صکرہ دہ حق حکمداری بی پک چوروک برتملہ استناد ایتدیورمکدر . » [۳] تحریرات عمومیہ یہ نظراً تدریساتک نفوذ رہباندن آزادہ اولسی « دارالفنون ، مکاتب اعدادیہ وسائرہ تدریساتندن جمعیت بشریہ تک خالق ومنجیسی طرد و اخراج ایامک دیمکدر . »

و صلاحیت رسمیه‌سی هر پرده دوچار تزلزل اولمشدی . — جنوب مملکتلرنده کی نفوذ عظیمی غائب ایتمش ، اسپانیا بيله وحدت اعتقاد قاعده سندن واز کچمشدی . — (ایتالیا) و (اوستریا) حریت مذاهب اصولنی قبول ایتمش لر دی . — (آلمانیا) کلیسانک نکاح اوزرنده کی صلاحیتی و هیئت رهبانک مختاریتی قالدیرمشدی . — (فرانسه و بلجیقا) ده کلیسا دشمنی اولان بر فرقه موقع اقتداره کچمک اوزره بولنیور و مکتبعلری رهبان لندن آلمفه حاضر لنیوردی . — فقط بتون بو اختلافات و منازعات قاتولیکلرک حس غیرت و دیانتلرنی تحریک ایتمش ، بولنلری اتحاده مجبور ایلمش ، پاپالق مقامندن آریلان ملیت طرفدارلریله احرار ، قاتولیکلرک اتحادینه مقاومت ایده میهرک ازیلمش لر دی ؛ بتون قاتولیکلر مبارزه سیاسییه حاضر ، بر رئیسهمطبع بر فرقه حائنده بر لشیور لر دی . قاتولیک فرقه‌سی (بلجیقا) ده موقعی محافظه ایده جک درجده قوتلی ایدی [۱۸۷۰ الی ۱۸۷۸] ؛ اسویچر ده تشکیلاتی تجدد و تقویه ایلمش ، قدیم (زوندر بوند) قانتونلرنی اده ایتمشدی [طقوزنجی بابہ مراجعت] ؛ پروسیه و آلمانیا ده «مرکز» فرقه‌سنی وجوده کتیرمشدی [اون آلتنجی بابہ مراجعت] ؛ اوستریا ده دخی قوتلی «بر فرقه» تشکل ایتمک باشلادی . (اسپانیا) و (فرانسه) ده قاتولیکلر فرقه محافظه کار ایله متحد بولنیور لر و بو صورتله بیوک بر قوت اده ایدی سولر دی . — طقوزنجی (پی) نک اوتوزنجی دور سنوی جلوس [۱۸۷۷] ، قاتولیک فرقه سنک قدرت اقتصادی سنی بتون عالمه کوستردی ؛ (پاپا) یه قاتولیکلر طرفندن کوندریلن ایانک مقداری ۵۱ میلیون فرانسی کجدی . صادق قاتولیکلرک تبرعاتندن ، هدایاسندن عبارت اولان پاپالق مقامی وارداتی ایتالیا حکومتک تخصیصاتی قبوله مجبوریت حس ایتدیرمیور ، مصارفاته تقابل ایدیوردی .

اوره اوجنجی لئونک سیاسی . — طقوزنجی (پی) نک خانی ایتالیا ایله ائتلاف طرفدارلر و علمهدارلری آرهنده متوسط ایلان فرقه نک نامزدی صفتیله انتخاب ایدلدی [شباط ۱۸۷۸] جزویت لک شاکردی و اون ایکنجی (لئون) ک محیسی ایدی ، اون اوجنجی (لئون) عنوانی آلدی . کلیسا حکومتنده (ده له غا) ، یعنی والیک مأموریتی و بلجیقاد قاتولیک فرقه سنک تشکیلاتی اکیال ایتدیکی صروده ۱۸۴۳ — ۴۶ وظیفه سفارتی ایلمش اولدینی ایچون امور سیاسی ده اولدقجه تجر به کار ایدی .

اون اوجنجی (لئون) ک کلیسا ایله حکومت آرهنده کی مناسباته دائر اولان مسالک سیاسی طقوزنجی (پی) سیاستک عینی ایدی ؛ نشر ایلدیکی بیاننامه لرده خرستیان هیئت اجتماعیه سی حقنده عین فکرلری اظهار و هیئت اجتماعیه جدیده علیهنده «سیلابوس» ک محتویاتی تکرار ایتدی . ۱۸۷۸ سنهنده نشر ایدیلن «اینسفر و تابیلی

مقامی ایله اسپانیا حکومتی آرسنده کی انقطاع مناسبات ۱۸۷۴ سنه سنه قدر دوام ایندی. نهایت (پایا) اون ایکنجی (آلفونس) ک حکومتی تصدیقه موافقت ایلدی؛ فقط وحدت اعتقاد قاعده سنک تماماً تطبیقه موفوق اوله مدی و مذاهب سائر یه مساعدده ایدن ۱۸۷۶ قانون اساسی پروتستو ایندی (اوننجی بابہ مراجعت).

روس حکومتی، (لهستان) ده کی قاتولیک کلیسای علمینده اتخاذ اولنان تدابیردن طولانی، ۱۸۶۶ سنه سندن اعتباراً طقوزنجی (پی) ایله مناسبات رسمیه پی قطع ایش، (روما) ده کی سفیرینی کری به آلمش و (له) هیئت رهبانیه (پایا) ایله مناسبتده بولنجی منع ایلمشدی.

(آلمانیا) و (اسویچره) ده، مجلس عمومی روحانی مسئله سی، طولایسیله ظهور اختلافه سبب اولدی. پاپالقی مقامی طانیان قاتولیکر مسئله سیله باشلایان اختلاف انقطاع مناسبات ایله نتیجه لندی [طقونجی و اون آلتنجی بابله مراجعت].

طقوزنجی (پی) اواخر عمرینی (اوروپا) نک مختلف مملکتلرنده کلیسا علمینده اتخاذ اولنان تدابیره اعتراض ایشکله کچردی؛ بوبابده کی وحدت و نفرتی زواره ایراد ایلدیکی نطقلر، سفرا سنه کوندردیکی تحریرات عمومیله، حال اختلافده بولندیکی مملکتلرک هیئت رهبانیه و صادق قاتولیکرینه خطاباً نشر ایتمدیکی امرنامه لر ایله اظهار ایدیوردی [*].

کلیسای بتون حکومتلر ایله حال اختلافده برافرق وفات ایندی. کلیسا نکل نفوذ

[*] ۱۸۷۲ سنه سی حزراننده آلمان مطالعه قلوبنده ایراد ایلدیکی برنطقده «باش وکیل طرفندن آلمانده کلیسا علمینده اجرا ایملین تضمیندن» شکایت وشوجلله مشهور پی ایراده ایندی: «طاغک تپه سنده طوران کوچک برطاشک یاقینده برندن اوینایه رق کلیسا دشمنک آیاغی قیرمیه جعی کیسه تأمین ایده بیلیر!» — ۱۸۷۲ سنه سی کانون اولنده قاردینالردن مرکب اوله رق عقد اجتماع ایدن مجلس روحانیه (ایتالیا) ده کلیسا املاکنه واقع اولان تجاوز علمینده اداره لسان ایتمدیکی کچی (آلمانیا)، (اسویچره) و (اسپانیا) حکومتلری علمینده دخی بولندی. — ۱۸۷۳ سنه سی تشرین ثانیسنده (آلمانیا) و (اسویچره) ده هیئت رهبان علمینده اتخاذ اولنان تدابیر تضمیندن و پاپالقی مقامندن آریلان قاتولیکرک نائل اولدقلری حمایه دن شکایت ایچون برتحریرات عمومیله نشر ایندی. — ۱۸۷۵ سنه سی شایطنده (پروسیه) پسیوسلرینه کوندر دیکی تحریرات عمومیله مایس قانونلرینک [اون آلتنجی بابہ مراجعت] کلیسا احکامنه مغایر و بنا برین کآن لم یکن حکمنده اولدیغی بیان ایندی. — ۱۸۷۷ سنه سی مایسنده آلمان زوارینه خطاباً ایراد ایلدیکی نطقده: «بوندن برچوق عصر اول جناب حق اقوامی ایقاپ ایچون بر (آتیلا) کوندردی، بوکون آلمان قوم نجیبی یکی بر (آتیلا) ایله ایقاپ ایدیور. «دیدی. — اوستریالی زواره خطاباً ایراد ایتمدیکی نطقده ده: «بوکون بتون دنیایی عموم اقوامک آرزوسی خلافه اوله رق انقلاب و اختلال اداره ایدیور. «سوزلری سولیدی. — ۱۸۷۸ سنه سی کانون ثانیسنده (هومبر) ک ایتالیا قرالی عنوانیه مقام حکمداری به کچمه اعتراض ایندی.

« قونقوردا » دن بساتون قورتولمق ایستدی ؛ مجلس عمومی روحانی طرفندن قبول ایدیلن اساسک (پاپا) نك حقوقی توسیع اتمک و بتون نفوذ و صلاحیتی آنک شخصنده جمع ایلمک صورتیه کلیسایله حکومت آره‌سنده کی مناسباتی بشقه برصورتیه افراغ ایلدیکنی اعلان ایتدی ؛ طرفین عاقدیندن برینک موقعی تبدل ایتدیکندن « قونقوردا » حکمسنز قالمشدی . اختلاف ، ۱۸۷۳ قانونلریله ده شددتلی اوله‌رق دوام ایتدی [اون یدنجی بابیه مراجعت] ؛ (اوستریا) ، ایکنجی (ژوزف) زماننده کی اصوله عودت ایتدی . فقط حکومتک وصایتی حتمده کی تعامل قدیمی احیایتمدی ، کلیسا یواش یواش (فرانسه) ده حائز اولدینی موقعی احراز ایتدی ، یالکز سجل نفوس معاملاتی (اوستریا) ده رهبان‌لر قالدی .

(فرانسه) ده ، اختلاف ، ایمپراطورلق دورینک ختامنه قدر ایکنجی درجه مسألله ؛ « سیللابوس » ک نشرینه ، (دوروی) نك اصلاحات تدریسیه سی ، اناک مکاتبک نفوذ رهبانندن تخلیصی ، معلملرک مسلك مادبوننی قبول ایتلری علمنده بسخپوسلرک اعتراضاتنه مختصر قالدی . قاتولیک فرقه‌سی حکومتی (پاپا) نك حکومت جسمانیه‌سنی مدافعه‌یه مجبور اتمک ایچون کز یازده (روما) مسئله‌بله مشغول اولدی . (دوپانلو) نك ریاست ایتدیکی قاتولیک احرارایله (وویو) نك اداره ایتدیکی لایمخطبلک فرقه‌سی آره‌سنده مباحثات و مناقشات شدیدیه ظهور ایتدی . مجلس ملی دوام ایتدیکی ائنده قاتولیک فرقه‌سی حکومتی ، (پاپا) نك حکومت جسمانیه‌سی لهنده مداخله ایتدیرمکه چالیشدی [یدنجی بابیه مراجعت] ، فقط قاتولیک دارالفنونک تأسیدن بشقه برشدیه موفق اولمدی . بعده رهبان علمیداراننی غلبه ایتدیکندن جمهوریت فرقه‌سی حکومتک مساعدیه‌سنی حائز اولمان طریقت روحانیه منسوبیننی طرد ایتدی [۱۸۸۰] ، ۱۸۵۰ قانونندن بری مجالس بلدییه مربوط اولان مکاتب ابتدائیه‌دن رهبانی چیقاردی ، یالکز خصوصی مملکتلرده رهبان طرفندن تدریسات اجرا سنه مساعدیه و یردی ؛ ۱۸۸۹ سنه سنده ، رهبانک بتون قاتولیک مملکتلرنده حائز اولدولری معافیت عسکریه‌نی قالدیردی .

(اسپانیا) ده کلیسایله حکومت آره‌سنده کی اختلاف ۱۸۶۸ انقلابندن صکره پک زیاده کسب شدت ایتدی ؛ ایلک دفعه اوله‌رق (اسپانیا) ده وحدت اعتقاد قاعده‌سی رسماً الغا ایلدی [اوتنجی بابیه مراجعت] ؛ ۱۸۶۸ قانون اساسیسی قاتولیک مذهبندن ماعدا دیگر مذہبلرک دخی سربسب اولدیغنی اعلان ایتدی ؛ بعده ، هیئت رهبان حکومت علمینده بولندیغندن (قورتس) مجلسلری نکاح مدنی اصولنی تأسیس ایلدی . طقوزنجی (پی) آچیقندن آچیغه حکمدار مشروع (دون کارلوس) ی التزام ایتدیکندن پاپالقی

دوام و قاتولیکارک انتخاباته اشتراکری نی منع ایلدی. (ایتالیا) حکومتی (قاوور) زمانندن بری قاتولیک احرارک افکارنی، «سربست حکومتده سربست کلیسا» مسلکنی قبول ایتشدی؛ (بلجیقا) اصولنی (ایتالیا) یه ادخاله چالیشدی. بر طرفدن سربستی تام مذاهی [وبالاخره نکاح مدنی پی] موقع تطبیقه وضع ایده جک صورتده، رهبانک حکومت روحانیه سنی، کلیسا محکمه لرینی، رهبانه مخصوص اعشاری قالدیردی [۱۸۶۶]؛ مناسترلرک قسم اعظمنی قباتدی، کلیسا املاکنی املاک امیرییه میاننه ادخال و املاکی ضبط اولنان رهبانه معاش تخصیص ایتدی. دیگر طرفدن (پاپا) یه پسقبوس تعیین ایتک صلاحیتی برافرق کلیسانک بعض احوالده حکومته تابع اولمی اصولنی الفا وهیئت رهبانک رتب و مناصب روحانیه سنی محافظه ایلدی. فقط (پاپا) برباده (ایتالیا) حکومتیله مذاکره یه کیریشمکدن امتناع ایتدیکی ایچون بوتشکیلات کلیسا طرفندن تصدیق ایلمدی.

۱۸۷۰ سنه سی ایولنده (روما) نک اشغالی اختلافک کسب شدت ایتسنه سبب اولدی. حکومت، «تأمینات قانونی» ایله، (پاپا) نک (واتیقان) سراینده حکمدار اوله رق قالمسنی، کندیسنه تخصیصات سنویه اعطاسنی، کلیسا رئیسی صفتیله حائز اولدیغنی صلاحیتی بالاستقلال استعمال ایلمسنی تعهد ایتدی و امور مذهبییه ده حکومت جسمانیه نک صلاحیتی تماماً قالدیردی. فقط طقوزنجی (پی)، «معناً اسیر اولدیغنی» بیان ایدرک مذاکره یه کیریشمکدن امتناع ایتدی و (واتیقان) سراینه قپاندی. «روما» شهرنده دین دشمنلرینه تصادف ایتدیکنی و اختلافلیرک، پروتستانلرک کندی فکرلرینی علناً بیان ایلدکلری حالده جزاسز قالدق لرینی سویلهرک سرایدن طیشاری یه چیقمدی. اوزماندن بری اختلاف دوام ایدوب کیتدی.

(اوستریا) ده «قونقوردا» احکامنه مغایر اوله رق سربستی مذاهب قاعده سنی تأمین ایدن ۱۸۶۷ قانون اساسیسی (پاپا) ایله اختلاف ظهورینه سبب اولدی [اون یدنجی بابه مراجعت]. حکومت، «قونقوردا» احکامنه مغایر قانونلر تنظیمنه باشلادی؛ (پاپا)، رئیس روحانی صفتیله، قوانین مذکورهنک کأن لم یکن حکمنده اولدیغنی اعلان ایتدی و بوضورتله حکومت روحانیه نک حکومت جسمانیه طرفندن تنظیم ایدیلن قانونلری رد ایتک حقه مانک اولدیغنی اثبات ایلمک ایستدی.

(اوستریا) حکومتی، حکومت جسمانیه نک کلیسا ایله مشترکاً تنظیم ایدیلن برقانونی بیله تعدیل ایتک صلاحیتنه مالک بولدیغنی ادعا ایدرک سالف الذکر قوانینی محافظه ایتدی. بعده لایخطبلیک مسئله سنک اعلانندن بالاستفاده ذاتاً اولجه رعایت ایتمه مک باشلادیغنی

وسائط مدافعتن محروم بولنه حق ایدی . (پاپا) مجلس روحانی مذاکراتی تأخیر ، براز صکره غیر معین بر تاریخه تعلیق ایتدی [۲۰ تشرین اول] .

(واتیقان) مجلس روحانیسی ، مذاکره دعوت اولندیغی مسائلی حل ایتزدن اول قبانندی ؛ آنجق اساس اعتقاد ایلہ (پاپا) حقنده کی فصول ومواد قبول ایتشدی . وظیفهسی مواد اعتقادیده (پاپا) نک استقلال حقوق دیمک اولان لایخطیلک اعتقادی قبول واعلان ایتمکدن عبارت قالشدی (*) . بوتدیر ، اعتقادک اعلانی علمدارلرینک قورقدینی کبی بر جوق قاریشقیقلر وقوعنه سبب اولمادی . بتون بسقپوسلر اطاعت ایتدیلر . مجلس روحانی طرفندن قبول ایدیلان لایخطیلک اعتقادیغی یالکز آلمان السہیات معلملری وراہلری رد ایلدیلر ، بسقپوسلر طرفندن طلب اولنان بیاننامہی امضادن امتناع و آریجه بر کلیسا تأسیس ایتدیلر [۱۸۷۱] ؛ فقط (روما) دن آریلان بوقاتولیکلر (آلمانیا) و (اسویچرہ) یہ منحصر قالدقلمی کبی اورالزده السہیات معلملریلہ نصف متوسط اہالی آرسندہ بک آز طرفدار بولدیلر ؛ صنوف سائرہ اہالی میانہ نفوذ ایدہمدیلر . — حکومتلر ، مجلس مقرراتی تعیب ایلدیلر ؛ فقط غیر روحانی اولانلرک امور مذہبیہ یہ مداخلہ ایتلمی زماننک مرور ایتدیکنی قانع ایدیلر ؛ یالکز (اوستریا) مجلس روحانی امرنامہلرینک نشرینہ مانع اولدی .

کلیسا ایدہ حکومت آرسندہ اہتدوفات . — ارتجاعک ختامندن صکرہ قاتولیک کلیساییلہ حکومتلر آرسندہ اختلافلر ظهور ایتمکہ باشلامشدی . اک شدتلی اختلاف حکومت جسمانیہ دن (روما) نک ضبطندن طولانی (ایتالیا) حکومتیلہ ظهور ایتشدی [اون برنجی بابہ مراجعت] . پاپا ، حکومت روحانیہسنی اجرا ایچون حکومت جسمانیہسنتک محافظہسی الزم اولدیغنی اعلان ایتدیکندن اختلافات سیاسیہ دین مسئلہسی حالی آیلوردی . ہر مملکتدہ کی قاتولیکلر حکومت جسمانیہسنتک اعادہسی ایچون حکومت متبوعہلرینک مداخلہلرینی طلب ایدیورلردی . (پاپا) ، (ایتالیا) حکومتی طانیقندن امتناع ایدرک « پیہ مونته حکومتک حرکات شقاوتکارانہسنہ ، حیدودلغنه » قارشی پروتستو ایتمکدہ

(*) لایخطیلک نظریہسی ۱۸ نوموز ۱۸۷۰ دہ نشر اولنان امرنامہدہ شوصورتلہ ایضاح

ایدیلور :

« پاپا ، کلیسادہ سوز سولیدیکی ، یعنی حائز اولدیغی حق روحانی موجہجہ بتون خرستیانلرک ربیبی و صریبسی وظیفہسنی ایفا ایلدیکی زمان اعتقاد ویا اخلاق حقندہ بتون کلیسا طرفندن قبولی لازم کلن براساس ذکر ایدیور دیمکدر ؛ پاپا ، (سن پیر) ک وکیلی اولق حسابیلہ کندیسنہ موعود اولان لطف و معاونت السہی سایہسندہ اعتقاد ویا اخلاق حقندہ کی فکر ورآیندہ لایخطیدر ؛ بناءً علیہ (پاپا) نک قراری کلیسانک موافقتیلہ تعدیل ایدیلہ ضر ، بذاتہ غیر قابل تعدیل و تصحیحیدر . »

درده آیرلش اولان بر جوق مسائل مختلفه بی مذا کره ایده جکدی . اساس مسئله ، اعتقاده متعلق موادک تعیین و تعریفده ایدی . « سیلابوس » . مشابه اولمق اوزره کلیساجه رد و جرح اولنان خطالری محتوی بر لایحه تنظیم اولنمش ؛ فقط لایخطیلک مسئله سی بوکا ادخال ایدلمه مشدی . لایخطیلکک اعلانی طرفداری اولانلر ۴۰۰ اعضانک امضاسنی حاوی بر عریضه بی (پاپا) یه ویره رک بونک مجلسه تودیع اولنمشنی رجا ایتدیلر . بولایحه ، باشلیجه زمین اختلاف اولدی ؛ (پاپا) بی التزام ایدن اکثریت همان اعطای رأی ایدلمسنی ایستیوردی ؛ اقلیتده قالانلر [۴۶ آلمان و اوستریالی ، ۳۰ فرانسه ، ۲۰ ایتالیا] بومسئله نك مجلسده مذا کره ایدلمه مسنی طلب ایتدیلر [کانون ثانی ۱۸۷۰] . پاپا ، امرنامه لرك اتفاق آرا ایله دکل ، اکثریت آرا ایله قبول اولنه جغه دأثر بر نظامنامه داخلی تنظیم ایلدی [۲۰ شباط] ؛ اقلیت بوکاده اعتراض ایتدی . بونک اوزرینه (پاپا) لایحه یه علاوه اولمق اوزره « کلیسانک اساس اعتقادی » حقه نده یکی بر ماده قبول اولنمشنی تکلیف ایلدی ؛ بویسه لایخطیلکی صورت قطعیده اعلان دیمکدی ؛ اکثریت مواد ساؤنک مذا کراتنده حائز رحجان اولملرینی ایستدی .

اعتقاد حقه نده کی لایحه اتفاق آرا ایله قبول ایدلکدن صکره - مذا کرات اصولنک تبدیلنه اعتراض ایدن ۷۷ اعضانک امضاسنی حاوی عریضه یه رغماً - لایخطیلک مسئله - سنک مذا کره سنه ابتدار اولندی [۲۴ نیسان] . مضبطه محرری و (بوواتیه) بسقپوسی (پی) لایخطیلک اعتقادینک اعلان اولنمشه لزوم کوستردی ؛ بو باده یکی بر دلیل در میان ایدیوردی : (سن بیهر) باش آشانی اولمق اوزره چارمیخه کریمه مشدی ؛ باشی بتون وجودینک ثقلتی چکیوردی ؛ بونک کبی (پاپا) ده کلیسانک بتون بارتکالیفی باشنده طاشیور ؛ حال بوکه لایخطی اولان طاشیاندر ، طاشینان شی دکلدر . - لایحه نك تعدیلی ایچون ۱۳۹ تکلیف در میان ایدلدی ؛ فقط (روما) ده اقامت حسب الموسم کتدکجه مشکلاته اوغرا یوردی ؛ مذا کراته بر آن اول ختام ویرمک ایستین اکثریت ایراد ایدیله جکی خبر ویریلن نطق لرك ختامی بکله مدی ، مذا کراتک ختام بولدیغنی اعلان ایلدی ؛ ده ۴۰ خطیب سوز سوبلیه جکدی . (پاپا) حقه نده کی مواد ، لایخطیلک اعتقادینی مبین ماده ایله برابر ، ۸۸ رده و ۶۱ تعدیل شرطیله قبوله قارشی ۳۷۱ رأی ایله قبول اولندی [۱۳ تموز] . ۱۱۵ اعضادن مرکب اولان اقلیت ۲ رأیه قارشی ۵۴۷ رأی ایله کلیسانک تشکیلاتی قبول ایدن جلسه عمومیده حاضر بولنهنه دن (روما) دن عزیمت ایتدی [۱۸ تموز] . فرانسه (روسیه) یه اعلان حرب ایتمش ، (روما) فرانسه عسکری طرفدن تخلیه ایدیله جک و ایتالیا نلره قارشی

مجلس عمومی اول (پاپا) نك مجلسه قبول ایتدیردیکی نظامنامه داخلیدن طولانی (خروات) پسقپوسی (استروس مایر Strossmayer) طرفندن اعتراض واقع اولدی، بده آلمان و اوستریالی پسقپوسلر عین مسئلهیه اعتراض ایچون برعریضه تقدیم ایتدیلر [کانون ثانی ۱۸۷۰]. — مخالفلر ایکی قسمدی . بر قسمی ، (پاپا) نك لایخطیلکی علمینده بولانلر ، لایخطیلک اعتقادینی کلیسانک تعامل قدیمنه مخالف کوره رک — ردایدیورلردی؛ (دولینگر Döllinger) بو فکره « انقلاب دینی » نظریله باقیوردی . قسم دیگرى ، اغلب احتمال قسم اعظمی، لایخطیلک اعتقادینی قبول ایدیورلر، فقط بونک اعلانی ایچون زمانی مناسب بولمورلر ، افکار عمومیده (پاپا) نك بتون دنیا حکومتنه کوز دیکدیکی ظنی حاصل ایدرک حکومتلری حدتاندیرمکدن و « سیلابوس » مناسبتیله اتخاذا اولنان تداییر تضدیه نك تشدیدینه سبب اولمقدن قورقورلردی؛ بولره « وقت وحالی مناسب کورمینلر » نامی ویرلدی، که قاتولیک احرار فرقه‌سی ایدی .

مخالفلر مجلس عمومیده تطبیق اولنان نظامنامه داخلیدن ، موقع ریاستده بولنان قاردیناللرک مخالف اعضانک سربستهجه سوز سویلملرینه مانع اولدقلرندن ، کلیسانک برقسمندن عبارت اولان مذاکره سالوننده سسک لایقیله ایشیدلمه مسندن ، مذاکرات ضبطنامه لرینک طوتولماسندن ، لایخطیلک فرقه‌سنه منسوب غزته جیلرک نشر ایتدکاری مقالاتدن شکایت ایتدیلر [فرانسز پسقپوساری غزته‌جی « وویو » نك علمینده بر رساله نشر ایلدیلر ، بوکا مقابل « پاپا » غزته‌جییه تقدیرنامه کوندردی] . مخالفلر آرانک وقت مناسبندن اول جمع وتصنیف ایدلدیکنه دخی اعتراض ایدیورلر واقیفته قالان پسقپوسارک اکثریته نسبتله — که ۲۴ میلیون نفوسی تمثیل ایدن ایتالیانلرک بر میلیون نفوسی تمثیل ایدن شرقلیلردن و برده فخری پسقپوسلردن عبارتدی — دهاچوق قاتولیک مملکتلری نامنه حرکت ایتدکاری حساب ایلدورلردی . — (پاپا) خفی طوتلمسی لازم کلن مذاکراتک افشا اولنمسندن طولانی شکایت ایتدی؛ ۱۸۷۰ سنه‌سی کانون نایسنده « آتوغسبورغ غزته‌سی » ایله نشر اولنان مقالات خفی قالمسی ایجاب ایدن مذاکراتی میدان علنیته چیقاردی . (پاپا) کندیسنه قارشى تعامل قدیمدن بحث اولنسنه حدتلدی ، « تعامل بندن عبارتدر » دیدی . افکار عمومیه حکومت مطلقه طرفدارى (جزویت) لر طرفندن اداره اولنان (پاپا) ایله فرقه احراره ویا فرقه ملییه منسوب پسقپوسلر آره‌سندنه سدتلی براختلاف بولندیغنه قانع اولدی . بورقابتک مجلس عمومی مذاکراتنده نه درجهیه قدر اجرای تأثیر ایتدیکنی آکلامق بوکونده ممکن دکلدیر .

مجلس عمومی روحانی اعتقاد ، انضباط ، روحانی طریقئر ، شرق کلیسای نامیله

مرکب برانجمنی بویابده لازم کلن امرنامه‌لری حاضر لامغه مأمور ایتدی [۱۸۶۷]. بعده اوج عصر دن بری ایلك دفعه اولق اوزره بر مجلس روحانی (واتیقان) ده عقد اجتماعه دعوت ایلدی [خزیران ۱۸۶۸].

۸ کانون اول ۱۸۶۹ تاریخنده اجتماع ایدن مجلس عمومی روحانی کافه‌سی صنف رهبانه منسوب ۷۸۰ اعضادن مرکبیدی [۱]. هیچ بر حکومت مجلسه مرخص کوندرمدی. (پاپا)، مجلس مذاکراتنک صورت جریاتی بالاستقلال تعیین ایتشدی؛ لایحه‌لر انتخاب ایتدیکی انجمنلر طرفندن تحریر اولنوردی، کندیسنک مساعده‌سی اولمدهن هیچ بر شی مذاکره ایدیه‌مزدی، بر تکلیفده بولمق حقی یالکنز (پاپا) به عاقدی. مذاکره ایدیه‌جک مواد اول امرده (پاپا) طرفندن انتخاب اولنان بر (قاردینال) ک تحت ریاستنده (قونفره فاسیون ژرنال Congrégation générale) طرزنده تشکل ایدن بر مجلس عمومی روحانیده مذاکره اولنوردی؛ رئیسک مساعده‌سی اولمدهن اعضادن هیچ بری سوز سویلیه‌مزدی. بو مجلسده مذاکره اولنان لایحه اتفاق آرا ایله انتخاب اولنان ۲۴ اعضادن مرکب بر «هیئت مبعوثه» به کیدردی؛ هیئت لایحه‌یی مذاکره ایدرک مطبوع بر راپور تقدیم ایدردی. بونک اوزرینه تکرار مجلس عمومیده موقع تذکره وضع اولنوردی؛ اعضادن هربری شفاهاً «اوت»، یا خود «خیر» ویا «تعديل ایله قبول» دیهرک رأی ویرردی. مذاکره لاتینجه جریان ایدردی؛ جلسهلر خفی و اعضانک کافه‌سی مذاکراتی افشا ایتمه‌مکه مجبور ایدی. عمومی جلسهلر آنجق مقرراتک نشر و اعلان اولندیفی جلسهلر ایدی. (پاپا) ایتالیا نلردن، ۴۲ ممالک شرقیه رؤسای روحانیه سیله ۱۱۹ فخری بسقوسدن مرکب بر اکثریت تأمین ایتشدی.

مخالفت، مجلس عمومی روحانینک اجتماعندن اول واقع اولان نشریات ایله باشلامشدی [۲].

[۱] مجلس عمومی روحانی اعضاسی رتبه‌لرینه کوره بروجه آتی ایدی: ۴۸ قاردینال، ۱۰ بطریق، ۴ پریمات، ۱۳۷ سر بسقوس، ۵۲۷ بسقوس، ۱۶ بسقوس تاجنی حائز راهب، ۳۵ طریقت روحانیه رئیس ویا رئیس وکیل. — منسوب اولدقلری ملتلره نظراً: ۲۲۴ ایتالیا، ۸۰ فرانسز، ۴۰ اسپانیول، ۴۳ اوستریالی، ۱۶ آلمان، ۲۷ انکلیز، ۱۹ ایرلاندالی، ۴۰ شمالی آسریقالی، ۹ قنادالی، ۳۰ لاتین آسریقالی، ۱۹ اوروپا حکومت صغیره منسوب، ۲: ممالک شرقیه منسوب، ۱۱۹ فخری بسقوس وسائره.

[۲] آلمانیه‌ده (مونرخ) الهیات دارالفنونی معلمی و آلمان قاتولیک الهیات متخصصلرینک الک مشهوری اولان (دولینکر) ۱۸۶۹ سنه‌سی مارتنده (آئوغسبورغ غزته‌سی) ایله نشر ایتدیکی مقالاتی (پاپا و مجلس روحانو) عنوانی بر کتایده جمع و (یانوس) نام مستعار ایله طبع و نشر ایتدی. — فرانسه‌ده (پارس) الهیات دارالفنونی معلمی (ماره) ۱۸۶۹ سنه‌سی ایلولنده (مجلس روحانی و منافع دینه) عنوانیه بر کتاب نشر ایلدی.

قاعده سنی قبول ایدن قاتولیک احرار بیله محکومین میاننده ایدی [۱] . قاتولیک مذهبک قبول ایتدیکی هیئت اجتماعیه ایله هیئت اجتماعیه جدیده آره سنده کی ضدی تماماً ارانه ایتک ایچون « سیلابوس » كخامه سنده « پاپا ، مدنیت و ترقیات جدیده پی ، افکار حریت پرورانه پی قبول ایده بیلیر و ایتیلیر . » فکرینك ده غیر صحیح و شایان تعیب اولدیغی بیان ایدیلوردی . « سیلابوس » ، شکل مختصر و منقیسی حسبیله ، غایت کوچ تفسیر اولانه بیلیر ، مؤلفك فکری حقیقی سنی کشف ایده بیلیمك ایچون هر بر ماده پی شکل منفیدن شکل مثبته افراغ ایتک کافی دکدر ، بوندن بشقه « سیلابوس » ده محرر اولان « منعا » ایله « نظریه » لری بر لرندن تفریق ایتک ایجاب ایدر ، حد ذاتنده رد و جرح اولنان بر قضیه ، احوال و شرائطك تبدیلیه شایان قبول اوله بیلیر . « سیلابوس » ، هر ایکسی طقوزنجی (پی) طرفندن مظاهر تقدیر اولمق اوزره ایکی مختلف طرزده تفسیر ایدلدی [۲] . تحریرات عمومیه ایله « سیلابوس » یان یانه قونوب تدقیق ایدیلیرسه (پاپا) نك حکومات حاضره پی محکوم ایتسه بیله بسبتون بشقه بر فکریه بولندیغی و قرون وسطانه کی اصول اداره پی ترجیح ایتدیکی تبیین ایدر . کلیسا دشمنلری « سیلابوس » ی کمال مسرتله تالیق ایتیلیر و بونی (پاپا) نك هیئت اجتماعیه حاضره علمینده بر اعلان حربی کبی کوستردیله ؛ حکومتلرک جانلری صیقیلدی ، نشرینه مانع اولمغه چالیشدیله ، قاتولیک احرار ایسه خیلی مشکل موقعده قالدیلر .

و ایتقانه مجلس روحانی [۱۸۶۷ - ۷۰] . — طقوزنجی (پی) قاتولیک هیئت اجتماعیه سنك قوانین مذهبیه موافق اوله رق یکیدن تشکیلی ، احیاسی فکرینه قوت و یرمک ایچون (پاپا) نك اساس اعتقادیه متعلق خصوصاً بیه کلیسانك حاکم مطلق اولدیغی کوسترمک ، (پاپا) نك لایخیطلیکنی قبول ایتدیرمک ایستدی . آلتی (قاردینال) دن

[۱] « ۷۷ ، قاتولیک مذهبک یکانه دین رسمی حکومت عد ایدله سی و دیگر ادیانك خارج طوتمسی زمانزده هیچ بر فائده پی موج دکدر . — ۷۸ ، بونك ایچون بعض قاتولیک مملکتلرنده اجانبک کندی آیین مذهبیلر نی اجزاده قانوناً سربست بولملری پک موافقدر . »

[۲] فرانسه ده قاتولیک احرار فرقه سی رؤساسندن (اورلئان) پستپوسی (دوپان لو Dupanloup) سیلابوسك ایلول مقوله نامه سنه بر جواب اولمق ویا لکن فکر انقلابی و افکار جدیده حریت پرورانه نك سوء استعمالتی رد و جرح ایتک مقصدیله نشر ایدلیرکنه قاعدت [پاپانك تحریرات عمومیه سی و ایلول مقوله نامه سی ، ۱۸۶۴] ، بو طرز تفسیر ۶۳۰ پستپوس طرفندن قبول ایدلدی (آ. بوسه بوف A. Bosseboeuf) ك ۱۸۸۵ سنه سنده سیلابوس حقتده نشر اولنان اثرینه مراجعت [. — اوستریا (جزویت) لرندن و سیلابوسی تحریره مأمور جمعیت روحانیه اعضاسندن (شرادهز) ایسه بالعکس « سیلابوس » ی تفسیره حاجت کورمیه رك اولدیغی کبی قبول و هیئت اجتماعیه حاضره نك بابالق مقابله محکوم اولدیغی بیان ایدیلور .

جسمانیہ نیک کلیسا ایلہ مناسبانہ دائر اولان خطالر . حکومتک رهبانک تصدیق مأموریتہ ، مناسترلرہ ، جمعیات روحانیہ یہ مداخلہ سی [۱] و تدریساتک نفوذ رهبانہ تابع اولمامسی نظریہ سی [۲] . — سابقاً ، اخلاق طبعی و مذہبی حقدہ کی خطالر . اخلاقک دیندن آری اولمسی ، کلیسانک عدم مداخلہ سی نظریہ سیدر . — نامناً ، نکاح دینی حقدہ کی خطالر . نکاح مدنی [۳] و طلاق نظریہ سیدر . — تاسعاً ؛ (پاپا) نیک حکومت جسمانیہ سی حقدہ کی خطالر . حکومت جسمانیہ نیک قالدیرلمسی نظریہ سیدر . — عاشرآ ؛ افکار جدیدہ حریت پرورانہ یہ متعلق خطالر .

بناءً علیہ « سیلابوس » یالکیز کلیسای تماماً قالدیرمق ایستین کلیسا دشمنلرینی ، کلیسانک امتیازات رسمیه سنی الغایدرك ہیئت رهبانیہ یی بر جمعیت خصوصیه حالته افران ایتمک ایستیلری ، سجال نفوس معاملاتنک و مکتبلرک نفوذ رهباندن آزاده اولمسی و نکاح مدنی اصولنی طلب ایدن حریت مذاہب طرفدارلرینی محکوم ایتموردی . بلکہ انقلابہ قارشنی مبارزہ ایچون بعض شرائط تحتندہ کلیسا ایلہ اتفاق ایدنلری ، حکومت جسمانیہ نیک استقلالی طرفداری اولوب کلیسا محاکمینی قالدیران ، مناسترلرہ متعلق تعہداتی طانیمان ، ہیئت رهبانی حکومتک تحت وصایتندہ طوتان دولترلی ده محکوم ایدیوردی . (غالبان) لر ، (پاپا) نیک حکومت جسمانیہ سی علمدارانی ، حتی حریت مذاہب

[۱] ۴۲۵ ، حکومت روحانیہ و جسمانیہ نیک قانونلری آرہ سنده اختلاف ظہورندہ حکومت جسمانیہ نیک قوانینی غلبہ ایدر . — ۴۹ ، حکومت جسمانیہ پتقیوسلری کندی آرہ لرنده و بونلرک (پاپا) ایلہ مخایرہ دن منع ایدہ بیلیر . — ۵۰ ، حکومت جسمانیہ پتقیوسلری تعین ایتمک ویا پایالق مقامندن امر آلہ دن ایقای و طیفہ یہ باشلاملرینی طلب ایلمک حقدہ مالکدر . — ۵۲ ، حکومت ، روحانی مأموریتلر ایچون کلیسا طرفندن تعین اولنان سفہ تبدیل و مناسترہ کیرمک ایچون وقوع بولان طلبلرک کندی مساعده سی اولہ دن قبول ایدلہ مسنی ہیئت رهبانہ امر ایدہ بیلیر . — ۴۳ ، حکومت ، حیات روحانیہ دن جیقمق ویا اولجہ واقع اولان تمہدات مذہبیہ دن راہب و راہبہ لری قورتارمق ایچون معاونت ایدہ بیلیر . — ۵۵ ، کلیسا حکومتدن و حکومت کلیسادن آیرلملیر .

[۲] ۴۷ ، ہیئت اجتماعیہ نیک الک موافق برشکلی اکتساب ایدہ بیلیمسی ایچون مکاتب عمومیه نیک کافہ اطفالہ کشادہ بولمسی ، مؤسسات عمومیه و تحصیل عالینک کلیسا نفوذندن آزاده قاله رق حکومت جسمانیہ و سیاسیه یہ تابع بولمسی لازمدر .

[۳] ۶۶ : نکاح حقدہ کی معاملات مذہبیہ اصل مقالہ نامہ نیک تفرعانی قبیلندن اولوب تماماً ترک ایدلہ بیلیر . — ۶۷ ، حقوق طبعیہ نکاحی ممتنع الفسخ برابطہ کی تلق ایتمز ، بعض احوالده حکومت جسمانیہ طلاقہ حکم ایدہ بیلیر . — ۶۸ ، کلیسا فسح نکاحی موجب اسباب مانعہ یی رد و جرحہ صلاحیتدار اولیوب بو حق حکومت جسمانیہ یہ عائددر . — ۷۴ ، نکاح و نشان مسئلہ لری محاکم عدلیہ یہ عائد اموردندر .

و مذاهب مختلفه‌یه مساعده اصولی تطبیق ایدن حکومتلردر [. — بواصول اداره ، حکومت روحانیه‌نک طرف الیهیدن بخش ایدلمش و حکومت جسمانیه‌دن آیری و مستقل بر قوت اولدیغنی ادعا ایدنلرک افکار باطله‌سنندن « نشأت ایدیور . — [فی الحقیقه پروتستان حکومتلرده ، حکمدارک مذهبک رئیس رسمیمی عسدا اولندیغنی مملکتلرده بوقاعده قبول ایدلمشدر] . — حال بوکه « قاتولیک مذهبک قواعد اساسیه‌سنجه پایا بتون عالمه شامل اولان کلیسای ایداره‌یه طرف الیهیدن بأمور اولمشلردر » ، بناءً علیه « کلیسانک ، مستقل بر هیئت ، بر حکومت روحانیه تشکیل ایتمی مقتضیدر . » الحاصل (پایا) نک تحریرات عمومیه‌سی ، حریت مذاهب و تفوق حکومت اساسنه مستند اولان حکومت جسمانیه‌یه مقابل کلیسانک استقلال تامی و وحدت اعتقاد قاعده‌سنه مستند بر حکومت روحانیه وضع و تأسیس ایدیور .

« سیلابوس » ه ، (پایا) نک نظرلنده ، تحریرات عمومیه و مکتوبلرنده ذکر و بیان اولسان خطباتک فهرسته‌کنجه ؛ بوفهرست (پایا) طرفندن قاتولیک مذهبی احکامنه معیار کوریلن مسالک و نظریاتک کافه‌سنی مختصراً تعداد ایدیور . بوخطبا دن (۸۰) ه قدر نومرو ایله کوسترلمش و اولان نظری خطباتدن باشلانهرق بروجه آتی اقسامه تفریق اولمشدر : اولاً ؛ مسالک اشتراک‌بون و طبعیون ایله صورت مطلقه‌ده (راسیونالیزم) ، یعنی روحی و الهامی انکار ایله هر شئیک عقل ایله اولدیغنی التزام ایدن طریق فلسفه . — ثانیاً ؛ معتدل (راسیونالیزم) ؛ افکار فلسفیه . — ثالثاً ؛ امور مذهبی‌ده لاقیدی و مختاریت حرکات . حریت وجدان نظریه‌سیدر [یوقاریده ذکر اولنان تحریرات عمومیه‌یه مراجعت] . — رابعاً ؛ انواع مسالک اشتراک‌بون ، انجیلیک ترجمه‌سنی التزام ایدن جمعیات روحانیه ، قاتولیک احرار فرقه‌لری . — خامساً ؛ کلیسا و حقوقی خفته‌کی خطالر . هیئت رهبانک حکومت جسمانیه‌یه و مذاهب مختلفه‌نک نظر مسامحه ایله کورلمسی مسلکینه تابع اولمسی [۱] . — سادساً ؛ حکومت جسمانیه‌یه و حکومت

[۱] « ۱۹ » کلیسا تماماً سربست بر هیئت حقیقه‌ اجتماعیه دکادر ، طرف الیهیدن بخش اولمش حقوق مخصوصه‌سی یوقدر ، کلیسانک حقوقی و بوحقوقک حدودی تعیین ایتک صلاحیتی حکومت جسمانیه‌یه عائددر . — ۲۰ ، کلیسا ، حکومت جسمانیه‌نک مساعده‌سی اولقسنزین حقوق و صلاحیتی استعمال ایده‌منر . — ۲۴ ، کلیسانک استعمال جبر و قوته صلاحیتی اولدیغنی کبی کربک طوغریدن طوغری‌یه ، کربک بالواسطه هیچ بر صورتله حکومت جسمانیه‌یه مالک اوله‌ماز . — ۲۶ ، کلیسانک اموال و املاک اشترا و تملکینه صلاحیتی یوقدر . — ۳۰ ، کلیسانک و رهبانک معافیتی حکومت جسمانیه طرفندن تأمین ایدلمشدر . — ۳۱ ، رهبانه عائد حقوق و جزا دعوالرینک حکام روحانیه‌ده رؤیت ایدلمسی امتیازی ، پایالتی مقامک موافقتنه بیله حاجت قالمه‌دن ، تمامیه الفا ایدلمشدر . — ۳۲ ، رهبانی خدمت عبکریه‌دن استثناییدن معافیت شخصییه حقوق طبیعییه و عدالته هیچ بر خیال ایرات ایدلمکسنزین الفا اوله‌بیلیر . »

« حریت وجدان و مذهبك انسانك حقوق اصلیه سندن اولدیغی ، بوقاعده نك هر بر جمعیت بشریه قبول و اعلان ایدلمسی لازم كلدیكنی ، هر كسك كندی فكرینی مطبوعات و یاسا تر برواسطه ایله نشر ایتمكده سربست اولوب بویاده حكومت روحانیه ویا جسمانیه نك هیچ بر صورتله مداخله یه حتی اولدیغی « ادا ایتمك » اون آلتنجی غره . غووارك جنت دیدیكنی « بر خطای عظیمدر كه منشأی « حكومت اجتماعیه فكر سقیمیدر » ؛ حال بوكه « بو حریت انسانك سبب فلاكت و اضمحلالیدر » ، چونكه « انسانه هر شیئی تنقید ایتمك حتی ویریلیرسه حقیقته ، مساومت جراتنده بولنه جق کیمسه لر اصلا اكسیك اولمیه جقدر . » — [فی الحقیقه حریت وجدان و مطبوعات ، وحدت اعتقاد قاعده سی ایله قابل تألیف دكلدر ؛ بویا یی حریتك ایلك او كجه انقلابات مذهبییه دوچار اولان مملكتلرده وضع و تطبیق ایدلدیكنی تاریخاً مثبتدر] .

« دین ، جمعیت بشریه دن اخراج ایدلدیكنی زمان حق و عدالت ، حتی حقوق بشر نحو اولور » ؛ بونك نتیجه سی اوله رق « افكار عمومییه ویا دیگر برواسطه ایله اظهار ایدیان آرزوی ملتك هر درلو قوانین الهیه نك فوقنده بر قانون عالی اولمسی و امور سیاسییه ده دخی امر واقمك بر حق تشکیل ایتمسی لازم كلیر » . بوفكره تبعاً روحانی طریقته لك الفاسنه لزوم كوستریلیور ؛ جمعیت بشریه دن فكر دیانت چیقارلدقن صكره عائله فكری دخی اخراج ایدیلور و نتیجه ، نكاح مدنییه ، هیئت ره بانك اجرای تدریسن منعه منجر اولور . — [فی الحقیقه حاكمیت ملیه ، کلیسانك حق حاكمیتی طائیمان مملكتلرده تأسس ایتمس و نتیجه ده نكاح مدنی ایله مكاتبك مذهب نقطه نظرندن بیطرف قالمسی اصولی قبول ایدلمشدر] .

« حضرت عیسانك کلیسیایه ویا پاللق مقامنه تودیع ایدلدیكنی حكومت روحانییه نك ، حكومت جسمانییه یه تابع اولدیغی سویلمك و کلیسا ایله پاللق مقامنك امور جسمانییه ده کی حقوقی انكار ایتمك » و « پاپالرك مذهب و کلیسیایه عائد معاملات و اوامرینك مطلقا حكومت جسمانییه نك تصدیقنه محتاج اولدیغی . کلیسانك كندی قانونلرینه تجاوز ایدنلری مجازات جسمانییه ایله تجزیه ایتمك حقنه مالك اولدیغی بیان ایلمك » بر خطای سیاسیدر . — [تخریرات عمومییه نك بورادردر ایتدیكنی طرز حكومت ['] حكومت جسمانییه نك تفوقی

[*] تخریرات عمومییه نك خاتمه سنده پسقوسلره « حكومت جسمانییه نك یالکز دنیا حكومتی ایچون دكل ، بلکه کلیسانك حایه سی ایچون بخش اولدیغی » هر كسه آكلاتنری توصیه ایدلدكن صكره « کلیسانك و جمعیت بشریه نك دوچار اولدقلری بوقدر فلاكتلردن ، دشمنلرك بودرجه خصومتلردن قاتولك مذهبی ویا پالرق مقای علیهنده موجود اولان بوقدر عظیم خطالردن خلاص اولق ایچون » دعا لر اوقونمسی امر اولنیور .

اصلاح واحیاسی حقه‌ده کی بلانی نشره قرار ویردی [۸ کانون اول ۱۸۶۴] . بوکا عموم خرسیتیانلق عالنه خطاباً تسطیر ایدلمش بر تخریرات عمومیه شکلی ویردی و « هیئت حاضره اجتماعیه‌نک خطالرینی مبین » بر (سیلابوس) ی ، یعنی فهرستی دخی برلکده نشر ایتدی .

(قوآنتاکورا Quanta cura) تخریرات عمومیه‌سی (پاپا) نک بوندن اول (قاتولیک مدینتی) جریده رسمیه‌سنده موضوع بحث اولان مسلکنی بر صورت قطعیه‌ده ایضاح ایدیور ؛ بومسلکه نظراً قرون وسطاده یک مترقی اولان قاتولیک مدینتی (لوتر) ک ، (ژانسیونس) ک ، (وولتر) ک مذهبلی ، (اشتراکیون) ک مسلکلی ایله کسب ضعف ایتمش ؛ هیئت اجتماعیه قاتولیک مذهبک اساس اعتقادینه مغایر برشکل آلدیغندن باشدن باشه و بر صورت مشروعه‌ده اصلاح و تجدیدینه احتیاج حاصل اولمشدر .

تخریرات عمومیه‌نک باش طرفنده (پاپا) نک وظیفه‌سی قاتولیکلرک بدعتدن ، دینسزلکدن و خطالردن محافظه‌سی اولدینی بیسان ایدیور ؛ طقوزنجی (پی) ذاتاً اولجه « زمانرک باشلیجه خطالرینی » و « بالخاصه زمانرده اجرای حکم ایدوب همان کافه خطیاته منشاء اولان افکار مفسدتکارانه‌ی » محکوم ایتشدی .

تخریرات عمومیه‌یه نظراً باشلیجه خطا « مسلک طبعیون » در ؛ یعنی « اک مکمل تشکیلات . حکومتک وانک جدی ترقیات مدنیه‌نک آنجق جمعیت بشریه‌نک تشکیل و اداره‌سنده یا هیچ بوقش کی مذهبک نظر دفته آلتامسی ، یاخود حقیقی و ساخته مذهب‌آره‌سنده هیچ بر فرق کوزه‌دلهمسی ایله ممکن اوله‌بیله‌جکنه » و « اک مکمل اصول اداره‌نک قاتولیک مذهبنه وقوع بوله‌جق تجاوزاتک مسالمت عمومیه‌ی اخلال ایتدکجه حکومت طرفندن منع ایدلمه‌مسندن عبارت بولندیغنه دائر اولان » فکدر . — [فی الحقیقه حکومتک احوال طبیعیه و معقوله‌یه استناد ایدرک دینه یبانبجی قلمسی فکری انکلیز مشروطیت اداره‌سنگ و حکومت جدیده جسمانیه‌نک منشای عد اولنه‌بیلیر ؛ بو فکره تبعاً هیئت رهبان‌ندن وسائط جبر و تضییق تماماً آلنه‌رق یالکیز بر نفوذ معنوی بر اقلیدی . کلیسانک قاعده اساسیه‌سی اولان « وحدت اعتقاد » اصولی بوکا مغایردر . چونکه حکومتک دینه یبانبجی قلمسی مذاهب مختلفه‌نک کافه‌سی عینی قیمتده فرض ایدیلرک [*] هرکسک آرزوسنه کوره بونلردن برینی قبول ایتسی دیمکدر .]

[*] پاپانک فهرست خطیاتی [سیلابوس] اورمذهبیه‌ده قیدسزاتک و انتخاب مذهب خصوصنده هرکسک مختار اولسی اصولنک موجب اولدینی خطالری شوصورتله تعریف ایدیور : « انسانلر هانکی مذهبه اولورسه اولسونلر سلامت اخرویه‌لرینی تأمین ایه‌بیلیرلر . — هر انسان حقیقی ظن ایتدیکی ، عقل سلیم ایله ترجیح ایلدیکی دینی قبول و اجراده حردر . »

مذکورہ بی اعلان ابتدی . بونک ایچون مجلس عمومی روحانی بی اجتماعہ دعوت ایتدی ، پاپالک حقوقہ استناداً حکم و یردی و بوصولتہ قاتولیک کلیسا سنک عقائدینی تعینہ بالکمز (پاپا) نک صلاحیتدار اولدیغنی کوسترمک ایستدی [۱۸۵۴] .

بعده هیئت اجتماعیه بشریہ ده کلیسانک وظائفی حقندہ کی مسلمانکی ایضاح ایتک و حال حاضرده خطا عد اولنان شیرک فہرستنی تنظیم ایلمک ایچون بر مجلس تشکیل ایتدی ؛ بو مجلس بش سنہ چالیشرق بر لایحہ تنظیم ایلدی ، کہ (پاپا) نک ۱۸۶۴ سنہ سی بیاننامہ سنہ اساس اتخاذا ایلمشدر .

طقوزنجی (پی) مسلمانک روحانیسنی تعین و ایضاح ایله مشغول اولدیغنی صرہ ده (ساردنیا) حکومتی (ایتالیا) قرالغنی تأسیس ایدیور ، (پاپا) دن برقم اراضیسنی آلیور ، یکی قرالغہ پایتخت اتخاذا ایتک ایچون (روما) بی دخی ضبط ایتک نیتندہ اولدیغنی بیلدیوریوردی . طقوزنجی (پی) کلیسا حکومتنہ عائد ولایاتک الحاقہ شقاوت ، حیدودلق نظریلہ باقدی . حکومت جسمانیہ نک اضمحلالی ، «انقلاب» ک اک واضح ، آشکار دلیلی ایدی ؛ (پاپا) ایتالیا حکومتک ۱۸۴۸ انقلابورولریلہ ، ازجملہ (روما) جمہوریتک ارکان نلثہ سندن (غاریبالدی) ایله مشترکاً حرکت ایتدیکنی کوزہ رک ۱۸۴۸ انقلابنک تکرار وقوعہ کلہ جکنہ قانع اولدی . بناءً علیہ بو یکی «انقلاب» ی محکوم و «کلیسا ولایاتک استیلای جانیستکارانہ سنہ اشتراک ایتش اولانلری» آفوروز ایتدی [*] .

«قرآنا کورا» تحریرات عمومیہ سی و «میلہ بوس» [۱۸۶۴] . — فرانسه ، ایلول ۱۸۶۴ تاریخلی مقالہ نامہ ایله ، (روما) ده (پاپا) بی مدافعہ ایدن فرانسز عسکرینی کری بہ چکمکہ راضی اولدیغنی زمان بو تدبیرہ حدتلتن طقوزنجی (پی) هیئت اجتماعیه نک

[*] پاپا طرفندن نشر اولنان ۲۶ مارت ۱۸۶۰ تاریخلی مکتوب حکومت جسمانیہ نظریہ سنو شوصولتہ ایضاح ایدیور : «حضرت عیسانک تأسیس ایله یکی قاتولیک کلیسامی قانون آسمی بہ تابع بر مؤسسہ اولدیغنی ایچون هیأت اجتماعیه نک فوقندہ ، تام و مکمل بر ہیئتدر ، بناءً علیہ اویلہ بر سرستی بہ مالک اولمیلیدر کہ وظائف مقدسہ سنو ایفادہ ہیچ برقوہ جسمانیہ بہ تابع بولمسون . بوندن طولاییدر کہ حضرت عیسانک ، کندی کلیسا سنہ رئیس و مرکز اولہر ق تعین ایتدیکی (پاپا) بہ طرف الہیدن بر حکومت جسمانیہ دخی احسان ایلمشدر . جناب حق یوقدر چوق حکمداران جسمانیہ آرہ سندہ (پاپا) نک ده قوہ روحانیہ سنو ، نفوذ و اقتدارینی بحق استعمال ایده بیلہ سی ایچون الزم بولنان بوسرستی سیاستدن مستفید اولمسی آرزوسنی بیورمشدر . فی الحقیقہ پاپالقی مقامنک بتون عالمہ شامل مسائلدہ حکومت جسمانیہ نک و یافرقہ لک تأثیرینہ تابع اولدیغنہ دائر قاتولیک عالمندہ اک اوفانی برشبہ نک بیلہ میدان آلہ مامسی یک موافق ایدی .» -- ۱۸۶۲ ده نشر ایدلن بر مکتوبدہ «پاپالک مقامنک حکومت جسمانیہ سنہ هجوم ایدن قاتولیک احرار نامیلہ شایان تقییح جمعیتلر تشکیلنہ جرأت ایلین» راہبلر محکوم ایلمشدر .

عالم کبارک بر حالت مخصوصہ سی عد اولمغہ باشلادی ، کالآن دہ بویلہ در [*] . قاتولیک فرقہ سی ، ہیئت رهبانک نفوذ و اقتدارینی تزیید ایچون بوتایل عمومیدن استفادہ ایتدی . — (فرانسه) دہ تدریسات تالیہ وابتدائیہ نک سربستیسی استحصال، و قاتولیک مکتبلرینہ حکومتک معاونتی تأمین ایلدی . — (پروسیہ) دہ حکومت ، رهبانک و مناسترلرک اداره سنی بسقپوسلرہ بر اقدی [اون آلتنجی بابہ مراجعت] . — کوچک آلمان حکومتلرنده اوزون وقاریشیق مذاکرات نتیجہ سنده بوکا مشابہ بر اصول قبول ایلدی . — (اوستریا) دہ پاپالق مقامی (ژوزہ فینیزم) اصولک ترکیفی حکومتہ قبول ایتدیردی [۱۸۵۰] ؛ بعدہ ۱۸۵۵ قونقورداسی عقد ایلدی [اون اوچنجی بابہ مراجعت] ؛ بر دولت معظمہ نک ، کلیسانک حقوق و امتیازاتی حکومت جسمانیہ طرفندن ویرلیوب بلکہ طرف الہیدن بخش اولندیقی تصدیق ایتسی ایلک دفعہ اولہرق بو مقالولہ نامہ دہ کورلمشدر . ینہ بو مقالولہ نامہ دہ حکومتک رهبانی جزا حکمہ لرینہ سوق ایتسی (پاپا) نک « احتیاجات زمانی نظر دقتہ آلہرق » بخش ایلدیکی بر مساعده نک ثمرہ سی اولدیقی کوسترلمشدر . — بوکا مشابہ بر « قونقوردا » دخی ۱۸۵۱ دہ (اسپانیا) دہ عقد ایلدی [او تنجی بابہ مراجعت] . — عینی زمانہ دہ (پاپا) پروستان اولان انکلترہ دہ [۱۸۵۰] و پی یہ بادہ [۱۸۵۳] صورت رسمیه دہ بسقپوسلقر ودواثر روحانیہ احداث ایتک صلاحیتی استحصال ایدیوردی . بتون اوروپادہ دورہ ارجماع [۱۸۴۹ - ۵۹] ہاں کافہ مالکدہ قاتولیک فرقہ لرینک تزیید قوقی یولندہ استعمال اولندی . یالکز (ساردنیا) قرالنی ۱۸۵۰ دن اعتباراً کافہ مؤسسات و نظاماتی نفوذ رهباندن قورتارہرق پاپالق مقامیلہ آچیقندن آچیغہ حال اختلافدہ قالدی [اون برنجی بابہ مراجعت] .

طقوزنجی (پی) کلیسانک ممالک مختلفہ دہ قسماً حال سابقہ رجوعی ایلہ اکتفا ایتمہرک قاتولیک ہیئت اجتماعیه سنک تماماً حال سابقہ ارجاعنہ چالیشیوردی ؛ بو بادہ کی پلاتنی محررات رسمیه سنده ذکر ایدیور و ۱۸۵۰ دہ تأسیس اولنان (قاتولیک مدنیتی Civilta catolica) عنوانی جریدہ رسمیه دہ تفصیل و ایضاح ایلوردی . بکارت مریم حقندہ (فرانسیسکن) و (جزویت) راہبلرنجہ قبول و فقط (دومینیکن) طریقت روحانیہ سنجہ رد ایدیلن بر مسلکی عقیدہ دینہ اولہرق اعلان ایتمکہ ایشہ باشلادی . بسقپوسلرک رأی لرینی استمزاج ایتدکن وہاں کافہ سی موفق اولق اوزرہ ۵۸۶ جواب آلدقن صکرہ انتخاب ایتدیکی برکوندہ [۸ کانون اول] سیکستین کلیسا پسندہ عقیدہ

[*] پروستان مملکتلرنده وبالخاصہ (انکلترہ) دہ دخی بوکا مشابہ بر تبدل افکار کورلمشدر . اورتودوکس مملکتلرنده امور مذہبیہ دہ کی قدسزلق یالکز افکار منورہ قسمنہ منحصر قالمشدر .

کمیتردی : پدرانہ بر حکومت ایله محدود بر حریت اعطاسنه راضی اولدی ؛ تبعه سی ، حریت مشروطه یی قبول ایتدی ریمک . وکندینسک حق حاکمیتی تحدید ایلمک ایستدیلر ؛ بونک اوزرینه (پاپا) فرقه احرار ایله بوزوشدی . ارباب انقلاب طرفدن (روما) دن طرف ایدلدی ، عودت ایتدیکی زمان مطلقیت اداره طرفداری اولمش ، حکومتلرک معاوتیله علمینده انقلاب بولمغه قرار ویرمش ، (پاپا) نك حکومت جسمانیه سی سبل انقلابه مقاومت ایچون الزم بر سد اولدیغنه قناعت کمیترمشدی [*] .

بتون حکومتلرده ، انقلابی ، ارتجاع تعقیب ایتدی ؛ جسمانی حکومتلر ، (نابولئون) ک سنقوطندن صکره اولدیغی کبی حکومت روحانیه ایله اتفاق ایتدیلر ، بودومه کی اتفاق ۱۸۱۴ اتفانندن دها صاغلام واساسلی ایدی . صنف متوسط اهالی ۱۸۴۸ سنه سنده اشتراکیونک تحریکاتندن قورقمش ، هیئت رهبانک ، اساساً محافظه کار اولان روحانیلرک معاوتنه عرض احتیاج ایتشدلر [**] . ۱۷۹۳ انقلابندن صکره زادکان آره سنده مودا اولان دینسزلک ۱۸۴۸ انقلابی متعاقب صنف متوسط اهالی میاننده رواج بولدی ؛ بتون قاتولیک عملکتلرنده دین ، دنیوی بر آلیش ، اپی بر تربیه نك لازم غیر مفارقی ،

[*] ایتالیا یسقبوسلرینه خطاً باباً نشر ایدیلن ۸ کانون اول ۱۸۴۹ تاریخلی امر نامه ده اشتراکیون مسلکلی ردو جرح ایدلدکدن صکره دنیلوردی که : « پیرک خانی ، رومانک رئیس روحانیسی بتون عالمه شامل برحق حاکمیته صاحبدر ، حضرت عیسانک وکیل حقیقیسی ، بتون کلیسانک رئیس ، بتون خرسیتیانلرک پدری و مرپیسیدر . اقوامی قاتولیک مذهبنده محافظه ایچون اک قیصه طریق بولنری اتحاد اوزره بولندبرمق و (پاپا) یه اطاعتلرینی تأمین ایلمکدر . بونک ایچوندر که جناب حنک وجعیت بشریه نك یکی دشمنلری ایتالیان اقوامنی بزم دائره اطاعتزدن چیقارمق مقصدیله هر شیئی ارتکاب ایدیورلر . » امرنامه حکمدارلردن بحث ایدرکن شویله دیوردی : « حکمدارلر ، یسقبوسلرک نفوذ و اقتدارلرینک تناقصی ، اوامر الهیه و قواعد دینه یه کوندن کونوره عایشزلک کوسترلمسی نتیجه سی اوله برق افراد اهالینک حکومت جسمانیه یه حس اطاعتنک آزادلیغی ومسالت عمومیه دشمنلرینه حکمدار علمینده بولمق اوزره افکار عامه یی تهییج ایچون یی بر طریق آچیلدیغی کورمشلردر . کذلک حق مشروع تصرف ایله کلیسایه عائد اولان املاکک هیئت رهبان اندن آلنهرق صائلمسی خلقک قوانین دینه ایله مؤید حق ملکیته رعایت ایتهمسی وبتون املاک واموالی صاحب مشروعلرندن آلق ، تقسیم ایتک ایستین اشتراکیون طرفدارلرینک تلقیناته عطف نظر اعتبار ایلمسنی انتاج ایتدیکنی عشاوده ایلمشلردر . »

[**] « کائنات » نامنده کی قاتولیک غزته سنک مدیری اولان (وویو Veillot) اورلئان طرفدارلرلیله قاتولیکلرک اتفانندن حصوله کلن فرقه نك رئیس (تیر) ک سیاستنی شنو صورتله تعریف ایدیور : « تیر ، بوکونکی حالندن بمنون اولان فرقه انقلابروانی دها زیاده تقویه ایچون حکومتک ضابطه سی کفایت ایتیه جکی آکلامش ، هیئت رهبانی انقلابرورلرک تأمین منافی ایچون استخدام ایتک ایستور . »

ایده‌مزدی، حاکمیت عامه قاعده‌سینه موافق بعضی وسائلط جدیده‌بی استعمال ایتک، انتخاب، شورای امت و مطبوعات ایچون تشکیلات مخصوصه وضع ایلمک ایجاب ایدیوردی. مجالس مبعوثانده قاتولیک فرقه‌لری، قاتولیک جمعیتلری، قاتولیک غزته‌لری تأسیس ایدلدی. بونک اوزرینه یکیدن برطاقم مشکلات ظهور ایتدی. مبعوثلر ایله غزته‌جیلرک اکثری صنف روحانی‌یه منسوب اولمیان قاتولیکلر ایدی. قاتولیکلرک منافعی محافظه و مدافعه ایچون یکی برقوت پیدا اولمشدی؛ بونلر ایله کلیسانک رؤسای رسمیه‌سی اولان بسقپوسلر و راهبیلر آره‌سنده ظهور ایدن رقابت نفوذ و مخالفت افکار اوزمانه قدر کورلمین شکلده اختلافاته، مشکلاته سبب اولیوردی. بومشکلات و اختلافاتی حله دعوت اولنان (پاپا) قاتولیک مملکتلرک سیاست جاریه سنه کیتدکجه ده‌ها زیاده مداخله‌یه ویواش یواش بر فرقه سیاسییه وظیفه‌سنی ایفایه باشلادی.

حاکمیت عامه فیکرینه هر طرفده کوستریلن تمایلات، ۱۸۴۸ انقلاباتی ایله کسب شدت و قوت ایتدی. بوانقلابلر، ملتک حق حاکمیتی ایله حریت مطلقه نامنه پاییلوروهیئت رهبان ایچون همان دائمًا اظهار آثار خیر خواهی ایدیلوردی. نتیجه انقلابده کلیسانک مؤسسات و نظامات مخصوصه‌سی محو اولدی، فقط سربستی تام مذاهب اعلان و مکتب، خسته‌خانه کی مؤسسات عمومیه‌نک نفوذ ره‌باندن تخلیصنه تشبث ایدلدی. — (فرانسه) ده هیئت روحانیه‌نک نفوذ و اقتدارینی پک زیاده قصر و تحدید ایدن کلیسانک تشکیلات رسمیه‌سی اولکی حالده قالدی، فقط آرای عمومیه اصولی هیئت ره‌بانه بیوک بر نفوذ سیاسی تأمین ایتدی، راهبیلر فرقه محافظه‌کارک ال‌فعال بر جزئی اولدیلر. — (ایتالیا) ده حکومتلر سربستی مذاهب قاعده‌سنی وضع ایتمکه اکتفا ایتدیلر، (قاتولیک) مذهبی حکومتک دین رسمی متمازی قالدی. انقلاب، (بلجیقا) طرزنده کلیسانک سربستیسنی تأمین ایتدی. (فرانقفورت) شورای امتی طرفندن قبول ایدیلن ماده آتیه بالآخره (پروسیه) قانون اساسیسنه دخی کچدی: «هر جمعیت مذهبیه کندی امورینی صورت مستقلده تنظیم و اداره ایدر، فقط قوانین حکومتیه تابع‌در.» ۱۸۴۸ سنه‌سی تشرین اولنده (وورچبورغ) ده اجتماع ایدن آلمان بسقپوسلری حکومت طرفندن کلیسا اوزرینه وضع ایدیلن حق وصایتک [پاپالقی مقامی ایله مخابره‌نک ممنوعیتی کی] الغاسنی طاب ایتدیلر. انقلاب، (پروسیه) و (اوستریا) ده حکومتک کلیسا اوزرنده کی حق نظارتنک الغاسنه منجر اولدی. [دیگر آلمان حکومتلرنده امور مذهبییه ده انقلاب، بطی بر صورتده وقاریشیق اختلافات و مشکلات آره‌سنده وقوعه کلدی].

کلیساره ارجماع. — ۱۸۴۸ انقلابی طقوزنجی (پی) اوزرنده بیوک بر تأثیر حصوله

حاکمیت عامه طرفراری قانونلیکتر ۱۸۴۸ انفردی . — قاتولیکلر یکی بر حرکت سیاسیة نك ، ۱۸۴۸ انقلاباتنه منجر اولان حاکمیت عامه سیاستنک تأثیراتی حسن ایتمکه باشلامشلردی . ۱۸۳۰ دن اول حکومت احرارانهده بر قاتولیک احرار فرقهسی شکل ایتمدیکی کی ۱۸۴۸ دن اولده حاکمیت عامه اساسنی قبول ایدن مملکتلرده حاکمیت عامه طرفداری قاتولیکلردن مرکب بر فرقه جدیده تشکیل ایلدی . بو فرقه ، حاکمیت عامه اساسنک ایلك اوکجه تطبیق ایلدیکی بر مملکتده ، (اسویچره) نك قاتولیک (قانتون) لرنده ، اجرای تحریکاته باشلادی . فرقه ، (پایا) نك حاکمیتی تصدیق ایدن بر (اولترامونتهن) فرقهسی ایندی ؛ (فریبورغ) ده مطرود (جزویت) لری مملکتده دعوت ایتمدی ؛ (لوسرن) ده موقع اقتداره کچدیکی زمان (قانتون) ک یکی قانون اساسینی اون آلتنجی (غره غووار) ک نظر تصدیقنه عرض ایلدی . وحدت اعتقاد قاعدهسنه طرفدار ، سربستی ، مذاهب اصولنه دشمن بر فرقه ایلدی . فقط ، افکار و مسالک قدیمه بی محافظه ایتمکه برابر ، فعلیاتده وسائط و تدابیر جدیدیه توسل ایتمکدن هیئت زهبان ایله حکومتک مناسباتی خیلیدن خیلیه تعدیل و تبدیل ایلدی ، کلیسا ، نظری اوله رق ، هیچ بر شکل حکومتی محکوم ایتمه مش ایسه ده دایما حکمدارلر ، پرنسسلر ، زادکان ایله اتفاق ایتمدی ؛ ذاتاً کلیسانک تشکیلات مخصوصهسی سلطنت جسمانییه مشاهدی : بتون قوت ، حکم و نفوذ یوقاریدن آشغییه اینبور ، « پایا » بتون تبعهسی اوزرنده هیچ بر تقبیشه تابع اولمندن ، اجرای حکومت ایدیوردی . « اسویچره » نك حاکمیت عامه اساسنه استناداً شکل ایدن جمهوریتلرده حاکمیت ملیه قاعدهسی قبول ایلمش ، حکومت افرادمت طرفندن منتخب هیئتله ورلمشدی ، بوراده حکم و نفوذ و قوت آشغیدن یوقارییه چیقوردی . قاتولیک فرقهسی ، یکدیگره ضد اولان بویکی اصول اداره آره سنده بر صورت تألیف بولدی . حق حاکمیت مالک اولان ملتک و کیلیری ، انتخاب طریقله حکومت جسمانییه صاحب اولمقله برابر قاتولیک صفیله (پایا) نك حکومت جسمانییه سنه تابع اولیورلر و حکومت جسمانییه روحانیه آره سنده کی حدودی تعیینده (پایا) نی حاکم مستقل اوله رق طانیورلردی ، حاکمیت ملییه مستند اولان بواصول ادارهده کلیسا ، قراللق و یا ایمپراطورلق ایله اداره اولنان مملکتلره نسبتله ده یوکسک ، ده صاغلام بر قوت اکتساب ایدیوردی ؛ چونکه (پایا) ارتاً مقام حکومته کچمش ، امر ویرمهک آیشمش بر حکمدار ایله عقد معاهده ایده جکنه قارشیننده کندینسه اطاعته آیشمش قاتولیکلری ، افراد ملتی بولیور ، کلیسا ایله حکومتک روابط و مناسباتی تعیینده حاکم مطلق اولیوردی .

فقط بویکی قوتی الده ایتمک ایچون ، کلیسانک انده بولنان وسائط قدیمه کفایت

آگستوس ۱۸۳۲ تاریخی امر نامه سیله (فرانسه) دهکی قاتولیک احرارک مسلمانلاری کلیسا قانوننه مغایر اولدوقنی اعلان ایلدی [*].

فرقه احرار ، بو محکومیته رغماً ، حکومت مشروطده قاتولیکلرک ادانر عشقنی الله آلهرق کلیسایه لزومی اولان حریتلری طلب ایتمکده دوام ایلدی [*]. بولر تکلیف و ایجابی ده حکومت مشروطه تک تاسسی اوزریه وحدت اعتقاد قاعدهسی الظالم لهرق کافه مذاهبیه مسامحه ایلدی ، کلیسا املاکنک همان کافهسی املاک امیرییه صبر حشمته کچیریلدی ، اولرک مناسترلری ده همان کاملاً قالدیرلدی [اونجی بابه مراجعت] ، کلبه کونین قورال سا ده حشمت حریکات احرارانه (ایتالیا) دهدها صکره ، یعنی « ریژور و ریجیمنتو » ایله باشلا دی [اونجی برنجی بابه مراجعت] . هم حریت ، هم ده اتحاد ملی یی اساسی تحریک ایچینون ره همان نظر فیضان قاتولیک احرار جمعیتلری تاسیس اولندی . « ریژور و ریجیمنتو » مؤلفلرندن (اچییو برتی) راهب ایدی . (اوستریا) فرقه سنک نامزدینه قارشی پابالی مقامنه انتخاب بولونان طرفوز نهجی (پی) احرارک (پایا) سی عدایدلدی و بر عدیت قاتولیک احرارلر فرقه سنک غلبه قطعیه تیپا نائل اوله جفی امید اولندی [۱۸۴۶] ، دیننه هر یکنه نیلینه ره تسلیمنه شتمه کده .

[*] پایا ، بواصرا نامه سنده کلیسای دوچار تاثر ایتن استنباطدن برقی ده « حق دسزلق مسلمان » اولدوقنی سوبله کیدن صوکرمت بولسکی ، شوهورتله تضاح ایستیورانه دینلر لکلرک دخیل قوادسایلیقی ایله هر طرفده تعیم ایتن بوفکر مفسد تکرارانه به کوره انسان ، حق وعدله و ناموس و حیثیته موافق اخلاق ایله متخف اولاق شرطیله هر هانکی مذهبده بولنورسه بولنسون سلامت اخرویه به نائل اوله بیلر . . . ایشته بوننج متفقندن بغال ایتن معناسر ، خطا لود فکره ، ده اطوغریسی حخته استنادا هر کسه حریت وجدانی تأمین لیاک لازم کلدیکی ادعا ایله بیلوره ، بول اوله بر خطا دو کفرط نامعتول بر بیرستی افکاره لایق بولر آچون بولر بعضلری احتیاط سنده به تلبیز من لکده ده ایلری به کیدارک بوندن دین ایچون بر فائده حاصل اوله جفی سیله ادعا ایدی بولر حریت مطوعات دینیلن ونه قیدر لعنت و نفرین ایله یاد اولنسه ینه آز کن ایت ایشته بوفکر دن ایلری کلپور . . . بعض کیمسه لرده هر طرفه استنباطدن طوقان خطیتمک دین و حقیقی مدافعه ایچون یازله جی کتابلرله اوکی آلنه ییله جکی بیان ایدورک بوبابده عناد و اصرا ایتمک کنی بر احتیاط سنده ده ایلیورلر . عیبا عقل سلیم اضحی اولان برائیان ممانعه اوله جفی علاجلر موجود اولدوقنی ایچون دیندهش سفیرک علنا سواقدر ده صانیمسنه جواز کوسترری ؟ « امر نامه (اینده کس) ک خلمات نافع سنندن بحث ایتمکدن صکره » یا لکن کتابلرک نقیش و معانیه سنی زدا جمکله کفایتموب بواصوللرک حق وعدله مغایر اولدوقنی ادعا بولرک بوبابده کی حقوق و ضیاحتینی انکاره جرأت ایدلرک مسلکنی « تعقیب ایدیور . . . بعده قاتولیک مذهبندن آیریلانلرک سببه اولدوقلری فلاکت و مضیقنلری اخطار و هو سو زلری علاقه ایلور : « کلیسای حکومتدن آیرمق و ریاست روحانی الله سلطنت جسمانیه آره سنده کی اتحادی بوزمق ایستیلرک آرزولردن دین و حکومت ایچون بر فائده بکلیه میر ، چونکه کرک کلیسا ، کرک حکومت ایچون دائمی سلامت بخش اولان بو اتحاددن مفرط حریت سراقیلرک پک زیاده قورقدوقلری محققدر . »

[**] آنرا لندا ایچون اونجی ، بلجیقا ایچون سکر نهجی ، فرانسه ایچون ششجی بابله مراجعت .

دها از سربستی و ریبور واک جزئی بر سربستی کلیسا همچون تزیید نفوذ و اقتدار صورتند تلقی ایدیوردی . قاتولیک احرار بواج مملکتده عینی زمانده و عینی صورتله اجرای تحریکات ایتدیلر ، رئیسری آره سنده مناسبات شخصیه دائمه موجود ایدی .

(ایرلاندا) ده (اوقونل) ، « تست test » دنیان بینک الغاسنی و قاتولیکلرک مساوات حقوقنی طلب و استحصال ایتدی [یکنجی بابہ مراجعت] . - (باحقیقا) ده قاتولیک احرار ، حریت نامنه ، انقلابه معاونت و ۱۸۳۱ قانون اساسیسنی استحصال ایتدیلر ، که بقانون هیئت رهبانہ (آمریقا) ده اولدینی کبی حریت اعطاو (اروپا) ده اولدینی کبی امتیازات مخصوصه - بی تأمین ایدیوردی [سکزنجی بابہ مراجعت] . - (فرانسه) ده قاتولیک احرار فرقهسی مقداری محدود کنجلردن عبارتدی . رئیسری راهب (لامنه Lamennais) ۱۸۲۹ سنه سنده (جزویت) لرک طرد و تبعیدینه شو صورتله اعتراض ایتشدی : « بز قاتولیک کلیساری ایچون برات مشروطیتک کافه مذاهبه وعد ایلدیکی سربستی بی ، پروتستانلر ایله موسویلرک نائل اولدقلری سربستی بی ایستوروز . . حریت وجدان ، حریت مطبوعات ، حریت تعلیم و تربیه بی طلب ایدیوروز ، باحقیقالرده بزم کبی بونلری ایستورلر » . (لاقوردہ Lacordaire) آمریقا طرزنده سربستی طلب ایدیوردی . افرادی پک آزاولان فرقه حکومت اوزرنده اجرای نفوذ ایدهمدی ، فقط ۱۸۳۰ ده تأسیس ایدیلن (استقبالی Avenir) غزته سنک نشریاتی و مجلس اعیان اعضاسندن (مونتالامبر Mantalembert) ک بیسانی ایله افکار عامه بی تهییج ایتدی . سربستی تدریسات ، یعنی قاتولیک مکتبلری تأسیسی حقنی ایستوردی . بعده ، بسقپوسلرک انتخابی قاتولیک دشمنری ائنده براقان « قونقوردا » نک علیهنده بولمغه ، کلیسا و حکومتک آیرلمنی طاب ایتکه باشلادی .

قاتولیک احرار ، حریتی قبول ایتکله ، اخلاق ، تدریسات و معاونت عمومیه نک سوق و اداره سندن و از کچمبورلر ، بونلرک حکومته عائد اولیوب افراد طرفدن تنظیم و ترتیب ایدلمسی لازم کلدیکنی و افرادکده هیئت رهبانہ تودیع حقوقه صلاحیتدار اولدیفنی ایدلر ایدیورلردی . کلیساده (پاپا) نک حکومت عالیہ و مطاقه سنی قبول و تصدیق ایلدورلردی (اولترامونتنون) ، یعنی ملی کلیسا دشمنی ایدیلر [حقایق احوال دن لایقوله خبردار اولمیلن فرانسیزلر احرار کله سنی قالیقان کله سنک متدافی و (اولترامونتنون) کله سنک ضدی اوله رق قوللاشمیلردلر] . فقط حریت ، وحدت اعتقاد قاعده سینه مغایر اولدیفنی ایچون هیچ بر زمان (روما) طرفدن قبول ایدلمه مشملر ، بدنجی (بی) برات مشروطیتی محکوم ایتدیکی کبی (اون آلتنجی غزوه غوروا) [۱۸۳۰ - ۴۶] ده باحقیقا قانون اساسیسنی ، حریت مذاهب و مطبوعاتنی قبول ایتدیکندن طولانی ، پروتستولیتدی

بر حکومت روحانییه ، یعنی (پاپالیق) مقامنه تابع بولسان یکی بر هیئت رهبان قائم و قاتولیک علمک حکومتنه (روما) مرکز اولدی . کلیسا تروتدن ، نفوذ و اقتدار رسمیدن غائب ایدی . یور ، فقط بیوک بر قوت مرکزیت قزانوردی . — عینی زمانده یکی طریقتر ، یکی مناسترلر و بالخاصه قادین مناسترلری تشکل ایدیور و وصیتلر ، هبلر سایه سنده کلیسا ایچون یکیدن املاک وجوده کلیوردی .

(روما) ده ، (پاپا) روحانی و جسمانی رقیبلرینه قارشلی اوغراشیوردی . یدنجی (پی) انجیلک ترجمه لرینی دنیانک هر طرفنه طاعیدان جمعیات روحانییه محکوم ایدیور . دی . اون ایکنجی ئئون [۱۸۲۳ — ۱۸۲۹] خنی جمعیتلری و بالخاصه ، (ایتالیا) اتحادینه و بناء علیه (پاپا) حکومت جسمانیه سنک محوینه چالیشان (قاربناری) لری ، سربستی مذهبی طلب ایدرک وحدت اعتقاد علمینده بولسان (فارماصون) لری تمقیب ایلوردی . ایشته اون طقوزنجی عصرده بی نهاییه مباحثات و مناقشاته سبب اولان پاپالیق مقامیله (فارماصون) لر آره سنده کی مبارزات شدیدیه بوصورتله باشلادی .

قاتولیک اصرار فرقی . — قاتولیک هیئت رهبانک مقصدی ، هدف مساعیسی دین حقیقی عد ایتدکلری مذهبک مجبوری اولدیغنی اعلان ایتدیرمک و وحدت اعتقاد . دی محافظه ایتک ایچون حکومتیه استناد ایلمکدی ؛ پاپالیق مقامنک بیانات متعدده ایله تعیین و ایضاح ایدیان مسلیکی ، قاعده کلیه سی سربستی مذاهب و مطبوعات علمینه ایدی . فقط قاتولیکلر (انکاره) ، (اسویچره) ، (فرانسه) و (بلجیقا) ده اصلاحاته ، اداره احرارانه یه منجر اولان حرکاته اشتراک ایتمکله مجبور اولدیلر . ۱۸۲۸ سنه سنه طوغری « قاتولیک احراری نامیله ظهور ایدن بر فرقه قواعد جدیده احرارانه ایله کلیسانک حقوق قدیمه سی تالیغه چالیشدی . هیئت رهبان ایچون امتیازات ایستیه . جکنه ، کلیسا دشمنلری علمینه حکومتک معاونته عرض احتیاج ایله جکنه اداره احرارانه تک بتون افراد ملته تأمین ایلدیکی حقوق ، جمعیت تشکیل ، املاک اشترا ، مکتب و مؤسسات خیریه تأسیس ایلمک حقیقی کلیسا ایچون طلب ایتمکله اکتفا ایتدی . بونلرک ادعالرینه کوره کلیسا حق و حقیقته صاحب اولدیغندن وسائط جبر و شدمه احتیاجی یوقدی ؛ تدریسات ، وعظ و نصیحت ایله ، فضیلت و تقوی اخلاقیسی اظهار و اثبات ایدرک هیئت اجتماعیه تک اداره سنی ید اقتدارینه آله بیاردی .

بوفکر ، هر یردن اول اوج مملکتده ، (ایرلاند) ، (بلجیقا) و (فرانسه) ده طرفدار بولدی ، چونکه بومملکتلرک (پروتستان) ویا (غالیکان) اولان حکومتلری قاتولیک هیئت رهباننه ، اداره احرارانه تک جمعیات خصوصیه بخش ایلدیکی سربستیدن

بیوک زادگان آرسنده یتیشن ، برر پرنس اولان پسقوسلر ، املاک جسیمه یه صاحب و حاکمیت خواص ایله عدم مرکزیت اصولنه آلت اولان قدیم روحانی طریقتلر بجران انقلابه مقاومت ایده میهرک محو اولدیلر . بونلرک یرینه عوام ناس آرسندن یتیشمش و مناسترلردن چیقمش پسقوسلر هیئت رهبانک اداره سنی ، ریاستنی درعهده ایتدیلر . منشألری (روما) ده بولنان و (پاپا) یه صادق اولان روحانی طریقتلر ، از جمله (جزویت) لر ، وعظ و نصیحت ، تدریسات ایله مشغول اولمغه باشلادیلر . مناسترلر (ترانت) مجلس روحانیسنک امرنامه لرینه کوره تنظیم ایدلدی ؛ (پاپا) نک تقوق ، حاکمیتی قاعده سی انسال جدیدیه تعلیم و تاقین ایدیلهرک کلیسانک تشکیلاتنده اس اساس اتخاذا اولندی .

اون دردنجی عصرده پاپالک مقامنک اسکی قوتی غائب ایتدیگی زمان تأسیس ایدیلن و (ترانت) مجلس روحانیسنک حال سابقی اعاده حقنده کی قرارینه رغماً محافظه اولنان ملی کلیسالرک پک چوق طرفدارلری واردی ، بونلر پاپالک حکم و نفوذینک اعاده سی علیهنده بولندیلر ؛ حکومتلر (پاپا) یه امین اوله مدقلرندن بونلری التزام ایتدیلر . قاتولیکلری ملی کلیسا و پاپالک طرفدارانی نامیله ایکی یه آیران اختلاف ، بالخاصه (فرانسه) ده پک شدتلی اولدی . ملی کلیسا مسئله سی ، اساس اعتقاد و مذهب شکلی آلیور ، ۱۶۸۲ ده کی « غالیقان کلیساسی قواعد کلیه سنه » عودت اولنیوردی ؛ (ناپولئون) بو قواعد کلیه نک مجبوری اولدیغی اعلان ایتشدی . [مواد اساسیه نک « سوء استعمالاتی » ایضاح ایدن قسمنده « غالیقان کلیساسنک حریتنه ، مختاریته ، عاداتنه مخالف حرکاتک » منع اولنه جنی محرردر] . « غالیقان » لر ایله « اولترامونتهن » لر آرسنده کی اختلافات و منازعات قدیمه تکرار باشلادی . (غالیقان) لر حکومت جسمانیه یه استناد ایدیورلر - دی . (ناپولئون) ک سقوطندن صکرده قرال ، وکلا ، مأمورین حکومت ، مجلس مبعوثان و اعیان (غالیقان) قالدیلر ؛ (فریسنو Fraysinous) دارالفنونی مدیریتی ، (سن سولیس Sain - Sulpice) باش راهبلیکی ، (پارس) پسقوساقلری کچی مهم مأموریتسلر (غالیقان) لره و یریلیوردی ؛ (پاپا) نک حکومتی طرفدارلی اولان (جزویت) لر طرد اولنیور و پاپالک مقامنک ۱۸۱۴ سنه سنده نشر ایدیلن امرنامه سنه رغماً (جزویت) طریقتنه ملغدا نظریله باقیلیوردی . [فرانسه بحثنه مراجعت] . فتظ (اولترامونتهن) لر یواش یواش راهبلیری و صنوف اهالی بی کندیلرینه جاب ایدیورلردی . (آلمانیا) ده دخی بوکا مائل ، فقط ده خفیف بر اختلاف حصوله کلیوردی . بونک نتیجه سی اوله رق زادگان آرسندن یتیشن ، قسماً حکومت جسمانیه نک مأمورینی دینک اولان قدیم ملی هیئت رهبان یرینه ، عوام آرسندن یتیشن و بین المللی

حقی « قاتولیک مذهبک مسکوت عنه بر ایلدیغی » و « جناب حقیق اسمی بیله ذکر ایلدیکنی » ؛ — « سربستی مذاهب و وجدانی » تأمین و « مذاهب مختلفه هیئت رهباننه عینی صورتله حمایه وعد » ایدن ۲۲ نجی ماده‌نک « بدعت عد اولنان مذهب‌لری و حتی خیانتکار موسسوتی بیله قاتولیک دینی ایله عین مرتبه‌ده طوتدیغی و حال بوکه بو دین خارجنده سلامت متصور اوله می‌جفتی » ؛ — مطبوعات حقنه‌ده کی ۳۳ ماده‌نک ده « اخلاق و اعتقادی تهید ایدن بر سربستی » احتوا ایتدیکنی بیان ایلدی .

(آلمانیا) ده ، انقلابدن اولکی کلیسا اعاده اولمادی ، یالکیز روحانی پرنسپلکلر دکل ، مناسترلر دخی ملغا قالدی . هیئت متحده ایچون مشترک برادراره روحانیه تأسیسی تصور ی بر نتیجه یه اقترا ایتدی . (پایا) ایله هر بر حکومت آره‌سنده آری آری عقد اولنان ائتلافنامه‌له توفیقاً یکی بر کلیسا تشکیل ایلدی . یالکیز (باویرا) بو ائتلافنامه یه « قونقوردا » شکلی و یردی [۱۸۱۷] ؛ کلیسانک « امر الاهی و قانون دینی اقتضاسیجه حاز اولدینی حقوق و امتیازاتی » تصدیق ایتدی ، فقط « قونقوردا » ایله برابر — ناپولئونک مواد اساسی‌سنه مشابه اوله‌رق — نشر ایدیلن فرمانده ، (پایا) نک اعتراضاتنه رغماً ، سربستی مذاهب قاعده‌سی وضع اولندی [۱۸۱۸] . دیگر آلمان حکومتلرنده کلیسا ، حکومتلر ایله متفقاً (پایا) طرفدن نشر ایدیلن امرنامه‌له کوره تنظیم ایلدی . هر یرده حکومت کلیسا اوزرنده کی نفوذ و اقتدارینی محافظه ایتدی و حتی اون سکزنجی عصرده اولدینی کبی صرف دینی اولان خصوصاته ، مراسم و آیین روحانی‌له ، یورطیلره ، زیارتلره مداخله ایتکده دوام ایلدی .
الحاصل حکومت مطلقه‌نک اعاده تأسیسی متعاقب کلیسا اولکنندن ده ضعیف و حکومتلره ده مطیع برحاله کلدی .

اولترامورته فرقه‌سی . — کلیسا ، انقلاب کیر بجراننده کندی آرزوسنه رغماً بشقه برشکه کیر مشدی ؛ کلیسای ضعیلمش ، قوتدن دوشمش فرض ایدیورلردی ، حال بوکه حقیقت حالده اولکنندن ده قوتلی ایدی ، اون سکزنجی عصرک هیئت رهبانی ، حاکمیت خواص قاعده‌سنه مستند تشکیلاتی و نا تمام بر صورتده تطبیق ایدیلن مرکزیت اصولی ایله ، ظاهراً بک چوق حقوق و امتیازاته ، نفوذ و اقتداره مالک ، فقط هیئت اجتماعیه اوزرنده بک آزفمالت و نفوذ صاحب ایدی ؛ اهلینک افکارمنوره طغنی و هبانه اطاعت ایتیمورندی ، عوام اوزرنده کی نفوذ رهبان ایسه محانه منحصر قالیور و وحدت بدلتلر منحرولوم بولنیوردی ، هر سیواک دولتک (پایا) یه غیر تابع و هان مستقل ، حکومتک ارضینه ، مطیع برملی کلیسای وارندی ، متبینه .

انقلاب ایله تماماً دیکشمش، حکومت سابقه‌نك اعاده‌سی اوزرینه حال سابقی آمشدر. حکومت قدیمه‌لرینی استردادایدن حکمدارلر تشکیلات قدیمه مذهبی اعاده ایتدیلر. بونلرایچون حکومت مشروعه‌یی اعاده تأسیس ایدرکن کلیسانك تشکیلات قدیمه‌سنی ده اعاده ایتمک هم بروظیفه وجدانیه، هم‌ده - هیئت ره‌بانك بالطبع محافظه کار اولمسنندن طولانی - برسسیاست محافظه کارانه ایدی. (فرانسه) ده مشروعت فرقه‌سی «تحت حکمداری ایله کلیسانك اتحادینی»، یعنی حکومت ایله هیئت ره‌بانك اتفاقی طلب ایدیوردی (شاتوبرریان)، (دومه‌ستر)، (هاله‌ر)، (اشله‌غل) کی بوفرقیه منسوب ذوانك نظریه‌سی. حکومتک سیاستی بوایدی؛ انقلاب هم حکومت جسمانیه‌یی، هم‌ده حکومت روحانیه‌یی ته‌دید ایتدیکی ایچون بونلرده منفعتلرینی برنقطه‌ده متحد کورهرک دشمن مشترک قارشی اتحاد ایتدیلر.

فقط بوایکی قوت، ایکی حکومت آره‌سنده کی مناسبات مختلف صورتلرله تنظیم و تعیین ایدلدی. (بابا)، کندی حکومتی داخلنده حال سابقی تماماً اعاده ایتدی؛ انقلاب زماننده قالدیرلمش اولان مناسترلری یکیدن تأسیس ایتدکن بشقه وقتیه حکومت قدیمه‌نك اصراری اوزرینه لغو ایدیلن (جزویت) جمعیتی حکومتلرک رأینه مراجعت ایتدن نیسان ۱۸۱۴ تاریخلی امرنامه ایله یکیدن احداث ایدلی [۰]. - (اسپانیا) و (پورتگیز) حکومت مطلقه‌لری و (اوستریا) نك زیر اداره‌سنده بولنان ولایات ایله (طوسقانه) مستتتا اولمق اوزره (ایتالیا) ده بولنان حکومتلر اداره روحانیه‌نك طرز قدیمه عودت ایتدیلر. وحدت اعتقادی [قائولیک مذهبك مجبوریتی]، کلیسا محاکمی، کلیسایه عاقد اعشار و املاکی، سجل نفوسی معاملاتك هیئت ره‌بان طرفدن ایفاسنی، روحانی طریقتلری اعاده ایلدیلر. ایکی بیوک قائولیک حکومت، (فرانسه) و (اوستریا)، حکومتک کلیسایه تقوفی، سربستی، مذاهب قاعده‌ستی محافظه ایتدیلر. (اوستریا) مساحه اصولیه (ژوزه‌فنینزم) تی و (فرانسه) مساوات مذاهب قاعده‌سیله (قونفوردا) پی محافظه‌ده دوام ایلدیلر. نه وحدت اعتقادی، نه ده کلیسانك استقلالی قبول ایتدیلر؛ حتی (فرانسه) انقلاب زماننده قالدیریلان روحانی طریقتلری، کلیسا املاکی بیله طایمیدی. (بابا) برات مشروطیت علیه پروتستو ایتدی [۰*]؛ بوقائونك حین تنظیمنده مذهبک اصلاً نظر دیکله آلمدی، [۰*] جزویت جمعیتی ۱۷۷۳ سنه‌سنده (بابا) طرفندن لغو ایدلش ایسه‌ده حقیقت حالده (روسیه) و (پروسیه) کی قائولیک اولیان حکومتلرده دوام ایدوب طورمش؛ حتی قائولیک حکومتلرده بیله بشقه ناملر آلتنده کیرلمشدر. (سویس) قرالغته ایسه دملما یکیدن تألیس اولمیدی. [۰*] بابانك اعتراضی مجلس اعیان طرفندن تنظیم ایدیلن قانون اساسی به ایدی؛ فقط بوم قائونك شایان اعتراض کوریلن ماده‌لر، برات مشروطیت‌ده یکمشدی. (فلمنک) قرالنی قانون اساسی علیه‌نده دخی بویله براعتراض واقع اولدیگی محل مخصوصده کورلمشدر.

تابع ، افراد اهالی اوزرنده کی حقوقدن محروم بر « غالیقان » کلیسا-ای ایدی .
 (ناپولئون) کلیسانک طرز قدیم اداره سندن آنجق شکه عائد بعض شیلری و حکومت
 جسمانیه نك کلیسا اوزرنده کی نفوذینی اعاده ایتمشدی . محصول انقلاب اولان قاعده
 اساسیه ، یعنی هیئت رهبانک حکومت روحانیه سنه عائد نفوذ و اقتدار ، سربستی و مساوات
 مذهبییه محافظه ایدلمشدی . حکومت نظرنده بواصول ، یکی بر طرز اداره اولمدینی حلاله
 افراد اهالی ایچون محصول انقلاب ایدی . « قونقوردا » ، کلیسانک حکومت ایله مقابله
 نامه عقدا تمک حقیقی تصدیق ایدرک تشکیلات روحانیه نك ماهیت انقلابی و روانه سنی ستر
 و اخفنا ایدیوردی . فقط ایکی حکومت آره سنده منعقد بر معاهده نامه شکلنده اولان
 بو « قونقوردا » یه (ناپولئون) طرفندن « مواد اساسیه » نامیله علاوه اولنان بعض
 ماده لر صرف حکومت جسمانیه طرفندن امور مذهبییه حقنده وضع ایدلمش قوانین
 شکلنده اولوب (پاپا) نك اعتراضانه رغماً و کلیسا قانونه مخالف اولورق « کلیسانک
 حقوق و ضابطه حکومت ایله مناسبات عمومیه سنی » تعیین ایدیور ، کلیسایی حکومت
 جسمانیه یه تابع بولندیریوردی . فی الحقیقه مواد مذکور هیئت رهبانک سوء استعمال و وقوعنده
 شورای دولته سوقنه ، (پاپا) نك امرنامه لرینی نشر ایچون حکومتک مساعده سنی
 استحصاله ، (پاپا) طرفندن سفیر اعزامنه ، مجالس روحانیه نك صورت اجتماعنه ،
 یورطی کونفرینک تعییننه ، اداره روحانیه لرك تشکیله متعلق ایدی .

(ناپولئون) ک زیر اداره و یانفوذنده بولنان کافه ممالک ، یعنی (اوستریا) و (پورتگیز)
 مستثنا اولق اوزره بتون قاتولیک مملکتلر « قونقوردا » یه و یابوکا یاقین بر اصوله تابع
 اولدیلر . بتون « قونقوردا » اورواده قاتولیک کلیسا سنک تشکیلاتی تمامیله تبدیل
 ایدی و کلیسایله حکومتک مناسباتی بسط برشکه قویدی .

بو مملکتلرک کافه سنده کلیسا ، حکومتک بره و سسه رسمیه سی صفت و ماهیتی محافظه
 ایتمهکله برابر هر درلو وسائط جبر و تصدیقندن محروم بر ایلدی و حکومته تابع عد اولندی .
 عینی زمانده قدیم طریقت روحانیه لرك الفامی و کلیسا املاک کنک املاک امیریه یه تحویلی هیئت
 رهبانی پک زیاده ضعیف دوشوردی ؛ (آلمانیا) ده روحانی پرنس لرك حکومتلری [اوچ
 ملیونی متجاوز نفوس] دیکر پرنس لرك آره سنده تقسیم ایلدی ، حتی (ناپولئون) پاپانک
 حکومتی فرانسه ای برطور لغنه الحاق ایدی .

کلیساده حال سابقک اعاده سی . — (ناپولئون) ه غلبه ایدن متفقسلر ، (پاپا) یه
 (آوینون) مستثنا اولق اوزره ، بتون حکومتی اعاده ایتدیلر . فقط حال سابقه اعاده
 اولنان یکانه حکومت روحانیه بو ایدی . کلیسا ، طرز قدیم اداره یه تابع اولدینی ایچون

اولان (پاپا) مستقل بر حکمدار اوله‌رق قالمش ، قاتولیک کلیسا سنک امور اعتقادیه و دینیہ سنده حکومت مستقله روحانیہ سنی محافظه ایلمش ، فقط نفوذ سیاسی کسب ضعف ایتشدی .

کلیساده انقروب . — (ره فورمه) دن صکره دوچار تزلزل اولان طرز قدیم اداره روحانیہ انقلاب کبیر ایله بسبتون دوریلمشدر . (قونوانسیون) ایله (دیرکتوار) ده احراز اکثریت ایدن جمهوریت فرقه‌سی اولجه شمالی آمریقاده تجربه ایدیلن بر اصولی قبول ، امور مذهبیہی اساسلی بر صورتده تعدیل ایتدی . هیئت اجتماعیه ده حکومت جسمانیہ تماماً غلیه ایدرک کلیسانک کافه نظامات و مؤسسات رسمیه‌سی ، رهبانک و افراد اهلینک حرکات و معاملاتنی ، تدریسات ، سجل نفوس ، محاکم ، اعشار ، املاک حقیقده کی حقوقی ، امتیازات مخصوصه‌سی ، حتی بر طریق روحانی‌یه دخول حقیقده کی اصول و نظامات الغا ایدلدی . دین ، هر درلو تاثیر خارجیدن آزاده ، تمامیه خصوصی بر ایش حالنه کلدی ، هیئت رهبان هر درلو واسطه تضييقدن محروم قالدی ، حتی کندی ارکان و اعضاسنی غالب ایتدی . سجل نفوس ، تدریسات ، معاونت عمومیه ، دفن اموات کی خصوصیات حکومت جسمانیه‌یه ویرلدی ، حکومت جسمانیه دن بشقه بر قوت قالدی . بو اصول اداره کلیسانک حکومتدن افتراق قطعیمی ، حکومتک امور مذهبیه ده لاقیدی تامی ، کافه ادیان و مذاهیک حریت و مساوات قطعیه‌سی ، یعنی قرون وسطاده جاری اولان اصولک تماماً ضدی ایدی .

برنجی (ناپولئون) مطاقت اداره‌یه ، «غالیقان» کلیسای اصولنه عودت ایتدی . (پاپا) ایله عقد ایدیلدی «قونقوردا» ، مقاله نامه ایله کلیسانک صفت رسمیه سنی تصدیق ایدلدی ؛ هیئت رهبانک سلسله مراتبی ، تشریفات مخصوصه سنی اعاده ایدرک حکومت طرفندن تسویه اولمق اوزره معاش تخصیص ، خدمت عسکریه دن عفو ، مناسرت تأسیس حقیقی تصدیق ایتدی . فقط حال قدیمه ارجاع اولنان بو هیئت رهبانه افراد اهالی اوزرنده کی حقوقندن هیچ برینی ، نه سجل نفوسی ، کتابلرک تفتیش و معاینه‌سی ، نه مکتبلرک نظارتی ، حقیقی اعاده ایتهدیکی کی صنوف روحانیه اوزرنده کی حقوقنی ده الغا ایدلدی ، یعنی بر طریق روحانیه انتساب ایدنلرک بردها او طریقدن چیقه ماملری ، هیئت رهبانک کندی اعضاسنی تأدیپ و تجزیه ایده بیللمسی اصولنی قالدیردی . حتی کلیسا ایله حکومتک تفریق ایدلدیکی زمانده هر جمعیت خصوصیه بخش اولنان سربستی بی بیله بر اقدی . هیئت رهبانی ، مأمورین سآره کی حکومت جسمانیه‌یه تابع طوتدی و قدیمتاً قرالک «غالیقان» کلیسای اوزرنده کی حقوق قدیمه سنی استرداد ایتدی . بو طرز اداره ، حکومت جسمانیه

عقدینه منجر اولمشدی. حکومت، افراد اهالی یه قاتولیک مذهبنی قبول ایتمه‌رک دیکر بر مذهب احکامنه رعایت ایتمک ایچون مساعده ویریور، قاتولیکر هیئت ره‌بانه تابع‌قالیور، فقط قاتولیک اولمیانلر نفوذ ره‌باندن خلاص اولیوردی. بو باده ایکی اصول جاری ایدی: برنجیسی «مساحه» اصولی، که حکومت کلیسا سنک تفرقی محافظه ایدیور و بونک مادوننده عدایت دیکر مذهب لک اجراسنه «مساحه» ایتمکله کنتفا ایدیوردی؛ ایکنجی (ژوزف) دن بری (اوستریا) ده واون آلتنجی (لوتی) زمانندن بری (فرانسه) ده جاری اولان اصول بو ایدی. ایکنجیسی آلمان حکومترلر نده (مجارستان) ده جاری اولان «مساوات» اصولی، که حکومت متعدد کلیسایلی، مذهب لری عین مرتبه ده عد ایدیور و حکومت طرفندن جمله سی حمایه وهر بری کنندی منسوینی ایچون مجبوری عد اولنیوردی. [بو اصولده، مصدق اولمیان مذاهب ایچون مساحه اصولی تطبیق ایدلمکده ایدی]. — یالکز (اسپانیا) و (ایتالیا) قاتولیک مذهبک قاعده اساسیه سنی، وحدت اعتقاد اساسی، مذاهب سائر ایچون عدم مساعده اصولی محافظه ایدیورلردی [*]. دیکر لری «مساحه» اصولی و حکومت جسمانیه نك تفرقی قبول ایتمش لردی.

عینی زمانده حکومتلر، قاتولیک هیئت ره‌بانی حکمدار جسمانی به‌دها زیاده تابع طوتمق ایچون حکمدار روحانینک، (پاپا) نك نفوذ و اقتدارینی تحدید ایتمش لردی. حتی بعض قاتولیک حکومه‌ترده (روما) کلیسا سنه یالکز مشارکت اعتقاد سیبله مربوطه، فقط آیریمجه تشکیلات ملیه بی، آیین و مراسم نقطه نظرندن بعض عادات خصوصیه بی حاوی ملی کلیسایلی تأسیسنه بیله تشبث ایدلشدی؛ فرانسه ده (غالیقان)، آلمانیده (فهبرونوس Febronius)، اوستریا ده (ژوزه فین) مسلک لری بو اساسه مبتنی ایدی.

الحاصل (اوروپا) ده، مطلقیت اداره جاری اولدینی زمان، کلیسا کنندی امتیازاتی، املاک و تبرعاتی، ره‌بانک خدمت عسکریه دن موقوفیتی، ویرکوجه صورت استثنائیتی، مناصب و تشریفاتده تفرقی محافظه ایتمش دی؛ بوندن بشقه بتون افراد اهالی نك احوال و حرکاتنه نظارت، کتابلری تفتیش، سجل نفوس معاملات و مزارق لری اداره ایدیورلردی، هنوز، حکومت ایله ره‌بان آره‌سنده مشارکت موجود ایدی. فقط ره‌بان، حکمدار جسمانی نك مأمور لری هر سه ایتمش دی. یالکز هم کلیسایلیسی، هم ده حکمدار جسمانی

[*] پروتستان مملکت لرده دخی بو اوچ اصول جاری ایدی: (انگلتره) و (په‌یبا) مساحه، (پروسیه) مساوات، (اسقاندیناویا) حکومتلری عدم مساعده اصولی قبول ایتمش لردی. اورتودوکس مملکت لرده مذهب مجبوری و وحدت اعتقاد اصولی محافظه ایدلشدی؛ فقط دولت عثمانیه ده پادشاه آرزو ایدتیکی مذاهبی تصدیق ایدیور، (روسیه) ایمپراطور لنده (چار) الحاق ایلدیکی مملکت لک مذهب لری محافظه ایتمک تعهد ایلوردی.

حتی ندهد محاکم حکومت حضورینہ چیمق مجبوریتی تحمل ایده من . ارکان حکومت ایسه بالعکس قاتولیک اولمق صفتیله هیئت رهبانک حکومت روحانیه سنه تابع و بو هیئتک او امرینی اجرا ایچون مهیای خدمت بولمغه مجبور ایدیلر . قوه حکومتک جسمانی و روحانی نامیله ایکیه آرلمی بیله حکومت جسمانیه یه مستقل برحق حکمرانی تأمین ایده میوردی ، چونکه هر ایکی قوتک ، حکومتک حدودینی تعیین ایدن وهانکی ایشلرک کنننسنه عائد اولدیغنه قرار ویرن ، یالکزه هیئت رهبان ایدی . بو صورتله هیئت رهبان امر ویریور ، فقط هیچ بروقت امر میوردی . بو ، پاپا سکیزنجی (بونیفاس) طرفندن درمیان اولنان . نظریه نیک تطبیقی ایدی ؛ (پاپا) دیمشدی که :

« حضرت عیسا ایکی قلبیچ ، ایکی سیف صارم برافشدر ، بونلرک بری روحانی اولوب کلیسیایه ، دیکری جسمانی اولوب حکمدارلره عائددر . فقط حکمدارلر اللرنده کی قلبیچی (پاپا) آرزوسنه کوره قوللانمغه مجبوردرنر ؛ حکومت روحانیه نیک یاننده تماماً مستقل برحکومت جسمانیه نیک موجودیتنه قائل اولمق برحسنت ، برده سیئات ایچون بشقه بشقه ایکی الهک وجودینه ایناتمق کبی دینسزلکدر ، زیرا بتون بشریت (پاپا) یه تابعدر .» شو حالده کلیسا ، حکومتک فوقده ایدی .

فقط ، تطبیقاده ، حکومتلر کلیسای بیبتون بشقه برطرزاداریه تابع طوتمشدردی . حکومت ، قاتولیک قلمش اولان دولترده بیله ، کلیسای کننینه تابع قلمشدی [۱] رهبان آرتق بر هیئت مستقله تشکیل ایتیمور ، ویرکولره و جسمانی محکمه لره تابع بولنیوردی ؛ تشکیلاتی اولکی کبی دکلمدی ، هیئت روحانیه رؤسای حکومت جسمانیه طرفندن انتخاب ایدیلوردی . امور مذهبیله حق حکمرانیسی قالمشدی ؛ حکومت ، مقررانتیک ، نسرندن اول رخصت استحصالی ، هر دلرو او امری اجرا ایچون حکومتک تصدیقی ، امور مذهبیله عائد بر حکمک محکمه جسمانیه طرفندن نقضی کبی خصوصات ایله هیئت رهبانی نظارت آلتنده بولننریوردی .

بو اصول ، هیئت رهبانک او امرینه اطاعت مجبوریتی ازاله ایتیمور ؛ حکومت ، تبعه سنی کافه اعمال مذهبیله اجرایه و هیئت رهبانه اطاعت اجبار ایلمکده دوام ایدیلوردی . فقط بر جوق حکومتلرده (ردفورمه) بی متعاقب وقوعه کلن منازعات و اختلافات مذهبی قاتولیک کلیسانک قاعده اساسیه سنه ، یعنی وحدت اعتقاد اصولنه مغایر صورت تسویه لر

[*] اورتودوکس حکومتلرده اولدینی کبی پروتستان حکومتلرده دخی حکمدار رسماً کلیسانک رئیس اعظمیدر . یعنی « قیصرلق ایله پاپایق » جمع ایدلشدر . (ردفورمه) ، یعنی پروتستانلق حریت وجدانی تأسیس ایتیمشدر ؛ کلیسای آبیهرق نفوذ و اقتدارلرینی محافظه دن عاجز اوله جق درجه ده ضعیف کوچک کلیسالر تأسیس ایتمش و هیئت رهبان نفوذینی غائب ایلشدر .

بر هیئت تشکیل ایتک مجبوریتده ایدی، که بوکا « هیئت اجتماعیة کامله » نامی ویریلردی .
 تشکیلاتی طبقی بر حکومت کی ایدی : حکمدار مطلق [پایا و مجلس روحانیسلر] ،
 مأمورلری [سلسلهٔ مراتبه تابع هیئت رهبان] ، بالذات تنظیم ایتدیکی قانونلری ،
 حقوق مخصوصه سی ، محکمه لری ، کندینه مخصوص اصول محاکماتی ، حبس خانهلری ،
 املاکی ، ویرکولری [اعشار] واردی ؛ تبعه سنه اوامر و تعلیمات ، مجازات
 ویره بیلردی .

صنفر رهبان خارچنده کی بتون اهالی کلیسانک افرادی و امور مذهبه ده هیئت رهبانک
 تبعه سی ایدی . اعتقاد ، معارف و اخلاق هیئت رهبانک زیر اداره سنده ایدی ؛ کلیسا ،
 افراد ماته نلره اینانسی ، نلری او قومسی ، نه یاپلمسی لازم کله چکنی امر ایدردی ،
 امرلری مجبوری ایدی . کلیسا بر کیمسه بی آرزو ایتدیکی احکام دینه دن استثنایا
 ایده بیاردی ، بالخاصه حیات خصوصیه نك اک مهم معاملاتندن بری اولان نکاح هیئت
 رهبانک النده ایدی . سجل نفوسه عاند کافه معاملات کلیسایه عاندی هیئت رهبان ،
 مکتبلری و تدریساتی ، خسته خانهلری و مؤسسات خیریه بی اداره ؛ اقوال و محرراته
 نظارت ، مطبوعاتی تفتیش و معاینه ایدردی .

اعمال مذهبه ، منافع عمومی نقطه نظرندن مجبوری عدایدلیدیکی ایچون ، بتون افراد
 اهالی - حکومت اطاعته مجبور اولدقلری کی - لدی الایجاب جبراً اوامر مذهبه یه
 اطاعته اجبار ایدیلوردی . کلیسانک الده و سائط مادیة تضییقه موجود اولمدیغندن
 حکومت کندیسنه معاونت ایدردی . هیئت رهبان اهالی یه ترتب ایدن وظائف دینه بی
 امر و تعیین ، بوکا رعایت ایتیلری ظاهره اخراج ، مجازاته حکم ایلردی . حکومت ،
 کلیسانک مقرراتی موقع تطبیقه قویمق ایچون هیئت رهبانک خدمته آماده بولنور ؛
 مناستر راهب و راهبلرینی مناسترلرده قالمغه ، افراد اهالی بی راهبلره اطاعته ، اعمال
 مذهبه بی منتظماً اجرا یه ، آینلرده حاضر بولنمغه ، پرهیز رعایت ، هیئت رهبان واسطه سیله
 نکاح و تدفینه ، چو ققلرینی قانولیک آیینجه تربیه یه ، کنه چیقارمغه مجبور ایدردی .
 هیئت رهبان طرفندن محکوم اولان کتابلری منع ، کلیسا محکمه لرینک حکملرینی اجرا
 ایلردی .

بتون قانولیک مملکتلرنده حکومت و کلیسا آره سنده بروجه آتی اوج شرط ایله بر
 مقاوله نامه عقد ایدلمشدی ؛ ۱ ، هیئت رهبانک تشکیلات مستقلمسی ؛ ۲ ، هیئت رهبانک
 بتون اهالی یه امر و یرمک حق ؛ ۳ ، کلیسانک نفوذ و اقتدارینی محافظه ایچون حکومت
 جسمانیه نك معاونتی . بواصول اداره ده هیئت رهبان اعضاسی حکومت جسمانیه یه تابع
 دکلدی ؛ حکومت رهبانه هیچ بر تکلیف جسمانی بی ، نو یرکو ، نه خدمت عسکریه بی ،

يکرمی اوچنچى باب

کلیسا و قاتولیک فرقه‌لری

اقتدارده اول کلیسا . — اون طبقه‌لری عرصده قاتولیک کلیسا سنک تاریخ سیاسی حکومت روحانیه ایله حکومت جسمانیه آرسنده کی مناسباتک تاریخچدر [۱] . بوعصرک باشلیجه وقایع سیاسیه سنی تشکیل ایدن اختلافاتی آکلامق ایچون مسئله نك حکومتلر ایله هیئت رهبان آرسنده نه صورته موضوع بحث اولدیغنی ، آره برده هانکی قوتک منازع فیه بولدیغنی بیلمک اقتضا ایدر . فقط هیئت رهبانک هیأت حاضره اجتماعیه آرسنده کی موقنی آکلامقن آنجق انقلاب کیردن اول کلیسانک تشکیلاتنه کسب و قوف ایتمکله ممکن اوله بیلیر .

قرون وسطانن بری بتون قاتولیک مملکتلرنده قبول ایدیلان قاعده عمومیه هر بر خرسیتیان هیئت اجتماعیه سنک عینی زمانده ایکی قوته ، ایکی حکومته تابع اولدی ایدی ؛ حکمدار جسمانی اجساده ، حکمدار روحانی ارواحه حکم ایلردی ؛ نفوذ و اقتداری آره لرنده تقسیم و یکدیگره معاونت ایدر لردی . ارواحه حکم ایتمک حتی ، عمومه مطاع اوله بیلمک ایچون ، قوه مادیه به محتاجدر ، بوندن طولای کلیسا دانما حکومتک قوه جسمانیه سندن حصه دار اولمق ایسته مشدر .

کلیسا ، طرف آلهیدن کنديسنه مبردوع اولدیغنی ادعا ایتدیکی وظائفی ایفا ایچون استقلال تامه محتاج ایدی . بنابراین عینله بر حکومت کی کندی کنینی اداره به کافی بر

[۱] بومناسباتی افهام ایچون قولانیلان تعبیر فنی و رسمی « کلیسایله حکومتک مناسباتی » کله لیردر . بر کلیسا تاریخنده تدقیق ایدیله جک جهتلر (اورویا) نك مالک مختلفه سنده حکومت ایله مذاهب مختلفه کلیسالی آرسنده کی مناسباتدر . فقط (پروتستان) و (اورتودوکس) کلیسالی حکمدار جسمانی به تابع ملی کلیسالر اولدیغندن بونلرک قاتولیک کلیسایله مشترک بر تاریخ سیاسی لری یوقدر . بعض مملکتلرده عینی دینک مختلف کلیسالی ارکانی آرسنده مناسبات و یا محبت شخصیله اوله بیلیر ، فقط بین الملل پروتستان ، یاخود اورتودوکس فرقه سی یوقدر . چونکه پروتستان و اورتودوکس کلیسالرینک تشکیلات عمومی لری مفقوددر . یا لکنز قاتولیک کلیسای عمومی اولدیغندن بتون حکومتلردن مستقل بر رئیس طرفندن اداره اولنور بین الملل بر هیئت روحانیه تشکیل ایتشد . قاتولیکلر ، حکومت متبوع لرینک حدودلری خارچنده اوله رق بر رابطه عمومیله یکدیگره مربوط اولدق لری ایچون بین الملل فرقه لر حائده بر اشم لور .

جدید زادگان ، اراضی به مربوط اولان قدیم زادگان صنفندن خارج طوتیلدینی ایچون ، ملتک قسم عوامی طرفندن تشکیل ایدیان احرار فرقه لرینه داخل اولمش ، بونلرک « قادرو » لرینی تشکیل ایتمشدر . تشبثات عظیمه صنایعه ایله « بورسه » معاملاتنی حکومتلرک کمرک قانونلرینه ، استقراضلرینه ، امور نافع امتیازلرینه طوغریدن طوغری به ، غزت لارک نشریانتنه طولایسیله مربوط اولدیقندن صنف جدید زادگان ، یعنی بیوک سرمایه داران حکومتلری ، مجلس مبعوثانلری ، غزت لری نفوذ و تأثیرلری آلتنده بولندیرمغه اهتمام ایلمشدر . بوتشبتده هانکی ممالک تلموده نه درجه به قدر موفق اولدقلری مسئله سنه کلنجه ؛ بوجهت هنوز کیزلی برتاریخدرکه شمعیلک نقل و تحریرینه لزوم کورمیورم . فقط هر حالده اون طغوزنجی عصر حیات سیاسیه سنک خواص میزدسندن بریده « بورسه » معاملاتنک حکومتلرک اداره سیاسیه لرینه پک زیاده تأثیر ایتسیدر .



تعریف مؤلفات

اون طغوزنجی عصرده کی اختراعات و کشفیاتک بر تاریخ عمومی فنیسی هنوز یازلامشدر . مع مافیله قرانسزجه ده (فیکیه Figuiet) نک (Les merveilles de la science) عنوانی اثریله ۱۸۵۵ سنه سندن بری هر سنه برجله نشر اولنان (L'année scientifique) نام کتابده و آلمانجه ده آتی جلدن مرکب (Das neue Buch der Erfindungen) ده پک چوق تفصیلات بولنور . ثروت و مقدار نفوسک صورت تکامل و ترقیسی ایچون ایستاتستیک حقنده کی آثاره مراجعت اولنه بیلیر . قرانسه ده حیات سیاسیه نک تحولاتی حقنده کی آثار میاننده (رامبو) نک (قرانسه مدنیت حاضره سی) عنوانی کتانی شایان توصیه دره .

انکلیزجه (The growth of english industry and commerce) نامنده کی اثر معتبر تجارت و صنایع مختلفه دن هر رینک - متعدد مؤلعلر طرفندن یازلمش - تاریخلرینی حاویدر .

تمامیه دیکشیدر مش ؛ بوسایه ده ویر کولر بودجه لر ؛ دبون عمومیه لر وقتیه طاقتفرسا عد اولنه جق درجه ده آرتمش یوکلمشدر . کذلک حکومتلرک « قره دی » ایله محاربه ایله بیللمری و مصارف حربیه بی انسال آتییه به تحمیل ایلمری یته بوسایه ده ممکن اولمشدر . الحاصل حکومتلرک قوه اقتصادیه سی ، بو جسیم بودجه لک ترتیب و اداره سیله مکلف اولان شورای امتلرک تأیرونقوذی فوق العاده آرتمشدر .

حیات اقتصادییه ده تحولت . — امهام و تحویلاتک ظهوری اقوام متمدنه نك حیات اقتصادییه سنده بیوک برتحول حصوله کتیرمشدر . وقتیه مستحصللر یا کندی احتیاجلری ، ایچون ، یاخود محلی پیاسه سنک استهلاکنه کوره استحصال ایدرلردی . کویلیلر پک آز صانارلر وهان هیچ برشی صتون آمازلردی ؛ ازباب صنایع بولندقلری محللرده کی مشتریلر ایچون چالیشیرلردی . صنایع جسیمه و تجارت بیده ، بعض اعمالا تخانه لرده یابیلان زینت اشیا سنه ، ابحار محیطه نك اوته طرفندن کلن شکر ، قهوه کی محصولاته منحصر ایدی . — اون طقورنجی عصرده ، (انکلتره) ده ۱۷۸۹ ایله ۱۸۱۴ آردسنده باشلایان برانقلابک ، تأثیریه مستحصللر و حتی چیفتجیلر آرتق کندیلری ، یاخود معروف مشتریلر ایچون دکل ، یا لکنز پیاسه ، بتون جهانک پیاسه ایچون چالیشمغه باشلامشدر . حصه سنه آتیله « آنونیم » شرکتلر تأسیس اصولی صنایع جسیمه به تطبیق ایدیلرک سرعتله ترقی ایتمش ، عینی زمانده حکومتلرک اسهام و تحویلاتی استقراضاتک تزایدسریی ایله متناسب برصورتده آرتمشدر . بوضورتله « بورسه » معاملاته اساس تشکیل ایدن درلو درلو اسهام و تحویلات میدانه چیقمشدر .

بوندن صکره محصولاتک تعیین مقاداری ، صورت اداره سی بتون دنیا پیاسه لرینی اداره ، فیات اشیا بی تعیین ، صنایع جسیمه فابریقه لرینه سپارشلر اعطا ، حصه سنه اتلرک و حکومت اسهامانک قیمتلرینی تقدیر ایدن بیوک سرمایه دارلردن مرکب هیئتلرک ، شرکتلرک الیه کچدی . تجارت بورسهرلی و بالخاصه اسهام بورسهرلی حیات اقتصادییه اقوامک مرکز اداره لرلی اولدی [۱].

بویکی قوت ، شرائط حیات سیاسییه بی باشند باشه دیکشیدریدی . اسهام و تحویلات صاحبیلردن ، بانکرلردن ، بیوک فابریقه جیلردن ، بیوک تاجرلردن مرکب اولان صنف

[*] بورسهرلرک نه درجه کسب اهمیت ایتدکلرینی کوستریمک ایچون اوچ بیوک شهر بورسهرلنده مقید اولان اسهام و تحویلاتک قاچ نوع اولدیفنی کوسترن ارقام آتییه به عطف نظر ایتک یکانیدر :

۱۸۱۵ ده : لوندره بورسهرلنده ۳۰ ، پارسنده ۱۵ ، برلینده ۱۱
۱۸۷۷ ده : ۱۳۰۷ ، ۵۵۳ ، ۶۱۳

قاشلر ، رنگلی کاغذلر ، حاضر البسه ، اثاث بیتیه ، جام ، سفره طاقتی ، موم ، لامبا . کتاب ، غزته ، موسیقی ، تیاترو ، رسم بوکون عمومی مخصوص اشیای صیرهنه کچمشر .

بوترقیات بیدرپی حصوله کلدنجه اون سکنزنجی عصرده بتون مملکتلرده وبتون صنوف اهاایده کوریلن بیسک ممالک متمدنه اقوامی آرهنده تعیب ایدلمکه باشلامش و بوکون (اوروپا) نك یالکز جنوب و شرق مملکتلرنده ، یاخود اهاالینک نك آشای طبقه سنده کورلمکده بولمشر . وجودک ، چاشیرک ، خانه لک ، اغدیهنک تمیزلکی برمجیوریت معنویه شکلی آلمش و مکتب سایه سنده اک هجرا کویلره قدر یاییلمغه باشلامشر . نظافت عمومی طهارت خصوصیه ایله باشلامشر ، سوقاقلرک سوپورلمسی ، مجرالرک حفرو تخلیه ایدلمسی ۱۸۱۴ده تماماً مجهول ایکن بوکون بتون شهرلرده لوازم ضروریه صره سنه کچمشر . بیوک شهرلرده فترای اهاالینک اوست اوسته بیغیلدقاری طاروقارانلق اوطه لری ، پس سوقاقلری میدانن قالدیرمق ایچون مجبوریت حس ایدلمشر .

بوکون ال ایشلریله مشغول اک عادی برصنعتکارک ، عملهنک تربیه فکریه سی ، مالک اولدینی وساطت طرفاه ۱۸۱۴ده آنجق صنف متوسط اهاالی آرهنده کوریله یاییردی . بونک ایچوندرکه عوامک حیات سیاسییه دخولی بعض تجربهدیده ذواتک ظن و تخمینلری کبی انسانیتک حال وحشته رجوعنه سبب اولمامش ، آرای عمومیه اصولی علمهنده ایلری په سوریلن اک قوتلی دلیل بویکن هیچ رحکمی قالمامشر .

صنایع جدیدهنک حاصل ایتدیکی مبدولیت اشیانک برقسعی استمالک اولمش ، قسم دیکری اقتصاد ایدلمشر . ۱۸۱۴ده سنه سندن بری ترام ایدن تصرفاتک مقدارینی ، ولوکه یالکز برملمکتده اولسون ، صحیح برر قم ایله ارانه ایتک ممکن دکلنز [۱] . چونکه بوباده کی تخمینات هرکسک تقریبینه کوره متخالفدر . فقط بوتصرفک قرون سابقهنک ترک ایتدیکی سرمایه لک لاقول ایکی مثلی اولدینی محققدر . بو سرمایه جدیدک برقسعی صنایع و تجارتیه لزومی اولان آلات و ادوات جدیدهنک احداث و اعمالنه صرف ایدلمش ، فابریقه لر و شمندوفر خطلرینه یاتیرلمشر . متباقیسی حکومترلره اقراض اولمش ، حکومترلرده بونلری محاربه و تجهیزات ایچون صرف ایتمش ، تصرف ایدیلن سرمایه نك برقسعی حکومت اسهامنه تحول ایدلمشر [۲] . احتیاط سرمایه لر بنک کثرت وجسامتی حکومترلرک احوال مالیه لرینی

[۱] مولهال Mulhall ۱۸۱۵ دن ۱۸۸۰ سنه سنه قدر (انکلتزه) ده تصرف ایدیلن سرمایه لک مقدارینی ۸۵ ، بتون دنیانک برسنه لک تصرفی ده تقریباً ۱۲میلیار تخمین ایتلمشر .

[۲] ۱۸۱۴دن اعتباراً باشلایان (انکلتزه) دیون عمومیه سی ۱۸۲۰ده ۲۱میلیار فرانغه بالغ اولمش وبالآخره تناقص ایتلمشر . فقط (اوروپا) نك ممالک سائرهنسک مجموع دیونی ۱۸۲۰ده ۳۴میلیار فرانق ایکن ۱۸۸۱ده ۱۰۲میلیاره چیممشر . بتون اوروپا ایچون حکومت مرکزیه نك مصارفات سنویه سی ۱۸۳۰ده (۵) ۱۸۸۵ده (۱۵)میلیار فرانق ایدی .

بالخاصه (انكلتره) ، (آلمانیا) و (باچقیا) ده شهر لر همان بتون مملكتی قاپلابه جق درجه ده بیومشدر . (فرانسه) ده شهر لر اهاالیسنك نفوس عمومیه به نسبتی ۱۸۴۶ ده یوزده ۲۴ ایکن ۱۸۸۶ ده یوزده اوتوز آتی به جیقمشدر . بو خصوصده اك زیاده ترقی كوسترن (انكلتره) ده ۱۸۵۱ ده نفوس عمومیه نك یوزده الی بری نسبتنده اولان شهر لر اهاالیسی یوزده یتمش طقوزه بالغ اولمشدر .

اون طقوزنجی عصر تاریخی كوستر ییور كه بیوك شهر لر ایله مرا كز صنایع ، بتون (اروپا) ده ، بر مرکز انقلاب اولمش ، حكومهت و هیئت ره بانه مخالفت دائم بورالده كورلمشدر ، حاكیت عامه فرقه لر ی بالخاصه شهر لر ده طرفدار بولمشدر . الحاصل شهر لر اهاالیسنك تكثری ، (اروپا) ده حاكیت عامه فكر بنك تعمیمنه طوغریدن طوغریوه سبب اولان احوال دن بریدر .

تراپم روت . — ما كنه لر ، بی نه یاه قوای طبیعیه نك صنایعده استعمالنی تأمین ایلدیكندن نسبةً آزر زمانده بر جوق اشیا استحصال ایتمك و بناءً علیه ده اوجوز صامتق امكانی حاصل اولمشدر [۰] . — واپور و شمندوفر ایله تقلیدات دنیا نك هر طرفدن (اروپا) به مواد ابتدائیه و محصولات زراعیه نك غایت اوجوز فیات ایله كتیرلمنی تأمین ایتمش وعین زمانده (اروپا) ده اصول جدیده نك تطبیقی سایه سنده محصولات زراعیه آرمشدر . — آلتون و كوش اخراجانك ده بونبته آرمشی فیات اشیا نك تنزل ظاهر یسنه خیلی زمان مانع اولمشدر . فقط محصولات و مسكوكاتك تزیادی عین نتیجه بی حاصل ایدرك فائده لی اشیا نك تكثرینی و بونلرك قولایجه تداركی تأمین و بو حالده ایکی صورتله ظاهر ایتمشدر : تزیاد استهلاكات ، تراكم سرمایه .

تزیاد استهلاكات ، او قدر سریع وقوعه كلمش و عاداتی اودرجه اساسی صورتده دكیشدر مشدر كه اون طقوزنجی عصر اوائلده كی حیات ساده بی آكلایه بیلمك ایچون خیلی دوشونمك ، مقایسه ایتمك ایجاب ایدر . زكینلر ایچون مبذولیت اشیا ، لزومندن فضله بر درجه به وارمشدر . فقط بومبذولیتدن هر صنف اهالی مستفید اولمش ، شرائط حیاتیه تماماً دكیشمشدر . وقتیه زینت عدایدیلن اشیا نك بر قسمی ، شكر ، قهوه ، چیقولاته ، چاشیر ، پاموق و ایپك

[*] سمی و عمل وزمان خصوصنده الده ایدیلن تصرف صنایعه كوره دكیشیر . بوكون یا لكر برایشیبنك حاصل ابتدیی مقدار اشیا بی حصوله كتیرمك ایچون وقتیه استفاده منه لزوم كوریلن عمله نك عددی مقیاس اتخاذ ایدیلیرسه آره ده كی فرق حقیقه بر فكر حاصل ایدن شوار قام نمنه میدانه چیقار :

قوندره جیلق	برمه قابل	۵	ایپك فابریقه لر ی	برمه مقابل	۱۱۰۰
شاقه جیلق	»	۶	طباعت	»	۱۰۰۰
صنایع نسجیه	»	۳۰			

کلن تحولات دهها چوقدر ، اولکیلر درجه‌سندده ظاهر و آشکار دکدر ؛ بوراده اک مهملرینی یالککز ذکر وتعداد ایله اکتفا ایده‌جکیز .

نفوس عمومیجه تبرلات . — حیات، مادهیه تعلق اولان صنایعک ترقیسی وسائط معیشتک تکثرینی موجت اولدیغندن (اورویا) نک هر طرفنده مقدار نفوس سریع و متمادی بر صورتده آرتمشدر . حکومتلر طرفندن اجرا اولنان تحریر نفوس، بوتریقنک درجه اهمیتنی ارائه ایدر ، ۱۸۰۰ ده تقریباً ۱۸۰ میلیون تخمین ایدیلم (اورویا) اهالیسی بوکون ۳۵۰ میلیونی کچور [*] . بوتزاید ، بالخاصه شمال مملکتلرنده دهها زیاده مشاهده ایلمشدر . مقدار نفوسک تکثری حیات سیاسیه طوغریدن طوغری یه تأثیر ایتمز . شرقده کثافت نفوسی زیاده بر چوق مملکتلر واردر ، قرون وسطاده دخی بورالک بویله اولسی محتملدر ، حال بوکه بو کثافت نفوس ایله برابر حیات سیاسیه کلیاً مفقوددر ؛ بالفرض کیلومتره باشنه ۷ کشی اصابت ایدن شمالی آمریکا حکومت متحده‌سندده حیات سیاسیه کثافت نفوسی (۸۸) زه باغ اولان هندستانک حیات سیاسندن البت پک زیاده‌در . اون طقوزنجی عصرده تکثر نفوسک اعمیت سیاسیه سی بالخاصه شهرلر اهالیسنک آرتمشدن ایلری کلور .

۱۸۱۴ سنه‌سندده شهرلر ، اصحاب اراضی ایله کویلیلر ایچون ، ارزاق و ما کولات تدارکنه مخصوص بیوک بر بازاردن ، مرکز اداره‌دن عبارتدی ؛ قیم اعظمک اهالیسی مأمورین ، اصناف ، صنعتکارو تجار اولوب پک آرتیشک نفوسی الی سکی تجاوازیدیوردی . صنایع جدیده بیکلرجه عمله‌ینی بریره طوپلادیغندن ، تجار ایله نقلیات دنیانک هر طرفیه بین‌الملل بر تجارت مهمه‌یه میدان آچدیغندن شهرلرده عمله‌دن ، تجارت اربابندن مرکب یکی بر صنف اهالی پیدا اولمشدر . قدیم شهرلر ، امثالی کورلمه مش بر سرعت ایله کسب توسع ایتمش ، صنایع مرکزی اولان کویلر بیوک شهر حالنه کیرمشدر [*] . صنایعک مترقی اولدیغی بعض مملکتلرده [*] ۱۸۲۰ و ۱۸۹۰ سنه‌لرنده مالک مختلفه‌ده کیلومتره باشنه اصابت ایدن نفوس بروجه آتیدر .

۱۸۹۰	۱۸۲۰		۱۸۹۰	۱۸۲۰	
۱۹۲	۸۰	انگلتره و غال	۹۱	۵۰	آلمانیا
۷۱	۵۶	فرانسه	۷۹	۴۷	اوستریا
۱۰۷	۶۴	ایتالیا	۵۴		
			۲۰۶	بلجیقا [۱۸۴۰ ده] ۱۳۸	

[**] اورویاده ۱۸۸۰ سنه طوغری نفوسی بر میلیوندن زیاده ۴ نفوس بر میلیون ایله یارم میلیون آره‌سندده ۶ ، ۵۰۰،۰۰۰ ایله ۲۰۰،۰۰۰ آره‌سندده ۲۵،۰۰۰،۰۰۰ ایله ۱۰۰،۰۰۰ آره‌سندده ۴۰ ، ۵۰۰،۰۰۰ دن زیاده نفوسی حاوی ۱۷۸ شهر موجود ایدی . یارم میلیوندن زیاده نفوسی اولان بیوک شهرلرک نفوس عمومیسی ۱۱ میلیون ایکن ۱۸۹۰ ده ۱۴ میلیونی کچمشدر .

نسخه اشتراک‌ایدرک غزته او قومغه باشلادی . حکومتار غزته‌لرک صنوف اهالی اوزرنده‌کی تأثیراتنه مانع اولمق ایچون هر نوع تدبیره مراجعت ایتملر ، اولاً (انکلتره) ده اون سکزنجی عصردن اعتبار آنطریق اولنان تمفارسعی ، بعده ۱۸۱۹ سنه سندن صکره (فرانسه) ده تطبیق ایدیان کفالت نقدیه اصولی ، دهاصکره کاغد اوزرنندن ویرکو اخذی صورتیه تعمیمی منع ایتمک ایسته‌مشلرد . [بالخاصه ۱۸۴۸ انقلابنه قارشى وقوعه کلن ارتجاع زماننده غزته‌لرک صائیشنده پک بیوک برتدنی حصوله کتیرن مطبوعات ، دعوا لرندن یا خود غزته‌لرک اداره تعطیل وانفا ایدلرندن بوراده بحث ایتموروز] . فقط اوجوز غزته‌لر ، حکومتلرک خصوصتانه رغماً ، نهایت بتون (اوروپا) ده تعمیم ایدرک احتیاجات ضروریه صره سنه کچدی [*] .

یومی غزته ؛ هیئت حاضره اجتماعیه ده یالکیز تجارت ایچون دکل سیاسیات ایچوزده الک مؤثر بر واسطه نشر و تعمیمدر . قوازین ، امرنامه لر ، اعلانات محاکم کبی اوراق و وثائق رسمیه غزته‌لر ایله نشر ایدلمک باشلادی . امور مذهبییه عائد اوراق رسمیه نك نشری حقیقته‌کی ممنوعیت غزته‌لرک ظهوریله معناسز قالدینی کبی وقتیه الک اساسلی حریتلر میاننده تعداد ایدیلن حق استدعا دخی اهمیتدن ساقط اولمشدر . - غزته‌لر بالخاصه ایکی صورتله افکار عمومییه اجرایی تأثیر ایدر : یالکیز حکومتک دکل ، مأمورینک دخی کافه اؤمال و معاملاتى نشر و تنقید ایلر و بوضورتله حکومتک سوء استعمالاتنه قارشى الک مؤثر بر واسطه تفتیش اولور ؛ رجال سیاسیه نك ، افراد ملتک افکار و آمانی ایضاح و اعلان ایدرک سیاسی فرقه‌لرک تشکله خدمت ایدر .

غزته ، صنوف اغنیایه مخصوص برزینت حکمنده قالدینی مدتجه ، حیات سیاسیه ، معاملات حکومتی تفتیش و اجرا آت حکومته مخالفت ، صنف متوسط اهالییه منحصر بر امتیاز کبی ایدی ؛ صنوف سائره اهالی حیات عمومییه آنجق عصیانلر ایله اشتراک ایده بیلوردی . اوجوز غزته‌لر ، بوصف اهالی آره‌سنده دخی نشر و تعمیم افکاره خادم اوله‌رق عوامک تربیه سیاسیه‌سنی ، حاکمیت عامه قاعده سنک تقررینی تأمین ایلدی . حیات سیاسیه ده وقوعه کلن تبدلاته ، سواقاقلرک تنویری ایله فوطوغرافیانک ضابطه‌یه ایضا ایلدیکی خدماتی دخی علاوه ایدر ایسه ک شرائط حیات عمومییه بی طوغریدن طوغرییه تبدیل و تعدیل ایاین اختراعات مادیه لیسته‌سنی اکمال ایتمش اولوروز . باواسطه وقوعه

[*] بورتقینی صورت صحیحه ده حساب ایتمک ایچون لازم کلن ارقام موجود دکلدر ؛ فقط بیوک مملکتلرده طبع ایدیلن غزته‌لرک برسنده ده چقاردقلری نسخه لر ملیونلره بالغ اولورکن شمدی یوزلرجه ملیونی کچور ؛ غزته‌لرک صائیشی هر حالده یوزمیلی آرتمشدر .

داخلیده دخی حکومت ایله مأمورلری آره سنده کی روابط و مناسبات تلغراف سایه سنده بشقه بر شکه کیردی ، بونکه برابر تلغرافک ایجادندن اول ایشیه یاریان ، شمدی بی لزوم قالان معاملات قرطاسیه تمامیه اورته دن قالدیریه مدی . الحاصل ، تلغراف حکومت مرکزیه نك قوتنی آرتیره رق مرکزیت اداره اصولنك بحق تطبیقنه سبب اولدی .

شمندوفر ، من القدییم موجود اولان ، فقط وسائط نقلیه نك نقصانندن طولانی اهمیتنی تزید ایدمه من پوسته لری ده اصلاح ایتدی ، مناقلات امید و انتظار فوقده آرتدی ، اجرت نقلیه او نسبتده دوشدی . بین الملل پوسته اتحادینك ایستانتیق جدولارینه نظرآ ۱۸۹۰ سنه سنده بتون (اوروپا) ده ۹۰۰۰۰۰۰۰ پوسته مرکزی موجود اولوب تعاطی اولنان مکتوب وسائره اون ملیاری کچمشدی . — شمندوفر پوسته طریقیه یولجی و مکتوب نقلیاتی فوق العاده تسهیل ایتدیکندن امور حکومتده ، معاملات عمومیه ده ، حیات سیاسیه ده فعالیت عظیمه مشاهده ایدلدی . اک اوزاق ، هجرا کویلره بیله منتظم و دائمی پوسته لری کیدوب کلکه باشلادی . (اوروپا) ده اک متمدن مملکتلرک اورته سنده نیم وحشی بر حاده قالان قطعلرک دیگرلرندن فرقی قالمدی . هر یرده فرانسز ژاندارمه تشکیلاتی نمونه اتخاذا ایدیلرک یکیدن تأسیس اولنان ضابطه هیئتلری ، یوللرک کثرتی سایه سنده هر یرده ، حتی اورمانلرده ، طاغیرده بیله حیدودلری میدانن قالدیرمه فوق اولدی . بتون افراد ملت عدلیه ، مالیه ، اخذ عسکر ، اداره مأمورلریله مناسبات دائمه و منتظمه ده بولنه رق حیات سیاسیه ده داخل اولدیلر . وسائط جدیده نقلیات و مخبرات دوائر و مأمورین حکومت ایله ارباب مصالحی یکدیگره تقریب ایدرک امور دولتیك بحق اجراسنی تأمین ایتدی . سیاسی فرقه لر نشر و تعمیم افکار خصوصنده بتون ترقیات جدیده دن استفاده ایدیلر .

ماکنه لر مطبوعانده دخی بیوک بر انقلاب حصوله کتیردی ، ۱۸۱۴ دن اعتبارآ انکلیزلرک (تایمس) غزته سی ایچون ایجاد اولنان بخارایله متخزک طبع ماکنه سی ، ترتیب حروف ماکنه سی ، بعدده (روتاتیو Rotativ) دنیلن ماکنه لر طبع ایچون صرف ایدیلن زمانی تنقیص ، مصرفی تزیل ایدرک غایت آزر زمانده پک آزر مصرف ایله یوزبیکلرجه نسخه غزته نك طبعنی امکان داخلنه ادخال ایتدی [۱] . یومی جرائد سیاسیه ، وقتیه صنف متوسط اهالیدن اولان « آبونه » لره مخصوص برزیت ایکن بالاخره بتون صنوف اهالی نسخه

[۱] برآمریقالی صنعت طباعتده تأمین ایدیلن سرعتی کوسترمک ایچون الیوم بر ساعتده باصیلان ۷۲۰۰۰۰ نسخه غزته نك وقتیه ۱۰۰ کونده طبع اولندیغنی حساب ایشدر .

ایتمسندن نه نتیجه حاصل اوله جغتی اولجده سویلمشدم ؛ بویه بر عصیان وقوعنده هیمز سرچه کی تلف اولوب کیدرز .

بر حکومت مشروعه بی دوشورمک ویا برقانون اساسی بی قوه اجراییه قارشی مدافعه ایتک ایچون هیچ بر جازه یوقدر ؛ اهالی ، حکومتک سوء استعمالنه قارشی مقاومت ایچون اک مؤثر واسطه بی غائب ایتمشدر .

اختلال قومیتلرینک ترتیب ایتدکری سوء قصدلردخی مواد مشتعله جدیده نک ایجادیه بشقه بر شکله کیرمشدر . (لونی فیلیپ) علیهنه استعمال ایدیلن آلت قدیم رینه بومبالر ، دینامیتر ، مدھش ماکنه لر قائم اولدی . آلات جدیده بعض اشخاصک اوتوده بریده انظاردقت عمومیه بی جلب ایتلرینی تأمین ایلدی ، فقط اختلال فرقلرینک قوتی تزید ایتدی ، بالعکس اشتعاللرک سبب اولدینی وقایع فجیعہ خلقک خصومتی ، اختلال فرقلرینک نفرتی موجب اولدی .

رسائل صمیمه مناقبات و مخبرات . — وسائل مناقبات و مخبراتده وقوعه کن انقلاب حیات سیاسی بی بوجه آتی اوج طریق ایله طوغر بدن طوغری به دیکشیدردی : تلغراف ، شمندفور ، مطبوعات .

حکومات قدیمه نک تصادف ایتدکری مشکلات سیاسیهدن بری مخبرانده کی بطاقت ایدی ؛ حکومت مرکزیه نک امرینی محال بعیده به تبلیغ ایتک ، یاخود ولایات احوالی مرکزیه ایصال ایتک خصوصنده وسائل نقلیه قدیمه ، یعنی پوسته چیلر و کبیر ایله اوقدر زمان غائب ایدیلوردی که اوامر واستخبارات وقتندن صکره ورود ایدیور ، حکومت مرکزیه نک تأثیرتی تخفیف ویا بسبتون احیا ایلوردی ؛ بونک ایچون ولایات مأمورلرینه لایقوله تحدید ایدلمش بر صلاحیت ، ممالک بعیده اجنبیه ده کی پولتیقه مأمورلرینه نامتناهی بر نفوذ واقدار ویرمک لازم کلبور ، مأمورینک احوالی حقنده وقتیه معلومات آوبده کندیلرینی قوتنرول ایتک ممکن اولیوردی .

(شاپ Chappe) اصولنده کی هوائی تلغراف ایجاد ایدلیکی زمان پک بیوک بر ترقی عد ایدلمشدی ، فقط بو اصول ایله آنجق آچیق هوالرده پک آز تلغراف تعاطی اولنه بیللیوردی . ۱۸۵۰ سنه سندن صکره تطبیق ایدیلن شمیدیکی تلغراف ، حکومته بر آنده هر طرفه امر ویرمک وهر طرفدن معلومات آلمق امکانی تأمین ایلدی . بونک تأثیرتی سیاست خارجه ده درحال کورلدی ، حکومت امور خارجه نک اک اوافق تفرعانه قدر هر شیدن وقتیه خبردار اولدینی ایچون سیاست خارجه بی مرکزدن اداره به باشلادی و مأمورین سیاسی بی واسطه تبلیغ درجه سنه ایندیوردی . سیاست

کورلدی، ششخانه‌لی طوپلردن صکره قویروقدن طولارطوپلر ایجاد ایدلدی [آرمسترونغ، ۱۸۵۴]، بده بو طوپلر آلمانیاذه اصلاح اولندی [قروپ]، نهایت چلیک طوپلر (مه‌لینیت) لی اوبوسلر آنان افواه ناریه یاییلدی. اساحه جریبه‌ده وقوعه کلن بو انقلاب کشفیات کیمیویه ایله متناسباً ترقی ایتدی. — دو مانسز باروت سایه‌سنده تفنکلر دها خفیف، مزملر دها کوچک یاییلدی، منزل فوق‌العاده آرتدی.

اساحه عتیقه‌دن دها مؤثر، دها مدهش اولان بو آلات جدیده تخریبیه فن حربی تماماً دکشیدردی. اساحه جدیدیه مقاومت ایدمین قلاع قدیمه، مدافعه حدود خصوصنده قیمت و اعمیتدن دوشدی؛ یکی اصولده طابیه‌لر انشاء، اردو کاهلر ناسیس ایدلدی. سریع آتشی تفنکلر و اوبوسلر اولکی کبی حرب ایدلمسنی امکان خارجه چیقاردیندن عسکرک سوق و اداره‌سنده تبدلات عظیمه حصوله کلدی.

فن حربده وقوعه کلن بوتبدلاتک نتایج عملیه‌سنی بحق ارئه ایده‌جک هیچ بر تجربه اجرا ایدلمدی [*]؛ بوگون ک مقتدر ارباب اختصاص بیله ایکی (اوروپا) دولت معظمه‌سی آره‌سنده ظهور ایده‌جک بر محاربه‌نک نتایجی تقدیردن عاجزدر. فقط آلات جدیده تخریبیه‌نک دهشتی ولوکه خیالاً دوشونیلیر ایسه بویله بر محاربه‌نک باعث اوله‌جفی فلاکت نظرلرده بر درجه‌یه قدر تجسم ایتدیکنندن هیچ بر حکومت مسؤلیت حربی درعه‌ده ایده‌میور. فن حربک ترقیاتی محاربه‌نی او قدر مدهش برحاله کتیرمشدر که هیچ کیمسه محاربه ایچون کندیسنده جسارت بوله‌میور. الحاصل کیمیانک فن حربیه تطبیقنده‌کی ترقیات، صلح و مسالمت عمومی‌نک تأییدی نتایج ایتمشدر.

سیاست داخلیه‌ده، اساحه جدیده حکومتلره مقاومتسوز بر قوت تأمین ایلمشدر. اهالی‌نک النده‌کی اساحه ایله، سلاح مغازه‌لرنی یغما ایتک صورتیله بر عصیان وقوعی آرتق ممکن دکلدر؛ آو تفنکلریله اساحه جریبه‌یه قارشو طور یله‌ماز؛ هیچ بر «باریقاد» یکی طوپلره مقاومت ایده‌مز. ۱۸۴۸ سنه‌سنه قدر (اوروپا) ده صیق صیق وقوعه کلن انقلابلرک، عصیانلرک اساحه جدیده‌نک ایجادندن صکره تکرر ایتمه‌سی عادی بر تصادفدن عبارت دکلدر. آلمان اشترایکونندن (به‌بل) بونک سببی شو صورتله ایضاح ایتمشدر: «حکومتلرک النده مکرر آتشی تفنکلر، (ماقسیم) طوپلری بولندینی شو زمانده ۲۰۰,۰۰۰ کشینک انقلاب ایچون عصیان

[*] اساحه جدیده‌ده‌کی ترقیات ۱۸۷۰ سنه‌سی فرانسه - آلمانیا محاربه‌سنده هنوز پاشلامشدی - ۱۸۷۷ روسیه - ترکیا و ۱۸۸۵ صرب - بلغار محاربه‌لری ایسه تعلیم و تربیه‌سی نقصان، تجهیزات فنا، یاری اوروپالی عد اولنه‌جق اردولر آره‌سنده وقوعه کلدی.

مواد مشتعله اون طقوزنجی عصر واسطنه قدر استعمال ایدلمشدر . ۱۸۱۴ اردولرنده باروت وچاقاقلی تفنگدن بشقه آلات حربیه یوقدی ؛ براز اصلاح ایدلمش اولان طوپلر هنوز آغزندن طولدیر یایوردی . منزلی پک آز اولان بوسلا حلقر غایت بطی طولدیر یلیور ، پک فنا انداخت ایدیله بیلوردی ؛ بونلر تخریبات ماده دن زیاده عسکرک قوه معنویه سنی اخلاصه خادم ایدی ؛ معلم عسکردن مرکب بر مقررزه نك هیچ طاغیلمه دن دشمنه قدر ایلر یلمسنه ، سونکو ایله هجوم ایتسنه مانع اوله میوردی . بوزمانده عصیان ایتک ایچون بر آو تفنگی ایله باروت و قورشون تدارک ایلک کافی ایدی ؛ عسکر ایله عصیانک اسلحه سی آره سنده همان هیچ فرق یوقدی ، بلکه ده سوقاق محاربه لر نده سپر آرقه سنندن آتش ایدن عصات دها فائق بر موقعه بولنوردی .

بالآخره ایجاد و اعمال اولنان مواد مشتعله ، حکومتنره یکی بر قوه تخریبیه تأمین ایتش و فن حربی باشدن باشه کیشدیر مشدر . اول امرده ، « فولنیت زبیق » سایه سنده قاپسوللر ایجاد ایدلدی ؛ بعده (نیترات) مرکباتنک خواص مشتعله سی کشف ایدیلهرک (نیترو غلیسرین) و بونک مواد سائر ایله برلشمسندن (دینامیت) حاصل اولدی [برنجیسی ۱۸۴۷ ده ، ایکنجیسی ۱۸۶۴ ده] . « نیترات » مرکباتندن اعمال اولنان مواد جدیده مشتعله ده اشتعال ، آبی بر امتزاج کیمیوی ایله حصوله کلدیکندن حرارت ایله و بناء علیه نسبة پک بطی صورته اشتعال ایدن باروته فائق بر قوه تخریبیه اله ایدلدی . — لغم باروتی یرینه ، یالکیز محاربه لغملری و دکز طور پیللرنده دکل ، اکثر طرق انشا آتنده بیله ، دینامیت قائم اولدی . — تفنگلر ایچون ۱۸۷۰ سنه سنده ، مختلف مملکتلرده آیری آیری ایجاد اولنان دو مانسز باروت ، طوپلر ایچون « حامض آزوت » و « حامض پیقر » مرکباتندن اولان (مهلینیت) ، (روبریت) و سائر کبی مواد جدیده مشتعله استعمال ایدلمک باشلادی .

عینی زمانده اسلحه نك صورت اعمالی ده دکیشیوردی . قویروقدن طولار یکی تفنگلر ایجاد ایدیلهرک سرعت انداخت پک زیاده ، صحت انداخت ده خلیجه تأمین اولندی . یکی اصولده اعمال اولنان ایلک تفنگ (دره یزه - Dreyse) سیستمده کبی « ایکنه لی تفنگلر » اولوب ۱۸۴۷ سنه سنده (پروسیه) پیاده سی ایچون قبول ایدلمشدی ، فقط دیگر مملکتلر (پروسیه) بی تقلیده عجله ایتدیله ؛ فرانسه عسکرکی (لوفوشو Lefauchaux) دنیلان بر نوع آو تفنگی ایله مجهز قالدی . (پروسیه) نك ۱۸۶۶ مظفریتندن صکره قویروقدن طولار تفنگلرک (شاسپو) ، (ماوزر) ، (مارتین) کبی انواع مختلفه سی بتون (اوروبا) اردولرنجه قبول ایدلدی . — طوپلر یلقده دخی عینی صورته ترقی

حکمت طبیعیہ ، مدنیت حاضرہ نیک الشایان دقت ایکی قوتی ، بخار والکتریک صناعیہ تطبیق ابتدی . — بخارک اوج مهم محل تطبیق واردر : برنجیسی بخار ماکنہ لری ؛ کہ بدایہ معدنلرہ استعمال ایدلیدی حالده کافہ صنایع جسمهده وحتی زراعتده قوای حیوانیه ویا طبیعیہ مقامه قائم اولمقدهدر . ایکنجیسی واپورلر ؛ کہ نقلیات بحر یه بی صوکه درجه تزید ایتشددر . اوجنجیسی لوقوموتیف وشمندوفرلر ؛ کہ نقلیات بریده امثالی کورلمه مش بر قوت وسرعت حصوله کتیرمشدر [*] . — نسبتہ دهایکی اولان الکتریک عادی ، تحت البحر وتلسز تلغرافی ، تلفونی ، ضیای الکتریکی بی ، غاوانوپلاستی بی ، فونوغرافی عالم مدنیتسه بخش ایلمشدر [*] .

استعمالی غایت بطی و مشکل اولان چاقاغک یرینی طونان فوسفسورلی کبریتلر ، زراعتده بیوک برانقلاب وقوعه کتیر مکہ باشلایان کیمیوی کوبرلر ، پانجار شگری ، شهرلری تنویر ایدن هوا غازی ، معدن کورندن چیقاریلان بویار وقره توزوت ، فوطوغرافیایا والیوغرافیایا ، موادمشتمله جدیده ، ادویہ کیمیویه ، قلور واسطه سیله احای الوان ، دباغت ، مواد غدائیہ قونسرولری ، آومونیوم ، اودوندن کاغد اعمالی و سائرہ کبی ایکنجی درجده کی برچوق اختراعات کیمیانک صناعیه تطبیقی ثمره سیدر .

علوم طبیعیہ بودرجه آشکار آنازترقی کوریله مه مکله برابر (آهسته زی) و (آی سه پسی) کبی کشفیات اخیره فن جراحی بی ، طبابتی بسبتون بشقه برشکه قویمشدر . علوم طبیعیہ نیک نتیجه تطبیقاتی اولوق اوزره تخم لک و حیوانات اهلیه اجناسک اصلاح ایدلمسی ده شرائط حیاتیہ منزی تبدیل ایدن اختراعات میانده تعداد اولنه بیلیر .

باشلیجه اختراعاتک ذکر و تعدادی حیات بشریهده وقوعه کلن تبدلاتک نه قدر عظیم اولدیغی افهامه کافیدر . بوراده بزم مقصدمن ، اختراعات مادیه نیک طوغریدن طوغری یه شرائط واحوال حکومتی و طولایسیله ده هیئت اجتماعیه نیک تشکلاتی دیکشیدیر مک صورتیه (اوروپا) حیات سیاسیه سنه صورتله تاثیر ایتدیکنی تدقیق ایتکدر .

وسائط هبریده تخریبه . — قرون وسطی اواخرنده مستعمل وسائط تخریبه ،

۱۸۰۰ دن ۱۸۴۸ سنه قدر کچن زمان طرفنده ۳ مليار آلتون اخراج ایدلیدی حالده ۱۸۴۸

دن ۱۸۹۰ سنه قدر وقوع بولان اخراجات ۲۵ ملياردر .

[*] آلمانیده بابیلان برحسابه نظراً شمندوفرلر ، نقلیات اجریتی بکرمیده برنسبتده تزیل

ایتشددر .

[**] آلات رصدیه ، میقروسکوپ ، فنارلردخی حکمت طبیعیہ نیک صناعیه تطبیقی نتیجه سیدر . بالون ، سفینه هوائیه کبی اختراعات هنوز شرائط حیاتیہ بی دیکشیدیر هک درجده اثر ترقی کوسترمه مشلردر .

فانده دن خالی دکلدنر . بوراده تاریخ اختراعات و کشفیاتی یازه جق دکلز ، ذاتا بونلرک کافه سی اوزون مدت دوام ایدن تجربهلرک ، ترقیات و تکملات متوالیه نک محصولی اولدیغندن صره سیله تصنیف ایتک پک مشکلدنر . آنک ایچون اختراعات مختلفه یی ، عاڈاولدقلری فنونه کوره اقسامه آیردرق ، ساده جه تعدادیله اکتفا ایده جکوز .

هان کافه سی اون سکزنجی عصرده (انکلتره) یه عاڈاولان اختراعات میخانیکیه ، اول امرده پاموق ویوکی ایپلک وقماش حالنه قویمق وچوراب یایمق ایچون ایجاد ایدیان ال ما کنهلرندن عبارتدی [دیکیش ما کنه سی اون طقوزنجی عصرده ایجاد اولمشدر] . بعده ، ایپلک وقماش ما کنهلرینی ایشلتکم ایچون شلاله لرک قوای طبیعیه سندن استفاده ایدلدی [انکلتره ده ، ۱۷۹۰ دن ۱۸۱۵ سنه سنه قدر] . بخار ، دهاصکره استعمال اولدی . — استعمالی خیلی زمان صکره باشلایان زراعت ما کنهلرله کاغذ اعمالنه مخصوص ما کنهلرده اختراعات میخانیکیه میاننده دره . ینه فن میخانیکیده کی ترقیاتک نتیجه سی اولان آصمه کوپریرلر ، شمندوفر کوپریرلری وتونلرلری طرق و معابرده تحولات عظیمه یه سبب اولمش ، غایت بهالی چیقان ومرور وعبودی تصعیب ایدن طاش شوسهلر ، خط مستقیم استقامتنده ، فقط اینیشلی یوقوشلی یوللریرینه (ماقادام) اصولنده شوسهلر ، خفیف میالی طریقلر انشا وکشاد ایدلمشدر .

ترقیات میخانیکیه ، صنایع اخراجیه یی دخی بشقه برشکله قویدیغندن صنایع مختلفه یه لزومی اولان کور ، معدن ، پترول کبی مواد ابتدائیه کلیتلی مقدار اوله رق اخراج وتدارک ایدلمشدر . معدن کورینک استعمالی ، اذابه او جاقلرینک ، بیکلرجه کیلوغرام آغیرلقدمه جسیم چکیجلرک اعمالی حسیبله امثالی نامسبق بر صورتده ترقی ایدن صنایع معدنیه دمیر ، فونت ، چلبک کبی مواد ابتدائیه دن صنایع جدیدیه لزومی اولان کافه آلات وادواتک ، ماکنهلرک ، رایلرک ، کوپریرلرک پایله بیلمسنی تأمین ایتمشدر .

آلات و وسائط جدیده کیمیویه ایله ایشلدلمک باشلایان آلتون و کوش معدنلری مسکوکت موجوده نک مقدارینی برقاج مثل آرتیرمشدر [*] .

[*] کور ودمیر اخراجاتک درجه تزیادینی آکلاق ایچون جدول آتی کوزدن کچیرمک کایدر ؛ ارقام ، میلیون تونیلاتو اوله رق او قونلیدر :

بلچقا	آلمانیا	فرانسه	انکلتره	معدن کوری ۱۸۵۰ ده	«	«	«
۶	۵	۴	۶۴	«	۱۸۸۷	«	«
۱۸	۶۰	۲۰	۱۶۲	«	۱۸۵۰	«	دمیر
	۱،۲	۰،۴	۲،۲	«	۱۸۸۷	«	«
	۴	۱،۵	۷،۵				

يکرمی ايکنجی باب

شرائط حيات سياسيه ده تحولات ماديہ

اختراعات ماديہ . — تاريخ انسانيتك هيچ برفصلنده شرائط حيات سياسيه ده وقوعه كلن تحولات ماديہ ، اون طقوزنجی عصرده (اوروپا) ده كوربان تبدلاتدن دهامهم وسريع برصورتده حصوله كله مشدر ، قرون قديمه دن بری آنجق تفرعات نقطه نظرندن غایت بطی آثار ترقی کوسترن صنایع مختلفه او قدر اساسی برانقلاب کچیر مشدر که اون سکزننجی عصر ایله زمانمزك صنایعی آره سنده کی فرق ، اون سکزننجی عصر ایله قرون متقدمه ، حتی مصر قدیم صنایعی بیننده کی فرق دن دهایو کدر [*] .

بوانقلاب یا تجربیه طریقیه ، یا خود علوم نظریه نك تطبیق صورتیه وقوعه كلن اختراعات فنیه نك نتیجه سیدر . واقعا بواختراعاتك چوغنی اون سکزننجی عصرك نك اخیرینه ائدر ؛ فقط (اوروپا) اهالیسی بونلرک نتایج عملیه سنی آنجق ایمبراطورلق محارباتنك ختامندن اول حس ایده بیلمشدر . حيات ماديه ده کی تحولات ، حقیقت حاله ۱۸۱۴ سنه سندن صکره باشالار . اختراعات و کشفیات ، عصر حاضرک بین الملل وقایعی آره سنده اک بیوک ، اک مهم موقعی احراز ایدر ؛ چونکه هر ماته منسوب عالمی ، مخترعلر کنندی آره لرنده او قدر صیتی ، صمیمی بر رابطه حصوله کتیر مشدر ، بر برلرینه اودرجه معاونت ایتشلر در که اکثرا بر اختراعاتک هانکی مملکتیه ائد اولدیغی تعیین ایتک امکان خارچنده در ؛ ترقیات فنیه بر ملتدن دیگر ماته کچیکه عموم اقوام ، عینی درجه ده مستفید اولمشدر .

حیات ماديه نك احوال و شرائط حاضره سه سنه او قدر آیشمشنر که زمان اعتباریه بزه پک یاقین ، فقط طرز حیات نقطه نظرندن بزدن پک فرقلی اولان ۱۸۱۴ ده کی (اوروپا) بی کوز او کنه کتیر مکده ، مشکلاته دوچار اولورز . بنابرین ، اوچ ربع عصرده اجداد مزایله بزم آره مزده بودرجه عظیم فرقلر حصوله کتیرن باشایچه اختراعاتی ذکر و ایضاح ایتک

[*] ترقیات صناعیه ده کوربان بوفرقت عظیمی آکلاهق ایچون مصر قدیم مزارلری اوزرنده او زمانک صنایعی تمثیل ایدن رسملری و اون سکزننجی عصرک آنسیقلوبه دپسندنه بولنان تصویرلری ، زمان حاضر صنایعندن باحث هر هانکی بر کتابک تصاویری ایله مقایسه ایتک کافیدر .



شارل سه نیوبوس

(صوروبون) دارالفنوننده تاریخ معلمی

تاریخ سیاسی

عصر حاضرده اورونیا

(۱۸۱۴) دن (۱۸۹۶) یه قدر

فرانسه انجمن دانش کیرنجه مظهر مکافات اولمشدر

ارچنچی جلد

مترجمی

استانبول ولایتی معارف مدیری و استانبول لیلی اعدادیسی
تاریخ عمومی معلمی

علی رشاد

طابع و ناشری

باب عالی جاده سنده قناعت کتبخانه سی صاحبی الیاس

در سعادت — احمد ساقی بک مطبعه سی

۱۳۲۶

بش سنه چيقارلدى . متروپوايد ، قاتوليك اولان پرنس علمبنده اداره لسان اينديكندن
جده محكوم اولدى .

بعده (فرديناند) ، (استامبولوف) ه تابع اولمقدن اوصاندى ، محافظه كاراندىن مركب
بر هيئت وكلا تشكيل ايتدى ، فرقه مفرطه واحرارك رؤساي قديمه سى اولان
(قره وهلوف) و (زانقوف) ي موقع اقتداره كتيردى ، اورتودوقس روس فرقه سنه
تقرب ايلدى [۱۸۹۴] . استامبولوف قتل ايدلدى [۱۸۹۵] ، قاتللىرى جزاسز قالدى .
(فرديناند) بيوك اوغلى ولى عهد پرنس (بوريس) ي اورتودوقس آيننجه وافتيز
ايتيردى [۱۸۹۶] ، (چار) پرنسك وافتيز باباسى اولدى . بلغارستان ، استقلال
و اتحاد مليسنى محافظه ايدرك (روسيه) ايله باريشدى .

(ماکدونيا) ي بلغارستان ايله برلشديرمك ايچون خيلى زمان تحريكاته دوام اولدى .
بلغار اشقيا چته لرى ايله عساكر عثمانيه آره سنده كوچك محاربه لر وقوعه كلدى [۱۸۹۶] .
فقط (ماکدونيا) ده اهالى اقوام مختلفه يه منسوب اولديغندن و حتى بلغارلر ايله صربلردن
هانكيسنك اكثرتى تشكيل ايتديكى بيله منازع فيه بولنديغندن بلغارلر بوراده
ملل سائرهنك مخالفت و مقاومتلرينه تصادف ايتديلر .



تعريف مؤلفات

لاويس Lavissee و رامبو Rambaud نك اون ايكي جلدن مركب تاريخ عموميسنك طقوزنجى
جلدينه مراجعت ايدليلدر . فرانسجه آثار ايچون لورازك قتالوغنده ، آلمان وانكليزجه كتابلر
ايچون ده ديكر قتالوغلرده تفصيلات موجوددر . اوراق و وثائق رسميه دن رومانيا ايچون پترسكو
Petrescu و استورجا Stourza نك يدى جلدن مركب Actes et documents rélati de
l'histoire de la régénération de la Roumanie نامنده كى اثرى شايان توصيه در .

بالتالره متعلق آثار مياننده باشيجه لرى لاوه لى Laveleye ك « بالتان شبه جزيره سى » ، پرنس بيبرسكو
نك ايكي جلدك « رومانيا » ، (منده لزون بار تولدى Mendelshon Bartoldy) ايله هرچبرغ Hertzberg ك
يونانستان حقدنه كى آلمانجه آثارى ، نوونهل Thouvenel ك « قرال اوتون زمانده يونانستان » ،
رانكه نك « صربستان و صربليلر » نامنده كى كتابلريله آلمان ، انگليز ، روس ، مؤلفلردن ژيره سق
Jirecek ، قانيچ ، فوخ ، هون Hohn ، (صوبوله و) ك آثارى ، درودار Draudar ك « پرنس
آلكساندر دوباتنبرغ » عنوانلى كتابى شايان ذكر در .



(پار) پرنسک عودتی تصویب ایتدی. (آلکساندر) ینه ترك حكومت ایتدی، اوچ اءغاندن مركب برهیت نیابت یکی پرنسک اتخابنه قدر امور حكومتی ادارهیه باشلادی. هیئت نیابت اعضاسندن و (صوبرانیه) رئیس (استامبولوف Stambouloff) بلنارسنك ادارهسنی درعهده ایتدی. روم ایلی «میلین» قوماندانی (موتقوروف Mo'kouloff) ایله برلكده اداره ایدیوردی؛ فقط هیئت نیابتك اوچنجی اعضاسی اولان فریه مفرطه رئیس سابقی (قرهولوف) ایله بوزوشدی.

بلغارستانك بتون حیات سیاسیةسی اتحادی (اوروپا)یه قبول ایتدیرمك چالیشمقدن، روس فرقهسی علیهنده مبارزهدن عبارت قالدی. (روسیه)، روم ایلی مبعوثلرینك داخل اولدیغی (صوبرانیه) یی تصدیقندن امتناع ایدیوردی. اولاً، ۱۸۸۶ سنهسنده، اداره عریفهك قالدیرلسنی ویکیدن انتخابات اجراسنی طلب ایتدی؛ بعده، ۱۸۸۷ سنهسنده، برروس جنرالك نائب حكومت و (روسیه) تبعهسندن برپرنسك بلغارستان پرنسی تعیین اولسنی ایستدی. (صوبرانیه)، استقلال نامنه، بومطالعاتی رد ایتدی؛ برپرنس بولانده نیلی مشكلاته تصادف ایلدی. ۱۸۸۶ سنهسنده اتخاب اولنان (دانمارقه) پرنسی (دانمارك) قبول ایتدی. بلغار حكومتی، (چار) ی ممنون ایتمكدن واز كچرك (اوستریا)یه تقریر نوز ویردی. (مجارستان) اردوسنده ضابط اولان (فردیناند دوقوبورغ Ferdinand de Coburg) اسمنده برقاتوليك پرنسی اتخاب ایتدی [تموز ۱۸۸۷]. پرنسی (استامبولوف)ك ریاستی آلتنده برهیت و كلا تشكيل ایلدی. دولتر (فردیناندك) پرنسك نی تصدیقندن امتناع ایتدی.

بلغارستانده کی روس فرقهسی انتریقهر، عسکری عصیانلر، قیاملر [شباط ۱۸۸۷، تشرین تانی ۱۸۸۷، ۱۸۸۸]، جنایت تشبثلری [۱۸۸۷، ۱۸۹۱] ایله استامبولوف هیئت وکلانسنی دوشورمك و مملکتی (روسیه) نفوذینه تابع قیلدغه چالیشدی. (استامبولوف) دعوالر، جزالر، غزتهلرك تعطیلی، شدتلی بر اداره ایله کندینی مدافعه ایتدی؛ مهملره اشکنجه یاپدیرمق و معصوملری محکوم ایتدیرمك ایله اتهام اولندی [بیكباشی پانچادعواسی، ۱۸۹۰]. فرقه احرار، قانون اساسی ایله تأمین ایدیلن حریتلرك العاسی علیهنه «بروتستو» ایتدی. فقط حكومت، موقعنی تحکیمه موفق اولدی؛ (فردیناند) پرنسلکنی حكومت عثمانیه تصدیق ایتدیردکن صکره قانون اساسی یی تعدیل ایتدیردی، یکی قانون موبین مبعوثانك عددی نصف نصفه ایندیرلدی، مدت مأموریتلری اوچ سنهدن

و نفرتی جلب ایتمک شقلردن برینی اتخاب ایچون دوشونمکه حاجت یوقدی ؛ بالطبع اتحادی قبول ایتدی ، « ایکی بلغارستان پرئسی » عنوانی آلدی ، اردوسیله شرقی روم ایلیه کیتدی ، اوراده آرای عمومیه ایله پرسلسکی تصدیق ایدلدی .

۱۸۸۵ اتحادیه صکره بلغارستانه . — اتحاد ، بلغارستانک حیات سیاسیه سنده تبدلات عظیمه سبب اولدی . اولاً ، دول معظمه عمومی بر عصیاندن قورقهرق ، بلغارلر علیهنده بولندیلر . (چار) بلغار اردوسنه قوماندا ایدن ضابطانی کری به چاغیردی ؛ درسعادته کی (اوروپا) سفیرلری « انقلابی تقییح ایتدکارینی » اعلان و بلغارلری ترك سلاحه و اتحادی بوزمغه اجبار ایتدیلر . بعده ، (صرب) اردوسی ، حدود غریبیه سی عسکردن خالی قالمش اولان بلغارستانه کیردی . (آلکساندر) روم ایلیدن صوفیه یه عودت ایلدی . روس ضابطاننک یرینه بلغار ضابطاری طرفدن اداره ایدیلن اردو حرکات تجاوزیه باشلادی ، صربلری بلغارستاندن چیقاردقن ماعدا (صربستان) داخلنده دخی خیلی زمان تعقیب ایتدی . نهایت (اوروپا) نك مداخله سیله مصالحه عقد ایدلدی . بلغارلرک غلبه لری روم ایلی شرقینک بلغارستاندن آیرلمسنی امکان خارجه چیقاردی . مع مافیله دول معظمه (برلین) معاهده نامه سی احکامنک تطبیق احکامنی طلب و اتحاد نتیجه سنده تشکل ایدن یکی حکومتک تصدیقی رد ایلمکده دوام ایتدیلر ؛ فقط یالکز « پروتستو » ایله اکتفا ایدیلر . نهایت ، حکومت عثمانیه بر صورت تسویه قبول ایتدی : (آلکساندر) شرقی روم ایلی والیلکنه تعیین اولندی [۱۸۸۶] .

(روسیه) ائتلاف جهته یناشمدی . بونک نتیجه سی اولمق اوزره ، اتحادی محافظیه عزم ایدن فرقه مفرطه ، مداخله اجنیه یه معارض بر فرقه ملیه اولدی . فرقه ، هیئت وکلاده قالدی و شرقی روم ایلی مبعوثلریله اعضاسی تراید ایدن (صوبرانیه) مجلسنده بیوک بر اکثریت قازاندی . فرقه احرار رئیس (زانقوف) روسیه حسابنه اوله رق حکومت علیهنده تحریکاته باشلادی . فقط اردو ایله هیئت ره بان آره سنده قوتلی بر روس فرقه سی قالمشدی . طویجی واستحکام ضابطانی ایله (صوفیه) مکتب عسکریسی شا کردانی بر عصیان عسکری ترتیب ایتدیلر . عصات طرفدن تضییق ایدیلن (آلکساندر) ترك حکومته مجبور اولدی ، مملکت خارجه چیقاردی ؛ (زانقوف) طرفدن نشر ایدیلن بریان نامه ده پرسنک (اسلاو) عرقنک منافعه مغایر بر سیاست تعقیب ایتدیکی ایچون خلع ایدلیدیکی اعلان اولندی [آغستوس ۱۸۸۶] . بر مدت صکره ایکنجی بر انقلاب وقوعه کلدی ؛ عاصیلر توقیف ایدلدی ؛ (آلکساندر) بلغارستانه دعوت اولندی ، آقیشرله (صوفیه) یه کیردی . فقط

پرنس اولا ، محافظه‌کار و احراران ، بعده یالکز احراران مرکب بر هیئت وکلا تشکیل ایتدی . تعدیل ایدیلن قانون اساسی موجبجه ایکنجی بر مجلس ، مجلس اعیان احداث اولندی . فقط بلغار اردوسی ، الآن روس ضابطلرینک قومانداسی آلتده ایدی ؛ (روسیه) نك پولیتیکه مأموری فرقهٔ مفرطه‌یی هیئت وکلا علیه تحریک و تشویق ایدیوردی ، نهایت بوفرقه ۱۸۸۴ ده انتخاب اولنان (صورانیه) مجلسنده احراز اکثریت ایلهرک یکی هیئت وکلایی تشکیل ایلدی .

اوصرده شرقی روم ایلی ، بر ایالت ممتازه اوله‌رق تشکیل ایلدی ؛ اوروپا ضابطاننک قومانداسی آلتده اوله‌رق ملی بر « میلیس » عسکری ، اهالی طرفدن منتخب بر مجلس عمومی ولایت ، طرف پادشاهیدن بش سنه مدتله تعیین اولنان بر خرسیتیان والی ، هیئت وکلا وظیفه‌سنی ایفاییدن بر هیئت اداره احداث اولندی . فقط بالاخره (آلکساندر) خلق نظرنده هیچ بر اعتباری قالمدیغی حس ایدرک هیئت وکلاده استخدام ایدلک اوزره روس مأمورلری کوندرلمسنی (چار) دن رجا ایتدی .

ایلک والی (ووغوریدس Vogoridès) اسمنده بر روم اولوب بلغارلره ادارهٔ امور ایتدی ؛ (روسیه) نك تضییقی اوزرینه تعیین اولنان ایکنجی والی هیئت اداره اعضاسندن (قره‌ستوویچ Krestovitch) اسمنده بر بلغار ایدی ، (غاوریل پاشا) نامیله تعیین ایلدی . مجلس عمومی ولایت بلغارستان ایله اتحادی آرزو ایدیور ؛ مأمورلر و ضابطلر اتحادی حاضرلمغه چالیشیورلردی . عمومی براتفاق حصوله کلدی . بر کون [۱۸ ایلول ۱۸۸۵] بر طابور « میلیس » عسکری والی‌یی و باش قوماندانی توفیق ایتدی ؛ درحال تشکل ایدن حکومت موقته مملکتک هر طرفنده تصدیق ایدلکدن صکره بلغارستان پرنسندن معاونت ایستدی . ۱۸۸۳ سنه‌سندن بری بلغارلردن نمون اولمیان (چار) اتحادک وقوعی آرزو ایتیموردی . (آلکساندر) ده بونی بیلوردی [۱] ؛ فقط یا (روسیه) ایله بوزوشمق ، یا خود روم ایلی شرقی بلغارلیله محاربه ایدرک کندی تبعه‌سنک خصومت

[۱] آلکساندر ، روسیه وکلاسندن (کیرس giers) ایله ملاقات ایتدیکی زمان شرقی روم ایلده حاضرانان عصیاندن بحث ایداش ، فقط پرنس اهالینک اتحادی آرزو ایتکلر برابر بر حرکت عصیانیه میال بولندقلری جوانی ویرمشدی . روایتله نظرآ اختلال قومیتسه وکیلاری اتحادک اعلانندن اوج کون اول کیفیتکی کندیسنه خبر ویرمشلر ؛ آلکساندر بونلره نصیحت ایدرک فکرلردن واز کیرمکه . وفق اولش ؛ لکن وکیلر روم ایلی‌یه عودتکرده اتحادک اعلان ایدلدیکنی و بناءً علیه برشی پایله میه‌جغنی کورمشلر .

اجنیهده تحصیل ایش معلملر ایدی . فرقلر آرسنده مسائل ملیه دن طولای . اختلاف . واردی . (غره قوف Crékoff) ك تحت ریاستنده کی فرقهٔ محافظه کار ، (او . وپا) ایله اختلاف چیقارماق ایچون شرقی روم ایلیدن آیرلغه راضی اولیوردی . محاربه یی دخی انتاج ایتسه روم ایلی ایله برلشمك ایستین فرقهٔ ملیه بری (زانکوف Zankoff) ك تحت ریاستنده کی احرار ، دیکری (قره وولوف Karaveloff) ك اداره سی آلتنده کی افراتیون نامیله ایکی یه آیریلیوردی ، بویکی قسمنك آرسنده کی اختلاف رؤسانك رقابت شخصییه . سندن بشقه برشی دکلدی . پرنس (آلكساندر) ، (اوستریا) ایله اتفاق طرفداری بر هیئت وکلای محافظه کار تشکیل ایتدی . روس حکومتك معاوتنه نائل اولان فرقهٔ مفراطه واحرار ، بتون کویلیلر آرسنده حائز حرمت واعتبار ایدی ، بنساءً علیه (صوبرانیه) مجلسنده احراز اکثریت ایلدیلر [۱۸۷۹] . حیات سیاسییه ، پرنس ایله مجلس آرسنده اختلاف ظهوریله باشلادی . (صوبرانیه) مجلسی ۱۸۷۹ ده طانغیدلدی ؛ ۱۸۸۰ ده یکیدن انتخاب ایلدی . (آلكساندر) فرقهٔ ملیه دن مرکب بر هیئت وکلا تشکیلنه چالیشدی [۱۸۸۰] ، بعده برضربهٔ تغلب ایله حکومتی ضبط ایتدی . هیئت وکلای عزل ، مجلس عمومی ملی یی اجتماعه دعوت ، قانون اساسی یی فسخ ایلدی وکندیسنه صلاحیت واسعه ویردیدی [۱۸۸۱] . ایکی روس جنرالنك زیر اداره سنده اوله رق محافظه کاراندن مرکب بر هیئت وکلا تشکیل ایتدی [*] ، جنراللر بر مدت صکره محافظه کارلری رأس - کاردن چیقاره رق کندیلری ادارهٔ امور ایتدیلر [۱۸۸۳] .

بلغار فرقلری رؤساننك کافه سی بواجنی حکومتدن ممنون اولمقلرندن روسلردن قورتولمق ایچون اولاه ، کندی آرالرنده ، بعده پرنس ایله اتفاق ایتدیلر . (صوبرانیه) مجلسی ، بردن بره ، پرنسه بر عریضه ویره رك ۱۸۷۹ قانون اساسیسنك یکیدن تطبیقی طلب وبقانونك تعدیلی لازم کلن موادی نی ارانهٔ ایلدی . روس جنراللری هیچ امید ایتدیلمکری بر زمانده بویله بر طلب وقوعدن حدتله رك مجلسدن چیقیدیلر [**] و استعفا ایتدیلر .

[*] هیئت وکلایه داخل اولان روسلردن (صوبوله و Sobolew) ك روایتنه نظرآ (آلكساندر روسلری بین الحلق نظر توجه و محبتدن دوشورمك ایچون ۱۸۸۱ ضربهٔ تغلبنی بونلره عطف ایش ایسه ده حقیقت حالده بونی (اوستریا) نك تشویقله کندیسی باعشدر ؛ فرقهٔ محافظه کار (روسیه) نك دشمنی اولان ۲۰۰ کشیدن عبارت بر فرقهٔ شخصییه ایدی .

[**] اوستریا منعمدن چیقاز بر روایته نظرآ جنرال (قاثولبارس) مجلس سالونندن : « طوموزلر ، آچافلر ، یالانچیلر ! » دیه باغیره رق چیقمش ؛ بلغارلر « هوررا » ندالریله جواب ویرمشلر .

نهایت روسلر مملکتی اشغال ایتدیلر [یکریمی برنجی بابہ مراجعت] . بلغار حکومتی ، (روسیه) طرفندن ، محاربه دن صکره تأسیس ایلدی . (روسیه) نك باب عالی ایله عقد ایتدیکی معاهده نامه موجبنجه بلغارستان پرنسلکی بلغار ، صرب ، روم ، اولاح ، آناوود کبی اقوام مختلفه نك ساکن اولدقلری (ماکدونیا) ده داخل اولمق اوزره بتون بلغارلری احتوا ایده جکدی . حکومت جدیدہ (روسیه) یہ تابع اوله جق کبی کورونیوردی . (برلین) قونفره سی ، روس نفوذینک ترقی فوق العاده سنندن قورقهرق ، بلغارستانی اوچ پارچه یہ آیردی . (ماکدونیا) یی دولت عثمانیه اعاده ایتدی . بالقانلرک جنوبنده کی بلغار مملکتندن شرقی روم ایلی نامیلہ مختلط بر اداره یہ تابع بر ایالت ممتازہ وجودہ کتیردی . بلغارستانہ یالکز بالقانلرک شمال طرفنی براقهرق ۱۸۷۸ دن اولکی (رومانی) یہ مشابہ اولمق اوزره اهالی طرفندن انتخاب و باب عالیجه تصدیق ایدیلن بر پرنسک تحت اداره سنده ، ویرکو ویرر بر حکومت تشکیل ایلدی .

بلغارستان پرنسلکی مملکتی اشغال ایدن روسلر طرفندن تشکیل ایلدی ، روسلر بلغارستانی تخلیه ایتدکلری زمان بر چوق روس ضابطاتی بوراده براقیدیلر . روس والیسی ۱۸۷۹ قانون اساسیسی اهالی طرفندن منتخب بر مجلس ملی یہ قبول ایتدیردی . بوقانون موجبنجه - صربستانده اولدینی کبی - بر هیئت وکلا و (صوبرانیه) نامنده بر شورای امت تشکیل ایدیلوردی ؛ (صوبرانیه) اعضای آرای عمومیه اصولیله انتخاب اولنه جق ، ربع اعضای پرنس طرفندن تعیین ایدیله جک ، قانون اساسی یی تعدیل و تبدیل ایچون ایکی مثلی اعضا انتخابی لازم کله جکدی . قانون اساسیده حریت مطبوعات واجتماع کبی حریتلرک کافه سی اعلان ایدلمشدی . (صربستان) ده اولدینی کبی (بلغارستان) ده دخی هیئت اجتماعیه کویلیردن ، پاپاسلردن ، مکتب خواجهلرندن عبارتدی . مجلس ملی ، (چار) طرفندن ارانه ایدیلن (آلکساندر دوباتنبرغ Alexandre de Batenberg) ی پرنس انتخاب ایتدی . روس ضابطاتی بلغار « میلیس » عسکرینی تشکیل و روس اردوسنک ترک ایتدیکی اسلحه و مهمات ایله بونلری تجهیز ایتدیلر . بلغارستان ، بدایه روسلر طرفندن اداره اولندی ، مجلس ملی بلغارستانی تابعیت عثمانیه دن قورتارمق ایچون محاربه ایتیش اولان روسلره بلغارلره مخصوص حقوق کافه سنی اعطا ایتدیکندن روسلر هر درلو مأموریتہ قبول اولتمق حقی استحصال ایلدیلر .

بلغار مجلس ملیسنده درحال تشکل ایدن سیاسی فرقهلر امور سیاسیہ واداره ده کی مهارتلیله اجانبک مظهر تقدیراتی اولدیلر ؛ باشلیجه رؤسا ممالک

بلغارستان

۱۸۸۵ء تا ۱۸۸۰ء اول بلغار ملتی . — (صربستان) ده اولدینی کبی (بلغارستان) ده دخی خرستیان اسلاو اهالی ، صنف زادکانی تشکیل ایدن مسلمانلره تابع ایدی . بلغار قومی مسلمان اصحاب اراضینک چیفتلکلرنده چالیشان کویلیلردن عبارتدی . فقط دیکر خرستیان ملتلر هیچ اولمازسه راهبیرینی محافظه ایتدکلی حالده بلغار هیئت روحانیه سی درسعادت روم کلیساسنه تابع اوله رق ماهیت ملیه سنی غائب ایتشدی . روم پسقبوسلری بلغار کتب مذهبییه سی یرینه روم کتابیرینی ، اسلاو آیینی یرینه روم آیینی وضع ایدرک و روم مکتبیری آچهرق اورتودوقس بلغارلری روملاشدرمغه چالیشمشردی . ممالک عثمانیه ده هر برملتک مابه التمزیزی ملی کلیسا اولدیغندن ، روم پسقبوسلرینه تابع اولان بلغارلر آیریجه بر ملت تشکیل ایده مورلر ، روم اورتودوقس نامی آلتنده روملر ایله بر عد اولنیورلردی . بتون دنیا ، بلغار قومی اونوتمشدی . روسلر ، ۱۸۲۸ سنه سنده مملکتی اشغال ایتدکلی صرعه ده روسجه یه یقین برلسان ایله متکلم براسلاو قومی بوله رق حیرنده قالمشردی .

روسلرک اشغالی اوزرینه بلغارلرده حسیات ملیه او یانمغه باشلادی . بعض وطنپرورلر آیری بر ملت اولدقیرینی حس ایدرک روملره قارشى مخالفته باشلادیلر . حکومت عثمانیه نك معاونته مظهر اولان روم هیئت رهبانی (روسیه) نك آمانه خدمت ایتمکه اتهام ایدیلان وطنپرورلری تضییق ایتمکه باشلادی . — بلغارلر روم هیئت روحانیه سندن قورتولمق ایچون ، قاتولیک مذهبی نشر و تعمیمه چالیشان اوستریالی مأمورلرک تشویقیله ۱۸۵۹ تاریخنه طوغری ، (اسلاو) آیینی و متأهل راهبیرینی محافظه ایتک شرطیله (پاپا) یه تابع اولمغه ، (قاتولیک) کلیساسنه التحاق ایتمکه باشلادیلر ، بونک نتیجه سی بلغارلرک قاتولیک حکومتلرجه ، (اوستریا) و (فرانسه) دولتلرنجه حجاب ایدملرندن عبارت اوله جقدی . (روسیه) ، نهایت ، شمدی یه قدر محمی نظریله باقدینی بلغارلری الدن قاجیره جغنی آکلادی : مستقل بر بلغار کلیساسی تأسیس و بو کلیسانک درسعادتده مقیم (اکسارخ) نامنده بر رئیس روحانی طرفندن اداره اولنسی ایچون باب عالیدن مساعده استحصال ایدی [۱۸۷۰] ؛ روم بطریق ، بلغار هیئت روحانیه سنی آفوروز ایتدی .

بلغارلر ، مسلمان مأمورلره تابع رعایادن عبارتدیلر . (رومانیا) ده تشکل ایدن ایدن بر جمعیت طرفندن بر عصیان وقوعه کتیرلدی ، ۱۸۷۶ ده برچوق قتاللر اولدی ،

۱۸۵۱ ده (ولادیکا) نك ولى عهدى (دانيلو) ، (ولاديقا) عنوانى ترك ايله تاهل ايتدى وقره طاغ پرنسلىر عائله سنى تأسيس ايلدى . باب على بوكا قارشى براردو كوندردى ، فقط (روسيه) ايشه مداخله ايدرك عثمانلىلرى كېرى به چكىلمكه مجبور ايتدى [۱۸۵۲] . بعده قره طاغ پرنسى (قرىم) محاربه سى ائناسنده كى خدمته مكافاة (روسيه) دن تخصیصات سنويه آلمغه باشلادى . (دانيلو) ، بر دشمن شخصىسى طرفدن قتل اولمىسى اوزرينه [۱۸۶۰] يكنى (نيكيتا Nikita) پرنس اولدى .

قره طاغده حیات سياسيه ، همان دائمى صورتده مسلمانلره محاربه ايتمكدن عبارتدى . ۱۸۶۲ و ۱۸۶۷ سنه لرنده (هرسك) عصيانلرى قره طاغك آچيقدن آچيغه دولت عثمانيه ايله محاربه ايتمسنه سبب اولدى . (روسيه) ، ۱۸۷۷ محاربه سنده كى خدمتانه مكافات اولمق اوزره ، قره طاغده دولت عثمانيه دن اصل پرنسلكدن دها بيوك و دها غلبه لك بر قطعه اراضى يى - كه اوروپا ايله تامين مناسبات ايچون برلىمانى ده حاوى ايدى - آلدى . [۱۸۷۸] . فقط مملكتده مقيم اولان مسلمان آرناوودلر وطنلرني قره طاغده تسليم ايتمك ايسته مديلر ، قره طاغ بو اراضى يى آرناوودلر ايله قانلى بر محاربه دن و (اوروپا) دونماليريك (دولچينو Dulcigno) پيشكاهنده بر نمايش اجرا ايتسندن صكره آله بيلدى .

سياست داخليه ، همان مفقود كې ايدى . صورت رسميه ده كسب استقلال ايدن پرنس حكمدار مطلق اوله رق قالمشدر ، واردات و مصارفات حكومتى ايتىدىكى كې اداره ايدر ، قوه اجرائيه و تشريعيه يالكز كنديسنده در ، رؤساي روحانيه نك انتخابي بيله اوكا عائددر . مع مافيه طرز اداره بر درجه يه (اوروپا) حكومات مطلقه سنه مشاهدر . ۱۸۷۹ ده نشر ايديلن « اداره نظامنامه سى » موجبنجه نصفى پرنس طرفندن تعيين اولمق ، نصفى اهاليجه انتخاب ايدمك اوزره سكرز اعضادن مركب بر « شوراي حكومت » تشكيل ايدلدى . حق تصرف حقنده بر قانون تنظيم اولدى . تشكيلات اجتماعيه شكل سابقنى محافظه ايتدى ؛ اهالى بر طاقم قيله لره منقسم اولوب هر قيله اهالى طرفندن منتخب اختيارلر ايله بر رئيس طرفندن اداره ايديلر . فقط پرنسك عائله سى (روسيه) چارى و (ايتاليا) قرالى عائله لره بيداي صهریت ايدرك [۱۸۸۹ - ۱۸۹۶] اوروپا حكمدار عائله لرى آزه سنه داخل اولدى .



ایدن اختلاف افکاردن بالاستفاده کنج قرالی ایستدیکی کچی ادارهیه باشلادی . برنجی (آلكساندر) ، پدريئك نصايحه تبعاً ، ايكي ضربه تغلب ايله حكومتی ضبط ايتدی : ۱ ؛ سن ر شده وصولی اعلان ، هیئت نیابت اعضاسنی توقیف ایتدیردی ، مریسی (دوکیچ Dokitsch) ك تحت ریاستده اولق و فرقه مفرطیه استناد ایتك اوزره بر هیئت وكلا تشکیل ایلدی [۱۸۹۳] . پدريئی (صربستان) ه کتیرتدی ؛ مخالف غزتلهری سکوته مجبور ایتك ایچون سابق قرالک عائله حکمداری افراندن معدود اولدیغنه دائر بر امرنامه نشر ایتدی . — ۲ ، بعده افراطیون ايله قطع مناسبت ایدرك ۱۸۸۸ قانون اساسیسی و حریت مطبوعاتی ، نواحی انتخاباتی تأمین ایدن قانونلری عادی بر امرنامه ايله الغا و ۱۸۶۹ قانون اساسیسی یکیدن موقع تطیقه وضع ایلدی . بعده (اوستریا) فرقهسنی موقع اقتداره کتیردی ، بوفرقه (کریستیچ) ك تحت ریاستده محافظه کاراندن (غراشانین) ك ریاستی آلتنده ترقیوراندن مرکب اولهرق تشکل ایدن هیأت مختلفه وكلا ايله رأس کارده قالدی و مأمورین و ضابطانه استناد ایدرك حكومتی اداره ، عادی امرنامه لرله ویرکولری تحصیل ایتدی ، افراطیون و احرار رؤساسنی توقیف و یا عزل ، حكومت طرفداری یکی بر (اسقویچینا) مجلسی انتخاب ایتدیردی . یکی بر قانون اساسی تنظیمی ایچون قرال ايله فرقه مفرطه آرهسنده جریان ایدن مذاکرات عقیم قالدیغندن (صربستان) موقت بر اصول ادارهیه تابع اولدی [۱۸۹۶] .

قره طاغ . — (چرناغورا Tchernagora) دینلن قره طاغ ، (آدریاتیق) دکزینه حاکم وهان غیر قابل مرور طاغلردن متشکل کوچك بر مملکت اولوب مناعت موقعیهسی حبسیله دولت عثمانیهك اجزای ممالکی آرهسنده مستقل اولهرق قالمش ، اوتهدن بری کندی کندینه اداره اولمشدر . صرب اورتودوقس اولان اهالی یالکیز اسماً دولت عثمانیهك تبعهسی ایدیلر ؛ دائماً مسلح کزن طاغلیلر رؤسای ملیه روحانیه طرفندن اداره ایدیلردی ؛ من القديم (ولادیکا Vladika) ، یعنی (پسقپوس پرنس) نامیله قره طاغی اداره ایدن عائله ده ریاست عمجه دن یکنه انتقال ایدردی . اهالی ، محاربلر حقوق و امتیازاتجه یکدیگره مساوی ایدی ؛ قادینلر ترلاده چالیشیرلر ، آرککلر محاربه ایدرلردی . قره طاغك (هرسك) ه قومشو اولمی عالم سناسیانده کندیسنه بر موقع مخصوص تأمین ایتشدی ؛ (ولادیکا) لر روسیه (چار) لرینك متفق طبعیلری ایدیلر ؛ (روسیه) ، (هرسك) خرسیتانلری عسیان ایتدیرمك و ممالک عثمانیهیه تجاوازلک ایچون دائماً قره طاغلیلردن مستفید اولمقده ایدی .

ایراد اوزرینه یکی ویرکولر طرح اولندی [۱۸۸۴] و توتون، انحصار آلتنه آلتدی ؛ نواحیدن ویرکولر تحصیل ایتمک و حقوق و جزا دعوالرینه حکم ایلمک صلاحیتی آلتدی مختاریت نواحی اصولی قالدیرلدی . (صربستان) ، اوروپا طرزنده مرکزیت ادارهیه تابع اولدی ؛ خدمت عسکریه اوچ سنهیه تنزیل ویکرمی بش بیکی پیاده اولمق اوزره دائمی بر اردو احداث ایلدی ؛ ۱۸۷۶ سنهسندن بری پیدا اولان دیون عمومیه بودجه

آچیغیه برابر تزیاید ایتمکده ایدی [۱۸۷۸ ده ۲۵ ، ۱۸۸۷ ده ۲۷۷ ملیون]

(بلغارستان) علینده کی محاربه نك مغلوبیت تامه ایله نتیجه لنسی [۱۸۸۵] حکومت ایله قرالی خلقك نظرندن او قدر دوشوردی که متعدد دفعه لر بحران وکلا وقوعندن ، (غر اشانین) هیئت وکلا سنك برقاچ دفعه تعدیل و تشکیلدن صکره (اوستریا) نفوذی آلتنده بولنان فرقه ترقیپورران اداره اموره موفق اوله میه جغتی اعتراف ایتدی . (میلان) افراطیون ایله احراک اتحادندن حاصل اولان وروس نفوذینه تابع بولنان فرقه مخالفه ملیه یی موقع اقتداره کتیردی ، اول (ریستیچ) ک ریاستی آلتنده [۱۸۸۷] ، به ده (غروئیچ) ک تحت ریاستنده [کانون نانی ۱۸۸۸] بر هیئت وکلا تشکیل ایلدی [*]

فرقه مفرطه ۱۸۸۸ قانون اساسیسی تنظیم ایتدی . بو قانون موجبجه (اسقوچینا) مجلسی ، قرال طرفندن ربع اعضا تعیین اولنسی اصولنك الغاسیله ، صرف بر مجلس مبعوثان اولدی ، حقوق و صلاحیتی توسیع ایلدی . (میلان) ، « یالکز مجلس مبعوثان مقرراتی امضا ایدن برقرال » اولمق ایسته مدیکنی سوبلیه رک ترک حکومت ایتدی [۱۸۸۹] . اوغلی (آکساندر) هنوز صغیر اولدیغندن (ریستیچ) ک تحت ریاستنده بر هیئت نیابت تشکیل ایلدی ، وصیلر عینی سیاست خارجیه یی تعقیب ایده جکلرینی وعد ایتدیلر . (صربستان) ، افراطیون ایله احراک تحت اداره سننده اوله رق ، اصول مشورتی قبول ایتمش کی کورونیوردی .

فقط (میلان) هیئت نیابتی تشکیل ایدن افراطیون ایله احرار آرسنده ظهور

[*] عائله حکمداری آرسنده وقوعه کله رک (اوروپا) غزتله رینی پک زیاده اشغال ایدن منازعات بیتیه ، متعدد شکلره کیرمشد . ۱۸۸۸ ده ، (میلان) بر روس میرالانك قیزی اولان قرالیچه (ناتالی) ایله بوزشوب متروبولیده نکاحی فسخ ایتدیردی و (ناتالی) نك آلمانیا به کورتوردیکی ولیعهدی والده سنك یاندن آیردی . (ناتالی) ۱۸۸۹ ده (بلغراد) ه عودت ایتدی . حکومت صربستان طوپراغندن چیقوب کیمتسنی رجا ایلدی ، بر نتیجه حاصل اولمینجه قرالیچه فی طرد ایتدر . دی . اهالی (ناتالی) بی مدافعه ایچون عصیانه حاضرلندی . نهایت قرالیچه کیجه این قاچیرلدی [۱۸۹۱] . بعده زوج وزوجه باریشدیلر ، طلاق فسخ ایتدیردیلر [۱۸۹۳] .

(میلان) ، (روسیه) نك معاونتيله دولت عثمانیه اعلان حربہ قرار ویرمش اولان و (غروئیچ) ایله (ریستیچ) ك ادارهسی آلتندہ بولنان فرقه مفرطہ ملیہ دن مرکب برہیت وکلا تشکیله مجبور اولدی .

محاربه یه (صربستان) باشلادی [تموز ۱۸۷۶] . فقط مغلوب اولدی ، عسا کر عثمانیه مملکتہ استیلا ایتدی ، (روسیه) مداخله ایدرک صربلری قورتاردی . باب عالی بی اولا متارکه ، بعدہ مصالحه عقیدینه مجبور ایلدی .

روسیه — دولت عثمانیه محاربه سنك ظهورندن صکره ده (صربستان) محاربه یه باشلادی . مصالحه ده توسیع اراضیه واستقلال تام استحصاله موفق اولدی [۱۸۷۸] . فقط محاربه صربیلری بارکران دیون آلتنه سوقش ، (بوسنه) و (هرسک) قطعہ لرینک اوستریالیلر طرفندن اشغال اولنهرق « بیوک صربستان » حکومتک تشکله قطعاً ممانعت ایدلسی بیوک برخشنودسزلغه سبب اولمشدی . فرقه مفرطہ ملیه روس سیاستنه دوام ایدرک (بوسنه) بی آلمق چاره لرینی دوشونوردی ؛ بوکا انتظاراً شمندوفر خطنک اوستریا خطوطیله التصاقه و (اوستریا) ایله برتجارت معاهده نامہ سی عقیدینه ممانعت ایتدی .

(اوستریا) حکومتی ، تهدید آمیز بر نوطه ایله ، ہیئت وکلایی استعفا یه مجبور ایلدی . (اوستریا) نفوذی فرقه سی موقع اقتداره کچدی [تشرین اول ۱۸۸۰] و مختلف هیأت وکلا ایله ، اکثریا (غراشانین) ك تحت ریاستندہ کی ترقیروان هیئت وکلا سیله ۱۸۸۷ سنه قدر رأس کارده قالدی . پرنس ، « صربستان قرالی » عنوانی آلمق ایچون (اوستریا) ایله متفق لرینک مساعده سنی استحصال ایتدی [۱۸۸۲] . فرقه مفرطه ، حال افلاسده بولنان (اونیون ژنه رال Union générale) مؤسسہ مالیه سیله عقداولنان مقالوه نامہ یه اعتراض [۱۸۸۲] وقانون اساسینک تعدیلنی طلب ایلدی [۱۸۸۳] . حکومت اولا فرقه مفرطه انتخاباتی فسخ ایتدیرمک صورتیله [۱۸۸۲] ، بعدہ برضریه تغلب ایله مخالفیندن قورتولدی . افراطیون یکیدن احراز اکثریت ایتمشلردی [۱۸۸۳] ؛ قرال ، (اسقویچینا) مجلسنک اجتماعنی تأخیر ، حریت سیاسیہ وشخصیه تأمیناتی الغاء اداره عرفیه بی اعلان ، اهالی یه سلاح لرینی تسلیم ایل لرینی امر ایتدی . افراطیون عصیان ایتدیلر ، عاصیلر تفنک آتشی ایله طاغیدلیدلر ، ۸۱۹ کشتی محکمہ یه سوق اولندی ، حکومت مطلقه اصولی تقرر ایلدی [۱۸۸۳] ؛ مأمورینک تضییق آلتندہ انتخاب ایدیلن (اسقویچینا) مجلسی حکومتک کوندردیکی لایحه قانونیه لری قبول ایتمکدن بشقه برشی یامدی . تکلیف شخصی اصولی یرینه قائم اولمق اوزره اراضی ، خانه ، سرمایہ ،

مع مافیه (صربستان) ده حیات سیاسیہ نیک ایک فرقه آرسندہ دکلسه بیلہ ، هر حالده ایکی درلو تمایل آرسندہ کی مخالفت و مبارزه نیک تحت تأثیرندہ بولندینی شہہ سزدر .

اصل (صرب) قومی ہرشدن اول کویلی واورتودوقس اولدیغندن بالخاصہ مأمورین طرفندن تضییق کورمه مکہ ، بارتکالیف آلتندہ ازیمه مکہ اہمیت ویرر . سیاست داخلہ سی نواحینک مختاریتی استحصالدن ، تصرفات اجراسنی طلبدن ویک ویرکولرک تأدیہ سنہ مقاومتدن عبارتدر . سیاست خارجیہ دہ ، عین مذہبہ بولنقدن متولد محبت سائقہ سیلہ (روسہ) ایلہ اتفاقی ، بتون اورتودوقس صربلرک (صربستان) ہ التحاقی طلب ایدر . ملتک بوحسیاتی تحریک وادارہ ایدن فرقه مفرطہ محبت عامہ یہ مظهر اولمش ، حاکمیت عامہ قواعدینی قبول ایتمش برفرقہ ملیہ در ؛ بونک باشلیجہ واسطہ اجرا آتی ، منبع قوتی انتخابات ، حکومتک تضییقندن آزادہ قالدینی زمانلر ، افراطیونک احراز اکثریت ایلدیکی (اسقویچینا) مجلسی ایدی . بدایہ ، مرکزی یا تحت قدیم اولان (قرہ کویہ وایچ) شہری ایدی .

رجال حکومت ایسہ بالعکس (صربستان) ہ اوروپا مؤسسات و نظاماتی ادخالہ ، شمندوفر خطوطی انشا ایتمک و (صربستان) محصولات زراعیہ سنک مخرج طبیعیسی اولان (اوستریا) ایلہ تجارتی توسیع ایلمک صورتیلہ مملکتی عالم مدینتک حیات اقتصادیہ سنہ ربط ایتمکہ چالیشیورلردی . بونلر ویرکو واستقرارض طریقہ پارہ تدارک ایتمک ، دول غریبہ یہ وبالخاصہ (اوستریا) یہ تقرب ایلمک فکرندہ ایدیلر . سیاست داخلہ لری (اسقویچینا) یہ رغما حکومت مرکزیہ نیک نفوذینی محافظہ ، ناحیہ لہ مختاریت ویریلہ جکی بردہ مأمورین حکومتک صلاحیتلرینی توسیع ، دائمی اردوبی و ویرکولری تزیید ایتمکدن عبارتدی ؛ سیاست خارجیہ لری (اوستریا) ایلہ اتفاق جہتہ معطوفدی . بوسیاست طرفدارلری عدداً آز اولمغہ مقابل پرنس ، وکلا ، شورای دولت ، مأمورین و ضابطاندن ، یعنی مملکتک افکار منورہ قسبندن مرکب اولمق کبی برتفوق ورجحانہ مالک ایدیلر . بونلر آرسندہ تشکل ایدن شخصی فرقه لرک فرقی ہر برینک افراطیونک تحریکاتہ مانع اولمق ایچون استعمال ایتدیکی خلاف قانون وسائطک کثرت ویا ندرتندن عبارت قالیوردی . (ریسنیچ) ک ریاستی آلتندہ کی فرقه احرار ، ہیئت نیابت زمانندہ حکومتی اداره ایتدی [۱۸۶۸ - ۷۲] . ۱۸۷۲ دہ سن رشده واصل اولان پرنس (میلان) اولا ، محافظہ کاراندن ، بعدہ ترقیپوراندن مرکب برہیئت وکلا تشکیل ایلدی . فقط (ہرسک) دہ کی خرسپیان صربلرک عصیان (اسقویچینا) نیک حسیات ملیہ سنی اودرچہ تحریک ایتدی کہ

دولت عثمانیه نك (صربستان) ده کی حاکمیتنه دلیل اولق اوزره یالکز (صرب) بایراغی یاننده بولندیریلان عثمانلی بایراغی قالدی . (میشل) ، دولت عثمانیه دن ده باشقه شیر ، از جمله برویرکو اعطا ایتک شرطیله (بوسنه) ایالتی آلمغه ، یعنی (بیوک صربستان) تأسیسنه موفق اوله جقدی . فقط استقلال ملی اوغورنده چالشمش ایکی بیوک عائله اولان (قره یورکیه ویچ) لر ایله (اوبره نوویچ) لر آره سنده کی رقابت الآن دوام ایدیوردی . (اوستریا) نك محمسی اولان (قره یورکیه ویچ) لر برعصیان ترتیب ایلیه رک (میشل) ی قتل ایتدیلر [۱۸۶۸] .

مشرطیت اداره زمانده صربستانه . — (میشل) ک اولادی یوقدی ، فقط (اوبره نوویچ) لر برسالله حکمداری تأسیس ایتشردی ؛ اسقوپچینا مجلسی (میشل) ک یکنی اولوب هنوز ۱۴ یاشنده بولنان و (پارس) مکاتب اعدادیه سندن برنده تربیه ایدیلن (میلان) ی پرنس اعلان ایتدی . سن رشده وصوله قدر [۱۸۷۲] اداره امور ایدن هیئت نیابت ، فرقه احرار رئیس (ریستیچ) ک تحت نفوذنده ایدی . ۱۸۶۹ قانون اساسی ایله اوروپا طرزنده بر حکومت تأسیسنه چالشدی .

مجلس اعیان ، ۱۱ الی ۱۵ کشیدن عبارت اعضاسی طرف حکومتدن تعیین اولنان وقانون لایحه لری تنظیمنه ، منازعه فیه مسائل اداره بی تسویه به ، واردات ومصارفاتی تقییشه مأمور اولان فرانسر طرزنده برشورای دولته تحویل ایدلدی — (اسقوپچینا) ۱۰۰۰۰ نفوسه بر مبعوث اصابت ایتک اوزره صورت منظمه ده انتخاب ایدیلن بر مجلس مبعوثان اولدی . جمله سی اراضی صاحبی وهان یکدیگره مساوی اولان بوکوبیلر مملکتده نه حق انتخابک ، معین مقدار ویرکو ویرن اصحاب املاکه حصری ، نه ده زادکا . ندن مرکب بر مجلس اعیان تشکیلی ممکن دکلدی ؛ حق انتخاب هان عمومی اولدیغندن بتون مکلفین منتخب ایدی ، مبعوثلره تخصیصات ویرلدی . شورای امت ، (اسقوپچینا) دن عبارت قالدی ، فقط صنف زادکانک فقدانکی تلافی ایتک ایچوز ، پرنسه (اسقوپچینا) مجلسنه اعضای منتخبه نك ربعی درجه سنده اعضا تعیین ایتک حق ویرلدی — قانون اساسی ، حدود مملکت ویا حکومتجه وقوعه کله جک تبدلات اعضاسی درت مثلنه ابلاغ ایدیلن فوق العاده بر (اسقوپچینا) مجلسجه مذاکره وقبول اولنه بیله جکدی .

بوندن صکره (صربستان) ده حیات سیاسییه باشلادی . محافظه کار ، ترکیورور ، احرار ، افراطیون کبی (اوروپا) طرزنده فرقه لر تشکل ایتدی . بو اسملردن بعضلری فرقه لر رؤسای آره سنده کی شخصی رقابتلری ستر واخفادن بشقه برایشه یارامیوردی .

اداره‌سندہ بولنمقدہ ایدی۔ فقط وصیلر آره‌سندہ اختلاف ظهور ایتدی۔ ترکره طرفدار اولان قوتلی برفرقه عصیان ایدرهك (میشل) ی طرد ایلدی وملی قهرمان عد ایدیلن (قره‌یورکی) نك اوغلی (آلکساندر قره‌یورکیه‌ویچ) ی (اسقویچینا) مجلسنه پرنس انتخاب ایتدیردی [۱۸۴۲] ، ذات شاهانه بو انتخابی تصدیق ایتدی . (آلکساندر) صلح‌پرور بر پرنس ایدی ؛ (بلغراد) ده عساكر عثمانیه‌نك یاننده اقامت ایلیرهك باب عالی‌یه و (آوستریا) یه تابع قالدی . باشنده فس اولدینی حالده مسافر قبول ایتدیکندن و (آوستریا) قونسولوسی طرفندن سوء معامله کوردیکندن، حتی قونسولسك سیغاره‌سك دومانی‌یوزینه صاووره‌جق درجده ایلری‌یه کیتدیکندن شکایت اولنوردی . اورتودوقس مذهبنده اولان (صرب) قومی قانولیکلرک و مسلمانلرک محی بولنان ، (اسقویچینا) مجلسنی اجتماعه دعوت ایتین پرنسه صادق دکلدی . مجلس اعیان 'عضاسی پرنس علینه اتفاق ایتدیلر [۱۸۵۷] . پرنس ، بونلری توقیف و عزل ایتدیردی ؛ حکومت عثمانیه اعیانی مأموریتلرینه اعاده ایتدیرمه‌که موفق اولدی . پرنسک ناظرلری ، (روسیه) ایله بالاتفاق ، مخالفیندن مرکب بر (اسقویچینا) انتخاب ایتدیرمه‌که موفق اولدیلر ؛ بومجلس اجتماعنی متعاقب پرنسک ترک حکومت ایتسنی طلب ایتدی، پرنس جواب رد ویردیکندن عزل ایتدی ، یرینه اختیار (میلوش) دعوت اولندی [۱۸۵۸] .

۱۸۶۰ سنه‌سندہ (میلوش) ه خلف اولان (میشل) ، بوسنه‌یی ، هرسکی وقره‌طاغنی (صربستان) ه الحاق ایدرک اورتودوقس صربلرک ساکن اولدقاری ممالکدن مرکب بیوک برحکومت تشکیل ایتک تصورنده بولنش کی کورینیور وبوسیاست‌ملیه، (صربستان) ده بر قوه عسکریه بولندیرلمسنه و خارجه‌کی صربلر ایله ائتلاف حصوله کتیرلمسنه احتیاج کوستیریوردی . بر (صرب) اردوسی تأسیسنه ایتدار اولندی ؛ اردو ، یالکز «قادر» خدمتی ایفا ایتک اوزره ایکی طابور دائمی عسکردن والی سلاح طوتان هرکسک داخل اولدینی عساكر ملیه‌دن [۸۰،۰۰۰ کشتی] مرکبدی . — صربلر ، خارجه‌کی همجنس‌لرینی الده ایتک ایچون (هرسک) عصائی تحریک وحمایه ایتدیلر [۱۸۶۲] . — حسیات ملیه‌نك غلیانی ، (بلغراد) ده خرستیان اهالی ایله عساكر عثمانیه آره‌سندہ اختلاف و منازعه‌لره سبب اولدی . ترکر ، شهر اوزرینه آتش ایتدیلر . (اوروپا) دولتلی مداخله ایدرک دولت عثمانیه‌یی (بلغراد) ی تخلیه‌یه مجبور ایلدیلر [۱۸۶۲] . بعض قلعه‌لرده عساكر عثمانیه قالمشدی ؛ (میشل) طوغریدن طوغری‌یه باب عالی ایله مذاکره‌یه کیریشه‌رک بو عسکری‌ده کری‌یه چکدیرمه‌که موفق اولدی [۱۸۶۷] ،

(میلوش) ویرکولری حکومت حسابنه تحصیل ایتک و طوموز تجارتی انحصار آلتنه آلمق صورتیه اکتساب ثروت وسامان ایلدیکندن دولت عثمانیه دن « بلغرادولایتی صرب بکی » عنوانی استحصاله موفق اولدی [۱۸۲۰] . دولت عثمانیه نك یونانلیله بعده روسلره قارشی وقوع بولان محاربه لرنده ، (میلوش) ، بیطرف قالدی . پادشاه بو خدمته مکافه بکاک عنواننک اولاد واحفادینه انتقاله [۱۸۳۰] مساعده ایتدی ، (بلغراد) مستتنا اولق اوزره دیگر محملرده کی عساکر محافظه یی کری یه چکدی ، بعده ولایت خارجنده صربلر ایله مسکون اولان بعض قضالری ده کندیسنه ویردی . بوضورتله (صربستان) پرنسلیکی ، دولت عثمانیه نك یرلی بر بک طرفدن اداره اولنور بر ایالت متازه سی شکلنده اوله رق ، تشکل ایتمه باشلادی .

مملکتک وسط طرفلرنده ، (قره کویه وایچ) ده ، اقامت ایدن (میلوش) بر حکمدار مستبد کی اداره امور ایدیور [۱] ، عالیله رؤسایسندن مرکب بر مجلس عمومی اولان (اسقوپچینا Skouptchina) نی آنجق بعض احوال فوق العاده ده عقدا جماعه دعوت ایلوردی . فقط اوصره ده دولت عثمانیه اوزرنده بیوک بر نفوذی اولان (روسیه) یی نمون ایده هه مش و کندی طرفدارلری آرسنده بیله دشمنلر پیدا ایتشدی . برادری (ژه فرم Gephram) طرفندن اداره اولنان بر فرقه نك تصدیقیله بر قانون اساسی قبوله مجبور اولدی [۱۸۳۵] فقط دولت عثمانیه ایله (روسیه) بی قانونی قبول ایتدیلر ، مخالفلر (صربستان) دن قاچدیلر . نهایت ، ۱۸۳۷ ده ، باب عالی ایله (روسیه) طرفندن بر قانون اساسی تنظیم اوله رق (میلوش) ه قبول ایتدیلدی ، بو قانون موجبنجه پرنسک معینه اوچ ناظر تعیین اولندی ، قیدحیات شرطیله انتخاب اولنان ۱۷ اعضادن مرکب بر مجلس اعیانه قوه تشریحیه ویرلدی . (میلوش) ک رقیبلرندن مرکب اولان مجلس اعیان کندیسندن حساب ایستدی . (میلوش) کوبیلر آرسنده بر عصیان ترتیب ایدرک مجلس اعیانی قالدیرمغه چالیشدی ، بعده اوغلی (میلان) نامه ترک حکومت ایلدی [۱۸۳۹] ، فقط (میلان) متورم اولدیغندن بر مدت صکره وفات ایتدی ، پرنسک ۱۶ یاشنده (میشل) ه قالدی .

(میشل) ، (میلوش) ک رقیبلری اولان معتبراندن مرکب بر هیئت وصایتک تحت

[۱] روایتہ نظرآ (میلوش) خوشنه کیدن هر شیئی کندینه مال ایدر واصحابنه کیفنه کوره تضمینات ویردی ، شکایت ایتک احتیاطسز لغمده بولنانلر قتل اولنور وجنایتک ترک حیدودلری طرفندن ایقاع اولندیقی اعلان ایدیلدی ، (میلوش) ، طونه شهر لرنده کی تجاری ، اراضیسنده چالیشمغه مجبور ایدردی .

صربستان و قره طاغ

صربستانه امارتک تشکیلی . — عثمانیلرک زیر اداره سنده قالان صرب ملتی صنف زادکانی غائب ایتمش ؛ صرب لسانیله متکلم، اورتودوقس مذهبنده ، اوقوموق یازمق بیلمین ، بغدادی و مصر ایله تعیش ایدن، میشه اورمانلرنده طوموز سوریلری رعی ایلین کویلیردن عبارت قالمشدی . مملکتده ساکن اولان مسلمان محاربلر صنف زادکان یرینی طوتیوردی . فقط صربلر (اوستریا) ایله مناسباتده بولنمقده ایدیلر ، برچوغی (اوستریا) اردوسنده کولکلو صفتیله خدمت ایتمکده ، بعضلری کوچک ضابط رتبه سنه قدر ترفیع ایتلکده ایدی ؛ کوچک ضابطلر ایله طوموز تاجرلری بوکویلی ملتک معتبرانی ایدی . خرسیتیان صربلر ، مسلمان معتبرانی آره سنده وقوعه کلن محاربه دن بالاستفاده ، اولاباب عالی علیهنه ، بعده اهالی اسلامیه یه قارشلی عصیان ایتدیلر ؛ (بلغراد) ی ضبط ویغما ایلدیلر [۱۸۰۵] . اورمانلرده سربست و مسلح اوله رق یشامغه آلیشان (شومادییه) طوموز چوبانلریله یونانستانده اولدیغی کبی ملی قهرمان عد ایدیلن حیدودلر عصانک ائقوتلی قسمی تشکیل ایدیورلردی . ترکرلر آره سنده (قره) لقییله یاد اولنان رئیس (یورکی) اولجه (اوستریا) اردوسنده کوچک ضابط ایکن بالآ خره طوموز تاجرلی اولمشدی . (روسیه) ، دولت علیه ایله محاربه ایتدیکی مدتجه [۱۸۰۶ - ۱۸۱۲] صربلری حمایه دن خالی قالمدی ، یونک ایچون صربلر (چاره) حامی نظریله باقیورلردی . فقط مصالحه دن صکره ، (روسیه) طرفندن ترک ایدیلن عصان ارتق مقاومت ایدمه یه (اوستریا) یه قاچدیلر . (قره یورکی) نک صربستان تصور اتندن بر خاطره ایله بر قاچ وطنپرورانه شرفیدن بشقه برشی قالمدی . ترکرلرینه ویرکولری تحصیله ، خرسیتیانلره ظلم و اذا ایتمه باشلادیلر [*] .

(قره یورکی) نک دشمنی اولان (میلوش اوبره نوویچ Miloch Obrénovič) اسمنده بر طوموز تاجرلی ، صربیلری اداره عثمانیه دن قورتارمغه تشبب ایتدی ؛ فقط رقیب کبی عصیان ایتمه یه پادشاهک بر بنده مادی کبی کوروندی . صربیلرک صدقاتلرینی تأمین ایدرک اهلیدن مقطوع برور کو آلمغه و سلاحلرک محافظه سنه مساعده استحصال ایتدی . (صربستان) ه عودت ایدن (قره یورکی) - روایته نظرآ - (میلوش) ک امریله قتل اولندی [۱۸۱۸] .

[*] صرب قومک استقلالندن اول و ۱۸۲۰ سنه سنه قدر تاریخی آنیج آغزندن آغزه انتقال ایدن ملی مقبلر ، شرفیلر ایله معلوم اوله بیلمشدر .

ایتمشدر . عینی زمانده یونانلیلرک اقوام سائرہ یی یونانلیلاشدیرمق خصوصندہ کی غیرتلیری ممالک عثمانیہده مقیم یونان عنصرینک کوندن کونہ آرتمنسی تأمین ایدیور . [رومجہ سویلین نفوسک یکون عمومیسی ۸ ملیون تخمین ایدلمکدهدر] . یونان قرالغی دیانک ہر طرفہ طاغیلمش یونانلیر - بالخاصہ اوروپانک بیوک شہرلرندہ کی تجار ایلہ ممالک اسلامیہده کی اطبا - ایچون بر مرکز ملیدر . ممالک بعیدہده کسب ثروت ایدن ، فقط یونان وطنپرورلکی حیساتی غائب ایتمین بو آدملر سایہسندہ قرالغک ہر طرفندہ وعلی الخصوص (آتسہ) ده بر چوق مؤسسات مالیہ ونافعہ وجودہ کتیرلش ، یونانلیلر (اوروپا) دول متمدنہسی صرہسندہ بر موقع قزائمشدر .



ابلاغ ایدلدی . سیاسی فرقه‌لر ، رؤسانک اسملرله یاد اولنان واکثریا بونلرک منسوب اولدولری مملکتلرک اهللسندن تشکل ایدن کوچک فرقه‌لره منقلب اولدی . باشلیجه رؤساسی (ماخی) قطعہ‌سندن (قوموندوروس) ، (مورہ) لی (دلی یانی) ، (نوتیک) آطہلرندن (بولغاریس) ، شمالی (مورہ) دن (زائیس) ، (میسولونکی) قصبہ‌سندن (دلی یورکی) ، (ایونین) آطہلرندن (لومباردوس) ایدی . اختلاف ورقابت پک شدتلی ایدی ؛ هیأت وکلا پک آز دوام ایدیوردی . یواش یواش ، شمالی آمریقاده اولدینی کبی ، هر فرقه‌نک موقع اقتداره کلنجه بتون مأمورلری دیکشدرمسی عادت اولدی ، بو حال اختلافات سیاسیہ‌نک منافع خصوصیه غوغالرینه بکره‌مسنی انتاج ایتدی . مع‌مافیہ بوشخصی رقابتلر آره‌سندہ یکدیگره رقیب‌ایکی سیاست تعقیب اولندینی حس اولتیوردی : (دلی یانی) فرقه‌سی (اوروپا) مدنیتنه دشمن برفرقه ملیه تشکیل ایدیور ، (تریقوپی) فرقه‌سی ایسه (اوروپا) یه میل ایدرک امور نافعیه و مکتبلر کشادینه‌اهمیت ویریوردی . (تریقوپی) ایله (دلی یانی) اون بش سنه مناوبه ریاست وکلا یه کچدیلر [تریقوپی هیئت وکلاسی : ۱۸۸۲ - ۸۵ ، ۱۸۸۶ - ۹۰ ، ۱۸۹۲ ، ۱۸۹۳ - ۹۵ ؛ دلی یانی هیئت وکلاسی : ۱۸۸۵ - ۸۶ ، ۱۸۹۰ - ۹۲ ، ۱۸۹۵ دن بری] . یونان سیاسیوننک باشلیجه دوشونجہ‌لری توسیع اراضی ایتک و دیون عمومیه فائضلری تأدیہ ایلمکدر ؛ هر ایکی مسئله یونانلیلری (اوروپا) حکومتی ایله سرمایه‌دارلرینک تحت نفوذنده بولندیرمقده‌در . دولت عثمانیه‌نک هر دوره بجراننده (یونانستان) روم عنصریله مسکون بر پارچه مملکت آلمغه چالیشمش ، فقط دول معظمه دائماً مانع اولمشدر : کرید عصاتنه خیلی زمان معاونت ایتدیکی حالده (پارس) قونفرانسندہ برشی قزانہ‌مامش ، ۱۸۷۸ ده روس استیلاسی و ۱۸۸۶ ده (کرید) عصیانی اثناسندہ‌ده نائل امل اوله‌مامشدر . - یالکز (فرانسه) و (ایتالیا) حکومتلری یونانستان ایچون توسیع اراضی وعدینی آلمشدر و مذاکرات مدیده‌بی‌متعاقب (تسالیا) بی‌الحاق ایتدیرمکه موفق اولمشدر [۱۸۸۱] . - امور مالیه تنظیم ایدیله‌مدی . بودجه آچینی ، دولت عثمانیه‌ایله محاربه ایتک ایچون تسلیحات و تجهیزاته دوام اولنمندن و شمندوفرلر ، جدوللر انشا ایدلمسندن طولانی سنه‌دن سنه‌یه آردی . یکی استقراضلرک فائضلریله تزايد ایدن دیون عمومیه یاریم ملیار فرانقی کچدی ؛ نهایت تأدیات تعطیل ایدلدی [۱۸۹۳] .

بونکله برابر مملکتک نفوسی آرتقمده [۲,۲۰۰,۰۰۰] و آثار ترقی کورلمکده‌در ؛ زراعت و تجارت سایه‌سندہ ثروت عمومیه تزايد ایدیور ؛ تحصیل ابتدائی پک از یاده انتشار

(قریم) محاربه‌سی یونان سیاسته پک زیاده تأثیر ایتدی . یونانلیلر توسیع اراضی ایچون محاربه‌دن استفاده ایتک ایسته‌دیلر ؛ (تسالی) ده‌کی یونان عصاتنه کوکلی واسلحه کوندردیلر [۱۸۵۴] . فقط (انکلتره) و (فرانسه) دولت عثمانیه‌یه طوقونلسنی ایسته‌میورلردی ؛ برفرانسز اردوسی (پیره) بی اشغال ایتدی [۱۸۵۴-۵۷] . یونانستان باب عالی ایله عقد مصالحه‌یه ، ایکی دولت معظمه‌نک آرزو ایتدیکی هیئت وکلایی موقع اقتداره کتیرمکه و دیون عمومیه‌سنی تأدیه‌یه مجبور اولدی . (روسیه) ، اسلاو اقوامنک حمایه‌سنی ترجیح ایتدیکندن یونانلیلر ایچون هیچ بر شی یاپمدی .

یونانستانک قدیم حامیلری اولان دول معظمه‌نک مسلکری نهایت فرانسز ، انکلیز ، روس فرقه‌لرینی نظردن دوشوردی و قرال (اوتون) ک بین‌الحلق اعتباری قالمدی ؛ قرالک (اوروپا) یه مقاومت ایتدیکی مقام اعتراضه سویلنیوردی . سرای فرقه‌سی ایله اهالی فرقه‌سی آره‌سنده شدتلی باختلاف ظهور ایتدی . (میاولیس) ک تحت ریاستنده اوله‌رق تشکل ایدن سرای هیئت وکلایی [۱۸۵۷ - ۶۲] منتخبلر اوزرنده اجرای تضییق ایدهرک موقع اقتدارده قالدی ایسه‌ده بین‌الاهالی منفور اولدیغندن نهایت اردو دخی قرال علیهنده بولمغه باشلادی . قرالک برسیاحتی ائناسنده قیام ایدن عسکرلر سرای حکمداری بی یغما ایتدیلر . حاکمیت عامه طرفدارلرندن مرکب اوله‌رق تشکیل ایدیلن برحکومت موقته مجلس ملی بی عقد اجتماعه دعوت ایتدی ، مجلس ملی (اوتون) ک سقوطنه قرار ویردی [۱۸۶۲] .

یونانلیلر بو انقلابدن بالاستفاده توسیع اراضی‌یه موفق اولدیلر . ۱۸۱۵ دن بری انکلیز وایلیری طرفدن اداره اولنان (ایونیه‌ن) آطه‌لری اهالیسی (یونانستان) . التحاقی طلبدن خالی قالمیورلردی ، حتی براق دفعه عصیان ایتشلردی [۱۸۴۸ - ۴۹] . انکلتره ، یکی تعیین اوله‌حق قرالک کندی آرزوسنه موافق اولسی شرطیله آطه‌لری ترکه راضی اولدی [۱۸۶۲] . یونانلیلر (انکلتره) یه خوش کورونمک ایچون پرنس (آلفرد) ی قرال تعیین ایتدیلر ، جواب رد آللری اوزرینه (دانمارقه) ولی عهدی وقرال (قریستیان دوغلو قسبورغ) ک اوغلتی انتخاب ایلدیلر . قرال برنجی (ژورژ) بوضورتله مقام حکمداری یه کلدی [۱۸۶۳] . ایونیه‌ن آطه‌لری الحاق ایدلدی ، (قورفو) دارالفنونی (آته) دارالفنونیه برلشدیرلدی .

۱۸۶۴ قانون اساسی حریت مطبوعاتی تأمین و مجلس اعیانی الغا ایتدی . آرای عمومیه اصولیه درت سنه ایچون انتخاب ایدیلن مجلس مبعوثان اعضاسی یوز طقسان ایکی‌یه

و (روسیه) استقراض فائضلرینک تأدیہ سنی و مصارفاتک تقیضنی طلب ایدرک [۱۸۴۳] قرالی ، باویرالی عسکری ترخیصہ مجبور ایتدیلر . بونک اوزرینه یونان عسکرلری براختلال عسکری ترتیب ایلدیلر ؛ وسائط مدافعہ دن محروم اولان قرال وکلای عزل ایتدی ، بر مجلس ملی عقد اجتماعہ دعوت [۱۸۴۳] و ۱۸۴۴ قانون اساسیسی قبول ایلدی . (اوروپا) طرزندہ تنظیم اولنان بوقانون اساسی موجبہ مسؤل بر هیئت وکلا ، اعضای قرال طرفندن منصوب بر مجلس اعیان ، آرای عمومیه ایله اوچ سنہ ایچون انتخاب ایدیلن و تخصیصات آلان مبعوثلردن مرکب بر مجلس مبعوثان تشکیل ایدلدی .

شرطیت اداره زمانہ بونانستانہ . — بوندن صکرہ یالکز قالان قرال اصول مشورتی حقیقہ تطبیقہ مجبور اولدی . (بالقان) حکومت جدیدہ سی آرہ سندہ یالکز (یونانستان) قاعدہ اکثریتہ جدآ تابع اولان و مجلس مبعوثان ایله منتخبلرک عدم اعتماد قرارینی متعاقب رأس کردن چکیلن هیأت وکلا ایله اداره ایدلشد .

زادکانہ تابع اولیمان یونان هیئت اجتماعہ سندہ رهبانک پک آز نفوذی اولمسندن طولایی احتراصات دینہ موجود اولدیغندن حقیقی فرقهلر تشکیل ایدہ جک درجہ دہ اختلافات مهمہ یوق ایدی . فقط وسائط معیشت محدود ، حکومت مأموریتلری پک معتبر ، تحصیل عالی نسبتہ منتشر اولدینی ایچون رجال سیاسیہ ایله مأموریت نامزدلری بوقفیر مملکتہ نظرآ پک چوقدر ؛ ایشتہ اثنای انتخاباتدہ مبعوثلق مقامی ایچون ، مجلس مبعوثاندہ هیأت وکلایی تشکیل ایچون غایت شدتلی بر رقابت جاری اولسنگ سبی بودر . (یونانستان) انتخاباتدہ مأمورین اداره نک منتخبلری تصدیق ایتسی ، بعضاً درلو درلو حیلہ لره مراجعت ایدلمسی ، شدتلی منازعہ لر وقوعہ کلسی و مجلس مبعوثان مذاکراتندہ غزتلرک شدیدالمال مقالاتی ایله رجال سیاسیہ نک پک شدتلی نظقلری حیات سیاسیہ بر شکل خصوصیت اعطا ایتکندہ در .

اول امرده ، هیئت وکلا قدیم فرقهلر آرہ سندہ تشکیل ایتدی . غرب دول متمدنه سنگ قوانین اساسیہ سی طرزندہ بر قانون اساسی تأسیس و روس فرقه سنہ رغماً قاتولیک مذہبندہ کی قرالی محافظہ ایتش اولان انکلیز و فرانسز فرقهلری احراز اکثریت ایلدی . — صکرہ ، فرانسز فرقه سی هیئت وکلایی تشکیل ایدرک [۱۸۴۴] خیلی زمان موقع اقتداردہ قالدی . اوصردہ انکلترہ حکومتیلہ براختلاف ظهور ایتدی . (انکلترہ) محمیسی اولان پورتنکیزی (پاسیفیقو) اسمندہ بر موسوینک خانہ سی براغتشاش اثناسندہ یغما ایدلدیکندن (انکلترہ) بردونما کوندردرک (یونان) سواحلی تحت محاصرہ یه آلدی [۱۸۵۰] .

کلن بر نائب حکومت حکمدارک سن رشده وصولنه قدر مملکتی اداره ایتدی .
 (باویرا) لیلردن مرکب بر هیئت وکلا ، بر هیئت مأمورین ایله کوچک بر کوکلی اردوسی
 تشکیل ایدلدی . (اوتون) آلمان وقاتولک اولدیغنی اونوتمه دی ، حکومت شخصییه
 اصولیه اداره امورده باشلادی . حیات سیاسییه ، اورتودوقس یونانلیلرک قاتولیک اجنبیلره
 قارشلی خصومتلریله باشلادی ؛ (آلمان) اونیفورمه سیله تشکیل ایدیلن بر اردوده خدمت
 ایدن یونان (پالیقاریا) لرینک خشنودسزلغی ، ترخیص ایدلملرینی متعاقب حیدودلغه
 چیقان (پالیقاریا) لرک مملکته ایقاع ایلدکاری خسار ، ۱۸۳۵ ده (مانیوت) لرک
 عصبانی ، یونان کلیساسنک روس اصولنده بش راهب وبرمدعی عمومیدن بر مجلس
 روحانینک تحت اداره سنه ویرلمسندن طولایی هیئت رهبانک اعتراضاتی باشلیجه وقایع
 سیاسییه تشکیل ایدیوردی . معافییه حکومت ، متمدن بر دولته مخصوص مؤسسات
 ونظاماتدن بعضلرینی وجوده کتیرمه مکه موفق اولدی : (آنه) ده بر پایتخت تأسیس
 [۱۸۳۴] ، ژاندارمه هیئت تشکیل [۱۸۳۳] ایدلدی ؛ مملکت فرانسیز طرزنده
 (نوم رومه) نامیله اون سنجاغه ، (هپارخیا Eparchie) دینلن ۴۲ قضایه ، متعدد ناحیه لره
 تقسیم ، معتبران مملکتدن مرکب بر شورای دولت تأسیس [۱۸۳۵] اولندی ؛ ۱۸۳۷ ده
 کشاد ایدیلن (آنه) دارالفنونی بتون (یونان) علمی ایچون بر مرکز تعلیم وتریبه
 اولدی ؛ نهایت ، ۱۸۴۱ ده بر ملی بانقه تشکیل قلندی .

بتون حیات سیاسییه ، یونان قرالغنی تأسیس ایدن وتشکیلات ابتداییه ایچون لزومی
 اولان پاره یی اوچ دولت طرفندن تحت کفالته آلمش ۶۰ میلیون فرانلق بر استقراض
 شکلنده تدارک ایدن (انکلتره) ، (فرانسه) و (روسیه) حکومتلرینک تحت تأثیرنده
 قالیوردی . هر دولتک کندینه مخصوص بر فرقه سی واردی . (روسیه) ، بالخاصه (موره)
 اهالیسی و هیئت رهبان آره سنده طرفدار بولان وقدم (قاپودیستریا) فرقه سندن عبارت
 اولان (ناپیست naps'e) لری ، (فرانسه) ، باشلیجه قوتی وسطی یونانستانده بولنان
 (قوله تی Coletti) فرقه سنی ، (انکلتره) آطه لرا هالیسندن مرکب اولان (ماوروقورداتو)
 و (تریقوی Tricoupis) فرقه سنی التزام ایدیوردی . بو اوچ فرقه ، سرای حکمداری
 و (باویرا) لیلرک حکومتی علیهنده بولمق خصوصنده مشترک اولدقلرندن ، بر انقلاب
 وقوعه کتیرمک ایچون اتحاد ایتدیلر ؛ روس فرقه سی قاتولیک قرالی مملکتدن طرد
 ایدرک یرینه بر اورتودوقس کتیرمک ، دیگر ایکی فرقه قرالی بر قانون اساسییه اطاعته
 مجبور ایتمک ایتدیوردی . حکومتک مضایقه مالیه سندن استفاده ایلدیلر . (انکلتره)

مطلبیت اداره [۱۸۲۹ - ۴۳] . - مناسب برقرال بولنجه به قدر یونانستان، (قاپودیستریا) طرفندن برصورت مستبدانه ده اداره ایدلدی . (قاپودیستریا) یونانلیری تحقیر ایدیور و بونلره خطاباً : « هپکز حیدود ویالانجیسگز . » دیوردی . (هیدرا) اهالیسی عصیان ایتدیلر ، یونان کیمیلرینی طوتوب یاقیدیلر . (مانیوت) لرك باشلیجه عالمه سی اولان (ماورو میخالیس) لر دخی قیام ایدیلر ؛ (قاپودیستریا) رئیس عالمه یی حبس ایتدیردی ؛ فقط کنیدیسی ده قتل ایدلدی [تشرین اول ۱۸۳۱] . برادری برینه کچمکه چالیشدی ؛ لکن (قاپودیستریا) نك اداره سندن ممنون اولمانلر بر حکومت تشکیل ایدرك کنیدیسی فراره مجبور ایتدیلر . نهایت یکدیگره رقیب اولان دول معظمه نك هیچ برینه منسوب اولمان برپرس بولندی ؛ یونان محی اولان (باویرا) قرانك مخدومی (اوتون) قرالغه انتخاب ایدلدی [۱۸۳۲] .

محاربه نتیجه سنده سیاسیون طرفندن تشکیل ایدیلن (یونانستان) ، کوچک و فقیر بر قرالقدی [مقدار نفوس : ۷۵۰,۰۰۰] . یونان مملکتتک اک زنکین قسمی اولان (تسالیا) ایله جزائر بحر سفیدک باشلیجه سی بولنان (کرید) زیرا اداره عثمانیه ده بر اقلمشدی . یونانلیره ترک ایدیلن مملکت اون سنه دوام ایدن قانلی بر محاربه ده خراب اولمش ، اهالیسز قالمشدی ، هر طرف مسلح چته لر ، یاری حیدود اولان (پالیقاریا) لر ایله طولو ایدی ؛ بوندن بشقه ۱۸۲۴ - ۲۵ سنه لرنده یوکسک فائضه عقد اولنان دیون عمومیه موجود ایدی . یونان ملتی ، اون طقوزنجی عصری ، نفوسنی تکثیره ، اراضیدن ممکن مرتبه چوق استفاده به چالیشمق ، حیدودلری تأدیب ایتمک ، توسیع اراضی به و امور مالیه سنی اصلاحه غیرت ایلک ایله کچیردی . بو امور مهمه یی غایت بطی بر صورتده و قسماً اجرا ایده بیلدی . حقایق احواله تماماً واقف اولمان (اوروپا) اهالیسی قدیم یونان حکومتک اسکی رونق و عظمتی ایله میدانه چیقه جغه انتظار ایدیورلردی ؛ فقط بو امید وانتظار بوشه چیقنجه اولجه (یونان) محی اولانلر امنیتسزک کوسترمکه ، یونان وطنپرورلریله استهزایه باشلادیلر ، یونانستانک ترقیات اخیره سی بیله بو عدم اعتماد حسنی ازاله ایده مدی . یونانلیلر ، کویلیلردن ، کیجیلردن و محاربلردن مرکب بر قوم ایدی ؛ حاکمیت عامه فکری تعمیم ایتمش اولمقله برابر بین الحلق شهرت قازانان رؤسایه اطاعته آلیشمشلردی ؛ طاغلق ، یولسز ، بیوک شهرلردن محروم اولان بو مملکتده حیات سیاسییه حیات بلده دن عبارتدی . هنوز نیم وحشی اولان بوملته (اوروپا) طرزنده حکومت جدیده ویرلدی . (اوتون) قرال انتخاب ایدلدیکی زمان سن رشده واصل اولماش بولندیغندن (باویرا) دن

۱۴,۰۰۰ فرانسز عسکری (موره) یه کیردی . ابراهیم پاشا ، مملکتی تخلیه یه راضی اولدی . فرانسزلر (ناوارین) ، (قورون) ، (پاتراس) ، (تریپولیچه) موقعلرینی قولایچه ضبط ایتدیلر . (موره) نك هر طرفی فرانسزلر طرفدن اشغال ایدلمشدی . فقط دولت عثمانیه یی مصالحه یه مجبور ایدن روسلر ایدی . روسلر آسیا جهتده (قارص) ، (پوتی) ، (اردهان) ، (بایزید) ، (ارضروم) ی ضبط ایدرك (طربزون) اوزرینه یوریدکلی کچی روم ایلیده دخی موفق اوله رق روسیه ایله دولت عثمانیه آرهنده وقوعه ککن محاربات متعدده تاریخنده ایلك دفعه اولق اوزره بالقانلردن کچدیله ، ۱۴ اغستوس ۱۸۲۹ تاریخنده (ادرنه) یه کیردیله . بونك اوزرینه ادرنه معاهده نامه سی عقد اولندی .

ادرنه معاهده نامه سی موجبجه یونانستانك بالاخره تعیین اولنه جق حدود داخلنده استقلالی جانب باب عالیدن تصدیق ایدلدی . (سربستان) ، (افلاق) و (بغدان) ك مختاریت اداره لری تأیید اولندی ؛ مملکتین (هوسپودار) لری یالکزیدی سنه ایچون دکل ، قید حیات شرطیه انتخاب قلندیلر . (روسیه) حکومتی (طونه) منصبلرنده کی (بیلان) آطه لری ، ماورای قافقاسده ضبط اولنسان بعض قلعه لری ، از جمله (آناپه) و (پوتی) یی الحاق ، (ارضروم) ی اعاده ایتدی . بوغازلردن سربستجه مرورحققی ، قره دکز ایله بتون ممالک عثمانیه ده سربستی تجارقی تأمین ایدلدی . باش وکیل موسیو (نسلرود) بومناسبتله یازدینی برتحریرات عمومیه ده : « روسیه احتمال که دولت عثمانیه یه صوك ضربه یی ایندیله بیلیدی ؛ فقط بو حکومتك روسیه نك حایه سی آلتده موجودیتنی ادامه ایتمك هر حالده روسلر طرفدن بسبتون ضبط اولنسندن ویاقوت ، مدنیت ، صنایع و ثروتجه روسیه یه رقابت ایده بیللملی محتمل اولان یکی حکومتك تشکیکنه مساعده ایتمکدن دها فائده لیدر . » دییوردی .

بونك ایچوندركه (چار) یونانستانك پك قوتلی ویاپك وسع اولسنی ایسته میوردی . (انکلتره) حکومتی ده حکومت جدیده حدودینك شماله طوغری چیقارلمسنی آرزو ایتمیوردی . (لوندره) قونفرانسده یونان قرالغنك ۱۸۲۵ ده عصیان ایدن مملکتلردن ، یعنی (موره) ، وسطی یونانستان ایله آطه لردن مرکب اولسنه قرار ویرلیدی . قرال ، اجنبی پرنسلسلردن بری اوله جقدی ؛ یونانلیلر خیلی زمان برقرال آرادیلر . [بالاخره بلجیقا قرالی اولان لئوپولد دونوبورخ ۱۸۲۰ سنه سننده یونان قرالغنی قبول ایده جك ایکن صکره دن واز کچدی] .

چار (نیقولا) برنجی (آلكساندر) کبی (مترنیخ) ك ، (اوروپا) دولت‌لرینك منافعی دكل، كندی حكومتك منافع مخصوصه‌سنی دوشونور، روم عاصیلرینی حمایه ایتك ایستوردی. فقط (انكلتره) بو خصوصده (روسیه) بی یالکز براقعی مناسب كورمدی. (پترسبورغ)ه اعزام ایدیلن (وه‌لینغتون) ، ۴ نیسان ۱۸۲۷ تاریخنده ، (روسیه) حكومتی ایله بر «پروتوقول» امضا ایتدی ؛ بو «پروتوقول» موجبنجه (یونانستان) باب عالی‌یه ویركو ویرمك شرطیله بر حكومت مختاره اوله‌جقدی. دولت عثمانیه، انكلتره و روسیه‌نك مداخله‌لرینه مقابل حكمدار مشر وعلری علیه قیام ایدن عاصیلر ك حمایه اولنمسندن طولایی شكایت ایتدكدن صكره اوروپا حكومتلرینك امور داخلیه عثمانیه‌یه مداخله‌یه صلاحیتدار اولدق‌لرینی بیان ایتدی . بو جواب ، (اوروپا) دول معظمه‌نك یونان مسئله‌سنده اتحاد ایللرینه سبب اولدی .

(نیقولا) انكلیز سیاستدن شهیه دوشهرك (فرانسه) یه تقریه چالیشوردی ؛ (فرانسه) ده ایسه سیاسی فرقه‌لر ك كافیسی یونانلیلری حمایه ایتك خصوصنده متحدایدی. (انكلتره) یونان مسئله‌نك صورت تسویه‌سنده آچقده تلق ایسته‌میهرك اوچ دولت آره‌سنده «لوندره‌اتفاق معاهده‌نامه‌سی» عقدایدلدی [۱۶ تموز ۱۸۲۷]. دول متفقه‌مخاصاته نهایت ویرمك و یونانستانك استقلالنی تأمین ایتك ایچون باب عالی نزدنده تشبثات قطعیه‌ده بولندیلر ؛ باب عالی جواب رد ویردی .

بونك اوزرینه فرانسه، انكلیز، روس دونمألری مصر سفآن حریه‌نك بولندیغی (ناوارین) پیشكاهنه كیتدیلر ؛ آمیراللر مخاصاته نهایت ویرلمسینی ابراهیم پاشادن طلب ایتدیلر . ابراهیم پاشا جواب موافقت ویردی . نصلسه دول متفقه دونمألریله ابراهیم پاشانك كیلری آره‌سنده محاربه باشلادی ، سفآن عثمانیه نحو اولدی. اوروپالیلر محاربه‌یه عثمانلی قبودانلرینك سبب اولدق‌لرینی ادعا ایتدیلر .

ناوارین محاربه‌سی یونانستانده ، فرانسه‌ده ، روسیه‌ده بیوك بر مسرت ، لوندرده ایسه خشنودسزلق ایله تلق ایدلدی . انكلیز آمیرالی عزل ایدلدی ، قوای بحریه باش قوماندانی استعفا‌سنی ویردی ، انكلتره حكومتی بو محاربه‌نك «شایان تأسف بر قضا» اولدیغی اعلان ایتدی ؛ ۲۹ كانون ثانی ۱۸۲۸ سنه‌سنده قرائت ایدیلن نطق افتتاحیه انكلتره قرالی «بووقعه مؤسفه‌دن صوك درجه متأثر اولدیغی» بیان ایلدی .

دولت عثمانیه متفقله اعلان حرب ایتدی . (چار) محاربه‌دن ممنوندی ، چونكه یونان مسئله‌سی آرتق حل اوله‌جقدی . جنرال (مهزون) ك قومانداسی آلتنده

بولندینی ایچون (مترنخ) روم عصیان مسئلهسنه نهایت ویرمک لزومنی حس ایتدی .
باب عالی نزدیکه کی تشبثاتی نتیجهسنده سلطان محمود عصائی تأدیب ایچون مصر والیسی
محمدعلی پاشایه مراجعت ایلدی .

۱۶,۰۰۰ پیاده ، ۸۰۰ بارگیر ، بر چوق طوب محمد علی پاشانک اوغلی ابراهیم
پاشانک قومانداسی آلتده اولهرق (اسکندریه) ده ۶۰ کییه ارکاب اولندی . بواردو
(ردوس) و (قندیه) عصائی تأدیب ایتدکن صکره (موره) ساحلنده کائن (مودون
Modon) چقیدی [۲۶ شباط ۱۸۲۵] . روملر بوقدر قوته مقاومت ایدهبیلهجک
بر حالده دکلدیلر ؛ بر قاچ آیده عصیان بر طرف ایدلدی کبی کوروندی ؛ ۱۸۲۵ و
۱۸۲۶ سنهلزنده شمال و جنوبدن کلن عثمانلی اردولری عاصیلری تأدیب وتنکیل ایتدی .

ابراهیم پاشا (ناوارین) ی محاصره ایتدی . قپودان (چامادوس) بر قاچ کبی ایله
امداده شتاب ایلدی ، یا شهری قوتاره جغه ، یا خود تلف اوله جغه یمین ایتمشدی ؛ فقط
وقوعه کلن محاربهده (ساردنیا) حکومتک سابق حرابه ناظری اولان (سانتاروزا)
ایله برلکده تلف اولدی . ابراهیم پاشا (ناوارین) ی ضبط ایتدکن صکره غربدن
شرقه طوغری بتون (موره) ی قطع ایدرک (قالاماتا) ، (تریپولیچه) موقعلرینی
استرداد ایتدی ، یالکز (دیتریوس ایسیلاتی) نک مدافعه ایتدیکی (نوبلی) پیشکاهنده
توقفه مجبور اولدی ؛ بوموقع مستما اولق اوزره (موره) نک هر طرفی ضبط ایتمشدی .

شمالدن کلن راشد پاشا اردوسی (میسولونکی) ی قانلی بر محاربه دن صکره
ضبط ایتدکن صکره [*] ۱۸۲۷ سنهسی حزراننده عصات (آته) ی دخی ترکه
مجبور اولدیلر . ایشته بوموقیتسزلکلر آراسنده روم عاصیلری ایکی طرف اولمشلر ،
برریله اوغراشیورلردی . معتبران (انکلتره) ، اهالی ساثره (روسیه) طرفی التزام
ایدیورلردی . هر ایکی طرفک برر مجلس عمومیی بولنمقده ایدی . نهایت ایکی طرف
برلشوب (ترهزه Trézène) قانون اساسیسی تنظیم ویوقاریده اسمی کچن (قابودیستریا) ی
یدی سنه مدتله رئیس حکومت انتخاب و انکلیزلردن ایکی ذاتی قوای عسکریه و بحریه
باش قوماندانقلرینه تعیین ایتدیلر . (آته) نک ترکلر طرفندن ضبطدن صکره عصات
بر قاچ قلعهیه چکیلوب مهماتسز ، ارزاقسز ، پارهسز قالمشدری .

استقلال تشبثی عقیم قالمش ، یونانس تان یکیدن عثمانیلر طرفندن فتح اولمشدی .
ایشته بوسرهده (اوروپا) دولتلری صورت جدیدده مداخلهیه قرار ویردیلر .

[*] انکلیز شاعری (بارون) بوراده تلف اولمشدر .

مدینتہ طرفدار اولوب اوروپالی قیافتده کزن (ماورو قوردانو Mavrocordato) اسمنده بررئسه تابع ایدیلر . (موره) نك اهالی سائرہسی ، (قلهفت) لری ایسه یونان مدنیت ملیہسی طرفداری ایدیلر ، رئیساری (قولوقوترونی) ایدی . (قلهفت) لر اول امرده مجلس ملی پی طاغیتدیلر ؛ ہر ایک طرف کندیلرینہ مخصوص برر حکومت تشکیل ایتدی ، بعدہ آردہ محاربه لر وقوعہ کلدی ، نہایت (اوروپا) مدنیتی طرفدارلری غلبہ ایدیلر . فقط بوندن صکرہ (موره) معتبرانی ایلہ (نوتیک) اہالیسی دخی ایکی قسمہ آریلہرق برر لریلہ محاربه ایتدیلر [۱۸۲۳] .

(اوروپا) ، روم عصیاننک سبب اولدینی قتالرہ بیکانہ قالمیوردی . چار (آلساندر) بر آرائق (روسیہ) نك سیاست قدیمہسنہ تابع اولدی ؛ باب عالی یہ کوندردیکی بر (اولتیماتوم) ده درسعادت و (ساقز) ده وقوعہ کلن قتاللری شدتله تعیب ایدرک خراب اولان کلیسارک یکیدن انشاسنی وخرستیانلرک حقوقہ رعایت ایدلسنی طلب ایتدی . مناسب بر جواب آلمینجہ درسعادتہ کی سفیرینی کری یہ چاغردی . مع مافیہ (مترنیخ) ینہ مداخلہ ایدرک (چار) ک ہیجاننی تسکین ایتدی و (وہرونا) قونفرہسندہ روم عصائی طرفدن کوندریلن ہیئت مبعوثہنک قبولنہ مانع اولدی . (چار) نہ یاپہجفی بیلہ میور ، متردد بولنیوردی . (انکلترہ) بوندن استفادہ ایتدی . ریاست وکلادہ بولنان (قانین) عصاتک حمایہسنی درعہدہ ایدرک روملرک محارب عد اولنلرینہ قرار ویردی ؛ انکلترہنک (پترسبورغ) سفیری (آلساندر) ہ عصات لہندہ مداخلہنی تکلیف ایلہ برابر (روسیہ) نك آمال و تصوراتنی استمزاج ایتدی . (آلساندر) یونانستانہ یا (روسیہ) نك یا دولت عثمانیہنک ، یا خود ہر ایک حکومتک حمایہسی آلتدہ مختاریت ادارہ ویرلسنی و غربی ، شرقی یونانستان ایلہ (موره) نامیلہ اوچ قسمہ آیرلسنی تکلیف ایلدی . (چار) دولت عثمانیہنک یرینہ قوتلی بر ملت تشکننی ایستہمدیکنی و بالقانلردہ خرستیان اقوامی حمایہ ایتمکک برابر بونلرک دائماً (روسیہ) یہ محتاج اولہجق درجہدہ ضعیف بولنلرینی آرزو ایتدیکنی آچیقدن آچیغہ آکلاتمشدی . روملر ، بونی خبر آلتجہ پک زیادہ حدتلندیلر ؛ آرتق (روسیہ) دن امداد بکلہ میہرک (انکلترہ) یہ عطف نظر ایتمکک باشلادیلر .

(آلساندر) ، کندی سیاستدن ، اقتدارسزلغدن صوک درجہ مایوس اولدینی حالہ وفات ایتدی [۱ کانون اول ۱۸۲۵] . یرینہ کچن برادری برنجی (نیقولا) قطعی بر تشبڈہ بولنق ، (روسیہ) نك شرق سیاست قدیمہسنی احیا ایتمک فکرنده

دعوت ایلدیلر . (هیدرا) کیجیلری ، (مانیا) پالیقاریلری درحال سلاحه صارلدیلر . (پاتراس) پسقوسی (یرمانوس) ، استقلال بایراغنی (قالاوریتا) قلعه سنه رکزایتدی . عصیان برقاچ کون صکره (موره) نک هر طرفنه سرایت ایلدی ؛ ترکلر (پاتراس) ، (مونم وازیا) ، (ناوارین) ، (تریپولیچه) ، (میسولونکی) ، (نوپلی) کچی مواقعدن چیقغه مجبور اولدیلر . جزائر بحر سفید آره سنده طولاشان یوزلرجه روم کیملری راست کلدکلری ترک سفینه لرینه هجوم ایتدیلر .

بدایت عصیانده ، (تریپولیچه) ده اقامت ایدن (موره) والیسی (مانیا) ، پالیقاریلرینی شهره دعوت ایتمش ، پالیقاریلر همان عصیان ایدرک طاغردن اینمشدی . اوچ هفته صکره مسلمانلرک النده یالکز (تریپولیچه) قالمشدی . (قولوقوترونی Kolokotroni) اسمنده بر (قلهفت) ک قومانداسی آلتنده کی عصات ، شهری محاصره وبتون مسلمانلری قتل ایتدیلر [۱۸۲۱] . محاربه ، عرق ومذهب محاربه سی ایدی ؛ هرایکی طرف اسرای ، حتی قادین وچوجقلری بیله قتل ایدیورلردی . یونانستان وقایعی بتون (اوروپا) ده نظر دقتی جلب ایدیور ، مؤلفلر ، شاعرلر خلیع کونا کونی غایت مؤثر برلسان ایله تصویر ایدرک افکار عمومیه یی روملر نهنه چویریوردی . اوزمان (اوروپا) نک هر مملکتده مطلقیت اداره جاری اولدیغندن سیاست داخلیه دن بحث ایدهمین غزته لر یونان ، پالیقاریلرینک سرگذشتلرینه دائر مقالات ایله املاسی ستون ایدیورلردی .

عصیان ، (نه پیر) ده ، (تسالییا) ده ، (کرید) ده برچوق قتالدر نتیجه سنده باصدیرلدی [۱۸۲۳ - ۲۴] . ازباب قیام (موره) ، آطه لر ، وسطی یونانستانده اک زیاده مقاومت کوستردیلر . بوراده درت سنه ترکلره مقاومت ایتدیلر [۱۸۲۱ - ۲۵] . موره یه سوق ایدیلن براردوی رجته مجبور ایتدکلری کچی [۱۸۲۳] بر دنونمائی ده محو ایلدیلر [۱۸۲۴] ؛ الحاصل محاربه ، قره ده ودکنزده ، کمال شدتله دوام ایدیوردی .

روملر بدایه خارجدن کلن (دیمتریوس ایپسیلاتی) یه اطاعت ایدیورلردی . (نه پیدور) قربنده کی اورمانده طوبلانان بر مجلس ملی اعلان استقلال ایتدی . ایکیمی وسطی یونانستان ، بری (موره) یه مخصوص اولمق اوزره معتبراندن مرکب بررهیتت حکومت تشکیل ایلدی ؛ بو اوچ هیئت ، برحکومت مرکزیه یه تابع ایدی . فقط اجنیلره اطاعت ایتمکدن ممنون اولیان یونانیلر براز صکره (اتریا) یی برطرف ایتدیلر ، ایکی قسمه آیرلدیلر : (موره) معتبرانی ایله (نوتیک) آطه لری اهالیسی (اوروپا)

طرفداران همان مستقل برحاله بولنان تپه‌دلتلی علی پاشا پک چوق زمان روم اهالی بی خوف و دهشت ایچنده برافش ، ۱۸۰۳ ده (صولیات) لرك قتالنه سبب اولمشدی . فقط بالاخره روملرك عصیانندن مستفید اوله جغنی آکلایجه (اتریا) یه انتساب ایتدی . قدیم (یونانستان) قرالغنی کندی منفعتنه تأسیس ایتمک خلیاسنده ایدی . ۲۳ مارت ۱۸۲۰ . تاریخنده دولت عثمانیه یه قارشی عصیان ایدرك روملره نمونه امثال اولدی .

۶ مارت ۱۸۲۱ تاریخنده (آلكساندر ایپسیلاتی) ، (بغداد) ده کی (اتریا) منتسبینه و (چار) ك حمایه سنه کووه نه رك جزئی مقدار عسکرله (بروت) نهرینی کچدی و اهالی بی سلاحه صارلغه دعوت ، (بکرش) ی اشغال ایتدی . (چار) او زمان (لایساخ) قونفره سنده ایدی ؛ بو وقعه بی خبر آنجه « جسور دلیقانی ۱ » دیه (ایپسیلاتی) یه تقدیر خوان اولدی . فقط (مترنیخ) ایتالیان ملیتپوراننك تأدینه غیرت اولندی بی بر صروده روم عصیانی تشویق ایتمک تهلكه دن خالی اوله جغنی (چاره) بیان ایتدی . بونك اوزرینه برنجی (آلكساندر) ، (ایپسیلاتی) نك حرکتی تعیب ایدرك : « بر جمعیت خفیه واسطه سیله دولت عثمانیه نك اضمحللانه چالیشمق ایمراطوره لایق بر حرکت دکلدرك » مألده بر بیاننامه نشر ایلدی . حتی (روسیه) نك درساعات سفیری عصائی تأدیب ایچون (چار) ك ایفای معاونته حاضر بولندیغنی باب عالی یه بیلدیردی .

ذاتاً (ایپسیلاتی) نك معیتده کی روملر (افلاق) ده کی (رومنه) لر ایله خوش کچینه . مدیلر ؛ (بالقان) اقوامی آره سنده عرقلرك اختلافندن متولد اوله رق ظهور ایدن و کوندن کونه کسب شدت ایدن ضدیت افکار دها او زمان مشاهده ایدمک باشلادی . (ایپسیلاتی) ایله (رومنه) لرك رئیس اولان (شودور ولادیمیرسکو) حرکات عصیانه نك اداره سی خصوصنده اتفاق ایده مدیلر ؛ (ایپسیلاتی) رقیب و طنه اهانتله اتهام ایده ررك توقیف و بلا محاکمه اعدام ایتدیردی . بوندن صکره (رومنه) لرك توجه و محبتی غائب ایدن (ایپسیلاتی) یالکز قالدی ؛ (ویدین) والیسی طرفندن کوندربلن عسکر ایله (آلتونا) ایرماغی قربنده وقوعه کلن (دراغازانی) محاربه سنده معیتده کی روملر منهزم اولدی ، کندیبی (بھارستان) ه قاچدی ، (مترنیخ) طرفندن توقیف ایلدی .

(رومانی) روم عصیانی ایچون مساعد بر زمین دکلدی . (آلكساندر ایپسیلاتی) بغدانه کیردیکی صروده برادری (دیمتریوس ایپسیلاتی) ایله پرنس (قانتاکوزنه Cantacuzène) موره یه چقمشلردی . اوراده (اتریا) نامنه اهالی بی سلاح آلتنه

وهرملتك كندی ایشنی کورمی لازمدر . بوکون فرانسه، روسیه ایله اتفاق ایتلدر .
دیمش وبعده شوسوزلری علاوه ایتشدی : « خریطه اوزرنده پرکاری جبل الطارقدن
چناق قلعهیه قدر آچیکز، زهرلینک سزه مناسب اولدیغنی تعین ایدیکز ، روسیه نك
یالکز موافقتنه دکل، معاونت صمیمیه ومؤثره سنهده اعتماد ایلکز . »

(چار) ، (اوستریا) و (انکلتره) نك مخالفتلرینی بر طرف ایتك مجبوریتده ایدی .
(اوستریا) ، (ایتالیا) و (آلمانیا) ایله مشغول اولدیغنی ایچون، بحر سیاه و آطهر دکزی
طریقنك قیامسنی ای ته میور؛ (اسلاو) عنصرینك توسعی حسیله شرق ، شمال و جنوب
جهتلرندن صیقیشوب قالمقندن قورقوردی . (مترنیخ) ، اسباب حقیقهیی کیزله مك ایچون
(چار) اوزرنده فوق العاده بر تأثیر اجرا ایدن بر بهانهیی ایلرییه سور میور؛ هیچ بر
طرفه تشبثات انقلابیورانهیه مساعده ایدلمه مسنی توصیه وشاید مساعده ایدیله جك
اولورسه (اوروپا) نك بتون تحت حکمداریلری تزلزل ایده جکنی بیان ایدیوردی .
(ایونیون) آطهرلینك حامیسی اولان (انکلتره) ، بحر سفیده کی قوت و فوقنی محافظه
ایچون روس نفوذینك جنوبه طوغری ایمنی ایسته میور؛ هندستانك اك قیصه طریق
اوله جغه شبهه ایدلمین بحر سفید حوضه سنك بویله بر تهلكیه معروض اولسنی آرزو ایت میوردی .
ایشته (اوروپا) ده حکومتلر هر دلرو تشبثات انقلابیورانهیه مانع اولمق ایستدکلی
بر صرده افکار عمومیه منافع دولیهیی نظر دفته آمیور ، استقلال آرزوسنده بولان
روملرك مراجعتلرینی حسن قبول ایدیور ، پالیقاریلرك سرگذشت سر سر یانه لرینی آلفیشلا-
یوردی . روملرك آمال و تمیانی موقع اجرایه قویمق ایچون هر یرده متعدد جمعیتلر
تشکل ایتدی . از جمله (یونان محبی Philhellèn) نامیله تأسیس اولان جمعیت بر چوق
روم مکتبلری آچدی . (ویانه) قونقره سنده ، (چار) ك وکلاسندن (قورفو) لی
(ژان قابو دیستریا Jean capo d'Istria) روملر ایچون مرخصلر آره سنده کلی اعانه
طوبلادی .

۱۸۱۵ سنه سی تشرین اولنده (فانر) روملرندن اوچ کشی (اتریا) جمعیت خفیه سنی
تأسیس ایتدیلر ؛ بو جمعیت ، تشکلنی متعاقب بر جمعیت اختلالیه حالی آلدی واسلحه
طاغیتدی ، بتون روملری سلاح باشنه دعوت ایتدی ، عصیان عمومی بی حاضرلدی .
آز زمانده ممالک شرقیه نك هر طرفنده شعبه لر آچدی . مرکز اداره می (اودسا) ،
رئیس (چار) ك یاور (آلکساندر ایپسیلاتی) ایدی .
(اتریا) تشکل ایدر ایتز محال مختلفه ده قیاملر وقوعه کلمکه باشلادی . (یانیه)

(آرغولید) کورفرزنده، اوچ چیلیاق وچوراق قیالقدن عبارت اولان (نوتیک Nautique) آطه لرنده طوبلانمشدی. بونترک اڭ بیوکی اولوب اهالیسی روم قیافتده، فقط آرانوود لسانیه متکلم اولان (هیدرا) نڭ نفوسی ۴۰،۰۰۰ کشی ایدی؛ بو قدر نفوس بریاچین قیالغک صرتنده انشا اولمش ۳،۰۰۰ کارگیر خانه ده اقامت ایدیوردی. (هیدرا) آطه سنده حکم و نفوذ زادگان النده ایدی، جزیره یی اداره ایدن و (ده موژه رونت Démogéronte) دنیلن اون ایکی معتبران مملکتی یالکز بونلر انتخاب ایدیورلردی. - اهالیسی یاری روملاشمش آرانوود اولان (اسپه چا Spaetza) آطه سی ده فقیر، نفوسی ده آز ایدی؛ بوراده (پرما) لر ده چوق اولدقلرندن و بیوک عائله لر اودرجه نفوذ و قوت صاحبی بولمدقلرندن زادگانک حکمی نافذ دکلدی. - آطه لرک اڭ کوچکی اولان (پسارا Psara) آطه سی اهالیسی کاملاً روم اولوب زادگاندن اثر یوقدی. - بو آطه لرک اوچی ده امرای بحریه عثمانیه هدیله ویرمک شرطیه برر کوچک جمهوریت کبی اداره اولنیوردی. شمالی آفریقا قورصانلرینه قارشی مدافعه ایچون طوب ایله مسلح اولان کیلرده کی طاقه محاربه یه آلیشمش اولدقلرندن یونان کیلری عادتاً برسینه حربه کبی ایدی. (آوروپا) دولتلی آره سنده کی محاربه نه نهایت ویریلهرک صلح و آسایش عمومی تقرر ایتدیکی زمان عثمانلی بایراغنک بیطرفلغندن الهه ایدیلن منافع زائل اولدیجی جهتله (نوتیک) آطه لری کیجیلری ایشز قالدیلر؛ بوتون قوتلری عثمانیلر علیهنده استعماله وقت بولدیله.

یونانہ فراللفنک نسطی [۱۸۲۰ — ۲۹] . — ۱۸۲۰ سنه سنده (موره) طاغیلری، پانقاریالر، کیجیلر، (نوتیک) آطه لری اهالیسی کاملاً مسلح و محاربه یه مهیا ایدی. تپه دنلی علی پاشانک عصیانکی کورنجه بونلرده قیام ایتدیله [۱۸۲۰] . عصیان، عینی زمانده (نه پیر) ده، (موره) ده، آطه لرده وقوعه کلدی.

ذاتاً برمدندن بری یونانستانک استقلاللی مسئله سی بتون (آوروپا) دولتلی اشغال ایدیور و دولت عثمانیه نڭ قریباً منقرض اوله رق میراثی تقسیم ایتمک لازم کله چکی تخمین اونیوردی. حتی (ناپولئون) بومسئله یی بر آن اول حل ایتمک تصورنده بیله بولنمشدی. فقط روملرک ایکنجی (قاترین) زمانندن بری (روسیه) یه ده زیاده اعتمادلی واردی و « روم استقلالنک » بتون روسیه اهالیسنجه آرزوایدلدیکنی بیلورلردی. (چار برنجی آلساندر)، (قاترین) ک تصورات عظیمه سنی تعقیب ایتمک ایتدیوردی؛ وقتیه (ناپولئون) ک معاونتی امیدایتمش اولدیجی کبی بونک سقوطندن صکره ده (فرانسه) دن قطع امیدایتمه مشدی. ۱۸۲۱ سنه سنده (فرانسه) نڭ (پترسبورغ) سفیرینه: « ترکلرک پک اوزاقلره آتیلمیسی

فرانسز انقلابی کندیلرینه پک زیاده تأثیر ایتدی [*]. بعده ، (وندیک) جمهوریتک انقراضی اوزرینه ممالک عثمانیه‌ده کی روملردن بشقه اوله‌رق یکی بر مرکز یونانی تشکل ایلدی ، (ایونیه‌ن) آطه‌لری (وندیک) دن آیرلدی، بو آطه‌لرده اولا، (فرانسه) حکومتی « جزایر سبعة جمهوریتی » تأسیس ایتدی، بعده (انکلتره) جزائر مذ کوره‌یه برانکلیز والی تعیین ایدرک خصوصی بر اداره تشکیل ایلدی [۱۸۱۵].

روملر، ممالک عثمانیه‌نک هر طرفنده ، سواحله ، بیوک شهرلرده طاغنیق بر حالده بولنیورلردی . فقط آوروپای عثمانینک جنوبنده ، (موره) ده ، وسطی یونانستانده ، تسالیاده ، آطه‌لرده روم عنصری پک غلبه‌لک اولوب تدریجاً روملاشان آرناوود واسلاو خرستیانلریله قاریشیق ایدی . بورلرده استقلال ملی‌یه تشبث ایده‌بیله‌جک درجه‌ده قوتلی یونان عنصرلری بولتمقده ایدی .

مسلمانلرک پک آز بولندقلری (موره) ده هر بر ناحیه ، کوی معتبران اهالی طرفندن اداره اولنوردی ، بتون مملکتک اداره‌سنه مأمور اولمق اوزره نواحی و کیلیری طرفندن انتخاب اولانان « پریما Primat » لردن ، یعنی معتبران دن مرکب مجلس هر سنه (موره) والینسک محل اقامتی اولان (تریبولیچه) ده اجتماع ایدردی . قدیم (لاقونیا) قطععه‌سی اولان (ماینا) ده (مانیوت) دینلن طاغلیلر ، شاتولرنده تحصن ایدن رؤسانک تحت اداره‌سنده اوله‌رق دائماً مسلح بولنورلر ، بر برلریله محاربه‌دن خالی قالمالردی .

وسطی یونانستان ایله (نیهیر) جهتنده کی طاغلرده بولنان خرستیانلر ، یونانلیلر ایله آرناوودلر ، غیر منتظم بر « میلیس » تشکیل ایدیورلردی ؛ بولردن (پالیقاریا) لر ملی قیافتلرنی محافظه ایتمکده و (آرماتول) دینلن رؤسایه تابع بولتمقده ایدیلر . فقط دولت عثمانیه‌نک خرستیان (آرماتول) لردن امنیتی منسلب اوله‌رق بولنه قارشی مسلمان آرناوودلری استعمال ایتمکده باشلادیغی زماندن بری (پالیقاریا) لر طاغلره چکیله‌رک (قله‌فت Klephte) ، یعنی « حیدود » اولدیلر ، عثمانلیلغه دشمن اولان (قله‌فت) لر یونانلیلرک ملی قهرمانلری صره‌سنه کچدی ؛ بولر کوچک چته‌لر تشکیل ایدرک ، قیالر آرقه‌سنه صاقلانهرق تفتک ایله محاربه ایدرلردی . اوزمان کیجیلر ، یالکز ، ویرکو ویرمک شرطیله کندی کندیلرینه اداره اولنان آطه‌لرده بولتمقده ایدی ؛ کمیچی اهالینسک همان کافه‌سی‌ده

[*] یونان وطنپوراندن تسالیالی (ریغا) کفته‌سی فرانسز لرک (مارسه‌یه‌ز) مارشنه مشابه برملی شرق ترتیب ایتشدی . (اوستریا) ضابطه‌سی (ریغا) یی توقیف ایدرک (بلغراد) والینسه تسلیم ایتدی ، اوراده اعدام اولندی [۱۷۹۸] .

یونانستان

۱۸۲۰ء اول روم ملتی . — عثمانلیوں طرفدن ضبط اولنان (یونانستان) مسلمان والیلر ایله اداره و عساکر عثمانیه ایله اشغال ایدلدیکی ایچون تشکیلات عمومیہ ملیه سنی محافظه ایدمه مشدی . ذاتاً روملر ، قرون وسطادن بری ، بر ملت حالنده دکدیلمر ؛ یالکز بر روم کلیسای قلمشدی ، بو کلیسا دخی بتون اورتودوقسلر آره سنده مشترک اولدیغدن اجانب نظرنده روملرک (اسلاو) لردن فرقی یوقدی . فقط لسان یونانی محافظه ایدلمش و قدیم یونانستان خاطرانه منضم اولنجه یونان ملتک تشکله کافی کلمشدی . یالکز یونانلیلرک احفادی دکل ، روجه سویلین بتون خرسیانلر ، حتی « یونانلاشمش » آزانوودلر ایله اسلاولر ، کندیلرینی بر ملتک افرادندن عد و بونکله افتخار ایدیورلردی .

یونان ملتک تشکلی ، اون سکزنجی عصر اوخربنه تصادف ایدر . خرسیان تبعه سنه حسن معامله ایدن سلطان سلیم ثالث زماننده روملر نفوس ، ثروت و مدنیتجه ترقی ایتشلر ؛ بالخاصه (تسالیا) ده صنایع حریری و قطنیه ده ایلری کیتمشلردی . اوروپالیلر آره سنده کی محارباتدن بالاستفاده بیطرف قالان عثمانلی بایراغی آلتده تجارت بحریه یه وسعت ویرمشلر ، (اودسا) طریقله روسیه دن حبوبات اخراجاتی ، شرقده اوروپا تجارتنک بر قسمی الده ایتمشلردی ؛ صنعتلرنده ماهر ، جسور کیمچی اولدقلرندن ، آز مصرف و بیوک بر سرعت ایله سیاحت ایتدکلرندن [کیلرده کی طائفه سفینه صاحبنک اقرباسی اولوب تمتعاه اشتراک ایدرلردی] ۱۸۱۶ سنه سنده ۱۷,۰۰۰ طائفه یی حاوی ۶۰۰ سفینه یه مالک اولمشلردی . (مارسلیا) ، (لیورنا) ، (تریسته) ، (اودسا) کی بحرسفیدک بیوک لیمانلرنده و حتی (لوندره) ایله (لیورپول) ده پک چوق روم تاجر بولنمقده ایدی .

روملر ممالک متمدنه ایله مناسباده بولندجه توسیع معلومات ایتدیلر : زنکین تاجرلر روم اطفالنی تعلیم و تربیه ایچون (بکرش) ، (قورفو) ، درسعات شهرلرنده مکتبلر آچدیلمر . عصرلرجه زماندن بری دوام ایدن جهالتک تأثیریه بوزولمش اولان لسان یونانی یکیدن میدانه چیقدی ؛ (قورائی Corai) نک همتی ثمره سی اوله رق لسان قدیم یونانی ایله لسان عوام آره سنده متوسط برلسان تعمیم ایتدی .

روملر ، تحصیل و تربیه کوردکجه آیری بر ملت تشکیلی لزومی حس ایتکله باشلا دیلمر .

قرال علیہندہ دخی خلی تحریکات اجرا ایدلدی . قرال ، کندیسندن خشنود اولیانلری تسکین ایچون ولی عهد اولان یکنی پرنس (فردیناند) ی (رومانیا) یہ کتیرتدی ، ولی عهد قاتولیک مذہبی محافظہ ایتمکله برابر اوغلنک (اورتودوقس) اولسنہ راضی اولدی [۱۸۹۳] . ہیئت وکلای احرار ، شمندوفرلر انشاسنه و مکتبلر کشادینہ دوام ایتدی ، قرال طرفندن صورت مخصوصہده اهمیت ویریلن تشکیلات عسکریہ یی اکیال ایله (بکرش) شہرنی بر موقع مستحکم حالہ قوبدی . ہیئت وکلا زراعک اصلاح احوالندہ تشبث ایلدی ؛ قانون اساسینک تعدیلنی مجلس مبعوثانہ قبول ایتدی ، معدل قانون اساسی موجبنجہ عسا کر ملیہ الغا ایدیلہرک ۳۰،۰۰۰ فراق ویر کوویرن منتخبلرک تشکیل ایتدکاری صنف قالدیریلہرق حق انتخاب حاکمیت عامہ قاعدہسنہ دہا زیادہ توفیق ایدلدی . مرکز (بکرش) اولمق اوزرہ تشکل ایدن کوچک برفرقہ اشترا کیون اراضی آلمدقرندن طولانی ممنون اولیان کویلر آرسندہ طرفدار بولمغہ چالیشدی .

رؤسای آرسندہ کی اختلاف افکاردن طولای ضعیف دوشن فرقة احرار (فرانسه) و (روسیہ) آرسندہ کی مقارنت سیاسیہ نک سبب اولدینی تحریکاتہ مقاومت ایدہمدی . فرقة محافظہ کار ، احراری (رومانیا) اردوسنی آلمان اردوسنک برجزئی حالہ کتیرمک و (فرانسه) نک دشمنلرینہ التحاق ایتمک ایله اہام ایدیوردی . مجلس مبعوثانہ احرار اکثریت ایتدی حتی (براتیانو) ہیئت وکلاسنک تحت محاکمہ آلمسنہ موفق اولدی [۱۸۸۹] .

قرال ، فرقة احراردن آریلان قسم ایله کنج محافظہ کارلردن مرکب بر ہیئت وکلا تشکیلنہ چالیشدقدن صکرہ محافظہ کار احرارک دخی داخل اولدینی ہیئت وکلای محافظہ کار ایله ادارہ امورہ مجبور اولدی و محافظہ کارلر ۱۸۹۵ سنہسنہ قدر موقع اقتداردہ قالدی . بعدہ (براتیانو) وفات ایتدیکنندن فرقة احرار یکیدن احرار اکثریت ایدرک ہیئت وکلای تشکیل ایتدی [۱۸۹۵ دہ استورچا ہیئت وکلاسی ، ۱۸۹۶ دہ اورہ لیان ہیئت وکلای] .

ترقیات مادیہ دوام ایلدی ؛ دیون عمومیہ آرتدی ایسہدہ بوتزاید حکومت شمندوفرلرینک انشاسندن ایلری کلیوردی ؛ (رومانیا) نک اعتبار مالسی کوندن کونہ آرتدی واسہام و تحویلات فیاتی یوکسلدی .

یکی بر هیئت وکلای احراری رأس کاره کتیردی [۱۸۷۶]. فرقه احرار، پک آز دوام ایدن بر فاصله مستثا اولمق اوزره، ۱۸۸۸ سنه سنه قدر موقع اقتدارده قالدی .

دولت عثمانیه قارشى محاربه یه اشتراك ایدن (رومانیا)، تمامی ملکیتی محافظه ایدلمک و عدینه مقابل، (روسیه) ایله اتفاق ایتدی. فقط حین مصالحه ده (روسیه) حکومتی، (طونه) نك صول ساحلی الده ایتمک ایچون محتاج اولدینی (بسارابیا) قطعهنی (رومانیا) دن آلدی؛ بوکامقابل دولت علیه یی منبت، فقط خالی وهواسی آغیر بر مملکت اولان (دوبریجه) یی رومانیا یه ترکه مجبور ایتدی . (رومانیا)، برلین قونفره سنه شکایتده بولندی، فقط پک جزئی اراضی آلمقدن بشقه بر شیئه موفق اوله مدی .

(رومانیا) محاربه نك نتیجه سنده بر حکومت مستقله اولدی . ۱۸۷۷ سنه سنده مجلس مبعوثان واعیان طرفندن اعلان ایدیلن استقلال، دولت عثمانیه ایله (برلین) قونفره سی طرفندن - بلا تفریق مذهب بتون تبعه یه مساوات حقوق ویرمک شرطیله - رسماً تصدیق ایدلدی؛ بو شرطی درمیان ایتمکدن مقصد، اوزمانه قدر حقوق سیاسی دن محروم و تقریباً ۳۰۰،۰۰۰ کشتی اولان (بغدان) موسویلرینی حمایه ایتمکدی. بر مدت صکره، ۱۸۸۱ سنه سنده، پرنس عنوانی قراله تحویل ایدلدی .

مع مافیله رومانیا قرالغی، بتون (رومن) ملتى محتوی دکلدی: . (بلغارستان)، (صربستان) و (ماکدونیا) ده طاغنیق بر حالده بولنان و چوبانقله کچین اولاحلر دن بشقه (بسارابیا) ده یاریم، (مجارستان) و (ترانسیلوانیا) ده ایکی بچق ملیون، (بوکووینا) ده ۲۰۰،۰۰۰ (رومن) بولنمده ایدی . (رومانیا) اتحادینی اگاله چالیشمق ایچون بر فرقه ملیه تشکل ایتدی و بوفرده ممالک اجنیه ده وبالخاصه (مجارستان) ده بولنان (رومن) لر ایله مناسباته کیریشدی، بر جوق نمایشلر ترتیب ایتدی [۱۸۹۴ - ۹۶]، نهایت (مجارستان) حکومتی بو تحریکاتک منع اولمنسی (رومانیا) حکومتدن طلب ایدلدی .

بوکا مقابل (کیف) ده کی روس مناسترنده تربیه کورن رهبان هیئت روحانیه آره سنده، پاپاسلر ایله روس تصاویر دینه و وطن پرورانه سنی فروخت ایدن سیارصاً تحیلر کویلیلر میاننده روس کلیسای آمال وافکارینی نشر و تعمیمه چالیشدیلر. ذاتاً، اوتنه دن بری پستقپوسلردن مرکب بر مجلس روحانی طرفندن اداره اولنان (رومانیا) کلیسای در سعادت روم بطریقخانه سنندن تماماً آیرلدی [۱۸۸۵]. بو وقعه، اورتودوکسلر طرفندن شدتلی تعریضاته سبب اولدی وبالخاصه، قاتولیک مذهبده بولندینی ایچون

حس ایدرک، محافظه کارانی موقع اقتداره کتیردی، مع مافیہ ینہ (براتیانو) نک ریاستی آلتندہ برهیئت وکلای احرار تشکیلی تشبثدن فارغ اولدی. مخالف فرقه لک یکدیگری علیهنده کی تشبثات و تحریکاتی، اوتده بریده وقوعه کلن عصیانلر برمدت (رومانیا) بی بحران ایچنده براقدی. مجلس مبعوثان، (فرانسہ - روسیه) محاربه سی مناسبتیه فرانسه حقنده صورت رسمیه ده اظهار محبت ایتدی [۱۸۷۰]، پرنس ترک حکومت ایدہ جکندن بحث ایلدی [*]؛ آلمانلرک مظفریتلری شرفه اجرا ایدیلن برنمایش (بکرش) ده اغتشاشه سبب اولدی [مارت ۱۸۷۱]. نهایت شورای امت طاغیلدی، یکیدن انتخاب اولنان مجلسده (قاتارجی Ca'argi) نک ریاستی آلتندہ برهیئت وکلانک موقع اقتدارده تأمین ایدہ جک درجه ده اکثریت حاصل اولدی، (قاتارجی) پرنس ایله متحداً اداره امورہ باشلادی [۱۸۷۱]. انتظام و آسایش اعاده ایلدی، (قاتارجی) هیئت وکلای ۱۸۷۶ تاریخنه قدر رأس کارده قالدی. ایلک دفعه اوله رق مجلس مبعوثان دورہ اجتماعیه نک ختامنه قدر ایفای وظیفه ایتدی.

برنجی (شارل)، (روسیه) طرزنده برادر و تشکیله چالیشدی. خدمت عسکریه نک اوچ سنه و عموم ایچون مجبوری اولسی اصولی قبول ایتدی؛ فقط بودجه، سلاح آلتنه آلنان بتون عسکرک اداره سنه کفایت ایتدیکندن افراد عسکریه بری اوچ سنه خدمت ایتک، دیگری تعلیم زمانلرنده سلاح آلتنه دعوت اولنه رق (دوروبانچه Dorobanze) دینلن ردیف صنفی تشکیل ایتک اوزره ایکیه ایرلدی؛ طوبلر (آلمانیا) دن جلب اولندی. دولت عثمانیه - روسیه محاربه سنده (رومانیا) اردوسی مهم بروظیفه ایفایلدی. پرنسک موقعی کسب قوت ایتدی. شرق مسئله سی بحران ظهور ایتدیکی زمان برنجی (شارل) رومانیا یه مخصوص برسیاست ملیه تعقیب ایدہ بیله جک درجه ده کندیسنی قوتلی بولدی. (رومانیا) بی، وطن پرورلرہ آغیر کلن، تابعیب عثمانیه دن بسبتون قورتارمق لازم کلیوردی؛ فی الحقیقه باب عالی (رومانیا) حکومتک موجودیتی طانییور، ممالک عثمانیه ده (رومانیا) پولتیقه مأمورلرینک بولنسنه و (رومانیا) تبعه سی اموریه مشغول اولملرینه مساعده ایتوردی. برنجی (شارل)، هیئت وکلای محافظه کاری موقع اقتداردن دوشوردی. مختلط برهیئت وکلا تشکیله تشبث ایتدکن صکره (براتیانو) نک ریاستنده

[۱] ۱۸۷۱ سنه سنده یازدینی برخصوصی مکتوبده «مطلقیت اداره دن، بردن بره، اکاحرارانه برمشروطیت اداره یه کچن وهان جمهوریه یاقین برحکومت تشکیلی ایچون ایجاب ایدن مزیشلری حائز اولیان» رومن ملتک تجر به سز لکندن شکایت ایشدی.

محافظه کاران (روسیه) طرفداری، اجنبی پرنس دشن و اصلاحات اجرایی غیر مساعد ایدی. - (قیرمزی فرقه) دینلن فرقه احرار، صنف متوسط اهلینک تفوقی و (آلمانیا) و (آوستریا) ایله اتفاقی ایستوردی. فرقه ریسی (ژان براتیانو - Jean Bra- tiano) یه «رومانیا بسمارقی» لقبی ویرلمشدی. - بویکی فرقه آره سنده، رقابت شخصیه نك تأثیر یله «کنج صاغ جناح» نامیله اوچنجی برفر قهدهاتشکل ایتمشدی که بالخاصه (براتیانو) نك صورت اداره سنه اعتراض ایدیوردی. - فرقه احرار دن آیریلان برقم (ژان براتیانو) نك برادرینک تحت اداره سنده اوله رق آیری برفر قه تشکیل ایتمدیکی کبی (روزه تی Rosetti) طرفندن اداره ایدیلن دیگر برفر قهده آرای عمومیه اصولنک وضع و تطبیقی طلب ایتمکه باشلادی. بو مختلف فرقه لر آره سنده کی اختلاف لر، اتفاق لر شورای امت حیاتی غایت قاریشیق و هیجانلی برحاله کتیردی.

پرنس اولدینی زمانه قدر (پروسیه) اردوسنده ضابط صفتیله ایفای خدمت ایتمش اولان برنجی (شارل) بالخاصه امور عسکریه و سیاست خارجه ایله مشغول اولمشدر. قواعد مشروطیته همان دایماً رعایت و شورای امتده اکثریتک معاوتیسه اداره حکومت ایتدی. فقط (رومانیا) ده هیئت وکلانک، انتخابات اوزرنده اودرجه قوتلی برفر قه و واردرکه پرنس ترجیح ایتمدیکی هیئت وکلایی موقع اقتداره کتیرنجه او هیئت وکلای احرار کثرت ایدر. برنجی (شارل)، بالطبع، (آلمانیا) ایله اتفاق طرفداری اولان احراره تمایل ایتمدیکندن بدایت حکومتده (براتیانو) نك ریاستی آتده بر هیئت وکلای تشکیل ایتدی و فرقه احراری - مخالف فرقه لرک کندی آره لرنده اتفاق ایله پک قوتلی اولدقاری زمان مستثنا اولق اوزره - دایماً موقع اقتدارده طوتدی.

الکبیک مشکلات، امور مالیه نك تنظیمی مسئله سنده کورلدی؛ (رومانیا) نك دیونی ذاتاً پک آغیر، تقریباً ۸۰۰ میلیون فرانق ایدی، بودجه آجینی یکریمی سنه دوام ایتدی. اراضی امیریله فروخت، توتون انحصاری تأسیس، اصول سکه اصول اعشارینک قبولی صورتیله اصلاح ایدندی. (براتیانو) نك پروگرامی شندوفر خطلری انشا و مکتب کشار ایدرک مملکتک منابع طبیعی سندن استفاده ایتمک نقطه سنه معطوف ایدی. فقط فرقه احرار، موقع اقتدارده طوره بیله جک درجهده قوتلی دکلدی. (رومانیا) اهالیسی عمومیته فرانسه محبی اولدق لرندن (فرانسه) و (پروسیه) آره سنده کی اختلاف و محاربه دوام ایتمدیکی مدتیله برنجی (شارل) پک مشکل بر موقعده قالدی. فرقه محافظه کار مجلس مبعوثان و اعیانده احرار اکثریت ایتدی. برنجی (شارل)، بین الخلق مظهر محبت اوله مدیغنی

زادگاه تضمینات اعطا اتمک صورتیله آنغاریه دن قورتولدیله . حکومت بو اصلاحاتک موقع اجرایه وضعی تعهد ایدرک کویلدیله ویریله جک اراضی استملاک ایتدی ، اصحاب املاک اراضینک لا اقل ثلثی براقدی ، آریجه تضمینات دخی ویردی . هر بر کویلی یه مالک اولدینی حیواناتک عددیله متناسب اراضی اعطا و بونلرک بدلی اون بش سه نه مالک تقاسیط ایله استیفا ایلدی . بوسایه ده ۴۰۰,۰۰۰ عائله اراضی صاحبی اولدی .

(بکرش) اهالیسی (آلکساندر) ی هیچ سومیوردی . (رومانیا) زادگانی بوندن بالاستفاده پرنسی دوشورمک ایچون بر جمعیت خفیه تشکیل ایتدیله . جمعیت اعضاسی (آلکساندر) ی یتاق او طه سنده آنسزین باصدیره رق ترک حکومته اجبار و بر حکومت موقته هیئتی تشکیل ایلدیله . هیئت مذکور ی یکی بر پرنس انتخابی ایچون مجلس مبعوثان واعیانی عقد اجتماعه دعوت ایتدی . رومانیالیلر مملکتلرینک بر رومانیالی پرنس طرفندن اداره اولنهمیه جفته ، بیوک زادگان عائله لرینک کندیلریله عینی موقعه بولنان بر پرنسه اطاعت ایتیه جکلرینه قانع ایلدیله . بناءً علیه بر اجنبی پرنس جلب اولنمنه بالاتفاق قرار ویردیله . مجلس مبعوثان واعیان اول امرده بر بلجیقالی پرنس انتخاب ایتدی ایسه ده جواب رد آلدی . نهایت (هوهنزولرن) خاندانک قاتولیک شعبه سی ارکانندن بر آلمان پرنسی برنجی (شارل) عنوانیله (رومانیا) پرنسی اولدی .

شروطیت اداره — پرنس (شارل) ک موقع اقتداره کلسیله (رومانیا) ده منتظم بر حیات سیاسی باشلادی . ۱۸۶۶ قانون اساسیسی (رومانیا) یه (بلجیقا) طرزنده بر اداره احرارانه تأمین ایدیوردی [زوری ، عساکر ملیه ، حریت اجتماع و مطبوعات] . پرنس طرفندن انتخاب اولنان هیئت وکلا شورای امت حضورنده مسؤل ایدی ، مجلس مبعوثان واعیان اعضاسی (پروسیه) ده جاری اولان صنف اصولنه مشابه بر طرزنده اهالی طرفندن انتخاب اولتیوردی ، مجلس اعیان (۱۱۰) ی اصحاب املاک آره سندن انتخاب ایدلک اوزره ۱۲۰ ، مجلس مبعوثان ۱۷۸ اعضادن مرکب دی ؛ اصول انتخاب ، آرای عمومی اصولنه پک یاقین اولقله برابر منتخبلر حکومته ویردکاری ویرکونک مقدارینه کوره درت قسمه آیرلشدی . — مملکت ، فرانسر طرزنده سنجاق و قضالره آیرلدی ؛ مرکزیت اداره تأسیس ، دیوان محاسبات تشکیل و فرانسر قوانینی عیناً قبول ایلدی .

قدیم فرقه لر ، موقع اقتداره کچمک ایچون اجرای تحریکاته باشلادیله . اختلاف ، بالخاصه سیاست خارجیله اصلاحات اجتماعیه دن نشأت ایدیوردی . — املاک جسیمه اصحابندن مرکب اولوب (بویارلر فرقه سی) نامیله ده یاد اولنان (بیاض فرقه) ، یا خود

شخصیه دن طولای صیق صیق دیکشدریوردی [یدی سنهده یکرمی هیئت وکلا کمشدر]، مجلس ملی مشروطیت اداره نك تأمینی ایچون پرنسه مراجعت ایدلسنه قرار ویردی، بعده وارات و مصارفات عمومیه نك تصدیق حقتك مجلسه عائد اولدینی هیئت وکلاجه قبول ایدیلنجهیه قدر بودجه بی تصدیقندن امتناع ایتدی. — پرنس، مجلس، قیادتدی وکندی کندی قوای عسکریه باش قوماندانی تعیین ایلدی [۱۸۶۳]. مجلس، هیئت وکلا علیهنه عدم اعتماد قراری ویردکن صکره بودجه بی ینه موقع مذاکرهیه قویمدی. — پرنس، اوچنجی (ناپولئون) طرزنده حرکت ایتمک ایتدی؛ مجلس ملینک طاغیدلینگی اعلان ایتدن صکره مذاکره سالونئی عسکر ایله اشغال ایتدیردی، مطبوعات قانونی فسخ ایتدی، آرای عمومیه اصولنک قبولی و مجلس اعیان ایله مجلس میعاونندن مرکب بر شورای امت تأسیسی متضمن بر قانون اساسی نشر ایلدی. بونی آرای عمومیه ملته مراجعتله تصدیق ایتدیردی. [۶۸۲,۰۰۰ رأی تصدیق، ۱۳۰۷ رأی رد ایتشدی]؛ حتی بالعموم مأمورینی یاطرز جدید اداره بی قبوله، یاخود استعفایه اجبار ایتدی. بعده، سوء قصد ترتیب ایدلیکی بهانه سیله، مشروطیت فرقه سی رؤسانی توقیف ایتدیردی [۱۸۶۴]. بوندن صکره بر حکمدار مطلق کی اداره اموره دوام ایدرک بودجه بی ایستدیکی کی تنظیم، رسمی نامزدلری مبعوث انتخاب ایتدیرمهک باشلادی، شورای امتی پرنسک مقرراتی قید و تسجیله مأمور بر مجلس درکهنه ایتدیردی. پرنسک اولاد واحفادینه دخی انتقال ایتمی مجلسه قبول ایتدیردی وارک اولادی اولدیغندن اقرباسندن برنی ولی عهد تعیین ایلدی [۱۸۶۵].

مجلس ملی بتون (رومن) ملتک وکیللرندن مرکب عد اولونه مازدی، چونکه حیات سیاسییه مالک اوله جق درجهده تحصیل کورمش یکانه قسم اولان زادکندن ماعدا اهالی سیاسیات ایله مشغول اولمیور، کویلیر پرنس ایله مجلس آره سنده کی اختلافاته بیکانه قالیوردی. (آلکساندر)، اوچنجی (ناپولئون) ی تقلیداً، حاکمیت عامه قواعدینه رعایت ایدر بر حکمدار کی حرکت ایتدی. (پارس) معاهده نامه سی، (رومانیا) بی صنوف مختلفه اهالینک امتیازاتی الغایه و «کویلیرک اصلاح احوالی ایچون اصحاب اراضی ایله زراع آره سنده کی مناسباتی تعیین ایدن قانونک بلا تأخر تعدیلنه» مجبور طوتمشدی. اجرا ایدیله جک اصلاحات حقتده مجلس ملیده ائتلاف افکار حاصل اوله مدیغندن پرنس، بواصلاحاتی ساده جه بر امرنامه ایله موقع اجرایه قویدی [آغستوس ۱۸۶۴]. کویلیر، شمدیه قدر اجیر صفتیه زرع ایتدکلری اراضیه صاحب اولدیلر و مالکانه صاحبی

اجنبیه نزدنده آریجه مأمورین سیاسیہ بولندیرلمسنه مانع اولمقدن عبارت قالیوردی . — (بغدان) پرنسلیکی (بساریا) نك بر قسمی استرداد ایتدی ، (اوروپا) دولتاری (روسیه) بی طونه نهرندن اوزا قلاشدیرمق ایستیورلردی . — اهالی طرفندن منتخب ایکی مجلسك معاوتیله هر ایکی مملکتك تشکیلاتی تعیین وتنظیم ایچون بر اوروپا قومیسویونی تأسیس ایدلدی .

تشکیلات قطعیه مسئله سنده ایکی فرقه موجود ایدی . اوچنجی (ناپولئون) رومانیا لیلرک اکثریتجه آرزو ایدلدیکی اوزره (رومن) ملتک اتحادینی آرزو ایدیوردی . حکومت عثمانیه ایله (اوستریا) ایکی پرنسلیکک کافی السابق آیری اولمسنی ترجیح ایلدیوردی ؛ (بغدان) اهالیسنک بر قسمی (بکرش) ک تفوقندن قورقه ورق بوصورت اداره یه طرفدار ایدیلر . باب عالی طرفندن موقتاً تعیین اولنان والیر انتخابه مداخله ایدرک (بغدان) ده اتحاد علیهنده بولنانلری انتخاب ایتدیریلر . فقط (فرانسه) ایشه مداخله و باب عالی بی انتخاباتی فسخه مجبور ایتدی ؛ اتحاد طرفدارلری انتخاب اولندیلر . (افلاق) و (بغدان) مجلسلری مملکتینک بر (رومانیا) پرنسلیکی حالنده اتحادینی و بر اجنبی پرنسک تعیینی طلب ایتدیلر [تشرین اول ۱۸۵۷] . باب عالی جواب رد و یردی و مجلسلرک طاعیدلینغی اعلان ایدلدی ؛ (ناپولئون) رومانیا لیلری التزام ایتدی . نهایت ، (پارس) قونفرانسده ، بر صورت تسویه بولندی: پرنسلیکلرک ایکی حکومتی ، ایکی منتخب (هوسپودار) ی ، ایکی ملت مجلسی محافظه ایدلدی ؛ فقط (افلاق و بغدان متحد پرنسلیکلری) ایله مشترک بر محکمہ عدلیه تشکیل اولندی .

اتحاد قطعی ، بر مدت صکره وقوعه کلدی . ایکی ملت مجلس (بغدان) اصیلزادکانندن (قوزا Couza) بی عینی زمانده انتخاب [۱۸۵۹] و برنجی (آلکساندر) عنوانیله «رومانیا پرنسی» اعلان ایتدی ؛ باب عالی ، نهایت (قوزانک) نك پرنسلیکنی قید حیات شرطیله تصدیق ایدلدی [۱۸۶۱] . بونک اوزرینه (قوزا) بر بیاننامه نشر ایدرک (رومن) ملتک آرتق صورت قطعیه ده تشکل ایش اولدینغی بیلدیردی . مملکتینک ایکی ملت مجلسی برلشهرک (بکرش) ده اجتماعه باشلادی [۱۸۶۲] . آرتق (رومانیا) نك بر حکومتی و بر پاتختی و ارایدی .

اتحاد ، بر چوق تحریکات و پرنس ایله مجلس آره سنده دائمی اختلافات نتیجه سنده حصوله کلدی . رسماً اعلان ایدیلن مشروطیت اداره یه رعایت اولمیوردی . پرنس ، مستبدانه اداره امور ایدیور ، منتظم بر بودجه تنظیم ایتدیرمیور ، هیئت وکلایی اسباب

اورتہ سندنہ قالمش مدنی برفرانسز بلدهسی کبی ایدی؛ چونکہ لسانلری لاتینجه دن مشتق اولان (رومن) لر (فرانسہ) یه میال ایدیلر؛ اصیلزاده لری فرانسزجه اوکره نیرلر وزینت وسفاहत اشیاسی، فنون وادبیات کتابلرینی (پارس) دن جلب ایدرلردی. حیات سیاسی، (بویار) لرك مستبدانه اداره امور ایلمکله اتهم اولنان (هوسپودار) لرعلینده کی شکایتلرندن عبارت قالمقده ایدی.

بکلکلر داخندنه حیات سیاسی یه او یان دیران شی، فرانسزلرك ۱۸۴۸ انقلابیدر. (فرانسہ) یه محب اولان (رومن) زادکانی (پارس) ی تقلید ایتدیلر. — (بغدان) اصیلزاده لری هوسپودار (استورچا Stourdja) دن قانون اساسی ایتدیلر، (استورچا) زادکانی مملکتدن طرد وتبعید ایله مقابله ایتدی [آغستوس ۱۸۴۸]؛ بوندن طولای قتلنه تصدی ایدلی. — (افلاق) ده، حکومتدن نمون اولیانلر، (بکرش) اهالیسنک معاونتیه، هوسپودار (بیہسکو Bibesco) یی برقانون اساسی امضاسنه مجبور ایتدیلر؛ بعده (بیہسکو) فرار ایتدیکی زمان برحکومت موقته تشکیل ایدیلر. فقط (چار)، محمیلری اولان (هوسپودار) لری حمایه ایتمک وانقلابیرو لری تأدیب ایلمک ایچون مداخله ایتدی. بر روس اردوسی تموز ظرفنده (بغدان) ی، بعده (افلاق) ی اشغال ایدلی؛ ذاتاً بوراده کی (بکرش) شهرنی اولجه بر ترک اردوسی اشغال ایتشدی. (روسیه) ایله دولت عثمانیه هر ایکی (هوسپودار) ی عزل ایدرک یرلرینه یدیشر سنه مدتله دیکر ایکی بك تعیین ایتمک، ۱۸۳۱ نظامنامه اساسینی یکیدن موقع تطیقه قویمق وایلیده بو نظامنامه یی ده تعدیل ایلمک اوزره عقد ائتلاف و (باطله لیانی) معاهده نامه سنه وضع امضا ایتدیلر [مابیس ۱۸۴۹].

بالاخره (روسیه) ایله دولت عثمانیه آره سندنه ظهور ایدن محاربه بو تشکیلاتی حکمسز براقدی. روس اردوسی ۱۸۵۴ ده بکلکلری تخلیه ایتدیکی زمان اوستریالیلر عقد مصالحیه [پارس معاهده نامه سنه] قدر هر ایکی مملکتی اشغال ایدیلر.

رومایا حکومتک تشکیلی [۱۸۵۶-۶۶]. — (رومانیا) حکومتی اوروپادولت لری طرفندن تأسیس ایدلمشدر. (پارس) قونقره سی (افلاق) و (بغدان) بکلکلرینک حمایه سی انحصارینی (روسیه) دن آلق ایچون مملکتینی دولت لرك ضمان مشترک لری آلتنه آدیلر — دولت عثمانیه اداره داخلیه جه استقلال تام اعطاسنی تعهد ایتدی؛ ذاتاً اولجه، ۱۸۲۹ سنه سندنه، قلعه انشا ایتمک وعسکر بولندیرمق حقندن فراغت ایدلیکی جهتله بکلکلر اوزرنده کی حق حکمرانیسی ویرکو آلمقدن ومملکتینک دول

(روسیه) ایله دولت عثمانیه آرسنده ظهور ایدن محاربات انساننده روسلرک ایلك ایشلری دایما بکلکلری اشغال ایتمک وتاریخ عزیزمیلرینه قدر اوراده بر اداره موقته تأسیس ایلك اولمشدر [۱۸۰۸-۱۲، ۱۸۲۸-۱۸۵۳، ۳۴-۵۴] . ۱۸۱۲-۱۸۱۳ ده (روسیه) حکومتی (بغداد) ک (بساریا) قطعه سنی ، (طونه) نک صول طرفنی مملکتته الحاق ایتدی . ۱۸۳۴ ده ، کنسدی انتخابکرده سنی اولان برلی (هوسپودار) لری وروس مأمورلرینک اداره سنی آلتنده اوله رق (بویار) وپسقوسلردن مرکب مجلسلر طرفندن تنظیم ایدیلن ۱۸۳۱ نظامنامه اساسیسی دولت عثمانیه یه قبول ایتدیردکن صکره مملکتیندن چکیلدی .

بکلکلرک ایکسیننده حیات سیاسییه هنوز غایت ابتدائی برحاله ایدی . (هوسپودار) لرک مرکز اداره لری اولان (یاش) و (بکرش) بلده لرله (طونه) و (پروت) کنارنده کی تجارت لیمانلردن بشقه شهر یوقدی . اهالی واسع اووه لرده ساکن اولان کویلیلردن عبارتدی ؛ اورمانلره مستور اولان طاغیر همان خالی ایدی . ۴۰۰ الی ۸۰،۰۰۰ هکتار وسعتنده بیوک پارچهره آیریلان اراضی زادکانه عأددی ، بونلرک قسم اعظمی - بالخاصه افلاقده کیلر - چیفتلکلرینده اوطورمازلر ، اداره سنی وکیل امورلرینه بر اقریلردی . بناء علیه کویلیلر صاحب اراضی اولیوب یالکز مالکانه صاحبی طرفندن ایستیلن آغاریه یی ایفا ایتمک شرطیه بولندقلری طور اعی ابا عن جد زرع ایدرلردی . [۱۸۳۱ سنه سنده آغاریه نک زادکانک اراضیسنده هر سنه اون ایکی کون چالیشمقدن عبارت اولسنه قرار ویرلیدی حالده اکثریا کویلیلر بونک اوچ مثل چالیشیرلردی] . سفیلانه قبله لرده یشارلر ، هر درلو اموال منقوله دن محروم بولنورلردی ، چونکه مملکت صورت دائمه ده عثمانلی وروس اردولرینک جولانکاهی اولدیغندن یغما قورقوسیله اک لازم اشایی بیله تدارکدن واز کچرلردی [*] . بتون حیات سیاسییه ، مرکز اداره اولان شهرلرده طویلانمشدی ؛ زادکان (هوسپودار) سرایلرینک بولندیغنی ایکی شهره کیسدرک پاره لرینی اوراده صرف ایدرلردی . نفوسی یوزبیکه بالغ اولان (بکرش) ده سرایلر ، تیاترولر ، غزتهلر ، مکلف ومزین آرابلر موجود ایدی . بوشهر ، نیم وحشی برمملکتده ، (اسلاو) وشرق عالمی

[*] ۱۸۳۵ تاریخنده (افلاق) ی کورمش اولان (مولتکه) نک تصویرنه کوره بومملکت خالی براووه دن عبارتدی ؛ بوراده نه شاتویه ، نه کوبرییه ، نه دکرمه ، نه خانه ، نه باغچه یه ، نه آغاجه ، حتی نه ده کویه تصادف اولنور ؛ اوتده بریده کورونمز برحاله بولنان کویلر آچاق قبله لردن مرکبدر . اهالیده هیچ سلاح یوقدر ، بتون خلق قیافتی دوزکون برکیمسه کورنجه کمال احترام ایله اکبیلرلر . خانه لرده نه اشیا ، نه ده ارزاق واردر ؛ براولاح بیجاغنی ، پیپوسنی ، توتوننی اوزرنده طاشیر ، خانه سنده هیچ برشی بر اقاماز .

۱۸۱۴ ده، بوخرستیان ملترک کافهسی دولت عثمانیه تابعیتده ایدی. اون طقوزنجی عصر ظرفنده استقلاللرینی استحصاله موفق اولدیلر. شرق مسئلهسی، (روسیه) نك فتوحاتی، یاخود دولت عثمانیه نك اصلاحاتی ایله دکل، خرستیان اقوامک زیر تابعیت عثمانیه دن چیقهرق (اوروپا) طرزنده برحکومت تشکیل ایلرلیله حل ایدلدی .

خرستیان ملترک دولت عثمانیه دن آیرلمسی تدریجی برصورتده وقوعه کلدی؛ (یونانستان) مستتا اولق اوزره دیکر خرستیان حکومترک کافهسی ۱۸۷۸ تاریخنه قدر رسماً دولت عثمانیه نك اجزای ممالکندن معدود ایدیلر [بلغارستان، ۱۹۰۸ سنه سنه قدر] . فقط بالقان حکوماتی تاریخی آکلامق ایچون اشکال رسمیه به اعتبار ایتیمه رک هر برینی حیات سیاسیه نك باشلادینی تاریخدن اعتباراً آری آری تدقیق ایتیمک دهاموافق اولور .

رومانیا

۱۸۵۶ تاریخنه قمرانمده وبقدره بططوری . — باب عالینک تبعهسی اولان خرستیان اقوام آره سنده تابعیت عثمانیه نك تأثیرینی الک آز حس ایدن (رومانی) در . (طونه) ایله (قارپات) طاغلیری آره سنده کی اووودن عبارت اولان (افلاق) وینه (قارپات) طاغلیریله بحر سیاه آره سنده کی اووودن عبارت اولان (بغداد) بکلکری دولت عثمانیه به یالکز ویرکو ویرلردی . ملت غالبه اولان مسلمانلر بوایکی مملکتده توطن ایدرک خرستیانلر آره سنه قاریشماشردی؛ بکلکلر بتون تشکیلات اجتماعیه و سیاسیه لرینی، (بویار boiar) دنیلن صنف زادکانه منسوب اصحاب اراضی و معتبرانی، صنف زادکان طرفندن انتخاب ایدیلن و (هوسپودار Hospodar) دنیلن پرنس لرینی، اورتودوقس راهب لرینی محافظه ایتشلردی .

فقط، اون سکزنجی عصرده، حکومت عثمانیه (چار) ایله مناسبتده بولنان (هوسپودار) لره امنیت ایده مدیکندن مملکتیه یبانجی اولان خرستیانلردن (هوسپودار) تعیینه باشلادی. بونلری، اکثریا مأموریتلرینی پاره ایله صاتون آله حق درجه ده زنعین اولان، (قنار) روملردن انتخاب ایدر و چوق زمان موقع اقتدارده بر اقامزدی [۱۷۱۶ دن ۱۸۲۱ سنه سنه قدر افلاقد ۳۷، بغدادنه ۳۳ هوسپودار کلشدر] . روسیه چاری ۱۷۷۴ سنه سندن اعتباراً خرستیانلرک حامیسی صفتی اکتساب ایدرک باب عالی بی ویرکونک مقدانی تعیینه و (هوسپودار) لری یدی سنه ایچون مأموریتلرنده بر اققه مجبور ایتدی .

روحانیلری متأهل، جاهل، فقیر راهبیلر ایله بکاراغه محکوم مناستر پاپاسلرندن عبارتدی. مناستر رهبانندن یتیشن بسقپوسلر یالکیز رؤسای روحانیه اولمیوب جماعاتک دخی رئیسلی ایدی. اورتودوقس کلیساسنک عادات قدیمه سی وجهله مذهب، مراسم دینه یی ایفادن عبارتدی؛ هیئت رهبان امور معارف ایله پک آز مشغول اولیور، افرادک حیات معنویه سی اوزرنده اجرای تأثیر ایده میوردی .

بوخرسیتیان ملترک هربری، بالآخره برر خرسیتیان حکومتنه مرکز اولان، برقم اراضیه طویلی اوله رق بولنیوردی. فقط هربرینک برقم افرادی بو اراضینک خارجنده اوتیه بری به طاغیلمشدی. ایشته بو حال ایکی نوع اختلافه میدان آچوردی:

۱. — هرملتک طویلی اوله رق بولدیغی اراضینک حدودنده ومختلف ملترک مرکزلی آره سنده کی محللرده اهالی ملل مختلفه یه منسوب اولدیغندن مملکتک هانکی ملته عائد اولدیغی تعیین ایتمک ممکن اولمیور، بالطبع نزاع واختلافک ده اوکی آله میوردی. بالخاصه (اسلاو) عرقنه منسوب باغارلر ایله صربلرک آره سنه قاریشمش اولان آراناوودلرک، چوبانلقه تعیش ایدن اولاحلرک [رومه نلرک]، سواحله وشهرلرده اکثریتی تشکیل ایدن روملرک ساکن اولدقاری (ماکونیا) ده منازعه یی حل وفصل ایتمک ممکن دکلدی. صرب وبغارلرک ساکن اولدقاری مملکتلر ایله روملرک مملکتلری آره سنده کی حدود غیر معین اولدقندن ماعدا هر زمان تبدله معروض ایدی؛ تولداتی کثیر اولان مملکتلرده کوردلیکی وجهله مقدار نفوسک تبدل ایتمی، روم عنصرینک ترقیسی حدودی صورت دائمه ده دیکشدریوردی؛ یونانیلر، اختلاط ایتدکلری اجنیلری روملاشدیرمق خاصه قدیمه سی محافظه ایتدکلری جهته دیکر عرقلره منسوب پک چوق کیمسه لر تدریجاً روملاشدیریلیوردی .

۲. — بوملتردن هربرینک کندی اراضیسی خارجنده، همجوار دول معظمه دن برینک تبعه سی اولق اوزره همجنسلی بولنمقده ایدی، که بونلرده مذهبلیخی، لسانلریخی محافظه ایتمکده وممالک عثمانیه ده کی ملتداشلیله آز چوق مناسبت وارتباط پیدا ایلمکده ایدیلر. ایشته، ملل مختلفه دن هربرینک آریجه بر حکومت تشکیل ایتمی آرزوسی ایله استقلال تشبثاتنه دشمن اولان دول معظمه نک مانعتلری بوندن نشأت ایدیوردی. — (مجارستان) قرالغنک (ترانسیلوانیا) قطه سنده، (اوستریا) نک (بوکووینا) طرفلرنده، (روسیه) نک (بسارابیا) جهتلرنده (رومن) لر، — (مجارستان)، آراناوودلق، (هرسک) ده صربلر، — آطه لر ایله آناطولی ساحلنده روملر بولنمقده ایدی .

يکرمی برنجی باب

بالقاندرده خرسٲٲان ملٲر

۱۸۱۴ ده ممالڪ عثمانیهك خرسٲٲابه ملٲری . — اوروپانك ، (اوروپای عثمانی) ویا (بالقان شبه جزیره سی) نامیله یاد اولنان قسمنده کی اهای قرون وسطادن بری لسانلری ، عادات واخلاقلری ، حسیات ملیه لری ایله بربرلردن تامیله آیرلمش برچوق ملل مختلفه دن مرکبدر . قدیمآ تشکل ایدن بوملٲلری اون بشنچی عصر میلادیده روم ایلی فتوحاتی اکل ایدن ترکلر تامیله محافظه ایتشلردی . حتی ترکلر استانبول جوارنده اسكان ایدرك حوالی سآرده کی اقوام مختلفه یه هیچ قاریشماشلردی .

(بالقان) شبه جزیره سنده ، ترکلرک ورودندن اول ، عراقاً ویا لساناً بربرندن فرقلی اولق اوزره بش مختلف ملت بولمقده ایدی والیومده بولنیور [چنکانه لر ایله موسویلر مستنا] : شمال . غربیده صربلر ، — غربیده آرناوودلر ، — جنوبیده آطه لر ایله سواحله یونانیلر ، — شمالده بالقانلرک ایکی طرفنده بلغارلر ، — طونهك شمالنده رومه نلر . اساساً طاغلرده یشایان ، قیافت وعادات ملیه لری وحی لسان قدیملری [اشکیپه تار Schkipétar] محافظه ایدن آرناوودلر اکثریته مسلمان اولشلر وبناء علیه ملت عثمانیه صره سنه کچمشلردی . دولت عثمانیهك بر قسم مأمورینی ، علی الخصوص عساكر وضابطانی آرناوود ایدی . — صربلرک بر قسمی دخی دین اسلامی قبول ایتشلردی ؛ بـ نلر (بوسنه) ده صنف زادگانی تشکیل ایتمکده ایدی ، (اسلاو) لسانی ، ملی قیافتلری محافظه ایتمکله برابر خرسٲٲان اوله رق قالان همجنسلردن فکراً وحساً آیرلشلردی .

خرسٲٲان ملٲلر آره سنده مشترک اولاز شی یالکز مذهب ایدی ؛ چونکه عین عرقدن کلن ، (اسلاو) اولان بلغارلر ایله صربلرک بیله لسانلری ، عادات واخلاقلری یکدیگردن فرقلی ایدی . (بوسنه) قاتولیکلری مستنا اولق اوزره بتون اوروپای عثمانی خرسٲٲانلری (اورتودوکس) ، یعنی درسعات روم کلیساسنه تابع ایدیلر [*] . بونلرک هیئت

[*] غره غوریبه نلر [ارمیلر] ، نسطوریلر [کلدانی و سربانیلر] ، قاتولیکلر کبی مذاهب ساآره منسوبینی درسعات مستنا اولق اوزره روم ایلینک محال ساآره سنده مان یوق کبی ایدیلر .

عسکر لری موقتاً جزیرہ یی اشغال ایتدیله؛ پرنس (یورکی) اوروپا حکومتلرینک قومیسری صفتیله (کرید) ک امور اداره سنی در عہدہ ایلدی .

تعریف مؤلفات

تاریخ عثمانیہ بہ متعلق فرانسزجہ آثار ایچون (لوراز Lorenz) ک قتالوغنہ مراجعت ایدلیدر . اوراق و وثائق رسمیدخی انکلزجہ ، فرانسزجہ ، آلمانجہ مؤلفات تاریخیہ قتالوغرنده کوسترلشدر . بومیانده (مولتک) نک (ترکیا حقندہ مکتوبلر) نامندہ کی اثری ، مدحت پاشانک (دوات علیہ نک ماضیسی ، استقبالی) نامندہ کی بیاننامہ سیاسی ذکر اولنہ بیلیر . (مولتک) نک اثری ۱۸۳۵ دن ۱۸۳۷ تاریخنہ قدر دولت عثمانیہ نک احوالہ دائر معلوماتی حاویدر .

اک مکمل اثر تاریخی (انکلار) ک ایکی جلدک (ترکیا و تنظیمات) نام اثریدر کہ ۱۸۲۶ دن اعتباراً دولت عثمانیہ نک تاریخ اصلاحاتی محتویدر . (ژوشہ رودوسن دہ نیس - Juchereau de Saint Denys) ک درت جلدک (عثمانلی تاریخی) ۱۸۴۴ سنہ قدر اولان وقایعی احتوا ایدر . (دولازونکیہر De la Jonquière) ک تاریخ عثمانیسی عوامہ مخصوص و براز قاریشیدر .

اوروپا سیاسیاتنہ متعلق شرق بحرانلری ایچون ۲۵ الی ۲۸ نجی بابلرک تعریف مؤلفاتنہ مراجعت ایدلیدر . یونان و کرید مسئلہ لربنہ متعلق آثار ایچون یکرمی برنجی بابده ایضاحات موجوددر .

عبدالحمیدک دور حکومتی ایچون (شارم Eharines) ک (دولت عثمانیہ نک استقلالی) ، (یورکیادیس) ک (حال حاضرده ترکیا) ، (ویقتور بہرار) ک (دولت عثمانیہ ویونانلیلی) ، (سیاست سلطان) نامندہ کی اثرلری ذکر اولنہ بیلیر .

(یورکی بهروویچ) پاشایی والی تعیین ایتدی ؛ (هاله‌ها) مقاله نامه‌سی قبول و مقاله نامه‌نک (اوروپا) قونسولوسلردن مرکب برانجمنک تحت تفتیشده موقع تطبیقه وضعه موافقت ایلدی . فقط جزیره سکون و آسایش اعاده ایدیه‌مدی ؛ بر طرفدن مسلما - نلرک دوچار هیجان اولمیری ، دیگر طرفدن خرسیتیانلرک یونانستان کوللو و مهمات آلهرق عصبانده ثبات ایللمیری اوزرینه جزیره‌نک هر طرفده قان دوکولوردی . (یونانستان) ، فرصتدن بالاستفاده قرالک اوغلی پرنس (یورکی) نک قومانداسی آلتده بر دونما کوندردی ؛ میرالای (واصوس) اوچ طابور عسکرله جزیره‌نی (یونان) قرالی نامنه اشغاله مأمور اولدی . یونان عسکری ۱۶ شباطده (کرید) ه چیقدی ؛ قرالک بیوک اوغلی پرنس (قسطنطین) تسالیا اردوسی باش قوماندانلغنه تعیین ایلدی ؛ بتون یونانستان باشدن امید موفقیت ایله سرمست سرور ایدی . یونانلیلر (ماکدونیا) ده ، آرانوودلقده عصبانلر وقوعه کله‌جکنی ، درسعادتده بولنان روملرکده قیام ایده‌جکلرینی امید ایدیورلردی .

(انکلتره) و (فرانسه) نک تکلیفی اوزرینه دول معظمه (کرید) ه مختاریت اداره ویرلدیکنی اعلان ایدرک جزیره عسکر چیقاردیلر ، (یونانستان) ه مقررات دولیه رعایت ایتسنی اخطار ایلدیلر . مع مافیه دولت عثمانیه ایله یونانستان آره‌سنده محاربه ظهورینه مانع اوله‌مدیلر .

ترکیا - یونان محاربه‌سی اوچ هفته قدر دوام ایتدی . (نہیر) قطعہ‌سنه داخل اولان یونان اردوسی (یانیه) به تقرب ایدرک اردوسی عثمانیه آرقه‌دن هجوم ایتک ایستدی ، فقط مغلوباً رجعته مجبور اولدی . عثمانلیلر (تسالیا) ده سرعتله ایلرلیدیلر ؛ صره‌سیله (طرنوی) ، (لاریسا) ، (فارساله) ، (غلووس) ، (دومکه) موقعلرینی ضبط ایتدیلر . بتون (تسالیا) قطعہ‌سی عثمانلیلر اله کچدی .

(یونانستان) محاربه‌یه دوام ایده‌میه‌جکنی آکلایه‌رق دول معظمه‌یه مراجعت ایتدی . (کرید) ده‌کی عسکرینی کری‌یه چکدی . ۹ تشرین ثانی ۱۸۹۷ تاریخله عقد اولنان درسعادت معاهده‌نامه‌سی موجبنجه (تسالیا) قطعہ‌سی - حدودک عثمانلیلر لهنه تصحیح ایدلمسی شرطیله - یونانستانه اعاده ایلدی . (یونانستان) دولت عثمانیه‌یه اعطاسنی تعهد ایتدیکی تضمینات حربیه‌نی تأدییه مقتدر اوله‌مدیغندن امور مالیه‌سی بین الملل بر مراقبه قومیسسیونک قوتروولی آلتنه وضع اولندی . مع مافیه (کرید) ده‌کی عساکر عثمانیه چکیلرک (فرانسه) ، (انکلتره) ، (روسیه) ، (ایتالیا) حکومتلرینک

(ویانه) حکومتی ایسه هم (آوستریا) نك، هم ده (مجارستان) ك منافع اقتصادی سنی . کوزه تمکه مجبور اولدیغی ایچون خطوط عثمانیه ایله (آوستریا - مجارستان) شمندو فرلرینك التصاقی مسئله سنده هم (صربستان) ، هم ده (بوسنه) حدودنده خطلك برلشدرلمسندن بشقه برصورتیه موافقت ایده میه چکنی باب عالی یه بیلدیردی . بوصورتیه درسعادتی طوغریدن طوغری یه (بوسنه) ایله برلشدرمك « پروژه » سنه دهها زیاده اهمیت ویرن . حکومت عثمانیه یی (بلغراد) حکومتیه عقد ائتلافه 'جبار ایتك ایستوردی . مع مافیه یا (مجارستان) منافعك ترجیح اولنمسندن ، یا خود دولت علیه نك (بوسنه) خطی کبی انشاسی مشکل ومصارف عظیمه یی داعی برخطی انشا ایده میه چکی آکلاشیلمسندن طولای (آوستریا - مجارستان) حکومتی خطلك عینی زمانده ایکی نقطه ده برلشدرلمسی طلبنده اصرار ایتیه رك (بلغراد) جهته دهها زیاده اهمیت ویردی .

احوال سائره ، خصوصیه ۱۸۷۷ محاربه سنك انتاج ایلدیکی تبدلات خطلك الصاق مسئله سنده دخی تبدل افکاره سبب اولدی . نهایت روم ایلی شمندو فرلری مسئله سی دولت عثمانیه ، آوستریا - مجارستان ، صربستان و بلغارستان مرخصلرندن مرکب اوله رق ۱۸۸۲ سنه سی اواخرنده عقد ایملن قونفرانسنده حل ایلدی ؛ خطوط حیدیه معلوم اولان نقطه لرده برلشدرلدی .

یوزانه محاربه سی — کریده متشکل مجلس عمومی ایله والی آره سنده ظهور ایدن اختلافات ، نهایت (آروپا) نك مداخله سنی موجب اوله رق (قره نئودوری) پاشا والی تعیین اولندی [۱۸۹۵] . فقط خرستیان والی تعیینیه سکون وآسایش تأمین ایله مدی . مسلمان و خرستیان یریلر آره سنده کی منازعات کوندن کونه کسب شدت ایتدی ، خرستیان و اینك یرینه طرخان پاشا تعیین قلندی . بونك اوزرینه اغتشاش آرتدی ، (حانیه) سواقاقلرنده محاربه باشلادی ، (روسیه) و (یونانستان) قولسوسخانله ری قواصلری اولدیرلدی ، محاربه جزیره نك هر طرفه سرایت ایتدی . مسلمانلر ساحل لدرده کی شهرلرده طوپلانمشلر ، خرستیانلر داخل جزیره ده کی طاغله چکیلمشدردی . حکومت عثمانیه عصائی تأدیپ ایچون جزیره یه عسکر کوندردبکی صره ده یونان کولکلوری ده (آتنه) حکومتك مساعده سیله (کرید) ه کیدرك عصانه التحاق ایدیورلردی . یواش یواش جزیره ده عثمانیلر ایله یونانلیلر آره سنده جدی محاربه لر وقوعه کلکه باشلادی .

(آروپا) دولتری مداخله ایتدیله . (کرید) ی آبلوقه ایچون سفائن حریه کوندردیله . دولت عثمانیه ، ۲۵ آغستوس ۱۸۹۶ تاریخنده ، بعض مساعده بولنه رق

ایدلی [*] دیون عمومی عثمانیه مخصوص وارداتك [*] اداره سی اجنبی داینلری وکیلرندن مرکب بر مجلسه تودیع اولنه جقدی . بو مجلس ۱۸۸۲ سنه سی شباطنده شکل ایتدی ودها ایلك آیلرده موکلرینك مظهر امن و اعتمادی اولدی .

امور نافعیه کلنجه ؛ متعدد محللرده انشاسنه ابتدار اولتان واکمال ایدلمزدن ، یعنی خطك واردات تأمین ایده جکی دورك حلواندن اول یاری یرده ترك ایدیلن خطوط حدیدیه خزینه حکومت ایچون خسار عظیمی موجب اولمشدی . ۱۸۷۲ ده باب عالی ، شمندوفر امتیازینی ویردیکی قومانیایله عهده ایتدیکی معاهده نامه ده تقریباً ۱،۲۰۰ کیلومترو طولنده خطوط اصلیه نك انشا آتی شرکته اعطا بوو خطلری (اروپا) شمندوفر لریله برلشدره جك خطوط متمم نك طرف حکومتدن انشاسنی تعهد ایدیوردی . ۱۸۷۴ ده قومانیایه ، در سعادت - بلوه ، سلانیک - متروویچه خطلریله ادرنه - دده آغاج ، طرنوی - یامبولی ، بنالوقا - نووی شعبه لرینی انشا ایتدیکی حالده باب عالی بر کیلومترو بیله انشا ایتمه مشدی . باب عالی نك بو عطائنی خطوط حدیدیه انشا آتی فائده سز بر حاله کتیردی . فی الحقیقه روسجق - وارنه ، چرناوودا - کوستنجه خطوط قدیمه سی دخی داخل اولمق اوزره ممالک عثمانیه ده کی دمیر یوللر تقریباً ۱،۵۰۰ کیلومترو اولدینی حالده (اروپا) خطلرینه مربوط اولمقدن بشقه بر لرینه دخی ربط ایدلمه مش اولدقلرندن فائده سی پك محدود ایدی . بوندن بشقه در سعادت و سلانیکدن بدأ ایدن ایکی بیوک خطك حدوده قدر ایصال ایدلمه سی ایکی همجوار حکومتك خطوط حدیدیه انشا آتیه مانع اولیوردی . (صربستان) ، کندی خطلرینی انشا ایتمزدن اول عثمانلی خطوط نك گذرگاه قطعیسنی بیلمك ، هانکی نقطه لرده ایکی حکومت دمیر یوللرینك برلشه جکنی آکلامق ایستیوردی . اقتصاد ، سیاسیات و فن حرب نقطه نظرندن حائر اهمیت اولان بومسئله (آوستریا - مجارستان) ده دخی تعلق ایدیوردی . حکومت عثمانیه ، (بلغراد) خطنك (نیش) ده ایصال ایچون اولجه قبول ایدیلن « پروژه » نی ترك ایدرک (یکی بازار) ی منتهای اخذ ایتك بو صورتله صربستانی (موراوا) وادیسنی تعقییدن واز کچیرمك ونسبه زیاده مصرف اختیارینه مجبور ایلك ایستیوردی . (صربستان) پرنسلیکی ایسه بو تصورده شدتله ممانعت ایدیوردی .

[*] دیون مذکورده ، دیون منظمه نی ، یوزده آلتی فائضه استقراضلری و شمندوفر تحویلاتنی حاوی اولوب جمماً بکون ۵ ملیار ۲۳۷،۴۱۸،۵۰۰ فرانق سرمایه اعتباری نی حائر ایدی . دولت عثمانیه بوپاره نك آتیق ۲،۵۳۹،۵۶۰،۰۰۰ فرانق نقداً آلمشدی .

[**] نوتون ، طوزه ، مسکرات ، تمغا ، صیدماهی ، حریر .

ثانی ۱۸۷۱ تاریخچه قدر (لوندرد) ده ابراز ایدیلن قویونلره تأدیات اجراسنی امر ایاشدی ؛ حال بوکه قویون بدللرینک طلبی ایچون معین اولان مدت بش سنه ایدی . بومناسبتسز تدبیر حکومت عثمانیه نك اعتبار مالینسی کلیاً خللدار ایتدی . باب عالی صوك درجه مضایقه ایچنده ایدی . ۱۸۷۳ سنه سی اواخرنده دیون عمومیه بش ملیار فرانغه بالغ اولدی . دیون عمومیه فائضلرینک بش سنه مدتله نصف نصفه ایندیرلسنه قرار ویرلدی . حال بوکه حقیقت حالده ۱۸۷۶ دن صکره فائض تأدیه اولنمدی .

۱۸۷۷ محاربه سی مضایقه یی صوك درجه یه کتیردی . مصارف فوق العاده حریبه یه مدار اولمق اوزره قوائم نقدیه اخراج ایدلدی . قائمه لرك قیمتی کسوندن کونه تنزل ایتدیکندن ۱۸۷۸ سنه سی اواخرنده حکومت اعشارك ثلثك قائمه ایله تأدیه سنی واوچ یوز غروشلق قائمه نك برلیرای عثمانی یرینه قبولی امر ایتدی . یوز غروشلق قائمه نك فی اصلیبی برلیرای عثمانی اولدیغندن حکومت ثلثان نسبتنده افلاس ایتش دیمکدی . (روسیه) طرفندن طلب اولنان تضمینات حریبه یوزندن اوروپالی داینلره ترتب ایتسی محتمل اولان ضرر وزیان مناسبتیه (برلین) قونفره سی دولت علیه نك احوال مالیه سنی اوزون اوزادی یه تدقیق ایتدی . «برلین قونفره سنه اشتراك ایدن دولتله ، حکومت متبوعه لری طرفندن تعیین اولنان ارباب وقوفدن مرکب بر مالیه انجمنك درسعادتده اجتماعنی و تحویلات عثمانیه حامللری مطالباتنک تدقیقه تأمین مطلوبلرینی کافل الك مؤثر تدابیرك تکلیفی خصوصنک بو انجمنه احاله سنی باب عالی یه توصیه ایدرلر . « دنیلدی .

باب عالی ، دول معظمه طرفندن بویله بر انجمن تأسیسنه احتیاج بر اقامق ایچون طوغریدن طوغری یه داینلرینه مراجعت ایدرک تسویه دیونه بر چاره تحری ایدلک اوزره بونلری مذاکره یه دعوت ایتدی . بو دعوت اوزرینه (اوروپا) نك باشلیجه مراکز مالیه سنده تحویلات عثمانیه حامللرندن مرکب برر «قومیه» تشکل ایلدی . و «قومیه لره» لر حکومت عثمانیه ایله مذاکره کیریشمکه بری انکلیز، دیکری فرانسز اولمق اوزره ایکی مرخصی مأمور ایتدیلر . مذاکره اتدن بر نتیجه حسنه حاصل اوله جغه اینانیلماز ایکن بو ایکی وکیل — باب عالی نك کوستردیکی تسهیلات و معاونت ثمره سی اوله رق — بر صورت تسویه بولغه موفق اولدیلر . ۱۸۵۴ ، ۱۸۵۵ و ۱۸۷۷ سنه لری استقراضاتی کبی تأمینات مخصوصه یی حائر استقراضلر خارج بر ایلدقدن صکره دیون عمومیه عثمانیه نك مقداری نصف درجه سنه تنزیل ایدلک و بعض رسوم وارداتی دیون مذکوره فائض و رأس المائلك تسویه سنه تخصیص قلمق اوزره بر نوع بقاواله نامه عقد

اوله رق کوی ، ناحیه ، قضا ، لوا ، ولایت مرکز لرینک هر برنده اعضاسنک بر قسمی اهالی طرفندن منتخب برر دائمی مجلس اداره تشکینه و ولایت مرکز لرنده هر سنه معین زمانلرده برر مجلس عمومی اجتماعه قرار ویردی . هر والی ، متصرف ، قائم مقام ، مدیر و مختارک دیگر بر مذهبدن بر معاونی بولنه جقدی . مجلس اداره اعضاسنک صورت انتخابی حقنده اداره عمومی و ولایات قانوننده محرر اصول ترک اوله رق محلات و کویلرده منتخبلر لیسته سی اختیار مجلسلری طرفندن تنظیم اولنه جق ، قرا و نواحی منتخبلری ناحیه مجلسی اعضاسنی طوغریدن طوغری به انتخاب ایده جک ، ناحیه مجلسی قضا ، قضا مجلسی ده لوا مجلس اداره اعضالری تفریق ایله جکدی . اهالی و کیلرندن بشقه ارکان مأموریندن و رؤسای روحانیه دن بر قاچ اعضا بولنه جقدی . ولایت مجلس اداره سی مجلس عمومی طرفندن انتخاب اولنه جقدی . مجلس عمومی اعضای طبیعی ، ناحیه مجلسلری طرفندن منتخب ، والی طرفندن منصوب اوچ نوع اعضادن تشکیل ایده جکدی . هر ناحیه ده بر صلح محکمه سی ، قضا ، لوا و ولایت مرکز لرنده درجات مختلفه محاکمی تأسیس ایله جکدی .

تسکین و تألیف اذهان مقصدیه تصور ایملن بو تشکیلاتی بحق موقع تطبیقه قویق ایچون قوتلی بر حکومته لزوم اولدیغندن قومیسون ژاندارمه و ضابطه تشکیلاتنک اصلاحی و والیرک دول معظمه نك موافقتلری و معین بر مدت ایله تعیینی اساسنی دخی قبول ایتدی . قومیسونک الک زیاده نظر دفته آلدینی جهت اهالی و کیلرندن مرکب اولان مجلس اداره نك نفوذ و صلاحیتی تزید ایتمکدی . بناء علیه بومقصد ایله برچوق تدابیر اتخاذ اولندی ؛ فقط هیچ بری طرف پادشاهیدن تصدیق ایلمدی .

روم ایلی قومیسونی اعضاسنی طاعیلماز دن اول نظامات جدیده نك اشقودره حوالیسنده تطبیقی ممکن اولامیه جقنی ده دوشونه رك (فرانسه) و (اوستریا - محارستان) مرخصلری نك تکلیفی اوزرینسه عادات محلیه به ممکن مرتبه موافق بر نظامنامه دخی ترتیب ایتدیله . فقط بوده تطبیق ایلمدی .

امر مالی و نافع . — دولت عثمانیه نك امور مالیه سننده کی انتظام سزلفه منظم اولان اسراف و سوء استعمال اودرجه به وارمشدی که خزینئه حکومت ۱۸۷۱ تاریخندن اعتباراً اجنبی داینلرینه قارشنی تعهداتی ایفا ایتمه مکه باشلامشدی ، افلاس محقق ایدی . مالیه ناظری ، آلانلرک (پارس) ی محاصره ایتلرینی بهانه اتخاذ ایدرک فرانسه ده عقد اولنان استقراض فائضنی تأدیه ایچون لازم کلن پاره یی ویرمه مش ، یالکز ۸ کانون

و ملحقانده شعبه لر تأسیس ایتدیلر. ۱۸۷۹ سنه سی اوائلنده (برلین) قونفره سنک یونانستان حدودینک، جنوبی آرناوودلقدن تفریق ایدیله جک اراضی ایله تصحیح و تعدیل ایدلمسسه قرار ویرمسی اوزرینه جنوب آرناوودلری ده (برزرین) ده کی جمعیت ایله اتفاق ایتدکلرندن فکر مقاومت بتون آرناوودلغه انتشار ایتدی .

(انکلتره) ده افکار عمومیه آرناوودلرک لهنده کورونیور، (لوندره) حکومتی (روسیه) ایله محاربه احتمالی نظر دفته آلهرق (آیستفانوس) معاهده نامه سنه اعتراضی موافق بولیوردی. دیکر طرفدن (اوستریا - مجارستان) ک قره طاغک توسعنی ایسته مدیکی و بو حکومت ایله صربستان آره سنده اتحاد وقوعه مساعده ایده میه جکی آشکار ایدی . ایتالیانلر بیله وقوعه کله جک قیامدن استفاده ایتک فکر یله ال آلتندن تحریکاتده بولنیورلردی . باب عالی ایسه تشویقندن خالی قالمدینی آرناوودلری هم قره طاغلیلر ، هم ده یونانیلر علیهنده ایکی یوزلی برسلاح کبی قوللامق ایستیوردی. الحاصل آرناوودلک کندی اراضیسنک ، حدود عثمانینک تمامیتی سلاح ایله مدافعه یه حاضر نتمشدی .

فقط برمدت صکره ، حکومت عثمانیه آرناوودلقده کی حرکتک تحریکات اجنیه ایله بشقه بر مقصده توجیه ایدلمکده اولدیغنی واحتمال که ایشک کندی علیهنه دونه جکی آکلادی . آرناوودلنگ محافظه تمامیتی فکری برچوقلرنده مختاریت اداره فکرینی او یاندرمش، (آدریاتیق) ساحلنده کی ولایاتک استقلالندن بیله بحث ایدلمک باشلامشدی. نهایت برکون کندی که مختاریت واستقلال طلبی ایچون (آروپا) حکومتلری نزدینه مرخصلر کوندرلدی . بونک اوزرینه باب عالی تبدیل منسلک ایتک و کندی ایله یاقدینی آتشی سوندریمکه مجبور اولدی .

یوقاریده بیان ایتدی کمز وجهله انکلنز دونماسنک (ازمیر) ه کوندرلمسی اوزرینه باب عالیجه بعض تدابیر اتخا ذینه مسارعت اولندیغنی صرده اوروپای عثمانی ولایاتنده تطبیق اولنه جق نظامات و قوانینک تدقیقنه مأمور اولان بین الملل قومیسون درسعادته اجتماع ایتشدی [۱۷ حزیران ۱۸۸۰] .

ادرنه ، سلانیک ، قوصوه ، مناستر ، ویانیه ولایتلری ایچون تنظیم اولنان برلایحه قومیسوننه تودیع اولندی . فقط لایحه (برلین) معاهده نامه سی موجبجه مجالس محلیه طرفندن ترتیب ایدیله جکی ، یرلی اهالینک آمال ومطالباتی نظر دفته آله جفی رده درسعادته مستعجلاً تنظیم ایدلمشدی . قومیسون بوجهتی نظر دفته آله رق بعض مقررات اتخا ذ ایتدی : اولاً، تشکیلات ملکیه ایله مشغول

عبدالحمید ، ۱۸۹۰ سنه سنه طوغری سیاستی تبدیل ایتدی . اوزمانه قدر انکلیز و آلمان نفوذینه تابع ایکن بعده (روسیه) و (فرانسه) یه تمایل ایلدی . ارمنیلر حقدن کی مسلکی ده عینی زمانده دیکشیدی . بونک اوزرینه درسعادته [۱۸۹۰] و آناطولی ولایاتنده [۱۸۹۳] ارمنیلر عاینه قتالیر باشلادی . اعضای قسماً (روسیه) تبعه سندن اولان ارمنیلردن مر کب اختلال قومیتلرینک تحت اداره سنده کوچک بر فرقه ملیه تشکل ایتدی ؛ بوفرقه ارمنیلرک دولت عثمانیه دن آیرلمسنی دکل ، کندیلرینه مختاریت اداره ویرلمسنی ایستوردی . حکومت قورقدی ؛ اختلال قومیته سی افرادندن اولمق تهمتیه برچوق کیمسه لری محکوم ایتدی [۱۸۹۳] ، بعده قتاله سبب اولدی . بر قاق سنه صکره ارمنیلر (اورویا) نک نظر دقتی جلب ایتمک ایچون بانق عثمانی بناسنی ضبط ایتدیلر ، اوکون استانبولده ایکی کون ایکی کیجه دوام ایدن قتال باشلادی [اغستوس ۱۸۹۶] . نتیجه ده ، اکثر ولایاتده نواحی تشکیلاتی ایچون بعض تدابیر آنخاندن بشقه برشی یاپیلمدی . ولایاتده اغتشاشلر ، قتالیر دوام ایتدی .

روم ایلی ولایاتی . — (برلین) قونقره سنک بالقانلرک شمال طرفده دولت عثمانیه ویرکویورر بر امارت ، جنوب طرفده شرقی روم ایلی نامیله بر ایالت ممتازه تشکیل ایتمی بلغارلری تماماً نمون ایتمه مشدی . مختاریت اداره یه مالک اولان بلغارلر بلغارستانک شرقی روم ایلیدن آیرلمسنه ، (آیاستفانوس) معاهده نامه سی موجبجه بیوک بلغارستانکی تشکیل ایدن (ماکدونیا) ولایاتک ینه زیر اداره عثمانیه ده قلمسنه اعتراض ای دیورلردی .

(ماکدونیا) بلغارلری ده (آیاستفانوس) معاهده نامه سنک تطبیق ایلمه سنه مقابل هیچ اولمازسه بر ولایت ممتازه ، یعنی ایکنجی بر روم ایلی شرقی تشکیلی ایستورلردی . دیگر طرفدن روملر ، بلغارلرک فوقی چکه میورلر ، (ماکدونیا) ده هیچ بر حقلری اولمدیغنی ادعا ایلیورلردی . بر برینه دشمن اولان بو ایکی عنصر دن بشقه دیگر بر عنصر ده کذلک (برلین) معاهده نامه سی علیهنده بولنیور ایلی ، بونلرده آرنائوودلر ایلی . (آیاستفانوس) معاهده نامه سی بلغارستان امارتنک حدودینی (اوخری) کوله قدر تمید ایتدیکی و شمالی آرنائوودلردن قره طاغ و صربستانه خیلی اراضی ترک ایلدیکی جهتله بومعاهده نامه نک امضا ایلمسی اوزرینه شمال آرنائوودلری آره سنده هیجان افکار حاصل اولدی . باب عالی آرنائوودلرک خشنودسزلغنه فنا بر نظر له باقه مازدی ، معاهده صلحیه نک تطبیقنده کی مشکلاتی کوسترمک ایچون آرنائوودلری خفیاً تحریک و تشویقندن خالی قالمدی . شمالی آرنائوودلر یواش یواش مقاومت حاضرن دیلر ، (پرزرین) ده بر جمعیت مرکزیه

برخی حصوله کثیره مدی و اوروپایه تبدیل مسلك ایتک لازم کلدیکی آکلاتمغه موفق اولدی ... دولت عثمانیه نك محو واضمحلالندن تولد ایده بیله جک احوال وخیمه یه مانع اولمغی نه قدر آرزو ایدرسه ک ایده لم ، ترکیانک تبعه سنه قارشى ایفاسنه مجبور اولدیغی وظائفک حسن اجراسی هیچ بر زمان ایکنجی درجه بر مسئله دکدر ، بلکه اصل مسئله بودر ، بتون مساعیمز بونقطه یه معطوفدر . دولت عثمانیه وظیفه سنی ایفا ایتدیکی تقدیرده تمامی ملکیتی واستقلالنی یالکز کندی وساطی ایله محافظه و مدافعه یه مجبور اوله جقدر . « انکلتره باش وکیلک بوسوزلری انکلز لک شرق سیاستلرنده بر تبدیل وقوعه کلدیکی کوستریوردی . لورد (چاتام) ک : « الکادی بر ترک کوینک پادشاهک اداره سنده قالمسنده کی اهمیت مخصوصه یی تصدیق ایتمین کیمه لره مباحثه یه بیله کیریشه م . » دیدیکی کونلر آرتق کچمشدی .

فی الحقیقه (انکلتره) نك شرق سیاستی دیکشمشدی . ولایاتده دوام ایدوب کیدن شقاوت ، سوء استعمالات ارمیلرک شکایاتی آرتیریور ؛ (انکلتره) حکومتی ارمستانه مختاریت اداره ویریلرسه (روسیه) نك ماورای قفقاسدن آشاغی یه طوغری ترقیسنه مانع اوله جغی دوشونیوردی . (روسیه) ایسه ارمی مسئله سنده انکلزلره مخالف بولنیوردی ؛ باش وکیل پرنس (لوبانوف) : « یکی بر ارمی بلغارستانی تشکیل ایتک ایسته میز . » دیمشدی . (فرانسه) ، (روسیه) یه تابع بولنیور ؛ (آلمانیا) پادشاه ایله خوش کچینوب منافع تجاریه واقصادیه تأمینندن بشقه بر شی دوشونیوردی .

عبدالحمید ، اول امرده (انکلتره) نك نصایحنه تابع اولیور ، مأمورینک انتخابنه دقت اولمغنی امر ایدیور ، اصلاحات اجراسنه تشبث ایتمه مکه برابر آناطولیده نسبة ای بر اداره تأسیسنه چالشیوردی . آلمانیا دن امرای عسکر یه جلب ایتدی ؛ بونلر خرسیتانلری ده عسکر لکه قبول ایدرک اردوی تنسیق ایتک ایستدیلر [۱۸۸۶] ، آلمانیا دن جلب ایدیلن برمالیه متخصصی ده واردات ومصارفات حکومتی صورت صحیحه ده کوستره جک بر بودجه تنظیمه چالیشدی [۱۸۸۳] بویکی تشبث ده عقیم قالدی . مع مافیه ممالک عثمانیه ده یواش یواش سکون و آسایش تقرر ایتدی . کزید مسئله سیله آرانوودلقده وقوعه کلن بعض حرکات عصیانیه دن [۱۸۸۴ ، ۱۸۸۷] ماعدا آسایش مملکتی اخلال ایده جک قاریشیلق ظهور ایتدی . ایشته ارمیلر بودوره سکوندن بالاستفاده تجارت وصنایعه ملل ساژده دن زیاده اثر ترقی کوستریورلر ، آناطولی ایله در سعادتده اهمیتلی بر موقع احراز ایدیورلردی .

بولنان ایالاته احتیاجات محلیه نك ایجاب ایتدیكى اصلاحاتی ، اخطار ایتدیلمز [۱۲
 جزیران ۱۸۸۰] .

برقاج کون صکره ، آوروپای عثمانی ولایاتنه عاڈنظاماتی تدقیقه مأمور اولان روم ایلی
 قومیسونی مذا تراته باشلادی .

عینی زمانده ، انکلتزه حکومتی ، درسعادت سفیرینك كرك آناطولی ، كرك روم ایلی
 ولایاتنك احوالنه دائر کوندردیکی تحریراتی نشر ایتدی . انکلیز سفیری (لایارد) ،
 دولت علیه نك هر زماندن زیاده قاریشیق برحاله بولندیغنی ، اهلینك شمده یه قدر عصیان
 ایتمه ملری پادشاهه خلیفه صفیله اطاعت و محبت ایلرندن ایلری کلدیکنی ، فقط بو حالک
 چوق زمان دوام ایتیه جکنی ، آناطولی و روم ایلیده تصور ایدیلن اصلاحاتك هیچ بری
 اجرا ایدلیوب بوباده واقع اولان اخطاراته دخی اهمیت ویرلمدیکنی ، مع مافیله دولت عثمانیه بی
 شو حالدن قورنارمق ایچون حکومت مستبدیه نهایت ویرمك لازم کلدیکنی ذکر و تفصیل
 ایتدکن صکره قانون اساسی عثمانی وقتیه دول معظمیه تبلیغ ایدلمش اولدیغنی جهتله بونك
 موقع تطیقه وضعی طلب اتمك اوزره انکلتزه نك منفرداً ویا دیگر دولتلره مشترکاً بر
 حرکتده بولمنسی توصیه ایدیوردی . بونك اوزرینه باب عالی ، آناطولی ولایاتی اصلاحاتی
 ایچون بر لایحه ترتیب و دولتلره تبلیغ ایلدی . بولایحه ده کردستان وحوالی متجاورهمی
 ایچون اك موافق اصلاحاتك عریض و عمیق تدقیقاتدن صکره تعیین ایدلیکی بیان اولنیور ؛
 فقط اصلاحات ، ناحیه مدیرلری و مجلسلری تأسیسندن ، ژاندارمه احدائندن ، قضالرده
 جرائم مختلفه اربابنی محاکمه ایچون جزا محکمه لری تشکیلندن ، هر ولایت وارداتندن
 عشرینك امور معارف و نافعیه تخصیصندن ، الیله عاڈ صلاحیتك توسیعی دوام مأمور .
 سترینك تأمین و عدندن عبارت قالیوردی [خارجه ناظری عابدين پاشانك دول معظمیه
 تبلیغ ایتدیکی مه موراندوم] .

بواصلاحات ، ولایات سائر حقدنه کی تشکیلاتدن فرقلی برشی اولدیغنی کبی باب عالی ،
 اولجه موافقت ایتدیکی تدابیرك بر قسم مهمنی دخی کری آلمشدی . سفارتخانه لر بونك کافی
 اولدیغنی بیلدیردیلر ؛ (غلادستون) دها شدتلی طاوراندی ، عوام قماره سنك ۲۲ تومز
 ۱۸۸۰ تاریخلی اجتماعنده شو سوزلری سویلدی : « دولتلر وقتیه شویله دیمشلردی :
 ترکیایه اصلاحات اجراسنی توصیه ایده جکز ، فقط بواصلاحات دولت عثمانیه نك تمامی
 ملکیتنی اصلاخلدار ایتیه جک . بوندن نه نتیجه حاصل اولدی ؟ شو : دولت عثمانیه ،
 یکرمی سنه صلح و آسایش ایچنده یشامقله برابر دولتلرک آرزو ایتدکری ترقیاتك هیچ

منتظمه‌یه توافق ائیمه جکنی» ، چونکه اجنیلرک هیچ بر زمان نظامات، عادات والسنة محلیه‌یه کسب وقوف ایده‌میه جکلرینی بیان ایتدی . اصلاحات مالیه‌یه کنگجه ؛ اعشارک لغوینه تدریجاً ، یعنی ولایت ولایت ، تشبث ایدیله جک وبودوره اصلاحاتده حکومت عثمانیه فنون مالیه‌یه واقف بعض اجانبی خدمتته قبول ایلیمه جکدی . والی ، حاکم ، تحصیلدار کبی مأمورلر بش سنه ایچون تعیین اولنه جکلر ومهم برجنایت ویا جنحه ایله محکوم اولدقجه ، یا خودمنافع عمومیه نقطه نظرندن تبدیلرینه لزوم کورلمدکجه عزل ایدیلیمه جکلر در . باب عالینک بوجوابی (انکلتره) نک پروگرامنه مقابل تنظیم ایدلمش یکی بر « پروژه » اولقله برابر (بیقونسفیلد) هیئت وکلاسجه کافی عد ایدلدی .

(برلین) معاهده نامه سنک امضا ایدلمسندن بری برسنه کچدیکی حالد دولت عثمانیه هیچ بر اصلاحات تشبث ایتدی . (انکلتره) ده افکار عمومیه ، حکومتی معاهده نامه ایله تأید ایدن تعهداتی اونومق و (قبریس) آطه‌سنی اشغال ایچون آناتولی اصلاحاتی بهانه اتخاذا ایتک ایله اتهام ایدیوردی . شورای امته ، (برلین) قونفره‌سی مقرراتنک باشلیجه لری اجرا ایدلمش اولدیغی ، روس اردولری (بالقان) شبه جزیره‌سنی تخلیه ایتدیکی ، نتیجه حرب اوله رق احداث ایدیلن مستقل ویا مختار حکومتلر تشکل ایلدیکی حالد (انکلتره) نک اک زیاده اهمیت ویردیکی ولایاتده هیچ برشی یا یلمدیغی بیان اولنیوردی . (بیقونسفیلد) ، مخالفلری اسکات ایچون انکلیز دونمسانی (از میر) ه کوندردی ، باب عالی‌یه اصلاحاتی بر آن اول موقع اجرایه قویمق ایچون سوز ویرمه که مجبور ایتدی . حکومت عثمانیه ، (باکر) پاشا اسمنده بر انکلیز ضابطی آناتولی و نژیاتی تدقیقه مأمور ایتدکن صکره « ذات شوکسماث حضرت پادشاهینک ترفیه احوال تبعه حقنده کی الطاف متمادیه‌سنی » مبین بر بیاننامه نشر ایلدی و « بری روم ایللی ، دیکری اناتولی ولایاتی ایچون مجلس وکلاجه عریض وعمیق تدقیق ایدیلن ایکی نوع اصلاحات اراده سنیه‌یه اقترا ایتدیکنی و بو اصلاحات فواید و محسناتی یاقینده فعلاً کوریلیمه جکنی » اعلان ایتدی [تشرین ثانی ۱۸۷۹] . انکلتره ، بودفعه‌ده ، وعد ایله اکتفا ایلدی .

۱۸۸۰ ایلک بهارنده دولت عثمانیه ، ینه برشی یا پاماشدی . اوصرده (انکلتره) ریاست وکلاسنه کچن (غلادستون) ک تکلیفی اوزرینه دول معظمه باب عالی‌یه مشترک بر نوطه ویره رک ۱۸۷۸ سنه سنده تعهد ایدیلن خصوصاً وعلی الخصوص « اهالیسی ارمنی

برحاله بولماری (برلین) قونفره سنجه تصور ایدیلن اصلاحاتک موقع موقع تطبیقه وضعی مشکلاته دوچار ایدیور ، هر حالده ارمنستانی اوروپای عثمانیک خرسیتیانلرله مسکون ولایاتنه بکزه تمه مک لازم کله جکنی کوستریوردی . علاقه دارانه کلنجه ، بونلر (لبنان) درجه سنده بر مختاریت محلیه طلب ایدیور لردی . ۱۸۷۷ محاربه سندن صکره ارمنستان و کردستانده سیاحتله تدقیقانه بولان بر انکلیم جنرال قونسلوسنک راپوری ایله ارمنی رؤسای روحانیه سندن (میغردیج کریمیان) و (حورن ناربک) طرفندن ۱۸۷۸ ده برلین قونفره سنه تقدیم ایدیلن مخطرده امتیازات و مختاریت محلیه نک نه یولده اولسی لازم کله جکی کوسترلمش ایسه ده (انکلتره) نه ارمنیلرک، نه ده کردلرک هنوز مختاریت ایله اداره اولنه جق درجه یه کلدکلرینی بیان ایتدی و بو ولایاتده «هرشیدن اول امنیت مادیه یی تأمین ایتک لازم کلدیکنی» ، بونک ایچونده «امور ضابطه، عدلیه و مالیه نک ننه آسن منغی اولدینی» بیلدردی . ژاندارمه ساکنه یرلی خرسیتیانلرک و مناسب مقدار اجنبی ضابطانک قبولی، محکمه لرده - مصرده اولدینی کبی - بر اجنبی حقوق شناس بولندیریلوب بونک رأی منضم اولمدغه هیچ بر حکم اعطا ایدلمه سنی ، صورت تحصیل و جباتی انواع سوء استعمالاته میدان آچان اعشارک یرینه یکی بر ویرکو تأسیس اولنجه یه قدر هیچ اولمازسه ارباب ناموسدن اوروپا لیلرک تحصیلدارق خدمتده قوللانسی تکلیف ایتدی . بوندن بشقه (انکلتره) نک فکر نجه ، بو اصلاحات و تجدداته نظارت ایده جک والیلرک اتخابنده باب عالینک پک زیاده دقت و اعتنا کوسترمسی، والیلرک بر طاقم اسباب واهیه اوزرینه عزل و تبدیللرینی منع ایچون موجب مسئولیت برحالی کورلادکه محکمه عالیه و یا مجلس اعیان کبی بر هیئت حضورنده محاکمه ایدلملری لازم ایدی . باب عالی ، (انکلتره) پروغرامنه جواباً ، تبلیغ ایلدیکی ۲۴ تشرین اول ۱۸۷۸ تاریخلی تقریر شفاهیده « آسیای عثمانی ژاندارمه اداره مرکزیه سنه » بعض اجنبی ضابطانی و اجنبی معلملرینی قبول ایتدیکنی ، فقط محاکمه اجنبی اعضا بولندیرمق و محکمه قرارلرینی بو اعضا طرفندن تصدیق ایدلمدکجه موقع اجرا یه قویماق کبی تدابیرک «تشکیلات و اصلاحات

دردنجی و سوکنجی سلاله حکمداری اون دردنجی عصر میلادی اوخیرینه طوغری منقرض اولمشدر . مدیه لیلر، آثوریلر، ماکدونیا لیلر، یونانلر، عربلر صره سیله ارمنستانی ضبط ایتدیلر . بوقطعه ایچون پک چوق سنلر محاربه دن کری طورمدیلر . قدیم ارمنستان ، بکون . دولت علیه ، روسیه ، ایران حکومتلری آره سنده تقسیم ابدلش اولوب اک ییوک پارچه ممالک عثمانیه ده در .

معاهده نامه سنک اون بشنجی ماده سی [*] موجب دولت علیه اصلاحاتنه مداخله حقیقی نصل استحصال ایتش ایسه (انکلتره) دخی، بوکا مشابه برحق الده ایتدی. فی الحقیقه یوقاریده ذکر ی کچن برنجی ماده نك ایکنجی فقره سنده: «... و بوکا مقابل ذات حضرت پادشاهی دخی ممالک محروسه ده بولنان تبعه خرسیتانیه وسائر نك حسن اداره و حمایه لرینه متعلق ایلریده دولتین بیننده قرارلشدیریله جق اولان اصلاحات لازمی ای اجرا ایده جکنی انکلتره دولته وعد ایله برابر دولت مشار الیهائی تعهدات واقعه سنک اجراسنجه لازم کلن وساطتی تأمین ایده بیله جک بر حاله قویمق ایچون کندیسنه قبریس جزیره سنی تخصیص و عسکر اقامه سیله جزیره یی اداره ایتسنه موافقت ایلر.» دینلیوردی. ۱۲ حزیران ۱۸۷۸ تاریخنده (برلین) ده باشلایان مذاکرات، (انکلتره) خارجیه نظارتنک تخمیناتنده نه قدر طوغری حرکت ایتدیکنی اثبات ایلدی. (روسیه)، ۴ حزیران تاریخی معاهده خفیه ده ذکر ایدلن اوچ موقعی محافظه ایتدی، دولت علیه به آنجق ارضروم، بایزید ایله الشکرد وادیسنی اعاده ایلدی. مع مافیه، آیاستفانوس معاهده نامه سنده کی اون آلتنجی ماده نك (برلین) معاهده نامه سنده شو شکله قولسنه راضی اولدی: «۶۱نجی ماده: باب عالی، اهالیسی ارمنی بولنان ایالاتده احتیاجات محلیه نك ایجاب ایتدیکی اصلاحاتی بلا تأخر اجرا وارمنیلرک چرکس و کردلر قارشی حضور و امنیتلری تأمین ایتدیکی تعهدایدر و آره صره بوبابده اتخاذ اولنه جق تدابیری دولتره تبلیغ ایده جکندن دول مشار الیم تدابیر مذکور نك اجراسنه نظارت ایله جکلردر.» ایشه، «دیپلوماسی» عالنده، ارمنی مسئله سی بوضورتله میدان چقیدی.

(اوروپا) نك ولایات شرقیه عثمانیه ده اجراسنه لزوم کوستردیکی اصلاحات نه کی شیلر ایدی: عجبا روم ایلی ولایاتنده تطبیق اولنان ویا تطبیق تصور ایدلن اصلاحاتک عینی اوله جق، یوقسه ارمنیلر ایچون بشقه بر صورت اداره می تأسیس ایله جکدی؟ ارمنستانک [**] معین بر حدودی اولمامسی، ارمنیلرک مسلمان و طنداشلریله قاریشینی

[*] اون بشنجی ماده: دولت علیه کرید جزیره سی اهالیسی طرفندن درمیان اولنان آرزوی نظر اهمیته آقله برابر جزیره مذکور نك ۱۸۶۸ سنه سی نظامنامه داخلی مدقانه اجرا ایتکلکی تعهد ایدر. شو مقاله نامه ده کندیلری ایچون اداره مخصوصه تعیین اولنمان آرنان وودلی و ترحاله ایله روم ایلی نك سائر لر ایچون دخی آکا مائل و احتیاجات محلیه به موافق بر نظامنامه داخلی یایله جقدر. اکثر اعضای برلی اهالیدن مرکب اولق اوزره تشکیل اولنه جق مخصوص قومیسسیونلر هر ولایتده یکی نظامنامه نك تفرعاتی مذاکره ایدرک نتیجه سنی دولت علیه به عرض ایله جکلردر. دولت علیه دخی موقع اجراه وضع ایتزدن اول روسیه دولتیله برکره استشاره ایله جکلردر.

[**] تاریخ، ارمنستان قرالغتنک میلاد عیساذن ۱۶۴۰۰ سنه اول تأسس ایتدیکنی بیلدیریور

یہ بومعاہدہ نامہ موجباً روسیہ حکومتی دولت علیہ دن طلب ایتدیکی جمعاً ۱ ملیار ۴۱۰ ملیون روبلہ تضمینات حربیہ نك قسم اعظمی «دولت علیہ نك مشکلات مالیہ سنی پیش نظر دقتہ آلہرق و آرزوی جناب پادشاهی یہ امثال ایلہرک ... اراضی ترکی صورتیلہ تسویہ یہ» موافقت ایتش؛ روم ایلیدہ (طولچی) سنجانغی، (دہلتا) آطہ لرینی، آناطولیدہ اردھان، قارص، باطوم، بایزید، الشکرد وادیسنی آلمشدی.

(آیاستفانوس) معاہدہ نامہ سنك نشری (اوروپادہ) دہ تاثرات عظیمہ یی موجب اولدی. (انکلترہ) دہ بالخاصہ ارمنستانہ متعلق جہتلر حسیات ملیہ یی تحریک ایتدی. انکلترہ حکومتك نظرندہ، بوحوالیدہ کی ولایتلر دولت علیہ طرفندن ترك ایدیلن محللری اشغال ایدہ جك اولان روسیہ حکومتك نفوذی آلتندہ قالہ جق، «آسیای غربی اہالیسی روس ایمپراطورلغہ استقبالك اك بیوك دولتی نظریلہ باقہ جق» ایدی. لورد (سالیسبوری)، (مانچستر) دہ عقد ایدیلن براجماعدہ ایراد ایتدیکی نطقدہ روسیہ نك مسلکندن نہ کی مضرتلر تولد ایدہ بیلہ جکنی ایضاح ایدرکن: «الجزیرہ و سوریہ اہالیسی روسیہ نك ترقیسنہ، ایلریلسنہ شہہ سزکہ مخالفدرلر؛ فقط عطالت و توکل تام ایچندہ وقت کجیریورلر؛ قضا و قدرہ قویاً مربوط اولان بوہالی، استقبالدہ (روسیہ) نك ایلریلسنی منع ایتك ممکن اولہ میہ جنی فکرینہ دوشرلرسہ روس ادارہ سنی قبول (روسیہ) یہ ہر صورتلہ معاونت ایدرلر.»

(انکلترہ)، (روسیہ) حکومتدن بونازك نقطہ حقدہ محرمانہ ایضاحات ایستدی. و برمدت صکرہ، (آیاستفانوس) معاہدہ نامہ سنك آسیای عثمانی یہ متعلق موادینك ممنونیت بخش بر صورتدہ تعدیل ایدیلہ میہ جکنہ قانع اولدی. بنابرین «موقع سیاسیسی انکلترہ نك شرفدہ کی منافضہ مربوط اولان ممالک عثمانیہ نك» امنیتتی تأمین ایدہ جك مستعجل برتدیرہ لزوم کوردی. ۴ حزیران ۱۸۷۸ تاریخندہ، (انکلترہ) سفیری در سعادتدہ دولت عثمانیہ ایلہ براتفاق تدافعی معاہدہ نامہ سی عقد ایتدی، معاہدہ نامہ نك برنجی مادہ سی موجباً روسیہ دولتی باطوم، اردھان، قارصی ویاخود مواقع مذکورہ دن برینی ید ضبطندہ طوتوبدہ ایلریدہ ہرنہ وقت اولورسہ اولسون معاہدہ قطعیہ صلحیہ ایلہ تعیین اولنان آسیا ممالک شاہانہ سندن برقسمنی دہا ضبط و استیلایہ تصدی ایدہ جك اولورسہ احوالہ انکلترہ دولتی ممالک مذکورہ یی سلاح ایلہ محافظہ و مدافعہ ایتك اوزرہ سلطنت سنیہ ایلہ برلشمکی تعہد «ایدیوردی. روسیہ حکومتی (آیاستفانوس)

ارمنی مسدوسی رائلیز سیاستی . — کاجخانہ خط ہایونی ایلہ ۱۸۵۶ اصلاحات فرمانندہ موعود اصلاحاتک کافہ ولایاتدہ و ہرجنس و مذہبدن تبعہ ایچون تطبیق ایڈلسی مقرر اولقلہ برابر حکومت عثمانیہ ، اوروپای عثمانیدہ تطبیق ایڈیکتی تدابیری آناتولی ولایاتہ تطبیق ایتمہمش ، بوولایتلرک اصلاحات و تنظیماتدن حصہلری پک جزئی قالمشدی . حال بوکہ آسیای عثمانی ولایاتنک برقمسندہ دخی برخرستیان عنصری ، ارمنیلر ، ساکن اولدقلرندن (اوروپا) دول معظمہسنک ایرکیچ ولایات مذکورہ ایلہ مشغول اولہجقلری شہہسزدی .

۱۸۷۸ سنہسندہ (روسیہ) ، ارمنیلرلہ مسکون ولایات عثمانیہ صاحبدی . ہرشیدن اول ، (قارص) ی الیمہم برمرکز عسکری اولہرق محافظہ ایتمک ، (باطوم) یدہ برمرکز تجارت اولمق اوزرہ آلمق ایستوردی . احتمال کہ بتون ارمنستان ولایتلرینی آلمق ، ارمنستانک کندی زیر ادارہسندہ بولنان قسمی ایلہ برلشدریمک تصورندہ بیلہ بولنمشدر . فقط ہرحالہ ، اوزمان (اوروپا) حکومتلری بویلہ برتثبت عظیمہ موافقت ایڈہمزلردی . بردہ ارمنستانک دولت عثمانیہ ادارہسندہ کی قسمندن مرکب برحکومت مستقلہ تشکیلی (روسیہ) نک ایشنہ الویرمزدی ؛ زیرا بوخالہ کندی تبعہسندن اولان میلیونلرچہ ارمنیلر بالطبع مستقل برحکومت تشکیل ایڈن ہمجنسلیلہ برلشمک ایستہجکلردی . مع مافیہ (پترسبورغ) حکومتی عثمانی ارمنیلرینک محبتلرینی قازانمق و (اچمیازین) دہ اقامت ایڈن اک بیوک رئیس روحانیلری واسطہسیلہ اجرا ایڈیکتی تأثیری ، نفوذ معنوی بی تزید ایتمک ایستدیکتی ایچون روس مرخصلری (آیاستفانوس) معاہدہ نامہسنہ بعض مادہلر علاوہ ایڈیردیلر .

معاہدہ نامہنک ارمنیلرہ متعلق مادہسی یوز سنہ اول (قریم) ک اشغالندن اقدم نشر ایڈیلن بیاننامہ بی آندیرر . ۱۷۸۳دہ ، ایکنجی (قاترین) کاردولری (قریم) خانلقنہ «مخضاسکون و آسیایشی محافظہ ایچون» کیرمشلردی . ۱۸۷۸دہ روس اردولرینک ممالک عثمانیہدن چیقملری (روسیہ) ایلہ دولت علیہنک «مناسبات حسنہسنہ مضر قاریشیققلردن» مملکتی محافظہ ایتمک شرطنہ معلقدی . فی الحقیقہ (آیاستفانوس) معاہدہ نامہسنک اون آلتنجی مادہسندہ «ارمنستاندہ روسیہ عسکرینک تحت استیلاسنده بولنوب دولت علیہہ اعادہسی لازم کلن محللرک تخلیہسی اورالرجہ دولتینک مناسبات حسنہسنہ مضر قاریشیققلرہ محل ویرہ بیلہ جکندن دولت علیہ ارمنیلرک متمکن اولدیغی ایالتلردہ منافع محلہنک ایجاب ایڈیکتی اصلاحات و تنسیقاتی بلا افاتہ وقت اجرا ایتمکلی و ارمنیلرک کردلرہ وچرکسلرہ قارشی امنیتلرینی استحصال ایتمکلی تعہد ایڈر .» دنیلوردی .

(هاله‌پا Halepa) ده مجلس عمومی و کیلریله دولت علیه قومیسری غازی احمد مختار پاشا آرسنده بر ائتلافنامه عقد ایدلدی [۳ تشرین اول ۱۸۷۸] ؛ بو ائتلافنامه موجبنجه (کرید) و ایلسنک ، متصرف و قائم مقاملر کی ، خرسیتیان اوله بیله جکی و بوحالده بر مسلمان والی معاونی بولندیرلمسی تقرر ایتدی . مجلس عمومی (۴۹) ی خرسیتیان ، (۳۱) ی مسلمان اوله رق (۸۰) اعضادن مرکب اوله جق و مقرراتی ذات شاهانه تک تصدیقه اقران ایتمک شرطیله خیلی واسع حقوق تشریحیه به مالک بولنه جقدی ؛ حتی اکثریت نلثان آرا حصوله کلمک شرطیله ، باب عالینک موافقتی اولسه ده ، نظامنامه اساسینک صرف امور محلیه به عائد موادی نی تبدیل ایدیه بیله جکدی . متصرف و قائم مقاملر مستتا اوله رق دیگر حکومت مأمورلری مجلس اداره ده اعضا صفتیله بولنه جق لردی . کافه معاملات اداره و عدلیه ده روجه ، لسان عثمانی ایله عینی مرتبه ده طوتیله جق ؛ مجلس عمومینک مذاکراتی یالکز روجه جریان ایدیه جکدی . خدمات محلیه ده دائما یریلر ترجیح اولنه جقدی . اعشارک صورت اخذ و جبایتی اصلاح ایدیه بیله جکدی . جزیره ژاندارمه هیئته خرسیتیانلر دخی قبول اولنه جق و بونلر میرالای رتبه سنه قدر ضابطلکه ترفیع ایدیه بیله جکدی . (کرید) ولایتی اردو مصارفه اشتراک ایتیه جک ، فضله و ارداتک نصفی امور محلیه به صرف ایدیه بیله جکدی . مقاله نامه تک خاتمه سنده شو فقره بولنمقده ایدی : « شاید طرف حکومتدن یریلن اوامر استقلال محاکم قاعده سنه ، الیوم مرعی الاجرا اولان قوانین و نظامنامه اساسی به مغایر اولورسه موقع اجرایه وضع ایدیه بیله جکدر . »

دولت عثمانیه تک ، (اوروپا) طرفندن براخطار و تضییق وقوعه کله دن ، (کرید) مختاریت اداره و یرمسی زمانک ایجاب ضروریه سندن ایدی . فقط عجبا باب عالی (هاله‌پا) مقاله نامه سنک نتایجنی دوشونمه مشمی ایدی ؛ دیگر ولایتلرکده بوسورتله ، یعنی برلین معاهده نامه سنی ایلری سورهرک عینی منافی طلب ایدیه جکلرینی نظر دفته آلامشمی ایدی ؟

هرنه اولورسه اولسون ، باب عالی ، اظهار ایلدیکی علو جناب اوزرینه (کرید) ده کی تبعه سنک آرتق بر دیه جکی قالمیله جفتی ، هیچ اولمازسه بو طرفده بر عصیان تهلکه سنک چوق زمان ایچون اوکی آلمش اوله جفتی امید ایدیور ؛ اوچ سنه صکره عینی تبعه تک (کرید) ی ویرکو ویرر بر حکومت مختاره یا بمق ایستیه جکلرینی خاطره بیله کتیر میوردی [*] .

[*] کرید مجلس عمومیسنک ۱۸۸۱ سنه سی جزیرانده جریان ایدن مذاکراتی .

« دولت عثمانیہ نك برچوق ولاياتہ آياستفانوس معاہدہ نامہ سی عادتاً برنوع استقلال وعد ايلش ايکن اوروپانك ولايات مذکورہ يی نہ طوغریدن طوغری یہ باب عالینك اداره سنہ ویردیکنی ، فقط برنوع تعویض مقامہ قائم اولمق اوزرہ اصلاحات اجراسنی شرط اتخاذایتدیکنی ، شاید بواصلاحات اجرا ایدلمزسہ بیوک برحقسزلق ایدلمش اولہ جغنی » بیان ایدرک بومادہ نك صورت تطبیقی خصوصندہ عثمانلی مرخصلرینك فکرلرینی استمزاج ایتدیلر . دولت علیہ برنجی مرخصی ۲۳ نجی مادہ [*] ده محرر قوانینك تنظیمی ایچون قونفرہ طرفندن برمهلت تعیین اولنمدیغنی و ذاتاً اول امرده هر ولایتده تحقیقات اجراسنی لازم کلدیکنی جواباً بیان ایلدی .

باب عالی (برلین) قونفرہ سنندہ اصلاحہ لزوم کوستریلان ولايات ایچون برشی یایمقدہ عجلہ ایتہمکلہ برابر ولايات سائرہ یہ دخی تشمیل ایدلمسی لازم کلن (کرید) نظامنامہ سنجہ تعدیلات اجراسنی مناسب کوردی . بوندن مقصد ، بالطبع (کرید) ه ویریلن امتیازاتی ولايات سائرہ یہ تطبیق ایتک دکلدی ؛ (آياستفانوس) معاہدہ نامہ سنك عقدینی متعاقب (کرید) خرسٹیائلری آرہ سنندہ ہیجان افکار حاصل اولمش و ۱۸۶۷ سنہ سنندہ دولت علیہ دن آیرلمسنہ رمق قالان بوولایتده تسکین اذہان ایچون بعض تدابیر اخاذینہ لزوم کورلمشدی [**] .

[*] یکریمی اوچنجی مادہ : دولت علیہ کرید جزیرہ سنك ۱۸۶۸ سنہ سی نظامنامہ داخلینسہ حقلی کورینہ جک تعدیلاتی ادخال ایدرک تمامیلہ اجرا ایتکلکی تعہد ایدر . بومعاہدہ دہ کندیلری ایچون تشکیلات مخصوصہ تعیین اولنامش اولان سائر روم ایلی ولايات شاهانہ سنندہ دخی کریدہ ویرکوجہ اعطا اولنان معافیات مستثنا اولمق اوزرہ آکا مائل و احتیاجات محللیہ یہ موافق نظامات یایلہ جقدر . باب عالی ہر ایالتہ اشبو نظامات جدیدہ نك تفرعانی بالذاکرہ ترتیب اتمک و اکثر اعضاسی یرلی اہالیدن مرکب اولمق اوزرہ مخصوص قومیسونلر تشکیل ایدہ جکدر . مذکور قومیسونلرک نتیجہ مذاکراتی اولہ رق تنظیم ایدیلہ جک تشکیلات لایچہ لری باب عالینك نظر تدقیقہ عرض اولنہ جق و باب عالی دہ بونلری موقہ اجراہ وضع ایچون اقتضا ایدن امرعالی و فرمان کی اوراق نشر ایتزدن اول روم ایلی شرق ایچون تشکیل اولنان آروپا قومیسونیلہ استشارہ ایدہ جکدر .

[**] عصبانی متعاقب (کرید) ایچون تنظیم اولنان ۱۸۶۸ نظامنامہ سی موجبہ جزیرہ دہ اہالی طرفندن منتخب « برجلس ملی » تشکیل ایدلمشدی . خرسٹیائلر بوجلسدہ احراز اکثریت ایدہ جکلدی . مجلس ایلہ والی آرہ سنندہ اختلاف اکسیک اولمیوردی . خرسٹیائلر ، خرسٹیائو یرلی مأمورین استخدانی و کرک ، ویرکو حاصلاتدن جزیرہ مصارفہ حصہ افزائینی ایستورلردی . (آتہ) دہ متشکل بر یونان قومیتہ سیلہ مشترکاً حرکت ایدن فرقہ مفرطہ جزیرہ یی بسبتون ممالک عثمانیہ دن آیرمغہ چالیشمقدہ ایدی . ۱۸۷۷ مجاہدہ یی اثناسندہ ، ۱۸۸۵ ، ۱۸۸۷ ، ۱۸۸۹ ، ۱۸۹۵ ، ۱۸۹۶ سنہ لرنندہ عصبانلر تکرر ایتدی . دولت عثمانیہ برچوق اصلاحات یایدی [۱۸۷۸ ، ۱۸۸۷ ، ۱۸۹۶] ؛ فقط خرسٹیائلر ، مسلمان مأمورلرک سوء اداره سنندن ، مظالمندن شکایتہ دوام ونہایت (آروپا) یی مداخلہ یہ مجبور ایلدیلر .

دشمن قالان، بری دیگرینه تابع اولان ملل مختلفه به اصول اداره بی تطبیقه چالیشمق خیال ایله اوغراشمغه بکزر: دولت عثمانیه کی عناصر مختلفه دن مرکب اولان (اوروپا) دولترینی مثال کو سترمک طوغری اوله ماز. (اوستریا) به تابع اقوام مختلفه نك عصر لجه مدت عینی قوانین و نظامات ایله اداره اولنه بیلمسی قوانین و نظامات مذکور نك قیمت ذاتیه سندن بشقه حکومت مرکزیه نك قوتندن، بیوک بر مهارت ایله اداره امور ه موفق اولسندن ایلری کلیر. حال بوکه ترکیاده بویه بر حکومت موجود دکدر. حتی عدم مرکزیت اصولنک بتون محاذیریه برابر دیگر طرز اداره دن زیاده محسنات تأمین ایلدیکی تاریخ اثبات ایدر.

دولت عثمانیه، ۱۸۵۶ تاریخسندن بری، (اوروپا) دولترینه مراجعت ایدرک «اصلاحات شکلی آلتنده تکلیف ایدلن هر تدبیرک ولایات و صنوف تبعه نك تفریقی اساسنه مستند اولسی بیوک بر حقسزلق اولدیغنی» بیان ایتکده ایدی. ۱۸۷۷ ده (لونده) پروتوقولی تبلیغ ایلدیکی زمان ده «مسلماننک رفاه و سعادت احوالی تأمین ایدن اصلاحات هر دلرو اهمیتدن عاری ایمش کی» [*] اوروپانک یالکز خرسیتان تبعه بی نظر دفته آلسندن، خرسیتانلری مسلمانلره ترجیح ایلسندن شکایت ایتشدی.

(برلین) معاهده نامه سنک ۱۸ نجی ماده سی [*] موجبجه شرقی روم ایلی نظاماتی ترتیه مأمور اولان (اوروپا) قومیسونی ایفای وظیفه به باشلادیغنی زمان باب عالی عینی اعتراضاتی درمیان ایتدی. اولادرسعادتده، بعده فلبه ده اجتماع ایدن بو قومیسونیونک وظیفه سی یالکز شرقی روم ایلی تشکیلاتندن عبارت دکلدی [***]، برلین معاهده نامه سنک ۲۳ نجی ماده سی موجبجه باب عالینک اوروپای عثمانینک اقسام سائره سی ایچون حاضرلدیغنی قوانین و نظامات - که ۱۸۶۸ ده کرید آطه سنده تطبیق اولنان نظاماته مشابه اوله جقدی - حقنده دخی بیان رأی ایده جکدی. (اوروپا) مرخصلری، قومیسون طاغیلمازدن اول

[*] خارجیه نظارتنک ۹ نیسان ۱۸۷۷ تاریخلی نوطه سی.

[**] اون سکزنجی ماده: اشبومعاهده نامه نك تصدیق نامه لری مبادله اولندیغنی متعاقب روم ایلی شرقینک امرتنظیمی باب عالی ایله بالاتفاق مذاکره ایتک ایچون بر آوروپا قومیسونی تشکیل اولنه جقدر. بو قومیسون اوج آی طرفنده ولایتلره متعلق نظامات مختلفه بی واستابول قونفرانسنک سکزنجی مجلسنده وقوع بولان تکلیفاتی نقطه حرکت اتخاذ ایدرک والینک اقتدار و وظائفی وایالتک اداره ملکیه و عدلیه و مالیه سنی تعیین ایله جکدر. روم ایلی شرقی ایچون قرارلشدریلان ماده لرك جمله سی بر فرمان عالی به درج اولنه رق بو فرمان جانب باب عالی دن نشر و اعلان و دولتره تبلیغ ایله جکدر.

[***] شرقی روم ایلی تشکیلاتی حقنده کی تفصیلات ایچون ۲۱ نجی بابک بلغارستان قسمنه مراجعت

و قونسلوسخانه لرك حمايه رسميه سی آلتنده بولدقاری ذکر و بیان ایدلدی .
 ایشته ۱۸۷۸ قونفره سنك خلاصه مقرراتی بونلردر ؛ وقایع ومذاکرت جاریه
 تدقیق اولنورایسه روس استیلاسنه منجر اولان بحران بروجه آتی اوج فقره ایله
 خلاصه ایدیله بیلیر : تنظیمات ، بحق موقع تطبیقه قونه مدی ، تبعه غیر مسلمه نك احوالی
 اصلاح اولمه میهرق موجب شکایات اولدی : (اوروپا) خرسیتیان تبعه لهنده بعض
 اصلاحات وتأمینات ایستدی ، دولت عثمانیه بونلری حقوق حکمرانینسه مخالف کوره رک
 رد ایتمدی [*] ؛ روسیه حکومتی (اوروپا) نك مطالباتی موقع اجراه قومیق
 وظیفه سنی در عهده ایله دولت عثمانیه اعلان حرب ایتمدی ، ترکیایی برچوق اراضی
 تر کنه مجبور ایدلدی ؛ (اوروپا) دولتلی مرخصلرندن مرکب برقونفره ، آیستفانوس
 معاهده نامه سی احکامنی قسماً تصدیق ایله برابر حکومت عثمانیه نك استقلال و حقوق
 حکمرانینسه قارشلی یکی مانع لر احداثدن کری طور مدی .

برلین قونفره منبره صکره . — (برلین) قونفره سی آیستفانوس معاهده نامه سنی
 تعدیل ایتمدیکی صرعه استانبول قونفرانسنك دولت علیه نك تشکیلات اداره سنه متعلق
 نقطه نظرینی قبول ایتمش ، تشکیلات و تنسیقات متصوره نك فائده بخش اولسی ، دوام
 ایده بیلرسی ایچون تبعه عثمانیه نی تشکیل ایدن ملل مختلفه نك اخلاق و عاداتنه ، ادیان
 و مذاهب نه کوره دیکشمسی لازم کله جکنه و ۱۸۵۶ سنه سندن بری باب عالینک تعقیب ایتمدیکی
 وحدت اداره سیاستنک فائده سزلکی بالتجربه آکلاشیلمش اولدیغنه حکم ایلمشدی .
 (اوروپا) سیاسیوننک افکارینه نظراً ، باب عالی تنظیمات مسئله سنده دائماً مرکزیت
 اصولنی ترویج ایتمش و سیاست داخلیه ده غرب دول معظمه سنی تقلید ایتمک ایسته مشدر ؛
 حال بوکه دول غربیه ده اهالی عناصر مختلفه دن مرکب اولسه بیله عینی قانون عدالت
 و مساواتک تأثیر یله آرزوق بربرلرینه قاریشمشدر . بر دیپلومات دییورکه : « یکدیگرینه
 ذکر اولنان اشخاص و کرك محال مبارکه و سائر ده کائن تأسیسات دینیه و خیره نی رسماً حایه ایتمک حق لری
 تصدیق قلمشدر .

فرانسه نك استحصال ایتمش اولدیغنی حقوق صراحةً محافظه اولنوب محال مبارکه استاتوقوسنه
 اصلا خلل کتیرلمه جکی مقرر در . آینه روز پاپاسلری هر هانکی مملکتدن گلش بولنور ایسه بولنسونلر
 بوندن اولکی املاک و فوائدلر نده محافظه اولنه جقلر و بلا استثنای حقوق و امتیازاتجه مساوات کامله دن مستفید
 اوله جقلردر . »

[*] برلین قونفره سنك اون برنجی پروتوقولندن : « قونت شو والوف . محاربه نك اسباب ظهوری
 دولت عثمانیه طرفندن ۱۸۵۶ سنه سنده پارس قونفره سنده وقوع بولان تعهداتک ایضا ایدله مسندن عبارت
 اولدیغنی بیان و تاًکید ایتمدی . »

اولنه جقدی . (بوسنه) و (هرسك) ایله (قبریس) آطهسی موقتاً (اوستریا - مجارستان) و (انكلتره) یه ترك ایدلیكندن بوايكي حكومت طرفندن تسیب اولنه جق طرز اداره یه تابع بولنه جقدردی . حكومت عثمانیه ، (كرید) ایله روم ایلیده کی ولایاتی ایچون بیله ، بردرجه یه قدر ، حقوق حکمرانیسنی غائب ایدیوردی؛ چونکه بوقطعه لره تطبیق ایدیه جك نظاماتك روم ایلی شرقی انجمن مختلطی طرفندن تدقیق اولمنسه راضی اولمشدی . حتی آسیای عثمانی ولایاتی ، دها طوغریسی ازمینلرك ساكن بولندقلری ولایتلر ایچون موقع تطبیقه قونه جق تدابیر اصلاحیه یی (انكلتره) ایله مذاکره یه مجبور اولدقن ماعدایدی رپی اجرا ایدیلن اصلاحات حقنده دول معظمه یه وقت وقت معلومات اعطاسنی دخی تعهد ایتمشدی . جبل لبنانك اداره سنده ذاتاً معاهده نامه ایله (اوروپا) یه باغلی اولان دولت عثمانیه ، نه (بلغارستان) ی وروم ایلی شرقی یی اداره یه مأمور اوله جق رؤسانك انتخابنده ، نه ده پاتختی فن حرب نقطه نظرندن دائمی برتهدید آلتنده بولندیره بیلن بوسوك ولایتك اشغال عسکریسی بحثنده سربست ایدی .

(برلین) معاهده نامه سنده دیگر برنقطه دها شایان دقدر . معلوم اولدیی اوزره شرقده اك بیوك نفوذ دیننده در . ادیان ومذاهب مختلفه آره سنده کی ضدیت و منافرت بوراده ممالك غریبه ده كندن زیاده در . عصر لرحه زماندن بری تبعه عثمانیه یی یكدیكرندن تقریق ایدن شی عرق دكل ، دیندر . نته كیم ، دین اسلامی قبول ایتش اولان بلغارلر ، روملر ، بوشناقلر خرستیان قالان قدیم همشهریلرندن تماماً آیرلشلردر . شرقده حقوق مدنیه وسیاسیه نك دین ومذبهه تابع اولماسی ایچون دها پك چوق زمان كچه جکی شبهه سزدر . مع مافیه (فرانسه) نك تكلیفی اوزرینه (برلین) قونغرهمی هیچ کیمسه نك دین ومذبه یی حقوق ومدنیه وسیاسیه دن محرومیتنه سبب اوله مامسی اساسنی قبول ایتدی [*] . عینی زمانده ممالك عثمانیه ده کی اجنبی رهبان ایله مؤسسات مذهبیهنك سفارت

[*] برلین معاهده نامه سنك ۶۲ نجی ماده سی: «باب عالی سربستی آیین ومذبه قاعده سنی وسعت كامله ایله برابر محافظه وابقا ایتك آرزوسننده بولندییغنی بیان ایدلیكندن طرفین متعاهدین اشبو بیان اختیاری یی سند اتخاذ ایدرلر . ممالك عثمانیه نك هر طرفنده اختلاف دین ومذبه هیچ کیمسه ایچون حقوق ملكیه وپولتیقه ده وخدمت عمومیه ومأموریت وشرفه ناآلیتده وبالجمله حرف وصنایك اجراسنده مانع اولیه جقدر . ودین ومذبهه باقلمیه رق محكمه لر حضورنده جمله سنك شهادتی قبول ایدیه جقدر . سربستی واجرای آیین ومذبه جمله یه تأمین اولنه جق وجاعات مختلفه نك سلسله مراتب اوزره ترتیبنده ورؤسای روحانیلری ایله مناسباتده برکونا ایقاع موانع اولنیه جقدر . هرملتن آوروپا وآسیا ممالك عثمانیه سنده سیاحت ایدن رهبان وزوار عینی حقوق و فواید وامتیازادن مستفید اوله جقدر . ممالك عثمانیه ده مقیم قونسولسرك وپولتیقه مأمورلرنك كرك بالاده

بود. حکومت عثمانیه عصر لرحه زمان بو قطعه‌یه حاکم اولدینی حالدہ انتظام و آسایشی محافظه‌یه مقتدر اوله‌مدینگی اثبات ایتمه‌شمیدر؟» دنیلوردی .

فؤاد پاشانک ، برکون کلوب باب عالینک بیوک فداکارلقره قاتلانمغه مجبور اوله‌جینی حقدہ ۱۸۶۷ سنه‌سنده سویلدیکی سوز حقیقته منقلب اولمشدی؛ مشارالیه : « بوسنه‌نک صربستانه الحاق اولنه‌جغه اوستریایه ویرلمسنی آرزو ایدرز. » دیمشدی .

یونانستان ، (تسالی) و (تہ‌پیر) جهتلرنده توسیع اراضی‌یه موفق اولدی . (آدریاتیق) ساحلنده‌کی (اسیچا) قضای اوستریا و مجارستانه ویرلدی . آسیا جهتمده ، (باطوم) و (قارص) ایله برابر ارمنستانک بر قسمنی آلمش اولان روسیه (الشکرد) و (بایزید) حوالیسنی دولت عثمانیه‌یه اعاده ایتدی [*] .

الحاصل مختلف عنوانلر ایله باب عالی‌یه تابع اولان و اجزای ممالک عثمانیه‌دن عد ایدیلن حکومات و ایالات مختلفه داخل حساب اولورسه حکومت عثمانیه (برلین) معاهده نامه‌سنده ۲۸۷،۵۱۰ کیلومترو تربیعده اراضی غائب ایتمشدی ؛ بلغارستان و روم ایلی شرقی ایله قره‌طاغ امارتنری اوزرنده‌کی متبوعیتی - که همان خیالی بر سوزدن عبارتدی - نظر دقتہ آله‌رق بونلر اجزای ممالکندن عد اولورسه ترک ایدیلن اراضی ۱۱۸،۶۷۷ کیلومترو مربعه تنزل ایدیوردی .

حکومت عثمانیه ، آیاستفانوس معاهده نامه‌سنده ترک ایتدیکی اراضیدن ۱۰۲۹۳۸ کیلومترو مربعی استرداد ایتمکه ، اوروپای عثمانی یکدیکنردن اوچ پارچه‌یه آیرلمق تهلکه‌سندن قورتیلدی و هیچ اولمازسه بوقطعه‌نک آتیا مدافعه‌سی امکان داخلنه کیرمش اولدی . (اوستریا - مجارستان) شرقده (اسلاو) اتحادینه قارشی تأمینات لازمه آلمش ، دیگر حکومتلر (بلغارستان) پرنسلکنک کوچولمسیله مستریح اولمش ، قبریس آطه‌سنک موقتاً (انکلتره) یه ترکی‌ده (روسیه) نک آسیای عثمانیده فتوحات جدیده‌سنه قارشی سد چکمشدی .

اداره و سیاسیات نقطه نظرندن باب عالی‌یه تحمیل ایدیلن فداکارلقر دخی پک مهم وشایان دقتدی . چونکه حکومت عثمانیه ، روم ایلیده‌کی ولایاتنک همان کافه‌سنده تشکیلات اداره و تنظیم قوانین حقندن محروم قالیوردی ؛ بالقانلرک شمالنده تشکل ایدن (بلغارستان) ، تشکیلاتی ، قانونلرینی بالذات تنظیم و اداره ایده‌جک ، کنسدی ایشنی کنسدی کوره‌جکدی . روم ایلی شرقی نظاماتی بین‌الملل برانجمن طرفندن تنظیم

[*] آیاستفانوس معاهده نامه‌سنده آسیای عثمانیدن ترک ایدیلن اراضی ۳۵،۶۵۰ کیلومترو تربیعده ایکن برلین معاهده‌نامه‌سی بومقداری ۹،۶۰۰ کیلومترویه ایندبردی .

آکلادی ، بر « قونگره » عقد ایدلسنی هرکسندن اول تکلیف ایتدی ومؤتمر کبیرک (ویانه) ده دکل ، (برلین) ده طوپلانسی قرارگیر اولدی .

(برلین) قونگرهسی ، آیاستفانوس معاهده نامهسنی تعدیل ایتدی . فقط دولت عثمانیه بعضی تأمینات استحصال ایتمکله برابر کندیسنی محافظه ایتمک ایستین حکومتلرک یوزندن دخی متضرر اولدی . دول معظمه ، (روسیه) یی فتوحاتندن بر قسمنی ترکه مجبور ایتدیله ؛ لکن حکومت عثمانیه نك حقوق حکمرانیسنی یکیدن تقید خصوصنده دها ایلری به واردیله .

(برلین) قونگرهسی نتیجهسنده ، ذاتاً حکومت عثمانیه دن همان تمامیه آیرلمش اولان (رومانیا) ، (صربستان) ، (قره طاغ) پرنسلیکری استقلال تامه نائل وبوندن بشقه آیاستفانوس معاهده نامهسنه نظراً توسیع اراضی به بیله موفق اولدیله [۱] .

باب عالی بالقائلرک (دوربچه) دن (صربستان) حدودینه قدر امتداد ایدن قسم شمالیسنی تماماً غائب ایتدی [۲] . واقعا بوراده تشکل ایدن بلغارستان پرنسلیکی ، دولت عثمانیه به ویرکویورر برامارت ایدی ، فقط آرده کی روابط تابعیت و متبوعیت ، ۱۸۷۸ دن اول ایکی حکومت متجاوزه نك باب عالی ایله مناسباتنه مشاهدی . بر طرفدن بالقائلر و آطه لر دکزی ، دیگر طرفدن بحر سیاه و (آدریاتیق) دکزی ایله محدود اولان جنوب ولایاتی دولت عثمانیه به قالیور ، فقط ادرنه نك براز ایلریسندن بالقائلره قدر امتداد ایدن محللر ، مرکزی فلبه اولق اوزره روم ایلی شرقی نامیه بر ایالت ممتازه اولیوردی [۳] .

محاربه نك وقونگره نك سبب اصلیس اولان (بوسنه) و (هرسک) اوستریا و مجارستانک انه کچور ، مدت اشغال تعیین ایدلیوردی . (روسیه) نك پایتخت عثمانیدن پک اوزاق اولان بویکی ولایتده تأسیس ایتمک ایستدیکی حکومت ممتازه یرینه بر حکومت اجنبیه قائم اولیوردی ؛ پروتوقوله : « اهالی آرهسنده موجود اولان ضدیت مذهبی و اجتماعی به کواکس کره جک و حکومت عثمانیه دن زیاده اصلاحاته مقتدر اوله بیله جک یکانه حکومت

[۱] بواج حکومتک مساحت سطحی بوجه آتیدر :

رومانیا	آیاستفانوس معاهده نامهسنه نظراً	برلین معاهده نامهسنه نظراً
۱۲۳,۳۷۳	کیلومتره مربعی	۱۲۵,۱۲۳
۵۲,۳۰۵	کیلومتره مربعی	۵۳,۸۵۵
۱۵,۳۵۵	کیلومتره مربعی	۸,۶۵۵

[۲] آیاستفانوس معاهده نامهسی موجبجه تشکیلی تقرر ایدن بیوک بلغارستان ۱۶۳,۹۶۵ کیلومتره

تربیعنده اوله جقدی . برلین معاهده نامهسی بونی ۶۴,۳۹۰ کیلومتره مربعنه تنزیل ایتدی .

[۳] بوقطعه ده ۶۰۰,۰۰۰ بلغار ، ۱۵۰,۰۰۰ مسلمان و ۴۰,۰۰۰ روم بولنقده ایدی .

تفرعاته قدر يك چوق زمان اول حاضر لنش و عثمانلی مرخصلری ایچون شرائط صلحیه یی اوزون اوزادی یه تدقیقه وقت بیله براقلاماشدی [۱].

جنرال (ایغنائیف) شرق مسئله سندن بحث ایدرکن: «اوتونومی، یا خود آناومی Autonomie ou ana'omie» دیردی؛ یعنی «یا خرسیتیان ملتره مختاریت اداره ویرملی، یا خود حکومت عثمانیه نك وجودنده عملیه تشریحیه اجرا اولملی، ممالک عثمانیه تقسیم ایدملی» فکرنده بولنوردی. فی الحقیقه آیاستفانوس معاهده نامه سنده، (روسیه) حکومتی، اجرای عملیاتده تماماً سربست بر مشرح کبی حرکت ایتدی، ترکیایی ایستدیکی کبی کسدی، بیچدی، حتی ممالک متبایه سنی سربسته اداره ایده میه جک برحاله کتیردی.

(رومانیا)، (سربستان) و (قره طاغ) ک صورت قطعیده آیرلمزندن وتوسیع ممالک ایلرندن بشقه (بالقان) شبه جزیره سنک اورته سنده (بلغارستان) نامیله یکی بر پرنسک تشکل ایدیوردی؛ بو صورتله آوروپای عثمانی بر بردن آیری اوچ پارچه یه آیریلور، در سعادتک آرانوودلق و (بوسنه - هر سک) ایله دکز طریقندن بشقه بر رابطه سی قالمیوردی. «اسلاو اهلینک روسیه یه تسلیمی دیمک اولان» [۲] بومقاسمه نتیجه سنده حکومت عثمانیه روم ایلیده ۱۹۵,۵۰۰ کیلو مترو تریغنده اراضی غائب ایدیور، آسیا جهتده ۳۵,۰۰۰ کیلو مترولق مملکت براقیوردی.

مع مافیه آوروپا دولترلی - کندی آرهلرنده کی اختلافات نه قدر مهم اولورسه اولسون - آیاستفانوس معاهده سنک موقع اجرایه وضع ایدلمه سی ایچون اتحادیه لزوم کوردیلر. ذاتاً ۱۸۷۸ سنه سی کانون نانیسنده - که موسقوفلرک ایلری یه طوغری حرکتلری (آوروپا) یی اندیشناک ایتمکده ایدی - (انکلتره) حکومتی، ۱۸۵۶ و ۱۸۷۱ معاهداتنک تعدیلنی مستلزم هر درلومقاولاتک بالجمله حکومت عاقده طرفندن قبول ایدلمدکجه حکمسز قاله جغنی پرنس (غورچاقوف) ه بیلدیرمشدی. (آوستریا) دخی اثنای حربده تعقیب ایلدیکی مسلك مطاوعتکارانه یی ترک ایده رک، ۵ شباط ۱۸۷۸ تاریخنده، دول عاقده نك (ژیانه) ده بر قونفرانس عقد ایتملری تکلیف ایلدی.

روس حکومتی، (ایغنائیف) ک بتون تصووراتی موقع اجرایه قویدینی زمان (آوروپا) طرفندن مخالفته تصادف ایتمه جکی امیدنده پک ایلری یه وارمش اولدیغنی

[۱] بآمین اولندیغنه نظر آ جنرال (ایغنائیف) امپراطور (آلکساندر) ک دور سنوی ولادته مصادف اولان کوندن صکره مرور ایده جک هر برکون ایچون تضمینات حریبه یه ۵۰,۰۰۰ عثمانلی لیراسی ضم ایده جکنی دولت علیه مرخصلرینه بیان ایتمشدی.

[۲] لورد سالیسبورینک ۱ آغستوس ۱۸۷۸ تاریخی تلغرافنامه سندن.

ساحلی ، جنرال (غانیه کی Ganjecki) صول ساحلی طوتدیلر ؛ بتون یوللر کسيلمش ، ارزاق ومهمات نقلیاتی منقطع اولمشدی . تشرین ثانی اواخرنده آج قالان عثمان پاشا خط محاصره یی قیروب چقمغه تشبث ایتدی ؛ ۲۸ نجی کونی (غانیه کی) یه هجوم ایلدی ایسه ده روسلر مقاومت ایتدیلر ؛ (طوتله بن) و (نیقولا) پلونه یه کیردیلر ، ترکاری صاردیلر ؛ مجروح اولان عثمان پاشا معیتده کی کوچك اردونك بقیه سیله برابر تسلیم اولدی .

قفقاسیه نك جنوب جهته ده ، قوای امدادیه آلان (لورس مه لیقوف) حرکات تجاویزه یه تکرار باشلایه رق ۱۸ تشرین ثانیه قارصی ضبط ایتدی ، ارضروم اوزرینه یوریدی .

روسلر صوك برغیرت ایله آز برزمانده پلونه دن درسعاده کلدیلر . صربیلر ، قره طاغیلر بلغارلرک امدادینه قوشمشلر ایدی . (اسقوبه لف Kobelief) شیقبا بوغازنده عثمانیلره هجوم ایتدی . (غورقو) صول طرفه (اتروپول) بوغازندن کچه رك برچویرمه حرکتی اجرا ایتدیکندن عثمانلی اردوسی شیقبا وقرانلی تخلیه یه مجبور اولدی ، روسلر عثمانیلری تعقیباً ۳۰ کانون ثانیه ادرنه یه کیردیلر . (غراندوق نیقولا) بتون قوای موجوده سیله واصل اولدی ؛ درسعادت اوزرینه یوریدی ؛ «روس بایراغنی استانبول سورینه طاقه جغم» دییوردی . پایتخت عثمانی بی اشغال ایچون (غورچاقوف) دن مساعده ایستدی ؛ باش وکیل بویله بروقه نك (اوروپا) دولت لر نجبه موجب اختلاف اوله جغنی دوشونهرک مساعده ویرمدی ؛ (نیقولا) ده ادرنه متارکهنی عقده راضی اولدی . فقط روسلرک موفقیاتندن تلاش ایدن انکلیزلر قره دکز بوغازینه ، استانبوله دوئما کوندردیلر . بوندن پک زیاده حدتلنن (نیقولا) ، شاید انکلیزلر همان چکیلمز لر ایسه استانبولی دخی ضبط ایده جکی بیان ایتدی ؛ اردوسنی آیاستفانوسه کتیردی ؛ استانبوله کیرمه ک حاضر لانیوردی . پادشاه ، انکلیزلردن استانبولدن اوزاقلاشمه لرینی رجا ایتدی ؛ بونک اوزرینه انکلیز کمیلری عزیمت ایتدیلر . باب عالی ، ۳ مارت ۱۸۷۸ تاریخنده ، آیاستفانوس معاهده نامه سنه وضع امضا ایلدی .

ذاتاً مقدمات صلحیه ۳۱ کانون ثانی ۱۸۷۸ تاریخنده امضا ایدلمشدی ؛ آیاستفانوسده ۱۴ شباطده مذاکرات قطعیه به ابتدار اولندی . حقیقت حاده ، طرفین مرخصلرینک مذاکراتی آنجق اون کون دوام ایتدی ؛ چونکه (روسیه) نك پروغرامی الك اوافق

(روس) دہ و بتون (اوروپا) دہ موجب تائر اولدی . عثمانلیلرک سطوت عسکر یه لری ، عثمان پاشانک مقاومت قهرمانانسی هر کسی حیرتده براقدی . روسلرک باش قوندانی (غراندوق نيقولا) قلاع اربعه قارشيسنده جزئی بر قوت براقه رق ۷۰,۰۰۰ کشی ایله پلونه یه کیتدی ، (چار) ک دور سنوی ولادتنه مصادف اولان ۱۱ ایلول تاریخنده محاربه یه کیریشدی . روسلرک بتون هجوملری نتیجه سز قالدی ، ۱۶,۰۰۰ کشی غائب ایتدیلر . بومغلویت ، هزیمت قطعیه دیمکدی . عثمان پاشانک معیتنده حرکات تجاوزیه تشبث ایده جک قدر عسکر یوقدی ؛ فقط شرقده قلاع اربعه آره سنده ، غربده پلونه ده ، جنوبده بالقانلرده روسلرک ایلری یه طوغری حرکتلری دوچار تعطیل اولمشدی . آسیا جهتده دخی عینی موفقیتسز لکلر کوریلوردی . بو طرفده (غراندوق میشل) ایله جنرال (لوریس مه ليقوف) حدودی کچمشلر ، قارصی محاصره ایتمشلردی ؛ مختار پاشایه مغلوب اولدقلرندن پریشان بر صورتده رجعته مجبور اولدیلر ؛ قفقاسیه جهتده اهالی مسلمه روسلر علیهنه عصیانه باشلامشلردی . ایلول ابتداسنده روس اردولرینک موقعی هر طرفده غایت فنا ایدی .

قلاع اربعه ده کی عثمانلی اردوسی ، دیکرلری کبی سرعت و متانتله حرکت ایتمش اولسه ایدی ، احتمال که (اسلاو اتحادی) فکرینه مدهش برضربه ایندیوردی . بواردو ، (شارل ده ترووا Charles D'Étroit) نامنده بر فرانسز ایکن کونکلو صفتیه اردوی عثمانی یه کیرن و دین اسلامی قبول ایدن محمد علی پاشا اسمنده برکنج قوماندانک تحت اداره سنده ایدی . رفقاسی ایله محمد علی پاشا آره سنده حسد و ضدیت افکار واردی ؛ بو حال حرکات عسکر یه نک حسن صورتله اداره سنه مانع اولیوردی . محمد علی پاشا ، ایلول ابتداسنده (لوم) وادیسنده بعض موفقیتلر اله ایتدکن صکره غربه طوغری ایلریلک ، (پلونه) ده کی هزیمتلرندن طولایی قوه معنویه لینه خلل کلن روسلری ازدکدن صکره عثمان پاشا ایله برلشمک ، بعده روسلری طونه یه آتمق ایستیوردی ، فقط اوصرده رقیلرینک انترقیه لریله باش قوماندانلقدن عزل ایدلدی . رینه سلیمان پاشا تعیین اولندی .

روسلر ، بتون قوای احتیاطیه لری ، حتی عساکر خاصه آیلرینی دارالخربه کتیرمکه وقت بولایلر . پلونه یی هجوم ایله ضبط ایتک فکرندن فراغت ایتدیلر ؛ طابیه لری محاصره ایدرک ۱۲۰,۰۰۰ کشی طولایلایلر . (سیواستوپول) ی مدافعه (طوتله بن) پلونه یی تحت محاصره یه آلدی . (غراندوق نيقولا) ایله رومانیا لیلر (وید) ک صاغ

یکیدن باشلادی . نيسانك يکرمی دردنجی کونی ، (روسیه) ایله (رومانيا) آره سنده بر
مقاوله نامه عسکری عقد ایدلکدن صکره ، روس عسکری « دول معظمه نك حسن معامله
ایله استحصاله موفق اوله مدقلری شیلری جبراً استحصال ایتک اوزره » حدود عثمانی بی
چکمک ایچون امر آلدی .

روس اردوسی (چار) ك برادری (غراندوق نیقولا) نك قومانداسی آلتنده
ایدی . روسلر ، (رومانيا) ایله عقد ایتدکری مقاوله نامه سایه سنده ، طونه نهرینک
صول ساحلی الده ایتشلردی . آنسزین ، هان بلا حرب نهردن کچدیله . (دوبریجه)
قطعه سنده اجرا ایدیلن حرکات عسکریه به آلدانان حکومت عثمانیه ، قوای عسکریه سنی
بوجهته تحشید ایتشدی . بونک ایچون (روسیه) و (رومانيا) اردولری (زشتوی)
قربنده نهردن کچهرک ۲۷ حزیرانده شهره کیردیله . محاربه نك پک آز دوام ایده جکنه
قانع اولان (چار) ، زشتوی به کله رك اوراده او قونان تشکر دعا سنده جاضر بولندی .
روسلرک بو ایدیلری پک نایموسمدی .

عسا کر عثمانیه (روسجق - سلستره - وارنه - شمنی) قلاع اربعه سنده تحشید
ایتشدی . روس ارکان حربیه سی بو قلعهلرک ضبطی ایچون وقت کچیرمک ایسته مدی ،
جنرال (غورقو Gourko) نك قومانداسده کی سواری بی بالقانلره سوق ایتدی . (غورقو) ،
۷ تموزده ، (طرنوی) بی ضبط ایتدی ، بالقانلری کچدی ، (طونجه) اوزرنده
کاشن (قزانلق) ه کیردی ، کشف قوللری (مریچ) وادیسنه ، (ادرنه) به طوغری
کوندردی . (ادرنه بی) وبلدکده در سعادت بی همان ضبط ایدرک محاربه بی بر آیده بتیره جکی
ظن ایدیلوردی .

فقط سلیمان پاشانک قومانداسی آلتنده اوله رق کمال سرعتله قره طاغدن جلب ایدیلن عثمانلی
اردوسی (ادرنه) نك ایلری سنده روسلرک یولنی قباتدی . روس سوارسی (طونجه) اوزرینه رجعت
ایتدی ، ضایعات عظیمه به اوغرا دی ، (قزانلق) ی تخلیه ایددی ، بالقانلرک اوتنه طرفنه چکلمه که
مجبور اولدی ، یالکز (شیق) کچینده کی مستحکم طایبه لری مدافعه ایده بیلدی .
دولت عثمانیه نك باشلیجه قوتی قلاع اربعه ده بولمقده ایدی . بالخاصه غرب طرفلرنده
روسلر هیچ امید ایتدکلزی درجه ده شدتلی بر مقاومته تصادف ایتدیله . جنرال (شیلدر
Schilder) ، (وید) ایرماغی کنارنده کی پلونه بی اشغاله مأمور اولمشدی . عثمان پاشا ،
۴۰،۰۰۰ عسکرله ویدندن بورایه کلدی . ۲۰ تموزده روسلری مغلوب ایده رك (نیکبولی)
اوزرینه آتدی . قوه عظیمه ایله پلونه به کلن جنرال (کرودنر Krudener) دخی ۳۰
تموزده مغلوب اولدی ، ۸،۰۰۰ کشی غائب ایتدی ، طونه به قدر چکیلدی . بو مغلوبیتلر

پاشا، ۲۶ کانون اول تاریخی تحریرات عمومیہ سنہ ، بومادہ دن بحث ایدرکن دیوردی کہ: « قوانین جدیدہ برماہیت دینیہ حیاتیہ اولمدقندن بشقہ احتیاجات مملکتہ موافق اصلاحاتک وضع و تطبیقہ مانع هیچ بر سبب دینی یوقدر . کویا شرع شریفک ترقی ایله قابل تألیف اولمدینی حقندہ مع التأسف شایع اولان فکر بوصورتله بر طرف ایدلش اولیور . شوجہتی اونوتاملیدرکہ قانون اساسینک تنظیمی مذاکرہ سنہ شیخ الاسلام افندی ایله سائر علمای کرام اشتراک ایتشلردر ؛ احکام مقدسہ شرعیہنک محافظہ سنہ مأمور اولان بودواتک شرع شریفہ مغایرتک بر مادہنک بیله قبولنہ موافقت ایتلمی امکان خارجدہ در . »

روسیہ استیلرسی مقامسہ [۱۸۷۷ — ۷۸] . — درسعات قونفرانسی بوسنہ و ہرسک ایله بلغارستانک بالقانلرک شمال طرفندہ کی قسمی ایچون مختاریت ، سائر ولایاتدہ دخی خرسیتیانلر ایچون تأمینات جدیدہ ایستہ مکہ و اصلاحاتک بین الملل بر انجمنک تحت نظارتندہ اجراسنہ قرار ویرمشدی . بوقراری مین اولتیا توم باب عالیہ تبلیغ ایدلیدی زمان اصلاحات طلبلرینک قانون اساسی احکامہ مغایر اولدینی جوابی ویرلدی [کانون نانی ۱۸۷۷] . مرخصلر درسعاتدن مفارقت ایتدیلر . محاربه یہ مانع اولمق ایچون صوک بر تشبث اجرا ایدلدی ؛ دول معظمہ ، ۳۱ مارت ۱۸۷۷ تاریخندہ ، باب عالیہ مشترک بر نوطہ ویرہرک درسعات قونفرانسی مقررانتک قبولنی بر دہا تکلیف ایلدیلر . پادشاہ ، قانون اساسی یہ توفیقاً ، مجلس مبعوثانی عقد اجتماعہ دعوت ایتدی ، مجلس مبعوثان (آروپا) نک مطالعاتی رد ایلدی .

قانون اساسی یی پادشاہہ قبول ایتدیرن « کنج ترکیا » رؤسانک دورہ حکومتی پک آز دوام ایتمش ، صدراعظم مدحت پاشا ، شباط ۱۸۷۷ تاریخندہ ، بردن برہ عزل ایدلشدی . مجلس مبعوثان ، (آروپا) نک تکلیفلرینی رد ایتدکدن صکرہ آرتق دول معظمہ موقع تطبیقہ وضعنہ تشبث ایدیلن اصلاحاتہ اینا تمذیلر ؛ (انکلترہ) دخی داخل اولمق وزرہ بتون دولتلر (روسیہ) طرفندن تکلیف اولنان صورت تسویہ یی ، یعنی خرسیتیان ملتک مختاریتی و آروپا مأمورلرینک اصلاحاتہ نظارت ایللمی اصولنی قبول ایتشلر ایدی . درسعات قونفرانسی « دولتلرک ، وعد اولنان اصلاحاتک نہ صورتله موقع اجرایہ وضع ایدیلہ جکنہ سفیرلری وقونسولوسلری واسطہ سیلہ نظارت ایتک ایستدکارینی » وشاید « امیدلری ینہ بوشہ چیقارسنہ یا بیله جغنی مشترکاً قرارلشدرہ جقلرینی » بیان ایتشدی [۲۱ مارت ۱۸۷۷] . شو حالده (آروپا) ، دولت عثمانیہ یی یالکز بر اقیور دیمکدی .

(روسیہ) ، ۱۸۵۴ سنہ سنہ (آروپا) طرفندن منع ایدیلن تشبثات استیلاجویانہ سنہ

صفوت پاشا، بعض جراند یومیه نك اعتراضات شدیدہ سندن دخی آ کلاشیله جنی اوزره [*]، قانون اساسینک دوام وبقاسی حقندہ کی شہہ لری ازالہ مقصدیله دیوردی کہ : « قانون اساسینک تطبیق خصوصندہ حقیقہ شہہ ایدنلرہ کمال جسارت ایله جواب ویرہ بیلیرسکیز کہ تعهد ایدیلن شیلر همان موقع تطبیقہ قونہ جقدر ؛ ذات شوکتہ مات حضرت پادشاهینک بوبادہ کی آرزوی شاهانہ لرندن ، صدر اعظم پاشا حضرتلرینک عزم قطعیلرندن بشقہ بتون ملت عینی حس ایله متحسدر ، بوایسہ قانون اساسینک تطبیق احکامی خصوصندہ اک کوزل ، اک صاغلام تأمیناتدر . کذلک ، اولجہ تسطیر اولنان خط هایونلرده مندرج مواعید ایله قانون اساسی احکامنی عینی ماهیتده کوسترمک ایستیلر بولنور ایسہ بوایکی ماده آرہ سندنہ موجود اولان وھیچ بر صورتہ مقایسہ یه محل بر اقیان فرق عظیمی ارانہ وایضاح ایتملیسکر . قانون اساسی ، بروعددن عبارت دکلدر ؛ بالعکس بتون عثمانیلرک مالی اولان و تطبیق احکامی ، آنجق ملت ایله پادشاهک آمالی اتحاد ایتمک صورتیله تأخر ایدہ بیلن ، بر قانون حقیق و قطعیدر . »

صفوت پاشانک ایضاحاتہ نظر آ قانون اساسی ملت و پادشاهک تعهدات متقابلہ سی ایله عقد ایدلمش ، تمتع الفسخ بر مقاولہ نامہ ، شورای امتک موافقتی اولمدجہ پادشاهک الفا ، تعطیل و یابدیل ایدہ میه جکی بر قانون عالی ایدی . (اوروپا) بوقانونہ نظر امنیتلہ باقمہ دی ، بالعکس صفوت پاشانک تأمیناتی ، استعجالی داعی شہہ اولدی .

قانون اساسی عثمانی (اوروپا) طرزندہ بر قانون اساسیدر . وکلانک مجلس مبعوثان حضورندہ مسؤل لتری اساسی قبول ایدلمش ، بری طرف حکومتدن منصوب اعیان ، دیکری اهالی طرفندن منتخب مبعوثان هیئت اولق اوزره ایکی هیئندن مرکب بر مجلس عمومی تشکیل اولنمشدی . حریت مطبوعات و اجتماع ، استقلال محاکم ، اداره و لایاتجہ توسیع مأذونیت ، مجبوریت تحصیل ابتدائی اصوللری وضع ایدلمشدی . « دولت عثمانیہ نك دینی دین اسلامدر . بواساسی وقایہ ایله برابر آسایش خلقی و آداب عمومیہ یی اخلال ایتمہ مک شرطیله ممالک عثمانیہ دہ معروف اولان بالجمله ادیانک سربستی اجراسی و جماعات مختلفہ یه ویرلمش اولان امتیازات مذہبیہ نك کماکان جریانی دولتک تحت حمایتدہ در . » مادہ سیله حکومتک دینی دین اسلام اولدینی تصریح اولنمشدی . صفوت

[۱] « اتحاد » غزته سی ، ۱ تشرین ثانی ۱۸۷۶ تاریخلی نسخہ سندنہ شو سوزلری یازمشدی : « باب عالینک بوکونہ قدر تعقیب ابتدیکی سیاست یالانجیلق سیاستدر ، پک چوق وعدلرده بولندی ، فقط هیچ برینی اجرا ایتمدی . مع مافیہ یالانجی نہایت یاندی الہ و پردی ، آرتق هیچ کیسہ کاغد اوزرندہ کی تعهداتہ اینامیور ، ایش ایستہ یور . »

مرخصلرندن مرکب اوله رق پایتخت عثمانیه تشکیل ایتک اوزره بولسان بر انجمنه حواله ایلدکلی «اصلاحات خصوصیه» یه میدان ویرمهک، تدابیر متصوره بی زاند و بی لزوم برحاله کتیرمک مقصدینه مبتنی ایدی .

۱ کانون اول ۱۸۷۶ تاریخنده قانون اساسی حاضر ایدی . بوقانونک کافه اقسامی مؤلفنک افکار و آمانه موافق دکلدی . مدحت پاشانک تنظیم ایتدیکی ایلک لایحه، سرور پاشانک اداره سی آلتنده وجوده کتیریلن قانوندن ده واسع، ده قطعلی ایدی . اوزمان شورای دولت رئیس اولان مدحت پاشا، صوک دقیقه یه قدر، رفقاسنک مطالعات محافظه کارانه لرینه قارشلی اوغراشمغه مجبور اولدی . از جمله قانون اساسی لایحه قطعیه سی صوک دفعه اوله رق مدحت پاشانک قوناغنده قرائت ایدیلرکن خرستیانلرک محاکم شرعیه ده شهادتلی و بونلرک اردو یه قبوللری حقنده کی احکام احرارانه ، صدر اعظم پاشانک اخطار و اصراری اوزرینه، طی ایدلدی .

قانون اساسی عثمانی، ۲۳ کانون اول ۱۸۷۶ تاریخنده، یعنی صفوت پاشا طرفندن نتیجه مذاکراته انتظار اولنمهدن ارسال ایدیلن تخریرات عمومیه نك منعه موفق اوله مدینی اوروپا قومسیوننک اجتماع ایتدیکی کون، اعلان اولندی . خارجیه ناظرلی بووقعه مهمه بی، باب عالینک دول اجنیه نزدنده کی سفرا سنه شوصورتله اخبار ایتدی :

« جمعه ایرتسی کونکی مراسم ، عمومک جوش و خروش مسرتی آره سننده، کال طنطنه ایله ، فقط برصورت سکون و اعتدال پرورانه ده اجرا ایدلدی . کیفیت اعلانی سلاملامق ایچون آیلان طوبلرک سسلری دولت عثمانیه نك تقویم وقایعنده اونودلماز بر تاریخ براقان بووقعه عظیمه بی بتون پایتخت اهالیسنه اخبار ایتدی . اهالی بتون کون و کیجه، اجرای مراسم شادمانی ایدرک پادشاهلری حقنده کی حس منت وشکرانلرینی واحیای ملک و دولت ایچون وقوع بولان تشبثات مجددانه نك ثمره آور موفقیت اوله جنی امرنده کی امنیت و اعتمادلرینی اظهار ایتدیلر . اهالی مسالمه و غیر مسلمه آره سننده ، امید و حسیاتجه ائتلاف تام موجود اولدیغنی بیان و تأمین ایده بیلیرسکز .

« خط هایونک قرائتی متعاقب دولتلو فیخامتلو صدر اعظم پاشا حضرتلری [*] برنطق بلیغ ایراد ایدرک بتون ملت عثمانیه نك حسیات سرور و افتخارینه ترجمان اولمش و دولت عثمانیه ده حریت ، عدالت و مساوات دوره سنی ، یعنی مدینتک غلبه سنی تأمین ایدن قوانین جدیدیه بی غایت و طنپرورانه برلسان ایله ایضاح ایتمشدر . »

[*] مدحت پاشا اوچ کون اول صدر اعظم اولمشدی .

باشلادی . اعضادن اکثری افکار احرارانه صاحی ایدی و «کنج ترکیا» نك
تماللری عدایدیلن مدحت پاشالر ، فاضل پاشالر ایله همفکر بولنیوردی .

پادشاهك حقوق وصلاحیتی تحدید ایتك مسئلهسی هیچ براعتراضی داعی اولدی
و «اصلاحات مقتضیه» پروغرامنك باش طرفنه قید ایدلدی . فقط او زمانه قدر
پادشاهه عائد اولان حقوقك برقسمنه صاحب اولسی اقتضا ایدن مجلس مبعوثانك صورت
تشكلنه كلنجه ، افكار و آرا تخلف ایتدی . هیئت علما — بوندن یكرمی سنه اول
اصلاحات فرمائی بلا تفریق مذهب بتون تبعهك مساوات حقوق مدنیه وسیاسیه سنی
اعلان ایتمه مش كبی — خرسیتیانلرك مجلسه قبولی علیهنه رأی ووردی . مع مافیة اکثریتی
التزام ایدن شیخ الاسلام افندیك رأی مصیبی غلبه ایدرك معارضلر اسكات اولندی .

انجمنك مذاكراتی — برتیجه قطعیه یه اقراران ایده جکی آكلاشیله جق درجده —
ایلریلدیكى زمان باب عالی ، درسعاده بین الملل بر قومیسسیون كوندرلمسنه مشتركاً
قرار ویرن ، اوروپا حكومتلرنی کیفیتدن خبردار ایتكی مناسب كوردی .
خارجیه ناظری صفوت پاشا ۱۲ تشرین اول ۱۸۷۶ تاریخله سفرایه كوندردیكى برتحریرات
عمومیده شو صورتله اداره لسان ایتدی :

« بوندن اون سنه اول ولایاتده موقع تطبیقه وضع ایدیلن تشکیلات ، بتون وطنداشلك
امور حكومه اشتراك ایللری اساسی ایلك دفعه اوله رق وضع ایتشد . مع مافیة بوتجدد ،
امید وانتظار ایدیلن محسناك كافه سنی حصونه كتیره مدی ؛ تاآمام بر صـ ورتده تطبیق
ایدلیكندن ، اصول اداره سابقهك مقتضیاتندن اولان احوالك الجاسیله ، ناقابل اقتحام
مشكلاته تصادف ایدلدی . دیگر حكومت طرفدن مأموریتلرنده کی قرار سزلق ، بتون ولایاتده
مشاهده اولنان فناقلرك اداره مركزیهك احوال مخصوصه سندن ایلری كلدیكنی اثبات
ایدلی . اداره مركزیه ایله ولایات نظاماتی تألیف ایچـون مراکز وملحقات ولایاتده
موجود اولان مجالسه مشابه یكی بر مجلس احدائنه لزوم اولدیغی تحقق ایتدی . ایشته
بومقصد ایله دركه ، ولایتلر وپایتخت اهاالیسی طرفدن منتخب اعضادن مركب بر مجلس
عمومینك هر سنه درسعاده عقد اجتماعه دعوت ایدیلهرك دولتك قانونلرنی ، ویركولرنی
و بودجه سنی تدقیق ومذاكره ایلمسی قرار كیر اولدی . اعضاسی حكومت طرفدن تعیین
ایدیلن دیگر بر مجلس ده مجلس اعیان وظیفه سنی ایفا ایده جكد . »

باب عالی ، اوروپا لیلردن اول طاورانق ایستیوردی . بواصلاحات مهمه می ، مذاكراتك
نتیجه قطعیه اقرارنه انتظار ایتدن ، دول معظمه یه بیلدیرمسی بو دولتلرك صرب
وبلغارلره مسكون ولایاتده تطبیقی تصوراتدك لری وتفرعاتنك قرارلشدیرلمسنى (اوروپا)

بعده بلغار عاصیلرینی تأدیب ایتمک غائلهسی ظهور ایتمدی. عسا کر منتظمه (هرسک) ده مشغول اولدیغندن حکومت بلغارلرک تأدینده باشی بوزوقلرک دخی استخدا منده مضطر قالدی؛ بونلر کوبلری یاقیورلر، ارککلری قتل، قادینلره سوء معامله ایدیورلردی[*]. اوروپا افکار عمومیه سی هیجانده دوشدی؛ سلانیکده قونسلوسلرک قتلی، (غلا دستون) ک «بلغارستان وحشتلری» نامنی ویردیکی بلغارستان وقایعی اوروپالیلری ترکرر علیهنه چویردی؛ حکومتلر آرتق دولت عثمانیه لهنده مداخله یه جسارت ایده مدیلر.

(روسیه) نك معاوتنه مظهر اولان (صربستان)، تموز ۱۸۷۶ تاریخده، «اسلاو اتحادینی» تأمین ایچون رسماً اعلان حرب ایتمدی. حکومت، دیون عمومیه فائضنی نصف نصفه ایندیردیکی حالده، بونی بیله تأدیه ایده میوردی. (اوروپا) دولتلری سلطنت عثمانیه یه کندی کندینی اداره دن عاجز برصغیر نظریله باقیورلردی؛ تحت وصایته آلمغه قرار ویردیلر. اولاً، میدان حربده مغلوب اولان ضربیلر ایله متار که عقدینه اجبار ایتمدیلر؛ بعده، درساعات قونفرانسنده مذاکراته ابتدار ایلدیلر؛ نهایت، ترتیب ایتمکلری اصلاحات لایحه سی باب عالی یه ویردیلر[**].

«کنج ترکیا»، اوروپانک وصایته مانع اولمق ایچون سلطنت مستبدیه یی بر حکومت مشروطیه یه تحویل ایتمکی تحیل ایتمشلردی. ملت عثمانیه، پادشاهک حکومت مستبده سنه نهایت ویره رک، مقدرات ملتی اله آله جق، هم مملکتی اصلاح ایده جک، همده حکومت اجنبیه نك مداخله سی فائده سز برحاله کتیره جکدی. (اوروپا) مؤلفلرینه نظراً بو «پلان» مرتبلری مشروطیت اداره یی سلطنت عثمانیه نك اضمحلالنی منع ایده جک حقیقی برچاره مقامنده می کوریورلر، یاخود مداخله اجنبیه دن قورتولمق ایچون (اوروپا) یه قارشى بر «قومدی» می اوینایورلردی، بوراسنی آکلامق مشکلدیر.

قانون اساسی عثمانی. — سرور پاشانک تحت ریاستنده اوچی خرسیتیان اولمق اوزره اون آلتی ملکیه مأمورندن، اون علما وایکی فریقندن مرکب بر انجمن مخصوص، قانون اساسی عثمانینک مواد اساسیه سی قرارلشدیرمق ایچون، باب عالیده اجتماعه

[*] آمریکا قونسلوسنک افاده سنه نظر آ ۱۰۰ کوی تحریب، ۲۵،۰۰۰ الی ۴۰،۰۰۰ کشی قتل ایتمش، ۱۱،۰۰۰ قادین آلتوب کورتورولشدر؛ انکلز قونسلوسنی بورقلری ۶۸ کویه و ۱۲،۰۰۰ الی ۱۵،۰۰۰ کشی یه ایندیرمشدر.

[**] مایس ۱۸۷۶ تاریخنده ویریلن «برلین مه موراندومنه» انکلتره نك موافقتی منضم اولامشدی

واقع اولان تشبثات سیاسیه ضمیمهٔ تدابیر مؤثره اتحادی خصوصنده متحد قاله جقلری ، بیان اولنیوردی . دولت عثمانیه ، یکی بر مقاسمه تهلکهنه معروض اولمشدی ؛ بوحال شبهه سزکه خرسیتیان تبعه سنک ، مطالبات سائرده بولنقی اوزره جسارتلرینی تزیید ایدیوردی .

ایشته اوصرده دولت علیه یکی بر بحران داخلیه دوچار اولدی . بر قاچ سنه دن بری سلطان عبدالعزیز علیهنده بر خشنودسزلق حس ایدیلیور ، پادشاهک اسرافاتی نظر ممنونیتله کورلیور ، حتی کندیبی جنت ایله اتهام اولنیوردی . مسلمانلر ، بالخاصه انسال جدیده آرسنده تشکل ایدن برفرقه ، « کنج ترکیا » ، قانون اساسی ایستیوردی . ۱۸۶۸ سنه سننده خیرالدین پاشا ، قانون عثمانی موجبجه ، علما و وکلانک ذات شاهانه دن مطالباتده بولنقی وشاید پادشاه قانون خارجنده کی معاملاتنه وهوسنه تابع اولمقده دوام ایدرسه خلع ایتمک حقنه مالک اولدقلرینی اخطار ایدیوردی . مسلمان وطنپرورلرک حکومت اجنبیه ویردقلری بر بیاننامه ده [مارت ۱۸۷۶] دینلیوردی که : « اکر دولت علیه بر حکمدار مستبده تابع اوله جغنی یرده کافه ملل ومذاهب مختلفه وکیللرندن مرکب بر مجلس استشاریه به استناداً اجرای حکومت ایدن بر حکمدار عاقله مالک اولسه هر درلو مهلهکدن قورتلش اولور . ایشته اک موافق وحقیق صورت حل بودر ، قرآن کریم احکامنده مغایر دکلدر . »

(کنج ترکیا) فرقه سنی بلغارستان عصیانک حصوله کتیردیکی هیجان افکاردن استفاده ایتدی . طلبهٔ علوم سمرای پیشکاهنه کیدرک نمایشلر یابدیلر . پادشاه ، نه ایستدکلرینی صور دیردی ؛ « هیچ برشی ایسته میورز ؛ فقط حکومت حاضره نک فنا اولدیغنی کوریورز » جوانی ویردیلر . پادشاه ، تلاش ایدرک صدراعظم محمود ندیم پاشایی عزل ایتدی [۱۸ مایس] ، « ژون ترکیا » رؤسائی مقام اقتداره کتیردی [۱۹ مایس] . وکلا ، شیخ الاسلام ایله بالاتفاق سلطان عزیزک ادارهٔ حکومتده کی عجزندن طولایی خلع ایتدی [۳۰ مارت ۱۸۷۶] . براز صکره عبدالعزیز اتحار ایتدی . مقام سلطنته کچن سلطان مراد خامس بر قاچ کون صکره عقلنه خفت کتیردی . نهایت خلع اولنه رق عبدالحمید تخته چیقدی [۳۱ آغستوس ۱۸۷۶] . بومدت ظرفنده امور حکومتک اداره سی مدحت پاشانک النده ایدی .

حکومت ، (هرسک) خرسیتیانلری ایچون (اوروپا) قونسولسیرینک تحت نظارتنده اوله رق بر اصلاحات انجمنی تشکیلی طلب ایدن دولتله جواب ویرمه که مجبور ایدی .

بیطرفی محافظه ایدلدی. بو، فرانسه - آلمانیا محاربه سنده (روسیه) نك (پروسیه) یه کورلدیکی خیر خواهانه بیطرفلک مکافاتی ایدی .

بعده (اسلاوا اتحادی) طرفدارانی بالقانلرده نشر افکاره وسعت ویردیلمر. (موسقووه) ده بر جمعیت مرکزیه ، (بکرش) ده بونک بر شعبه سی تشکیل ایدلدی . (صربستان) و (بلغارستان) مکتبلرینه کتابلر کوندردلی ؛ روس دارالفونلرینه دلیقانلیلر جلب اولندی ؛ تصدق بهانه سیله ویریلن مبالغ کلیه هپ (اسلاوا اتحادی) فکری ایچون صرف ایدلدی . وقتیه (آریا) جمعیتده کورلدیکی کبی برچوق مأمورلر اسلاوا اتحادینه صادق بیکلرجه معاونلر تدارک ایتدیلمر. ممالک عثمانیه (روس) نفوذی آلتیه کیردی. (چار) ک درسعادت سفیری واسلاوا اتحادینک اک فعال طرفداری اولان جنرال (ایغنائیف) باب عالی اوزرنده بیوک بر نفوذ و تأثیر اجرا ایدیور و عادتاً حکومتی تحت وصایتده بولندیوریوردی .

(لوندزه) معاهده نامه سی (روسیه) نك قره دکز سواحلنده کی تجهیزات و تسلیحاتی مسلمانلرک انظار انتباهی آچمش اولدیغندن نصل برتهلکه ایچنده بولدیقلرینی اکلا یورلردی. بعض یرلرده اهل اسلام اندیشه یه دوشدی، تعصب غلیانه کلدی. ولایت وایلیری اسلاوا اتحادی طرفدارلرینی شدتله تأدیب ایتدیلمر .

۱۸۷۵ سنه سی یازموسمنده (هرسک) خرستیانلری ویرکو ویرمکدن ، آغاریه دن امتناع ، مأمورین عثمانیه یی طرد ، اوزرلرینه کوندریلمن ایلك قوای عسکریه یی مغلوب ایتدیلمر. صربلیلمر. قره طاغیلیر بونلرک امدادینه شتابان اولدیلمر. بعده عصیان (بوسنه) یه سرایت ایلدی . ۱۸۷۶ سنه سی مایسنده (بلغارستان) عصیان ایتدی . ایشته اوصره ده دوچار غلیان اولان گروه متعصبین سلاونیکده فرانسز و آلمان قونسلوسلرینی اولدیردیلمر. بلغارلر بر حکومت ملیه تشکیل ایتدیلمر. (صربستان) پرنسی (میلان) مداخله یه حاضرلندی، وقتیه (پیه مونته) قرالی ایتالیان ملیترورلرینک باشنه کچرک اتحادی وجوده کتیردیکی کبی «اسلاوا اتحادی» حرکتک باشنه کچرک کبی کورندی. روس جنرالی (ایغنائیف)، پرنسک خدمته داخل و اول امرده حدود اوزرنده کی قلاعک تفتیشنه مأمور اولدی . اوچ ایمپراطور دیپلوماسی طریقیله مداخله ایچون عقد ائتلاف ایتدیلمر . (برلین مه موراندوم) ی ایله باب عالی دن (بوسنه) و (هرسک) خرستیانلری ایچون اصلاحات طلب ایدلدی : ا کر ایکی آی طرفنده آسایش اعاده و اصلاحات تأمین ایدلمز ایسه « اوچ حکومتک مسالمت عمومی محافظه و وخامت احوالی توقیف ایله ده ا زیاده توسعی منع ایتمک ایچون اولجه

مرتبه‌ده بولندیرلسی، ویرکولرک التزامی اصولنک صورت قطعیه‌ده الغاایدلسی لازمدر. اصلاحاتک موقع اجرایه وضعی پاشالرک کیفه ترک ایدلمعلی و خرسیتیان و مسلمانلردن مرکب مختلط بر انجمنک نظارت و تفتیشی آتنده بولندیرلسی اساسی قبول اولمیلدر. « دولت عثمانیه‌نک حامیلری بودفعه وعدلر ایله اکتفا ایتیمورلر، تأمیات وقوتترول ایستورلردی. حکومت عثمانیه جواب رد ویردی.

(هرسک) عصیان حقیقی بر محاربه حالی آلدی. بعده بلغار کوبیلیری، برجعیتمک تشویقیه، کوچوک بر عصیان ترتینه تثبیت ایتدیلر [مایس ۱۸۷۶]. عینی زمانده سلاویکده اهل اسلامک عوام قسمی (فرانسه) و (آلمانی) قونسولسارینی اولدیردیلر. بومسئله‌ده (آوروپا) دولترینک فکر و مسلکترینی ایضاح ایچون تفصیلات آتییه لزوم وارددر: روس و ونپرورلری، (مقدس روسیه) نک متعصب اورتودوکسارنی (لهستان) ک محو ایدلمسنی آلفیشلامشدر، لهیلر علیهنده کی محاربه‌لره اهل صلیب محاربه‌سی نظریله باقشوردی. فرقه ملیه، مسلمانلر علیهنده اهل صلیب محاربه‌سی ایستور، زیرحاکمیت عثمانیه‌ده بولنان اسلاو قرداشارینی قورتارمغه چالیشوردی. (آوروپا) ده (ایتالیان) و (آلمان) اتحادلریله نتیجه‌پذیر اولان حرکات عمومیه ملیه شرقی آوروپاده اسلاواتحادی، «پانسلاویزم» شکلنده تظاهر ایتدی؛ بو فکرک اک بیوک مروجلری (آقواقوف) Aksakof) ایله (قاتفوف) ایدی؛ (روسیه) حکومتی‌ده، (پروسیه) نک آلمان اتحادینی وجوده کتیردیکی کبی، شرقده جزایر بحر سفیده قدر متمد بیوک بر (اسلاو) ایمپراطورلنی تأسیسی هوسنه دوشدی. باش وکیل (غورچاقوف)، (بسمارق) ک موفقیتندن ده پارلاق بر موفقیت تحیل ایدیوردی؛ ایشته (پروسیه) ایله هم آهنگ اولسنک اسباب خفیه‌سی بودر.

(روسیه)، فرانسه - آلمانی محاربه‌سندن بالاستفاده، قره دکزی روسلره قپایان (پارس) معاهده‌نامه‌سنی بوزمق ایستدی. ۲۹ شمرین اول ۱۸۷۰ تاریخیه (آوروپا) دولترینه کوندردیکی بر نوطه‌ده بوفکرینی شو صورتله بیلدیردی: «حشمتلو ایمپراطور حضرتلری بومعاهده‌نامه‌یه، قره دکزده کی حقوق حکمرانیسنی تحدید ایتدیکی مدتجه، رعایت ایده‌میه جکدر. «دول معظمه‌نک (لوندره) سفراسی بونوطه‌نی تدقیق ایچون اجتماع ایتدیلر؛ نتیجه مذاکراتده ۱۳ مارت ۱۸۷۱ تاریخلی (لوندره معاهده‌نامه‌سی) عقد ایدلدی؛ (پارس) معاهده‌نامه‌سنک (طونه) ده سیر سفائنه و باب عالینک بوغازلری سفائن حربیه اجنیه‌یه سد ایتک حقه‌ه متعلق احکامی تأیید اولندی، فقط بحر سیاهک

فقط غیر قابل اجرا بر نصیحت ویریوردی؛ (روسہ) عملی، فقط تہلکہ لی بر صورت تسویہ کوستریوردی، چونکہ یکدیگرہ خصم اولان ملترہ مختساریت ادارہ ویرلمی حکومت عثمانیہ نك مقاسمہ سندن بشقہ برشی دکلدی .

حکومت عثمانیہ، اولاً، (فرانسہ) نك نصیحتنی تعقیب ایتدی؛ اتحاد عناصرہ چالیشدی، کنجلی (اوروپا) اصولندہ تربیہ ایتمک صورتیلہ مأمورین ادارہ نك اصلاح احوالی چارہ لرنی آرادای؛ بومقصد ایلہ بک اوغلندہ مکتب سلطانی آچیلدی . فقط ایکی اصلاحاتپوروزیردن بری، فوآد پاشا، ۱۸۶۹ دە، دیکری، عالی پاشا، ۱۸۷۱ دە وفات ایتدی . (فرانسہ) نك (روسہ) یه مغلوبیتی پادشاہ اوزرنده کی فرانسز نفوذینک زائل اولسنہ سبب اولدی و دولت علیہ یی (روسہ یه) قارشى حمایه ایدن (اوروپا) آهنگ دولیسنک بوزولسنی انتاج ایتدی .

بمراهه مالی رکنج ترکیا [۱۸۷۱ — ۷۶] . — ۱۸۷۱ دن صکرہ، انتظامسزلق، قاریشیقلق تزیاد ایتدی . بودجه آچینی اوقدر آرتدی [۱۸۷۵ دە ۱۱۲ ملیون ایدی] و نقد اودرجه کسب ندرت ایلدی کہ حکومت قسماً اعلان افلاسه مجبور اولدی؛ بعدما دیون عمومیہ فائضلرینک آنجق نصفنی تأدیہ ایده بیله جکنی اعلان ایتدی . ویرکولر آغیرلاشدی، خرسیتیانلرک خشنودسزلقنی زیادہ اشدی . نہایت قرہ طاغلی قومشولری واحتمال کہ (صربستان) و (روسہ) مأمورلری طرفندن تشویق ایدیلن (هرسک) ده کی صرب خرسیتیانلر اعطای تکالیفدن امتناع ایله عصیان ایتدیلر [۱۸۷۵] . اوصردہ امور داخلہ لریلہ بک زیادہ مشغول اولان (اوروپا) حکومتلری دولت عثمانیہ نك ایشلرینہ مداخلہ یه وقت بولہ مدیلر .

حکومت عثمانیہ، عاصیلری، غیرى ممنونلری تسکین ایچون یکی بر اصلاحات فرمانی تسطیر ایتدی [۱۸۷۵]؛ بوفرمانده دخی بتون تبعہ نك مأموریتلرہ قبول اولنہ جفی، ویرکولرک التزامی اصولنک الغا، عدلیہ نك تنسیق ایدیلہ جکی، اصلاحاتک اجراسنہ نظارت ایچون بر مجلس تشکیل ایدیلہ جکی بیان اولنیوردی . فقط (اوروپا) حکومتلری اصلاحات وعدلرینہ آرتق اینامیورلردی . مشترک بر نوطہ [اوستریا رئیس وکلاسی آندراشینک تلغرافنامہ سی، ۳۰ کانون اول ۱۸۷۵] ایلہ شو جو ابی ویردیلر: « دولتر اوروپا و ترکیانک منافی ایلہ اہالی عاصیہ نك منافی آرسنندہ مناسبت و اتحاد تام موجود اولدینی فکرنده درلر؛ مملکتی خرابہ زارہ چورین قانلی منازعاتہ اصلاحات واسطہ سیلہ ختام ویرلمسنی طلب ایدیورلر . دین عیسوینک قانوناً و فعلاً دین اسلام ایلہ عینی

ذاتاً بونلرده لزومی قدر حیثیت و اعتبار صاحبی اوله میورلر، خرسیتیانلک مذاهب سائره اربابی نظرنده بیله خوش کورلیورلردی. - مختلط محکمهلر پک نادر ایدی، خرسیتیان اعضالر بو محکمهلره کیدوب ایفای وظیفه یه جسار ایده میورلردی؛ بر خرسیتیانک شهادتی مسموع اولدینی ایچون بر مسلمان علیهنده احقاق حق ایلمسی ممکن اولمیوردی؛ احقاق حق ایچون یکانه چاره ایکی مسلمان شاهد تدارکی ایدی. - اردوده خرسیتیانلر مسلمانلره برلکده خدمت ایتمک ایسته میورلر، مسلمانلر خرسیتیانلره اطاعتدن امتناع ایدیورلردی، بناءً علیه اردوینه اولکی کبی صرف مسلمانلردن مرکب قالمشدی. - علنیت محاکمات تماماً تطبیق ایدیله ممشدی، محاکمه سالونی قپولری مأمورین ضابطه طرفندن سد واشغال اولمیوردی؛ حبسخانلر پک فنا ایدی، ضبطهلر علی الاکثر سوء احوال صاحبلری میانندن انتخاب ایدلمکده ایدی. - ویرکولرک الزامی اصولی لغو ایدلمک ایسته نیلدیکی حالدله یکیدن موقع تطبیقه قونمش، بودجه سوزی، دیوان محاسباتک قوتورولی خیالندن عبارت قالمشدی؛ مرتکب و مرتشیلر تعقیب اولمیوردی؛ مجلس والا یالکیز بردفمه اجتماع ایتمشدی. - مرعی الاجرا اولان یکانه نظامات جماعات غیر مسلمه امتیازلری و بطریقک صلاحیتلری حقنده کی اصول ایدی، برده نظامات عتیقه نک نتیجه سی اولدینی ایچون سوء استعمالات قدیمه باقی ایدی.

بناءً علیه، (اوروپا) دول معظمه سی ۱۸۵۶ خط همایونی احکامنک اجرا اولنمسنی پروتستو ایتدی. «وقوع تطبیقه قونیله حق اصلاحات مسئله سنده (فرانسه) و (روسیه) آره سنده نفوذ و رقابت منازعه سی باشلادی. (فرانسه) اتحاد عناصری، یعنی ملل مختلفه آره سنده کی بتون فرقلرک ازاله سنی، مساوات حقوق و وحدت اداره نک فرانسه ده اولدینی کبی - تطبیقه بر ملت عثمانیه تشکیلی تکلیف و توصیه ایدیوردی. - ذاتاً اولجده «عناصر عثمانیه نک غیر متجانس بر صورتده اتحادی» علیهنده بولنمش اولان (روسیه) هر بر ملت ایچون «اولته کوره تنظیم اولنمش نظامات مذهبه و ملیه یه توفیقاً تأمینات مخصوصه» طلب ایلوردی. - (روسیه) نک فکر نجه: «ترکیاده حضور قانونده مساوات ترکلر ترک اولدجه، یعنی مسلمانلر ایله خرسیتیانلر آره سنده غیر قابل مرور بر خط رسم ایدن قانونه تابع قالدجه خیالندن عبارت اوله جقدر.». روسیه، «خرسیتیانلرک حقوق و منافعی مسلمانلر ککندن آیرمنی، بونک ایچونده پادشاهک تحت اداره سنده بولنان ملل و مذاهب مختلفه نک اوروپا موازنه سنک ایجاباتی دائره سنده تکامل تدریجیلرینی تأمین ایلمکی» توصیه ایتمکده ایدی؛ بوایسه هر بر خرسیتیان ملتک بر کوچک حکومت مختاره اولسی دیمکدی. - (فرانسه) دوستانه، خیر خواهانه،

چو بردی . بعده ، ۱۸۶۱ سنه سنده ، سلطان عبدالجید وفات ایتدی ، خاقان جدید عبدالعزیز اصلاحات طرفداری اولان ایکی وزیر ، فؤاد عالی پاشالری — بعض فاضلهلر مستثنا اولق اوزره — موقع اقتدارده براقدی . [برکون برمولى درویشنه صدارتی تکلیف ایتدیکی روایت اولنور] .

اک مهم اصلاحات ، عدلیه نی اداره دن آییره رق ۱۸۵۶ فرمان هایوننده کی مواعدک اجراسنه تشبث ایدلسی اولدی . [۱۸۶۴] . تقسیمات اداره نك هر بردرجه سنده ، ولایت ، سنجاق ، قضالده برر محکمه وبرر مجلس تأسیس ایدلدی ؛ محاکم و مجالس مذکورہ اعضاسی معتبران محلیه آره سندن منتخب ، فقط بالطبع اکثریتله مسلمانلردن مرکبى ، چونکه اساسی حیوا لیسته لر مسلمانلر طرفندن ترتیب اولنیوردی .

اکثریت اهلینک روم وخرستیان اولدینی وقسماً مسلح طاغیلردن مرکب بولندینی (کرید) ده حکومتدن خشنودسزلق ، برعصیان عمومی حائی آلدی . [ذاتاً ۱۸۴۱ سنه سنده دخی بوراده برعصیان وقوعه کلشدی] . یونانستان قرالغنده کی وطنپرور یونانلیلر (کرید) یونان اتحادینه ادخال ایتدیرمهک چالیشیورلردی ؛ (آتیه) ده تشکل ایدن برجمیت ، جزیره اهایسیله مناسبات دائمده بولنمده ایدی . ۱۸۶۶ ده خرستیانلر طرفندن تشکیل ایدیلن برانجمن والیرک ، مسلمانلرک سوء استعمالنی اخبار ایتک وامنیت شخص ومالک تأمیننی ایسته مک ایچون ذات شاهانه یه برعرضحال تقدیم ایتدی . حکومت بوباده کی مطالباتی قبول ایتدیکی ایچون بتون خرستیانلر عصیان ایتدیلر [مایس ۱۸۶۶] ، کرید مجلس عمومی حاکمیت عثمانیه نك سقوطنی وکریدک « غیر قابل فک برصورتده یونانستان ایله اتحادینی » اعلان ایدلی [ایلول] . عصات ، مسلمانلرک التجا ایتدکلری شمال قلمعلری مستثنا اولق اوزره ، بتون جزیره نی اشغال ایتدیلر . (یونانستان) دن سلاح وکوکلو کوندریلیوردی ، فقط کریدلیلرک مراجعت ایتدکلری آروپا دولتلری مداخله دن امتناع ایدیلر . لااقل ۳۰،۰۰۰ کشیدن مرکب اولان ترک اردوسی حرکات تجاوزیه باشلادینی زمان [تشرین اول ۱۸۶۶] عاصیلر آز وقتده طاغیره چکلمهک مجبور اولدیلر . (اسفاکیه) عاصیلری ۱۸۶۸ سنه سنه قدر مقاومت ایتدیلر . روملرک (یانیه) و (تسالیا) جهتلرنده کی عصیان تشبثلری عقیم قالدی .

اوروپا حکومتلری طرفندن اجرا ایدیلن تحقیقات نتیجه سنده ۱۸۵۹ ده وعد ایدیلن مساواتک موقع تطیقه قومندینی آکلاشیلدی . خرستیانلرک بالجمله مأموریتلره قبولی همان خیالی بردرجه ده قالمش ، یالکز کوچک مأموریتلره بعض خرستیانلر قبول اولنمشدی .

آلمشر ، حکومتی انجامز وعده اجبار ایدیورلردی . ذات شاهانه اصلاحات ایسته مین تبعه سی ایله بواصلاحاتک موقع اجرایه وضعنده اصرار ایلین اجانب آره سنده قالمشدی . خرستیان تبعه دخی اصلاحات امنیت ایده میورلر؛ رؤسای روحانیه ، پطریقلر و پستقوسلر ، خرستیانلر اوزرنده کی نفوذلرینی غائب ایتمکدن قورقورلردی ؛ چونکه حکومت بتون تبعه سنک مساوی اولدقلرینی اعلان ایدنجه مذاهب مختلفه جماعتی امتیازاتنک لغوی ویا هیچ اولمازسه تعدیلی اقتضا ایده چکی شهه سز ایدی . خرستیانلر ایسه بوا امتیازلرینی غائب ایتمک ایسته میورلردی ؛ آنلره کوره تبعه غیر مسلمنه نک یالکز قوانین حکومته تابع اولملری ، خصوصی برحمایه دن محرومیتلری ، وسائط مدافعه دن محروم اولدقلری حالده مسلمانلره تسلیملری دیمک ایدی . اردوده خدمت ایتمک ایسته میورلر و بونک یرینه معین و یرکو تادیه سنی ترجیح ایدیورلردی ؛ بونک ایچون خراج ، بدل عسکری شکلنده اوله رق بیکدن تأسیس اولندی .

خرستیانلری کندیلرندن دون بر موقعده کورمه که آلیش مش اولان مسلمانلر نه ضابط . زده مأمور صفتیه بونلره اطاعت ایتمک ایسته میورلردی . حکومت امور عدلیه نک اصلاح اولنه جغتی ، محاکمک اداره دن آیریله جغتی ، اعضایی معتبران میانندن منتخب مختلط محکمه لر تشکیل اولنه رق خرستیانلرک ده طبقی مسلمانلر کی شهادت لریزک مسموع اوله جغتی ، محاکماتک قوانین جدیدیه کوره جریان ایدرک علنی و منتظم بر اصول محاکمه یه تابع بولنه جغتی اعلان ایتدی . (ترکیا) ده بولتان هرکس بواصلاحاتک غیر قابل تطبیق اولدیغنی بیلوردی . فی الحقیقه تطبیق ایدیله مدی ؛ قره طاعلی قومشولرینک تشویق و معاونت لرینه مظهر اولان (هر سسک) خرستیان طاغیلری عصیان ایتدیلر [*] ؛ عصائی تادیب ایچون براردو کوندرمک لازم کلدی [۱۸۶۱ — ۱۸۶۲] .

(اوروپا) حکومتلری دولت عثمانیه نک « اصلاحاتک تدریجی و متین بر صورتده تطبیقنه تشبث ایتمه مسندن طولانی » رسماً بیان تأسف ایتدیلر [۱۸۵۹] ؛ روسیه ، خرستیانلرک احوالنه دائر تحقیقات اجرایی تکلیف ایلدی . فقط اوصره ده (ایتالیا) وقایعی ، (لبنان) ده خرستیانلرک قتلی (اوروپا) افکار عمومی سنی بشقه نقطه لره

[*] خرستیانلرک (موستار) ده کی اوروپا فونسلوسلرینه و بر دکلری استدعا نامه اوتهدن بری موجب شکایات اولان احوالی کوستریور . مذکور استدعا نامه نک برفقره سنده دنیلورک : « کایسا انشا ایتمک کلمزه ، بوکایسه الره چاک قه لری یاپوب چاک چالمنه ، آینک ره بان ملی طرفندن اجرا اولنسه ، مکتبلر کشادینه ، ضبطیه لرک خانه لر مزده اقامت ایتدیرله ملرینه ، هر نوع ویرکونک خانه باشنه معین بر مقدار مبلغ اوله رق تخصیص ایدلسنه مساعده اولنسی ایسترز . . »

اصولی یرینه بصورت اتخاذ قلنه جقدر . اصول حالیه جاری اولدقجه مأمورین دولت ایله مجالس اعضاسنک مزایده لری علناً اجرا اولنه جق التزامدن برینی درعهده ایتدیرملری ویا برکونا حصه آلملری مجازات شدیدیه ایله منع اولنه جقدر . تکالیف محلیه دخی مهما امکان محصولاته خلل ویرمیه جک و تجارت داخلیه به مانع اولمیه جق صورته وضع و تعیین ایدیه جقدر . امور نافعه ایچون تعیین و تخصیص اوله جق مبالغ مناسبه برآ و بحر آانشا واحداث اولنه جق طرق و مسالکدن استفاده ایده جک اولان ایالات و سنجاقلرده وضع و تأسیس قلنه جق خصوصی ویرکولر علاوه سی مقرر در . دولتک بهر سنه ایچون واردات و مصارفات دفترینک تنظیم و ارائه سی حقهده مؤخرآ برنظام مخصوص یاپیلیمش اولدیغندن بونک تمامی اجراسی احکامنه اعتنا اولنه جقدر . مأمورینه مخصص معاشنک حسن تسویه سنه مباشرت قلنه جقدر .

۱۳ . — هر بر جماعتک رؤسایله طرف شاهانه دن تعیین اولنه جق برر مأمورلری بعه عثمانیه نك عمومونه عائد اولان ماده لرك مذاکراتنده مجلس والاده بولنه جقدر در . بو مأمورلر برر سنه ایچون تعیین قلوب مأموریتلرینه باشلادق لری کبی تحلیف اولنه جقدر در . مجالس والانک اعضاسی کرک عادی، کرک فوق العاده و وقوع بولان اجتماعلرده رأی و مطالعه لرینی طوغریجه بیان و افاده ایده جکلر و بوندن طولای اصلارنجیده اولنمیه جقدر در .

۱۴ . — افساد، ارتکاب و اعتسافه دائر اولان قوانینک احکامی کافه تبعه حقهده هر هانکی صنفده ونه درلو مأموریتده بولنورلرسه بولنسونلر اصول مشروعه سنه توفیقآ اجرا اولنه جقدر .

۱۵ . — دولت علیه نك تصحیح اصول سکه ایله امور مالیه سنه اعتبار ویره جک باقه مثللو شیر یاپیلوب ممالک عثمانیه نك منبع ثروت ماده سی اولان خصوصاته اقتضایدن سرمایه لرك تعیینیه و محصولاتک نقلی ایچون ایجاب ایدن طرق وجداولک کشادیه و امر زراعت و تجارتک توسعنه حائل اولان اسبابک منعیله تسهیلات صحیحه اجرا اولنه جق و بونک ایچون آوروپانک معارفندن، علوم و سرمایه سندن استفاده به باقیله جقدر .

فرآر رعالی یاشارک اصلاحات شبتانی [۱۸۵۹ — ۷۱] . — خطه هایون اساسلی بر اصلاحات وعد ایدیور، خرسیتیانلرک قانوناً حمایه اولنه جق لرینی، حکومتجه دین و مذهب فرقنک قالقه جغنی بیان ایلوردی؛ فقط مسلمانلر ایله خرسیتیانلرک مساوات تامه سنی تأمین ایتک ایچون پک چوق اوغراشمق، بیوک برمتانت صاحبی اولمق لازم ایدی، که بوقوت حکومت عثمانیه ده یوقدی . دیگر طرفدن آوروپا حکومتلری اصلاحات و عدینی نظر دقته

ویا خود تأدیبات جزائیه مستحق بولنالرک حبس و توقیف لرینه مخصوص اولان حبسخانه لر ایله مجال سائرده اصول حبسیه نك ممکن مرتبه مدت قلیله ظرفنده اصلاحه باشلانه جقدر. هر حالده حبسخانه لرده بیله جانب حکومتدن وضع ایديلن نظامات انضباطیه به موافق اولان معاملاتدن ماعدا هیچ برکونا مجازات جسمانیه ، اذیت و اشکنجه به مشابه کافه معامله کاملاً لغو ایدیله جقدر. بونک خلافنده وقوع بوله جق حرکات شدیداً منع و زجر اولنه جغندن ماعدا بونک اجراسنی امر ایدن مأمورین ایله بالفعل اجرا ایلین کیمسه لر دخی جزا قانوننامه سی اقتضاسنجه تکدیر و تأدیب اولنه جقدر.

۸. — درساعات ایله بالمله ایالات ، بلاد و قراده امور ضبطیه آسوده حال اولان کافه تبعه یه کندی مال و جانلرینک محافظه سنه صحیحاً و قویاً امنیت ویره جک صورتده تنظیم قلنه جقدر.

۹. — ویرکونک مساواتی تکالیف سائر نك مساواتی موجب اولدیغی کبی حقوقه اولان مساوات دخی وظائفجه اولان مساواتی مستلزم اولدیغندن خریستیان و سائر تبعه غیر مسلمه دخی اهل اسلام کبی حصه عسکریه اعطاسی حقدنه مؤخرأ ویریلن قراره اتقیاد مجبوریتنده بولنه جق و بویخصوصده بدل ویرمک و یا نقداً اچقه اعطاسیله خدمت فعلیه دن معاف اولمق اصولی اجرا ایدیله جقدر. اسلامدن ماعدا تبعه نك صنوف عسکریه ایچنده صورت استخداملری حقدنه نظامات لازمه یاییله رق مدت قلیله ممکنه ظرفنده نشر و اعلان قلنه جقدر.

۱۰. — ایالات والویه مجلسلرنده تبعه عیسویه و سائرده دن بولنان اعضانک امر اتخابلرینی بر صورت صحیحه به قویمق و آرانک طوغریجه ظهورینی تأمین ایلک ایچون بو مجلسلرک صورت ترکیب و تشکیللری حقدنه کی نظاماتک اصلاحه تشبث ایدیله جقدر.

۱۱. — املاک بیع و فروختی، تصرفی حقدنه کی قوانین کافه تبعه ایچون مساوی اولدیغندن قوانین دولته و نظامات ضابطه بلدییه به اتباع و امثال ایلک و اصل یرلی اهلینک ویردکلری تکالیفی ویرمک اوزره حکومت عثمانیه ایله دول اجنبیه بیننده یاییله جق صورت تنظیمه دن صکره اجنبیه دخی تصرف املاک مساعدسه سی ویریه جقدر.

۱۲. — تبعه نك کافه سی اوزرینه طرح اولنه جق ویرکو و تکالیف صنف و مذهب لرینه باقلمیه رق بر صورتده اخذ ایلمکده اولدیغندن بوتکالیفک ، علی الخصوص اعشارک اخذ و استیفا سنده وقوع بولمقده اولان سوء استعمالات اصلاح ایدیله جقدر. طوغریدن طوغری به ویرکو تحصیل اصولنک بیدرپی اجراسی قابل اولدقجه واردات دولتک التزام اولنسی

طرفند ز دخی موجب شین و عار اوله جق و یا ناموسه طوقونه جق هر درلو تعریف و توصیفک استعمالی قانوناً ممنوعدر . ممالک عثمانیهده بولنان هر دین و مذهبک آینی بروجه سربستی اجرا اولندیغندن تبعه دن هیچ برکیمسه بولندیغنی دینک آینتی اجرا دن منع اولمیه جق، و بوندن طولایی جور و اذا کورمیه جک، تبدیل دین و مذهب ایتمک اوزره هیچ کیمسه اجبار ایدلیه جکدر .

۴ . — تبعه عثمانیه نك جمله سی هر هانکی ملتن اولورسه اولسون دولتک خدمت و مأموریتیه قبول اولنه جق لرندن بونلرا هلیت و قابلیت لرینه کوره عموم حقنده مرعی الاجرا اوله جق نظاماته امتثالاً مأموریت لرده استخدام ایدیله جک لردر . بالجمله تبعه ، مکاتبک نظامات موضوعه سنده کرک سنجه ، کرک امتحانجه مقرر اولان شرائطی ایضا ایدلک لری تقدیرده بلا فرق و تمیز مکاتب عسکریه و ملکیه یه قبول اولنه جقدر . بوندن بشقه هر بر جماعت معارفه . حرف و صنایعه دائر ملتجه مکتبلر یایمغه مآذوندر ؛ فقط بونوع مکاتب عمومی نك اصول تدریسی ، معلم لرینک انتخابی اعضایی طرف شاهانه دن منسوب مختلط بر مجلس معارفک نظارت و تفتیشی آئنده اوله جقدر .

۵ . — اهل اسلام ایله خرستیان و سائر تبعه غیر مسلمه میانهنده ، یا خود تبعه عیسویه و سائر تبعه غیر مسلمه دن مذاهب مختلفه یه تابع اولانلرک بربری بیننده تجارت و یا جانیاته متعلق ظهور ایده جک کافه دعای مختلط دیوانلره حواله اولنه جقدر . استماع دعوی ایچون بودیوانلر طرفندن عقد ایدیله جک مجلسلر علنی اوله جقدر . مدعی و مدعی علیه مواجهه اولنهرت بونلرک اقامه ایده جکلری شاهدلر تقاریر واقعه لرینی کندی آیین و مذهب لری اوزره اجرا ایده جکلری یمین ایله تصدیق ایدیله جکلردر . حقوق عادیه یه عاذا اولان دعای دخی ایالات و الویه مختلط مجلسلر نده والی و قاضی مملکت حاضر اولدقلری حلاله شرعاً و نظاماً رؤیت اولنه جق و محاکم و مجالسده محاکمات واقعه علنی اجرا ایدیله جکدر .

خرستیان و سائر تبعه غیر مسلمه دن ایکی کیمسه بیننده حقوق ارضیه کبی دعای مخصوصه ، صاحب دعوی اولانلر ایستکلری حلاله بطریق و یارؤسا و مجالس معرفتیته ده رؤیت اولنه جقدر .

۶ . — جزا و تجارت قانونلریله مختلط دیوانلرده اجرا اولنه جق اصول و نظامات مرافعات ممکن مرتبه سرعته ا کمال و ضبط و تدوین قلنهرق ممالک عثمانیهده مستعمل اولان السنه مختلفه یه ترجمه ایله نشر و اعلان اولنه جقدر .

۷ . — حقوق انسانیه یی حقوق عدالت ایله توفیق ایتمک ایچون مظنه سوء اولانلرک

و پسقوس و خااملرك حين نصبنده اصول تحلیفه ایفا قلنه جقدر . هر نه نام ایله اولورسه اولسون راهبره ویرلمکده اولان جواژ و عائدات جمله منع اولنهرق یرینه بطریقاره و جماعات باشیلرینه واردات معینه تخصیص ورهبان سائر نكده رتبه و منصبیلرینک اهمیتلرینه و بوندن صکره و یریله جک قراره کوره کندیلرینه بروجه حقانیت معاشلر تعیین اولنه جقدر . فقط خرستیان راهبرینک اموال منقوله و غیر منقوله لرینه برکونا سکتته ایراث ایدلیه جکدر .

خرستیان و سائر تبعه غیر مسلمه جماعتلرینک ملتجه اولان مصلحتلرینک اداره سی هر بر جماعتک رهبان و عوامی بیننده منتخب اعضادن مرکب بر مجلسک حسن محافظه سنه حواله قلنه جقدر .

اهالیسی جمله بر مذهبه بولنان شهر، قصبه و قریه لرده اجرای آینه مخصوص اولان ابنه نك ، مکتب ، خسته خانه ، مزارلق کچی سائر محللرک هیئت اصلیه لری اوزره تعمیر و ترمیم لرینه ایقاع موانع ایدلیه جکدر . بویله محللرک مجدداً انشاسی لازم کلدکده بطریق و یا رؤسای ملتک تصویبی حالنده بونلرک رسم و صورت انشاسی بر کره باب عالی به عرض اولتمق اقتضا ایده جکندن یا صور معروضه قبول ایله تعلق ایده جک اراده سنیه موجبجه اقتضاسی اجرا ، یا خود بر مدت معینه ظرفنده اولبایده وارد اوله ییله جک اعتراضات بیان اولنه جقدر . بر مذهبک جماعتی یالکز اوله رق ، یعنی سائر یله قاریشیق اولیه رق بر محله بولنورسه اویرده آینه متعلق خصوصاتی ظاهراً و علناً اجراده بر درلو قیوده دوچار اولیه جقدر . اهالیسی ادیان مختلفه ده بولنان جماعتلردن مرکب اولان شهر ، قصبه و قریه لرده ایسه هر جماعتک طاقی ساکن اولدینی آریجه محله ده ، یوقاریده بیان اولنان اصوله اتباعاً ، کندی کلیسا ، خسته خانه ، مکتب و مزارقلرینی تعمیر و ترمیمه مقتدر اوله ییله جکدر . مجدداً انشا اولنسی اقتضا ایدن ابنیه کلنجه ؛ بونلر ایچون رخصت لازمه یی بطریقاره ، یا خود جماعات مترو پولیدلری باب عالیدن استدعا ایده جکلر و دولتجه برکونا منافع ملکیه اولدینی حالده رخصت و یریله جکدر . بوکی ایشلرده حکومت طرفندن وقوع بوله جق معاملات کلیاً حسی اوله جقدر .

۳ . — بر مذهبه تابع اولانلرک عددی نه مقدار اولورایسه اولسون او مذهبک کمال سربستی ایله اجرا اولنسنی تأمین ایچون تدابیر لازمه و قویه اتخاذا ایدلیه جکدر . صنوف تبعه دن بر صنفک آخر صنفندن آشاغی طوئلسنی متضمن اولان کافه تعییرات ، الفاظ و تمیزات محررات دیوانیه دن الی الابد محو و ازاله قیلنمشدر . آحادناس بیننده ، یا خود مأمورین

بوصورتہ تبعہ آرسندہ دیناً ، قانوناً هیچ بر فرقه قائمہ جنی وعد اولنیوردی . فقط دولت لر بوابدہ وعد قوی آلہ مامشردی . (انکلتره) حکومتی دیگر بردینی قبول ایدن مسلمانلرہ ویریلن اعدام جزاسنی الفا ایتدیرمک ایستیوردی . [حدت اثناسندہ مسلمان اولوب بعدہ مذهب اولنہ عودت ایتمک ایستین برکنجک اعدامی اوروبالیرجہ تأثری موجب اولمشدی] . حکومت عثمانیہ جزای اعدامک آرتق تطبیق اولنمہ جغنی تأمین ایدہ بیلہ جکنی ، فقط بونی رسماً اعلان ایدر ایسہ خلقک غلیان تعصبنی انتاج ایلہ جکنی جواباً بیان ایتدی . مهم بر فرقرہ ایلہ اکتفا ایدلدی ؛ هر دین ومذهبک آیینی بروجه سربستی اجرا اولندیغدن تبعہ دن هیچ کیمسہ نک بولندیغی دینک آیینی اجرادن منع اولنمہ جنی ، بوندن طولانی جور و اذا کورمیه جکی ، تبدیل دین ومذهب ایتمک اوزره کیمسہ نک اجبار ایدلیہ جکی اعلان قلندی .

اصلاحات فرمانی ، دول مفخمہ نک همت ومعاونت خیرخواهانلری اثری اولمق اوزره دولت علیہ نک خارجاً حقوقی برقات دها تا کد ایتدیکی جہتلہ داخلادہ سلطنت سنیہ نک تزیید قوت ومکتبی اسبابنک استکمالی حقندہ بر مقدمہ یی متعاقب خصوصات آتیہ نک اجراسنی امر ایدیور :

۱ . — کلخانہ خط ہایونی وتنظیات خیریه موجبنجہ هر دین ومذہبہ بولنسان کافہ تبعہ ایچون وعد اولننن تأمینات بوکرده تا کید وتأیید قلندیغدن بونک کاملاً فعلہ چیقارلمسی ایچون تدابیر مؤثرہ اتخاذ اولنہ جقدر .

۲ . — خرستیان وسائر تبعہ غیر مسلمہ جماعتلرینہ ویریلن بالجلہ امتیازات ومعافیات روحانیہ تقریر وابقا قلنمشدر . فقط هر برجماعت ، بر مهل معین ایچندہ امتیازات ومعافیات حاضرہ لرینک رؤیت ومعیانہ سنہ ابتدار ایلہ وقتک وآثار مدنیت ومعلومات مکتسبہ نک ایجاب ایتدیردیکی اصلاحاتی ارادہ پادشاهی ایلہ وباب عالینک نظارتی تحتندہ اولہرق صورت مخصوصہ پطریقخانہ لردہ تشکیل اولنہ جق مجلسلر معرفتیہ باب عالیہ عرض وافادہ یہ مجبور اولہ جقدر . سلطان محمد ثانی ایلہ اخلاقی طرفندن پطریقلر ایلہ خرستیان پسقپوسلرینہ اعطا ایدیلن رخصت واققدار جماعتلرہ تأمین ایدلمش اولان حال وموقع جدید ایلہ توفیق اولنہ جق وپطریقلرک الحالہ ہذہ جاری اولان اصول انتخابیہ لری اصلاح اولندیغدن صکرہ پطریقلک براتنک احکامنہ تطبیقاً قید حیات ایلہ نصب وتعیین اولنلری اصولی تماماً وصحیحاً اجرا ایدیلہ جکدر . باب عالی ایلہ جماعات مختلفہ رؤسای روحانیہ سی آرسندہ قرارکیر اولہ جق بر صورتہ تطبیقاً پطریق ، مترہ پولید ، مرخصہ ،

(انکلتره) لورد (قلارندون Clarendon) ولورد (قولهی Covley) ی، (اوستریا) قونت دو (بوئول Buol) ایله بارون دو (هونبر Hübner) ی، (روسیه) پرنس (اورلوف Orlof) ایله بارون دو (برونو) ی، (بیهمونته) قونت (قاوور) ایله مارکی (ویلا مارینا Villamarina) یی مرخص تعیین ایتدیلر. بونلرک شرفه بیوک شنلکلر، ضیافتلر ترتیب ایدلدی. معاهده نامه ۳۰ مارت ۱۸۵۶ تاریخده عقد ایدلدی.

دول عاقده حکومت عثمانیه نك استقلال و تمامی ملکیه سنه رعایت ایده جکلرینی تعهد ایدیورلر؛ بوغازلرک بیطرفلغنی تأیید، بحر سیاهکده بیطرف اولدیغنی اعلان ایلورلردی. بحر سیاه ساحلنده نه حکومت عثمانیه، نه ده (روسیه) طرفندن هیچ برترسانه انشا ایدلمه جکلدی. طونه ده سیر سفائن - (قلاص) ده اجتماع ایدن بین الملل برانجمنک نظارتی آلتنه اوله رق - سربست اوله جق، افلاق و بغدادنه مختاریت اداره ویرله جکلدی [*]

اصومات فرمانی [۱۸۵۶] . — (پارس) معاهده نامه سی حکومت عثمانیه یی ایکنجی دفعه مقاسمه یه دوچار ایتمش، بوکا مقابل استقلالنی تأمین ایلشدی. بوندن بشقه اوزمانه قدر حکومت عثمانیه یه اعتماد ایتمش اولان دولتلر پک چوق زماندنبری وعد ایدیلن اصلاحاتک اجراسنی تعهد ایلسنی طلب ایتدیلر. فقط پادشاهک حقوق حکمرانیسنه خلل کله مک ایچون بو تعهد، بشقه برشکلده اجرا ایدلدی. پادشاه، برخط هایون اصدار ایدرک بونی دول معظمه یه تبلیغ ایدلدی، دول معظمه ده شو جوانی ویردی: «دول عاقده تبلیغات واقعه نك قیمت و اهمیت عظیمه سنی تقدیر ایتدیلر. شو جهت قطعاً تعیین ایتمشدرکه تبلیغات مذکوره دولتلرک نه ذات شو کتسمات حضرت پادشاهی ایله تبعه سی آرسنده کی مناسباته، نه ده حکومتک اداره داخله سنه نه مشترکاً، نه ده منفرداً مداخله ایتک حقی اصلاحی بحث ایتمه مشدر.»

شباط ۱۸۵۶ - جمادی الاخره ۱۲۷۲ تاریخلی خط هایون - آتیده کی تفصیلاتدن آکلاشیلدیغنی وجهله - ۱۸۳۹ تاریخلی خط هایون کی یالکز امنیت مال و جان و محفوظیت عرض و ناموس دکل، بلا تفریق مذهب بتون تبعه عثمانیه نك حریت و مساوات قانونیه سنی اعلان ایدیورلردی. مسلمانلر ایله خرسیتیانلر آرسنده قانون نقطه نظرندن موجود اولان فرقلرک کافه سی قدیرلشدیر؛ خرسیتیانلر کافه رتب عسکریه یه، مأموریتلره قبول اولنه جقلر، خراج ویرمه جکلر، ولایات مجالسندنه اعضا بولندیره جقلر ایدی،

[*] پارس معاهده نامه سنه عائد تفصیلات ایچون ۲۷ نجی و رومانیا نك صورت تشکلی حقنده کی تفصیلات ایچون نه ۲۱ نجی بابله مراجعت ایدلیدر.

برینه قدر (سیواستوپول) ی مدھش برصورتده بومباردمان ایتدی : هر کون بیک قدر روس تلف و یا مجروح اولیوردی ؛ محاصرین شهره تقرب ایدہ بیلدیلر . ایلولک بشنجی کونی باشلایان بومباردمان ایرتسی کونی ده دوام ایلدی . سکزننجی کونی وقت ظہرده طوب آتشی کسب شدت ایتدی ؛ شهرک نقاط متعددہ سندنہ یانغین چیقدی ؛ باروت ایله طولو ایکی فرقتین برهوا اولدی . افق آلورلر ایچندہ بولندیغی ، روسلرک مناسب نقطہلرہ قویتمش اولدقلری لغملر مدھش برکورولتی ایله اشتغال ایتدیکی برصرده (پہلیسیہ) هجوم امرینی ویردی . محاربه برقاچ ساعت صوک درجه شدتہ دوام ایتدی ، نتیجہ خیلی زمان آکلاشیلمدی . آقشامہ یقین ، روس طابیهلری ضبط اولنمشدی . ایرتسی کونی (غورچاقوف) دہا زیادہ مقاومتک فائدہ سز اولدیغی کوردی ؛ محصورینک (سیواستوپول) دن چیقملرینہ مساعدہ ایتدی ؛ والی (اوستن ساکن Ostens-Sacken) بتون مرتباتدن ، یولجیلردن صکرہ محترق سفینہ سنی ترک ایدن برقودان کی اک صکرہ چیقدی . روسلر تسلیم اولدیلر . شهرک شمال جهتہ چکیلدیلر ؛ عساکر متفقہ یکی برهجومہ جسارت ایدہ مدیلر . ایلولک اوننجی کونی ، ۳۳۲ کون محاصرہ دن ، اوچ قانلی محاربه دن ، دہا قانلی اوچ هجومدن صکرہ عساکر متفقہ شهرہ کیردی ؛ جنرال (پہلیسیہ) فرانسر بایراغی (سیواستوپول) ک جنوب طرفندہ کی خرابہ لر اوزرینہ رکز ایتدی ؛ بو خدمتہ مکافات مارشال رتبه سنی و (دوق دومالاقوف) عنوانی آلدی .

آناطولوی جهتہ کلنجہ : روسلر (قفقاسیہ) نک جنوبندہ بعض موفقیاتہ نائل اولمشلر ، برقاچ یرده ترکرہ غلبہ ایتمشلر ایدی . ۲۷ تشرین ثانیدہ (قارص) قلعه سنی الدہ ایتدیلر . آرتق مذاکرات صلحیہ بہ ابتدار اولنہ ییلردی . (انکلترہ) ، (روسیہ) یی دہا زیادہ ازمک ، پک چوق زمان ایچون ضعیف دوشورمک ایستدیکندن حربہ دوام ایتک فکرندہ ایدی . اوچنجی (ناپولئون) ایسہ بوندن هیچ برصورتلہ مستفید اولہ میہ جعی ایچون دوام حربہ خواهشکر دکلدی . الدہ ایتک ایستدیکی نتیجہ یی استحصال ایتشدی : (نیقولا) نک کبر وعظمتی قیرمق . تفق (انکلترہ) دن آریلیرسہ (روسیہ) نک دوستلغنی قرانہ جعی امید ایدیوردی . فقط بو حسابندہ یا کیلدیغی ۱۸۷۰ سنہ سندنہ کوردی .

نہایت ، ۲۵ شباط ۱۸۵۶ تاریخندہ ، عقد مصالحہ ایچون (پارس) دہ برقونغرہ آچیلدی . (ویانہ) قونغرہ سندن صکرہ (اوروپا) نک اک مهم مؤتمری بوایتدی . مرخص اولوق اوزرہ باب عالی عالی پاشا ایله جیل افندی یی ، (فرانسہ) قونت (والهوسکی) یی ،

برنجی (نیقولا) ۲ مارت ۱۸۵۵ تاریخده وفات ایتدی . وقایع کونا کونا ايله مالی اوزون بردوره حکومتدن یورولمش، مساعی فوق العاده سنه رغماً استحصال ایلدیکی نتایجک پک اهمیت سز قالمسندن مایوس اولمشدی . بالخاصه ، روسلرک هزیمت لریله نتیجه پذیر اوله جنی آکلاشیلان محاربه حاضرده ن امید قالماشدی ؛ صلح و مسالمته طالب اولمق اقتضا ایدیور ، فقط بوکا بردرلو راضی اولموردی . « دمیر چار اکیلمز قیریلیر . » دیوردی . شباطک یکر می برنجی کونی هوا غایت صفوق ایکن ، میزان الحراره تحت الصفر ۲۱ درجه یی کوستیرکن قریمه کیدن بر آلايه کچیدر رسمی اجرا ایتدیرمک ایچون خسته اولدینی حالده سرایندن چیقدی . طیبی ، بونی منع ایتمک ایستیه رک ایمپراطورک آتی اوکنه آتیلدی ، « حشمتپناه ، اولومه دکل ، اتخاره کیدیورسکزر . » دیدی . (نیقولا) ، « وظیفه کزی ایفا ایتدیکز ؛ براقیکز بنده کندی وظیفه می ایفا ایده می . » جوابی ویردی . خسته لغی کسب وخامت ایتدی و براقچ کون صکره بتون تبعه سنه خطاباً : « ایمپراطور اولور . » مألنده کی تلغرافنامه یی بالذات یازدی ، وفات ایلدی . یرینه اوغلی ایکنجی (آلکساندر) کچدی .

جنرال (پهلیسیه) برچوق هفته لر شهره تقرب ایچون ایجاب ایدن استحکاماتی ، طایه لری انشا ایتدیردکن صکره حزیرانک آلتنجی کونی (سیواستوپول) ی طوپه طومغه باشلادی . حزیرانک یدیسنده هجوم امرینی ویردی : (یشیل تپه) طایه سی ضبط اولندی ، فقط (مالا قوف) طایه سنه وقوعه کلن هجوملردن هیچ برتیجه حاصل اولدی . حزیرانک اون سکزنجی کونی مدهش بر محاربه یی متعاقب (مالا قوف) ضبط ایلدی ، فقط روسلر محاصرینی ضایعات عظیمه یه اوغرا ده رق طایه یی استردادده موفق اولدیلر . بوموفیتسزلک خبری (پارس) ده پک بیوک تأثری موجب اولدی ، ایمپراطور بر آراق (پهلیسیه) نک عزلی بیله دوشوندی . مع مافیله محصورینده ده مقاومته مجال قالمامشدی : (قورنیلوف) ، (ناخیموف) تلف اولمش ؛ (طوتله بن) وخیم صورتده یاره لشمش ؛ شهر خرابه زاره دونمش ؛ محصورینک متانتیه خلل کله رک رجعت چاره لری دوشونولمکه باشلامشدی . (چار) ، امداد اردوسی قوماندانی (منجیقوف) ک یرینه تعیین اولسان (غورچاقوف Gortchako) د محصورینه هجوم ایچون امر ویردی ؛ (غورچاقوف) ، (چرنا یا Tchernaiia) ایرمانی اوزرنده (تراکیر Traktir) کوبریسنده رجعته مجبور اولدی . بو محاربه ده (پیه مونته) عسکری ابرازشجاعت ایتدیلر . (پهلیسیه) بتون قوتیله حرکته قرار ویردی . آغستوسک اون یدیسندن یکر می

محاصرہ سنک پک اوزون سورہ جکی و بک چوق فدا کارلق اختیاری ایجاب ایدہ جکی آشکار ایدی .

اول امرده قیش مونسنی (سیواستوپول) پیشکاهنده کچیرمک ایچون تدارکات لازمهده بولمق ایجاب ایدیوردی ؛ اوسنه موسم شتاغیت شدتلی اولوب ۱۸۵۴ سنهسی تشرین نایسنک اون اوچنجی کونی وقوعه کلن بر قاصیرغه قریمده کی عسکرلر آره سنده تلفات و خسارات عظیمه ایقاع ایلدی . اردوده پک چوق خسته واردی . خسته لک بر قسمی (قامیهش Kamiesch) قرارگاه عمو میسندہ - کہ بوراسی بر شهر حالی آلمش و عسکرک احتیاجی یوزندن تجارت ایتک ایچون کان روملر ، موسویلر ، شرقلی فرنکلر ایله طولمشدی - قالیور ، قسم اعظمی استانبولده کی خسته خانلره کلیوردی . استانبولده اوروپالیلریک زیادہ چوغلمشدی . بواز دحامی ایما ایچون : « فرنکلر سیواستوپولی آلہ مدبلر ، فقط استانبولہ صاحب اولدیلر . » دنیلیوردی .

موسم شتا ، سیاست خارجیده برفعالیت عظیمه ایله کچدی . متفکر ، حرکات عسکریه به اشتراک ایلدیکی تقدیرده روسلری پک مشکل بر موقعده بر اقه جنی شہہ سز اولان (آوستریا) یی دائرہ اتفاقلری داخلنه آلمغه چالیشدیلر . (آوستریا) چار (نیکولا) یه منت وشکر اندن دکل ، فقط (روسیه) ایله اتفاقه حاضر اولان (روسیه) حکومتک مسلکندن طولابی متفکر میانہ کیرمدی . اوصرده قونت (قاوور) ک اداره ایتدیکی (پیہ مونته) حکومتی (فرانسه) و (انکلتره) یه عرض اتفاق ایلدی ، ۲۶ کانون ثانی ۱۸۵۵ تاریخلی معاهده نامه ایله ، قریمه ۱۵۰،۰۰۰ عسکر کوندرمکی تعهد ایتدی .

بومعاونت قطعی بر نتیجه حاصل ایدہ مزدی ؛ (انکلتره) و (فرانسه) قوای عظیمه امدادیہ کوندرمکه مجبور اولدیلر . محاصرہ اردوسی ۱۳۰،۰۰۰ کشی یه ابلاغ ایلدی . جنرال (نیل Niel) ه صلاحیت مخصوصه ویریلرک اعزام ایلدی . جزایر والیسی جنرال (پهلایسیه Pélissier) ، (قازوور) ک یرینه باش قوماندانلغه تعیین اولندی . ایمپراطور اوچنجی (ناپولئون) ، بالذات قریمه کیتمک جهتی بیله دوشوندی ؛ (آروپا) سرایلرندہ بوتصوردن پک چوق بحث ایلدی ؛ (بسبارق) ، (ناپولئون) ک استانبولی ضبط ایدوب بر نوع لاتین ایمپراطورلنی تأسیس ایتک فکرندہ اولدیغی سویلیورو : « بوتشبت ، پک غریبدر ؛ آنک ایچون صحیح اولسه کرک . » دیوردی . اوچنجی (ناپولئون) ، فرانسه دن اوزاقلاشدیغی خالده ایمپراطورلق ایچون بر تهلکه وقوعه کله بیله جکنی دوشونمسه ، فی الحقیقه ، قریمه کیده جکدی .

پرنس (منچقوف) ك قومانداسی آلتنده کی روس اردوسی ، دول متفقہ عسکرینك قریہ چقیدینی نقطہ ایله (سیواستوپول) آرہ سنده ، (آلما) ایرماغی آرقہ سنده اخذ موقع ایتشدی . (سن تارنو) ، ۲۰ ایلولده بورادہ محاربه یه کیریشدی . متفقین پارلاق بر مظفریتہ نائل اولدیلر . (قازوربر) و (بوسکه Bosquet) نك قوماندالری آلتنده کی فرقلریوک برجسارت ایله (آلما) ایرماغی ساحلی ضبط ، روسلری طایبه لرندن اخراج و بوسورتله (سیواستوپول) طریقی کشاد ایتدیلر .

شهر ، مدخلی طار ، اوزونجه بردکز قولنك ساحل جنوبیسی اوزرنده در . متفقلر بودکز قولی ایله شهری طولاشدقندن صکره (سیواستوپول) ك جنوبنده ، قریمك قره دکره طوغری اکز یزیده ایلریش بر نقطه سی اولان (کرسونهز Chersouese) یایلاسنده یرلشدیلر . استحکاماتی نقصان اولان شهری ماهرانه بر هجوم ایله ضبط ایدہ بیلیرلردی . بوکا جسارت ایدہ مدیلر . (سن تارنو) ۲۰ ایلولده وفات ایتدی . خلفی اولان (قازوربر) عزم و متانت صاحبی دکلدی . برچوق وقت غائب ایدلدی . روسلر ، آمیرال (ناخیموف) و آمیرال (قورنیلوف) ك قوماندالری ، قائم مقام (طوتله بن Todleben) ك اداره ماهرانه سی آلتنده اسباب مدافعہ لرینی تأمین ایتدیلر . روس دونناسنی لیمان مدخلنده باتیردیلر ، لیمانك تانہایتندہ بولنان (سیواستوپول) دول متفقہ سفائن حربیہ سنك طوب آتشدن مصون قالدی . روسلر شہرك جنوب طرفندہ طایبه لرانشا ایتدیلر ، كه بونلردن (مالاقوف) و (یشیل تپه) طایبه لرینی متانتلری ، مقاومتلریله بیوک بر شہرت قازاندی ، ذاتاً ، دول متفقہ عسکرینك (سیواستوپول) ی تماماً محاصرہ ایتلری ممکن دکلدی ؛ شہرك شمال جہتندن خط مواصلہ سی قطع ایدیلہ مدنی ؛ پرنس (منچقوف) ك قومانداسندہ اولوب هر آن قوای امدادیہ آلان اردو خرکاتندہ سربست بولئیور ، محاصرینی راحتسز ایدیوردی . ۲۵ تشرین اولده (بالقلوہ Balaklava) محاربه سی وقوعہ کلدی ؛ بو محاربه دہ قونت دو (قاردیقان Kardigan) ك قومانداسی آلتندہ کی انکلیز سواری لواسی فداکارانه بر هجوم نتیجہ سنده محو اولدی . روس اردوسی ، ۵ تشرین ثانیدہ ، (اینکرمان) دہ انکلیزلری آنسزین باصدیردی ؛ انکلیزلر آنجق (بوسکه) نك قومانداسندہ کی فرانسز زخافلرینك امدادہ شتاب ایتسی ایله قورتیلہ بیلدیلر ، مع مافیہ پك چوق ضایعات و یردیلر ؛ متعدد هجوملرہ معروض قالان برطایبه یه ، تلفاتك کثرتندن طولانی ، « سلخخانہ بطاریاسی » لقی و یرلدی . متفقلر ، دکرہ صاحب اولسلرلر روسلر دہ کندیلرینی محاصرہ ایدہ جکلردی . بو احوال و شرائط دائرہ سنده (سیواستوپول)

کوندردرک (افلاق) و (بغدان) بکلکیرینک تخلیه‌سنى و حکومت عثمانیه‌نك تمامى ملكیه‌سنه رعایت اولمنسنى طلب ایتدیلمر. (روسیه)، جواب ویرمدى، محاربه باشلادی. مارشال (سن تارنو Saint - Arnaud) ایله لورد (راغلان Raglan) ك قومانداری آلتده بولان فرانسز وانکلیز اردولری (کیسولی) یه کله‌زك ا کمال تدارکاته باشلادیلمر. بعده روسلر (سلستره) یه طوغری (طونه) دن کچمکه تشبث ایتدکلرندن فرانسز وانکلیز اردولری دشمنك صول جناحنى تهدید ایتك واشغال ایتدکلری (طونه) خطی چویرمک ایچون (وارنه) یه کیتدیلمر. روسلر رجعت ایتدیلمر، (سلستره) محاصره‌سندن واز کچدیلمر [حزیران ۱۸۵۴]، افلاق و بغدان بکلکیرینی تخلیه ایدرلرسه (اوستریا) نك عقد اتفاهه راضی اوله‌جنى امیدى و عساکر متفقہی (روسیه) طوپراغه جلب ایدوب ۱۸۱۲ ده (ناپولئون) ك مغلوبیتنه مشابه برهزیمته دوچار ایلک تصویرى ایله شماله طوغری چکیلدیلر. (اوستریا)، موقتاً بکلکلری اشغاله مأمور اولدی؛ بوندن صکره تمامیه بیطرف قالدی.

متفکر، (روسیه) نك جان آله‌جق نقطه‌سنه اورمغه، داخل مملکتته طوغری ایلمر لیکه موفق اوله‌مدیلر. (باراغوآی دیلیسه Barahuay d'Hilliers)، ۱۶ آغستوس ۱۸۵۴ تاریخنده، (آلاند Aland) آطه‌لرنده کی (بومارسوند Bomarsund) جزیره‌سنى ضبط ایتدی؛ بوخدمتنه مقابل «فرانسسه مارشاللی» رتبه‌سنى قزاندى. (سن تارنو) ایچون وارنده یاپه‌له‌جق برایش قالمامشدى؛ فرانسز اردوسى پك زیاده زحمت و مشقت ایچنده ایدی؛ (دوبریجه) قطع‌سنده قازاق‌چته‌لرینی تعقیبه مأمور اولان (قازروبر Canrobert) فرقه‌سى بوراده متفرق صورتده برقاچ سواری‌یه تصادف ایتدی، بونلرده فرانسزلى کوریر کورمز اورته‌دن غائب اولدیلمر. قولرا علتی شدتله اجرای حکم ایدیوردی، فرانسز اردوسنك برربعی بوخسته‌لقدن تلف اولدی [تموز - آغستوس].

مع مافیه هر حالده برشى یایمق لازم کلیوردی. انکلیزلر (سیواستوپول) عسکری لیماتى تخریب ایتکی تکلیف ایلدیلمر؛ بولیمان تخریب اولنجه (روسیه) حکومتی پك چوق زمان قره دکرده تجاویزى بر مسلک تعقیب ایده‌مز، بودکرك بیطرفانی تأمین، استانبول تخلیص ایدلمش اولوردی.

۱۴ ایلولده ۷,۰۰۰ عثمانلی، ۳۰,۰۰۰ فرانسز، ۲۰,۰۰۰ انکلیز عسکرندن مرکب اولان دول متفقہ اردوسى (سیواستوپول) ك شمالنده کائن بر نقطه‌ده قریمك ساحل غریبسنه چیقدی.

خصوصندہ (روسیہ) نك ابدال ایلیکی معاوتی اونوتہرق، (چار) ایله عقد اتقاقدن امتناع ایلدی. (پروسیہ) دها متمایل کوروندی، فقط (آوستریا) دن قورقورق (روسیہ) ایله قطعی براتفاق عقدینه جسارت ایدمدی. (روسیہ) یالکز قالدی؛ دول غربیه، مداخله ایله مختصاته مانع اوله جقلرخنی امید ایدیورلردی. بومقصد ایله مذاکراته باشلادقلری صرهده (سینوب) وقعهسی محاربه نك آرتق منع ایدیله میه جك برحاله کلمسه سبب اولدی [*].

۱۸۵۳ سنهسی تشرین ثانی اواخرنده، عثمان پاشانك قومانداسی آلتنده بولنان ۷ فرقتین و ۳ قوروتدن مرکب برعثمانلی فیلوسی (باطوم) ه ارزاق ومهمات کورتورمك ویا (قققاسیه) طاغیلیرینك روسلره قارشى مقاومتلرینه یاردم ایتمك ایچون آناطولینك سواحل شمالیهسنی تعقیباً یولنه دوام ایدیوردی. آمیرال (ناخیموف Nakhimof) سکر سفینه حریه ایله عثمانلی دونماسنی تعقیب ایتمدی، (سینوب) لیماننده تصادف ایدرك هجوم ایلدی؛ برقاچ ساعتده عثمانلی دونماسی محو اولدی [۳۰ تشرین ثانی]. بونك اوزرینه انکلیر و فرانسر دونمالری قره دکزه کیردیلر، (سیواستوپول) ه قدر کیتدیلر. اوچنجی (ناپولئون) ایله قرالیچه (ویقتوریا)، (چار) ه براولتیماتوم

[*] برنجی (نیقولا) مقام حکمداری به کلدیکی کوندن بری، استانبولی ضبط ایدرك آیاسوفیه قبهسنده صلیب کورمك فکرینه دوشمشدی، مع مافیہ (ادرنه) معاهدهسندن بری بوباده جدی برتشبده بولنهامشدی. مصر بجرانندن استفاده ایتمك ایستدی، استانبوله عسکر ودونما کوندردی. سلطان محمود ابله حنکار اسکلهسی معاهده نامهسنی عقد ایتمدی. ۱۸۴۱ سنهسنده عقداولنان (بوغازلر معاهده نامهسی) حنکار اسکلهسی معاهده نامهسنی حکمز براقدی، چونکه بوغازلر بیطرف عد ایدلدیکندن روس کیملرینه ده مسدود قالدی. دولت علیه، امور داخلیهسنی تنظیم، غربی (آوروپا) قوانین ونظاماتی یواش یواش قبول، اردوسنی تنسیق ایدیوردی. بناءً علیه (چار) عجله ایتمك لزومنی حس ایلوردی.

۱۸۴۸ انقلاباتندن صکره احوال سیاسیہ (چار) ك املنه موافق کوروندی. (نیقولا)، پروسیه قرالی (دردنجی فره دریق ویلهلم) ك قاین برهاری اولدیغندن (پروسیه) نك معاوتنه کوونه بیلردی. (آوستریا) حسابنه اولهرق مجارلری تأدیپ ایتمدیکندن (آوستریا)، هیچ اولمازسه معنا، (روسیه) به معاوتنه مجبور ایدی؛ «فرانسوا ژوزف»، «نیقولا» به برپر کبی ابراز محبت ایدیوردی. «فرانسه» و «انکلتره»، «چار» ك شرفده کی آمال استیلاجویانهسنه بالطبع مانع اولق ایستیه جکلردی؛ فقط «نیقولا» بواکی حکومت آرهسنده ائتلاف، اتفاق حصوله کله بیله جکنه ایناتموردی. اونك فکرنجه یالکز «اوچنجی ناپولئون» نامی «انکلتره» نك خصوصیتی و «واترلو» خاطرهنه ایواندیرمغه کافی کله جك، «انکلتره» وقتیله بیوک «ناپولئون» حقتده یایدینی کبی بودغهده اوچنجی «ناپولئون» ك موفقیاتنه سد چکمهک چالیشه جقدی؛ الحاصل احوال سیاسیہ پك مساعد ایدی؛ تاریخده بیوک برنام براقق زمانی حلول ایتمشدی.

اٹنساندہ چار (نیقولا) ، انکلترہ سفیری (سیرھامیلٹون سہیمور - Sir Hamilton Sey) ی برطرفہ چکدی ، حکومت عثمانیہ امورندن بحث ایدرکن : « ترکیا ، فنا برحالدہ در ویزی پک چوق مشکلاتہ دوچار ایدہ جکدر ؛ قوجاغزده بر « خستہ آدم » ، مہلک صورتہ خستہ بر آدم وار ؛ تدایر لازمہ می اتخاذا ایتزدن اول بونی قاچیرر ایسہک پک یازیق اولور . » دیدی . برقاچ کون صکرہ فکرینی دہا واضح بر صورتہ افادہ ایتدی : حکومت عثمانیہ نک - فرانسه خارج طوتیلہرق - (انکلترہ) ایلہ (روسیہ) آرہسنده تقسیم ایدلمسندن بحث ایلدی ، (انکلترہ) مصر و کریدی اشغال ایدہ جک ، (روسیہ) بغداد ، افلاق ، صربستان ، بلغارستان مستقل پرنسلکرینی تحت حمایہ سنہ آلہ جقدی ؛ استانبولی آلمق ایستہمدیکنی ، مع مافیہ برمدت موقتہ ایچون اشغال ایتک لازم کلدیکنی سویلوردی . (انکلترہ) حکومتی بوتصوراتدن فورقدی ؛ مصر و کریدک اشغالی کنیدیسی ایچون قولای اولدیغی بیلوردی ؛ بوبابده مذاکرہ یہ کیریشمکدن امتناع ایتدی .

(نیقولا) ، ظن و تخمین ایدلیدیکندن زیادہ اثر استعجال کوستردی . (بالطق) دونمائی باش قوماندائی ، بحریہ ناظری ، (فلانڈیا) والی عمومیسسی عنواتی حائر اولان پرنس (منچیقوف Mentchikof) ی سفارت فوق العادہ ایلہ درسعدتہ کوندردی [۲۳ شباط ۱۸۵۳] . منچیقوف ، معیتدہ برچوق ذوات مشہورہ اولدینی حادہ مارتک برنجبی کونی استانبولہ چقدی . سوریه و فلسطین اورتودوقسری ایچون بابعالیدن بعض مساعدات استحصال ایتدی و (فرانسه) دہ بوکا راضی اولدی . فقط بوکافی دکلدی ؛ مایسک بشنجی کونی بابعالیہ بر (اولتیا نوم) ویردی : (چار) ، اورتودوقس تبعہ عثمانیہ نک حامیسی عد ایدلک شرطیلہ (روسیہ) نک دولت علیہ ایلہ ابدیاً متفق اولمسنی تکلیف ایتدی ؛ بتون ممالک عثمانیہ دہ اورتودوقس تبعہ نک مقداری اون ایکی ملیون قدر اولدینی و (بالقان) شبہ جزیرہ سنده مسلمانلردن زیادہ بولندینی جہتلہ (روسیہ) نک ذات شاہانہ یہ تکلیف ایتدیکی شی ترک سلطنت دیمک ایدی .

باب عالی ، (فرانسه) و (انکلترہ) نک معاونت لردن امین اولدینی جہتلہ اولتیا تومی رد ایتدی [۲۰ مایس] . مایسک ۲۲ نجی کونی (منچیقوف) سفارتخانہ نک اوزرندہ کی آرمہ می ایندیروب مملکتہ عودت ایچون یولہ چقدی ؛ مارشال (پاسکیہویچ) ک قوماندائی آلتدہ کی روس اردوسی (طونہ) یہ قدر (بغداد) و (افلاق) قطعہ لرینی اشغال ایتدی .

انکلیز و فرانسز دونمالری چناق قلعہ بوغازینہ کلدیلر . (چار) ک تصور اتندن و (بغداد) ، (افلاق) بکلکرینک اشغالندن تلاش ایدن (آوسٹریا) ، (مجارستان) عاصیلرینی تأدیب

لازم کلدیکنی سویلدی . (پالمستون) کید ادارهسندنه بولنان (انکلتره) حکومتی (چار) کمال استیلا جویانهسنه مانع اولهرق سلطنت عثمانیهیی محافظه ایلمکی ترجیح ایتدی و (روسیه) یه قارشى اوچنجی (ناپولئون) و (ساردنیا) قرالیله بر اتفاق عقیدینه موفق اولدی .

قدسده کی مقامات مقدسه [بیت اللحم ، قامه] نك حمایهسی مسئلهسندن طولانی ۱۸۵۰ سنهسندنه (فرانسه) ایله (روسیه) آرهسندنه بر اختلاف ظهور ایتدی . (فرانسه) عصرلرجه زماندن بری فلسطینده کی خرسیتیانلر اوزرنده حق حمایهیه مالک ایدی ؛ فقط ۱۸۴۸ انقلابندن صکره بوحتی ، امتیازی اھمال ایتمش ، اورتودوقسلر ایسه بوندن بالاستفاده اوزمانه قدر لاتینلرعا ئد اولان بعض مقاماتی ضبط و بعض معبدلری اشغال ایلش ایدی ؛ حکومت عثمانیه اورتودوقس و قاتولیک کلیساری آرهسندنه ظهور ایدن اختلافات و منازعاتک ادامہسنی منفعتنه دھا موافق بولیوردی . (لوی ناپولئون) رئیس جمهور اولور اولماز قاتولیکلرک توجهنی فراتمق مقصدیله (فرانسه) نك ممالک شرقیہده کی حقوق قدیمہسنی ادعا و ۱۷۴۹ عھود عتیقہسنه تماماً رعایت اولنمسنی طلب ایتدی . ایشته بونک اوزرینہ لاتینلر ایله اسلاولر ، یعنی قاتولیکلر ایله اورتودوقسلر آرهسندنه شدتلی برمنازعه باشلادی . بومنازعه ، (لاتین) و (اسلاو) غرقلری ، (قاتولیک) و (اورتودوقس) مذھباری آرهسندنه کی ضدیتدن ، (فرانسه) و (روسیه) میانندہ اوتہدن بری موجود اولان رقابتدن نشأت ایدیور ؛ برطرف ، حقوق و امتیازات قدیمہسنه استناد ، دیگر طرف ، اسلاملر حقدہ کی خصومت شدیدہسی ، روم ایمپراطورلغنک خاطرہ قدیمہسی ایله حرکت ایلوردی . عادتاً لاتینلر ، اون اوچنجی عصرده کی صلیبیون کبی ، اورتودوقسلر علیھندہ سلاحہ صارلغہ مھیا ایدیولر .

سلطان عبدالمجید ، پک چوق زمان ترددن صکره ، (فرانسه) نك مطالباتی قبول ایتدی ، چونکہ (چار) کمال استیلاجویانهسندن قورقیوردی . ۹ شباط ۱۸۵۲ تاریخی فرمان هایون ایله فرنکلرک قامه و بیت اللحم کلیساری اوزرنده کی امتیازاتی تصدیق و تأیید ایلدی . (روسیه) نك درسعات سفیری بومسئله دن طولانی او قدر حدتلندی کہ پادشاهک و کلاسی حضورندہ « پک اعلا ؛ کوریورم کہ ، باب عالی فرانسه نك حمایهسنی قبول ایدیور » دیدی و متبوعنک خشنودسزلغندن حاصل اوله جق نتایجک مسئولیتی بونلرہ تحمیل ایتدی .

(پترسبورغ) قیشلق سراینده ، ۹ کانون ثانی ۱۸۵۳ تاریخندہ ، ویریلن بر مسامره

اصلاحات ، یالکز برجهتده دوام ایتدی : اردوی عثمانی (اوروپا) طرزنده تنسیق ایدلدی . اردو ، مدت خدمتی بش سنهدن عبارت اولان نظامیه ایله یدی سنه دوام ایدن ردیف صنفه و (اوروپا) اصولنده بش قول اردویه تقسیم اولندی ؛ اولجه اولدینی کبی عسکرلکه یالکز مسلمانلر آلمقده ایدی . عثمانلی اردوسی هر نقطه نظر دن ایی ، جسور و متحمل نفرا تدن مرکبیدی ، فقط اقتدارسنر ضابطانک قومانداسنده ایدی .

رشید پاشا اداره ملکیه یی اساسلی بر صورتده اصلاحه تشبث ایتدی ؛ او زمانه قدر شعبات اداره نك هر طرفنه شامل اولان والیرک صلاحیتلرینی تحدید ایدرک هر مرکز ولایته اداره ملکیه ایچون بر والی ، امور عسکریه ایچون بر قوماندان ، امور مالیه ایچون بر دفتر دار بولندیردی ؛ بواج نوع مأمور (اوروپا) ده اولدینی کبی مرکز حکومتده بولنان داخلیه ، حربیه و مالیه نظارتلرینه تابع ایدی . رشید پاشا امور ضابطه یی والیره تودیع ایدرک اهمیتلرینی آرتیردی ، معتبران محلیه دن مرکب اوله رق احداث ایلدیکی ولایت مجلسلریله والیرلی « قوتتول » آلتنه آلمق ایستدی ؛ فقط بوجلسلر تدا بیر اصلاحیه یی مشکلاته اوغرا تمقدن بشقه برایشه یارامدی . اشکیلات عدلیه ، نصف اعضاسی اوروپالی اولمق اوزره بر قاچ مختلط محکمه احداثدن عبارت قالدی . — اصلاحات مالیه ، ناموسلی و مقتدر مأمور و تحصیلدارک فقداندن طولایی ترک ایدیلرک ویرکو و کمرک رسومنک التزام ایدلسی اصولی یکیدن موقع تطبیقه وضع اولندی . — رشید پاشانک تصور ایتدیکی حکومت بانقسه سی یرینه اوروپالی مأمورین طرفندن اداره اولنان « عثمانلی بانقسه سی » احداث ایدلدی .

مع مافیه بودور — ۱۸۴۱ سنه سنده کی کرید عصبانی مستئنا اولمق اوزره — بردوره ترقی و صلح و مسالمتدر . طرز اداره بدرجه یه قدر اصلاح ایدلمش ، اشکنجه و مصادره قالدیرلمشدی .

قریم حربیه سی بحرانی [۱۸۵۲ — ۵۹] . — حکومت عثمانیه نك (اوروپا) طرزنده اصلاحاته تشبث ایتیبی اوزرینه اوروپا دولتلری شرق مسئله سنک ، سلطنت عثمانیه نك بر حکومت جدیدیه تحولی صورتیله حل اولنه جغنی امید ایتمکه باشلامشدردی . فقط چار (نيقولا) بوصورت حل قبول ایتیموردی . ۱۸۴۴ سنه سنده (انکلتره) یه سیاحت ایتدیکی زمان : « هیئت وکلایمز آره سنده ترکیا حقنده ایکی فکر واردر : بو حکومت یا اولک اوزره در ، یا خود اولمشدر ؛ هر حالده قریباً وفاتی منع ایتمک ممکن اوله میه جقدر . » دیمشدی . ۱۸۵۲ تاریخنده ، (انکلتره) سفیرینه « مراسم تدفینیه یی قرارلشدریمق »

وعدایتمکله، مواد اساسیه‌ی موضوع بحث ایلمکله اکتفا ایدیوردی. رشید پاشا بونلری موقع تطبیقه وضعه چالیشدی. ذاتاً (اوروپا) مؤسساتندن بعضلری اولجه قبول ایدلمش، مثلاً قره دکز بوغازینه فانرلر وضع، برخسته‌خانه، برده قرانتینه‌خانه تأسیس اولنمش؛ حکومت مرکزیه‌ی حال انتظامه قویق ایچون برهیئت وکلا تشکیل قلمشدی. رشید پاشا امور مالیه‌ی ده اصلاحه تشبث ایتدی. عقد ایتدیکی تجارت معاهده‌نامه‌لری ایله، وقتیه تقرر ایدن اعظمی تعرفه‌دن واز کچیلیمسنی (اوروپا) حکومتلرینه قبول ایتدیوردی و بوکا مقابل پک متحول اولان داخلی ترانسیت رسومی الغا و بونک یرینه اشیا وامتعۀ اجنیه‌دن علی‌السویه یوزده سکز کمرک رسمی آلمسی اصولی تطبیق ایتدی. ویرکولرک التزامی اصولی دخی الغا وخراجک جماعتلره تقسیم ایدیلرک تحصیلدارلره اعطاسی اصولی وضع ایلدی.

بواصلحات، طرز قدیم اداره طرفدارلرینک، «اختیار ترکلر» فرقه‌سنک خوشنه کیتمیوردی؛ بونلر رشید پاشانی پادشاهدن آیرمغه چالیشیورلردی. سلطان عبدالمجید کاه «اختیار ترکلر» ه، کاه اصلاحات طرفدارلرینه میل ایدیوردی. یکدیگره رقیب اولان ایکی (اوروپا) دولتی، (انکلتره) ایله (روسیه) دخی، بومسئله داخلیه قاریشه‌رق اجرای نفوذ ایتکدن کری طور میورلردی؛ رشید پاشا (انکلتره)، رضا پاشا (روسیه) نفوذینه تابع ایدی. رشید پاشا برچوق دفعه‌لر نظر توجهدن سقوط ایتدی، بعده ینه موقع اقتداره کلدی. رضا پاشا دخی بعض اصلاحاته تشبث ایلدی. بوایکی وزیرک زمان معزولیتلرنده مأمورین حکومت عادات قدیمه‌یه رجوع ایدرک طرز قدیم اداره‌ی، ویرکولرک التزامی، عسکر واسطه‌سیله تحصیلی اصولی یکیدن تطبیق ایدیورلردی.

رشید پاشا (اوروپا)، بالخاصه (انکلتره) افکار عمومی‌سنه اهمیت ویریوردی. ۱۸۴۶ سنه‌سنده: «هنوز ای برطرزده اداره‌ امورده موفق اوله‌مدیغمیزی اعتراف ایدرم. فقط ده‌ها فنا براداره‌یه مانع اوله‌بیلیوروز.» دیمشدی. سلطان عبدالمجید اصلاحاتی بالذات التزام ایدیور کجی کورونیوردی؛ خط دستیه محرر اوله‌رق بالذات قرائت ایتدیکی برخط هایونده آمال و تصورات اصلاحاتپورانه‌سنک انتظار ایدیلن نتایجی حاصل ایلمه‌مسندن طولایی غایت متأسف اولدیغی و تبعه‌نک علوم و فنون و صنایعی تحصیل ایلملری ایچون مکتبلر آچیله‌جغنی بیان ایتدی [۱۸۴۵].

برچوق حرکات ارتجاعیه ایله کبری قالان بواصلحات، قسم اعظمی موقع اجرایه قونه‌میان بواشکیلات حکومت عثمانیه‌ی اساسلی بر صورتده تنظیم و تنسیق ایده‌مدی.

مواد نافعہ سنک اخلاقی موجب اولدینی مثللو عسکر لکه کلنرک الی نہایۃ العمر استخدا ملری دخی فتوری و قطع تناسلی مستلزم اولمقدہ اولسلیہ ہر مملکتدن لزومی تقدیرندہ طلب اولنہ جق نفرات عسکریہ ایچون بعض اصول حسنہ و درت و یا خود بش سنہ استخدا مضمندہ دخی بر طریق مناوبہ وضع و تاسیس اولنسی ایجاب حالندر .

ایشته قوانین و نظامات جدیدہ نك اساسی مواد مشروحہ دن عبارت اولدینی ذکر ایدلدکن صکرہ مواد آتیہ نك اهل اسلام و ملل سائرہ حقندہ بلا استثنا تطبیق ایدیلہ جکی بیان اولنمشدر : ۱ ، اصحاب جنجہ نك دعوالری قواعد شرعیہ اقتضاسنجہ علناً بروجہ تدقیق کوریلہ جکدر ؛ ۲ ، حکم اولنمدقجہ هیچ کیمسہ حقندہ خفی و جلی اعدام و تسمیم معاملہ سی اجرا ایدلیہ جکدر ؛ ۳ ، هیچ کیمسہ طرفندن دیکرینک عرض و ناموسنہ تسلط و وقوع بولیہ جقدر ؛ ۴ ، هر کسک اموال و املاکنہ کمال سربستی ایلہ مالک و متصرف اولہرق هیچ بر طرفندن کندیسنہ مداخلہ ایدلیہ جکدر ؛ ۵ ، برینک تہمت و قباحتی و وقوعندہ ورثہ سی اوتہمت و قباحتدن بری الذمہ اولہ جقدرندن مالی مصادرہ ایلہ ورثہ سی حقوق ارتیہ دن محروم قیلنمہ جقدر .

خصوصات سائرہ نك دوائر عائدہ سندہ وکلا و رجال دولت طرفندن قرارلشدیریلہرق ہر بر قانونک طرف پادشاہیدن تصدیق ایدیلہ جکی بیان و « اشبو قوانین شرعیہ مجرد دین و دولت و ملک و ملتی احیا ایچون وضع اولنہ جق اولدیغندن جانب ہایونمزدن خلافہ حرکت و وقوع بولیہ جغنہ عہد و میثاق اولنوب خرقتہ شریفہ اوطنہ سندہ جمیع علما و وکلا حاضر اولدقلمی خالدہ قسم باللہ دخی اولنہرق علما و وکلا دخی تحلیف اولنہ جغندن .. » فقرہ سیلہ خط ہایونہ برنوع برات مشروطیت ماہیتی اعطا ایدلدکن صکر جزا قانوننامہ سنک تنظیمی ، « شرعاً منفور اولوب خرابیت ملکک سبب اعظمی اولان رشوت مادہ کرہ سنک فیما بعد عدم و قوعی مادہ سنک دخی بر قانون قوی ایلہ تا کیدی » لزومندن بحث ایدلمش و فقرات اخیرہ نك برندہ دخی « ... کیفیات مشروحہ اصول عتیقہ بی بتون بتون تغیر و تجدید دیمک اولہ جغندن اشبو ارادہ شاہانہ من در سعادت و بالجلہ ممالک محروسہ من اہالیسنہ اعلان و اشاعہ اولنہ جفی مثللو دول متحابہ دخی بواصولک ان شاء اللہ تعالی الی الابد بقاسنک شاہد اولق اوزرہ در سعادت مزدمہ مقیم بالجلہ سفراہ دخی رسماً بیلدیرلسون . » دنیلمشدر .

خط ہایونہ مندرج مواد و بالخاصہ رعایانک عین حقوقہ نائلیتری حکومت عثمانیہ ایچون حقیقی برانقلاب دیمکدی . فقط خط ہایون قوانین جدیدہ نك تنظیم اولنہ جفی

اولنیور : « دولت علیه‌نک بدایت ظهورندن بری احکام جلیله قرآنیه و قوانین شرعیه به کمالیه رعایت اولندیغندن سلطنت سیده‌مزنک قوت و مکنت و بالجمله تبعه‌سنک رفاه و معموریتی رتبه غایته واصل اولمش ایکن » دنیلدکن صکره یوز اللی سنهدن بری کوریلن بتون فالقارک ، اولکی قوت و معموریت یرینه قائم اولان ضعف و فقرك سببی شرع شریفه و قوانینه رعایت ایدلمه‌سنندن ایلری کلدیکی ، بناءً علیه بوندن بویله دولت علیه‌نک حسن اداره‌سی ضمننده بعض قوانین جدیده وضع و تأسیسی لازم اولدیغی بیان ایدلمشدر . « قوانین مقتضیه‌نک مواد اساسیه‌سی ده امنیت جان و محفوظیت عرض و ناموس و مال و تعیین و یرکو و عساکر مقتضیه‌نک صورت جلب و مدت استخدایم قضیه‌لرندن عبارت » اولدیغی ذکر اولنه‌رق بومواددن هر بری ایچون بوجه آتی ایضاحات و یرلمشدر : « دنیا ده جاندن و عرض و ناموسدن اعز برشی اولدیغندن » هر کسک بونلردن امین اولمش لازمدر ؛ « امنیت مال قضیه‌سنک فقدانی حالنده ایسه هر کسک نه دولت و نه ملتته ایصینه‌میوب و نه اعمار ملکه باقه‌میوب دائماً اضطرابدن خالی اولدیغی مثللو عکسی تقدیرنده ، یعنی اموال و املا کنندن امنیت کامله‌سی اولدیغی حالده دخی همان کندی ایشیله و توسیع دائره تعیشیله اوغراشوب و کندیسنده کون بکون دولت و ملت غیرتی و وطن محبتی آرتوب آکا کوره حسن حرکتیه چالیشه‌جنی شه‌دن آزاده‌در . »

و یرکو مسئله‌سنه کنجه ؛ ممالک عثمانیه اهالیسی « اگرچه مقدم‌لرده واردات ظن اولنان ید واحد بلیه‌سنندن » اولجه قورتولمش ایسه ده التزامات اصول مضره‌سی الان جاریدر ؛ « آلات تخریبیه‌دن » اولان ، ذاتاً « هیچ بروقتده ثمره نافع‌سی کوریه‌مین » بو اصول « بر مملکتک مصالح سیاسی و امور مالیه‌سنی بر آدمک ید اختیارینه و بلکه ده پنجه جبر و قهرینه تسلیم دیمک اوله‌رق اودخی ذاتاً بر ایجه آدم دکل ایسه همان کندی چیقارینه باقوب جمیع حرکات و سکناتی غدر و ظلمدن عبارت اولمشیه بعدازین اهالی ممالکدن هر فردک املاک و قدرته کوره برویرکوی مناسب تعیین اولنه‌رق کیمسه‌دن زیاده شی ، آله‌می‌ه‌جقدر . دولتک « برأ و بحرأ مصارف عسکریه و سائره‌سی دخی قوانین ایجابیه ایله تحدید و تبیین اونوب آکا کوره اجرا ایدیه‌جکدر . »

« محافظه وطن ایچون عسکر و یرمک اهالینک فریضه ذمتی » در ؛ فقط « شم‌دی‌به قدر جاری اولدیغی وجهله بر مملکتک عدد نفوس موجوده‌سنه باقلمیه‌رق کیمندن رتبه تخمیندن زیاده و کیمندن نقصان عسکر ایسته‌نیلمک هم نظام‌سنزلتی و هم زراعت و تجارت

ویرکولرک حاصلاتندن ربغی آله جغنی ، مصر اردوسنده کی ضابطانی تعین ایلیه جکنی بیان ایدیوردی .

محمد علی پاشا بوشرائطی رد ایتدی . دولتیر وبالخاصه (فرانسه) یکیدن مداخله ایدرک ۱ حزیران تاریخی خط هایونی استیصال ایلدیلر ، ۱۰ حزیرانده محمد علی پاشا خط هایونی قبول ایتدی . مصر اردوسی ۱۸۰۰۰۰ کشی به تنزیر ایلدی ؛ میرالای رتبه سنه قدر اولان ضابطانک تعینی محمد علی پاشایه عأددی ؛ محمد علی پاشا ، باب عالینک مساعده سی اولدن سفینه حربیه انشا ایتمه کی ودولت علیه به ۱۰ میلیون وراق ویرکو اعطاسنی تعهد ایلدی . دول متفقہ مصر مسئله سنک ختام پذیر اولدیغنی ، بناءً علیه اتفاق مربعک دوامنه حاجت قالمدیغنی مین اولارق بر مقاوله نامه امضا ایتدیلر . بعدہ « بوغازلر مقاوله نامه سی » نامیله معروف اولان ۱۳ تموز ۱۸۴۱ تاریخی معاهده نامه عقد ایلدی . بومعاهده نامه موجبنجه قره دکز وقلعه سلطانیه بوغازلرینک بتون (اروپا) دولتیرینک دوئلرینه مسدود قالمی حقوق دولک برقاعده نابتہ سی اولوق اوزره قبول اولندی . ذات شاهانه ، سفارتخانه لر معیتنه مأمور خفیف سفان حربیه بی بو قاعده دن استنا ایتک حقنه مالک ایدی .

بحران ، حکومت عثمانیه نک تقویہ سیله نتیجه نیشدی .

رشید پاشانک اصلاحاتی [۱۸۳۸ — ۱۸۵۰] . — سلطان عبدالمجیدک اوائل سلطنتده حکومتی اداره ایدن وکلا آره سنده رشید پاشا بولمقده ایدی . رشید پاشا (لوندره) سفارتنده ایفای خدمت ایتدیکی ایچون (اروپا) افکار عمومیه سنک قوتنی آکلامش ، کورمشدی ؛ بناءً علیه (اروپا) افکار عمومیه سی حکومت عثمانیه ایله باریشدیرمق ایچون (اروپا) قوانین ونظامات جدیدہ سی مملکتہ ادخاله تشبث ایتدی . اصلاحاتہ دأر تنظیم اولنان « ۳ تشرین ثانی ۱۸۳۹ — ۲۶ شعبان ۱۲۵۵ » تاریخی خط هایون بالعموم رجال حکومت ، ملل غیر مسلمہ رؤسای ، اوروپا سفراسی حاضر بولندقلری ، ۱۰۱ پاره طوب آتیلدیغنی حالده ، منجمک اشرف ساعت عد ایلدیکی دقیقه ده ، کلخانه ده قرائت ایلدی . بوخط هایون پادشاه طرفندن بلا تقریق جنس ومذهب تبعه سنه ویریلن برنوع برات مشروطیتدر . فی الحقیقه ، آتیده کوریله جکی وجهله ، پادشاه ، تنظیم اولنه جق قوانین جدیدہ خلافه حرکتہ بولنیه جغه عهد وميثاق اولنه جغنی بیان ایدیوردی .

کلخانه خط هایوننک باش طرفنده دولت علیه نک قوانین قدیمہ سی مدح و ثنا

ویرمهدن، موسی الیهی اشتراک دعوت ایتهدن روسیه، پروسیه و اوستریا سفیر لریله « لوندره معااهده نامه سنی » عقد ایتدی. دول اربعه، حکومت عثمانیه نك استقلال و تمامی ملكیه سنی مدافعه ایده جككریخی تعهد ایدیورلردی؛ محمد علی پاشا، آطه نی، شمالی سوریه بی باب عالی یه اعاده ایده جك و حق وراثت ایله مصری، قید حیات شرطیله جنوبی سوریه بی آله جق ایدی؛ بوکا موافقت ایتدیکی تقدیرده (اوروبای) دولتری ارتق کندی بی ایچون هیچ برشی تأمین ایده میه جك کردی. بو معااهده نامه، (فرانسه) ده تأثرات عظیمه بی موجب اولدی؛ حرب طرفدارلری چوغالدی؛ (تیه) محاربه پلانلری تنظیمنه. مصارقات عسکریه ایچون تخصیصات فوق العاده طلبنه باشلادی. حرب طرفدارلرینه نظراً محمد علی پاشا، انکلز لره روسلری شرفده مشغول ایده جك، فرانسه بتون اردولری آلمانیا وایتالیایه کوندره جكدی.

مع مافیه محاربه ظهور ایتدی. (فرانسه) ده حکومتك و اهالینك بتون امیدلری محمد علی پاشانك مقاومت و غلبه ایتسندده ایدی. حال بوکه حقیقت حال، بو امیدلرك بیهوده اولدیغی کوستردی. سیر (چارلس ناپیه Charles Napier) ك قومانداسی آتنده بولنان بر قاق انکیز، اوستریا، عثمانلی سفان حربیه سی (بروت) پیشکاهمه مواصلت ایدنجه بوتون سوریه عسیان ایتدی [۱۴ آغستوس]. چونکه محمد علی پاشانك اداره سی پك آغیر اولدیغندن اهالی کندیسندن دلکیر اولمشدی. (بروت)، ۳ تشرین اولده تسلیم اولندی. ابراهیم پاشا جنوبه طوغری رجته باشلادی. (فرانسه) نك هیچ بر امید ی قالمدی، حرب طرفدار ی اولان (تیه) سقوط ایدرك یرینه (کیزو) هیئت وکلاسی کچدی. — ابراهیم پاشا هر یرده مغلوباً رجعت ایدیوردی. ۲ تشرین ثانیده عکایی تسلیم ایدرك مصره عودت ایتدی. ۲۷ تشرین ثانیده قومودور (ناپیه) اسکندریه پیشکاهنه کلدی؛ محمد علی پاشا، سوریه دن واز کچدیکنه و عثمانلی دونمسانی پادشاهه اعاده ایده جکنه دأر بر مقاله نامه امضا ایتدی؛ بوکا مقابل دولتر مصر ایچون حق وراثت استحصاله چالیشه جقلرینه وعد ایدیورلردی.

مع مافیه مصر مسئله سی بر نتیجه قطعیه منجر اولنجه قدر بر قاق آی ده کچدی. (پالمرستون) اسکندریه مقاله نامه سنی طانیماق، مصر ایچون حق وراثتی تصدیق ایتهمك ایستدی. فقط متفکر بوسیاستی تعقیبه راضی اولمیلر. بونلرك توصیه سی اوزرینه ۱۳ شباط ۱۸۴۱ تاریخنده تسطیر ایدیلن بر خط هایون ایله مصر ك محمد علی پاشا اولادینه بوجه وراثت اعطا ایدلرکی اعلان اولندی؛ مع مافیه باب عالی، مصر خدیوتی منحل اولدجه محمد علی نك وارنلری آره سنده ایستدیکی ذاته توجه ایده جکنی، مصرده تحصیل ایدیلن

محمد علی یہ تسلیم ایلدی . باب عالی نك آر تق نه اردوسی ، نه ده دونماسی واردی ؛ حكومت عثمانیه ، محمد علی پاشانك آرزوسنه تابع اوله جق كبی كورینیوردی . ایشته بو بحران انناسنده سلطان محمود ارتحال ایتدی [۲ حزيران ۱۸۳۹] ، تحت سلطتی هنوز اون آلتی یاشنده بولنان سلطان عبدالمجیده براقدی .

باب عالی نك ، محمد علی پاشانك شرائطی قبول ایتسی ، حق وراثتی تصدیق ایتسی محتمل ایدی . (فرانسه) ، بوندن ممنون اولیوردی ؛ چونكه دائماً محمد علی پاشانی التزام ایتشدی ؛ پاشانك باشلیجه مشاورلری فرانسز ایدی ؛ (فرانسه) نك مصرده ، بتون شرقرده ، بحرسفید ، یونان سواحلی ایله ضبط و فتحنه تشبث ایلدیکی جزایر ده بیوك برفوذی واردی . (انكلتره) ، فرانسزلك نفوذینه حسد ایدیور ، محمد علی پاشانك موفقیاتندن اندیشه یه دوشیور ؛ (چار) ایسه (فرانسه) نك مصری التزام ایتسنه بك زیاده حد تلییوردی .

(آوستریا) باش وکیلی (مترنیخ) ك تكلیفی اوزربنه ، آوروپا دولتلری باب عالی یه ویردكلری مشترك نوطه ده كندی رأی و معاونتلی منضم اولمه دن برقرار قطعی ویرلمه منسی ، دول معظمه نك مذاكرات دوستانه لری نتیجه سنه انتظار اولمنسی توصیه ایتدیله . اوزمان (فرانسه) ده موقع اقتدارده بولنان (صولت) هیئت و کلاسی آوروپا هیئت دولیه سندن آیرلامق ایچون بونوطه یه اشتراك ایتدی . ذاتاً (فرانسه) ، محمد علی پاشانك مظفزیاتی بین الدول جریان ایده جك مذاكراتده بالطبع نظر دفته آله جغقی دوشونهرك (اوروپا) آهنگ دولیسنه داخل اولقله مصره ده انا خدمت ایده جكنی امید ایدیوردی . فقط (تیه) بوسیاسته معارضدی ؛ ۱ مارت ۱۸۴۰ تاریخنده ریاست وکلایه کچدیکی زمان بشقه برسیاست تعقیب ایتدی . دولتلرك نوطه سنده خبر ویریلن مذاكرات (لوندرده) ده جریان ایتدیکی صره ده (تیه) طوغریدن طوغری یه سلطان عبدالمجید و محمد علی پاشا ایله مذاكره یه کیریشدی ، محمد علینك مصر و سوریه ده حق وراثته نائل اولمنسی تأمینه چالیشدی . دولت علیه بوکا موافقت ایدرسه دول معظمه امر واقع قارشیسندن بولنه جق و بالطبع بونی بوزمق ایچون آره لرنده اتحاد حصوله کلیه جکدی . فقط انکلنز مأمورلری (فرانسه) نك دولت علیه و محمد علی پاشا ایله مذاكرات خفیه یه کیریشدیکنی آکلایه رق حكومت متبوعه لرینه خبر ویردیله .

بونك اوزربنه انكلتره باش وکیلی (پالمستون) روسیه ، روسیه و آوستریا حكومتلرینه ده انا زیاده تقرب ایدرك ، ۱۵ تموز ۱۸۴۰ تاریخنده ، فرانسه سفیری (کیزو) یه خبر

دولت عثمانیه اوزرنده بر نوع حق حمایه به نائل اولیور ، بوغازلر دول سائره سفان حریبه سنه قالی اولدینی ایچون دونمسانی قره دکزده حال امنیتده بولندیریوردی .

محمد علی پاشا ، دائماً پادشاهک بر بنده صادقی کبی کورینیور [*] و حسن اداره مزیتدن محروم رجال حکومتک یرینه دیگر مقتدر مأمورلر تعیین ایتدیرمک ایتدیکنی سویلیوردی . [وقتیله اوروپاده اولدینی کبی شرقدنخی حکمدارک مأمورلری علیهنه قیام ایتمک حکمداره قارشى عصیان صایلمزادی]. فقط اوروپا حکومتلری مسئلهیه بشقه نقطه نظر دن باقدیلر ؛ محمد علی پاشایی مستقل بر حکمدار ، پادشاهک رقیبی وسلطنت عثمانیه سنک دشمنی عد ایتدیله ؛ آنک ایچون توسیع نفوذ وممالک ایلسنه مانع اولوق ایتدیله .

نتیجده غالب چیقان محمد علی پاشا هر زمانکندن زیاده قوتلی ایدی ، فقط تماماً ممنون دکلادی ؛ کندیسنه توجیه اولنان ایالتلرک ارنأ اولادینه ده انتقالنی ، یعنی حقیقی بر استقلال ایتدیوردی . سلطان محمود ، مملکتک انقسامنه راضی اولمقدن بشقه (سوریه) بی استرداد ایتمک آرزوسنده بولنیور ، اردوسنی تنسیقه ، ۱۸۳۳ ده کرها موافقت ایتدیکی صورت تسویه بی بوزمغه حاضر نیور ، فرات وادیسنده عسکر جمع ایدیوردی .

سلطان محمود ، حربه حاضر لندقدن صکره مخاصماته باشلادی . حافظ پاشانک قومانداسی آلتنده کی اردو (فرات) ی کچدی ، سوریهیه استیلا ایتدی . پادشاه ، محمد علینک عاصی اولدینی اعلان ایلدی . حرکات حریبه پک چوق دوام ایتدی . ابراهیم پاشا ، عثمانلی اردوسنی (فرات) نهر دن رجته مجبور و (تزیب) ده مغلوب ایتدی . بعده آناتولی بی یکیدن ضبط ایچون (طاوروس) ه طوغری یوریمکه باشلادی . دیگر طرف دن احمد پاشا قومانداسی آلتنده کی عثمانلی دونمسانی ده (اسکندریه) یه کوندر لمشدی ؛ احمد پاشا مصر صولرینه واصل اولدینی زمان متبوعنه اهانت ایدرک دونمسانی

[*] آوستریا سیاسیوندن (پروکش اوستن Prokesch - Osten) ه نظر آ محمد علی پاشا ، ۱۸۲۹ سنه سنده ، اعلان استقلال ایلسنی توصیه ایدن برانکلز مأمورینه شو جوانی ویرمشدر : « اجنسیسکز ، بر مسلمانک نصل دوشوندیکنی بیله مزسکز ... حکومت عثمانیه نک مقاسمه سندن بم ایچون نه نتیجه حاصل اولور ، بیلمیسیکز ؟ بتون مسلمانلر کمال نفرته ندن قاچارلر ، اوغم ایلك اوکجه بی ترک ایدنلر آره سنده بولنور . پادشاه نه یاپدینی بیلمیور ؛ فقط بوده جناب حقک بزه بر جز اسیدر . » ۱۸۳۳ سنه سنده (اسکندریه) ده کی اوروپا پیلره شو سوزلری سولتن : « بن پادشاهک بنده سی اوله رق قالمق ایسترم ... ابراهیم ، بوغاز ایچنه قدر کیدرسه پادشاهک آیاقرینه قانه رق عفونی استرحام ومصره عودت ایچون مساعده طلب ایده جکدر . »

بر حکومت عثمانیه یرینه یکی بر حکومت اسلامیہ نك تأسنی منافعه مغایر کوندردیکی ایچون محمد علی پاشانك غلبه سنی ایسته میوردی. سلطان محمود، روسلرک تکلیف ایتمک لری معاوتی قبول ایتمزدن اول آناطولیده کی حرکات حریبه نك نتیجه سنی بکلوردی ؛ صوک اردوسنی رشید محمد پاشانك قومانداسی آلتنده اوله رق آناطولی به کوندرمشدی. بواردو، قونیه ده تماماً مغلوب اولدی [۲۱ کانون اول ۱۸۳۲] ؛ رشید پاشا اسیر دوشدی؛ ابراهیم پاشا درسعاتت اوزرینه یوریدی ؛ اثنای راهده ، محمود ناینک افکار مجددانه سندن نمون اولمیان گروه متعصین مصر اردوسنی سوینچ ایله استقبال ایدیورلر ، ابراهیم پاشا به بر منجی ، بر منتقم ، اسلامیتی تعالی ایتمیرمک ایچون الله طرفندن کوندرلمش بر آدم نظریله باقیورلردی .

سلطان محمود ، چار برنجی (نیقولا) دن عسکر ایستدی ؛ معیتده کی کیمسه لره : « نیپاهیم ؛ دکزه دوشن ییلانه صاریلیر . » دییوردی. روس دونمائی ، ۲۰ شباط ۱۸۳۳ تاریخنده ، درسعاتت پیشکاهنده کوروندی ؛ نیسان ظرفنده ۱۲۰۰۰ روس عسکری استانبول واسکداره چیقدی ؛ ۲۴۰۰۰ کشیلک دیگر بر اردو (بغداد) ه کیردی. قبول ایدلین علاج ، احتمال که اصل مرضدن ده مهلک ایدی .

(انکلتره) و (فرانسه) تلاش ایتمیلر . فرانسه سفیری صفتیه درسعاتت کوندریلن آمرال (روسن Roussin) محمد علی پاشائی ، طریق فتوحاتده توقیف ایتمک ایستدی ؛ محمد علی ، (سوریه) ایله (آطنه) یی طلب ایدیور ، ابراهیم پاشا کوتاهیه به اصل اولیور ، ایلری قره غوللری بروسه جوارنده کوریلدیوردی . اورپادولت لری ، (روسیه) نك مداخله سنه مانع اولمق ایچون ، موافقت ایتمسنی سلطان محموده توصیه ایتمیلر ؛ محمود ثانی کوتاهیه مقاله نامه سیله [۵ مایس ۱۸۳۳] بتون سوریه یی ، آطنه یی ، یعنی (طاووزوس) کچیلرینی محمد علی پاشا به یردی .

روس عسکری ، آنجق ۱۰ تموزده درسعاتدن چکیلدی . پرنس (اورلوف Orlof) حکومت عثمانیه ایله خنکار اسکله سی معاهده نامه سنی [۸ تموز ۱۸۳۳] ده عقد ایتمدی . بو معاهده نامه موجبنجه (روسیه) ، سکز سنه ایچون ، لدی الایجاب حکومت عثمانیه به برآ و بجرأ معاونت ایده جکنی تعهد ایدیوردی ؛ بوکا مقابل باب عالی قلعه سلطانیه بوغازینک قپانمسنی ، یعنی روسیه دونماسندن ماعدا هیچ بر اجنبی حرب سفینه سنک هیچ برهانه ایله بوغازدن کچمسنه مساعده ایلمه سنی تعهد ایتمکده ایدی . بو صورتله (روسیه) ،

کتیردی. (دلتا) ایله (نیوم) ده جدولار آچدیردی، (قاہرہ) ده کندی نامیله یاد اولنان وقبرینی محتوی اولان جامعی یاپدیردی.

احوال مالیہ سی مترقی، اردوسی و دونمائی بالخاصہ فرانسزلرک، موسیودو (سہ ریزی Cérisy) نک و بالاخرہ سلیمان بک نامیله یادایدیلن میرالای (سہو Séves) کھمتلریله اروپا طرزندہ مجہز ایدی. الحاصل محمدعلی پاشا شرقدہ مہم بررول اوینایہ جق درجہدہ قوتلی ایدی. حکومت عثمانیہ نک اوزمانکی حال پریشانیسنہ نظراً بویله بررول ایچون زمان پک مساعد ایدی؛ محمد علی، برارالق سلطنت عثمانیہ نک وارثی اولہ جق کبی کورندی. بتون مصرہ، عربستانہ صاحب اولدینی ایچون دولت علیہ یہ قارشی موقعی عرب فاتحلرینک (بیزانس) ایمپراطورلنی قارشیسندہ کی وضعیتلرینہ تشبیہ ایدیلہ بیلیردی. ذاتاً، محمد پاشانک توسیع نفوذ و ممالک ایلمسنہ بالذات پادشاہ سبب اولدی. محمود ثانی، (کرید) و (مورہ) ایالتلرینی کندیسنہ وعد ایدرک یونان عصائی تأدیہہ مأمور ایتدی. محمد علی پاشا، بوصورتلہ بتون شرقی بحر سفیدہ حاکم اولہ جقدی. فقط (اوروپا) دولتلرینک مداخلہ سی یونانستانی قورتاردی و مصر والیسنک دونمائی (ناوارین) ده محو اولدی.

مع مافیہ محمدعلی پاشا (مورہ) ده کی خدمتہ مقابل مکافات طلبندن فارغ اولدی. (سوریہ) بی اوغلی ابراہیم پاشا ایچون ایستدی؛ دونمائی یکیدن تأسیس ایچون (لبنان) اورمانلرینہ احتیاجی واردی. پادشاہ، جواب رد ویردی؛ محمد علینک قوتندن، توسیع ممالک حرصندن قورقغہ باشلادی. ۱۸۳۱ سنہ سندہ محمد علی پاشانک ادارہ مستبدہ سندن بیزار و پریشان اولان فلاحلر (عکایہ) یہ التجا ایتمشلردی؛ محمدعلی پاشا بونلری (عکا) والیسی عبدہ پاشادن ایستدی؛ والی ملتجیلری تسلیمندن امتناع ایتدی.

بونک اوزرینہ ابراہیم پاشا ۳۰,۰۰۰ کشیک براردو ایله (سوریہ) یہ کیردی. عکائی [۲۷ مایس ۱۸۳۲]، بعدہ شامی [۲۷ مایس] ضبط ایتدی. ۹ تموزدہ، حلب والیسنک اردوسی (حصص) ده مغلوب اولدی. حسین پاشانک قومانداسی آتندہ بولنان دھا قوتلی برعثمانلی اردوسی دخی (آنطاکیہ) ایله (اسکندرون) آرہ سندہ (طاوروس) کچیدلرینک جنوب مدخلندہ کائن (بیلان) ده مغلوباً رجعت ایلدی. مصر لیلر، اناطولی یہ کیردیلر.

پادشاہ، مصر والیسنک آرزوسنہ تابع اولمقدن ایسہ (اوروپا) دولتلرینہ مراجعتی ترجیح ایتدی. (روسیہ)، درحال، عسکر کوندرمکی تکلیف ایلدی؛ ضعیف، قوتسز

مصر بحرانی [۱۸۳۳ — ۴۰] . — حکومت عثمانیه ، بواصلحات ایله مشغول اولدینی صروده یکی بردوره بجران کچیریوردی . مصر والیسی محمد علی پاشا . (موره) عصاتی تأدیب ایدرک [*] پادشاهه معاونت ایتدکن صکره متبوعی ایله بوزوشمشدی . اوزمان محمد علی پاشانک خصمی اولان خسرو پاشاده صدر اعظم ایدی .

محمد علی پاشا ، (قواله) لی برآناوود ایدی . فرانسزلرک ۱۸۰۱ سنهسی هزیمتلرندن صکره مصره کوندریلن اردوی عثمانیده ایدی ، بالاخره قاهره عساکر محافظهسی قوماندانلقه تعیین اولندی ، اوزمان مصر والیسی اولان خسرو پاشا علیه چویردیکی انترقیقلر نتیجهسندده خسرو پاشا والیلکدن انفصال ایتدی ، رینه والی تعیین اولندی [۱۸۰۵] . ۱۸۰۷ ده عرض مطاوعت ایتین کولهمن رؤسانی تأدیب ، اسکندریهیه چیقمش اولان انکلیزلری تبعد ایتدی ؛ فقط کولهمنلر راحت طورمدقلرندن رؤسانک کافهسنی برکون [۱ مارت ۱۸۱۱] ضیافت بهانهسیله قلعهیه دعوت ایدرک قتل ایتدیردی .

بوصورتله مصره صاحب اولدقن صکره جواردهکی مملکتلرده توسیع حکومت ایلدی . طرف پادشاهیدن ، عربستاندهکی وهایلرک تأدینه مأمور اولدی ؛ اوغللری طوسون و ابراهیم پاشالر وهایلری شدتله تأدیب وتنکیل ایتدیلر ، رؤسلرینی استانبوله کوندردیلر [۱۸۱۸] . عربستان یکیدن زیر تابعیت عثمانیه اداخل ایلدی ؛ فقط ادارهسی مصر والیسنه ترك اولندی . محمد علی پاشا (نوبی) ، (قوردوفان) ی ضبطو (خرطوم) شهرینی تأسیس ایتدی [۱۸۲۳] . الحاصل مرکزی (قاهره) اولق اوزره یکی برعرب ، دها طوغریسی مصر حکومت اسلامیهسی تشکل ایتک اوزره ایدی .

محمد علی ، غایت مستبد ایدی ؛ مصری عادتا ، ازمنه جدیده فرعونی کبی اداره ایدیوردی . کولهمن رؤسانک اعدامندن وبونلره عائد املاکک ضبط ومصادرهسندن صکره مصر اراضی مزروعهسنک بیوک برقسمنه صاحب اولدی ؛ بعده متباقی اراضی بی وسائط مختلفه ایله ضبط ایدرک (نیل) وادی سفلاسنی کاملاً الده ایتدی . مع مافیه بواملاکی ، اراضی بی حسن اداره ایدرک غایت منبت اولان طوپراقده اصول جدیده زراعتی تطبیق ایلدی ، پاموق ، دوت آغاجی ، زیتون ، شکر قامشی یتیشدیردی . (اسکندریه) نك معموریت سابقهسنی اعاده ایتدی ، شهره محمودیه قنالی ایله نیلدن صو

[*] محمد علی پاشانک (موره) سفری حقهدهکی تفصیلات ایچون یونانستان بحثنه مراجعت ابدلیدر .

اولندی؛ عسکر اوروپا اصولده تعلیم و تربیه ایدلدی، یکی قشلهلر یاپیلدی، مقداری ۷۰,۰۰۰ کشتی به بلوغ اولدی. بالآخره (اوروپا) نك اك مشهور قوماندانی اولان پروسیهلی برضايط، (مولتکه Moltke)، تشکیلات جدیده عسکریه به مأمور اولدی. (مولتکه)، «ترکیا حقنده مکتوبلر» نامنده کی اثرنده عثمانلی تسیقات عسکریه سنی مستزیا نه برلسان ایله تصویر ایتشدیر [*].

محمود ثانی، (بیوک پترو) کبی. عادات قدیمه یی دکیشدیرمک، اوروپا عاداتی قبول ایتک ایستدی. ستره، بانطالون کبیر، صفالنی قیصه کسیدیردی؛ افراداهالینک کییه جکی البسه نك شکلی، قماشنی تعیین ایچون برنظام نشرایتدی. حتی، ۱۸۳۷ده، بیقرک اوزونلغنه دائر برامرنامه نشر ایتدیکی کبی صفالک، عادت خلافه اوله رق، ایکی پارمق براقیلمسنی امر ایلدی.

سلطان محمود، سرای وولایاتده، اباعن جد محافظه موقع ایدرک تدریجاً (اوروپا) نك صنف زادکانی کبی آیری برصنف تشکیله باشلایان مأمورلری دخی برطرف ایتدی. امور دولته عاند هرایشی، عاند اولدینی دائره نك رئیس ایله قرارلشدیرمق اصولنی احداث ایلهرک قدیم «دیوان» ترتیباتی بوزدی. اصلاحاته آچیقندن آچیغه اعتراض و مخالفترینه مانع اولمق ایچون هرکسی، مأمورین و علمایی قورقوتدی. - فقط اداره دولتی منتظم برشکه قویمق ایچون مسلمانلر آره سنده لزومی قدر تحصیل کورمش کیمسه لر بوله مدی [**]، خرسیتیان اولمق حسدیه مظهر حرمت و اعتبار اوله میان اوروپا لیلری لایقیله استخدام ایدمه مدی. امور مالیه یی اصلاحه موفق اوله مدی. (اوروپا) یی تقلیدی، ظاهری اولوب یالکز اردوده اثر اصلاحات کورلدی.

[*] مولتکه نك کتابندن: «اصلاحات خارجی شیلردن، اسم و تصور دن عبارت قالدی. روس ستره سی، فرانسیز نظاماتی، بلجیقا فنککری، ترک صاریقلری، مجار اکرلری، انکلز قلیچلری، هرملتن معلملر ایله، حیاتلرینک صوکنه قدر خدمته قالا ن عسکرلردن مرکب، براردو تشکیل ایدلدی» [**] مولتکه دیبوره که: «شرفده ترقیات فکریه نك درجه سنی اکلامق اوروپا بلر ایچون مان غیر مکندر... اوقومق یازمق ییلن بر ترک کسندیسنی عالم عایدیر. «ینه (مولتکه) نك افاده سنه نظراً نك زیاده تحصیل کورمش اکبر مأموریندن بری ارضنک روی اولسنه بر درلوا یانه مامشدر؛ خرسیتیانلردن ماعدا هیچ کیمسه برلسان اجنبی به واقف دکلدر. مع مافیه (مولتکه) اخلاق و عاداتن ترقی حصوله کلدیکنی ده تصدیق ایدیور: «پادشاهک، خسرو پاشا کی کوله لرندن ارتوز ایکیسی پاشا اولان بر آدمی اعدام ایتدیرمه دن عزله جسارت ایتسی ترکیانک ترنپسنه دایلدیر، چونکه وقتیه بویه برشی امکان خارچنده ایدی.» [۱۸۳۶]

ایتدیله ، (روسیه) حکومتی ممالک عثمانیه استیلا ایلدی [۱۸۲۸ - ۲۹] . روس اردوسنک ادرنه یه کیرمسی اوزرینه حکومت عثمانیه مصالحه یه طالب اولدی . یکی (یونانستان) قرالغنک استقلالنی تصدیق ایتدی [۱۸۲۹] . — حکومت عثمانیه ، ۱۸۲۰ تاریخچدنبری (میلوش Miloch) اسمنده برخرستان صربلینک (بلغراد) ولایتده کی صربلیله پرنس تعیین اولمسنی قبول ایتمشدی [۲۱ نجی بابک صربستان قسمنه مراجعت] . ممالک عثمانیه نك ایلک مقاسمه سی بودر .

(چار) ایله عقد ایدیلن [ایلول ۱۸۲۹] معاهده نامه ده حکومت عثمانیه ، قره دکز وچناق قلعه بوغازلرینک سفائن اجنبیه یه کشادینی وعد ایتدی ؛ (طونه) نهرینک صول ساحلنده کی قلعه لرك كافه سنی هدمه مجبور اولدی ، که حقیقت حالده (رومانی) نك عسکرلک نقطه نظرندن ترکی دیمکدی ؛ بوندن بشقه (روسیه) یه مصارف حربیه نك تأدییه سنی تعهد ایلدی ، خزینه حکومتده پاره اولدیغندن تضمینات حربیه رینه مساعدات سیاسیه ده بولمق ایجاب ایتمش ، بوایسه دولت علیه نی (روسیه) حکومتک آمانته تبعیته مجبور ایشدر .

سلطان محمود ناینک اصلاحاتی — [۱۸۲۶ - ۳۸] . — ۱۸۰۸ سنه سنده جلوس ایدن سلطان محمود ثانی ، (بیوک پترو) کبی ، مملکتنی (آروپا) طرزنده اصلاح ایتمک ایستوردی . انکار ترقیورانه سنه قربان اولان سلیم ثالث [۱۷۸۸ - ۱۸۰۸] تأثیرله سلطان محمود (آروپا) نك ترقیاتی ، تشکیلات مدینه سنی تقدیر ایتمکده ایدی . محمود ثانی ، اردوینی تسیق ایله ایشه باشلادی . یونان محاربه سی ائناسنده ، یکچیری اوجاغندن مجدداً « اشکینچی » ترتینه و بونلرک ضابطان و نفراتنک تعلیم و تربیه سنه قراروردی [مایس ۱۸۲۶] . یکچیری نی لغو ایتیمور ، بلکه سلیمان قانونی زمانندن بری بوزولمغه باشلایان نظامات قدیمه عسکریه نی احیا ایتمک ، یکچیریلردن تحریر اولنان تعلیملی اشکینچیلری منتظم براردو حالنه کتیرمک ایستوردی . بو یکی اردو ایچون هر بر « اورته » دن یوز اللی کشی ویرلمسنی یکچیریلره امر ایتدی . نفرات جدیدیه اسلحه و ایلیمه ویرلدی ؛ تعلیمه باشلانندی . فقط یکچیریلر تعلیم ایسته مدکارندن عصیان ایتدیله . سلطان محمود عاصیلری تأدیبه ، قشله لرینی طوب ایله تخریب ایتدی . اک زیاده ایلری یه کیدنلر اعدام اولندی ؛ یکچیری اوجاغنک ، بعده دیکر قدیم اوجاقلرک لغا اولندیغی اعلان ایلدی [۱۸۲۶] .

یکچیریلرک الغاسندن صکره « عسا کر منصوره محمدیه » عنوانیه یکی براردو تشکیل

(روسیه) چاری (آلكساندر) ك معاونتيله روم ايمپراطورلغنی تأسيس ايتمكدي. رؤسا، (موره) اهالیسنی عصیان ایتدیرمکه قرار ویرمشلردی ؛ فقط (بغداد) ده دو-ستلری بولنان (ایپسیلاتی Ypsilanti) ایلک بیاننامه نك (یاش) شهرنده نشرینی مناسب کوردی [*]. روم عصیاننه اودرجه اهمیت ویرمین رومانیا لیلر (ایپسیلاتی) نی « مقدس طاووری » ایله یالکز براقدیلمر. (ایپسیلاتی) ورفقاسی (اوستریا) یه التجایه مجبور اولدیلمر [۱۸۲۱]. (قاراوایس Karavias) اسمنده بررئیس (قلاص) شهرینی آنسزین ضبط، جامعلری یغما، عساکر محافظه ایله مسلمانلری قتل عام ایتدی [کرك بوعصیان وکرك ادرنه معاهده نامه سنه قدر جریان ایدن احوال حقنده یکریمی برنجی بابك قسم مخصوصنده تفصیلات لازمه واردر].

(موره) ایله جوارنده عصیاندها عمومی اولدی، برچوق قتل عاملر اجرا ایدلدی. مسلمانلر اودرجه حدتندیلرکه حکومت، عاصیلر ایله مناسبانده بولنان درسعدت روم بطریقنی اوج پستقوس ایله برابر، پاسقالیه کونی، البسه روحانیلرینی لابس اولدقلری حالده، روم کلیسای قپوسنده صلب ایتدیردی. - بعده، (سیسام) روملری (ساقز) اهالیسنی عصیان ایتدیرمکه تشبث ایلدکلرندن حکومت، (ساقز) جزیره سنه عسکر کوندردی، عفو عمومی وعد ایتدی، اهالی نی قتل عام ویا اسیر صفتیه بشقه محللره نقل ایلدی [۱۸۲۳]. بطریقك اعدامی، (ساقز) قتالی (اوروپا) افکار عمومی سنی ترکار علینه چوردی. فقط حکومتك مداخله سی غایت بطی صورتده وقوعه کادی [**].

پادشاه، عاصی روملری تأدیپ ایچون مصر والیسی محمد علی پاشانك معاونتی طلب ایتدی؛ محمد علی پاشا، اوغلی ابراهیم پاشانك قومانداسی آلتنده اوله رق براردو کوندردی. یکیدن ضبط و اشغال ایدیلن (یونانستان) اوروپا دولترینك مداخله سیله قورتولدی : اوروپا دولتلری (موره) یه دونمالرینی کوندرهك [۱۸۲۷] ابراهیم پاشانی عزیمته مجبور

[*] بویاننامه، یونان قدیمه عائد خاطرات ایله مالیدر. بقرقه سنده دنیلورکه : « مارائون ایله ترمویل آره سنده بولنلم ... مستبدلرک قانی (اپامینونداس) ك، (تراسیبول) ك، (میلئناد) ك، (لئونیداس) ك ارواحنی شاد ایده جکدر. (دارا) لرك، (سرخس) لرك محروم جسارت احنادی اولان ترکار، قدیم ایرانیلردن ده قولا ی مغلوب ایدیله جکدرر . »

[**] بووقایع، (اوروپاده) ده، عسرك اك بیوك شاعرلری طرفندن غایت مؤثر، لجم برصورتده تصویر ایدلمش ایه دهه بونلرک برقیمت سیاسی اولدیغندن تفصیلاته لزوم کورلمه مشدر. وقایع ساثره ایچون یکریمی برنجی بابك یونان استقلالی بحثنه، اوروپانك مداخله سی ایچونده یکریمی بشنجی بابه مراجعت ایدلیدر .

شرق ایله اشتغال ایده جک وقتی یوقدی. یالکز (روسیه)، کافی السابق عثمانیلرک خصمی قالمش، مع مافیه بو حکومت ده (قآرین) ک تخیل ایتدیکی فتوحاتدن واز کچمشدی.

روم عصیانی بحرائی [۱۸۲۰ — ۲۷] — (آروپا) ده صلح ومسالمت تقرر ایتدیکی زمان شرق مسئلهسی [بوتعیر اوزمان استعمال ایدلمک باشلامشدر]، یعنی دولت عثمانیه نك نه اوله جنی موضوع بحث اولدی. مسئله ایکی یه آریلیوردی. اولاً، حکومت عثمانیه محافظه می ایدیله جک، یوقسه تقسیم می اوله جنق؟ ثانیاً، خرسیتیان تبعه عثمانیه رعایا اوله رقی قاله جنق، یوقسه آریجه برر ملت می اوله جنق؟ — سیاسیون ملتزدن زیاده حکمدارلری نظر دفته آلمغه آیشمش اولدقلرندن بو ایکی مسئلهدن برنجیسنه اهمیت ویریورلردی. ایکنجیسی، یواش یواش و سیاسیونک آرزولرینه رغماً موضوع بحث اولغه باشلادی. روملر و صربایلر (ویانه) قواغره سنه مرخص کوندره رک براداره ملیه طلب ایتک صورتیه ایکنجی مسئله نك آروپا حکومتلرنجه نظر دفته آلمسنی رجایتشلر، فقط جواب رد آلمشلردی.

حکومت عثمانیه، ۱۸۱۴ دن صکره، همان دائمی صورتده قاریشقلقره دوچار اولدی؛ تبعه عصیان ایدیور، پاشالار حکومت مرکزیه اطاعت ایتیمور، حکومت اجنبیه حدودی تجاوز ایلور، آروپا دولتلریله برچوق مذاکرات وقوعه کلیور، بونلرک هپسنه سرای انترقیه لری ده منضم اولیوردی. — ایلک بیوک بحران، روم عصیانیدر [۱۸۲۰]. فقط روملر ممالک عثمانیه نك هر طرفه طاعیلمش اولدقلرندن بدایت امرده عصیانی هانکی مملکتده ترتیب ایتک لازم کله جنکی لایقوله تعیین ایده مدیلر وعینی زمانده (نپیر) ده، (ما کدونیا) ده، (یونانستان) ده قیام ایتدیلر [تفصیلات ایچون یکر می برنجی بابه مراجعت].

(اودسا) ده تأسیس ایدیلن (اتریا Hétairie) جمعیت خفیه سی (رومانیا) ده ایلک عصیانی ترتیب ایتدی؛ بوجعیت، اوزمانک جمعیت خفیه سی طرزنده تشکل ایتشدی، رؤسای مجهولدی، اعضاسی واقف اولدقلری اسرارک اهمیتنه کوره متعدد درجه لره آیرلمشدی، مخبره ارقامدن عبارت شیفره ایله جریان ایدیوزدی، جمعیتک اوززنده بر (فهنیکس Phénix) رسمی [*] بولنان سیاه بر بایراغی موجود ایدی؛ مقصد

[*] فهنیکس، اساطیرک موهوم بر قوشیدرکه بر قاچ عصر یاشار، یا بمش اولسه بیله کندی کولندن بته طوفانر ایمش.

سیاسی بی عد اولنلرینه مساعده آلمشر ایدی . بعده ، پادشاه ، تبعه غیر مسلمه سندن بر قسمتك اجنبی قونسلوسلر طرفندن حمایه ایدلمسنه موافقت ایتشدی . (فرانسه) ، بالخاصه آسیای عثمانیده کثرتله بولنان قاتولیکلری حمایه ایتک ایچون مساعده رسمیه استحصال ایتشدی ؛ (روسیه) دخی اورتودوقسلری ، یعنی همان بتون اوروپای عثمانی خرسیتیانلرینی حمایه ایتک حقیقی استحصاله موفق اولدی . بوضورتله ایکی اوروپا حکومتی حکومت عثمانیه نك امور داخله سنه مداخله ایده بیلورلردی .

پادشاه ، اسلام اولمق حسیله ، (اوروپا) نك خرسیتیان حکمدار عائله لرینه اجنبی قالیور ؛ حکومت عثمانیه خرسیتیان حقوق دولی خارجنده عد ایدیلورلردی ؛ (اوروپا) نظر نده ، حکومت عثمانیه ، (اوروپا) یه حق و صلاحیتی اولمدهن صوقولمش ، محضا قوت سایه سنده یرلشمش اولدینی ایچون ینه قوت ایله بوقطعه دن اخراج ایدلمک تهلمکسنه معروضدی .

الحاصل ، سلطنت عثمانیه ، یالکز تشکیلات عسکریه سنك بوزولمسندن طولای دکل ، بالخاصه تبعه سی آره سنده کی اختلاف مذهبک نتایج اجتماعیه وسیاسیه سندن ناشی ضعیفلمش ایدی . حکومت عثمانیه ، یالکز برملتن عبارت دکل ، یکدیگریله تألیفی ممکن اولمان ، آیری آیری یشایان ایکی نوع اقوامدن ، اسلاملره خرسیتیانلردن مرکبیدی . حکومتک رقیب طبیعی اولان خرسیتیانلر ، عسینه حاضر برر ملت ایدی ؛ سلطنت عثمانیه یه خصم اولان بر آوروپا دوات معظمه سی طرفندن رسماً حمایه اولنیورلردی ؛ بودولت معظمه ایچون عثمانلی امپراطور اغنه عاند خصوصانده قواعد حقوق دوله رعایت مجبورتی بوقدی .

اون سکنزنجی عصرده (روسیه) و (اوستریا) نك اتقائی قارشیسنده موجودیتی تهلمکیه دوشن وحی برقسیم اراضیسی بویکی حکومت آره سنده تقسیم ایدیلن دولت عثمانیه ، اوروپا حکومتلری آره سنده ظهور ایدن محاربات سایه سنده قورتولدی ؛ بومحاربات عثمانلی دشمنلرینک انظار دقتی ممالک غربیه یه چورمشدی . بوندن بشقه انکلیرلرک هندستانی اشغال ایتلمری اوزرینه (انکلتره) دیگر دولتلری هند یولندن اوزاق طوتمق ، بناءً علیه حکومت عثمانیه یی محافظه ایتک مسلکنی اختیار ایتدی . ۱۸۱۴ ده حکومت عثمانیه ، متفق قدیمی اولان (فرانسه) دن بشقه ، مصر سفر نده عقد اتفاق ایدن (انکلتره) نك معاونته مظهر اولمشدی ؛ (اوستریا) ، اوسروده ، (ایتالیا) و (المانیا) ده مشغول اولدیغندن

قرون وسطا ده کی خرستیانلر ، کندی مملکتلرنده بشقه بر مذهب اربانک بولمسنه اصلا مساعده ایتدکری حالده مسلمانلر بالعکس ملل غیر مسلمه حقنده - فقط کندیلرندن آشاغی بر طبقه ده طوتمق سرطیله - مساعد طاوراندق لرندن اوروپای عثمانی ولایاتنک هان کافه سنده اهالی یکدی بکرندن فرقلی ایکی صنف تشکیل ایتکده ایدی . - خرستیانلنی محافظه ایتش اولان اهالی قدیمه رعایا حالی آلمش ، حکومت بیکانه قالمشدی ، نهاردویه ، نهده مأموریته قبول اولنورلردی ؛ حکومت بونلرک مذهب لرینه مساعده ایدر ، فقط حیات سیاسیهدن خارج طوتار ، خراج نامیله معروف بر ویرکو آلیردی . - مسلمانلر کندی آرهلرنده هر نقطه نظر دن مساوی بر صنف عوام ، رعایا به نظر آ ایسه بر صنف خواص تشکیل ایدیورلردی . احوال اجتماعی سی حاکمیت عامه اساسنه مستند اولان هیئت اجتماعی عثمانیه دین نقطه نظرندن حاکمیت خواص اساسنی قبول ایتش کبی کورینوردی . بری کافه حقوق سیاسیهدن خارج طوتولمش ، دیکری یالکز باشنه حکومت نائل اولاش ایکی صنفدن مرکب دی ، بو ایکی صنف عینی حقوقه صاحب اولدیغندن یکدی بکره دشمندی ، آرهلرنده اختلاف دیندن متولد بر خصومت بولندیغی ایچون اتحاد ایده مزدی . حقوق سیاسی نقطه نظرندن عدم مساوات احوال اجتماعی نقطه نظرندن ده عدم مساواتی انتاج ایتشدی ؛ هر یرده مسلمانلر صاحب ملک ومتبوع ، خرستیانلر اجیر وتابع ایدی .

خرستیانلر ، مسلمانلره قارشى کندیلرینی مدافعه ایچون پادشاهلردن دینلرینه ، یعنی راهب لر یله کایسالرینه طوقونولیمه جغنه دائر وعدلر ، تأمیناتلر آلمشردی . موسویلر دخی داخل اولمق اوزره هر بر مذهب آیری بر جماعت تشکیل ایتش وبوجاعتلر بر درجه به قدر اداره ده حکومتدن آیرلمشدی ؛ حکومت عثمانیه خرستیان تبعه سیله مناسباتی تسهیل ایدن بوتشکیلاته مساعد بولنیوردی . هر بر جماعته رؤسای روحانیه ، بطریقار ، متره پولیدلر ، بسقپوسلر [*] رعایانک حکومته قارشى مسئول اولان وکیل رسمیلری ایدی ؛ بوندن بشقه کندیلرینه اداره صلاحیت واسعه ویرلمشدی ، رعایایی محاکمه واداره ایدرلر ، بعضاً ظلم وتعمیدن کری طورمازلردی [**] .

(اوروپا) دن کلن خرستیانلر ایچون ، بعض حکومتلر ، قونسلوسلرک تبعه نک رؤسای

[*] قدیم (بیزانس) ایمپراطور لغنده هر بر شهرک بر بسقپوسی بولمقده ، ممالک غربیه نک سر بسقپوسنه معادل اولان (متروپولید) لر نسه پک کوچک ولایتلره حکم ایتکده ایدی .
 [**] اوروپای عثمانیه کی خرستیان ملتلر ، روملر ، صربلر ، رومهلر ، بلغارلر ، حقنده تفصیلات آلتی ایچون بکری برنجی بابنه مراجعت ایدلیدر .

قرار لینه کوره اداره اولنیوردی. اردوی تشکیل ایدن یکیچر بلردر سعادتده ویا جوارنده کی قشله لرده اقامت ایدن، محارباتده آرتق حسن خدمتلی کورلین، پادشاهلرینه اطاعت ایتمن حتی پادشاهلری علیه عصیان ایلین عسکر دن عبارتدی [۸۰۷ - ۸۰۸] ده ایکی پادشاهی خلع ایستدیلر [۰]. امور مالیه، پک فنا بر صورتده تنظیم ایلمشدی؛ بودجه یوقدی، پادشاه خزینئه حکومتدن ایستدیکی قدر پاره آلیوردی؛ نه منتظم بر حساب، نه ده «قوتزول» واردی، اوراق و دفاتر حسابیه طور بلر. چواللر ایچنده محافظه ای دیلیوردی؛ ویر کولرک طرح و جباییده غیر منتظمی. غیر مسلم نفوس ذکور دن آنان خراج ایله اعشار، کمرک رسمی و تکالیف سائر ملتزملره احانه ای دیلیر، ملتزملرده اهل ایدن حکومتده مدیون اولدقلری شینک فضلہ سنی تحصیل ایدر لردی. — اداره و لایات، جر منفعت اساسنه مستند، عادتاً بر نوع مالکانه ایستلمکدن عبارتدی؛ وایلر مأمور اولدقلری ولایتلری مزایده ایله آلیرلر، معاش رسمیلری اولیان اساساً هیچ بر قوتزوله تابع بولمیان مأمورین اهالی به ظلم و تعدیدن کری طور مازلردی.

سلطنت عثمانیه، بر حکومت اسلامیہ اولمق حسینیه (آروپا) ده دائماً مشکلاته تصادف ای دیلیوردی. پادشاه خلیفه، امیر المؤمنیندر؛ بتون مسلمانلرک دینی، مدنی، سیاسی قانونلری شریعت اسلامیہ در. دین ایله حکومت بر اولوب حکومت، دینه تابعدر. تبدیل مذهب ایدن بر مسلمان قانوناً اعدامه محکوم اولوردی. اصل ملت عثمانیه، یالکز مسلمانلردن مرکبیدی. مع مافیہ علم احوال امم نقطه نظرندن آریجه بر ملت عد اولنه مازدی، حتی (آروپا) ده کی ملتر کبی لسان و عاداتجه آر لرنده اشتراک بولنان ملل مختلفه دن مرکب بر هیئت دخی دکلدی. دین اسلامی قبول ایدن ملتر، ملت غالبیه تماماً مساوی اولمقله برابر لسان و قیافت ملیه لرینی محافظه ای دیلیوردی. (ترکیا)، (ترک ایمپراطورلنی) تعبیری سیاسة طوغری دکلدی، چونکه بتون مسلمانلر عثمانلی ایدی؛ علم احوال امم نقطه نظرندن ده صحیح عد اولنه مازدی، زیرا آروپای عثمانیه در سعادت جوار ی مستتا اولمق اوزره اهالی اسلامیہ ترک دکلدی [*]. (بوسنه) ده خرواتلر [بوشناقلر]، (هپیر) ده آناوودلر، (ماکدونیا) ده بلغارلر [بوماقلر]، آطه لرده روملر بولمقلده ایدی. حکومت بو مسلمانلری نه نظاماً، نه ده فعلاً هیچ بر صورتله تفریق ایتمز، کافه سی هر درلو رتب و مناصبه نائل اوله بیلیردی. سلطنت عثمانیه، حاکمیت عامه اساسنه مستند بر حکومت ایدی.

[*] آسیای عثمائی اهالی اسلامیہ سی دخی ترکر ایله دین اسلامی قبول ایتمسارده نیلردن، روملردن، سریانلردن مرکبیدی.

يکر منجی باب

سلطنت عثمانیه

بواب نسبتاً قیصہ در : چونکہ آسیای عثمانی ، آوروپا تاریخ سیاسی خارجندہ قالدینی کجی آوروپا حکومتلرینک شرق مسئلہسنہ مداخلہلری مناسبات بین المللہ عائد قسمدہ ، (بالقان) اقوامنک تاریخ استقلاللری یکر می برنجی بابدہ تفصیل ایدلمشدر ؛ بنا برین بورادہ حکومت عثمانیہ نک یالکز آوروپا ممالکی تاریخندن واصلاحات تشبثلرندن بحث اولنہ جقدر [*].

۱۸۱۴ دە حکومت عثمانیہ . — مؤسس سلطنت آل عثمانک نامنہ نسبتلہ یاد ایدیلن عثمانلی حکومت قدیمہ سی (آسیا) دە تأسس ایتمش ، بعدہ (آوروپا) نک بر قسم مهمنہ صاحب اولمش بر حکومت مطلقہ عسکریہ واسلامیہ ایدی .

ممالک عثمانیہ ، اون سکرنجی عصرده کی ضایعاتدن صکرہ دخی ، پک واسع ایدی : ایرانہ قدر بتون آسیای صغرای ، سوریه یی ، عربستانی ، شمالی آفریقایی ؛ (آوروپا) دە آوستریا و روسیہ یہ قدر بتون (بالقان) شہ جزیرہ سنی حاوی ایدی . فقط (آوروپا) ، طرز اداره سنی یواش یواش دیکشدیرہ رک ہر طرفدہ ادارہ احرارانہ تأسس ایتدی کی حالده سلطنت عثمانیہ ، بر شرق حکومت مستبدہ سی اولہرق قالیور ، بناء علیہ (آوروپا) یہ بیگانہ بولنیوردی . مع مافیہ حکومت عثمانیہ ، اون طقوزنجی عصری دائمی بحرانلر ، اصلاحات تشبثلری آرہ سندہ کچیرمشدر .

حکومت عثمانیہ نک تشکیلات اساسیہ سی بوزولمش ، شرق حکومت مستبدہ سی کجی ، انتظامسز وقاریشیق بر شکل آلمشدی : حکومت مرکزیہ پادشاہک ویا کوزدہ لرینک آرزولرینہ ، صدر اعظمک امرلرینہ ، اکابر مأموریندن مرکب بر مجلس اولان «دیوان» ک

[*] موسیو سہ نیوبوسک بوتربینی بوزمادم . یالکز بوابک مندرجانی . کتابک اقسام سائرہ سیملہ متناسب بر صورتدہ توسیع ایتدی کم کجی اوچنجی جلدہ عائد اولان شرق مسئلہ سنی و آوروپا حکومتلرینک مداخلاتی بحثی دخی ، قارئین عثمانیہ نک استفادہ سنی کوزہ تہرک دہا مفصل یازدم . ع . ر .

حرکات انقلابیہ حقندہ (آ. تون A. Thun) ، (اولدنبورگ Oldenberg) نامندہ کی آلمان مؤلفرینک آثاری موجود اولدینی کبی (آناطول لہرووا بولیو) ، میلیوتینک حیاتدن واسیرلرک تخلصندن باحث (برروس رجل حکومتی Un homme d'Etat russe) عنوانی بر کتاب یازمشدر . اہالینک روسلاشدیرلسی ایلہ موسویز حقندہ کی تضیقانہ دائر (دورنہت Dorneth) ، (فرہدریق Fredric) نامندہ کی آلمان مؤلفرینک و سیریا حیاتہ دائر آمریقالی (کدانان) ک اثرلی موجوددر .

روسہ نک احوال سیاسیہ سی حقندہ الکمہم بر کتابدہ (م . قروالہوسکی M. Kovalévsky) نک ۱۹۰۳ دە طبع اولنان (Institutions politiques de la Russie) عنوانی اثریدر .

لہستان حقندہ کی آثاردن بعضری: (شوچقو) نک ۱۸۶۴ دفعہ طبع ایدیلن (Histoire popu. de la Pologne) ، (لیسیقی Lisicki) نک ایکی جلددن مرکب اولوب ۱۸۶۳ عصیان حقندہ تفصیلات مکملہینی حاوی (مارکی ویل پولسکی Le marquis Wielpolski) . (راج Ratsch) ک ۱۸۶۳ عصیانہ دائر (La Russie lithuanienne) ، لہستانک احوال حاضرہ سی حقندہ (لہلیوا Leliwa) نک (Russie et Pologne) نامندہ کی آثاری .

تعريف مؤلفات

(رامبو (Rambaud) نك (روسيه تاريخى) نام اثرنده روسيه حقدنه كى آثار تاريخيه دار معلومات مكملة موجوددر .

(روسيه) نك احوال عموميه سى حقدنه كى اك اى تاريخ (برنهاردى (Bernhardy) نك آلمانجه ۴ جلدك روس تاريخى ايسده يالكز ۱۸۴۱ سنه سنه قدر اولان وقايى احتوا ايدر .

(قره هانز (Créhanze) ك ۱۸۹۶ سنه سنده طبع ايدىلن (زمانزه قدر روسيه تاريخى) عنوانى كتابى مختصر وعوامه مخصوص اولوب يالكز لهستان قسى ايچون بوندن استفاده ايديلير .

برنجى (نيقولا) ايكنجى واوچنجى (آلکساندر) لرابله ايكنجى نيقولانك دور حكومتلرينه عايد آرى آرى تاريخل موجوددر . روس حيات سياسيه سنده وقايعدن زياده عادات وتعاملك اهميتى اولديغندن (روسيه) احوالى تصوير ايدن آثار غايت مفيددر . بونوع آثار اوچ دوره آربله بيلير :

۱ . — (نيقولا) دورى : (ن . توركه نييف (N. Turgueniff) ك ۳ جلدك (روسيه وروسلر) نامنده كى كتابى [*] ، (شنيچلهر (Schnitzler) ك درت جلدك (چارلر ك سلطنتى (L'empire des tsars) ي ، (هاقستارزن (Haxthauzen) ك اوچ جلدن مركب اولوب روسيه نك نواحى تشكىلاتى حقدنه كى معلومات مفيده سيله مشهور اولان (روسيه مؤسسات وموضوعات مليه سى حقدنه تدقيقات Etude sur les institutions nationales de la Russie عنوانى اثرى .

۲ . — ايكنجى (آلکساندر) ك دوره حكومت احرارانه سى : (والاس) نامنده كى انكليز مؤلفنك فرانزجه يه مترجم (روسيه Russia) سى ، (آناطول لهرووا بوليو - Anat. Leroy - Beaulieu) نك اوچ جلدك (چارلر ك سلطنتى (L'empire des tsars) عنوانى كتابى .

۳ . — دور ارتجاع : غايت مهم تفصيلاتى حاوى اولقى اوزره روس انقلاب پرورانندن (تيخوميروو (Tikhomirov) ك يازدينى (اجتماعى و سياسى روسيه (Russie politique et sociale) ، يه انقلاب پرورانندن (استه پنياق (Stepniak) ك (تحت الارض روسيه (La Russie souterraine) ، (چارلر ك دور حكومتنده روسيه (La Russie sous les tsars) عنوانى كتابلرى [**]

[*] حكايه نويس شهر (ايوان توركه نييف) بومؤلف دكلدر .

[**] روس حياتى مصور اك مفيد حكايلر شونلردر : (غوغول) ك (اولش روحلر (Les âmes mortes) ، نيهليسترك احوالندن باحت (پدرلر اولادلر (Pères et Enfants) ، اشتراكيونك احوالندن باحت (خام طوبراقلر (Terres vierges) نامنده اثرلريد

ایدی ، (بوبیه دونو سچہف) نفوذینی محافظہ ایتشدی ؛ روایتہ نظراً امور ادارہدہ الکقطعی دلیل « متوفی چارک زمانندہ بویله یاییلیدی » سوزلرندن عبارتدی .

الکمہم اجراءات ، (روبله) فیثاتی ترفیع ایچون ایجاب ایدن آلتونی تدارک ایتمک مقصدیلہ برچوق استقراضارک عقداولنمسیدر . — (موسقووه) ده اجرا ایدیلن رسم تتوجده [۱۸۹۶] ضابطه نك مساعه سی یوزندن وقوعه کلـن قاریشیققلقده بیکلرجه کیمسه لر ازیلیدی ، تلف اولدی . بوفلاکتده تلف اولانلرک استراحت روحی ایچون اجرا ایدیلن آیین روحانی مناسبتیلہ (موسقووه) دارالفنون طلبه سی بر نمایش یایدیلر ، فقط شدتله تأدیب ایدیلر . بوحادثه یه دائر حکومتہ ویریلن راپورلرده نمایشلرک واسع برمقیاسده کی حرکات احرارانه جمله سندن اولدینی بیان ایدیلیوردی .

بیانات رسمیه واجراءات حکومتہ رغماً طرز ادارہ نك دیکشمک اوزره بولندینی عموماً ظن ایدیلیور . اوزمانه قدر امور حکومتہ هیچ مداخله ایتین (چاریچه) ، شمدی غرب حیاته آیشمش بر آلمان پرنسیسیدر ؛ بالذات (چار) ه عطف ایدیلن سوزلره نظراً مطلقیت ادارہ نك دوام ایدہ جکنه حکمداریبله قانع دکلدر .



ایتمکدن منع اولندیلر ، کافه مسالک حره کندیلری ایچون مسدود اولدینی حالده یالکیز شهرلرده اقامتلیرینه مساعده ایدیلبوردی [۱۸۹۰] . (موسقووه) ده کی موسوی عمله توقیف وعسکر معرفتیه ولایات سائرهمه سوق ایلدی [۱۸۹۱] . کویلیلر ، موسویلر علیهنه عصیان ایتمیلر ، ۳۰۰،۰۰۰ موسوی (روسیه) دن چیقوب کیتمهکجه مجبور اولدی . روسلاشدرمق تشبئی ، (فنلاندا) غراندوفه لغنده الکصره موقع تطبیقه قوندی . ایکنجی (آلكساندر) ، (دیت) مجلسنی بش سنه ده بر ، اوچنجی (آلكساندر) اوچ سنه ده بر عقدا اجتماعه دعوت ایلمکده ایدی . مطبوعاتک تفتیش ومعاينه سی اصولنی وضع ایدن قانوندن طولایی حکومت ایله بومجلس آره سنه اختلاف ظهور ایتمش ، مجلس قانونی رد ایلمش ، حکومت « سانسور » ی اداره قبول ایتمیرمشدر [۱۸۶۷] ؛ مجلس ایله حکومت آره سنه مکتبلاک اصلاحی وبودجه مسئله لرندن طولایی ده اختلاف موجود ایدی .

(فنلاندا) ، اسوچ اصولنده کی طرز اداره سنی محافظه ، بانقسه سنی ، محکمه لرینی ، کلیساینی ، شمندوفرلرینی ، مکتب لرینی ، اداره نواحی نی ، امور عسکریه نی ، صنف متوسطه عاقد حقوق و امتیازاتی ، مؤسسات خیره سنی اصلاح ایتمدی [۱۸۶۷-۱۸۷۸] . (فینو و افرقه سی) نامه له شکل ایدن برفرقه (فینوا) لساننک اسوچ کبی ، لسان رسمی عد اولنسی ایچون حکومتک مساعده سنی استحصال ایلدی . ۱۸۹۰ ده ، (فنلاندا) نك مختاریت اقتصادیه سی [مسکوکات ، کمرک ، نقلیات] اخلال ایدیله جیک کبی کوروندی ؛ بوندن بشقه [فنلاندا] قانون جزاسی روس قانون جزاسنه توفیقاً تعدیل ایلدی . ۱۸۹۱ ده عقد اجتماع ایدن (دیت) مجلسی بوسیلاسته قارشى اعتراض ایتمدی و (چار) ، فنلاندا نك مختاریتنه طوقونمدی .

چار ایکنجی نیقولا . — آلكساندرک وقاتی [تشرین ثانی ۱۸۹۴] روسیه نك سیاست داخلیه سنی تبدیل ایتمدی . اوغلی ایکنجی (نیقولا) ، بدرینک سیاستنی تعقیب ایده جکی متعدد دفعه لر بیان ایتمدی ، صنف زادگان ایله شهرلر طرفندن کوندریلن هیأت مبعوثیه به شو صورته اداره لسان ایلدی : « هرکس ایجه بیلسون که مطلقیت اداره یی ، پدرم کبی ، کال شدته محافظه ایده جکم . » [کانون ثانی ۱۸۹۵] . [زه مستوو] مجلسلرینک امور حکومته اشتراک ایلملری فکرینک « پهوده رؤیالردن » عبارت اولدیغنی بیان ایتمدی . مطبوعات قانوننک تخفیفی ایچون محررلر ایله غزته جیلر طرفندن ویریلن هر یضه رد ایلدی . حکومتی اداره ایدن ذوات ، اوچنجی (آلكساندر) ک معتمدلری

آلدی . ۱۸۸۵ دە اوراق مخابره نك روسجه يازلسنى (بالطق) ولايتلرينه امر ايتدى ؛ (ريفا) و (روهول) شهرلى مجلسلى بواىر اطاعت ايتدكلرندن اعضاسى تعقيات قانونيه دوچار اولدى . (ژيمناز) مکتبلرنده اك زياده روسجه نك تحصيلنه اعتنا ايدلسى امر اولندى . پوسته خانه ، مکتوب و اوراق سائر آدرسلى نك روسجه يازلسنه لزوم كوسترمكه باشلادى . عىنى زمانده پروتستان مذهبي علمنده دى بعضى تدابير تصديقيه موقع اجرايه وضع ايدلى . مختلط بر ازدواجدن تولد ايدن چوجفك اورتودوقس مذهبجه تربيه ايدلسى محيورى ايدى . حكومتك مواعيدى اوزرينه اورتودوقسلى قبول ايدن اولكى مذهبلرينه عودتى ايستين پروتستان كويليلر توقيف اولنديلر ، بونلره مراسم روحانيه يى اجرا ايدن راهبلىر بر اورتودوقسى تبديل مذهبه اجبار ايتك تهمتيله تعقيب ايدلديلر . پروتستان راهبلىرى نك اعتراضاتنه ، (بوبيه دونوسچف) شو جوابى ويردى : « روسيه نك برنجى وظيفهسى اورتودوقس مذهبى داخل شهبه لره و خارچى دوشمنلره قارشى حمايه ايتدكلر . . . ممالك غريبه يه مخصوص اديان ، (روسيه) نك تمامى ملكيه سنه تعرضدن خالى قالميور . (روسيه) بودينلر اورتودوقسلى جلب واقف ايتمنه مساعده ايليه مز . » نهايت ، دهاساسلى تدابير اتخاذ اولندى : آلمان مکتبلرينه روسجه نك قبولى ، مغازه و دكانلر اوزرنده كى آلمانجه لو حهلر يرينه روسجه لو حهلر تعليقى ، كافه محررات رسميه ده روسجه دن ماعدابر لسانك استعمال اولماسى امر ايدلى [۱۸۸۹] . آلمان حاكملىرى نك يرينه روس حاكملىرى تعيين قلندى . (بالطق) ولاياتنك حيات علميه مركزى اولان (دورپات Dorpat) دارالفنونى روسلاشديرلدى ، درسلىك روسجه تدريس ايدلسى ايچون امر آلدى [۱۸۹۰] .

عىنى زمانده ، حكومت موسويلرى (روسيه) دن چيقارمغه چاليشيورلدى . قسم اعظمى غرب ولاياتنده [قديم لهستان قراللى داخنده] اولمق اوزره تقريباً بش مليون موسوى واردى ؛ بونلر كندى دينلرينى ، قياقتلرينى ، عادتلرينى ، عبرانيجه ايله آلمانجه نك اختلاطندن حاصل اولمش لسانلرينى محافظه ايدنيورلردى . اولما ، مسكرات تجارتندن و اراضى اشتراسنندن منع ايدلديلر [۱۸۸۲] . موسويلر علمينه تحريك اولسان اهالى ، موسوى خانلرينى يغما ايتديلر ، ياقديلر . موسويلرى مسالك حردهن چيقارمق ايچون (ژيمناز) لره ، دارالفنونلره قبول اولنه جق موسوى طلبه نك مقدارى تحديد ايدلى ، يوزده اوچدن اونقدر قبول اولندى [۱۸۸۵ - ۸۷] . بيمده دهاساسلى عمومى برتديراتخاذ قلندى . (روسيه) نك وسط طرفلرنده قالمش اولان موسويلر غرب ولاياتنه ، كثرته بولندقلرى مملكتلره هجرته مجبور ايدلديلر ، اراضى المقدن ويا استيجار

حکومتته اقراض ایدیلن فرانسز سرمایه سنک مقداری ۵ الی ۷ مليار فرائق تخمین اولمشدر .

رسمی ایستانتیقلره نظرأ ۱۸۸۱دن ۱۸۹۱ سنه سنه قدر اون سنه ظرفنده واردات عمومیه ۶۵۰ ملیون دن ۸۹۱ ملیونه ، شمندو فرلرک نقل ایتدیکی اشیا ۱۸۸۵ده ۴۲ ملیون طون ایکن ۱۸۹۰ ده ۶۷ ملیون طونه چیقمشدر .

روس شیرم . — ولایات غربیه اهاالیسنی جبرأ روسلاشدرمق تشبئی برنجی (نیقولا) نك زماننده باشلامشدی . ایکنجی (آلكساندر) ، اول امرده ، بوتشبتی مستقل بر ملت تشکيل ایتک ایستین (له) مملکتته حصر ایتدی ویالکزر مختاریت اداره لرینی طلب ایدن اقوامک لسان و مذهبنه رعایت ایدیورکچی کوروندی . (بالطق) ولایاتنده (نیقولا) زماننده باشلایان روسلاشدرمق تشبئاتنه نهایت ویردی . (فنلاندیا) ده صنوف اربعه وکیلرندن مرکب اولان (دیت) مجلسنی ، مملکتک فتحندن بری ایلك دفعه اوله رق ، عقد اجتماعه دعوت ایدرک ویرکولرک تحصیل وجباتی حقیقده کی یکی قانونی قبول ایتدردی [۱۸۶۳] . بو مجلسده درت لسان استعمال ایدیلیور ، روس والیسی روسجه ، زادکان ورهبان فرانسزجه ، صنف متوسط (اسوچ) لسانی ، کویلیر (فینووا) لسانی ایله تکلم ایدیورلردی . فقط غایت قوتلی برحاله کلن (اسلاو) فرقه سی ، نهایت الامر ، (چار) ی السنه و مذاهب اجنبیه علیهنده اتحاد تدابیره اقناع ایتدی [*] . ۱۸۶۷ دن اعتبارأ ، بالطق ولایاتنده ، روسجه نك محجوری اولدیغنی اعلان ایدن ۱۸۵۰ امر نامه سی موقع تطبیقه وضع ایدلدی . بو ولایات مجلسلری ، اهاالی محلیه عاڈ حقوقک محافظه سی (چار) لر طرفندن وعد ایدلدیکنی و از جمله « آلمانجه نك دوائر حکومت و محاکمه استعمالنه » مساعده اولندیغنی بیان ایدرک اعتراض ایتدیله . بوکا جوابأ (چار) لرک بالطق ولایاتی حقوقک محافظه سنی وعد ایللری آنجق حقوق مذکورهنك « امپراطورلغک مؤسسات عمومیه سنه و قوانین و نظاماتنه موافق » اولمسیله مشروط اولدیغنی ، آری برلسانک استعمالی ایسه « اتحاد اساسنه » مغایر بولندیغنی بیان ایدلدی [۱۸۶۷ — ۱۸۷۰] . حقیقت حالده ، بوتدیر موقع تطبیقه وضع اولمندی .

اوپنجی (آلكساندر) زماننده حکومت ، مملکتی روسلاشدرمق تشبئی تکرار اله

[*] السنه علیهنده کی تدابیر تطبیقه روس لهجه لرینه دخی تشمیل ایدلدی . (اوقره نیا) ده (کوچک روسجه) لهجه سیله عوامه مخصوص بر ادبیات موجود ایدی . حکومت (کوچک روسجه) ایله هیچ بر اثر طبع ایدلمه سنی ، هیچ برنیاترو اویوننک ویا شرقینک موقع تماشا به وضع ویا ترنم اولماتنی امر ایتدی [۱۸۷۶] .

نظارت آلتده بولندیرلدی ؛ بو تضییقات متعدد دفعه‌لر قاریشیق‌لقلره سبب اولدی
 [۱۸۸۴ ، ۱۸۸۷ ، ۱۸۹۰] . روسیه‌ده ، قرون وسطاده اوروپاده اولدینی کبی ،
 دارالفنونلره بالخاصه اسباب معیشتدن محروم کنج‌لر ، پاپاس ، کوچک مأمور ، موسوی
 اصناف اولادلری دوام ایدرلر . بوقیر کنج‌لر حکومتی اندیشه‌یه دوشوریوردی .
 ۱۸۸۷ سوه قصدی حقتده ویریلن راپورده ، بعضی معلمین و صنف زادگانه منسوب اولمان
 طلبه‌شبه‌لی اشخاص آره‌سنده کوسترلمشدی . بونک اوزرینه مکاتب تالیه و دارالفنونلره عمله
 و خدمتکار اولادینک آلمانسی امر ایدلدی .

ایکنجی (آلكساندر) زماننده احداث اولنان ، اهالی طرفدن منتخب صلح
 حاکماری قالدیرلدی ؛ کویلرده بونلرک یرینه یکی مأمورلر ، حکومت طرفدن تعیین ایدیلن
 ویالکیز زادگانن اولان ناحیه رئیس‌لری قائم اولدیلر [۱۸۸۹] ؛ بونلر امور عدلیه‌یی
 ایفایه . مأمور اولدقدن بشقه کوی رئیس‌لری عزل و نضبه و کوی مجلس‌لرینه نظارت
 ایتمک دخی مأذون ایدیلر . بو صورته کویلر زادگانک تحت اداره‌سنه ویرلمک
 ایستیلدی .

حکومه ، بر شکل قانونی آلتده ، مخالفت ایتمک امکانی قالماشدی ؛ مع مافیه
 اجنبی غزته‌لری برچوق دفعه‌لر سوه قصد ترتیباتنک ، خفی مطبعه‌لرک ، سیاسی جمعیتلرک
 ظاهره چیقارلیدندن بحث ایتدیلر ؛ اختلاطیلر طرفدن نشر اولنان بیاننامه‌لری ،
 مأمورینک سوه استعمالاتی اخبار ایچون (چار) و ویریلن استعدانامه‌لری ، محکومین
 سیاسی حقتده روا کوریلن سوه معامله‌لره دائر پروتستونامه‌لری عیناً نشر ایلدیلر .

اوچنجی (آلكساندر) ک دور حکومتنده برچوق تحولات اقتصادی وقوعه کلدی .
 ۱۸۷۷ محاربه‌سی مصارفی ، اراضینک کویلر طرفدن اشتراسی معامله‌سی ،
 حبوبات تجارتی بحران امور مالیه‌یی اخلاص ایتمشدی . بودجه‌ده دائماً بیسوک
 آچیلر ظهور ایدیوردی ؛ ممالک اجنبیه آقوب کیدن آلتونک یرینه قائم اولان
 اوراق نقدیه قیمت اعتباریه‌سنک نصفه دوشمشدی . حکومتک تحت اعترافنده اولان
 بودجه‌آچینی ۱۸۸۷ سنه‌سنه قدر دوام ایتدی . مالیه ناظر جدیدی و (قاقوف) ک
 محیسی (ویشنه غرادچکی Vichnegradzky) بودجه‌آچینی قپانه‌رق فضلله واردات
 کوستردی . آلمان صنایعی معمولاتنه قارشی همان ممنوعیت درجه‌سنده حمایه کارانه
 رسوم وضع ایتدیردی . قسماً (آلمانیا) یه عائد اولان دیون عمومیه‌یی ، فرانسه‌ده
 عقد ایدیلن استقرضات جدیده ایله تأدیبه ایتدی [۱۸۸۸ سنه‌سندن بری] ؛ روس

باشلادیار . (موسقووه) ده اجرا ایدیان رسم تتوج کونی برسوء قصد ترتیب ایتدیله ، فقط ضابطه ترتیبات واقعه‌یی میدانه چیقاردی . اختلاجیلرک عددی پک آز ایدی ، برمدت صکرده کاملاً بر طرف ایدلیدلر [۱۸۸۴ سنه سنه طوغری] . بوزماندن اعتباراً مأمورین ضابطه‌نک (چار) ی کیجه کوندوز محافظه چالیشدینی ، بر چوق سوء قصدلر وقوعه کلش ایسه ده کافه سنک نتیجه سز قالدینی ، پک چوق کیسه لرک توقیف اولندقلری ، موقوفیندن بعضارینک ضابطان صنفندن بولندینی جرائد اجنبیه ده اوقوندی ؛ فقط فرقه اختلالیه‌نک تشکیلات قدیمه‌سنی محافظه ایدوب ایتدیکی مجهول قالدی ؛ حکومت ایسه بوبابده هیچ بر معلومات ویرمدی .

روس حکومتی برنجی (نیقولا) نک سیاستنه عودت ایتدی و (آلكساندر) ك اثر اجرا آتی محوه چالیشدی . (اوروپا) افکار جدیده سنک (روسیه) یه دخولنه واسطه اولان شیرلی ، مطبوعاتی ، تدریسانی ، مجالس محلیه‌یی ضایت شدتلی بر نظارت آلتنده بولندیردی . ولایت غزنه لرینک قبل النشر تفتیش و معاینه‌سی اصولی اودرجه شدتلی تطبیق ایدله ی که اجرا آت حکومتی تنقید ایتک شوپله طور سون مأمورینک خوشنه کیمین حوادتی [یانغین ، سرقت ، قحط و غلا کبی احوالی] بیله نشر ایتک ممنوع ایدی . پایتخت غزنه لرینه کلنجه ، اخطار و توبیخ اصولی بو غزنه لری برر جریده رسمیه درجه سنه ایندیردی . یالکز مطلقیت اداره طرفداری غزنه لرک سر بستجه یازی یازمنزینه مساعده اولندی ؛ بوندن طولانی ممالک اجنبیه ده ، روس افکار عمومیه سنک یکانه تمثالی غریبلرک وبالخاصه (فرانسه) حکومت جمهوریه سنک دشمنی اولان (قاقوف) ایدی .

بر هیئت مخصوصه ، اجنبی غزنه و کتابلری معاینه ایدیور ، یا حدوددن کچمسنه مساعده ایتبور ، یا خود روس قارئلری ایچون تهلکه‌لی عد ایدیلن فقره لری ، صحیفه لری سیم سیاه مرکب ایله قرار تیوردی [بو عملیات ، مطبعه مرکبی حاوی بر سیلندیر ایله پایلیر ، صحیفه لری سیاهه بویانیردی ؛ بوکا « خاویار سورمک » عملیاتی نامی ویرلمشدر] .

حکومت ، پاپاسلر طرفندن اداره اولنان مکاتب ابتدائی‌یی احداث ایدرک تربیه دینه‌یی تأمین ایتک ، (بالطق) ممالک کنده کی پروتستانلری و (لهستان) ده کی قاتولیک کویدلری اورتودوقسلغه ادخال ایدرک مذاهب سائره‌یی قالدیرمغه تشبث ایتدی ؛ (استوندیست Stundiste) دنیلن بر مذهب اربابی علمینه تعقیبات قانونیه اجرا ایدلی .

دارالفنونلرده بعض حریت‌پرور معلمار عزل ویا محل آخره تعیین اولندیلر ، اوتهدن بری افکار احرارانه صاحبی اولمقله تحت شهبه ده بولنان دارالفنون طلبه‌سی شدتلی بر

کجه چکی شمندو فر خطی اوزرنده بر لغم قازیلدی ، او چنجیسنده قیش سر اینک طعام سالونی «دینامیت» ایله برهوا ایدلدی ، نهایت ایمراتورک آرابه سنه «بومبا» آتیلدی [مارت ۱۸۸۱].

آلکساندر ، اختلالچیلری عوایتمک ایچون مملکتی آلتی قسمة آیروب هر قسمی نامحدود صلاحیتیه مالک روالی عمومی به تودیع ایتدی [۱۸۷۹] ، بعده ایمراتورلق داخلنده آسایش وانتظامی محافظه ایچون برانجمن مخصوص تشکیل ایلدی ؛ بوانجمن رئیس (لوریس مهلیقوف Loris Melikoff) مملکتی برنوع «دقیقتورک» ایله ادارهیه باشلادی . (لوریس مهلیقوف) احرارای قزانمق ایچون بعض محکومینی عفو ، حبسخانه لر حقنדה تحقیقات اجرایی امر ، اداره نفی اشخاصدن والیرلی منع ایتدی . ایکنجی (آلکساندر) اداره احرارانهیه عودته حاضر کبی کوروندی ؛ قونت (تولستوی) ی عزل ، « اوچنجی شعبهیی ، الفا ایلدی ؛ و مجلس ملی کشادینی متضمن لایحهیی امضا ایتمک اوزره بولندی بر صروده قتل ایلدی . اختلالچیلرک « اجرا آت قومیته سی ، ۹ ایلول ۱۸۷۹ تاریخنده (چار) علیهنه ویریلن حکم اعدامک اجرا ایدلیکنی اعلان و خلفی اوچنجی (آلکساندر) . (روسیه) ده اداره احرارانهیی تطبیق ایلمسنی اخطار ایتدی .

اوچنجی آلکساندرک طرز اداره سی . — اوچنجی (آلکساندر) ، اولاً ، (لوریس مهلیقوف) ی موقعنده محافظه ایتدی ، حتی بر اصلاحات انجمنی تشکیلنی تصویب ایدر کبی کوروندی . فقط ، پدری کبی ، (اوروپا) محی دکل ، (نیقولا) کبی تام بر روس ، اورتودوکس ، افکار غربیهیه دشمن ایدی . برمدت صکره ، (اوروپا) دشمنلرینی ، فرقه ملیه رئیس (قانتوف) ی ، روس کلیسای (سن سینود) مجلسی مدعی عمومی (پوبیه دونوسچف Pobiédostsef) ی ، جنرال (ایغناتیف Ygnatief) ی مشاور اتخاذ ایتدی . « مطلقیت اداره نک قوت و مشروعیتنه اعتماد تامی بولندیفی ، » بواصول ادارهیی « ملتک منافعی تأمین ایچون هر درلو هجوملره قارشى مدافعه و تقویه به عنزم ایتدیکنی » اعلان ایلدی [۱۱ مایس بیاننامه سی] . فی الحقیقه ، اوچنجی (آلکساندر) بتون دوره حکومتده ، جدی (نیقولا) کبی ، مطلقیت ادارهیی محافظه به اهتمام ایتدی . فقط (نیقولا) نک مسلکی خلافت اوله رق خارجاً صلح و مسالمتی محافظه به چالیدندی . (اوروپا) ده سیاست تجاوز کارانه طرفدارای اولان (ایغناتیف) ۱۸۸۲ دن اعتباراً امور اداره دن اوزا قلاشدرلدی ، (چارک) ک یاننده مطلقیت اداره رؤساسندن یالکنر (قانتوف) ایله (پوبیه دونوسچف) قالدی ؛ فنون جدیده علیهنده کی افکار و اجرا آتیه شهرت قزانان قونت (تولستوی) تکرار موقع اقتداره کلدی . اوچنجی (آلکساندر) مطلقیت اداره نک محافظی اولدیغنی اعلان ایتدیکی جهتله اختلالچیلر یکیدن محاربهیه

اوله میه جغتی تجربه کوسترمشدی ، انقلابه معاونت ایده جک عمله صنفی (روسیه) ده مفقود ایدی ، احوال حاضرمدن غیر ممنون اولانلر اولا مطلقیت اداره بی محو ایتمک و حکومتی مجلس مبعوثان کشادینه ، سربستی مطبوعات اعطاسنه اجبار ایلمک ایستیورلردی ، بونلر الده ایدلدکن صکره انقلاب اجتماعی کندی کندینه حصوله کلیردی . روس انقلابیورانی تحریکات اجتماعیلرینی موقتاً تعطیل ایدرک احرارک پروغرامنی قبول ایتدیلر ، حریت سیاسیسه ایسته مکه باشلادیلر . فقط بشقه درلو وسائط قوللاندیلر ؛ حکومتک تدابیر شدیدة تضییقه سنه قارشی هر طرفی خوف و دهشت ایچنده براقق ایستدیلر . (پترسبورغ) ایله جنوبی (روسیه) ده کی جمعیات خفیه نك تعقیباتدن قورتولمش اولان اعضاسی قوتلی بر جمعیت خفیه تشکیل ایتدیلر ؛ بر جمعیت ، (پترسبورغ) ده بولنان بر اداره مرکزیه تابع ایدی ؛ اداره مرکزیه حکومت علیهنده سوء قصدلر ترتیب و بونلرک اجراسنی امر ایدیوردی ؛ اعضادن هر بری جمعیتک امرلرینی حرفیاً موقع تطبیقه وضعه مجبور ایدی [مایس ۱۸۷۸] . بو اختلال فرقه سی ، کنجیلر ، دارالفنون طلبه سی ، عمله ، کنج قادیسلر کی پک آز کیمسه لردن مرکب دی ؛ فقط خفیاً حرکت ایچون تشکیلاتی مکمل ، کیزلی مطبعه لری ، لابوراتوارلری ، واردات مخصوصه سی موجود ایدی ؛ هر طرفدن ، حتی بعضاً حکومت سندوقلردن پاره آلیردی . بعض خفیه لری ، جاسوسلری قتل ایتمکله ایشه باشلادی . بعده فرقه یه منسوب کیمسه لری توقیف و ضرب ایتدیرن ضابطه و اداره مأمورلرینه هجوم ایتدی . ضابطه سیاسی و وظیفه سنی ایفا ایدن « اوچنجی شعبه » مدیری موقوفینه سوء معامله ایتدیکی ایچون ، کوندوز ، سوقاقده خنجر ایله قتل ایدلدی . اختلالجیلر ایله حکومت آره سنده مدهش بر مبارزه باشلادی . ۱۸۷۸ دن ۱۸۸۲ سنه قدر اکا بر مأمورین علیهنده ۶ ، پولیس مدیرلری علیهنده ۴ سوء قصد وقوعه کلدی ، ۹ جاسوس قتل ایدلدی ؛ اختلالجیلردن ۳۱ کشی اعدام اولدی ، ۸ کشی سوء قصد ائناسنده تلف اولدی ، اوچ کشی اتحار ایتدی . (چار) ، اختلال چته سی علیهنده معاونت طلب ایتمک ایچون روس قومنه خطاباً بر بیاننامه نشر ایلدی [آغستوس ۱۸۷۸] . ولایت مجلسلردن بعضلری بوکا جواباً اداره نك سوء استعمالنی تعداد و تبعه یه « بلغارلر درجه سننده سربستی ویرمسنی » چاردن استرحام ایتدیلر .

اختلالجیلر (چار) ی اولدیرمکه قرار ویردیلر . درت دفعه سوء قصد واقع اولدی ، برنجیسنده طبانجه ایله اولدیرمک ایسته نیلدی ، ایکنجیسنده امپراطوره مخصوص قطارک

بوکا داخل اولانلر (روسیه) نك هر طرفی حرکتیه آماده برچوق جمعیتلر ایله طولو اولدیغنه اینانورلردی ؛ جمعیتک الهمهم وسائط اجراییه سی (رازین Razin) و (پوغا چف Pougatchef) نامنده کی حیدودلر ایدی . جمعیت بر جاسوس قتل ایتدیکندن [۱۸۶۸] ظاهره چیقارلدی و محو ایدلدی . فقط جمعیتک افکاری نشر و تعمیم ایدلمکده دوام ایتدی . (باقونین) هرشیدن اول صنوف اهالی آره سنه قاریشهرق بونلری عصیانہ تشویق ایتک املنده ایدی ، دائماً بونی توصیه ایدر ایدی . (لاوروف) ایسه اهالی بی تربیه ایدرک ، مسالمتپورانه برانقلاب اقتصادی یه حاضرملق فکرنده ایدی . نشر اولنان بر بیاننامهده (انتلیغانزیا) نك عوام آره سنده نشر افکار ایلمسی لزومی اخطار ایدلدی . برچوق جمعیتلر تشکل ایتدی ، بالخاصه دارالفنون طلبه سی ایله کنج قیزلر بوجمیتلره داخل اولورلردی . بونلری بویک برحمت ایله چالیشمغه باشلادیلر ؛ کنج لار عوام آره سنه قاریشمرق ایچون عمله ویا کویلی قیافته کیریورلر ؛ بیاض دریلر یله نظر دقتی جلب ایتمک ایچون یوزلرینی کونشده یاقورلر ، اللرینی قطران ایله سیاهلانندیورلر ، عمله ویا کویلیلر آره سنده چالیشیرکن بونلره قونوشورلر ، خفیا رساله لر باصهرق توزیع ایدیورلردی . (تورکه نیف) ، « خام طوبراقلر » نامنده کی حکایه سنده ، « نیهیلیست » لره هیچ بکنزه مین بونسل جدیدی تصویر ایتمشدر . برچوق ولایاته طاغیلمش اولان بو اشتراکیونک منتظم بر تشکیلاتی ، معین ولایتیغیر بر پروغرامی بولمندیغندن مهم بر نتیجه استحصال ایدله مدی . ۱۸۷۴ سنه سنده کفیتندن خبردار اولان حکومت ۷۷۰ کشتی علیه نده تعقیبات اجرایی ایتدی ، ۲۶۵ کشتی حبسخانه لرده قالدی [۱۸۷۵] . مسالمتپورانه بر انقلابک فائده سنی آکلایان جمعیات خفیه اراضینک ده اعدالانه بر صورتده تقسیم اولندیغنی وعد ایدرک کویلیلری جلبه چالیشورلردی ؛ اوتنه ده بریده ، احتیاجلریله غیر متناسب درجه ده آزاراضی آلان کویلیلر عصیان ایتدیلر . حکومت برچوق اشخاصی توقیف ایتدیردی ، جرائم سیاسیہ دعوالری دوام ایدلدی ، (اودسا) ده جریان ایدن محاکمه مشهوره ده ۱۹۳ کشتی محکوم اولدی [۱۸۷۷] . حبسخانه لرده بولنان مجرمین سیاسیہ کندیلرینه سوء معامله ایدلمسندن شکایت ایدیورلردی . (وراساسولیچ Vera Sassulitch) اسمنده بر کنج قیز محبوسینی ضرب ایتدیرمه کله اتهام اولنان پولیس مدیرینی قتلہ تصدی ایتدی ؛ محاکمه سی ، هیئت عدول حضورنده اجرا اولنه رق براثت قزاندی .

۳ — بوندن صکره حرکات احرارانه تبدیل شکل ایتدی ، شدت طرفداری اولان اشتراکیون اداره بی درعهده ایلدیلر . آرتق نشر افکاره چالیشمق ، برانقلاب اجتماعی حاضرملق ایسته نیلمیوردی ؛ مطلقیت اداره جاری اولدیغنی مدتیجه افکار اشتراکیونک نشر و تعمیم

شیدن نوید اولدیله . بونلر اجرا آت فعلیهده بولنور برفرقه تشکیل ایتمهرك [چونکه ۱۸۶۲ دن ۱۸۶۴ سنهسنه قدر حکومتجه اجرا ایدیلن تعقیبات ، جمعیات خفیه یی حکمدن اسقاط ایتمشدی] یالکزر هیئت اجتماعیه نك احوال عمومیه سنی بدینانه تنقید ایله اکتفا ایتمدیله . اوزمان علوم طبیعیه ، فلسفه مثبتیه ، مسلک مادیون پك زیاده رواجده ایدی ؛ تجربه یایمق ایچون قوربنه لر دیری دیری تشریح ایدیلور ، (بوقل Bukle) ، (داروین Darwin) ، (بوخنر Büchner) ك آناری اوقونیوردی . (تورکه نیف) روس هیئت اجتماعیه سنك اوزمانکی احوالی (پدرلر وچوچقر) عنوانی حکمایه سنده تصویر ایتمشدر [۱۸۶۲] هرشیئی فنا کورن ، هرشیئی انکاریدن کیمسه لره (نیهیلیست nihiliste) نامنی ویردی [*] . بونام (اروپا) نك هرطرفنده شایع اولدی وفرانسزلر روس انقلابچولرلغی ، اختلافچیلرینی یا کلاش اوله رق بواسم ایله یاد ایتمکه باشلادیله . بونسلک غیر ممنولری هیچ برشیئی بکنمیورلر ، مذهبدن ، عائله دن ، حکومتدن ، الحاصل هرشیدن شکایت ایدیورلر ، فقط پك آزا اجرا آتده بولنیورلردی . (قاراقوسوف) ك (چار) علمهنده کی سوء قصدی [۱۸۶۶] بیوک برتأثیر حصوله کتیردی ، چونکه ایلك دفعه اوله رق برروس حکمدارنی اولدیرمکه تشبث ایتمشدی . حکومت ، نشر ایتمدیکی برامرنامهده جمعیت بشریه ایچون تهلكه تشکیل ایدن اشخاصك دنیاده شایان حرمت نه وارسه جمله سنه هجوم ایتمدکلری ، عائله وحق ملکیتك ، قانونه اطاعت و مأمورینه حرمتك اساسلرینی تحریبه چالیشدقلری بیان اولنیوردی . ایشته بوامرنامه نك تاریخندن اعتباراً (روسیه) حکومتی مطلقیت اداره یه تماماً عودت ایتمش صاییلیر . کندیلرینی تهلكه ایچنده کورن غیرممنولر ممالک اجنبیه الیجایتمدیله .

۲ . — ممالک اجنبیهده کی ملتجیلر افکار اشترا کیونی قبول ایلدیلر . بعده .

بوافکاری ایکی مختلف شکلده (روسیه) یه ادخال ایتمکه باشلادیله : (لاوروف Lavrof) ، (مارقس) نظریاتی قبول ایتمش ، (باقونین Bakounine) ایسه (پرودون Proudhon) طرزنده « آناشیسست » اوله رق عودت ایلمشدی . فقط (باقونین) ، (پرودون) ك مسلکنی روسلره موافق کله جك صورتده تعدیل ایتمشدی ، حق تصرف (میر) ، یعنی ناحیه یه عائد اولسنی ایستور و انقلابی حاضرملق ایچون شدتی اجرا آت ، عصیانلر ، سوء قصدلر ایله عوامی او یاندرمق لازم کله جکنی سویلیوردی . (نهچایه و Netchajew) اسمنده بر اختلافی خفی بر قومیته نك تحت اداره سنده اوله رق بر جمعیت تشکیل ایتمدی ، [*] نیهیلیست کله سی یکی دکلدی ؛ چونکه ۲۸۴۸ دن اول فرانسده استعمال ایدلکده ایدی .

صیق توبیخ و تعطیل ایدملری صورتیه — حکمسنز قالدی . غزته ر آنجق مأمورین حکومتجه آرزو ایدیلن شیرلی یازه بیلورلردی ؛ جراند رسمیه دن ، برده مطلقیت اداره فرقهسی رئیس (قاتقوف) ک نشر ایتدیکی (موسقووده غزتهسی) نذن بشقه سیاسی غزته قالدی .

مکتبر ، یکی بر معارف ناظرینک ، مطلقیت اداره طرفدارلردن قونت (تولستوی Tolstoi) ک تحت اداره سنه ویرلدی [*] . بوناظر تدریسات تالیهینی قارمه قاریشیق ایتدی ، قون درسارینی — انقلاب فکرنی اویندردینی ایچون — قالدیردی ، یرلینه السنه قدیمه درساری قویدی . دارالفنونلرده طلبه نك جمعیت تشکیل ایتلرینی منع ایتدی ، طلبه بومنونعته قارشى شکایت ایچون طوبولاندقلری زمان حقارنده عاصی معاملهسی یاپدی [۱۸۶۹] . صرف دارالفنون طلبه سنی نظارت آلتنده بولندیرمق ایچون مفتشالر تعیین ایدلدی .

مخالف فرقر — مطلقیت اداره یه تدریجاً عودت ایدلسی (انته لیغازیا) بی صوک درجه یاسه دوشوردی . ایکنجی (آلکساندر) ک ایلك سنه لرنده کی جوش و خروش مسرتی ، بیوک برخشنودسزلق ، عمیق بریأس ونومیدی تعقیب ایتدی . بالخاصه کنجلا آراسنده برقوة مخالفه تشکیل ایدلدی وبوفرقه یواش یواش براختلال فرقهسی حالئ آلدی . ۱۸۶۱ دن اعتباراً (روسیه) نك احوال سیاسیسی اوچ قسمه آیریه بیلیر : ۱۸۶۹ سنه سنه قدر احراک خشنودسزلقی ، معاملات حکومتی تنقید ایتیمی ؛ ۱۸۷۵ سنه سنه قدر اشتراکیونک تحریکاتی ؛ نهایت اختلاجیلرک بتون (روسیه) بی خوف و دهشت ایچنده بر اقلری .

۱ . — ۱۸۶۱ اصلاحاتی تعقیب ایدن سنه لرده حکومتدن ممنون اولیانلر بالخاصه (اوروپا) محبلی ، صنف زادکانه منسوب احرار ، حاکمیت عامه طرفداری کنجلا ، دارالفنون طلبه سی ایدی . دهاساسلی اصلاحات ، از جمله قانون اساسی ، مجلس مبعوثان [متعدد ولایتلرده زادکان ، مجلس مبعوثانک اجتماعنی رسماً طلب ایتشاردی] ، سربستی نام مطبوعات ، سربستی مذاهب ایستورلردی . بعده ، قرار ویریلن اصلاحاتک تطبیق ایدلمدیکندن شکایته باشلادیلر . حکومتدن خشنودسزلق ، اول امرده ، نظری ومبهم بریأس عمومی شککنده ایدی . — بعده ، اصلاحات عقیم قالدیغندن افکار منوره صاحبی روسلر مملکتلرینک احوال اجتماعیه سنی پیش نظر دفته آدلیر ، غایت فنابولدیلر ، هر

[*] افکار مخصوصه مذهبییه و احرارانه صاحبی اولان مؤلف شهیر قونت (لئون تولستوی) ایله معارف ناظری اولان ذاتی برطن ایتمه لیدر ، مع مافیله هر ایکسی ده (قونت) عنواننی حائزدر .

اصلاحات عدلیہ ، تبعہ یہ معاملات مستبدانہ یہ قارشی تأمینات ویرہ جک و فوق العادہ محکمہ لری اور تہ دن قالدیرہ جقدی . فقط حکومت ، ایلک جرم سیاسیہ طرز جدید محاکمہ کی تطبیق ایدنبجہ نام اولدی ، کری یہ دونمک ایستدی . بر جمعیت خفیہ اعضا سندن (قاراقوسوف Karakosof) اسمندہ بری (چار) آتش ایتشدی ؛ محکمہ عدلیہ یہ تسلیم ایدیلہ جکی یردہ طرز قدیم توقیاً تشکیل اولنان بر ہیئت مخصوصہ حضورندہ خفیاً محاکمہ سی اجرا ایدیلہ رک محکوم اولدی . بو وقعہ بالاخرہ امثال کوستریلہ رک فوق العادہ محکمہ لری تشکیلی ینہ عادت حکمنہ کیردی ؛ دعاوی سیاسیہ ، خفیاً محاکمہ ایدن ومظنون ایچون ہیچ بر صورتلہ امنیت بخش اولامیان محاکم فوق العادہ رؤیت ایدیلکدہ دوام ایتدی .

۱۸۷۱ سنہ سندہ بو اصول ، نظام شکنہ قوندی ؛ سیاسی جرم وقوع کلدیکی زمان عدلیہ ناظری دعوانک محکمہ عدلیہ دمی ، یوقسہ بر محکمہ فوق العادہ خفیہ دمی رؤیت ایدلسی لازم کلدیکنہ قرار ویریور ؛ همان دائماً ایشی محکمہ عدلیہ دوشور مکدن اجتناب ایدیوردی . جرائم سیاسیہ متہملری ایچون نہ علنیت ، نہدہ امنیت شخصیه موجود ایدی ، ضابطہ بو کیلری توقیف ایدر ، بعضاً بلا محاکمہ سنہ لرحہ حبس خانہ دہ ، اون سکرینچی عصرک قارانلق ، رطوبتلی ، پیس زندانلرینہ مشابہ حبس خانہ لردہ ، غاردیانلرک ہردرلو معاملات مستبدانہ معروض بر حالہ بر ایدردی . مأمورلر بیلاہ بعضاً معاملات عدلیہ پی اجرا ایتدیرمز لردی ؛ روس قانونی تبعہ یہ اقامتکھنی ایستدیکی یردہ ، سربستجہ تعیین حقی ویرہ مشدر ؛ مأمورین حکومت (چار) کتبعاسنہ ایچرا۔ طورلنگ ہانکی طرفندن اولورسہ اولسون [سیریا دخی داخلدر] بر محل اقامت تعیین ایتک صلاحیتی حائر دلر . روس مأمورلری فکر سیاسیہ سندن شہہ ایدیلن کیمسہ لری ، حتی بعضاً اولجہ محاکمہ ایدیلہ رک برات قرانمش اولان مظنونلری بیلاہ « ادارہ » سیریاہ نقل ایتدیرہ بیایلر . نقلیات ، (کی بیت قا Kibitka) دنیلن یایسز آراہ لہ لہ اجرا اولور ، حتی بوندن طولایر روسیہ دہ « کی بیت قا عدالتی » سوزی مشهوردر ؛ نفی ایدیلنلرک عائہ لری اکثریا منفیلرک نرہ دہ بولندقلرندن خبردار اولہ مازلر [*] (پترسبورغ) و (موسقوہ) دہ مطبوعانہ ویریلن سربستی — غزتلرک صبق

[*] مأمورین ادارہ طرفندن (سیریا) یہ نقل ونفی اشخاص اصوانی — منفیلرک صورت نقللرنی بالذات کورمش اولان — (کھنان Kennan) اسمندہ بر آسریقالی غزتلہ جی پک کوزل تصویر ایتشدیر . موسی الہیک (سیریا) عنوانلی کنانی (فرانسه) دہ اودر جہ معلوم اولماقلہ برابر شمالی آسریقادہ ، اوروپانک ممالک ساثرہ سندہ غایت منتشردر .

حکومتک لهیلری روسلاشدرمغه موفق اولدینی پک شهبه لیدر . فقط مؤسسات و موضوعات قدیمه بی یکدن احداث ایتمه مش ، (لهستان) اداره عرفیه ایله ، هیچ بر تقیشه تابع اولمدهن روس قوماندانلری و مأمورلری طرفندن اداره ایدلمسکده بولمشدر .

رسیده مطلقیت اداره بعودت . — (آلكساندر) ك تداییر احرارانه سی هیچ بر تقیشه تابع اولمدهن مملکتی خفياً اداره به آیشمش اولان مأمورلر طرفندن هیچ بر زمان صمیمیتله قبول ایدلمه مشدی . (چار) بیله آره صره تردد ایتمش ، مأمورین حکومت ده بوندن بالاستفاده بعضاً اداره سابقه به عودت ایلمشدی . کویلیلرک اسارتدن تخلیصی معامله سنده ، مأمورلر حسن نیتله حرکت ایتمدیلر ، تقریق ایدیلن اراضینک وسعتی ، اصحاب املاکه ویریلن تضمیناتک مقدارینی کویلیلرک ضررینه اوله رق تعیین واشترا معامله سنی تأخیر ایتمدیلر . ۱۸۶۲ ده ، بر « اختلال جمعیت مرکزیه سی » خاندان حکمداری علیهنه بر بیاننامه نشر ایتمدیکندن ، (پترسبورغ) ده بر چوق یانغینلر وقوعه کلدیکندن حکومت قلوبلری ، مطالعه خانه لری قباتدی ، بعض غرتله لری تعطیل ایتمدی ، (نه یاعلی ؟) عنوانلی حکایه مشهوره نك مؤلفی اولان حاکمیت عامه طرفداری (چهرنیشه و سکی Tschernyschewski) بی توفیق ایتمردی ؛ مؤلف ، اون دوت سنه کورک جزاسنه محکوم اولدی . حاکمیت عامه فرقه سنه داخل اولان کنجدر بازار کونلری فقیر چوققلری تدریس ایچون مکتبلر آچمشدردی ، حکومت بونلری قباتدی .

(لهستان) عصیانندن صکره فرقه ملیه (اورویا) مؤسسات و موضوعاتنه لغتخوان اولمغه و (روسیه نك) اتحادینی محافظه ایچون مطلقیت اداره نك الزم بولندیغنی بیان ایتمک باشلادی . (موسقووه) مجلسی (چار) دن مجلس مبعوثانک کشادینی طلب ایتمدی

زمان (آلكساندر) شوجوابی ویردی : « قانون تکلیفی حتی صرف بکا عائد و جناب حقک بکا تودیع ایلدیکی حکومت مطلقه به غیر قابل فک بر صورتده مریوطدر . هیچ کیمسه ، حکومتک منافع و احتیاجات عمومیه سی حقنده بکا عریضه تقدیمه صلاحیتدار دکلدر . ولایاده تشکل ایدن (زه مستوو) مجلسلری امور محلیه ایله اشتغاله ، مأمورلری تقیشه ، حتی تمینات و مطالبات سیاسیه ده بولمغه تشبث ایتمدیلر . فقط حکومت بو مجلسلره امنیت ایده میوردی ، مذاکرات ضبطنامه لرینک آنجق والی طرفندن بعدالتدقیق نشرینه مساعدده ، تمینات و مطالبات سیاسیه بی منع ، دوره اجتماعیه بی تأخیر و یا تعطیل ایلوردی .

والیلر ، منافع حکومته مغایر کوردکلری مجلس مقرراتنی موقع تطبیقه قویمامغه صلاحیتدار ایدیلر . صلاحیتلری بو صورته تحدید و تقید ایدیلن (زه مستوو) لر ، اولجه ظن اولندیغنی کبی ، عدم مرکزیت اصولنک تفرزینه مدار اولمدیلر ، مأمورلرک نفوذی آلتنده قالدیلر .

ایدیور، حسیات و طنپوروانه لسان و مذهب ایله محافظه اولنیوردی . بناءً علیه (روسیه) حکومتی (له) لسانی احما ایتمک ایستدی ، (وارشووه) دارالفنوننده ، مکاتب تالیهده ، مکاتب ابتدائیهده تدریساتک روسجه اولسنی امر ایتمدی ؛ اولامعاملات ادارهده ، بعده امور عدلیهده ، دها صکره کلیسارده ، دکان و سائره لوحه لرنده ، اعلانرده (له) لسانی استعمالنی منع ایلدی .

هیئت رهبانی قوتدن دوشورمک ایچون مناسترلک قسم اعظمی قبادلدی [۱۸۶۴] . ۱۶۳۵ کشیلک ۱۵۵ ارکک مناسترندن ۳۶۰ کشیلک ۲۵ ؛ ۵۴۹ کشیلک ۴۲ قادین مناسترندن ۱۴۰ کشیلک ۱۰ مناستر قالدی . مناسترلره منسوب اولیمان رهبانی اورتهدن قالدیره مدینی جهتله ضابطه نظارتی آلتنده بولندیردی و کلیسا املاکنی املاک امیرییه قلب ایدهرک رهبانه خزینئه حکومتدن تخصیصات و یردی [۱۸۶۵] . (پایا) ایله منعقد « قونقوردا » ، مقاله — طقوزنجی (پی) نک اعتراضاته رغماً — فسخ ایلدی [۱۸۶۶] و قاتولیک کلیساسنک ادارهسی (پترسبورخ) دهکی دائرة روحانییه تودیبع اولندی . اولجه قاتولیک مذهبنی قبول ایتمش اورتودوقس رهبانه روسجه نک استعمالنی و قاتولیک آیینک ترکیبی امر ایتمدی . بعده بومذهبک کلیساسنی (روما) دن آیردی ، اورتودوقس کلیساسنه الحاق ایلدی .

کویلردهکی زادکانک نفوذنی احما ایچون اراضی مسئله سنک اساسلی صورتده اصلاحنه قرار ویرلدی [مارت ۱۶۸۴] . مقام حکمدارییه ، زادگاه ، رهبانه عائد مالکانه لرندهکی کویلر اوزمانه قدر اجیر صفتیه قولاندقلری خانلرک ، حیواناتک ، اراضینک صاحبی اولدیلر . بالجله عائدات و آنقاریه لر قالدیرلدی و بونلرک یرینسه غایت دون بر درجهده حساب ایلمش بر رسم سنوی وضع ایلدی [آنقاریه لر ایچون قیمتک ثلثانی ، عائدات ایچون بشده دردی] . بو رسمک حاصلاتی حکومت آلیور و اصحاب املاکه ۴۲ سنهده تسویه ایلمک اوزره یوزده بشدن عبارت بر تقسیط سنوی و یرییوردی . کویلرک ادارهسی قریه مجلسلرینه ، بر بلدییه رئیسینه ، معاونلرینه ، بر صلح محکمه سنه — که بونلرک کافهسی کویلر طرفدن منتخب ایدی — تودیبع اولندی ؛ رهبان ایله زادگان کوی مجلسلرینه اعضا انتخاب اولنه میورلردی . بو صورتله زادگان ایرادلرینک تقریباً نصفی و قدیم کویلر اوزرندهکی حقارینک کافهسنی غائب ایتمش اولیورلردی . کویلر ؛ بردن بره ، زادکاندن آیرلقدن و کندی ایشلرینک صاحبی اولدقدن ماعدا (روسیه) کویلرندن زیاده اراضی آلیورلر ، دها آز تکالیف آلتنه کیریورلردی . — اهالی پی روسلاشدرمق ایچون اتخاذ اولنان تدایردن بری ده لهیلرک (لهستان) ده اراضی اشتراسندن منع ایلملری ایدی .

بعده (له) کتباچیلرینی ومطبعه لرینی قیادتی ، رخصت مخصوصه استحصال ایدلمه دن قاتولیکلر ایچون کلیسا انشاسنی ویا تعمیرینی منع ایلدی . برمدت صکره قاتولیک تدریسات مذهبه سنک روس لسانیه اجراسنی امرایتدی . دها صکره ، حیات خصوصیه ده بیله ، (له) لسانی ولاتین حروفاتنک استعمالنی منع ایتدی ؛ مشتری به (له) لسانیه جواب ویرن تاجر جنایتله اتهام اولنیوردی . لهلیار (مور اویف) ، « ویلنا جلادی » لقبی ویردیلر ؛ فقط روس وطنپرورلری بو ذاتی شدتله آلفیشلا یورلردی ، حتی (لیتوآسیا) نک (له) زادکانی لندن قورتلهمسنک تأیید خاطره سی ایچون هر سنه برشنک ترتیب ایتک عادت اولدی .

جنوب غربی ولایاتنده روس والیلری ، بوکا مسائل تدابیر ایله ، لهلیارک حرکات ملیه سنک اوکنی آدیلر ، وطنپرور زادکانی توقیف و (سیریا) به اعزام ، برلی مأمورلرک برینه اورتودوقس روسلری اقامه ایتدیلر . قاتولیک مذهبی قبول ایتمش اورتودوقسلر مذهب سابق برینه عودت ایلدیلر .

(لهستان) قرالغنده نامحدود صلاحیت عسکریه به مالک اولان والی (وارشووه) شهرینی عسکرله احاطه وبتون خانه لرده تحریات اجرا ایتدی ، فقط جمعیت مرکزی بهی ظاهره چیقارمه مدی [ایلول ۱۸۶۳] . اهالی اوزرینه فوق العاده بروریکو طرح ایتک ویوزلرجه شبهلی اشخاصی توقیف ایتدیرمک صورتیه انتقام آلدی . (اوروپا) نک معاوانتنه نائل اوله میه جقلرینی آکلایان لهلیار ، نهایت محاربه دن واز کچدیلر [شباط ۱۸۶۴] . بالاخره جمعیت اعضاسی کشف ایدیلهرک صلباً اعدام اولندیلر [آغستوس ۱۸۶۴] .

ارباب عسیانی تشویق و تقدیر ایلدکلرندن شبهه ایدیلن (له) وطنپرورانی ، مملکتک هر طرفنده توقیف اولنهرق یالکز ساده جه منفی صفتیه ، یاخود معدن اوجاقسارنده چالیشمق ایچون قافله قافله (سیریا) به نفی ایدلدیلر . نامحدود صلاحیت مالک اولان بر « انجمن حکومت » لهستانی تنسیقه مأمور اولدی ؛ بو انجمن باشلیجه وظیفه سنک « لاتین مدنیتی کو کندن چیقاروب آتمق و بونک برینه حقیقی براسلاومدنیتی اقامه ایلمکدن عبارت بولندیغنی » بیان ایتدی . (لهستان) مخصوص مؤسسات و موضوعاتک کافه سی قالدیرلدی . بعده مملکت ، ایمپراطورلنک اقسام سائره سی کچی ، ۱۰ ولایت ایله ۸۵ قضایه تقسیم ایدلدی [۱۸۶۷] . اداره مرکزیه (وارشووه) دن (پترسبورغ) ه نقل اولندی ، (له) وطنپرورلکی بالخاصه زادکان ، دارالفنون طلبه سی ورهبانده اک زیاده کنندینی کوسترمشدی ؛ (له) لسانی و قاتولیک مذهبی لهلیاره روسلردن بشقه برملت اولدق لرینی اثبات

بولسان روس فرقہ ملیسی حکومتی عصاتہ قارشى مدافعه ایتدی . (موسقووه غزنتسى) نك محررى واوروپاليلرك دشمنى اولان (قاتقوف Katkoff) لهليلاره « ساخته اسلاو قرداشلىرى » دييور ، (اسلاو) فيكرينى اعلا ايديه بيله جك يكانه حكومتك عليهنده بولندقلرينى سويليور ، الحاصل بونلرى اورتودوقسلغك دشمنى عدايديوردى . (قاتقوف) ، لهليلرك اهالىسى قسماً روس واورتودوقس اولان (ليتوآنيا) يى آلق ايسته ملردن بالاستفاده روس حسيات وطنهورانه سنى تحريكه موفق اولدى . (چاره) تقديم ايديلن عريضه لرك مألندن افكار عموميه نك جهت استقامتى آكلاشله رق حكومت لهليلر عليهنده بتون روسلرك حسيات وطنيه ودينه لرينى تهيسج ايديه جك صورتده بياننامه لر نشر ايتدى . عاصيلرك تاديبى ، روس ملقى واورتودوقس مذهبي نامنه اجرا ايدلدى و ۱۸۳۲ سنه سنده كندن دها شدتلى اولدى .

تداير تضيقيه يى تطبيقه (ليتوآنيا) ولاياتدن باشلاندى . (ليتوآنيا) ولايات اربعمه سنه والى عمومى تعيين ايديلن (موراويف Mouravief) مملكتى بر « اداره ملكيه عسكريه » يه تابع طوتدى [ميس ۱۸۶۳] . هر برقضاده اداره عرفيه رئيسى عنوانى حائز برضايطه نامحدود صلاحيت ويرلدى ، بتون مأمورينه ، رهبانه ، اصحاب املاكه نظارت وظيفه سى بوكا مودوع ايدى ؛ كافة مأمورينى عزل ، عصاته يارديم ايتك وبا عاصيلرى حكومه خبرو يرمه مك تهمله اتهام اولنان هر كسى توقيف وديوان حرب حضورينه سوق ، عصاته يارديم ايدن ياخود حكومت حاضره يى اسقاطه چالیشان كيمسه لرك اموالنى حجز ايديه بيليردى . (موراويف) ، (له) زادكانتى صورت قطعيه ده ازدى ، محوايتدى . زادكان املا كندن ، وارداتك يوزده اونى نسبتنده بروير كو آلمغه باشلادى ؛ بووير كويى سكر كونده تاديه ايديه مينلرك اموال منقوله سنى صانديردى . اورتودوقس كويليلرى ، قاتوليك اصحاب املاكى عليهنده قوللاندى ؛ بتون اهالينك اللرنده كى سلاحلى طوبلادينى حالده كويليلردن مسلح چتله تشكيل ايدر ك بونلرى - هر براسير باشنه مكافات و عديله - عصاتك تعقيبنه چيقاردى . عصيان ايدن زادكانك املا كنى كويليلاره ، بونلردن ده تعقيب و تنكيلاه اك زياده يارارلق كوسترنلره توزيع ايتدى . مسلح اوله رق توقيف ايديلن عاصيلر يكرمى درت ساعت ظرفنده اعدام اولنيور ، افراد ائله لر ينك ماتم طوملارى منع ايديليوردى . اصحاب اراضى يه مالكانه لرنده اوطورملىرى امر ايدلدى ، مالكانه لرى داخنده وقوعه كلن حرركات عصيانيه دن كنديلبرى مسئول طوتولدى .

(موراويف) عصيانى بو صورتله باصدير دقندن صكره (ليتوآنيا) يى روسلاشديرمغه باشلادى . روسجه نك يكانه لسان رسى حكومت اولديغى دعا ايتدى [شباط ۱۸۶۴] ؛

فک بر صورتده (لهستان) ه مربوط اولدینی اعلان ایلدی [۳۱ مارت] . — بعده جنوب غربی ولایتلری ، (وولهنی) ، (پودولیا) ، (اوقره‌نیا) عصیان ایتدیلر [مایس ۱۸۶۳] .

(وارشووه) حکومت خفیه‌سی غزنه‌لر نشرینه ، مهر رسمی ایله مختوم اوامر رسمیہ اعطاسنه باشلادی . روسلره ویرکو ویرلسنی ، قسماً عفو عمومینک قبولی ، تیاترویہ کیدلسنی ، کلیساده الهی سویلنمنسی ، چاک جالینمنسی منع ایتدی ؛ ماتم طولمنسنی امر ، بر استقراض داخلی عقد و محاربه ویرکوسی طرح ایلدی . لهیلر کاملاً اطاعت ایتدیلر . — ایجاب ایدن محللرده منافع ملیه یه مغایر حرکتده بولنانلری محاکمه ایچون اوج اعضادن مرکب اختلال محکمه‌لری تأسیس ایتدی ؛ (وارشووه) محکمه‌سی اون قدر روس مأمورینه اعدام جزاسی ویردی ، یعنی قتل ایتدیردی .

لهیلر مملکتلرینی یالکیز کندی قوتلریله قورتارمیه جقلرینی بیلورلر ، اوروپا دول معظمه سنک مداخله‌سنی امید ایدیورلردی . فقط (پروسیه) یی اداره ایدن (بسارک) روس حکومتنه یارديم ایتدی ، عقد ایلدیکی بر معاهده خفیه موجبنجه (پروسیه) حدودینی (له) عصاتنه قبادی ؛ (لانتاخ) مجلسی (بسارک) ی ملتجیلری اعاده ایتمک تهمتیه بیله اتهام ایلدی . دیگر اوج دولت معظمه ، (فرانسه) ، (اوستریا) ، (انگلتره) ، یعنی مآله نوطه‌لر ایله (روسیه) یه مراجعت ایتدیلر . بونلر بروجہ آتی آلتی نقطه‌نک قبولی طلب ایدیورلردی : ۱ ، عفو عمومی ؛ ۲ ، قوه تشریعیه یه مالک بر مجلس ملی ؛ ۳ ، (له) مأمورلرندن مرکب بر اداره ملیه تشکیلی ؛ ۴ ، سربستی نام مذاهب ؛ ۵ ، (له) لسانک لسان رسمی حکومت عد اولنمنسی ؛ ۶ ، اخذعسکر اصولنک اصلاحی . (اوروپا) حکومتلری (لهستان) لهنده اوج دفعه مشترکاً مراجعت ایتدیلر [نیسان ، حزیران ، آغستوس ۱۸۶۳] . فقط طلب ایتدکلری شیئی ، فعلاً مداخله ایده جک درجده التزام ایتدیورلردی . روس حکومتی ، ۱۸۱۵ معاهداتی موجبنجه (لهستان) حکومتی محافظه یه مجبور اولدینغی و «اغتشاش فرقه‌سنک» اثری اولان عصیانک آننجی بر مداخله امیدیه دوام ایتدیکنی جواباً بیلدیرمکله اکتفا ایتدی .

له حرکت ملیسنک احساسی . — (روسیه) ده ، احرار ، اول امرده ، کندیلری کبی حریت سیاسیہ طلب ایدن لهیلره مساعد ایدی ؛ (هرجن) لهستانی التزام ایتدی ، (پترسبورغ) دارالقنون طلبه‌سی (وارشووه) قربانلری ایچون اجرا ایدیلن آیین روحانیده حاضر بولندیلر ، (باقونین) بر کوکلو فرقه‌سی تشکیل ایلدی . فقط مرکزی (موسقووه) ده

حریتپورانه قانونلر ایله اتحاد ایدر ایسه « آنجق اوزمان معاوندته قصور ایتیه جکلرینی اعلان ایتدیله . (بودولیا) و (لیتوانیا) زادکانی (لهستان) قرالنی ایله اتحادی طلب ایتمه قرار ویردیله .

(ویل پولسکی) حاکمیت عامه فرقهسندن قورتولمق ایچون مخالفلری عسکره آلمغه قرار ویردی . اسنان عسکریه اربابنک ، عادت اولدیغی وجهه ، یالکیز کویلیله آرهسندن دکل ، شهرلردن ، دارالفنون طلباسی دخی استتئا ایدلمه مک اوزره ، آلمسنى و « صوک قاریشقلقلردن بری سوء حالى کوریلن ، کیمسه لرك ترجیحاً عسکر ایدلمسنى خفیاً امر ایتدی . (وارشووه) ده برچوق کنجلا کچه لین توقیف اولنه رق قلعه ده حبس ایدلدیله . فقط بونلرک برقسى وقیله ایشدن خبردار اوله رق اورمانلره قاچدیله [کانون ۱۸۶۳] . ایشه ، ۱۸۶۳ عصیانى بوصورتله باشلادی .

بوعصیان ، ۱۸۳۰ عصیانندن پک فرقلی ایدی ، عادتاً برعصیان خفی ایدی . عاصیلرک اردوسی ، حکومتی ، حتی اقامتکاهی بیله یوقدی ؛ هیچ بر شهری ضبط ایدهمدیله ، مملکت تماماً روس عسکرینک و مأمورلرینک تحت ادارهسنده قالدی . فقط اوزمانلرده تشکل ایدن مسلح چتله بردن بره میدانه چیقورلر ، کوچک محاربه لره کیریشیورلر ، نهایت (اوستریا) نك (غالیجیا) قطعهنه التجا ایدیورلردی . (وارشووه) ده بولنان اداره مرکزیه خفیه بیاننامه لر طبع ونشر ایدیور ، امرلر ویرییور ، ویرکولر آلیور ، طبقی برحکومت کبی حرکت ایلور ، لهیلرده بوکا اطاعت ایتدکلری حالده روس ضابطهسی بر درلو کشف ایده یوردی [اداره مرکزیه دارالفنون بناسنده اجتماع ایدردی] . بوجمیت اول امرده برحکومت موقته اولدیغی اعلان ایتدی ؛ بعده « حیدودلردن مرکب اجنبی حکومتی » علیه بر بیاننامه نشر ، کویلیله زرع ایتدکلری اراضینک حق تصرفی ، اصحاب اراضی یه حکومت حسابنه تضمینات ، مسلحاً عصیان ایدلرده بر پارچه اراضی وعد ایلدی [کانون ثانی ۱۸۶۳] . (اوستریا) و (روسیه) تبعهسی اولان لهیلره خطاباً نشر ایتدیکی بر بیاننامه ده دخی کندی مملکتلرنده عصیاندن اجتناب ایدرک « بتون قوای ملیه یی الک مدهش دشمن اولان روسیه جاری علیه جمع وتوحید ایلملرینی » ، (روسیه) لهیلرینه انسان ، سلاح وپاره کوندرمک صورتیه یاردیم ایتلرینی توصیه ایتدی [مارت ۱۸۶۳] . یكدیگری متعاقب ایکی « دیققاتور » تعیین وبعد « حکومت ملیه نك تشکلنی » اعلان ایلدی . - (ویلنا) ده تشکل ایدن دیگر بر جمعیت خفیه دخی (لیتوانیا) ده « حکومت ملیه » عنوانی آلدی ؛ (لیتوانیا) نك غیر قابل

کپی ۲۷ شباطده (زراعت جمعیتی) بناسنک پیشکاهنه طوپلانان خلق اوزربنه روس عسکری هجوم ایتدی ، برقاچ کون صکره ۲۷ شباطده تلف اولانلرک مراسم تدفینیه سی مناسبتیه برجم غفیر طوپلانندی . زراعت جمعیتی ، (چار) ه کوندردیکی برعربضهده « لهستان ایچون حقوق ملیه سی ، عادات و تعاملی ، تاریخی ایله متناسب مؤسسات ، طلب ایتدی .

ایکی فرقه نك نفوذینه تابع اولان (آلكساندر) ایکی مختلف سیاست آره سنده تردد ایتدی : لهیلیری تسکین ایچون اصلاحات احرارانه اجرا ایتک ، نمایشلری جبراً منع ایلمک . — ۱۸۶۱ سنه سی مارتنده (ویل پولسکی) نك تحت اداره سنده اولمق اوزره (لهستان) ایچون آیربجه بر معارف و مذاهب اداره سی ، برشورای دولت ، اعضاسی اهالی طرفندن منتخب مجالس ولایات تشکیل ایتدی . نیسانده ، زراعت جمعیتی لغو ایلدی ، بوجمیتک یکیدن تاسیسی طلب ایچون اجرا ایدیلن بر نمایش قتاله منجر اولدی . — ۱۸۶۱ سنه سی مایسندن ۱۸۶۳ سنه سی حزیرانه قدر ، (چار) ، بش والی دیکشیدردی ، بعضاً لهیلیرک محبارندن ، بعضاً دشمنلرندن برینی تعیین ایدیوردی . (لیتوآنیا) ایله اتحادک ، (قوچوسقو Kosciusko) نك وفاتنک دور سنویسی مناسبتیه نمایشلره دوام ایلدی ؛ کلیسارله التجا ایدن خلق عسکر واسطه سیله چیقارلدی ، راهبیر کلیساری قپاندیلر . ولایت مجلسلری منتخبلری اعطای رأیدن امتناع ایدرک « سربستجه انتخاب ایدلمش بر مجلس ملی » طلب ایتدیلر .

۱۸۳۰ ده اولدینی کپی بودفعهده اداره حاضردهن ممنون اولمیانلر ایکی قسمه آیرلمشردی : زراعت جمعیتی تشکیل ایدن املاک جسیمه اصحابی فرقه سی ، « بیاضلر » ؛ (وارشووه) ده کی دارالفنون طلبه سی ، ضابطان و کنجیلردن مرکب اولوب بر اداره مرکزیه خفیه طرفندن اداره ایدیلن حاکمیت عامه فرقه سی ، « قیرمزیلر » . (آلكساندر) ، لهستانک مختاریت اداره سنی قورتارمغه چالیشمق ایچون روس حاکمیتی قبول ایدن ، (ویل پولسکی) یه تودیع امور ایتدی ؛ احرار محی اولان (غراندوق قسطنطین) قرال وکیلی آمین اولندی . فقط (له) وطنپرورلری ، وطنرینک استقلالنی ایستیورلردی . « قیرمزیلر » ، (ویل پولسکی) یه خائن وطن نظریله باقورلردی ؛ حتی کندیسینی اولدیرمکه بیله تشبث ایتدیلر [تموز - آغستوس ۱۸۶۲] . « بیاضلر » دخی (ویل پولسکی) یه معاونتدن امتناع ایلدیلر . (قسطنطین) طرفندن اجرا ایدیله جک اصلاحاتی مبین اولمق اوزره نشر ایدیلن بیاننامه یه جواباً ، زادکان بر مجلس عقد ایدرک « حکومت ملی بر (له) حکومتی اولور و وطنک بتون ولایتلری

خدمت عسکر یہ نك عمومہ شامل اولسی ، درجہ تحصیلہ كورہ مدتی تبدل ایتمك اوزرہ كوكلاو عسکر اخذی اصولی قائم اولدی [۱۸۷۳] .

۱۸۶۳ ہستائہ عصبانی . - (نیقولانك طرز ادارہ سی (لہ) ملتی محوایدہ مہمشدی . كویلرہ چکیلش اولان زادگان ایلہ قادیلر ورہبان انسال جدیدہہ حسیات و طنبوروا . نہی ادامہ یہ موفق اولملردی . ممالک اجنبیہ یہ ہجرت ایدن لہیلر اوروپانك (لہستان) ی یکیدن تأسیس ایچون مداخلہ ایتمسہ منتظر ایدیلر ، (پارس) دہہ مقیم پرنس دو (چارتوریسکی) نك یانندہ طویلانان اصیلزادہ لر قاتولیک حکومتلردن امداد او میورلر ، حاکمیت عامہ فرقہ لرینہ داخل اولان کنجلر (اوروپا) انقلابنہ کووہ نیورلردی . روس امپراطور لہنہ الحاق ایدیلن ورسما " شمال غربی ولایاتی " نامیلہ یاد اولنسان (لیتوانیا) دہ کی لہیلر دخی عینی حسیات ایلہ متحسس ایدیلر .

(آلكساندر) مستقل بر (لہستان) ایستہ میوردی . ۱۸۵۶ سنہ سنندہ ، (وارشوہ) دہ حضورینہ قبول ایتمدیکی زادگان مبعوثلرینہ خطاباً : « آرتق خیالات یوق . . . روسیہ ایلہ اتحاد ایدیکز و بو استقلال رؤیالرینی ، موقع فعلہ چیمسی غیر ممکن اولان بو خلیساری براقکز . پدرمك یابدینی شیلرک ہبسی اییدر ؛ ہم دور حکومتم ، پدرمك طرز ادارہ سنك دوامی اولہ جقدر . دیدی . فقط ، والی جدید (غورچاقوف Gortschakof) ادارہ شدیدہ یی خیلی تخفیف ایتمدی .

(لہ) زادگان کی ویلرک صاحبی ایدیلر . ہربری کندی مالکانہ سی داخلندہ کی اراضینک حقوق تصرفیہ سنہ [کویلیلر مستأجر ایدیلر] ، کویک امور ادارہ وضابطہ سنہ ، دواثر روحانیہ یہ تعیین اولنہ حق راہلری تکلیف حقنہ مالک ایدی . ۱۸۵۵ دہ تأسیس ایدیلان (زراعت جمعیتی) زادگان ایچون بر مرکز اتحاد خدمتی کوردی ، اعضاسی بش بیکی تجاوز ایتمدی ، (وارشوہ) دہ بولنان بر ہیئت مرکز یہ جمعیتی ادارہ ایدیوردی . (لہسان) دہ ، ایکنجی (آلكساندر) دن اصلاحات احرارانہ یہ انتظار اولنیوردی ؛ فرقہ زادگان رؤسائندن مارکی (ویل پولسکی Wielpoliski) ، واقع اولان طلب اوزرینہ ، (چار) ہر طاقم مخطرہ لر تقدیم ایتمشدی ؛ فقط (پترسبورغ) حکومتی ہیچ بر شی یامدی . انتظاردن اوصائمش اولان لہیلر نمایشلرہ باشلادیلر [۱۸۶۰ - ۶۱] . اول امردہ ، اہالی طرفندن ، جبر و شدت کو سترلمدن ، ساکتانہ نمایشلر یاپیلدی ؛ ۱۸۳۰ انقلابنك دور سنویسی ، (وارشوہ) عصیاننك یوم وقوعی اولان ۲۹ تشرین ثانی ، (غروشوو) محاربہ سنك شرفنہ ۲۵ شباط تاریخیلرندہ بر نمایش یاپیلدینی

هیئت عدول احداث و کافه محاکمک علنی ، حکامک لاینعزل اولسی اصولی قبول اولندی . بو اصلاحات ، سیاست ده ، حائز اهمیتدر . چونکه هرکس ایچون استبداده قارشی ، مساواتاً عدالت تأمین ایدیوردی . صلح حاکماری ، اهالی محلیه نیک و کیلیری کچی ایدی ، زیرا شهرلرده کی بلدییه مجلسلری ایله (زهمستوو Zemstvo) مجلسلری طرفندن انتخاب اولنیورلردی .

۲ . — تبعه نیک امور حکومتیه مداخله ایتملرینه مساعدده اولنماسینه مقابل اداره محلیه یه اشتراکلی تأمین ایلدی . اوزمان ، (اوروپا) نیک هر طرفنده حریت سیاسییه نیک صاغلام اساسی ، استنادکاهی عدم مرکز اصولی اولدینی سویلنیوردی . بناءً علیه ۱۸۶۴ ده (زهمستوو) دنیلن « مملکتی مجلسلری » هر ولایت ایچون بر مجلس ولایت ، هر قضا ایچون بر مجلس قضا احداث ایلدی . — قضا مجلسی ، اوچ صنف رسمینک ، یعنی زادکان ، شهر اهالیسی و کویلیلرک مبعوثلرندن مرکبدی ، اصحاب املاک ایله صنف متوسط ، اک چوق ویرکو ویرنلر حق انتخابه نائل اولمق صورتیله ، طوغریدن طوغری یه مبعوثلرینی انتخاب ایدیورلر ، کویلیلر ایکی درجه انتخاب ایله وکیل تعیین ایلیورلردی . — ولایت مجلسی ، قضا مجلسلرینک مرخصلرندن مرکبدی . مجلس هر سنه قیصه بر مدت اجتماع ایدر ، اوچ سنه ایچون بر انجمن دائمی انتخاب ایلر ایدی . (زهمستوو) لر « منافع و احتیاجات اقتصادییه متعلق اموری ، پوللر ، کوپولر ، ابنیه ، کلیسا و مکتب انشا آتی ، مؤسسات خیریه ، حبسخانلر ، صحت عمومییه مسائلی ایله » اشتغال ایده چکلردی . هر مجلس ، عائد اولدینی قضا ویا ولایتیه مخصوص رسوم طرحه مآذون ایدی .

۳ . — کتابلرک و غزته لرک قبل النشر تفتیش و معاینه یه تابع اولملری اصولی ، ایکی پایتخته ، یعنی (پترسبورغ) ایله (موسکووه) ده الغا ایلدی [۱۸۶۵] و بونک یرینه اوچنچی (ناپولئون) زماننده (فرانسه) ده جاری اولان اصول ، یعنی اداره طرفندن اخطار و تکرری حالنده تعطیل اصولی قائم اولور . دیگر شهرلرده قدیم « سانسور » اصولی محافظه اولندی .

۴ . — تدریسات ، (اوروپا) طرزنده اصلاح و تنسیق ایلدی . قدیم (ژیمناز) مکتبلری یاننده ؛ آلمانلرک (ره آل شوله Realsschule) دیدکلری طرزده علوم و فنون جدیده تدریسنه مخصوص مکتبلر آچیلدی .

۵ . — اردو ، (پروسیه) اصولنه توفیقاً تنسیق اولندی ؛ یکریمی بش سنه لک خدمت عسکریه نیک مدتی اول امرده تنقیص ایلدی [۱۸۶۵] ؛ بعده بونک یرینه

(میر) ه ویرلمی سایه سنده بونک اوکی آلنه جنی ظن ایدلمشدی . فقط (میر) اصولی ، اهالینک مقداری آرتدیجه حکمدن ساقط اولیوردی ، چونکه یکی کلنلر ایچون اراضی بولنه میوردی ؛ ۱۸۸۲ ده ، (موسقووه) ایالتی داخنده اراضیسز نائلهلر یوزده اون نسبتده ایدی . — زادکانه ویریلن تضمینات [۱۸۹۰ سنه سنه قدر ۷۰۰ ملیون روبله] زراعتک ترقیسنه مدار اولمامشدی ، زادکان ، مالک اولدقلری اراضی پی ، اورمان ایشلمک ایچون ساتون آلان ، تاجرلره فروخت ایدیورلردی .
مع مافیه کویلیلرک حال اسارتدن قورتولملری روس هیئت اجتماعیه سنی تبدیل ایتدی . کویلیلره قوانین موجوده داخنده سربستی ویرمک ، ناحیه لره عائد اموری ناحیه مجلسلرینه تودیع ایتک سایه سنده روس ملتی ، برملت جدیده اولدی . ایکنجی (آکساندر) ک وفاتندن صکره ترقیات اقتصادیه حس ایدلمکه باشلادی ؛ اراضی مزروعه نك وسعتی ، اراضینک قیمتی ، ویرکولرک حاصلاتی ، اخراجاتک مقداری آرتدی ؛ کویلیلرک احوال حیاتیه سنده رفاه اثری کورلدی .

ایکنجی آکساندرک اصلاحات امرارانه سی . — بویوک اصلاحات اجتماعیه دن صکره ، احرار ، قانون اساسی به انتظار ایدیورلردی . (آکساندر) قانون اساسی ویرمک ایسته مدی . (توره Tver) زادکان مجلسی « بتون امپراطورلق مبعوثلرندن مرکب بر مجلس ملینک عقد اجتماعه دعوت اولنسنی » طلب ایتدیکی ایچون اعضادن ۱۳ کشی توفیق اولندی . (چار) ، تنظیم ایتدیکی پلانک تفرعاتندن اولمق اوزره بر طاقم اصلاحات جزئیه اجراسنی دها مناسب کوریور ، بتون تبعه سنی قاعده مساواته توفیقاً بر ملت حالنه کتیرمک ایچون زادکان امتیازاتی ، صنوف مختلفه آره سنده کی فرقلری الفایتمک ایتدیوردی :

۱ . — امور عدلیه ، اون سکزنجی عصرده جاری اولان اصوله توفیقاً ، مأمورین اداره طرفندن صورت خفیه ده رؤیت ایدیلوردی . بواصول ، اون طقوزنجی عصرده ده دوام ایتمکده ایدی . (چار) ، ۱۸۶۲ سنه سنده ، قوه عدلیه — تقسیم قوا قاعده سی موحینجه — اداره دن آری اولدیغنی اعلان وامور عدلیه بی (اوروپا) ده موجود اولان اصوله توفیقاً درجات مختلفه ده کی محاکمه تودیع ایتدی : صلح حاکملری ، صلح حاکملری مجلسی [انکلترده اولدیغنی کبی] ، قضا محکمه لری ، محکمه استیناف ، محکمه تمیز وظیفه سنی ایفا ایدن « سناتو » [فرانسه ده اولدیغنی کبی] . — (اوروپا) پی تقلیداً محکمه لرده بر مدعی عمومی ، دعوی وکیللری جمعیتی ، محاکم جزائیه ده

اعطاسنه قرار ویرلگدن صکره — نلئان اکثریت آرا ایله اتخاذا ایدیان دیگر بر قراره توفیقاً — هر بر ناحیه نك كندیسنه عاُد اراضی پی ناحیه اهالیسنه شخصاً تمليك ایتسنه مساعده ایدلدی .

۳. — زادكانك كویلیلر اوزرنده کی حقی . زادكان ، بالطق ولایاتنده اولدیغی کبی ، مالکانه لرنده بولنان کویلیلر اوزرنده حقوق ضابطه پی محافظه ایتک ایستورلردی . (جاز) اصحاب املاکدن کافه حقوق و امتیازاتی آلهرق امور ضابطه پی کویلیلردن مرکب مجالسه ویرمکی ترجیح ایتدی . کویک اختیارلرندن برینک ریاستنده اولهرق عائله رؤساسندن مرکب اولان (میر) مجلسی ناحیه یه یکیدن داخل اولمق ایستین افرادی قبوله قرار ویرر ، اراضی پی و حکومته تأدییه اولنه حق تکالیف ورسومی تقسیم و توزیع ایدر ؛ مجازات جسمانییه و حتی ناحیه دن طرد و تبعیده حکم ایده بیلیلر [ناحیه دن چیقاریلان کویلی اوزاق بر مملکته ، (سبیریا) یه کوندرلدیکی ایچون بو جزا پک آغیردر] . — متعدد کویلردن متشکل (ولوست Volost) لرده قرا وکیلرندن مرکب بر مجلس ، اهالی طرفندن منتخب بر رئیس ، تحصیلدارلر ، ویر کورک توزیغنه ، یولارک ، مکتبارک و مؤسسات خیره نك اداره سنه مأمور بر کاتب بولنور ؛ اعضاسی منتخب بر محکمه کوچک دعوالری حقوق تعاملییه توفیقاً رؤیت ایدر و حتی حبس و یا ضرب جزاسنه حکم ایده بیلیلر .

۱۸۶۱ امرنامه سی اصلاحاته اساس اولان موادی بردفهمده وضع و تمین ایدیور ، فقط بولنری تطبیق ایچون وقت بر اقیور ، تقسیم اراضی و اعطای تضمینات مسئله لری ایچون خصوصی محکمه لر تشکیل ایلوردی . اراضینک کویلیلر طرفندن اشتراسی خصوصنک یکر می سنه ده اکمال ایدیله جکی امید اولنیوردی . فقط معامله ، ظن و تخمیندن زیاده اوزون سوردی ؛ ۱۸۸۲ ده زرع ایتدکلری اراضی پی هنوز اشترایتمش بر بقی مایون کویلی واردی . — نتیجه اقتصادیه ، اول امرده ، انتظار ایدلدیکی کبی ، ظهور ایتدی . زادكان آله جقاری تضمیناتی پک یوکسک و بر کویلینک احتیاجنه کفایت ایده جک اراضینک وسعتی پک آز تخمین ایتدیر مشلردی . هر بر پارچه ایچون ویریلن سنوی ۸ الی ۱۰ روبله تضمینات اراضینک قیمت حقیقیه سندن فضل ایدی ؛ وسط ولایاتنده تقریباً ایدیلن پارچهلر بش هکتاردن آز ایدی ؛ کویلیلردن ثانی اوج هکتاردن آز اراضی آلمشردی . بو قدر جق اراضی اوزرنده یشابه میان کویلیلر چالیشمق ایچون یا هجرت ایدیورلر ، یا خود ولایات بعیده یه کیدیورلردی . بو صورتله یومیه ایله یشایان زراعت عملیه سی صنقی پیدا اولدی . اراضینک شخص شخص کویلیلره تمليك اولنیوب

(اوروپا) نك يوميه ايله كچين عمله سی كبی ایدی . کویلیرك اصلاح احوالی دهامشکل اولوب بروجہ آتی اوج مسئله نك حلنه احتیاج کورلمشدی :

۱ . — کویلیرك اراضی اوزرنده کی حق . قانوناً اراضینک صاحبی اولان زادگان ، ملکینینی محافظه ایتمک ایستورلردی . کویلیر ، نسلاً بعدنسل زرع ایتمکری اراضی به — که صاحب ملک کندیلرینی بو اراضیدن طرد و تبید ایدہ مزدی — کندی مال مشروعلری نظریله باقورلردی . برکویک اهالیسی ، اراضی بی صتون آلمق شرطیله حر اولدقلرینی کندیلرینی اخبار ایدن افندیلرینه شو جوائی ویرمشلردی : « بز سنک مالکنز ، فقط طوپراق بز مدر . » — (وارشووه) غران دو قہ لنی ایلہ (بالطق) ولایتندہ اصلاحات ؛ کویلیرك حر ، زادگانک صاحب ملک اولدقلرینی اعلان ایتمکدن ، نتیجہ اعتباریله کویلیری يومیه ایلہ چالیشرنجبر ویا آرزو ایدلدیکی زمان اذن ویریلیر اچیرحالنه قویمقدن عبارت قالدی . (روسیہ) ده ، واسطہ تعیشدن محروم برصنف زراعت عمله سنک میدانه چیقمسنه مانع اولمق ایچون دیگر برتدیرقبول ایدلدی . کویلیرك زراعت ایتمکری اراضی ایکی قسمه ایرلدی ؛ برقسمنی صاحب ملک محافظه ایتدی ؛ قسم دیگرکی کویلیره تخصیص اولندی ؛ کویلیر اراضی بی ، خانہ لری وبانچہ لریله برلکده صاتون آلمق صلاحیتی اکتساب ایتدیلر ، فقط بونک ایچون صاحب ملکک موافقی لازم اولدینی کبی کویلیرك آلدقلری اراضینک وایفاسندن قور تولدقلری خدماتک بدلنی مقسطاً تسویبه مجبور ایدیلر . حکومت ، مبالغ مقتضیه نك بشده دردینی ، زادگانہ ویریلن اوراق نقدیه ایلہ [جمماً ایکی بچق ملیار فرانق] تأدیہ ایتدی ، کویلیر بو پارہ بی قرق طقوز سنہده یوزده آلتی نسبتندہ تقسیطر ایلہ تأدیہ ایدہ جکلردی . هر کویلی به ویریلن اراضی ایلہ اصحاب املاکہ تأدیہ ایدیلن تضمینات قیمت اراضی به کوره تعیین ایدلمشدی [*] .

۲ . — کویلیرك حق تصرفی . کویلیرك هر بری اراضی به شخصاً تصرف ایدہ بیله جکمی ایدی ؟ او زمان ، ممالک غریبهده کی عمله صنوقنک تهلکه لرندن بحث ایتمک مودا اولدینی ایچون کویلیره ویریلن اراضینک حقوق متفرقه سنک (میر) ، یعنی کویک ہیئت عمومیه سنہ عائد اولسی قرارلشدیلردی . (میلیوتین Miliutine) ک تأثیریلہ اراضینک آیری آیری کویلیره دکل ، مشترکاً تصرف ایدلمک اوزره ناحیه لره

[*] ایمراتورلنک محال مختلفه سنده تطبیق ایدلمک اوزره درت نظامنامه تنظیم ایدلدی : برنجیسی (بیوک روسیہ) ، جنوب شرقی ولایاتی ، (بیاض روسیہ) نك برقسندہ ؛ ایکنجیسی (کوچک روسیہ) ده ؛ اوچنجیسی جنوب غربی ولایاتندہ ؛ دردنچیسی شمال غربی ولایاتندہ [لیتوانیا] تطبیق اولندی .

قدیم روسیه نك الك شيان حرمت عاداتدن برى اوله رق نلق ايتمش ، ملكيت مشتركه نك عالم انسانيتده الك ابتدائى ، فقط الك معقول و محق بر شى اولديغنى ادغايه باشلامشدى [۱]

اراضينك تشكيلات خصوصيه سى اصلاحاتى مشكل الاجرا بر حاله كتيريوردى . (آلكساندر) ولايات زادكاننك رايلىنى آلىق ايتدى ؛ اصلاحاتك آنلر طرفندن تكليف واجرا اولمىنى آرزو ايدىوردى . فقط زادكان اسير كويليلرى محافظه ايتك فكرنده ايديلر . (چار) ، ثبات ايتدى ؛ « كويليلرك امورىنى رؤيت ايچون » بر هيئت تشكيل ايلدى و بو هيئت طرفندن بر لايحه حاضرلاندى . بعده مسئله ، (ويلنا) واليسنه خطاباً تسطير ايديلن بر امرنامه حكمدارى ايله رسماً موضوع بحث اولدى : (چار) ، (ليتوانيا) زادكانى اصلاحاتى قبول ايدىورلرمش كى اداره لسان ايدرك « كويليلرك ترفيه احوالى ايچون » هيئتلر تشكيلنه مساعده ايتدى [تشرين ثانى ۱۸۵۷] ؛ كيفيتى ولايات سائر زادكاننه دخى بيلديره رك لايحه يي مذاكره ايچون بونلر طرفندن دخى هيئتلر تشكيلنى امر ايلدى .

۱۸۵۸ سنه سنده نشر ايديلن بر بياننامه ده اصلاحاتك اساسى تعيين ايدلى : كويليلر ، خانلرينى باغچلرى و يشامق ايچون كافى درجه ده اراضيسى ايله برابر زادكاندن اشترا ايديه جكلردى ؛ حكومت ، بوباده ، كويليلره معاونت ايله جكدى . (چار) ، خاندان حكمدارى افرادينه عائد مالكانه لرده كى كويليلرى اسارتدن تخليص ايدرك نمونه امثال اولدى ، بو كويليلر اراضى يى قرق طقوز سنه ده تاديه ايدلك اوزره تقاسيط سنويه ايله اشترا ايدرك صاحب اراضى اولديلر [۲] . بوتدير ديكر مالكانه لرك كويليلرى حقدنه ، زادكانك مقاومت خفيه لرى تاثيريله ، مشكلات ايله تطبيق ايديله رك اوچ سنه دن زياده بر مدت كچدى . نهايت ۱۹ شباط ۱۸۶۱ تاريخلى امرنامه ايله كويليلرك اسارتى كلياً الغا اولدى . طوبراقدن آيرلمش اولان كويليلره ، يعنى خدمتكارلر ايله (اوبروق) دنيلن عائداتى تاديه ايدن اسيرلره ، اراضى ويرلمدى ، فقط حر اولدقلى اعلان ايدلى ؛ بونلر

[۱] احتمالكه (مير) تشكيلاتى ويركولرك تحصيل و جيايتنى تسهيل ايچون بر كوى اهاليسى متسلسلاً مشول طومق مقصديه و (چارك) امريله ياقين بر زمانده موقع اجرايه قونمش بر تدبير ايدى ، اون آلتنجى عصر دن اولكى و نائقه ده (مير) تعبيرينه تصادف اولناز . وقتيله نه (كوچك روسيه ده نه ده) ليتوانيا ده) بو تشكيلات موجود ايدى .

[۲] مقام حكمدارى به عائد مالكانه لرده كى كويليلر ذاتاً اسير اوليوب طوبراغه مربوط مستاجر حالده ايديلر ، بعده اراضى غايت اوزون مدت ايله كنديلرينه ايجار اولدى و اشترا ايتك حق ويرلدى [۱۸۶۶] .

اولوب بونی ترك ایتك صلاحیتدن محروم ایدیلر . بناءً علیہ اراضی صاحبلیرنه ده مربوط بولنیورلر ، بونلره عائدات ویریورلر ، آنقاربه ایشلرینی درعهده ایدیورلر ، صاحب ملکه بر کر له نك افندیسنه اطاعتی کبی اطاعت ایلورلردی . بوکویلیلر ، قرون وسطاده کی (سرف serf) لره ، دمیرباش اشبا کبی اراضی ایله آلتوب صاتیلان کویلیلره مشابہ ایدی [حتی کویلیلرک نامی اولان روسجه کله «سرف» کله سندن ترجمه ایدلمشدر]. فقط اصحاب اراضی ، قرون وسطاده اولدینی کبی ، یالکیز زادکان صفتیله حرکت ایتمکه اکتفا ایتبورلر؛ نامحدود اولان نفوذ و صلاحیتلرینی قرون متقدمه ده کی اسرا صاحبلرینک حقوق و صلاحیتلری درجه سنه چقاریورلردی . اکثریا ، کویلیلی طوپراقدن آیره رق آرزو ایتدکلی دیگر ایشلرده استخدام ایدرلردی . کویلیلری صنعتکار ویا تاجر صفتیله شهرلره کوندیرلر ، بونلردن (اوبروک obrok) نامیله مقطوع بر ویرکو آلیرلر ، ایستدکلی زمانینه چیقتلکلیرنه اعاده ایلرلردی . بتون (روسیه) ده کویلیلردن تخمیناً ایکی میلیون کشی اقدیلرینک خدمات خصوصیه لرندہ مستخدم ایدیلر ؛ بونلر قرون متقدمه ده کی اسرادن فرقلی دکلدیلر . اون طقوزنجی عصرده کی روس هیئت اجتماعیه سنده قدیم (روما) نك اسرا صنفنه یاپیلان مغاملاتک کافه سی کویلیوردی : مالکانه صاحبلرینک حدسز نهایتسن سوو معامله لری ، کویلیلرک اطاعت اسیرانه لری ، قادیلرک اصحاب اراضینک کیف وهوسلرینه تابع بولملری ، اسیرلره هر درلو صنعتک جبراً اجرا ایتدیرلمسی قتل ویانقی ایله آلمسی [سنده وسطی اوله رق ۷۰ قتل ویانقی] اسرانک ضرب ایدلمسی ، اشکجه به دوچار اولسی ، نهایت اتلاف اولمسی . — روس حیاتی مصور آثارک کافه سنده عینی تفصیلاته تصادف ایدیلر [*]

۳ . — مالکانه نك طرفدن زرع ایدیلن قسمی قرون وسطا کویلیلرینک اراضیسی کبی کندیلرینه عائد دکلدی ؛ روس کویلیسنک ، شخصاً خانه سندن بشقه هیچ بر شیئی یوقدی ، طوپراق ، اراضی قریه نك هیئت عمومیه سنه ، (میر mir) ه عائد ایدی . اورمانلر ، مرعالر ، صولرده بوبله ایدی ؛ چایرلر و اراضی* مزروعه پارچه پارچه ، فقط ۲ الی ۱۵ سنه آره سنده تخالف ایدن بر مدت ایچون ، توزیع اولمش ، بعده هر کویک هیئت عمومیه سنه ویریلرک کویلیلر آره سنده تقسیم ایدلمشدی . — روسلر مملکتلرینک احوالندن او قدر یخبر ایدیلرکه اراضینک بو صورتله تقسیم عادی یقین زمانلرده ، (هاقستاوژن Haxthausen) اسمنده بر اجنبی طرفدن کشف ایدلمشدر . فقط بو جهت معلوم اولنجه فرقه ملیه ، اراضینک (میر) ه ، یعنی کویک هیئت عمومیه سنه عائدیتی [*] بو آثار ایچنده اک شایان دقت اولانی (تورگه نف Tourguenef) ک (بر آوجینک خاطرانی) نامنده کی کتابیدر .

اون سکزنجی عصره مخصوص افکار سیاسیسه سنه مانع اوله رق روس قومنک مؤسسات و موضوعات ملیه سنی ، اورتودوقسلیق وزادگان امتیازاتی اساسنه مستند اولان طرز قدیم اداره بی احیا ایلمک ایستیورلردی ؛ بونلر ، (نیقولا) نك دور حکومتده (موسه نووه) شهرنده تشکل ایدن فرقه ملیه افرادی ایدی . (روسیه) نك عنعنات تاریخیه سنی محافظه طرفداری اولان بوفرکه (روسیه) بی قرون وسطی زمانه ، فقط تعدیلات مهمه ایله ، ارجاع ایتمک ایستیوردی ؛ قدیم (بویار) لر ملت مجلسنی تشکیل ایده جك ، قدیم (میر) زمان جدیده موافق ، سربست برناجه اوله جقدی .

ایکی فرقه هر دو اصلحاته دشمن اولان مأمورین علیهنده متحداً اجرای حرکته باشلادی ؛ مطبوعات و تدریسات ایچون دها زیاده سربستی ویرلسنی ، مأمورینک تفتیشه تابع اولسنی وبالخاصه اسپرکی یشایان کویلیلرک تخلص ایدلسنی طباب ایدیورلردی . (آلكساندر) بونلرک آرزولری وجهله حرکت ایتدی : (روسیه) دن طرد و تبعید ایدیلن کیمسه لردن برقسمنی عفو ، « سانسور » ی تخفیف ، ممالک اجنیه ده سیاحت و اقامته مساعده ، کویلیلرک اسارتدن تخلصی اسبابنه تثبیت ایلدی . مأمورین حکومتی ، مؤسسات موجوده بی دیکشدرمه مکله برابر تبعه سنه امثالی نامسبوق بر سربستی ویردی .

کویلیلرک اسارتده تخلصی [۱۸۵۸ — ۶۳] . -- ایکنجی (آلكساندر) ك دور حکومتته عائدك مهم اجراءات حق ملکیته دائر اصلاحات ایله کویلیلرک اسارتدن تخلص ایدلریدر . کویلیلرک صاحب اراضی اولدقلری شمال ایله اجنبی عنصرلری و قازاقلره مسکون اولان جنوب مستثنا اولمق اوزره (روسیه نك) همان هر طرفنده ، (بیوک روسیه) ، (کوچک روسیه) ، (لیتوانیسا) ده اراضی ، املاک جسمه اصحابی آره سنده تقسیم ایدلمش ، کویلیلر حال اسارتده بولنمشدی . بواصول اداره شو اوچ اساسه مبتنی ایدی :

۱ . — اراضی ، بعضلری (چار) ه ، یاخود عائله حکمداری افرادیته ، بعضلری تقریباً یوزبیکه بالغ اولان زادگان عائله لرینه عائد اولمق اوزره بیوک مالکانه لره آیرلمشدی . ایمبراطورلوق داخلنده کی اراضی مزروعنه نك اونده طقوزی بومالکانه لر داخلنده ایدی . مالکانه بی تشکیل ایدن اراضی ایکی قسمه آیرلمشدی : برقسمی طوغریدن طوغری به صاحب مالکانه طرفندن ایشله تیلیر ، دیکر قسمی مقطوع عائدت مقابله نده کویلیلره ترک اولنوردی .

۲ . — کویلیلر ، اون بشنجی عصر اوخرندن بری ، قانوناً طوپراغه مربوط

نیقولانک طرز ادارہ سی علیہندہ مرقات امرارہ . — ایکنجی (آلکساندر) پدرینہ ابراز حرمت ایدردی ، (چار) اولدینی زمان پدرینک ارکان معیتی محافظہ ایتدی ؛ فقط انسائیتپرور و معلوتلی بر حکمدار اولدینی ایچون تضیق و تجمیرید سیاستی تصویب ایتموردی ، بناء علیہ (اوروپا) حکومت مدنیہ سنی تقلید ایتک ایستدی . ملتہ قانون اساسی و یرمکی تعہد ایتہ مکملہ برابر اصلاحات یایمق نیتندہ اولدیغی اعلان و بوبادہ زادکانک معاونتی طلب ایتدی .

بونک اوزرینہ ، اوزمانہ قدر مستور و مخفی قالان ، روس افکار عمومیہ سی وجودینی حس ایتدیرمکہ باشلادی ؛ تحصیل کورمش زادکان ایلہ دارالفنون طلبہ سی آرہ سندنہ «ملتک ذکی قسمی» معناسہ اولان (انتہلیغازیا intelliguenzia) فرقہ سی میدانہ چیقدی . قریم محاربه سی ، روس ہیئت اجتماعیہ سنجه بعض تبدلاتی موجب اولمشدی . (چینوونیک tchinovnik) دینلن مأمورلرک سوء استعمالاتی ، مساحلرینی ہزیمت حربیہ میدانہ چیقارمشدی ، مأمورین حکومت اولکی قدر متانت و جرأت کوسترہ میورلر ، اجراءت حکومتک تنقید ایدلمسنی منہ جسارت ایدہ میورلردی . «سانسور» القا ایدلمہ مشدی ، فقط حکومتجہ وظیفہ تفتیش و معاینہ یہ او قدر اہمیت و یرلمدیکنی کوردیکندن پک کوشک حرکت ایدیوردی . (روسیہ) دہ نشر اولنان ہیچ برغزتہ ہنوز سرہستجہ ادارہ لسان ایدہ میور ؛ فقط (ہرچن Herzen) اسمندہ برملتجینک (لوندہ) دہ نشر ایتدیردیکی (قولوقول Kolokol) ، یعنی «چاک» غزتہ سی — روسیہ دہ ممنوع اولقلہ برابر — بیکلرچہ نسخہ اولہرق مملکتہ داخل اولیوردی ؛ حتی ایکنجی (آلکساندر) مأمورین حکومتک سوء استعمالاتدن خبردار اولمق ایچون بوغزتہ یی او قوردی . [روایتہ نظرأ بوغزتہ بر نسخہ سندہ بیوک مأمورلردن برینک سوء استعمالاتی حقندہ بر مقالہ یازار ، او مأمور ساختہ کارلق ایدرک مقالہ یی غزتہ دن چیقاریر ، ساختہ نسخہ یی (چار) ہ تقدیم ایدر ؛ برمدت صکرہ (چار) لوندہ دن آلدینی بر مکتوب سایہ سندہ ساختہ کارلقدن خبردار اولور] .

(انتہلیغازیا) فرقہ سی اصلاحات طلبندہ متحدالفکر ایدی ، فقط اصلاحاتک ماہیتی حقندہ ایکی فرقہ یہ آیرلمشدی . اکثریت عظیمہ ، (اوروپا) طرزندہ ادارہ احرارانہ یہ ، مجلس مبعوثانہ ، قانون اساسی یہ ، حریت سیاسیہ تأمینانہ لزوم کوستریوردی : بونلر ، بالخاصہ (پترسبورغ) دہ صاحب حکم و نفوذ اولان (غریبلیر) ، فرقہ احرار ایدی . بعضلری ایسہ ، بالعکس ، (بیوک پترو) زمانہ قدر کروی یہ عودت ایتک ، اوروپانک

مأمورین روحانیہ سی تعقیبات قانونیہ یہ دوچا اولور [۱۸۶۵] تاریخندہ الفا ایدیلن بو تدبیر ۱۸۸۵ دە نکرار وضع و تطبیق ایدلمشدر .

ولایات غربیہ دە کی تبعه نك جبراً روسلاشدیرلمسی تشبثی دە بودورده باشلادی . لهلیلر ایله مسکون اولان (لیتوآنیا) ولایاتندہ ، وقتیلہ اورتودوقس ایکن بالآخره قاتولیک اولان کویلیبرہ ینہ اورتودوقسلفه عودت ایتلمی امر اولندی ، بونلرک یسقبوسلری طرفندن عقد ایدیلن برمجلسده اورتودوقس مذهبہ عودت ایدلمسہ رسماً قرار ویرلدی [۱۸۳۹] . — (لهستان) قرالغده ، چارک وعدلرینہ رغماً ، حکومت قاتولیکلری تضییق ، کلیساری ویا مناسترلری برطاقم بہانہلر ایله سد ، سانسورطرفندن مساعده ایدیلن وعظلمی منع ایتدی ، قاتولیک مرہبیلر استخدامندہ مساعده ایدلمدی . لهلیلرک مختاریت ادارهسندن کری بہ قالان شیرلہ دە احمایہ چالیشہرق بتون مکتبلری (روسیہ) معارف نظارتنک تحت ادارهسنہ ویردی [۱۸۳۹] ، شورای دولت ومحکمہ تمیزہ عائد وظائفی (پترسبورغ) سناتو مجلسنہ تودیع ، روس قانون جزاسنی (لهستان) دە دخی تطبیق ایلدی .

(نیقولا) نك اواخر سلطنتندہ (بالطق) ولایاتنک لسان رسمیی اولان آلمانجہ علیہندہ بعض تدابیر اتخاذ اولندی . ۱۸۵۰ دە نشر اولسان برامر نامہ ایله مخابرات رسمیه نك روسجہ اجراسی وروسجہ یہ واقف مأمورین استخدای امر ایدلدی . فقط بوتدبیر موقع تطبیقہ وضع اولندی .

(اوروپا) احراری ، (نیقولا) نك طرز ادارهسنہ شرکہ مخصوص استبدادک حال تکملہ واصل اولمش بر شکلی نظریلہ باقیورلردی ؛ او زمانک آثار ادیبہسی « مستبد چار » ایله حکومتی علیہندہ برچوق افکار احرارانہ پی حاویدر . (نیقولا) ، انقلاب احرارانہ نك دشمن بیامانی اولان مطلقیت اداره نك شمال مشخصی عد اولنیور ، کندیسی دە بوصفی مع الممنونیه قبول ایدیوردی . ہرشیدن اول برعسکر حکمدار ایدی ، دائماً عسکری اونیفورمہ سنی کیر ، عسکرینہ کچید رسملری اجرا ایتدیرر ، اردوسنی زماننک اک مکمل اردوسی ظن ایدردی ؛ ۱۸۴۸ سنہسندن صکرہ ، (اوروپا) نك حاکم مطلق و دولت عثمانیہ نك فاتح مستقبل کی حرکت ایتمکہ باشلامشدی . قریم محاربه سی روس اردوسنک منتظم بر اداره دن ، مهمات ولو ازمدن ، الحاصل نظام وانتظامی تأمین ایلن ہرشیدن محروم اولدیغنی اثبات ایتدی . (نیقولا) ، نفرت ایتدیکی دول غربیہ یہ مغلوب اولنجہ یأسندن وفات ایلدی ، اصول اداره سی وفاتندن صکرہ اصلا دوام ایتدی . [۱۸۵۵] .

اعطاسنه موافقت ایدردی ؛ ممالک اجنبیهیه مهاجرت ایتک نفی و مصادرهٔ اموالی مستلزم برجنایت عد اولتمقدمه ایدی .

دنیا ایله مناسباتی منقطع اولان روسلر، کریه عودت ایتدیلر. اوزمانه قدرغریبی تقلیدیدن روس ادبیاتی رشکل ملی اخذ ایلدی؛ اداقدیم (روسیه) بی مدح و ثنایه باشلادیلر. ایلك ملی حکایه نویسلر (نیقولا) زماننده ظهور ایتدی. « جناب حق چاری حمایه ایتسون! » ماننده کی رسمی مارش ، « چار ایچون حیات » عنوانلی ملی اوپرا اوزمان ترتیب ایلدی . (نیقولا) ، قدیم (روسیه) بی احیا ایتک فکرینه دوشمش کبی کورونیوردی . فقط مأمورین ، آنجق دیگر مأمورلر طرفندن تفتیش ایدلکلری ایچون (چار) ک نظارت عمومیسی حکمسنز قالیوردی . هر نوع مأمورلرک ارتکابلری ، صالح عمومییه بی رؤیت خصوصنده کی مسامحه لری ، اهالی حقنده کی جرأت بی ادبانه لری ، مافوقلرینه قارشی تبصص اساسار تکرارانه لری اودرجهیه وارمشدی که بونلرک احوالی (مفتش) عنوانیله یازدینی بر مضحکده تصویر ایدن محرر (غوغول Gogol) ک اثرینی بالذات (چار) بیله بکنمش ، پک طوغری بولمشدی . تبعه ، اعتراض حقنه بیله مالک دکلدی ، غزته لرک اجرا ات حکومتی تنقید ایللماری ، افرادک مسائل سیاسییه ایله اشتغاللری منع ایدلشدی . ۱۸۴۸ ده ، (تیرسبورغ) ده کنگلر ، ضابطلر ، مأمورلر ، معلملر کیجه لری اجتماع ایدرک (اوروپا) دن کلن آثاری او قورلر ، بونلر حقنده مباحثانده بولنورلردی . ضابطه بو کنگلردن اوتوز اوچ کشی بی توقیف ایتدی [۱۸۴۹] ؛ جمله سی اعدامه محکوم اولدیلر ، اعدام اولنه جقلری صرمده عفو ایدیلرک کورکه کوندرلدیلر ؛ ایچلرندن بری ، (دوستوئییهوسکی Dostoievsky) زندان حیاتی بالآخره یازدینی بر کتابده تصویر و حکایه ایتدی .

(نیقولا) نک زماننده (اختیار معتدلر) دنیلن مذهب اربابی علمینده دخی بعض تضییقات اجرا ایلدی . اورتودوقسلرک دیگر بر مذهبی قبول ایتلرینه قارشی ایوم مرعی الاجرا اولان قوانین جزائییه قبول اولندی . تبدیل مذهب ، مصادرهٔ اموال و ۸ الی ۱۵ سنه کورک جزاسنی مستلزمدر ؛ بر اوتودوقسی قولاً و یا تحریراً تبدیل مذهب تشویق ایدنلره ۸ الی ۱۶ آی حبس و اوچنجی دفعه تکررنده (سیبریا) یه نفی جزاسی ویریلیر ؛ تبدیل مذهب مانع اولیان کیمسلر حبسه محکوم اولور . نکاح مختلطک مطلقا بر اورتودوقس راهی حضورنده اجراسی و بوندن تولایدیه جک چوجفک اورتودوقس مذهبجه تربیه ایدلمسی مجبوریدر؛ بویله بر نکاحی عقدایدن مذاهب ساثره

امر اولندی . ممالک اجنبیه به هجرت ایدنلردن ۲۸۶ کشتی اعدامه محکوم اولدی؛ بونلرک املاکی ضبط و مصادره و اور تودوقس مذهبنده کی روس امرای عسکر به سنه توزیع ایدلدی . حکومت ، (وارشووه) دارالفوتی الفا و مکاتبک برچوغنی سد ایتدی . بتون جمعیتلری ، حتی مطالعه جمعیتلرینی بیله ، منع ایدرک یالکز املاک اوزرینه پاره اقراض ایدن شرکتک دوامنه مساعده ایدلدی . مدعولرک عددینی تحدید ایتک وضابطه مأمورلرینک تحت نظارتنده بولندیرمق شرطیله خصوصی مسامره لر مستثنای اولمق اوزره بتون اجتماعلری منع ایتدی ، کتابلری و حتی آثار موسیقیه یی قبل النشر تفتیش و معاینه یه تابع طوتدی ؛ سانسور ، کتب اجنبیه دن هیچ برینک دخولنه مساعده ایتموردی ، بتون مأمورلر ایچون روسجه نیک بیلنمسنی شرط اتخاذا ایدلدی . کافه دعاوی سیاسیه یی ، حتی دیگر دعوالری عسکرلی انجمنلرینه رؤیت ایتدیردی . ۱۸۳۵ ده (نیقولا) ، (وارشووه) شهرنده شو نطق مشهوری ایراد ایتدی : « اگر ملیت رؤیالرینی ، مستقل لهستان فکرنی ، الحاصل برچوق خیالاتی محافظه ده عناد ایدرسه کز باشکزه بیوک فلاکتلر کتیرمش اولورسکز . بوراده برقلعه انشا ایتدیردم ، اک کوچک برعصیان اثری کورنجه شهره بیلدیرملر ایتدیره جکمی سزه خبر ویریورم . »

نیقولانک اصول اداره سی . — (بیوک پترو) زمانندن بری روسیه (چار) لری مطلقیت اداره یی محافظه ایتمشلر . فقط امور مذهبیده لاقید طاوور ایتمشلر ، مدنی (اوروپا) حکومتانک طرز اداره لرینی تقدیر و بونلری تقلیده غیرت ایلمشلردی . (نیقولا) یالکز قوانین اساسیه و اداره احرارانه دن نفرت ایتکله قلمیهر ، (اوروپا) حیات و عاداته ده اعلان خصوصیت ایدیوردی . متعصب بر اور تودوقس ولدینی ایچون « مقدس روسیه » یی غربک دینسزلک افکارندن اوزاقلاشدیرمغی بروظیفه دینه عد ایلمکده ایدی . پک اوزون سورهن دوره سلطنتی [۱۸۲۵ - ۱۸۵۵] مدنیت غربیه ایله قطع رابطه ایتک و (روسیه) ده طرز قدیم اداره یی اعاده ایلمکله تمیز ایتدی .

(اوروپا) ایله مناسبات و مناقلات پک مشکل برحاله کلادی ، (روسیه) یه دخولرینه مساعده ایدیلن اجانب مأمورین ضابطه نیک تحت نظارتنده بولنیور ؛ بتون کتابلر ، غزتلر حدودده سانسور طرفدن ضبط و مصادره اولنیوردی . روس قوانینی موجبنجه (چار) ک تبمه سی ایمراتورلق خارجه چیقمق صلاحیتندن محروم ایدیلر ؛ (نیقولا) نیک دوره حکومتنده ممالک اجنبیه به کیتک ایچون (چار) نین مساعده آلمق لازمدی ؛ (چار) ایسه بومساعده یی نادراً ویرر واک چوق بش سنه ایچون رخصت

ایچون محاربه یه کیریشملک، ایسته مدی ؛ الحاصل لهلیلر هیج کیمسه نك معاونتته مظهر اوله میهرق یالکیز قالدیلر .

(لهستان) اردوسی، اولجه حال سفربری به وضع ایدلدیکی ایچون ، روس اردوسندن اول محاربه یه حاضر لامشدی ؛ درحال (لیتوآ نیسا) یه کیردی . فقط روس قوماندانی (دیبیچ Dibitsch) قوتلی براردوایله واصل اولنجه [۴۵۰۰۰۰ کشی به قارشی ۱۲۰۰۰۰ کشی] لهلیلر (ویستول) نهرینه رجعت ایتدیلر . اوراده وقوعه کلن بش محاربه ده قهرمانانه مقاومت ایدیلر [شباط — مایس ۱۸۳۱] . قولرا علتی بر آرانق حرکات عسکریه نك تعطیلنه سبب اولدی . قوای امدادیه ایله کسب قوت ایدن روس اردوسی نهایت (وارشووه) پیشگاهنه مواصلت ایتدی . قوماندان ، عفو عمومی وقانون اساسی تأمین ایدنک شرطیله مصالحه تکلیف ایددی ؛ (له) قوماندانلری بو شرطک قبولی توصیه ایدیورلردی . فقط حاکمیت عامه فرقه سی (وارشووه) ده صاحب حکم ونفوذ ایدی ؛ حبسخانه لرده بولنان شبهه لی اشخاصی قتل عام ایتشدی ؛ روسلر ایله مذاکره یه کیریشمکدن امتناع ایتدی . (وارشووه) طوبه طوتولدی ، نهایت تسلیم اولدی [ایلول ۱۸۳۱] . دیت مجلسی شهردن چیقدی ؛ (له) اردوسنک بقیه السیوفی (پروسیه) یه ، (اوستریا) یه کچدیلر . بالخاصه زادکادن مرکب اولان برچوق (له) مهاجرلری (فرانسه) یه هجرت ایتدیلر .

(لهستان) ، عسکری دیققاتورینه تابع اولدی . (نیکولا) شوبیاننامه ایله (لهستان) استقلالتی کری آلدی : « لهستان ، بوندن صکره روسیه ایمراتورلغنک اجزای ممالککندن اولوب روسیه ایله برملت تشکیل ایدر . » ۱۸۱۵ براتی فسخ ایتمک وبونک رینه قائم اولوق اولوق اوزره شباط ۱۸۳۲ تاریخی نظامنامه اساسی بی نشر ایتدی . (دیت) مجلسنی و (لهستان) اردوسی الغا ایدره کبتون قوای حکومتی روس والیسنه ، روس مأمورلرینه ، (پترسبورغ) ده متشکل بر مجلس مخصوصه ویردی . — (له) قومنک کلیساسنه ، لساننه واداره محلیه سنه طوقونیه جغنی وعد ایدیوردی ؛ فقط هیج بر تأمینانه مستند اولمیان بو وعد اجرا ایدندی .

(لهستان) قرال وکیلی تعیین اولنان (پاسکیه ویچ Paskiewitch) وفاتنه قدر [بیکرمی بش سنه] مملکتی مستبدانه اداره ایتدی ؛ روس مأمورین وضاباطانی معینته آلهرق و آنلرک سوزیله حرکت ایدره ک (لهستان) قرالغنی مدهش بر استبداد عسکری آلتنده بر اقدی . ۱۸۱۵ راتی رینه قائم اولان نظامنامه اساسی شرفه شنلکیر ، تنویرات اجرایی

(لهستان) اردوسنی جمع ایتدی . انقلاب پرورلر ، اردونك انقلاب علیهنده حاضر لشمش اولمسندن بالاسته ده بونی روسیه چاری علیهنه قوللانمغه چالیشدیلر . مکتب عسکری طلبه سی کیجه لین (وارشووه) سرانی هجوم ایله ضبط ایلدیلر . قرال وکیلی (قسطنطین) قورقوسندن البسه سنی بیله کییمکه وقت بوله مدن فرار ایتدی ؛ بعده بسبتون شاشیره رق روس عسکری و مأمورلریله برلکده (لهستان) خارجنه چیقدی [تشرین ثانی — کانون اول ۱۸۳۰] .

(روسیه) حکومتی طرفندن ترك ایدیلن لهیلر ، (وارشووه) به عودتی رجا ایتک ایچون (قسطنطین) ، مأمورین مخصوصه کوندریلر ؛ (قسطنطین) عودته راضی اولدی . هرشیدن اول محاربه به مانع اولمق ایستین (بیاضلر) فرقه سی (چارک) حقوق حکمرانی سنی محافظه ایتک ایچون بر حکومت موقته تشکیلنه قرار ویردی . (خلویسکی Chlopicki) عسکرک رؤسای انقلاب پرورانه تابع اولستی منع ایچون قوماندانی درعهده ایتکه موافقت ایتدی ؛ « قرال نامه » دیققاتورلکنی اعلان ایدرک (نیقولا) به بر مکتوب یازدی ولهیلرک « احوال و شرائط مخصوصه نك شایان حیرت بر صورتده اجتماعندن طولانی ، بویه بر حر کتده بولملری عفو ایتسی ایچون علو جنبانه مراجعت ایتدیکنی بیان ایلدی . روس عسکرینک (لهستان) دن چیقارلمسنی طلب ایدیوردی . (چار) ، نشر ایتدیکی بر بیان نامه ده لهیلرک یا تماماً اطاعت ایتیری ، یا خود کافه تلف اولملری لازم کلدیکنی اعلان ایتدی . (لهستان) دن کوندریلن مأمورین مخصوصه به بوبیان نامه یی کری آلمیه جغنی وهیچ بر تعهد آلتنه کیرمه جکنی سوبلدی . لهیلرک ، حکمدارلرینک سوزینه اعتماد ایتملری لازم کله جکنی بیان ایتدکن صکره شو سوزلری علاوه ایلدی : « ایلک طوب سنی متعاقب لهستان محو ومضمحل اوله جقدر . »

ائتلاف طرفداری اولان « بیاضلر » فرقه سی حکومت موقته دن چکیلیدی ؛ حرب طرفداری اولان « قیرمزیلر » لهستانک اداره سنی درعهده ایتدیلر . (دیت) مجلسی (رومانوف) سلاله حکمدارینسک سقوطنی و (لهستان) ایله (لیتوانیا) نك غیر قابل فسخ بر صورتده اتحادینی اعلان ایلدی [کانون ثانی ۱۸۳۱] . اورویایه کوندریلن مأمورین رسمیه (ویانه) معاهداتی امضا ایتمش اولان دول معظمه دن استمداد ایتدیلر . (انکلتره) ده باش وکیل (بالمرستون) ، (له) مرخصلرینه آنجق نیم رسمی صورتده جواب ویردی و (ویانه) قونفره سنک (لهستان) قانون اساسی سنی تحت تأمینه آلماش اولدیغنی بیان ایتدی . (فرانسه) ده ، اهالینک نمایش لرینه رغماً ، حکومت (لهستان)

نامیلہ یاد اولنان بووقه بیوک بر محاکمہ ایلہ نتیجہ نلندی : همان کافہسی زادکاندن اولمق اوزره ۳۲۱ کشی محکوم اولدی، ۵ کشی اعدام ایلدی. (پستل Pestei) وریلہ بیف (Rilief) اسمندہ ایکی کشینک بر صورت فیجعهده اعدام اولنملری بتون (اوروبا)ده تأثری موجب اولدی . بو عصیان یکی چار (نیقولا) اوزرنده پک بیوک بر تأثیر اجرا ایتدی و حکمدارک (اوروبا) اداره احرارانهسی حقنده کی نفرتی تزید ایلدی . شہہلی کیمسه لری نظارت آلتندہ بولندیرمق ایچون یکی برضابطہ سیاسیہ نظارتی احداث اولندی [۱۸۲۶] .

لہستانہ عصیان [۱۸۳۰ - ۱۸۳۲] . — (نیقولا) ، لہستان قرالی صفتیلہ رسم تنوجنک اجرا اولنسنہ ولہستان اونیفورمہسنی کیمکہ راضی اولمشدی . فقط (دیت) مجلسنی عقد اجتماعہ دعوت ایتدی و (لہستان) ک ، ۱۸۱۵ براتی قالدیرمق ایستین مطلقیت اداره طرفدارلرنجہ اداره اولنسنہ مساعده ایتدی . بونلردن بری « بوندن صکرہ مذاکرہ ومباحثہ دکل ، چارہ اطاعت لازمدر » دیوردی .

بواصول اداره بتون لہلیلری حد تلندیر بیوردی ، فقط اتخاڈ اولنہ حق مسلاک حقندہ آرہلرنده اختلاف واردی . — املاک جسیمہ اصحابی ، اکا بر مأمورین ، رهبان (لہ) ملتک بسبتون محو اولسنی انتاج ایدہ بیلہ جک بر مسلاک اتخاڈندن ایسہ (نیقولا) نک اداره مستبدہ سنہ تابع اولمنی موافق کوریورلردی : (لہستان) ، مشروطیت اداره سنی استرداد ایچون (نیقولا) نک وفاتنہ قدر انتظار ایدہ جک ، فقط استقلالتی محافظہ ایلہ جکدی . حزم واحتیاط ایلہ حرکتی توصیه ایدن بو فرقه ، (بیاضر) نامیلہ معروف اولان زادکان فرقهسی ایدی . — کنجیلر ، (وارشووه) دارالفنون طلبہسی — کہ فرانسیسیہ وانقلابہ پرستش ایدیورلردی — حریتی مدافعہ ایتک و (لہستان) ی حدود قدیمہ سنہ ارجاع ایلمک ایچون (چار) ہ قارشی آچیقندن آچیغہ اعلان خصومت فکرنده ایدیلر . بو فرقه ، (قیرمزیلر) نامیلہ معروف ، حاکمیت عامہ فرقه و ظہورانی اولوب (قاربوناری) ایلہ مناسبتندہ بولنان جمعیات خفیہ طرفندن اداره ایدیلوردی . ۱۸۲۵ دە ، رؤسا ، (روسیہ) ده کی « ده قابریست » لر ایلہ ملاقات ومذاکراتندہ بولندیلر ، فقط (لہستان) ک حدودی مسئلہ سنندہ اتلاف حاصل اولمادی ؛ رؤسا « سناتو » مجلسندہ محاکمہ وتیجہده تخلیہ ایدیلدیلر .

« بیاضر » فرقهسی ۱۸۳۰ تاریخنہ قدر « قیرمزیلر » فرقه سنہ حکم ایتدی . فقط فرانسزلرک ۱۸۳۰ انقلابندہ حکومتہ قولایجہ غلبہ ایتلمی لہلیلری ده عصیانہ تشویق ایلدی . (چار) ، فرانسیسیہ و بلجیقاده کی انقلاب طرفدارانی تأدیبه کوندزمک ایچون

۱۸۲۵ عصبانی . — اواخر عمر نده غایت مستبد بر حکمدار اولان (آلکساندر) ارکک اولادی اولمه دن وفات ایتدی. اکی باقین وارثی اولان برادری (قسطنطین) لهستان قرالی وکالتده قالنی ترجیح ایدرک اولجه (روسیه) تاجندن فراغت ایتشدی [قسطنطینک زوجه سی لهلی بر قادین ایدی] . کوچک برادری . (نیقولا) ، ولی عهد اتخاذا اولمشدی ، فقط (نیقولا) ، آلکساندرک وفاتنده ، (قسطنطین) ی ایمپراطور طانیدی و آنک نامنه یین ایتدیدی ، کندیسنی (چار) اعلان ایتدیرمزدن اول بیوک برادرینک بر دفعه دها ترک تحت ایلدیکنی اعلان ایتسنه منتظر اولدی .

(روسیه) ده حکومتدن ممنون اولیانلر بر انقلاب احرارانه وجوده کتیرمک ایچون بو فاصله سلطنتدن استفاده ایتمک چالیشدیلر . اوزمان ، (روسیه) ده ، اوروپا جمعیتنه وبالخاصه (قاربوناری) جمعیتنه مشابه اولمق اوزره اوچ جمعیت خفییه واردی ؛ بو جمعیتلر ، (اسپانیا) و (ایتالیا) ده اولدینکی کبی ، اکی زیاده اهالینک اکی فعال قسمی آره سنده ، ضابطان میاننده طرفدار بولیورلردی . افکار سیاسیله ری مهم وقاریشیق ایدی : غرب ممالک متمدنه سنک مؤسسات وموضوعات سیاسیله سنی (روسیه) یه ادخال ایتمک ایستورلردی ، فقط هانکی طرز حکومتک نمونه اتخاذا ایدیه جکی مسئله سنده اختلاف وار کبی کورینبوردی ؛ (پترسبورغ) ده تشکل ایدن (شمال جمعیتی) بر حکومت مشروطه آرزو ایدیور ، (کوچک روسیه) ده کی ضابطان میاننده طرفدار بولان (جنوب جمعیتی) جمهوریتی ترجیح ایلور ، (متحد اسلاولر جمعیتی) ایسه برهیئت متحده تشکیلی مناسب کوریبوردی . رۇسا ، ۱۸۲۶ سنه سی کانون نایسنک برنجی کونی عصبان ایچون عقد اتفاق ایتشلردی . (آلکساندر) ک وفاتی اوزرینه عصبانک تاریخ مذکوردن بر قاج کون اول ترتیب اولنسنه قرار ویردیلر ؛ اتفاقه داخل اولان ضابطان ، اصل (چار) ک (قسطنطین) اولدیغنی عسکره سویلیه رک نفراتی اقتاع ایتدیلر . (پترسبورغ) ده کی عسکردن ایکی آلائی « یساسون قونستیتوسیون [یعنی قانون اساسی] و قسطنطین ! هنداسیله قیام ایلدی [نفرات قانون اساسینک فرانسز جهمی اولان « قونستیتوسیون » ی « قسطنطین » ک زوجه سی ظن ایدیورلردی] . حکومت ، برمدت حیرته قالدقندن صکره ، عصبانی پک چابوق بر طرف ایتدی ، عاصی عسکرلر بر برلرینی حکومته اخبار ایلدیلر . — جنوب جهتنده ارباب عصبان ، حرکته وقت بولمه دن توقیف اولندیلر [کانون اول ۱۸۲۵] .

عصبانک کانون اول طرفنده وقوعه کله سنندن طولانی « ده قابریست Decabristes »

و دیون عمومیہی حال انتظامہ وضع ایتدی . رفاه و سعادت مادیه آریدی . ۱۸۱۵ دن ۱۸۳۰ سنہ سنہ قدر کچن مسدن ظرفندہ نفوس بر بحق ملیون قدر تزايد ایتدی . (لوج Lodz) شہرندہ بیوک چوخہ فابریقہلری آچیلدی . لهستان حکومتی اسپانمک قیمتی یوکسلدی ؛ امور مالیه تحت انتظامہ کیردیکندن حکومت بر سنہلک ویرکوی و عدہسی حلول ایتدن (روسیہ) حکومتہ تادیبہ موفق اولدی .

فقط بو اصول اداره (لهستان) ده بین الخلق مقبول و معتبر دکلدی : ہم حسابت ملیہ ، ہمده حسابت حریتپرورانہ طوقونیوردی . وطنپرورلر قدیم (وارشوہ) غراندوقہ لغنک اراضیسندن عبارت بر (لهستان) قرالنی ایله قناعت ایتیورلر ؛ هیچ اولمازسه ، (چار) ک قراللق خارچندہ براقیدنی ، (لیتوآنیہ) ولایات قدیمہسنی ایستیورلردی . احرار ، حکومتی لاینغزل اولان حکامی عزل ایدرک ، (دیت) اعضاسنی توقیف ایتدیررک ، کتابلری تفتیش و معاینہ بہ تابع طوتہرق ، مکاتب ابتدائیہی قباہرق ۱۸۱۵ براتی احکامنہ مخالف حرکتندہ بولمقلہ اتہام ایدیورلردی . ایمراتورلق قومیسری (نوووسیاچوو Novosiltzow) دن وبالخاصہ (چار) ک برادری اولان قرال وکیلی (قسطنطین) دن شکایت اولنیوردی ؛ (قسطنطین) بر مجنون ایدی ، کنیش کنارلی شابقہلری منع ایدیور و بویله بر شابقہ کوردیکی زمان بالذات آلوب یرتیوردی .

(دیت) مجلسی (چار) ک نظر دقتی جلبہ چالیشدی . (چار) ، کندیسنک علو اخلاقنہ تبعہسی طرفندن نا محدود بر اعتماد کوسترلمسی لازم کلہجکنی بیان ایتدی [۱۸۲۰] ؛ بعدہ « شاید لهستان کندیسنہ بخش اولنان اصول اداریہی محافظہ ایتمکہ غیر مقتدر اولدیغنی کوستر ایسہ موجودیت اساسیہ سنک تہلکہیہ دوشہ کئی » بیلدردی ، (اوروپا) بی تقلید آکنجیلر طرفندن برطاقم جمعیت خفیہ تشکیل ایدلمشدی ، بولردن بری اولان (جمعیت وطنپروران) ، افراد جمعیتہ « سوکیلی ، بد نخت و طنک یکیدن تأسیسنہ حصر وجود ایدہ جکیرینہ » دائر یمن ایتدیرییوردی . (پارس) ده بولنان روس ضابطہ مأمورلری بوجمیتک وجودنی کشف ایتدیلر ؛ تشکل ایدن بر دیوان حوب ، (لوکاچینسکی Lukazinski) بی ، محضا بر جمعیت خفیہ اعضاسندن اولدیغنی ایچون ، کورک جزاسنہ محکوم ایتدی [۱۸۲۴] .

(آلساندز) ، نہایت ، دیت مجلسی مذاکراتنک طبع و نشر اولنمسنی منع ایلدی . [۱۸۲۵] و فرقه مخالفہ رئیسنی توقیف ایتدیردی ؛ رئیس ، کندی مالکانہ سنندہ بر ژاندارمنک نظارت دائمی آتندہ اولہرق حبس ایلدی .

خصوصیه سنک کافهسی ، حقوق و امتیازاتیه برابر قاتولیک کلیدسانی ، (له) لسانیه اجرای تدریسات ایدیان مکتبهرینی ، مسکوکاتی ، پوسته لیرینی ، کمرکلرینی ، اداره سنی و حتی اردوسنی محافظه ایتدی ، مأموریتلر اهالی محلیه به مخصوص ایدی ؛ مأمورلرک ، رهبانک ، ضابطانک کافهسی (له) ایدی . اجنبی اوله رق یالکز (چار) ک وکیلی اولان « قرال وکیلی » ایله ایمپراطورلق قومیسری بولنقده ایدی .

(آلكساندر) ، اداره مطلقه طرفدارلرینک نصایحنه رغماً ، (لهستان) قرالغنی برحکومت مسروطه یایمق ایسته مشدی . کانون اول ۱۸۱۵ براتی ، حکومتک اهالی محلیه النده بولنفسنی تأمین ایتدیکی کبی قرال طرفندن تعیین اولنان اوتوز اعضا ایله زادکان و شهرلر طرفندن انتخاب ایدیلن ۶۰ مبعوثدن مرکب بر (دیت) مجلسی احداث ایتدی . (دیت) مجلسی هرایکی سنه ده بر ، قصه برمدت ایچون ، اجتماعه دعوت اولنور ، ایمپراطورلق قومیسرینک تحت اداره سنده مذاکره ده بولنوردی . حقوق و صلاحیتی یکی قانونلری و ویرکولری قبول و تصدیقندن عبارتدی ؛ هیئت وکلا ، یالکز قراله قارشی مسئون اولدیغندن (دیت) مجلسنک وکلا اوزرنده کی نفوذی پک آز ایدی ، حتی مجلس حکومتک اجرا آتی تنقید و تعیب بیله ایده مزدی . ۱۸۱۸ دوره اجتماعیه سنده ، (آلكساندر) ، مجلسک « آنجق حکومتک تدقیقنه لزوم کوستردیکی مواد حقننده بیان رأی ایچون اجتماع ایتش اولدیغنی » اخطار ایتدی .

بناءً علیه بواصول اداره غایت نقصان بر مشروطیت ایدی ، حریت مطبوعات ، خزنه سانسورلریله تحدید ایدلمشدی . فقط مطلقیت اداره نك شدتله جاری اولدیغنی بوزمانده وسطی اروپا اقوامندن هیچ بری لهلیلر درجه سنده حریت سیاسییه مالک دکلدی .

هیئت اجتماعیه ، زادکانک تحت نفوذنده ایدی . ۱۸۰۷ سنه سنندن بری ، اسارتدن قورتیلان ، فقط اراضی صاحبی اوله میان کویلیلر صنف زادکاندن مرکب اصحاب املاکک کیفنه تابع کونده لکجیلردن ویا مستأجرلردن عبارتدر . قسماً موسویلردن متشکل اولان شهرلر اهالیسی حیات سیاسییه همان هیچ اشتراک ایتدیورلردی ، بیوک زادکان ایله رهبان مملکتک اداره سنی محافظه ایدیورلردی .

(ناپولئون) ک طرفدار قدیملرندن مرکب اولان هیئت وکلا ، اول اسرده ، (لیتوانیا) لی قاتولیکلردن اولوب مشروطیت اداره به پکده میال اولمیان و یالکز قرالغنک منافع مادیه سی ایله مشغول اولان (لوبه کی Lubecki) نك تحت نفوذنده قالدی . لهستان بانقهنسی ، املاک ترهینی مقابلنده اقراضاتده بولنان بر شرکت مالیه بی تأسیس

دوشدی . ۱۸۱۵ دن اعتباراً ، انقلابک مہالک کونا کوندن بحث ایدن (مترسیخ) ہ تابع اولہرق ہردلو اصلاحاتدن وازچکدی ، مأمورین حکومتک ۱۸ نجی عصرده اولدینی کچی ادارہ امور ایملرینہ مساعده ایتدی . (روسیہ) ده حیات سیاسیہ جمعیات خفیہ یہ ، (فارماسون) محفلرینہ منحصر قالدی وبالخاصہ اکابر مأمورین وضابطان بوجعیترہ ، محفلرہ داخل اولدیلر .

(آلكساندر) روسیہ ایمبراطورلنی داخندہ حکمدار مستبد اولہرق قالدی . فقط الحاق ایتدیکی ممالک جدیدہده حریتپرور بر حکمدار اولق ایستدی .

فہرہریا ولہستانہ حکومت مشروط سی . — (آلكساندر) فلانڈیا دوقہ لغنک قانون اساسیسی محافظہ ایدہ چکنی وعد ایتشدی . (بالطق) ولایاتندہ اولدینی کچی بورادہ دخی اہالی کاملاً پروستان ، فقط یکدی کردن آری ایکی صنفہ منقسم ایدی . قدیم (فینووا) عرفنہ منسوب اولان اہالی قرا (فینووا) لسان وعاتاتی محافظہ ایدیوردی ؛ کافہ صنوف ممتازہ ، زادگان ، رہبان ، صنف متوسط اہالی اسوچلی ایدی ؛ لسان رسمی حکومت (اسوچ) لسانی ایدی . (چار) ک تحت تابعیتہ کیرن (فلانڈیا) ، اسوچ اصولنہ توفیقاً درت صنفدن مرکب اولان (دیت) مجلسنی محافظہ ایتدی [۱۸۶۳ سنہسنہ قدر بومجلس اجتماعہ دعوت اولمندی] . مختاریت ادارہ سنی ، قانونلرینی ، مسکو کاتی ، پوستہ لرینی حتی کمرکلرینی محافظہ ایتدی . حکومت ، عدلیہ ومالیہ ماملہ ایکی یہ آریلان (سناتو) مجلسنہ ، مأمورین محلہ وبلدیہ لہرہ ، یعنی اسوچلی زادگان ایلہ صنف مترسط اہالی یہ مودوع ایدی . (اسوچ) لسانی دواثر حکومتک لسان رسمیی صفتنی غائب ایتدی .

۱۸۱۵ ده قدیم (وارشوہ) غراندوقہ لغنک الحاق ایلہ تشکیل اولدن یکی (لہستان) قرالنی ، قدیم (لہستان) ک برپارچہ سندن [*] ، صوک تقسیمده (پروسیہ) یہ اصابت ایدن حصہ دن عبارتدی ؛ فقط ازمئہ جدیدہده (لہ) ملتک قلبی متابہ سندن بولان (وارشوہ) مملکتی بورادہ ایدی . (چارتورسکی Czartowski) نامندہ کی (لہ) پرنساری عالیہ سیلہ دوست اولان (آلكساندر) محضا بونلرہ اولان محبتدن طولانی (لہستان) ی ، (روسیہ) یہ یالکز بررابطہ شخصیہ ایلہ مربوط ، بر حکومت مستقلہ یابدی . (چار) بومملکتدہ قرال عنوانی حائزدی . (لہستان) قرالنی مؤسسات وموضوعات

[*] لہستانک اک مهم قسمی اون برنجی واون ایکنجی عصرلرده — ۱۷۹۳ سنہ سندہ پروسیہ یہ الحاق ایدلش اولان — (پوزن) ولایتی ، بعدہ قرون وسطا وواخرینہ قدر — بالآخرہ اوستریاہ الحاق ایدلن — (کوچک لہستان) ، یعنی (غالچیا) ایدی .

کلیسایان چیه مازدی ، بر اورتودوکسک دیگر بر مذهبی قبول ایتسی شدتلی بر جزا ایله تحت ممنوعیته آلمشدی ، قدیم کلیسایان آیرلمش اولان (راسقول raskol) لر ، « اختیار معتدلر ، ، ارباب جنایت کبی تعقیب ایدیورلردی . خلاصه ، یالکنز اورتو - دو قسلی خارجنده کی مذاهب اربابنه محدود بر درجه ده مساعده کوستریلورلردی .

بو طرز داره ، پک ناتمام بر صورتده تطبیق ایدیورلردی . ممالک شرقیه مخصوص قیدسزلفه ، معاملات مستبدانه یه آلیشمش اولان روس مأمورلری مصالح عامه یی تأخیر ایدیورلر ، آرزو وهوسلر نه کوره رؤیت ایدیورلر ، یا خود رشوت آلیورلردی . اوروپایی تقلیداً تشکیل ایدیلن دائره لک ، قلملرک معاملات یی نهایت قرطاسیه سی ، یکدیگری ناقض امر نامه لر آره سنده نه یابه جقلمش شاشیریورلردی .

برنجی آلکساندرک حکومتی . — (لاهارپ Laharpe) اسمنده ، (اسو بجره) نک (وود) قانتونی اهالیسندن بر ذاتک تحت تربیه سنده بیوین ، افکار احرارانه و انسانیت پرورانه یه مالک اولان چار برنجی (آلکساندر) وکلانک طرز مساعیسی تنظیم ایتک صورتیه حکومت مرکزی یی بر نظام آلتنه آلمغه چالیشمشدی [*] ؛ وکلا مصالح جاری یی رؤیت ایچون بر هیئت حالنده اجتماع ایدیورلردی ، فقط معنای حقیقی ایله بر « هیئت وکلا » تشکیل ابدلمدیکی ایچون سیاست حکومتک اداره عمومی سی (چار) اوزرنده اجرای تأثیر ایدن اشخاصک نفوذینه تابع قالمشدی . (بیوک پترو) نک تشکیل ایتش اولدینی قدیم (سناتو) مجلسی بر محکمه عدلیه حالی آلمشدی . ۱۸۱۰ ده احداث ایدیلن شورای دولت ، قانون لایحه لری حقننده بیان رایه مأمور بر مجلس استشاریدن عبارتدی .

برنجی (آلکساندر) — بر راهبک اوغلی اولوب حیاتی حکومت مأموریتده کچیرن ، اوروپا طرزنده اصلاحات طرفدار اولان (اسپه رانسکی Speranski) نک نصایحی اوزرینه — تیمور باش اشیا کبی چیقتلکلرله بر لکده آلتوب ساتیلان کویلیاری اسارتدن تخلیصه ، تدریساتی اصلاحه ، قوانینی تنظیمه ، امور مالیه یی تنسیقه تشبک ایتمشدی ؛ بواصلاحات قسماً ثمره دار اولدی . ۱۸۱۱ ده ، (فرانسه) ایله انقطاع مناسبادن صکره فرانسز علمهداری ، اورتودوکس و مطلقیت اداره طرفداری اولان فرقه وطنپرورانک وبالخاصه یاورحرربی (آراقچه ئیف Araktchéieffe) ک تحت نفوذینه

[*] ۱۸۰۲ ده سکر نظارت احداث ایدلمشدی : حربیه ، بحریه ، خارجه ، مالیه ، تجارت ، عدلیه ، معارف ، داخله . ۱۸۱۱ سنه سنده بونلره علاوه ضطیه ، طرق وجداول ، مذاهب اجنبیه ، تفتیش نظارتلری احداث اولندی . بعده بر چوق تعدیلات اجرا ایدیلرک ۱۸۹۶ ده (سینود) مجلسی مدعی عمومی ده داخل اولق اوزره ۱۲ وکلا بولندی .

الحاصل یکدیگر نڈن تمامیلہ آری ایکی صنف موجود ایدی : کویلیار ، تاجر لار ، کوچک راہلردن مرکب اولان طبقہ سفلا ہر درلو تحصیل و تربیہ ، حیات سیاسیہ بیکانہ قالمش ، شرقیلمنی ، اورتودوقسلینی محافظہ ایتمشدی ؛ بونک فوقندہ کی صنف ، زادکان ایلہ مأمورین حکومت ، غرب حیاتنہ آیشمش ، مذهب خصوصندہ تعصبدن قورتولمش ، اوروپانک افکار سیاسیہ سنی ، لسان و عاداتنی قبولہ حاضر نمشدی . بویکی صنف آرسندہ هیچ برابطہ ، هیچ بر زمین ائتلاف بولمڈینی کی عین لسان ایندہ متمکام دکل ایدیلر . زادکان فرانسیز جہ دن بشقہ بر لسان ایلہ تکلم ایتمزلردی ؛ مأمورین حکومتک بر قسمی بالطق ولایاتی اہالیسندن اولان آلمانلر ایدی .

ایکی صنف آرسندہ کی تضاد حکومتدہ دخی کوریلپوردی . (روسیہ) حکومتی ، اساساً ، روس قومی کی ، شرق عاداتنی محافظہ ایتمش ، یعنی بر حکومت مستبدہ حالندہ قالمشدی : آمر مطلق اولان (چار) دن بشقہ بر قوت ، سرای حکمداریدن ماعدا بر مرکز حکومت ، (چار) ک امر نامہ لردن بشقہ بر قانون ، مأمورین حکومتدن بشقہ بر قوت قانونیہ ، (چار) طرفندن وضع و تأسیس اولنان نظامات و تشکیلاتدن ماعدا مؤسسات موجود دکلدی . (چار) لر اوروپا مؤسسات و موضوعاتی قسماً قبول ایتمشدری : روسیہ نک اوروپا طرزندہ برپایتختی ، دیپلوماسی ہیئت ، آلمان طرزندہ براردوسی ، اوروپا اصولندہ بر حکومت مرکزیہ سی ، مجالس و اقلامی ، محاکمی ، ضابطہ سی ، ویرکولری . انحصار لری ، ولایت و قضا تشکیلاتی ، زادکاندن مرکب مجالس محللیہ سی واردی . اورتو - دوقس کلیسائی بیلہ اوروپائی تقلیداً (سن سینود Saint-Synode) دنیلن بر مجلس روحانیہ و بو مجلسدہ بولنوب رہبانک نصب و تعین لرنی و مذہبہ عائد تدابیری تکلیف ایدن (اوبر پروکوروور Ober-Procureur) نامندہ کی حکومت مأمورینہ تابعدی .

الحاصل بواسول ادارہ ، تبعہ ایچون هیچ بر حریت سیاسیہ مساعدہ ایتمین ، اون سکرنجی عصر حکومت مستبدہ سنک طرز ادارہ سنہ مشابہ ایدی . حکومت نہ حریت مطبوعات ، اجتماع و شرکتی ، نہ مجالس ملیہی ، نہ بلا رخصت عمومی نمایشلری ، نہ ما - مورینک افعال و معاملاتنک تفتیشنی ، نہدہ بونلرک وظیفہ لرنی سوء استعمال ایتملرینہ قارشی تأمیناتی قبول ایدیوردی . حریت مذہب بیلہ حکومت کلیسائی طرفندن تحدید ایدلمشدی . بالاخرہ (روسیہ) یہ الحاق ایدیلن اہالینک مذہب لری قانون ایلہ دکل ، (چار) ک خصوصی و عدلری ایلہ حمایہ ایدلمکدہ ؛ پروتستان ، قاتولیک ، موسوی ، مسلمان تبعہ مذہب لرنی اجرادہ سربست بولنمقدہ ایدی . فقط اورتودوقس تبعہ دن بری رسمی

ولایاتنده ایکی نوع اهالی بولمقده ایدی . قسماً (فینووا) ، قسماً (لیتوآنی) لی اولان اهالی ابتدائیه کویلی حالنده قاهره بر طبقه سفلا تشکیل ولسان ملیارینی محافظه ایتمشلدی . یوقاری صنفلرک کافهسی ، زادکان ، رهبان ، شهرلرک صنف متوسط اهالیسی (آلمان) عرقنه منسوب اولدوکلرندن آلمانجه تکلم ایدیورلر و (آلمان) کی یشایورلردی . هر صنف اهالی پروتستان ایدی . — (پترسبورغ) حکومتی ، قدیم (اینگری) ولایتی ، بالطبع ولایتده تفریق ایدلمش اولدیغندن بسبتون بشقه بر حالده ایدی . سرای ودواتر مرکزیه حکومت بوراده بولندیغی ایچون ایمپراطورلق داخلنده موجود لسان و مذهب لرک کافهسنه تصادف ایدیلیر .

(سیریا) و بالآخره (آسیای روسی) ، ولایتدن زیاده مستملکاته بکزر . — (آلساندر) طرفدن اخیراً الحاق اولنان (فنلاندیا) دوقلهنی و (لهستان) قراللی آریجه بر حکومت اولوب روسیه چاری اولکینک غران دوقلهسی ، ایکنجنیک قرالی ایدی .

بناءً علیه روس ایمپراطورلنی ، (اوستریا) حکومتی کی ، اقوام مختلفه دن مرکب دی ؛ اقوام مختلفه نی بکدیگره ربط ایدن یکانه رابط جمله سنک حکمدار مطلق اولان چاره تابع بولملری ایدی . مملکتک احوال سیاسی و اجتماعیسی (بیوک پترو) ایله (قاترین) زماننده نه ایسه او حالده قالمشدی . هیئت اجتماعیه ایکی صنفدن مرکب دی : — قسم اعظمی مقام حکمداری به و یازادکانه عائد چفتلرک ، اراضی ایله بر لکده تیمورباش اشیا کی صاتیلوب آلمان ، هر درلو سوء معامله به دوچار اولان ، قامچیلرله دوکیلن ، تکلیف شخصی به و خدمت عسکریه به تابع بوتان ، حکومته ویرکو ، زادکانه عادات ویرن ، یکریمی بش سنه عسکر لکده قالان کویلیلر ؛ — تکلیف شخصی و عسکر لکدن معفو اولوب کویلیلر طرفندن بسنیلن ، حکومته مأمور و ضابط یتیشدیرن زادکان [تقریباً] [۱۰۰,۰۰۰] . — کویلیلر ایله زادکان آره سنده کی صنوف متوسطه نیک اهمیت و موقع مخصوصی یوقدی . — هیچ بر طریق روحانی به ویا مناستره منسوب اولمان ، (پوپ) (Pope) دنیلن کوچک راهبلمتاھل ، جاهل ، فقیر ، بیوک مأمور یتلردن محروم اولوب مراسم روحانییه نی اجرا ایتکدن بشقه برشی یاپه مازلر ؛ طریق روحانی به ویا مناستره منسوب صنف رهبان بسقبوسلری وسائر بیوک راهب لری یتشدرر ، فقط هیئت اجتماعیه به تماماً بیکانه قالردی . — اصناف جمعیتلرینه ، لونجه لره آریلان و رسماً آبری بر صنف عدایدیلن تاجر لر کویلی درجه سنده اولوب تحصیل و تربیه دن ، حیات سیاسی دن محروم ایدیلر ؛ ولایت مرکزی مستتتا اولمق اوزره دیگر روس شهر لری جسم کویلردن بشقه برشی دکلدی .

نامیہ یاد اولنار (کیف) و (اوقرانیا) حوالیسی اہالیسی دخی روسجہ تکلم ایدرلر، مذہبیری اورتودوقسدر . فقط «کوچک روس» لہجہسی ادبی روسجہدن فرقلی بر لسان اولوب عوامہ مخصوص آیری بر ادبیاتی واردر . بونان بشقہ کوچک روسیہدہ قانوناً قبول ایدلمش ، مذہب اورتودوقسلقدن عبارت دکلدی . چونکہ پرواستان مذہبندہ کی آلمانلردن ماعداد شہرلردہ وحقی کویلردہ خیلی مقدار (لہ) موسویلری بولمقده ایدی ؛ اورتودوقسلرک برقسی تاہلرینہ مساعده ایدیلن راہلرینی وروس لسانیلہ آیین روحانیلرینی محافظہ ایتمک شرطلہ قاتولیک کلیساسنہ داخل اولمشدی .

۳ . — (ولغا) نہرینک شرق طرفندہ بولنان قدیم تاتار حکومتلری مملکتلرندہ روسلر ایلہ عرق اصفرہ منسوب آسیا اہالیسی موجوددر ؛ اکثریت اہالینک مذہبی اورتودوقس ، برقسی مسلماندر .

۴ . — حکومت عثمانیہدن ضبط ایدیلن جنوبی روسیہدہ روسلر ، قازاقلر ، آسیادن کلش تاتارلر بولمقده ایدی ؛ بوقطعہ یہ ملیتلرینی محافظہ ایتمک وعدیلہ برخیلی آلمانلر دخی یرلشدیرلمشدی . ۱۸۱۲ دە بغدادن آنان (بیسارایا) اہالیسی اورتودوقس مذہبندہ کی (رومن) لر ایلہ موسویلردن مرکیدی . جنوبی روسیہدہ عرق ، لسان ، مذہب نقطہ نظرندن ہیچ بر اتحاد یوقدی .

۵ . — برنجی (آلکساندر) ک روسیہ یہ الحاقہ باشلادینی قفقاسیہدہ بعضلری خرستیان [ارمنیلر] ، بعضلری مسلمان [قفقاسیالیلر] اولمق اوزرہ متعدد اقوام صغیرہ بولمقده ایدی . بواقوامک قسم اعظمی جنکاور اولدقلرندن آنجق ۱۸۶۴ سنہ . سندہ روسیہ یہ تماماً تابع اولمشلر ، بونکلہ برابر حیات مخصوصہ ملیہلرینی محافظہ ایتمشلردر . یالکز برقاچ پرنس عائلسی ، بالخاصہ کرگیلر ، روس زادکاننہ قاریشمشلردر . بومملکت ایمبراطورلغک حدود عسکریہ سی ایدی والآن دە اویلہدر ، اورادہ برچوق اردولر بولندیرلمقده ، عسکر عائلہلری اقامہ ایدلمکدہ ومملکت ادارہ عسکریہ یہ تابع اولمقدهدر .

۶ . — ایکنجی (قازین) طرفندن الحاق ایدیلن غربی روسیہ ، قدیم (لیتوانیا) غراندوقلمی ، اہالیسنک لسانلری روسجہ ومذہبیری اورتودوقس اولان ، وقیلہ (لیتوانیا) لیلرہ تابع بولنان قدیم روس مملکتلری [بیاض روسیہ] ایلہ اہالیسنک برقسی (لیتوانیا) عادات ولسانی محافظہ ایدن ، برقسی وبالخاصہ زادکانی (لہ) لسانی قبول ایدرک کندیلرینہ (لہ) ملتی نظریلہ باقان (لیتوانیا) مملکتدن مرکیدی .

۷ . — (استونیا) ، (لیوونیا) و (قورلاند) حوالیسندن عبارت اولان بالطق

اون طقوزنجی باب

روس ایمپراطورلنی ولہستان

۱۸۱۴ دہ روسی ایمپراطورلنی . — روس ایمپراطورلنک (اوروپا) دہ کی ممالکی ۱۸۱۴ دہ تماماً تشکل و تقرر ایشدی . آسیادہ کی ممالکی داخل حساب اولسہ بیلہ (روسیہ) ، اوروپا حکومتلرنک کافہ سندن واسعدی ؛ مجموع نفوسی ، ۱۸۱۵ دہ ، ۴۵ ملیون تخمین ایدلشدی . اہالی ، فتوحات متعددہ نتیجہ سندن عین ادارہ تحتہ کچمش ، فقط عادتلرنی ، لسانلرنی ، مذہبلرنی محافظہ ایدرک یکدیگرہ قاریشامش اقوام مختلفہ دن مرکبدر . روس حکومتک اقوام مذکورہ ایلہ اوغراشمسی ، دائماً حال اختلافہ دن بولنسی (روسیہ نک) اون طقوزنجی عصر تاریخنک باشلیجہ وقایعی تشکیل ایتدیکی جہتلہ [*] بو حکومتہ داخل اولان اقوام مختلفہ نک احوالی لایقیلہ تدقیق ایلمک اقتضا ایدر .

۱ . — ایمپراطورلنک مرکز ابتدائیی واک مهم قسمی اولان (بیوک روسیہ) نک روس اہالیسی روسجہ [بیوک روس لہجہ سی] تکلم ایدرلر و مذہبلری روم اورتودو- قسدر . اون یدنجی عصر دہ آیین روحانی حقندہ اجرا ایدیلن اصلاحاتدن صوکرہ رسمی کلیسادن آریلانلرہ « اختیار معتقدلر Vieux croyants » دینیلیر ، بونلرک مذہب و آیدنلری مختلف اولوب فقط قانوناً ممنوع ایدی .

۲ . — قسماً ، لہستانہ تابع ایکن بالآخرہ استرداد ایدیلن و (کوچک روسیہ)

[*] تاریخ سیاسیہ ، روس ایمپراطورلنہ ، اہمیتیلہ متناسب بر موقع ویرلک مشکلدر . حکومت مطلقہ طرزندہ ادارہ اولنان بو ایمپراطورلنک عصر حاضر حیات سیاسیہ سنک اساسنی تشکیل ایدن تحریکات و منازعاتدن وارستہ قالشدر . ایکنجی (آلکساندر) ک دورہ حکومت احرارانہ سی استثنائیدیلرہ (روسیہ) تاریخ سیاسی — اون سکزنجی عصر دہ کی حکومت مطلقہ دہ اولدیننی کبی — سرایک و حکومتک تاریخندن عبارت قالیر ؛ بوتاریغ دہ ، بزم ایچون ، قسماً برتاریغ خفیدر ، آنجیق ، حکومتک رقیبلری طرفندن ممالک اجنبیہ دہ نشر ایدیلن و درجہ صحت و موتوقنلری تفتیش و تعیین اولنہ میان آثار ، یا خود رسمی محررات و جرائد رسمیہ نک مقالاتی ایلہ بدرجہ یہ قدر معلوم اولہ بیلشدر . بناءً علیہ بوبادہ روسیہ نک تاریخ سیاسیات داخلہ سنہ نسبتلہ حکومتک لہیلر ، اشتراکیون ، اورتودوقس مذہبی خارجندہ بولنانلر علیہندہ کی تضییقات و اجرا آتہ داتر دہا زیادہ تفصیلات ویریلہ جکدر .

تعريف مؤلفات

(اسقاندیناویا) مملکتلرینک تاریخنه متعلق آثار و وثائق رسمیه حقنده کی معلومات مفصله (لانغلوا) نک تعریف مؤلفات تاریخیه سنده موجوددر . (آلن Allen) ک فرانسیزجه یه ترجمه ایدیلن (دانمارقه تاریخی) ۱۸۶۶ سنه سنه قدر اولان وقایعی احتوا ایدر . (وایت مایر H. Weitmeyer) ک (دانمارقه تاریخی و جغرافیاسی) نامنده کی فرانسیزجه یه مترجم اثری مختصر و عوامه مخصوصدر . دو قه لقلر مسئله سی ایچون (دو ژسسن De Jessen) ک (اسقاندیناویا) مملکتلرینک حیات سیاسی لری ایچون آلمان وانکلیر مجامع موقوته تاریخیه لرنده معلومات مکملیه تصادف اولنه بیلیر .

(نوروچ) قومی کبی (دانیمارقه) ملتی دخی اختلافات و منازعات سیاسیہ اثناسندہ مادی و معنوی ترقیاتہ نائل اولمش و شهرت اقتدار لری بتسون اورویاہ شامل اولان نسل جدید مؤلفلرینی ، حکایہ نویسلرینی یتیشدیرمشدر . اوزمانہ قدر بوترقیاتک امثالی کورلمہ مشدی . — ۱۸۰۰ ایله ۱۸۷۰ سنہ لری آره سنده لاقل ایکی مثلنہ بالغ اولان نفوس تزییدن خالی قالمش و ۱۸۷۰ ده ۱،۷۹۴،۰۰۰ ، ۱۸۹۰ ده ۲،۱۸۵،۰۰۰ کشی یہ بالغ اولمشدر . — ۱۸۷۰ دن ۱۸۹۰ سنہ سنہ قدر تجارت سفینہ لری ۷۰۰ قطعه آرمش ، حجم استیعابیلری ۸۵،۰۰۰ طونیلاتو فضلہ ظهور ایشدر . محاربات سببہ ۱۸۶۶ سنہ سنده ۳۸۰ ملیونہ قدر چقان دیون عمومیہ ۱۸۹۱ ده ۲۵۰ ملیونہ اینمش و بودجه دائما فضلہ و اردات ایله قیامشدر .

ایسلاندا . — (دانیمارقه) ده مختلف فرقه لر آره سنده اختلاف بولندیفی صرہ ده حکومت (ایسلاندا) ایله ده حال اختلافده ایدی . اوزمانہ قدر بر حکومت مستبدہ پدرانہ ایله اداره ایدیلن بو آطیہ ۱۸۷۴ سنہ سنده بر قانون اساسی ویرلمشدی . قوہ تشریحیہ ، آلتیسی حکومت طرفندن تعیین ، اوتوزی آرای عمومیہ ایله انتخاب ایدلمک اوزره ۳۶ اعضادن مرکب اولان (آلتینگ Althing) مجلسنده ایدی ؛ قوہ اجرائیہ (ایسلاندا) ده مقیم والی ایله دانیمارقه ده مقیم ایسلاندا ناظرینہ عأدیدی . (آلتینگ) ده احراز اکثریت ایدن فرقه مخالفه (ایسلاندا) ایچون دانیمارقه سیاستدن مستقل برناظر ایستور ، امور مالیہ نقطہ نظرندن جزیره نک آیرلمسہ چالیشوردی .

نهایت ، ۱۸۹۳ قانون اساسیسی ایله ، (ایسلاندا) یہ مختاریت اداره ویرلدی . جزیره ، (دانیمارقه) حکومتک مصارفه اشتراک ایتمز ؛ (ایسلاندا) ناظری (قونپناغ) ده مقیم و قانون اساسی احکامک محافظه سندن مسئولدر . (آلتینگ) ، ایکی مجلسدن مرکبدر . مجلس اعیان ، آلتیسی قرال طرفندن تعیین و آلتیسی مجلس مبعوثان طرفندن انتخاب اولنان اون ایکی اعضادن متشکادر ؛ والینک طرز اداره سندن شکایتہ صلاحیتداردر ، فقط قرار قطعی بی اتخاذ ایتک حتی قراله عأددر .



حکومتدن ممنون اولمیانلرک نمایشلرینی منع ایتمک ایچون ضابطه و ژاندارمه نیک تزییدینی و حریت مطبوعات و اجتماعک تحدیدینی متضمن اوله رق تنظیم ابتدیکی موقت قانونلری (لاندینگ) مجلسنه قبول ایتمدیردی [۱۸۸۵] ؛ حاکمیت عامه فرقه سی رئیس (بهرغ) بر اجتماع عمومیده « اهالی بی عصبانه تشویق ایتمک » تهمتیله حبس جزاسنه محکوم اولدی . (دانیارقه) اداره عرفیه مشابه قوانین استثنائیه مستند بر اصول ایله اداره ایلمکه باشلادی .

هیئت وکلا ، النده کی قوتی ، حکم و نفوذدن محروم اولان ملته قارشی استعمال ایدرک نهایت ، مخالفلری دوچار یأس و نومیدی ایلدی . شخصی رقابتلر ایله قوتی آزالان حاکمیت عامه فرقه سی طاعیلدی . (بهرغ) ک تحت ریاستنده کی صول جناحدن ، قدیم کویلیلر فرقه سندن « ادبی صول جناح Gauche littéraire » نامیله بر فرقه آیرلدی ؛ (هوروپ Hörup) ، (براندهس Brandés) کی مؤلفلرک اداره ایتمکلری بو فرقه نور و چیلرک « اروپا صول جناحی » فرقه سنه مشابه اولوب اک زیاده شهرلر اهالیسی آره سننده طرفدار بولیور و آرای عمومیه اصولی ایله بعض اصلاحات اجتماعیه طلب ایدیوردی . فرقه اشتراکیون ایله برلکده حرکت ایتمکده ایدی . اشتراکیون ۱۸۷۸ سنه سننده عمله فرقه سی حالنده برلشمشیلر ، بعده کویلرده وبالخاصه (ژوتلاند) ده طرفدار بولشیلر ایدی .

۱۸۸۸ ده ، درت قسمه آریلان صول جناح تعقیب ایدیله جک مسالک حقنده انفاق ایده میوردی . (بهرغ) ، مجلس مبعوثاننده مذاکراته مانع اوله رق حکومته هیچ برایش کوردیرمه مک مسلکته دوام اولنسنی ایستیوردی . مخالف فرقه لرک عقد ایتمکلری بر قونفرده وکلا ایله مذاکراته کیریشیلمسنه قرار ویرلدی و عفو عمومی ایله ۱۸۸۵ قوانین استثنائیه سنک فسخی خصوصی هیئت وکلایه قبول ایتمدی ایلدی . (بهرغ) ۱۸۹۱ ده وفات ایتمدی ، (هوروپ) تکرار انتخاب اولنمه مدی ، بناء علیه حاکمیت عامه فرقه سی اکثریتی غائب ایلدی . ۱۸۹۲ مجلس مبعوثاننده ۳۸ فرقه معتدله ، ۳۲ هیئت وکلا طرفدار ی مبعوثلره مقابل حاکمیت عامه فرقه سندن آنجیق ۲۹ مبعوث وار ایدی . فرقه معتدله بودجه یی و قوانین عسکریه یی قبول ایتمدی [۱۸۹۴] ؛ بونک اوزرینه رئیس وکلا (استروپ) ، قرالک تشکراتنه نائل اولدیغی حالده ، موقع اقتداردن چکیلدی . اختلاف ، قرالک و هیئت وکلانک غلبه سیله ختام بولدی [*] .

[*] ۱۸۹۵ انتخاباننده صول جناح بیکدن احراز اکثریت ایشدر [۲۴ صاغ جناح و ۲۷ فرقه نالنه مبعوثنه مقابل ۵۴ مبعوث] . اشتراکیون مبعوثلری بیکدن سکره چیقمشدر .

اختیارینہ مجبور دکلدی . فقط (لاندینغ) مجلسی هیئت وکلایی طوتیوردی . (فولکے تیغ) هرسنه بودجهی رد ایدیور ، (لاندینغ) ایسه بالعکس قبول ایلیور هیئت وکلا ویرکولری « موقت مالیه قانونی » موجبنجه تحصیل وجایته مجبور اولیوردی . ۱۸۷۷ سنه سنندن بری تطبیق اییلن بو اصول قانون اساسینک ۲۵ نجی ماده سنندن استخراج ایدیلیوردی : « قرال ، احوال مستعجلده ، (دیت) مجلسینک انعقاد ایتمدیکی زمانلرده موقت قانونلر اصدار ایده بیلیر . . . بو قانونلرک دوره آتیة اجتماعیهده (دیت) . تقدیم اولنسی مقتضیدر . » فرانسز برات مشروطیتینک اونجی (شارل) طرفندن تفسیر ایلمسنه مشابه اولان بوصورت تفسیر ، هیئت وکلایی موقت بودجهی ایرتسی سنه تصدیق ایتمدیرمک مجبوریتدن آزاده براتیوردی . فقط صول جناح ، تعقیب اولنه جق مسلك حقنده متفق دکلدی . فرقه معتدله ، هیئت وکلا ایله انقطاع مناسباته مانع اولوق ایچون ، (قوبنهاغ) استحقاقات مصارفی رد ایتمک صورتیله بودجهی تصدیقه راضی اولدی [۱۸۸۲] و موقت مالیه قانونلری تنظیمی عادتیه مساعده ایتمدی .

(بهرغ Berg) ك تحت ریاستنده اولوب هر دلو ائتلافه مخالف بولنان صول جناح حاکمیت عامه فرقهسی نهایت (فولکے تیغ) مجلسنده احراز اکثریت ایلدی . محافظه کارلر ، ایلك دفعه اوله رق (قوبنهاغ) شهرینک مبعوثلق مقاملرینی قسماً غائب ایتمدیلر ؛ فرقه اشتراییون اوچ مبعوث انتخاب ایتمدیوردی [بایتخت مبعوثلرینک عددی ۹ ایدی] . بونک اوزرینه اختلاف بسبتون کسب شدت ایتمدی . (فولکے تیغ) مجلسی « هیئت وکلای حاضره ایله اصلاحات ایچون جریان ایده جک مذاکراتک اضاعه وقتدن بشقه بر بشیه خدمت ایتمه جکنی » بیان و مجلسه تودیع اولنان لایمهلری تدقیتمدن امتناع ایتمدی . حاکمیت عامه طرفداری اولان ملتک انتخاب ایتمدیکی مجلس مبعوثان ایله هیئت وکلانک آمری و صنف زادگانک حامیسی بولنان قرال آره سننده عادتاً اعلان حرب ایلمشدی ، که بو اختلافک برعینی ده ۱۸۶۲ دن ۱۸۶۶ تاریخنه قدر (روسیه) ده دخی کورلمشدی . هیئت وکلا — (روسیه) ده اولدینی کبی — قوه اجرائیهیه ، یعنی حکم و نفوذ مادییه مالک اولدیغندن نهایت مملکتی ، منافع عمومیه نامنه اوله رق ، قانون اساسی خارجنده ادارهیه باشلادی . ویرکولری مجلس مبعوثانک موافقتی اولمقسزین تحصیل وجایته دوام ایتمدیکی کبی مصارف عسکریه ایچون تخصیصات جدیده ویره رک بونی مجلس اعیانه قبول ایتمدیرمک موقت بودجهیه ادخال ایتمدی . آرتق بوندن صکره (دانمارقه) ده قانون اساسییه موافق بر بودجه تنظیم اولنمدی . هیئت وکلا ،

قانونه اساسی انهنر نائی [۱۸۷۳ - ۹۴] . — بودجه حقنده کی اختلاف قانون اساسی اختلافاتنه منجر اولدی . ۱۸۷۳ سنه سنده مجلس مبعوثان طرفندن نشر ایدیلن بیاننامه ده اختلاف ، شو صورتله موضوع بحث اولیوردی : « بر حکومت مشروطه ده هیئت وکلانک آرای عمومیه نتیجه سنده تشکل ایتمش اولان مجلس مبعوثان ایله ستحدالفکر بولمنسی شرط اعظمدر . « قرال » هیئت وکلایی ، وکلای ملت ایله هم افکار ذواتدن ، انتخاب ایتمه مجبوردر . بو اصول (بلحیقا) ، (انکلتره) و (فرانسه) ده جاری اولان اصول مشورتک عینی ایدی . — قرال ، مجلس مبعوثانک قانون اساسی احکامنه مغایر حرکت ایتدیکنی بیان ایلدی [۱۸۷۳] ؛ مجلس مبعوثان واعیانندن یالکز برینک مظهر اعتمادی اولان بر هیئت وکلایی مقام اقتدارده طوتمق حقی حائر اولدیغی سویلیوردی ؛ « ائتلافک آنجق ایچی مجلس آره سنده جریان ایده جک مذاکرات نتیجه سنده حصول پذیر اوله بیله جکنی ، ادعا ایتدی [۱۸۸۳] . بو اصول — بسمارقک بروسیده تطبیق ایتدیکی وجهله — قوای ثلثه حکومت آره سنده ائتلاف و مجلس مبعوثان واعیان آره سنده مساوات حقوق نظریه سنی تطبیق ایتمک ایدی .

طرفینی تألیف ایتمک مقصدیله تشکل ایدن بر هیئت وکلا موقع اقتدارده قالدینی مدتیجه [۱۸۷۴] اختلاف زائل اولدی ، فقط (استروپ Estrup) ک تحت ریاستنده کی هیئت وکلا ریاست اموره کچنجه اختلاف کسب شدت ایتدی . مجلس مبعوثان متعدد دفعه لر طاغیدلمش اولقله برابر [*] صول جناح دائما احراز اکثریت ایلدی ؛ ۱۸۷۶ سنه سنده مجلسک طاغیدلمسنی متعاقب اجرا ایدیلن انتخاباتده آرای موجوده نك اوچ ربغی قزانندی . فقط هیئت وکلا موقع اقتداردن چکیلمیور ، (فولکه تیغ) مجلسی ده وکلایی تحت محاکمه یه آلمق صورتیله اسقاط ایده میوردی ، چونکه هیئت وکلایی لدی الايجاب محاکمه یه مأمور اولان (لاند تیغ) مجلس سنده ، ۱۸۶۶ قانون اساسی سنک قبول ایلدیکی زماندن بری ، اکثریت سرای فرقه سنده ایدی .

(فولکه تیغ) مجلسی بودجه یی رد ایلمکده دوام ایتدی ؛ وکلای ملتک اعتمادینی حائر اولیان بر هیئت وکلا طرفندن ویریان بودجه یی تصدیق ایده میه جکنی بیان ایلدیکی کی فرقه ملیه احرارک آمال حربجویانه سنه تبعیتله دونما و (قونپهاغ) استحقکاتانی ایچون طلب اولنان مصارف عظیمه یی ده رد ایدیوردی . حاکمیت عامه فرقه سنه نظراً (دانیارقه) ، آلمانیا طرفندن تهدید ایلدیکی ایچون مصارف فوق العاده عسکریه

[*] ۱۸۷۶ ، ۱۸۷۸ ، مایس ۱۸۸۱ ، تموز ۱۸۸۱ .

مجلس طاغیدلی، یکیدن انتخاب ایدلی [۱۸۶۵]، اوزون مدت دوام ایدن بر اختلافدن
 صکره حکومتک لایحهسی ۱۸۶۶ قانون اساسیسی اولدی. الیوم (دانیمارقه) ده بو قانون
 اساسی احکامی جاریدر.

ایلك سنه لرده هیئت وکلا، همان هیچ بر مخالفته تصادف ایتمه دن اداره امور ایلدی ؛
 اردونک، دونمانک و خدمت عسکریه نك تنسیقی ایله مشغول اولدی. فقط افکار عامه ده
 اساسلی بر تحول وقوعه کلکده ایدی. دوقه نقلر بحرانی اثناسنده هیئت وکلایی تشکیل ایدن
 فرقه احرار، هرشیدن اول حرب مجبور فرقه وطنپروران ایدی؛ پروغرامی، بالخاصه (شلزویغ) سی
 مدافعه اساسنه مستند ایدی. (شلزویغ) ک ضیاغندن صکره، مأمورین و اصحاب املا کن
 مرکب بر فرقه محافظه کار، سرای و صنف متوسط فرقه سی اولدی ؛ اک زیاده پایتخت ایله
 جوارنده طرفدار بولیوردی. فقط مملکتک اقسام متباقیه سی پک آز زمانده طرف مخالفینه
 کچدی. فرقه ایکی قسمه آیرلدی: بالخاصه آطه لر ایله (ژوتلاند) شبه جزیره سنت شمال
 طرفلری مبعوثلرندن مرکب اولان معتدل صول جناح؛ بالخاصه آطه لر ایله (ژوتلاند) ک
 جنوب طرفلری مبعوثلرندن مرکب اولان حاکمیت عامه صول جناح فرقه سی [کویلیلر
 محبی فرقه سی].

(نوروچ) ده اولدینی کبی (دانیمارقه) ده دخی اختلاف بودجه مسئله سنندن
 متولد ایدی ؛ صاغ جناح، مأمورین معاشاتی و مصارف حربیه ایچون پاره ایستین
 قرال ایله حکومتک آماننه خدمت ایدیور، صول جناح مصارفک و ویرکولرک تزیینی
 ایستیوردی. ینه (نوروچ) ده اولدینی کبی حاکمیت عامه فرقه سی کویلیلر تشکیل
 ایدیور، محافظه کارلری پایتخت انتخاب ایلوردی.

هر بر انتخابده فرقه مخالفه، مجلس مبعوثانده کی طرفدارلرینی تزییده موفق اولیوردی.
 ۱۸۷۰ ده صول جناحه منسوب مختلف فرقه لر بالاتحاد بودجه بی ردایتدیلر، هیئت وکلا
 استمفاسنی ویردی. بده موقع اقتداره کلن هیأت وکلا، بودجه بی آنحق بر قاج
 رأی اکثریت ایله قبول ایتدیره بیلدیلر. ۱۸۷۳ ده صول جناح هیئت متحده سنک
 ۴۹ مبعوثی بولندینی حالده صاغ جناح [فرقه ملیه احرار] مبعوثلری آنحق ۱۵
 ایدی. اوزن بش اعضادن مرکب اوچنچی بر فرقه ایله طقوز کشیلک بر قسم بونلرک
 خارجنده ایدی. صول جناح حق انتخابک توسیعی، پروتستان مأمورین روحانیه سنک
 اهالی طرفدن انتخابی طلب، بودجه بی رد ایتدی و ۳۴ رأیه قارشی ۵۵ رأی ایله
 هیئت وکلا یه عدم اعتماد قراری ویردی. بونک اوزرینه مجلس مبعوثان طاغیدلی.
 فقط انتخابات جدیدده صول جناح مبعوثلری یکیدن انتخاب اولندیلر.

تفریق ایدیلهرک آریجه بر حکومت تشکیل ایلملرینی طلب ایتدیلر . مذاکرات ۲۵ حزیرانده منقطع اولدی . (اوستریا) و (پروسیه) اردولری (ژوتلاند) شبه جزیره سنک هر طرفنی اشغال و اطهرلی تهدید ایدیلر . (اورویا) طرفندن یالکیز باشنه ترک ایدیلن (دانیمارقه) اوچ دوقهانی ترک ایتک صورتیهله عقد صاحبه راضی اولدی [آغستوس ۱۸۶۴] .

(اوستریا) و (پروسیه) ، ضبط ایدلگری مالکی محافظه ایتدیلر . ۱۸۶۶ ده مغلوب اولان (اوستریا) دوقه لقلر اوزرنده کی حقوقی ترک ایلدی . ممالک مذکورده (پروسیه) یه الحاق ایلدی . معاهده نامه نك بر ماده سنده د شمالی شلزویغ اهلایسی هیچ بر تأثیره تابع اولمده دن دانیمارقه یه الحاق اولملرینی طلب ایدرلر سه آرزولرینه موافقت اولنه جنی « وعد ایدیلوردی . فقط (پروسیه) حکومتی اهلینک رأینه اصلا مراجعت ایتدی و (اوستریا) ، ۱۸۷۸ ده ، ماده مذکورده نك مفسوخیتنی تصدیق ایتدی . (شلزویغ) نك دانیمارقه فرقه سی (پروسیه) نك تحت اداره سنده قالدی ؛ اهالی ، دائما الحاق علمهنده بولنالمی مبعوث انتخاب ایدرک اعتراضدنی خالی قالدی . (پروسیه) حکومتی بوکا مقابل دانیمارقه ملی وطنپروران علمهنده تدابیرشیده تضییقه اتخاذ و دانیمارقه لسانی منع ایتدی . ۱۸۸۵ ده اون آلتی کنج قیز بیانوده دانیمارقه لیلرک وطنپروران شریقلرینی تخفی ایتدکلی ، برکتاجی دانیمارقه نك الوان ملیه سنی حاوی بر کتابی جامکانه وضع ایلمش اولدینی ایچون محکوم اولدیلر .

۱۸۶۶ قانونه اساسی . — دوقه لقلرک آیرلمسندن صکره ، (دانیمارقه) ده حیات سیاسیه دیکشیدی . تشکل ایدن یکی بر فرقه ، « کوبیلر محی » نامیهله معروف حاکمیت عامه فرقه سی ، قانون اساسینک فسخی و ۱۸۴۹ قانون اساسینک قبولنی طلب ایتکه باشلادی .

حکومت ، ۱۸۴۹ طرز اداره سنی ، بعض تعدیلات اساسیه ایله تأسیس ایدن یکی بر لایحه تنظیم و مجلس مبعوثانه تودیع ایتدی . (دیت) ی تشکیل ایلمن یکی مجلسدن ، (فولکه تیغ Folkething) مجلسی ، یعنی مجلس مبعوثان غایت واسع آرای عمومیه اصولیه انتخاب اولمش بر شورای امت حالنده قالیوردی ؛ فقط (لاند تیغ Landthing) دنیلن مجلس اعیان اون ایکسی قرال طرفندن تعیین ایدلک ، دیکر لری لاقول ۲۰،۰۰۰ (نه کو) ایرادی اولان مکلفین جانبندن انتخاب اولنق اوزره ۶۶ اعضادن مرکب اوله جقدی . شورای دولتک ایکنجی مجلسی حاکمیت عامه قاعده سنه مغایر اولان بولایحه یی رد ایتدی ؛

اعلان ایتدیری . (دانیمارقه) ایله (شلزویغ) ایچون تنظیم اولنان ولوندره پروتوقولی احکامنه مغایر بولنان یکی قانون اساسی* مشترکی قبولده تردد ایدیوردی؛ فقط (قوپنهاغ) اهالیسی فرقه و طنپورانک تشویقیله سرای پیشگاهنده طولانهرق قانون اساسی لهنده برنمایش یایدیلر؛ بونک اوزرینه (قریستیان) ۱۸۶۳ قانون اساسیسی امضا ایتدی . دوقه لقرده مجالس عمومیه ارکک اولاد جهتدن وارث اولان (فره دریق داوغوستبورغ Frédéric d' Augustenbourg) ی دوقه اعلان ایلدیلر . اوچ مسئله یکیدن موضوع بحث اولدی: (شلزویغ) ک اتحادی، قانون اساسی* مشترک، وراثت .

بو مسئله لک حلی دانیمارقه لیلرک ، یاخود دوقه لقلر اهالیسنک دکل ، اوروپا دول معظمه سنک رأینه منوط ایدی . دوقه لقرده کی آلمانلر ، هیئت متفقه نامنه براردو کوندرمکه قرار ویرمنی اولان جرمانیا دیت مجلسنک معاونتنه کووه نیورلردی ؛ دانیمارقه لیلر ۱۸۵۲ تاریخده دانیمارقه حکومتک تمامی* ملکبسنی تأمین ایتمش اولان اوروپا دولتلرینک معاونتلرندن امید وار ایلدیلر . ایکی آلمان دولت معظمه سی ، (اوستریا) و (پروسیه) ، بدایت امرده لوندره پروتوقولی احکامنه رعایته مجبور اولدقلرینی اعلان ایدرک (قریستیان) ی تصدیق ایتدیلر . (فره دریق) یالکز آلمانیا حکومات صغیره سی طرفندن التزام اولنیوردی . (پروسیه) و (اوستریا) وراثتی قبول ، فقط ۱۸۶۳ قانون اساسیسی رد ایلدیلر ؛ (دانیمارقه) یه قانون مذکور ی فسخ ایتسی امر ایتدیلر ؛ قرالک جوابرد ویرمی اوزرینه (شلزویغ) ه اردو کوندر دیلر [شباط ۱۸۶۴] . دانیمارقه حکومتی اوروپا دولتلرینک مداخله سنه منتظر ایدی . فقط (انکلتره) قرالیچه سی محاربه ایسته میور ؛ (ناپولیون) ده مسئله نک، ملیت قاعده سنه توفیقاً ، دوقه لقلر اهالیسنک رأینه مراجعت ایدمک صورتیله حلندن بحث ایدیوردی .

۳۵۰۰۰ کیشیک (دانیمارقه) اردوسی قطعی بر محاربه به کیریشمه مک ایچون امر آلمشدی؛ وظیفه سی (اوروپا) دولتلرینک مداخله ایتلمی ایچون وقت قرائمقدن عبارتدی . (شلزویغ) ی بلا حرب تخلیه ایتدی . و (ژوتلاند) ی مدافعه ایدن (دوپل Duple) استحقاکمانی آرقه سنه چیکیدی؛ اوراده آتی هفته مقاومت ایلدی . استحقاکلر هجوم ایله ضبط ایلدی [۱۸ نیسان] . نسانک ۲۵ نجی کونی اوروپا دولتلری آره سنده مذاکره باشلادی . انکلتره ، (شلزویغ) ک تقسیمینی تکلیف ایتدی ؛ (ناپولئون) دانیمارقه طرفندن طوغریدن طوغری به واقع اولان براسنمزاجه جواباً بوتقسیمی قبول ایتمکه برابر السنه حدودینک خط تقسیم اتخاذ ایدلمسینی میان ایلدی . (پروسیه) و (اوستریا) دوقه لقلرک تماماً

ایتمشدی. فقط بوصولت تسویه نه (شلزویغ - هولشتاین) مجالس عمومیسی، نه جرمانیا هیئت متفقهسی، نه ده دوقه لقلرک اولاد ذکور دن اولان وارثاری طرفدن قبول اولندی [برنجی وارث حقوقندن واز کچمش، فقط ایکنجی درجه ده کی وارث جواب رد ویرمشدر]. (شلزویغ) و (هولشتاین) مجالس عمومیسی حق وراثتک انا نه شامل اولمسنی تصدیقندن امتناع، ۱۸۵۵ قانون اساسیسی علیهنده اعتراض ایتدیلر ودانیمارقه فرقه سنک احراز اکثریت ایلمش اولدینی «شورای دولته» مبعوث اتخابنندن استنکاف ایلدیلر.

(دانیمارقه) حکومتی، رقیلرینه عصات نظریله باقرق، آلمان فرقه سنک مأمورلرینی، راهبیلرینی، معلملرینی، حتی (کیل) دارالفنونی هیئت تعلیمیه سنی عزل ایتدی و (شلزویغ) ک بعض طرفلرنده آلمانجه نیک مکتبلرده استعمالی منع ایلدی. (آلمانیا) ده فرقه ملیه نیک کزیا ده مشغول اولدینی بر ماده دوقه لقلرک آلمان اهالیسنی (دانیمارقه) دن آیرمغه چالیشمق اولدی.

(دانیمارقه) ده بیله فرقه ملیه، قراک سیاستنی تصویب ایتوردی. واقعا آلمانلرک مدعیاتنه رغماً (دانیمارقه) یه الحاقی مأمول اولان (شلزویغ) ی محافظه ایتک فکرنده ایدی؛ فقط آرتق (هولشتاین) ی ایسته میوردی، چونکه بو دوقه لغک آلمان اهالیسی، مدت مدیده مخالفتده ثبات یدرک، قانون اساسینک تطبیقنه مانع اولمشلردی. بو فرقه، نهایت، پروگرامی قراله قبول ایتدیردی. «دانیمارقه نیک امور داخله سنه واقع اوله جق هر درلو مداخلات اجنبیه یی منع، (شلزویغ) ده دانیمارقه عنصرینی محافظه و بو مملکتده ۱۸۴۹ قانون اساسیسی احکامنه موافق اوله رق حریت سیاسییه ادخال ایتک ایچون»، ۱۸۶۱ سنه سنده، (دانیمارقه اتحادی) نامیله بر جمعیت وطنپرورانه شکل ایتدی. قرال، (هولشتاین) ک خصوصی بر طرزده اداره سی ایچون تنظیم اولنان نظامنامه یی تصدیق ایلدی [مارت ۱۸۶۲]. — شلزویغ مجلس عمومیسنده احراز اکثریت ایدن آلمانلر استعفا ایلمک صورتیله پروتستو ایتدیلر؛ (فرانقفورت) دیت مجلسی ۱۸۵۸، ۱۸۶۰، ۱۸۶۱، و ۱۸۶۳ سنه لرنده کی مقرراتک جبراً موقع اجراه وضع اولنمسنه قرار ویردی. — دانیمارقه حکومتی، بوکا مقابل، مشترک بر قانون اساسی تنظیم ایتدی.

دوقه لقلرک آیرلمسی. — بو اختلاف دوام ایتدیکی اثناده قرال (فره دربق) ناکهان وفات ایدرک وراثت مسئله سی میدان چیقدی. (دانیمارقه) ولی عهدی طقوزنجی (قریستیان دوغلو قسبورغ)، لوندره پزوتوقولنه استناداً، هم دانیمارقه ده، هم ده دوقه لقلرده قرال لغنی

و آلمانیان کلن کولکلور و یاعسا کر منتظمه نك معاونتيله محاربه ایدیوردی. (دانیارقه) فرقه سی بالطبع (دانیارقه) اردوسیله محاربه ایدیور و (اوروپا) دیپلوماسیسنك معاونتته مظهر اولیوردی.

۱. — ایلك محاربه ده (دانیارقه) اردوسی (شلزویغ) و (هولشتاین) آلمانلریله آلمان کولکلورینی (آیدر) ك اوتته طرفه پوسکورتدی ؛ بالاخره (پروسیه) عسکری (دانیارقه) اردوسی دوقه لقری تخلیه به مجبور ایتدی. اوروپا حکومتلرینك مداخله سی اوزرینه ۱۸۴۸ سنه سی آغستوسنده عقد ایدلن متارکه ایله دوقه لقرده قسماً پروسیه لیلردن ، قسماً دانیارقه لیلردن متشکل برحکومت موقته تشکیل ایدلی. (فرانقفورت) شورای امتی متارکه یی اولاً ۱۲۱ رایه قارشی ۲۳۸ رأی ایله رد ، بعده ۲۳۸ رأی قارشی ۲۵۸ رأی ایله قبول ایتدی . دانیارقه لیلر (شلزویغ) ك تقریباً اولته میه چغنی ادعا ایتدکلی ، آلمانلر ایسه بو ادعای قبول ایلمدکلی ایچون قطعی برصورت نسویه بولنه مدی .

۲. — متارکه نك ختامنده (هولشتاین) ك آلمان اردوسی (ژوتلاند) ه کیردی . فقط دانیارقه لیلر ایله وقوعه کلن بر محاربه ده مهزم اولدی . تکرار بر متارکه عقدا ایدلی . بعده (هولشتاین) اردوسنك تخلیه ایتدیکی (شلزویغ) ، پروسیه عسکری طرفدن اشغال وبری دانیارقه لی ، دیکری پروسیه لی اولق اوزره ایکی مأمور طرفدن اداره اولندی [نیسان - تموز ۱۸۴۹] .

۳. — آلمان اتحادی ایچون وقوع بولان تشبئنك عقیم قالمسنی متعاقب (انکلتاره) ، (فرانسه) ، (پروسیه) حکومتلری (لوندره) ده بر قونفرانس عقدا ایدرک (دانیارقه) حکومتك تمامی ملکیه سنی — اوروپا موازنه سی ایچون الزم اولدینی بیانییه — محافظه یه قرار ویردیله . یالکز قالان (پروسیه) قرالی عسکرینی چکمه که مجبور اولدی . آلمان حکومتلری طرفدن ترك ایدلن (هولشتاین) اردوسی (دانیارقه) اردوسنه مقاومت ایده میهرک طاغیلدی [تموز ۱۸۵۰] .

(دانیارقه) قرالی دوقه لقره یکیدن صاحب اولدی . بر امرنامه نشر ایدرک اتحادك مفسوخ اولدیغنی اعلان ایلدی [کانون ثانی ۱۸۵۲] . — دوقه لقر ایله (دانیارقه) ایچون مشترک بر قانون اساسی تنظیم ایتدی . — وراثت مسئله سی اوروپا حکومتلری طرفدن «لوندره پروتوقولی» ایله حل اولنهرق [مابیس ۱۸۵۲] قرالک یکننك زوجی اولان پرنس دو (قلوقسبورغ Glucksbourg) ی دوقه لقر دخی داخل اولق اوزره بتون (دانیارقه) حکومتك وارثی عدا ایدلی . دول معظمه نك مداخله سی سالف الذکر اوچ مسئله یی (دانیارقه) نك آمانه موافق بر صورتده حل

شامل اولدیغندن (شلزویغ) كده بو قاعدهیه تابع اوله جغنی ، هر نه قدر مسئله (هولشتاین) ایچون صورت قطعیه ده حل ایدلمه مش ایسه ده (دانیمارقه) حكومتك تمامی ملكیه سنی محافظه به چالیشه جغنی جواباً بیلدیردی [۱۸۴۶] . آلمان فرقه سی عمومی اجتماعلر عقد ایتمك صورتیله مقابله ایتدی . (هولشتاین) مجلس عمومی قباله بر اعتراضنامه تقدم ایتدیکی کبی (دیت) مجلسنه ده مراجعت ایلدی ، قرال بو اعتراضنامه یی قبول ایتدی . او صروده مشهور « دوقه لقلر شرقیسی » نامیله آلمانلر طرفندن وطنپورانانه بر شرقی ترتیب ایلدی .

دوقه لقلر امتیظونی [۱۸۴۸ - ۶۴] . - ۱۸۴۸ انقلابی ، ملی فرقه لری

فوق العاده هیجانه دوشوردرك ، دوقه لقلر اختلافی محاربه به منجر اوله جق درجه به کتیردی . (دانیمارقه) قرالی طرفندن هیئت وکلایی تشکیله مأمور ایدیلن دانیمارقه فرقه احرار ی شو صورت تسویه یی قبول ایتمشدی : آلمان مملکتی اولان ، جرمانیا هیئت متفقہ سنك اجزاسندن بولتان (هولشتاین) دن واز کچمك ؛ (آیدر Eider) ك شمالنده کی مملکتی ، یعنی (شلزویغ) ی محافظه ایدرك (دانیمارقه) ایله برلکده برملت حالنه وضع ایلمك ؛ بوندن طولایی مذکور فرقیه (آیدر دانیمارقه لیلری فرقه سی Eiderdänen) نامی ویرلدی . بو صورت تسویه (شلزویغ) ایله (هولشتاین) آره سننده کی اتحاد بوزولمسی ، (شلزویغ) ایله دانیمارقه ایچون مشترک بر قانون اساسی قبولی ، و آتیا (شلزویغ) دوقه لغنده حق وراثتک انا نه ده شامل اولمسی استلزام ایدیوردی . - دوقه لقلرده کی آلمان فرقه سی ، غیر قابل فسخ اولان اتحاد نامنه حرکت ایدرك ، (شلزویغ) ك جرمانیا هیئت متفقہ سنه دخولنی ودوقه لقلر ایچون مشترک بر قانون اساسی قبولی طلب ایتدی ؛ قرالک جواب رد ویرمسی اوزرینه عصیان ایدرك بر حکومت موقته تشکیل ایلدی ؛ حکومت موقته اتحادک غیر قابل فسخ اولدیغنه ؛ حق وراثتک یالکزد کوره ٹاند بولندیغنه ، (شلزویغ) ك هیئت متحده به کیر مسنه قرار ویردی . بو آندن اعتباراً اوچ مسئله موضوع بحث اولدی : ۱ ؛ (شلزویغ) ، (هولشتاین) ایله متحد قاله رق هیئت متحده به می داخل اوله جق ، یوقسه هیئت متحده به بیگانه قاله رق (دانیمارقه) ایله می اتحاد ایده جک ایدی ؟ ۲ ؛ قانون اساسی یالکزد دوقه لقلر آره سنده می ، یوقسه (شلزویغ) ایله (دانیمارقه) بیتمده می مشترک اوله جقدی ؟ ۳ ؛ حق وراثت ذکور می منحصر قاله جق ، یوقسه انا نه ده می تشمیل ایدیه جکدی ؟ محاربه ۱۸۴۸ سنه سی آغستوسننده باشلایه رق ۱۸۵۰ سنه سنه قدر دوام ایتدی و اوچ دفعه متارکه عقد اولندی . آلمان فرقه سنك مرکزی (کیل) شهری ایدی

نظریه باقیه آلیشمشردی ؛ حتی ملی شرقی بیه دانیمارقه شرقی لرینگ عینی ایدی .
 تحریکات ، (هولشتاین) شوالیه لرینگ امتیازات تاریخی سنی نظر دفته آلمدن ،
 حکمدار مستبد کی اداره حکومت ایدن (فرهدریق) علمینده باشلادی ؛ (کیل)
 شهرنده معلم اولان مورخ (دالماسن) بو زادکانک مطالباتی بر حق تاریخی شکننده
 تصویر وارائه ایدیوردی . ۱۸۳۰ ده ، دهسا مفرط بر ذات ، (اووه لورنسن
 Uwe Lornsen) ایکی دووقه لقی ایچون بر قانون اساسی تنظیمی ودوقه لقرک (دانیمارقه)
 دن تفریقی طلب ایتدی . « دانیمارقه لیلر ایله بزم آره مزنده مشترک اولان شی یالکیز
 قرال ایله دشمندر » دییوردی . توقیف ایدلدی ؛ قرال ، بری (شلزویغ) ، دیگر
 (هولشتاین) ایچون ایکی مجلس عمومی احداث ایتدی . فقط (هولشتاین) آلمانلری
 آرتق دانیمارقه لی اولمق ایستهمیورلردی ؛ (کیل) داوالفونوی آلمان تحریکات ملیه سنه
 مرکز اولمشدی . بونک اوزرینه دووقه لقر ایچون آری بر اداره ایستین آلمان
 وطنپرورانی ایله وحدت حکومتی محافظه ایتک طرفداری اولان (دانیمارقه) وطنپرور-
 لری آره سنده شدتلی بر اختلاف باش کوستردی . بو فرقه مفرطلر آره سنده ایکی
 وسط فرقه سی تشکیل ایتدی : (شلزویغ) دن واز کچن (هولشتاین) آلمانلری
 فرقه سی ، (هولشتاین) دن واز کچن دانیمارقه لیلر فرقه سی . فقط بر مدت صکره بتون
 آلمانلر برلشهرک ایکی دووقه لنگ یکدیگرندن آیرله میه جفی ادا ایتک باشلادیلر .

۱۸۳۹ ده آلتنجی (فرهدریق) ک وفاتندن صکره ایکسی ده ارکک اولاد صاحبی
 اولمیان ایکی پرنس قالیوردی [بونرک بری سکزنجی قریستیان ، دیگر یدنچی
 فرهدریق نامیله قرال اولمشردر] ؛ آتیا بر وراثت مسئله سنک میدانه چیقجه جفی محقق
 ایدی . حال بوکه حق وراثت ، حکومتک اقسام مختلفه سنک کافه سنده عین صورته دکلادی .
 (دانیمارقه) ده قادیلر ، (هولشتاین) ده یالکیز ارککلر حق وراثته مالک ایدیلر ،
 (شلزویغ) ایله (لوآنبورغ) ده ایسه مسئله وراثت هنوز حل ایدله مشدی .
 فقط (دانیمارقه) حکومتی ، (هولشتاین) دخی داخل اولمق اوزره مملکتی حالیه
 محافظه ایتک ، آلمان فرقه سی ایسه هم (هولشتاین) ی ، همده بوکا ابدیا مربوط اولان
 (شلزویغ) ی (دانیمارقه) دن آیرمق ایستیوردی .

هر ایکی طرف ادعایینی صورت رسمیه ده موقع مذاکره قویدی . —
 (هولشتاین) مجلس عمومی ، ۱۸۴۴ تاریخی قراریه ، شو اوچ اساسی وضع
 ایدلدی : اولاً ، دووقه لقر حکومت مستقله در ؛ ثانیاً ، ابدیا یکدیگره مربوطدرلر ؛
 ثالثاً ، حق وراثت یالکیز ارکک اولاده عانددر . — (دانیمارقه) ده حق وراثت انا

ویردی؛ قرال، حقوق مخصوصه سنه استناداً، (دیت) مجلسنی یالکز یکی ویرکولرک قبولی ایچون رأی استشاری به مالک اولمق اوزره بر مجلس استشاره درجه سنه ایندیرن «تموز ۱۸۵۴ قانون اساسیسی» تسطیر ایلدی. (دیت) مجلسی هیئت وکلانک تحت محاکمه آلمسنه قرار ویردی؛ بونک اوزرینه طاغیدلدی، فقط یکیدن انتخاب ایلدی [۱۸۵۴]، قرال هیئت وکلایی دیکشیردی. — اختلاف، نهایت بر صورت تسویه به منچر اولدی؛ ۲ تشرین اول ۱۸۵۵ قانون اساسیسی (دیت) مجلسنک حقوق وصلاحیتی محافظه وبتون (دانیمارقه) حکومتی ایچون مشترک بر شورای دولت احداث ایتدی. شورای دولته دانیمارقه قرالینی نامنه ۴۷ [اوتوزشی اهالی طرفندن منتخب اولمق، اون ایکسی قرال طرفندن تعیین اولمق اوزره]، دوقه لقلر نامنه ده ۳۳ [سکزی قرال طرفندن تعیین ایدلمک اوزره] اعضا بولنه جقدی. دوقه لقلر مجالس عمومیه سی طرفندن کآن لم یکن حکمنده اولدینی اعلان ایدیلن بوقانون اساسی حکمسز برقانون اوله رق قالدی.

شلزویغ - هولشتاین دوقه لقلری. — (دانیمارقه) قرالی، (شلزویغ) و (هولشتاین) نامنده کی ایکی دوقه لقل ایله ۱۸۱۵ ده (بومهرانیا) به مقابل تضمینات اوله رق اعطا ایدیلن (لو آنبورغ) دوقه لغنه مالک ایدی. قرال، (دانیمارقه) قرالیندن آیری اولان بودوقه لقلرک «دوقه سی» ایدی. دوقه لقلر عین حکمدارک زیرا اداره سنده برلشمش وابدیاً یکدیگره مربوط اولدقاری اعلان ایدلمش اولمقله برابر هر برینک کنسینه مخصوص اداره سی، مجالس عمومیه سی وار ایدی ۱۸۱۵ ده؛ جرمانیا هیئت متفقه سی تشکل ایتدیکی زمان بو هیئته یالکز (هولشتاین) و (لو آنبورغ) دوقه لقلری داخل اولمش، (شلزویغ) خارجه قالمشدی. — (هولشتاین) ایله (لو آنبورغ) ک هر طرفنده و (شلزویغ) ک جنوب حوالیسنده اهالی آلمان، فقط شمالی (شلزویغ) اهالیسی دانیمارقه لی ایدی. دوقه لقلر ایله (دانیمارقه)، عینی ملت تشکیل ایتمه مکه برابر، عینی حکومتک اجزای ممالکیندن ایدی؛ (هولشتاین)، هر نه قدر (دانیمارقه) حکومتته تابع ایدیسده بر هیئت متحده اجنبیه ده داخلدی، (هولشتاین) ه ابدیاً مربوط اولان (شلزویغ) ایسه بو هیئت متحده خارجنده ایدی؛ (دانیمارقه) عنصرینک حدودی هیچ بر ولایتک حدود سیاسی سنه توافق ایتبوردی. ایشته بو احوال متضاده، اختلافک معقول و منطقی بر صورتده حلنه مانع اولمقده ایدی.

مع مافیه «دوقه لقلر مسئله سی» کمال بطائنه موضوع بحث اولدی؛ چونکه حسابات ملیه هنوز اویانمامشدی. (هولشتاین) آلمانلری (دانیمارقه) به کندی وطنلری

(پروسیه) نك ولايات مجالس عمومیه سی کبی یالکز قوانین و امور مالیه ایچون رأی استشاری یه مالک اولق اوزره ولایتلرده برر مجلس عمومی تأسیسنه قرار ویردی [۱۸۳۱-۳۴]. آطلرده ، (ژوتلاندره) ، (شلزویغ) ، ده ، (هولشتاین) ده مجالس عمومیه تشکل ایتدی . (ناپولئون) محارباتنک (دانیمارقه) یه تحمیل ایلدیکی بارتکالیفی تخفیف ایچون بعض تدابیر اتخاذا اولندی . ۱۸۱۳ ده اوراق نقدیه نك قیمتی ربع درجهسنه اینمش ، حکومت قسماً افلاس ایتشدی ؛ دیون عمومیه مملکتیه نسبتله پک چوق ایلدی ، آنجق ۱۸۴۱ تاریخندن اعتباراً تناقصه یاشلادی .

(قوبنهاغ) شهری اهالیسنک افکار منوره صنوفی آردسنده زادکاندن مرکب اوله رق تشکل ایدن کوچک برفرقه احرار ، برقانون اساسی آرزو ایدیور و بونی ولی عهددن استحصال ایده جکینی امید ایلوردی . فقط سکزنجی (قریستیان) عنوانیله مقام حکمداری یه کچن ولی عهد ، مستبد بر حکمدار اولدی [۱۸۳۹-۱۸۴۸] . ذاتاً بو حکمدارک باشلیجه مشغله سی (هولشتاین) ده کی آلمان تبعه سیله اوغراشمقدن عبارت قالدی و برقانون اساسی « لایحه سی » براقه رق وفات ایتدی [کانون ثانی ۱۸۴۸] .

یدنجی (فره دریق) ک بتون دوره حکومتی [۱۸۴۸-۶۳] شلزویغ- هولشتاین مسئله سی ایچون، انتریقهلر ، مذاکرهلر ، محاربه لر ایله کچدی و دوقه لقلر اختلافی بومدت ظرفنده (دانیمارقه) حیات سیاسیسنه اجرای حکم ایلدی .

فرقه احرار ، عین زمانده برفرقه ملیه ایدی ، دوقه لقلرک و یا هیچ اولمازسه (شلزویغ) ک دانیمارقه ایله اتحادینی و بتون قراللق ایچون برقانون اساسی تنظیمی ایتتوردی . یدنجی (فره دریق) بوفرقه یه استناد ایدرک احراردن مرکب بر هیئت وکلا تشکیل ایتدی [مارت ۱۸۴۸] ؛ هیئت وکلای احرار حریت مطبوعات علیهنده کی قانونلری فسخ ایتدیردی . بعده « حزیران ۱۸۴۹ قانون اساسیسی » نامیله برقانون اساسی تنظیم ایلدی ؛ بوقانون اساسی موجبجه معین مقصدار ویرکو ویرن منتخبلر طرفندن انتخاب ایدیلن و هر سنه اجتماع ایدن ایکی مجلسدن مرکب بر (دیت) مجلسی تأسیس ایدیور ، حریت مطبوعات ، مذاهب و اجتماع تأمین اولنیوردی .

یالکز (دانیمارقه) قرالغنه عائد اولان بوقانون اساسی چوق زمان دوام ایتدی . قرال ، دوقه لقلر دخی داخل اولق اوزره ، بتون قراللق ایچون یکی برقانون اساسی لایحه سی تکلیف ایتدی ؛ فقط اصول مشورت علیهنده کی ارتجاع عمومی ائناسنده تنظیم ایدیلن بولایحه (دیت) مجلسنک حقوق و صلاحیتنی تحدید ایدیوردی . (دیت) ، اعتراض ایتدی ؛ حکومت ، مطبوعات علیهنده دعوالر اقامه اتمک صورتیله جواب

بیان ایلیوردی، نهایت ۱۸۹۶ سنه سنده (نوروج) ایچون اوزرنده علامت اتحاد بولمیان یکی بر بایراق قبول اولمسنه قرار ویردی. قرال، (استور تیغ) مجلسی مقرر اتک تصدیقندن امتناع ایلیوردی [۱۸۹۴]؛ هیئت وکلای محافظه کاری، استعفاسنی ویردیکی حالده، موقع اقتدارده طوتیوردی [۱۸۹۵].

بو اختلاف، (اسوچ) ده دخی حسیات ملیه نك غلبانه سبب اولدی وایکی ملت، نوروجلیلر ایله اسوچلیلر، آره سنده بر اختلاف ملی شکلنی آلدی. هر ایکی مملکتده مجالس مبعوثان تخصیصات فوق العاده عسکرینه قرار ویره رک بر برلینه امنیت ایده مدکارینی کوستردیلر [۱۸۹۵]. اسوچ حکومتی اتحاد مقاوله نامه سنك تعدیلنی تکلیف ایتدی؛ فقط (نوروج) مجلس مبعوثانی بوبابده جریان ایده جک مذاکراتک نوروجلیلرک اکثریتی ایله متحد الفکر اولان بر هیئت وکلا طرفندن اداره اولمسنی طلب ایلیوردی؛ قرال، یالکز امور خارجی بی رؤیت ایده بیله جک یکی بر هیئت وکلا تشکیل ایتدیکنندن اختلاف کافی السابق دوام ایلدی.

دانیمارقه و دوقه لقر

دوقه لقرک آیرلسنره اول دانیمارقه حکومتی . — دانیمارقه حکومتی، (نوروج) قطعه سنك اسوچه الحاقندن بری، (ژوتلاند) شبه جزیره سیله آطه لردن مرکب اولان دانیمارقه قرالغندن، (ایسلاندا) دن، (شلزویغ)، (هولشتاین) و (لوآنبورغ) دوقه لقرلندن عبارت قالمشدی .

اهالی، اکثریتله زراعندن مرکبیدی؛ فقط سرای حکمداریده حکم و نفوذ صاحبی اولان وبتون مأموریتلری اشغال ایدن بر صنف زادکانده موجود ایدی. زادگاه، همان اسارت درجه سنده تابعیتدن انجق ۱۷۸۸ سنه سنده قور تلمش اولان کویلیلر هنوز حیات سیاسییه داخل اولما مشردی. بتون قرال لنگ یگانه بلده مهمه سی اولان (قوپنهاغ) حیات سیاسی نك مرکز یگانه سی ایدی. قرال، اون سکرنجی عصرده اولدینی کبی، بر «اداره مستبده مشفق» ایله مملکتی اداره ایلیوردی: یعنی مذاهب مختلفه حقدده مساعده کارانه حرکت ایلیور، قرال مملکتی بر رئیس عائله کبی اداره ایلیور، خفی وهر درلو تفتیشدن آزاده بر حکومت مطلقه اجرای حکم ایلیوردی .

۱۸۰۸ دن ۱۸۳۹ سنه سنه قدر مقام حکمداریده قالان آلتنجی (فره دریق) ۱۸۱۳

سنه سنده حکومتک بودجه سنی نشر ایده جکنی وعد ایتمکه اکتفا ایلمش، فقط بو وعد ۱۸۳۵ دن اول انجاز ایدله مشدی؛ بر مدت صکره قرال،

حقیقه کی قانونی مجلس مبعوثانہ تو دیع ایتدیکی زمان صول جناحک ہر ایک فرقی
 بوقانون علیہندہ برلشدی و ہیئت وکلای اقلیتدہ بر اقدی [شباط ۱۸۹۱] . قرال ،
 فرقہ مفراطہ رؤسائندن (استین Steen) ی موقع اقتدارہ کتیردی .

(استین) ہیئت وکلای (استورتنغ) دہ اکثریتی حائز دکلدی ،
 فقط ۱۸۹۱ انتخابانندہ احراز اکثریت ایتدی . فرقہ ، کندی پروگرامندہ
 آرای عمومیہ اصولنک ، بلا واسطہ تکالیفک وبالخاصہ (نوروچ) ایچون آریجہ بر
 خارجہ نظارتیلہ قونسلوسلرک احداثی قبول ایتشدی . انتخابات غایت کورولتیل ، ہيجانلی
 ایدی ؛ صول جناح فرقہ مفراطہ سی ۱۸,۵۰۰ رأی قزاندی . بو فرقہ ۶۵ ، (سوہ دروپ)
 فرقہ سی ۱۴ ، فرقہ محافظہ کار ۳۵ مبعوث چیقاردی .

(نوروچ) قونسلوسلری مسئلہ سندن طولای (اسوچ) قرالی ایلہ بر اختلاف
 ظہور ایتدی . (استورتنغ) مجلسی ممالک اجنبیہ دہ قونسلوسخانہ لر تأسیسی صرف
 (نوروچ) ہ عائد بر مسئلہ اولدیغنی ، بونک (نوروچ) مجلس مایسی طرفندن حل ایدیلہ
 بیلہ جکنی بیان ایلدی . قرال بو مسئلہ نک ، ایکی مملکتک اتحادینی تأمین ایدن قوانین
 احکامنہ توفیقاً حل و فصل اولنسی کندیسنہ عائد بر ایش اولدیغنی جواباً بیلدیردی
 [مارت ۱۸۹۲] . (استورتنغ) مجلسی قونسلوسخانہ لری احداثہ قرار ویردی ؛ قرال
 بوقراری تصدیقندن امتناع ایتدی ؛ ہیئت وکلا استعفاسنی ویردی ، فقط قرال بو ہیئت وکلای
 موقع اقتداردہ طومغہ مجبور اولدی [۱۸۹۲] . ایلاک اختلاف زمانندہ اولدیغنی کبی بو
 دفعہ دہ اصولہ متعلق بر مسئلہ میدانہ چیمشددی : (استورتنغ) مجلسی ، (نوروچ)
 ملت حاکمہ سنک وکیلی اولمق صفتیلہ ، مستقلاً اتخاذ قرارہ کندیسنی صلاحیتدار کورییور ؛
 قرال ایسہ «اتحاد» ایلہ تعین ایدن مناسباتی تبدیل ایچون ہر حالہ ایکی حکومت آرسندہ
 ائتلاف موجود اولسی لازم کلدیکی ادعا ایدیوردی . اسوچ (دیت) مجلسی قرال
 طرفنی التزام ایتدی [نیسان ۱۸۹۳] . (نوروچ) دہ دخی صاغ جناح قرالی مدافعہ
 ایدیوردی . — قرال ، ینہ (استانغ) ک تحت ریاستندہ اولہرق محافظہ کارانندن مرکب بر
 ہیئت وکلا تشکیل [نیسان ۱۸۹۳] ؛ و بو ہیٹی ، (استورتنغ) مجلسنک عدم اعتماد قرارینہ
 رخنما ، موقع اقتداردہ محافظہ ایلدی . — (استورتنغ) مجلسی دہ بوکا مقابلہ امور خارجہ ،
 خزینہ خاصہ ، وکلا ایچون تخصیصات اعطاسندن امتناع ایتدی [۱۸۹۲] . و (نوروچ)
 قونسلوسخانہ لرینک (اسوچ) دن آیرلسنہ قرار ویردی . صول جناح ، ۱۸۹۴ انتخابانندہ
 اکثریتی محافظہ ایتدیکنندن ، اختلاف حل اولنہ میوب دوام ایلدی . (استورتنغ) ہیئت
 وکلا حقیقہ عدم اعتماد قرارلری اعطاسندہ دوام ایدیور ، قونسلوسخانہ لرک آیردیغنی

واردونك عساكر مليه طرزنده اصلاحی مسئله رنده مشر كار آي وي ر مكدو دوام ايديو رلردى . فقط « يكي صول جناح » ، (ژان سوهر دروپ) ك عزاني طلب ايتدى ودواثر روحانيه حقدده كي قانوني (استورتينغ) مجلسنه رد ايتديردى [۱ رايه قارشى ۸۴ راي ايله] . اقليتده كالان (سوهر دروپ) موقع اقتداردن چكيلمك ايسته مدي . بعده موقعي محافظه ايجون صاغ جناح ايله برلشدى ، هيئت وكلا حقدده تكليف ايديلن عدم اعتماد قراريني ۵۱ رايه قارشى ۶۱ راي ايله [بولنك اوتوزي محافظه كارايدى] رد ايتديردى [۱۸۸۸] . حتى ، اول باول ، « هيئت وكلانك آمري اولان » ، قرالك مظهر اعتمادى اولمق لزومندن بحث ايلدى . حاكميت عامه فرقه سنك ا كثرتي يكي صول جناحه تابع اولدى . ۱۸۸۷ سنه سي تموزنده (درونتايم) ده اجتماع ايدن حاكميت عامه جمعيتلري هيئت مرخصه سي آراي عموميه اصولنك قبولندن ، اصول مشورتك ، يعنى اقليتده كالان هيئت وكلانك استعفايه مجبور اولمسي ، اصولنك تطيقندن ، ممالك اجنيه ده (نوروج) نامنه آريجه قونسولسلر بولندي رلمسندن عبارت بررورغرامي قبول ايلدى . بوصوك ماده ايله يكي صول جناح فرقه سي نوروج ليرك (اسوج) علمينده كي حسيات وطن پرورانلريني تحريك ايديو ر (اسوج) قرالى ايله يكدن باب منازعه ي آچيوردي .

بوندن صكره اوچ فرقه قالدى : محافظه كارلر ، هيئت وكلا طرفدارلري ، افراطيون . ۱۸۸۹ انتخاباتنده هيئت وكلا طرفدارلري له محافظه كاراندن مركب اولان هيئت متحده ا كثرتي محافظه ايتدى ؛ ۲۲ هيئت وكلا طرفدارى ، ۵۴ محافظه كار ، ۳۸ فرقه مفراطه ميعوثى انتخاب اولندي . فقط هيئت وكلا فرقه سي اقليتده قالمش اولديغندن اولكي موقعي آرتق محافظه ايدمزدى . الك غلبه لك فرقه حالنه كلن محافظه كارلر (سوهر دروپ) ي موقع اقتداردن اسقاط ايتديلر ، قرال (استانغ Stang) ك تحت رياسته ده اوله رق بر هيئت وكلاي محافظه كار تشكيل ايلدى [۱۸۸۹] .

بونك اوزرينه حاكميت عامه واستقلال ملي طرفدارلري (اسوج) قرالى علمينه اجراي تحريكانه باشلاديلر . بيوك فابريقه لرك كشادي حسييله (نوروج) ده يكي بر عمله صنفي پيدا اولمشدى . عمله دن مركب بر فرقه اشترا كيون تشكل ايتمش [۱۸۸۷] وعمله جمعيتلري قونغره سنه قبول اولمشدى [۱۸۸۸] . « نوروج عمله سي جمعيات متحده سنك » تحت اداره سنده بولنان ديكر بر فرقه مفراطه قادينلرك حق انتخابه نائل اولمهلريني ، ايراد ايله ميرائلر اوزرندن برتكليف مترقي آلمنسي ، عمله نك سلكز ساعت چالشمه سيني ، عمله ايجون قوانين مقتضيه نك تنظيميني طلب ايديو ردي .

هيئت وكلاي محافظه كار ، (اسوج) و (نوروج) آره سنده كي مناسباتك تنظيمي

محافظه کارك النده بولنان حكم ونفوذ مجلس ملی به كچدی ، مجلس ملی ایسه اکثریتله کویلیردن مرکب اولان حاکمیت عامه فرقه سنک تحت تأثیرنده ایدی .

اختلافات ملیه . — حکومتک صول جناح فرقه سی رئیسنه کچمسی اختلافات موجوده پی ازاله ایتدی ، یالکز شکل اختلاف دیکشدی . قراله غلبه ایدن فرقه ، آره لرنده اتحاد تام بولنمیان فرق مخالفه نك برلشمسی صورتیله وجوده گلشدی ؛ کویلیردن مرکب اولان ، پروتستانلغک (لوترییه ن) مذهب دن ماعدا بر مذهب مساعده ایتک ایسته مین وقراللق طرفداری بولنان قدیم صول جناح فرقه سنک یاننده بر بطندن بری دهامفرط یکی برفرغه تشکل ایتشدی ؛ فرقه جدیده قسماً شهرلرده ، لیانلرده طرفدار بولیور ، امور مذهبییه لاقید ویاخصم بولنیور ، حکایه نویس شهر (بیورنسترن بیورنسون Björnster Björnson) طرفندن اداره ایدیلوردی .

(سوهردروپ) ، قراله قارشوی وقوعه کلن مناقشات و مجادلات انناسنده حاکمیت عامه قواعدینه موافق بر اصلاحات پروغرامی تنظیم ایتشدی ؛ حق انتخابک توسیعی ، (ژوری) دنیان هیئت عدول اصولنک قبولی ، اردونک تنسیقی ، تدریساتک اصلاحی ، بو پروغرامک باشلیجه موادینی تشکیل ایلمکده ایدی [۱۸۸۲] . صول جناح اصلاحات مذکورده حقنده متحنالفکر ایدی . فقط سیاست مذهبییه مسئله سننده اتحاد بوزولدی . پروتستان هیئت روحانیسنه منسوب اولان یکینی (ژان) ک تحت نفوذنده قالان (سوهردروپ) ، محرر (کیلانند Kielland) طرفندن طلب ایدیلن تخصیصاتی — محرر مومی الهک خرسیتیانلق علمینده بعض نشریاتده بولنمش اولدینی بیانیه — رد ایتدی [۱۸۸۵] . دواتر روحانیه مجلسلری حقنده برقانون تکلیف ایلدی [۱۸۸۶] ؛ بقانون کلیسا ایله قطع مناسبت ایدن ویامغایر اخلاق حرکتده بولنان کیمسه لرك متخبر لیسته سندن چیقارلملری ایچون مجلس روحانییه صلاحیت وریبوردی . [نوروچده دواتر روحانیه نك تقسیماتی ، نواحی تقسیمات ملکیه سنه توافق ایدر ؛ بوندن طولانی پروتستانلر انتخابات اوزرنده بیوک بر نفوذ صاحبدرلر] . حاکمیت عامه فرقه سی ایکی به آیلدی : (سوهردروپ) طرفداری اولان « قدیم صول جناح » ، بونک علمینده بولنان و (بیورنسون) طرفندن اداره ایدیلن « یکی صول جناح » فرقه سی [*] .

حاکمیت عامه فرقه سنک هر ایکی قسمی انتخاب قانونی ، (ژوری) اوصولنک تأسیسی

[*] بوفرغه نك رقیبلی کندیسنه « ادبی صول جناح gachelittéraire » ، یاخود « اوروبالی صول جناح gauche européenne » لقبی ویردیله وافکار اجنبیه پی (نوروچ) هادخاله چالشمقله اتهام ایتدیله .

قرال ، مجلسك اوچنجی دفعه قبولندن صكره ده ، قانونی تصدیق ایتك ایسته مدی و مقاومته آماده ذواتدن مرکب یکی برهیت وکلا تشکیل ایتدی [۱۸۸۰] . (استورتینغ) مجلسی آرزو ایتدیکی قوانینی حکومتیه قبول ایتدیرمک ایچون وسائط اجراییه مالک دکلدی ؛ تفریق قوا قاعده سنه نظراً قرال ، وکلاسی انتخاب ایتدیکی صروده مجلس ملینک مقرراتی نظر دفته آلمق ایچون هیچ بر محبوری یوقدی . اختلاف کسب شدت ایتدی . قرال ایله (استورتینغ) مجلسی حکمداره خطاب ایدرکن « ذات حشمتیناه لطف وریلرینه » تعبیری رینه ساده جه « قرال » کلمه سی استعماله باشلادی . قرالک مراجعت واقعه سی اوزرینه (قریستیانیا) حقوق دارالفنونی بو اختلافده حکمدارک استناد ایلدیکی نظریه نك طوغری اولدیغی بیان ایتدی . (اسوچ) ده قوه جبری استعمالی لزومندن بحث ایدیلور ؛ (نوروج) ده کولکلوری تسلیح ایچون بر جمعیت تشکیل اولتیوردی . یالکز بر چاره تسویه قالمشدی ، اوده شورای دولتی اتهام ایدرک تحت محاکمه یه آلمق ایدی ؛ فقط محاکمه نك نتیجه سی غایت شبهلی ایدی . قانون اساسی یه نظراً تحت محاکمه یه آلمان وکلانک محکمه عالیه اعضاسندن طقوز و (لاغنینغ) مجلسی اعضاسندن یکریمی ایکی ذاتدن مرکب بر محکمه جه محاکمه ایدملری لازمدی ، متهملر استیناف حقنه مالک ایدیلر . مأمورین حکومتدن عبارت اولان حاکمردن برایش بکلنه مزدی ؛ اختلافی یالکز (لاغنینغ) مجلسی حل ایده بیلردی .

۱۸۸۲ سنه سی تشرین نایسنده اجرا ایدیلن انتخابات ، نتیجه قطعیه منجر اولدی . صول جناح ۸۳ ، محافظه کاران ۳۱ مبعوث انتخاب ایتدیرمشلردی . صول جناح ، اکثریتدن بالاستفاده وکلای محاکمه یه مهیا بر (لاغنینغ) مجلسی انتخاب ایتدی . دعوی پک اوزون سوردی . (اوده لتینغ) مجلسی ، وکلای قانون اساسینک تعدیلی متضمن اولان قانونک تصدیق ایدلمه مسنی قرال توصله ایدرک منافع مملکت خلافتده حرکت ایلمله اتهام ایلدی ؛ محکمه وکلانک مجرمیتلرینه وجزاء عزل اولملرینه قرار ویردی [۱۸۸۴] .

بودفعه قرال موافقه مجبور اولدی ، حکمی قبول ایتدی . مع مافیه محافظه کاراندن مرکب برهیت وکلا تشکیلنه چالیشدی ؛ فقط هیچ کیمسه بویه برهیت وکلایه داخل اولمغه جسارت ایده میوردی . نهایت قرال صول جناح فرقه سی ریشی (سوه دروپ) ی یکی برهیت وکلا تشکیلنه مأمور ایتدی [۱۸۸۴] . بو حال ، طرز اداره نك اساسی بر صورتده تبدیلی دیمکدی ؛ (نوروج) بردن بره مشروطیت اداره دن اصول مشورته کچدی . شورای دولت (استورتینغ) حضورنده سیاست مشول برهیت وکلایه کیردی . اوزمانه قدر قرالک ، (قریستیانیا) ده کی مأمورین حکومتک و فرقه

ایله قانون اساسینک تعدیل و اصلاحی مسئلهسندن متولد براختلاف باشلادی . اوزمانه قدر ، حاکمیت عامه فرقهسی ، ۱۸۱۴ قانون اساسیسی احکامنه رعایت ایتمش ، بالکیز بودجهیی تنقیص ایتمک صورتیله حکومتک نفوذ و تأثیرینی تحدیده چالیشمشدی . حتی شورای دولت اعضاسنک بحالس ملیه مذاکراتنده حاضر بولمیرینی منع ایدن قانونی - محضا ناظرلرک مبعوثان اوزرنده اجرای نفوذ ایتماری قورقوسندن طولایی - دیکشدریمکدن استتکاف ایتمشدی . بواصول ، فرانسه نك ۱۷۹۱ قانون اساسیسندن قبول ایدلمش برقاعده قدیمه ایدی . بعده ، یعنی ۱۸۵۱ سنهسندن ، حاکمیت عامه فرقهسی شورای دولت اعضاسنک ، وکلانک (استورتینغ) مجلسی مذاکراتنده حاضر بولمیرینه مساعدده ایدن برقانونی تکلیف ایتمش ؛ فقط قرال قبول ایتمه مشدی .

۱۸۷۲ ده ، حاکمیت عامه فرقهسی تبدیل مسلك ایتدی ، شورای دولتک مقامنه قائم اولمغه چالیشدی ؛ قرالی ، وکلانسی (استورتینغ) ک اکثریتی آرهسندن انتخابه مجبور ایتمک ، یعنی تفریق قوا اصولی یرینه انکلیزلرک اصول مشورتی اقامه ایلتمک ایتتوردی . قانون اساسی وکلانک (استورتینغ) مجلسسندن بولمیرینی منع ایتتمکده ایدی ؛ حاکمیت عامه فرقهسی وکلانک مجلسده حاضر بولمیرینی ایچون برقانون لایحهسی تنظیم و بونی قبول ایتدی . ایشته بونک اوزرینه (استورتینغ) ایله قرال آرهسندن اختلاف ظهور ایلدی . — قرال ، کندی موافقتی منضم اولمقسزین (استورتینغ) مجلسنک قانون اساسی بی دیکشدره میه جکی بیان ایدیوردی . قانون اساسی ، کیفیت تعدیل و تبدیلیک نه صورتله اجرا ایدیله جکی تصریح ایتدیکنندن (استورتینغ) ایله قرال صورت دوستانه ده ائتلاف حاصل ایتدکجه قانون اساسینک تعدیلی ممکن اوله میه جقدی . قرال ، تعدیله موافقت ایدیور ، فقط بوکامقابل حکومات مشروطه سارنده اولدینی کبی مجلس ملی طاعتیق صلاحیتی ایتتوردی . — (استورتینغ) مجلسسندن ک اکثریت ایسه مسئلهیی بشقه برنقطه نظرندن تدقیق ایلوردی . قانون اساسی ، قوانین ایله قانون اساسینک تعدیلی حقدنه کی تکلیفلری یکدیگرندن تفریق ایتدیکی جهته قانون اساسی بی تبدیل ایچون ساده جه برقانون کفایت ایده جکی بیان ایدیوردی . بنه اعلیه وکلانک (استورتینغ) مجلسنه دخوله صلاحیتدار اولدقلرینه دائر برقانون قبول ایتدی ؛ قرال بونی تصدیقندن امتناع ایلدی ؛ فقط ، (نوروچ) اصول مشروطیته توفیقاً ، (استورتینغ) مجلسی قانون مذکوروی اوچدومه قبول ایتدی [۱۸۷۲ - ۷۷ - ۸۰] وهیئت وکلایه برچوق دفعه لر عدم اعتماد بیان ایلدی .

[۱۸۳۶] قرال (استورتینگ) مجلسنی طماغیده جق درجه ده ایلری به کتدی ؛ مجلس بوکا مقابل ، وکلادن برینی قانون اساسی احکامنک اخلالنی قراله توصیه ایتمک تهمتیله اتهام ایتدی ؛ ناظر جزای نقدی به محکوم ، (برنادوت) ده موافقه مجبور اولدی ؛ قرال قائم مقاملغنه بر نوروجلی تعیین ایدلدی .

(برنادوت) دن صکره مقام حکمداری به کلن برنجی اوسقار [۱۸۴۴ - ۵۹] واون بشنجی شارل [۱۸۵۹ - ۷۲] استورتینگ مجلسیله اختلاف چیقارمقدن توق ایتدیله . (اوسقار) ، (نوروج) ک آیریمجه برملی سنجانغی اولسنی قبول وقرال قائم مقامی تعیینندن فراغت ایدلدی [بومأموریت ۱۸۷۳ ده لغو ایدلدی] . — قانون اساسیده اونودلمش اولان سربستی مذهب ، قوانین جدیده ایله تأمین اولندی . پروتستانلقدن ماعدا مذاهب اربابی حقتده نشر اولنان [۱۸۴۵] برقانون ، خرسیتیان مذاهبنک کافه سنه جمعیات مذهبییه تشکیلی وسربستجه اجرای آیین حقی وبردی [سربستی نام مذاهب ۱۸۷۸ ده تصدیق ایدلدی] ؛ موسویلره ده ۱۸۵۱ ده حریت تامه ویرلدی . فقط مأمورین ایچون پروتستانلق مذهبی مجبوری قالدی . (استورتینگ) مجلسنک هر سنه اجتماع ایتمسی اصولی قبول اولندیغندن [۱۸۹۶] نوروج حیات سیاسی کسب فعالیت ایتدی .

مملکتک رفاه و ثروتی سرعتله ترقی ایدیوردی . (نوروج) ک بودرجه زنیکن و بوقدر چوق نفوسه مالک اولدینی کورلمه مشدی . — نفوس ۱۸۳۵ ده ۱,۲۰۰,۰۰۰ ایکن ۱۸۷۵ ده ۱,۸۰۰,۰۰۰ ، ۱۸۹۱ ده (۲,۰۰۰,۰۰۰) . بالغ اولدی ؛ شهرلرک اهالیسی ۱۸۳۲ ده ۱۳۵,۰۰۰ ایکن ۱۸۷۵ ده (۳۳۲,۰۰۰) . چیقدی . — ۱۸۱۵ ده غایت آغیر بریوک تشکیل ایدن دیون عمومیه ۱۸۵۰ ده تماماً تأدییه ایدلدی . وارداتی کیتدیجه تراید ایلین کمرکبر همان مصارف حکومتک کافه سنی تأدییه کفایت ایدیوردی . — (نوروج) ملت صغیره سی ۱۸۷۵ ده تجارت بحریه نقطه نظرندن اوروپا ممالکی آره سننده درنجی درجه یی اشغال ایلمکده ایدی ؛ ۱۸۹۰ ده ۱۲۰,۰۰۰ کشی تخمین اولنان بالقجیلر مستثنا اولمق اوزره ۵۶,۰۰۰ کیچی ایله ۷۰۸۰۰ سفینه بولمقده ایدی . — اراضی ، کویلیلر آره سننده تقسیم ایدلمشدی . املاک صاحبلیرنک عددی ۱۸۱۴ ده ۴۵۰۰۰ کشی ایکن ۱۸۳۵ ده (۱۰۵۰۰۰) . بالغ اولمشدی . مملکتده آرتق املاک جسمه اصحابی قالمامشدی .

قانونه اساسی اضطررافی . — ۱۸۷۲ ده مقام حکمداری به کلن ایکنجی (اوسقار)

اوج ربعی، یالکر تفتیش حساباته مأمور اولان (اوده لستینغ Odelsting) مجلسی تشکیل ایتمکده ایدی. برقانون لایحه سندن طولانی اختلاف ظهورنده هر ایکی مجلس بر لشرک اعطای رأی ایدردی، بوصولده لایحه نك اکثریت نشان آرایه قبولی مشروط ایدی.

قوة اجرائیه مأمور اولان شورای دولتی، قرال انتخاب ایدیوردی. ایکی ناظر و طقوز مستشاردن مرکب اولان بومجلس ایکی قسمه آریلیوردی: برناظر ایله ایکی مستشار (استقہولم) ده قرالک نزدنده برهیت مرخصه مقامنده ایدی؛ دیگرلری (قریستیانیا) ده قاهره هیئت وکلایی تشکیل ایدیورلردی. تفریق قوا قاعده سنه توقیفاً شورای دولت اعضاسی مبعوث اوله مدقلمی کبی (استورتینغ) مجلسنک مذاکره سالوننه دخی کیره مزملردی.

حیات سیاسیده، بدایه، فعالیت کورلمدی. (استورتینغ) هر اوج سنهده ایکی آی اجتماع ایدیوردی. مع مافیہ مجلس. (اسوج) ده اولدینی کبی، ایکی فرقیه آیرلدی. کویلدیرک مبعوثلرندن مرکب اولان حاکمیت عامه فرقه سی حکومت طرفندن طلب ایدیان مصارفک تأدیسه سنه مخالفت ایدیور؛ هیئت وکلایه مساعد اولان صماغ جناح پایتختک مبعوثلرندن مرکب بولنیوردی. فقط بدایت امرده، اکثریت صول جناحده ایدی؛ بوفرقه، اجنبی برقرالک تمثاللری عد ایدیان مأمورله مخالف، وطنپرور بر (نوروج) فرقه سی حالنده ایدی.

اون دردنچی (شارل) عنوانی آلان (برنادوت) دوره حکومتی [۱۸۱۸-۱۸۴۴] نوروجلیلرله ظهور ایدن اختلافات ایله کچیردی: قرالک تخصیصاتی مسئله سندن طولانی اختلاف ظهور ایتدی؛ (استورتینغ) ک اوج دفعه رأی ویرمک صورتیله صنوف زادکانی قالدیرمق ایسته مسندن طولانی ده بر اختلاف چیقدی؛ — قانون اساسینک تعدیل واصلاحی مسئله سنهده اختلاف واردی [قرال حکومت مشروطه سائرده اولدینی کبی «وه تو»، یعنی مجلسجه قبول ایدیلن قانونلری رد ایده بیلیمک، مجلسی طاغیتمق؛ رؤسای انتخاب ایتک حقنک کندیسنه ویرلمسی ایستیوردی. (استورتینغ) ۱۸۲۴ سنه سنهده بونا بده تودیع اولنان بالجه لایمحلری رد ایتدی]؛ — ۱۸۲۹ سنه سنهده (اسوج) ایله اتحادک دورسنویسی یرینه (نوروج) قانون اساسینک دورسنویسی مناسبتیله شلکلر اجرا ایدن دارالقنون طلبه سندن طولانی بر اختلاف ظهور ایلدی؛ [قرال طلبی طاغیتمق ایچون عسکر کوندردی]؛ — (نوروج) ده بولنه حق قرال قائممقامنک تعینی مسئله سی ده اختلاف ظهورینا سبب اولدی. بوصولک اختلافده

نوروچ

حاکمیت عامه فرقیسی. — (نوروچ)، (اسوچ) ایله برلشدیکی آندن اعتباراً اوروپانک حاکمیت عامه قاعده سنه اڅ زیاده موافق اولان تشکلات اجتماعیه و سیاسیه سنه مالک اولمشدی. (دانمارقه) دن افتراق، مملکتی اداره ایدن صنوف زادکانک میدانن قالمسینه سبب اولمشدی؛ (نوروچ) زادکانی ده همان یوق کبیدی؛ مقداری پک آز اولان مأمورین (قریستیانیا) ده، سرای حکمداری بی حاوی اولمیان پاینخته طوبلانمشدی. هیئت اجتماعیه، همان کافهسی صاحب املاک اولان کویلیردن، تاجرلردن، کمیچیلردن و (پروتستان) راهبیلردن عبارتدی. بونک ایچون حاکمیت عامه فکری هریردن زیاده (نوروچ) ده ترقی ایتمشدی.

حکومت، شکلاً قراللق ایدی؛ فقط قرال اجنبی ایدی. همان هیچ (نوروچ) ده بولنماز، بالکنز مجلس ملینک دوره اجتماعیهسی کشاد ایچون (قریستیانیا) یه کلیردی؛ بناءً علیه نفوذ شخصیسی پک ضعیف ایدی. ۱۷۹۱ سنهسی فرانسز قانون اساسیسی کبی تفریق قاعده سنه توفیقاً تنظیم ایدلمش اولان ۱۸۱۴ قانون اساسیسی مجلس ملینک تمامیه مستقل و حکمداره غیر مربوط اولمسنی تأمین ایتمشدی. دیگر حکومت مشروطه ده جاری اولان اصول خلافده اوله رق قرال، مجلسی مانغیته ماز، مجلس ده قرالک آرزوسنه رغماً ایستدیکی قانونی تنظیم ایده بیلیردی؛ مع مافییه مجلسک بوصلاحیتی اوزون و منسکل بر معامله یه متوقفدی: قرال طرفندن رد ایدیلن بر تدبیرک قانون قوتی کسب ایده بیلیمسی ایچون مجلس ماینک اوچ دوره اجتماعیه سنه، یعنی اوچر سنه فاصه ایله اوچ دفعه قبول اولمسی لازمدی.

(استورینگ Storting) نامیه یادایدیان مجلس ملی اوچر سنه ایچون، ایکی درجه انتخاب ایله انتخاب اولنوردی؛ املاک صاحبی اولانلرک، شهرلرده کی صنف متوسط اهلینک کافهسی، شهرلرده ۵۰۰ و کویلرده ۸۰۰ قرون [*] ایرادی اولان هرکس حق انتخابه مالک اولدیغندن اوروپانک اوزمانیکی حائنه نظراً حاکمیت عامه قاعدهسی اڅ زیاده (نوروچ) ده جاری ایدی. (استورینگ)، آیری آیری مذاکره ایدن ایکی مجلسه آیرلشدی. فقط (لاغینگ Lagthing) دنیلن مجلس اعیان اعضاسنک ربی (استورینگ) طرفندن انتخاب ایدلیدی ایچون مجلس اعیان، مجلس مبعوثانک بر جزئی کبی ایدی. اعیانک

اولان اکثریته تقابل ایده جک درجه ده دکلدی . ۱۸۸۷ ده هیئت وکلا (دیت) مجلسنک اصلاحی تاریخندن بری ایلک دفعه اولمق اوزره مجلسی طاغیتدیغندن سربستی مبادلده و حکومت طرفدارلی اولان فرقه ۲۲۲ رأیده آنجق ۱۰۰ رأی فزانه بیلدی . اکثریت ، (استقہولم) انتخاباتنک نتیجه سنه منوط ایدی ، بوراده حاکمیت عامه طرفدارلردن ۲۲ مبعوث انتخاب اولمشدی ؛ فقط منتخبلردن برینک حق انتخابه نائلیت ایچون اعطاسی مشروط اولان ویرکوبی اعطا اتمدیکی بهانه سیله بواختاب فسخ ایدلدی ؛ اصول حمایه طرفدارلرینک انتخاب ایدلمش اولدی اعلان اولندی . هیئت وکلا استعفا ایتدی ، مکرکرده اصول حمایه تطبیق ایدلدی . فقط ۱۸۹۲ دن اعتباراً سربستی مبادلده طرفدارلری ایکنجی مجلسده یکیدن احراز اکثریت ایلدی . [۸۶ رأیه قارشی ۱۴۲ رأی ، ۱۸۹۶ سنه سنده ۱۰۲ رأیه قارشی ۱۲۸ رأی] .

فرقه اشتراکیون ، آلمان اشتراکیونی تقلیداً ، سیاسی جمعیتلری و عمله سندیقہ لرینی برلشدره رک یکیدن تشکیل ایتمشدی [۱۸۸۹] ؛ مطبوعانده نشریات ایله اجرای تحریکاته باشلامش ، عمله نک سکنز ساعت چالشمسی ایچون نمایشلر ترتیب ایلمشدی [۱۸۹۰] . حکومت ، اشتراکیونک تحریکاته مقابل ، مطبوعات علیهنه دعوالر اقامه ایتدی ، بعض کیمسه لری قرال علیهنه بولمق ویا سب وشم ایلدک ایله اتهم ایددی ، فرقه اشتراکیون غزته سنک بتون محررلرینی حبسه محکوم ایتدی . حق انتخاب معین مقدار ویرکو اعطاسیله مشروط اولدی ایچون نامزدلرینی مبعوث انتخاب ایتدی . فرقه اشتراکیون آرای عمومیہ اصولنک تطبیقی ایستین حاکمیت عامه فرقه سیله اتفاق ایتدی . ایکی فرقه برلشهرک « ملت دیت مجلسی » ایچون انتخاب اجرا ایتدی . ۱۸۹۳ سنه سنده عقد اجتماع ایدن بو خصوصی « دیت » مجلسی آرای عمومیہ اصولنک تطبیقی طلب ایچون قراله برعریضه تقدیم ایددی . — بو مسئله ده کویلیز فرقه سی ایکی به آیرلدی [۱۸۹۳] ؛ برقمسی ، صاغ جناح ایله برلشهرک قانون انتخاب اصلاحاتنک رد ایدلمسه سبب اولدی [برنجی مجلس بواصلاحتی ۱۸۹۶ ده دهر د ایتشدر] . شهرلرا هالیسی آره سنده کی تحریکاتدن تلاش ایدن حکومت ، قبول ایتدی بردیکی یکی برقانون ایله مبعوثلرک عددینی ایکی یوز اوتوزده تنزیل ایتدی ، بو صورتله شهرلردن انتخاب اولنان مبعوثلرک نسبتی ده تناقص ایددی [۱۸۹۴] . بوندن صکره ، (نوروج) ایله ظهور ایدن اختلاف ، حیات سیاسییه حکم ایتدی .

جناح ، بو مصارفی هیچ بر دشمن طرفدن تهدید ایدلین بر مملکت ایچون فائده سز کوره رک رد ایدیور ؛ اردونک (اسویچره) اصولنده ، یعنی ملی عسکر شکلنده اصلاح و لنسنی ایستیوردی .

هیئت وکلا ایله ایکنجی مجلس آره سنده کی مناسبات قواعد مشروطیته موافق بر صورتده تنظیم ایدلمشدی ، قرال اصول مشورتی تطبیق ایتمدی ؛ وکلاسنی اکثریت خارجنده انتخاب ایتمکده دوام ایلدی . مجلس مبعوثان حکومته قارشی جبر و تضییق ایچون هیچ بر واسطه یه مالک اولمדיغندن هیئت وکلایی ایستدیکی کی اجرا آته سوق ایده میور ؛ یالکز مجلسه تودیع اولنان لایحه لری رد ایده بیلوردی .

اختلاف ، ۱۸۷۱ ده ، نسبیقات عسکر یه دن طولایی باشلادی ؛ صول جناح ، اصول قدیمه عسکر به نک الفاسنی طلب ایدیوردی ؛ حکومتک تنظیم ایتمدیکی لایحه قانونیه برنجی مجلس طرفندن قبول ایدلدیکی حالده ایکنجی مجلسجه رد اولدی [۷۹ رایه قارشی ۱۰۵ رای ایله] .

هیئت وکلا ، زادکاندن مرکب و حکومت طرفداری اولان برنجی مجلس سایه سنده (دیت) ده اکثریتی محافظه ایدیوردی [هرایکی مجلس برلشهرک عینی زمانده رای ویرردی] . فقط ۱۸۷۵ دن اعتباراً صول جناح (دیت) مجلسنده احراز اکثریت ایتدی [۱۴۱ رایه قارشی ۱۵۵ رای ایله] . هیئت وکلا قانونلری تودیع و (دیت) مجلسی ده بونلری رد ایتمکده دوام ایلدی ؛ اردونک تدمیقی مسئله سی بر نتیجه یه منجر اولدی . لکن اختلاف دیگر (اسقاندیناریا) مملکتلرنده اولدینی درجه ده کسب شدت ایتمدی . قرال کویلیلر فرقه سنک قسم معتدلی رؤسائی هیئت وکلایه داخل ایتدی .

بعده فرقه لری صورت تصنیفی دیکشیدی . شهرلرده ، کویلیلر فرقه سندن دهامفرط ، دها اساسلی اصلاحات طرفداری اولان یکی برحاکیت عامه فرقه سی تشکل ایتدی . ۱۸۸۴ ده فرقه محافظه کار (استقهولم) ده کی طرفدارلینی غائب ایلدی . عینی زمانده کمرک اصولی مسئله سی قدیم فرقه لریک طاغیل مسنه سبب اولدی . حبوبات فیائی پک چوق نزل ایتدیکندن ۱۸۸۰ سنه سنه طوغری تشکل ایدن بر فرقه حبوباتدن آلنان کمرک رسمنک تزیدینی طلب ایتدی . سرستی مبادله طرفداری اولان هیئت وکلا پک چوق زمان مقاومت ایلدی . ۱۸۸۶ دن اعتباراً اصول حمایه طرفدارلری ایکنجی مجلسنده ضعیف بر اکثریت قزاندیلر ، فقط بوا اکثریت برنجی مجلسک سرستی مبادله طرفداری

راضی اولدیلر [زادگان ، ۲۹۴ رأیه مقابل ۳۶۱ رأی ویردی] . بولایجه ، اصلاحات اساسیهیی متضمن ایدی . صنوف اربعه دن مرکب اولوب هر سینه غایت آز . مدت غیر منتظم بر صورتده اجتماع ایدن (دیت) مجلس قدیمی هر سینه درت آی اجتماع ایدر بر شورای دولت حاله افراغ ایدلدی . (دیت) ، ایکی مجلسدن مرکبیدی . « برنجی مجلس » زادگاه مخصوص ، ۳۰،۰۰۰ کشتی به بر اعضا اصابت ایتمک اوزره یکر می بش محاس محلیک وشهرلرک وکیللرندن مرکب ایدی ؛ بو مجلس اعضاسی انتخاب اولنه بیلیمک ایچون یوکسک برورکو اعطا ایتمکله مکلف اولدقلری کی تخصیصاتلری ده یوق ایدی . « ایکنجی مجلس » معین مقدار ویرکو ویرن منتخبلر طرفندن اوچ سینه ایچون انتخاب اولنان و تخصیصات آنان مبعوثلردن مرکبیدی . مبعوثلرک نسبتی کویلدرده ۴۰،۰۰۰ نفوسه قدر بهر قضایه بر ، شهرلرده ۱۰،۰۰۰ کشتی به کذا بر مبعوث اصابت ایددجک صورتده تعیین ایدلمشدی ، بو صورتله شهرلر ده ا ممتاز بر موقعه بولنیورلردی . هرا یکی مجلس عینی حقوق و صلاحته مالک اولوب قانون و بودجه تنظیم ایده بیلیرلردی . امور مالیه دن طولایی بر اختلاف ظهور ایدر سه ایکی مجلس برلشیر ، مجتمعاً رأی ویرر ، منازع فیه اولان مسئله اکثریت آرایله اولنوردی [بتون اسقاندیناویا مملکتلرنده عادت بویله در] .

سریره فرقلر . — دیگر (اسقاندیناویا) مملکتلرنده اولدینی کی (اسوچ) ده دخی فرقه لرک تشکیلی دیگر (اورویا) ممالکنه نظراً بسبتون بشقه درلو ایدی . سرای ایله مأمورین حکومتک تحت نفوذنده بولنسان شهرلرده زادگاندن مرکب بر فرقه محافظه کار [صاغ جناح] تشکیلی ایتدی ، که قرال طرفندن انتخاب اولان هیئت وکلایی التزام و مدافعه یه حاضر ایدی . هیئت وکلانک اجرا آتی علمینده رأی ویرن حاکمیت عامه فرقه سی [صول جناح] اختلافات و منازعات سیاسی نتیجه سنده تشکیلی ایتمشدی . صاغ جناح « افکار منوره فرقه سی » نامی آلمشدی ؛ افکار منوره محاسبندن مرکبیدی ؛ صول جناح ایسه بالخاصه کویلدلردن مرکب اولوب « طاغلیلر فرقه سی » نامیله یاد اولنیوردی . دیگر (اسقاندیناویا) مملکتلرنده اولدینی کی ، اختلاف ، بودجه نك مصارف قسمندن ، بالخاصه مصارف حریبه و بحریه دن نشأت ایدیوردی . قرال ایله هیئت وکلا ، (اسوچ) ک من القدییم بر حکومت عسکریه اولدبغنی نظر دفته آلهرق ، احتمال که آلمان حکومتلرنی تقلید ایلیه رک اردویی (پرویه) اصولنده اصلاح ایتمک ، دائمی و قوتلی بر اردو وجوده کتیریمک ، دونما تأسیسی ایچونده مصارف عظیمه اختیار ایلمک ایستورلردی . هر شیدن اول تصرف آرزوسنده بولنان صول

هر نظارتك امورى او نظارتك رئيسى طرفندن تدقيق اولندقدن صكره هيئت وكلاجه رويت اولنوردى ؛ قرال كافه مقررآتى امضا ايدر ، فقط امور عسكرىه مستثنا اولمق اوزره عائد اولدينى ناظر كده امضاسى بولنوردى .

بعده حریت مذهب قاعدهسى وضع اولندی . صنف روحانى به منسوب اولمیانلرك جمعيات مذهبيه تأسيس ايده ميه جكلرينه دائر اولان ۱۸۲۶ امرنهمهسى ۱۸۵۸ سنه سنده فسح ايدلى . مذهب مختلفه نك سر بسججه اجراسنه مساعده اولندی ؛ پروتستان مذهبه سالك اولمیانلرك حكومت مأموريتلرينه قبول ايدله جكلرينه دائر اولان قانون دخى قالدردى . (پروتستان) مجلس روحانى نك و محكمه عاليه نك مخالفتنه رغماً (پروتستان) اولمیانلرك دخى كندى مذهبلى نشر و تعميمه صلاحيتدار اوله بيله جكلرينه دائر بقانون قبول ايدلى . اوزمانه قدر آجق درت شهرده اقامتلىنه مساعده ايديان موسويلره بتون قراللق داخلنده اقامتلىرى ايجون مساعده و برلدى ، [۱۸۷۳] .

اصول انتخاب تعديل ايدلمديكندن (ديت) مجلسى مبعوثلرينك عددى ايله مملكتك احوال و احتياجات حقيقهسى آره سنده بيوك برنسبتسزلك موجود ايدى . ۱۸۵۸ سنه سنده بايلان برحسابه نظراً ۵۳۷ مليون ريقسدال [۱] تروتى اولان ۳,۶۰۰,۰۰۰ نفوسدن ۲۴۵ مليون (ريقسدال) صاحبي اولان ۱,۱۹۴,۰۰۰ كشى حق انتخابدن محرومدى ؛ مبعوثلرك منسوب اولدقلى صنفلره كوردرأى و برملرى سايه سنده ۵۲ مليون (ريقسدال) ه مالك ۲۷۰,۰۰۰ كشينك ۳۴۰ مليون (ريقسدال) صاحبي اولان ۲,۰۴۷۸,۰۰۰ كشينك رأى حكمنز برافسى ممكندى .

اك مهم اصلاحات ، (ديت) مجلسى حقنده كى تعديلات اولدى . « اصلاحات جمعيتى » ناميله تشكىل ايدن بر جمعيت ، اصلاحات ايجون مراجعتلرده ، تشبثلرده بولمغه باشلادى . ايكي صنف ، صنف متوسط اهالى ايله كويليلر ؛ بر اصلاحات لايحهسى تنظيمى قرالدىن استرحام ايتديلر ؛ ايكي صنف ممتاز ، زادكان ورهبان ، بولايجه علمنده رأى و ريديلر [۱۸۶۲] . قرال ، اصلاحات طرفدارلرينى التزام ايتدى . (لاندستينغ Landsting) دنيلن مجالس محليه نك اصلاحى ايله ايشه باشلاندى ؛ مقدار معين و بركو و برن كافه اهالى ، صنفلره تفريق ايدلمكسزين ، بومجلسلره اعضا انتخاب ايتك حقنه مالك اولدى . بعده حكومت (ديت) مجلسنك تماماً تعديل و اصلاحى متضمن بر لايحه تنظيم ايتدى [۱۸۶۳] .

نهایت ، ۱۸۶۵ سنه سنده [۲] ايكي صنف ممتاز قراللك تنظيم ايتديكى لايحهنى قبوله

[۱] ريقسدال rixdale ، ۲,۰۷۰ فرانك قيمتنده برسكدر .

[۲] يكي قانون اساسينك تاريخ قطعىسى ۱۸۶۶ در .

ایفایدن شورای دولتی، مجلس ملیسی، محکمه عالیسی، (قریستیانیا) ده پایختی، (دروننیم) ده بانقہسی واردی.

بوندن صکره یکدیگردن آیری اوچ (اسقاندیناریا) حکومتی اولدی. (نوروج) ک حکمداری اسوچ قرالی، لسانی دانیمارقه لسانی ایدی. بو حکومتارک اوچی ده پروتستان مذهبنده ایدی. اوچی ده اون طقوزنجی عصرده ترقیات اقتصادی، سیاسی و ادبیه نائل اولمشار، اوچی ده حریت مذاہب قاعدہسنی قبول ایلمشاردی. تکامل سیاسیاری یکدیگریک عینی اولمقلاہ برابر تفرعاتنه کسب وقوف ایچون اوچ مملکتک تاریخی آیری آیری دقیق ایتمک ایجاب ایدر.

اسوچ

اسوچ قانونه اساسینک تبری . — (اسوچ) هیئت اجتماعیسی اون طقوزنجی عصره قدر زادکانک تحت حکمنده اولمشدی. (اسقانیایا Scaie) دنیلن جنوب حوانیسی املاک جسیمه اصحابی النده ایدی؛ طوپراغی اودرجه منبت اولمان حوانی سائرده کویلی، بالقجی، معدنجی اولان اهالی طاغینیق برحاده بولیوردی، بورالرده شهریک آزایدی. سرای، زادکان، ضابطان، مأمورین، (پروتستان) هیئت روحانیسی ملتک فعال قسمتی تشکیل ایتمکده و صنوف سائرہ اهالی به تحکم ایلمکده ایدی؛ حیات سیاسیہ، آنجق (استقہولم) ده، قرالک سراینده مشہود اولیوردی.

(اسوچ)، مؤسسات و موضوعات قدیمه سنک کافہسنی محافظه ایتمشدی: هیئت وکلا مقسامنه قائم اولان شورای دولت، — زادکان، هیئت رهبان، صنف متوسط، کویلیلر نامیلہ درت صنفه آیریلان و ہر صنف آیری آیری رأی ویرن (دیت) مجلسی، — (پروتستان) مذهبیک دین رسمی حکومت عد اولنہرق دیگر ہر مذهب مراسمک ممنوعیتی، — اراضیدن انسان برویرکو ایلم مصارف دائمہسی تأمین اولنسان اردو. ۱۸۰۹ تاریخندن بری قرال، مشترکاً مسئول ایکی ناظر، درت مستشار، برباش وکیل، آلتی اعضادن مرکب اولان شورای دولتک قراری لاحق اولدقجہ هیچ برایش یاپہماز؛ حکومت آنجق (دیت) مجلسنک موافقتیلہ قانون تنظیم ایده بیلیردی.

ایلمک اصلاحات، شکل حکومتہ عائد اولدی. ۱۸۴۰دہ شورای دولت امور خارجیہ، مدافعہ ملیہ، بحریہ، عدلیہ، داخلیہ، مالیہ، مذاہب نامیلہ یدی نظارتہ منقسم اولمق و ہربری برناظر طرفسندن اداره ایلمک اوزرہ هیئت وکلا حالہ افراغ ایلدی.

ادیاتندن بشقه برادیاتلری اولیان نوروچلیلر آیری برملت اولدقلرینی حس ایتمه مشلر ایدی . (نوروج) وطنپرور فرقهسی آنجق ۱۸۱۰ سنه سنده میدانه چیققدی ، «نوروج منافع عمومی جمعیتی» نامیله بر جمعیت تأسیس ، بعدہ (نوروج) دارالفنونی ایچون اعانه جمع ایتدی [۱۸۱۱] .

حسیات ملیه پک جابوق توسع ایتدی ، (نوروج) ک (اسوچ) ه ترک ایدلدیکی خبر آلدینی زمان نوروچلیلر بونی قبول ایتمه مکه قرار ویردیلر . (دانیمارقه) قرالنک وکیلی صفتیله (نوروج) ی اداره ایدن (دانیمارقه) قرالی بوندن بالاستفاده کندیسینی (نوروج) قرالی اعلان ایتدیرمک ایستدی . فقط ، بدایه دوشوندیکی کبی ، حکمدار مطلق اوله جنی یرده — معلم (سوهردروپ Sverdrup) ک توصیهسی اوزرینه — آرای عمومی ملته مراجعت ایتدی . اولاً ، معتبران مملکتدن بر مجلس ، بعدہ اهالیجه منتخب مبعوثان ایله مأموریندن اوله رق ۱۱۲ کشیدن مرکب بر (دیت) مجلسی جمع ایلدی . (دیت) مجلسی (نوروج) تاجنک ، دانیمارفه قرالنک ترک ایتسی اوزرینه ، ملته رجوع ایتدیکنه قرار ویردی و پرنس (قریستیان فرهدریق) ی قرال انتخاب ایتدی [۱۷ مایس ۱۸۱۴] . بعدہ ۱۷۹۱ سنهسی فرانسز قانون اساسیسنه مشابه و حاکمیت مایه اساسنه موافق رقانون اساسی قبول ایلدی ، که شورای امت حکومت طرفندن طاغیدیله بیان بر مجلس مبعوثاندن عبارت اوله جقدی .

(برنادوت) مملکتی آلمق ایچون کلدیکی زمان نوروچلیلره مملکتنک برقرال وکیلی طرفندن اداره سنی و برقانون اساسی اعطاسنی تکلیف ایتدی . نوروچلیلر جواب رد ویردیلر . محاربه باشلادی ؛ اسوچلیلر رجعته مجبور اولدیلر . فقط (نوروج) ک اوروپا دول معظمه سنک امر قطعیسنه مخالفت ایتسی غیر ممکندی . بناءً علیه (قریستیان) ملت وکیللری مجلسنی عقد اجتماعه دعوت ایلهرک کندیسنک حکومتدن فراغت ایلدیکنی بیان ایتدی و بونی مجلسه قبول ایتدیردی . مع مافیه مجلس (اسوچ) قرالنه تابع اولدینی زمان حاکمیت عامه قاعده سنی محافظه ایتدی ؛ اون اوچنچی (شارل) ی ، ۱۸۱۴ قانون اساسیسنی طامیق شرطیله ، (نوروج) قرالی «انتخاب» ایلدی .

(اسوچ) حکومتیله عقد اولنان برمقارله نامه ایکی مملکت آره سنده کی مناسباتی تعیین وتنظیم ایتدی [۱۸۱۵] . امور حربیه و سیاسیه کبی کافه مناسبات خارجه ایچون (اسوچ) و (نوروج) ک مشترک بر حکمداری بولنه جقدی ؛ فقط نیکی ملتک هربری کندی قانون اساسیسنی ، حکومتی محافظه ایدیوردی ؛ (نوروج) ک هیئت وکلا وظیفه سنی

اون سکزیجی باب

اسقاندیناویا مملکتی

اسقاندیناویا حکومتی تکی . — (اسقاندیناویا) مملکتی ، (اسوچ) ، (نوروچ) ، (دانیمارقه) ، قرون وسطی اوائلنده تشکل ایتمش اوج حکومت قدیمه در ؛ ممالک مذکورده مقیم اوج قوم منشأری ، لسانلری ، مذهبلری ، شرائط حیاتیلری نقطه نظرندن بربرلرینه بکزرلر ؛ اوچی ده عینی دوره تکاملی کجیرمش اولدفلرندن اون طقوزنجی عصرده کی تاریخلری ده یکدیگره مشاهدیر .

اوج مملکتک احوال سیاسیسی (ناپولئون) ک محارباتی ایله قارمه قاریشبق اولمشدی . (اسویجره) ، (بهینی یا) ، (ایٹالیا) ، (ایبریا شبه جزیره سی) و (آلمانیا) ده اولدینی کبی (اسقاندیناویا) ده دخی حیات سیاسی فرانسه ک مداخله سیله باشلامشدی .

برنجی (ناپولئون) ک روسیه (جاری) ایله اتقاقی زماننده اسوچلیلر روسیره مغلوب اولمشلر ، (فنلاندیا) غراندوقلغی روسیه به ترک ایتمشلردی . قرالری ک اقتدار سزلغندن حد تلندیلر ، عصیان ایتمدیلر ، قراله برنوع قانون اساسی [۱۸۰۹] شکل حکومت قانونی [قبول ایتمدیلر ؛ بقانون اساسی حکومت مطلقه برینه بر حکومت خواص وجوده کتیردی .

(پومهرانیا) نک اسوچه عائد قسمی اشغاله مأمور اولان (برنادوت Bernadotte) اسمنده برفرانسز قوماندانی (اسوچ) زادکانی ایله اوزلاشیر ؛ قرالک اوغلی اولمدیغندن فرانسز قوماندانی ولی عهد اتخاذا ایدر ؛ (برنادوت) ولی عهد اولنجه قرالک برینه اداره حکومته باشلار و (ناپولئون) علیهنده کی (روسیه — انکلتره) اتقاقه داخل اولور . — (دانیمارقه) و (نوروچ) قرالقلری ک حکمدار مطلق اولان (دانیمارقه) قرالی (ناپولئون) ک متفقی قالیر ، متفقلر (برنادوت) و (نوروچ) قطع سنی و عهد ایدرلر . — (ناپولئون) ک هزیمتندن صکره (دانیمارقه) قرالی (نوروچ) ی (اسوچ) قرالنه ترکه مجبور اولور [کیل مصالحه سی ، کانون ثانی ۱۸۱۴] وکندیسنه (دانیمارقه) ایله (شلزوینغ — هولشتاین) دوقه لقلری قالیر .

درت عصردن بری (دانیمارقه) نک برولایت بیده سی اولان (نوروچ) حیات سیاسیهدن محروم قالمشدی . (دانووا Danois) لسانیه تکلم ایدن و (دانووا)

احرارینی کندی طرفه جلب ایلدی و لیلیر طرفدن اداره اولنان حاکمیت عامه علیهداری فرقلرک اتحادینه استناداً اداره حکومته دوام ایتدی .

تعریف مؤلفات

بو بابه عائد آثار ایچون اون اوچنجی بابک تعریف مؤلفاتنه ده مراجعت ایدلیلدره . شورای امت ضبطنامه لری و قوانین مجموعه لری ایچون آثار مخصوصه یه مراجعت ایدیله بیله جکی کبی و نائق و وقایع مهمه (شولتس Schulthess) طرفندن ۱۸۶۰ تاریخندن بری هر سنه برجله اوله رق نشر ایدیلن (Europäischer Geschichtskalender) نامنده کی اوروپا سالنامه تاریخیسنده بونور ، بوئرک اوستریا - مجارستان قسمی بالخاصه مفصل ایسه ده (اسلاو) لر ایله (مجار) لر علیهنه در .

فرقلرک سیاستلری ایچون مختلف رسائل موقوته ده معلومات واردر . هیئت عمومیه نیک تاریخی ایچون اون اوچنجی بابده تعداد ایدیلن اثرلردن ماعدا (آیزه نمان Eisenmann) ک (۱۸۶۷ اوستریا - مجارستان ائتلافنامه سی) عنوانلی اثری شایان ذکر در .



اوستریا — مجارستانک اردہ طفوزنجی عصرده کی نظام سیاسی. — (اوستریا) غیر متجانس عناصردن مرکب مختلف ملتردن متشکل اولوب بونلرک کافه سی بر حکومت مطلقه خواصه تابع ایدی . حکومت ، وحدت سیاسی بی محافظه ایدیور و مخالفت ملیه بی، مجارستانده (دیت) مجلسنک بعض مطالباتی ، دیگر مملکتلرده ایسه اهمیتسز اعتراضات درجه سنه ایندیریوردی . فقط ، بر حکومت قرطاسیبه ده قابل تطبیق اولان ، بو اصول اداره اعتراضات ملیه مالک مبعوثان مجلسلریله تألیف ایدیله مزدی ؛ بناءً علیه مجالس ملیه نك تشکیلی متعاقب طرز قدیم حکومتی ادامه ایتمک ممکن اوله مدی . — ۱۸۴۸ انقلابی ملل مختلفه آرسنده کی ضدیت و اختلافی بردن بره ، اولانجه شدتیه میدانه چیقاردی ؛ حکومتک ایکی ملت حاکمه ، یعنی آلمانلر ایله مجارلر آرسنده تقسیمی اصولی قبول ایدلدی . فقط هر ایکی حکومت حاکمیت عامه قاعده سنه موافق اصول مشورتی التزام ایتمدیکندن حکومت ، تبعه حالنده قالان (اسلاو) ملترلرینک معاونتیه ایکیسینده ازدی ؛ مغلوب ایتمدی . مطلقیت اداره بی یکیدن تأسیس و بونی نفوذ ره بان ایله تقویه ایلدی . ۱۸۵۹ و ۱۸۶۶ هزیمت عسکریه لری ایله بحران مالی آلمان حکومتک اداره مشروطه احرارانه بی قبول ایتمسنه سبب اولدی . اولاً ، بتون ایمپراطورلنک وحدتی محافظه یه چالیشدی ، بده (مجار) ملتک مقاومت متحده سی قارشیسنده رجعت ایدرک (سن اتین) تاجنه عائد بتون مملکتلری مجارلره ترک ایتدی . بومملکتلرده ، بدرجه یه قدر زادگانک نفوذینه تابع بر مجار حکومت مشروطه احرارانه سی تشکل ایتدی که کوچک ملتره تحکم ایده جک قدر قوتی اولمقله برابر (خروات) ملتک حکومت مخاره حالنده تشکله مساعده ایتمک مجبور اولدی .

آلمان حکومتی ، ایمپراطورلنک دیگر مملکتلری ایله متحد بر اداره مشروطه تأسیسنه چالیشدی . آلمانلره و املاک جسمه اصحابنه مساعد بر اصول انتخاب سایه سنده ، گاه آلمان احرارینی زادگان ایله [۱۸۶۷-۷۸] ، گاه آلمان زادگان (اسلاو) ملترلرینک زادگان ایله [۱۸۷۹-۹۳] اتحاد ایتدیره رک بو اصول اداره بی موقع تطبیقه وضعه موفق اولدی . فقط (اسلاو) و (آلمان) زادگانک اتحادی ایچون نفوذ ره باندن عاری اولان اصول اداره احرارانه نك ، آلمان لساننک من قدیم حائر اولدینی تفویض بر قسمنی فدایه مجبور اولدی ؛ (اوستریا) نك زادگان وره بانک حکومتلری زماننده کی طرز قدیمه طوغری کر یلمسنه مساعده ایتدی . بده یکی بر حاکمیت عامه فرقه سی چهلرک حسیات ملیه سنی تحریک ایدرک بتون (چه) ملتی اوزرنده بیوک بر نفوذ قزاندی ، حکومت حاکمیت عامه فکرینک ترقیسندن تلاش ایتدی ، (چه) فرقه سنی غائب ایلمسنه مقابل آلمان فرقه

(پروتستان) هیئت روحانیہ سی (اسلواک) مملکتتہ (اسلاو) تحریکاتہ اشتراک ایلمہ ماری ایچون رهبان ومعلمینہ اوامر شدیدہ ویردیلر [۱۸۸۴] .

جنوبدہ کی صربیلر آرہسندہ (اوملادینا Omladina) نامندہ بر جمعیت خفیہ طرفدن اداره اولنان کوچک برفرقہ ۱۸۷۲ تاریخندن بری بتون صربیلری صربستان حکومتہ الحاق ایلمہ اتحادی وجودہ کتیرمکہ چالیشوردی . ملتک اکثریتی حاز اولان فرقہ ملیہ ایسہ مختاریت اداره طلیبہ اکتفا ایدیوردی . ۱۷۹۰ ، ۱۸۴۸ ، ۱۸۶۸ تاریخلرندہ صربیلرک متروپولیدلرینی انتخابہ وکلیدساری ایلمہ مکتبلرینہ عائد اموروی رؤیتہ صلاحیتدار اولدقلری تصدیق ایدلمش اولدیغندن فرقہ ملیہ ۱۸۸۴ دە بو حقوق اعادہ سنی طلب ایدرک مجار حکومتی پروتستوایتدی . — خرواٹستاندہ بولنان صربیلرک خرواٹلردن فرقلری یالکز مذهبلی [اررتودوقس] و یازیلری [اسلاوون] جهتہ ایدی ؛ بورادہ « حدود عسکریہ » ولایتک الحاقدن صکرہ تشکیل ایدن « خرواٹستان مستقل صرب فرقه سی » . (اسلاو) و (لاتین) یازیلرینک مساواتی و مکتب قانوننک تعدیلنی طلب ایلدی [۱۸۸۷] .

اصول انتخابدن طولانی همان هیچ مبعوث انتخاب ایدہ مین (رومن) لریک چوق زمان یالکز اعتراض ایلمہ اکتفا ایلمشوردی . ۱۸۸۱ دن اعتباراً (ترانسیلوانیا) ایچون آیری بر حکومت طلب ایتمکہ باشلادیلر . نہایت ، یعنی ۱۸۹۲ سنہ سندنہ ، (ویانہ) یہ ، ایمپراطورہ بر هیئت مبعوثہ کوندرہ رک برخطرہ تقدیم ایلدیلر . مجار حکومتی هیئت مبعوثہ نیک مجارستان قرالہ مراجعت ایدہ چیکی برده اوستریا ایمپراطورینہ مراجعت ایلمسنی جرم عد ایدرک رؤسای حبس ایتدی [۱۸۹۵] . رومانیا دہ کی فرقہ اتحادیہ ایلمہ مناسباندہ بولنان دیگر برفرقہ « رومانیا ایررہ داننا Romania irredenta » ، یعنی مجارستاندہ کی (رومن) لریک (رومانیا) قرالنی ایلمہ برلشملری فنکرندن بحث ایتمکہ باشلادی .

(صاقسون) لر ، (رومن) لریک تحریکات ملیہ لرینہ مقابل ، مجار لر ایلمہ برلشہ رک کسب قوت ایتدیلر [*] . بوکا مقابل کوچک ملتیر (مجار) لریک علیہنہ اتفاقہ چالیشدیلر . (رومن) لر ، (اسلواک) لر و (صرب) لردن مرکب برفرقہ قرالنگ تمامی ملکہ سی محافظہ ایدلمک شرطیلہ مختاریت ملیہ نیک مدافعہ سی ایچون براتفاق تشکیلی قرار کیر اولدی [۱۸۹۵] .

[*] موسویلر علیہندہ کی تحریکات اختلافات و منازعات ملیہ یہ عطف اولنہ بیلیر . موسوی عاہدارانی اک زیادہ ، برکنج قیزی کویا مذهبلی مقتضاسی قتل ایتمکہ اتهام اولنان موسویلرک دعوالری اثناسندنہ (۱۸۸۲ - ۸۳) ، برده موسوی علیہداری برفرقہ نیک تشکیلی زمانندہ (دیت مجلسندہ برفرقہ دن ۱۷ اعضا واردی) کسب شدت ایتدی . — اشتراکیونک تحریکاتی بایتخنہ منحصر قالدیغندن اهمیت سیاسیہ کسب ایدہ مہمشدر .

قرالنی تشکیلی تصوری الہ آدی. (آغرام) دیت مجلسی (دالماجیا) ایله (بوسنه) نک اتحادینی طلب ایچون ایمپراطوره برعریضه تقدیمه قرار ویردی [۱۸۷۸]. مجارستان ایله منعقد ائتلافنامه نک تجدیدی صرہ سنده «حدود عسکریه» ولایتک (خروانستان) ہ الحاقی طلب ایتدی. (خروات) عسکرلرله مسکون اولوب اداره لخصویہ سنک الغاسی زمانندن بری [۱۸۶۶] موقت برحالدہ قالان بوولایت نہایت (خروانستان) ہ الحاق ایدلدی. (آغرام) دیت مجلسنہ مبعوث کوندردی. (دیت) مجلسی (فیوم) لیمانی دہ ایستدی [۱۸۸۱]، فقط مجارستان (فیوم) دہ کی حکومت موقہ بی محافظہ ایلدی.

بوسورتله توسیع ایدن (خروانستان)، مجار حکومتہ قارشی شدتلی برمخالفت ملیہ دہ بولندی، کورولتیلی نمایشلرہ دوام ایتدی. ہیئت وکلا طرفداری اولان فرقه ملیہ دن آیری اوله رق تشکل ایدن فرقه مفراطہ اتحاد شخصی پی طلب ایدیوردی. - ۱۸۸۳ دہ مجار مالیه ناظری (آغرام) اداره ملیہ بی بناسی اوزرینہ ایکی لسان ایله، مجارجه وخرواتجہ، کلمانی حاوی برآرمہ وضع ایتدیرمشدی. اہالی بونی یرندن قالدیردی، (بان)، یعنی والی تکرار یرینہ قویدیرمقدن امتناع ایتدی. مجار حکومتی آرمہ پی یرینہ وضع ایتدیرمک ایچون عسکر کوندردی، والی پی تبدیل و (دیت) مجلسنک اجتماعی تأخیر ایلدی؛ بعدہ اوزرنده یازی بولنمیان آرمہ وضعنہ موافقتہ مجبور اولدی [۱۸۱۳]. فقط (خروات) لرک تحریکات وطنپرورانه لری ۱۸۸۴ دہ اودرجه کسب شدت ایتدی کہ فرقه مفراطہ مبعوثلرینک عددی ارن یدیدن یکرمی درده چیقدی. - مجار حکومتی (آغرام) خزینہ اوراقده کی محررات ووثائق رسمیه پی (بوداپشتہ) یه نقل ایتدیردی [۱۸۸۵]، بوندن طولایی (دیت) مجلسندہ شدتلی مناقشلر وقوعہ کلدی، فرقه مفراطہ دن ایکی مبعوث حبسہ محکوم اولدی. (مجارستان) ایله موجود اولان اتحادی محافظہ ایتمک ایستین، حکومت طرفداری اکثریت (بیوک خروانستان) فرقه سنی حکمسز براقہ جق درجہ دہ قوتلی ایدی، فقط تحریکاتہ نمایشلر ایله دوام ایدلدی: ایمپراطورک (آغرام) ی زیارتندہ دارالفنون طلبہ سی برمجار باراغنی علناً یاقدیلر [۱۸۹۵].

تشکلات سیاسیہ دن محروم اولان دیگر ملتہر آنجق اعتراضلر، پروتستولر ایله اجرایی تحریکات ایدہ بیلیورلردی. شمال غریبہ کی (اسلواک) لر عینی لسان ایله متکلم قومشولری اولان (بوهمیا) و (موراویا) چہلریله برلشمکہ تشبث ایتدیلر. مجار حکومتی ایله

[بیوک شهرلرده طوغریدن طوغری به ، دیگر محللرده بالواسطه] ۸۲ مبعوثلق مقامی دها احداث ایلدی .

۱۸۷۸ سنلده صکره مجارستانده افتخارات سیاسیة . - (مجارستان) ده هیئت وکلا طرفاری اولان فرقه احرار اداره حکومت ایچون کافی بر اکثریتی محافظه ایتدی . مکتبلی مجارلاشدیرمقده دوام ایدن و - اصلا عجله ایتیه رک - بعض اصلاحاتی موقع اجرا به وضع ایلدی . اعیان مجلسی اعضاسنک متداری تنقیص [۱۸۸۶] ؛ مجلس مبعوثانک دوره اجتماعیسی اوچ سنلدهن بش سنه به ابلاغ ایلدی [صول جناح طرفندن حق انتخابک توسیعی و آرای خفییه اصولک قبولی حقننده واقع اولان اولان تکلیف قبول اولمندی] : حکومت شمندوفرلری اشترا وهر منطقه ایچون آیری بر تعرفه قبول ایتدی [۱۸۸۹] . اوستریا ایله منعقد اون سنلک استلافنامه ۱۸۸۸ - ۹۸ سنلری ایچون بلا مشکلات تجزید اولندی . مجارلر آره سنلده کی اختلافات و منازعات سیاسییه آراتق ایکنجی درجه ده مسائل اوزرینه ایدی . - صول جناح « قومیتات » لرك اصلاحنه مانع اوله رق [۱۸۹۱] وبالخاصه (قوشوت) ك لهنده بیوک نمایشلر اجرا ایتدیره رك [۱۸۸۰ و ۱۸۹۴] هیئت وکلا علمینده بولندی . صاغ جناح امور مذهبییه عائد اصلاحات مخالف ایتدی . نهایت هیئت وکلا نکاح مدنییی ، حریت مذاهبی ، موسویلرک مساوات حقوقنی قبول و تأمین ایچون قانونلر تنظیم و تکلیفنه قرار ویردی [۱۸۹۳] . مجلس مبعوثانده هم صول جناح ، همده هیئت وکلا فرقه سنجه قبول ایدیلن بوقانونلر - قرالک خفیاً موافقتی آلمش اولدقلری بیانیه - اعیان طرفندن رد اولندی . هیئت رهبان بتون مملکتده نکاح مدنی قانونی علمینده بر جریان افکار حصوله کتیر مکه چالیشمشدی . فقط هیئت وکلا قرالدن مساعده آلهرق اکثریتی تبدیل ایچون یکی اعیان تأمین ایتدکن صکره قانونی قبول ایتدیردی [۱۸۹۴] . - بویکی بحران ، رئیس وکلانک سقوطنه سبب اولدی . (قوشوت) لهنده کی تحریکات (تیچا) نك استعفاسنی [۱۸۹۰] و نکاح مدنی علمینده کی تحریکات دخی (وه کرله Wekerle) نك ریاست وکلادن چکیلمسنی [۱۸۹۴] انتاج ایتدی . [وه کرله نك خانی « بانفی Banffy » در] .

مجارلر ایله کوچك ملتله آره سنلده کی اختلاف دها شدتلی ایدی .

بالخاصه (خرواستان) ده فرقه ملیه ، خرواتبجه تکلم ایدیلن (بوسنه - هرسك) ولایتلرینک اشغالی مناسبتیله تحریکاته باشلادی و (مجارستان) دن مستقل اولوق وایمپراطورلغه یالکنز بر رابطه شخصیه ایله مربوط بولمق اوزره « بیوک خرواستان »

آیدن بری بر اقامتگاه صاحبی اولان و او قومق یازمق بیان هر کسه نشمیلنی تکلیف ایتدی ، که بوسایه ده منتخبلرک عددی بر بچق میلوندن درت بچق میلونه چقیوردی . محافظه کار و آلمان فرقه لری بولایحه علمینده اتحاد ایتدی لر . ایمرطور بونلر ایله ائتلاف حاصل ایدرک (ویندیشغراج) هیئت و کلاسنی تشکیل ایتدی [تشرین ثانی ۱۸۹۳] ؛ اوزمانه قدر (اوستریا) ده امثالی کورلمه مش درجه ده غیر متجانس فرقه لردن ، یعنی صول جناح ، احرار ، قاتولیک آلمان فرقه لریله (هوهن وارت) قلوبندن و روسیه یه دوست اولان کنج چهلرک علمیداری لهیلردن مرکب بر اتحاد ، هیئت وکلایی طوتیوردی . - هیئت وکلا ، انتخاب اصلاحاتی لهنده کی تحریکاتی تسکین ایچون آرای عمومیله ایله انتخاب ایدلمک اوزره ۴۳ مبعوثدن مرکب یکی بر صنف احداثی تکلیف ایتدی [۱۸۹۴] . فقط متحد فرقه لر صنف جدیدک صورت تشکیلی حقنده ائتلاف حصوله کتیره مدیلر ؛ اتحاد ، (ستیریا) ده بولنان بر (اسلووهن) مکتب اعدادیسنه ویریله جک تخصیصات مسئله سندن طولایی طاغیددی ، آلمان صول جناحی تخصیصاتی رد ایدرک اتحاددن چکیلدیکنی اعلان ایلدی ، بونک اوزرینه هیئت وکلاده استعفا سنی ویردی .

موقت بر هیئت وکلایی متعاقب [حزیران ۱۸۹۵] ، (باده نی Badeni) نک تحت ریاستنده دیگر بر هیئت وکلا تشکیل ایتدی [تشرین اول ۱۸۹۵] . یکی هیئت وکلا محافظه کار فرقه لر ایله (له) و (هوهن وارت) قلوبلردن ، احرار و قاتولیک ، فرقه لردن مرکب بر اتحاده استناد ایدیور و بر مسلک ائتلاف محافظه کارانه تعقیب ایلدیوردی ؛ آلمان ملتک مطالبات ملیه سنی و « موقع قدیم تاریخیسنی » ، « ترقیات فکریه سنی » نظر دقنه آله جفتی ، « نظام و انتظام اجتماعینک خلدلار اولسنی منع ایده جکنی ، کنج لرک حسییات و تربیه دینیله رینه اعتنا ایله جکنی » ده بیان ایدیوردی .

زادکان (له) فرقه سی حاکمیت عامه قاعده سنی قبول ایدن (چه) ملتیه قطع مناسبت ایتمشدی ، (اسلاو) اتحادندن چقه رق حاکمیت عامه علمینده بولنان آلمان فرقه لری اتحادینه داخل اولدی و بو اتحادی اداره یه باشلادی . رئیس وکلا (باده نی) ، (اوستریا - مجارستان) خارجییه ناظری (غولوخووسکی Goluchowsky) لهلی ایدی . اختلاف ، ایمرطورک التزام ایتدیکی زادکان فرقه لریله حاکمیت عامه فرق جدیده سی ، (بوهمیا) نک کنج چهلری ، (اوستریا) نک اشتراکیونی و موسوی علمیدارانی آرسنده ایدی . حکومت ، افکار عمومیله نک ترضیه یه ، اصول انتخابی ایتدی [۱۸۹۶] ؛ یکی قانون انتخاب صنوف قدیمه یه طوقونمق سزین آرای عمومیله اصولیه انتخاب اولنان

اردونک تنقیصنی ایستیوردی . پوروغرامی (رایخسرات) مجلسنده شدید المال نطقلر کورولتیلی نمایشر ایله مدافعه ایتدی ، تحریکات ملیه به دوام ایچون هر درلو وسائطه مراجعت ایلدی [۰]

عینی زمانده آلمان عنصریله مسکون شهرلر ایله مرکز صنایع اولان محللرده حاکمیت عامه فکریته میل ایدمکه باشلادی . - (آلمانیا) بی تقلیداً تشکیل ایدیلن [۱۸۸۸] « عمله حاکمیت عامه فرقه اجتماعیه سی » بیوک نمایشر ترتیب ایلیه جک درجهده قوتلنمشدی ؛ ۱ مایسده یومیه سکز ساعت چالیشلمسی لهنده شنلیکلر ترتیب [۱۸۹۰ - ۹۲] و آرای عمومیه اصولی ایچون استدعالت تنظیم ایتدی . - اهاالیسی کیتدکجه غیر متجانس برحاله کلن و اکثریتله آلمانلردن موسوی تجارندن ، (چه) عمله دن مرکب اولان (ویانه) ده انقلابروران ایله قاتولیکلرک اتحادی نتیجه سننده بر موسوی علیهداری فرقه سی تشکل ایتدی ، که نهایت الامر (ویانه) بلدیله مجلسنده و (آشاخی اوستریا) نک (لانتاخ) مجلسنده احراز اکثریت ایتدی . موسویلر علیهنده کی تحریکات ، مجلس مبعوثانده کی نطقلر ، غزته لرده کی مقاله لر ، سو قافلرده و قوعه کلن عر بده لر ایله برقاتدها ظاهره چیقدی .

آلمانلر ایله لریلیرک اتحادی وقانونه انتخابک اصدمی [۱۸۹۶] ۰ - ایمراتور حاکمیت عامه قواعدینی تأمین ایچون واقع اولان مطالباتی ایله سیاست داخله سنی ، آلمانیا اتفاق علیهنده کی نمایشر ایله ده سیاست خارجیه سنی تهدید ایدن بوانقلابرور فرقه لرک ترقیانتندن تلاش ایتدی . (تافه) هیئت وکلاسی تردد ایتدی ، اولاً آلمان صول جناح فرقه سیله [۱۸۹۲] ؛ بعده چهلر ایله [۱۸۹۳] مذاکرانده بولسدی ، (پراغ) شهرنده اداره عرفیه اعلان و (زوری) اصولیله سربستی مطبوعاتی الغا ونهایت قانون انتخابک اساسلی صورتده اصلاحنی متضمن بر لایحه تنظیم ایلدی . ۳۵۳ مبعوثان (۲۶۸) فی انتخاب ایدن شهرلر ایله ناجیه لرده حق انتخابک لا اقل آلتی

[*] ۱۸۹۴ ده : (غره غر) ، (بوهمیا) بی اوستریا حکومتی طرفندن صیقلمش بر لیونه بکزه تدی و (چه) لرک عادتاً کندیلرینی (بابل) اسارتنده ظن ایتدکلرینی ، بتون (اسلاو) قومنک (اوستریا) نک مرکزیت اصولنده بر جادینک قولری آره سننده قالمش کبی بوغولدیغنی سویلیدی . - ۱۷ تشرین ثانی ۱۸۹۲ نارینخنده : (مازاریق Masaryk) مملکتنک آلمانلاشدیرلمسی علیهنده اداره لسان ایتدی ؛ (مایر Mayer) آلمانلرک بوهمیا حکومتدن بحث اولنسنه ایمراتورلرغه اهانت نظریله باقدقلرینی جواباً بلدیردی ؛ (چه) و (اسلووه ن) مبعوثلرینک کورولتیلری اوزرینه مومی ایله سکوته مجبور اولدی .

رئیس (غره غر gregr) ، « اختیار چهار » كاك مشهور خطبی اولان « ریفر Rieger » ك : « حقوقی ، پارچه پارچه سفردنك آلتندن طوبلامغه مجوزز ، دیمش اولسنه اعتراض ایتدی . موضوع بحث اولان مسئله هیئت وكلا ایله ایمپراطور آرسنده کی ائتلاف ایدی . « اختیار چهار » ۱۸۶۷ قانون اساسیمی ایله اتفاق مثنی قبول ایدمجه (بوهیمیا) تاجنك استقلالدن ، (روسیه) ایله انفاقدن ، (آلمانیا) به قارشی مبارزه دن عبارت اولان قدیم ملی پروگرامی فدا ایتیش اولیورلردی . « کنج چهار » بو پروگرامه حاکمیت عامه قواعدینه موافق اولان کندی طلبلرینه علاوه ایدرک شدتلی اعتراضلره باشلادیلر ، بیوک اجتماعلر عقد ایتدیلر ، (فرانسه) و (روسیه) لهنده نمایشلر یابدیلر [°] ؛ بوتحریرکاتک نتیجه سنده برقاچ سنه [۱۸۸۷-۹۱] بوهیمیا شهرلریله کویلرنده اکثریتی احراز ایتدیلر . بوندن قورقان « اختیار چهار » بوهیمیا آلمانلرینی (لانتاخ) مجلسنه مبعوث کوندرمک ایچون اقناع ایتدیلر . بو باده بر مقاوله نامه عقد ایلدیلر (۱۸۹۰) ؛ فقط « اختیار چهار » ك برقسیمی ، « حقیقیون » نامی آنالری « کنج چهار » ك تحریکات ملبه سندن قورقورق بونی قبوله جسارت ایده مدیلر . ۱۸۹۱ سنه سنده (رایخسرات) ده « کنج چه » فرقه سنك ۳۶ مبعوثی واردی [اون ایچی قدر « اختیار چه » مبعوثنه مقابل] ، بو فرقه هم ملی ، هم ده سیاسی نقطه نظرندن انقلاب پرورانه عد اولنه جق بر پروگرام تنظیم ایتشدی : ملیت نقطه نظرندن (بوهیمیا) نك « چه » اداره سی آلتنده مستقل اولسنی ، (پراغ) ایله (ویانه) آرسنده مساوات نامه بولمینی ، شمعدو فرلرده عدم مرکزیت اصولنك تطبیق ایدلسنی ، سیاسیات نقطه نظرندن ده آرای عمومی اصولنی ، صنوف عمله نك مساواتنی ،

(*) ۱۸۸۷ ده : دارالفنون طلبه سی (غره غر) ك لهنده و (ریفر) ك علیه نده نمایشلر یابدیلر . ۲۰،۰۰۰ کشیدن سرکب بر اجتماعده (غره غر) زادگان ایله ره بانك اتفاق علیه نده اداره لسان ایدرک (چه) ملتنك ایچی لسانی بر ملت اولق ایسته مدیکنه ؛ (چه) لساننك السنه سائره به حاکم اولسنه و (بوهیمیا) حکم متنك حقوقندن واز یکیلیمه چکنه دائر برقرار اتخاذا ایدلی . — ۱۸۸۸ ده : کانون ثانی طرفنده (لانتاخ) مجلسنده شدتلی مناقشات وقوعه کلدی . صنوف اهالینك اشتراکیله عقد ایدیلن بر اجتماعده (چه) حکومتنك (چه) لسان رسمینی قبول ایتیش بر حکومت اولسنه ، قرالک (بوهیمیا) ده رسم توجنك اجرا ایدلسنه دائر بر پروگرام قبول اولندی . — ۱۸۸۸۹ ده : (پراغ) مطالعه قلوبی فرانسزله اولان محبتی اظهار ایچون (پارس) مأمورین مخصوصه کوندردی . دارالفنون طلبه سی جمعیتی « فرانسه به پرستش ایدرز » مآلنده بر تلغرافنامه یازدی . (کنج چهار) (ژان هوس) نامنك پراغ موزه سنه حك ایدلسنی تکلیف ایتدیلر ؛ (اختیار چهار) بونك قاتولیک کلیسا سنه حقارتی تضمن ایده چکنی سوبلیه رك راضی اولمدیلر . — ۱۸۹۲ ده : (نانس) شنکلرینه بر هیئت مبعوثه کوندردی .

محافظه کارلر انتخاب قانونی ده تعدیل ایتدیردیلر ، بو سایه ده منتخبلرک آشای صنفلرنده حق انتخابه نائلیت ایچون مشروط اولان ویرکو مقداری تنزیل ایدلدی ، قاتولیک فرقه سنه متمایل اولان و « بش فلوریننی آدملر » لقبیه یاد ایدیلن فقرا دخی صاحب رأی اولدی [۱۸۸۲] .

ایمپراطور ایله اتفاقدن طولانی هر دلرو مقاومتی غلبه ایدن بو اتحاد قارشیسنده ، آلمان احراری تعقیب اولنه حق مسلک خصوصنده تردد ایتدیلر . اول امرده ایکی قسمه آیرلیدیلر . « ترقیپروان قلوبی » ، قانون علمینده کی مجادلاته یالکیز بر اقیلمسندن نمون اولمدینی ایچون ، احرار اتحادندن آیرلدی [۱۸۷۹] . بعده ، ۱۸۸۱ سنه سنده ، « متحدصول جناح » حالنده برلشهرک ملی آلمان فرقه سی حالی آلدی . « بتون اوستریا آلمانلرینک اتحادینی تأمین » چالیشدی . بعده بوصول جناح « آلمان قلوبی » و « آلمان - اوستریالی قلوبی » نامیله ایکی یه انقسام ایتدی [۱۸۸۷] . ذاتاً صول جناح (رایخسرات) مجلسنک هر انتخابنده دنی ایتدی . (ده له غاسیون) مجلسنده اکثریتی غائب ایلدی [۱۸۸۲] . ۱۸۸۵ ده اعضاسی ۱۳۲ ایکن ۱۸۹۱ ده (۱۱۰) . ایتدی . - آلمان فرقه سنک تحکم ایتدیکی مجلس اعیان مکتب قانونی رد ایتدی ؛ فقط هیئت وکلایکی اعضا تعیین ایتک صورتیله اکثریتی تأمین ایلهرک قانونی قبول ایتدی .

(رایخسرات) خارجنده ، فرقه اشتراکیون ، اولاً بحران تجاری پی تعقیب ایدن ایشمزک ؛ بعده اشتراکیون ایله « آنارشیزت » لر آراسنده وقوعه کلن منازعات حسیدیه پک چوق زمان فعالیت سیاسی سنی غائب ایتدی ، بالخاصه (اسلاو) لر آره سنده ظهور ایدن « آنارشیزت » لر سوء قصدلر ترتیب ایدرک اورته لغه القای خوف ودهشت ایلمک چالیشدیلر [۱۸۸۲ - ۸۳] . حکومت اداره عرفیه اعلانی ، مستننا قانونلر وضعی ایله مقابله ایلدی [۱۸۸۴ - ۸۵]

(تافه) هیئت وکلانی موقع اقتدارده طوتان « فده رالیست » اتحادی (چه) ماتنک حاکمیت عامه فکرینه طوغری تکاملی اوزرینه طاغیلدی . ۱۸۶۷ ده تشکل ایدن « کنج چهار » حاکمیت فرقه سی « اختیار چهار » ک مسلککرینه مخالف اولان سیاسی پروگرامنی اوتهدن بری محافظه ایتشدی ؛ پروگرامک مواد اساسی سی آرای عمومی اصولی ، سربستی ، مطبوعات و اجتماع ایدی . فقط بوفرقه « اختیار چهار » ک فرقه زادکانی ایله متفق اولان آلمانر علمینده حرکت ایتمک راضی اولمشدی . ۱۸۸۷ ده مسئله ملیه دن طولانی ایکی (چه) فرقه سی آره سنده کی مناسبات منقطع اولدی . « کنج چهار »

[کانون ثانی ۱۸۷۸] . — هیئت وکلا فرقه‌سی اولان « فهدرالیست » اتحادی ، (اسلاو) ملتیری وقتولیک هیئت ره‌بانیه‌سی لهنده مساعدات استحصالی ایچون حکومتک معاونتدن بالاستفاده ۱۸۶۹ قانون اساسینی قبول ایتدی . ملیت طرفداری زادگان ایله هیئت ره‌بان بطی ، فقط متمادی صورتده اجرای تاثیر ایدرک آلمان مأمورلری و سیویلر علیه تزییر نفوذده موفق اولدیلر .

« اختیارلر » و « کنجیلر » نامیله یاد اولنان ایکی (چه) فرقه‌سی آلمانلر علیه‌نده اتفاق ایدرک (پراغ) دارالفنونک بری آلمان ، دیکری (چه) دارالفنونی اولمق اوزره ایکی‌به تفریقنی قبول ایتدیلر [۱۸۸۲] ؛ بعده مأمورین حکومتک اصحاب مصالحه ایراد سؤال ایلدکری لسان ایله ، یعنی یا آلمانجه ، یا خود (چه) جه جواب ویرمهک مجبور اولدولرینه دائر عدلیه نظری (پراچاق Prazak) دن بر امرنامه استحصال ایلدیلر [۱۸۸۸] ؛ بو تدبیر (چه) لسانه واقف اولمیان آلمان مأمورلرینک تبدیلی ایچون بر واسطه‌دن عبارتدی . (بوهیا) ، بتوک ایمپراطورلق ولایاتی آره‌سنده اک زیاده تحریکاته معروض اولان بر مملکت ایدی ؛ (چه) لر نمایش اجراسندن خالی قالمورلر ، (پراغ) ده (چه) و آلمان دارالفنون طلبه‌سی آره‌سنده عریده‌لر ظهور ایدیور ، ۱۸۸۳ دن اعتباراً (چه) لرک احراز اکثریت ایتدکری (لانتاخ) مجلسنده مکتبلر ایچون منازعات اکسیک اولموردی . (چه) لرک اکثریتی قارشیسنده نفوذلرینی غائب ایدن آلمانلر (بوهیا) نک هربری کندی لسانه ملک اولمق اوزره ایکی ملته تفریقنی ایسته‌دیلر ؛ بعده (چه) لرک مسلک قدیملرینی قبول ایدرک (لانتاخ) مجلسنه مبعوث کوندرمکدن استنکاف ایتدیلر .

(له) زادگان فرقه‌سی (غالیچیا) ده ذاتاً صاحب حکم و نفوذ ایدی ؛ ۱۸۷۷ دن بری (لانتاخ) مجلسنده کی (روتن) لری اهمیتسز بر اقلیتده بر اقمشدی [۱۰۵ مبعوثه مقابل ۱۰ مبعوث] . حکومت سیاست خارجه‌سنی اخلال ایده‌جک صورتده (روسیه) علیه‌نده رسمی نمایشلر اجراسنی منع ایله اکتفا ایدرک (غالیچیا) بی بو فرقیه بر اقدی . ۱۸۷۷ دن ۱۸۸۳ سنه‌سنه قار (لانتاخ) ده کی اکثریتی غائب ایتمش اولان (اسلووه‌ن) فرقه‌سی تکرار احراز اکثریت ایلدیکندن (قارنیولا) نک اسلاو لاشمسنی اکیال ایتدی .

محافظه‌کاران سربستی صنایعک الفاسنه موفق اولدیلر . ۱۸۸۳ قانونی صنایع و تجارت مسلکرندن بعضیلرینی قدیم اصناف هیئتلرینی تأسیسه مجبور ایتدی ؛ بومسلکله آنجق امتحان ایله ، اهلیتنامه استحصالی ایله دخولا ، ایدلمسی اصول اتحاد اولندی . —

(اوستریا) به اعاده ایتمسنه قدر کیفیت اشغالک کسب قطعیت ایلمسنی طب اییدیوردی. قانون اساسی طرفدارلرندن مرکب اولان هیئت وکلا برمدتدها موقع اقتدارده قالدقندن صکره موقت بر هیئت وکلا تشکیل ایدلدی [شباط ۱۸۷۹] .

هرشیدن اول سیاست خارجه سنه اهمیت ویرن ایمراطور تکرار تبدیل مسلاک ایتدی ، قانون فرقه سنی ترک ایدرک « فدهه رایست زادکان » اتحادینی التزامه باشلادی . بناءً علیه (چه) لر ایله مذاکره به کیریشمک لازم کلدی ؛ چهار بودفعه (بوهمی) قرالغنک استقلالنی طلب ایتدیلر ، « بوهمی قرالغنک وتاجنک مدافعهُ حقوقندن » واز کچمیه جکلرینی بیان ایله اکتفا ایدرک (رایخسرات) مجلسنه مبعوث کوندرمکه راضی اولدیلر [۱۸۷۹] .

۱۸۷۹ انتخاباننده املاک جسمیه اصحابی فرقه لک موازنه جدیده سنی اخلاص ایتدیلر ، فقط « فدهه رایست » فرقه لرینک اتحادندن متشکل اکثریت یته پک ضعیف ایدی . طقسان بری احرار ، الی بری ترقیوروران قلوبلرینه عائد اولمق اوزره ۱۴۵ قانون اساسی طرفداری ؛ الی دردی (چه) ، الی یدسی (له) ، الی یدسی آلمان زادکانی ، (اسلووهن) و الماچیا (خروات) لرندن مرکب اولان (هوهن وارت) قلوبنه منسوب اولمق اوزره ۱۶۸ فدهه رایست بولمقده ایدی . بالخاصه املاک جسمیه اصحابندن عبارت اولان ۴۰ قدر مبعوث بوفرقلر خارجهنده قالیوردی . داخلیه ناظری (تافه Taffe) املاک جسمیه اصحابندن اوچنجی بر فرقه تشکیل ایدرک بونی ایکی فرقه مخالفه آرهنده موازنه یی تأمین ایچون قوللانه جغنی بیاز اییدیوردی . ایمراطور ، (تافه) یی هیئت وکلا تشکیلنه مأمور ایتدی .

(تافه) هیئت وکلا سنک سیاستی [۱۸۷۹ - ۹۳] . — اون درت سنه موقع اقتدارده قالان (تافه) هیئت وکلا سی اول امرده ایکی فرقه اعضاسندن مرکب ، تألیف بینه مأمور هیئت وکلا کی کوروندی . حقیقت حالده ایسه بدایت تشکیلندن اعتباراً قاتولیکلر وزادکان ایله متحد اولان « فدهه رایست » لره میل ایتدی و ۱۸۸۰ دن صکره یالکیز « فدهه رایست » لردن عبارت قالدی .

صول جناح آلمان فرقه سی قانون عسکری مسئله سننده حکومته مخالف بولندی . قانون عسکری آنجق اوچ سنه ایچون ومقدار عساکرک تنقیصی شرطیه قبول ایدمک ایسته نیلیور ؛ هیئت وکلا ایسه اردونک مقدار حاضر یی تنزیل اولغیه رق اون سنه ایچون قبولنی طلب اییدیوردی . ثامان اکثریت آرایه لزوم اولدینی ایچون ، قانون ایکی دفعه رد ایدلکدن واحرار فرقه سنک نصفی فرقه دن آیرلدقندن صکره قبول ایدلدی

سنه امتداد ایابن مذاکراتی متعاقب تجدید ایدلدی . (مجارستان) و (اوستریا) هیئت وکلاری ، بالاتفاق ، هر ایکی شورای امتده اعتماد مسئله سنی موضوع بحث ایدرک استلافنامه نك تجدیدینه موفق اوله بیلدیلر .

سیاست خارجی ده وقوعه کلن بحران ایمپراطور ایله قانون اساسی فرقه سی آره سنده کی مناسباتک صورت قطمیه ده انقطاعی موجب اولدی . (برلین) قواغره سنده (اوستریا) حکومتی (بوسنه) و (هر سگ) قطع لرنده آسایشی اعاده ایچون بو ایکی قطعنه نك حکومت عثمانیه نامنه اوله رق اداره سنی قبول ایتدی . (اوستریا) اردوسی مملکتی بلا حرب اشغال ایلدی . فقط اشغالی متعاقب طاغرده کی مسلمانلر عصیان ایتدیلر ؛ بونک اوزرینه حقیقی بر محاربه باشلادی . عصائی تأدیب ایچون ۲۰۰,۰۰۰ کشیلک براردو استخدامنه مجبوری کوردی . حرکات عسکریه مصارف عظیمه پی داعی اولدینی کبی آسایشک اعاده سندن صکره اساساً فقیر اولان مملکت ، مصارفات محلیه پی قیایه مدی ، اشغال عسکری ، تزید تکالیفی انتاج ایتدی . - بوندن بشقه مختلف ملتلر آره سنده کی اختلافات و منازعات (بوسنه) نك اشغالی مسئله سندن طولانی کسب شدت ایدیوردی . ایکی ولایتک اهالیسی (خروات) لسانیه متکلم اولدقاری حالده مذهب نقطه نظرندن اوچه آیرلمشدی : مسلمانلر ، اورتودوکسلر ، قاتولیکلر . (خروات) فرقه میه سی خروا تچه تکلم اولنان مملکتلرک کافه سندن [خروا نستان ، اسلاوونیا ، دالماسیا ، بوسنه] مرکب اوله رق بر « بیوک خروا نستان حکومتی » تأسیسی فکرینه خدمت ایدیوردی . بوبابده کی تحریکات هر ایکی حکومت ، یعنی هم (مجارستان) ، هم ده (اوستریا) ایچون بادی اندیشه بر (اسلاو) تهلکسی ایدی .

(مجارستان) و (اوستریا) شورای امتری ، کندی رأیارینه مراجعت ایتهدن (بوسنه) پی اشغال و مصارف عظیمه اختیار ایدن هیئت وکلالر علیه اعتراض ایتدیلر ، حدتاندیلر ؛ (برلین) معاهده نامه سنک موقع مذاکره به وضعی طلب ایتدیلر . موقع اقتداردن چکلملرینه رمق قالان هر ایکی هیئت وکلا اعتماد مسئله سنی موضوع بحث ایلدی . (مجارستان) ده حکومته مساعد اولان عربضه ، هیئت وکلانک اکثریت عظیمه سنه رغماً ، آنجق ۲۲ رأی اکثریت ایله قبول ایلدی ، (اوستریا) ده ، آنجق هیئت وکلار قبیلرینک ، یعنی لهیلر ایله صاغ جناحک معاتیله قبول ایتدیر یله بیلدی [۱۸۷۸] . (ده له غاسیون) مجلسلری (بوسنه) مصارف عسکریه سی ایچون طلب ایدیلن تخصیصات منضمه پی تنقیص ایتدی [۱۸۷۸] . اشغال مسئله سی حقیقده کی اختلاف آرا دوام ایلدی . صول جناح (بوسنه) پی تخلیه ایتک ایستبور ، حکومت ایسه مملکتک مصارف اشغالیه پی

تالیهده مجبوری برلسان حالته کتیردی. بده (بودا پشته) بلدیہ مجلسنده [*] ، شمندو - فرلرده بولسانک استعمالی مجبوری اولدی؛ حتی شمندو فر مأمور لرینه مجارجه بی صورت، مخصوصهده تعلیم و تدریس ایتک لازم کلدی. مملکتک نقاط مختلفه سنه طاغیلمش اولان آلمانلر پک چاپوق مجارلاشیورلردی ، بونلرک چونغی اسملرینی مجار نامنه تبدیل ایدیوردی [*] .

تسبیقات مالیه اودرجه مشکلات ایله اجرا ایدیله بیلدی که فرقلر آره سنده بربحران ظهورینه سبب اولدی . بودجه آچینی تراید ، اعتبار مالی تناقص ایدیور ، هیئت وکلا فرقهسی یواش یواش صعیفلوردی : ۱۸۶۹ انتخاباتده ۵۰ رأی غائب ایتمشدی ؛ ۱۸۷۲ سنه سندن بری صاغ جناح ایله برلشمکه چالیشوردی . صول جناحک بشلیجه جزئی اولوب مرکز یسار نامنی آلان و (تیچا Tisza) طرفندن اداره ایدیلن فرقه امور مالیهی انتظامه قویمق ایچون (دهق) فرقه سیله برلشدی [۱۸۷۵] . — بوضورتله یکی برشکله کیرن فرقه احرار ۸۸ مبعوث مخالفه قارشلی [۳۷ صول جناح ، ۱۸ صاغ جناح ، ۲۴ فرقه ملیه] ۳۲۹ مبعوث چیقاردی . اکثریتی دائماً محافظه وبلا فاصله مجارستانی اداره ایتدی . — ۱۸۷۵ سنه سی اغتوس سنده اجرا ایدیلن انتخاباتدن صکره (تیچا) هیئت وکلا ریاستی درعهده ایدرک اون بش سنه یی متجاوز برزمان بومقامی محافظه ایلدی .

(خروااستان) ده ۱۸۶۸ ائتلافنامه سنی وجوده کتین « فرقه اتحادیون » مجارلره صاتیلیمش اولمق وبتون مأموریتلری تحت انحصاره الملق ایله ایتهم ایلدی . « فرقه ملیه » ۱۸۷۲ سنه سندن اعتباراً (انگرام) دیت مجلسنده اکثریتی احرار و مجارستان حکومتی (دیت) مجلسی رئیسینی (بان) ، یعنی والی تعییننه مجبور ایتدی .

بوسنلک اشغالی بحرانی [۱۸۷۷ — ۷۸] . — (اوستریا) ایله (مجارستان) آره سنده اون سنه ایچون عقد اولان ائتلافنامه ، (دهلاهاسیون) مجلسلرنده ایکی بچق

(*) مجارستانک پایتختی اولمق اوزره تأسیس ایدیلن (بودا پشته) شهری (پشته) بلده سنه طونه نك دیگر ساحلنده بولنان و آلمان لساننده (اوفهن) دنیلن (بودا) بلده قدیمه سنک ، دها بر قاق قزیه نك الحاقی اوزرینه احداث ایدلشد .

(**) (مومسن Mommsen) ک روایتنه نظراً (پشته) یه کیتدیکی زمان (نوردی) (ماترائی) ، (تولدی) اسمنده اوچ ذات کورمش ، بونلری ابا عن جد (مجار) ظن ایتیش ، بالاخره هروچنکده اولجه (لوچهن باخهر) ، (روت قره بس) ، (شه دهل) ناملریله یاد اولنان اوچ آلمان اولدیفنی اوکرمش . — رسام شهیر (مونناس) هرکس نظرنده چار اولدیفنی حالده بدر ووالده سی آلماندر .

ایستوردی . ۴۸ قانون اساسی طرفداری و (اوستریا) نك خصمی اولان صول جناح ایکی مملکت آرهسنده یالکز برابطه شخصیه موجود اولسنی ایستور ، ۱۸۶۷ ائتلافنامهسنی استقلال ملی یه مغایر کوره رك اعتراض ایدیوردی . - منتهای یسار فرقهسی حاکمیت عامه طرفداری و (اوستریا) حکومتک خصمی اولان (قوشوت) محبرندن ، ۱۸۴۸ ، منیلرندن مرکبیدی . [ایتالیایه التجا ایدن (قوشوت) و قاتی تاریخی اولان ۱۸۹۴ سنهسنه قدر مملکتته عودت ایتدی و (فرانسوا زوزف) ک حکومتی طانیقندن امتناع ایتدی] .

طرز حکومت ، دائما اصول مشورته موافقدی ؛ قرال ، آنجیق مجلس مبعوثانک اکثریتجه مظهر اعتماد اولان هیأت وکلایی موقع اقتداره کتیریوردی . فقط (ایتالیا) ده اولدیفی کبی (مجارستان) ده دخی اجرا ایدیلن انتخاباتده اکثریت دائما هیئت وکلا لهنده ظهور ایدیوردی .

(دهق) فرقهسی اول امرده بیوک بر اکثریت احراز ایتدی و هیئت وکلا طرفداری بفرقه احرار اولدی . هیئت وکلای احرار (اوستریا) ایله ائتلافنامه لر عقد ایتدی ، ۱۸۴۸ قانونلرینی تعدیل ایتدیردی . بعده اردویی ، اداره یی اصلاح و تنسیق ایله مشغول اولدی . - موظف اردو ایمپراطورلغک ایکی حکومتی ایچون مشترک ایدی ، آلمانجه لسان رسمی عسکری ایدی . فقط آلمانلرک (لاندوهر) لرینه مقابل اولان (هونووه Honved) عسکری صرف مجار اردوسنده ایدی . - (قومیتات) دنیلن ولایتلر مختاریت اداره لرینی محافظه ایتدیلر ؛ نصفی اهالیجه منتخب وکیللردن ، نصف دیکری اک چوق ویرکوویرن مکلفیندن مرکب اولان انجمنلر ولایتلری کافی السابق اداره ایدیورلردی ؛ صنف زادکانی کوجندیرمه مک قورقوسیله اداره ولایاتی تماماً اصلاحه جسارت ایدیله - مدی . - فرقه احرار حکومتک کلیدسان آیرلمسی جهتنی ده التزام ایدیور ؛ سربستی مذاهبی ، نکاح مدنی یی ایستوردی . فقط قاتولیک فرقهسی صول جناح ایله اتحاد ایدر قورقوسیله بوبابده کی اصلاحاتک مذاکره سنن پک چوق زمان تأخیر ایتدی .

حکومتک باشلیجه مشغولیتی ، مملکتی مجارلاشدیره رق اتحاد ملی یی تأسیسه چالیشمق اولدی . بتون فرقه لرک معاوتته نائل اولان حکومت (مجار) لسانی - سیسلا ییتانیده کی آلمانجه کبی - لسان حکومت و مدنیت اتحادینه غیرت ایتدی ؛ مجارجه یی یالکز حکومت ایله دارالفنون لسانی دکلو ، شعبات مختلفه اداره ده محاکمه ، ویرکو تحصیلاتنده تدریسات

یالکز تشکیلات ملیه سی قدیم و آیریجه برصنف زادکانه ملاک اولان (خروات) ملتی (اوستریا) ایله (مجارستان) آره سنده کی رقابتدن بالاستفاده مختاریت اداره سی محافظه ایده بیلمشدی . (مجار) و (خروات) دیت مجلسری آره سنده ۱۸۶۸ تاریخده عقد اولنان ائتلافنامه موجبجه (خروااتستان - اسقلاوونیا) متحدقرالغنگ والیسی کفای السابق (بان) عنوانی حائز ایدی . (آغرام) شهری ینه مملکتک پایختی ایدی ، ۷۵ مبعوث ایله ۲۵ زادکان واکا بر مأموریندن مرکب اولان (دیت) مجلسی محافظه ایدلمشدی . بوقراللق ، ملی آرمه سی ، لسان ملی رسمیسی [خرواتجه] ، کنسینه مخصوص محاکمی ، مکتبیری ، مذهبی اولان بر حکومت مختاره ایدی ؛ (دیت) مجلسی قوه تشریمیه مالکدی . فقط « امور مشترکده » مجارستانه مربوط ایدی ؛ امور مشترکده کلنجه ، بوتعیر (مجارستان) و (اوستریا) ینه تعلق اولان خصوصاًندن ماعدا تجارت و وسائط نقلیه ینه متعلق کافه مسائله شامل ایدی . امور مشترکده ایچون (خروااتستان) هیئت وکلاده بر (خروات) ناظر بولندیریور ، آغرام (دیت) مجلسی طرفندن مجارستان (دیت) مجلسنه ۲۹ مبعوث ، امپراطورلق (دهله غاسیون) مجلسنده ۴ وکیل کوندربایوردی . - اون سنه ایچون عقد اولنان مالیه قانونی موجبجه (خروااتستان) ویرکولری حاصلاتی ایکی مملکت آره سنده تقسیم اولنیور ، یوزده قرق بشی (خروااتستان) ک مصارف محلیه سنه ویریلوردی ؛ فقط آچیق ظهورنده (مجارستان) ک تأدیه ینه مجبور اولدینی مقدار ایچون بر حد اصغر تعیین ایدلمشدی . (بان) ، (پشته) حکومتی طرفندن تعیین اولنیوردی ؛ ۱۸۶۸ ده اکثریتی ائتلافنامه طرفدارلر ینه تأمین ایده جک صورتده تنظیم اولنان قانون انتخابی (خروااتستان) قبول ایتدیرن دخی مجارستان حکومتی ایدی .

(مجارستان) ک مجلس مبعوثان و اعیاننده ایکنجی درجه ده کی ملتبر حائز اهمیت اولیان اقلیتلر تشکیل ایده بیلمشلردی . (دیت) مجلسی صرف (مجار) لردن مرکبدی ؛ بو مجلسده فرقه لر یالکز مسائل سیاسییه اوزرینه تشکل ایدنیوردی . - فرقه لر ۱۸۴۸ ده کی فرقه لرک عینی ایدی . صاغ جناح ، یاخود معتدل فرقه مخالفه دینلن محافظه کاران بالخاصه مجلس اعیانده پک غلبه ک اولوب زادکان وره بانک نفوذینی ممکن مرتبه محافظه ینه جالیشورلردی ؛ بوندن طولایی مجلس اعیان اوتهدنبری (ویا نه) حکومتک نظر توجهنی قزانمشدی . - محل مخصوصنده یجئی کچن « عریضه فرقه سی » ، « دهق قلوبی » نامیله یکی برفرجه تشکیل ایدرک ۱۸۶۷ ائتلافنامه سی قبول ایتشدی ؛ (مجارستان) ده اداره زادکانی محافظه ایدرک ده احرارانه بر اصول مشورتک تطبیقنی

اولان ملتہ کچدی . ۱۶ ملیونہ بالغ اولان نفوسدن آنجق آلتی ملیونی (مجار) ایدی . فقط (مجار) لرك قوتی (اوستریا) دهکی کبی آلمانلرک قوتندن يك فضله ایدی . چونکہ (مجار) ملتی ادارہ حکومت ایله الفت ایتمش ، ایمپراطورک سراینده حکم ونفوذ صاحبی اولمش ، وطنپرور زادکان ایله سیاست نقطه نظرندن عاقل ، فقط مطیع کویلیلر دن مرکب ایدی . بالخاصه آلمانلر ایله موسویلردن مرکب اولان وتجارت ایله اشتغال ایدن صنف متوسط اهلیده سیاسی بر قوت یوقدی . ملل سائرہ اکثریتله حیات سیاسیهدن محروم کویلیلردن عبارتدی ؛ بونلردن (اسلواک) لر شمالغربی ، (رومہن) لر شرق ، صربیلر جنوب شرقی حدودنده ساکن ایدیلر . آلمان مهاجرلری (مجارستان) اووه سنده طاغیلمشلردی ؛ شهرلرده بولنان آلمانلر ایله موسویلر دخی طاغیبی بر حالده بولنیورلردی . بناءً علیه تشکیلات ملیهدن محروم قالدقلردن آیریجه بر فرقه وجوده کتیره مہمشلردی . یالکز جنوب غربیهدہ کائن (خروااتستان - اسقلاوونیا) قرالغندہ کی (خرووات) لرایله (اسلووہن) لر وترانسیلوانیادہ مقیم اولوب ۲۰۰۰۰۰۰ کنتی تخمین ایدیلن (صاقسون) لر بر ملت حالندہ تشکل ایتشار ایدی . (صاقسون) لر آلمان عادات وحسیاتی تماماً محافظہ ایتمش اولقلہ برابر کری قالمشلردی ، بورادہ کی (صاقسون) عائله لری آرسندہ ایکی چوققدن زیادہ اولاد صاحبی ابونلرہ تصادف اولماز .

(مجار) حکومتی اول امرده (اسلواک) کویلیلریله مشغول اولمغہ لزوم کورمدی . چونکہ بونلر انتخاباندہ یاھیچ رأی ویرمیورلر ، یاخود (مجار) زادکانی ایچون رأی ویریورلردی . — صربیلرک آیریجه بطریقلری ، کلیساری ، مکتبیلری موجود اولوب بالخاصه مذهب نقطه نظرندن مختاریته اهمیت ویریورلردی . (ویانہ) حکومتی وقتیلہ (ترانسیلوانیا) ده مقیم (صاقسون) لری (مجار) لرہ قارشى قوللانمش ، اولاً ۱۸۴۹ ده ، بعدہ ۱۸۶۳ ده مستقل بر (لانتاغ) مجلسی تأسیس ایتمش ایکن بالاخرہ بوقطعہ (مجارستان) قرالغہ الحاق ایدلدی . (لانتاغ) مجلسی قیاندی ، ادارہ خصوصیه لغو ایدلدی ، ممالکت ۷۵ دائره انتخابیه ایریلہرق اھالینک طوغریدن طوغری یہ مجارستان (دیت) مجلسنہ مبعوث کوندرملری اصول اتخاذا اولندی . (صاقسون) لر اکثریتی تشکیل ایدن (رومہن) کویلیلرینک صاحب حکم ونفوذ اوللرندن قورقورق (مجار) لر ایله برلشیدیلر ، حق انتخابہ نائلیت ایچون معین مقدار ویرکو اعطاسی مشروط اولدیغندن مملکتک بتون مبعوثلری (صاقسون) و (مجار) زادکانندن اتخاب ایدلدی .

مبعوث] . اکثریت آلمانلرده قالموردی . [۱۸۷۸ تاریخچه قدر مجلس مبعوثانده ۱۱۵ اسلاو ، ۱۵ ایتالیان مبعوثه مقابل ۲۲۰ آلمان مبعوث بولمشدر] .

قانون اساسی طرفداری اولان آلمانلرک احراز اکثریت ایتملی سایه سنده موقع اقتدارده قالان هیئت وکلا ، هیئت رهبان علمینده برسیاست تعقینه باشلادی . « آلمانیا نیک (کولتور قامیف) قانونلرینی تقلیداً « مایس قوانینی » نامی ویریلن قانونلر پایالق مقامیله منعقد مقاوله نامه نیک نتیجه سی اولان اصول اداره بی صورت قطعیده الفای ایتدی ؛ بسقیوسلری روحانی مأموریتلرده وقوعه کلن منحللات ایله تعیینلری حکومته اخباره اجبار وقاتولیک اولمان کیمسه لرکده جمعیات مذهبییه تأسیسنه صلاحیتدار اولدولرینی تصدیق ایلدی . (پایا) اعتراض ایتدی ؛ ایمراطوره برمکتوب یازدی ، ایمراطور (رایخسرات) مجلسنک قرارینه توفیق حرکته مجبور اولدیغنی جواباً بیلدیردی .

بو هیئت وکلا زماننده — عینله آلمانیا ده (غروندر) هیئت وکلا سنک زمان اداره سنده اولدیغنی کبی — امور نافعۀ جسمیه ایچون فوق العاده بر فعالیت کورلدی . فقط ۹ مایس ۱۸۷۳ تاریخنده وقوعه کلن بحران تجاری ، (ویانه) بورس سنک افلاسی یکیدن تشکل ایدن بانکلری ، شمندوفر قومپانیالری بربرر محو ایتدی ، امور تجاریه ومالیه نیک طول مدت حال تدنیده قالمسنه سبب اولدی .

(رایخسرات) مجلسنده قانون اساسی فرقه سی یکدیگرندن آیری ، فقط هیئت وکلایی التزام خصوصنده متحد « قلوب » لره آیرلدی : « کنجیر » نامیله یاد اولنان مسول جناح [تقریباً ۶۵ مبعوث] حاکمیت عامه طرفدارلری وملی آلمان فرقه سی نامیله ایکی یه آیرلمشدی . تقریباً ۱۰۰ مبعوثن مرکب اولان احرار قلوبی « اختیارلر » نامیله معروفدی ؛ ۶۰ مبعوثن مرکب وحکومت مرکزیه طرفداری اولان صاغ جناحی املاک جسمیه اصحابی تشکیل ایدیوردی ، بالخاصه ایتالیانلردن مرکب اولان (قورونینی Coronini) قلوبی ده صاغ جناحه داخلدی . فرق مخالفه ۴۰ الی ۴۵ مبعوثن مرکب (له) قلوبندن ، هنوز تشکیلاتی اکیل ایده مین قاتولیکلردن ، اقوام صغیره یه منسوب « فده رالیست » لرک تشکیل ایتدکلی (هوهن وارت) قلوبندن متشکل ایدی . قرقی متجاوز مبعوث چیقاران (چه) لر ۱۸۷۱ دن بری (رایخسرات) مجلسنه مبعوث کوندرمبورلردی .

مجارستانده فرقلر وصیات سیاسی [۱۸۶۷ — ۷۸] (مجارستان) قرالنی داخلنده ، ۱۸۶۷ ائتلافنامه سنی متعاقب بر دورسکون سیاسی حلول ایتدی . (اوستریا) ده اولدیغنی کبی بوراده ده حکومت ، عدداً آز اولمقله برابر سیاست حکم ونفوذ صاحبی

اوزرینه اجرا ایدیلن انتخابده قانون اساسی طرفداری اولان آلمان فرقهسی (رایخسرات) ده احراز اکثریت ایلدی . (چه) لر ، (اسلاو) لر ، قاتولیکلر بوجلمسه مبعوث کوندرمکدن امتناع ابتدیلر . فقط هیئت وکلا لهیلر ایله (دالماجا) دهکی (خروات) لری کنیدی طرفه جلبه موفق اولمشدی . وکلا ، (رایخسرات) مجلسی اعضاسنک طوغریدن طوغری به منتخبلر طرفدن انتخاب اولنسی حقنده بر لایحه تنظیم ایلدیلر .

انتخاب قانوننک تعدیل اساساً قرار کیر اولدینی حالده نتیجه قطعیه به اقتران ایدنجه به قدر برسنه دن زیاده زمان کچدی . مبعوثلرک عددینی تزید خصوصنده اتفاق ایدیلوردی ؛ فقط احراز اک آز مبعوث چقاران سنفک مبعوثاتی تزید ایتک ایستورلردی ؛ هیئت وکلا ایسه قانون اساسینک تعدیلی ایچون مقتضی اولان اکثریت نشان آرای استحصال ایتک مقصدیله املاک جسیمه صاحبی زادگان طوتمق ایستدیکندن بونلرک امتیازاتی فدا ایتک راضی اولیوردی .

۲ رایه قارشی ۱۲۰ رأی ایله [مجموع آرا ۲۰۳] مجلس مبعوثانجه قبول ایدیلن ۱۸۷۳ انتخاب قانونی (لانتاخ) انتخابتنک طوغریدن طوغری به منتخبلر طرفدن اجراسی اصولنی قبول ایتدی ، فقط صنوف انتخابیه بی تعدیل ایتدی [*] . مبعوثلرک عددی بش یوز اللی اوچه ابلاغ ایلدی . بونلرک «۸۵» ی املاک جسیمه اصحابنه ، «۱۳۷» سی شهرلر ایله تجارت اوطلرینه ، «۱۳۱» ی کویلهر عائد ایدی . صنوف مختلفه نك منتخبلر ایله انتخاب ایندکلی مبعوثلرک عددی آره سنده کی نسبتسزک ازاله ایلدی . [۱۸۹۰ ده املاک جسیمه صاحبلی ایچون ۶۳ منتخبه ۱ ، تجارت اوطلرلی ایچون ۲۷ منتخبه ۱ ، شهرلر ایچون ۲۰،۹۱۸ منتخبه ۱ ، کویلهر ایچون ۱۱،۶۰۰ منتخبه ۱

[*] مبعوثان ، صنوف انتخابیه ایله ولایات آره سنده شو صورتله تقسیم ایداشلردی :

شهرلر و تجارت املاک جسیمه				تجارت املاک جسیمه			
اصحابی	اوطلرلی	کویلهر	دالماجا	اصحابی	شهرلر	کویلهر	بوهمی
۱	۲	۶	دالماجا	۲۳	۷	۳۲	۳۰
۱	۱	۲	ایستیریا	۹	۳	۱۳	۱۱
۱	۱	۲	غورچ	۲۰	۳	۱۳	۲۷
۲	۳	۵	قارنیولا	۸	۲	۱۷	۱۰
۱	۲	۲	سالزبورغ	۳	۱	۶	۷
۵	۵	۸	تیرویل	۴	۲	۸	۹
-	۲	۲	ووراربرغ	۱	۱	۳	۴
۳	۴	۳	سیلیزیا	۳	۱	۲	۳

(تریسته) ده بری تجارت اوطلرلی طرفندن اولق اوزره ۴ مبعوث .

ایتمسسه سبب اولدی . فقط محاربه ختام بولنجه (هوهن وارت Hohenvart) ك تحت ریاستنده اولمق و (چه) لردن ایکی ذات دخی داخل بولنمق اوزره « فدهدرالیست » ، یعنی حکومات محلیه نك تقویه سی طرفداری یکی برهیئت وکلانشکل ایلدی [شباط ۱۸۷۱].

فرقلر ایکی قسمه آیرلدیلر : ۱۸۷۱ قانون اساسیسی محافظه ایتمك ایستین « قانون طرفدارلری » ؛ (لانتاغ) مجلسلرینك حقوق وصلاحیتنی توسیع و تزید ایلمك ایستین « فدهدرالیست » لر . هیئت وکلا ، اکثریتی قانون اساسی طرفدارانندن مرکب اولان آلمان (لانتاغ) مجلسلرینی طاغیتدیلر ؛ اوتهدن بری هیئت وکلا طرفداری اولان زادکان « فدهدرالیست » لرك احرار اکثریت ایتلمرینی تأمین ایلدیلر .

(چه) لر ، (بوهمیا) نك استقلالنی استحصال ایتمك شرطیله « فدهدرالیست » لره التحاق ایتمشلردی . (چه) رؤسası بالذات ایمپراطور ایله مذاکره کیره شیدیلر ؛ ایمپراطور ۱۲ ایلول ۱۸۷۱ تاریخی بیاننامه ایله ، ائتلاف حصوله کلدیکنی اعلان ایتدی . بویاننامه ده « بوهمیا قورالغنك حقوقی تصدیق ایتدیکنی » ورسم تتوج یمینی تجدیده حاضر بولندیغنی بیلدیریوردی . (لانتاغ) مجلسی (بوهمیا) ایچون طبقی (مجارستان) ك تابع اولدینی اصول اداره نك تأسیسی متضمن اولمق اوزره ۱۸ ماده دن مرکب بر قانون قبول ایتدی .

بونك اوزرینه بتون آلمان مملکتلرنده شدتلی بره بجان افکار کورلدی : (لانتاغ) مجلسلری اعتراض ایتدیلر ، غزتلر ته دیر آمیز مقاله لر نشر ایلدیلر ؛ وکلا علیهنده نمایش ترتیب ایلدی . ایمپراطور اوزرنده اك زیاده اجرای تأثیر ایدن شی باش وکیل (بوست) ایله (مجارستان) وکلا سنك ، (چه) لرك « اسلاو اتحادینی » تأمین ایدن سیاستلرندن تلاشه دوشه رك « فدهدرالیست » لر علیهنده بولمایدیلر . باشلیجه وکلادن مرکب اوله رق عقد ایدیلن بر مجلس ایمپراطورک بوندن صکره ، ۱۸۶۷ قانون اساسیسی التزام ایتمسسه سبب اولدی [تشرین اول ۱۸۷۱] . (هوهن وارت) هیئت وکلاسی موقع اقتداردن چکیلدی . بعده بو هیئتک باشلیجه رقیبی اولان (بوست) دخی بردن بره نظر توجهدن ساقط اولدی و آنک یرینه (آندراشی Andrassy) اسمنده بر مجاری (اوستریا - مجارستان) خارجه نظارته تعیین ایلدی . [باش وکیل عنوانی الغاولندی] .

انتخاب اصولنك اصرومی ، قانونه اساسی طرفداری هیأت وکلا [۱۸۷۱ - ۷۸] . — ایمپراطور ۱۸۶۷ قانون اساسیسی التزامه باشلیجه (اوتو رسپرغ) ك ریاستی آلتنده بر آلمان هیئت وکلاسی تشکیل ایتدی ؛ (لانتاغ) مجلسلرینك یکیدن طاغیدلمسی

اداری و قانونی « ویرمدیکنی بیان ای دیورلر »؛ غالچیا مبعوثلرینک آنجق غالچیا قرالنی ایله ممالک سائره آره سنده مشترک اولان امور و مصالح ایچون (رایخسرات) مجلسی مذاکرته اشتراک ایلملرینی طلب ای دیورلردی . (لانتاغ) مجلسنک تجارت ، اعتبار مالی ، تدریسات ، حفظ صحت ، حقوق جزا ، تشکیلات عدلیه و اداره خصوصنده قانون وضعنه صلاحیتدار اولسنی ایستورلردی .

« فرده رایست » هیئت وکلانک تهنائی [۱۸۷۰ - ۷۱] . — فرق مخالفه ، (بحار) . لرك حرکاتی تقلید ایدرك (رایخسرات) مجلسنه مبعوث کوندرمکن امتناع ایتدیله . قانون اساسی موجبجه (لانتاغ) مجلسلردن بری اتفاق آرا ایله (رایخسرات) وکیل کوندرمه مکه قرارویرر ایسه حکومت بو وکیللری طوغریدن طوغری به (لانتاغ) مبعوثلرینک منتخبلرینه انتخاب ایتدیرمک حقنه مالک ایدی . فقط بر (لانتاغ) مجلسنک وکیللری آری آری (رایخسرات) مجلسنه کتیمکدن امتناع ایدرلرسه حکومت بوکا قارشى هیچ بر تدبیر اتخاذ ایده مزدی . هیئت وکلاده اکثریت (رایخسرات) مبعوثلرینک طوغریدن طوغری به منتخبلر طرفدن انتخاب اولملرینی تکلیف ایتدی . عینی زمانده « (ویانه) ده عمله ، (آلمان) اشتراکیوننک ترتیسه بیوک بر اجتماع عقد ایدرك مجلس مبعوثان پیشکاهنده نمایشلر یاپدیله [کانون اول ۱۸۶۹] و آرای عمومی اصولنک ، حریت اجتماع ، شرکت و مطبوعاتک تطبیق و قبولنی متضمن اوله رق بر عریضه تقدیم ایتدیله [*] . امپراطور ، اول امرده ، هیئت وکلاده اقلیتی تشکیل ایدن زادکانی استعفايه مجبور ایتدی [کانون اول ۱۸۶۹] . فقط بتون مخالف فرقه لر ، (تیرول) ک قانونیکلری ، (غالچیا) لیلر ، (اسلووهن) لر ، (تریسته) و (ستیریا) نک ایتالیانلری ، (بوکووینا) نک رومانیالیلری (رایخسرات) مجلسندن چکیلدیلر . مجلسده آنجق مذاکره ایچون معین اولان مقدارده آلمان مبعوثلری قالدی . — حکومت مرکزیه طرفداری اولان وکلا (لانتاغ) مجلسلرینک طاغیدلسنی تکلیف ایتدیله . امپراطور بوکا راضی اولمدی . تبدیل مسلك ایدرك ۱۸۶۵ ده (بحار) زادگانیه مذاکره ایتدیکی کبی بودفعهده (اسلاو) ماتلرینک صنوف زادکانی ایله مذاکره یه قرارویردی . نتیجه مذاکره انتظاراً (پوتوکی Potocki) . اسمنده برلهینک تحت ریاستنده اوله رق بر هیئت وکلا تشکیل ایتدی [نیشان ۱۸۷۰] . (فرانسه) و (آلمانیا) آره سنده ظهور ایدن محاربه امپراطورک برمدت تردد

[*] قانون عسکری (دالماسیا) نک جنوبنده (اسلاو) طاغیلرینک عصیاننه سبب اولدی ، حکومت ، بو عصیان ، آنجق (لاندور) اصولنی بومملکتده تطبیق ایتمک صورتیه بر طرف ایده بیلدی [۱۸۶۹ - ۷۰] .

۱۸۶۰ - ۶۱ قانون اساسی سنک قیمت حقوقه سنی ازاله ایتمشدر . - (بوهمیا) ، «تشکیلاتی هیچ بر اساس تاریخی به مستند اولیان » رایخسرات مجلسنی آرتق طانیه ماز . قانون اساسی مسئله سندن طولایی ظهور ایدن اختلاف آنجق قرال ایله ملت آره سنده عقد اوله جق بر ائتلافنامه ایله حل ایدیله بیلیر .

(چه) ملتی ایمبراطوره قارشی ، ۱۸۶۷ تاریخندن اول (مجار) ملتک اتخاذا ایدیلکی مسلكك عینی قبول ایتمشدی . (چه) ملتی دخی « حقوق تاریخیه » و « رابطه شخصییه » نامنه اوله رق استقلال ملیسفی طلب ایدیور ؛ « ونجسلاس Wenceslas » تاجنه مربوط اوج مملکتک ، (بوهمیسا) ، (موراوایا) و (سیلزییا) نك اتحاد ایدرک قرون وسطا ده اولدینی کبی (بوهمیسا) قرالغنی تشکیل ایتمی لازم کله جکنی ادعا ایلوردی . مجارلر کبی عینی نظریه تاریخیه ایستناد ایدیلور ، عینی مسلك تعقیب اولنیوردی : یعنی ایمبراطوری یالکر « قرال » صفیله طانیق و ایمبراطورلنک ممالک سائر سیله مناسباته کیریشمکدن امتناع ایتمک ایسته نیلیوردی . فقط حقیقت حالده (چه) و مجار ملتسری آره سنده فرقی واردی . - (مجار) ملتی اوته دن بری کندی کندینی اداره ایتمشدی ؛ ۱۸۴۹ دن صکره تطبیق ایدیلن مطلقیت اداره پک آز دوام ایتمکی ایچون (مجار) لرک تشکیلات اساسیه لرینی بوزه مامشدی ؛ بناء علیه اداره مشروطه تقرر ایدنجه اولکی حال تماماً عودت ایتمش ؛ مجار زادکانی اسکی موقع لرینی محافظه ایلمش ، بتون (مجار) ملتی اجنبی حکومتی رد ایلمک خصوصنده متحد بولنمشدی . - (چه) ملتی ایسه ۱۶۲۰ تاریخنده استقلالی ، حقوق مخصوصه سنی غائب ایتمش ، مرکزیت اداره ایکی بچق عصر دن بری (بوهمیا) ده تأسیس ایلمشدی ؛ زادکانک نصفی ، اهالینک ثلثی اجنبی ایدی ؛ بونلر (چه) لره کندی مادونلر نده برملت نظریله باقمه آیشمشلردی ، (ویانه) حکومت مرکزیه سنی مدافعه یه حاضر ایدیلر . (موراوایا) ده ، (سیلزییا) ده مملکته صاحب اولانلر اجنبیلر ایدی . - آلمانلر ، (چه) لرک سالف الذکر بیاننامه لرینه جواباً (بوهمیا) نك هیچ برحق مخصوص تاریخی یه مالک اولدیغنی ، بناء علیه ایمبراطور طرفندن بخش ایدیلن قانون اساسیدن ماعدا برقانون ، برحق طلبنه صلاحیتدار بولنمه جغنی بیان ایتمدیلر .

(له) فرقه سی ده (غالیچیا) نك (لانتاخ) مجاسنده اکثریتی احراز ایدن لهیلرک اتخاذا ایلدک لری برقرار ایله ادعای حقوق ایتدی . لهیلر ، (مجار) لر و (چه) لر کبی مستقل برحکومت تشکیلی حقی ادعا ایده مدکاری ایچون « مختاریت ملیه » طلبیه اکتفا ایدیلر . ۱۸۶۷ قانون اساسی سنک مملکته ، حق اولدینی درجه ده « استقلال

اوله رق بمض بسقپوسلر نکاح دعوالرینه متعلق اوراقی محکمہ لره تسلیم ایتمکدن امتناع ایدیلر ؛ قوه جبریه ایله مقاومت ایدن (لینچ) سر بسقپوسی بالحا کمه محکوم اولدی [۱۸۶۹] وبلاخره عفو ایدلدی .

هیئت وکلا تنسیقات عسکریه ومالیه ایله ده مشغول اولدی . خدمت عسکریه نك (پروسیه) اصولنده ، اوچ سنه دن عبارت وبلا استثنا هر کس ایچون مجبوری اولسنی قبول ایتدی ، فرانسیز اصولنده « غاردموبیل » تشکیلاتی ده بوکا علاوه ایدلدی . افراد عسکریه ایکی قسمه آیرلدی ، بر قسمی خدمت فعلیه ده [اوچ سنه نظامیه ده ، یدی سنه ردیفده ، ایکی سنه « لاندوره » ده] بولنه حق ، قسم دیگر اونی ایکی سنه « لاندوره » ده قاله جقدی . هیئت وکلا ، حکومته اعتماد ویا عدم اعتماد مسئله سنی موضوع بحث ایدرک افراد جدیده عسکریه مقدارینک هر سنه مجلس مبعوثانجه تعیین ایدلمه سنی و (آلمانیا) ده اولدینی کبی اون سنه ایچون معین بر مقدارک قبول اولمسنی (رایخسرات) مجلسنه تصدیق ایتدیرمکه موفق اولدی . امور مالییه کلنجه ، هیئت وکلا هر سنه بودجه ده ظهور ایدن آچینک استقراض ایله قبادلمسی اصولنی ترک ایتدی ، موازنه نی یکی ویرکولر تأسیس ایتک صورتیه تأمین ایدلدی . — (رایخسرات) مجلسنده آلمان احرار ایله املاک جسیمه اصحابندن مرکب اولار اکثریت دائما هیئت وکلایی التزام ایتدی . فقط ملی (اسلاو) فرقه لری حکومته مخالفت شدیدده بولندقلرندن هیئت وکلا نهایت سقوط ایتدی .

(چه) فرقه سی (بوهیمیا) نك (لانتاخ) مجلسنده مبعوث بولندیرمقدن امتناع ایدلدی . ۱۸۶۸ سنه سی آغستوسنده نشر اولنان بیاننامه ده (چه) ملتک مطالباتی شو صورتله تصویر وایضاح ایدلدی : ایمپراطور — قرال ایله « بوهیمیا ملت سیاسی سی » آرسنده منعقد بر مقاوله موجوددرکه هر بر تبدل حکومتده حکمدار جدیدک رسم تتوجی اجرا ایدیلرکن یمین ایتسی ومبعوثان ملتکده رسم تحلیف صداقتی اجرا ایلملری ایله تجدید اولنق اقتضا ایدر . — (بوهیمیا) قرالنی (آوستریا) یه بالکمز مقام حکمداریده بولنان عائله ایله مربوطدر ؛ بورابطه ، عائله حکمدارینک نسلی منقطع اولنجه زائل اوله جقدر ؛ بناء علیه « بوهیمیا قرالنی شخصیت تاریخیه وحقوق مخصوصه سنی هر زمان ایچون محافظه ایدر . » — (آوستریا) ایله (بوهیمیا) آرسنده کی بورابطه ومناسبت آنجق « بوهیمیا قرالی ایله ملتک وکلای مشروع سی میاننده عقد اولنجه حق یکی بر مقاوله نامه ایله » تبدیل اولنه بیلیر . — هیچ بر اجنبی مجلس ویا هیئت ، حتی (رایخسرات) مجلسی بیله ، (بوهیمیا) یه یکی بر ویرکو ویا بورج تحمیل ایده مز . — (مجارستان) ایله عقد اولنان ائتلافنامه

ایله مشغول اولدی . قاتولیک هیئت رهبانک ۱۸۵۵ مقاله نامه سیله صورت قطعیه تصدیق ایدیلن حقوق و صلاحیت رسمیه سی ، سرستی ، مذهبی تأمین ایدن ۱۸۶۷ قانون اساسی احکامه مغایر ایدی . هیئت و کلا بو مغایرتی ازاله ایچون ، (پاپا) ایله عقد ایدیلن مقاله نامه یی فسخ ایتهدن ، بو مقاله نامه یی فعلاً حکم سر براقان قوانینی مجلس مبعوثانه قبول ایتدیردی : — ۱ ؛ نکاحه متعلق دعاوینک محاکم عدلیه جه رؤیت ایدلمسی و هیئت رهبان عقد نکاحدن استنکاف ایتدیکی تقدیرده بر نوع نکاح مدنی عقد اولنه بیامسی اصول اتحاد ایدلدی . — ۲ ؛ « مکتب ایله کلیسا آره سنده کی مناسباتک تعینی » قانونی ایله شو قاعده اساسیه وضع ایدلدی : « مکتبک اداره سی ، نظارتی حکومت عا ندر . حکومت بو حتی مناسب کوردیکی وسائط ایله اجرا و انفاذ ایدر . « بناءً علیه بتون مکاتب عمومیه « بلا تفریق هر کسه » کشاده ایدی ، « بتون و طنداشلر بلا تفریق و وظائف تدریسیه یی درعهده ایده بیلرلر » ایدی . ادیان مختلفه کلیسالریله جمعیت مذهبی سی مکاتب ابتداییه تأسیس و اداره سنه صلاحیتدار ایدیلر . — ۳ ؛ « مذاهب مختلفه آره سنده کی مناسباتک تعینی » قانونی مساوات مذهبی تأمین و هر کسک کرک کندیسنک کرک اولدرینک مذهبی انتخابه ، منسوب اولدیغی مذهبک مزار لغنه دفته ، مراسم روحانیه دن هیچ برنی اجرا ایچون جبر و تضییق کورمه مک صلاحیتدار اولدیغی تصدیق ایتدی .

مجلس اعیانک کمال مشکلات ایله قبول ایتدیکی [۱۸۶۸] بو قانونلر هیئت رهبانک حقوق و صلاحیت رسمیه سی رفع ایلدور ، سرستی مذهبی تأمین و تدریساتی نفوذ رهباندن تخلص ایلوردی . مختلف فرقه لریک ایزباده مخالفت کورستدکری مسئله بونلر ایدی . « قونقوردا » دنیلن مقاله نامه ایمپراطور ایله (پاپا) آره سنده عقد اولمش بر معاهده نامه ایدی . قاتولیک فرقه سی ، بو مقاله نامه نک آنجق (پاپا) ایله عقد ایدیله جک یکی بر معاهده نامه ایله فسخ ایدیله بیله جکنی ادعا ایتدی . حکومت ایسه ، بالعکس ، حقوق حکمرانیسی نامنه اوله رق ، امور داخلیه سی ایستدیکی کی تنظیم و تسویه ده مستقل اولدیغی بیان ایدیوردی . مسئله ، ایکی قوت ، یعنی حکومت ایله کلیسا آره سنده بر اختلاف نظریدن عبارتدی . (پاپا) ۱۸۶۸ سنه سی جزیراننده ایراد ایلدیکی بر نطقده ۱۸۶۷ قانون اساسینک حقیقه شایان تأسف ، ۱۸۶۸ قانونلریک ایسه منفور و مردود اولدقلرینی بیان ایدلدی . « حقوق روحانیه سنه استناداً بو قانونلری رد » ایتدکن صکره « حالا » واستقبالاً کآن لم یکن حکمنده اولدیغی « اعلان ایتدی . بونک نتیجه سی

مشابهتدن طولایی صنف زادکانه منسوب (له) و (چه) فرقه‌لری محافظه‌کار آلمانلر ایله، قانون اساسی، احرارانه‌یه و حکومت مرکزیه نیک تقویه‌سی فکرینه خصم اولدقلری ایچون حقوق تاریخچه ادعا‌سندنه بولنان ملی فرقه‌لر طرز قدیم اداره فرقه‌لریله اتحاد ایدیورلردی. (اسلاو) لر، زادکان و قانونیکلر آره‌سندنه ایسه براتحاد طبیعی موجود ایدی.

ایمپراطور، ۱۸۶۷ سنه‌سندنبری، دائماً بر حکومت مشروطه حکم‌داری کچی حرکت ایتدی. حتی اصول مشورت قواعدینی قبول ایدرکچی کوروندی. چونکه تشکیل ایتدیکی هیأت وکلا دائماً مجلس مبعوثانده احراز اکثریت ایلدی. فقط ایمپراطور، هیأت وکلایی، اصول مشورت خلافه اوله‌رق، مجلس مبعوثانک اکثریتی آره‌سندن انتخاب ایتدی؛ سیاست شخصیه‌سنه کوره انتخاب ایدر، فقط بو وکلا مجلس مبعوثانده اکثریتک اعتمادینه نائل اولوردی. — منتخبلرک صنفله تقسیمی اصولی، مبعوثلر آره‌سندنه احوال اجتماعیه نقطه نظرندن بیوک بر فرق کورلمسینی انتاج ایتدیکندن حکومتدن آیری، مستقل بر اکثریت تشکلنه مانع اولیوردی. حقیقت حاده املاک جسیمه‌صاحبی مبعوثلر دائماً هیأت وکلایه طرفدار بولنیور. بو نلرک رأیلری فرق مختلفه‌دن مرکب اتحادلرک برینه ویا دیکرینه اکثریتی قزاندیرمق ایچون کافی کلیوردی. [مجلس اعیانده، هیأت وکلا قید حیات شرطیله یکیدن اعیان تعیین ایتک صورتیله، فرقه‌لر آره‌سندنه کی موازنه‌یی طوغزیدن طوغزییه تبدیل و تغییره مقتدر ایدی]. بو صورتله اکثریت املاک جسیمه‌صاحبنک، املاک جسیمه‌صحابی هیأت وکلانک، هیأت وکلا ایمپراطورک رأینه تابع ایدی. بناءً علیه ایمپراطور، اداره حکومت ایچون معاونت لرینه محتاج اولدینی فرقه‌لری کندیسینی انتخاب ایدیوردی. فقط فرق مختلفه‌دن مرکب ایکی نوع اتحاددن هیچ برینی صورت قطعیه‌ده التزام ایتزدی. آلمان اولدینی، ایمپراطور لغنک وحدت اداره‌سنی تأمین خصوصنده هرکسندن زیاده علاقه‌دار بونم‌دینی جهتله دائماً آلمان حکومت مرکزیه‌سنه طرفدار اولان اتحاد میل ایدر؛ اصلزاده و قاتولیک صفیله‌ده حکومت متحده طرفداری اولان زادکان فرقه‌لرندن مرکب اتحادی ترجیح ایلردی. ایمپراطورک بعضاً بر جهته، بعضاً دیکر طرفه تمایلی (اوستریا) تاریخ سیاسیسنک اساسنی تشکیل ایتکده در.

هیئت وکروی اصرار [۱۸۶۷ — ۷۰]. — ایمپراطور اول امرده هیأت وکلایی، ۱۸۶۷ قانون اساسی جدیدینی بلا قید و شرط قبول ایدن آلمان احرار فرقه‌سندن تشکیل ایتدی. (اوتن‌سپرغ Atuesperg) هیأت وکلاسی بالخاصه منازعات مذهبی

بر فرقه دن مرکب متجانس برا کثرت حصوله کلمه مشدر . اکثریت دائماً مختلف فرقه لک اتحادیه تشکیل ایتشدر .

سیاست داخلیده اک مهم مسئله ، حکومت ایله هیئت رهبانک مناسباتی تنظیم و تمین ایلمک ایدی . ۱۸۵۵ تاریخنده پاپالک مقامیله عقد اولنان مقاله نامه موجبجه کلیسایک حقوق و صلاحیت رسمیه سنی محافظه ایدرک قاتولیک اولیان مذهب لک ممنوعیتی ، مکتبلرک نفوذ رهبانه تابع اولسی اصولی باقی قالمه جقمی ؟ یوقسه (آلمانیا) ده اولدینی کبی هیئت رهبانک حقوق و امتیازاتی فسخ ایدیه حکمی ؟ - صنف متوسط اهالیدن مرکب ، امپراطور لک طرفدار ی و نفوذ رهبان علیهداری اولان فرقه احرار ، آلمانیا ک فرقه مدیه احراری کبی ، بالخاصه امور مذهبی و تدریسیه نک اصلاحی طلب ایدیوردی . بوفرقه ، ترقیپوران و احرار ، نامیله ایکی (قلوب) ه ، یعنی قسمه آریباوردی . - فرقه محافظه کار . امور مذهبی و اقتصادیه نک طرز قدیم اداره سنی محافظه ایتک ایستور ، احرارک ایکی نوع رقیب لری اولان آلمان قاتولیک لری ایله (اسلوون) ، (خروات) کبی کوچک ملت لک محافظه کار لردن مرکب بولنیوردی .

ملیت بختنده ، اک مهم ماده ، لسان مسئله سی ایله (لانتاغ) مجلس لری نک حقوق مسئله سی ایدی . آلمانلر ، آلمانجه نک محاکمه ، دواثر اداره ده ، تدریسات تالبه ده لسان رسمی حکومت عد ایدلسنی طلب ایدیور لردی . دیگر ملنلر ، درجه قوتلرینه کوره ، یا یالکز خصوصی مکتبلرینک و کلیسالرینک ، اداره سنی ، یا مختاریت اداره یی ، یا لسانلرینک مساوات تامه سنی ، و یا خود (لانتاغ) مجلس لری نک استقلالی طلب وادعا ایدیور لردی .

سیاست خارجه ده آلمان احرار (آلمانیا) ایله (ایتالیا) یه طرفدار اولدق لری حالده قاتولیکر بونلره دشمن ایدی . (اسلاو) ملت لری آره سنده (چه) لر ، اسلاو اتحادی فکری نه خادم اولمق حسیبله ، (روسیه) نک اک شدتلی طرفدار لری و (آلمانیا) نک ایسه دشمن لری ایدی ؛ لهیلره کلنجه ، بونلر (روسیه) نک خصم جانی ایدیلر ؛ (اسلوون) لر ، (خروات) لر ، (روتن) لر ایسه روس محبی اولقله معروف ایدیلر .

یکدیگره ضد اولان بو مختلف سیاست لک عینی مملکتده اجرای حکم ایتسی حکومتجه دائماً تدابیر موقته ایله دقت کچر مکدن بشقه برشی یابیله مدیغنی ایما ایدر ایسه ده (اوستریا) ده کی فرقه لر آره سنده عقد ایدیلن اتفاقلر (آلمانیا) نک فرقه لری آره سنده کی اتفاقلردن ده دواملی ایدی . احوال اجتماعیه نقطه نظرندن آره لرنده موجود اولان

— تیرو و لایتنک شمالی آلمانلرک ، جنوبی ایتالیانلرک تحت نفوذنده ایدی ؛ اقلیتده قالان ایتالیانلر ، ایتالیان عنصرینک ساکن اولدیغی قضاا اچون آری براداره طلب ایلدیله . (اسلاو) منلرینک قوتلی برحالده بوانسدقاری شمال ولایتلری بالخاصه ملی فرقهلره آیرلدیله .

(بوهمیا) . (چه) فرقهسنک مرکزی اولدی . (چه) لر کویلهده ، (بوهمیا) قطعهسنک لااقل ثلثاننده احراز اکثریت ایدیورلردی ؛ فقط املاک جسمه صاحبلری (لانتاخ) مجلسنده (آلمان) فرقهسنه بیوک برا اکثریت تأمین ایتشلردی ؛ بو اکثریت حکومتک (چه) لر ابله ائتلاف حاصل ایتدیگی زمانه قدر دوام ایتدی [۱۸۷۹] . (بوهمیا) یه الحاق ایلدیش اولان (موراویا) و (سیلیزیا) ولایات قدیمهسنده اهلینک قسم اعظمی (چه) اولقله برابر آلمانلر شهرلر اهلایسیله املاک جسمه صاحبلرینک نفوذلری سایهسنده اکثریتی محافظه ایتدیله .

(غالیچیا) ده (له) فرقهسی اجرای حکم ایدیور ، فقط بو فرقه لهیلرک اوزرندهکی نفوذلریغی محافظه ایلدیش اولان قاتولیک زادکان طرفندن اداره اولنیوردی . (روتن) لر هیچ برزمان نفوسلریله متناسب بر نفوذ سیاسی اکتساب ایدمه مشلر ، احوال اجتماعیه نقطه نظرندن آشانغی بدرجهده بولنان کویلی صنفنده قالمشدر ؛ حتی صرف (روتن) لر ایله مسکون حوالیده بیله مبعوثانک بر قسمی آلآن لهیلدر . (غالیچیا) نک (لانتاخ) مجلسی دائما لهلی زادکانک تشکیل ایتدکلری اکثریته تابع اولمشدر ؛ اقلیتده قالان (روتن) لر کنسدیلرینه عائد مکتبلر ایله اورتودوقس کلیسای اچون بعض مساعدات ایسته مکه اکتفا ایدیورلر .

اهالیسی (رومن) عنصرینه منسوب اولان (بوکووینا) ده حیات سیاسییه پک ضعیفدر ؛ بو ولایت اول امرده (رایخسرات) مجلسنه هیئت وکلا طرفداری مبعوثلر کوندرمش ، بعده ملی (رومن) فرقهسی احراز اکثریت ایتمشدر . ایشته ، (اوستریا) ده مشروطیت اداره باشلادیغی زمان احرار و محافظه کار نامیلله ایکی آلمان فرقه سیاسییه سی ، یدی ملی فرقه [چهلر، لهیلر، روتنلر، اسلووه نلر، ایتالیانلر، خرواتلر، رومنلر] بولمقلده ایدی ؛ ملی فرقهلرک سیاستلری هرشیدن اول حکومت مرکز یه دن کندی لسانلری اچون امتیازات و ملیتلی اچون مختاریت اداره استحصال ایتمکدن عبارتدی ، (رایخسرات) مجلسنده بوفرقلرک مبعوثلری ، شورای امت خارجنده اوله رق ، برطاقم (قلوب) لر تشکیل ایدیورلردی . هربری یالکز باشنه آنجق کوچک بر اقلیتدن عبارت بولنیوردی . بناء علیه (رایخسرات) مجلسنده هیچ برزمان یالکز

چونکہ شہر و ناحیہ لردہ کی منتخبلر ایچون بیلہ ، ولایتہ کورہ تحول ایتمک اوزرہ ، معین مقدار ویرکو اعطاسی مشروط ایدی ؛ فقط بو ویرکونک مقداری کافہ صنوف منتخبین ایچون عین نسبتہ دکلدی ، عددآ آز اولان املاک جسیمہ صاحبیلرلہ تجارت اوطلہ لری شہرلر اہالیسنہ ، شہرلر اہالیسی دہ نواحی اہالیسنہ نظرآ دہا چوق ویرکو تادیہ سنہ مجبور و بنساء علیہ دہا زیادہ مبعوث اتخا بنہ صلاحیتدار ایدیلر . املاک جسیمہ صاحبیلرینک ، ارباب تجارت و صنایعک آلمان ، یاخود آلمانلاشمش اقوام سسارہدن اولدقلری ایچون اصول اتخاب ، ہان بتون (لانتاغ) مجلسلرندہ ، حتی (بوہمیا) ، (موراوایا) ، (سیلیزیا) کبی (اسلاو) مملکتلرندہ - کہ بورلردہ اہالیہ حلیہ یالکیز زراع صنفندن عبارت کیدر - بیلہ اکثریتی آلمانلرہ تأمین ایدیوردی . (لانتاغ) لردہ احراز اکثریت ایدن آلمانلر (رایخسرات) مجلسلرندہ اکثریتی قزانیورلردی .

سیاسی وضعی فرقر - وسط جہتندہ کی آلمان ولایاتلرندہ ، (اروپا) نک متمدن ، افکار حریتپرورانہ یہ مالک و قاتولیک مملکتلرندہ اولدینی کبی فرقر ملیت اساسنہ توفیقاً دکل ، سیاست نقطہ نظرندن تشکل ایتمشدی ؛ یعنی سیاسی فرقرلر موجود ایدی . - شرقدہ ، صنایعجہ ترقی ایتمش ولایاتدہ ، (ویانہ) نک بولندیگی (آشاغی اوستریا) دہ ، صنایع معدنیہ نک ترقی ایتمدیگی (ستیریا) دہ ، (قارینتیا) دہ اکثریت احرار فرقرہ سنندہ ایدی . - کویلیلرک ہیئت رہبانہ مطیع قالدقلرلر غرب ولایاتدہ قاتولیکار قوتلی ایدیلر . بونلر (تیرول) دہ دائماً محافظہ ایتمدیلر (وداربورغ) و (سالزبورغ) دہ دخی پک چابوق کسب قوت ایدیلر . (یوقاری اوستریا) دہ اکثریت ، حکومت طرفداری اولان ، املاک جسیمہ اصحابی الندہ ایدی .

(قارنیولا) ولایتی (اسلووہن) فرقرہ سنہ مرکز اولدی ، بو فرقرہ (قارنیولا) دہ کی (اسلووہن) لری ایچون مساوات حقوق استحصالیتمدی و بو عنصرک آلمانلرہ تابع اولدینی (قارینتیا) ، (ستیریا) ، ایتالیانلرہ تابع بولندیگی (ایستیریا) ، (غورچ) ، (تریستہ) ولایتلرندہ دخی عین صورتلہ مساواتی تأمینہ چالینشدی .

جنوب ولایتلرندہ ، اولاً ایتالیانلر اجرای حکم ایتمدیلر ؛ بعدہ اکثریت یواش یواش کویلردہ ساکن (اسلاو) اہالیہ ، یعنی (ایستیریا) ایلہ (غورچ - غرادیسقا) و (تریستہ) دہ (اسلووہن) لرہ ، (دالماسیا) دہ (خروات) لرہ کچدی . بیوک املاک صاحبیلرندن مرکب فرقرہ نک طاغیلمسی (دالماسیا) نک (لانتاغ) مجلسلرندہ کی اکثریتک (خروات) لرہ کچمسنی و (خروات) لسانک بو ولایت ایچون لسان رسمی عدایدلسنی انتاج ایتمدی

لسانی اولان آلمانجه می قبول اولنه جق ایدی؟ — «مأموریت و حیات سیاسی» ده مساوات السنه قاعده سنی تطبیق ایتمکده دخی عین مشکلات موجود ایدی. وحدت حکومت، امور و مصالح عمومی مشترک ایچون السنه مختلفه: ن برینک لسان حکومت اتخاذ اولنسنی ایجاب ایدیوردی. آلمانجه اوتهدن بری (اوستریا) ده سرای، حکومت واردولسانی اولدقدن بشقه ملل مختلفه نك بر برلریله قرونوشه بیلمسی ایچون یکانه لسان مناسب بو ایدی [*]. آلمانجه نك بو امتیاز مخصوصنه طوقونماق، مساوات لسان قاعده سنی اداره محلیه ایله محاکمه حصر ایتک ایجاب ایدیوردی. فقط بونی دخی تطبیق ایتک مشکلدی. نظامنامه لری، رسمی بیاننامه و اعلانلری السنه متعدده ایله یازمق کافی دکلدی؛ ملل مختلفه دن هر بر شخسه دواثر حکومتده کندی لسانی قوللامق و بو لسان ایله جواب آلق، محکمه لرده ینه کندی لسانیه محاکمه ایدمک صلاحیتی و یرمک اقتضا ایدیوردی. فقط بر ولایتده کی مأمورلرک او ولایتده تکلم ایدیلن السنه نك کافه سنه بحق واقف اولسی ممکن ایدی؟ — ایشته (اوستریا — مجارستان) ده کی اختلافات و منازعات سیاسیہ دائمًا مکاتب ابتدائیہ، تدریسات تالیه و عالیه، محاکم و دواثر حکومتده استعمال السنه مسئله لرندن تولد ایتشدن.

مختلف فرقه لرک بو اختلافاتده کی موقعلری اصول انتخابک تشکلات مخصوصه سی ایله تعین ایتشدی. ۱۸۶۷ قانون اساسیسی، ۱۸۶۱ ده جاری اولان اصولی محافظه ایتیش، یعنی انتخاب مسئله سنده یالکز رأیه باقلمیوب حق انتخابه مالک اولانلرک احوال اقتصادیه و مالیه لرینکده نظر دفته آلمنی قاعده سنی قبول ایلمشدی. منتخبلر احوال اقتصادیه لرینه کوره درت صنفه آیرلمشردی: املاک جسیمه صاحب لری، تجارت اوطه لری، شهرلر، ناحیه لر؛ بونلرک هر بری آیری آیری ویرلر و مبعوثلری انتخاب ایدرلردی؛ ناحیه لرده انتخاب ایکی درجه ایدی. — حق انتخاب تحدید ایدلمشدی؛

[*] تحریر نفوس رسمی به نظراً ۱۸۶۹ و ۱۸۹۰ سنه لرده السنه مختلفه آرہ سنده کی نسبت بروجہ آتیدر؛ رفلر ملیون اوله رق اوقونمیلیدر:

۱۸۹۰	۱۸۶۹	
۸،۵	۷،۱	آلمانجه
۵،۵	۴،۷	چه لسانی
۳،۸	۲،۴۴	» له
۳،۰	۲،۵۸	» روتن
۱،۶۲۰	۱،۱۹	» اسلووهن
۰،۶۵	۰،۵۲	» خروات
۰،۶۷	۰،۵۸	» ایتالیان
۰،۲۰	۰،۲۰	» رومن

ایکھی فرقه تأسیس ایندینر . -- بوندن بشته آلتار قییم زادکان وقا تولىك ادارسى طرفدارانی ، یعنی محافظه کاران ؛ حاکمیت عامه طرفدارانی ، نفوذ رهبان علیهدارانی ، یعنی احرار نامیله سیاسی فرقه لره دخی آیرلدیلر .

حیات سیاسی پی قاریشیق بر حاله قویان شی ماتسرك یکدیگر ندن تمامیله تفریق ممکن اوله مامسی ایدی . (اوستریا - مجارستان) ده کی مختلف « عرق » لر انجق لسان ایله بر بردن تفریق اولنه بیلیرلر ؛ بر کیسه نك ملیتی تکلم ایتدیکی لسان ایله ا کلاشیلیر . آلمانلرک بر قسعی آلمانلا شمس (اسلاور) ایدی [*] . بناء علیه هر ولایتده کی ملتئر ، یعنی عینی لسانی تکلم ایدن کیسه لر تماماً تفریق ایدلمش اولمیوب قارمه قاریشیق بر خالده بولنیورلردی .

(اسلاو) عنصرینک حاکم اولدیغی ولایاتک کافه سنده شهرلر اهالیسی ، املاک جسیمه اصحاب زادکان ایله افکار منوره صاحب لرینک لسانی آلمانجه ایدی ؛ چونکه آلمانجه تجارت ، سرای ، علوم و فنون ، ادبیات لسانی ایدی . (آدریاتیق) ساحلنده ده ایتالیانجه عینی موقعده ایدی . -- بعض ولایتلر صرف آلمانلردن ، یعنی آلمانلا شمس اقوامدن مرکب اولدیغی ایچون بورالرده ملیت منازعاتی یوقدی ؛ فقط ولایات سائر نك کافه سنده اختلاف السنه ، بر محلك ، اکثریا بر شهرک اهالیسی آره سنده خصومت شدیدیه سبب اولیوردی . اختلاف السنه دن متولد منازعات یالکیز سیاست عمومیه دن طولانی مرکزده ، یعنی (رایخسرات) مجاسنده دکل ، هر ملتک حقوقی ، یعنی لسانی استعمال ایده بیلیمک صلاحیتی نقطه نظر ندن هر کافه ممالک مختلفه نك (لانتاغ) مجلسلرنده دخی مناقشانه سبب اولیوردی .

قانون اساسی «مکتب ، مأموریت و حیات سیاسی» ملتئر ولسانلر آره سنده مساوات حقوق « قاعده سنی قبول ایتمش ، فقط لسان مسئله سنی حل ایتمه مشدی . بوقانونه کوره هر لسان ایچون آیری آیری مکاتب ابتدائی تأسیس اولنه بیله جگدی [السنه مختلفه یه مالک کویئر ایله اکثریت اهالینک لسانندن بشقه بر لسان ایله تکلم ایدن بر قاچ عائله نك ساکن بولندیغی شهرلرده آیری آیری ابتدائی مکتبلری تأسیسی مشکلات عظیمه پی موجب ایدی] . فقط تدریسات تالیه دخی مساوات حقوق قاعده سنه توفیقاً لسان محلی ایله می اجرا ایدیله جک ، یوقسه شاگردانک و مکاتب اعدادیه نك منافعنی تأمیناً بومکتبلرده فنون و ادبیات

[*] آوروپاده « اتسولوژی » ، علم احوال اهم نقطه نظر ندن مختلف عرقلر موجود اولوب اولدیغی ، یاخود آره ده کی فرقک یالکیز لسان و تربیه اختلافندن نشأت ایدوب ایتدیکی بوراده تدقیق و تحریه لزوم کورمیورز .

ع. مکره ، تجارت ، اوزان و اکیال ، اعتبار مالی ، نقلیات ، حفظ صحت ، تابعیت کبی مسائلدن ماعدا حریت مطبوعات ، اجتماع و شرکتہ ، مذاہب مختلفہ نك مناسبانہ ، تدریساتك قواعد اساسیہ سنہ ، حقوق جزا و تجارتہ ، حقوق مدنیہ ، تشکلات محاکم و ادارہ یہ متعلق کافہ امور (رایخسرات) مجلسنہ تودیع قلمدی . — « منحصرأ رایخسراتہ تخصیص ایدلمین مواد نظامیہ و قانونیہ نك کافہ سی . لانتاغ مجلسلرینہ بر اقلدی . قانون اساسی بی دکیشدیرمک ایچون (رایخسرات) مجلسندہ ثلثان اکثریت آرا لازم ایدی .

(آوستریا) حکومتی اصول مشورته یاقین بر حکومت مشروطه احرارانه اولبور ، اوچ درجه مبعوثان مجلسلری تأسیس ایدیوردی : ۱۷ ولایتك هر برنده ولایت قانونارینی و بودجه سنی مذا کره و قبول ایدن (لانتاغ) مجلسلری ؛ آوستریا ایچون (رایخسرات) مجلسی ؛ آوستریا — مجارستان حکومتك هیئت عمومیه سی ایچون (دده غاسبون) مجلسلری .

آوستریا - مجارستان

(مجارستان) و (آوستریا) ۱۸۶۷ تاریخندن بری آیری آیری ایکی حکومتدر ؛ هر برینك کندینه مخصوص بر حیات سیاسیة داخلیہ سی واردر . فقط حکمدار و سیاست خارجه ده کی اشتراك ، بو ایکی حکومتك سیاست داخلیہ سننده دخی اتحادی انتاج ایتمکدهدر . بونك ایچون هر ایکسنك تاریخنی یان یانه تدقیق ایذه جکز .

مناسبات خارجه یہ متعلق بر وقعه ، یعنی ۱۸۷۸ سنه سننده (بوسنه) نك اشغالی ایکی حکومتك سیاست داخلیہ سنی تعدیل ایتمکدن بزدہ بوندن صکره کی تاریخ سیاسیلرینی بو وقعه دن اول و صکره اولمق اوزره ایکی یہ آیره جغز .

آوستریا ده شرائط حیات سیاسیہ . — (سیسلایتانی) قطعہ سی کا فی السابق غیر متجانس بر چوق اقوامدن مرکبدی . ۱۸۶۷ سنه سنندن صکره دخی ملل مختلفه آره سننده کی اختلافات و منازعات حیات سیاسیہ یہ حاکم اولدی ؛ فرقه لر بالخاصه ملیت اساسی اوزرینه تشکل ایتمک ؛ آلمان عنصرینك تحت ادارہ سننده بر حکومت مرکزیہ تشکیلی طرفدارلری ایله (چه) ، (له) ، (اسلووہن) ، (خروات) کی اقسامه آیریلان (اسلاو) لر طرفسندن اداره اولمق اوزره حکومت محلیہ تأسیسی طرفدارلری یکدیکره ضد ایکی

حضورنده مسؤل بر هیئت وکلايه ، قوه تشریعیه یی ایکی مجلسدن مرکب (دیت) ه ویریوردی . مجلس اعیان ، بالحاصله ارثاً عنوان اصالی حائز زادگاندن مرکبدی [سکر یوزی متجاوز اعضا] . فعلیاتده یکانه شورای امت اولان مجلس مبعوثان غایت واسع بر اصول ایله انتخاب اولمش مبعوثانندن مرکبدی ، حق انتخابه نائلیت ایچون اعطاسی مشروط اولان ویرکونک مقداری غایت آز اولدینی کبی اهلیت واققدار ذاتی صاحی اولانلر حق انتخابه مالک ایدیلر .

(اوستریا) ده ۱۸۶۷ « قوانین اصلیه یی » ایله تعدیل ایدیلن ۱۸۶۱ قانون اساسیه یی دخی غایت احرارانه ، اصول مشورته موافق بر قانون اولدی . « وطنداشلیک حقوق عمومیه سی ، حقنده کی قانون ، مساوات حقوقی تعبیرات انقلابپررانه ایله تعریف وقبول ایتدی : « بتون وطنداشلیق قانون ضرورنده مساویدرلر ؛ حکومت مأموریتلرینه هر کس قبول ایدیله بیلیر . « بقانون حریت خصوصیه وسیاسیه یی دخی تصدیق ایلدی . آلمان عنصرینه منسوب اولمیان ملتلی تأمین ایچون لسان ایله ملیتک مساواتی دخی اعلان ایلدی [*] .

(رایخسرات) مجلس کافی السابق بر مجلسی اعیان ایله ۱۷ ولایتک (لانتاغ) مجلسلرنجه انتخاب ایدیلن ۲۰۳ مبعوثدن مرکب بر مجلس مبعوثانندن متشکل قالدی [**] . فقط هیئت وکلانک (رایخسرات) مجلسی حضورنده مسؤیتی قبول و مجاس مذکورک قانون تکلیفی حقنه مالک اولدینی تصدیق اولندی .

قوه تشریعیه (رایخسرات) مجلسی ایله خصوصی (لانتاغ) مجلسلری آره سنده و اصوله تقسیم ایلدی که وحدت حکومتی محافظه ایچون نه لازم ایسه کافه سی (رایخسرات) مجلسنه ویرلدی .

بوصورتله (آلمانیا) ده (رایخسرات) مجلسنه تودیع اولنان مشترک بودجه ، خدمت

[*] « حکومتی تشکیل ایدن کافه اقوام حقوقجه مساویدر ؛ هر برینک کندی ملیتی ولساتی محافظه ایتک خصوصنده کی حق غیر قابل تعرضدر . حکومت کافه السنه مستعمله نیک مکشیده ، مأموریتده ، حیات عمومیه ده عینی حقوقه مالک اولدینی قبول و تصدیق ایتشدر . ملل مختلفه نیک ساکن اولدقاری مملکتلرده مکتبلر او صورتله تأسیس و تنظیم اولمیدر که ملل مذکورده هر بری ایکنجی برلسانی او کرمکه مجبور اولمده کندی لسانیه تحصیل علم و معرفت ایده بیلسون » [**] بوهیادن ۵۴ ، مورایادن ۲۲ ، سلیزیادن ۶ ، غالچیان ۳۸ ، بوفوینادن ۵ ، دالمچیان ۵ ، ۶ ، آشاخی اوستریادن ۱۸ ، یوقاری اوستریادن ۱۰ ، سالزبورغدن ۳ ، ستیریادن ۱۳ ، قارینتیادن ۵ ، قارنیولادن ۶ ، تیرولدن ۱۰ ، ووراربرغدن ۲ ، ایستیریادن ۲ ، جورج غرادیسقادن ۲ ، تریسته دن ۲ مبعوث .

سنه ایکی پایتختدن برنده، یا (ویانه) ده، یا خود (پشته) ده عقدا اجتماعه دعوت اولنور ایدی. (دهله غاسیون) مجلسلری مشترک برشورای امت دکل، مذاکره ایتیه رک یالکیز قرار ویرمک، اوزره کوندرلش مرخصلردن مرکب ایکی قونفره دن عبارتدی. (دهله غاسیون) لر آیری آیری طوبلانیرلر، هریری منسوب اولدینی ملتک لسانیه مذاکره ایدر، آره لرنده کی مناسبات و مخبرات یالکیز تحریری بیاننامه لر ایله وقوعه کلیدی؛ اکر بره مسئله ده ائتلاف حصوله کلز ایسه بریده اجتماع ایده بیلیرلر، فقطینه مذاکره ایتیموب یالکیز اعطای رأی ایدرلردی. — (دهله غاسیون) لر اون سنه ایچون عقد ایدلش مقاوله نامه شکنده موقت ائتلافله قرار ویره بیلیرلر؛ بعده ایکی حکومتک شورای امتلری بو ائتلافلری قانون شکنه وضع ایدرلردی.

ایلك مقاوله نامه ایله مشترک برکمرک اصولی، برابقه، مشترک مسکوکات و اوزان و اکیال وضع و قبول ایدلدی. دیون قدیمه، مصارف آتیه تقسیم ایدلدی؛ (مجارستان) بونلرک آنجق یوزده اوتوزینی درعهده ایتدی.

بو اصول اداردک امثالی نامسبق اولدینی ایچور نظریون تعریف ماهیتی امرنده مشکلاته دوشدیلر. شمالی آلمانیا کی برهیت متحده دکلدی. — حیات اقتصادی به متعلق امورک کافه سی ابدی و قطعی بر ائتلافه عائد دکلدی؛ ایکی حکومت آره سنده کی مناسبات اقتصادی نک مدتی غایت قیصه بر ائتلاف موقت ایله تعیین ایش اولسی برچوق مسائلک وقت وقت موقع مذاکره و مباحثه به وضعه سبب اولیوردی؛ ایکی حکومتک شورای امتلردن بری مشترک بانقینی، قوانین اقتصادی، حتی مسکوکات، اوزان و اکیال حقدنه کی مقرراتی فسخ و لغا ایده بیلیردی. — امور خارجیه و عسکرینه دن بشقه هیچ برشی ایچون ائتلاف دائمی موجود دکلدی. بو ائتلاف دائمی ده ابدی دکلدی. چونکه ایکی حکومت آره سنده دکل، حکومتلردن هر بریله مقام حکمداریده بولنان خاندان آره سنده عقد ایدلشدی؛ (لورن) عالیه سنک نسلی منقطع اولورسه اتحادده منقطع اوله رق (مجارستان) کندیته بشقه برقرال انتخاب ایتیمی لازم کله جکدی.

۱۸۶۷ قوانین اساسیه اصرار نه سی. — ائتلافه نیک عقدی اوزرینه هر ایکی حکومتده قوانین اساسیه و انتخاب وضع و تأسیس ایدلدی.

(مجارستان) ده ۱۸۴۸ قانون اساسیمی، قرالک طایی وجهله، تعدیل ایدلدی؛ بتون وکلایی انتخاب ایتک صلاحیتی قراله ویرلدی. بوقانون، غایت احرارانه، (بلجیقا) قانون اساسیینه مشابه، قرال طرفندن یمین ایله قبول ایدلش برقانون اساسی ایدی. سیاسی و خصوصی بتون حریتلری تحت تأمین آلیور؛ قوه اجراییه شورای امت

مخصوص قرتال علامتلى بايراق [. حكومت (اوستريا - مجارستان) عنوانى آليوردى ،
 كيفيت تقسيم حقوق قديمه تاريخيه توفيقاً اجرا ايدلمشدى : (مجارستان) حكومتى
 (سن انهن) تاجنه عائد ممالك قديمه دن [*] مركب بولنيور ، (اوستريا) حكومتى ممالك
 سائرهنك كافه سنى [۱۷ ولايتى] احتوا ايدنيوردى . هرايكي قسمة بر نام قديم تاريخى .
 يعنى اوستريايه (سيديلاتانى Cisleithanie) ، مجارستانه (ترانس لايتانى Transleithanie)
 اسمى و يرلدى ؛ ديم « اوستريا ولايتى » ايله « مجارستان قراللى » بر بزدن (لايتا Leitha)
 نهريله آيرلمش اولدقلى ايجون ، جغرافيا نقطه نظرندن ، اسامى مذكوره آنجق بو
 ايكي قطعته تطبيق اولنه بيلير ؛ (اوستريا) نه مربوط ممالك كافه سنه كه - قسم اعظمى ،
 يعنى (غاليجيا) ، (بوووبنا) مملكتلىرى (لايتا) نهرينك شرقده ايديلر - (سيديلاتانى)
 نامى و يرملك طوغرى اوله مازدى . - ايكي حكومتدن هر بزنده بر ملت حاكمه
 [سيديلاتاننده آلمان ، ترانس لايتاننده مجار ملتى] ايله قسم اعظمى (اسلاو) عرقه
 منسوب اولان ، تشكىلاتى اودرجه قوى و مدنيتلىرى نسبةً مترقى اوليان بر جوق اقوام
 صغيره موجود ايدى . روايته نظراً (بوست) ، مجار و كلاسندن برينه : « سز كندى
 قبيله لريكنزى محافظه ايديكز ، بزده زمكلىرى محافظه ايدرز » ديمشدى .

ايكي حكومت يكديكره ، ۱۸۴۸ ده اولديغى كچى ساده بر اتحاد شخصى ايله دكل ،
 امور مشتركىي روئته مأمور بر حكومت مشتركه ايله مربوط ايدى . امور مذكوره
 ايكي صنفه تقسيم ايدلمشدى :

۱ . - « رايخسرات مجلسنده مبعوث بولنديران مملكتلر ايله مجارستان تاجنه
 مربوط ممالك آره سنده مشترك اولان امور » مناسبات خارجيه ، امور حربيه و بحريه
 [هر سنه آله جق افراد جديده عسكريه نك تعيين مقدارى ايله نظامات عسكريه مستثنا] ،
 مصارفات مشتركه ايجون امور مالبهيه انحصار ايدنيوردى . بو ايشلر هرايكي حكومتك
 شوراي امتلى حضورنده مسؤل اولان ايمپراطوراق و كلاسنه مودوع ايدى .

۲ . - تجارت ، كمرنك ، مسكوكات ، نظامات عسكريه ، صنايعه متعلق قوانين كچى
 « وقت وقت هرايكي حكومت آره سنده مشتركاً حلى لازم كلن امور » ايله مصارفات
 مشتركده ايكي حكومته اصابت ايدن حصه لرى تعيين ايتك مسئله سى هر ايكي شوراي
 امك « دلگه لرندن » ، يعنى مرخصلرندن مركب اولان (ده لغاسيون Délégation)
 مجلسارنده روئت اولنه جقدى . هر حكومت طرفندن آلتش كشى اولمق اوزره انتخاب اولنان
 « دلگه » لر [بونلرئك ثلثانى هر بر حكومته مجلس مبعوثان طرفندن انتخاب ايديلير] هر

[*] مجارستان ، خرواتستان ، اسلاوونيا ، ترانسيلوانيا ، صربستان ، حدود عسكريه .

مجبور ایتدی [۲۷ تموز] ، نهایت قانون اساسی احکامی تعطیل ایلدی . « مملکتک شرق طرفنده کی اقوامک وکلای مشروعه سبله حصول ائتلافه قرار ویردیکی ایچون قانون اساسی احکامی تعطیله مجبور اولدیغنی » اعلان ایتدی [۲۰ ایلول] . قانون اساسینک تعطیل احکامی « موقت » اوله جنی بیان ایدلمشدی . فقط (بل قره دی Belcredi) نك تحت ریاستنده کی یکی هیئت وکلا فرقه زادکانه منسوب ذواتدن مرکب دی . بناء علیه آلمان احراری ، قانون اساسینک تعطیل احکامنه برضربه تغلب نظریله باقدیلر ؛ لکن (لهستان) و (بوهمیا) ده کی حکومت متحده طرفدارلری ایله (تیرویل) قطعاً سنک قاتولیک فرقه سی بوکا ممنون اولدیلر . (مجارستان) و (خرواستان) دیت مجلسلری شرائط ائتلافی مذاکره ایچون عقد اجتماعه دعوت ایدیلر ؛ امپراطور - (دیت) مجلسینک وحدت حکومتی تأمین ایده جک صورتده تعدیل ایلمسی شرطیله - ۱۸۴۸ قوانینی « اساساً » قبول ایتدیکنی بیلدیردی . ۱۸۶۵ سنه سی قانون اولنده باشلایان مذاکرات ۱۷۶۶ محاربه سی سببیه منقطع اولدوقدن صکره ، ۱۸۶۷ سنه سنه قدر دوام ایتدی . ایکی اصولدن برینی ، یعنی یابتون امپراطورلغک یالکز ایکی ملت آره سنده تقسیمینی [سن اتین تاجی مجارلره ، ممالک سائره آلمانلره] ، یاخود مملکتی برچوق کوچک کوچک حکومتلره تقسیم ایده جک صورتده حکومت متحده طرفدارلری قبول ایتمک ایجاب ایدیوردی . هیئت وکلا اول امرده حکومت متحده طرفدارلری التزام ایتدی ، (راینخسرات) مجلسینی صورت فوق العاده عقد اجتماعه دعوت ایلدی ؛ مجلسک اکثریتی هیئت متحده طرفدارلری چیقدی . فقط آلمان مملکتلرندن انتخاب ایدیلن مبعوثلر بو مجلسده اثبات وجود ایتمک لردن (مجارستان) ایله عقد اولنه جق ائتلافنامه یی مذاکره ایده بیله جک درجه ده اعضا حاضر بولنه مدی .

۱۸۸۶ محاربه سندن صکره (اوستریا) خدمتنه داخل اولان سابق (صاقسونیا) رئیس وکلاسی (بوست Beust) ک اصراری اوزرینه امپراطور هیئت متحده اصولندن واز کچدی . ۱۸۶۷ سنه سی شباطنده موقع اقتداره کلن (بوست) هیئت وکلاسی امپراطورلغک ایکی ملت آره سنده تقسیمی اصولی ایله مشروطیت اداره یی قبول ایدرک قانون اساسینک تعطیل احکامنه نهایت ویردی .

مجارستانه ایله ائتلافنامه . — طرز جدید اداره نك اساسی ۱۸۶۷ ائتلافنامه سی اولدی . بو ائتلافنامه ، امپراطورلغی حقوقجه تاممیله مساوی اولاق ، عین حکمداره — فقط مختلف عنوانلره ، یعنی (اوستریا) امپراطور ، (مجارستان) قرال صفتیله — تابع بولنق اوزره ایکی حکومته آیردی . حکومتلرک سنجانگی بر ایدی [امپراطورلغه

رسماً منقطع اولدی . حکومت ، مجاربری صبر و تحمل ایده میه جک بر درجه به کتیرمک ایچون « اداره موقته » نامی آلتنده تدایر شدیدۀ تضییقه یی یکیدن تطبیق ایتدی . فقط مجارلر مقاومتدن فارغ اولدوقلرندن اداره موقته ۱۸۶۶ سنه سنه قدر دوام ایلدی . — خرواقلر دخی (دالماچا) ده (دیت) مجلسی تشکله حکومت طرفندن ممانعت ایدلدیکی مدتیجه ، (رایخسرات) مجلسنه مبعوث کوندرمکدن امتناع ایتدیلر . تشکیلات ملیه لری اودرجه قوی اولمان ملتر ، لهیلرایله چهلراولا (رایخسرات) مجلسنه مبعوث کوندردکاری حالده بالاخره ، یواش یواش سیاستلرینی تبدیل ایدیلر . مجارلری تقلید ایتکی دها فائده لی کوردیلر . لهیلر (رایخسرات) مجلسندن چکیدیلر؛ چهار ، (بوهیا) نك (لانتاخ) مجلسنده احراز اکثریت ایدرک ، مبعوث کوندرمکدن استنکاف ایتدیلر . (رایخسرات) ده یالکیز آلمانلرایله مال سائر مبعوثلری قالدی .

بوئانده هیئت وکلا ، بالخاصه سیاست مالیه سندن طولایی (رایخسرات) مجلسنده کی آلمان فرقه سیله بوزوشدی ؛ وکلا مبالغه مخصه یی ماضع لهک غیری یه صرف ایتک صورتیله بودجه آچینی قبائیدیغی اعترافه مجبور اولیوردی . آلمان فرقه احراری ، هیئت وکلایی پاره تدارک ایتک ایچون مشروطیت اداره یی اخلال ایلمکله اتهام ایدیوردی . مجلس مبعوثان اولا ، بودجه ده توازن حصولی [۱۸۶۴] ، بعده مصارفک تنقیضی [۱۸۶۵] طلب ایتدی ونهایت حکومتک تکلیف ایدلکی استقراضی رد ایلدی .

قانونه اساسینک تعطیل اعطای . — امپراطور ، ۱۸۶۱ قانون اساسیسی ممانک مختلفه سی آرهنده کی وحدتی محافظه ایتک و اداره حکومتی تسهیل ایلمک ایچون قبول ایتشدی . حال بوکه قانون اساسی احکامی امپراطورلغک آنجق برقسمنده جاری ایدی ؛ قسم دیکرنده اهالی بونی رد ایدیور وحتی بعض مملکتلرک مجالس خصوصیه سی بیله عقد اجتماعه دعوت ایتک ممکن اوله میوردی . (رایخسرات) مجلسی ، هیئت وکلایه معاونت ایده جکی یرده ، کندیسندن حساب صورمق صورتیله ایقاع مشکلات ایلدیوردی . امپراطور ، نتیجه سز قالان بوتجر به دن متفر اولدیغی ایچون ، (اوستریا) نك تعامل قدیمه ، یعنی مجارستانک آیری بر حکومت عد ایدلمسی مسلکینه عودت ایتدی . (مجارستان) ده وحدت حکومتی قبول ایتبه جک درجه ده مستقل برملت بولندیغی ایچون امپراطور بوملتی ملل سائر دن آیره رق تابع دکل ، متفق یایمغه قرار ویردی . بونک اوزرینه (مجارستان) ک حقوق تاریخیه سیسی امپراطولق ایله تألیف ایچون مجارلرله مذاکرته باشلاندی . امپراطور ، مذاکراتی مشکلاته دوشورمه مک ایچون (رایخسرات) مجلسنی طاغیتدی ، آلمان فرقه احرارینه منسوب هیئت وکلایی استمفایه

ویریله جک جواب مذاکره ایلدیکي زمان یکدیگره مساوی ایکی فرقه به آیرلدی .
 بر فرقه ، مسئله نك (دیت) مجلسنجه موقع مذاکره به بیله وضع اولنماسنه ۱۸۴۸
 قانون اساسیسنك اعاده سی طلب ایدلسنه قرار ویرلسنی ایستوردی . (دوق) و
 (نه تودوز) کی قدیم احرار طرفدن اداره اولنان دیگر فرقه یکی قانون اساسی
 علمینده کی مطالباتی بیلدیرمک ایچون قراله ده ائتلافجویانه برشکلده « عریضه »
 تقدیمی تکلیف ایدیوردی . اوچ هفته مذاکره دن صکره ایکنجی فرقه برنجیسنه
 غلبه ایتدی [۱۵۲ رأیه قارشی ۱۵۵ رأی ایله] . فقط « عریضه » ، مجلسسک بر
 قراری شکلنده یازلدی ؛ (دیت) مجلسی مجارستانده جاری اولان تعامل وجهله
 « قرال » ه خطاب ایده چکی پرده — (فردیناند) ک سقوطی و (فرانسوا زوزف) ک
 جلوسنی موافق قانون کورمدیکنی آکلاتمق ایچون — پرنسره مخصوص القاب ایله
 « عریضه » بی یازدی . — امپراطور . بونی قبول ایتدی . — (دیت) مجلسی
 عریضه نك ۱۷۹۰ سنه سنده کی شکله موافق اولسنه راضی اولدی ، فقط « مجارستان
 قرالنک آنجق رسم توج ایله مشروع بر حکمدار اوله بیله چکنی » و رسم تتوجک ایسه
 شرائط آتیه به ، یعنی : اولاً ، مجارستان (دیت) مجلسنه کلاری مبعوث کوندرملری اقتضا
 ایدن (خروانتان) و (ترانسیلوانیا) کی مملکتلرک اتحادینه ؛ ثانیاً ، « قوانین
 اصلیه نك تماماً اعاده سنه » ، یعنی ۱۸۴۸ قانون اساسیسنك قبوله ، ثالثاً « اصول مشورتک
 ومسئولیت و کلا قاعده سنك تأسیسنه » متوقف بولندیغنی اعلان ایتدی . — مجارملتی
 « عنصر اجنیدن مرکب بر اکثریته » تابع قیلمق صورتیله مجارستانی بر « اوستریا
 ولایتی » درجه سنه ایندیرن قانون اساسی مشترکه کلنجه ؛ (دیت) مجلسی بونی « ملت
 ایله مقام حکمداریده بولنان خاندان آرمسنده منعقد مقاوله نامه به ، مغایر بولدیغدن رد
 ایدیوردی . بوندن بشقه « مملکتک استقلال مشروطنی هر هانکی بر ملاحظه ویا منفعته
 فدا ایدمه چکی » ؛ « مجارستان حکومتی مجار قرالندن بشقه هیچ کیمسه به تابع
 قبله میه چفی » ؛ امپراطورلنی تشکیل ایدن مملکتلرک مبعوثلرندن مرکب بر مجلسه مبعوث
 کوندرمک ایسته مدیکنی اعلان ایلور ویا لکنز (اوستریا) بی تشکیل اید دیگر
 ایت ایله مستقل متلر کی مذاکره به کیریشمه راضی اولیوردی .

هر ایکی طرف ، طرف دیگره کندی حقی صورت قطعیده قبول ایتدیرمدکجه ،
 یعنی مجارلر کندی قانون اساسیلرینی ، امپراطور ایسه احسان ایلدیکي قانون اساسی بی
 طرف مخالفه تصدیق ایتدیرمدکجه . مذاکره به کیریشمک ایسته میوردی ؛ تعقیب اولنان
 مقصدلر بر برینه ضداولدیغنی ایچون تألیف بین خصوصنده کی تشبثات ، قیم قالدی ، مذاکرات

مبعوث کوندرمک ایستهمدی ؛ حکومت (لانتاخ) مجلسنی طاغیترق و انتخاب قانونی دکیشدیرهرك مبعوث انتخاب ایتدیره بيله چك درجهده بر اکثریت تشکلی ایتدی [. رهبان فرقهسنك احراز اکثریت ایتدیکی (تیرول) قطعهسی مذاهب مختلفه نك عین حقوق و صلاحیته مالک اولسنه اعتراض و (پروتستان) مذهبنك منعی طلب ایتمکله برابر مرخصلرینی کوندردی . — اک قطعی حرکت (لانتاخ) مجلسلرنده اکثریتی احراز ایدن املاک جسیمه اصحابی طرفندن اجرا ایدلدی . بونلر حکومت متحده طرفداری اولان متفقلرینی ترك ایدرهك حکومته تابع اولدیلر . (رایخسرات) مجلسی تام اولهرق تشکلی ایدمهمدی ؛ ۱۴۰ مبعوث اکسیک ایدی ، فقط مجلسك مجارستانه تابع اولمیان مملکتلرک امورینی رؤیت ایده بيله چك درجهده اعضاسی موجود اولدینی اعلان ایدیلرک یالکمز ممالک مذکوریه عأد خصوصات ایله مشغول اولدی . بعده ، ۱۸۶۳ سنهسنده ، حکومت (ترانسیلوانیا) دهکی (دیت) مجلسنی تشکلی ایتدیکندن مجارلره مخالف اولان (صاقسون) لر ، مبعوثلرینی (رایخسرات) مجلسنه کوندردکلری ایچون ایمپراطور مجلسك بتون ایمپراطورلق اموری ایله مشغول اوله بيله چك صورتده تشکلی ایتدیکی اعلان ایلدی .

مشروطیت اداره ، ۱۸۴۸ سنهسی نظراندن ، قدیم آلمان احرار وطنپرورانندن (شمرلینغ) ك تحت ریاستده کی آلمان هیئت وکلانك زمان حکومتده موقیع تطبیقه وضع ایدلدی . بو هیئت وکلانك سیاستده جالب دقت اولان شی افکار حریتپرورانیه ایله برابر آلمان عنصرینك تأمین حاکمیتنه متعلق اجرا آدر . اوزمان [۱۸۶۳] (آوستریا) آلمان حکومتلریله مذاکره ایدیوردی [آلمانیا بحثنه مراجعت] . رایخسرات مجلسك هیئت مبعوثانی — اکثریتله آلمانلرده مرکب اولدینی ایچون — حکومتك سیاستنی تصویب ایدیوردی ، آلمان حکومتلریله تأیید روابط ایدلمسنی ایمپراطور دن رجا ایتمک ایچون بر عریضه تنظیم ایتدی .

بو اصول اداره ، اولاً ، آلمانلر طرفندن اداره اولنق ایستهمین حکومت متحده طرفداری ملتلرک ، بعده حکومتك لازم اولدینی قدر حریتپرور اولمدیغنی ادعا ایدن بالذات آلمانلرک اعتراضنه هدف اولدی .

ملتلرک اعتراضی ، مقاومتی (ونديك) ایله (مجارستان) ده باشلادی . — (ونديك) مجلس اداره و لایقی مبعوث کوندرمکدن امتناع ایتدی [۱۸۶۱] . حکومت طرفندن (پشته) نك قارشیسنده کائن (اوفن Ofen) ده عقد اجتماعه دعوت ایدیلن مجارستان (دیت) مجلسی طوبلانمغه راضی اولدی . فقط اجتماعی متعاقب ، یعنی ایمپراطوره

« مجلس مبعوثان Chambre des représentants » ، (لانتاغ) لر طرفدن انتخاب ایدیلن ۳۴۳ اعضادن [مجارستاندن ۸۵ ، ترانسیلوانیادن ۲۰ ، خرواستاندن ۹ ، بوهمیادن ۵۴ ، موروايادن ۲۲ ، گالیچيادن ۳۸] مرکب بولنه جق و حکومت آرزو ایدرسه بواعضای هیأت انتخابیه آره سندن طوغریدن طوغری به انتخاب ایتمک صلاحیتنی حائز اوله جقدی ؛ (لانتاغ) مجلسلری اعضا انتخابندن استنکاف ایتدکاری تقدیرده حکومت بصلاحیتنی استعمال ایده جکدی .

ایمپراطور ، « بوقوانین اصلیه تک هیئت مجموعه سی ایمپراطورلئک قانون اساسیمی اولدیغنی » اعلان و « بونی بلا تغییر محافظه ایلمکی » کرک کندی ، کرک اخلاقی نامنه تعهد ایدیور ، هر حکمدارک حین جلوسنده خصوصی بریانه نامه ایله قانون اساسی به یمین ایده جکنی بیان ایلوردی . طرف حکمداریدن احسان ایدیلن بوقانون اساسی سایه سنده (اوستریا) ، (توری) نظریه سنه موافق بر حکومت مشروطه اولبوردی : ایمپراطور ، وکلاسنی آرزوسی وجهله انتخاب ایدیور ، حکومتک صاحبی قالیور ؛ « مجلس » ، اون سکزنجی (لوئی) زماننده کی مجلس مبعوثان کی ، قانونلر ایله بودجه بی تصدیقندن بشنه بر صلاحیتنه مالک بولنموردی .

وحدت حکومتک تأسیسی ایچوره نشینات [۱۸۶۱-۶۵] . — ۱۸۶۱ قانون اساسیمی

وحدت حکومت طرفدارلرینک آرزولرینه موافقدی . آلمان احرار ایله (مجارستان) تاجنه تابع مملکتکرده مقیم صربلیلر ، رومانیالیلر ، (گالیچیا) دهکی (روتن) لر ، (دالماسیا) دهکی (خروات) لر کی کوچک ملتلر قانون اساسی بی التزام ایدیورلردی . زادکان صنفنه منسوب حکومت متحده طرفدارلریله تشکیلات مخصوصه لری قوتلی اولان ملتلر ، ایمپراطورانی تشکیل ایدن بتون ممالکی بر مجلس مشترکه تابع قیلدیغی ایچون ، طرز قدیم اداره طرفدارلری ایسه بر حکومت مشروطه احرارانه تأسیس ایلدیکندن طولایی قانون اساسی عاينده ایدیلر .

فقط ۱۸۶۰ دهکی اکثریتی تشکیل ایدن اتفاق بوزولدی . — اک مستقل ملتلر

قانون اساسی بی کندی حقوق تاریخیه لرینه مغایر کوردیلر ؛ بنشاء علیه (رایخسرات) مجلسنه مرخص کوندرمکدن امتناع ایتدیلر ؛ مجارلر ایله (ونڈیک) قطعه سننده کی ایتالیانلر و خروانلر انتخاباتی اجرا و مبعوث اعزام ایتدیلر . — لکن حکومت متحده طرفدارلری اولان دیگر ملتلر بودرجه مفرطانه اولان سیاستی ، اولاً ؛ قبوله جسارت ایده مدیلر ؛ لهیلر ، چهلر ، (اسلووهن) لر حقوق تاریخیه لرینی محافظه ایتمک شرطیله مبعوثلرینی کوندردیلر . [ایستریا ایله ترانسیلوانیاده (لانتاغ) مجلسی اولاً

بونك منبى ايجون حكومتدن آلدقلى امرنامه لره رعایت ایتدیله . (دیت) مجلسى طرفدن قبول و تصدیق ایدلمدیكى بیانیله ویركولر تأدیله اولمىدی ، اوستریا محكمه لرینه اطاعت ایدلمدی . بو حرکت عمومیه قارشى (اوستریا) حكومتى ایله (قومیتات) وایللى هیچ برشى یابه میورلردى . ایمپراطور احوال حاضرمدن شكایت و (دیت) مجلسى آرتق عقد اجتماعه دعوت ایتیه جكنى مقام تهیدیده بیان ایتدی . (قومیتات) مجلسلى برعربضه تقدیم ایدرهك ۴۸ قانونلرینك تمامی تطبیقى و انقلابه متعلق افعال جرمیه اصحابى ايجون عفو عمومى اعلاننى طلب ایتدیله [كانون ثانى ۱۸۶۱] .

۱۸۶۰ سنه سى كانون اولنده داخلیه نظارتنه كچن (شمربلیغ Schmerling) ایمپراطورلى تشكیل ایدن مملكتلره طوغریدن طوغری به اهالى طرفدن منتخب (لانتاغ) مجلسلى احداثى ، بو مجلسلر اجتماعاتنك على اولمىسى ، هر برینك تكلیف قوانینه صلاحیتدار بولمىسى ، یعنی هر مملكت ايجون بر حكومت مشروطه تأسیسنى وعد ایتدی . فقط صنف متوسط اهالى به منسوب احرار بتون ایمپراطورلق ايجون بر حكومت ایستبورلردى . مالیه نظرى غایت آشاغى دوشن اوراق نقدیه فیئاتنك ترفیى ايجون نه یایمق لازم كله جكنى تجارن او طه لرندن صور دینی زمان بتون او طه لر « سوء استعمالات موروثه » به میدان ویرمه مك ايجون یكانه چاره نك « حقیقى بر قانون اساسى » اولدیغى جواباً بیلدیردیلر .

ایمپراطور ، مجارلرك آمالنه متابعت ایتك ایسته میدیكى و احوال مالیه دن اندیشناك اولدیجه هتهله وحدت حكومت طرفدارى افلیتك فکرىنى قبول و ۲۶ شباط ۱۸۶۱ تاریخلى یكى بر قانون اساسى تسطیر ایلدیكه بو قانون ۱۸۶۰ امرنامه سنى اكجال ایدیور ، دهها طوغریسى او امرنامه به تماماً مخالف بشقه بر طرز اداره وجوده كتیریوردى . - هر مملكت ، بر امرنامه مخصوص ایله تشكیل ایدیان (لانتاغ) مجلسى محافظه ایدیور ؛ (ونديك) قطعه سیله (مجارستان) تاجنه مربوط مملكتلرك تشكیلاتى بشقه بر زمانه تعلق اولنیوردى . ممالك سائرده (لانتاغ) مجلسى ، ۱۸۴۸ دن اول (پروسیه) نك (لانتاغ) مجلسلرنده اولدیغى كچى ، اوچ صنف اوزرینه ، یعنی املاك جسیمه اصحابى ، شهرلر و قریه لر اهالیسى طرفدن انتخاب اولنه جق و اكثريت املاك صاحبی زادكان یندنه بولنه جقدى . فقط « ایمپراطورلق مجلسى » ایكى مجلسدن مركب و هر سنه اجتماع ایدر ، حقیقى بر شورای امت حالى آلوردى ؛ « مجلس اعیان Chambre des seigneurs » ایمپراطور طرفدن تعیین اولنان بعض ارکان مأمورین ایله زادكاندن مركبدى .

اجرا ایتمه‌سنی ایمپراطوره توصیه ایلوردی . بوفرقه اجرا ایدیله جک اصلاحاتی مهم بر اقیور ، اوزمان انقلابپورانه بر تعییر عد ایدیلن « قانون اساسی » کلمه‌سنی استعماله جسارت ایده‌میوردی .

ایمپراطور اول امرده اکثریتک فکرینی تعقیب ایتدی . ۲۰ تشرین اول ۱۸۶۰ تاریخی اسرنامه‌سیله « دائمی ولایتییر بر قانون اساسی حکومت » نشر ایلدی . بوقانون ممالک مختلفه (لانتاغ) مجلسلرینک قانون تصدیق حقنه مالک اولدق‌لرینی ، هر بر (لانتاغ) مجلسنک اصول قدیمه تاریخیه کوره ، « مجارستان تاجنه مربوط مملکتلرده قوانین اساسیه قدیمه‌لرینه ، ممالک سائرده نظامات محلیه توفیقاً حرکت ایده چکلرینی بیان ایدیوردی . بتون ایمپراطورغه شامل قوانین مشترکه وبالخاصه امور مالیه [ویرکولر ، استقراض ، بودجه ، حسابات] ایچون (لانتاغ) مجلسلرینک مرخصلرندن اولمق اوزره یوزکشیدن مرکب بر « ایمپراطورلق مجلسی » احداث اولنیوردی . ایمپراطور بتون ایمپراطورلغک امور داخلیه ، عدلیه و مذهبییه‌سی [معارف] ایله مشغول اولان نظارنلری الغاوا (مجارستان) ایله (ترانسیلوانیا) هیئت اداره‌لرینی یکیدن تشکیل ایدیوردی . مؤسسات جدیدنک « ایمپراطوره تابع قرالقلرک و مملکتلرک حقوق تاریخیه‌سنه موافق اولسی لازم کله جکی » اعلان ایلوردی . الحاصل بوقانون هیئت متحده نظریه‌سنک صورت رسمیه‌ده تصدیق دیمکدی .

۱۸۶۱ قانون اساسی . — بوایلک قانون اساسی درت آی دوام ایتدی . کندی قانون اساسیلرینی استحصال ایدن مجارلر ۱۸۴۸ سنه‌سندن ، یعنی (مجارستان) حکومتیه (ویانه) سرانی آرهنده مناسبانک منقطع اولدیغی تاریخندن اعتباراً (دیت) مجلسنک موافقتی اولمقسزین حکومتجه اجرا ایدیلن کافه امور و معاملاتک — (فردیناند) ک ترک حکومت ایتسی و (فرانسوا ژوزف) ک جلوسی دخی داخل اولمق اوزره — کآن لم یکن حکمنده اولدیغی اعلان ایلدیله . ۴۸ قانون اساسیسندن بشقه بر قانون اساسی ، ۴۸ قانونلرندن بشقه قانونلر طانیمورلردی ؛ چونکه (دیت) مجلسی ایله قرال طرفندن صورت مشروعه‌ده وضع وتنظیم ایدیلن قوانین یالکیز بونلر ایدی . حال بوکه ۱۸۴۸ اصول اداره‌سی (مجارستان) ی ، (اوستریا) یه یالکیز بر « رابطه شخصیه » ایله مربوط ، تماماً مستقل بر حکومت حالنه افراغ ایتمشدی ؛ فقط (مجار) لره قانون اساسیلرینی اعاده ایتدکلری زمان اعاده اولنان شیلرک حدودینی تعیین خصوصنده مسامحه ایلمشدی . مجارلر ۴۸ قانون اساسیسی موقع اجرایه وضع ایدلمش کبی حرکت ایتمه باشلادیله . (قومیتات) مجلسلری شکل ایدرک انتخاباتی ۱۸۴۸ قوانینی احکامنه توفیقاً اجرا ایتدیله ،

آزاده بر اصول اداره تأسیس ایلمك ایچون قوتلی بر حکومت مرکزیه محتاج اولان شهرلر ایله مرکز صنایع عد ایدیلن - سائر محللر اهالیسی بو فرقه دندی. قومشورلی اولان بیوک ملتاره قارشی کندیلرینی حمایه ایچون حکومت مرکزیه عرض احتیاج ایدن کوچك ملتارك و کیلاری ده فرقه اتحاد ایله متفقدی ؛ ۱۸۶۰ ده، مجارستانده مقیم (صرب) و (صاقسون) ملتارندن ماعدا ملل صغیردنك و کیلاری یوقدی ؛ فقط دیگرلری پیدرپی مجلسه اعضا کوندردکجه عین سیاسی تعقیب ایدیورلردی .

هیئت متحده فرقهسی بالخاصه حکومت مرکزیه دن مستقل اوله رق بر حکومت ملیه تأسیسنی امیدایده جك قدر قوتلی اولان ملتارندن، (مجار) لردن، (خروات) لردن، (چه) لردن، (الهلی) لردن، (اسلووهن) لردن، [۱۸۶۰ دن صکره ونديك قطعه - سنده کی ایتالیا نلردن] مرکبیدی. بو فرقه اقوام مذکورهنك حقوق تاریخیه سنی ، یعنی (اوستريا) حکومتیله برلشمزدن اول هرمانك حاز اولدینی استقلال قدیمی طلب وادعا ایدیور، اداره مشترکهنك ضعیفلمسینی وحتی بسبتون الغاسنی، حکومت حاضرهنك ملل مختلفه دن مرکب بر هیئت متحده حاله افرانغی ایستیوردی . بو مملکتلارك کافه سنده هیئت اجتماعیه زادگانك تحت نفوذنده قالدینی جهتله ملت وکیلاری آنجق زادگان ایله اکابر رهباندن عبارتدی. بنساءً علیه طرز قدیم اداره طرفدارلی اولان هیئت متحده فرقهسی حکومت ملیه خواصك اعادسی ایچون حق تاریخیدن بحث ایدیور ، زادگان ورهبانك نفوذ وتفوقی محافظه ایتمك ایستیوردی . آلمان ولایاتهنده کی طرز قدیم اداره طرفدارلری ، صنف متوسط اهالیهنك رقیبی اولان زادگان ، سیویللره دشمن اولان هیئت رهبان بوفرقههنك متفقلری ایدیلر .

انجمن بر اکثریته ، برده اقلیته آیرلدی ؛ ایکی قسمدن هربری راپورینی تنظیم و بوندن صکره (اوستريا) حیات سیاسیهنده دائماً تکرار ایدیله جك اولان مدعیاتی دربان ایتدی . - اکثریتی تشکیل ایدن هیئت متحده فرقهسی - که ۱۳ زادگان ، ۳ بسقپوسدن مرکبیدی - « ممالک مختلفههنك شخصیت تاریخیه و سیاسیهرلینك تصدیقنی ، « بتون مملکتلارك مساواتی » ، هربری ایچون « اداره وقوانین داخلیهده مختاریتی ، طلب و اصلاحات موعودههنك ممکن مرتبه مؤسسات عتیقهیه تطبیقنی توصیه ایتدی . - اقلیتده قالان [۱۳ رأی] اتحاد فرقهسی مختاریت ادارههنك « وحدت حکومتك ، قوت مرکزیهنك ضررینه اوله رق » تأسیس ایدلمه مسنی و مختاریت ویریله جکسه « حکومت مرکزیهنك وحدت اداره ایچون الزم اولان حقوقدن محروم اولماسنی » طلب ایدیور ؛ اصلاحات موعودهپی ، برحق قدیم ملتهنك اعادسی شکلنده دکل ، بلکه ملتیه بخش اولنش کی

طلب ایچون طوغریدن طوغری به تبعه سنه مراجعت ایلیوردی. ولایات مختلفه اهلایسنک وکیللردن مرکب مجلسلر تشکیل ایده جکنی اعلان ایتدی. بو مجلسلرک کشادینه انتظاراً شورای دولت اعضای عادیه سندن ، بعض بیوک مأمورلردن ، ممالک مختلفه نك کافه سنه وکیل اولمق اوزره قسم اعظمی بیوک زادکان اوله رق ۳۸ معتبراندن مرکب بر « شورای مخصوص دولت Verstärkter Reichsrath » تشکیل ایلدی .

مأمورین ایله زادکانک احراز اکثریت ایلدکبری بوشورای دولت بالخاصه امور مالیه واک مهم قوانین حقنده بیان رأی ایده جکدی ، فقط قانون تکلیفی حقندن کلیاً محرومدی . (اوستریا) ده هرکس بو مجلسه ، وعد ایدلن اصلاحاته علی الحساب اوله رق ، آجیاهش نظریله باقوردی . اجتماعه دعوت ایدلن معتبران ، حتی (مجار) زادکانی دعوته اجابت ایتدیلر ، فقط محضاً حسن یتلیرینی کوسترمک فکریله کیتدیلر ؛ ذاتاً بونلری اقناع ایچون ولایتلره کافی السابق یالکنز بروالی تعیین اولنه جنی و « قومیتات » مجلسلرینک ۱۸۶۹ ارتجاعندن اول اولدینی کبی یکیدن احداث ایدیله جکی وعد اولمشدی .

مجارلر ، شورای مخصوص دولته ، « کندیلرینه مجارلرک وکیللری صفتیله باقدقلریتی ، مجارستانک حقوق تاریخیه سنی خللدن وقایه ایتک ایتدکبری و مستمنا اصول اداره دن قورتولمق ایچون برچاره بولمسنی ایمپراطوردن طلب و انتظار ایتدکبری « سوبلدیلر . بعده بودجه بی مذاکره ایچون برانجمن تعیین ایلدی . بوانجمن « حکومتک تشکیلات اساسیه سنی » اتفاق آرا ایله تقبیح ایتدکدن صکره تصرف اجرا ایده بیلیمک و علی الخصوص « حکومتک قوه معنویه سنی خللدار ایده جک صورتده اویوشمش ، قلمش اولان افکار عامه بی اویاندیرمق » ایچون یکانه چاره اولمق اوزره « ممالک مختلفه نك کندیلرینه عائد امور و مصالح اداره سنه اشتراک ایلما برینی » طلب ایلدی .

فقط بو صورت اداره بی ترتیب و تنظیم خصوصنده انجمنده اختلاف ظهور ایتدی ؛ بوشورای مخصوص دولت غایت محدود و اعضاسی وکلای ملتن غیر معدود اولدینی حالده اعضا ، وحدت حکومت و هیئت متحده طرفدارلری نامیله ، ایکی فرقه یه آیرلدی ، که بوندن صکره (اوستریا) نك حیات ، بایاسیه سنده بو ایکی فرقه نك منازعات و اختلافاتی اجرای حکم ایلدی .

وحدت حکومت ، یاخود اتحاد فرقه سنک باشلیجه قوتی آلمان ولایاتنک صنف متوسط اهلایسی آرسنده ایدی ، چونکه « وحدت حکومتک محافظه سنی » بتون مملکتلرک مرکزی (ویانه) ده بولنان آلمان اداره سنه تابع اولسی دیمکدی ؛ زادکانه رغماً اصلاحات احرارانه بی وجوده کتیرمک ورهبانه رغماً ده هیئت روحانیه نك تأثیرندن

اون یدنجی باب

اوستریاده مشروطیت اداره

(اوستریا) ، ایتالیا محاربه سندن صکره مطلقیت اداره دن قوتولش ، فقط (اوستریا - مجارستان) حکومت مشروطه سی حالنه کیرنجیه قدر ، ۱۸۵۹ دن ۱۸۶۷ سنه سنه قدر ، بردوره بجران کچر مشدر ؛ بواننده (اوستریا) نك تشکلات اساسیه سی حال توقده قالمش ، برچوق تبدلاته اوغرامش وحتى ایمپراطوره تابع ملتاردن بعضلری، تشکلات مذکورہ بی طانیق ایسته مه مشدر . بجرانک دوام ایتدیکی مدت (اوستریا) تاریخنده پک قیصه بر دوره ایسه ده قدیم مطلقیت اداره ایله (اوستریا - مجارستان) ک اداره حاضره سی آره سنده برحد فاصل تشکیل ایدر .

اوستریا - مجارستانک تشکلی

تشریح اول ۱۸۶۰ قانونه اساسی . - ۱۸۴۹ ده یکدن تأسیس اولنان اداره مطلقه ۱۸۵۹ سنه سنده وقوعه کلن (ایتالیا) محاربه سنک سبب اولدینی فلاکت ایچنده دوچار اضمحلال اولدی، حکومت بیله بو طرز اداره دن آرتق واز کچمک لازم کله جکنی تصدیق ایتدی . پک چوق زماندن بری بودجه ده دائمی بر آچیق موجود ایدی، حکومت بو آچینی استقرضات ایله قباتیوردی . هزیمت حربیه دن صکره ، اردویی تنسیق ایتمک ایستدیکی زمان ، اعتبار مالیه سنک محو اولدینی کوردی [۱۸۶۰ ده ایکی یوز میلیون فلورین مقداری استقرض تحویلاتی اخراج ایدلیدیکی حالده آنجق ۷۵ میلیونه مشتری بولنه بیلدی] . تبعه امور حکومتدن تمامیه خارج بر ایلدیلری جهتله آرتق حکومته عائد ایشارده لاقید طاورانمغه آلیشمشلردی . حیات سیاسی به فعالیت ویرمک ایچون تبعه یی حکومته اشتراک ایتدیرمک لازم کلبوردی .

ایمپراطور، محاربه نك ختانی متعاقب [آغستوس ۱۸۵۹] نشر ایلدیکی بریانا نامه ده هزیمت واقعه یی انتاج ایدن « سوء استعمالات موروثه » یی تصدیق ایدیور و ۱۸۵۰ استقرض تحویلاتی میدان تداوله چیقارمازدن اول اصلاحات احرارانه مقابلنده معاوتلرینی

تعريف مؤلفات

وثائق رسميه ايچون مجلس مبعوثان مذاكراتي ضبطنامه لرينه مراجعت ايتك لازم كلديكي
كچي (بسمارق) ك افكار وسياست اقتصاديه سي حقننده تفصيلات مكمليه حائز اولوق اوزره
(پوشينگر Poschinger) ك بش جلدك بر كتابي واردر .
بودوره عائد وقايع تاريخيه نك هيئت مجموعه سي ايچون موجود اولان آثار ۱۸۹۰ دن ايلري يه
كچمز . (اون كن Oncken) و (بلوم Blum) ك اثرلري بوبابده شايان توصيه در .
(بسمارق) حقننده (بوش Busch) ك ايكي جلدك معتبر بر كتابي ايله (ارغمارقس) ك
(ايمپراطور برنجي ويلهلم) نامنده كي تأليف مهمي موجب استفاده در .
فرانسزجده (آندلر) ك (پرنس بسمارق) ي ، (سيمون) ك (ايمپراطور ويلهلم) ي ،
(لاويس) ك (آلمانياك اوچ ايمپراطوري) نامنده كي اثرلري توصيه يه شاياندر .



و (آلمانیا) اداره مشروطه سی ۱۸۴۸ سنه سنده کی حاکمیت عامه احرارانه ایله (پروسیه) حکومت مطلقه سنک ایکسی اورتیسی اولوب حکومت قرطاسیه وعسکریه شکلی محافظه ایتمش ، یالکیز برحسب مبعوثانک تحت مرقبه سنه وضع ایلمش بر اداره شخصیه در . بو طرز حکومتده فرقه لر دیگر حکومت معظمه فرقه لری درجه سنده آشکل ایده مه مشدر . قاتولیک منتهای یمین فرقه - نندن اشترا کیون منتهای یسار فرقه سنه قدر موجود اولان فرق مخالفه آره سنده کی ارتباط ۱۸۴۹ ده اورتدن قالقان جمهوریت فرقه مفراطه سنک مفقودیتندن طولایی منقطع اولمشدر . فرقه مفراطیه تشکیل ایتمی لازم کلن عناصر ، اشترا کیونه التحاق ایتمک لرندن بونلرک مستثنا برقوت اکتساب ایلملرینی انتاج ایتمشدر . -- بوکا مقابل صاغ جناح ، حقیقت حاده ، ایکی فرقه دن مرکبدر ؛ چونکه «مرکز» دنیلن فرقه ، سیاست ، پروتستانلردن مرکب فرقه محافظه کاره تابع برقاتولیک صاغ جناح فرقه سیدر .

ایمپراطورلغک تأسسندن بری آلمان هیئت اجتماعیه سی یکدیگرینه مخالف ایکی نقطه تکامله طوغری ایلملمکده در . بونلردن بری (پروسیه) حکومتک حکومت قرالیه ، قرطاسیه وعسکریه یی محافظه ایدرک بتون آلمانیایی کندی اصولنه توفیقاً تنظیم و طرز قدیم اداره یی ، نفوذ رهبانی محافظه ایله برصورت منتظمیه افراغ ایتمک چالیشمیدر . — دیکری بیوک شهرلر ایله مرکز صنایع اولان محللرده کی [*] اهالی سنک حاکمیت عامه یی تأمین چالیشمایدرکه بو فکر کویلولر ، حتی محافظه کار فرقه لر آره سنده بیله [زراع ، موسوی علمدارانی ، خرسیتیان اشترا کیون فرقه لرینک نتیجه تحریکاتی اوله رق] تعمیم ایتمکده در . — ایکنجی (ویلهلم) حکومت شخصیه وعسکریه نک ، نفوذ رهبانک تمثال مشخصی کیدر ؛ حاکمیت عامه طرفدارلری ایسه نفوذ رهبانک کلباً الغاسنی ایستین و علی الاکثر ارباب صنایعدن اولان اهالیدر ؛ بونلر آره سنده کی ضدیت اودرجه آشکاردرکه آلمانیا حیات سیاسی سنه هر صورتله اجرای تأثیر ایدیور .

[*] آلمان امپراطورلی ۱۸۷۱ سنه سنندن بری ، صنایع و تجارت نقطه نظرندن ، اوروپانک ایکنجی ملتی صره سنه کچمش و کمور، دمیر ، منسوجات ایچون انکلتراه یله رقابت ایتمک باشلامشدر . مجموع نفوس ۱۸۷۵ ده ۴۲ میلیون ایکن ۱۸۹۵ ده ۵۲ میلیون ، شهرلرک اهالیسی ده یوزده ۳۶ دن یوزده قرق یدی به چیقمشدر . برلین اهالیسی ۱۸۶۰ ده ۵۰۰,۰۰۰ دن عبارت ایکن اوتوز سنه ده اوچ مثلنه بالغ اولمشدر .



احرارانه قاعده‌سنة موافق قوانین اساسیه‌ی قبوله مجبور اولدیلر ؛ هیئت متفقہ مجلس ملیسی ده بتون (آلمانیا) ایچون بر قانون اساسی قبول ایتدی . — فقط حکمداران مطلقه، اداره احرارانه‌ی اردولر یله اورته دن قالدیریدیلر ؛ (اوستریا) ایمپراطوری کندی قانون اساسیسی الغا ایلدی ، (پروسیه) قرالی ایسه عادی بر اداره قانونی درک‌سنة ایندیره چک صورتده تغیر وتبذیل ایتدی . (پروسیه) ارنوسی هیئت متفقہ یه عائد قانون اساسی‌ی دخی قالدیردینی کی غرب طرفلرنده کی جمهوریت فرقه‌سینی ده محو ایلدی . بو عقیم تجربه نتیجه‌سنده (پروسیه) ده قانون اساسینک ایشه یاراماز انقضادن ، قاتولیک کلیسا سنک استقلالندن بشقه برشی قالدی ؛ مع مافیہ ۱۸۴۹ ده کوچک آلمانیا فرقه‌سی « طرفدن آلمان اتحادی ایچون بر پلان حاضر لائمش ، (اوستریا) خارج قالمق اوزره بر ایمپراطورلق تشکیلی ، بو ایمپراطورلغک (پروسیه) قرالنک تحت اداره‌سنده یونئسی ، بتون (آلمان) مبعوثانندن مرکب بر مجلس مبعوثان احداثی تصور ایدلمشیدی . مطلقیت اداره و حکومت . خصوصیه طرفدارلرینک حرکات ارتجاعکارانه‌سی ، ۱۸۵۹ سنه‌سنده ، دوچار توقف اولدینی زمان حیات سیاسی‌ده ایکی وجهه استقامت کوردلی . بری اصول مشورت احرارانه‌یه ، دیکری (اوستریا) دخی داخل اولمق اوزره بتون (آلمانیا) نک اتحادینه طوغری ایدی ، بو ایکی جهته طوغری وقوعه کن تکامل (بسمارق) ک نفوذ شخصیسی ایله دوچار توقف اولدی . (بسمارق) ، (پروسیه) قرالی ایله اردوسنه استناد ایدرک بر طرفدن (پروسیه) قرالغنک بر حکومت مشروطه حالته افرانغی ، دیکر طرفدن آلمان اتحادینک ۱۸۴۹ ده کی تصور وجهله (پروسیه) نک تحت اداره‌سنده تشکلی تأمین ایتدی . هر ایکی صورت تسویه نه آلمان ملتک آرزوسنی تماماً یرینه کتیریور ، نه ده (پروسیه) قرالنک صلاحیت فوق‌العاده‌سنی، تأمین ایلوردی ، فقط بصورت تسویه (پروسیه) قرالی طرفندن ترتیب ایدلیدی جهته اک بیوک حصه کندیسنه آپرلمشدی .

آلمان ملتک تام بر هیئت متحده حالته افرانغی ایله (آلمانیا) نک (پروسیه) یه الحاقی آرہ‌سنده بر صورت تسویه دن عبارت اولان (آلمانیا) ایمپراطورلنی ، (اوستریا) ولایاتی مستثنای اولمق اوزره آلمان حکومتانندن ، (پروسیه) نک اولجه ویا اخیراً فتح ایلدیکی ولایاتدن — که قسماً لهلی ، دانیمارقلی ، آلساسلی ، لورہ‌لی کی اجانب ایله مسکوندر — مرکبیدی ؛ (پروسیه) قرالنک تحت اداره‌سنة ویرلیدی . « جرمانیا ، توتونیا نک [یعنی قدیم آلمانیا نک] دکل ، بوروسیا نک [یعنی پروسیه نک] قیزیندر . Germania et fille de Borussia , non de Teutonia » — (پروسیه)

۱۷۹۳ سنهسی (رایشستاغ) مجلسنده اعتراضات یکی شکلره کیردی ؛ مبعوثلر آرسنده فرقه اشتراکیونه منسوب برذات بولندیفی کبی (مآساس-لورهن) ک صنف رهبانه منسوب مبعوثانی مرکز فرقه سیله برلشدیلر .

آلمانیک اونه طقوزنجی عصرده کی نظامل سیاسی . — (آلمانیا) اهالیسی فرانسز استیلاسندن قور تولدقون صکره ، برملت اولدقلری آکلایه جق واتحاد سیاسی بی آرزو ایده جک درجهده ، وحدت لسان و اخلاقه مالک ایدیلر . فقط اهالینک کافهسی عینی درجه تربیه سیاسی صاحبی اولدقلری کبی اتحاد دشمنی حکومتلره دخی تابع بولنیورلردی . — فرانسز انقلابنک تأثیرینه معروض قالان غرب حوالیسندن اهالی حاکمیت عامه فکرینه آلدشمش ، نفوذ رهباندن قور تولمش اولدینی ، منتظم براداره تشکیل ایلدیکی جهتله حیات مشروطیته حاضر لشمسدی . — اون سکزنجی عصرده کی حالی محافظه ایدن شرق طرفلرنده ایسه زادکان ورهبان صلاحیت رسمیه لرینی محافظه ایتدکاری کبی عادات قدیمه دن ، حکومت مطلقه خواصدن ماعدا برطرز حکومت قبول ایتمین اداره عقبه باقی قالمشدی . — حال بوکه حکومت سائر یه تفوق ایدن (اوستریا) و (روسیه) نک هر ایکسنک ده مرکز سیاسی لری شرق اولدبغندن حکومت مطلقه خواص اصولنده کی طرز اداره لر یله (آلمانیا) نک اداره احرارانه یه طوغری تکاملنه ، آرالرنده کی رقابت ایله ده اتحاد سیاسینک حصولنه مانع اولیورلردی . برجهتدن حاکمیت عامه یه طرفدار اولان غرب ایله اداره خواص طرفدار ی بولان شرق آرسنده ، دیگر جهتدن (اوستریا) ایله (روسیه) آرسنده کی بو مخالفت وضنیت اون طقوزنجی عصرده آلمان حیات سیاسی سنک قاریشیق ، غیر منتظم برحاله بولنسنه سبب اولمشدر .

اوتوز سنه بی متجاوز بر زمان اثناسنده [۱۸۱۴ — ۴۷] حیات سیاسی غربده تمرکز ایتدی ؛ اوراده (فرانسه) بی تقلیداً ، برچسوق کوچک حکومت مشروطه احرارانه تشکیل ایلدی ؛ بونلرک یواش یواش (باجیقا) یه مشابه حکومت مشروطه دن مرکب برهیئت متحده تشکیل ایده جکلری طبیعی کوریل یوردی . او ائناده (روسیه) ، اردوسنی حاکمیت عامه قاعده سنه موافق بر صورتده اصلاح و کمرک اتحادینی احداث ایدرک (آلمانیا) ده تفوق عسکری و اقتصادی بی حاضر لیوردی .

۱۸۴۸ انقلابی ، (اوستریا) و (روسیه) حکومت مطلقه سی یا تختلرنده حاکمیت عامه طرفدار لرینک سبب اولدقلری ایکی عصیان ایله هیئت متفقیه مخصوص بر مجلس ملی تشکیل ایده رک اتحادی تأمین ایچون بتون (آلمانیا) احراری طرفدن واقع اولان تشبیدن عبارتدر . بو ایکی عصیان اوزرینه (ویانه) و (برلین) حکومتلری حاکمیت عامه

بونک اوزرینه منتخبلر الحاق علیهدارانی ایچون رأی ویردکلرندن فرقه مغلوب اولدی .
طاغیلدی .

آلمانیا حکومتی مؤسسات و موضوعات موجوده پی تبدیل ایتمه دن ، ایلک سنه لرده کی اصول اداره یه عودت و مأمورینه صلاحیت واسعه اعطا ، نمایشلری منع ایلدی . اهالی ایله حکومت آره سنده کی اختلاف دوام ایتمدی . حکومت (آلساس - لورن) اهالیسنی (فرانسه) دن آیرمق ایچون اطفاله فرانسه جه تدریس اولمسنی منع ، فرانسه غزته لرینی ضبط و مصادره ، فرانسه لریک و حتی فرانسه تابعیتنه داخل اولان (آلساس) اهالیسنک مملکتده اقامت لرینی یاسبتون منع و یا برقاچ کونه حصر ایدیوردی [۱۸۸۴ ده فرانسه تابعیتنی قبول ایتمش ۱۵۰،۰۰۰ آلساسلی موجود ایدی] .

۱۸۸۷ ده اجرا ایدلن (رایخشتاغ) انتخابی اهالیکن حساباتی ظاهره چیقاردی [*] . انتخاب قانون عسکری مسئله سی اوزرینه اجرا ایلدی ؛ حکومت ، قانون طرفدار برینک نامزدلری علیه نه رأی ویرمه نك فرانسه اردوسنک (آلساس - لورن) ه کلسنی تسهیل ایده جکنی اهالی یه آکلامق ایستدی . منتخبلر عادتاً (آلمانیا) ویا (فرانسه) دن برنی ترجیح ایچون اعطای رأیه دعوت اولمشلر کیدی ، اکثریت عظیمه ایله [۱۸۸۴ ده کی ۱۶۵۰،۰۰۰ رأیه مقابل ۲۳۳۰،۰۰۰ رأی ایله] الحاق علیهدارانی ایچون رأی ویردیله . حکومت تدابیر تضییقه ایله مقابله ایتمدی ؛ فرانسه لری - حتی (رایخشتاغ) مجلسنده (میچ) مبعوثی اولان (آنطوان) اسمنده برذاتی - طرد ، غزته لری مصادره ، فرانسه لره محبتلری اولدیغندن شبهه ایدلن بتون جمعیتلری الفا ، اوچ رنگلی فرانسه باراغنه مشابه علاماتی طاشیانلر علیه نه تعقیبات قانونیه اجرا ، « جمعیت وطنپروران » ی مملکتته اهانتله بالاتهام علیه نه قامة دعوی ایلدی . بعده ، یعنی ۱۸۸۸ سنه سنده (فرانسه) ایله مناسبتی تصعب ایچون پساپورط اصول قدیمتی یکیدن تاسیس ایتمدی ؛ ۱۷۹۵ و ۱۸۱۴ ده حکمی جاری ایکن بالاخره متروک قالان فرانسه قوانین استثنائیه سنی موقع اجرا یه وضع ایدرک فرانسه حدودندن داخل اولان یولچیلردن پساپورط ایسته مکه باشلادی . باش وکیل (قاپروی) مملکت اهالیسنه « آلمان حسیاتی » تلقین ایچون واقع اولان تشبک عقیم قالدیغنی ، « آرتق آلساس لورنه فرانسه دن آیران حدود اوچورومنی دهادرین برحاله قومقدن بشقه یابه حق برشی المدیغنی » بیان ایتمدی [۱۸۹۰] . پساپورط اصولی ۱۸۹۱ ده لغو ایلدی ، فقط (اشتاتلتر) ک سائر اولدیغنی صلاحیت مستثنا اصول ادره نك دوام و بقاسی ایچون کافیدر .

[*] هایموه Heimweh نام مستعارینی آلان بر آلساسلی ۱۸۸۹ سنه سنده طبع ایتمدیکی (آلساس

مسئله سی) و عنوانلی کتابنده آلساسلیلرک احوال روحیه سنی پک این تصویر ایتمشدر .

اداره‌ی مذاکره‌یه باشلادی . ۱۸۷۷ سنه‌سنده (رایخشتاغ) مجلسنه بش مبعوث انتخاب ایتدیره‌جک درجه‌ده کسب قوت ایتدی [بومبعوثلرک کافه‌سی « آشانغی آلساس » اهالیسندن ایدی] . آلمانیا حکومتی ، ممالک ملحقه‌ اهلایسی ایله ایمپراطورلق آره‌سنده ائتلاف حاصل اولمغه باشلادیغنی ظن ایدرک یکی بر اصول اداره [۱۸۷۱ دن بری اوچنچی] قبولنه قرار ویردی .

« انجمن محلی » قانونلری ، بودجه‌ی تصدیق ایتک حقی استحصالی ایتدی . حکومت بوندن صکره (آلساس - لورن) عاقد اولان قانونلری ایسترسه (رایخشتاغ) مجلسنه ، آرزو ایدرسه « انجمن محلی » یه تصدیق ایتدیرمکه مخیردی [۱۸۷۷] . —
بعده مرکز اداره (برلین) دن (استراسبورغ) ه نقل ایدلدی ؛ (اشتاتالتر (Statthalter) ، یعنی « ایمپراطور قائممقامی » نامیله والی عمومی مقامنده بر مأمور تعیین اولندی ؛ بومأمورک معینده بر مستشار ، اکابر مأمورین یله معتبران اهالی میانندن حکومتجه انتخاب اولسان اون کشیدن مرکب بر مجلس عمومی بولتمقده ایدی ؛ مجلس عمومی عادتاً بر مجلس اعیان مقامنده ایدی [۱۸۷۹] . آلساس - لورن نامنه (بوندسرات) مجلسنه رأی استشاری یه مالک اولمق اوزره بر مرخص تعیین قلندی . مختاریت طرفدارلری ایمپراطورلی تشکیل ایدن دیگر حکومتلر ایله مساوات تامه‌ی طلب ایتمکه باشلادیلر : (آلساس - لوره) آیری بر حکومت اوله‌جق و ایمپراطور بومملکتک حکمداری عد ایدیله‌جک ایدی .

ایملک (اشتاتالتر) ، یعنی « ایمپراطور قائممقامی » اولان (مانتوفل (Manteuffel) ائتلافجویانه بر پروغرام ایله محل مأموریتنه کیتدی ؛ ایراد ایلدیکی نطقده : « ایمپراطور ، نبی بومملکتک یکی یاره‌لر آجق ایچون دکل ، بلکه موجودیاره‌لری صارمق ، التیامپذیر ایتک ایچون کوندردی . فرانسه کبی بر حکومتدن آیرلدق‌دن صکره پک طبیعی کوریلن حساباتی نظر دقته آلمغه مجبورم . مملکتک منافع مغویه ومادیه‌سنه موافق بر اداره عادلانه ایله تبدل حکومتی تسهیل ایتک ایسترم » ی دیدی . فی الحقیقه تدابیر خیرخواهانه اتخاذ ایدرک . پدرانہ عد ایلدیکی بر اصول اداره‌ی تطبیق ایلدیره‌ک اهالی‌ی ، بالخاصه زادگان ورهبانی حکومتله باریشدیرمغه چالیشدی . فقط مختاریت فرقه‌سنک وجودی برسوء تفهمدن نشأت ایدیوردی ؛ مختاریت طرفدارلری آلمان اداره‌سنک مشروعیتی تصدیق ایتیره‌ک یالکیز بو اداره‌ی قبول ایله اکتفا ایتدکلری ایچون کیندییرینه مبعوث انتخاب ایتدیره بیلمشاردی . ۱۸۸۱ سنه‌سنده ، (مانتوفل) ، بونلورن « آلساس - لورن) ک آلمانیا ایله اتحادینی تماماً و خلوص قلبله تصدیق « ایملرینی طلب ایتدی .

بولتیق اوزره بر جمعیت تشکیل ایدلدی ؛ حکومت (استراسبورغ) سر بسقپوسنی طرد و تبعید ایتدی .

۱۸۷۴ سنه سنه قدر دوام ایدن « دیققتاور » اصولی سایه سنده (آلساس - لورن) ده بر آلمان اداره سی تشکل ایتدی ایسه ده اهالی بو اداره یه ایصیندیر یله مدی . نهایت حکومت (آلساس - لورن) ک ممالک سائره حقوقدن مستفید اولسنه قرار ویردی . (رایخشتاغ) ، (بوند سرات) و (ایمپراطور) دن مرکب اولان قوه تشریحیه (آلساس لورن) ده دخی تشمیل ایدیلرک اهالی طرفندن (رایخشتاغ) مجلسنه ۱۵ مبعوث کوندرلدی . ۱۸۷۴ ده انتخاب اولنان ایلك مبعوثلرک کافه سی الحاق علیه نده بولنانلردن ایدی . مبعوثلر (رایخشتاغ) ه کیدوب مملکتلرینک ایمپراطور اغه الحاقی علیه نه مشترک بر پروتستونامه ویردیلر ، مقدرات مملکتک تعیین ایچون اهلینک رأینه مراجعت ایدلسنی طلب ایتدیلر ؛ صکره مجلسدن چکلوب کیتدیلر .

بمده (آلساس - لورن) ده یکی بفرقه تشکل ایتدی ؛ بفرقه (آلمانیا) حکومتی پروتستو ایده چکی برده اصول اداره یی تخفیف و تعدیل ایچون حکومت ایله عقد ائتلافه چالیشدی ؛ مقصدی ، (آلساس - لورن) ایچون مختاریت اداره استحصال ایتمک ، یعنی مملکته امور اداره سی تنظیم ایتمک ، آیرجه بر مجلس مبعوثانه مالک اولمق ، ایمپراطور لنی تشکیل ایلین دیگر حکومتلر کی کندی بودجه سی ترتیب ایده بیلمک حقنی ویرمک ایدی . بو « مختاریت فرقه سی » بالخاصه (آشاغی آلساس) ک پروتستان اهالیسی آره سنده طرفدار بولیوردی . سنجاق مجالس اداره سنه اعضا انتخاب اولنان الحاق علیهداران ایمر اطوره یمین ایتهمک ایچون مجلسه دوام ایتبورلردی . ۱۸۷۴ ده انتخاب ایدیلن ۹۴ اعضادن ، قرق طقوزی مجلسه کیتمکدن امتناع ایتدیلر [۱۵ ناحیه انتخاباته بیله اشتراک ایتهمشدی] . فقط مختاریت طرفدارلری اعضالغی قبول ایلدیلر ، بوسایه ده حکومت اوچ سنجاق مجلس اداره سنن برینی ، (آشاغی آلساس) مجلسنی آچغه موفق اولدی . حکومت بوفر قی تقویه ایتمک ایچون برسینجاغه اون مرخص اصابت ایتمک آوزره اوتوز مرخصدن مرکب بر « انجمن محلی » تشکیل و بوانجمنه قوانین ایله بودجه مذاکراننده رأی استشاری یه مالک اولمق صلاحیتی اعطا ایتدی ؛ انجمن ایلریده تشکیل اولانه حق (لانتاغ) مجلسنه مقدمه حکمنده ایدی .

آلمان اداره سی طرفندن آچیقدن آچیغه حمایه ایدیلن مختاریت فرقه سی ، الحاق علیهداراننک اشتراک ایتمک ایسته مدکبری « انجمن محلی » ده احراز اکثریت ایدرک حکومت ایله مناسبانه کیریشدی ، مسائل سیاسییه مایه نی بر طرف ایدرک صرف امور

Kreis « دنیلن قضاالره ، قضاالرده ناحیهلره تقسیم ؛ سنجاقره متصرف مقامنده (بره زیدنت President) ، قضاالره قائم مقام مقامنده (قرایس دیرکتور Kreisdirektor) ، ناحیهلره بلدییه رئیس مقامنده (بورغرمایستر Bürgermeister) لر تعیین ؛ ناحیه ، قضاا و سنجاق مجالس اداره سی تشکیل ایدلدی . فقط فرانسز اداره سی زماننده کی اون ایکی قضاا یرینه یکر می ایکی (قرایس) احداث اولندی .

اهالی ایله حکومت آره سنده لسان مسئله سیله فرانسزلرک لهنه اجرا ایدیلن نمایشلردن طولای در حال اختلاف ظهور ایتدی . حکومت فرانسزجه یی مکتبلردن ، اوراق رسمیه دن ، حکومت مالی اولان شمندو فرلر دخی داخل اولوق اوزره مؤسسات عمومیه دن چیقارمغه چالیشدی ، حتی دکانلرک اوزرنده کی لوحه لره فرانسزجه کلمات یازلسنی منع ایدلدی . فرانسز بایراغی آصمق ، فرانسز شرفیلری سویلمک ، یاخود فرانسه لهنده بیاناتده بولتمق کی محبتکارانه نمایشلر اجرا ایدلره جزای نقدی ، یاخود حبس جزاسی ویرلدی . فرانسزلره میمال غزته لری الغا ، (فرانسه) دن کلن غزته لرک دخولنی منع ایتدی . اهالی ، آلمان مأمورلرینک اداره مستبدانه سندن ، مأمورین ایسه اهالینک کندیلریله کوروشمه مسندن ، اختلاط ایتمه مسندن شکایت ایدیورلردی .

بعده اهالینک (آلمانیا) ویا (فرانسه) تابعیتلردن برینی قبول ایتمک خصوصنده کی حق اختیارندن طولای اختلاف ظهور ایتدی . (فرانقفورت) معاهده نامه سی الحاق ایدیلن ممالک اهالینک آرزو ایدرلرسه فرانسز تابعیتی طلب ایده بیله جکارینی تصریح ایدیوردی . بو بابده کی مدتک ختامنده [تشرین اول ۱۸۷۳] فرانسز تابعیتی ایستینلرک عددی (۱۶۴ ، ۰۰۰) ه بالغ اولدی . فقط حکومت فرانسز تابعیتی قبول ایدنرک مملکتدن چیقوب کیتمیسی لازم کله جکنی اعلان بوو تابعیتی قبول ایدوبده مملکتلرنده قالا نلری آلمان تبعه سی عد ایدلدی .

۱۸۷۲ ده آلمان خدمت عسکره سنک بو مملکتده دخی تطبیقی اختلافات سائره یی تولید ایتدی ؛ (آلساس - لورن) دایقانلیلردن پک چوغی (آلمانیا) اردوسنده خدمت ایتمک ایسته میه رک فرانسه یه التجا ایتدیلر ، اجنبی اولوق حسسیله فرانسز اردوسنه کیرمدکلرندن (لژیون اترانژه Légion étrangère) دنیلن اجنبی آایلرینه داخل اولدیلر . (آلمانیا) حکومتی فرایلرک عائله لرینی مشول طوتیوردی .

بو اختلاف آلمان حکومتک کلیسا علیه نده کی تدابیری ، « کولتور قامپف » ایله بر قات ده ا کسب شدت ایتدی . (آلساس) ره بان قاتولیک مکتبلرنده فرانسزجه یی محافظه ایتمک ایستدیلر ؛ قاتولیکلرک منافعی مدافعه ایتمک و (فرانسه) ایله مناسباتده

۱۸۹۳] . بناءً عليه فرقة محافظه كار يواش يواش حاكميت عامه فرقه‌سی حكمنی آلمغه باشلامشدر .

آلساس لوروه . — ۱۸۷۱ ده فرانسه دن آلمان مملكت او زماندنبری مستننا بر اداره تحتنده يشاديني ايچون تاريخي آريجه ذكر وايضاح ايتمكه احتياج واردر . (آلساس - لورهن) وقتيله موجود اولان فرانسز ده پارتمانلرينه ، ولايتلرينه تقابل ايتمك اوزره اوچ قسمدن مركبدر : اهايسنك ا كثرتي قاتوليك اولان وصنايع مملكتي عد ايديلن ، (يوقاري آلساس) ياخود (يوقاري رهن) ؛ اهايسي ا كثريله پروتستان وزراع اولان (آشاغي آلساس) ، ياخود (آشاغي رهن) ؛ اهايسي كاملاً قاتوليك وچيقتجي بولنان (لورهن) ، ياخود (موزل) . — (لورهن) اهايسنك قسم اعظمي فرانسزجه تكلم ايدر ، آلمانجه بيلمز ؛ متباقيسي شمالي آلمانيا اهايسي ايچون آكلاشيلمسي مشكل [حقي يوقاري آلساس اهايسنجه هيچ آكلاشيلماز] بر آلمان لهجه سيله تكلم ايتمكه در [*] .

(پروسيه) عادتته توفيقاً ، مملكت ، آراي خلقه مراجعت ايدلمه دن الحاق اولمشدي . (بسمارك) اهالي بي آلمانيا اداره سنه قولايجه آليشديره جفني اميد ايديبوردى . ۱۸۷۱ سنه سنده (رايخشتاغ) مجلسنده (آلساس - لورهن) اهايسنك نفرت وخصومتى اعتراف ايدرك : « بو مشكلاته صبر و تحمل ايله غلبه ايتمك وظيفه مزدر . داخل اولدقلىرى يكي حكومتده كنديلارينك مدافعه وكيلى اوله جفمي حس ايديبورم . » بسمارك (آلساس لورهن) ي كندى اداره سى آلتنده بولنديرمق ايچون « رايخشلاند » يعنى ايمپراطورلق مملكتى عد ايتدى ؛ يعنى بو قطعه طوغريدن طوغرى به ايمپراطورلق باش وكيلى طرفندن اداره اولنور ، (رايخشتاغ) مجلسنه مبعوث كوندرير ، فقط خصوصى بر حكومتى اولمديغندن (بوند سرات) مجلسنده مرخص بولنديرمازدى ؛ ايمپراطورلق قوانين و نظاماتنه تابع اولمقله برابر قوانين مخصوصه سنى ، يعنى الحاقدن اول جارى اولان فرانسز قاتولنرني محافظه ايديبوردى .

(آلساس - لورهن) ، موقتاً ، « ديقتاتور » اصولنده ، يعنى باش وكيلىك مأمورين مخصوصه سى طرفندن مستقلاً اداره اولندي . فرانسه اصولنده كي تقسيمات ملكيه سى همان عيناً محافظه ايديلهرك « بهزيرق Bezirk » دنيلن سنجاقلره ، سنجاقلر « قرايس

[*] ۱۸۸۰ ده آلمانيا حكومتى طرفندن اجرا ايديلن تحرير نفوسنه نظراً (آلساس) ده ۸۵۵ ناحيه دن قرق دردينك اهايسي فرانسزجه ، (لورهن) ده ۷۵۲ ناحيه دن ۳۴۱ ناحيه كذا فرانسزجه ، ۳۷۰ ناحيه آلمانجه تكلم ايدر .

ایمپراطورک باشلیجه مشغله سی اشتراکون علمینده تدابیر شدیدہ اتخاذا ایدی .
 (قونیفسبرغ) ده ایراد ایلدیکی برلنطقده: « افندیلر ، سزی سلاح باشنه دعوت ایدیورم :
 فساد فرقه لری علمینده دین ، اخلاق و آسایش ایچون مبارزه یه حاضر اولیکز ! » دیدی
 [ایلول ۱۸۹۴] . حکومت « مفسد فرقه لری علمینده » بر قانون حاضر لادی ؛ بقانون
 باش وکیل (قاپریوی) ایله (پروسیه) هیئت وکلاسی رئیس (اولنبورغ Eulenburg)
 آراسنده بر اختلاف ظهورینه وهرایکسینک استعفا سنه سبب اولدی [تشرین اول ۱۸۹۴] . یکی
 باش وکیل (هوهنلووه Hohenlohe) لایحه قانونیه بی مجلسه تودیع ایتدی ؛ بقانون بر عسکری
 اطاعت سز لکه تشویق ایدنلره ، یا خود « حقارت آمیز افادات ایله دینه ، ایمپراطور لعه ،
 تاهله ، عالیله ، حق مذکبته تعرض ایلینلره » یکی جزالر ترتیب ایدیوردی . محافظه کاران
 ایله فرقه مرکزیه اساسی قبول ایدیورلردی ؛ فقط (رایخشتاغ) مجلسنده جریان
 ایدن مذاکرات دارالفنونلر ایله اشتراکون علمینده برچوق هجوملره سبب اولدی ؛
 بو حال محافظله کار احراری تلاشه دوشوردی . بعده (رایخشتاغ) مجلسی طرفیندن
 تشکیل ایدیلان انجمن لایحه قانونیه بی قانون لیکلرک آمانه موافق بر صورنده تعدیل
 ایتدی . بونک اوزرینه دیگر فرقه لری برلشهرک لایحه بی رد ایلدی [مایس ۱۸۹۵] .
 زراع فرقه سنک تشکلی و « آلمان اصلاحات فرقه سی » دنیلن موسوی علمدارانی
 ایله حصوله کان ائتلاف اوزرینه بشقه بر شکه کیرن فرقه محافظه کار « خرسستیان
 اشتراکون » فرقه سنک ایکی به آیرلمسی اوزرینه بسبتون قاریشیق بر حال آلدی .
 پروتستان راهبی (ناومان Naumann) زادکان علمینده کی مخالفتک نتیجه سی اوله رق
 فرقه نیک ک بیوک قسمنه حاکمیت عامه فکری نی قبول ایتدیرمشدی ؛ (ناومان) پروغرامنی
 شو صورتله افاده ایدیوردی : « دردنجی قوه حکومتک نشکنه یاردم ایتک و خرسستیانلق
 اساسنه مستند بر مساوات حقوق تأمین ایلمک . » (ناومان) زراعت عمله سنک جمعیت
 تشکیل ایده بیلملری حقنی طلب ایتدیکی زمان املاک جسمیه صاحب اولان محافظه کاران ایله
 بوزوشدی . « صلیب غزته سی » مومی الیهک اشتراکون ایله اتفاق ایتش اولدیغنی اعلان
 ایتدی . — ایمپراطور « خرسستیان اشتراکون » فرقه سی علمینده بولنش و « راهب لریک
 سیاست ایله اشتغال ایتلری فوق الطبیعه برشیدر ؛ خرسستیان اولان بالطبع هیئت اجتماعیه یه
 منسوب ، مدنیدر : بناءً علیه خرسستیان اشتراکون تعیری بی معنادر » دیمش ایدی
 [مایس ۱۸۹۶] . — موسسوی علمدارانی فرقه سی ، انتخاباتده کی موفقیتنی متعاقب
 بر « فرقه عوام » اولدیغنی ، زراع فرقه سنه خصم بولندیغنی بیان ایتشدی [تشرین اول

و آلتون دن هر ایکسینک واحد قیاسی مسکوکات تخاذی ، زراعت اوطه لری تشکیلی ، تجارت بورس سنک تحت نظارتده بولندیرلمسی کبی شیر طلب اولنوردی ؛ «اتحاد زراع» ۱۸۹۴ ده (رایششتاغ) مجلسنجه قبول ایدیلن (روسیه - آلمانیا) تجارت معاهده نامه سی علمینده بولندی ؛ بنده ای ادخالنک بر حکومت انحصاری شکننه افراغ ایدلمسی طلب ایتدی [۱۸۹۴] .

محافظه کارانک هجوملرینه معروض اولان حکومت صول جناح ترقی پرورانی ایله مرکز فرقه سی طرفدن التزام ایدلدی . اردونک اصلاحی مسئله سنده بیله اتحاددن اثر قالدی . ۱۸۶۰ ده اولدینی کبی مقدار نفوس ینه تکثر ایتش اولدیندن اردونک قادرولری صلاح آلتنه آلمان افراد ایچون کفایت ایتبور ؛ ۶۰,۰۰۰ افراد جدیده فضلہ قالیوردی . حکومت ۱۰۰,۰۰۰ کشی ایچون یکی تخصیصات ایتدی ؛ فقط ، ۱۸۶۰ ده اتحاد ایلدیکی مسلاک خلافنه اوله رق ، خدمت عسکر یه نک اوج سنه اولسی اصولندن واز کچبور ، پیاده ایچون موقتاً ایکی سنه خدمتی تکلیف ایدیوردی . ترقی پروران ، بار تکالیفی تزید ایتیمک ایچون بوتکلیفی رد ایتدیلر ، یا خود هیچ اولمازسه ایکی سنه لک مدت خدمتک دائمی اولسنی طلب ایدیلر ؛ مرکز فرقه سی ایسه امور مذهبییه عائد بعض مساعدات ایتبوردی . حکومتک لایحه سی رد ایدلدی ، (رایششتاغ) مجلسی طاغیدلدی [۱۸۹۳] .

۱۸۹۳ انتخاباننده فرقه ترقی پروران ایکی به آیرلدی : صاغ جناحه کچن بر قسم ، قانونه طرفدار ایدی ، صول جناحه کچن قسم جنوبی آلمانیاک حاکمیت فرقه سیله فرقه سیله برلشمکه چالیشدی ؛ بوتقسام اوزرینه فرقه ترقی پروران یک زیاده ضعیف دوشدی . دیگر فرقه لری کافه سی بر قاج مبعوثلوق مقامی قزاندیلر ، بوصورتیه (رایششتاغ) مجلسی لایحه قانونیه یی ، ۱۱ رأی اکثریتله ، قبول ایتدی .

اشتراکیون بیوک بر موفقیته نائل اولمشلردی : قزانقلری آرانک عددینه نظراً هیچ بر فرقه بونلر قدر رأی قرانامامشردی [۱۸۹۰ ده کی ۱,۰۳۸,۰۰۰ رأیه مقابل ۱,۷۸۶,۰۰۰ رأی] ؛ اشتراکیوندن صکره انک غلبه لک فرقه اولان محافظه کاران انجق ۱,۰۳۸,۰۰۰ رأی قرانامشردی . اشتراکیونک قرق درت مبعوث حیقاره بیلملری دوائر انتخابیه نک کندیلرینه غیرمساعده بر صورتده ترتیب ایدلمسندن ایلری کلبوردی . دوائر انتخابیه (رایششتاغ) مجلسنک حین تأسیسنده [۱۸۶۷ - ۷۱] تنظیم اولنوب حکومتجه تمذیلی آرزو ایدیلن بر قانونه توفیقاً ترتیب و تقسیم ایلدیکی ایچون نفوسی اخیر آپک زیاده تکثر ایدن بیوک شهرلر ایله صنایع مرکزی نسبة ده آاز مبعوث حیقاری یورلدی .

حتی محافظه‌کار احرار بیله ، حکومتک لایحه‌سی علیه اتفاق ایتدیله . اثنای مذاکره معارف ناظری ایله باش وکیل (قاپریوی) حدت‌لندیله ، بومسئله‌نک خرس‌تیانلیق ایله دینسزلیک آره‌سنده بر مبارزه اولدیغی بیان ایتدیله . دارالفنونلرده ، بلدییه مجلس‌لرینده بویاناته اعتراض ایدلای . ایمپراطور وسط فرقه‌لرینه رغماً قبول اولسان برقانونی ایسته‌مدیکنی سویدلای . بونک اوزرینه بحران وکلا وقوعه کلدی ؛ (قاپریوی) آز قالسون باش وکالتدن چکیله‌جکدی ، مع‌مافیه یالکیز (پروسیه) هیئت وکلاسی ریاستی ترک ایتدی [مارت ۱۸۹۲] .

ایمپراطوردن ممنون اولمیان محافظه‌کارلر ، «اصلاحات اجتماعیه فرقه‌سی» نامیله تشکل ایدرک صنف متوسط اهالینک آشای طبقه‌سی آره‌سنده طرفدار قزانان موسوی علمیدارانی فرقه‌سنه میل ایتدیله . فرقه محافظه‌کار طرفدن عقد اولنان بر اجتماعه «حیات بشری اصلاح ایچون ، جناب حقیق تأسیس ایلدیکی کلیسا ایله حکومت آره‌سنده ائتلاف تام موجود اولسی لازمدر» دنیلدکن صکره «افراد اهالینک حیاته حکم ایدرک اونی افساد ایدن موسوی نفوذینه قارشی مجاهده‌دن خالی قالمیه‌جغه» قرار ویرلای . — مالکانه‌سنه چکیلمش اولان (بسمارق) غزته‌لره مقاله یازمق ، غزته محررلیله ملاقات ایتک صورتیله خلفه ایقاع مشکلاتدن خالی قالمیور ؛ (روسیه) دن آیرلدیغی ایچون ایمپراطورلغک موقع سیاسی مشکلاته دوشوردیکنی ، اصول حمایه‌یی ترک ایتدیکی ایچونده آلمان مستحصللرینک منافعی اخلال ایلدیکنی سویدلوردی . ۱۸۹۲ تاریخنده (بسمارق) ک (ویانه) یه سیاحتی مناسبیله اجرا ایدیلن آلفیشلر عادتاً حکومت علمینده برنمایش رنگنی آلدی ؛ مأمورین حکومتک بو آلفیشلره اشتراک ایللمری منع اولندی .

حکومتک سیاست تجاریه‌سنه قارشی یکی بر فرقه اقتصادی تشکل ایتدی ؛ بو فرقه منسوبینی شرق ولایاتنده ، ۱۷۹۲ سنه‌سنده بغدادی فیأتنک نزلدن ممنون اولمیان (پروسیه) محافظه‌کارلری میاننده اولوب «اتحاد زراع» نامی آدیله [شباط ۱۸۹۳] . صرف زراعی بر فرقه ایدی . فرقه مؤسسوی اولان (سیلزیا) لی غیر معروف بر حقیقی بیاننامه‌سنده شو سوزلری سویلمشدی : «آرتق احرار ، پاپانک حکومت جسمانیه‌سی طرفدارای ، یاخود محافظه‌کار نامیله بر طاقم فرقه‌لره آیرلاملی یز ؛ مجالس مبعوثان وقوه تشریحیه اوزرنده ده‌ها زیاده نفوذ صاحبی اولمغه چالیشمق ایچون بیوک بر زراع فرقه‌سی حالنده بر شملی یز» فرقه‌نک مرکز اداره‌سی ، بر چوق محللرده شعبه‌لری تشکیل ایدلای ؛ اعضاسی حکومته ویردکاری املاک ویرکوسنک یوزده اوچی نسبتنده بر حصه نقدیه اعطا ایدیورلردی . پروغرامنده محصولات زراعیه ایچون اصول حمایه‌یه موافق بر کمرک تعرفه‌سی ، کموش

سزھبنده کی لهیلر آلمانلاشمیور ، فقط آلماننرک بر قسمی بر مدت صکره لهیلشیوردی . حکومت لهیلر ایله باریشدی ، هیئت رهبانک اداره سنی بر لهلی سر پسقبوسه تودیع ایتدی ، (برلین) سر اینده (له) اصلزادکانی حقدنه حرمت و رعایتده قصور ایدلدی . لهیلر ، احتمال که (روسیه) حکومتنه اولان نفرت و خصومتلرندن طولانی ، (روسیه) حکومتنه میل ایتدیله . (لانتاخ) و (رایخشتاخ) ده کی (له) فرقه سی اوزمانه قدر حکومتنه دائماً مخالف ایکن ۱۸۹۱ دن اعتباراً هیئت وکلا طرفنی التزام ایدرک حکومت لهنده رأی ویرمهک باشلادی .

معافیه حکومت (بسمارق) ک توصیه ایتدیکی سیاسی ، یعنی قاتولیک فرقه سیله اتحادی قبوله مجبور اولدی . فرقه محافظه کار نواحی اصلاحاتی قبول ایتمک ایسته میوردی . فرقه ملیه احرار سعی و عمل و تزئید تخصیصات عسکریه قانونلرندن ممنون دکلدی . (قاپریوی) مرکزک معاونتی قبول ایتدی . بوکا مقابل ، ۱۸۹۰ سنه سنده ، قاتولیک آلمانیات مکتبی طلبه سنک خدمت عسکریه دن معفو اولدقارینه دائر بر قانون تنظیم ایلدی [پروتستان طلبه بو معفویتک کندیلرینه تشمیل ایدلمه سنی ایستدیله] . فرقه مرکزیه (روسیه) ده یک چوق زماندن بری انتظار اولمان ایکی اصلاحاتی ، یعنی ایراد اوزرندن ویرکویله اداره نواحی قانونلرینی قبول ایتدی [۱۸۹۱] . — فابریقه لک ، صنایع خانهلرک ایرادی غایت نقصان تخمین ایدلمه سنی چاره ساز اولمق ایچون ویرکونک اصحاب صنایع طرفندن واقع اوله حق بیانات اوزرینه طرح و توزیمی اصولی قبول ایدلدی ۳۰،۰۰۰ مارک فوقنده کی ایراد ویرکوسی خفیفجه یوکسلن بر تکلیف مترقی حالته قوندی ؛ فضله مقدار نواحیده کی مکلفینک ویرکولرینی تخفیفه قارشیلق اتخاذ اولندی . — نواحی اصلاحاتی ۱۸۰۸ سنه سنده باشلایان اصلاحاتی اکیال ایدیوردی ؛ شرق ولایاتنده ، کویلرک یک کوچک و ققیر اولمسندن طولانی ، (فرانسه) ده کی کبی ناحیه لر دکل ، (انکلتله) ده اولدینی کبی بر چوق کویلر دن مرکب (وهر باند Verbands) دنیلن بر هیئت تشکیل و طرق و معابره ، مکاتبه ، معاونت عمومییه عائد خصوصات بو هیئتلره تودیع اولندی . (روسیه) ده کی مکاتبک اصلاحی لایحه سی مسئله سنده مرکز قاتولیک فرقه سیله موجود اولان اتحاد ایکی به آیرلدی : پروتستان محافظه کارلر ، قاتولیک مرکز فرقه سی . — حکومت ، محتاط مکاتب ابتدائییه الفا ایدرک بتون مکتبلری قاتولیک و پروتستان مذهبلی نقطه نظرندن ایکی به آیرمنی تکلیف ایدیوردی ؛ معلم تدریسات دینییه ده اجرا ایده جک ، فقط مأمورین روحانیه طرفندن ویرلمش بر اهلیتنامه یی حائز بولنه جقدی ، هیئت رهبان بو اهلیتنامه یی لدی ایجاب معلمدن استرداد ایده بیله جکدی . دیگر فرقه لک کافه سی

قارشیسنده بيله حدتلندیکندن مذاکرات غایت شدتلی بر مناقشه شکلنده جریان ایندركن (قاپریوی) نك تعینیی اوزربنه سکونتله مباحثه ایتمک ممکن اولدی ؛ یکی باش وکیل «بسمارقک» اهمیت عظیمه شخصیهسندن طولایی ، ردایتدیکی افکار جدیدینی «قبوله مهیا بولندیغنی بیان ایتدی ومطبوعات ایله اجتماعاتی برازدها سربست براقدی . سیاست حکومتیه اک زیاده مخالفت ایدن فرقهلر بيله [ترقیبروران ، اشتراکیون] اولسکی قدر شدتلی مخالفتده بولنماغه باشلادیلر . اشتراکیون علیهندهکی تدابیر استثنائییه قانونی — مدتی ۱۸۹۰ ده منقضى اولمقله برابر — تجدید ایدلمدی . فرقه اشتراکیون تشکیلاتی علناً اکیمال ایتدی ؛ برقوق غزتهلر ، اعضادن آلمان حصه تقدیلر ایله تأمین اولنان صندوقلر ، بتون فرقهیی اداره ایتمک اوزره برهیت مرکزیه تأسیس و (آلمانیا) نك هر طرفنده قونفرملر عقد ایلدی [*] . فقط اولکنسندن دهآز انقلابیروانه برمسلك اتخاذ ایتدی . حکومت جدیده ، (بسمارق) ک معاملات مستبدهسندن قورتیلان فرقهلرک نمون اولملری یوزندن خیلی استفادهلره نائل اولدی .

حکومت ، سیاست تجاریهده ، سربستی مبادله اصولنه عودت ایتمه مکلله برابر تجارت معاهداتی ایچون یکی بر اصول قبول واولا ، متفق سیاسیلری اولان (اوستریا — محارستان) و (ایتالی) ایله ، بعده دیگر اوروپا حکومتلری ، یعنی (اسویچره) ، (بلجیقا) ، (صربستان) ، (اسپانیا) و (روسیه) ایله تجارت معاهده نامه لری عقد ایتدی [۱۸۹۱ — ۱۸۹۴] . معاهدات مذکور نك عقدنده تعقب اولنان مقصد آلمان صنایعی محصولاتنه یکی محرجلر بولمق و بر معاهده نامه ایله مربوط اولمیان مملکتلرک کمرک تعرفه لرنده بردن بره وقوعه کله بيله جک تبدلاتدن طولایی آلمان صنایعی بحراندن قورتارمق ایدی .

سیاست تجاریه نك تبدلی سیاست خارجیهده وقوعه کلن تبدله مربوط ایدی . حکومت ، (روسیه) ایله اتفاق ایتمک فکرندن وازچکور ؛ لهیلرک آمال و افکارینه صورت ظاهرده میل ایدیوردی . (روسیه) ده (پوزن) ولایتدهکی لهیلرک آلمانلار شدرلمسی حقهدهکی تشبثاته نهایت ویردی . (بسمارق) بوولایت داخلنده (له) ایلزادکاننه عائد اراضی جسمیهیی صاتون آلهرق آلمان مهاجرلرینه پارچه پارچه فروخت ایتمک صورتیه آلمان عنصرینک تزئیده چالیشمش ، (له) لسانی مکاتب ابتدائییه تدریس ایتدیرمه مک ایسته مشدی . فقط لهیلرک آلمانلار شمعق شوپله طورسون ، بالعکس ۱۸۶۰ سنهسندن بری خیلی ترقی ایتدکری کوریلدیوردی . قاتولیک

[*] فرقه اشتراکیونک مسلك واقسامی حقهدهکی تفصیلات ایچون یکریمی دردنجی بابیه مراجعت

جدیده اثناسنده الكزباده موضوع بحث اولان مسئله موادغداثیه اوزرینه طرح اولنه حق یکی ویرکولر ایله فیاتک ترفع ایتمهسی ، اکثریت نظرنده خوش کوریلن ارتجاع دینی به میدان ویرلمهسی ایدی . نتیجهٔ انتخاباتده حکومت طرفداری فرقه لر مغلوبیت تامه به دوچار اولدیلر ؛ ۱۸۸۷ انتخاباتنده قزاندقاری رأیلرک نأشدن زیاده سنی غائب ایدرک (رایخشتاغ) مجلسنه ۲۲۰ مبعوث یرینه ۱۳۵ مبعوث انتخاب ایتدیره بیلدیلر ؛ حال بوکه ضول جناح و مرکز فرقه لری « قارتل » ک تشکیلدن اولکی زمانه نسبتله بیله دهاقوتلی برحاله کلدیلر [۶۷ ترفیور ، ۳۶ اشتراکیون ، ۱۰ ایمراطورلق فرقه سی] .

طریق هیرید . — حکومت اکثریتی غائب ایتمش ایدی . (بسارق) محافظه کاران ایله مرکزک اتحادندن متشکل یکی بر اکثریت تشکیلی تکلیف ایتدی . (ویلهلم) بوکا موافقت ایتدی . ذاتاً (بسارق) ایله ایمراطورک ارکان معیتی وبالخاصه ارکان حربیه رئیس (قونت دو والدرسه Comte de Valdersee) آره سنده ۱۸۸۹ دن اعتباراً بر اختلاف ظهور ایتشیدی . عمله حقنده بین الملل برقونفرانس عقدینی تصویب ایتین (بسارق) ایله (ویلهلم) آره سنده کی مباسبات کرکینلمشیدی ؛ ایمراطورک مرکز فرقه سیله حصول ائتلافه راضی اولماسی ، (بسارق) ک ده (روسیه) نظارینک رئیس وکلانک وساطتنه مراجعت ایتدند قرال ایله مخابره و مناسبته بولنلرینی منع ایلین ۱۸۵۲ قانونندن واز کچمکه موافقت ایتمهسی اوزرینه بسبتون منقطع اولدی .

انقطاع مباسبات ناکهان و کورولتیلی بر صورتده وقوعه کلدی . (ویلهلم) ایمراطورلق باش وکالتیله خارجیه نظارتندن استعفا ایلیمسینی (بسارق) دن طلب و خافی اولان جنرال (قاپروی Caprivi) پی همان تعیین ایتدی [مارت ۱۸۹۰] . کیچی اصطلاحاتی ایله مالی اوله رق یازدینی [*] بر مکتوبده باش وکالتک تبدیلی بیلدیرمکه برابر سیاستی دیکشیدیرمک نیتده اولمدیغی بیان ایدیور : « سیک پدزمی یکیدن غائب ایتمش قدر محزون اولیورم ؛ فقط جناب حقک بزه تودیع ایلدیکی وظیفه یی ، محو وهلاک اولق ایجاب ایتسه بیله ، بحق ایفایه چالیشمق ایجاب ایدر . سفینهٔ حکومتک نوتجی ضابطلکی بزه مودوعدر ؛ یولمز اولکنک عیندیر . تام یول ایله ایلری ! »

حقیقت حالده (بسارق) ک انفصالندن صکره سیاست اولکی کیی قالدی ، « طریق جدید » دنیان یکی بر وجهه استقامت آلدی . اولا (رایخشتاغ) ده کی مبعوثلر ایله باش وکیل آره سنده کی مباسبات شخصیه ده برتبدل وقوعه کلدی ؛ (بسارق) ک کوچک بر مخالفت

(*) ایمراطور ویلهلم سیاحت بحریه ک مراقل اولدینی ایچون محررات رسمیه ده بیله کیچی اصطلاحاتی استعمال ایدر .

حکمدارک تبدلی فرقه لرك صورت تشککنجه، بعده ارکان حکومتجه تبدلی انتاج ایتدی. فرقه محافظه کار، مسائل مذهبه ده ایمبراطور ایله همفکر بولندیغنی آکلایه رق دیانت بحثده کی قیدسزلغندن طولای معاتب طوتیلان فرقه ملیه احرار دن آیرلدی. ایکی فرقه آره سنده کی انقطاع مناسبات (پروسیه) ده مکاتب ابتدائیه نك مجانی اولسی حقنده تنظیم اولنان قانون مناسبتله باشلادی؛ محافظه کارلر، قاتولیک فرقه سیله برلشهرک بو قانونک قبولنه مانع اولدیلر [۱۸۸۸]. بعده محافظه کارلرک واسطه نشر افکاری اولان «صلیب غزته سی»، «قارتل» ک خرسیانلغه مغایر اولدیغنی، عاداتا «قدیم پروسیه نك آلتون کبی صاف اولان جوهر اصلینسک فرقه احرار دنیلن مردار معدن ایله خلیطه سی قدر ناجبا بولندیغنی» بیان ایله هجومه باشلادی [ایلول ۱۸۸۹].

فرقه محافظه کارک (برلین) ده کی رئیساری «مسلاک اشترا کیون حکومت» رؤساسندن مقتصد (واغز) ایله «خرستیان اشترا کیون» فرقه سنک مؤسسی، سرای حکمداری واعظی (اشته کر) ایدی. ۱۸۷۸ سنه سنده برعمله فرقه سی طرزنده تشکل ایدن بو فرقه «اعتقادات خرسیانیه دن، قرال و وطنه محبتدن اصلا آیرلیوب حاکمیت عامه طرفداری اولان اشترا کیونک مسلاکی غیر قابل اجرا، خرسیانلغه و وطنپرور لکه مغایر عد ایدر.» بناء علیه حکومت قرالیه ایله نفوذ ره بانک محافظه سی طرفدار ایدر. فقط حکومتدن اصلاحات عظیمه اجتماعیه طلب ایدیوردی: اصناف جمعیتلرینک حکومتجه تخصیصات اعطاسی صورتله مجبوری اولسی، سعی و عملک بر قانون تحتنه آلمسی، فابریقه لرك نظارت آلتنده بولند برلمسی، چالیشمه مدتک تعیینی، سیغورطه صندوقلری، ایراد و میراث اوزرندن تکلیف مترقی طرزنده ویرکو آلمسی. — بو فرقه کندی پروگرامی بتون قدیم احرارک، سربستی صنایع و تجارت طرفدارلرینک پروگرامنه مقابل و مخالف اولمق اوزره تنظیم ایتمش؛ «مانچستر مکتب اقتصادینسک» موسویلرک دشمنی اولدیغنی بیان ایدیوردی. (اشته کر) — ریاست ایتدیکی فرقه نك پک غلبه لک اولمامسیله برابر — نظرلری، مساعی متما دیه سی سایه سنده فرقه محافظه کار اوزرنده بیوک بر نفوذ قزاعشدی.

(ویلهم) محافظه کاران ایله فرقه ملیه احرار آره سنده کی اتحاد محافظه ایچون ایشه مداخله ایتدی. (اشته کر) ک تحریکات سیاسی سه نهایت ویردی، «صلیب غزته سنک» مسلاکی تقییح ایلدی، «قارتل» ک قواعد اساسیه حکومته موافق بر تشکیلات سیاسی «اولدیغنی رسمی غزته ایله اعلان ایتدیردی [تشرین ثانی ۱۸۸۹]؛ «قارتل» ۱۸۹۰ انتخاباتنده تجدید ایدلدی، فقط مشترک بر پروگرامی یوقدی. انتخابات

جمله‌ی یازدی : « همان قرالک آرزوسی ، قانون حکم و قوتی حاز اولسون ! » .
 پروتستان مجلس روحانیسی طرفدن کوندربان هیئت مبعوثیه خطاباً « عالم ظلماتک
 مجلس روحانیک معاوتی اولدقجه مغلوب ایدله‌مه‌جکنی » بیان ایتدی . — (رائخشتاغ)
 مجلسی اعضاسی طرفدن ویربان برضیافتده عالم سیاسیاتده آنجق ایکی فرقه موجود
 اوله بیله‌جکنی ، بونلردن برینک حکومتی محافظه ایدن ، دیگرى بوکا مخالفت ایلدن
 فرقه‌لر اولدیغی سویلیدی . — (پوتسدام) ده ، بعده ، ۱۸۹۱ سنه‌سی تشرین‌تایسنده
 (برلین) ده افراد جدیده عسکرینه‌ک رسم تحلیفی اجرا ایدیلرکن ایکی نطق ایراد
 ابدرك برعصیان وقوعنده عسکرک وظیفه‌سی نه اولدیغی ایضاح ایلدی [۰] .

عین زمانده ، مسائل خصوصیه شخصاً مداخله ایدر . از جمله عملمه‌ک صورت
 استخدامی حقنده برقانون تنظیمی تدقیق ایچون بین‌الملل برقونفرانس عقد ایتدی .
 — تدریسات تالیه اصلاحاتی ایچون تشکیل ایدیلن انجمن مخصوصک اجتماعاتنده حاضر
 بولنه‌رق فرانسه‌دهن مأخوذ برکله یرینه آلمانجه برکله‌ک قبول واستعمالی توصیه ،
 قنون جدیده ایچون پروغراملرده دها واسع بریر راقلمسنی طاب ایتدی وحتی تاریخ
 درسنه عصر حاضر وقایعندن باشلانمی اصولی تقدیر ایله بوباده ایضاحات لازمه اعطا
 ایلدی [۱۸۹۰] . — برلنده اسافل ناسدن برقمارخانه مستأجری طرفدن ایقاع ایدیلن
 جنایت مناسبتیه رسمی غزته‌ده هیئت وکلایه خطاباً نشر ایتدیکی بیاتنامه‌ده « حکومت
 وهیئت اجتماعیه ایچون بر تهلکه » حالی آلان بوضنعت اربابی علیهنده بسط مقال
 ایتدکدن صکره « ملتک صاحب اخلاق صنفلردن » حکومته معاونت طلب ایتدی ؛
 بو ایشه مداخله‌سی اسبابی ایضاح ایدرکن « عدالتک کندی نامنه توزیع ایدلدیکنی
 و « حقوق وانتظام عمومینک محافظی صفتیه عهده‌سنده بولنان وظائفک اهمیتنی تقدیر
 ایلمکده بولندیغی » بیان ایتدی [تشرین‌تانی ۱۸۹۱]

ایکنجی (ویلهلم) بهارقی ریاست حکومتده برانقشدی . فقط برمدت صکره

[*] بو نطقلرک اصللری آنجق غزته‌لرده کوریلن فقره‌لردن عبارتدر . امپراطور (پوتسدام) ده
 شویولده اداره لسان ایتمش : « سز نیم عسکرلر مسکز ، جسماً وروحاً بکا عائدسکز ؛ سزک ایچون
 آنجق بر دشمن واردر ، اوده نیم دشمندر . اشتراکونک اعمال حیل ودریس ایلدکلری بویله
 برزمانده بر کون کله‌بیلرک سزه - الله محافظه ایتسون - برادرلریکز ، ابونلریکز اوزرینه آتش
 ایتمکزی امر ایدرم ، بواصری آلدیغکز زمان هیچ برسوز سولمه‌دن اطاعت ایتمک مجبورسکز .
 یاخود دیگر بروایتیه کوره : « اگر سزه برادرلریکز ویا ابونلریکز اوزرینه آتش ایتمکزی
 اختطاره مجبور اولورسه مینکزی تخطر ایدیکز . » دیمش — برلنده شوسوزلری-ویلمش :
 « احتمال که غایت جدی محاربات داخلیه سزه انتظار ایدیور . »

اشترا کیون ایله سربست فیکرلی کیمسه لک دشمن نی امانی بولندیغنی اثبات ایتدی .
ایلتک بیاننامه سی اردوایله بحریه یه خطاباً در . — ملتہ خطاباً نشر ایتدیکی بیاننامه ده
« حکمدارلر حکمداری حضورنده ادارهٔ حکومتی درعهده ایتدیکنی وعادل ، رحیم بر
قرال اولدیغنی ، اللهه عبادت ایتک واللهدن قورقق فریضه سندن انحراف ایتیه جکنی
جناب حقه وعد ایتدیکندن » بحث ایلدی . (رایخشتاغ) مجلسنک حین کشادنده
« بیوک پدرینک اثر سیاسیسنده وبالخاصه ۱۷ تشرین ثانی ۱۸۸۸ بیاننامه سی حکمنجه
حرکت ایتک ، عمله صنفنه منسوب اهالی پی خرسیتیانلغک قوانین اخلاقه سننه توفیقاً
حمایه ایلمک » نیتنده بولندیغنی بیلدیردی [۱۸۸۸] .

بعده ضیافتلرده ادارهٔ اقداح اولنورکن ، یاخود ارتجالاً ایراد ایلدیکی نطقلرده ،
تقدیم ایدیلن عریضه لره ویردیکی جوابلرده ، بری و بحری افراد جدیدهٔ عسکریه یه
خطاباً او قودیغنی بیاننامه لرده سیاسیات حقنده کی احتساسات ذاتیه سی اظهاره باشلادی .
قدیم (پروسیه) قراللری کبی سر ایندن ممکن مرتبه آز چیقوب غایت منتظم بر حیات
کچیره جکنه بر حرکت دائمه ایچنده یشادی ، هان بتون اوروپا حکومتلرینی زیارت ایتدی ،
ایمپراطورلغک هر طرفی طولاشدی ، هر سنه یاط ایله شمال دکزی سواحلنه کینمکی
عادت ایدندی [برلینده کننسیسنه « خارجی ویلهلم » لقبی ویرلشدیر] . مسائل عسکریه یه
پک زیاده مراقلی اولدیغندن تعلیملری بالذات اداره ایدر ، بتون ایمپراطورلق داخلنده
اجرا ایدیلن کچید رسملرنده ، مانوره لرده حاضر بولنور .

سیاسی بیاننامه لری ، نطقلری دیانته حرمتی ، انقلاب اجتماعیدن نفرتی ، حکومت
شخصیه اصولنه واطاعت مطلقهٔ عسکریه یه میل وانجذابنی کوستریوردی . ۱۸۹۰
سنه سی انتخاباتنده اشترا کیونک احراز موفقیت ایلملرینی متعاقب ایراد ایتدیکی نطقلرده
« عناصر مفصده » علمهنده کی سوزلری تهدید آمیز بر شکل آلمغه باشلادی . -- (سیلزیاده)
سویلدیکی نطقده « وئنداشلرک طالدلقلری اویقودن نهایت اویانملرینی وعناصر انقلابیورانک
تأدیجی خصوصنی یالکیز حکومت ایله وسائط اجراییه سنه بر اقاملرینی » تمنی ایدیور ؛
« دیانته حرمتک ، قانونه اطاعتک ، مقام حکمداری یه بلاقید و شرط صداقتک یکیندن
تأمین اولنه جغنی » امید ایتدیکنی بیان ایلوردی . — ۱۸۹۰ سنه سنده (براندبورغ)
مجلس عمومی ولایتک ضیافتنده شو سوزلری ، سویلدی : « اطاعتسزک فیکری ملکتمده
انتشار ایدیور . بنی وبنم افکاریمی طانیانلر ، بیلنلرجه غایت آچیق ، آشکار اولان
واولسی ایجاب ایدن یوللری کوسترمک ایچون بحر محیط قدر مطبعه مرکبی وکاغد
صرف اولنیور ، » — (مونیک) ده ، زوارک خاطر اتنی قیده مخصوص بردفتره شو

ایتدیردی ، بوکا مقابله ده جمعیات روحانیه نك یكیدن تأسیسنده مساعده ایدن قانونی پروسیه نك (لانتاغ) مجلسی قبول ایلدی . — الحاصل سیاست اجتماعیه پروگرامنه داخل اولان قانونلرینی مجلسلردن کچیرمکه موفی اولدی .

ایلنجی ریلرلم سیاست فرستیایه . — بسمارق برنجی (ویلهلم) ك معتمد باش و کیلی صفتیه ۱۸۶۲ تاریخندن بری (پروسیه) پی ، بدایت تأسیسندن بری ده ایمپراطورلنی اداره ایدیوردی . (لانتاغ) ، (رایخشتاغ) ، پروسیه و کلاسی ، (بوندسرات) مجلسی ایله (بسمارق) آردسنده ظهور ایدن اختلافاتك جمله سننده ایمپراطور دائما باش و کیلی التزام ایتمشدی ؛ پك چوق دفعه (بسمارق) استعفاسی ویرمش ، (ویلهلم) هیچ بر زمان قبول اتمه مش ، دائما باش و کیلیك سیاستنه تابع اولمشدی . آراتق هر کس (بسمارق) ه حکومتك اک ضروری ، اک لزوملی رئیس صفتیه باقغه آلیشمشدی .

۹ مارت ۱۸۸۸ تاریخنده طقسان بریاشنده اولدینی حالده وفات ایدن برنجی (ویلهلم) ك برینه کچن اوغلی اوچنجی (فره دریق) ذاتاً مقام حکمداریه کلزدن اول برمرض مهلسکه ، بوغاز سرطانه دوچار اولمش ، اجرا ایدیلن عملیه جراحیه نتیجه سننده صدان ، سوز سویلمکدن محروم قالمشدی . (بسمارق) ، یکی ایمپراطور ایله وبالخاصه (انکلتره) قرالیجه سنك قیزی اولوب انکلزلك اصول مشورت احرارانه سی طرفداری بولنان زوجه سی (ویقتوریا) ایله اوتهدن بری عین فکرده بولنماش ، آره لرنده اختلاف ظهور ایتمشدی . اوچنجی (فره دریق) ك دوره حکومتی سیاست حکومتی تبدیل ایده جك قدر دوام ایتدی ، (فره دریق) ۱۵ حزیران ۱۸۸۸ تاریخنده وفات ایتدی . فقط بو قیصه دوره حکومتلری ایمپراطور یجه نك معبئی (بسمارق) علیهنده بولندی ، آرده ظهور ایتدن اختلاف و خصومت (فره دریق) ك وفاتدن صکره مشارالیهك ۱۸۷۰ — ۷۱ خاطر اتنك نشرینی انتاج ایلدی . (بسمارق) ده اخذ نار مقصدیه بر ساخته کارلق دعواسی اقامه ایتدی ایسه ده دعوا براثت قراریله حتام بولدی . [۱۸۸۹] .

(فره دریق) ك خلفی ایمپراطور ایکنجی (ویلهلم) ، بیوک پدری (ویلهلم) ایله (بسمارق) ك سیاستنه تقدیر خوان اولمق واردویه ، کلیسنایه فوق العاده حرمت و محبت ایتك ایله شهرت قزانشدی .

موقع حکمداریه کچمسنی متعاقب وقوع بولان حرکاتی ، کنديسنك قدیم (پروسیه) قرالرینك عادت قدیمه سی وجهله تام برعسکر و خرسیتیان کی تریبه ایدلیکنی ، اجرای حکومت حقنه من طرف الله مالک اولدیغنه و تبعه سنی مذهبه ، عادات قدیمه مملکته کوره اداره ایتك وظیفه عالیسه مکلّف بولندیغنه اینانديغنی ،

استیضاحک حقوق حکومتہ مغایر اولدیغی بیان ایلدی . (بسمارق) ک علیهنه ، مرکز و ترقیپور فرقه لری رؤسائیک تحت ادارہ سنده اوله رق تشکل ایدن هیئت اتحادیه مخالفه (رایخشتاغ) مجلسنده احراز اکثریت ایدرک ویرکولرک اصلاحی حقیقده کی لایحه قانونیه لری توقیف ایتدی .

فقط او صرده ظهور ایدن مسائل خارجیه سیاست داخلیه پی ده اخلاص ایتدی . فرانسه ده (بولانزه) نکر ریاستی آلتنده کی هیئت وکلا تشکل ایتمش ، « وطنپروران جمعیتی » طرفندن تحریکاته باشلانمشدی ؛ (آلمانیا) نکر (فرانسه) و بلیکده (روسیه) ایله محاربه تهلکسنه معروض اولدیغی روایت ایلدی . (بسمارق) - رسمی غزته لریک آلمانیا اهالیسی آرسنده نشر و تعمیمنه چالیشدق لری - بوروایتدن بالاستفاده (رایخشتاغ) مجلسنده کی رقیبلرندن قور تولدی . یدی سنه ایچون قبول ایدیلن عسکری قانونک مدتی ۱۸۸۸ ده منقضى اوله حق ایدی ایسه ده (بسمارق) قانون مذکورک تجدیدینی واردویه ۴۱۰۰۰۰ کشی علاوه سنی دها اول طلب ایتدی . ترقیپوروران ایله مرکز قانون عسکری مدتیک اوج سنه یه تنزیلی ایله اکتفا ایدرک بالکیز . عسکر مقدارینک تزییدینی قبول ایتدیلر . بونک اوزرینه (بسمارق) رایخشتاغ مجلسنی طاغیتدی [کانون ثانی ۱۸۸۷] .

۱۸۸۷ انتخاباتنده (بسمارق) ایله متفق اولان بتون فرقه لری یدی سنه لک قانون عسکرینک رقیبلری علیهنه بر هیئت اتحادیه تشکیل ایلدیلر . محافظه کار ، ایمپراطورلق فرقه سی ، فرقه ملیه احراز مبعوث انتخاباتنده نساوی آرا و قوعه کلدیکی زمان یکدیگره معاونت ایده جگرینسه دائر بر مقاوله قطعیه عقد ایتدیلر . که بوکا « قارتل cartel » دینلمشدر [آلمان اصولنجه نساوی آرا حصولنده پایله حق معامله برنجی دوردده اک چوق رأی قرانان ایکی نامزددن برینی انتخابدن عارتدر] . عسکر مسئله سی اوزرینه اجرا ایدیلن انتخابات صول جناح فرقه لرینی وبالخاصه ترقیپوروران ایله حاکمیت عامه طرفدارلرینی ضعیفلندی و « قارتل » بیوک بر اکثریت [۱۷۵ مخالفه قارشی ۲۲۰] تأمین ایتدی .

(بسمارق) بویکی هیئت اتحادیه ایله (رایخشتاغ) مجلسنه حکم ایتدی . قانون عسکری پی [۱۸۸۸] . اشتراکیون عایهنده کی قانونک تمید مدتی ، (رایخشتاغ) مجلسی اعضاسنک مدت مأموریتلری اوج سنه دن عبارت ایکن بش سنه یه ابلاغنی قبول ایتدیردی . - طوغریدن طوغری یه (پایا) ایله مذا کرده کیریشهرک یدی سنه لک قانون عسکری پی رد ایتدکلرندن طولای پاپالق مقامی طرفندن مرکز فرقه سی تو بیخ

کبی کو ستردیکی بو نظریات اخیر آتشکل ایدن «مسلك اشترا کيون حکومت «socialisme d' Etat»
 اربابی ایله سرای حکمداری واعظی «اشته کر Stoecker» طرفندن تأسیس ایدیلن
 «خرستیان اشترا کيون» فرقه جدید سنک افکارینه مطابق ایدی .

عمله حقنده کی قوانین یواش یواش وکال مشکلات ایله (رایخشتاغ) مجلسنه قبول
 ایتدیردی . کیتدکجه تکثر ایدن عمله صنوفه قضا ، خسته لق . اختیارلق ویا عدم اقتدار
 کبی احوالده معاش تخصیصی ایچون ایمپراطورلق طرفندن اداره اولنور خصوصی
 صندوقلر احداث اولندی [۱۸۸۴ - ۱۹۲] . بو عمله مؤسسائی آلمان دارالفنونلرنده کی
 اقتصادیون طرفندن ، میلیونلر جه ایش-جیلری سفالیدن قور تاره جق ، رفاه حال ایچنده
 یشتادیره جق درجهده مؤثر بر انقلاب اجتماعی کبی تالی ایدلدی . اشترا کيون ایسه
 بو تدبیرلرک عملیه ی اصلاحات طابندن واز کچیرتمک ایچون اتخاذا ایدیلن بر تدبیردن
 عبارت اولدیغی بیان ایتدیله . فی الحقیقه تدابیر مذکوره منتخبلری حکومته یاقلاشدر مق
 خصوصنده هیچ بر تأثیر حاصل ایتمه مش کبی کورونور .

۱۸۸۱ ده اتخاب اولنان (رایخشتاغ) مجلسنده فرقه ملیه احرار دهها زیاده
 کسب قوت ایتدی [۵۸ ترقیرور ، ۴۷ احرار] . بونک اوزرینه (بسمارق) ده
 محافظه کاران ایله مرکزدن مرکب هیئت متحدهیه دهها زیاده میل ایدلدی ؛ سیاست
 اقتصادیه واجتماعیه سنی موقعه تطبیقه وضع ایده جک صورتده بعض قوانین ایله ، آنارشیتلر
 علیهنده بر قانونی قبول ایتدیلمک موفق اولدی [فقط توتون انحصاری قبول
 ایدلدی] .

عین زمانده ، (بسمارق) بر مستملکات سیاستی دخی احداث ایتدی ، که افراده
 وشرکتلره تشویقات اجراییله باشلایان بو سیاست [۱۸۸۰] ایمپراطورلغه مخصوص
 مستملکات تأسیسنه وبونلر ایچون (رایخشتاغ) مجلسی طرفندن تخصیصات اعطاسنه
 منجر اولدی . مستملکات اموری فرق مخالفه ایچون یکی بر زمین بحث وجدال حالته
 کیردی . ۱۸۸۴ ده اتخاب ایدیلن (رایخشتاغ) مستملکات سیاستی تعیب و تقییح
 ایدلدی .

قانونه عسکری و «قارتی» [۱۸۸۶ - ۸۸] . — محافظه کاران ایله فرقه ملیه احرار
 آره سنده کی اتفاق مستملکات مسئله سندن طولایی بوزولدی . مرکز ، (بسمارق) ایله
 اتفاقدن آیریلهرق طلب اولنان تخصیصاتی رد ایچون ترقیروران و ایمپراطورلق دشمنلرینه
 التحاق ایتدی . (روسیه) حکومتی شرقی (روسیه) ولایاتی داخنده کی لهیلبری طرفدو تبعید
 ایتدیکی زمان بو ماده حقنده مجلس مبعوثانده وقوع بولان استیضاحه جواب ویرمدی ؛

اصلاحی دخی قبول ایتدی . ۲۰,۰۰۰ کیلومتر و طولنده کی خطوطدن ۶,۰۰۰ کیلومتر و سی حکومت عا ئددی ؛ (بسارق) بتون شمندوفر خطلرینی حکومتک عهدده سنه کچیرمک ایستوردی ؛ خطلرک تدریجاً حکومت طرفندن صا تون آلمسی اصولانی مجلسه قبول ایندیرمکه موفق اولدی [۱۸۷۹ دن بری] .

بوتبدل سیاست ائناسنده فرقه ملیئه احرار طاغیلدی ؛ هرشیدن اول (بسارق) ه صادق اولان ر قس م باش وکیلک سیاستنی تعقیب ایدرک صا غ جناحه التحاق ایتدی [۱۸۷۹] . سربستی مبادله قاعده سیله « مایس قانونلری » نك محافظه سنی ایستین دیکر قس م صول جناحه آریله رق ۲۸ اعضا دن مرکب آری بر هیئت تشکیل [۱۸۸۰] و نهایت فرقه ترقی و روانه التحاق ایتدی [۱۸۸۴] . بحران ائناسنده ، (بسارق) قدیم متفقلری ایله هیئت وکلاده کی رفقاسنه قارشی دائماً برنشئه سزک ، جان صیه نندیس ی اثری کوستردی . و (رایخشتاغ) مجلسی ایله اصول مشورت علمینده بیانات مستهزیانه دن کری طورمدی ؛ حتی (رایخشتاغ) دوره اجتماعیه سنک ایکی سنه ده بر دفعه یه تزیلانی و بودجه نك ایکی سنه ایچون قبولانی تکلیف ایتمکه قدر واردی [۱۸۸۱] . [۱۸۸۱] انتخاباتنده احرار فرقه لری حکومتک منتخبلری تصدیق ایلمستدن شکایت ایتدیله .

(بسارق) اشترا کیونک ترقی سنی منع ایچون عمله نك احوال و شرائط ماده لری نك اصلاحنه مدار اولمق اوزره بر سیغورطه مؤسسه سی وجوده کتیردی و بونکله صنف عوامه ایمراتورلانی سودیرمک ایستدی ؛ ایشته بویولده اتحاد اوانان تدابیره « سیاست اجتماعیه » نامی ویرلدی .

اول امرده ۷۵ اعضا دن مرکب اوله رق بر « پروسیه مجلس اقتصادیس ی » تأسیس ایدلدی [تشرین ثانی ۱۸۸۰] . بعده تدابیر اقتصادی نك برنجیسی اولمق اوزره عمله نك قضا و قوعنه قارشی سیغورطه ایدملری حقه نده کی قانون لایحه سی تنظیم اولندی . ایمراتورک بوماده یه متعلق اولان بیاننامه سنده حکومتک « احتیاج ایچنده بولنان افراده » قارشی وظیفه سندن بحث ایدیله رک بونک « ساده جه بوظیفه انسانیت و خرس سنیانیت » اولمبوب بلکه « بوظیفه سیاسیة محافظه کارانه » اولدینی اعلان قلندی . ینه بو بیاننامه یه نظراً « حکومتک یالکز الزم دکل ، تبعه سی ایچون خیرکار بر مؤسسه اولدینی فکرنی مملکتک اک غلبه لک ، فقط اک آ ز تحصیل کورمش اولان فقرا صنفنه دخی آکلا تملیدر » . کذلک « حکومت عا ئد اولان مدافعه مملکت وظیفه سندن ماعدا بتون افرادک وبالخاصه ضعفا نک رفاه حالنه صورت جدیده چالیشمق و ظائف حکومتک باشیدجه سیدر . » بسارقک ، اون سکزنجی عصر دنبری (پروسیه) قرالری نك مملک مخصوص قدیملری

مرکززدن مرکب یکی بر اکثریت اشکل ایتدی . بوا اکثریت اول امرده ۲۰۴ امتضادن مرکب بر « فرقه اقتصادی » شکلی آلهرق اصول حمایه طرفداری اولدیغی اعلان ایتدی [۱۸۷۸] .

(بسمارق) کمرک تعرفهسی اصلاحاتی بوا اکثریت قبول ایتدیردی ؛ کمرک رسومی اصول حمایهیه توفیقاً وضع وتعیین ایدلمکله برابر اجنبی بغدادیلرندن آلتان رسم اصحاب املاک آرزو ایتدکلری درجهده تزیید اولمندی . (بسمارق) پروغرامنک بعض موادینی دخی قبول ایتدیردی . فقط بومعامله بطاقت ایله اجرا ایدلدی ؛ (رایخشتاغ) مجلسی اول امرده توتون ، پترول وقهوهدن آلهحق رسومی قبول ایتدی ؛ فقط ایمراطورلق کمرکلریله ویرکولرینک ۱۳۰ میلیون فوقمهکی وارداتنک حکومتنر آرهسنده تقسیم ایدلمسینی بوو ویرکولردن بعضلرینک هرسنه قانون شکلنده اولهرق قبول اولمسنی قرارلشدیردی که بوضورتله (رایخشتاغ) مجلسنک امور مالیهدهکی صلاحیتی محافظه ایدلمش اولدی [۱۸۷۹] .

(بسمارق) ، بوکا مقابل ، یکی رقیبلرینی ممنون ایتمک ایچون (روسیه) سیاست داخلیهسنجه بعض تبدلات اجراسنه موافقت ایتدی . - احرار وکلاسیله قطع مناسبت ایدلدی . (کولتور قامپ) ناظری (فالق) ک یزینه محافظه کاراندن بری ، تعیین اولندی . فرقه محافظه کارک خوشنه کیتمین ولایات وشهرلرک اصلاحات ادارهسی یاری یولده براقیلدی . - (بسمارق) ایله مرکز فرقهسنک باریشمسی ، آرده ائتلاف حصولی پک زیاده بطاقتله وقوعه کلدی . اولاً ، یکی (پاپا) اون اوچنجی (لئون) ایله مذاکراته باشلانندی ، فقط برنتیجه حاصل اولمندی ؛ وفات ویا عزلدن طولانی منحل یسقوسلقلره ، کوی راهبکلرینه [۶۰۰ قدر] برر کیمسه تعیین ایتمک اقتضا ایدیوردی . « مایس قانونلری » نک بو آچیق محللرده تعیین اولنهحق رهباندر طلب ایتدیکی تعهداتی هیئت روحانیه قبول ایتیموردی . نهایت بوکا برچاره بولدیله : حکومت بعض قوانینی تطبیق ایتمهک صلاحیتنه مالک اولدیغی (لانتاغ) مجلسنه قبول ایتدیردی [۱۸۸۰] . ایشه « کولتور قامپ » دنیان تدابیره بوضورتله نهایت ویرلدی . بعده مرکز فرقهسیله وقوعه کلن مجادلات انناسنده اتحاد اولنان تدابیر برر برر فسخ ایدلدی [۱۸۸۰ دن ۱۸۹۳ سنهسنه قدر] . یالکز نکاح ، وفیات وتولدرات کبی سجل نفوس معاملاتی ایله ۱۸۵۰ قانون اساسیمی موادینک العاسی قالدی . (آلمانیا) ده قاتولیک هیئت رهبانیهسی حکومت قارشی مجادلهسنده غلبه ایتشدی .

محافظه کاران ایله مرکززدن مرکب اولان اکثریت (روسیه) شمندوفرلرینک

(بسارق) فرقه‌نك مطالبی رد ایلدی ، برمدت ایچون مأذونیت آلدی ، کویده‌کی انزوا کاهندن عودت ایتدیکی زمان اصول تکالیفی تامیله تبدیل ایده‌جك صورتده تنظیم اولمش یکی بر لایحه کتیردی . اوزمانه قدر آلمان امپراطورلغنك كمرک رسومی سربستی مبادله‌یه یاقین درجه‌ده آز اولدینی کبی استهلاک ویرکولری ده خفیفدی . کمرکلر وارداتی امپراطورلق مصارفه کفایت ایتدیکی ایچون ظهور ایدن آچیق هر حکومت طرفندن بر نسبت معینه داخلنده ویریلن مقطوع بر مبلغ ایله قیادیلوردی . آچینگک مقدارینه کوره تبدیل ایدن بو مبالغ [۱۸۷۲ ده ۸۲ ، ۱۸۷۸ ده ۷۰ میلیون مارق ایدی] هر سنه مجلس مبعوثانجه تحت قراره آلینیر وبلا واسطه ویرکولردن تدارک اولنوردی . (بسارق) صنایی حمایه ایچون (اوستریا) ، (فرانسه) و (روسیه) کبی دول معظمه‌نك اثرینه اقتفاء کمرک رسمنی تزاید اتمک ایستوردی ؛ بو صورته امپراطورلق وارداتی آرتیروب بودجه آچیغنی قیامتی ایچون هر حکومت طرفندن ویریلن مبالغ مقطوعه‌نی آلاماق فکرنده ایدی . امپراطورلق داخلنده‌ده ، (فرانسه) ده اولدینی کبی ، توتون انحصاری تأسیس وبالواسطه ویرکولری تزاید اتمک آرزوسنده ایدی . اوزمان امپراطورلق بودجه سنده فضله واردات حصوله کله‌جك وبو فضله حکومترلره توزیع اولنهرق بالواسطه ویرکولرک نقیصنه مدار اوله‌جقدی . بو اصلاحات سایه‌سنده امپراطورلغک واردات مستقلمه‌سی تأمین ایدیله‌جك ، بودجه آچیقنی قیامتی ایچون « هر حکومتک قپوسنی چالوب پاره دیلنمکه » حاجت قالمیه‌جقدی . لایحه فرقه ملیه احرار طرفندن رد ایلدی . چونکه سربستی مبادله قاعده‌سنه مغایر اولدقن بشقه هر سنه مجلس مبعوثانجه تحت قراره آلمسنه لزوم قالمیان بر منبع واردات تدارک ایدلمک صورتیه (رایخشتاغ) مجلسنك اجرای نفوذ ایچون مالک اولدینی یکانه واسطه‌نی‌ده لندن آلیوردی . (بسارق) فرقه ملیه احراری ترك ایتدی ، اوزمانه قدر علمهنده بولندینی ایکی محافظکار فرقه‌سی ، یعنی روسیه فرقه محافظه‌کاری وقانونیک مرکز فرقه‌سیله ائتلاف حاصل ایدرک طرف مخالفده اکثریت آرادی . ۱۸۷۷ ده انتخاب اولنان (رایخشتاغ) مجلسنده احراز اکثریت ایدن احرار هم توتون انحصارده قانونی ، همده اشتراکیون علمهنده تدابیر استثنایی متضمن قانونی رد ایتدیکنندن (بسارق) بومجلسی طاغیتمق ایچون سوء قصدلردن استفاده ایتدی . ۱۸۷۸ ده انتخاب اولنان (رایخشتاغ) مجلسنده (بسارق) رقیب اولان احرار فرقه‌لری اکثریتی غائب ایتیلر . (بسارق) ک اقتصاد پروگرامنی هیچ اولمازسه قسماً قبوله حاضر اولتی اوزره محافظه‌کاران ایله

بو طرز اداره اول امرده اشترا کیونك فعالیتتی تنقیص ایدر کبی کوروندی ؛ ۱۸۸۱ سنهسی انتخاباتنده فرقه آنجق ۳۱۰,۰۰۰ رأی جمع ایده بیلدی [۱۲ مبعوث] ؛ فقط ۱۸۸۴ دن اعتباراً بورقم ۵۵۰,۰۰۰ رأیه چیقدی [۲۴] مبعوث ؛ ۱۸۸۷ ده ۷۶۳,۰۰۰ و ۱۸۹۰ ده ۱,۴۲۷,۰۰۰ رأی بولدی .

بسمارك سیاست اقتصادی راجتماعیهسی [۱۸۷۸ - ۸۶] . — (بسمارق) قاتولیکلر علیهنده اتخاذ تدابیر ایچون فرقه ملیه احرا ره تقرب و بوفر قهنگ سیاست اقتصادی سنی قبول ایتشدی ؛ اقتصادیانده « مانچستر مکتبی » نامیله معروف مسلكه موافق اولان بوسیاست اقتصادی سربستی مبادله یاقین برکرك اصولی . ایمراطورلق مصارفنه بلا واسطه ویرکولرک قارشیلق کوسترلسنی، حکومتک عمله ایله فابریقه جیلر آرسنده کی احوال و مناسباته مداخله ایتمه سنی طلب ایتمکدن عبارتدی .

(بسمارق) هیئت ره بان علیهنده کی مجاهداتدن اوصاندیغی کبی یواش یواش بومسلك اقتصادی بی ده ترك و (آلمانیا) ده ظهور ایدن یکی بر جریان افکار ی تعقیب ایتدی . (واغز Vagner) و (اشمولر Schmoller) کبی مسائل اقتصادی به حکومتک مداخله سی طرفدارلی اولان بعض اقتصاد. معلماری ۱۸۷۲ سنه سنده (آیزه ناخ) ده « جمعیت تدقیقات » نامیله بر هیئت تأسیس ایتشلدی ؛ عمله صنوفک احوال حقیقیه سی حقیقده تحقیقات اجرا ایدن بو هیئت سعی و عمل ، فابریقه لرك تفتیشی ، سیغورطه ، اقامتگاه ایچون قانونلر باییلهرق اصلاحات اجرایی تکلیف ایدیوردی . رقیبلی ، بو اقتصاد معلمارینه « کرسیء تعلیم اشترا کیونی » لقبی ویردیله . — ۱۸۷۴ بحرانی ایله حکم و نفوذلی آرتان اصول حمایه طرفدارلی ۱۸۷۵ سنه سنده بر « ویرکولرک و احوال اقتصادی نك اصلاحی فرقه سی » نامیله یکی بر فرقه تشکیل ایدرک دمیردن آلتان کرك رسمنك الفاسی مسئله سنی یکیدن موضوع بحث ایتمک باشلادیله . (بسمارق) اول امرده اصول حمایه طرفدارلی اولدی . بعده حکومتک امور اقتصادی به مداخله سنی التزام ایتدی .

(بسمارق) اولای یکی بر اصول تکالیف ایسته مکه ایشه باشلادی [۱۸۷۷ دن اعتباراً] ؛ صکره « سیاست اجتماعی » نامی آلتنده اوله رق، حکومتک مداخله سی اصولی قبول ایتدی [۱۸۸۱ سنه سنه طوغری] .

۱۸۷۷ دن اعتباراً ایمراطورلق بودجه سنده آجیق ظهور ایتدیکندن (بسمارق) اویون کاغدلری و توتون اوزردن آلتان بالواسطه ویرکولرک تزییدنی تکلیف ایتدی . فرقه ملیه احرا ر بوکا مقابل ایمراطورلغه مخصوص بر هیئت وکلا تشکیلنی ایستیوردی .

لايچهرلی رد ایتدی [۱۸۷۴ ، ۱۸۷۶] . اشترا کون ۱۸۷۷ سنه سنده ۴۸۰،۰۰۰ رأی قزاندیلر .

۱۸۸۸ سنه سی مایس وحزیراننده ایمبراطور علیهنده وقوعه کلن ایکی سوء قصد احرار فرقه لرینک مقاومتی کسر و احمایه وسیله اولدی . سوء قصدلرک فاعلرلی منفرداً حرکت ایتشلردی ، فرقه بونلری طانیور و حرکتلرینی تعیب ایدیوردی ، فقط ایکیسی ده اشترا کیوندن ایدی . (بسارق) سوء قصددن بالاستفاده ، ذاتاً سیاست اقتصاد ديه سندن طولای کندیسنه مخالفت ایدن (رایخشتاغ) مجلسنی طاغیتدی . انتخابات جدیدده احرار فرقه لرلی اکثریتی غالب ایتدیلر . یکی (رایخشتاغ) مجلسی حکومت طرفندن طب ایدیلدن قانونی قبول ایلدی .

بوقانون « حاکمیت عامه اجتماعیه طرفدارلرینک مساعی مفسدتکارانه لرلی علمنه » مستثنای بوقانون ایدی . « انتظام اجتماعی اخلال مقصدیه » وقوعه کلن ، یاخود « آسایش عمومی و بالخاصه صنوف اهالی آره سنده کی اتحاد و حسن آمیزشی تهلکه یه القا ایده جک صورتده افکار اشترا کیونه میال بولان » هر نوع جمعیات ، اجتماعات و نشریاتی منع ایدیور ، اشترا کیون طرفندن نشر ایدیلن کتب و جرائدک ضبط و مصادره سی ، اجتماعاتک منعی و یاطاغیتدیرلمسی ایچون ضابطه یه صلاحیت ویریور ، احوال اجتماعیه سی تهلکه لی کوریلن شهرلرک کافه سنده « کوچک اداره عرفیه » دنیان و مأمورین حکومت طرفندن هر نوع اجتماعک منعی ، شهلی اشخاصک طرد و تبعیدنی و بونلرک شهرلرده اقامت لرینه مساعده ایدلمه سنی متضمن اولان اصول اداره نی تطبیق خصوصنده حکومتی سربست براقوردی . قانونک حکمی درت سنه ایچوندی ؛ فقط ایکی دفعه تمديد ایدیلرک اون ایکی سنه مرعی الاجرا اولدی [۱۸۹۰ سنه سنه قدر] . بومدت طرفنده فرقه اشترا کیونک تشکیلات رسمیه سنی ، جمعیتلرینی ، غزته لرینی محو ایتدی . فرقه طرفندن ۱۸۹۰ سنه سنده ترتیب ایدیلن تخمیننی براسناستبق جدوانه نظراً بوقانون اون ایکی سنه طرفنده ۱۴۰۰ غزته و رساله یی منع ، ۹۰۰ کشتی طرد و تبعید و ۱۵۰۰۰ کشتی بی ده حبس جزاسنه محکوم ایتا بوردی ، فقط اشترا کیون موسیقی جمعیتلری ، توتون ایچنلر قلوبی ، عمله شرکتلری کبی ظاهر آ سیاسته بیگانه برطاقم جمعیات شکلنده یکیدن تشکیلاته باشلادیلر [۱۸۸۱ دنبری] . خصوصی مصاحبه لر ، قونفرانس لر ، خفیاً طبع ایدیلن آثار ایله نشر افکاره دوام ایتدیلر . جریده رسمیه لرینی و قونفره لرینی ممالک اجنبیه یه نقل ایدیلر . از جمله (زوریخ) ده طبع اولان (سوسیال ده موقرات) غزته سی چقاق صورتیه بتون آلمانیا به داخل اولبوردی . اسویچر ده [۱۸۸۰ سنه سنده « ویدن » و ۱۸۸۷ سنه سنده سنغال شهرنده] ، توپنه اغه قونفره لر عقد ایلدی .

شرکتار تشکل ایتدی . بودور، شرکت تأسیسی و بورسه معاملاتنی ایچون (آلمانیا) ده امثالی کورله مش بر دور ترقی ایدی . فقط ۱۸۷۴ سنه سنده بر د نبره بر بحران و تدنی وقوعه کلدی .

اصلاحات اداره دن ، سربستی مبادله دن ، مکاتب و نفوس معاملاتنک سیویل مأمورلره تودیرندن ممنون اولیان فرقه محافظه کار یواش یواش طرف مخالفینه التحاق ایتشدی . مذکور فرقه (بسمارق) ی ، پروسیه یی آلمانلاشدر مق و دیانت ایله هیئت اجتماعیه یی خللدار ایلمک ایله اتهام ایدیوردی . ایمپراطور (ویلهلم) شخصاً کلیدساوازدانکانه صادق ایدی ، واقعا باش وکیلنک اجرا آتته مانع اولبور ، لکن بواجرا آتدن ممنون اولدیغنی معتمد لرینه بیان ایدیوردی . محافظه کارلرک بر قسمی (بسمارق) ی نظر تر جهدن اسقاط ایدرک رینه سربایک اعتمادینی و ایمپراطور بجه نک حمایه مخصوصه نی قز انمش اولان پارس سفیری (قونت دارنیم comte d'Arnim) ی تعیین ایتدیرمکی امید ایلوردی . (بسمارق) ایله (آرنیم) آره سنده کی خصومت شدید (آرنیم) ک عزلی ، اوراق رسمیه نک سوء استعمالندن طولاینی توقیفی ، محکومیتی ایله نتیجه لندی [۱۸۷۵] ؛ باش وکیل علیه نده نشر ایدیلن امضاسمز برساله دن طولاینی (آرنیم) ایکنجی دفعه اوله رق محکوم اولدی [۱۸۷۶] . محافظه کارلر (بسمارق) علیه نده غزته لر ایله نشر یاتنه باشلا دیلر ؛ باش وکیل موسوی معامله جیلر ، بالخاصه (بلا یخرودر Bleihroeder) طرفدن صاتون آلتق ، « بلا یخرودر دوری » دنیلن سوء استعمال دورینی آچق ایله اتهام ایتدیلر ؛ بو نشر یاتدن طولاینی بر چوق دعوالر اقامه ایدلدی .

اشتراکیونر علیه نده ترا بیر [۱۸۷۸] — ایمپراطور لفاک تأسسندن اعتباراً حکومت اشتراکیونر علیه نده دعوالر اقامه ایتمش ، برخیلی تضییقاتده بولمشدی . باشلیجه رؤسادن ایکی ذاتی وطنه اهانت تهمتیه قلعه بندلنک محکوم ایتدیرمش [۱۸۷۲] ، بر این غزته لری علیه نده تعقیبات قانونیه اجرا ایتشدی [۱۸۷۳] . فقط اشتراکیونر ، احتمالک ۱۸۷۳ بحرانی متعاب احوال اقتصادیه نک فینالاسمی سببیه ، عمله آره سنده آز زمان ایچنده طرفدار بولمشردی . بو عمله بالخاصه (صاقسونیا) ، (هولشتاین) ، (تورینگن) و (برلین) ده بولمقده ایدی . اشتراکیونر ، ۱۸۷۴ انتخاباتنده ۳۴۰،۰۰۰ رأی قازاندقلرندن بر هیئت مرکزیه نک تحت اداره سنده اوله رق بر فرقه تشکیل و بر رسمی غزته ایله بر صندوق تأسیس ایتدیلر و هر سنه « قونفره » لر عقیدینه باشلا دیلر .

(بسمارق) مطبوعات علیه نده کی قوانین ایله اشتراکیونرک نشر یاتنه مانع اولمق ایتدی . فقط حریت مطبوعاتی محافظه ایتک آرزوسنده بولنان (رایخشتاغ) مجلسی بوباده کی

احرار فرقه‌لی آنجق بعض اصلاحات اداره، عدلیه و اقتصادیه استحصالنه موفق اوله بیلدیلر. (بروسیه) ده، «کولتور کامپف» ک نتیجه‌سی اولمق اوزره مکاتب ابتدائیه‌نک تفتیشی و تولدات، و فیات و نکاح کبی نفوس معاملاتنک اجرایی هیئت ره‌باندن آلدینی کی شرق ولایاتنده ۱۸۱۴ دن اول و عداولنان اصلاحات اداره موقع تطبیقه وضع ایدلدی. اعیان مجلسی بواصلحات اداره‌یی اوتنه‌دنبری رد ایتمکده ایدی؛ ۱۸۷۲ سنه‌سنده‌ده رد ایتدی؛ فقط (بهارق) قراله یکریمی بش یکی اعضا تعیین ایتدیردی، بو صورتله قانون مجلس اعیاندن کچی [۱۸۷۳]. قانون مذکور اصحاب املاک، مالکانه‌لرنده مقیم کویلیلر اوزرنده کی حقوق عدلیه و ضابطه‌سنی‌الفا و (قرایشتاغ) دینلن مجالس اداره‌محلیه‌یی اهالی طرفندن منتخب و بعض رسومک تحصیلنه قرار ویرمکه صلاحیتدار برر مجلس حالنه افراغ ایتدی.

(رایخشتاغ) مجلسی ایله حکومت ایمبراطورلق داخلنده وحدت اقتصادیه و عدلیه‌نک تأمیننه چالیشدیلر. (فرانسه) طرفندن تأدیبه ایدیلن ۵ ملیار فرانق تضمینات حرابه تشبثات اقتصادیه‌یی تسهیل ایتدی. — ضعفا‌ی عسکریه، خزینئه‌حرابه، قلاع و استحکامات، بحریه نامیله متعدد صندوقلر تأسیس ایدلدی. — ۱،۲۵ فرانق قیمتده اولان (مارق) اساس اتخاذا ایدیلرک بتون ایمبراطورلقده مسکوکات توحید اولندی [۱۸۷۲]؛ مارق قبولی بروسیه مسکوکاتنک تحویلی تسهیل ایچون ایدی [بروسیه تالهری ۳ مارق قیمتده‌در]. — حکوماتک اوراق قدیمه نقدیه‌سی رینه ایمبراطورلق ایچون خزینئه بونولری احداث قلندی. — بر ایمبراطورلق بانکه‌سی وجوده کتیرلدی. — تیمور اوزرندن آلمان کمرک رسومی کاملاً لغا ایدلدی [۱۸۷۳]

امور عدلیه‌یه کلنجه، حکومات خصوصیه امور عدلیه‌نک توحیدی ایچون (رایخشتاغ) مجلسنجه قبول اولنان لایحه‌یی (بوندرات) مجلسنده رد ایتدیلر. آرده برصورت تسویه بولمق ایچون درت سنه اوغراشیلدی. اول (برلین) ده نظارت طرفندن عقد ایدیلن مجلسده، بمره حقوقشناساندن مرکب برهیننده، ده‌صکره (رایخشتاغ) طرفندن تشکیل اولنان انجمنده وزون اوزادی‌یه مذاکره جریان ایتدکدن صکره اصول محاکمات حقوقیه، افلاس، حقوق مدنیه، اصول محاکمات جزائیه، تشکیلات محاکم ایچون بتون ایمبراطورلقه شامل قانونلر قبول اولندی.

تضمینات اولهرق توزیع و یا امور نافعه ایچون صرف ایدیلن فرانسنز میلیارلری اول امرده فیات اشیا و عماله اجریتنده بر ترفع حصوله کتیردی، بالخاصه شمندوفر خطوطی و (برلین) ده جسیم و منتظم خانهلر انشاسی ایچون حصه سنداتیله بر چوق

قانون اساسیسنده کلیسایانک استقلاللی حقدده کی ماده لرك فسختی و ذکور مناسـترلرینک قبادلسنی متضمن اولان قانون لایحه لرینی پروسیه (لاستاغ) مجلسنه قبول ایتدیردی [۱۸۷۵]. بعده (بسمارق) ، آرتق هر شـیئک تمام اولدیغنی و حکومتک حال تدافعیده قاله جغنی بیان ایلدی . بوندن صکره اختلاف، قاتولیکلر طرفدن نمایشلر و پروتستولر اجراسندن، حکومت طرفندن ده پروتستو ایدنلرك توقیف و بسقپوسلر ایله رهبانک عزل ایدلمسندن عبارت قالدی . بعض بسقپوسلقلر ایله روحانی مأموریتلر منحل قالدی ؛ فقط ۱۸۷۴ انتخابتنده دها قوتلی بر اکثریت قازانان مرکز فرقه سی بر فرقه مخالفه حالنه کیردی . هیئت رهبان ایله ظهور ایدن بو اختلاف (بسمارق) ک سیاست قدیمه سندن انحراف ایللمسنه سبب اولدی . (بسمارق) قاتولیک مرکز فرقه سنه مقاومت ایتک ایچون سربستی افکاره مالک ذوات ایله موسویلر طرفندن اداره اولئان احرار فرقه لرینه تقرب ایتمشدی . «بسمارق فرقه سی» نامیله یاد ایدلمک باشلایان فرقه ملیه احرار ، حکومت طرفداری اولق اوزره پک چوق مبعوث چیقاردیغندن (رایخشتاغ) ده و (لاستاغ) مجلسنک هیئت مبعوثاننده ترقیر، ران ایله برلشرك احراز اکثریت ایتدی . محافظه کار و کلا یرینه یواش یواش فرقه ملیه احرازه منسوب ناظرلر قائم اولدی . حکم و نفوذ ، (بسمارق) ایله احرارک اتحادندن حصوله کلن اکثریت النده ایدی .

مع مافیله اصل حکم و نفوذ ینه (بسمارق) ک النده ایدی . باش وکیل ، متفقلری اولان احرازه (رایخشتاغ) مجلسنک حقوق و صلاحیتینی توسیعه مدار اوله جق هیچ بر شی ویرمدی و ایمپراطورلغه مخصوص بر هیئت و کلا تشکیل ، مبعوثانه تضمینات اعطاسی کبی مطالبات سیاسییه کفی السابق متعظمانه رد ایتدی [یالکز مبعوثانک شمندوفر مجاناً سیاحت ایتلرینه راضی اولدی] . بوکا مقابل دائمی اردونک مقدار حاضرنده محافظه سنی و بعده ، ۱۸۷۴ سنه سننده ، وقت حضرده ۴۰۱،۰۰۰ کشی به ابلاغنی احرازه قبول ایتدیردی ؛ بو قرار موقت ایدی ، (بسمارق) اردونک تزییدی لایحه سنی صورت قطعیه ده قبول ایتدیرمک ایستیلوردی ، فقط چار ناچار بر قرار موقت ایله اکتفایه مجبور اولدی . (رایخشتاغ) مجلسی اردونک ۴۰۱،۰۰۰ کشی ابلاغنی یالکز یدی سنه ایچون قبول ایتدی . — (بسمارق) ، رایخشتاغ) مجلسنک غایت شدتلی بولدیغنی عسکری جزا قانونی ، حکومتک مختلف جنس رقیبلرینه قارشلی تدابیر شدیدیه متضمن اولق اوزره قانون جزایه علاوه ایدیلن مواد منضه یی ، غزبه لردن تمغا رسمی و کفالت نقدیه اخذی اصولنی الفا ایدوب فقط حکومت علمبنده کی تعریضات ایچون شدتلی جزالر ترتیب ایابن مطبوعات قانوننی مجلسه قبول ایتدیردی .

مشهوری ایراد ایتدی : « قانون سایه کیمیه جکزا! » [مایس ۱۸۷۳] . — پایا، آلمانیاده کلیسایک دوچار ظلم و تضییق اولدیغنه دائر بر نطق ایراد ایلدی . — حکومت بونک مقابل بتون (جزویت) لرك و بونلره منسوب جمیات روحانیه منسوبینک ایمبراطورلق ممالککندن طردینی مبین بر لایحه قانونیدی (رایخشتاغ) مجلسنه قبول ایتدیردی . — (پایا) ک هیئت رهبان علمینده کی تدابره اعتراض ایچون یکی بر نطق ایراد ایلمسی اوزرینه (بسمارق) ، (واتیقان) زنده کی سفارتخانه یی . الغا ایتدی . [کاون اول ۱۸۷۲] . بونک اوزرینه ایمبراطورلق ایله ییالاق مقامی آرسنده کی مناسبات منقطع اولدی .

حکمدار روحانیسی اولان (پایا) ایله حکمدار جسمانیسی اولان حکومتدن برینی انتخابه مجبور قالان هیئت رهبان (پایا) ک طرفی التزام ایتدی ؛ اوامر و قوانین حکومته اعتراض ایلدی . حکومت ، بالخاصه تموز ۱۸۷۴ تاریخنده بر قاتولیک عملک (بسمارق) ی قناه تصدی ایلمسندن صکره ، هیئت رهبانه عاصی معاملسی ایتدی . پستقپوسلر علمینه اقامه دعوی ایدرک حقوق جسمانیلرینی فسخته نشبث ایلدی ، بعده بونلری عزل ایتمکه باشلادی ، نهایت حبسخانه لره آتدیردی . عن زمانده (روسیه) هیئت رهبانی حکومتک تحت ادارسنه وضع ایتک ایچون ۱۸۷۳ ، ۱۸۷۴ ، ۱۸۷۵ « مایس قانونلری » دنیلن اوچ نوع قوانینی مجلسه قبول ایتدیردی . پستقپوسلر ایله هبانی مأمورین حکومت میانته ادخال ایچون ، صنف روحانی یه کیرمک ایستینلرک اوچ سنه بردار لفنونده بولملری و فلسفه ، تاریخ کی علوم جدیددن امتحان ویرملری اصولی وضع و پستقپوسلری تعیین ایده جککری رهبانک کیفیت تعینلرینی حکومته اخباره مجبور ایتدی ، بتون مناسترلرک ، رهبان مکتبلرینک حق نفیشتی حکومته ویردی . — هیئت رهبانک سجل نفوس معاملاتنی اوزرنده کی صلاحیت رسمیه سنی فسخ ایتک ایچون ده ، ایمبراطور (روسیه) ده نکاح مدنی اصولنی قبول ایتدی [۱۸۷۴] ؛ بعده بتون ایمبراطورلق داخلنده سجل نفوس معاملاتنک مأمورین حکومتجه اجراسنی و نکاح مدینک قبوانی متضمن بر قانون نشر ایلدی [۱۸۷۵] . پایا ، (روسیه) پستقپوسلرینه کوندردیکی بر تحریرات عمومیده قوانین مذکور دنک کلیسایک نظامات اساسیه سنه مغایرتدن طولایی کآن لمبکن حکمنده اولدیغنی بیان [شباط ۱۸۷۵] و حبسه محکوم اولان پستقپوسلری تبرک ایتدی . نهایت هیئت رهبان ایله حکومت آرسنده کی اختلاف صوک درجه شدتی بولدی .

حکومت بتون پستقپوسلر ایله راغبلرک قوانین جدیدیه اطاعت ایده جککرینه دائر تبلیغنده بولملرینی طلب و بوندن امتناع ایدنلرک معاشاتی توقیف ایتدی . ۱۸۵۰

تسهیل ایتمک صورتیله (پوزنانی) ایالتنده کی (له) قاتولیکلری نی التزام ایلمکده ایدی .
فرقه ایله حکومت آره سنده کی اختلاف دار الفنونلرده الیهیات و مکاتب اعداد به ده عقائدینه
معلملری اولان و « قدیم قاتولیکلر » نامیله یاد ایدیلن ذواتک (پاپا) نك لایحطیکنه اعتراض
ایتملری اوزرینه باشلادی ؛ پسقپوسلر بومعلملری تدریسن منع ایدیلر ، بعده آفوروز
ایتدیلر . حکومت بومسئله ایچون تشکیک ایدن مجلس روحانینک مقرراتی قبول
ایتمدیکندن معلملری عزلدن امتناع ایلدی . پسقپوسلر ایمراطوره تقدیم ایتدکاری
مشترک عریضه ایله پروتستو ایتدیلر [ایلول ۱۸۷۱] . بومسئله کلیسایک حقوق
و صلاحیتی حقنده ظهور ایدن بر اختلافدن عبارتدی .

اختلاف ، یواش یواش توسع ایتدی . راهبیر ، بالخاصه (باویرا) ده کیلر ،
کلیسایلرده ایراد ایتدکاری موعظه لرده « قدیم قاتولیکلر » ک و بونلری حمایه ایدن حکومتک
علیهنده بولندیلر . (باویرا) هیئت و کلاسی قانون جزایه . اثنای وعظده مناقشات
سیاسیه یه میدان ویرنلر و حقارت آمیز سوسولینلر ایچون حبس جزایی اعطاسنی
متضمن بر ماده منضمه علاوه سنی تکلیف ایتدی و بوتکلیف (رایخشتاغ) مجلسنجه
قبول ایدلدی (قانون اول ۱۸۷۱) . — (روسیه) ده هیئت رهبان مکاتب ابتدایه
اوزرنده کی حق نظارتندن بالاستفاده « قدیم قاتولیکلری » مکتبلردن اخراج ایتدیکی
کی بونلرک نکاحلری نی عقد ایلمکدن دخی امتناع ایتدی . حکومت هیئت رهبانک
صلاحیتی تحدیده قرار ویردی . تولدات ، وفیات ، نکاح کی سجل نفوسه متعلق
معاملات ایله تفتیش مکاتب ایچون قانون لایحه لری ، بالتظیم (لانتاغ) مجلسنه تودیع
ایدلی . فرقه محافظه کار ایله ایمراطور و پروتستان هیئت روحانیه سنک مکتبلر اوزرنده کی
نفوذینی و نکاحک ماهیت مذهبی سنی محافظه طرفداری اولدقلری ایچون ۱۸۴۰ سنه سندن
بری تقرر ایدن عاده مخالف اولان بوسیاستی تأسف ایله و تدریجاً قبول ایتدیلر . اولاً ،
مکاتب ابتدایه نك تفتیش حقنی هیئت رهباندن آلهرق سیویل مفتشلره تودیع ایمان
قانون قبول ایدلدی [شباط ۸۷۲] هیئت رهبان طرفداری اولان مذاهب ناظری ،
(بسمارق) ک فکرینه اشتراک ایتدیکندن استعفاسنی ویردی ویرینه حقوق حکومتک
محافظه سی طرفداری اولان (فالق Falk) تعیین اولندی . پسقپوسلر اعتراض ایتدیلر .
(پوزن) پسقپوسی قانونی تطبیقندن امتناع ایتدی .

(بسمارق) پاپالک مقابله مذاکره یه کیریشمک ایستدی ، فقط (روسیه) نك
(واتیقمان) سفیر لکنه ناسزد اولان قاردینال (هوهنلووه) یی (پاپا) یه قبول
ایتدیردمدی . (رایخشتاغ) مجلسنده (پاپا) نك مسلمانکدن شکایت وشوجه

کثیرمشدی : « قاتولیک کلیسایی ، کندی امور و خصوصاتی مستقلاً تنظیم و اداره ایدر . » بناءً علیه حکومت هیئت رهبان اوزرنده کی حقوق و صلاحیتی ، پسقپوسلر ایله راهبرک انتخاب ، تعیین و تصدیق مأموریتلری حقی بونلرک امور مذهبییه عائد نشریاتی و ممالک اجنبیه ایله مخبراتی نظارت آلتنده بولندیرمق صلاحیتی ترک ایتمش و هیئت رهبانی مکاتب ابتدائییه تدریسات دینیه بی اداره یه مأمور ایلمشدی . فقط کلیسا اوقافنک وارداتی ترک ایتدیکی کبی نکاح ، و فیات و تولدات اوزرنده کی حقوق رهبانه طوقونماش ، مأمورین روحانیه نک حکومت طرفندن رسماً حمایه ایلمسی اصولی ، رهبان حقه کی مراسم و احترامات رسمیه بی الغا ایتمه مشدی . کلیسا ایله حکومت (بلجیقا) ده اولدینی کبی آیرلمشدی ؛ یعنی هیئت رهبان حکومتدن آیریلر ق آریجه بر قوت تشکیل ایلمشدی . رهبانه مستقلاً حکم ایتمه باشلایان پسقپوسلر قاتولیکلر اوزرنده پک بیوک بر نفوذ سیاسی به صاحب اولمشلردر که بونفوذک اهمیت فوق العاده سی مرکز فرقه سنک انسانی تشکیلنده بردن بره کندی کویستردی .

قاتولیک هیئت روحانیه سنک ، هیچ انتظار ایلمین بر زمانده ، فوق العاده بر نفوذ صاحب اولسی رجال سیاسی بی قور قوتدی ، حدتندیردی ، « اولترامونتهن » لره ، یعنی پاپلق مقامنک حکومت جسمانیه سی اعاده طرفداری اولان قاتولیکلره « ایمپراطورلق دشمنی » نظریله باقیمق و بونلری « وه لفه » لره و یا اشتراکونه بکزه تمک موده اولدی . بونک اوزرینه مرکز فرقه سی ایله حکومت آره سنده شدتلی بر مبارزه باشلادی . که خیلی زمان دوام ایدن بومبارزه یه احرار طرفندن « کولتور قامپف Kulturkampf » ، یعنی « مدنیت ایچون مبارزه » نامی ویرلدی . « کولتور قامپف » پاپا ایله آلمان هیئت رهبانی طرفندن اجرا ایلمین بر چوق نمایشلردن ، کرک پاپا ، کرک هیئت رهبان علمینده حکومتجه اتحاد اولان و مبارزه دوام ایتدیکی مدتیجه تدریجاً تشدید ایلمین تدابیر تضییقه دن عبارتدر . اختلاف رمنازعات هم ایمپراطورلغک (رایششتاغ) مجلسنده ، عمده (پروسیه) نک (لانتاغ) مجلسنده کمال شدتله دوام ایتدی .

مرکز فرقه سی (لانتاغ) مجلسنده (پاپا) نک حکومت جسمانیه سنک اعاده طلب ایدیور [شباط ۱۸۷۱] ؛ رایششتاغ مجلسنده ایسه (پروسیه) قانون اساسی سنک سربستی مذهبی تأمین ایدن « حقوق اصلیه » هقه سنده کی موادینک ایمپراطورلق قانون اساسی سنه ادخالنی تکلیف ایلیوردی . (بسمارق) بوفر قیه دائماً اظهار نفرت و خصومت ایدردی ؛ باشلیجه رئیس و خطیبی (ویندثورست Windthorst) اسمنده (هانوره) لی بر « وه لفه » اولان مرکز فرقه سی مکاتب ابتدائییه تدریساتنک (له) لسانیه اجراسنی

علیه‌نده بولنان حاکمیت عامه فرقه‌سنه قارشی حکومت فرقه‌سیله برلشدی . —
 (باویرا) ده «رن پالاتیناسنده» و «فرانقونیا» پروتستان فرقه‌لری آره‌سنده يك
 چوق طرفدار بولان وقتوليك فرقه‌سنك احراز ایلدیكى اکثریتیه قارشی هیئت وکلایی
 التزام ایدن فرقه احراک اساسنی تشکیل ایتدی . (باویرا) اصول انتخاب سایه‌سنده
 منتخبلرک اکثریتی الده ایدن و «فرقه وطنپوران» نامیله معروف اولان قاتوليك
 فرقه‌سنه قارشی (لانتاغ) مجلسنده موازنه‌یی تأمین ایتمکده در . — (صاقسونیا) ده
 قدیم پروتستان فرقه محافظه‌کارینه قارشی موازنه‌یی تأمین ایتمش وهرایکیسی برلشهرک
 (لانتاغ) مجلسنه مبعوث کوندرمکه باشلایان اشتراک کونعلیه‌ننده بولمغه باشلامشدر . —
 (مکلنبورغ) ده ۱۸۷۱ سنه‌سنندن اعتباراً (رایخشتاغ) مجلسنه هر فرقه‌دن زیاده
 مبعوث کوندرمکده ایکن هنوز اون سکزنجی قانون اساسیسنه توفیقاً اداره ایدیلن
 حکومتماده صاحب حکم و نفوز اولان زادکان مبعوثلرینه قارشی مغلوب اولمشدر .
 (رایخشتاغ) مجلسی بو حکومتلرده قوانین قدیمه‌نک الان جاری اولسنک ایمپراطورلق
 قانون اساسیسنه مغایر بولندیغنی بیان ایدرک متعدد دفعه‌لر اعتراض ایتدی ایسه‌ده
 غراندوق طرفندن وقوعه کتیریلن تشبثات اصلاحیه زادکانک مقاومت شدیدیه سی
 اوزرینه عقیم قالدی . — کوچک حکومتلرده اکثریت علی‌العاده فرقه ملیه احرار
 ایله فرقه ترقیپوران آره‌سنده تقسیم ایدلمشدر .

آلمان حکومتلری — طبقی (پروسیه) وحقی ایمپراطورلق کبی — حکمدارلر،
 وکلا و مأمورین طرفندن اداره اولنورلر . بعضارنده طرز اداره ، اداره احرارانه
 ایسه‌ده هیچ برنده اصول مشورت تطبیق ایدلمه‌مشدر ؛ اهالی طرفندن انتخاب اولنان
 (لانتاغ) مجلسلرینک صلاحیتی آنجق یکی ویرکو و قانونلری رد ایده‌بیلمکدن عبارتدر ،
 وکلایی تضییق ایده‌بیلیرلر ، فقط موقع اقتداردن دوشوره‌مزلر ؛ (باویرا) ده
 (لوچ Lutz) هیئت وکلایی قاتوليك فرقه‌سنک اکثریتیه رغماً موقع اقتدارده قالمشدر .
 بتون (آلمانیا) ده اصول مشورت هنوز جاری اولمامقده در .

«کولتور قامیف» و ایمپراطورلغک تشکیلاتی [۱۸۷۱ — ۷۷] . — ایمپراطور-
 لغک ایلك سنه‌لرنده ، (بسمارق) ۱۸۶۷ ده اتحاد ایلدیکی مسلکده دوام ایدرک
 اتحاد ایچون الزم اولان مؤسسات و موضوعات سیاسیایی تشکیل ایتک اوزره فرقه ملیه
 احراره التحاق ایتدی . اوزمان ، باش وکیلک رقبی قاتوليك «مرکز» فرقه‌سی ایدی .
 (بلجیقا) قانون اساسیسی نمونه اتحاد اولنهرق تنظیم ایدیلن (پروسیه) نک
 ۱۸۵۰ قانون اساسیسی قاتوليك کلیساسنی حکومتدن آیره‌رق همان مستقل برحاله

مبعوثلری ۵۷ دن بیکرمی ره ایندی ، - فرقه ملیه احرار مبعوثلری ۱۸۷۴ ده ۱۵۲ ایکن ۱۸۸۴ ده اللییه ، ۱۸۸۷ ده طقسان طقوزه ، ۱۸۹۰ ده قرق ایکی به دوشدی . ایمبراطورلک تأسسندن بری (رایخشتاغ) ده بولنان فرقه له منسوب مبعوثلرک مقدار تقریبیلری آتیده کی جدولده کوسترلمشدر . فرقه له خارجنده قالان مبعوثان بو مقدار له داخل دکلدر .

۱۸۹۳ ۱۸۹۰ ۱۸۸۷ ۱۸۸۴ ۱۸۸۱ ۱۸۷۸ ۱۸۷۷ ۱۸۷۴ ۱۸۷۱

۷۰	۷۱	۸۰	۷۶	۵۱	۵۹	۴۰	۲۱	۵۶	محافظه کاران
۲۷	۲۱	۴۱	۲۸	۲۷	۵۷	۳۸	۳۶	۳۹	محافظه کار احرار
۵۲	۴۲	۹۹	۵۰	۴۴-۴۲	۹۸	۱۲۷	۱۵۲	۱۲۰	فرقه ملیه احرار
۲۳	۶۷	۳۲	۶۵	۶۱	۲۵	۳۶	۴۹	۴۶	ترقیپوران
۱۱	۱۰	۰	۷	۹	۳	۳	۱	۲	حاکمیت عامه فرقه سی
۴۴	۲۴	۱۱	۹	۱۲	۹	۱۲	۹	۲	اشتراکیون
۹۹	۱۰۷	۹۸	۱۰۰	۹۷	۹۴	۹۲	۹۱	۶۳	مرکز
۷	۱۱	۴	۱۱	۱۰	۱۰	۵	۴	۴	وه لفه
۱۹	۱۶	۱۳	۱۶	۱۸	۱۴	۱۴	۱۴	۱۴	لهیلر
۸	۱۰	۱۵	۱۳	۱۵	۱۵	۱۰	۱۵	»	آساس - لورن [*]
۱	۱	۱	۱	۱	۱	۱	۱	۱	دانیمارقه لیلر
۱۸	۴	»	»	»	»	»	»	»	موسوی علیهداران

آلمانیا ایمبراطورلنی بتون حیات سیاسیة نك ایمبراطورلق حکومتنده و (رایخشتاغ) مجلسنده تمرکز ایتدیکی بر حکومت مرکزیه کی تعلق ایتمه ملیدر . خصوصی (لانتاغ) مجلسلری ، یالکز (پروسیه) ده دکل ، دیگر حکومتده دخی (پروسیه) نك قدیم مجالس ولایاتی کی ولایت مجلس اداره لری درکسنه دوشمه مشلر ؛ تدریسات ، کلیسا ، ویرکو کی مسائل حیاتییه پی مذاکره ایدن برر مجلس سیاسی حالتی محافظه ایتشلدر ؛ (لانتاغ) لرده کی سیاسی فرقه له دخی ابراز فعالیتدن کری طور مامشلدر .

(پروسیه) نك مظرفیاتی ، (پروسیه) اداره سی آئنده آلمان اتحادینه مساعد اولان فرقه نك ، فرقه ملیه احرار ک قوتلمسنه سبب اولدی . - بو فرقه (باد) ده ، (هس) ده اقلیتده قالان قاتولیک فرقه سنه علیه ایدرک اجرای حکم ایتدی . - (وورتمبرغ) ده (پروسیه) ایله عسکرلک

[*] آلمانیا ایستاتستیکلرنده (آساس - لورن) نك صنف رهبانه منسوب مبعوثلری بعضا مرکز فرقه سی میانده کوسترلمشدر .

طرفدارلری آرہ-ندہ-جزئی بر اختلاف افکار ظہورینہ-بیله تحمل ایتمزدی . ایمپراطورلرہ مخصوص منتظم بر ہیئت وکلا تشکیلنه بیله موافقت ایتمدی ؛ حکومت متحده ہیئت اداره سنی (پروسیه) ہیئت وکلاسی طرفدن ویریلن وظائفی ایضا ایدن بر قاچ مأموردن مرکب باش وکالت قلمی منزله-سنه ایندیردی . (آلمانیاس) دخی ، (پروسیه) کبی ایمپراطور و باش وکیلک حکومت شخصیه-سی آلتندہ بر ادارہ قرطاسبہ احرارانه یہ تابع اولدی . حیات سیاسیہ حکم ایدن شی (بسمارق) ک و اوندن صکرہ ایکنجی (ویلہلم) ک مقرراتی ، یا حود بونلرک فرقلر حقدہ کی مساکریدر .

کافہ شعبات اداره یہ حاکم اولان بو حکومت ، آنجق ویرکولر و بعضآدہ یکی بر قانون ، علی العادہ تدابیر شدیدہ تضحیقیہ متضمن بر قانون ایچون (رایخشتاغ) مجلسنہ مراجعت اییدیوردی . فرقلر ، کافہ وسائطدن محروم اولدقلرینی بیلدکلری ایچون بر مسلك تدافعی اتحاد ایتمشردی : حکومتہ مقاومت معتدلانده بولمق حکومتک مطالباتنہ یواش یواش و آنجق منتخبلرجه التزام اولنیمہ جقلرینی آکلادقلری زمان موافقت ایتمک ، مطالباتدن ممکن اولانلرینی بر طرف ایتمک ایچون حکومتلہ بازارنغہ کیریشمک ، (رایخشتاغ) مجلسنی آتیا ہردرلو صلاحیتدن محروم بر اقعق صورتدہ طلب اولنان تخصیصاتی و یا قوانینی قبول ایتمہمک ، حکومت لهنہ ویرہ جکلری رأیلرہ مقابل بعض مساعدات استحصالنہ چالیشمق .

دیگر طرفدن حکومت ، ادارہ امور ایچون - اصول مشورتلہ اداره ایدیلمر حکومتلردہ اولدینی کبی - دواملی بر اکثریتہ محتاج اولمدیغدن فرقلرک انفسامندن بالاستفادہ ہرگونہ کی مسئلہ ایچون مقدار کافی اکثریت الدہ ایدہ بیلیمک اوزرہ اقسام مذکورہ نک اتحادندن متشکل موقت اکثریتلر استحصالنہ معرض اولیوردی . محافظ کار ، فرقلہ ملیہ احرار ، مرکز ، فرقلہ ترقیپوران کبی مشروطیت فرقلری آرہ-سندہ کندی سیاستنی اک قولای و او جوز ہانکی فرقلہ قبول ایتمیرہ بیلیر ایسہ او فرقلہ یی انتخاب ایتمدی و بونک خصوصی پروغرامنجه بعض مساعداتدہ بولنہرق لزومی قدر رأی استحصال ایلدی ؛ بعدہ ، سیاستنی تبدیل ایتمدیکی زمان ، دیگر فرقلرہ میل ایتمدی . نفوذ فوق العادہ یہ مالک مأمورینک تحت ادارہ-سندہ بولنان بر حکومت قرالیہدہ بالطبع کوریلہ جکی وجہلہ ، ہرہانکی بر فرقلہ حکومت ایلہ موقتاً عقد اتفاق ایتمدیکی زمان او فرقلہ نک منسوبینی آرتمش ، مخالفتدہ بواندینی زمان تناقص ایتمشدر . بوتجولات اک زیادہ حکومت طرفداری اولان فرقلرہ کورلمشدر : فرقلہ محافظہ کارہ منسوب مبعونلرک مقداری ۱۸۷۴ دە ۲۱ ایکن سکسانہ چقدی ، - « ایمپراطورلق فرقلہ سی »

ویرمسیدر [شباط ۱۸۷۱] . بعدہ فرقه ۱۸۷۱ (راینخشتاغ) مجلسندہ تشکیل آیتدی و «مرکز» نامنی آلدی . رسمی . و غرامندہ یالکنز ایمبراطورلغک ہیئت متحدہ شکنی محافظہ ایتمسی و کلیسانک سربستیسی طلب اولنیوردی . فقط اوزمان صرف برقاتولیک فرقهسی اولدی کی شمعیده اولیلدر ؛ (روسیه) نیک قاتولیک ولایاتیلہ (باویرا) و (باد) دن بشقہ بر یرده طرفدارلری یوقدر . قاتولیک مذہبی و پاپالق مقامنی مدافعه دن ، نفوذ رهبانی محافظہ و یاتزییدن ، رهبان علیہندہ کی فرقه لره خصوصتدن بشقہ برسیاست تعقیب اتمه مشدر . محافظہ کار قاتولیک فرقه سیدر ؛ فقط پروتستان اولان ایمبراطورلغہ بالطبع امین اوله مدینگی ایچون ایمبراطورلغک ہیئت متفقہ حالندہ قالمسنی استلزام ایتمش ؛ بوصورتله بر فرقه مخالفه شکنی آلمشدر ؛ طرفدارلرینک بر قسمی غرب ولایاتندہ حاکمیت عامه طرفداری اہالی آرہ سندہ بولندیگی جہتلہ حاکمیت عامه فرقه لریلہ مناسبات پیداسندن خالی قالمشدر .

شرائط هیات سیاسیہ — بو آلمان فرقه لرینک مسلک و حرکتلرینی اکلامق ایچون (آلمانیا) ده قوای عسکریہ نیک تشکیلاتنی تخطر ایلمک اقتضایدر . (روسیه) طرزندہ تأسیس اولنان ایمبراطوراق — اون سکزنجی (لونی) زمانندہ کی فرانسه کی — بر حکومت مشروطه در . ایمبراطورلقدہ ایمبراطور و باش وکیل ، (روسیه) ده قرال و وکلاسی یالکنز کنسیدیلرینہ تابع اولان مأمورین واسطہ سیلہ مستقلاً اجرای حکومت ایدر لر . وکلاسی ملتک حکومت اوززندہ هیچ بر واسطہ نفوذ و اجرائیہ سی اولمدینی کی ، مستقل برقوہ تشریحیہ سی ده مفقوددر . (راینخشتاغ) تکلیف حقنہ مالکدر ؛ اون بش مبعونک طلبی اوزرینہ بر تکلیفی موقع مذاکرہ وضع و بوابدہ بر قرار اعطا ایدر ؛ فقط بو قرار آنجق ایمبراطورک و (بوندسرات) مجلسندہ مرخص بولندیران پرنس لریک موافقتیلہ قانون شکنی آلیر . مجالس مبعونانک حقوق و صلاحیتی فعلاً ناتمامدر ؛ حکومتک طلب ایتمدیکی یکی قانون نری ، یکی ویرکولری و دایتمکدن عبارتدر .

حقیقت حالہ حکومت ، ایمبراطوراق باش وکیل ، (روسیه) ہیئت وکلاسی رئیس [*] ، ۱۸۹۰ تاریخہ قدر حکمدارک معتمد و محرم اسرار ی اولان (بسمارق) ک النده قالمشدر ؛ (بسمارق) ۱۸۶۲ ده کی مسلکندہ توفیقاً ، آلمانانک اصول مشورته تقرینہ دائماً مانع اولمشدر . کنسیدینہ اطاعت اولنمغہ آیشمش بولندیگی ایچون وکلاسی ملتک هیچ بر صورتله تقیدش و مراقبہ سنہ راضی اولماز ، حتی ہیئت وکلادہ کی رفقاسی ویا مجلس مبعونان و اعیانده کی [*] روسیه ہیئت وکلاسنہ باش وکیلدن ماعدا بر رئیس تعیینی ایچون ۱۸۷۳ ده تجربه ایدیلن اصول دوام اتمه مشدر .

اعطاسی ، سربستی ، تجارت اصولیله بالواسطه آلمان استهلاک ویرکولرینک تنقیصی مسئله سی ده داخل اولق شرطیله صنایع و تجارتک سربستی تام اوزره جریانی طلب ایدیوردی . (پروسیه) ایچون سربستی مطبوعاتی ، زادکانک کویلیر اوزرنده کی تفویذنی ازاله ایتمک مقصدیله اداره و لایاتک اصلاحی ، تدریساتک رهبان اداره سنندن تخلیصی ضمننده مکاتبک استقلالنی ایستوردی .

اولجه (فور اشريت Fortschritt) و ۱۸۸۴ دن بری « احرار » کلمه سیله ترجمه ایدیله بیان (فرای مدیغ Freisinnig) عنوانیله یاد اولنان « فرقه ترقیپورون » بدایت ظهورنده کی پروغرامی محافظه ایتمشدی . فرقه ملیه احرار کی رهبانه رقیب اولان صنف متوسط مبعوثلرندن مرکب اولقله برابر اصول اداره عسکریه و قرطاسیه علیهنده بر فرقه مخالفه ایدی ؛ خدمت عسکریه مدتک و مصارف عسکریه تک تزیینی ایستور و اصول مشورته میل ایدیوردی . سربستی میادله اصولک تقوی حتمده ، انکلتزلرک « مانچستر مکتبی » دنیلان مسلک اقتصادیسنه موافق ، نظریات سردایتمکدن خالی قالمیوردی . فرقه ملیه احرار (بسمارق) سیاست مخصوصه سنی تعقیب ایچون بومسلک اقتصادیسندن تباعد ایندیکی زمان سربستی میادله طرفداری قالان بر قسم اصل فرقه دن ایرلندی [۱۸۸۱] و فرای سینینگ فرقه سیله برلشدی . بو فرقه تک طرفداراری بالخاصه بیوک شهرلرده ، (هولشتاین) ایله (پروسیه) ولایتنده ، (هس) ایله (صاقسونیا) قرالغنده ایدی .

جنوبی آلمانیا به مخصوص اولان واکزیزاده (وورتمبرغ) ده طرفدار بولان « حاکمیت عامه فرقه سی » رهبان ایله (پروسیه) علیهنده بر فرقه مفرطه ایدی . امپراطورلغک تأسسی اوزرینه تک ضعیف دوشن بو فرقه ۱۸۹۰ تاریخندنبری حکومتک سیاست مذهبیسنه مخالفتی سایه سننده کسب قوت ایلمش کی کورونیور .

(مرکز ، اول امرده (پروسیه) ده تشکل ایدن قاتولیک فرقه سی ایدی . (پروسیه) تک (لانتاخ) مجلسنده هان دایما بر کوچک « قاتولیک فرقه سی » بولمش ، فقط بو فرقه دایما محافظه کارلر ایله قاریشمشدی . (واتیقان) مجلس روحانیسنی و (روما) تک ضبطنی متعاقب ۱۸۷۰ ده انتخاب اولنان (لانتاخ) مجلسنده صرف قاتولیک مبعوثلرندن [۵۶ کشی] مرکب اولق اوزره آریجه بر فرقه حالنده تشکل ایندی و مرکزده اخذ موقع ایلدی . (پروسیه) ده حکومت قرالیه تک محافظه سی طرفداری ایدی ، فقط قاتولیک مطالباتندن هیچ بر وقت واز کچمدی . فرقه تک ایلك اثر حیات سیاسیسی حکومت جسمانیسنی استرداد خصوصنده (پایا) یه معاونت ایتمسنی رجا ایچون قراله بر عریضه

صورت مطلقهده مربوط دکادی ؛ (پروسیه) نک (لانتاخ) مجلسنده کلیسا و مکتب مسائلی اوزرینه نکل ایدن فرقه لر ایله تشریک مساعی ایدیورلردی . همان بتون فرقه لک منشأی و باشلیجه قوتلری (پروسیه) ده ایدی .

(دویچ قونسرواتیو Deutschconservativ) عنوان رسمینسی حائز اولان فرقه محافظه کار، (پروسیه) نک قدیم زادکان و پروتستان فرقه سی ایدی . بوفرقه قدیمه کبی ائک زیاده (پروسیه) نک شرق طرفنده کی زراعت مرکز لرنده طرفدار بولور، املاک جسیمه صاحبی زادکاندن مرکب بولنیور، (صلیب غزته سی) واسطه اشرفکار خدمتی کور بیوردی . فرقه نک پروغرامی مؤسسات و موضوعات موجوده بی، قرالک حقوق و صلاحیتی، تشکیلات عسکریه بی، زادکانک کویلیر و رهبانک مکتب لار اوزرنده کی نفوذلرینی محافظه اساسنه مستند ایدی . بیک ایمبراطورلق قانون اساسیسنه آچیقدن آچیغه مخالفت ائتمه مکلک برابر احرارک «پروسیه بی آلمانیا داخلنده مص ائتمک» خصوصنده کی تمایلاتنه اعتراض ایدیور، یعنی قدیم (پروسیه) نک شرق ولایاتنه مخصوص اصول اداره خواصی محافظه ایچون (پروسیه) حکومتک آلمانیا بی منقلب اولسنی منع ائتمک چالیشیوردی . اتحاد دشمنی و (پروسیه) یه مخصوص بفرقه عد ایدیلردی و فی الحقیقه (پروسیه) خارجنده طرفداری یوقدی . قانون اساسی مسئله سنندن طولایی وقتیه (پروسیه) ده ظهور ایدن اختلافده قرال ایله و کلاسنی التزام ائتمش اولدینی ایچون (ویلهم) اوزرنده بیوک برفوذ قرانمشندی . ایمبراطورلقدهده سرای وزادکان فرقه سی اوله رق قالدی . اعیان مجلسنه تماماً حکم ائدی بیک حالده (رایخشتاخ) ده کی مبعوثلرینک عددی، هیئت و کلانک له و علمنده بولندیغنه کوره، پک زیاده تحول ائدی ؛ ۲۱ ایله ۷۶ آرسنده قالدی .

بیوک فابریقه جیلردن، املاک جسیمه صاحب لرندن [بالخاصه سیلزابده] ، مأموریندن مرکب اولان «فرقه محافظه کار احرار» ، یاخود «ایمبراطورلق فرقه سی» هیئت و کلایی مسلك احراره تمایل ائدی بیک مدتیجه التزام ائدی وهان دائماً حکومت طرفداری قالدی .

ایمبراطورلغک هر طرفنده و بالخاصه (ابه) نهرینک غرب حوالیسنده طرفدار بولان «فرقه ملیه احرار» بدایت ظهورنده نه ایسه اوله قالدی ، یعنی ایمبراطورلق طرفداری و نفوذ رهبان علمداری بفرقه ایدی . پروغرامی ، ایمبراطورلی قوی و متین بر صورتده تأسیس ائتمی ایچون (بسمارق) ی طوقتی و بو خدمته مقابل نفوذ رهباندن آزاده بر اصول مشروطیت ایله سر بستنی تجارقی استحصال ائتمکدی . ایمبراطورلغه مخصوص مسؤل بر هیئت و کلا تشکیاتی، (رایخشتاخ) مبعوثلرینه تخصیصات

ایدی، (پروسیه) حکومتدن ممنون اولمیان منتخبلر دخی بونلره التحاق ایتدکلرندن فرقه مبعوثلرینک عددی ذرتدن اون بره چیقدی .

احوال اجتماعیهیه معترض اولان فرقه اشتراکیون . اولای یکی قسمه آیرلمش ایکن بالا خره ، یعنی ۱۸۷۴ انتخاباتدن صکره ، عمله فرقه اشتراکیونی « نامیله برفرقة حالی آلدی و ۱۸۷۵ سنهسنده (غوطه) ده اجتماع ایدن قونغرله فرقهنک تشکیلاتی اکیال ایلدی [*] . فرقه اشتراکیون ایمپراطورلغه، تشکیلات اجتماعیهیه، نفوذ رهبانه صورت دأئمهده مخالفت ایدن بر فرقه مفرطه ایدی ؛ هر نه قدر جمهوریت فرقهسی نامنی آلمسنه مساعده ایدلمه مش ایسهده ایمپراطورلق وقراللق طرزنده کی هر نوع حکومته خصم اولدیغنی آچیقندن آچیغه بیان ایدیوردی . بدایت امرده کرك انتخابات ، کرك (رایخشتاغ) مجامعی اشتراکیون ایچون برواسطه نشریاتدن عبارت قالدی ؛ مملکتک هر جهتده کی طرفدارلرینی اتحاده آلیشدیرمق ایچون موفق اولهمیه چقلرینی بیلدکلری محللرده دخی نامزد چیقارییورلردی . انتخاب ایتدیردکلری مبعوثلرک عددندن زیاده بتون ایمپراطورلق داخلنده نامزدلرک قزاندقلری رایلرک عددینه دهاز زیاده اهمیت ویرییورلردی . (رایخشتاغ) مجلسنده فرقه اشتراکیون امور خارجه مذاکرانه مداخله ایتمز، فقط اصول ادارهیه تعریض ایچون هر وسیلهدن استفادهیه مهیا بر -الده بولنور و دأئما حکومت علیهنه رأی ویرردی . آتجق ۱۸۹۰ سنهسندن صکره (رایخشتاغ) ده قوتلی برفرقة حالی آلمغه باشلادی . ۱۸۷۵ ده ایکی قسمک اتحاددنبری (لیب قنخت) و (به بل) کبی (مارقس) طرفداری رؤسای قدیمهسنی محافظه ایتدی . اک زیاده بیوک شهرلرده ، مرکز صنایع اولان حوالیده ، پروسیهنک (رن) ، (صاقسونیا) ، (سیلزیایا) ولایتلرنده ، (برلین) و (هامبورغ) ده ، (صاقسونیا) قرالغنی داخلنده طرفدار بولیوردی . منتخبلرینک مقداری تدریجاً تراید ایله ۳۰۰,۰۰۰ دن برملیون یدی یوز بیکه چیقدی ، مبعوثلرینک عددی ۲ ایله ۴۴ آرهسنده ایدی .

دیگر فرقهلر ایمپراطورلق ایله قانون اساسی پی قبول ایتدیلر؛ بونلر حکومته تعقیب ایتدیرمکه چالیشدقلری مسلکله کوره تصنیف ایتدیلرلر . بوفرقلری دوچارانقسام ایدن مسائل طوغریدن طوغرییه (رایخشتاغ) مجلسنه تودیع اولتان امور، یعنی ایمپرا-طورلق بودجهسی، اردو، کمرکلر، بلاواسطه ویرکولر، ایمپراطورلق تشکیلاتی [هیئت وکلای رایخشتاغ] ، تنظیم قوانین کبی ایشلر ایدی . فقط هر فرقه کندی مسلکله [*] بو فرقهنک تشکیلاتی و مسلکی حفته تفصیلات آلمق ایچون یکریمی دردنجی بابه مراجعت ایدلیدر .

اون آلتنجی باب

آلمان ایمپراطورلغی

ایمپراطورلغره فرقرار — بتون حکومتلرک بر ایمپراطورلوق حالنده اتحادلری ۱۸۶۶ ده باشلایان تحولات سیاسی بی اکیال ایتمش اولدی . حکومت خصوصیه عاقد (لانتاغ) مجلسلرینک فوقده بولنان (رایخشتاغ) مجلسی فعالیت سیاسی نك الك مهم مرکزی ایدی ، سیاست ملیه مسائلی متعدد فرقهلرک تشکلی انتاج ایتدی .

واقعا فرقهلرک صورت تشکلی شمالی آلمانیا هیئت متفقہ سی زماننده کی کبی قالدی . فقط آره ده کی نسبتلر دیکشمشدی . ۱۸۷۰ دن اول اولدینی کبی (رایخشتاغ) مجلسی هیچ بری یالکیز باشنه احراز اکثریت ایدہ مین اون قدر فرقه یه آیرلدی . بونلری حکومتہ قارشلی انخاذا ایلدکلری مسلکہ کوره تصنیف ایتمک کوچدر ، چونکہ برچونگی مسلکلرینی حکومتک سیاستنه کوره تبدیل ایتمشلردر . معافیہ صورت تمہادیہ وقطعیہ ده مخالفتده بولنان و ایمپراطورلوق قانون اساسیسنہ بیله دشمن اولان فرقلر ، آردصرہ طریق مخالفتی اختیار ایدن فرقلر نامیلہ ایکی یه آیرمق ممکنده .

مخالفت قطعیه فرقلری یکدی بکرندن پک فرقی بر طاقم اقسامہ آیرلمشلردر . ایمپرا- طورلغک اوج مختلف نقطه سنده آلمان عنصرندن اولمان اہالینک مبعوثلرندن مرکب اولوق اوزره اوج مخالفت فرقه سی واردی : (شلزویغ) ک دانیمارقه فرقه سی [۱ مبعوث] ؛ — (پوزنانی) و (روسیہ) نك له فرقه سی [اہالیسی مختلط قضا لده کی انتخاباتک نتیجہ سنہ کوره تحول ایتمک اوزره ۱۳ الی ۱۹ مبعوث] ، بوفرقه قتولیک وزادکان فرقه سی اولوب ۱۸۹۰ دن اعتباراً حکومت ایلہ عقدائتلاف ایتمشدر ؛ — ۱۸۷۴ دن صکرہ تشکل ایدن (آلساس — لورہن) فرقه سی [۱۵ مبعوث] ، بوفرقه اکثریتی قاتولیک اولان برحاکمیت عامہ فرقه سیدر [*] . بو اوج فرقه نك جملہ سی ؛ مملکتلرینک ایمپراطورلغہ الحاقی علیہ نہ پروتستو ایدیوردی . — (روسیہ) نك خصمی اولان (ہانورہ) ده کی « ولفہ » فرقه سی ده حکمدار قدیمک حقوق مشروعہ سنی طاب و ادعا ایلوردی ؛ (ہانورہ) حکمدارینہ صادق قالان زادکان ورہبان طرفدارلری بوفرقه نك اساسی تشکیل ایتمکده

[*] بوفرقه نك تحولاتی حقنہ کی تفصیلات باب نہایتندہ کی مبعوث مخصوصندہ مندرجدر .

حاوی دکادر ؛ محاربه ایله الحاق اولنان و کیفیت الحاقه اعتراضدن خالی قالمیان اقوام اجنبیهی ، (پوزنانی) و (پروسیه) ده لهبری ، (شلزویچ) ده دانیمارقه لیلری ، (آلساس - لورن) ده فرانمزلی ده احتوا ایتمکده در .

تعریف مؤلفات

بویابه عائد باشلیجه و ثائق رسمیه مجالس مبعوثانک مذاکرات ضبطنامه لری ایله (بسمارق) ک بتون نطقلری و بیاناتی حاوی اولهرق (ل . هان I. Hahn) طرفندن یازیلان بش جلدک (پرنس بسمارق Fürst Bismarck) نامنده کی اثردر. بوندن بشقه (ه. قول H. Kohl) ک بسمارق سیاستنه متعلق ۹ جلدک اثری ده شایان توصیه در . بسمارق نطقلری فرانسزجه یه ده ترجمه ایدلشدر .

آلمانجه آثار تاریخیه به کلنجه ، او قدر چوقدر که اصل مشکلات اک مهم و مفیدلری تفریق ایتمکده در . (سیبل Sybel) ک ۷ جلدک تاریخنک دردنجی طبعی بودوره مخصوص مفصل بر اثر ایسه ده عادتا بر ماهیت رسمیه بی حائز اولدیغندن بیظرف عد ایدیله منز . (تاریخ مارقس Erich Marcks) ک (ایمپراطور برنجی ویلهلم) نامنده کی اثری شایان توصیه در .

فرانسزجه ده بودوره عائد آثار میاننده (ت. سیمون E. Simon) ک «ایمپراطور ویلهلم» (آندلر Andler) ک «پرنس بسمارق» ، (ت. دنیس E. Denis) ک «آلمان ایمپراطور لنگنک تأسسی» نامنده کی اثرلری ذکره شایاندر .



متحدہ دن بری اولان (پروسیہ) نك قرالی مهم بر قوۂ عسکریہ یہ صاحب اولدینی ایچون «ایمپراطور» غوران عالیسنی آلمش، دیکر لرینہ قومانداییدیوردی؛ حکمداران سائرہ آرتق (پروسیہ) قرالی ایله عین موقعده دکل، بلدکے تبعہ سی منزله سنده بولنیورلردی. حکومت خصوصیه امور خارجه، عسکریه و تجاریه کبی مصالح مشرکده ایمپراطور لغه تابع اولدقدن بشقه مصالح خصوصیه لرنده دخی ایمپراطور لوق طرفندن قبول ایدیله جک قوانینه تابع ایدیله. معاهدات مؤبده دنیلن، فقط استقبال ایچون تأمیناتی حائز اولمیان مقاولات ایله ایمپراطور لغه داخل اولمشلردی. ایمپراطور لک قانون اساسی نی تعدیل و تجدید اتمک خصوصنده کی صلاحیتی هیچ ر حد ایله محدود اولدینی ایچون حکومت متحده نك حقوق مختاره نی الی نهایته تحدید ایده جک صورتده تنظیم ایده جکی قوانین ایله تشکیلات حاضرہ نی دیکشیدیره بیلیر وحی (بوندسرات) مجلسنده نلشان اکثریت آرای استحصالی اتمک شرطیله ایمپراطور لقی بشقه بر شکله قویمغه و حکومت متحده ماهیتی ازاله اتمک مقتدر اوله بیلیر. حکومتدن بعضیینه معاهدات ایله تأمین ایدیلهن حقوق مخصوصه بیله (لانتساغ) مجلسنک موافقتی اولمدهن حکومت طرفندن ترک ایدیله بیلیر.

حکومت متحده اوصورتله تشکیل ایلمشدرکه ایمپراطور، قرالی صفتیله (پروسیہ) ده حائز اولدینی حقوق کافه سنه ایمپراطور لقه دخی مالکدر. هیچ برقرار، ایمپراطورہ رغماً اتحاد اولنه ماز. ایمپراطور کافه حقوق حکمرانی یہ مالک اوله رق اجرای حکومت ایدر، باش وکیل یالکیز کندیسنه تابعدر، ملت طرفندن منتخب مجلس مبعوثانک ده فوقندهدر. حق حاکمیت آلمان ملتته دکل، ایمپراطورہ عأددر.

۱۸۴۸ ده صورت مخصوصه ده تحت تأمینہ آلمان افرادک «حقوق اصلیه سی» ۱۸۷۱ سنه سی قانون اساسی سنده ذکر و تصریح بیله ایدیله مشدر. «آلمان قانون اساسی سی» قوای حکومتی عملی بر صورتده تصنیف و تنظیم ایدن بر نظامنامه دن عبارتدر [۳]؛ ایمپراطور لک - مؤسس اولان - (بسمارق) کبی قانون اساسی ده صرف عملیدر. ایمپراطور لوق ملیت اساسی اوزرینہ بیله تشکل اتمه مشدر. (پروسیہ) قرالی ایله (زولنفراین) ده داخل اولان حکومتلردن و (پروسیہ) طرفندن ضبط اولنان ممالکدن مرکبدر. (اوستریا) ده کی آلمانلر خارج قالدینی ایچون بتون آلمان ماتمی

[*] قانون اساسی بروجہ آتی اون درت فصلدن مرکبدر: اراضی، تنظیم قوانین، بوند-سرات، ریاست، رایخشتاغ، مرک و تجارت، شمندوفر، پوسته و تلغراف، بحریه، شہندرخانلر، حربیہ، مالیه، قوانین حقوقیہ و جزائیہ، مواد عمومیہ.

شرائط خصوصيه استحصال ايتديلر [باويرا تشكيلات عسكريه سني ، اونيفورمه سني محافظه ايدلى] .

ايمپراطورلق ، پرنسپل آردسندده اجرا ايديلن مراسم مظننه ايله اعلان اولندي . (پروسيه) قراللك رسم نتوجى آلمان حكمدارلرينك كافه سى حاضر بولندينى حالده (ورساي) ده اجر ايدلى [كانون ثانى ۱۸۷۱] . رسم مذكورك اجر اسندن صكره ده حكومتلر آردسندده منعقد معاهدات برائى تصديق حكومات خصوصيه نك مجالس مبعوثانسه تقديم قلندي . — (باويرا) ده (پروسيه) عليهدارى اولان «فرقه وطنپوران» ايكيه آيرلى : برقسى اقليتده قالان فرقه مليه احراره التحاق ايله بو فرقه به نشان اكثرى [۴۸ رايه قارشى ۱۰۲ راي] تأمين ايتدى ؛ قاتوليك فرقه سنه الك زياده ميال اولان ولاياتك زراع صنفي مبعوثانلر دن مركب قسم متباقى استقلال مملكت نامنه اعتراضاتده بولندي [كانون ثانى ۱۸۷۱] . — ديكر اوچ جنوب حكومتده مقاوله نامه لره هان بلا اعتراض ۱۸۷۰ سنه سنده تصديق ايدلى . — (رايخشتاغ) مجلسي ، حكومتلر آردسندده منعقد معاهداتى تصديق ايدرك [نيسان ۱۸۷۱] ، بونلري ايمپراطورلك قانون اساسيسى شكلنه افراغ ايتدى .

فرانسهدن آلمان ولايات ، فرقه مليه احرارك طلبى وجهله (پروسيه) به دكل ، ايمپراطورلره الحاق ايدلى . (آساس — لورن) «رايخسلاند Reichsland» ، يعنى «ايمپراطورلق مملكتى» نامى ويريلهرك بر اداره خصوصيه تابع اولدى . هيئت متحديه مقاوله نامه ايله دكل ، حق فتح ايله داخل اولديغندن بو ولاياتده نه بر حكومت مختاره تأسيس ايدلى ، نه ده (بونديرات) مجلسنه مرخص كوندريسنه مساعده اولندي . طوغرىدن طوغرى به ايمپراطورلك اداره سى آلتنه ويرلدى ، يعنى ميعتنده كي مأمورين مخصوصه نك معاونتيله باش وكيل طرفندن اداره ايدلى . ۱۸۶۶ ده اولدينى كى بو دفعه ده كيفيت الحاق ، اهلينك راي آلمدن اجرا اولندي .

بوصورتله تأسس ايدن ايمپراطورلك تشكيلاتى ، امثالى كورلمه ش بر تشكيلات ايدى ؛ فى الحقيقه حقوق عموميه نظر يوننك موافق بر تعبير ايله تعريف ايدده مذكورى بو ايمپراطورلق حكومات صغبره مختاردهن مركب بر حكومت متحده اولدينى حالده حكومات مذكوردهن هربرى كافه سنك فوقده بولنان بر حكمداره تابعدى ؛ قديم «هيئت متفقه» ، ايمپراطورلق اولمش ، فقط «هيئت متفقه» صفتى غائب ايمه مشدى . قانون اساسيده : «بو هيئت متفقه ايمپراطورلق عنوانى حائز اوله جقدر .» دنيلوردى . بو هيئت متحده آردسندده حكومات متحده نك كافه سنه فائق و بونلك خارجنده بر حكومت يوقدى ؛ فقط حكومات

دینلن قاتولیک فرقه‌سی احراز اکثریت ایتشدی ؛ فرقه ملیه احرار آنجق (باد) ده اکثریتی قرانه بیلدشدی . کهرک پارلمنتوسنه انتخاب اولنان ۸۵ مبعوئدن آنجق یکریمی دردی [بادده ۶ مبعوئه قارشی ۸ ، هسهده ۳ مبعوئه قارشی ۴ مبعوئ] اتحاد طرفداری ، ۴۶ مبعوئ (پروسیه) نك دشمنی ایدی ، دیکرلری حکومت متبوعه لرینک افکار و آمانه خدمت ایدیورلردی . بو مبعوئلر شمالی آلمانینک محافظه کار و حکومته خصم مبعوئلریله برلشهرک اتحاد علیهنده برا اکثریت تشکیل ایتدیلر . کهرک پارلمنتوسی اتحاد لهنده کی تکلیفی ۱۵۰ رایه قارشی ۱۸۶ رای ایله رد ایتدی ، بده پترول اوزرنده برویرکو آلمسی تکلیفی ده قبول ایتدی [۱۸۶۸] . ۱۸۷۰ سنه سنه قدر مذاکراته دوام ایلدی ایسنده کهرک مسائلی خارجنده هیچ برشیئی موقع تدقیقه قویمدی .

جنوبی آلمانیه (پروسیه) یه قارشی موجود اولان مخالفت پیدرپی آرتدی . (وورتمبرغ) ده حاکمیت عامه فرقه‌سی (لانتاخ) مجلسنه اسویچره تشکیلات عسکریه سنک قبولی [۱۸۶۸] ، بده مصارفات عسکریه نك تنقیصی [۱۸۷۰] تکلیف ایتدی ؛ هیئت وکلا استعفاستی ویردی . — (باویرا) ده طاغیدیلان ، بده یکیدن انتخاب ایدیلن [۱۸۶۹] مجلس مبعوئانده قاتولیک فرقه‌سی اکثریتی احراز ایدهرک قرالی هیئت وکلایی تبدیله اجبار و خدیت عسکریه مدتک سکز آیه تنزیلی طلب ایتدی . — حتی (باد) ده بیله فرقه ملیه ، هیئت وکلا علیهنده کی مجاهداتی صره سنده ضعیف دوشدی .

ایمپراطورلک تأسی [۱۸۷۰ - ۱۸۷۱] . — ۱۸۷۰ سنه سنده آلمان اتحادی ۱۸۶۶ سنه سنه نسبتله ترقی ایتمش کورونموردی . فرانسه محاربه‌سی بو اتحادی صورت قطعیه ده تأسیس ایتدی . بتون آلمان حکوماتی بلا تردد شمالی آلمانیا هیئت متفقه سیله برلنکده فرانسه علیهنده کی محاربه یه اشتراک ایلدیلر . بده استحصال اولنان مظفریت آلمان اتحادینک وجود پذیر اولمسی تأمین ایتدی .

محاربه نك ختامندن اول ، (پارس) محاصره‌سی اثناسنده ، جنوب حکوماتی حکمدارلری هیئت متفقیه دخوله راضی اولدیلر ؛ (باویرا) قرالک تکلیفی اوزرنه (رایخ Reich) ، یعنی ایمپراطورلق ، (قایزه Kaiser) ، یعنی ایمپراطور عنوان قدیم تاریخلرینک اعاده سنه قرار ویرلدی . بویکی تشکیلات توسیع اراضی و تبدیل عنواندن عبارتدی . یکی برقانون اساسی تنظیم ایدلدی . جنوب حکومات اربوسی ، عقد ایتدکاری معاهدات خصوصیه ایله آرتق « ایمپراطورلق » نامنی آلان « هیئت متفقه » یه داخل اولدیلر ؛ حکومات مذکورنک بیوکاری — امور عسکریه ده بیله — بعض

ایسه قبول ایتدیلر] ؛ حکومت قدیمه سنی حلب و ادعاده دوام ایتدی ، (پروسیه) نك دشمنلریله مذاکراته کیریشدی و (فرانسه) ده (هانوره) کوکلولرندن مرکب اوله رق بر « ولفه آلابی » تشکیل ایلدی . (بسمارق) بوندن بالاستفاده قراله مخصوص اولان تضمینات تقدیه یی - که (ولفه تخصیصاتی) نامی ویرلشدی - حجز ایتدیره رك فائضی صرف و استعمال ایچون مأذونیت آلدی . پاره یی ، اولا ، (هانوره) مأمورلرینک تحقیق احوالی ایچون تشکیل ایدیلن ضابطه خفیه صرف ایتدی ؛ « بومضر حیوانات زاحفه یی ، نه یایدق لرینی کورمک ایچون ، یووولرینه قدر تعقیب ایتلیدر . » دییوردی [۱۸۶۸] . فقط یواش یواش ، « حیوانات زاحفه تخصیصاتی » نامی ویریلن بوتضمینات تقدیه آلمان غزله لرینی ساتون آلمغه مخصوص برتخصیصات خفیه منقلب و « زواحف » نامی هیئت وکلا طرفداری غزته جیلره علم اولدی .

جنوبی آلمانیا . - جنوبی (آلمانیا) ده بولان درت حکومت مستقله یکدیگره ضد ایکی سیاست آرسنده برمدت تردد ایتدیلر . بونلر ذاتاً (زولفراین) و ۱۸۶۶ اتفاق معاهداتی ایله (پروسیه) یه مربوط اولدق لرندن شمالی آلمانیا هیئت متفقه سنه بیکانه قاله منزلردی . (باد) غراند و قهسی و (لانتاغ) مجلسی هیئت متفقه یه داخل اولمخ قبول ایتشلر ، فقط اوروپا دولتلری آرسنده اختلاف ظهورندن قورقورق کیرمه مشاردی . (باویرا) و (وورتمبرغ) قراللری ایسه شمال هیئت متفقه سبله دها صبیق و قوی بر رابطه وجوده کتیرمکی آرزو ایتبورلردی ؛ بویکی حکومت حقوق حکمرانلیرینی محافظه امنده بولتیور ، اهالی دخی پروسیه لیلردن نفرت ایتدکلری کچی پروسیه اصولنده کی خدمت عسکریه یی ده قبول ایتمک ایسته میورلردی . (باویرا) و (وورتمبرغ) اوچنجی (ناپولئون) ک تخیل ایتدیکی جنوب هیئت متفقه سنک تشکلی بیله آرزو ایتبورلر ، چونکه بویله بر هیئت متفقه تشکل ایدرسه برمدت صکره شمال هیئت متفقه سبله برلشمه سندن قورقورلردی .

بناء علیه جنوب حکومتلری حال انفرادده قالدیلر . (بسمارق) کمرک اتحادی واسطه سبله بونلری هیئت متفقه یه ادخاله چالیشدی ؛ کمرک تعرفه لرینک حکومتلر آرسنده منعقد معاهدات ایله وضع و تعیین اولنه جنی یرده جنوب حکومتلر آرای عمومیه اصولیه انتخاب اولنان مبعه ثلرک دخی (رایخشتاغ) اعضاسنه التحاق لرله تشکل ایده جک « کمرک پارلمنتوسی » طرفندن قبول و تصدیق ایدیلن بر قانون شککنده اولسنی تکلیف ایتدی و بونی قبول ایتدیردی [۱۸۶۸] . فقط جنوبی (آلمانیا) ده حکم و نفوذ (پروسیه) نك دشمنلری النده ایدی ؛ (وورتمبرغ) ده حاکمیت عامه فرقه سی ، (باویرا) ده وطنپوران

(بسمارق) فرقه لرك بو تشكلات جدیده سی قارشینده سیاستنی تعدیل ایتدی. یالکز محافظه کارانه استناد ایتکدن واز کچرک یواش یواش فرقه ملیه احرار یاقلاشدی. (پروسیه) ده، (لانتاغ) مجلسنده احرار اکثریت ایدن احرارک مکتتلی نفوذ رهبان آلتده محافظه ایدن معارف ناظری (مولر Mähler) علیهنده کی تعریضاتنه رغماً هیئت وکلایی موقع اقتدارده طوتدی؛ آنجق ۱۸۶۹ سنه سنده فرقه ملیه احرار منسوب ایکی هیئت وکلا تشکیل ایتدی. فقط (لانتاغ) ده کی محافظه کاران (هانووره) یه متعلق بر تدبیر مالی مسئله سنده بسمارقه مخالفت ایتدیکندن [حق استعفا ایده جکی مقام تهدیده سویلیدیکی حالد ۱۹۲ رایه قارشی آنجق ۱۹۸ رأی استحصال ایده بیلدی] ۱۸۶۸ دن اعتباراً (بسمارق) ده فرقه ملیه احرار تقریه باشلادی و بو فرقه نك اصلاحات اداره و اقتصادیه سنی قبول ایتدی. ولایات اداره محلیه لرينك اصلاحی ۱۸۷۲ سنه سنه قدر دوام ایلدی. فقط اصلاحات اقتصادیه پک چاپوق [۱۸۶۸ الی ۱۸۶۹] موقع تطبیقه وضع ایلدی؛ (رایخشتاغ) مجلسی مقدار فائضک سر بستجه تعیین، سر بستگی مؤسسات [۱۸۶۷]، سر بستگی نکاح [۱۸۶۸]، سر بستگی صنایع، مجازات جسمانیه نك الغاسی، سر بستگی اتحاد کبی ماده عاقد وعموم آلمانیا یه شامل قانونلری تصدیق ایتدی. بعده هیئت متفقیه شامل اولق اوزره بر تجارت محکمه عالیه سی و برده یکی قانون جزا تأسیس و ترتیب ایلدی.

(بسمارق) اصلاحات اداره و اقتصادیه ده فرقه ملیه احرار ایله متحد اولقله برابر شورای امت حضورنده مسئول بر هیئت وکلا تشکلی و مبعوثانه تخصیصات اعطاسی حقنده کی طلبلری بر طور متعظمانه و مستهزایانه ایله رد ایلمکده دوام ایتدی.

بو تنسیقات بحرانی، بالخاصه شمدی یه (پروسیه) اصول اداره سنه تابع اولمیان اهالی آره سنده پک چوق کیمسه لرك عدم خشنودینه سبب اولدی. (پروسیه) اصولی وجهله خدمت عسکریه نك عمومه شامل اولسی قاعده سی بردن بره موقع تطبیقه وضع ایدلایکندن اهالی یه پک آغیر کلدی؛ مصارفات عمومیه یی پک چوق آرتیردی، بتون حکومتلرك، حتی (پروسیه) نك بیله، بودجه سنده آچیق ظهورینه سبب اولدی، حکومه تلری ویرکولری تزیدیه مجبور ایتدی. حریت اقتصادیه اصول جدیده سی املاک جسمیه اصحابی ایله صنعتکار و اصنافلرك عادات قدیمه سنی بوزدی.

(پروسیه) یه الحاق ایدیلن ممالک آره سنده اک زیاده (هانووره) قطعه سی طوغریدن طوغری یه اظهار خصومت ایتدی. (هانووره) قرالی تاج و تختنه مقابل (پروسیه) حکومتی طرفندن تکلیف ایدیلن تضمینات تقدیه یی رد ایلدی [بوکا مماثل دیگر پرنسپل

عنوانی آلدی [۱۸۶۵ ده تأسیس اولنان غزته دخی بو عنوان ایله نشر اولندی].
 صنف متوسطه منسوب فرقه ترقیوررانک رقیبی اولان (لاسال) باش وکیل (بسمارق)
 ایله پیدای مناسبات ایتدی؛ حتی بومناسباتدن طولایی (بسمارق)، بالاخره اشتراکیونی
 تشویق و تشجیع ایتمکه اتهام ایدلدی . فرقه، اول امرده، احرار دن (شوچه ده لیج
 Schulze—Delitsch) طرفدن احداث اولنان « شرکت متعاونه » نامنده کی شرکتلرک
 اعضاسی میاننده طرفدار بولدی؛ بده آرای عمومیه اصولنک وضعی اوزرینه حیات
 سیاسییه داخل اولدی . ۱۸۶۴ سنه سنده دوئلوده تلف اولان (لاسال) فرقیبی
 عادتا مستبدانه اداره ایتشدی؛ ایکنجی خلفی (شوایچر Schweitzer) ۱۸۶۷ سنه سنده
 رایخشتاغ) مجلسنه اعضا انتخاب ایدلدی .

(لاسال) ک شا کردلر دن مرکب اولان بو پروسیه لی فرقه اشتراکیونه مخالف
 اولمق اوزره (مارقس Marx) ک شا کردلری طرفدن بین الملل بر فرقه اشتراکیون
 تشکیل اولندی . بو فرقه اول (پروسیه) خارجده ، (صاقسونیا) ده صنف متوسطه
 منسوب ترقیورران طرفندن تأسیس ایدیلن « تربیه جمعیتلری » آره سنده طرفدار بولدی .
 فرقه نک مؤسس اولان (لیب قنهخت Liebknecht) اسمنده بر غزته جی ایدی؛ بو ذات
 ۱۸۴۸ انقلابیورراندن اولدینی ایچون (لوندیره) یه قاچمش ، اوراده (مارقس) ک
 شا کردی اولمشدی . (صاقسونیا) عمله سنک اک ذی نفوذ خطیبی اولان (بهبل Bebel)
 نامنده بر مرانغوزه مسلک اشتراکیونی قبول ایتدیردی؛ (بهبل) حاکمیت عامه طرفدار
 قاتولیک فرقه سنه منسوب ایکن یواش یواش [۱۸۶۷ دن ۱۸۶۸ سنه سنه قدر] رفیقاریله
 برابر فرقه اشتراکیونه داخل اولدی . ۱۸۶۸ سنه سی ایلولنده (نوره مبرغ) ده اجتماع
 ایدن تربیه جمعیتلری قونفره سی اکثریت نشان آرا ایله بین الملل اشتراکیون فرقه سنه کیردی،
 بده « حاکمیت عامه اجتماعیه عمله فرقه سی » تشکیل ایتدی [آغستوس ۱۸۶۹]؛
 بو فرقه نک (آیزه ناخ) ده تخریر ایدیلن پروغرامی اسویچره فرقه مفراطه سنک مطالبات
 سیاسییه سنی [حکومت عامه و حریت سیاسییه] « مارقس » ک نظریات اقتصادیه سیله مزج
 ایدیوردی [*] . فرقه نک یکی رئیس اولان (لیب قنهخت) ایله (بهبل) ۱۸۶۷ ده
 رایخشتاغ) مجلسنه اعضا انتخاب ایدلیر .

بو ایکی فرقه اشتراکیون، عقیم قالان مذاکراتدن صکره [۱۸۶۸ — ۱۸۶۹] ،

۱۸۷۴ سنه سنه قدر حال رقابتده قالدیلر .

[*] اشتراکیون فرقه لرینک پروغراملری حقنده کی تفصیلات ایچون یکریمی دردنجی باب
 مراجعت اولمیلیر .

ایله (شزویغ و هولشتاین) ک برقسمندن مبعوث چیقاره بیلمشدی . اتحادی قبول ایتمکه برابر مخالفت احرارانه سنده دوام ایلمکده ایدی .

بوزماندن اعتباراً مخالفت قطعیه و مفرطه ده بولنان یکی فرقه لر تشکل ایتدی . ولایات جدیده ده الحاق علمینه اعتراض ایدن فرقه لر بومیانده ایدی . — (شزویغ) ده دانیمارقه لیلر (پراغ) معاهده نامه سی موجبجه الحاق ایچون آرای عمومی خلقه مراجعت اولمسنی طلب ایدیورلردی [موقت رایخشتاغ مجلسنده بوفرقدن ایکی مبعوث واردی؛ حکومت دوائر انتخابیه بی یکیدن تقسیم ایدرک مبعوثانک عددینی رایخشتاغده بره ، لانتاغده ایکیه ایندیردی] . — (هانووره) ده (ولهفه) فرقه سی [رایخشتاغده ۷ ، لانتاغده ۳ مبعوث] حکمدار سابقک طرفدارلری و (پروسیه) اصولندن ممنون اولمیان و حکومت خصوصیه اصوله طرفدار بولنان و طبرورلر ایله اتفاق ایتدی . — (پروسیه) قرالغنه تأد اولدینی حالده «جرمانیا هیئت متفقہ سی» خارجنده قالان (پوزن) ولایت قدیمه سنده ، لهلی مبعوثلر (پوزن) غراند و قه لغنک «شمالی آلمانیا هیئت متفقہ سنده» ادخالی معاهدات احکامنه مغایر عد ایتدکلری ایچون شایان اعتراض بولدکلری کبی «پروسیه حکومتی داخلنده کی لهلیله آلمان عنصری کبی معامله ایدلمسنی انتاج و بونلرک موجودیت ملیله لرینی بچو ایدن هر درلو حرکات قارشی» مقاومت ایدمککلری بیان ایدیورلردی . (رایخشتاغ) ده ۱۳ ، (لانتاغ) ده بیکرمی قدر مبعوثی بولنان (له) فرقه سی قاتولیک زادکاندن مرکبدی .

بو اوچ فرقه ملیه ایله بفرقه اجتماعیه ، اشتراکیون فرقه سی ظهور ایتدی [*] . ذاتاً ، ۱۸۴۸ ده (آلمانیا) ده فرانسز اصولنده اشتراکیون موجود ایدی . فقط حکومتجه اتخاذ اولنان تدابیر تضییقه نتیجه سنده طاغیلان فرقه آلیجق ۱۸۶۳ سنه سنده تکرار میدان چقمدی واولا (پروسیه) نک ولایات غریبه سنده کی ایشجیلر آره سنده طرفدار بولدی .

قدیم فرانسز اشتراکیوننک افکار و نظریاتنه موافق اولمق و (لونی بلان) ک پروغرامی ، یعنی مصارفی حکومتجه تسویه ایدیلن و عمله طرفندن اداره اولنان ملی دارالصناعه لر تأسیسی اصولی قبول ایدلمک اوزره ۱۸۴۸ اشتراکیونندن (لاسال Lassalle) اسمنده بر موسوی خطیب بو فرقه نک تشکیلاتی اکمال ایتدی ، بوندن بشقه فرقه فرانسزجه (سوسیال ده موقرات Social — démocrate) ، یعنی «حاکمیت عامه اجتماعیه»

[*] اشتراکیونک نظریات و تشکیلاتی حقنده کی تفصیلات ایچون بیکرمی دردنجی بابه مراجعت

ولایاتک [هانورہ ، ہس ، ناساو] فرقہ مخالفہ احرارہ منسوب مبعوثلری « فرقہ ملیہ احرارہ » التحاق ایتدیلمر . بوفر قہ قدیم فرقہ محافظہ کاردن آریلان محافظہ کار احرار ایلہدہ برلشہرک حکومتہ طرفدار براکثرت تشکیل ایلدی . الحاق ایلدن ولایاتی پروسیہ لیلشدرہرق (پروسیہ) نک ، جنوب حکومتلری ہیئت متفقہیہ ادخال ایدرک (آلمانیا) نک اتحادینی تأمین ایتک ایستوردی . بنابرین (بسمارق) ک سیاست عمومیہ سنی قول اوندن ویا لکیز بعض اصلاحات احرارانہ طلب ایلماکہ اکتفا ایلوردی : زادکان حقوق و امتیازاتی بقہ سنی القا ایچون ادارہ محلہ نک اصلاحی ، ہیئت رهبانک نفوذندن قورتارمق ایچون مکاتب ابتدائیہ نک تنسیق ، (پروسیہ) انتخاب اصولنک یرینہ آرای عمومیہ اصولنک وضعی ، اصلاحات اقتصادیہ ، سربستی صنایع و تجارت . ایمر اطورلق طرفدار ی صنف متوسط اہالی مبعوثلرندن مرکب اولدیغی ایچون شمنی بہتدر (پروسیہ) دہ حیات سیاسیہ حکم ایدن اوچ قوتک ، یعنی زادکان ، رهبان و مأمورینک دشمنی ایدی . بالخاصہ قدیم قرالغک وسط طرفلرندہ والحاق اولنان ولایادہ ارباب صنایع و تجارت ایلہ دارالفنون معلملری آرسندہ پک چوق طرفداری واردی رئیس لری (بنیغسن Bennisen) قدیم (ہانورہ) فرقہ مخالفہ احرار ی رئیس ایدی ؛ موسویلر کثرتلہ بوفر قہیہ داخل اولورلردی .

(فرای قونسر واتسون Frei conservativen) ذیلان محافظہ کار احرار فرقہ سی وسط ولایاتندہ وبالخاصہ (سیلزیان) دہ کی املاک جسیمہ اصحابندن مرکب اولوب ہرشیدن اول ہیئت وکلا طرفداری و حکومتک طلب ایتدیگی اصلاحاتی قبولہ مہیا ایدی ، ۱۸۶۷ دہ اتحاد اولنان (رایخشتاغ) مجلسندہ بوفر قہیہ منسوب ۴۰ مبعوث بولمقدہ ایدی .

(رایخشتاغ) مجلسندہ « آلمان محافظہ کار » عنوانی آلان اصل فرقہ محافظہ کار ، زادکاندن مرکب اولان و مجلس مبعوثان ایلہ حکومت آرسندہ کی اختلافدہ (بسمارق) ایلہ قرالی التزام ایدن قدیم « صلیب غزتمہ سی فرقہ سی » ایدی . (پروسیہ) نک (لانتاغ) مجلسندہ حائر قوت ایدی ، مجلس اعیانی همان یالکر باشنہ تشکیل ایدیور ، مجلس مبعوثانندہ ایسہ اہمیتسز بر اقلیت وجودہ کتیرہ بیلیوردی . رقیب لری بوفر قہی (پروسیہ) بی ہیئت متفقہ دن آیرمق ایستہ مکملہ اتہام ایدیورلردی .

فرقہ ترقیوروران ، رقیبی (بسمارق) ک غلبہ سندن طولای ، ضعیف دوشدیگی ایچون (رایخشتاغ) دہ کی اعضاسی یکر می کشیہ تنزل ایتدی ؛ یالکر بیوک شہرلر

فرقلمه تحولات [۱۸۶۶ - ۷۰] . ۱۸۶۶ و ۱۸۷۰ محاربات عظیمه سی آرہ سنده (آلمانیا) اساسلی بردورهٔ تحول کچیردی . هیئت متفقہ برملت حاله کچدی ، اتحاد ملی لہندہ ویاعلیہندہ کی مجاہدات - کہ بتون حیات سیاسیہ اجرای حکم ایتشدہر - فرقہ لردہ یکی بر تحول و (پروسیہ) حکومتک سیاستندہ شایان دقت برتبدل حصولہ کتیردی .

۱۸۶۶ مظفریٹی (پروسیہ) دہ قانون اساسی اختلافات و منازعاتنہ ختام ویردی . بومنزاعاتی ادارہ ایتمش اولان فرقۂ ترقیہ وروان منتخبل طرفندن ترک ایدلدی ؛ ۱۸۶۶ سنہ سی حزیرانندہ انتخاب اولنان (لانتاغ) مجلسندہ بوفرقیہ منسوب آنجق ۷۰ اعضا بولندی ، بونلرک همان کافہ سی غرب ویا (پروسیہ) ولایتندن ایدی ؛ محافظہ کارلرک عددی یوزہ چیقدی . مسئلۂ نظریہ حل ایدلدی وحتی ہیئت وکلا (لانتاغ) مجلسنک بودجہ بی تصدیق ایتک حقنہ مالک اولدیغنی تصدیق ایتدی ، چونکہ منتظم بودجہ اولہرق ادارۂ حکومت ایلدیکندن طولایی توجہ ایتسی لازم کلن مسئولیتک رفعی طلب ایدلدی . فقط ۷۵ رأیہ قارشی ۲۳۰ رأی ایلہ قبول اولسان « تخصیصات قانونی » حکومتک غلبہ سنی تأمین ایتدی [ایلول ۱۸۶۶] . ہیئت وکلا ، موقعندہ قالیور وقرال « عین شرائط تکرر و تجدید ایدرسہ ینہ بو صورتلہ حرکت ایدہ جکی » بیان ایلوردی . « فرقۂ مایۂ احرار » نامیلہ تشکل ایدن یکی بفرقیہ « سیاست خارجیہ دہ حکومتہ مظاہرت ایتک » فقط « ادارۂ داخلیدہ متیقظ و مستقیم بفرقیہ مخالفہ اولمق » ایستدیکنی اعلان ایدلدی .

بعدہ قانون اساسی بی مذاکرہ ایتک ایچون ہیئت متفقہ بہ داخل اولان حکومتک کافہ سنده موقت بر (رایخشتاغ) مجلسی ایچون انتخابات اجرا ایدلدی [شباط ۱۸۶۷] . بومجلسدہ اکثریت (بسمارق) ک سیاستنی قبول ایدن احراردن مرکبدی . ذاتاً مجلس ، حکومتلر طرفندن ترتیب ایدیلان لایحہ بی تصدیق ایتکدن ، تفرعاتہ عائد بعض تعدیلات اجراسنی طلب ایلمکدن بشقہ برشی یاپہ مازدی . اکثریتک (بسمارق) ایلہ ائتلاف ایدہ مدیکي مسائلدہ دائماً اکثریت مغلوب اولدی ؛ ویریلن قرار قطعی بہ رغمًا نہ حکومت متحدہ بہ عائد و مجلس حضورندہ مسؤل بر ہیئت وکلا تشکیلنہ ، نده مبعوثان ایچون تخصیصات استحصالنہ موفق اولہ بیلدی .

بالآخرہ انتخاب اولنان [۳۱ آغستوس ۱۸۸۷] اصل (رایخشتاغ) مجلسی ایلہ (پروسیہ) نک (لانتاغ) مجلسندہ فرقہ لرک تصدیق اکمال ایدلدی . فرقۂ ترقیہ وروانک بر قسعی ، « قدیم احرار » فرقہ سنک بقایاسی ، الحاق اولنان

۱ — قوای عسکریه ، اردو ، دونما ؛ ۲ — مناسبات بین الملل ، سفارتخانه‌ها ،
قونسلاوسخانه‌ها ، معاهدات ؛ ۳ — تجارت و وسائط نقلیه ، گمرک ، پسته و تلگراف ،
مسکوکات ، اوزان و اکیال ، شمندوفر نظامات عمومی ، بانقهر ، پساپورطار ،
ضابطه اجانب ؛ ۴ — تشکیلات صحیه ؛ ۵ — قوانینک برقمسی ، قانون تجارت ، قانون
تجارت بحریه ، قانون جزا ، اصول محاکمات .

بتون حکومتک اردولری (پروسیه) اصولنده تنسیق و تشکیل ایدلدی : عسکرلکک
عمومه شمولی ، اوچ سنه نظامیه و درت سنه احتیاط خدمتی . هر یرده (پروسیه) اصولنه
توفیقاً سلاح آلتنه آلمان افراد ، کندی مملکتلرنده ترک ایدلدی [صاقسونیا بر قول
اردو تشکیل ایتدی] ؛ فقط بتون عسکر (پروسیه) ضابطاننک تحت نظارتنده اوله رق
(پروسیه) اصولنجه تجهیز ، تسلیح ، تعلیم ایدلدی . سیاه ، بیاض ، قیرمزی رنگده
اولان یکی ملی سنجاچ (پروسیه) نک تفوقنه علامتدی ؛ چونکه (پروسیه) بایراغی
سیاه و بیاض رنگده در .

حکومت متحده نک احتیاجاتی تأمین ایچون خصوصی بر بودجه ترتیب اولندی .
واردات عمومی ایکی نوع ایدی : ۱ — گمرک ، بالواسطه استهلاک ویرکولری ، پسته
و تلگراف حاصلاتی ؛ ۲ — آجینی قیامتی ایچون هر حکومت طرفدن ویریلان و برنسبت
معینه ایله تعیین اولنان حصه مقطوعه . حکومت ، مصارف عسکریه نک هر سنه تعیین
و تخصیص اولنمی اصولندن و از کچمسنی (رایخشتاغ) مجاسندن طلب ایتدی ؛ مصارف
مذکورہ نک بش سنه لکننک بردن [آدم باشنه ۲۲۵ تاله رحسابیله ۱۸۷۱ نهایته قدر]
تخصیصنه قرار ویرلدی .

حکومات خصوصیه عدلیه ، حقوق مدنیه ، مذاهب ، تدریسات ، نافعہ کچی قوای
سائرہ حکومتی ، اداره لری ، مالیه لری ، (لانتاغ) مجلسلری ، قوه تشریعیه لری محافظه
ایتدیلر . آرتق تماماً مستقل برر حکومت دکلدیلر ، فقط (اسویچره) قانتونلرندن
دها مستقل برر « حکومت مختاره » اولدیلر .

بویاسه ، اتحاد ملی ایله حکومت خصوصیه اصولی ودها طوغریسی (پروسیه)
قرالی ایله دیگر برنسا آره سنده هر ایکی طرفی شمذیلک نمون ایده چک بر صورت
تسویه دن عبارتدی . (بسمارق) دییوردی که : « فرانقفورت وار فورتنده کی تجربه لری
عقیم بر اقان قوتلر خاطره کتیرلمش و بونلرک تکرار ظهورینه ممکن مرتبه مانع اولوق
ایسته نیلمشدر . » آلمان حکومت ملیه سنی وجوده کتیرمکده استعجال کوستریور و :
« افندیلر ، چابوق چالیشهلم ، آلمانیایی حیوان اوزرینه بیندیرهلم ، بیندیردکن صکره
نه قدر سرعتله کیده چکنی کوریرز . » سوزلری تکرار ایدیوردی .

سرات) مجلسلری برلشدیکی حالده بیله قوه تشریحیه تماماً صاحب ارله میورلر؛ قوه تشریحیه قرال ایله مجلسلر آره سنده تقسیم ایدیلور و قرال دائماً حق تصدیقه مالک بولنوردی. اصول مشورتک كافة اشکالی بر طرف ایدلمشدی. (بسمارق) حکومت متحده ایچون مسؤل بر هیئت وکلا تشکینه بیله راضی اولمامشدی؛ حکومت متحده نك (رایخشتاغ) مجلسی حضورنده کی تمثالی، وکیلی باش وکیلدن عبارتدی؛ مأمورین حکومت باش وکیلک معینده حالیشیر مستخدمیندن بشقه بر شی دکلدی، مقام ریاستک امرنامه - نرنده یالکزه باش وکیلک امضاسی بولنوردی؛ قانون اساسییه نظراً باش وکیل «وضع امضا اینجه مسؤلیتی در عهده ایدر» ایسه ده بومسؤلیت، بر مسؤلیت معنویه دن عبارتدی. (رایخشتاغ) مجلسنک باش وکیل و بناءً علیه حکومت اوزرنده حقیقی بر نفوذی یوقدی؛ مجلسده قوانین جدیدی رد ایده بیلماک حقندن ماعدا بر صلاحیت مفقود ایدی.

ایکی مجلسک نشألری او قدر مخالف ایدی که حکومت بولنک کندی علیهنده برلشماری نهلکسنه اصلاً معروض دکلدی. بالعکس (بسمارق) مجلسلری یکدیگری علیهنده بولنیدیرمق، بالطبع قراللق طرفداری زادکاندن مرکب اولان (بوند سرات) ی مبعوثانک حاکمیت عامه فکرینه و اصول مشورته مستند معالینه قارشی قوللانمق، حکومت خصوصیه نك مقاومتلرینی بر طرف ایتمک ایچون ده افکار عمومه ملیه نك تمثالی عد ایدیلن (رایخشتاغ) مجلسنک وجودندن استفاده ایتمک ایستوردی. بناءً علیه (بسمارق) حکومت خص-وصیه نك هیئت متفقهدن و چقیمق خصوصنده کی آمانه مانع اولمق فکریله مبعوثانک آرای عمومیه اصولیه انتخاب اولنلرینی طلب ایتمشدی] اوزمان فرانسه قبول ایدیلن آرای عمومیه اصولی ایمپراطورلق طرفدارلرینه اکثریت عظیمه قوزاندیرمشدی].

آلمان حکومتلری کندی آره نرنده بر هیئت متحده تشکیل ایتمکله برابر موجودیت و تشکیلات خصوصیه لرینی محافظه ایتمشلردی. قوای حکومت، حکومت جدیده متحده ایله حکومت قدیمه بحالیه آره سنده تقسیم ایدلدی. (بسمارق) ک وضع ایتدیکی قاعده اساسیه کوره «حکومت متحده نك ادامه حیاتی ایچون حکومت خصوصیه دن طلب اولنمسی لازم کلن مساعداتک حد اصفریمی ایسته نیلش» و «حکومت سبأرهدن وحدت ملیه بی تأمین مقتضی فدا کارلقلردن بشقه برشی طلب اولنمامشدر.»

بنابرین اتحاد ملی و اقتصادی تأمین ایچون لازم اولان بتون قوتلر حکومت متحده یه ویرلدی:

ریاستدن ، حکومتلرک مرخصلرندن مرکب (بوندسرات Bundesrath) مجلسندن ، (رایشستاغ Reichstag) دنیلن مجلس مبعوثاندن مرکبدر . بناءً علیه آلمانیا نك ادارهسنى اله آلمق ایستین اوچ قوتدن ، یعنی پروسیه قرالی ، پرنسدر و شورای امتدن هر برینه بر حصه تفریق ایدلمشدی . فقط بو حصه لریکدیگره مساوی دکلدی . دیگر حکومتلره و شورای امتده کی فرق مخالفه غلبه ایتمش اولان (پروسیه) حکومتی یکی آلمانیا نك ادارهسنى درعهده ایدیوردی .

ریاست ، (پروسیه) قرالنه مودوع ایدی ؛ قرال آرزو ایتدیکی ذاتی باش وکیل تعیین ایدیوردی . امور عسکریه و خارجییه اداره ایدن قرال اعلان حرب ، عقد مصالحه و معاهدات ، سفراپی تعیین و قبول ، آلمانیا اردوسی باش قوماندانی صفتیه بتون عسکره قوماندا ، اردو ارکان و ضابطانی تعیین ، تشکیلات عسکریه پی تنظیم ، نظامات عسکریه پی ترتیب و بو نظاماتک موقع اجرایه وضعنه نظارت ایتمک حقنی حازدی . داخلآ دخی حکومت متحده نك رئیس اولوب مأمورینی تعیین ایتمک و هیئت متحده یه داخل اولان حکومتلر حقه لدی ایجاب قوه عسکریه استعمال ایلمک صلاحیتنه مالیکدی . (بوندسرات) مجلسی حکومت خصوصیه نك مرخصلرندن ، قدیم (دیت) مجلسنده اولدینی کچی حکومت متبوعه لرندن آلدق لری اوامر و تعلیماته کوره حرکتیه مجبور اولوب اثنای غیوبتلرنده دائمی انجمنلره ترك وظیفه المین مأموریندن مرکبدی . رأیله قدیم دیت مجلسنده اولوبنی کچی ، توزیع ایدلمشدی ؛ مجموع آرا ۴۳ اولوب اونیدسی پروسیه یه [الحاق اولنان مملکتلرده داخل اولمق شرطیه] ، دردی (صاقسونیا) یه عأددی . (بوندسرات) ک صلاحیتی قانونلری تصدیق ایتمکدن عبارت قالیوردی . قانون اساسینک تعدیل و تبدیلی ایچون اکثریت ثلثان آرایه لزوم واردی .

(رایشستاغ) مجلسی ۱۰۰۰،۰۰۰ نفوسه بر مبعوث اصابت ایتمک اوزره آرای عمومیه اصولیه انتخاب ایدیلن و تخصیصات آلمان ۲۹۷ مبعوثدن مرکبدی . قانونلری و بودجه پی تصدیقندن بشقه بر صلاحیتی یوقدی .

بنابراین بوتشکیلات قدیم (دیت) مجلسنک پروسیه قانون اساسیسی ایله مزجنندن عبارت بر اصول اداره ایدی ؛ شو قدر که قانون اساسی (بسمارق) ک آرزوسی وجهه تفسیر اولنه رق قراله صلاحیت بی نهایته و برلمشدی . حکومت متحده رئیس صفتی حاز اولان (پروسیه) قرالی قوه عسکریه یه قوماندا ایتدکدن ماعدا قوای سائره پی اداره ایدیور ، یعنی (رایشستاغ) مجلسنی عقد اجتماعه دعوت ایدیور و یاطاغیدیور ، (بوندسرات) مجلسی ده باش وکیل ریاستی آلتنده بولنیوردی . (رایشستاغ) و (بوند

حکمدار مشروعک عودتی امید ایتدیلر و شورای امته مبعوث کوندرمک ایچون ، خینی قوتلی بر « ولفه welfe » فرقهسی تشکیل ایلدیلر . (فرانقفورت) ده صنف متوسط اهالییه منسوب برچوق کینجلر (اسویچره) تابعیتنه کیردیلر ؛ فقط (پروسیه) حکومتی هجرت ایتینلره (پروسیه) تبعهسی نظریله باقهجغنی اعلان ایتدی .

(پروسیه) ، بوالحاقلر سایهسنده نفوسنی ۲۵ ملیونه ابلاغ ایتدی و شمعییه قدر متفرق صورتهه قالان اراضیسی برلشدیردی . فقط ، اعصار سابقهه بولنیلیورمش کبی دائماً حق فتحدن بحث ایتسی ، الحاق مسئلهسنده آرای عمومیه خلقه مراجعت ایدلمسی لزومنه قانع اولمامقده اصرار ایدلمسی ، (بسمارق) ک سیاستک اشکال مخصوصه نازکانهسنه اصلاتوافق ایتیه جک صورتهه برلسان قوللانسی ، (پروسیه) قوماندانلرینک (شلزویغ) و (فرانقفورت) ده تدابیر شدیدة تضییقهیهی تطبیقندن چکینمهملری بتون اوروباده (پروسیه) نک فتوحاته حریص و باربار برحکومت عد ایدلمسنه سبب اولدی ، بوکا قارشی احتیاطلی ط اورانمغه احتیاج حس ایدلدی ، یگریمی بش سنهک برسیاست مسالمتپرورانه بوفکرکی تعدیله آنجق موفق اوله بیلدی .

شمالی آلمانیا هیئت متفقینک تشکیلی [۱۸۶۶ - ۶۷] . - معاهده صلحیهه تشکل ایدیهجکی بیان اولنان شمالی آلمانیا هیئت متفقهسی حکومتلر ایله (پروسیه) قرالی آرهسندهکی ائتلاف اوزرینه تشکیل ایدلدی [۱۸۶۶] . بعدهقانون اساسی لایحهسی ، آرای عمومیه اصولیه انتخاب ایدیلن بر مجلس ملیده مذاکره و قبول اولندی [۱۸۶۷] . شمالی آلمانیا هیئت متفقهسی [نوردویچر بوند Norddeutscher Bund] درت جنوب مملکتی مستثنائولمق اوزره بتون آلمانیا یی احتوا ایدیوردی [حتی هس دارمشتادک شمال قسمی دخی داخل اولمشدی] . واقعا بو هیئتهینه « بوند Bund » نامی [*] ویریلیورلردی ، فقط ۱۸۱۵ سنهسندهکی « بوند » دن پک چوق فرقلی ایدی . نظریاتجه بو ، حکومت متحده [Staatenbund] دکل ، بر حکومت متحده [Bundesstaat] ایدی . حکومت خصوصیه نک هربری کندی حکومتلرینی محافظه ایدیورلر ، فقط کندیلرینک فوقنده اولان قوتلی بر حکومت متحدهیه تابع بولنیورلردی .

بو حکومت متحده ۱۸۶۵ و ۱۸۶۶ سنه لرنده (بسمارق) طرفندن صورت رسمیهده تنظیم و ایضاح اولنان و ۱۸۴۹ سنهسندهکی « اتحاد » جمعیتی پروغرامنک عینی بولنان لایحهیه توفیقاً تشکیل ایدلدی . حکومت متحده ، (پروسیه) قرالنه تودیع اولنان

[*] بو کله اساساً آلمانجه ده دسته معناسنه اولوب فرانسزجهیه آنجق « هیئت متفقه » معناسنه اولان Confédération کله سیله ترجمه ایدیله بیلور .

حکومتی ، (هانوویره) ، (هس قاسل) ، (ناساو) ی و (فراتفورت) سربست
 شهرینی دخی الحاق ایتدی . بو الحاقلری مبین اوله رق قرال طرفندن نشر ایدیلن
 بیاننامهده « حکم الهمیدن » و پروسیه نك وظائفندن بحث ایدیلوردی : « بو حکومتلر ،
 پروسیه طرفندن کندیلرینه تکلیف ایدیلن بیطرفلی رد ایدرک آفت حربی اوزرلرینه
 جلب ایتشار ، نتیجه حربیه راضی اولمشلردر . نتیجه حرب ایهه ، بر موجب امر الهمی
 علیهملرنده ظهور ایتدی . اردولر مزنك مظفیریاتیه کندیلرندن نزع اولنان حقوق حکمرانی پی
 اعاده ایتمهکه سیاست مجبور بولنیورز . بوملکتلر ، استقلاللرینی محافظه ایدرلر ایهه ،
 موقع جغرافیایلی حسیبله (پروسیه) سیاستنه قوای حقیقه لرندن پک فضلّه مانع لر
 حاضرلیه بیلرلر . » — الحاق لایحه قانونیه سنده (پروسیه) نك بر حرب ظهورنده
 « قوای عسکریه سنندن بر قسم مهمنی ، کندیسینی حال تهلهکهده بر اقان مملکتلره قارشلی
 استعمال ایتک » مجبور ایتندن وارسته قلمسی لازم کله جکی بیان اولنیوردی . بوندن بشقه
 الحاق ایدیلن حکومتلرک ، « هیئت متفقه نك اصلاحنه عدم موافقتده اصرار ایلتمک
 صورتیه » ، آلمان ملتتک موجب ممنونیت بر طرزده تشکیلات جدیدیه مظهر اولسنه
 مانع اولدقلرندن ادامه موجودیتلری امکان خارچنده قالدینی افاده ایدیلوردی .
 مجلس مبعوثانجه تشکیل ایدیلن انجمن حق فتحندن بشقه بر سبب الحاق کوسترلمسینی
 طلب ایتدی : « قوت محضه ، بوکون ، ادعای حقوق و تأسیس حکومت ایچون کافی
 دکلدلر ؛ هیچ بر حقوق دول معلمی بواساس قبول ایده مز . » بسمارق شو جوانی و یردی :
 « بزم حقمز ، آلمان ملتتک یشامق ، تنفس ایتک ، اتحاد ایلتمک حقندن عبارتدر ؛
 آلمان ملتته ادامه موجودیت ایچون صاغلام بر اساس تأمین ایتک (پروسیه) نك
 حق و وظیفه سیدر . »

(ایتالیا) و (فرانسه) حکومتلری آرای عمومیّه خلقه مراجعت ایتمدن هیچ
 بر الحاقه تشبث ایتدکلری حالده . (پروسیه) بالعکس الحاق ایدیلن اهلینک فکر و راینه
 اصلا مراجعت ایتدی . قرال طرفندن نشر اولنان بیاننامهده « اهلینک یالکز بر قسمی
 الحاقک لزومی فکرینه اشتراک ایلدیکی ، اعتراف ایدلمکه برابر » آلمان ملتتک ترقیات
 عمومیه سند اشتراک ایتدکلری تقدیرده بتون اهلینک تشکیلات جدیدنک فوائد و منافعی
 سهولتله ادراکه موفق اوله جقلری « تأمین اولنیوردی . (هس قاسل) و (ناساو)
 اهلینسی (پروسیه) اداره سنی بلا مقاومت قبول ایتدیلر ؛ دوقه لقلر اهلینسی —
 (شلزویغ) ده دائیما رقه لیلر مستتتا اولق اوزره — فرقه مخالفه احراره داخل اولقله
 برابر موافقت ایلدیلر . (هانوویره) ده الحاقندن غیر ممنون اولان اهالی ده بر قاج سنه

ایتدی ؛ قوماندانک خلفی شهری احراق ایده جگنی سویلیه رک ۲۵ ملیون (تالهر) دها ایستدی ؛ شهر امینی یأسندن مصلوباً اتخار ایلدی . (اوستریا) طرفدن ترك ایدیلن جنوب حکومتاری صلحه طالب اولدیلر .

محاربه نك نتیجه سنده هیئت متفقہ صورت رسمیه ده فسخ ایلدی . (اوستریا) « هیئت متفقہ نك انفساخنی تصدیق » و اوستریا خارج قالمق اوزره « آلمانیا نك یکی برشکلده تشکیلاتنه موافقت » ایلدی کئی بیان ایتدی . (پروسیه) یالکیز قالیور ، کنسلی پروغرامنه ، آرزوسنه کوره یکی بر هیئت متحده تشکیلی و « ماین خطی » شمالنده کائن بتون آلمان حکومتارینک بو هیئته ادخالی خصوصنده سر بست بولنیوردی . هیئت متحده خارچنده یالکیز درت حکومت ، (باویرا) ، (وورتمبرغ) ، (باد) ، (هس دارمشتاد) قالمشدی . « ماین خطی » دنیلن حدود ، (آلمانیا) اتحادینی تحدید ایتک و شمال هیئت متفقہ سنه مقابل بر جنوب هیئت متفقہ سی تشکیل ایلک امیدنده بولنان دول معظمه [وبالخاصه فرانسه] طرفدن وضع و تعیین ایدلمشدی . فقط جنوب حکومتاری (پروسیه) ایله اتفاق تدافعی و تجاوزی معاهده نامه لری عقد ایتمش اولدقلرندن جنوب هیئت متفقہ سی اصلا تشکل ایتدی .

(پروسیه) نك مظفرتی ایکی دولت معظمه آره سنده کی رقابتیه - که بورقابت سائقه سیله آلمانیا تامایله مستقل کوچک حکومتاره منقسم اوله رق قالیوردی - نهایت ویردی ، فقط (اوستریا) نك سکز ملیونه بالغ اولان آلمان تبعه سی اتحادی خارچنده براقدی . « بیوک آلمانیا » تصویری صورت قطعیده ترك ایدلمش ، « کوچک آلمانیا » فرقه سی غلبه ایتمشدی .

پروسیه نك توسعی [۱۸۶۶] . - (پروسیه) ، موفقیات واقعه سندن بالاستفاده اراضی سی توسیع و اصلاح ایتدی .

(اوستریا) نك تماماً قطع رابطه ایلدی کی (شلزویغ) و (هولشتاین) دوقه لقلری ، اهانینک رأینیه مراجعت ایدلمدن ، الحاق اولندی [*] ؛ حتی (پراغ) معاهده نامه سنده « شلزویغ دوقه لغنک شمال طرفنرند کی اهانلی سر بستجه اعطای رأی ایدرک (دانیمارقه) یه ترك اولنه جقدر « مألنده بر ماده موجود ایکن بورالینک اهانلیسنه بیله مراجعت ایدلمی . (بسمارق) ، کیفیت الحاق ایچون یالکیز « حق قتح » ی سبب کوسترییوردی . (پروسیه) ، جهت غریبه ده کی ولایتلرینی ممالک سائر سندن تفریق ایدن اوچ

[*] لوآنبورغ [Lauenbourg] قطعہ سی محاربه دن اول ، اوستریا یه تضمینات ویرلک صورتیله

الحاق ایدلمشدر .

تأمینہ چالیسہ جغتی اعلان ایلدی ؛ آرای عمومیہ اصولیہ منتخب بر شورای امت تشکیاتی متضمن اولمق اوزره تنظیم ایلدیکی حکومت متحده قانون اساسیسی نشرایتدی . اعطای رأیدن استسکاف ایدن حکومتلر [اولدنبورغ ، مکلمبورغ ، لوکسمبورغ] بیطرف قالدیلر ، اوستریا اهنده رأی ویرنلر پروسیه قارشی بو حکومتله عقد اتفاق ایتدیلر . محاربه ، بانکز باشنه قالان (پروسیه) ایله (اوستریا) ، باشلیجه آلمان حکومتلری ، یعنی (باویرا) ، (وورتمبرغ) ، (صاقسونیا) ، (هانووره) ، (هس قاسل) ، (هس دارمشتاد) ، (ناساو) ، (باد) آره سنده وقوعه کلدی . فقط (پروسیه) نك ایتالیا ایله اتفاق ایتدی (اوستریا) قوای عسکریه سندن بر قشمنك ایتالیاده قالمسنی انتاج ایلدیکی کبی اساساً (پروسیه) اردوسی محاربه یه ده اایی حاضر لشمش و عسکرک حال سفر بری یه وضعی ده سرعتله وقوعه گلشدر . (پروسیه) ، آلمانیاك اوج مختلف نقطه سنده آیری آیری محاربه به کیریشدی و هر یرده خصم لرندن اول حرکات تجاوزیه به ابتدار ایلدی :

۱ . — شمالی آلمانیاده ، ترک سلاح ایتک و (پروسیه) طرفندن هیئت متفقہ نك اصلاحی حقنده تنظیم اولنان لایحه یی قبول ایلمک شرطیله بیطرف عد ایدله جکارینه دائر بر « اولتیماتوم » ویردکن صکره (هانووره) ، (هس قاسل) ، (ناساو) قطعه لرینه استیلا ایتدی ؛ بتون مملکتی اشغال ایلدی ، (صاقسونیا) یه رجعت ایدن هانووره اردوسی آنسزین باصدیردی ، دوچار اولدیغی هزیمته رغماً بواردوی اسیر ایتدی [۲۵ جزیران]

۲ . — جنوب شرقی جهتنده ، بلا حرب (صاقسونیا) یی اشغال ایتدکن صکره (بوعمیا) یه کیردی ، (صادووا) موقننده وقوعه کلن [۴ تموز] بر محاربه ایله بوسفر مشهورک نتیجه سی تعین ایتدی [*] .

۳ . — جنوب غربی جهتنده ، (باویرا) ایله جنوبی آلمانیاك دیگر حکومتلرینه عائد ایکی اردو ، غایت قارشیق حرکات عسکریه دن طولانی کجیک کلکری ایچون (صادووا) محاربه سندن اول (اوستریا) اردوسیله برلشمکه وقت بوله مدیلر . بر (پروسیه) اردوسی آیری آیری هجوملرله بونلری رجتمه خبور ایلدکن صکره (فرانقفورت) ی اشغال ایتدی ؛ بوشهر اهالیسنه پک شدتلی معامله لر اجرا ایلدی ، (پروسیه) قوماندانی بر جوق اعیانی توقیف ، غزته لری الفا ، ۶ میلیون (فلورین) حرب ویرکوسی طرح

[*] بین الملل بر ماهیت سیاسی یی حائز اولان بو محاربه حقنده یکریمی یدنجی بابہ مراجعت

ایلدیلر .

ایتمش ایکن، دوقه لقلر مسئله سی مناسبتیه و قوعه کدی . (هولشتاین) ده کی آوستریا والیسی ، (شلزویغ) ی اداره ایدن پروسیه لیلرک مسلکی خلافتنه اوله رق، استقلال فرقه سیله دوق (فرهدریق) طرفدارلرینی التزام ایتدی ، بر مجلس عمومینک اجتماعنه مساعده ایلدی و بو مجلس دوقه لقلر اهالیسی طرفدن اصولی وجهه انتخاب اولنه حق مبعوثلرک عقد اجتماعه دعوت ایدلسنه لزوم کوستردی [کانون ثانی ۱۸۶۶] . بسمارق (اوستریا) حکومتی انقلابیروانه معاونت ایتسکه اتهام و بوندن صکره (پروسیه) ایله متحداً حرکت ایتک فکرکنده اولوب اولدیغنی بیانه اجبار ایتدی . ایمپراطور هیچ کیمسه یه حساب ویرمکه مجبور اولدیغنی و آلمان حکومتیه موجود اولان مناسباتی اخلاصه راضی اولتی صورتیه شمدی یه قدر کافی درجه ده فداکارلقلر اختیار ایتمش اولدیغنی جوابی ویردی [شباط ۱۸۶۶] .

بوندن صکره (پروسیه) محاربه یه حاضر لاندی و دیگر طرفدن (ایتالیا) ایله مذاکرانه کیریشندی . هیئت متفقهنک اساسلی صورتده اصلاحی و آرای عمومیه اصولیه انتخاب اولنور بر شورای امت تشکیلی متضمن اوله رق ترتیب ایتدیکی لایحه یی (دیت) مجلسنه کوندردی [نیسان] . اوستریا ، احرار ایله وطنپرورانک (پروسیه) علمبنده بولنلرندن بالاستفاده دیگر آلمان حکومتلرینه مامشات ایتدی ؛ (لانتاخ) مجلسلرینک قسم اعظمی (اوستریا) طرفی التزام ایدرک تخصیصات فوق العاده عسکریه اعطاسنه قرار ویردیلر . هرایکی طرفدن تسلیحاته دوام ایلدی [*] . اوستریا ، (هولشتاین) مجلس عمومیسی عقد اجتماعه دعوت ایلدی .

(پروسیه) ، خصمندن اول حرکات تجاوزیه به باشلادی و (اوستریا) عسکری بو دوقه لقی تحلیله ایلدی . (اوستریا) آلمان حکومت متفقهنه عاقد اردولرک حال سفر بری یه وضعیه مداخله اولمنی (دیت) مجلسندن طلب ایتدی . بو مسئله حقننده کی قرار ، مناسباتک صورت رسمیه ده انقطاعی موجب اولدی [۱۴ حزیران] . دیت مجلسنده ۶ رایه قارشی ۹ رای استحصالی ایلدی [پروسیه مرخصی اعطای رأیدن استسکاف ایتمش و اکثریتی تأمین ایدن دیگر رأیلر حکومت صغیره نک مشترک رأیلرندن عبارت بولنمش اولدیغندن اکثریت حصولی مشکوک ایدی] . پروسیه ، بو قراری متعاقب درحال ، هیئت متفقه مقاوله نامه سنه منفسخ نظریله باقدیغنی بیان ، فقط « آلمان ملتک اتحادینی التزام ایلدیکنی » و دهها صاغلام بر شکلده بو اتحادی

[*] محافظه صالح و مسالت ایچون (اوروپا) طرفندن وقوعه کلن تشبثات حقننده یکریمی

یدنجی بابه مراجعت ایدلیدر .

شرایطی قبول اینتدی رومی ایچون بر محاربه نك كفايت ایتدیكنی (باویرا) سفیرینه سویلمشدی .
 فقط قرال (ویلهلم) صلحی ترجیح ایتدی . ۱۸۶۵ سنه سی آغستوسنده عقد ایدیلن
 (غاشتاین Gastein) معاهده سیله ایکی حکومت دو قه لقلری تقسیم ایتدیله ، اوستریا
 (هولشتاین) ی و پروسیه (شلزویغ) ی آلدی .

آلمان حکومتلرینك (لانتاخ) مجلسلر و کیلبرندن مرکب اوله رق ۱ تشرین اول ۱۸۶۵
 تاریخنده (فرانقفورت) ده اجتماع ایدن مجلس عمومی (غاشتاین) معاهده سنك « حقوق
 صریحی اخلال ایتدیكنی » اعلان ایلدی . (شلزویغ - هولشتاین) اها لیسنك مقدرات
 مملکتی تعیین خصوصنده حائز اولدقلری حقوق نامنه اوله رق « دو قه لقلر اها لیسنی
 مقاومت » و « بتون آلمان ملتتی ایقای معاونه » دعوت ایتدی . (پروسیه) و (اوستریا)
 فرانقفورت حکومتیه کوندر دکلی تهذیر آمیز تلغرافنامه لرایله آرتق « بو حرکات
 مفسد تکارانه » یه تحمل ایده میه جکلرینی و ۳۶ کشیدن مرکب انجمنه « آلمان فرقه
 اختلالیه سنك واسطه اجرا آتی » نظریله باقدقلرینی بیلیدر دیله . آلمان حکومتلری
 بوندن قورقه رق (دیت) مجلسنده بر قرار انخا ذینه جسارت ایده مدیله . (شلزویغ)
 ده پروسیه والیسی استقلال طرفدار لرینی صورت قطعیه ده تضییق ، شاید دو قه لغه
 کلیرسه توفیف ایتدی ره جکنی (دو قه) یه اخطار ، (فرهدریق) ه (شلزویغ دو قه سی)
 عنوانی و یرن غزته لری ضبط و مصادره ، (دو قه) یی صورت مخصوصه ده استقبال
 ایدن بر شهره پروسیه عساکر محافظه سی اقامه ، بتون جمعیات وطنپرورانه یی الغا ،
 استقلال فرقه سنه منسوب مأمورلری عزل و حتی بونلرک یرینه (دانیمارقه) اداره سی
 زمانندن قالمه مأمورلری تعیین ایتدی .

دو قه لقلر داخلنده یالکز دانیمارقه لیلر ایله بر قاج اصیلزاده (پروسیه) یی
 الزام ایدیورلردی ؛ (شلزویغ) ده کی سیاست مخصوصه سنندن طولایی دو قه لقلرده کی
 وطنپروران و آلمانیا نك بتون احراری (پروسیه) ایله بوزوشمشلردی . فقط بونلرک
 اعتراضاتی (پروسیه) حکومتك سبب قوتی اولان اردویه قارشیی نتیجه سز قالیوردی .

هیئت متفقنك طاغیلیمی [۱۸۶۶] . — پروسیه و اوستریا حکومتلری ، (دیت)
 مجلسنه رغماً ، ۱۸۶۴ محاربه سنده اجرا ایتمکله ۱۸۱۵ ده آلمان حکومتلر سائره سی
 ایله تشکیل ایتمش اولدقلری هیئت متفقینی معناً فسخ ایتمشلردی . بو ایکی حکومت
 یکدیگر ایله قطع مناسبت ایتمک صورتیله هیئت متفقینی ماده دخی فسخ ایتدکلرندن
 بعد الحرب هیئت مذکورهنك طاغیلدیغنی رسماً تصدیق ایتمک جهتی قالمشدی .
 (پروسیه) و (اوستریا) آره سنده کی قطع مناسبات ، (غاشتاین) معاهده سیله تأخر

اوزرینه اعلان حرب ایلدیلر [کانون ثانی ۱۸۶۴] . بوحاربه (دیت) مجلسنک اجراسنه قرار ویردیکی حرکات عسکریه دن بسبتون بشقه و آیری ایدی . (پروسیه) و (اوستریا) اردولری بلا حرب دوقه لقلری اشغال و (هولشتاین) دهکی آلمان اردوسنی طرد و تبعید ایتدیلر . محاربه (دانیمارقه) طور اغانده بر نتیجه قطعیه منجر اولدی . محاربه اثناسنده ، (پروسیه) و (اوستریا) ، اختلافک حلی ایچون الک مشروع و موافق چارهنک (فرهدریق آوغوستنبورغ) ک حقوقی تصدیقن عبارت اولدیغی اعلان ایلدیلر [مایس ۱۸۶۴] . فقط معاهده صلحیه عقد اولندیغی زمان [آغستوس ۱۸۶۴] قرال (قریستان) ی دوقه لقلر اوزرنده کی کافه حقوقی (فرهدریق) ه دکل ، (پروسیه) قرالی و (اوستریا) امپراطورینه ترکه مجبور ایتدیلر . دوقه لقلردی ری (پروسیه) لی ، دیگرکی (اوستریا) لی ایکی قومیسر طرفندن اداره اولنق اوزره بر حکومت موقته تأسیس ایدرک بونلری کندیلری ایچون محافظه ایلدیلر .

مسئله نك صورت قطعیه ده حلی خصوصنده ایکی حکومت آره سنده اختلاف افکار ظهور ایتدی . دوق (فرهدریق آوغوستنبورغ) ک حقوقی ، ۱۸۶۴ سنه سی مایسنده ، قبول و تصدیق ایتدکاری و (آلمانیا) ایله دوقه لقلرده افکار عمومیه بونک لهنده بولدیغی جهته دوقه نك مطالباتی رده جسارت ایدمیدیلر . فقط (دوقه) نك حقوقی تصدیقن اول (پروسیه) حکومتی دوقه لقلرک (زولفه راین) ه داخل اولسنی . بر معاهده عسکریه عقد ایدیلرک ایلریده تشکیل ایدیلرک دوقه لقلر اردوسنک (پروسیه) اردوسنک بر جزئی عد ایدلنی . مملکتی هر طرفدن (پروسیه) عسکریله احاطه ایدمیلرک ایچون (کیل) لیمانیه متعدد مواقع مستحکمه و طرق عسکریه نك ترک اولسنی طلب ایدیوردی [شباط ۱۸۶۵] . دوقه تردد ایتدی و بویله بر معاهده نامه عقدی ایچون وکلای ملتک موافقتلری استحصال ایتک لازم کلدیکنی بیان ایلدی . حال بوکه دوقه لقلر اهالیسی برچوق نمایشر [۶۰,۰۰۰ کشیلک بر اجتماع ، اتحاد وطنپرورانه جمعیتلرینک مرخصلردن مرکب برقونفره و بوقونفره هیئت اداره سنک قراری] ایله پروسیه حکومتی علیهنده کی نفرت و خصوصت لرینی اظهار ایتشر ایدی .

(بسمارق) دوقه لقلرک (پروسیه) یه الحاقی تکلیف ایتدی . (اوستریا) بوکاراضی اولمدی . دوقه لقلرده بولنان (پروسیه) قومیسری حکومت محلیه یه قارشی اتحاد ایلدیکی مسلکدن طولایی (اوستریا) قومیسریله اختلاف ظهورینه سبب اولمشدی . (اوستریا) و (پروسیه) آره سنده محاربه وقوعه کله جک ظن ایدلدی ؛ (بسمارق) بونی آرزو ایدیور ، (اوستریا) نك محاربه یه حاضر اولدیغی بیلوردی . (پروسیه) نك ایستدیگی

مجلس عمومی به ، نده (آوغوستنبورخ) دوقه سنك وارنجه قبول اولمشدی . (دانمارقه)
قرالی یدنجی (فرهدریق) ك وفاتیه وراثت مسئله سی ظهور ابتدکی زمان دوقه لقلرك
مجلس عمومی (آوغوستنبورخ) دوقه سی سکنزنجی (فرهدریق) ك دوقه لغنی اعلان
ایتدیلر ؛ بتون اهاالیسی آلمان اولان (هولشتاین) وشمال طرفی مستثنا اولق اوزره
اکثریت اهاالیسی آلمان عنصرندن بولنان (شلزویغ) آلمانیا ایله اتحاد ایچون (دانمارقه) دن
آیرلدیلر . بو صورتله دوقه لقلر مسئله سی ملی بر مسئله رنگنی آلیوردی . آلمان وطنپر-
ورانی (شلزویغ) و (هولشتاین) دوقه لقلرندن تشکل ایدن آلمان حکومتلیله آلمان
پرنسی اولان سکنزنجی (فرهدریق) ی اجنبی عدایدیان دانمارقه لیلره قارشى الترام
ایتدیلر .

بدايت مسئله ده بین الحلق حس وطنپرورانیه تبعاً وقوعه کان تحریکاتدن بشقه بر
شی کورلیوردی . اتحاد جمعیتلی اعانه دفترلی آچدیلر . دانمارقه لیلری دوقه لقلرندن
چیقارمق ایچون کولکلو قید ایتدیلر ؛ بعده حکومت مختلفه (لانتاخ) مجلسلرینك
وکیللرندن مرکب بر قونفره عقد ایلدیلر [کانون اول ۱۸۶۳] ؛ بو قونفره دوقه لقلرك
تأمین استقلاله چالیشمق اوزره ۳۶ اعضادن مرکب بر انجمن تشکیله قرار ویردی .
آلمان حکومت مختلفه سنك مجلس ملیه سی حکومتلری آرزوی عمومی به کوره حرکت
اجبار ایتدیلر ؛ سکنزنجی (فرهدریق) ك رسماً تصدیقنی ، بعده (دیت) مجلسنجه
ویریلن قراره توفیقاً دوقه لقلره بر اردو کوندرلسنی بتون حکومتله قبول ایتدیردیلر .
بو اردو (هولشتاین) ی اشغال ایتدکن صکره [کانون اول ۱۸۶۳] سکنزنجی فرهدریق
نامنه بر حکومت تشکل ایلدی .

(پروسیه) و (آوستریا) ، مبعوثان مجلسلرینك مطالبات و تضییقاتنه رغماً ، بو حرکتک
علهنده بولندیلر . (آوغوستنبورخ) دوقه سنك معاونت حقنده کی طلبنه جواب برد ویرلسنی
وحتی ۳۶ اعضادن مرکب انجمنک طاغیلسنی طلب ایتدیلر . دیگر حکومتلر بو طلبی
قبول ایتدیلر . (آلمانیا) ایکی فرقه به آیرلدى : بر طرفده (دانمارقه) ایله دوقه لقلر
آرمسند اتحاد شخصیدن بشقه بر رابطه بولنماق شرطیه قرال (قریستیان) ی
وارث طانیان ایکی دولت معظمه ، دیگر طرفده آلمان حکومتلرینك کافه سی و (آوستریا)
ایله (پروسیه) ده کیار دخی داخل اولق اوزره بتون احرار بولنمده ایدی .

(بسمارق) افکار عمومی دن اصلاح اندیشه ایتدیرک (آوستریا) یی (دیت) مجلسنك
قراری خلافده اوله رق مداخله به اقع ایتدی . آوستریا و پروسیه (شلزویغ) ده بر
حکومت مستقله تأسسنه موافقت ایتسنی (دانمارقه) دن طلب و جواب رد آللمری

پرنسپر ایله جنوبده (باد) حکومتی ایدی . ظهور ایدن بحراندہ (آلمانیا) حکومتلریله تبععلریک اکثریتی (پروسیه) علمپنده بولندی .

دوققلقر بمیرانی [۱۸۶۴ - ۶۶] . - بسمارق ، اتحاد مسئلہسنک آنجق قوت ایله حل اولنه بیله جکئی سویلیوردی . بوفکره بناءً سلاح و دیپلوماسی ایله محاربه یه حاضر- نیوردی . - خصمنی سرعتله مغلوب اتمکک مقتدر براردویه احتیاج حس ایتدیکی ایچون ، بتون ملت ایله اختلاف چیقسه بیله ، (پروسیه) اردوسی تنسیقاتنک اکلانی آرزو ایدیوردی . - (بسمارق) اورویا دول معظمه سنک معاونتیرینه ویا بیطرفقلقرینه دخی لزوم کوریوردی ، چونکه اورویا موازنه سنده (آلمانیا) یه صاحبسز بر مملکت نظریله باقیلور وبتون اورویا (آلمانیا) امورینه مداخله یه کندینی صلاحیتدار بولیوردی . دیپلوماسی ، موفقیتک شرط اصلیبی ایدی ؛ (بسمارق) هر شیدن اول بر دیپلومات ، تربیه و نزاکت سیاسیہ نك ساخسه آلایشنی ، یالانلرینی ترک ایدرک نه یابه جغنی آچیقندن آچیغه اعلان ایدن بر مسلک جدید دیپلوماتی ایدی [*] . اوستریایی یالکیز بر افه جق صورتده حرکت ایدیوردی ؛ (لهستان) عصاتی علمپنده معاوت اتمک صورتیله (روسیه) یی ، الحاق اراضی خصوصنده یاردیم ایده جکئی (نپولئون) . ایناندره رق (فرانسه) یی ، (وندیک) ایالتنی وعد اتمک صورتیله ده (ایتالیا) یی فزاندی . (انکلتره) یه کلنجه ، اوزوپاده وقوعه کله جک بر محاربه ایچون بو حکومتک موافت و معاوتنه احتیاج اولدیغنی بیلوردی .

(آلمانیا) اتحادی - بسمارقک وقتیله سویلیدیکی کبی - «دمیر وقان ایله» ، یعنی (دانیمارقه) ، (اوستریا) و (فرانسه) علمپنده وقوعه کلن اوج محاربه ایله وجوده کلدی [۱۸۶۴ ، ۱۸۶۶ ، ۱۸۷۰ - ۷۱] .

(دانیمارقه) علمپنده کی محاربه (شلزویغ) و (هولشتاین) دوققلقرندن طولایی (دانیمارقه) حکمدار جدیدی (قریستیان Christian) ایله بر آلمان پرنسی اولان (آوغوستنبرغ) Augustenburg) دوقه سی (فره دریق) آره سنده کی وراثت لوغاسی سبیلله ظهور ایتدی [**] . ۱۸۵۲ سنه سنده (اورویا) دول معظمه سی طرفندن (قریستیان) لهنده اوله رق تکلیف ایدیلن صورت تسویه نه (دیت) مجاسنجه ، نه ایکی دوقه اتق اهالیسنک وکیللرندن مرکب

[*] مذاکرات و محابرات سیاسیہ ایله محارباتک صورت جریانی یکر می یدنجی باده تفصیل وایضاح ایدلشدر .

[**] شلزویغ و هولشتاین تاریخی ایچون اون سکزنجی باده اسقاندیناویا ممالکی بخنه مراجعت ایدلیدر .

(بسمارق) اوستریانک داخل اوله جغنی بر هیئت متفقده (پروسیه) نك ایکنجی درجده قاله جغنی بیلدیکی ایچون بونی قبول ایتمور؛ آلمان حکوماتنك (اوستریا) خارج قالمق اوزره (پروسیه) نك تحت اداره سنده اتحادینی ایستوردی. ۱۸۶۲ده (اوستریا) نك آرتق (آلمانی) دن واز کچوب «مرکز ثقلنی مجارستانه نقل ایتمی لازم کله جگنی» اوستریا سفیرینه بیان ایتمشدی. پرنسلاک قونفرسنه (پروسیه) نك اشتراک ایده میه جگنی علاقه دارانه بیلدیردیکی زمان [کانون ثانی - آغستوس ۱۸۶۳] کندی «پروژه سنی» شو صورتله ایضاح اییدی: بر هیئت متحده یرینه تعهدات عسکریه ومالیه یی متضمن اولمق اوزره بر اتحاد؛ - متعدد اعضادن مرکب بر هیئت اداره یرینه بر رئیس، یعنی (پروسیه) قرالی؛ - (لانتاغ) مرخصلرندن مرکب بر مجلس یرینه حکومتلاک یکدیگرندن آیرلمق ایچون وقوعه کله بیله جگ تشبثاتنه مانع اولمق ایچون الزم بولنان، «آلمان ملتنك یکانه تمثال مشروعی» اولان بر مجلس مبعوثان [مبعوثلر هر مملکتنك نفوسی نسبتده انتخاب اولانه جقلردی]. بو «پروژه» ۱۸۴۹ انقلابیوروانی طرفندن ترتیب ایدیلم «پروژه» نك عینی اییدی.

مختلف حکومتلاک (لانتاغ) مجلسلرنده کی مبعوثان احرار طرفدن عقد ایدیلم بر اجتماع ایله اتحاد ملی جمعیتنك مجلس ۶ومیسی ۱۸۴۹ قانون اساسینك قبولی لهنده بیان رای ایتمشردی [ایلول - تشرین اول ۱۸۶۲]. بناء علیه فرقه ملیه نك، کندی پروغرامنی قبول ایدن، (پروسیه) یی التزام ایتمی ایجاب ایدیوردی. فی الحقیقه ۱۸۶۱ده اتحاد ملی جمعیتی، نشر ایلدیکی بر بیاننامه ده (آلمانی) نك (پروسیه) حکومته احتیاجی اولدیغنی و «پروسیه حکومتنی اک موافق طریقه سوق ایتمک لازم کلدیکنی» اعلان ایتمشدی. فقط آلمان وطنپوزاننك بر قسمی ده احرار اییدی. (پروسیه) حکومتی ایله (پروسیه) احراری آرهنده کی اختلافات آلمان حریتپور - لرینك بو حکومته دن نومید اولمالرینی انتاج ایلمشدی؛ (بسمارق) اصلاحات پروغرامنی نشر ایتمدیکی زمان بونک صمیمی اولدیغنه اینانمیدیلر؛ (بسمارق) ی منسوب اولدیغنی فرقه کبی مطلقیت اداره و حکومات خصوصیه طرفدارنی ظن ایدیورلردی. آلمان احرار - ینک بر قسمی، او زمان بر آلمان هیئت وکلای احراری طرفدن اداره اولنان (اوستریا) یی التزام ایتمکده ایدیلم؛ ایمپراطور، پرنسلاک قونفرسنه کلدیکی وقت [۱۸۶۳] جنوبی آلمانیا شهرلرنده شدتلی آلقیشلره نائل اولدی.

آلمان پرنسلیرینه کله نجه، بونلرک قسم اعظمی واک قوتلیرلی (پروسیه) یه خصم قالمشردی. (پروسیه) یه طرفدار اولانلر یالکوز شمالده قومشولری بولنان کوچک

موجبنجه آلمان حکومتی آره‌سنده غایت صیتی روابط اتحادیه ایله تأسس ایده‌جک حکومت متحده‌نک (پروسه) نک ریاستی آلتنده وجوده کلسنی وبتون (آلمانی) ایچون بر شورای امت تشکلینی تکلیف ایلیوردی. جمعیت، (غوطة) ده عقداجتماع ایدن ذواتدن وبالخاصه معلملردن [اون اوچنچی باه‌مراجعت] مرکب اولوب شمالی‌ک زیاده آلمانیا‌ده طرفدار بولیوردی. ۱۸۶۲ سنه‌سنده تأسیس اولنان (اصلاحات اتحادی) جمعیتی ایسه بالعکس حکومت متحده‌یه (آوستریا) یی دخی ادخال ایدرک روابط اتحادیه‌نک او درجه صیتی اولماسنی و حکومت متحده‌نک بر هیئت مشترکه طرفندن اداره اولنوب بتون (لانتاغ) - لرك مرخصلرندن مرکب برده مجلس مبعوثان تشکلینی طلب ایلیوردی. بو فرقه‌نک منسوبینی جنوبی (آلمانی) ده وبالخاصه (باویرا) ده ایدی.

اتحاد جمعیتلرینک حیات سیاسی‌نک کسب فعالیت ایتدیکی ۱۸۵۹ - ۶۳ سنه‌لرنده - که بر چوق وطنپرورانه شنلکلر، علمی قونفره‌لر ترتیب ایدیلیوردی - اجرای تحریکاته باشلامسی افکار منوره اصحابنک نظر دقتنی جلب ایلدیکی کبی حکومتلری تلاشه دوشور- دی [حتی بعض حکومتلر اتحاد ملی جمعیتنه دخولی منع ایتدیلر]. فقط مسئله‌نک صورت قطعی‌ده حلی ایکی بیوک حکومته، (اوستریا) ایله (پروسه) یه عائد ایدی.

(پروسه) نک دشمنی اولان آلمان پرنس‌لری ۱۸۶۱ ده مشروطیت اداره‌یی قبول ایدن (آوستریا) حکومتته طرفدار ایدیلر. بو پرنس‌لر ۱۸۵۹ سنه‌سنده (وورچبورغ Wurzburg) شهرنده بر قونفرانس عقده ایدرک هیئت متفقہ‌نک اصلاحتی تکلیف ایتدیلر؛ مذاکرات کمال بطائته ایلریلدی، اوچ سنه‌دن زیاده‌سوردی، (پروسه) بو قونفرانسه داخل اولدی [۱۸۶۰]. آوستریا هیئت متفقہ‌نک اصلاحی اساسنی قبول ایتدی [۱۸۶۱]. جریان ایدن مذاکرات (فرانقفورت) شهرنده پرنس‌لردن مرکب بر قونفره عقدی صورتیله [آغستوس ۱۸۶۳] نتیجه‌لندی؛ قونفره (آوستریا) طرفندن تکلیف ایدیلن وباشلیجه موادی بروجه‌آنی بیان اولنان اصلاحات لایحه‌سنی قبول ایتدی: آلتی اعضادن مرکب بر هیئت اداره [آوستریا، پروسه، باویرا بر اعضا بولندیره‌جق ودیگر اوچ اعضا حکومت سائر آره‌سندن مناوبه‌ اتخاب اولنه‌جقدی]؛ - ۲۱ رایه مالک بر حکومت متحده مجلسی [بو مجلس اعلان حربه آنجق اکثریت نلشان آرا ایله قرار ویره بیله‌جکدی]؛ - حکومت مختلفه‌نک (لانتاغ) مجلسلری مرخصلرندن مرکب ۳۰۲ کشیلک بر مجلس؛ - حکومت متحده‌یه عائد بر محکمه. یکریمی درت پرنس بو مقرراتی قبول ایتدی. فقط اصلاحات، (پروسه) راضی اولدجه اجرا ایدیله‌مزدی؛ (پروسه) ایسه جواب رد ویردی.

فکر ارتجاعکارانه‌سندن قورتولمش، تحریکات ملیه و احرارانه باشلاشدی. بو دور، زمان اغتشاس و اختلافدر.

حکومات خصوصیه مطلقیت اداره‌یی محافظه ایتمک ایستیورلر، تبعه ایسه ۱۸۴۸ اداره مشروطه‌سنه عودتی طلب ایدیورلردی. حکومتلر حقوق حکمرانلیرنی محافظه‌یه اعتنا، ملی فرقه‌لر آلمانیا تک اتحادینی طلب ایلیورلردی. همان هر طرفده بر فرقه ملیه احرار، مطلقیت اداره و حکومت خصوصیه طرفدار ی بر فرقیه قارشی مجادله‌دن خالی قالمیوردی. فقط اتحاد فرقه‌سی ایکی دولت معظمه؛ یعنی (اوستریا) ایله (پروسیه) طرفدارلری نامیله ایکیه آیرلمشدی. بناء علیه هم هر حکومت داخلنده سیاست داخلیه و مسئله ملیه‌دن، هم هیئت متفقہ داخلنده (اوستریا) و (پروسیه) طرفدارلغدن طولایی هم‌ده بتون آلمانیا‌ده بونلرک طرفدارلری آره‌سندہ اختلاف و مجادله اکیسک اولمیوردی. حکومتلر داخلنده مجلس مبعوثان قانون اساسی ویا حریت نامنه مامورینه قارشی مجاهده‌یه دوام ایدیوردی. بو اختلافاتک مشهوری (هس قاسل) ده ۱۸۴۹ سنه‌سندہ غیر مشروع بر صورتده الغا ایدیلن ۱۸۳۱ قانون اساسی‌سندن طولایی وقوعه کلن مجاهداتدر؛ نهایت (غراندوق) دیگر حکمدارلرک، پرنس‌لرک تهدیداتی اوزرینه قانون اساسی‌یی تکرار قبوله مجبور اولدی.

ملیت مسئله‌سنه کلنجه، اوچنجی (ناپولئون) ک آلمانیا‌یه هجومندن قورقولدینی زماندن بری هیئت متفقہ‌یی حکومت اجنبیه‌یی قارشی مقاومتہ مقتدر اوله‌بیله‌جک صورتده اصلاح ایتمک لزومی عموماً تسلیم ایدیلیوردی. فقط اجرا ایدیله‌جک اصلاحات مسئله‌سندہ ۱۸۴۸ سنه‌سندہ کی تشتت افکارینه موجود ایدی، ینه شو ایکی سؤالک جوابی ویرنله‌میوردی: ۱، هیئت متفقہ‌نک ریاست و اداره‌سی کیمده اوله‌جق؟ (پروسیه) قرالی کندیسنک رئیس اولیه‌جفی بر حکومت متحده‌یه داخل اولمق ایسته‌میور؛ دیگر قراللر ایسه (پروسیه) قرال‌نک ریاستنی قبول ایتمیورلردی. ۲، هیئت متحده‌یه هانکی مملکتلر داخل اوله‌جق؟ (اوستریا) بو هیئته بتون ممالکی ایله داخل اولمق ایستیور، آلمانلر ایسه (اوستریا) یی بو صورتله قبول ایتمک ایسته‌میورلردی. بناء علیه ۱۸۴۸ ده‌کی فرقه‌لر، یعنی (قلاین دویچه - کوچک آلمانیا) دنیلن (پروسیه) و (غروس دویچه - بیوک آلمانیا) دنیلن (اوستریا) فرقه‌لری تکرار میدانہ چیقیدیلر.

ایکی جمعیت خصوصیه سیاسییه بو ایکی فرقه‌دن بری لهنده اجرای تحریکات ایدیور-دی. (آلمانیا) اتحادینه چالیشمق ایچون (ایتالیا اتحادی) جمعیتنه مشابه اولمق اوزره ۱۸۴۹ سنه‌سندہ تشکیل ایدیلن (اتحاد ملی) جمعیتی ۱۸۵۰ ده تصور ایدیلن پلان

بو دفعه آچیقدن آچیغه بو اصوله مراجعت ایدلدی . قرال طرفندن نشر اولنان بر امرنامهده مأمورین حکومت حکمداره صداقت و اطاعتده بولنه جقلرینه یمین ایتدکلری جهتله انتخاباتده قرالک مرضیسنه موافق صورتده حرکتده بولسقلری و بناء علیه منتخبلره طریق حقی ارانه ایده بیه جکلری بیان اولنیوردی .

غزته لر علیهنده کی تدابیر جملسدندن اولمق اوزره حکومت قانون اساسینک تحت تأمینه آلدینی حریت مطبوعاتی عادی بر « امرنامه » ایله فسوخ و « اخطار والغا » اصولنی وضع ایتدی . « منافع عمومی » ایچون تهلیکللی اولان هر غزته بیه اخطارات اجرا اولنور و ایکی دفعه اخطاردن صکره مذکور غزته لغو ایدیلدی ؛ حکومتک اجر آتی تنقید ایتک ممنوع ایدی . باشلیجه ، احرار غزته لری یا لغا ، یا خود سکوته مجبور ایدیلر . - حکومت اهالی طرفندن منتخب بلدییه هیئتلری علیهنده دخی بعض تدابیره توسل ایدرک افراد اهالیجه منتخب رؤسا و اعضا یرینه طوغریدن طوغری بیه تعیین ایتدیکی مأمورلری اقبه ایتدی ، که بوخال (پروسیه) ده دوائر بلدییه تک تشکیلندن بری کورلمه مشدی .

حکومتک بو ترضیه قارشلی ملت ایله مجلس مبعوثان آنجق مسالته پروانه بر طاقم نمایشلر ایله مقابله ایده بیلدی . مجلس مبعوثان قرالک قبولدن امتناع ایتدیکی بر قاج عریضه ایله قانون اساسی بیه مغایر اوله رق نشر ایدیلن مطبوعات نظامنامه سی علیهنده بر اعتراضنامه تقدیم ایتدی ؛ انتخاباتده مأمورین حکومت طرفندن منتخبلره اجرا ایدیلن ترضیقات حقه ده تحقیقات اجرا سنه قرار و یردی ، فقط هیئت وکلا تحقیقاتک اجرا سنه مانع اولدی ؛ نهایت وکلانک مسؤلیتی حقه ده دخی بر قانون تنظیم ایتدی [۱۸۶۳] . شهرلرده کی مجالس بلدییه استدعا نامه لر تقدیم ایدیلر ایسه ده هیئت وکلا جزای نقدی آملقه مقابله ایتدی ؛ بونک اوزرینه شهرلرده اجتماعلر عقد اولندی ، فقط حکومت کافه سنی منع ایلدی ؛ نهایت بعض شهرلرده قرالک یوم مخصوصده مراسم معتاده اجرا اولندی .

عین زمانده ، مجلس مبعوثان (بشارق) ک سیاست خارجه سنه ، از جمله (پروسیه) بیه التجا ایدن (لهستان) عصاتنک اعاده سی ایچون (روسیه) حکومتیله عقد اولنان مقوله نامه یه [۱۸۶۳] ، شلزوویغ و هولشتاین محاربه سنه [۱۸۶۴] ، آوستر علیهنده حربه [۱۸۶۶] اعتراض ایتدی .

آنایاده صرفات ملیه و اصرارانه [۱۸۵۹ - ۶۴] . - ایتالیا محاربه سنک ظهوری اوزرینه (پروسیه) ده اولدینی کبی آلمانیا حکومتانده دخی حیات سیاسییه کسب فعالیت ایتمشدی . ۱۸۵۹ سنه سندن صکره (آلمانیا) مطلقیت اداره و حکومت خصوصیه مستقله

و موضوعات حاضره حکومتی منافع مملکت به موافق صورتده محافظه ایچون اقتضا ایدن مصارفی تدارک ایتمکده مضطر قالدیغنی « بیان ایدیوردی [۱۸۶۲] . بسمارق فکر نیجه قانون اساسیده بو مجبوریته حقنده هیچ بر صراحت یوقدی . بو نقصان ، آنجق ۱۸۵۰ قانون اساسیسندن اولجی اصوله مراجته ا کمال ایدیله بیلردی . حال بوکه (پروسیه) ده قوانین قدیمه کوره قرالک حقوق و صلاحیتی نامحدود ایدی ؛ بنابراین قرال بودجه بی ترتیب ایتمک صلاحیتنه مالکدر . ۱۸۵۰ قانون اساسی قرال ، مجلس مبعوثان و مجلس اعیاندن عبارت اولق اوزره اوج قوه تشریعیه تشکیل ایتمش و بونلرک اوچنده - حتی بودجه نك تنظیمی خصوصنده بیله - عین صلاحیت و اقتداری ویرمشدر . بو اوج قوه تشرییمه دن هیچ بری دیکر لرینی کندی آرزوسنه تبعیته اجبار ایدمزمز . قانون اساسی اختلاف ظهوری تقدیرنده نه صورتله تسویه ایدیله جکنی تصریح ایتمیوردی ؛ اوج قوه تشریعیه آرسنده ظهور ایدن اختلافات کندی آره لرنده مناسب کوریله جک صورتده حل اولنه جقدی . « اکر قوای تشرییمه دن بری کندی نقطه نظرینی مطلقا قبول ایتمیرمکده اصرار ایدرسه ظهور ایدن اختلافلر کیتدکجه کسب شدت ایدر ؛ فقط حیات حکومت منقطع اولمه جغندن نهایت قوتلی اولان طرف دیکر لرینه حکم ایدرک اختلافی ازاله یه موفق اولور . » [۱۸۶۰] . بسمارق بو سوزی رقیملری طرفسندن تجریف ایدیلرک شو شکل معروفه افراغ اولندی : « قوت حقه تقدم ایدر . »

فی الحقیقه اختلاف ، نهایت قوت مسئله سنه تحول ایتدی . مجلس مبعوثانک یالکمز بر قوه معنویه سی و بودجه بی تصدیق ایتمک خصوصنده بر صلاحیت نظریه سی واردی . قرالک مظاهرتنه نائل اولان هیئت وکلا قوه ماده عسکریه یه و ویر کولری تحصیل وجبات ایچون وسائط اجرائیه یه مالکدی . هیئت وکلا ، (بسمارق) ک دیدیکی کبی ، قوتلی اولدیغندن غلبه ایتدی . اوج سنه موقع اقدارده قالدی ، یالکمز مجلس اعیانجه تصدیق ایدیلن و بناء علیه قانون اساسی به موافق اولیان بودجه ایله اداره امورده دوام ایلدی . مجلس مبعوثانی طاغیتدی [۱۸۶۳] . انتخابات جدیدده فرقه ترقیروزان دهها بیوک بر اکثریت قزاندی . مع مافیه هیئت وکلا ، موقعنده قالدی ؛ بودجه بی مجلس مبعوثانه کوندرمه مک و (لانتاغ) ک دوره اجتماعه سنی ممکن مرتبه تقیص ایتمک ایله اکتفا ایتدی . - رقیملرینه قارشی ده ، اوچنجی (ناپولئون) ک سلطنت مستبده سی زماننده کی تدابیری موقع تطبیقه وضع ایلدی [فرانسه بحثنه مراجعت] .

حکومتک مناسب کوردیکی مبعوث نامزد لرینی منتخبلره توصیه ایتمی اصولی ذالک ۱۸۶۲ ده مأمورینه برر تحریرات عمومی کوندرمک صورتله تجریبه ایدلشدی ؛

شو سوزرله [*] ایضاح ایتشدی : « نخیف وجودمزه کوره پک کنیش اولان بر لباس کیمک ایستورز ؛ بوندن مستفید اولق طریقنی بیللملی بز . » - « آلمانیا ، پروسیه نك حریتپرورلکنه دکل ، قوتنه باقار . » - « آلمان اتحادی نظقلر ویا اکثریتک قرارلی ایله دکل ، دمیر وقان ایله حصوله کله بیلیر . » - (پروسیه) طرفندن (دیت) مجلسنه مرخص صفتیه کوندرلیدیکی زمان (پروسیه) نك هیئت متفقه میاننده دائما اقلیتده قالدیغنی کوره ريك بو هیئت حکومتدن نفرت ایتشدی . هیئت متفقهنك محواملسنی آرزو ایدیور ، (آوستریا) ایله بر محاربه فرصتی بکلور ، آلمانیا نك آیتسنی تأمین ایدمک اولان بو محاربه ایچون قوتلی وحرکات سریمهیه مقتدر بر پروسیه اردوسی ایستوردی . بناء علیه تنسیقات عسکریهیه ، قرال قدر ، لزوم قطعی کوستریوردی .

قرال ریاست وکلایی « اصیلزاده زراع فرقهسی » رئیس عد اولنان بویله مشهور بر آده تودیع ایدنجه مجلس مبعوثان ایله صورت قطیهده قطع مناسبات ایتمش اولدی . (بهمارق) بودجه انجمنه کیتدیکی زمان الله ، علامت ائتلاف عد اولنان ، برزیتون دالی آلمشدی ؛ فقط بو حرکتی استیزادن بشقه بر شیئه حمل اولمندی . مجلس مبعوثان قاعده مشروطیتی ایلری به سورهرک بوندن صکره سنه سابقهه عائد مصارفک مجلسجه قبول ایدلندن اول موقتاً صرفه دوام اولمسی اصولنی قبول ایتدی و « حکومتک مجلس مبعوثان طرفندن رد ایدیلن مبالغی صرف ایتسنگ قانون اساسی به مغایر اولدیغنی » بیان ایلدی . هیئت وکلا بوکامقابل بودجهنی مجلس اعیانه کورتوره ريك بیوک بر اکثریت ایله تصدیق ایتدی . مجلس مبعوثان بودجه نك اول امرده مبعوثانجه تصدیقی لازم کله جکنی و بناء علیه مجلس اعیان قرارینک کآن لم یکن حکمنده بولندیغنی بیان ایتدی [تشرین اول ۱۸۶۲] .

مجلس مبعوثان ، قانون اساس احکامنک وکلا طرفندن اخلال ایددیکنی قانون مذکورک مواد صریحه سنه استناداً ادعا ایدیوردی [**] بهمارق ایسه قانون اساسینک بو خصوصده بر نقصانی بولندیغنی بیان ایلدیوردی . هیئت وکلانک « بودجهنی قانون اساسی احکامنه تماماً رعایت ایتمندن ترتیه مجبور اولدیغنی » اعتراف ؛ فقط « مؤسسات

[*] بهمارق کتدینه مخصوص بر لسان ایله سوبلدیکی بو سوزلر بودجه انجمنی اعضاسیله کوروشدیکی زمان سوبلنمشدر .

[**] ۹۹ نجی ماده : « بالمله واردات و مصارفات حکومت هرسته اولدن تخمین و حکومت بودجه سنه ترقیم اولنه جقدر ؛ بودجه هرسته بر قانون مخصوص ایله ترتیب و تعیین ایدیلیر . »
 ۱۰۰ نجی ماده : « خزینة حکومته عائد ویرکولر ایله واردات سائر بودجهده محرر اولدنجیه ویا بر قانون مخصوص ایله امر ایدلنجه تحصیل وجبات اولنه ماز . »

بیله قرارشدر مامشدی . قرال اصول مشورته [Régime Parlementaire] قارشی مشروطیت اداره بی [Régime costitutionnel] محافظه ایستدیکنی بیان ایدیور ، مجلس مبعوثان ایسه مطلقیت اداره بی قارشی مشروطیت اداره بی مدافعه ایستدیکنی ادعا ایلیوردی . مسئله بی قارشدران شی مجلس مبعوثانک بر اجنبی قانون اساسیسندن استنساخ ایدلین و حاکمت ملیه اساسنه موافق اولان ۱۸۵۰ قانون اساسیسنک بخش ایلدیکی حقوق و صلاحیته استناد ایتمی ، قرالک عصرلردن بری دوام ایدن حکومت مطلقه عسکریه نك تأمین ایلدیکی حقوقدن واز کچمه مک ایسته می ایدی . منشأری مختلف اولان بو ایکی قوت ، یعنی حکومت ایله مجلس مبعوثان آره سنده بر اختلاف ظهور ایستدیکنی زمان بونک نه صورتله حل ایدیله چکنه دائر نه قانون اساسیده بر ماده ، نده مملکتک عادات قدیمه تاریخیه سنده بر اصول موجود ایدی .

قرال اول امرده مجلس مبعوثانی طاغیتدی [۱۸۶۲] ؛ فقط فرقه ترقیورانه منسوب مبعوثانر تکرار انتخاب ایلدیلر ، حتی بالکز باشلرینه مجلس مبعوثانده احراز اکثریته موفق اولدیلر . هیئت وکلا طرفدارای اولان قدیم فرقه احراردن اثر قلمدی .

هیئت وکلا سیاسیات خارجیه ده اکثریتک مرضیسنه موافق صورتده حرکت ایتمک [یکی تشکل ایدن ایتالیا قراللفنی تصدیق و هس قاسل امورینه مداخله ایستی] واردو ایچون مبهم وعدلرده بولمقی صورتیه فرقه ترقیوران ایله حصول ائتلافه چالیشدی . فقط مجلس مبعوثان سنین سابقه ده تنسیقات عسکریه ایچون قبول ایلمش اولان تخصیصاتی ، مذاکرات میدیده دن صکره . حقوقنی تأیید مقصدیه [و ۱۰۰ رأیه قارشی ۳۰۸ رأی ایله] رد ایستی [ایلول ۱۸۶۲] .

قرال تردد ایستی ، آز قالسون ترك حکومت ایده چکدی ، حتی استعفانامه سنی بیله حاضرلدی ؛ صکره (بهمارق) ی جلب ایستدردی و مجادله بی مقتدر بر هیئت وکلا تشکیله مأمور ایستی . (براندبورغ) لی بر اصیلزاده اولان (بهمارق) ۱۸۴۷ تاریخندن بری اصول مشورته و انقلابه قارشی خصومت فوق العاده سی و حکومت مطلقه بی صداقتی ایله نظر دقتی جلب ایلمشدی . ۱۸۴۹ ده (پروسیه) قراللفنه ممالک غریبه ده کی اداره مشروطه نك ادخالی علیهنده بولممش وبالخاصه بودجه نك مجلس مبعوثان طرفندن تصدیق اولمسنه اعتراض ایتمشدی . قراله ، مجلس مبعوثانک مطالباتی قبول ایتمه چکنی وعد ایدرک ریاست وکلا بی چکدی .

(بهمارق) موقع اقتداره معین بر سیاست ایله کلپوردی . مسلک سیاسینی وقتیه

اصلاحی کمال شدتله التزام ایدیور ، بونی الزم کوریور ، امور عسکریده حاکم مطلق و مستقل بالرأی اولدیغنی ادعا ایلوردی . عهده‌سندده بولنان اردو باش قوماندانلنی وظيفه‌سنی حسن ایفا ایچون مقضی مبالغی رد ایتمک حقنه مجلس مبعوثانک هیچ بر زمان صلاحیتدار اولدیغنی بیان و اصلاحات عسکریه‌بی محافظه‌یه مجبور بولندیغنی حس ایدیوردی . خدمت عسکریه‌نک ایکی سنه‌یه تنزیله موافقت ایتمکدن ایسه ترك حکومتک ده موافق اوله‌جغنی دوشونبوردی .

عسکرک مسئله‌سندن تولد ایدن بو اختلاف (پروسیه) تاریخی ایچون یکی بر شی اولان بر اختلاف نظری‌بی انتاج ایتدی . او زمانه قدر دائماً تنسیقات عسکریه مسائله‌ده مستقلاً حرکت ایتمشدی ؛ عسکرکجه بر اصلاحات لزوم کوستردیکی زمان مجلس مبعوثان بو اصلاحاتک وسائط اجراییه‌سی اولان مبالغی ویرمه‌مک حقنه مالکیمیدی ؛ (ویلهلم) مجلس مبعوثانک ، تخصیصاتی « موقت » صورتده قبول ایتمدیکي آایلری « صورت قطعیه‌ده » تشکیل ایدرک مسئله‌بی ضمناً حل ایلمشدی . - فقط ، دیگر طرفدن ، مجلس مبعوثان قرالک لزوم کوستردیکی کانه تخصیصاتی قبوله مجبور اولورسه قانون اساسی سینک بخش ایلدیکي حقوقک اک قطعیمی ، ویرکولری تصدیق ایتمک حقنی غائب ایتمش ؛ بر مجلس استشاری درکه سنه دوشمش اولوردی .

هیئت وکلا اختلاف واقعه‌ده حفظه حقوق حکومت ایچون مجادله نظریله باقدی [مارت ۱۸۶۲] ؛ وکلايه نظراً مسئله « حکومت مقام حکمداریدمی قله‌جق ، یوقسه مجلس مبعوثانه‌می کچه‌جک ؟ » بونی تعییندن عبارتدی ؛ متخبلره اجرای نفوذ ایتملرینی امر ایتمک ایچون مأمورین حکومته کوندریلان بیاننامه‌ده حکومت قرالیله ایله « مقام حکمداری‌یه عائد اولان قوه عمومیّه حکومتک مرکز ثقلتی مجلس مبعوثانه نقل ایدرک کویا بر حکومت مشروطه تأسیسنه چالیشان حاکمیت عامه فرقه‌سی » آره‌سندده « بر اختلاف شدید » بولندیغندن بحث ایدیلوردی . - فرقه ترقی‌ورران « مقام حکمدارینک حقوق مشروطه‌سنه طوقوندیغنی » مقام مدافعه‌ده بیان ایدیوردی ؛ بو فرقه‌یه کوره مسئله « قوه عظیمه حکومتک یاننده مجلس مبعوثانک‌ده برحق مشروطی اولوب اولدیغنی » تعیین ایتمکدن عبارتدی .

بناءً علیه اصل مسئله — فرانسه‌ده اونجی (شارل) زماننده اولدیغنی کبی — مشرو - طیت اداره ایله اصول مشورت آره‌سندده اختلاف شکلنده اوله‌رق صورت واضحده موضوع بحث اولیوردی . صوک سوزک ، عمومیتله ، قرال و مجلس مبعوثاندن هانکیسنه عائد بولدیغنی تدقیق ایدیلوردی . حتی ایکی طرف مسئله‌نک نه‌صورتله موضوع بحث اوله‌جغنی

شیدن اول ، اصلاحاته مبدأ اولمق اوزره ، کانه ترقیاته خصم اولان مجلس اعیانک اساسلی صورتده اصلاحتی « طلب ایتمکده ایدی . - (پروسیه) نك آلمانیادهکی سیاستی مسئلهسینه فرقه ، « حکومت مرکزیه پروسیه نك النده بولمق اوزره آلمانیا نك قوی بر صورتده اتحادینی » و « بتون آلمانیا به شامل اولمق شرطیله نیابت مدیه اصولنك احدائی » یعنی ۱۸۴۹ پروگرامنه عودت اولمسنی ایستیوردی . - فرقه ترقیورون عین زمانده مأمورینه ، زادکانه ، هیئت رهبانه مخالفت ایستیوردی .

« دره بک فرقه سی » طرفدن جواباً نشر ایدیلن بیاننامهده ترقیورونک کافه مطا - لباتی رد و جرح اولنیوردی . - اولنکی مجلس مبعوثاندن چقان احرار ایسه طریق اصلاحاتده عجله ایدلمه مسنی توصیه ایله اکتفا ایتمکده ایدی .

۱۸۶۱ ده انتخاب اولنان مجلس مبعوثانده فرقه ترقیورون اکثریتی احرارز ایتدی ؛ بیوک شهرلر ایله (رن) ، (سیلزی) و (صاقسونیا) کی صنایعک ترقی ایتدیکی ولایات مبعوثلری بوفرقیه منسوب ایدیلر . - قدیم فرقه احرار اقلیتده قالدی . - بونلرک ایکسی اورتیه سنده بولنان مرکز یسار ، حکومت ایله ظهور ایدن اختلافانده ، فرقه ترقیوروانه تابع اولدی .

مجلس مبعوثان وکلایه قارشى دها قطعی برمسلك اتخاذ ایتدی ؛ موقت صورتده تخصیصات اعطاسندن امتناع و بودجه نك ماده لری دها مفصل و اصول نظامنه موافق طرزده ترتیبی ، بودجهده محرز مبالغك ماموضع لهك غیریه صرف ایدلمه مسنی طلب ایددی . هیئت وکلا استعفاسنی ویردی ؛ قرال مجلسك طاغیدلمسنی ترجیح ایدرک (هوهنلوه Hohelohe) نك تحت ریاستنده مجادله به مهیا بر هیئت وکلا تشکیل ایتدی [مارت ۱۸۶۲] .

مقرر اساسیه اضمیناتنی [۱۸۶۲ - ۶۶] . - ملنك تمثالی اولان مجلس مبعوثان ایله وکلا و مجلس اعیانك مظاهرته نائل اولان قرال آره سنده اختلاف ظهور ایتمشدی . بواختلاف ، هر شیدن اول ، شو مسئله به متعلق ایدی : منتخبلر یکر می سنه دن بری تطبیق ایدیلن ومدافعه مملکت ایچون کافی کورینن ایکی سنه لك خدمت عسکریه نك محامه فظه سنی ایستیورلردی ؛ تکالیف عسکریه بی دها آغیر برحاله کتیرمک ایچون ویرکولرک تزبید ایدلمسی هیچ خوشلرینه کتیموردی . بوباده کی آرزولری او قدر قطعی ایدی که قراله بیله مقاومت ایتدیلر ؛ نه مجلس مبعوثانک طاغیدلمسی ، نده قرال طرفدن بیاننا - مه ل نشری بوباده کی فکرلرندن واز کچیرته مدی ؛ ایکی دفعه ، یعنی ۱۸۶۲ و ۱۸۶۳ انتخابلرنده فرقه ترقیوروانه منسوب مبعوثلری تکرار انتخاب ایتدیلر . - قرال اردونک

مبعوثان ده تخصیصات منضمه بی « موقتاً » تعیرینی استعمال ایتک شرطیه قبول ایلمکده دوام ایتدی .

(پروسیه) مجلس مبعوثانی غربی اوروپا حکومت مشروطه سنک شورای امتلری درجه سنده حقوق و صلاحیت مالک دکلدی . بر حرکت انقلابیه نتیجه سنده دیکر لرندن صکره احداث ایلمکله برابر مطلقیت اداره نك اعاده سی ایچون واقع اولان ارتجاعدن طولایی بر مجلس استشاری درجه سنه ایتمش ، وظیفه سی همان همان حکومتک قوانین و نظاماتی قید و تسجیلدن عبارت قالمشدی . قانون اساسی موجنبجه قانون و ویر کولری مذاکره خصوصنده کی صلاحیتی واسع ایکن تطبیق اتده بصلاحیت آنجق یکی قانون و ویر کولری رد ایده بیلیمک درجه سنه اینخندی ؛ کافی السابق حکم و نفوذ فوق العاده صاحبی اولان و کلا ایله مأمور لر اوزرنده فعلاً اجرای حکم ایده جک هیچ بر واسطه یه مالک دکلدی .

(ویلهم) مقام حکمداری به کچدیکی زمان قانون اساسی بی قبول ایتمش ؛ فقط بوقانونی ملت ایله حکمدار آر سنده عقد اولتمش بر مقاوله نامه دکل ، بلکه معاملات عمومی حکومتک اصول و صور اجرائیه سی کوستر بر نظامنامه کبی تلقی و تفسیر ایلیوردی . قرالک من طرف الله حقوق عالییه مظهر اولدیغنی و بو حقوقه استناداً حکومتی وبالخاصه سلامت عمومی بی تأمینه مقتضی شعبات اداره بی ، یعنی اردو ایله « دیپلوماسی » بی سوق و اداره ایتک وظیفه و صلاحیتله مکلف بولندیغنی ادعا ایلیوردی . بوفکر (آنکلتره) نک قدیم (توری) فرقه سنک نظریه سنه موافق ایدی ، یالکز (هوهنزولرن) خاندانی بوکا اردو باش قوماندانلغنک بالارث والاستحقاق قراله عائد بولندیغنی علاوه ایتمشدی .

مع مافیه (ویلهم) ک مسلکی احراری تأمینه کافی کلمشدی ؛ چونکه (ویلهم) برادری دردنجی (فره دریق و ویلهم) ک محیطنی تشکیل ایدن دره بک فرقه سی موقع اقتداردن ایندیرمش ، و کلاسی قانون اساسی طرفدارانندن انتخاب ایلمشدی . ۱۸۵۰ ارتجاعی ختام بولمش ، قانون اساسی صورت قطعیده قبول ایدلمش ؛ (پروسیه) ایچون بر « دور جدید » باشلامشدی . ۱۸۵۸ انتخاباتنده قانون اساسی طرفداری احرار مجلس مبعوثانده بیوک براكثرت قزانیدیلر . بوا کثرت « دور جدید » و کلاسیله متفقاً حرکته چالیشدی ؛ هیئت و کلا دخی نکاح مدینک اختیاری اوله رق قبولنه دائر احرار طرفندن بک چوق زماندن بری طلب ایدیلن بر قانون لایحه سی مجلسه تودیع ایتدی [مجلس اعیان بوقانونی رد ایتمشدر] . مجلس مبعوثان تشکیلات عسکریه دن متولد اختلافی بر طرف ایتک ایچون طلب اولنان تخصیصاتی قبول ایتدی ؛ فقط ۱۸۶۱ ده ینه بو تخصیصاتی آنجق ۱۱ رأی

۴۰۰،۰۰۰ کشیک بر اردو تشکیل اتمک ایچون اوتوز ایکی یاشنه قدر (لاندوهر) سلاح آلتنه دعوت ایلمک ، یعنی عائله پدرلرینی طوبلامق لازم کلیوردی . حالبوکه (لاندوهر) ک قیمت حریه سی عسا کر نظامیه واحتیاطیه درجه سنده اولدینی کبی سلاح آلتنه دعوتی اهالی ایچون پک بیوک مشکلاتی موجب اولوردی .

(ویلهلم) ایکی نوع اصلاحات یاپدی : ۱ ، خدمت عسکریه نك اوج سنه اوله رق عمومه شامل اولدینی حقنده کی قانونه رعایت ایدرک اردوینی تنسیق ایتدی . مقداری آتمش اوج بیکه بالغ اولان افراد جدیده نك کافه سنی سلاح آلتنه دعوت ایدرک اوج سنه اردوده براقدی ، بو صورتله دائمی اردو ۳۰۰،۰۰۰ کشتی به چیقدی . ۲ ، احتیاط مدتی ایکی سنه دن دوت سنه یه ابلاغ و بوکا مقابل (لاندوهر) مدتی تنقیص اولندی ، بو صنف عسکر لکدن اولکی کبی ۴۰ یاشنده دکل ، ۳۲ یاشنده چیقیه جقدی . - اوج سنه نظامیه و دوت سنه احتیاط صنفنده بولان و ۲۰ الی ۲۷ یاشنده کنجلردن مرکب اولان افراد ، (لاندوهر) ی سلاح آلتنه دعوته حاجت قالمه دن ۴۰۰،۰۰۰ کشینک حال سفر بری به وضعی ایچون کفایت ایدیوردی ؛ بو ایسه اردونک هم دها کبیج ، هم دها معلم اولسنی تأمین ایلمکده ایدی . فقط بو اصلاحات ایچون یکی قادرولر احداث و مصارف عسکریه یی تزید اتمک لازم کلیوردی .

(ویلهلم) ۱۸۵۹ سنه سنده (ایٹالیا) محاربه سی اٹاسنده (پروسیه) اردوسنک حال سفر بری به وضعندن استفاده ایتدی ؛ اوصره ده سلاح آلتنه دعوت ایدیلن (لاندوهر) طابورلرنده کی افرادی ترخیص و قادرولری محافظه ایلدی . فقط شورای امت بو قادرولره لازم اولان پارهنک یالکز برسنه لکنی قبول و تصدیق ایتشدی . (ویلهلم) تنسیقات عسکریه قانونیه مصارف زائده یه قارشیلق اولمق اوزره املاک ویرکوسنک تزیدینی متضمن برقانونی مجلسه تکلیف ایتدی . تنسیقات عسکریه ، خدمت عسکریه نك ایکی سنه اولسی اصولی محافظه اتمک ایستین مجلس مبعوثانک خوشنه کیتمدی ؛ مجلس اعیان ایسه املاک ویرکوسنک تزیدی تکلیفندن ممنون اولدی . حکومت بر صورت تسویه بولمقله اکتفا ایلدی ؛ (لانتاغ) حال سفر بری به وقوه عسکریه نك تزیدینه مخصوص اولان تدابیر مقتضیه یی « موقتاً » محافظه واکمال ایچون برسنه نك تخصیصات منضمه یی [۹ ملیون تالهر] تجدید ایلدی .

مجلس مبعوثانک « موقتاً » تعبیرله ویردیکی قراره رغماً حکومت کویا تنسیقات و تشکیلات جدیده عسکریه قطعی و دائمی ایش کبی حرکت ایتدی ؛ موقت طابورلری منتظم و دائمی آایلره تحویل و هر برینه بر نومرو و سنجاق اعطا ایلدی . مجلس

اون بشنجی باب

آلمان اتحادینک تشکلی

(پروسیه) ایله (اوستریا) آرهسنده کی رقابتدن طولایی هیئت متفقہ حالده قالان آلمانیا (پروسیه) نك مظفربیلہ برملت حالنه کچمشدر . یکی آلمانیا ایمپراطورلغنک تأسسی برچوق مجاهدات و تحولانک تیجہ سیدر . فقط آلمان اتحادینک دورہ تشکلیہ سنده [۱۸۵۹-۷۱] پروسیہ تاریخی آلمانیا حکومت سائرہ سنک تاریخنه او درجه مربوطدرکه کافہ سنی بردن تدقیق ایتمک مرجحدر .

پروسیہ اردونک اصلومی [۱۸۵۹ - ۶۲] . — ۱۸۵۸ دن بری نائب حکومت اولان (پروسیه) ولی عہدی پرنس (ویلهلم) نہایت آلتمش اوچ یاشنده ایکن (برنجی ویلهلم) عنوانیہ قرال اولدی [کانون ثانی ۱۸۶۱] . پروسیہ فرقه عسکر یہ سی رئیس صفتیہ (پروسیه) و (آلمانیا) احراری آرهسنده بک فنا شہرتی واردی ؛ مدت عمرندہ دائمًا اردوایله مشغول اولمشدی . مقام حکمداری یه کچر کچمز (پروسیه) اصول عسکر یسینی اصلاحہ تشبث ابتدی .

۱۸۱۴ قانونی اردودہ اوچ سنک خدمت عسکر یہ نك عمومہ شامل اولدینی اساسنی وضع ایتمشدی ؛ فقط (پروسیه) نك نفوسی نصفدن زیادہ آرتدینی حالده [۱۲ ملیوندن ۱۸ ملیونہ چیقمشدی] اردو قادرولری همان هیچ دیکشمہ شمدی ؛ تقریباً ۴۰,۰۰۰ افراد جدیدہ برینہ شمدی سنوی ۶۳,۰۰۰ نفر اردویہ داخل اولیور و ۱۳۰,۰۰۰ کشیدن مرکب اولان دائمی اردونک قادرولری بو قدر افرادہ کافی کلیوردی . بناء علیہ اسنان عسکر یہ داخل اولان کنجملک برقسیمی عسکرہ آلیور و آنجق ایکی سنہ سلاح آلتندہ طوتیلیوردی ؛ یعنی عسکر لکک عمومہ شامل اولسی ومدت خدمتک اوچ سنندن عبارت بولنمی اصولی فعلاً ترک ایدلمشدی . احتیاط مدتی آنجق ایکی سنہ اولدینی ایچون افراد احتیاطیہ حضری اردونک حال سفر بری یه وضعنہ کفایت ایتمور ؛

تعريف مؤلفات

بو دوره مخصوص باشليجه و نائق رسميه ۱۸۴۸ مجالس عموميه سنك مذاكرات ضبطنامه لری اولوب كرك بونلر و كرك و نائق ساثره ايچون (دالمان و ويچ) قولكسيوننه مراجعت ايدليليدر . مخبرات و خاطرات مياننده اك شايان استفاده اولانلری (هازده نبرغ) ك ۱۸۷۷ ده طبع اولنان بش جلدك خاطراتی و دردنچی (فره دريق و يلهم) ك محبي (بوزن) ايله مخبراتيدر .

آثار تاريخيه نك اك مهمی (ترايچكه) نك ۱۸۴۸ سنه سنه قدر اولان وقايعی احتوا ايدن بش جلدك (آلمانیا تاريخی) دره مؤلف (پروسیه) خزینه اوراقنده کی و نائقه كوره حكومتك تاريخ خفيسنی نقل ايدر، صوك درجه (پروسیه) طرفدارى و اوچنچي (فره دريق و يلهم) ه غایت مبالدر . فرانزجه ده عوامه مخصوص اوله رق (وهرون Véron) ك (پروسیه تاريخی) شايان ذكر دره . ۱۸۰۷ دن ۱۸۱۴ سنه سنه قدر اصلاحات ايچون (اشتاین) ، (شارنورست) كبی اصلاحات طرفدارلرينك تراجم احوالنه مراجعت ايديله بيلير . ۴۸ انقلابی ايچون اك مهم اثر (راخفال Rachfahl) ك تاريخ انقلابيدر .

مؤسسات و موضوعات سياسيه نك تاريخی حقنده کی آثارك اك مكملی ده (فون رونه Von Ronne) نك درت جلدك (Staatsrecht der preussischen Monarchie) نامنده کی كتابيدر .

۱۸۶۷ دن اولكى اصول اداره يي تصوير ايتديكى ايچون اثرك ايلك طبعی ده معتبردر . حيات اجتماعيه و سياسيه ايچون (ق. هيلبراند K. Hillebrand) ك (La Prusse contemporaine et ses institutions) نامنده کی اثری شايان مطالعه دره . (وهبر Weber) ك (Der deutsche Zollverein) عنوانلی اثری كرك اتحادی ايچون معلومات مكمله يي حاويدر .

حدودی، (پروسیه) نك يالكز باشنه تأسيس ايتديكي كرك خطندن دهآ آز ایدی. كرك ائتلافنك فائدهسی او قدر آشكار ایدی كه - حكومتلك (پروسیه) به امنیتسزلكلرینه رغماً - مدتی مقتضی اولان معاهدات اون ایکی سنه ایچون [۱۸۵۳ تاریخنه قدر] تجدید ایدلی.

۱۸۵۰ ده، (پروسیه) نك آلمان اتحاد سیاسیسی وجوده كتیرمك خصـوصنده کی تشبثك عقیم قلمسی و دیپلوماتلرینك دوچار مغلوبیت اولملری اوزرینه، آلمان پرنسلیری دهآ یوكسك بر تعرفه اساسنه توفیقاً (اوستریا) ایله بر اتحاد تشكیل ایتك ایچون (زولفهراین) دن چیقمغه چایشدیلر؛ (پروسیه) كرك تعرفه سنی اصول حمایه به او درجه موافق بولمورلردی. (پروسیه) آوستریایی كرك اتحادینه قبول ایتك ایسته - میوردی؛ (زولفهراین) تعرفه سنی ایتكلتره ایله موجود اولان مناسبات تجاریه لری ایچون بك یوكسك بولدقلمری ایچون اتحاد خارجنده فالان شمال غربی حكومتنه مراجعت وكرك رسومی تنقیص ایدرك بونلرله عقد مقاوله ایتدی. قدیم (زولفهراین) منفسخ اولمشدی [۱۸۵۲]. فقط اتحاد اولجه داخل اولان حكومتلر (اوستریا) ایله بهوده یره مذاكره دن صكره ۱۸۵۳ تاریخنده اون ایکی سنه مدتله ینه داخل اتحاد اولدیلر. (زولفهراین) (دیت) مجلسنك تأسيس ایدمه دیكي اتحاد تجاری بی برچوق خصوصی وموقت مقاوله نامه لرله همان همان وجوده كتیرمشدی. بتون آلمان حكومتلری (پروسیه) نك اداره سنده و (اوستریا) خارج اولمق اوزره بر هیأت تشكیل ایدیورلردی.



حدودی ۱۱۰ میل طولنده ایدی. فقط (پروسیه) حکومت سائریه بر مثال اولوق اوزره، اسباب سیاسیهدن طولایی، بونی قبول ایتدی [*]. فی الحقیقه (هس دازمشتاد) ایله ۱۸۲۸ تاریخده عقد ایدیلن معاهده‌نامه آلمان حکومتیله بالآخره عقد اولنان کمرک مقاولاتنه نمونه اولدی. مقاوله‌نامه‌یی عقد ایدن حکومتک حق حاکمیتی اوقشامق ایچون مقاولاتنه مساوات طرفین اساسنه توفیقاً عقد ایدلمش بر کمرک اتحادی معاهده‌نامه‌سی سوسی ویرلدی. طرفین عاقیدن کمرک حاصلاتی تقسیم ایده‌جگار، هر بری کندی حدودینی کندی کمرک مأمورلریله محافظه ایده‌جک، هر بری دیگرینک کمرک اداره‌سینی نفتیش ایچون مأمور کوندره‌جکدی؛ معاهده‌نامه آنجق آلتی سنه ایچون عقد اولمشدی، آلتی سنه‌نک ختامنده طرفین سر بست قاله‌جقدی. فقط (پروسیه) کندی تعرفه‌سینی، توتون اوزرینه وضع ایدلمش اولان استهلاک ویرکوسی اصولنی، ممالک اجنبیه ایله منعقد تجارت معاهده‌نامه‌لرینی متفقنه قبول ایتدیریبور؛ حقیقت حالده کمرک اتحادینی یالکز او اداره ایدیوردی.

شمالی آلمانیایی نفوذی آلتنه آلان (پروسیه) نک کمرک اتحادینه مقابل بر جنوب کمرک اتحادی [باویرا ایله وورتمبرغ آره‌سنده]، برده وسطی آلمانیا تجارت اتحادی تشکل ایتدی [۱۸۲۸]. فقط جنوب و شمال اتحادلری - وسطده تشکل ایدن اتحاددن طولایی - بر بردن آیرلیق تهلیک‌سنه دوچار اولدقلرندن دشمن مشترکه، یعنی وسط اتحادینه فارشی برلشدیلر وایکی کوچک حکومتی بو اتحاددن آیره‌رق بر برلرینی آیران خطی قیردیلر. وسط اتحادی بوزولدی؛ (هس قاسل) پروسیه کمرک اتحادینی قبول ایتدی [۱۸۳۱]، بعده جنوب حکومتلری اتحادده داخل اولدیلر [۱۸۳۳ دن صکره]، صکره دیگرلری ده کیردیلر. ۱۸۳۶ سنه‌سنده آلمانیا‌نک اک بیوک قسمی، (پروسیه) ایله هر بر حکومت آره‌سنده عقد اولنان وموقت تجارت معاهده‌نامه‌لری شکلنی محافظه ایدن خصوصی مقاوله‌نامه‌لر ایله، (زولفه‌راین) داخل اولمشدی. یالکز (مکلمبورغ)، (هازه) سر بست شهرلری، شمال غربیده کائن (هانووره)، (برونسویک)، (اولدنبورغ) حکومتلری اتحادده کیرمه‌مشلر، کندی آره‌لرنده ده خفیف تعرفه‌لرله آریجه بر اتحاد تشکیل ایتمشلر ایدی. (زولفه‌راین) ۲۵ میلیون نفوسی جمع ایلمشدی؛

[*] زولفه‌راینک منشأ حقیقیسی پک چوق زمان، حتی آلمانیا‌ده دخی، مجهول قالمشدر؛ اوزمان اسملری معروف اولیان (ماسن) و (موج Motz) نامنده ایکی مأمور کمرک اتحادینک حقیق مؤسسلیری ایکن بونلرک اسملری ذکر ایدلمز، جنوبی آلمانیا اقتصادینو وازجه (بادلی) (نه‌نیوس) وبالخاصه بتون آلمانیا‌نک بر کمرک اتحادی تشکیل ایتسی ایچون نشر ایتدیکی آثار ایله شهرت بولان (وورتمبرغ) لی (لیست List) زولفه‌راین مؤسسلیری ظن اولنور ایدی.

مقصودیه هر شی ایچون معین بر رسم وضع اولنه جنی یرده اشیا و امتعه بی وزنه ، اولچوسنه، عددینه کوره رسمه تابع قیلمق اصولی احداث ایدلی؛ واقعا بر اصول پک فنا و بسیط ، فقط تطبیقی دها قولای ایدی . بو صورتله (پروسیه) ، حدودینک وضعیت مخصوصه سندن طولایی اوروپاده اک سربست بر سیاست تجاریه بی تعقیب ایدن بر مملکت اولدی؛ مکرکرده ممنوعیت اصولی جاری اولان بو زمانده هیچ بر دولت معظمه سربستیء مبادله اصولنه بو درجه یاقین بر مکرک رسمی تطبیق ایتمه مکه ایدی .

(پروسیه) ، مکرک خطنی تأسیس ایتدیکی صروده کندی ولایاتی آره سنده کیرمش اولان و (تورینگه Thuringe) پرنسلینه عائد بولسان اراضی بی دخی مملکتنه ادخال ایدی . بو پرنسله مکرک حاصلاتنک (پروسیه) ولایاتی آره سنده قالان مملکتنلرک نفوسی نسبتنده تقسیم ایدلسنی تکلیف ایدی؛ پرنسلا اولا (پروسیه) نک استبدادینه اعتراض ایتدیلر ، (دیت) مجلسنه مراجعت ایلدیلر ؛ صکره قبوله راضی اولدیلر . (شوارچورغ - زوندرسهاوزن Schwarzburg-Sondershausen) پرنسلیک ایله عقد اولنان [۱۸۱۹] ایلک معاهده نامه اراضیسی (پروسیه) ولایاتی آره سنده قالمش اولان حکومتلر ایله بالآخره عقد ایدیلن مکرک مقاوله نامه لرینه نمونه اتخاذ ایدلی . ولایات آره سنده بولنان اراضی دائما (پروسیه) مکرک اصولنه ، تعرفه لرینه و مأمورلرینه تابع اولوردی ؛ مقاوله نامه بی عقد ایدن حکومت ادارهیه اشتراک ایتمور ، فقط (پروسیه) مکرکلری حاصلاتنه ولایات آره سنده قالان اراضینک نفوسی نسبتنده اشتراک ایدیوردی ، که هر حالده استفادۀ مادیه بی موجب بر اصول ایدی .

(پروسیه) حکومتی وسط و جنوب حکومتلریله ده مکرک مسئله سنی مذاکرهیه چالیشدی؛ فقط پرنسلا پک چوق زمان (پروسیه) نک تکلیفی حقوق حکمرانلرینه مغایر کوردرک رد ایتدیلر؛ آریجه مکرک اتحادلری تشکیلی ایچون کندی آره لرنده عقد ائتلافی ترجیح ایلدیلر . ۱۸۲۰ دن ۱۸۲۸ سنه سنه قدر سکر سنه (تورینگه) حکومتلری ، (رن) ساحلنده کی حکومتلر ، جنوبده بولنان ایکی قراللق آره سنده مذاکره جریان ایدی . مکرکرده ممنوعیت اصولنی محافظه ایدن (اوستریا) حکومتی نه آلمان حکومتلرینک (اوستریا) ایله اتحادینی ، نه ده بونلرک (پروسیه) اتحادینه داخل اولمیرنی ایستیوردی . نهایت ، سنه لرجه انتریفه لردن صکره ، (پروسیه) حکومتی اک یاقین قومشولرینی اقتاع ایده مدیکندن ایکی پارچه یه آیریلان و آلمانینک طرف غریبسندده حال تجریدده قالان (هس دارمشتاد) ک اراضیسی ۱۵۰ میل مربعدن [*] عبارت اولدینی حالده

[*] آلمان میلی تقریباً ۷ کیلومترودر .

بابه مراجعت [. حال بوکه آلمان حکمدارلری وبالخاصه قرال عنوانی حائز اولانلری کندیلرینه مساوی اولان (پروسیه) قرالنک امری آلتنه کیرمک ایسته میورلر ، (فره - دریق ویلهلم) ی حکومت سائره ضررینه توسیع نمالک فکرنده بولمقله اترام ایدیورلر؛ رتبه وموقعجه مافوقلرنده بولنان ، نه کندیسی ایچون ونده آلمان اتحادی ایچون توسیع نمالک آرزوسنده بولنمان ایمراطوری التزام ایلمکی ده موافق کوریورلردی .

زولفرایین . — آلمان اتحادی ، پروسیه نیک « هکمونیا سی » [یعنی تفوقی] آلتنده اولارق ، نه وسائط عسکریه ، نده وسائط سیاسیله دکل ، تجارت ایله باشلادی . اتحادک ایلمک شکلی (پروسیه) طرفدن احداث واداره اولنان (زولفه راین) ، یعنی کمرک اتحادی اولدی . کمرک اتحادی کمال بطائنه وجوده کلدی [۱۸۱۸ ده باشلانیدی حالده آنجق ۱۸۵۳ ده کمال ایدیله بیلدی] ، اول امرده هر حکومت بوکا اعتراض ایتدی ایسه ده آلمان حکومتنک بو یوزدن منافع مادییه نائل اولدقلری کورلدکجه یواش یواش اعتراضلرک آرقه سی کسیلدی .

کمرک اتحادینک منشای (پروسیه) نیک ۱۸۱۵ دن صکره کی احوال اقتصادیه سنیک غایت فنا اولسیدر ، (پروسیه) بوسیدن طولانی کمرکلرجه اساسلی اصلاحات اجراسنه مجبور اولدی . (پروسیه) ولایاتی هیچ برزمان کمرک نقطه نظرندن اتحاد اتمه مشدی ه هربر ولایتک کندینه مخصوص کمرک اصولی موجود اولدیغندن (پروسیه) ده ۶۷ مختلف کمرک تعرفه سی تطبیق ایدیلیوردی . (پروسیه) اراضیسی ایکی قسمه آیرلمش وبوایکی قسم دخی آیرجه پارچهلره تقسیم ایدلمش وممالک سائره ایله قاریشمش اولدیغندن بتون مملکتته شامل برکمرک خطی تأسیس ایتک مشکلدی ، حدودک قاریشیق واوزون اولمی [۷۰۰ کیلومترویی متجاوز] قحاقیلغه میدان آچیلوردی .

مع مافیه کمرکلری تنسیقه مأمور اولان (ماسدن Maasson) اسمنده برذات براداره مرکزیه یه تابع وبتون حدوده شامل برکمرک خطی تأسیسنه ، بتون قراللق ایچون بر تعرفه تنظیمنه موفق اولدی [۱۸۱۸] . قحاقیلانی طوغریدن طوغرییه منبع ایده مدیکی ایچون غایت خفیف ادخالات رسمی وضع ایتک صورتیه قحاقیلری مایوس براقق جهتنی التزام ایتدی : محافظه ایدیلمیه جک درجه ده واسع اولان اشیا معمولیه یوزده اون ، تحت ترصدده طوتلمسی ده سهل اولان لیمانلردن ادخال ایدیلمن قهوه ، شکر ، چای کی محصولانه یوزده یکرمی کمرک رسمی قویدی . کمرک رسمنک تخمین وتعیین مقداری خصوصنده ارباب تجارت ایله اختلاف ظهور ایتدیکی تقدیرده اشیا وامتنه نیک کمرک اداره سی بولنمان مواقعدن کچیرلمک ایستیلیمسی طبیعی بولندیغندن بوکا مانع اولق

(ویلهلم) قاتون اساسی به یمین ایتدی [۱۸۵۸] و وکلایی اصلاحات طرفدارلری میانندن انتخاب ایلدی ، فقط بونکله تبدل ادارهیه انتظار ایدلمهه سی لازم کله جکنی رسماً اخطار ایتدی و : « وعد اولنان شی اجرا اولنه جق ، وعد اولنمیان شی منع ایدله جکدر » ایددی .

پروسینک آلمانیاده کی تسمائی . — بو دورده ، ۱۸۱۴ دن بری ، (پروسیه) آلمانیا نیک ممالک سائر مسنده کی حکم و نفوذینی توسیع و تزئیده چالشمشدی . (آوستریا) کبی (پروسیه) دخی هم اورویا دول معظمه سندن ، همده بر قسمن ولایاتسندن طولایی هیئت متفقہ اعضاسندن بری ایدی . فقط (آوستریا) اها لیسندن بر قسمن قلیلی [۳۶ میلیونده ۸ میلیون] آلمان ایدی و آلمان عنصریله مسکون مملکتلری آلمانیا به آنجق بر نقطه ده [جنوب شرقی حدودنده] متصل ایدی ؛ حال بوکه اها لیسنی همان صرف آلمان اولان (پروسیه) هیئت متفقہ داخنده طاغینق ولایاتدن متشکل ، یکر می سکز آلمان حکومتیه هم محدود ، آلمانیا نیک ممالک سائر مسندک حیات اقتصادی سینه قوی رابطه لرله مربوط ایدی . (آوستریا) دن زیاده آلمان اولان (پروسیه) بتون آلمانیا ک اداره سنی اله آله بیله جک بر موقعه ایدی . اوچ صورتله ، یعنی وسائط عسکریه ، سیاسی و تجاریه ایله بو مقصدک حصونه چالشمیدی .

(آلمانیا) نیک ای اردوسی ، (فرانسه) طرفندن تهید ایداییکی ظن اولنان غرب حدودینک نصفنک امر محافظه سی ، دره بکلک دورندن قلله قلعه لرده کی عساکر محافظه (پروسیه) نیک ایدی . (پروسیه) ۱۸۱۵ دن بری دیگر آلمان ممالکی عسکرینک ویا هیچ اولمازسه شمالی آلمانیا حکومتی اردولرینک قومانداسنی (دیت) مجلسسندن طلب ایدیوردی [آوستریا ده جنوبی آلمانیا اردولرینه قوماند ایده جکدی] . فقط فرانسیز استیلاسی قورقوسیه ، (پروسیه) نیک ال زیاده تهلکیه معروض بولنان حکومتلر اوزرنده موقت بر نفوذ قراندینی بحران سنلری [۱۸۳۰ ، ۱۸۴۰ ، ۱۸۴۸] مستثنا اولق اوزره اوقات سائرده حکومتلر (پروسیه) اداره عسکریه سنک . تأسسنه دائماً مانع اولمشلردر ؛ بنابرین آلمانیا نیک مشترک اردوسی طاغینق و حکومت مختلفیه تابع بر حالده قالدی .

اداره سیاسی به کنجه ، (پروسیه) قرالی ۱۸۴۸ سنه سنه قدر بونی (آوستریا) به پراقدی ، (فرانقفورت) شورای امتی انقلابیوردانک تاثیریله آلمانیا ایمپراطورلنی تاجنی (پروسیه) به تکلیف ایتدیکی زمان قرال (فردرریق ویلهلم) بویله بر تاجی آنجق « کندیسله هم مرتبه اولان پرنس لردن » آله بیله جکنی سویلیه رک رد ایتدی [اون ایکنجی

استرداد اولنیوردی. حکومته سوء قصد ایله اتهام اولنان حاکمیت عامه طرفدارلری اون سکر آی قدر بلاحکم حبسخانهده قالدیلر .

بو اصول اداره سرائیک ، بیوک اراضی اصحابنک، ضابطانک و (لوتریهن) مذهبنده کی پروتستانلرک اتفاقلری سایه سنده ممکن الاجرا اوله بیلیوردی . قرال و وکلاسی ایله سرائیک نیم رسمی جریده سی حاله کلن (صلیب غزته می) قرالک حقوق حکمرانیسی ، زادکانک نفوذینی و هیئت رهبانک تحکمی اعاده ایتمک لزومندن بحث ایدیورلردی .

قرال ، (سیلزی) دن کوندریلن بر هیئت مبعوثینی حضورینه قبول ایتمدیکی صرده اهالی بی « مقرر حکومت اولان بیوک شهرلر اهالیسی کی حرکت ایتمکدن طولانی » تعیب و بردها بو یولده حرکت ایدرلر ایسه نظرندن دوشه جکلرینی مقام تهدیده بیان ایتمدی ؛ « شهرلرده فنا بر طبیعت و اخلاق واردر . » دیدی . - ۱۸۵۳ سنه سنده (الینگ) شهرنده « اخلاق مزلق و دینمزلک تمایلاتنه قاپیله رق شایان نفرت بر دوره تاریخیه نك آمان ستمه سنی ترویج ایدن مأمورین بلدی بی » تقییح ایتمدی . (برلین) دارالفنونی مدیری (استال Sthal) بر نطق مشهورده : « علوم و فنونک آرتق تبدیل افکار ایتمسه احتیاج واردر . » دیدی و علوم و فنونک « احوال حاضره عالم و بالخاصه حکومت حاضره علیهنده بولمسی » شدتله رد و تعیب ایلدی .

زاده کان ، کندی امتیازلرینی الغا ایدن قانون اساسیده آرزو ایتمکلی تعدیلاتی اجرا ایتمدی ریلر . بر مالکانه نك قابل نقل و فراغ اولماسنه مساعده ایدن وصیت مشروطه [دیکرینه نقل اولنق اوزره بروسیه اولنان میراث] اصولی تکرار موقع تطبیقه قوندی [۱۸۵۲] ، اصحاب املاک کندی مالکانه لری داخلنده کی حقوق ضابطه سی اعاده ایلدی [۱۸۵۶] . قانون اساسیده محرر اولان ولایت ، قضا و ناحیه تشکیلاتی موقع اجرایه وضع ایلمدی کی تطبیقه ایستدار ایملن ۱۸۵۰ اداره ولایات قانونی ده ناخیر اولندی . ولایات مجالس عمومی سی ، قضا مجلسلری ، نواحینک زادکان طرفندن اداره سی اصولی ۱۸۴۸ دن اولکی حاله ارجاع ایلدی .

الحاصل (پروسیه) مشروطیت اداره برده سی آلتنده ، مأمورین ایله صاحب اراضی زادکان طرفندن اداره اولنیور و قرال ایله وکلاسنک حکومت شخصیه سنه تابع بولنیوردی . ذاتاً اوزمانده (فرانسه) دخی عین حاله ایلی .

بو اصول اداره دردنجی (فرهدریق ویلهلم) ک علت دماغیه سی آرتق امور حکومت ایله اشتغالنه مانع اوله جق درجهیه کلوده اولاقائم مقام » صفتیه [تشرین اول ۱۸۵۸] ، بعده « نیات » صورتیه برادرینه ترک حکومت ایتمدیکی زمانه قدر دوام ایلدی . پرنس

قانون اساسی موجب نه اهالی طرفدن منتخب مجلس اعیان ایسته میوردی . حکومت سائرمده اولدینی کبی زادکاندن مرکب بر مجلس تشکیلی آرزوسنده ایدی . مجلس مبعوثان مجلس اعیان تشکیلاتی امرنامه حکمداری ایله تعیین ایتمک حقی قراله براقدی [۱۸۵۳].

۱۸۵۴ تاریخلی نظامنامه ایله بعضری حق وراثته مالک اولمق اوزره ، بعضری قید حیات شرطیه تعیین اولنان زادکاندن مرکب بر مجلس اعیان تشکیل ایدلدی . اعیان بر وجه آتی اوج صنف میانندن انتخاب اولنیوردی : ۱ ، خاندان حکمداری به منسوب پرنسپر ؛ ۲ ، ۱۸۴۷ (لانتاغ) مجلسنده هیئت زادکانی تشکیل ایدن بیوک اصیلزاده لر ؛ ۳ ، قرال طرفدن یاکندی آرزوسنه کوره ، یاخود زادکان عائله لری ، املاک جسیمه صاحب لری ، دارالفنونلر و شهرلرک تکلیفی اوزرینه قید حیات شرطیه تعیین اولنان اعضا . - اعضانک عددی محدود دکلدی ، ۲۰۰ ایله ۴۰۰ آره سنده متحولدی ؛ فقط زادکان دائما اکثریتی قزانشلر و مجلس مبعوثانه قارشی قرالی مدافعه ایتمشدر .

قانون اساسی ، بالذات قانون اساسی احکامنه مغایر اوله رق یالکز بر اراده حکمداری ایله ، وقوعه کلن بودرجه عظیم بر تبدل اصولی دائره سنده تنظیم ایدلمش بر قانون ایله تصدیق اولمیدیندن (پروسیه) لی حقوق عمومی نظریوننک قسم اعظمی مجلس اعیانی مخالف مشروطیت عد ایتمکده درلر . بونکله برابر مجلس مبعوثانه معادل بر قوه تشرییه اوله رق قالدی . ۱۸۵۰ قانون اساسی سنده « پروسیه پارلمنتومی » ، یعنی مجلس مبعوثان و اعیانندن مرکب مجلس ملی سوزی یوقدر ؛ قرال مجلس ملی به (لانتاغ) نام قدیم تاریخینسک ویرلمنی تکلیف ایتدی ایسه ده مجلس مبعوثان بونی قبول ایتدی [۱۸۵۵] ؛ فقط قرال فرانسیزجه « مجلس » کله سنک آلمانجه ده مقابلی اولان (قاصر Kammer) نامنی ایسته مدیکندن هیئت وکلا (لانتاغ) کله سنی قبول ایتدی و بواسم مجلس ملی مقامنده استعمال ایدلدی .

قانون اساسینک سربست عد ایتدیکی مطبوعات حکومت طرفدن اقامه اولنان دعوالر ویا تعقیبات قانونیه تهدیدلری ایله تصدیق ایدلدی . مبعوثاننن بری اهالی بی کویلی زادکان علمیه تحریک ایتمک تهمتیه تعقیبات قانونیه به دوچار اولدی ؛ (جریده منتخبین Gazette des électeurs) نامنده کی غزته نسسخلری هفته ده اوج دفعه به قدر ضبط و مصادره اولندی .

سربستی اجتماعات سیاسییه قاعده سنه رعایت اولمندی ؛ حتی پروتستان مذهب اصلیندن آیرلمش اولانلرک اجتماعلری بیله منع ایدلدی . جمعیات سیاسییه طاغیدلمشدی ، اجتماع ایچون محل مخصوص تدارک ایدن مشروبات کئولیه باعبلرندن جزاء رخصتنامه لری

بعده یمین ایتمدی، فقط بوقانونی تعدیل و اصلاح ایلمش اولدینی ایچون تصدیق ایتمدیکنی مبین برنطق ایراد ایتمدکن صکره شوسوزلری سویلدی : « بنم ایچون اجرای حکومتنک ممکن اولسی شرط اصلیدر؛ چونکه (پروسیه) ذه قرالک اجرای حکومت ایتمسی لازمدر، بنده اجرای حکومت ایدیورم... زیرا اللهک امری بویله در. » ایشته بو صورتله حکمدارلنک برحق الهمی اولدینی وبتون حقوق حکمرانینک قراله عاند بولدینی نظریه. سنه غودت ایلمش اولیوردی. مع مافیہ ۱۸۵۰ قانون اساسیمی حریت و مساواتی « پروسیه لیلرک حقوقه » علاوه ایتمکله رسماً، حاکمیت علمه قاعده سنه موافق بر اداره احرارانه تأسیس ایدیور، (پروسیه) بی عصر حاصرک حیات سیاسی سنه ادخال ایلیوردی.

ارجماع [۱۸۵۰ — ۵۹]. — ۱۸۴۸ انقلابی علیهنده کی ارتجاع، (پروسیه) ده اداره مطلقه تک اعاده سنی انتاج ایتمدی. (فره دریق ویلهلم) اوستریا حکومتنک و (ناپولئون) ک اثرینه اقتفاء مشروطیت اداره بی قالدیرمق ایسته مدی. یالکز قانون اساسی بی برات حالته کتیرمک و انتخاباتی مجالس عمومی و ولایاته اجرا ایستیرمک ایچون تنظیم اولنان بر پلانک کنیدسنه تقدیم اولنسنه مساعده ایتمدی [۱۸۵۲]؛ فقط یمینی بوزمغه جسارت ایده میهرک قانون اساسی بی محافظه ایلدی.

من القدییم مطلقیت اداره یه آلیشمش اولان (پروسیه) حکومتنک طرز اداره سی ایله ۱۸۵۰ قانون اساسیمی آرهنده کی ضدیت اوچنجی (ناپولئون) ک تدابیرینه مشابه وسائط ایله ازاله ایلدی [آلتنجی بابہ مراجعت].

مجلس مبعوثان وکلای ملتنن مرکبیدی، فقط حکومته تابمدی؛ قوه اجرائیه، فرانسه ده اولدینی کبی، دوائر انتخابیه بی ایستدیکی وجهه ترتیب و تبدیل ایدیور؛ قراله خوش کورینن نامزدلری و اکثریا مامورینی منتخبلره توصیه ایلیور و دائماً هیئت وکلایه طرفدار برا کثرت عظیمه انتخاب ایستیریوردی. ۱۸۵۵ مجلس مبعوثاننده ۷۲ متصرف مبعوث بولدیغندن بو مجلسه « متصرفلر مجلسی » نامی ویرلدی.

حکومه بودرجه مطبع اولان مجلس مبعوثانه بیاه لزوم یوقدی. چونکه بودجه بی، مبالغ محرره بی صرف ایتمدکن صکره، مجلسه تودیع ایتمک عادت اولدی؛ مجلس مبعوثان بودجانک هیئت عمومی سی حقنده برقرار ویریور، مذاکره بیاه ایتمیور، تصدیق ایله اکتفا ایدیوردی.

ذاتاً مجلس مبعوثان قوه تشریحیه تک نصفی دیتمدی؛ مذاکراتی دائماً عقیم براقق ایچون مجلس اعیان کفایت ایبردی. قرال (بلجیقا) قانون اساسی سنه مشابه اولان

الاجرا اولدیغنه قرار ویرمسندن ، بعده (برلین) ده اداره عرفیهك قالدیرلمسی طاب ایتمسندن ایلری کلمدی . قرال ، مجلسك طاعمدلیغنی اعلان ایلدی [۲۷ نیشان] . حکومتده مطیع بر مجلس ملی تشکیل ایده بیلمک ایچون قانون قوتی حازر بر امرنامه ایله یکی بر انتخاب نظامنامهسی تنظیم ایلدی که حاکمیت عامه قاعدهسه اولکیسی درجه - سنده موافق دکلمدی :

۱ . — ایکی درجه اولان حق انتخابک برنجی درجهسی عمومی ایدی ، فقط هرکس ایچون مساوی دکلمدی . هر بر دائرة انتخابیهده [۷۵۰ الی ۱۵۰۰ نفوس] منتخب اولور اوج صنفه تقسیم ایلمشیلردی ؛ منتخبلرک طوغریدن طوغرییه حکومته ویردکلی ویرکولرک [تکالیف بلا واسطه] کافهسی جمع ایدیلمر ، بعده اوجه آیریلردی . ویرکو - لرینک یکوننه کوره هر بر صنف ویرکوسنک ثلثی نسبتنده ، مساوی مقدار منتخب ثانی انتخاب ایتمدیکندن اک زیاده ویرکو ویرنلرک تشکیل ایتمکلی برنجی صنف عددآ آز اولدقلری حالده دهآ آز ویرکو ویرن ویا هیچ ویرکو ویرمین کیمسهردن مرکب اوجنجی صنف منتخبلرندن زیاده منتخب ثانی چیقاریلردی . بو « اوج صنفلی اصول » موقتاً موقع تطیقه وضع ایلدیکی حالده آلآن (پروسیه) ده جاریدر .

۲ . — اعطای رأی معاملهسی تحریرآ دکل ، شفاهاً اجرا اولنه حق و بیانات شفاهیه ضبطامهیه کچیریله جکدی . انتخاب قانونی بو اصولی وضع ایچون « حر بر ملتہ قناعت وجدانیهسنی علناً بیان ایتمک جسارتی قدر هیچ بر شینک لازم اولدیغنی » سبب کوسترمشدی .

بو قانونه توفیقاً ارتجاع عمومی اثناسنده انتخاب اولنان ایکنجی مجلس مبعوثانده ۳۵۰ اعضادنن ایکی یوزی مأمور ایدی ؛ مجلس هیچ بر زمان حکومته مقاومت ایدهمیه جکدی . بنه علیه قانون اساسی بی قرالک خوشنه کیده جک تعدیلات ایله قبول ایلدی : اوج صنفلی انتخاب قانونی ، غزتهلرک تمغا رسمه و کفالته تابع اولسی ، عسکرلرک قانون اساسییه یمندن مستثنای اولمیری . — حتی موجود ویرکولرک بر قانون ایله تبدیل ایلمنجهیه قدر تحصیل وجباتنده دوام ایلمسنی متضمن ۱۰۹ نجی مادهنی عیناً قبول ایلدی که بو صورتله مجلس مبعوثانک صلاحیتی یکی ویرکولری مذاکرهیه منحصر قالیوردی . — مجلس اعیانک صورت تشکیل مسئلهسنده ائتلاف حاصل اولمادی ؛ مجلس مبعوثان بو مجلس ایچونده انتخاب اصولنک محافظهسنی ، قرال ایسه اعیانک کندی طرفدن تعیین ایلمسنی طلب ایدیوردی ؛ نهایت مسئلهنک ۱۸۵۲ سنهسنه تأخیرینه قرار ویرلدی .

قرال ، آنجق بوندن صکره ، قانون اساسی بی نشر ایلدی [۳۱ کانون ثانی ۱۸۵۱] :

کیردی، مجلسک اجتماع سالونئی اشغال ایلدی، عساکر ملیه نیک سلاحلرینی طوبالادی .
 (برلین) ده اداره عریفیه اعلان ویکرمی بی متجاوز اشخاصک اجتماعی منع ایلدی
 [۱۰-۱۲ تشرین تانی] . شورای امت اعتراض ایتدی، حتی اهلینک حکومت آرتق
 ویرکو ویرمه سنه قرار ویردی . فقط اردو ایله شورای امتک قوتلری پک نسبتزدی:
 شورای امت طاعیدلی .

قرال، (براندبورغ) شهرنده اصولاً مذاکره به صلاحیتدار اوله جق درجه ده
 مبعوث جمع ایدمه دیکندن شورای امتک طاعیدلیدیغنی اعلان ایتدی [۵ کانون اول] .
 عین زمانده حقوق حکمرانینه استناداً ملته کندی طرفندن احسان ایدلمش بر قانون اساسی
 اصدار و بو قانونک «قوة تشریعیه جه تعدیل اولنه بیله چکنی» بیان ایتدکن صکره مجلس
 ملی بی (برلین) ده عقد اجتماعه دعوت ایلدی . ۶ کانون اول تاریخی قانون اساسی،
 شورای امتک تنظیم ایتدیکی قانون اساسینک همان عینی ایدی، فقط آرده شو فرق
 وار ایدی که یکی قانون اساسی وکلای ملتک رأی آلتقمزین قرال طرفندن احسان
 ایدلمشدی، ۱۰۵ نجی ماده سی مجلس ملی اجتماع ایتدیکی زمانلر قانون قوتی جائز
 امرنامه لر تسطیری حقنی قراله ویریوردی . فرانسه قرالی اوننجی (شارل) ده برات
 مشروطیتده موجود بومالده بر ماده به استناداً ۱۸۳۰ ارتجاعنی ترتیب ایتمشدی . ۱۰۵ نجی
 ماده دن بالاستفاده مجلس مبعوثان و اعیان انتخاباتنه مخصوص بر انتخاب قانونی ایله
 «ژوری» اصولی، بعض امتیازات عدلیه نیک الغاسی، زادگان عائدتنک تضمینات مقابلنده
 فسخی کبی اصلاحات احرارانه به متعلق قوانین همان نشر ایلدی .

قرال، اردونک قوماندانی اولدیغنی ایچون، حقوق حکمرانینه استرداد ایتک
 ایستینجه همان موفق اولمشدی؛ فقط «ملتی طرفندن آرزو ایدیلن» مشروطیت
 اداره بی بستون قالدیرمه جسارت ایدمه میور؛ غایه خیاله مغایر اولان بتون موضوعات
 سیاسی انقلابیورانه بی، مدون قانون اساسی بی، نیابت ملیه حتی آرای عمومیه اصولی
 بالذات (پروسیه به) ده تطبیق ایتک ایتیوردی .

۱۸۵۰ قانون اساسی . — قانون اساسینک تدقیق و تعدیلی ایچون عقد
 اجتماعه دعوت ایدیلن مجلس مبعوثان و اعیان اکمال مذاکرانه وقت بوله مدی . ده ایلک
 اجتماعلرده قرال ایله اختلاف ظهور ایتدی؛ بو اختلاف اولاً آلمان اتحادی مسئله سندن،
 یعنی مجلس ملینک (فرانتفور) شورای امتی طرفندن تقدیم ایدیلن امپراطورلق
 تاجنی قبول ایتسنی (فره دریق ویلهلم) دن رجا ایلمسندن و مذکور شورای امتجه قبول
 اولنان [اون ایکنجی باب به مزاجت] آلمان قانون اساسینک (پروسیه) ایچون ده مرعی

(بلچیکا) ده اولدینی کبی (پروسیه) قانون اساسیسی دخی قراله قبول ایتدیرلش بر قانون اوله جقدی .

(فرانقفورت) ده کی آلمان شورای امتی کبی (پروسیه) شورای امتی دخی مقررات واقعه سنی حکومته اجرا ایتدیره بیه جک بر قوته مالک دکلدی . (برلین) ده صنف متوسط اهالیدن مرکب عسا کر ملیه نك تحت حمایه سنده اوله رق سر بستجه مذا کر اتده بولنیوردی [حتی عسا کر ملیه حزیرانك اوچنجی کونی حاکمیت عامه طرفدارلرینك عصیاننه قارشی مجلسی مدافعه ایتشدی] . فقط قرال ، موقعندن امین اولدقجه ، دره بک فرقه سنه دها زیاده تمایل ایدیوردی . (پروسیه) شهرلرنده عسا کر ملیه ایله - سیویللری کندی مادونلری عدایمکه آیشمش اولان - اصیلزاده ضابطان آره سنده منازعه اکیسک اولیوردی ؛ برچوق سیویلر تلف اولدیلر . (شوایدنیچ Schweidnitz) مسئله سندن - که اون درت کشینك تلفنه سبب اولمشدی - صکره شورای امت ، ضابطانه سیویلر ایله منازعه چیقارمقدن اجتناب ایلملرینك اخطاری ایچون بر امرنامه نشر ایتسنی قرال دن طلب ایتدی . قرال مجلسك بوقرارینی اردو اوزرنده کی حقوقنی مغل کوردیکندن حواب رد ویردی . شورای امت ۱۶۳ رایه قارشی ۲۱۹ رأی ایله قرار سابقنده اصرار ایلدی [۷ ایلول] . بونک اوزرینه مجلس ملی ایله حکمدار آره سنده کی مناسبات منقطع اولدی . قدیم فرقه مخالفه احرار ارکانندن اوله رق یکدیگری تعقیماً [مات و حزیرانده] ایکی هیئت وکلا تشکیل ایدن قرال مأموریندن مرکب یکی برهیتی مقام اقتداره کتیردی و انضامیروورانك قوه عسکریه ایله تأدیب و تنکیلی طرفداری اولان جنرال (ورانگال Wrangel) ی (براندبورغ) ولایتی قوماندانلغنه تعیین ایتدی . شورای امت بوتهدیده قارشی اکثریتی صول جناحه ویردی ، « قرالک لطف الهی ایله حکمدار اولدیفنه » دائر قدیماً موجود اولان تعبیراتی ردایلدی و آلمان حکومت متحده سنی (ویانه) ده تأسس ایدن حریتی مدافعه یه دعوته قرار ویردی [اون اوچنجی بابه مراجعت] . (برلین) اهالیسی انقلابی (فرانسه) بی تقلیداً وجوده کتیرمشدی ، قرال ارتجاع خصوصنده (اوستریا) بی نمونه امتثال اتخاذ ایتدی . (اوستریا) اردوسی (ویانه) انقلابی برطرف ایتدکن صکره (فرهدریق ویلهلم) ده پروسیه اردوسی (برلین) شورای امته قارشی استعماله قرار ویردی . عمجه سی (قونت دو براندبورغ Comte de Brandebourg) ک تحت ریاستنده ، احرار ایله مجادله یه حاضر برهیت وکلا تشکیل و شورای امتک (براندبورغ) نامنده کی کوچک شهره نقلی امر ایلدی . شورای امت بو امره اطاعت ایتدی ، (برلین) ده قالدی و اجتماعاته دوام ایتدی . بونک اوزرینه اردو (برلین)

بالخاصه حاکمیت عامه فکرینک اک زیاده تعمم ایتمدیکی غرب ولایاتی ایله بیوک شهر-
 رده اکثریتی احراز ایدن صوق جناح فرانسز جمهوریتپروراننه مشابه بفرقه مفرطه
 عوام اولدی . بفرقه (فرانسه) ده اولدینی کبی حاکمیت ملیه بی تاسیس اتمک ایستوردی ؛
 حق حاکمیتی اعلان ایتسنی ومارت ظرفنده عسکر ایله محاربه ایدنلرک وطنه خدمت
 ایتمش اولدقلرینه قرار ویرمسنی شورای امته تکلیف ایلدی . - مکاتبک ، سبجل نفوسک
 هیئت رهبان لندن آلمسنی واداره تک صورت جدیده اصلاح ایدلسنی طلب ایدیوردی . -
 (فرانقفورت) ش - برای امتنک صول جناحی ایله برلشهرک حکومات خصوصیهنک
 فوقنده بر « آلمانیا حکومت متحده سنک » تشکیلی ایستوردی .

انقلاب و آلمان اتحادی فرقه سنه مخالف اوله رق بر فرقه محافظه کار تشکل ایتدی ؛
 بالخاصه شرق ولایاتنده کی املاک جسمیه صاحبلرندن مرکب اولان بفرقه زادکان
 امتیازاتنک ، پروتستان هیئت روحانیه سی حقوقنک و (پروسیه) استقلالنک محافظه سنی
 طلب ایتمکده ایدی . بوکا « دره بک فرقه سی » ، یاخود تاسیس ایتدیکی غزتهنک نامنه
 نسبتله « صلیب غزته سی Kreuzzeitung فرقه سی » اسمی ویرلدی .

بوایکی مفرط فرقه آره سنده کی مرکز [صاغ وصول جناح آیرلمش اولدینی حالده]
 قرالاق وملت طرفداری بفرقه ائتلاف احرار تشکیل ایتدی ؛ بفرقه ده (پروسیه)
 ایچون برقانون اساسی احرارانه تنظیمی و آلمانیا تک اتحادینی آرزو ایدیور ، فقط
 قرالک حق حاکمیتی و (پروسیه) حکومتک استقلالنی محافظه اتمک ایستوردی .

مرکز ، شورای امته اکثریتی احراز ایتشدی ، صول جناح تکلیف لرینی رد
 ایتدیردی و برانجمن مخصوصه تنظیم ایتدیردیکی قانون اساسی لایحه سنی مذاکره
 باشلادی . بوقانون اساسی (رن) ولایتی احراری ایچون نمونه اتخاذ ایدیلن (بلچیکا)
 قانونندن استنساخ ایدلمش غایت احرارانه برقانون اساسی ایدی . (بلچیکا) ده اولدینی
 کبی مساوات حقوقی ، حریت شخصیه ، ملکیه ، مذهبی ، سربستی مطبوعات ،
 اجتماع وشرکتی تأمین ایدیور ؛ زادکان حقوق و امتیازاتنک بقیه سنی ، حق ضابطه
 وعدلیه بی ، عادتاتی لغا ایلوردی . حکومت (بلچیکا) طرزنده تشکیل ایدلمشدی ؛
 اهالیجه منتخب و بودجه ایله قوانینی مذاکره مأمور اولان ، قرال طرفندن اجتماعه
 دعوت اولنه ذق ط اغیدیله بیلن ایکی مجلس ؛ - قوه اجرائیه ربسی اولان قرالک قانون
 اساسی به یمن ایتسی ، هیئت وکلانک مسؤلیتی ؛ - استقلال محاکم ؛ - اداره عملیهنک
 اهالی طرفندن منتخب مجلسله تودیبی . فقط (بلچیکا) ده حق انتخاب حکومته آرزوق
 ویرکو ویرنلره حضر ایدلیدیکی حالده (پروسیه) ده آرای عمومیه قبول اولندی .

متوسط اهاالیدن مرکب عما کر ملیه (برلین) ایله حکومته صاحب اولدی . اهاالینک هیج سومدیکی پرنس (ویلهلم) برلیندن عزیمت ایتمی ایچون قرالدن امر آلدی وانکلتریه کیتدی . قرال ، قان دوکولمسندن قورقورق ، اهاالینک اردویه غلبه ایتمسه راضی اولمشدی ،

(فرهدریق ویلهلم) مسلك وافکار ذاتیه سنی بردن بره ترك ایتمدی ، حتی انقلابیروورانه تعیرات واصطلاحاتی قبول و بر حکمدار مشروط صفتیه حرکت ایلدی ؛ عین زمانده حرکات ملیه نك ده ریعی کبی طاورانوردی . ۲۱ مارتده « پروسیه قومنه و آلمان ملتنه » عنوانی بیاننامه سیله « مسؤلیت وکلا ، محاکمات علنیه ، امور جزائیه ده (ژوری) اصولی ، حقوق مدنیه و سیاسییه ده مساوات قاعده لری وضع ایلمک شرطیه مشروطیت حقیقیه » طرفداری اولدیفنی اعلان ایتمدی . بعده امپراطور لفاک علامت مخصوصه سی رنگنده [دارالفنون طلبه سنک سیاه - قیرمزی - صاری زنگی] البسه کیه رک آت اوزرنده برلین سوقاقلرینی طولاشدی ، اهالی یه نطقلر ایراد ایتمدی و او آقشام شوسوزلری سویلدی : « ملتیم بنی ترک ایتمه جک و آلمانیا بنمله اتحاد ایده جکدر ؛ بوندن صکره آلمانیا ، پروسیه بی بلع ایله جکدر . » قرال ، ناکهانی بر صورتده ، (فرانسه) نك مدون قانون اساسی ، رأی عام اصولینه انتخاب اولنور مجلس مبعوثان کبی مؤسسات و موضوعات انقلابیروورا - نه سنی قبول ایلدی ؛ بعده بونلری صوک دفعه اجتماع ایدن (لانئاغ) مجلسنه تصدیق ایتمدی [*] .

شورای امت . — ۴۰۲ اعضادن مرکب شورای امت ۵۰۰ کشی یه برمنتخب ثانی و بر قضایه بر مبعوث اصابت ایتمک اوزره ایکی درجه انتخاب اصولیه انتخاب ایلدی . [منتخب اول اولوق ایچون ۲۴ یاشنده بولمق و آلتی آی اقامت ایتمک کافی ایدی] . شورای امت بالخاصه ارباب حقوقدن ، معلملردن ، پروتستان رؤسای روحانیه سندن [اک مقتدر رجال آلمانیا شورای امتده اعضا ایدیلر] ، برخیلی ده کویلی و یا اصنافدن مرکب دی . بو مجلس هر شینه بالاستقلال قرار ویرمک ایچون دکل ، تنظیم اولنه جق قانون اساسی بی قرال ایله مذاکره ایتمک ایچون اجتماع ایتمدیکندن قرال ، ضابطان و مأمورین ایله صورت دائمده حال اختلافده بولندی . شورای امت یدی آی دوام ایلدی ، فقط بوقیصه دوره (پروسیه) نك حیات سیاسییه ایچون پک مهمدر . چونکه (پروسیه) فرق سیاسییه می بوزمانده تشکل ایتمدی .

[*] له انقلابیروورلرینک ۱۸۴۶ ده بر عصیان ترتیب ایتمک لری (پوزن) ولایتده بو دفعه ظهور ایدن عصیان حقیقی بر محاربه ایله باصدیرلدی [نیسان - مایس] .

اواخرانده اجتماعه دعوت ایتدی . « آلمان وطنک منافعه موافق تدابیر اتخاذنده معاونت ایتک ایچون » بومجلسی اجتماعه دعوت ایلدیکی بیان و « هیئت متفقهنک تجدد حقیقسنه » چالیشه جغنی وعدا ایلدی . مارتک ۱۸ نجی کونی (رن) ، (پروسیه) ، (سیلزیا) و لایاتندن کلن هیأت مبعوثینی قبول ایتدکن صکره « آلمان قانون اساسی ، مشترکنک حکمدارلر ایلمت اتحاد ایتدکجه تنظیم اولنهمیه جغنی » و « بتون آلمان مملکتلری ایچون قوانین اساسیه تشکیلاتنه احتیاج بولندیغنی » بیان و (لاساغ) مجلسنک ۲ نيسانده عقد اجتماعه دعوت اولدیغنی اعلان ایتدی ؛ قرال ، بوصورتله مسلك شخصیسنی فدا ایتمشدی .

بیاننامه مارتک ۱۸ نجی کونی صباحین نشر ایدلی ، کوندوز اهالی سرای پیشکاهنه کیده رک قرالی آلقیشلادی ، قرال بالقونه چیقهرق تشکر ایتدی . فقط اهالی طاغیله جغنی برده — عساکر خاصه ضابطک اخطارینه رغماً — سرای اوکنده قالدی . بونک اوزرینه اهالی ایله ، ذاتاً برقاچ کوندن بری بر ایکی مصادمهده بولنمش اولان عسکر آره سنده بردن بره محاربه باشلادی . ایلك اوکجه ایکی ال سلاح آتیلدی ، اهالی عسکرک اهانت ایتدیکنی سوبلیهرک قاچدی ؛ برچوق نمایشجیلر تلف اولدیلر ؛ سرای حکمداریده بولنان عسکر خارجه چقدی ، پیاده یالیم آتش ایتدی ، « دراغون » آلایي هجوم ایلدی . اهالی تفنک بوله بیلیمک ایچون سلاح ده پولرینی ، دکانلرینی یغما ایتدیلر ، عمله دیمیر چوقلر ایله سلاحلهرق کلدیلر ؛ سرای قربنده محاربه ایدلی ؛ (پارس) ده اولدیغنی کبی سواقلرده « باریقاد » لر پایدیلر . بوسواق محاربه سی غزته جیلر ، دارالفنون طلبه سی ، اجنبی انقلابپرورلری طرفندن اداره اولتیوردی . نصف الیلدن صکره یه قدر محاربه ایدلی .

اردو یواش یواش عصاتی رجعته مجبور ایتمش ، ایرتسی کونی تماماً ازمک ایچون حاضر لمتقده بولنمشدی ؛ قرال محاربه داخلیه احتمالی نظر دقته آلهرق بردن بره تبدیل فکر ایتدی . مارتک ۱۹ نجی کونی صباحین « سوکیلی برلین اهالیسنه ! » خطابیله باشلایان بیاننامه نشر اولندی . قرال بو بیاننامهده خسته بولنان قرالجه نامه اولهرق (برلین) اهالیسنه برطاقم مفسد لرك [انقلابپرورانک] سوزلرینه قایل ماملرینی توصیه وعسکری چککچکنی وعد ایدرک « باریقاد » لرك یقیلمسنی اخطار ایدیوردی . عاصیلر قرالک اول امرده عسکری چککسنی طلب ایتدیلر ، قرال طرفداری اولان صنف متوسط اهالینک توصیه سی اوزرینه قرال بوکاده راضی اولدی ؛ سواقلرده کی عسکری چککدردی ، صنف متوسطک سلاحلارنسنه مساعده ایتدی ، هیئت وکلایي دیکشیدردی . صنف

اجتماع ایتمسنى قبول ایتدی [۸ مارت ۱۸۴۸] . فقط قرالک بو موافقتی ، کجیکمش اولدینی جهته ، حرکات انقلابیه مانع اولهمدی .

۱۸۴۸ انقلابی . — (پروسیه) انقلابی (فرانسه) انقلابنک تقلیدیدر ، طبق اونک کچی پاختنده وقوعه کلن بر عصیان ایله باشلادی . (برلین) ده نه فرقه سیاسییه ، نه رؤسای معروفه ، نهده منتظم جمعیات خفیه واردی ؛ فقط کنجیلر ایله عملهدن مرکب اولان اهالی انقلابپرور ایدی ؛ بونلره بعض اجنیلر ، از جمله (لهلی) لر قاریشمش واحتمالکه ۱۸۴۷ حسادینک فالغی نتیجه سی اولهرق ولایادن کلن عمله و سائره ایله مقدراری آرتمشدی . ذاتاً حاکمیت عامه حسنک تولید ایلدیکی مبهم بر حدت ایله قرالک ، زادکانک ، ضابطانک علیهنده بولمان بو اهالی (پارس) ده وقوعه کلن انقلابی و آلمانیک اکثر حکوماتنده باشلایان تحریکاتی خبر آلدینی زمان بردن بره دوچار هیجان اولدی . نفس (پروسیه) ده ، (رن) ولایتی ایله (سیلزییا) نک صنعتکار شهرلرنده قراله عریضه تقدیمی ایچون اهالی بیوک اجتماعلر عقد ایدیورلردی . (برلین) ده غزتهلره آبوننه اولان قهوه خانه لرده وقتلی وقتسز اجتماعات وقوعه کلیوردی . بده « بارق » ده عقد ایدیلن بر اجتماعده (لانتاغ) مجلسنک اجتماعه دعوتی طلب ایچون بر عریضه تقدیمنه قرار ویرلدی [۷ مارت] .

بونک اوزرینه « مارت کونلری » نامیه معروف وقایع باشلادی . (برلین) ده ایکی فرقه ، یعنی انقلابیروان ایله ضابطان آره سنده شدتلی بر مبارزه باش کوستردی ؛ بویکی فرقه نک ایکسی ده قوه مادیه سنه کوه نیوردی . صنف متوسط اهالی ایشه قاریشمدی . ضابطان عوام ناسه نظر حقارتله باقیورلر ، بو قسمی محو ایده جکلرینی سویلیورلردی ؛ اهالی اتخاذا اولنان تداییر احتیاطیه عسکریه بی ، قرالک سراینده کی عسکری ، شهر مدخلنده کی طوپلری ، قره غوللری ، سواریلری کوره رک حدتلنور ، تلاش ایدیورلردی ؛ بر قاج یرده مصاده وقوعه کلدی ، بر قاج کشی مجروح اولدی . قرالک برادری ، ولی عهد [بالآخره برنجی ویلهلم نامیه امپراطور اولمشدر] فرقه عسکریه ومطلقیت اداره نک رئیس صفتیه بین الخلق فنا بر شهرت قزائمش اولدیغندن عوام ناس اک زیاده برنسک حرکاتنه حدتلنیوردی . (ویانه) انقلابی خبر آلدینی زمان اهالی ولی عهدک سرایی اوکنده نمایش یابدیلر [۱۵ مارت] ؛ عسکر اهالی اوزرینه هجوم ایتدی ، فقط هیچ کیمسه نک مجروح و یا تلف اولمامسی ایچون پک زیاده دقت ایدلدی .

قرال حرکات انقلابیه سرفرو ایتمکه باشلامشدی ؛ دیگر آلمان پرنسلی کچی انقلابپرورلری پک قوتلی ظن ایدیورلردی . ۱۴ مارته (لانتاغ) مجلسنی نینسان

اولسنه اصلاً تحمل ایده م . . . سز ، افدیلهر ، سز آلمانیاك صنوف قدیمه سی ، بتون معنای حقیقی و تاریخیسیله صنوف قدیمه سیسکیز ؛ یعنی هرشیدن اول تمثال اهالیسکیز ، کرک حقوق ذاتیه کزی و کرک منسوب اولدیغکیز صنفلرک حقوقنی ضامن و متکفلسکیز . . . بوندن بشقه مقام حکمدارینک سزه ویردیکی حقوقی استعمال ایده جکسکیز . وظیفه کز هرکسک افکار و آمانه ترجمان اولمق دکلدز . بو ، آلماناغه اصلاً یاقیشمدیفنی کبی هیئت عمومیه نک منفعتی نقطه نظرندن ده غیر قابل تطبیقدر ؛ چونکه قانون آلمی و مملکت موجبجه اکثریتک آرزوسنه کوره دکل ، بالذات اتخاذ ایده جکی قراره توفیقاً اجرای حکومت ایلمسی لازم کلن قرال ایله ناقابل حل و تسویه مشکلات ظهورنی انتساج ایدر . « بعدم انقلاب ایله دینسزک علیهنده کی مجاهداتنده کندیسنه معاونت ایملرینی « صنوف صادقه » دن طلب ایتدی و بردن بره یرندن قالفه رقی شو جهله مشهوره ایله سوزلرینه نهایت ویردی : « بن و بنم عالئم جناب حقه خدمت ایتمک ایسترز . اوت ! یالکیز اوکا . »

(فرهدریق ویلهلم) ایله (لانتاغ) آره سنده درحال اختلاف ظهور ایتدی ، فقط مجلس قرال حقه ده عایت احترامکارانه تعیرات استعمال ایلدی . (لانتاغ) قرالک نقطه جواباً بر عریضه تشکریه تقدیمه قرار ویردی ، فقط ۱۰۷ رأیه قارشى ۴۸۴ رأی ایله مجلس عمومیه عائد کافه حقوقی ، یعنی ۱۸۱۵ ده وعد ایدیلن نیابت ملیه اصولک موقع تطبیقه و وضعی طلب ایتدی . قرال (لانتاغ) مجلسنی صرف آرزوی ذاتیسی ایله اجتماعه دعوت ایتدیکنی ، پدرینک مواعدندن فضله شیر ویردیکنی ، چونکه کندی طرفندن ویریلن حقه و قک هیچ برینی پدرینک (لانتاغ) و ویرمهش اولدیغنی جواباً بیان و ۱۸۴۷ قانوننک « اساسنه اعتراض ممکن اولمه جغنی » اعلان ایلدی .

حکومت خطوط حدیدیه انشاسی ایچون عقد اولنه جق استقراضک قبولنی طلب ایتدی ، (لانتاغ) جواب رد ویردی . مجلس سربستی مطبوعاتک اعلان اولمسنی ، بودجه نک تحت تفتیشده بولندیلمسنی وبالخاصه (لانتاغ) ک ایام معینه ده اجتماع و بر مدت معینه نک مرورنده تجدید اولمسنک وعد ایدلمسنی طاب ایلدی ؛ قرال بونلرک هیچ برینه راضی اولدی . (لانتاغ) دخی حکومتدن هیچ برشی استحصال ویا حکومته هیچ برشی بخش ایتدن طاغیلدی .

قانون جزا لایحه سی حقه ده بیان فکر ایتمک ایچون (برلین) ده عقد اجتماعه دعوت ایدیلن [کانون ثانی ۱۸۴۸] انجمنلر هنوز مذاکراته دوام ایتدکاری صره ده قرال بین الحلق حاصل اولان هیجاندن تلاشه دوشه رک (لانتاغ) مجلسنک مقنن دوره لرده

لانٹاغ مجلسنك اجتماعى [۱۸۴۷] . — قرال بتون (پروسیه) قرالغنه مخصوص اولق اوزره صنوف موجوده اهالی مبعوثلرندن مرکب بر مجلس عمومى تشکیلى اولای امنیت ایتدیکی ذواته ، بعده [۱۸۴۵] بر انجمن مخصوصه تدقیق ایتدیرمشدی . بعده تنظیم اولنان لایحهی تعدیل ایتدی و مجلس وکلاده موقع مذاکره قویدی . مذاکرات و تدقیقات ۱۸۴۴ دن ۱۸۴۷ سنه سنه قدر دوام ایلدی . ونهایت ۳ شباط ۱۸۴۷ تاریخی برات نشر اولندی .

بو برات ، او قدر زماندن بری بکلینن قانون اساسی دکلدی ؛ قرال « قانون اساسی به مشابه اولسنی منع ایتک ، ایچون مذکور برانک یالکز باشنه وضع امضا ایتشدی . براته نظراً تشکیل ایدیلن (لانٹاغ Landtag) مجلسی ۱۸۱۵ سنه سنه وعد اولنان نیابت ملیه اصولنک موقع تطبیقه وضعی متضمن دکلدی ، (لانٹاغ) بتون مجالس ولایاتک (برلین) ده بر مجلس حالنده اجتماعدن عبارتدی . ملتک وکیللرندن دکل ، مجالس ولایاتک مبعوثلرندن مرکب دی ؛ بونلر امور مالییهی مجتمعا مذاکره ایده جکلری ، امور سائره ایچون بری پرنسلسر ایله بیوک زادکاندن [۸۰ کشیدن] و دیگرى صنوف ثلثه سائرهدن مرکب اولق اوزره ایکی قسمه آریله رق آری آری مذاکراتده بولنه جقلردی . — (لانٹاغ) ک صلاحیتی یکی ویرکولری تصدیق و حکومته استدعا ایتمکدن عبارتدی ؛ قرال آرزو ایتدیکی زمان قوانینی مجلسه کوندرمک حقنى محافظه ایتشدی . — (لانٹاغ) صورت قطعیه تشکل ایتمش بر مجلس دخی دکلدی ؛ قرال مجلسک اوقات معینهده اجتماعنی تمهد ایلمکدن استنکاف ایتشدی ؛ یالکز قوانین حقدده رأیلرینه مراجعت اولنق اوزره هر درت سنهده بر مجالس ولایات انجمنلرینی عقد اجتماعه دعوت ایلنه جکنی . و دیون عمومیه حساباتی تدقیق ایتک ایچونده هر سنهده هر ولایتدن سکز کشیلک بر هیئت مرخصیهی (برلین) ه جلب ایده جکنی وعد ایدیوردی .

برانک نشری اوزرینه هرکس آلداندیغنی کوردی ؛ بتون فرقلر هیچ اولمازسه (لانٹاغ) مجلسنک اوقات معینهده عقد اجتماعه دعوت اولنسنی طلب خصوصنده متحد ایدیلر . (لانٹاغ) ، ۱۱ نیشان ۱۸۴۷ تاریخده ، (برلین) ده کشاد ایدلیکی زمان قرال ، افکار ذاتیهسنی تبلیغ و افهام مقصدیله «دنیاده هیچ برقوتک حکمدار ایله ملت آرسنده کی مناسبات طبیعیهی بر مقاوله» ضمنیه به و مناسبات مشروطیه تحویل ایتدیردمیه . جکنی «بیان وشو صورتله سوزینه دوام ایتدی : «جناب حق ایله مملکتتمز آرسنه قانون اساسی نامی ویریلن برکاغد پارچه سنک ، ایکنجی بر مدرس و حامی کبی ، کیرمسته و جمله منزی احکامنه رعایته مجبور ایلمنسه ، صداقت قدیمه برینه بو قانونک قائم

عمومیته نك و نظریات سیاسیة حاضرته نك تمثالاری عد اولنه میه جقلرینی « اخطار ایتدی .
بعده قانون اساسی لایحه سنی حاضرلق اوزره بر انجمن تشکیل ایلدی .

(پروسیه) ده اهالی مدت مدیده انتظاردن اوصانیوردی . قرال ، « سانسور »
اصولنك تحقیقی امر ایتمش [کانون اول ۱۸۴۱] ، بعده کتب و تصاویرك قبل الطبع
تفتیش و معاینه ایدلمسی اصولنی بسبتون قالدیرمشدی [۱۸۴۲] . اداره حاضرده دن ممنون
اولیانلر بوندن بالاستفاده غزته لرده وبالخاصه (برلین) ، (قولونیا) شهرلرنده منتشر
جرأئده حکومت ایله اکندیله . ایشته اوضرده قرالی ، بر النده « امر » ، دیگر النده
« امر مخالف » ، آلتنده « عدم انتظام » گله لری محرر اولدینی حالدده تصویر ایدن مشهور
« قاریقاتور » انتشار ایتدی [حال جنتده وفات ایدن دردنجی (فرهدریق ویلهلم) ده
او زمان دماغی خملدار اولدینی سوزلری و اوضاع و اطواری ایله کوستیریوردی] . —
غزته جیلر ، علی العاده ، غیور ، حاکمیت عامه طرفداری ، زادکان و خرستیانلق عاداته
دشمن کنجلر ایدن [بر چونغی موسوی ایدی] . فرهدریق ویلهلم ، اعتقادات دینه سنی
جریحه دار ایدن ، سربستیء مطبوعاته چونق زمان تحمل ایده مدی ؛ (قونیغسبرغ)
شهری اهالیسندن (زاقوبی) اسمنده بر موسوی علیهنده تعقیبات قانونیه اجرا ایتدی
[مع مافیهمومی الیه برأنت ایتشدر] ، « نشریات مفسدتکارانه لرندن طولانی » ایکی غزته یی
تعطیل [۱۸۴۳] و بر « سانسور محکمه سی » تأسیس ایتدی . حتی (برلین) دارالفنوننی بر
معلمک درسنی منعه مجبور ایلدی و « بویله انقلابیورور معلمک طلبه نك افکار معصومه سنی
افساد » ایللمسنه مساعده ایتدیکندن طولانی دارالفنون علیهنه بر مکتوب یازدی و « آرتق
کندی فکرجه حرکت ایتک زمانی کلدی » دیدی . مذاهب ناظری ملیت طرفداری و یا
احرار اولدقلرندن شبهه ایدیلن معلملری عزل ایدیوردی ؛ ۱۸۴۷ سنه سنده (برلین)
دارالمعلمین ابتدائیی مدیری حکمای مشهوره دن (دیستر و غ Diesterweg) ی مأمور .
یتندن چیقاردی .

آلمان ادبسانک افکاری (فرهدریق ویلهلم) علیهنه دوندی . (هاینه) ، (هر و غ
Herweg) ، (فرای لیغرات Freiligrath) کی شاعرلر یا قراله تریض ایدیورلر ،
یاخود کندیسیله اکنیورلردی . قرال ، « آلمان شجره حیاتنی سوز ، یازی ، رسم ایله
باطله لایان » ، « صنوف موجوده اهالینک محافظه سنی دکل ، بلکه بتون صنفلرک قارمه .
قاریشیق ایدلمسنی » ایستین بو « جمعیت فسادیه » علیهنده بولنیوردی [بونزه نه یازدینی
مکتوبدن] .

[اوت !] ایله جواب ویریکز . « اهانیک شدتلی آقیشلری آرهمسندہ قرال تکرار سوزہ باشلایهرق : « بو؛ اوت، بزى یکدیگر مزه محبت و صداقت متقابله رابطه سیله باغلا یور . « دیدی .

(فرهدریق ویلهلم) ، - مسلك علمى وتاریخچیده رفقاسی اولان (نیور) ، (ساوینی) ، (رانکه) کبی - حاکمیت عامه اساسنه مستند اولان فرانمز انقلابندن ، حاکمیت ملیه دن « کاغد اوزرنده کی قوانین اساسیه » دن نفرت ایدیوردی . غایه خیالی ، « روماتیک » مسلکی اربانیک آرزوسی وجهه ، قرون وسطاده اولدینی کبی بر « جرمان حکومت خرسیتانیه سی » تأسیس ایتکدی : بو حکومتده قرال یالکز جناب حق حضورنده مسئولدر ؛ صنوف اجتماعیه تاریخیه منقسم تبعه سنک معاوتیله بر معتاد اجرای حکومت ایده جک ، هرکس طرفدن محبت و حرمته نائل اوله جق ، شفقت پدرانہ سنی عمومہ ابدال وتبعه سنی الهام ربانی ایله حسن اداره ایله جکدی .

صنف متوسط اهالی ایله بر قسم زادکان اداره مشروطه ایستورلردی . (روسیه) مجالس عمومیه ولایاتی ۱۸۴۰ تاریخنده « وکلای ملتن مرکب بر مجلس احداثی تبعه . سنه تأمین ایلمسی ایچون » قراله مراجعت ایتدیلر . (بلجیقا) حکومت مشروطه سنه قومشو اولان (رن) ولایتده بوکا مشابه بر طرز اداره تمنی ایدیوردی . (روسیه) قرالغنده نیابت ملیه اصولنک قبول ویا عدم قبولی مسئله سی مطبوعات، مجالس ولایات و حکومت ایچون باشلیجه مدار اشتغال اولدی .

قرال ، « مجالس عمومیه ولایاتک توسیع صلاحیتی » وعدی ایله ایشه باشلادی [۱۸۴۰] ؛ بو مجلسلرک ایکی سنه مدتله انتخاب اولنمنه ومذاکرات ضبطنامه لرینک نشر ایدلمنه مساعده ایتدی . بعده - خیلی زمان تأخراندن صکره - بر استقراض مسئله - سنی مذاکره ایچون بتون ولایات مجالس عمومیه سی طرفندن منتخب انجمنلری (برلین) ده عقد اجتماعه دعوت ایلمکه قرار ویردی . ۱۸۲۰ تاریخی نظامنامه ده آرتق دیون عمومیه نک تزید اولنیه جنی بیان ایدلدیکی صره ده یکی بر استقراضک آنجق ولایاتده تشکیل اولنه جق مجالس عمومیه نک تصدیقیله عقد ایلمسی اصول اتخاذ ایدلمشدی . خطوط جسیمه حدیده انشاسی ایچون پاره به احتیاج واردی . ۴۶ زادکان ، ۳۲ شهر اهالیسی و ۲۰ کویلی مرخصلرندن مرکب اولهرق (برلین) ده اجتماع ایدن انجمنار خطوط مذکورہ نک انشآتق تصویب ایتدیلر ، فقط مملکت نامنه عقد استقراض حقنی ادعا به جسارت ایده مدیلر ؛ قرال مرخصلری مملکتلرینه کوندردی و قبل العزیمه هر ولایت مرخصلرینک یالکز کندی ولایتلری مجلسنک حقوقه مالک اولوب یوقسه « افکار

قرال حدتلندی، ایکسینی ده حبس و حق (پوزن) سر بسقبوسنی عزل ایتدی
[۱۸۳۷ - ۳۹] .

درنجی فرهدریق ویلهلمک تشبثانی [۱۸۴۰ - ۴۷] . — ولی عهد، ۴۵ یاشنده اولدینی حالده درنجی (فرهدریق ویلهلم) نامیله، نهایت مقام حکمداری به کچدیکی زمان بتون آلمانیاده خطیب و حامی علمای اولوق اوزره شهرت قازانمشدی؛ خلقک افکار منوره قسمی کندیسندن بیوک اصلاحاته منتظر دی.

درنجی (فرهدریق ویلهلم) اولاق (قونیفسبرغ)، بعده (برلین) ده اجرا ایدیلن مطمئن رسم تتوجلر، بلیفانه نطقلر، خیرخواهانه بیاناملر ایله اجرای حکومته باشلادی. حکومین سیاسییه عفو ایتدی، (یان) ی پروسیه به دعوت، (آزند) ه معلمکنی اعاده ایلدی، مأموریتلره نامزد اولانلرک افکار سیاسییه حقنده تحقیقات اجراسنه مأمور اولان انجمنی طاغیتدی. محوس اولان رهبانی صالیوریرک مأموریت سابقه لینه اعاده ایتدی. فقط پک چوق سوز سویلیدیکی، هیجاندن خالی قالمدینی، صورت دائمده «پلان» لر، «پروژه لر» ترتیب ایتدیکی جهتله مقررات قطعیه اتخاذینه موفق اوله میوردی .

کندی غایه خیالی ایله تبعه سنک آرزوسی آره سنده متردد ایدی. غایه خیالی، مقام حکمداری به کچدیکی زمان ایراد ایلدیکی نطقلرده ایضاح ایتمشدی . (قونیفسبرغ) ده کی نطقنده «بر حاکم عادل، تبعه سنه صادق، وجدانی و مرحمتلی بر حکمدار، بر خرسیتیان قرالی» اوله جفته یمن ایتدکن صکره: «بزده عائله رئیس ایله افرادی، حکمدار ایله ملت آره سنده اتحاد واردر». سوزلرینی علاوه ایدیوردی . (برلین) ده شو سوزلری سویلیدی: «تاجک جناب حق وقادر مطلق حضرت تلرینک بر احسانی اولدینی و دوره حکومتک هر بر ساعتی لطف الهی به میون بولندیغمی بیلیم. استقبال ایچون تأمینات ایستین هر کسه بو سوزی سویلیم... چونکه رسم تتوج یمنلرندن ده قوتلی، پارشمن اوزرینه یازیلان تأمیناتدن ده صاغلامدر.» بعده قصر حکمداری قارشینسنده کی میدانده طوپلشمش اولان خلقه، طوغریدن طوغری به، خطاب ایدرک صورتدی: «پروسیه یی اون درت ملیون نفوسیه دول معظمه بریه صره سنه ادخال ایدن شان و شرف، صداقت، تحری حق و حقیقت کی خصائص ممدوحه در؛ مملکت مزنی سن کاله مخصوص بر عقل و حکمت، سن شباهه خاص بر شوق وقوت ایله طریق ترقیده متصل ایلری به طوغری سوق ایلین بو اوصاف کزیده یی ده پارلاق بر صورتده اظهار ایدرک بکا یاردیم ایتک ایسترمیسکر؟... ای کونلرده اولدینی کی فنا کونلرده ده بکا صادقانه معاونت ایلمک ایسترمیسکر؟ ایستورسه کز بکا لسان مادرزاد مزک اک کوزل، اک آچیق کله سیله، بر «یا!»

اخلالدين قورقديغنى بيان ايدرلر . حقيقت حالده ايسه ماتك ، مطالبات و تمنايتى افاده واسماع ايجون هيچ برقوتى ، واسطهسى يوقدى ؛ قرال ، اختيارلادجقه هر درلو تبدله دها زياده دشمن اوليور وامور جاريه يي رويتدن بشقه برشى دوشونموردى . دوره حكومتك صوك اون بش سنهسى ظرفنده [۱۸۲۵ - ۱۸۴۰] باشليجه وقايع داخله ۱۸۳۴ انقلابورلرينك تاديب و تنكيلى [۳۹ دارالفنون طلبهسى اعدامه محكوم اولهرق بعده عفو و قلعه بند ايدلير] ايله اختلافات مذهبه دن عبارتدر .

پروتستانلغك (لوتريين) مذهبي رؤساييله ظهور ايدن اختلاف ، حصول ائتلاف آرزوسندن ايلرى كلكشدر . قرال ، (كالوينيست) و (لوتريين) نامى ويريلن پروتستان مذهبلى آره سنده اتحاد حصوله كتيرمك ايستمش و بوفكرينى (كالوينيست) لره و (لوتريين) لرك قسم اعظمه قبول ايتدريمشدى [۱۸۱۷] . فقط ۱۸۳۰ تاريخندن صكره بمض رؤساي روحانيه ، بالخاصه (سيلزيا) ده كيلر ، اتحاد عليه پروتستو ايتديلر ؛ بونلر عزل وحتى حبس ايدلير [۱۸۳۲ - ۳۵] ونهايت آيرى بر كليسا تاسيس ايدلير [۱۸۴۱] .

قاتوليك كليساسيله ظهور ايدن اختلاف اهاليسى قاتوليك اولان (رن) و (وهستفاليا) ولايات جديده سنده وقوعه كلدى ؛ بو ولايتلرده پروتستان مامورلرك ايفاي وظيفه ايلميرينه مخالفت ايديليوردي . سجل نفوس اداره جديدهسى هنوز (پروسيه) ده قبول ايدلمش اولديغى ايجون تولدات ووفيات دفترلى هيئت رهبان طرفدن طوتيليور ، نكاح بونلر معرفتيله عقد ايديليوردي . نكاح مختلطده ، يعنى زوج و زوجنه عين مذهبده بولناملرى حالده قاتوليك نظامات مذهبهسى چوققلىرى قاتوليك اصولنجه تربيه ايدم . جكلرينى تعهد ايتمين زوج و زوجنه لرك نكاحلى اجرا اولنماسنى رهبان امر ايدنيوردى ؛ حال بوكه (پروسيه) قانونى موجبنجه اولاد مذهب پدره تابع ايدى . بو قانون احكامى (رن) ولايتنجهده تطبيق اولنديغى زمان [۱۸۲۵] بسقبوسلر (پاپا) نك رايى استمزاج ايتديلر ، پاپا ۱۸۳۰ تاريخنده نشر ايتدىكى بر امرنامه ايله بو بابدهكى احكام مذهبه يي محافظه ايتدى ؛ فقط بالاخره بسقبوسلرك بر صورت تسويه بولمق ايجون حكومت ايله مذاكره كيزيشميرينه مساعده وپردى [۱۸۳۴] . بو صورت تسويه موجبنجه راهب ، نكاح مختلطده على الاصول مراسم روحانيه يي اجرا ايتمه مكله برابر بلا اعتراض حاضر بولنجهقى ايدى [ذاتاً بو اصول پروسيه نك قديم (زوليه ر) ولايتنده جاري ايدى] . اول امرده بتون بسقبوسلرجه قبول ايديلن بو صورت تسويه بالاخره (قولونيا) سر بسقبوسى طرفندن دوچار اعتراض اولدى ؛ (پاپا) سر بسقبوسلرى التزام ايتديكندن

بولنه مازلردی ؛ مجلسلرک مطالباتی بر انجمن مخصوصدن کچر و قرال آنجق سکز ولایت مجلسنک مطالباتی حاوی اوراق ورود ایتدکن ، یعنی اکثریا بر سنه صکره جواب ویر ایدی .

قرالک « آلمانیاک تشکیلات قدیمه سنه موافق اولهرق » احداث ایدلدیکنی بیان ایلد- یکی بوجالس عمومیه صوف نلته قدیمه نک عاذتا یکیدن تأسیسی سایه سنده تشکیل اولنه بیلدی ؛ هر بر مجلسک مرکب اولدینی اوچ ویا درت صنف نه قانوناً ، نه ده احوال اجتماعیه نقطه نظرندن موجود دکلدی ؛ حتی غرب ولایاتنده زادکان صنفی تشکیل ایده بیلیمک ایچون صنف متوسط اهالییه منسوب املاک صاحبیرینک بو صنفه قبوللری لازم کلدی .

اوجینجی فرهدریور و بیلرلمک اراضر حکومتی . — ۱۸۱۵ دن ۱۸۲۵ سنه سنه قدر تأسیس ایدیلن اصول اداره ۱۸۴۸ انقلابنه قدر اساسلی برتبدله اوغرامه دن دوام ایتدی . (پروسیه) ، اوستریا کبی ، معاملات قرطاسیه ایله اداره اولنور بر حکومت مطلقه ایدی ؛ ولایات مجالسی زادکانک تحت حکمنده ایدی ؛ حیات سیاسیه آنجق عائله قرالی ایله مأمورین و ضابطانده کوریه بیلوردی . فقط هیئت اجتماعیه ، بالخاصه غربده ، — ممالک غربیه ده اولدینی کبی — حاکمیت عامه اصولنه موافقدی ؛ واقعا زادکان رتبه و مأموریتلری دها قولای استحصال ایدیورلردی ، فقط زادکان اولیانلر ایچونده بوبابده مشکلات یوقدی . بودور ، مأمورینک اک زیاده حکم و نفوذه مالک اولدقلری زماندر . داخلیه ناظرینک برسوزی بودورک ماهیتنی ارانه ایدر : ناظر ، (البیغ) شهری مجلسنک برطلبنه جواباً حکومتجه اتخاذ اولنان تدایبرک « تبعه نک محدود ذکالری » فوقنده اولدینی بیان ایتمشدی . فقط نفوذ فوق العاده یه مالک اولان مأمورین حکومت نظامات شدیدیه تابع اولدقلرندن وظیفه لری خارجه چیقامازلر ایدی . (پروسیه) مأمورلری منتظماً امتحان ایله تعیین اولنورلر ، کوچ ترقی ایدرلر ، چوق چالیسیرلردی ؛ استبداده قارشلی محافظه حقوق ایچون نظامات موجوده ایله تحت تأمینه آلدقلری جهتله حققرینی مدافعه ویا وظیفه لرینی ایفاخصوصنده بدرجه یه قدر استقلال حرکاته مالک ایدیلر ؛ بتون (آلمانیا) ده معلومات فروشلقلری ، فرط سعی وغیرتلیله شهرت قزانمشلردی .

حیات سیاسیه آنجق مأمورین اداره ده کوریلوردی . اوجینجی (فرهدریق ویلهلم) ک ۱۸۴۰ سنه سنده وفاتنه قدر (پروسیه) ده حیات سیاسیه مفقود ایدی . آلمان مورخلری بونک اسبابنی ایضاح ضدنده (پروسیه) ملتک ، فرانمز استیلاسنک فنا کونلرینی خاطره کتیره رک اختیار قرالی سودیکنی و اصلاحات ایستهمک صورتیه استراحتنی

ایکنجی بابہ مراجعت [. مطبوعاتك قبل الطبع تفتیش و معاینه سی اصولی (پروسیه) ده جاری ایدی ، فقط بو بابده اعتدال ایله حرکت ایدیوردی ؛ بودفعه تفتیش و معاینه دخی شدتلندی ، « سانسور » هئیقی (فیخته Fichte) نك « آلمان ملتته نظرک » نامنده کی اثرینك تکرار طبعی منع ایتدی .

(اسپانیا) و (ایتالیا) ده وقوعه کلن ۱۸۲۰ - ۲۱ انقلاببری اوزرینه قرال مشروطیت ادارهیه بستیون دشمن اولدی [*] . هارده نبرغک لایحه سنی ردایتدی [۱۸۲۱] و یالکز ولایات مجالسی تأسیسه قرار ویردی . ولی عهدك تحت ریاستنده تشکل ایدن بشنجی و صوکنجی « قانون انجمنی » نهایت « نیابت ملیه » حقنده کی لایحه یی تنظیم ایتدی و بو لایحه قرال طرفندن قانون حالنه افراغ ایدلدی [۱۸۲۳] . قرال ۱۸۱۵ ده کی وعده یی صورت قطعیه ده کری آلمدی ، فقط ویردیکی سوزده ده رعایت ایتدی . « نیابت ملیه » اصولی یرینه یالکز ولایات مجالس عمومیه سنك تشکیلنه مساعدده ایتدی .

ولی عهدك آرزوسنه کوره تشکیل ایدیلن بو مجالس ملی دکل ، صرف محلی ، ملتک مبعوثلرندن دکل ، جماعتلرک و کیلرندن مرکب ، مجلس مشورت دکل ، مجلس استشاری ایدی . هربری بر ولایتده اولوق اوزره سکنز مجلس تشکیل اولمشدی . بونلرک ماهیت خصوصیه لرینی کوسترمک ایچون سکنز مختلف ، فقط تقریباً بربرینه مشابه قانون تنظیم ایدلدی . هربر مجلس لاقول اوچ صنفه ، یعنی زادکان ، شهر اهالیسی و کویلیره آیرلمشدی ؛ درت ولایتده [صاقسونیا ، سیزلیا ، و استفالیسا ، رن] زادکان صنفی ده بیوک زادکان وشواله لر نامیله ایکیه تفریق اولمشدی . بیوک زادکان بالذات مجلسده حاضر بولنیورلر ؛ شواله لر ، شهر اهالیسی ایله کویلیر کی ، آلتی سنه ایچون منتخب مبعوثلر کوندریورلر دی ؛ شهر اهالیسنك و کویلیرک منتخبلری ویرکویله مکلف اولوق مشروطدی . بتون (پروسیه) قرال لغنده ولایات مجالس عمومیه سنی ۲۷۸ زادکاندن ، ۱۸۲ صنف متوسط اهالی و ۱۲۴ کویلی و کیلرندن مرکب دی . بر ولایتک اوچ صنفدن متشکل مجلس عمومیه یی بر مجلس حالنده اجتماع ایدرک خفياً مذاکره ایدیوردی . - ولایت مجلس عمومیه سنك صلاحیتی ولایت تعلق اولان قوانین حقنده بیان رأی ایتک و طرق و معابر ، معاونت عمومیه کی نواحیه متعلق اموری تسویه ایلمکدن عبارتدی ؛ ناظرلر ایله طوغریدن طوغری به تماسده

[*] پروسیه حکومتی داخلنده بومسئله دن طولایی ظهور ایدن اختلافات و منازعات ، بوکون معلوم اولدیغی جهته ، تفرعانه کیریشمیه جکز : (هارده نبرغ) بیوک بر تردد ایله تنظیم ایتدیکی قانون اساسی لایحه سنی قراله تقدیمدن اول احراره قارشى اداره مطلقه طرفدارلرینه التحاق ایتش (و هومبولد) ك عزله سبب اولمشدی .

بالاخره بتون (اوروپا) جه قبول اولنان بو اصول (پروسیه) نك اك شایان دقت اصلاحاتیدر . اردو داخل مملکتده حسیات ملیه نك انکشافی ایچون بر مکتب اولدی ؛ خارجاً ایسه ایکنجی درجهده بر حکومته بر دولت معظمه قوه عسکریه سنی وموقعی تأمین ایتدی .

ولایات مجلسنك تشکیلی [۱۸۱۵ - ۲۵] . — بوتنسقات انناسنده قرالک محبطنده شکل حکومت مسئله اساسیی اوزرینه اختلاف و مناقشه اکیک اولدی . (پروسیه) ۱۸۰۶ بجراننه قدر بر حکومت مطلقه ایدی ؛ حق حاکمیت ، حتی تنظیم قوانین ایله بودجده بیله ، یالکز حکمدارده ایدی . مجددلر اهالی طرفندن منتخب بر مجلسك تشکیلی قراله توصیه ایتشلردی . قرال ۱۸۱۰ سنه سنده « وکلای ملتدن مرکب بر مجلس تشکیلی » اساسنی قبول ایلمشدی . ۱۸۱۵ ده ، (واترلو) محاربه سندن اول ، مشهور ۲۸ مایس تاریخی امرنامه ایله « پروسیه ملتته مدون بر قانون اساسی ویرمک » صورتیه « نیابت ملیه » اصولنی قبول ایله جکفی وعد ایتدی . برنجی مادهده وکلای ملتدن مرکب بر مجلس تأسیس اوله جفی بیان ایدیلوردی . بو مجلس اعضای ولایات مجلسی طرفندن انتخاب اوله جفلردی . فقط محاربه نك ختامنده قرال بوقاعده اساسیه نك صورت تطبیقده تردد ایتدی . بربرنی متعاقب بش انجمن تشکیلی ایدی و قطعی بر قرار ویرمک ایچون تام سکرسنه [۱۸۱۵ - ۲۳] دوشوندی .

سرایده بولنان قوتلی بر فرقه هر نوغ قانون اساسی بی محصول انقلاب عد ایدیوردی . بالاخره دردنجی (فره دریق ویلهلم) نامیله قرال اولان ولی عهد ، (هالهر) ک مسلکته طرفدار اولدیغی ایچون [اون ایکنجی بابه مراجعت] ، حقوق قدیمه تاریخیه دن بشقه برشی قبول ایتیمور وهر درلو قوانین اساسیه مدونه دن قورقیوردی . — فرقه احرار ، ۱۸۱۵ سنه سنده صورت قطیعهده سوز ویرن قرالک تعهداتندن بحث ایدیور ، فقط « نیابت ملیه » اصوله ویریله جک شکل مسئله سنده بر قاچ قسمه آریلوردی . قرال ، ولایات معتبرانك مطالبات و تمیاتی تدقیق ایچون بر انجمن کونرددی . اوصرده قوانین اساسیه نك موجب اوله بیله جکی تهلکه حقنده (مترنیخ) دن مکتوبر آلورویوواش مشروطیت فرقه سندن اوزا قلاشیوردی . — دارالفنون طلبه سی آرمسنده کی تحریکاتدن قورقدی ، دارالفنونلر ایله مطوعاتك نظارت آلتنده بولندیرلملرنی امر ایتدی . بعده اداره مطلقه دشمنلری علهنده کی تدابیر تضییقه باشلادی : (یان) توقیف ، (آرند) عزل ایدلدی . ۱۸۲۳ ده تضییق و تأدیه تکرار کرمی ویرلدی : ۱۲۰ دارالفنون طلبه سی برقلعه یه حبس اوله رق حقلرنده بر حکم صادر اولنجایه قدر اوچ سنه بکلدیلر [اون

ایدلدی . ابون ، چو جقلرینی مکتب ابتدائی یه کوندرمکه مجبوردرلر ، مکتبلرک . مصارفی قیسماً ابون طرفندن ویریلیر ؛ مکتب ابتدائی طوغریدن طوغری یه (پروتستان) ویا . (قاتولیک) راهلرینه تابع اولوب تدریسات دینه مجبوریدر .

اردونک تنسیقی (پروسیه) تاریخنک ال قطعی اثر موفقیتدر . بحران انساننده موافقاً قبول ایدیلن اصوله عسکر طرفندن اعتراض اولتیوردی ؛ ضابطان خدمت عسکریه مدتی معلم عسکر پتشدیرمک ایچون غیرکافی بولدقلری کبی صنف متوسط اهالی عسکرلکی ایا عائله لره منسوب کنجلر ایچون پک آغیر کوریورلردی . - قرال خدمت عسکریه نك عمومه شامل اولسی قاعده سنی محافظه وبدل شخصی ویرمک اصولنی - (اوروبا) ممالک سائرهنسک کافه سنده قبول ایدیلن اولقله برابر - تکرار تأسیسدن امتناع ایتدی ؛ (برلین) مجلسی عسکرلکدن معفویتی استرحام ایتدیکی زمان مستدعیرک اسامیسنی نشر ایده جکنی مقام تهدیدده سویلدی . بناء علیه خدمت عسکریه نك عموم ایچون مجبوری اولسی اصولی باقی قالدی ، فقط تحصیل اعدادی شهادتنامه سنی حائز کنجلرک البسه وسائره مصرفنی کندیلری ویرمک شرطیه یالکز بر سنه عسکرک ایتلرینه مساعده اولندی . بونلره « برسنه لک کوللو » دنیلدی . دیگر اسنان عسکریه ایچون اوچ سنه لک خدمت عسکریه اصولی ابقا ایدلدی . او زمانلر پک قیصه عد ایدیلن بو مدت ، بتون کنجلرک - مصارفی پک چوق تزیید ایتمکسزین - اردودن کچملرینی تأمین ایچون قبول اولمشدی . دائمی اردو ۱۱۵,۰۰۰ کشی یه ایندیرلمشدی ؛ ترخیص ایدیلن عسکر ۲۵ باشنه قدر احتیاطده قالیوردی .

قرال (لاندوهر) اصولنی محافظه خصوصنده خیلی زمان تردد ایتدی ؛ بو اصولی محاربه ایچون غیر کافی ، عصیان وقوعنده تهلکلی عد ایدیوردی . وطنپنور احرار ، دائمی اردویرنه (لاندوهر) تشکیلاتنک قبولنی کمال شدتله توصیه ایتدکلری ایچون قرال بو عسکره امنیت ایده میوردی [اوروپاده پک چوق زمان صحیح عد ایدیلن بز ذهابه کوره (پروسیه) نك ۱۸۱۳ مظفریاتنه (لاندوهر) عسکری سبب کوسترلمشدی] . مع مافیہ قرال تعلیم مدتی تزیید ایتک و دائمی اردو ایله برلکده مانورلره دعوت ایلمک صورتیه (لاندوهر) ی محافظه یه قرار ویردی . ایشته بوسایه ده (پروسیه) ، فقیر بودجه سیله متناسب برکوچک دائمی اردوسی بولندیغنی حالده ، حال حربده الی سلاح طوتان اهالینک کافه سنی حاوی بیوک برقوته مالک اولمق طریقنی بولدی ؛ بوقوت بالطبع اوچ قسمدن مرکبدی : دائمی اردو ، احتیاط ، ایکی قسمه منقسم (لاندوهر) .

غرب ولایاتنده اصلاحات دها اول یابلمش ، کویلیبر صاحب اراضی اولمش ، کویلرده هیئت اجتماعیه زادکان ادارهسندن قور تولشدی [بالخاصه زن ولایتنده] .

قراللفک امور مالیهسنگک تنسیقاتی ۱۸۱۵ دن ۱۸۲۰ سنهسنه قدر دوام ایتدی . محاربه ، خیلی دیون غیرمنتظمه ایله سنوی ۱۰ ملیون (تالهر) تخمین ایدیلن بر آچیق بر ایشدی [*] . ۱۸۱۷ده عقد اولنان یوزده بش فاضلی استقراض تحویلاتی یوزی ۷۲ فی ایله موقع تداوله چیقاردی . قرال حکومتک اعتبار مالیهسنی بوزمامق ایچون دیونی خفیا تأدییه قرار ویردی ؛ دیون غیرمنتظمه ۱۸۰ ملیون (تالهر) تخمین ایدلدی وبونی اطفا ایچون برصورت تسویه بولندی . بعده قرال بوندن صکره « تشکیلی مقرر اولان مجلس عمومینک معاوتی وتأمیناتی اولدججه » یکی بر استقراض عقد ایتمهکی تعهد ایتدی . موازنهیی تأمین ایچون مصارف اودرجه جدی وصیقی بر تصرفه تابع طوتیلدی که بودجه تقریباً ۵۰ ملیون (تالهر)ه ایتدی ؛ قرال مصارف ذاتیهسنی پک زیاده تقصیر ایتدی . حکومتک آنجق الزم اولان ویرکولری طلب ایتدیکنه هر کسجه قناعت حاصل اولسی ایچون بودجهنک هر اوج سنهده بر نشر ایدیله جکنی اعلان ایلدی . فقط حقیقت حالده بودجه یالکمز ۱۸۲۹ سنهسنده ، اوده غیر صحیح ارقام ایله ، نشر ایدلدی . - معافیه یکی ویرکولر احداث ایتک لازم کلدی ؛ شهرلرده - (هولاندا) ده اولدینی کبی - استهلاک ویرکوسی [طحنیه وذبجیه] . ملکتنک اقسام مختلفه سنده صنفله منقسم بر تکلیف شخصی طرح اولندی [تکلیف شخصی ۱۸۵۱ ده ایراد ویرکوسنه تحویل ایدلشدر] . - گمرکک تنسیقی (زولفهراین Zölverein) دنیلن گمرک اتحادیه مبدأ اولدی [آشاغیده زولفهراین بحثه مراجعت] .

قوانین واصول محاکماتک تعدیل وتنسیق اولنه جنی اعلان ایدلدی ایسهده بوبابده کی تشبثدن بر نتیجه حاصل اولدی . تنسیقاتک آکمالنه انتظاراً (پروسیه) نک ۱۷۹۴ قانوننامه قدیمی ولایات جدیدده تطبیق ایدلدی . حتی حکومت ایکی دفعه ، ۱۸۱۸ و ۱۸۲۸ سنه - لرنده ، بوقانوننامهیی (رن) ولایتنده تشمیل ایدرک اوراده جاری اولان فرانسز « قوانین انقلابیورانهسنی » و « ژوری » اصولنی قالدیرمق ایتدی . فقط اهالی بونلرک محافظهسنی قرالدن استرحام ایتدیلر وموقتاً محافظهسنه ، خیلی مشکلات ایله ، موفق اولدیلر .

اون سکزنجی عصرده مجبوری اولدینی اعلان ایدیلن تحصیل ابتدائی ، تشکیلات قدیمهسنی محافظه ایتدی . ۱۸۱۷ ده اعلان و ۱۸۱۹ ده تهیه ایدیلن اصلاحات عقیم قالدی ؛ ۱۸۲۵ ده ۱۷۹۴ قانوننامهسنک ولایات جدیدیه تشمیلی ایله اکتفا

[*] پروسیه (تالهر) ی ۳,۷۵ فرانق ، یعنی اون آلتی بچق غروش قیمتنده در .

ایله زادگانک هر ایکسی نظامنامه نك تطیقفی طلب ایده بیلمک حقته مالکدیلر . حقیقت حالده بومعامله ۱۸۴۸ سنه سنده هنوز ختام بولامشدی .

دیگر کویلیرک کافه سی - اکثریت عظیمه سی - نظامنامه نك تطیقفی طلب ایتمک حقندن محروم ایدیله . حکومت بونلره حریت شخصیه لرینی ویرمشدی ، فقط هر برینی مستقل ، کوچک اراضی صاحبی ایتمک ایسته میوردی ؛ مالکانه لرینی زرع ایچون کندیلرینه احتیاجلری بولان بیوک اراضی صاحبی زادگانه تابع قالدیلر . بناء علیه شرق کویلیرینک قسم اعظمی یا کویلرده ، یاخود بیوک مالکانه لرده اقامت ایده رک رنجبر آ نغاریه لری مقابلنده صاحب مالکانه طرفندن کندیلرینه ترک ایدیلهن بر بارچه اراضی بی ابا عن جد زرع ایدن ، قسماً بو اراضینک محصولاتی ، قسماً صاحب مالکانه نك رنجبرلری صفتیه چالیشمسینه مقابل یا نقد و یا ذخیره اوله رق آلدقلری اجرت ایله سفیلانه یشایان مستأجرلردن عبارت قالدی . لکن اون سکزنجی عصرده (پروسیه) قراللری زادگانی کویلیره استیجار ایتمک لری اراضینک مقدارینی تزید ایتمه مکه مجبور ایلدیلر ؛ ۱۸۱۶ دن اعتباراً کویلیرک هایه سی اصولندن واز کچیدی . بیوک مالکانه صاحبلری کویلیره معاونت ، اقامتگاه لرینی تعمیر ، کندی اورمانلردن اودون کسملرینه و مرعازلنده حیوان رعی ایتملرینه مساعده ایتمک مجبور بئندن وارسته اولدیله ؛ و بالخاصه کویلیلره موقت صورتله و یا وعده ایله ترک ایدیلهن اراضی بی استرداد ایتمک حقنی احراز ایلدیلر . نتیجه ، بیوک مالکانه لری کوچک اراضی صاحبلرینک زیاننه تزید و مستأجرلرک قسم اعظمی یومیه ایله چالیشیر رنجبر حالته تحویل ایتمکدن عبارت اولدی . ۱۸۵۰ سنه سنده بر چیفت حیوانه مالک اولمیان مستأجرلرک حقوقنی تعیین و تنظیم ایچون بر قانون یاپیلدینی زمان بک آز مستأجر قالدی .

ایشته قدیم (پروسیه) قراللی داخلنده هیئت اجتماعیه بو صورتله زادگانه تابع قالمشدی . بیوک مالکانه صاحبی زادگان مالکانه لرینی بک چوق توسیع ایستیلر ؛ کویلیرک یالکز اقلیتی صاحب اراضی اولدی ، اونلرده اراضیلرینک بر قسمی غائب ایلدیلر ؛ دیگرلری بیوک زادگانک خدمت و تابعیتنده زراعت عمله سندن بشقه برشی دکلدیلر .

(پوزنانی) ده حکومت (له) زادگانی اولان بیوک اراضی اصحابنک منافعی محافظه یه اهمیت ویرمیدیکی ایچون ۱۸۱۹ ده کویلیلره استیجار ایدیلهن اراضی حقنده تحولات اجراسی منع ، ۱۸۲۳ ده کویلیلردن ده آز تضمینات طلب ایلدی و کویلیلرک صاحب اراضی اولملری معامله سی ده سرعتله اجرا اولندی . فقط بوراده دخی کوچک کویلیلر استئنا ایلدیلر .

برلكده چالیشهرق اتخاذ قرار ایدیوردی. بونك ایچون (پروسیه)، قرالك معیتی طرفندن اداره اونور بر حکومتدی .

اداره ملكیه نقطه نظرندن قراللق اون ولایته آرلدى، بعده سكز ولایته ایندیر- لدی؛ هر برینك رأس اداره سنه (اوبرپره زیدانت Oberpraesident) دنیلن بر نوع والی تعیین ایدلدى. - ولایتلر بر نوع سنجاق دیمك اولان ۲۵ (به زیركه Bezirke) به آرلدى، هر برسنجاقده (ره جیرونغ Regierung) نامیه بر - انجمن اداره تشکیک اولندی. - سنجاقلر قضالره تقسیم ایدلدى؛ قضالك عددی اوچ یوزی [۱۸۶۵ ده اوچ یوز اوتوز آلتی بی] متجاوزدی. هر قضا (لاندرات Landrath) دنیلن معاشلی بر مأمورك تحت اداره سنده ایدی؛ بو مأمور امتحان ایله تعیین اولور، فقط (قرایشتاغ Kreistag) نامیه یاداولان قضا مجلس عمومی طرفندن تنظیم ایدیلن جدول معتبرانده مقید اساسی آر سندن انتخاب ایدیلردی. ۱۸۶۵ دن بری وعد ایدیلن، فقط زادكان ایله مأمورین آر سنده ظهور ایدن اختلافدن طولای تأخیر اولان تشکیلات، قضالر مجلس عمومی سنه (لاندرات) موقعنه نامزد اولانلرک اسامیسی تبلیغدن بشقه بر صلاحیت حقیقه بر اقبهرق بونلری بر مجلس استشاری حالنه کتیر مکه منحصر قالدی [۱۸۲۵]؛ مجالس مذکورہ خواصه مخصوص، املاک صاحبی ۱۰,۰۰۰ اصیلزادهیه مقابل یالکز ۹۸۹ شهر مبعوثی ایله ۹۷۵ کویلی مبعوثدن مرکب ایدی. - نواحی تسیق ایدلدى؛ هر بر ولایت کندینه مخصوص طرز اداره بی محافظه ایتدی .

شرق ولایاتنده زادكان حقوق و امتیازاتنك کویلیلر طرفندن تضمینات مقابلنده اشتراسنه دائر اولان ۱۸۱۰ نظامنامه سی ۱۸۱۶ بیاننامه سیله - کویلیلره ده اغیر مساعد بر صورتده - تفسیر و تمذیل اولندی. کویلیلر ایکی صنفه آرلدى: زادكان حقوق و امتیازاتی تضمینات مقابلنده اشترایدنلر، اولکی حاللرنده قالانلر .

ایلك صنفه یالکز، اراضی بر چیفت صیغیر قوللانمغه کفایت ایده جك درجه ده اولان، وقت و حاللری ایی کویلیلر داخل اولدی [بوندن بشقه اراضیه من القدیم مالک بولملری و بونك «قاداسترو» قیودنجه ثابت اولسی لازمدی]. یالکز بونلر افندیلری بولان زادكانه ایفایه مجبور اولدقلری عادت ایله آنغاریلردن قورتمق حقنه مالکدیلر، فقط مناسب مقدار تضمینات اعطاسی صورتیه. اوزمانه قدر مستاجر صفتیه وغایت اغیر ویرکولر تادیه ایتمک شرطیه «صاحب» اولدقلری اراضینک یالکز بر پارچه منی محافظه ایدرک اوکا تملک ایتدیلر؛ فقط بوکامقابل متبایسنی، اگر اراضی کند- یلرینه ارثاً انتقال ایتمشه نلنی، ارثاً انتقال ایتمه مشه نصفنی، زادكانه بر اقدیلر. کویلیلر

اصلاحات فرقه‌سی واردی، فقط بوده بر قاج قسمه آیرلمشدی، چونکه بعضری [هومبولد Humboldt، شون Schon، وینکه Vincke] انکلزلرک «توری» اصولنده ویا اون سکزنجی (لوئی) طرزنده بر اداره مشروطه احرارانه؛ بعضری [اشتاین، نیور، غنازناو Gneisenau] حقوق تاریخیه اوزرینه مؤسس بر اصول اداره آرزو ایدیورلردی. آرتق اختیارلامش اولان (هارده نبرغ) بی قید و متردد بولنیوردی.

بو ذواتک نفوذینه تابع اولان قرال بعضاً بر فرقیه، بعضاً دیکرینه تمایل ایدیور؛ یکدیگرینی ناقض مقررات اتخاذ، یاخود فرق مختلفه آرهمنده بر صورت تسویه بولمغه غیرت ایلور ویا اکثریابر مسئله‌یی انجمنندن انجمنه کوندره رک هیچ بر شینه قرار ویره میوردی. بناءً علیه تنسیق معاملاتنی صوک درجه بطائنه اجرا ایدیله بیلدی؛ شهرلرک صورت اداره‌سی حقیقده کی نظامنامه ۱۸۳۱ و سربستی سعی عمل حقیقده کی نظامنامه ۱۸۴۵ سنه لرنده نشر اولندی؛ کویلیلرک زادگان الندن تخلیصی ایچون ویرلسی لازم کلن تضمینات قانونی ۱۸۵۰ ده هنوز اکمال ایدلمه مشدی؛ املاک ویرکوسنک تعدیلی حقیقده کی معاملات آنجق ۱۸۶۱ ده بر نتیجه منجر اوله بیلدی؛ ولایات سنجاقلرینک وکوی بلدیله لرینک اداره محلیه‌سی ۱۸۷۲ و ۱۸۹۱ سنه لرنده تنسیق ایدلدی؛ (لاندرهخت) دنیلن مجموعه قوانینک تعدیلنه مأمور اولان قومیسئون ۱۸۴۷ سنه سنده مذاکره یه باشلادینی خالده هیچ بر نتیجه الده ایدهمدی. - اصلاحاتک اک مهم قسمی ۱۸۱۵ و ۱۸۲۳ سنه لری آرهمنده اجرا اولندی؛ بو دورک تاریخنیک قاریشیق اولدیغندن بالکنز نتایج وقوعاتی ذکر ایله اکتفا ایده جکنز.

حکومت مطلقه طرفدارلرینک اصله‌های [۱۸۱۴ - ۲۳] . هر بری بر شعبه اداره‌نک رئیس اولان ناظرلردن مرکب اوله رق تشکل ایدن «هیئت وکلا» پروسیه ایچون یکی برشیدی؛ ناظرلر منافع عمومیه یه متعلق تدابیری مذاکره ایتمک و هر بری کندی اداره سندن حساب ویرمک ایچون اجتماع ایدرلردی. خاندان حکمداری یه منسوب پرنس لردن، ناظرلردن، اکابر مأموریندن مرکب بر هیئت اولان «شورای دولت» دخی محافظه ایدلدی؛ ۱۸۱۷ نظامنامه سنه نظراً شورای دولت قانون لایحه لری و نظامات، وکلا آرهمنده کی اختلافات ایله قرالک تودیع ایده جکی کانه احوال حقیقده بیان رأی ایده جکدی. اول امرده شورای دولت مجلس عالی حکومت اوله جق کبی کوروندی، فقط ۱۸۱۷ دن صکره قرال شوزای دولتک رأینی صورمقدمه همان همان واز کچدی. ۱۸۲۲ ده (هارده نبرغ) ک وفاتندن صکره رئیس وکلا تعیین ایدلدی. قرال وکلایی، اکابر مأمورینی، ارکان معینی شایان اعتماد بولدینی کیمسه لردن بالذات انتخاب و بونلرله

اوزرنده حقوق ضابطهسی ، - خفیف جزا ترتیب ایده بیه جک صورتده - حقوق عدلیهسی اولدینی کبی کلیسا اوزرنده دخی حق حمایهسی واردی .

غرب حوالیسی بر مدت فرانسز ادارهسند بولندینی ایچون حاکمیت عامه اصولی بوراده بر درجهیه قدر جاری ایدی ؛ زادکانک امتیازات نظامیهسی الغا ایدلمش ؛ حتی (رن) ولایتنده همان هیج زادکان بیه قلامش ؛ نفوذ اجتماعی فرانسهده اولدینی کبی صنف متوسط اغناسنه ، اعمالآخانه صاحبلینه ، تاجرلره ، اصحاب اراضیه ، دعوی وکیلرینه کچمشدی . (فرانسه) نك بلدییه اصولی ده قبول ایدلمشدی : شهرلر ایله کویلر آرهسند اداره نقطه نظرندن فرق یوقدی ؛ تقریباً درت بیک بش یوزه بالغ اولان ناحیهر ، شرقده کیلر دها بیوک اولدقلرندن ، احتیاجات محلییه تامینه مقتدر اولیورلر ؛ هر بر ناحیهده حکومتجه معتبران آرهسندن تعیین اولنان بر بلدییه ریسی [بورکر مایستر Bürgermeister] بولیوردی . بوندن بشقه (رن) ولایتده « ناپولئون قانوننامهسی » احکامی جاری اولدینی کبی مواد جزائییه « ژوری » اصولی قبول ایدلمشدی .

اجزای ممالکی یکدیگرندن متفرق اولان بو قرالنگک مجموع نفوسی اون ایکی ملیوندن آز ، اراضیسی - غرب طرفی مستثنا اولوق اوزره - طبعاً فقیر ایدی . (پرو - سیه) بی دول معظمه صرهسنه ادخال ایتمک ایچون متمادی بر سعی و همت ایله جدی بر تصرفه احتیاج واردی .

مخاربات انانسنده ، ۱۸۱۲دن ۱۸۱۵ سنهسنه قدر ، دوچار توقف اولان تنسیقاته (واترلو) محاربهسندن صکره دوام ایدیله بیلدی . بجران زماننده قبول ایدیلن اصلاحات موقت ، نا تمام وقیدیم (پروسیه) یه منحصر ایدی . اصلاحات مذکوردهن هانکیسنک محافظه ایدیله جکنی ، نصل اتمام اولنه جفنی ، ولایات جدیدیه تشمیل ایدیلوب ایدلیه جکنی قرارلشدیرمق ایجاب ایدیوردی . بو بابده کی قرار قرالک آرزوسنه و بناء علیه معیتنده کی ذوانک تاثیر و نفوذینه تابعدی .

(پروسیه) ده اهالی وکیلرندن مرکب مجالس و یامطبوعات سیاسییه بولندیغندن بتون حیات سیاسییه سرایده و قرالک معیتنده کی اکابر مأمورینسده ایدی . معیت حکمداریده بولنان اکابر مأمورینک افکاری ایسه غایت متشنت ایدی . طرز قدیم اداره طرفداری اولان بر فرقه ، اصلاحات انقلاپورانه نامنی ویردکلری تدابیری تکرار موقع تدقیقه قویمنی تکلیف ایدیور ؛ بعضلری مأمورین حکومتک بلا تفتیش اجرای حکم ایتملری اصولنک یکدن تأسیسنی ، بعضلری ده کویلرده زادکان ادارهسنگ محافظهسنی ایستورلردی . حکومت مطلقه خواص طرفداری اولان بو فرقهیه آچیقندن آچیغه معارض بولنان بر

تسبیقات عسکریه نك تطبيقى حاكيت عامه اصولنه موافق بر انقلاب وقوعى انتاج ايتدى. زادكان و صنف متوسط اهالى به منسوب افكار منوره اصحابى كنجلك خدمت عسكريه دن معفو اولميرينه ويا - او زمان هر مملكتده جارى اولدينى اوزره - بدل شخصى و برملرينه مساعده ايديله چكى برده اردونك سويه معنويه و اخلاقيه سنى يوكسلىتمك ايچون بونلر عسكركه مجبور ايدلدير [قسم اعظمى كوكلو ويا ضابط نامزدى اوله رق داخل اولمشدر]؛ اون سكزنجى عصر اردولرنده كى شدتلى نظامات عسكريه نك تطبيقه جسارت ايديله مديكندن ضرب جزاسى الفا اولدى [آوستريا و روسيه اردولرنده ايسه بو جزا قالمشدر] . - ضابط رتبه لر نك بوندن صكره آنجق بالامتحان و يريله چكى اعلان ايدلى . حقيقت حالده ضابطلك ايچون زادكان ترجيح ايدلير ، فقط بونلردن ده غايت صيقى و جدى بر امتحان طلب اولنوردى .

شرائط هيات سياحيه . - (ناپولئون) ه قارشى وقوعه كان محارباتك ختامنده يكي بردوره اصلاحات باشلادى . ۱۸۰۷ ده تسبيق ايديلن قراللق درت ولايتدن [براندبورغ ، سيلزيا ، پوميرانيا ، پروسيه] عبارت قالمشدى ؛ و يانه مؤتمرى درت يكي ولايت ده [ووستفاليا ، رن ولايتى ، صاقسونيان بر ولايت و پوزنانى] علاوه ايتدى و (پوميرانيا) ولايتنى توسيع و اكامل ايدلى . (پروسيه) رجال حكومتى بو ولايتلرك يرينه (صاقسونيا) قراللقك تماماً الحاقنى ترجيح ايديو رلردى ، چونكه (پروسيه) آنجق بو صورته باشدن باشه غير منفصل ، تام بر مملكت تشكيل ايد بيلردى . حال بوكه مؤتمرك نتيجه مذاكراتنده قراللق غير متجانس و يكديكردن متفرق پارچه لر دن متشكل قالدى ؛ ايكي قسمدن مركبدى : شرقده (پوزنانى) نك الحاقيله توسع ايدن قديم قراللق ايله بر قاچ پارچه . آيرلمش اولان (صاقسونيا) ولايتى ؛ غربده (رن) و (ووستفاليا) ولايتلى . بو ايكي قسم يكديكردن (هانورره) ايله آيرلمش اولمقله برابر تشكيلات اجتماعيه سى و مؤسسات اداره سى نقطه نظرندن دخى فرقلى ايدى .

شرقده زادكان و زراع عنصرلى حاكمدى ؛ مملكت زادكانه عائد املاك جسيمه يه [*] - تقريباً ۱۵۰۰۰ - ونواحى صغيره آيرلمشدى . مقدارى تقريباً يكرمى بش بيكه بالغ اولان بو ناحيه لرك هر برى ده اك شرقى ولاياده وسطى اوله رق آنجق ۲۰۰ اهالى سى بولنان بر فقير كويدن عبارتدى . اهالى نك كندى كنديلرينى اداره ايتدكلى شهرلر مستتاً اولمق اوزره مملكت هنوز زادكانك تحت اداره سنده ايدى ؛ زادكانك كويلر

[*] آلمانجه ده املاك مذكوره يه (ريتروغوت Rittergut) ، يعنى (شواليه مالكانه سى)

قورتازمغه مجبور اولدی . (پروسیه) حکومتی اول امرده یالکز (لهستان) ه قومشو اولان ولایته کی کویلیبری قورتارینی تصور ایتمشدی ؛ قرال ، (اشتان) ک توصیه سی اوزرینه ، بو تدبیری بتون مملکته تشمیل ایلدی . کویلیبرک ابا عن جد طوبراغه مربوط اولماری قاعده سنی الفا وبتون کویلیبرک سربست اولدقارینی اعلان ایلدی [۱۸۰۷] . فقط زادکانک کویلیبر اوزرنده کی حقوق ضابطه و جزائییه سی باقی قالدی ، چونکه خدمتکاران حقنده کی ۱۸۱۰ تاریخلی نظامنامه صاحب خانه نک ، آدملری اوزرنده «خفیفه جبر و تضییق» حقنه مالک اولسنه مساعده ایتمکده ایدی . کویلیبری تخلیص ایتمکدن صکره بونلرک شرائط حیاتییه لرینی تنظیم ایتمک لازم کلیوردی . املاک حکومت داخنده کی کویلیبر چالیشدقاری اراضی نی تقاسیط سنویه ایله اشترا ایدرک صاحب اراضی اولدیبر . زادکانه عائد املاک ایچون ، ۱۸۱۱ تاریخلی نظامنامه ایله ، بو قاعده اساسیه قبول ایتمکله برابر کویلیبره مساعده بر حالده دکلدی ؛ چونکه کویلیبر آنجق چالیشدقاری اراضینک بر قسمنی زادکانه ترک ایتمک صورتیه استرداد سربستی ایده بیلورلردی .

برقیمی عقیم قالان بوتشبات اصلاحیه دوره سنده آنجق اردوده اصلاحات مکمله اجرا ایلدی . بو اصلاحات ، عسکر اولادی ایکن «جنرال» اولان (شار نورست) ک تحت ریاستنده کی تنسیقات عسکریه انجمن تک اثریدر . انجمن خدمت عسکریه نک عمومه شامل اولدیغی قاعده سنی وضع ایلدی : «حکومتک بتون اهالیسی مدافع وطن خدمتیه مکلف اوله رق طوغمشلدر .» سلاح طاشیمغه مقتدر هر کس عسکر اوله جقدی ؛ (ناپولئون) ایله عقد ایلمش اولان معاهده نامه (پروسیه) اردوسنی ۴۲،۰۰۰ کشی به تنزیل ایلدی ایچون بو کوچک اردو افراد جدیده ایچون عادتاً بر مکتب حاله کیردی ، قرعه افرادی آنجق عسکرلکی اوکره نه جک قدر آز زمان اردوده قالیور ، بعه ترخیص ایدیله رک یرلرینه دیکرلری کلیوردی . بو صورتله خدمت عسکریه نک قیصه بر مدت دوام ایلمسی اصولی عادت اولمغه باشلادی ؛ الی آخر العمر سلاح آلتنده قالان اختیار عسکرلرک یرینه عالم حیاته داخل اولمازدن اول عسکرلکه کیرن وایفای خدمتدن صکره حال حربده تکرار عسکر اولمغه حاضر بولنان کنجلر قائم اولدی ؛ یالکز «قادر» لر اصل عسکرلردن مرکب دی . بوندن طولایی (پروسیه) اردوسی قادروسی دائمی براردودن مرکب عساکر ملیه کیدی . بو اصلاحات (فرانسه) دن اقتباس ایلمه مشدی ؛ فرانسرلرک نه انقلاب زماننده کی ، نه ده (ناپولئون) دورنده کی اخذ عسکر اصولی تقلید ایلمشدی ؛ قرن وسطاده کی افکار قبول و حتی بودوره مخصوص (لاندوهر Landwehr - مدافع مملکت) تعبیر ایدیلمن تشکیلات عسکریه احیا اولمشدی . فقط

هیئت « تشکیل ایلدی [۱۸۱۲] . ولایاتده سنجاقلرک تشکیلاتنه متعلق بر قانون ۱۸۱۲ سنهسنده تصدیق و قبول ایلدی ، فقط موقع اجرایه وضع اولمندی .

(هارده نبرغ) فرانسدنک اصول مالیهسنی دخی تقلید ایتدی . تمتع ویرکوسنی ، تکلیف شخصی بی عیناً قبول ، کلینسا املاکنی املاک امیرییه تحویل ، حکومت املاکنی فروخت ، اغنیایه زینت ویرکوسی [بازگیر ، آراهه ، اوشاق ویرکولری] طرح ایلدی .

اک اساسلی اصلاحات اوج صنفه منقسم هیئت اجتماعیهنک تشکیلات رسمیهسنی اولدی . ۱۸۰۷ سنهسنده نشر اولنان فرمانده زادگانک صنف متوسطه عائد بر صنعت و مسلکی اجرا ایتلرینه و صنف متوسط اهلینک ویا کویلیلرکده تبدیل صنف ایلملرینه مساعده اولندی . نتیجهده ۱۸۰۸ دن اعتباراً وعد ایدیلن سربستی سعی و عمل واقامتکاه اصولی تأسس ایتدی : « هیچ کیمسه املاک و اراضیسنی ، حقوق مدنیه و سربستیسنی استعمال خصوصنده منافع عمومیه حکومتک لزوم کوستردیکی درجهدن فضلّه قیوداته تابع دکلدز ؛ محاکم ایله هیئت ادارهنک وظیفه اصلیهسنی و طنداشلرک قوای مادیه و معنویه لرینک سربستجه تکمله مانع اولان کافه احوالی بر طرف ایتمکدز . »

سربستی صنایع ، بر تدبیر مالی ایله وضع و تأسیس ایلدی ؛ صنایع اوزرینه یکی بر ویرکو احداث ایلدیکنی زمان اصناف هیئتاری و شهرلره عائد کافه حقوق الغا اولندی ؛ ویرکو ویرن هرکس هر صنعتی هر یرده سربستجه اجرا ایده بیله چکدی .

کویلیلرک زادگان امتیازاتندن تخلیصی ذها قاریشیق بر معامله اولقله برابر وعد ایلدی و اجرا آتته بلشلا ایلدی ایسهده ناتمام قالدی . اینکی نوع کویلی وار ایدی : املاک حکومت داخلنده کی کویلیلر ، زادگان املاکی داخلنده کی کویلیلر . بوتلرک کافهسنی مستأجر اولدقدن بشقه چالیشدقلری طوپراغه مربوط ایدیلر ، یعنی بوتلرکقلری اراضی بی ترک ایده مزلر ، صاحب املاک خدمتکارلری و وظیفهسنی اجرایه مجبور بوتلرلردی . حقیقت حالده ، املاک حکومت داخلنده کی کویلیلر ، اون سکزنجی عصر اواخرندن اعتباراً ، اراضییه صاحب اولمشلر ؛ چالیشدقلری طوپراق برددن اولاده ازنناً انتقال ایتدیکندن طوپراغه مربوط اولق مجوریتندن قورتولمشلردی . زادگان املاکی داخلنده کی کویلیلر ایسه اولکی حالده قالمشلردی ؛ طوپراغه مربوط واقیدیلرینه قارشلی آغاریهیه ، خدمتکارلق وظیفهسنی ایفایه مجبور ایدیلر . قرال زادگانک حقوق ملکیهسنی خللدار ایتک ایچون کویلیلری قورتارمغه جسارت ایده میوردی . - ۱۸۰۷ سنهسنده تشکیل ایدن (واروشوه) غراندوقه لغنک فرانسز اصول ادارهسنی قبول ایدرک (لهستان) کویلیلر بی زادگان بیدنن تخلیص ایتسی اوزرینه (پروسیه) دخی کندی کویلیلر بی حال اسارتدن

سیاسیه آیشدیرمق ایچون ده بو حیاته اشتراک ایتدیردی . (هاردنبرغ) ك قولنجیه بوانقلاب « عقل سلیمه موافق برانقلاب » ایدی . (هاردهنبرغ) پروسیه انقلابنی فرانسر انقلاب کیرینک « ۴ آغستوس کیجهسی » وقعهسنه - فقط قرالنی محافظه ایتمک شرطیه - بکزه تیور و (پروسیه) نك « حاکمیت عامه قواعدینه مستند بر قراللق » اولدیفنی سویلیوردی .

حکومتک اداره عمومیهسی اوزمانه قدر انجمن مدیران آرسنده قارمه قاریشیق بر صورتده تقسیم ایدلمش ایکن ۱۸۱۰ سنه سنده انکلیز و فرانسر اصول اداره لرینه توفیقاً تنظیم وتنسیق ایدلدی ؛ هریری بر شعبه حکومتک رئیس اولمق اوزره بش ناظر [داخلیه ، مالیه ، خارجیه ، حربیه ، عدلیه] و مجلس وکلایه ریاست ایتمک اوزره بر رئیس وکلا ، باش وکیل تعیین اولندی . باش وکیل ایله ناظر لر و بعض امرای عسکریه مصالح عمومیهنی مذاکره ایچون « هیئت وکلا » حالنده اجتماع ایدیور ؛ قرال هر شیئه بالاستقلال قرار ویرمک حقنی محافظه ایلوردی .

اوزمانه قدر امور حکومتدن خارج طوتیلان تبعه حکومته دکاسه بیله ، اداره یه اشتراک ایتدیرلدی . هر بر شهرده املاک ویا ولوکه جزئی اولسون ایراد صاحبی اولان کافه اهالی طرفدن انتخاب ایدیلن « شهر مبعوثلرندن » مرکب بر مجلس ایله بعض اعضایی اوزون مدت ایچون انتخاب ایدلمش و معاشلی اولمق اوزره بر « هیئت اجرائیه » احداث ایدلدی [۱۸۰۸] . بو مجلس ، بلدییه بودجه سنی تنظیم و رسومی تحصیل ایتمک صلاحیتنی حازدی ؛ حکومتک نظارتی حساباتی تدقیق و صورت تسویه سنی تصدیق ایتمک مخصردی .

مأمورین حکومتک فوق العاده حکم و نفوذ صاحبی اولدقلری بویله بر زمانده (پروسیه) شهرلرینه ویرلن بو مختاریت او درجه اهمیتله تلتی ایدلدی که شهرلره « کوچک جمهوریتلر » نامی ویرلدی .

(اشتاین) ولایتلرده اهالیجه منتخب وکیللردن مرکب اولمق اوزره مجلسلر تأسیسی صورتیه اداره و لایاتک دخی اصلاحنی تکلیف ایتدی ، فقط قرالی اقناع ایده مدی . هر بر قضاده اداره مرکزیه مقامنده اولان « مجلس حرب و املاک » یزیه دهها منتظم وبری اداری ، دیکری اقتصادی اوله رق ایکی شعبه یه منقسم بر « انجمن مدیران » تشکیل ایدلدی ؛ فقط بو انجمنلر مأموریندن مرکب اولوب اهالی وکیللری داخل دکلدی .

اصلاحاته دوام ایدن (هاردهنبرغ) فرانسر مؤسسات و موضوعات سیاسیه سنی تقلید ایله اکتفا ایتدی . ضابطانی مأمورین اداره یه معاونتله مکلف اولمق اوزره بر « ژاندارمه

۱۸۰۶ فلاکتی، طوغری ویا یا ککش اوله رق، بو تشکیلاته عطف ایدلیدکندن قرال یکی بر طرز اداره یی تجربه یه قرار ویردی . طرز جدید اداره یی قراله تکلیف ایدن مجددلر (پروسیه) تبعه سی دکدیلر، فرانسلره تابع مملکتلردن کمش آلمانلر، بالخاصه (شارنورست Scharnhorst) و (هارده نبرغ Hardenberg) اسمنده ایکی (هانووره) لی ایله (اشتاین Stein) نامنده بر آلمان « بارونی » ایدی؛ (پروسیه) نك قدیم مأمورلری بونلره امنیت ایتمزلر، حتی فرانسه اختلال کیرنده کی « ژاقوبن » لره بکزه تهرک او یولده معامله ایدرلردی . بالذات قرال بيله بر چوق ترددلر، قیدلر، کریه به دونملر ایله حرکت ایدیوردی [۱۸۰۷ سنه سی کانون نایسنده عزل ایدیلن « اشتاین » سنه مذکورہ تشرین اولنده تکرار موقع اقتداره کچدی ، ۱۸۰۷ سنه سی تشرین نایسنده صورت قطعیده دوشدی ؛ بعد « هارده نبرغ » آنجق ۱۸۱۰ سنه سی حزراننده ریاست اموره کلدی] . اردو مستئنا اولق اوزره امور سائرده موقع تطبیقه وضع ایدیلن اصلاحات، زادکان و مأمورینک تصعیات و ممانعتلریله ، ناتمام قالدی . مع مافیه بو اصلاحات (پروسیه) یی طرز قدیم اداره سندن چیقارمق ایچون کافی کلدی .

مجددلر [*] — هرنه قدر (پروسیه) ده کندیلرینه انقلابیوروز نظریله باقلمش ایسه ده — (فرانسه) انقلاب کیری رجالنک استناد ایتدکاری قواعد اساسیهدن بسبتون فرقی قاعده لره توفیقاً حرکت ایدیورلردی . (فرانسه) ده حاکمیت ملیه نك و حقوق اهلینک اعلانیله ایشه باشلانمشدی ؛ او یله بر اصول اداره تأسیس ایدلک ایتدیلیمش ایدی که بتون فرانسلرک حر و مساوی اولمه « حق لری » وار ایدی . (پروسیه) ده قرال حق حاکمیتی تماماً محافظه و بتون اصلاحاتی کندی آرزوسیه ، امرنامه لر تصدیریله اجرا ایتدی . تبعه سنه « وظیفه لری » نامنه مراجعت ایدیوردی . مقصد تبعه نك احوالی اصلاح دکل ، فرانسلر استیلا سندن طولایی خراب اولان حکومتی تقویه ایچون تبعه دن یکی بر سعی و همت ، یکی بر فدا کارلق طلب ایتمکدی . مع مافیه بر برینه مخالف قواعد استناد ایدن بو ایکی حرکت انقلابیه نك هر ایکسینده عین حسیاته ، محبت وطنیه ایستناد ایدیلوردی ؛ نتیجه ده ایکسی ده عین اصلاحاته منجر اولدی . قرال تبعه یی احتیاجات حکومتی تأمین ده مقتدر بر حاله کتیرمک ایچون حریت و مساوات خصوصیه بخش اتمک صورتیه چالیشملرینه مانع اولان قیودی قالدیرمه قرار ویردی و حیات

[*] مجدد دینلن بو ذواتک (اشتاین) و (هارده نبرغ) دن هانکیسنک افکارینی قبول ایتش اولدولرینی تدقیق ایتیه کچکز ، (هارده نبرغ) ک کنده یه مخصوص هیچ بر فکر میدانه قومدینی محقق کیدر .

اون درونجی باب

برنجی ویلهلمدن اول پروسیه قرالائی

(پروسیه) قراللیک هان کانه اراضیی (جرمانیا) هیئت متفقہ سی داخلندہ بولمقہ برابر بو مملکتک تکامل سیاسی دیگر آلمان حکومتسککندن آیری اولهرق تدقیقه احتیاج حس ایدیله جک درجهده فرقلی اولمش و او درجه مهم بر «رول» اوینامشدرکه تاریخی بشقهجه یازمق اقتضا ایدر .

(ناپولئون) محارباتی ائاننده (پروسیه) نیک اصره مائی . (پروسیه) ؛ آلمانیک ممالک سائرہ سی کبی فرانمز اداره سی آلتہ کچمه مش، نفوذی تحتندہ بولنمیشدی. مغلوب اولمش، پارچہ لشمش، حرب ویرکوسی تادیه سنه مجبور ایدلمش، (ناپولئون) ک اردولری طرفندن اشغال قلمش اولمقہ برابر بر حکومت مستقہ اولهرق قالمشدی. قرال اوچنجی (فرهدریق ویلهلم). (رن) هیئت متفقہ سنه داخل اولمقن امتناع و حقوق حکمرانیسی خللدن وقایه ایتمشدی. مع مافیه (پروسیه) قرالائی بو بحراندن قازمه قاریشیق اولهرق چیقوردی. قرال، (ناپولئون) ه قارشی محاربه ایدہ بیلمک ایچون مملکتک اداره داخلیه سنی بالذات دیکشدرمشدی .

(پروسیه) حکومتی - مؤسساری اولان (برنجی فرهدریق ویلهلم) و (ایکنجی فرهدریق) زماننده اولدینی کبی - بر حکومت مطلقه عسکریه. معاملات بی نهایت قرطاسیه ایله اداره اولنور بر حکومت خواص ایدی؛ امور اداره بر نوع ناظر مشترک مقامنده بولنان مدیران انجمنلری ایله مأمورین النده بولنیوردی؛ تبعه نیک حکومت اوزرنده هیچ بر حق تفتیشی یوقدی. - هیئت اجتماعیه زادکان، صنف متوسط، کویلیلر نامیله اوچ صنفه منقسم قالمشدی ؛ ۱۷۹۴ ده نشر ایدیلن و (لاندرهخت Landrecht) دنیلن پروسیه مجموعه قوانینی هیئت اجتماعیه نیک بو صورتله اوچه تقسیمنی قبول و تصدیق ایلمشدی. حکومت مأموریتلری ایله رتب عسکریه زادکانه تخصیص ایدلمشدی. کویلیلر صاحب املاک و اراضی اولان زادکانک تحت حکمنده ایدی؛ زادکاندن هر بری مالکانه سی داخلندہ ساکن اهالی اوزرنده حقوق ضابطه وعدلیه مالکدی .


تعريف مؤلفات

اون ايكنجى بابك تعريف مؤلفاتده ذكر اولنان (ويچ دالان) ك تعريف مؤلفات تاريخيه. سندن ماعدا ۱۸۸۱ دن اول انتشار ايدن آثار تاريخيه ايچون (كرونس Kronos) اسمندهكى مؤلفك مفصل بر تعريف مؤلفاتي موجوددر .

باشليجه وئائق رسميه (مترئسخ) ك مخبرات وخطراتنه دائر فرانسزجهيه دخى ترجمه ايدلين ۸ جلدك اثر ايله شوراي امت مذاكراتك ضبطنامه لريدر .

بو دورهيه عائد اك مكمل تاريخ كتابى (آ. اسپرينگر A. Springer) ك ۱۸۶۵ ده طبع ايدلين ايكي جلدك (آوستريا تاريخى) دره فرانسزجهده اك ابي اثر (ل. لوزه L. Leger) ك ۱۸۹۵ سنهسنده دردنجى دفعه طبع اولنان (آوستريا - مجارستان تاريخى) دره مؤلف اسلاو مجيدر .

بوهيا ايچون (دennis E. Denis) ك ۱۹۰۳ ده طبع ايدلين ايكي جلدك (La Bohème) (depuis la Montagne blanche) نامندهكى اثرى و ۴۸ انقلابى حقندهكى آثار ميانندهده (هلفر Helfert) ك درت جلدك (آوستريا تاريخى)، (ايراني Yrani) و (شاسن Chassin) ك ايكي جلدك (مجارستان انقلابى تاريخ سياسيدى) شايان توصيه دره. صوك ايكي اثر دن برنجيسى غايت محافظهكارانه، ايكنجيسى مجارستان منافعه بك موافق اولهرق يازلمشدر .



تطبیقی ایچون محاکم عدلیه به مراجعت ایده بیلیمک حقیقی دخی ویریوردی . بوکا مقابل
 باپالقی مقامی ، محضا « مقتضیات زمانی نظر دفته آلهرق » ، مسامحه صورتیه ، محاکم
 حقوقیه و جزائیه نك رهبانی دخی محاکمه ایده بیله جگنی ، فقط راهلرک هر حالده مدت
 جزائیه لرینی « غیر روحانیلرک بولندقلری محللردن آیری یرلرده » کچیره جکلرینی بیان
 ایدیوردی . کلیسا املاک اشترایتمک حقنه مالکدی ، حق ملکیتی ناقابل تعرض ایدی .
 بسقبوسلر ایله حکومت مرخصلری آره سنده جریان ایدن مذاکرات نتیجه سنده
 اتخاذ اولنان تدابیر بسقبوسلره هیئت رهبان ، بتون قاتولیکلر ، مکتبلر و کلیسا املاکی
 اوزرنده صلاحیت تامه بخش ایلدی [۱۸۵۶] .

سرکیزیت اداره ، حکومت مطلقه و مذهبییه اصولی بوصورتله اکیال ایلدی و ۱۸۵۹
 سنه سنه قدر دوام ایتدی . امور مالیه قاریشیق برحالهه قالدی ؛ ۱۸۴۷ دن ۱۸۵۷ سنه سنه
 قدر دیون عمومیه برملیار (فلورین) آرتدی ؛ ایکی ملیار درت یوزملیونه بالغ اولدی .
 ویرکولرک تزئید اولنسنه رغماً هر سنه کی آچیق بیوردی ؛ ۱۸۵۹ سنه سنه ۲۸۰ ملیون
 (فلورین) چیقدی .



انقلاب احرارانه وملیه قارشى بر متفق طبیعی اوله جغنی آکلادی . ۳۵ اوستریا
پسقیوسندن مرکب اوله رق (ویانه) ده اجتماع ایدن مجلس عمومی حریت سیاسیه نك
« دینه مغایر » اولدیغنی بیان وملیت فکرینك بتپرستك زمانسندن قاله بر فکر باطلدن
بشقه برشی اولدیغنی ، چونکه اختلاف السنه نك (بابل) قلهسی زماننده باشلا دیغنی
اعلان ایتدی .

حکومت مطلقه هیئت رهبان ایله اتفاق ایتدی . قتولیک مذهبه دین رسمی عدایدلک
امتیازینی اعاده و پسقیوسلرک بتون قتولیکلر اوزرنده کی حکم ونفوذینی رسماً تصدیق
ایلدی . بواضوله شکل قطعیت ویرمک ایچون حکومت ، (پایا) ایله ۱۸۵۵ « قونقوردا »
سنی ، یعنی مقاله نامه سنی امضا ایتدی . بو مقاله نامه (ژوزه فینیزم) اصولک صورت
قطعه ده ترکی دیمکدی .

بوندن اولکی تشکیلات مذهبه ، حکومتک کلیسا ایله اولان مناسباتی قوانین ملکیه
توفیقاً تنظیم ایتمک صلاحیتدار بولنسی قاعده سنه مستند ایدی . « قونقوردا » بسبتون
بشقه بر اصول وضع ایتدی : « پایا ورومایه تابع قتولیک مذهبی قانون آلمی و دینی
موجنجه حائز اولدینی حقوق و امتیازاتی بتون امپراطورلق داخنده استعمال
ایده جکدر . — برنجی ماده . » بوماده یه نظراً کلیسانک حکومت ایله اولان مناسباتی
قوانین مذهبه یه کوره تنظیم ایتیمی صلاحیتی تصدیق ایدلمش ، حکومتک حتی کلیسایه
ویرلمش دیمکدی .

مقاله نامه موجنجه حکومت پسقیوسلرک طوغریدن طوغریه یه پایلق مقامیله مخبره
ایتمک و حکومتک ماذونیتی اولقمسزین معاملات مذهبه یه عائد اواصر و نظاماتی نشر ایلمک
خصوصنده سربست اولدق لرینی تصدیق ایتدکن ماعدا بونلره مکتبلری تفتیش [*] ،
کتابلری قبل الطبع معاینه [**] ، ازدواج معاملاتی تنظیم و کلیسایه مخصوص مجازاتک

[*] مقاله نامه نك بر ماده سی : « کرک عمومی و کرک خصوصی بالمله مکتبه قتولیک شبانک تعالیم
وتربیه سی قتولیک مذهبی احکامنه موافق اوله جقدر . پسقیوسلر ، وظائف مودوعه لرینک بخش ایلدیکی
حقه استناداً ، عمومی و خصوصی كافة مؤسسات تدریسیه ده شبانک تعالیم و تربیه سنی اداره ایده جکدر
بتون شعبات تحصیلده قتولیک مذهبی احکامنه و اخلاقه مغایر برشی وقوعه کله مسنه دقت
ایله جکدر . »

[**] دیگر بر ماده سی : « پسقیوسلر دین و اخلاق ایچون تهلکه لی کتابلری تفتیش و معاینه یه
تابع طومتق خصوصنده کی صلاحیتلرینی سربستجه استعمال ایده جکدر و قتولیکلری بونلری اوقومقدن
منع ایله جکدر ؛ فقط حکومتده بو کتابلرک نشرینی منع ایچون لازم کن تدابیری اتخاذ
ایده جکدر . »

یوقدرکه اداره حکومتک بر قسمی کندیلرینه تودیع اولنسونده بر از صکره بونی غائب ایتمسونلر . . . حاکمیت عامه فکرینک علیهنده بولمیلیدر . . . فقط بوکا آنجیق حکومت مقتدر اوله بیلیر؛ مع التأسف صنف زادکان حکومت ایچون پک ضعیف بر متفق اولدیغندن حکومته فائده دن زیاده مضرت ایقاع ایدر . . . زادکان اصولی قالقنجه حکم ونفوذ مأمورلره ویرلدی .

(مترنیخ) زماننک استبداد پدرانہ و مسامحه کارانه سی انقلابک نه وقوعه کله جکنی کشف ایده بیلمش ، نهده وقوعنه مانع اوله بیللمشدی . حکومت جدیده ، بر قاعده منتظمه تحتنده اداره ایدیلیر بر حکومت مطلقه اولدی . وکلا ، حکومتک بتون حکم ونفوذینی مرکزہ طویلادیلیر وطوغریدن طوغری به اداره امور ایتدیلیر . ۱۸۴۸ سنه سنده اجتماع ایدن مجالسک قبول ایتدیکی قانونلر الغا اولندی ، محازیة داخلیه اناسننده حکومتجه اتخاذ اولنان تدابیر استثنایه موقع تطبیقه قالدی ؛ (آوستریا) تام اون سنه بر « اداره موقته » به تابع اولدی .

اقوام مختلفه انقلابه اشتراک ایتمشلردی ؛ حکومت بونلرک کافه سنی تضییق و تأدیب ایتدی . ایمراتور طرفندن نشر ایدیلن بر امرنامه ده حکومتک « ایمراتورنی تشکیل ایدن بالجله ممالک واقوامدن مرکب بر هیئت معظمه حکومت تأسیسی » نیتنده اولدیغنی اعلان ایدلدی . اولکی کبی ایمراتورک هم (آوستریا) ایمراتوری ، همده « مجارستان » قرالی اولسی اصولی یرینه یکی بر مرکزیت اداره عسکریه تأسیسی آرزو ایدیلوردی ؛ قدیم قرالقلر وبالخاصه (مجارستان) یکنسق بر اداره آلتنده برر ولایت اوله جقلردی . مرکز اداره ، آلمان مملکتنده کائن (ویانه) اولدیغندن ، مرکزیت اداره آلمانجه نیک بتون ایمراتورلنک لسان رسمیمی اتخاذ اولنسنی و اداره نیک آلمان مأمورلره ویرلسنی انتاج ایتدی . انقلاب علیهنده ایکن حکومتک متفتی اولان (چه) لر دخی اداره به واسع مقیاسده اشتراک ایتدیلر .

۱۸۵۵ « فونفرردا » سی . — (شوارجنبرغ) ۱۸۵۲ تاریخنده وفات ایتدکن صکره ۱۸۴۸ احرازندن ایکن بالاخره حکومت مطلقه اصولنی قبول ایتمش اولان بارون (باخ) ریاست وکلایه کچدی . انقلاب دشمنلرینه ، ضابطانه و هیئت رهبانه استناداً اداره امور ایتدی .

۱۸۴۸ سنه سنه قدر آوستریا (زوره فینزیم) اصولنی محافظه ایتمشدی ؛ ایکنجی (ژوزف) زمانندن بری کلیسا حکومته تابع ایدلدی ؛ رهبان حکومت طرفندن تعیین اولنیور و مأمورین کبی حکومتک تحت نظارتنده بولنیوردی . سرای ، دیانتکار ایدی ، فقط تعصب دینی مأمورین و ضابطان ایچون بر واسطه ترقی دکلدی . (باخ) رهبانک

داخنده حکمی جاری اولوق اوزره طرف حکومتدن احسان ایدیلن قانون اساسی نشر ایدلدی؛ قانون مذکورده ایمپراطورلنی تشکیل ایدن کافه اقوامک مساوی اولدقلری، بتون ولایاتک مبعوثلرندن مرکب بر (دیت) مجلسی ایله اداره مشروطه نك تأسیس ایدلدیکی وکلانک مسؤل اولدقلری بیان ایدیلوردی. ۴ مارت ۱۸۴۹ تاریخلی اولان بو قانون اساسی اصلا تطبیق اولمادی ۳۱ کاتون اول ۱۸۵۱ تاریخده ایمپراطور طرفندن نشر ایدیلن امرنامهده «ایمپراطورلغک شرائط اساسیه سنه و وحدت حکومته مانع اولدیغی» بیانیله فسخ ایدلدیکی اعلان قلدی.

(مجارستان) ده، حکومت ملتک عصیان ایتمسندن طولایی قدیم قانون اساسیده کی حقندن ساقط اولدیغنی و ۴ مارت ۱۸۴۹ تاریخلی قانون اساسی، مشترکه تابع اولمسی لازم کله جکنی اعلان ایتدی. حقیقت حالده ایسه نه اسکی، نه ده یکی قانون اساسی به رعایت ایتدی؛ حکومت مطلقه و مرکزیت اداره اصولنی تطبیق ایلدی. (مجارستان) قراللغنه ملحق اولان بالجه مالک، (ترانسسیلوانیا)، (خروواتستان)، (صرب) مملکتی مجارستاندن تفریق ایدیلهرک خصوصی اداره لره تودیع اولندی؛ نفل (مجارستان) دخی بش ولایته آیرلدی. نه (دیت) مجلسی، نه ده (قومیات) مجلسی قالمشدی؛ (مجارستان) ویانه دن کوندریلن و قسماً آلمان، اکثریتله (چه) عنصرینه منسوب بولان مأمورلر طرفندن اداره ایدلدی.

۱۸۴۹ ارتجاعی ۱۸۴۸ دن اولکی طرز اداره نك تماماً اعاده سیله نتیجه لندی؛ انقلاب ایله محو اولان اصول اداره نك بر قسمی یکیدن تأسیس اولنمادی، بر قسمی ایسه حرکات انقلابیه نه ده ایی مقاومت ایده بیله جک بر شکه قوندی.

میداندن قالدیریلان شی صنوف زادکانه عائد امتیازات ایدی. نه زادکان حقوق و امتیازاتی، نه ویرکو خصوصنده کی مساواتسزلق، نه ده ولایاتک زادکان طرفندن اداره سی اصولی یکیدن تأسیس ایدلدی. حکومتک تنسیق و تشکیلی حقنده مذاکرات جریان ایتدیکی صروده (ویندیشغراج) شو سوزلری یازمشدی: «صنف زادکان اولمازسه حکومت مطلقه بقا بوله ماز؛ بو طرز حکومتی تأسیس ایچون بشقه عناصر آرامق بیوده در» - (شوارچنبرغ) شو جوابی ویردی: «حکومتک شکل جدیدنده زادکان عنصرینک احراز حکم و نفوذ ایتسنی تأمین ایلمه نك نه درجه آرزویه شایان برشی اولدیغنی بندن ده ایی تقدیر ایده بیله جک بر کیمسه یوقدر. فقط اشکال مختلفه حکومت آنجق افراد ایله کسب قوت ایده جکندن بو آرزونک موقع فعله چیقمسنه احتمال ویرمیورم. بزم صنفمزه کافی درجه ده ذکا و اهلیت سیاسییه، معلومات مقتضیه مالک اون ایکی ذات

بونک اوزرینه (دیت) مجلسی ، (قوشوت) ك تشویقی اوزرینه ، مجارستانك (اوستریا) امپراطورلغندن آرلیدغنی اعلان ؛ بعده مجار جمهوریتنی تأسیس و (قوشوت) ی رئیس جمهور انتخاب ایتدی .

امپراطور ، مجارلری (اوستریا) داخلنده کی (اسلاو) لر ایله تحت اطاعت آله مینجه اجنبی اسلاولره مراجعت ایتدی ؛ «اوروپا انقلاب فرقه سی علمنده» روسیه چارندن امداد اینستدی . انقلابك خصم جانی اولان چار (نیقولا) معاونته راضی وبر روس اردوسنی مجارستانی فتحه مأمور اولدی . (پاسکیه ویچ Paskiévitch) ۸۰,۰۰۰ کشیلك براردو ایله (قاریات) طاغلرندن مجارستانه کیردی [۱۴ حزیران] . مجار اردولری (آراد) . قدر چکیلدیلر ؛ ۲۳,۰۰۰ کشیدن مرکب اولان اصل اردو اوستریالیلره تسلیم اولمقدن ایسه روسلره تسلیمی مرجح کوردی ؛ (ویلاغوس Vilagos) ده تسلیم اولدی [۱۳ آغستوس] . قوشوت ایله فراره موفق اولان رفقاسی ممالک عثمانیه به التجا ایتدیلر . (اوستریا) حکومتی عصیانی غاپت خونریزانه برصورتده باصدیدردی . دیوان حر بلر ضابطانی صاب ایتدیردیلر ، رئیس وکلایی قورشونه دیزدیلر . برچوق و طبرورلر حبس ایدیلر ، بر قسمی اوستریا اردوسنده ایفای خدمت عسکریه به ، بر قسمی نفی و تغریب جزاسنه محکوم اولدیلر .

۱۸۴۹ده حکومت مطلقه نك یکیمده تأسی . — ۱۸۴۸ انقلابی حاکمیت عامه و اصول مشروطیته موافق بر انقلاب ملی ایدی . احراز غلبه ایلین حکومت ، حکومت مطلقه و مرکزیت اداره اصولنی یکیدن تأسیس ایتدی .

(اوستریا) ده (قره مسیه) به نقل ایدیلن شورای امت آلمان احرازندن مرکب صول جناح ایله هیئت وکلا طرفداری (چه) لردن مرکب صاغ جناحه آیرلمشدی ؛ ۲ مارتده بر انجمن مخصوص طرفندن تنظیم ایدلمش اولان قانون اساسی ؛ احرارانه لایحه سنی مذاکره ایددجك ایدی . فقط وقتیه صاحب حکم و نفوذ اولان بتون هیئتلر ، سرای ، زادگان ، ضابطان ، رهبان «شورای امت اوپونی» دیدکلری مذاکرات و مناقشاته بر نهایت ویرمسنی هیئت وکلادن طلب ایدیورلردی . هیئت وکلاده بوندن جسارت آلهرق حکومتك بخش ایلدیکی یکی بر قانون اساسی لایحه سنی آنسزین شورای امته تودیع ایتدی ؛ صاغ جناح بیه بو قانونك يك محافظه کارانه تنظیم ایدلمش اولدغنی بیان ایلوردی [۶ مارت] . ایرتسی کونی مبعوثلر مذاکره سالونك عسکر طرفندن اشغال ایلدیکنی و (دیت) مجلسنك «احتیاجات حقیقه مملکتته مغایر حرکتندن طولانی» طاغیدایغنه دائر سو قاقلره بر بیاننامه تعلیق اولندغنی کوردیلر . بعده بتون امپراطورلق

(اوستریا) شرراى امتى (اسلاو) مملكتته ، (اولوچ) قربنده (قره مسیه Kremsier) به نقل ایدلدى ۲۲ تشرین ثانیده تکرار آچیلدی . حکومت اداره مطلقه اصولنى وضع ایدلدى ؛ زادکندن ، محافظه کار فرقه سنه منسوب پرنس (شوارچنبرغ Schwa zenberg) ك تحت ریاستده ایلهرق ۲۱ تشرین ثانیده تشكىل ایدن یكى هیئت وكلا شورای امتى یكى بر قانون اساسینك هواد اصلیه سنى مذاکره ایله مشغول ایتدی ؛ فقط بوقانونك شورای امت طرفندن قبولی نصیب اولمدى .

مجارستانده محارب . — مجارستان علیهنده كى محاربه بك اوزون سوردی . (مجار) لر تشكىلاتى تام بر ملت ایدیلر ؛ بونك ایچون (مجارستان) محاربه سنك ایكى مستقل حكومت واردو آره سننده وقوعه كلن بر محاربدهن هیچ فرقى بوقدی .

(اوستریا) حكومتى (دیت) مجلسنك اسرنامه لرینى فسخ ، (قوشوت) ایله رفقاسنك وطنه اهائتله مهم اوادق لرینى اعلان و (ویندیشغراج)ه بتون مجارستانده صلاحیت تامه اعطا ایتدی [تشرین ثانى] . بده ایمپراطورك مجارستان قانون اساسیسنه رعایت ایده جكى حقنده كى بیمنك سربستى ، حرکاتنه مانع اوله جفنى حس ایتدی ، فقط بوكاده بر چاره بولدی ؛ بو بیینه (فردیناند) طرفندن ایدلمش شخصی بر بیمن نظریله باقیلدى ؛ (فردیناند) خلع ایدلدى [۲ كانون اول] ؛ برینه یكنى (فرانسوا ژوزف) كچدی . حکمدار جدید هیچ بر شیئه بیمن ایتمه مش اولدیغندن کندیسنى قانون اساسى بی اخلاده سربست كوردی . ۱۸۴۸ سنه سى كانون اولنده ایمپراطورك اردولرى (غالیچیا) ، (مورویا) ، (طونه) و (استریا) طریققریله مجارستانه داخل اولدیلر . (دیت) مجلسى ایله مدافعه مملکت جمعیتى کندیلرینى (پشته) ده تحت تهلكده كور . دکلرندن (تیس Theiss) بطاقلق لرینك آرقه سننده (دوبره چین Dobrezin)ه چکیلدى [۴ كانون ثانى ۱۸۴۹] . مجار اردولرى ایكى آى قدر دوام ایدن حرکات عسکریه دن صکره (ده بنسكى Dembinski) اسمنده بر لهلینك تحت قومانداسنده برلشدیلر ، فقط (تیس نهرى) آرقه سنه رجعته مجبور اولدیلر .

مجارلر آنجق هیچ امید ایدلمن طرفده كى حرکات عسکریه سایه سننده بو موقعدن قورتولدیلر ؛ (ویانه) مدافع لرندن (بهم) اسمنده بر لهلی (ترانسیلوانیا) ده براردو طوبایه رق مملکتى رومانیا لى عساكر ملیه الندن قورتاردی . ۴ مارت ۱۸۴۹ تاریخلى قانون اساسیدن ممنون اولیان صربلر دخى مجارلر علیهنه محاربه دن واز كچدیلر .

۵۰،۰۰۰ كشى به ابلاغ ایدیلن مجار اردوسى حرکات تجاوزیه باشلادی ، (تیس) ی كچدی ، (ویندیشغراج) اردوسى پوسكورتدی وهان بتون مجارستانى قورتاردی .

سبب اولدی. آلمان مبعوثلریله شورای امتده اکثریتی تشکیل ایدن (اسلاو) مبعوثلری و هیئت وکلا ایله حاکمیت عامه فرقه‌سی آره‌سندده ذاتاً اختلاف واردی. امنیت عمومی انجمنی طاعیدلشدی [۳ آگستوس]؛ فقط سو قافلرده، قلوبلرده هیجان دوام ایدیوردی؛ حاکمیت عامه قاعده‌سنی قبول ایتمش اولان جمعیتلر ایچون بر هیئت مرکزیه تشکل ایتدی. (ویانه) احرارینک (مجار) زادکانه قارشی کوستردکاری امنیتسزک (قوشوت) ایله حاکمیت عامه طرفدارلرینک (مجارستان) ده حکومتی ضبط ایتلری اوزرینه زائل اولدی. اوزمانه قدر یکدیگره رقیب اولان آلمانلر ایله مجارلر دشمن مشترکلی بولنان حکومت ایله اسلاولره قارشی برلشدیلر.

مجارلر علمبنده محاربه ایچون امر آلان (ویانه) آایلرندن بری عزیمتدن امتناع ایتدی؛ حربیه ناظری (لاتور Latour) آلابی عزیمته اجبار ایچون (غالیچیا) اسلاو آایلرندن برینی کوندردی؛ عسکرلر آره‌سندده محاربه وقوعه کلدی، محلاتده کی عمله عصات طرفنی التزام ایتدیلر، نهایت عاصیلر غالب کلدیلر. اهالی، اوصرده وکلانک اجتماع ایتدیکی، (لاتور) خانه‌سنه هجوم ایدرک حربیه ناظرنی قتل وجسدینی صلب ایتدیلر [۶۰ تشرین اول]. ایمپراطور کیجه‌لین قاجدی؛ (اسلاو) مملکتته، (موراویا) ده (اولوچ) ه‌التجا ایلدی؛ اورادن نشر ایلدیکی بریسانمه ایله بتون (آوستریا) اقوامنی انقلاب علمبنده سلاحنمغه دعوت ایتدی.

بونک اوزرینه هم (ویانه) ده کی حاکمیت عامه طرفداری آلمانلر، همده (مجارستان) ده کی مجارلر علمبنده محاربه باشلادی. (ویانه) یه قارشی وقوعه کلن محاربه قیصه اولدی. (زه‌لاشیش) خروات اردوسیهله شرقدن، (ویندیشغراج) بو همیا اردوسیهله شمالدن کلدیلر [۲۶ تشرین اول]؛ حکومتی ضبط ایتمش اولان حاکمیت عامه جمعیتلری عساکر ملیه ایله (ویانه) یی مدافعه چالیشدیلر؛ فقط تشرین اولک اوتوزنجی کونی باش قوماندانک توصیه‌سی اوزرینه بلدییه مجلسی شرائط تسلیمی مذاکره یه قرار ویردی. اوصرده (ویانه) نک امدادینه کلن (مجار) اردوسی شهریشکاهنه واصل اولمش (زه‌لاشیش) ه‌هجوم ایتشدی؛ (ویانه) مدافعلری تکرار محاربه یه باشلادیلر. فقط مجارلر رجعته مجبور اولدیلر؛ (ویندیشغراج) شهری طوپه طوتدی و محاربه ایله ایچری یه کیردی. (ویانه) ده ادارهٔ عرفیه اعلان ایتدی؛ تشکل ایدن دیوان حربلر حاکمیت عامه جمعیتلری رؤسائی و بونلرله برلکده احراری تبریک ایچون (فرانقفورت) شورای امتی طرفندن کوندریلن (بلوم Blum) اسمنده بر آلمان مبعوثنی قورشونه دیزدیردیلر. (ویانه) بر مدت مدعش بر ادارهٔ عسکریه و مستبدیه تابع اولدی.

فرقه ملیه سی بومینه رعایت اولنسنی طلب ایتدی و (دیت) مجلسی یوز اعضادن مرکب بر هیئت مرخصه بی ایمراتور نردینه کوندرهك (پشته) ده کلوب اوطورمسنی رجا ایلدی . فقط (آوستریا) حکومتی (اسلاو) لری (مجار) لره قارشى قوللانمغه قرار ویرمشدی ؛ رتبه و مأموریتی اعاده اولنان (ژه لاشیش) ۴۰,۰۰۰ (خروات) ایله (پشته) اوزرینه یوربوردی . (مجارستان) والیسی (بالاتون) کولی ساحلنده (ژه لاشیش) . ملاقی اوله رق کندی واپورنده ملاقاتی طلب ایتدی ، فقط (ژه لاشیش) ، « واپور ماکنه سنك ، پرنسه رغماً ، ناموسی اوزرینه ویردیکی سوزدن ده قوتلی اوله . بیله جکنی » سویلهرک جواب رد ویردی . بونک اوزرینه والی ترک مأموریت [۲۴ ایلول] و مجارستاندن عزیمت ایلدی . عین زمانده (پشته) ده حاکمیت عامه فرقه سی غلبه ایدیور و (دیت) مجلسی مدافعه مملکت ایچون بر هیئت تشکیل ایلوردی [۲۲ ایلول] ؛ هیئت مذکورنک آلتی اعضاسندن بری اولان (قوشوت) مجار حکومتنک رئیس حقیقیسی اولدی .

(ویانه) حکومتی آچیقدن آچیغه مجارلر غلبنده بولنه رق مجارستان عسکرینه (ژه لاشیش) ازدوسنه هجوم ایلملرینی منع ایتدی و اوستریا امرای عسکریه سندن (لامبر Lambert) اسمنده بر ذاتی مجارستانک بالعموم قوای عسکریه سینه قوماندا اتمک اوزره (پشته) یه کوندردی ؛ (لامبرك) ك تعیینی حقننده کی امرنامه ده مجار نظارندن هیچ برینک امضاسی بولمیدیندن یکی قانون اساسی موجنبجه بو تعیین کآن لم یکن حکمنده ایدی . (پشته) دیت مجلسی مخالف قانون اولان تعیینی قبول ایده جک اولورسه وطنه اهانتله اتهام ایده جکنی (لامبر) . بیلدیردی . (لامبر) رئیس وکلایه امرنامه بی امضا ایتدیرمک ایچون (پشته) یه کلدی ، فقط رئیس وکلایی بوله مدی ، اهالی طرفندن بردن بره طوتیله رق اعدام اولندی [۲۸ ایلول] . ژه لاشیش ، وقوعه کلن بر محاربه ده ۱۰,۰۰۰ ضایعات ویردرک رجعته مجبور اولدی ؛ بو اون بیک کشی مجار اردوسی طرفندن محاصره واسیر ایلدی .

بونک اوزرینه (آوستریا) ایله مجارستان آرسنده کی مناسبات منقطع اولدی . (ویانه) حکومتی مجارلرک دشمنی اولان (ژه لاشیش) ی مجارستانده قرال قائمقا . ملغنه تعیین ، بتون مملکتندن اداره عرفیه اعلان ایتدی و مجار (دیت) مجلسنی طاغبتدی [۳ تشرین اول] . بعده (ویانه) ده کی عسکره مجارستان اوزرینه یوریمکی امر ایلدی .

مجارلر غلبنده کی محاربه آلمانلرک ساکن اولدقلری مملکتلرده دخی محاربات داخلیه

مطلقه بی قوت ایله استرداده قرار ویردی . انقلابپرورلره دشمن اولان اردویی ، آلمانلر ایله مجارلرک رقیلمری بولنان (اسلاو) اقوامنی بومقصود اوغورنده قوللاندی . امرای عسکریه دن ایکی ذات ، یعنی (ایتالیا) اردوسی قوماندانی (راده چکی Radetzky) ایله اوستریانک دیگر اردولری باش قوماندانی پرنس (ویندیشغراج Windischgraetz) تدابیر تنکیله بی موقع تطبیقه وضع ایتدیلر . حکومت مرکزیه بویکی ذاته هر طرفده انقلابپروران طرفدن تأسیس ایدیلن حکومت محلیه یندن مملکتلری استرداد ایچون صلاحیت واسعه . برنوع « دیتاتورک » ویردی ؛ انقلابپروران سلاح ایله مقاومت ایتدیلر ؛ انقلاب محاربات داخلیه منجر اولدی . (اسلاو) لر انقلاب طرفدارلرینی تشکیل ایدن ملت حاکمیه ، یعنی آلمانلر ایله مجارلره اولان خصومتلرندن طولایینی حکومت مرکزیه به معاونت ایلدیلر .

فتوحاته (بوهمیا) دن باشلاندی . (چه) لر ، (بوهمیا) اردوسی باش قوماندانی (ویندیشغراج) دن ، اداره مطلقه طرفداری بر اسیلزاده اولدینی ایچون ، نفرت ایدیورلردی ؛ قوماندانک عزلی طلب ایچون (ویانه) به برهیت مخصوصه کوندرلدی ؛ (پراغ) شهرنده کی (چه) میلیسبری . عساکر ملیه سی خانسی اوکته کیدرک نمایشلر یاپدیلر ؛ پنجره لره سلاحلر آتیلدی ، زوجه سی تلف اولدی [۱۲ جزیران] . پراغ سواقلرنده محاربه وقوعه کلدی ؛ (ویندیشغراج) اولا ، (ویانه) حکومتک طلبی اوزرینه ، (پراغ) دن چکیلدی ، بعده یننه کیندی ، (پراغ) شهرینی طوپه طوتدی ، (چه) عصاتی ازدی ، محو ایتدی [۱۷ جزیران] . اسلاو اتحادی قونفره سی طاغیلدی ، ولایات مجالس عمومیه سی آرتق اجتماع ایتدی . (بوهمیا) اداره عسکریه به تابع اولدی . انقلابی بر طرف ایدن (ویندیشغراج) سرایک امن واعتمادینی قزانندی ، کیزلیجه بتون ایمبراطور- لغک قوای عمومیه عسکریه سنه باش قوماندان تعیین ایلدی .

(ایتالیا) ده بولنان (راده چکی) ساردنیالیری مغلوب و (لومباردیا) بی استرداد ایتدی . [تموز ۱۸۴۸] .

حکومت (مجارستان) ده کی انقلابپرورلر ایله محاربه ایده چک درجه ده کندیسنی قوتلی کورنجه والینک یندن ، اولجه ویریلن ، صلاحیت واسعه بی آلدی ؛ (دیت) مجلسنجه قبول ایدیلن استقراض واردو قانونلرینی تصدیقندن امتناع ، صربلره قارشی مخصامتک تعطیلی امر و (مجار) لره ویریلن امتیازاتک آنجق ایمبراطورلغک ممالک سائرهنجه تصدیق و قبولندن صکره مرعی الاجرا اوله بیله چکنی اعلان ایتدی . ۱۰ جزیران تاریخی بیانامده ایمبراطور (مجارستان) تاجنک تمامیتی محافظه ایده حکمته یمین ایتشدی . (مجار)

والیلکنه تعیینی ایمراتوردن ایستدیلر ومقصدلرینه نائل اولدیلر. (مجارستان) حکومتی بو والینک عزله قرار ویردی. (ژه لاشیش) ده بوکا مقابله، (خروات) وطنپرور - لرینک آرزولری وجهله، اوج قدیم قراللاغک، یعنی (خروواتستان)، (اسقلاوونیا)، (دالماسیا) نك مجالس عمومیه سنی «پراغ» ده عقد اجتماعه دعوت ایلدی. فقط دالماسیا - لیلر مبعوثلرینی (ویانه) یه، (اسلاوون) لر (پشته) یه کوندردیلر؛ یالکز (خروات) مبعوثلری کلدیلر، آیری بر هیئت وکلا ایله بر جنوب (اسلاو) قراللیقی تأسیسی طلب ایستدیلر. حکومت بوندن نمون اولیه رق حساب ویرمک ایچون (اینسبروک Innsbruck) ده ایمراتورک نزدینه کلسنی (ژه لاشیش) امرایتدی. (ژه لاشیش)، (اینسبروک) شهرنده بر بیاننامه نشر ایدرک (ایتالیا) ده کی اردوده محاربه ایدن جنوب (اسلاو) لرینه ایمراتورلرینه صادقانه خدمت ایتملرینی اعلان ایلدیکندن حکومتک امنیتی قزاندی. بونک اوزرینه حکومت (خروات) لره قارشی مجارلری التزامدن واز کچدی.

(صربلر) مجارستان حکومتی علیهنده عصیان ایستدیلر. مایس ظرفنده صربلرک رئیس روحانیسی اولان «متروپولید»، (قارلوفچه Carlowitz) شهرنده بر مجلس طوبلامش و بومجلس بر حکومت ملیه تأسیسنه، (خروات) لرک اتحادینه قرازویرمشدی. بعده صربلر بر جمعیت ملیه تأسیس ایلدیلر، محاربه یه باشلادیلر و (مجار) لری رجعته مجبور ایستدیلر.

حیات سیاسیهدن محروم کویلیلردن عبارت اولان (ترانسیلوانیا) ده مقیم (رومانیا) لیلر بیله (مجار) و (آلمان) عنصرلرینه منسوب افندیلری، اصحاب اراضی علیهنه قیام ایدرک بیوک بر اجتماع [روایتیه نظراً ۴۰,۰۰۰ کشیدن مرکب] عقد واقوام سائره ایله مساواتی طلب ایلدیلر. رومانیالی کویلیلرک بوحرکتلرینه قارشی آلمانلر (مجار) لر ایله برلشدیلر؛ مجالس عمومیّه ولایات (ترانسیلوانیا) ایله (مجارستان) ک برلشمسنه قرار ویردیلر [۳۰ مایس].

عین زمانده (اوستریا) ایمراتورلغنک ایتالیا نلرله مسکون ولایتی دخی عصیان ایدرک (ساردنیا) قراللغنه التحات ایستدیلر [ایتالیا بختنه مراجعت].

محاربه داضلیه ترتیب و تکمیل. — (اوستریا) حکومتی جریان احوال دن لایقیه خبردار اوله مدینگی، سریع و قطعی قرار اتخاذدن عاجز بولندیغی جهتله انقلابدن یردن بره فوق العاده قورقوش؛ حکومتی، درجه ضعف و قوتلری کندنجبه مجهول اولان فرقه احرار ایله ملی فرقه لره ترک ایتمشدی. نهایت حقیقت حالی آکلانجبه حکومت

مجارستان) حکومتی ایمپراطورلنگ ممالک سائره سندن تمامیه آیری و مستقل بر حکومت کبی اداره امور به باشلادی. ضابطان عسکری به (ویانه) دن امر آللمرینی منع، (مجارستان) ک ملی بایراغله آیریجه بر اردو تأسیس، (مجارستان) ه مخصوص قوائم نقدیه اخراج و بر استقرار عقد ایتدی؛ ممالک اجنبیه به (مجار) دیپلوماتلرینی اعزام و آلمان اتحادی علیهنده وقوعه کله جک بر محاربه ده (آوستریا) به معاونت ایتیه جکنی اعلان ایلدی [۳ آگستوس].

اسرار ممالکنده انقبوب — (اسلاو) ممالکنده بر بردن آیری درت نوع حرکت ملیه وقوعه کلدی.

(غالیجیا) ده، (قراقووی) ده وقوعه کلن کوچک بر (له) عصیانی شهرک طوبه طوتلمسی اوزرینه بر طرف ایدلدی [۲۶ نیسان].

(بوهمیا) ده، (پراغ) شهرنده کی (چه) و طنپرورلری (چه) لرك آلمانلر ایلهمساوی عدایدللمرینی و اوچ ولایت قدیمه [بوهمیا، موراویا، سیلزییا] مجالس عمومیه سنک برلشدیرلمسینی طلب ایچون ایمپراطوره بر عریضه تقدیمیه ایشه باشلادیلر. ولایات مجلس عمومی، ملیسنک عقد اجتماعه دعوت اولنسی. مساعده سنی استحصال [۸ نیسان] و مجالس مذکورہ اتحاد باتنی حاضرملق ایچون بر هیئت ملیه تشکیل ایتدیلر. هيجان و تحریکات آرتدی؛ (چه) عساکر ملیه سی آیریجه (اسلاو) عساکر ملیه سی تشکیل ایچون آلمانلردن آیرلیدیلر؛ قدیم قیافت ملیه نك اکتسسانه باشلاندی؛ سوقاقلرده آلمانلرله محاربه لر وقوعه کلدی. بعده (ویانه) هیئت و کلاسنک انقلاب پرورلرک تحت نفوذنده بولندینی بهانه سیله (بوهمیا) والیسی (چه) فرقه سی رؤساسندن مرکب بر حکومت موقته تأسیسنه مجبور ایدلدی [۳۰ مایس].

چهلر «اسلاو اتحادی» فکرینک موقع اجرا به وضعنه باشلامق ایچون (پراغ) ده بتون (اسلاو) لردن مرکب عمومی بر «قونفره»، مؤتمر عقد ایتدیلر. (پالاکی) ۲ حزیرانده مؤتمری آچدی؛ ایکی یوز اوتوز یدیسینی (چه) اولمق اوزره ۳۴۰ اعضا حاضر بولندی. (آوستریا) ایمپراطورلغنه اجنبی (اسلاو) لر، از جمله روسیه لی (باقونین Bakounine)، لهستانی (لیه بلت Liébelt)، صربستانی (زاش Zach) السنه مختلفه ایله ایدلکلری نظرلرده (اسلاو) عرقنک اوصاف و مزایای مدوحه سنی ثنا ایتدیلر؛ «قونفره» ده السنه مختلفه نك استعمالدن طولانی مرخصلر بر برلرینک مقصدلرینی آنجق آکلا به بیابورلردی. بتون (اوروپا) اقوامنه خطاباً بر بیاننامه حاضرلندینی صره ده حکومت «قونفره» بی منع ایتدی.

جنوب (اسلاو) لرنده تحریکات ملیه (مجار) لرك علیهنه دوندی. (خروات) لر اول امرده «ژه لاشیش Gellachich» اسمنده بر (خروات) میرالینک (خرواتستان)

ایستدیلر؛ دارالفنون طلبه‌سی ایله عمله سوقاقلرده «باریقاد» لر، سپرلر یاپدیلر؛ آسایشی محافظه و حقوق ملیه‌یی مدافعه ایچون «انجمن وطنپروران» نامیله بر هیئت تشکیل ایدلدی. دوچار خوف و دهشت اولان وکلا (لژیون) ی محافظه‌یه و شهرک امور ضابطه‌سنی «انجمن» ه تودیعه مجبور اولدیلر: بونک اوزرینه «انجمن» ک نامی «امنیت عمومیه انجمنه» تحول ایتدی. بعده ایمپراطورک مقامنه قائم‌الموق ایچون (ویانه) یه کوندریلن (آرشیدوق زان) اکثریتی احراردن مرکب بولنق اوزره یکی بر هیئت وکلا تشکیل ایلدی.

رأی عام اصولیه انتخاب اولنان و (مجارستان) مستنسا اوله‌رق بتون ایمپراطورلغک مبعوثلرندن مرکب اولان شورای امت ۲۲ تموزده (ویانه) ده اجتماع ایتدی. بوجلسده ۹۲ کویلی مبعوث بولنیوردی. متعدد لسانلر ایله نطقلر ایراد ایدیلور، تکلیف اولنان لایحه‌لرک ترجمه ایدلسنه مجبوریته حاصل اولیوردی. آلمانلر صول، (چه) لر صاغ جناحی تشکیل ایتدیلر. بر کویلی اولادی اولان مبعوثاندن بری دره بکک زمانندن قاله زادکان امتیازاتنک الغاسنی تکلیف ایتدی. بر آی مذا کردهن صکره [۷۳ تعدیل، ۱۵۹ سؤال] شورای امت زادکان امتیازاتندن اولان آنغاریه‌لرک، عائداتک، حقوق عدلیه‌نک الغاسنه اتفاق آرا ایله قرار ویردی و زادکان ایله غیر زادکانک اراضیمی آره‌سنده موجود اولان فرقلری قالدیردی. ۱۸۴۸ انقلابنک باشلیجه نتیجه‌سی بودر.

مجارستانده انقلاب — (مجارسان) ده، ۳ مارت ۱۸۵۸ تاریخنده، (قوشوت) ک ایراد ایلدیکی بر نطق اوزرینه (دیت) مجلسی ایمپراطوره بر عریضه کوندیرهک قانون اساسی ایسته‌مشدی؛ بر آرز صکره «قلوب» لر تاسیس و بر «امنیت عمومیه جمعیتی» تشکیل ایدلدی. (دیت) مجلسی بوجمعیته مقاومت ایده‌میوردی؛ بنا برین فرقه احرارک طلب ایتدیکی اصلاحاتی، یعنی سربستی، مطبوعاتی، ویرکو خصوصده مساواتی، زادکان امتیازاتنک لغوینی قبول ایتدی. (ویانه) حکومتی (مجار) لره مقاومت ایده‌بیله‌جک هیچ بر واسطه‌یه مالک اولدیغندن هر ایستیلن شیئی ویردی؛ اولاً، محافظه‌کار، احرار و حاکمیت عامه طرفداری فرقلرینک رؤساسندن مرکب بر مجار هیئت وکلاسی تشکیل اولندی [۲۲ مارت]؛ بعده (دیت) مجلسنک (پرسبورغ) دن (پشته) یه نقله، هر سنه اجتماع ایتمسه، «سانسور» ک الغاسنه مساعده ویرلدی. نهایت (مجارستان) والیسنک قراله مخصوص کافه حقوق و صلاحیتی استعمال ایتمسه موافقت ایدلدی. مجار هیئت وکلاسی ۲۶ حزیرانده (پشته) یه نقل ایتدی؛ یکی بر قانون انتخابه توفیقاً انتخاب اولنان (مجارستان) شورای امتی ۲ تموزده شهر مذکورده طوبولاندی؛ و بوندن صکره (مجا-

مجلس مبعوثانک کشادینی طلب ایچون حکومته استدعالر ، لایحه لر ویرلدی . « سانسور » ایله ضابطه آرتق ایفای وظیفه ایتمه مکه باشلادیلر . وکلادن مرکب اوله رق عقد ایدیلن مجلس مذاکره ده هر کس قورقدی ؛ مجلس ، ولایات مختلفه مجالس عمومیه سندن مرخصلر جلب اوله رق حکومتجه تعیین قلنه جق انجمن ایله مذاکره یه کیریشملرینه حاضر بولندیغنی اعلان ایتدی .

انقلاب بردن بره ، ساده جه بر نمایش ایله وقوعه کلدی ؛ قوه ممنویه سی خللدار اولان حکومت کندی مدافعه ایتدی . (آشانغی آوستریا) مجالس عمومیه سی اجتماع ایتشدی . ۱۴ مارتده دارالفنون طلبه سی مجلس عمومی سالونی اوکنده کی حولیده طوبلاندیلر ؛ کنج بر موسوی طیبی حولیده بولنان قویونک قباغی اوزرنده چیقهرق : « یشاسون حریت ! » دیه باغردی . مجلس عمومی اعضاسی نجره دن نمایش جیلرله مذاکره یه کیریشمکه چالیشدیلر ؛ بعده اون ایکی اعضادن مرکب بر هیئت مرخصیه ی قبول ایتدیلر ، اوصره ده عسکرلرک نمایش جیلری تادیب ایچون حرکت ایتدکلری شایع اولدیغندن اهالی مذاکره سالوننه کوردی . مجلس عمومی اعضاسی هیئت مرخصه نک مطالباتی تبلیغ ایچون ایمپرا - طورک سراسه کتدیلر ، بونلر سراسه ایکن عسکر آتش ایتدی . « یره باتسون مترنیخ ! کبرسون عسکرلر ! » صدالری ایشیدیلوردی . (مترنیخ) بو عصیان ایله اکلنیوره بونک بر قاچ موسوی ، لهلی وفرانسز طرفندن ترتیب ایدلدیکنی سویلیوردی . فقط مجلس مذاکره ده حاضر بولنان دیگر اعضا قورقدیلر ، اهالی بی تسکین اتمک ایتدیلر و نهایت (مترنیخ) ی استغایه مجبور ایتدیلر .

انقلاب (ویانه) دارالفنون طلبه سی ایله صنف متوسط اهالیسنک اثری ایدی ؛ حکومتی بونلر ضبط ایتدیلر . سلاحندیلر ، (لژیون آقاده میک Legion academique) نامیه دارالفنون طلبه سندن مرکب طابورلر ایله عساکر ملیه طابورلرینی تشکیل ایدیلر ، مایس ظرفنده « مدافعه حقوق ملیه هیئت مرکزیه سی » عنوانیه بر هیئت تأسیس ایتدیلر . بو هیئت (ویانه) بی اداره ایتدی . ایمپراطورلق آرتق هیچ برشینئی رده جسارت ایده - میوردی ؛ سربستی مطبوعاتی اعلان ، مبعوثانی عقد اجتماعه دعوت [۱۵ مارت] وبلجیقا قانون اساسی طرزنده بر قانون اساسی تنظیم ایلدی [۲۷ نیسان] . بعده « هیئت مرکزیه » بی طاغیتغه چالیشدی . فقط اهالی رای عام اصولیه منتخب بر مجلس مبعوثان تشکیلنه حکومتی مجبور ایتدی [۱۵ مایس] . بعده ایمپراطور ، افراد عائله سیله برلکده ، (تیرول) ه قاچدی . وکلا (ویانه) ده عسکرسز قالدیلر [چونکه عسکرلری ایتالیایه کوندره مشلردی] ؛ (لژیون آقاده میک) طابورلرینی طاغیتمق

مکاتب تألیفه یالکز براز لاتینجه اوکره دیلیوردی ؛ دارالفنونلرده علم حقوقدن ماعدا بر شی تحصیل ایدلیوردی . فقط بر چوق آوستریالیر حکومتدن کیرلی اوله رق فسون جدیدی تدریس ایتدیلر ؛ بو درس لر ناتمام ، سطحی ایدی ؛ (آوستریا) ده تحصیل بو نقصانی نسل حاضره کنجه یه قدر کندینی کوسترمشدر . اجانبک افکار احرارانه سیله اختلاطن نشأت ایدن (آوستریا) حرکات احرارانه سی (فرانسه) و (آلمانیا) احرارینک مسلك مخالفتکانه لرینک تقلیدندن عبارتدی .

۱۸۴۸ انقلابی . — حکومتک ایکی نوع رقیبی واردی : حکومتی استبداد ایله اتهام ایدن احرار ، حکومتک اجنبی بر اداره ولسانی کندیلرینه جبراً قبول ایتدیرمسندن منفعل اولان ملی فرقلر . غیر ممنون اولانلر ۱۸۴۸ انقلابات عمومیه مسندن بالاستفاده ، (آلمانیا) ده اولدینی کبی ، بر انقلابات ملی و احرارانه وجوده کتیرمک ایستمدیلر ؛ فقط (آلمانیا) ده انقلاب ملی حکومتات صغیره یی بیوک بر مات حالده برلشدیرمکدن عبارت اولدینی حالده (آوستریا) ده بیوک بر حکومتی اقوام صغیره یی آیرمق جهتنه معطوف اولدی .

ذاتاً ده ۱۸۴۶ سنه سنده ایکن (غالیچیا) ده بر عصیان محلی وقوعه کلدی . (له) زادکانی مستقل (لهستان) ی یکیدن تأسیسه چالیشدیلر . حکومت ارباب عصیانی تأدیب اتمک زحمتنه بیله قاتلامدی ، (له) زادکانه قارشی (روتن) لردن مرکب اولان کویلیتری قوللانمقدن بشقه بر تدبیر اتخاذ اتمدی ؛ کویلیلر (له) عصاتی طوته رق (آوستریا) حکومتته تسلیم ایتدیلر . بعده حکومت فرصتدن بالاستفاده (قراقووی) جمهوریتی اشغال و بونی (پروسیه) و (روسیه) نک موافقتلریله (غالیچیا) یه الحاق ایلدی [۱۸۴۷] . بوندن صکره لهیلیرک هیچ بر مستقل حکومتلری قالمدی . حرکت عمومیه ۱۸۴۸ سنه سی مارتنده هم ایکی ملت حاکمه ده ، یعنی (آلمان) و (مجار) مملکتلرنده ، هم ده (اسلاو) ممالکنده وقوعه کلدی .

(آوستریا) ده (فرانسه) انقلابنک وقوعی خبری حکومتی قارمه قاریشیق اتمک ایچون کافی کلدی . فوق العاده دوچار خوف و دهشت اولان (آرشیدوشس صوفی) بین الحلق هیچ سولمین (مترنیخ) ک عزلینی طلب ایتدی ؛ (آرشیدوق) لر ایله وکلا بو تکلیفی تصویب ایلدیلر . (ویانه) احراری نمایش یامغه باشلادیلر . خلقک مطالبات و تمنیاتی حکومتته تبلیغ ایده جک بر هیئت سیاسیه موجود اولمدیفندن کتباچیلر ، صنایع جمعیتی ، حقوق و سیاسیات مطالعه قلوبی ، دارالفنون طلبه سی کبی بر چوق افراد و هیات بووظیفه یی درعه ده ایلدیلر ؛ سربستی ، تدریسات ، مذاهب ، کلام و مطبوعاتی ، بو دجه نک نشرینی ،

کسمکه مجبور ایدیورلردی . نهایت (مجار) لر غلبه ایتدیلر ؛ (اوستریا) حکومتی (دیت) مجلسنده یالکز (مجار) لسانک استعمال اولنسنی قبول و (ایلیریا جریده ملیهسی) ادارهسنه (خروات) لسانیه محرر سرلوحه نك قالدیرلمسنی امر ایلدی . (خروات) لر (آغرام) مجلس عمومیسنده یالکز (خروات) لسانک استعمال اولنه بیله جکئی اعلان و (خروواتستان) ده مقیم اولوب (توروپول Turopoles) دنیلن کویلی (مجار) زادکانندن مجلس عمومی به اعضا اولق حقنی نزع ایتک صورتیه جواب ویردیلر . [۱۸۴۵]

آلمانلرک حرکات امرارانه می . — آلمانلر ایله مسکون ولایاده — که حکومت دخی آلمان ایدی — مخالفت ، حرکات ملیه دن دکل ، بلکه حرکات احرارانه دن عبارتدی . اصلیزاده لر ، صنف متوسط اهالی ، دارالفنون طلبهسی سربستیء مطبوعات ایله اداره مشروطه ایستورلردی . بو فکر ممالک اجنبیه دن وبالخاصه فرنسه ایله جنوبی آلمانلار کلن سیاسی غزته وکتابلرک مطالعهسی نتیجه سنده حاصل اولمشدی . بوکتابلر ، غزته لر ممنوع اولدیغندن حدوددن کچرکن ضبط و مصادره ایدلملری لازم ایدی . فقط بوممنوعیه اولکی قدر اهمیت ویرلیوردی . ۱۸۳۵ ده وفات ایدن برنجی (فرانسوا) نك خلفی و اوغلی (فردیناند) عقلاً ضعیف اولدیغندن امور حکومت ایله اشتغاله غیر مقتدردی . (مترنیخ) اختیارلدقجه ده قیدسز و کوشک اولیوردی . اداره مطلقه ، هیئت عمومی میه سیله ، باقی ایدی ؛ فقط باشنده بر رئیس بولنمادیغندن ایشلر پک فنا کیدیوردی . هر نوع ممنوعیت محافظه ایدلمکله برابر حکومت مأمورلری مساعده کارانه طاوراندقلرندن منعه مأمور اولدقلری شیلرک پایلمسنه مساعده ایدیورلردی . (پراغ) ضابطه مدیری بعض ایام دینیه ده بالوره مساعده ایتمهک ایچون امر آلدینی حالده بالوی منع ایتیمور ، رقصلری کورمه منزله کلیور ایدی . ضابطه ، اداره مطلقه علمنده یازیلان رساله لرک طبع و نشرینه ، ممنوع کتابلرک فروخته مساعده ایدیوردی . کتابلجیلر ممنوع غزته لری ده ویا یتک کتابی کبی ظرفلر ایچنده قویهرق صاتیورلردی .

معاملات تجاریه ده بیله همان همان ممنوعیت اصولی آندیره جق درجه ده یوکسک کمرک رسومی محافظه ایدیورلردی ؛ فقط کمرک مأمورلری امتعه اجنبیه نك قچاق صورتیه کیرمسنه مساعده ایدیورلردی . ۱۸۴۴ سنه سنه قدر کمرک اداره لر نجه تحصیل اولنان مبالغ پک جزئی ایدی ؛ رسمی جد اول احصائییه نظرأ بتون (آوستریا) به اوچ سنه ده بر ایپک انواب کیرمشدی .

مکتبلرده فنون جدیده ندریسی کفافی السابق ممنوعدی ؛ رهبانک اداره سنده بولنان

اشتغال ایتدیلر؛ (اسلاو) لسانیه متکلم اقوامک کثرت و تعددینی نظر دقتسه آلهرق (اسلاو) لرك اقوام سائر دن غلبه لك، اوصاف ممدوحه ایله متصف، بیولك بر عرق اولدیغنی، شاید حال انقسامدن قورتیلیر و کندی قوتنی بحق تقدیر ایدر ایسه بتون دنیاه حکم ایده جکنی بیان ایتمکه باشلادیلر. (اسلاو) لرك بر حکومت حالده اتحادی آرزو ایدیلوردی؛ (چه) لر، اکمدنی قسم اولدقلرندن، بتون (اسلاو) قرداشلرینی یکدیگره تقریبه هر کسدن زیاده چالیشیورلردی. بو صورتله «اسلاو اتحادی» فکری پیدا اولدی. بو، مبهم بر فکر ایدی؛ (چه) لر اسلاولر آره سنده یکانه بر حکومت مستفاه تشکیل ایدن (روسیه) ایمراطورلغنه استناد ایدرک فکر اتحاده بر شکل قطعیت ویرمک ایستیورلردی. بناء علیه لسان و ادبیات نقطه نظرندن وقوعه کلن حرکات ملیه (آلمان) عرقی و (آوستریا) حکومتی علیه دوندی. بالخاصه (بوهمیسا) ده (آلمان) مأمورلرینک استخدای و شعبات اداره ایله مکاتبده آلمانجه نك استعمالی علمبنده نمایشیر اجرا ایدلدی؛ فقط وسائط اجرائیه نك فقدانندن طولای تیجده هیج بر اصلاحات فعلیه کورلمدی.

۳. — جنوب (اسلاو) لری آره سنده مخالفت، تشکیلات ملیه سنی بر درجه یه قدر محافظه ایتمش یکانه (اسلاو) ملتی اولان (خروات) لره مشاهده ایدلدی. ادبی و سیاسی بر ماهیتی حائز اولان (خروات) حرکات ملیه سنک مرکزی (آغرام) شهری ایدی. وطنپرورلر (خروات) آثار عتیقه سنی تدقیقه باشلادیلر و بر (خروات) ادبیاتی تأسیسنه چالیشدیلر. (غای Gay) اسمنده بر محرر ۱۸۳۶ سنه سنده (ایلییریا) جریده ملیه سی (Gazette nationale illyrienne) نامیله بر غزته تأسیس ایتدی. (خروات) لر، (چه) لر کچی، بتون (اسلاو) قرداشلرینک اداره سنی اله آلق ایستیورلر؛ (خروات) لسانیه متکلم جنوب (اسلاو) لرینک اتحاد ایدرک (خروااستان)، (اسقلاوونیا)، (دالماسیا) دن مرکب بر (ایلییریا) قرالغنی تأسیسنی تخیل ایدیورلر ایدی. (خروا-تستان) ک ذاتا کندینه مخصوص اداره سی، (بان Ban) عنوانیه یاد اولنان والیسی، (مجارستان) دیت مجلسنه مرخص انتخاب ایدن (آغرام) مجلس عمومی وار ایدی. فقط عین زمانده ایکی حکومت، یعنی (مجارستان) ایله (آوستریا) یه تابعدی. بناء علیه (خروات) فرقه ملیه سی هم (آوستریا) حکومتنک، هم ده (مجار) فرقه ملیه سنک مقاومتنه تصادف ایتدی. ۱۸۴۳ سنه سنده (مجارستان) دیت مجلسی لاتینجه برینه (مجار) لسانی قبول ایددی؛ (خروات) مبعوثلری لاتینجه سویولمکده دوام ایتمک ایستدیلر؛ فقط بر (خروات)، اوزمان عادت اولدیقی اوزره، (اکسه لاتنی سیمه دومینه - Excellen-tissime domine) کله ربله نطقه باشلاینجه مجلسده بتون اعضا کورولتی ایدرک سوزینی

تأسیسی تکلیف ایدیوردی . — مرکزیت اداره طرفداری اولان احرار ایسه امتیازاته طرفدار اولان (قومیتات) مجلسلرینک صلاحیتنی تنقیصه و بونا مقابل (دیت) مجلسنک تزید نفوذ و اقتدارینه لزوم کوستریورلردی . ۱۸۴۷۰ سنه سنده (دهق Deak) طرفندن تنظیم اولنان پروغرا ملرنده طرح تکالیف اصولنک اصلاحی و ویر کولرک (دیت) مجلسنجه قبولی تکالیف اولنیور و بر فقره سنده ده : « مجارستان منافعنک ، اوستریا تاجنک ممالک ارثیه سی منافعه تابع اولسنی پک بیوک بر حقسنرک عد ایدر و حقوق مخصوصه . — مرکز وحدت اداره یه فدا اولنسنه اصلا تحمل ایده میه جگمزی بیان ایلر . » دنلیوردی .

اسرورلرک تحریکات ملیه سی . — اسلاولرله مسکون ممالکده ، افکار ملیه مجارستانده اولدینی قدر توسع ایده مدیکندن ، تحریکات ملیه هم ضعیف ، همده طاغینق بر حالده ایدی . اوج اسلاو ملتده ، یعنی لهیلر ، چهلر و (خروات) لرده آیری آیری بعض حرکات ملیه وقوعه کلدی :

۱ . — لهیلرک حرکات ملیه سنه مرکز اولان محل ایمپراطورلق خارجنده ، ۱۸۱۵ سنه سندن بری بر جمهوریت خواص شکلنده اداره اولنان (قراقووی) شهری ایدی ؛ قدیم لهستانی تأسیس ایچون وقوعه کلن ترتیبات و تشبثات مرکزی بوراسی ایدی . (آوستریا) حکومتی ۱۸۳۱ سنه سنده (قراقووی) یی اشغال ایتدیردی ، بعده تخلیه ایتدی . چونکه لهیلر (اوستریا) نک (غالیچیا) ولایتندن زیاده (پروسیه) و (روسیه) یه عائد اولان (له) ولایاتی استرداد مقصدیله حرکت ایدیورلردی .

۲ . — منشای (پراغ) شهری اولان (چه) حرکات ملیه سی بالخاصه ادبی بر شکلده ایدی . (چه) ملتک ۱۶۲۰ سنه سنده اضمحلانندن بری آلمانجه یالکنز حکومتک دکل ، دارالفنونک و بتون افکار منوره اصحابنک لسانی اولمشدی ؛ یکانه لسان ادبی و علمی آلمانجه ایدی . (چه) لسانی کویلیلر ایله جاهلرله مخصوص قبا و غلط بر لسان عد اولنیوردی .

۱۸۱۹ سنه سنده (چه) وطنپرورانی (کونیگزینوف Koeniginoh) مناسترنده اون اوچنجی عصر او اخرینه عائد ملی شریقلردن مرکب بر اثر قدیم کشف ایتدیلر [ال یازیسيله محرر اولان بو اثره الیوم ساخته نظریله باقلمقده در] . بونک اوزرینه (چه) ادبا و علماسندن بعضلری (چه) لره وقتیه بر ادبیاته صاحب بولندقلرینی و بیوک بر ملت اولدقلرینی اخطار ایدرک حسیات ملیه لرینی ، عزت نفسلرینی تجزیکه باشلادیلر ؛ (چه) لسانیه محرر مجموعله تأسیس و ملی جمعیتلر تشکیل ایتدیلر ؛ مورخ (پالاکي Palacky) ، (بوهمیا) نک تاریخن یازدی . (آوستریا) ده کوریلن حرکات سابرّه ملیه خلافته اوله رق (چه) لرک تحریکات ملیه سی یالکنز (بوهمیا) یه منحصر قلمدی . (چه) وطنپرورانی بالخاصه سنه مسئله سیله

رد ایدیلر . مع مافیه اصلاحات ایچون مهم بر مقدمه نظریه باقیلان بر تدبیر اتخاذ اولندی :
(پشته) ده (طونه) اوزرنده انشا ایدلکده اولان آصمه کو بریدن کچلردن پاره آلمسنه
وزادکانک ده عوام ناس کبی بواجرتی اعطا ایلملرینه قرار ویرلدی ؛ بوتدبیر زادکانک
هیچ بر ویرکو تأدیه ایتمهک خصوصنده کی امتیازلرینه اوریلان ایلک ضربه کبی تلقی
ایدلی .

عین زمانده (ترانسیلوانیا) ده کی مجارلر (ترانسیلوانیا) بی مجارستان ایله برلشدیرمک
ایچون اجرای تحریکاته باشلامشدر ایدی . ۱۸۰۹ سنه سندن بری ایلک دفعه اوله رق
۱۸۳۴ ده اجتماعه دعوت اولنان مجلس عمومی حکومت قارشی مقاومت ایدیور ، کندیسی
خارجده بر اقلق شرطیه تشکل ایدن (غوبرنیوم Gubernium) مجلسی اعضاسنک
علی الاصول انتخاب اولندقلری بیانیه مجلسی طانییور . منتخبلرینه قارشی مسؤل اولدیغنی
اعلان و مذاکرات ضبطنامه لرینی - ممنوعیت موجودیه رغماً - طاش باصمه سی ایله طبع
ایلوردی . حکومت ، مجلس عمومی طایفه رق بر حکومت عسکریه تاسیس ایتدی .

آرتق (مجارستان) ده حیات سیاسیہ او یانمشدی . مبعولردن برینک کاتبی اولان
(قوشوت Kossuth) اسمنده بر کنج دعوی وکیلی مجار لسانیه ایلک جریده سیاسیہ بی
تاسیس ایدلی . (قوشوت) توقیف اولندی ، ایکی سنه حبس خانه ده قالدی ، بعده محکوم
اولدی ، فقط نهایت عفو ایدلی . مع مافیه بیوک بر شهرت صاحبی اولمشدی ؛ رؤسای
مخالفینک اک مشهورلردن بری صرهنه کچدی . اعضاسی اوچ سنه ایچون منتخب بر
(دیت) مجلسنک هر سنه (پشته) ده اجتماعنی ودره بکک زماندن قاله زادکان امتیازاتنک
الغاسنی طلب ایدیوردی . ۱۸۳۹ ده بر ، ۱۸۴۲ دن ۱۸۴۴ سنه سنه قدرده بر (دیت)
مجلسی اجتماع ایتدی ؛ (ماغنا) لر بو دفعه ده اصلاحات تکلیفلرینی رد ایدیلر ،
(قومیتات) لر دخی زادکانک ویرکولردن معفوتی اصولنی محافظه ایچون مبعولرینه
تعلیمات مخصوصه ویردیلر .

حکومت یالکیز لسان مسئله سنده مجارلرک آرزولرینه تبعیته مجبور اولدی ؛ مجارجه نک
۱۸۳۶ ده لسان قوانین ، ۱۸۴۰ ده لسان اداره ، ۱۸۴۴ ده لسان حکومت و تدریسات
اولدیغنی اعلان ایدلی . فرقه احرار ، اصلاحات مسئله سنده بر قاچ قسمه آیرلدی . —
غایت قوتلی وکوزل بر سس ایله سوز سویلین ، اوضاع و اطوار مخصوصه سیله جلب
نظر دقت ایدن (قوشوت) بین الحلق بیوک بر شهرت و اعتبار قرائمشدی ؛ اقرادی ولایات
اهالیسندن مرکب اولق اوزره بر حاکمیت عامه فرقه سی تشکیل ایتدی ؛ بوفزقه (قومیتات)
مجلسلرینک نفوذ و صلاحیتلرینی تمقیص ایتدن امتیازاتنک الغاسنی ویر مجار حکومتنک

مجارستان قراللی (دیت) مجلسی ایکی قسمدن مرکب ایدی : (تابل ده ماغناٹ Table des magnats) دنیلن مجلس اعیان ارثاً اعضالق حقنه مالک اولان بیوک زادکاندن ؛ (تابل ده زهتا Table des Etats) دنیلن مجلس مبعوثان هر بر (قومیتات) ایچون ایکی مبعوث اولوق اوزره اهالی طرفندن منتخب ۱۱۰ زادکان مبعوثی ایله بتون شهرلر ایچون یالکز ایکی وکیلدن و (خروااستان) قراللغناک (دیت) مجلسنجه منتخب مرخصلردن مرکب ایدی .

بو تشکیلات (انکلتره) ناک « لوردلر مجلسی » ایله عوام مجلسنه مشابهدی . فقط مجلسلر غایت قاریشیق برحالده ایفای وظیفه ایدیوردی . (قومیتات) لر ایله شهرلرک مبعوثلری ، (خروااستان) دیت مجلسناک مرخصلری ، کلیسا ومناسترلرک وکیللری ، حاضر بولنیمان (ماغناٹ) لرک ، یعنی اعیانک وکیللری عین سالونده قارمه قاریشیق اجتماع ایتدکن بشقه سیرجیلر وحقی قادینلر بیله بوراده بولنورلردی . بعض مبعوثلر یالکز باشلرینه رأی صاحبی اولدقلرندن بر (قومیتات) ک مبعوثلری آنجق مشترکاً بر رأی ویره بیلیرلردی . اعطای رأی ایچون منتظم بر اصول یوق ایدی ؛ قرون و سلطان قالان « آرا تعداد دکل ، وزن ایدملدر » قاعدهسی جاری ایدی . حقیقت حالده مبعوثلر بیان رأی بیله ایده مزلردی ، چونکه منتخبلری طرفندن تحریر وکندیلرینه اعطا اولنان تعلیماته رعایته مجبور اولدقلرندن ایراد ایدیلن سؤالره آنجق موقت جوابلر ویره بیلیرلردی .

(دیت) مجلسی حقیقی برشورای امت دکلدی ومنتظم برهیئت وکلا قارشیننده بولنورلردی . سیاست ، بر طرفدن (ویانه) ده سرای حکمدارینک نفوذی آلتنده ، دیگر طرفدن کوی زادکاننک افکار باطلهسنه محکوم اولان (قومیتات) مجلسلرنده تعیین اولنورلردی . فرقه احرار هم آنغاریهیی ، زادکانه ویریلن ویرکولری ، تکالیف عمومیه خصوصندهکی مساواتسزلی قالدیرهرق هیئت اجتماعیهیی اصلاح ایتک ، همده حق انتخابی مأمورلره ، معلملره ، دعوی وکیللرینه ، مقاولات محررلرینه ، طبیبلره ، راهبلره ، تاجرلره ، صنعتکارلره ، تشمیل وهربر مبعوثک بررأی صاحبی اولسنی تأمین ایدرک اصول مشورتی تطبیق ایلنک ایستورلردی .

اصلاحات ایچون اجتماع ایدن (دیت) مجلسی قرق آی دوام [۱۸۳۲ - ۳۶] و ۴۷۰ جلسه عقد ایتدی . احرار ، شکایات ومطالبنی تبلیغ ایدرک سربستی مطبوعات ایستیلر؛ فقط حکومت ایله متفق اولان (ماغناٹ) لر اصلاحات لایحهلرینک همان کافسنی

ایده مدیتر . نهایت امپراطور راضی اولدی ؛ زوجه سنه مجارستان قریبجه لنی تاجنی کییدیرمک بهانه سیله (دیت) مجلسنی ۱۸۲۵ تاریخنده (پرسبورغ) شهرنده عقد اجتماعه دعوت ایستدی .

۱۸۳۰ دن صکره (مجارستان) ده تحریکات سیاسییه باشلادی و (دیت) مجلسی ایله (قومیتات) لرده اصلاحات فرقه لری تشکل ایلدی . هم افکار ملیه ، هم ده افکار احرارانه میدان آلدی . ۱۸۳۳ ده اجتماع ایدن (دیت) مجلسی (مجار) ملتته لایق حکومت ایستدی ؛ امپراطورک (مجارستان) ده دهاز یازده اقامتی ، (دیت) مجلسنک حدود اوزرنده کائن بر آلمان شهری اولان (پرسبورغ) ده دکل ، مجارستانک تاقلمنده بولنان و مجارلرک پایتختی اولان (پشته) ده اجتماعی ، لاتینجه یرینه مجار لساننک لسان رسمی عد ایلمسی جمله ؛ مطالباتدن ایدی . سیاست ملیه مسئله سننده بتون مجارلر متحد الفکر ایدی . اصلا - حات احرارانه بمحشده برقاچ قسمه آیرلیدلر . قانون اساسینک وهیئت اجتماعیه نک اصلاحنی تکلیف ایدن برفرقة احرار ایله صرف مجارلردن مرکب بر حکومتی و طرز قدیم اداره بی محافظه ایتمک ایستین برفرقة محافظه کار تشکل ایستدی .

(مجارستان) هیئت اجتماعیه سی قرون وسطاده اولدینی کبی یکدیگریه معادل و مساوی اولیان ایکی صنفه آیرلمشدی ؛ هر درلو حقوقه مالک ، هر نوع ویرکودن مستثنا ، و آنجق نفیر عام طرزنده خدمت عسکریه بی ایفایه مجبور اولان زادکان ، - زادکان اراضیسنده مستأجر صفتیه چالیشان ، زادکانه قارشنی ویرکو و آنغاریه ایله مکلف اولان ، هر نوع تکالیفی تأدییه واردو ایچون افراد جدیده تدارکنه مجبور اولدقلری حالده هر درلو حقوق سیاسیهدن محروم بولنان کویلیلر . ملتک حقوق سیاسییه مالک اولان قسمی یالکز زادکندن عبارتدی ؛ فقط زادکان پک غلبه لک ایدی ؛ چوغنی کویلیلر قدر جاهل و فقیر اولدقلری حالده کویلرده اقامت ایدرلردی .

(قومیتات) دنیلن ولایتنرک اداره سی زادکانه عائددی . (قومیتات) ک بتون زادکانی اوقات معینه ده (قونفره غاتیو congregatio) نامیه معروف بر اجتماع عقدایدرلر ، (ره باراتیو reparatio) معامله سنی اجرا ، یعنی مأمورین ملکیه بی ، حکامی ، مأمورین مالیه بی انتخاب ایلرلر ایدی ؛ بو انتخابات غایت کورولتیلی اولور ، ضیافتلر و یریلیر ، ایچیلیر ، رقیلرک طرفدارلری آره سننده منازعلر و محاربه لر وقوعه کلیر ، و یریلن قرارلر آلقیشلانیر ، انتخاب اولنانلر ایچون ظفر آلایلری ترتیب ایدیلردی [*] .

[*] رۇسای احراردن (نه ثوت ووس Eotvos) بو انتخابلردن برینی غایت بارلاق بر صورتده تصویر ایتمک صورتیه بر رومان یازمش و بو رومان (در دورفنو تار Der Dorfnotar) نامیه آلمانجه به ترجمه ایدلشدر .

قانون اساسی شکل سابق ايله يکيدن موقع تطبيقه وضع ايدلمشدي . (فرانسوا) قانون اساسی بی علناً مدح و ثنا ايتدی . ۱۸۲۰ سنه سنده عسکری مانووره لر نده حاضر بولمق اوزره (بشته) به کيتديکي وقت (مجارستان) حکومتک لسان رسميسي اولان لاپنجه ايله شو مآلده بر نطق ايراد ايلدی : «بتون دنيا حال جتنده در ؛ قوانين قديمه سنی بر طرفه بر اقرق خيالی قوانين اساسيه آر قه سنده قوشيور . سزه کلنجه ، سز اجداد کزدن قالمش بر قانون اساسی به مالک بولنيورسکز و بونی سويورسکز ؛ قانون اساسيسکزی بنده سورم ، بونی محافظه ايله حکم و اخلاقه عيناً دور ايله حکم .»

فقط ايمپراطور بو قانون اساسی قديمی سويور کي کورونمکله برابر موقع تطبيقه وضعی خصوصه اهميت و يرميوردی . (مجار) زادکاني طرفدن تا قرون وسطادن بری قرالره قبول ايتديريلن (مجارستان) قانون اساسی قرال ايله مشترکاً اداره حکومته مأمور اولان (ديت) مجلس مرکزی ايله (قوميتات Comitats) دنيلن ولايتلری اداره به مأمور اولمق اوزره هر بر (قوميتات) مرکزنده موجود الی بش قدر مجلس محلی تشکيلي متضمن ایدی . بو تشکيلات (انکلتره) نک شورای امته و (قونتلق) لر داخلنده کی مجلسلرینه بکزه بوردی .

(ديت) لاقول هراوج سنه ده بر اجتماع ايله جگدی ؛ فقط ۱۸۱۲ دن بری حکومت مجلسی عقد اجتماعه دعوت ایتمه مکده ایدی . (ديت) موجود اولمديفنن (قوميتات) مجلسلری قانون اساسی نامه اوله رق حکومت مطلقه به مقاومت ايتدير . ۱۸۱۵ ده حکومت طوغريدن طوغری به (قوميتات) لره مراجعت ايدرك ویر کولرک تحصيلی و افراد جديده عسکریه نک سلاح آلتنه دعوتی امر ايلديکنن مجلسلر آنجق (ديت) مجلسنک قراريله حرکت ايله بيه جکلرینی بيان و مأمورینی ویر کولری تحصيلدن و افراد عسکریه بی سلاح آلتنه دعوتدن منع ايلدير ؛ ايمپراطور مجلس محلیه نک بوبانده کی امر - نامه لرینی حقوق حکمداری بی اخلاص ايتديکی بيانيه فسخ ايتدی . بونک اوزرینه (قوميتات) لر حکومتک آرزوسنه موافقه مجبور اولدير . - فقط ۱۸۲۰ دن صکره حکومت افراد جديده نک سلاح آلتنه دعوتی و ویر کولرک قوائم نقديه پرينه نقداً تاديه سنی امر ايتديکی زمان (قوميتات) لرینه جواب رد ويره رک (ديت) مجلسنک اجتماعنی طلب ايتدير . حکومت اراضی ویر کوسنی جبايت اتمک و افراد جديده بی طوبلا مق ایچون مأمورلر ، قوميسرلر کوندردی . (قوميتات) لرک مأمورلری بلامقاومت ایفای وظیفه دن ممانعت ايلدير ؛ بونک اوزرینه قرال طرفدن کوندریلن مأمورلر ویر کونک تحصيلی ایچون ایجاب ایدن اوراق و دفاترک هیچ برینی بوله مدقلرندن تحصيلاته تشبث

نالنده جمعیت مذکورہ نظامنامہ سنک « فارماصون » نظامنامہ بکرہ دیکی بیان اولنیوردی .
 ۱۸۲۵ سنہ سنده محرر ، رسام و موسیقیشناسلردن مرکب اوله رق صرف اکلنجه
 ایچون تشکل ایدن بر جمعیت اعضاسی توقیف ایدیلیر . - پوستلر مکاتب
 خصوصیه سنک آچبله جنی بر طرزده ترتیب و تنظیم اولنمشدی . - (آوستریا)
 تبعه سی مملکتلرندن آنجق بر «پساپورط» ایله چیقہ بیلیرلردی؛ حکومت ایسه «پساپورط» ی
 نادراً ویرردی .

قائولیک مذهبی هنوز دین رسمیء حکومت ایدی . هیئت ره بان طوغریدن طوغری به
 حکومته تابع بولنیوردی ؛ (مترنیخ) ایله ایمپراطور (ژوزه فینیزم Joséfinisme) ،
 یعنی حکمدارک جسمانی صفتک صفت روحانیسنه تقدم ایلمسندن عبارت اولان اصول -
 طرفداری ایدیلیر . فقط تبعه ایچون قاتولیک مذهبی مجبوری ایدی ؛ دارالفنون طلبه سی
 کلیسایه کیتمکه ، مراسم روحانییه ی اجرا ایتمکه مجبور بولنیورلردی ؛ بر چوقلری
 اعتراف کنه مقابلنده راهبرک ویردکلری اوراقی آرقداشلرندن صاتون آلیرلردی ؛
 بو اوراقک ، بورسده تداول ایدن اسهام کبی ، زمانه کوره دکیشن بر فیائی واردی .
 مکتبلر هیئت ره بانک تحت نظارتنده ایدی . قاتولیک اولمانلرک کندی مذهبلری وجهه
 اجرای آیین ایتلرینه - ایکنجی (ژوزف) زمانندن بری - مساعده ایدیلیردی ؛ فقط
 یونلرک کافه سی مأمور اولق حقتدن محرومدی ؛ املاک صاتون آلمق ، یعنی صنف
 متوسط اهالی میانه کیرمک حقی، اصناف کتخداسی و اوسته اولق ، یاخود دارالفنون
 زتبلرینی احراز ایتک ایچون مساعده مخصوصه استحصالنه مجبور ایدیلیر . ایسته بو
 تدابیر و اصولک هیئت مجموعه سنه « مترنیخ مسلکی » نامی ویرلمشدی . بو مسالک ممکن
 مرتبه ظلم و غدره میدان ویرمین ، غایت مسامحه کار بر استبداد پدرانہ ایدی .

حکومت افکار عامه سنک سیاسیات ایله اشتغالنی منع ایدیور ، فقط تبعه سنک اکلنمسنه
 ذوق و صفا ایچنده وقت کچیرمه سنه مساعده ایلیوردی . حتی (ویانه) اوروپا پانتختلری
 آرسنده ذوق و صفاسی ، اکلنجه لری ایله شهرت قازانمشدی .

مجارستانده حرکات ملیه . - اوستریا ایله مجارستانک آیری آیری ایکی حکومت عد
 ایدلمسی حقتده (ماری تهرز) طرفندن قبول و تصدیق ایدیلن اصولک یالکنز برجهتی
 الآن جاری و موجود ایدی که اوده (مجارستان) قرالغنک قانون اساسیمی ایدی . امپرا -
 طور ، اولکی کبی ، (مجارستان) قرالی ایدی و قانون اساسی بی، محافظه یه مجبورلردی .
 ایکنجی (ژوزف) بوقانونی اصلاح ایتک ایستدیکی زمان عصیانہ سنب اولمش ۱۷۹۱ده

بر ، (بوهیا) ده درت بلده مجالس مذکوره یه اعضا کوندره بیلوردی . ذاتاً مجالس عمومیه آنجی ویرکولر حقنده کی تکلیفلی تدقیق و قبول ایچون اجتماعه دعوت ایدیلوردی . دی . ۱۸۱۷ سنه سنده (غالیچیا) مجالس عمومیه سنک یکدن تأسیسنی مبین اولان امرنامه ده « ویرکولرک طرح و توزیعی خصوصنده بو مجلسلرک موافقتلرینی استحصال ایتمک لازم کلدیکنی ایما ایدر یولده هیچ بر شی یاپیلمامسی » توصیه اولنیوردی . مجلسلرک دورۀ اجتماعیلری مراسم مخصوصه ایله ، فقط هیچ بر مناقشه و مباحثه جریان ایتمدن رسم کشادی اجزا ایلمکدن و بعده ضیافت ویرمکدن عبارت قالوردی و علی الاکثر یالکز بر کون دوام ایدیوردی .

مع مافیله ولایات مجالس عمومیه سنه امتیاز مخصوص ویرلمش اولدیغنه دائر بر مثال ذکر ایدیلوردی : ۱۸۲۵ ده (بوهیا) مجالس عمومیه سی ، اراضی ویرکوسنک اصلاحنی طلب ایدن ، حکومتی ویرکو خصوصنده کی مساواتسزلرک زادکان لهنده اوله رق محافظه و ادامه سنه مجبور ایدی . روایتی نظراً حکومتک بوکا موافقت ایتمسی (ورونه) قونفرمسنده روس غراندوقی (قسطنطین) طرفندن دوچار حقارت اولان پرنس (ویندیشغراچ Windischgraetz) . بر جمیله ابرازی مقصدینه مبتنی ایدی .

بو اصول اداره نك روحی هر درلو تحریکاتی ، غلیان افکاری منع ایتمک جهتیه معطوف اولدینی ایچون حکومت ، تبعه سنک امور حکومت ایله اشتغال ایتمسه ، بونلردن بحث ایلمسنه ، حتی دوشونمسنه بیله مانع اوله جق تدابیر اتخاذا ایدیوردی . بو ، « سانسور » و ضابطۀ خفیه نك وظیفه سی ایدی . - ضابطه یه تابع اولان « سانسور » یالکز تیاترو اوینولرینی دکل ، غزته لری و کتابلری ده تفتیش و معاینه ایدیوردی : بو بایده هیچ بر قانون بولندیغندن « سانسور » هیئتی لایسنل و آمر مطلق ایدی . (اوستریا) ده هیچ بر اثر سیاسی طبع اولتماز ایدی . ایچنده بر فکر احرارانه بولنه .

بیلان باجمله کتب اجنبیه نك ، (هالام) ، (اوغوستنن تیهری) ، (سیموندی) نك کتابلرینک و حتی (بروسه Broussais) نك آثار طیه سنک (اوستریا) یه دخولی ممنوعدی . - ضابطه اجنبیلری ، معلملری ، دارالفنون طلبه سنی ، حتی مأمورلری شخص بشخص تحت ترصده بولندیر یوردی ؛ دارالفنون درسخانه لرنده خفیه لری واردی . عمومی کتبخانه لرده هر بر معلمه اعاره ایدیلن آثارک اسامیسنی حافظ کتبلردن آیر ایدی . هر نوع جمعیت تشکیلی شدتله ممنوعدی . اکثری مرسیلک ایله کچینن اسویچرهلر کنبجر ۱۸۱۷ سنه سنده بر « تاریخ و تربیۀ اطفال جمعیتی » تأسیس ایتمشردی ؛ بو جمعیتی براز صکره ، یعنی ۱۸۱۹ ده طاعتیمغه مجبور اولدیلر ، توقیف ایدیلر ؛ ضابطه زور .

فقط برنوع مجلس وکلا دیمک اولان بو « قونفرانس » لک تشکیلاتی باآخیره ، خلیفی زمانده اجمال ایدلدی . ۱۸۱۴ ده تنسیق ایدیلن « شورای دولت » ک وظیفهسی رأی استشاری بیانندن عبارت قالدی .

ایفای وظیفه خصوصنده بربرلینه مانع اولان ، برچوق معاملات رسمیه وحدسز نهایتسز یازیلر اولمدقجه هیچ برشینئه قرار ویرمهکه آلیشمش بولنان بومجلسلر ، هیئتلر امور حکومتی ، ضرب مثل حکمنه کیرن ، برعطالت فوقالعاده ایله رؤیت ایدیورلر ؛ اک اوافق تفرعانه بیه قرار ویرمک مسؤلیتنی ایمراطوره براقیورلردی . مأمورلری تفتیش ایچون تشکیل ایدیلن مجلس هیچ برشینئی تفتیش ایده میور ایدی . حکومت هیچ کیمسه یه حساب ویرمکه ویا افکار عامه یی نظر دفته آلمغه مجبور اولمدینی ایچون ، مصالح عمومیه یه صورت خفیه ومستبدانده رؤیت ایتمکده ایدی . هیچ کیمسه بو دجه نک حقیقته واقف اوله مازدی . ۱۸۱۴ دن بری بو دجده دائما آچیق واردی ، فقط بو آچیق اعتراف ایدلمزدی ؛ آچیقئر دائما مصارفات فوقالعاده یه مداراولق اوزره عقد ایدیلن استقراضلردن متباقی قالان مبالغ ایله قبانیر ایدی .

بو اداره قرطاسیه هر هانکی بر ایش حقنده بر قرار قطعی ویرمکدن قورقیوردی . هیچ بر شینک حله جسارت ایدله دن نهایتسز معاملات ایفا و بیهوده یره کاغد صرف اولنیسوردی . (دالماجیا) والیسی (استادیون Stadion) کندی ولایتده کی نواحی ایچون بر نظامنامه یه محتاج اولدینی زمان بونی مسؤلیت ذاتیه سی آلتنده موقع اجرابه قویمش ، فقط بو سبدن طولایی افکار مفرطه امحاسبندن عد ایدلمشدی .

(آوستریا) هیئت اجتماعیه سی ، رسماً بر هیئت اجتماعیه خواص ایدی . زادکانه مخصوص اراضی واملاک یالکیز بونلر صانون آله بیلیرلردی ؛ بیوک مأموریتلره زادکاندن بشقه کیمسه کچه مزدی . زادکان ، کندی مالکانه لرنده امور ضابطه و عدلیه یی رؤیت و صنایع حقنده نظامات مخصوصه تنظیم ایتمک حقنه مالک ایدیلر . کویلیلر زادکانک حکمنه تابع واونلره ویرکو ویرمکه ، مالکانه لرنده آغاریه خدمت کورمکه محکوم بولنیورلردی . اداره ولایات حکومت مأمورلیله ویرکولری طرح و توزیمه و افراد جدیده عسکریه یی سلاح آلتنه جلب و دعوته مأمور اولان ولایت مجلسلری آره سنده تقسیم ایدلمشدی ؛ حتی ولایتلرده مجالس عمومیه یکیدن تأسیس اولندی ایسه ده مرور زمان ایله حکمدن ساقط اولدیلر . فقط بوقدم مجالس عمومیه اهالی مملکتک ویکلرندن مرکب اولدقلری کی هیچ بر حکم و نفوذه دخی صاحب دکل ایدیلر . (تیرویل) مستثنای اولق اوزره ولایات سائرته نک کافه سنده مجالس عمومیه همان یالکیز زادکاندن مرکب ایدیلر ؛ آنجق بر قاج شهر ، (غالیچیا) ده

اشغال ایتمدیکی بر زمانده تطبیق ایدیلن بر سیاستک اثری ایدی ؛ حسیات ملیه نك ظهور و توسعی اوزرینه بونی تطبیق ایتمک ممکن اوله میه جق ایدی .

« مترنخ » ك مسلکی . — اداره داخلیه فرانسز انقلاب کیرندن اولکی حالده ایدی . ایمپراطور ، وکلا و مشاورلرینک معاونتیه ، حکومت مطلقه طرزنده مملکتینی اداره ایدیوردی . اک ذی نفوذ ناظر اولان (مترنخ) — که غربی آلمانیانک زادگان عالیه لرندن برینه منسوبدی — هر شیدن اول ماهر بر دیپلومات اولدینی ایچون امور خارجیه یی اداره ایدردی ؛ فقط نفوذ شخصیه می سببیه سیاست داخلیه یی تنظیم ایدن ده او ایدی .

ایمپراطور برنجی (فرانسوا) ، ویانه زادگان کبی ساده برحیات کچیر ، کوزل سوز سویلر ، لابلالی مشرب بر حکمدار اولقله برابر حکومت مطلقه طرفداری ، هر درلو تشبث انقلابجویانه قارشی غایت شدتلی و — عمجه سی ایکنجی (زوزف) ك تعبیری وجهله — « قیدسزلنی ، ترددی ، جان صیقندیسندن قورقمی » سببیه هر کسندن زیاده محافظه کار ایدی . هر درلو اصلاحاتدن قورقار ، (اوستریا) ایمپراطورلنی تعمیره تشبث ایدیلیرسه همان ییقیلویره جک برکهنه خانه یه تشبیه ایدردی . مکمل بر سالون آدمی ، غایت کوزل سوز سویلر ، هر شیئه اینانماز ، عالم ، دائماً متبسم وملتفت بر سیاسی اولان (مترنخ) ایمپراطورک حسیات محافظه کارانه سنی نظریات فنیه حاله افراغ ایتمشدی ؛ دائماً انقلاب علمینده بولنور ، هر درلو تبدله مانع اولمق وامور حکومتده هر درلو تفتیشدن آزاده بولمق ایستردی . اوروپاده حکومت مطلقه یی محافظه ایدرک انقلابی منع ایتمک چالیشدی ؛ اوستریا ده طرز قدیم اداره یی محافظه ایچون انقلابه مانع اولدی .

(ویانه) ده بولنان حکومت مرکزیه — بعضلری بتون ایمپراطورلنی ، بعضلری یالکز برقم ولایاتی اداره مأمور — بر چوق ناظرلردن و بر نوع مشترک نظارتلر دیمک اولان مجالس عالیهدن مرکبدی . (هائوزهوف اشتاتسکانزله ی Haus - Hof - Staatskanzlei) دنیلن قدیم مجلس عالی امور خارجیه ، ضابطه ومالیه یی رؤیته مأمور ایدی ؛ فقط (بوهمیا) ، (گالیچیا) ، (اوستریا) ، (ایلایریا) ، (لومباردیا — وندیك) قرالنی ایچون آیری آیری دائره لر ، مأمورلر واردی . (مجارستان) و (ترانسیلونیا) نك (هوفشتال Hofstelle) دنیلن مجالس خصوصیه سی ، مجلس عالیء حرب ، مجلس عالی ، حسابات اداره عمومیه سی محافظه ایدلمکده ایدی . بتون بومجلسلرک ، نظارتلرک معاملاتنی محور انتظامده تدویر ایده بیلیمک ایچون ایمپراطور ، ۱۸۱۴ سنه سننده ، رؤسای امور وبعض شایان اعتماد مشاورلر آره سننده « قونفرانس » لر عقد اولنسنی امر ایتمشدی .

اولان مجارستان قرالغی اھالیسی مجاریدی، فقط اووه طرفنده، بالخاصه غرب حوالیسندہ بک چوق آلمان بولندینی کبی (موراویا) یه متصل اولان شمال غربی جھتلی (اسلواک) دنیلن اسلاو عنصریلہ مسکون ایدی . - (ترانسیلوانیا) اھالیسی (اورتودوکس) مذھبندہ رومانیالی کویلیلردن مرکب اولدینی حالہ ایکی ملت حاکمک، یعنی مجارستاندن کلن مجارلر ایلہ برچوق عصرلردن بری مملکتک وسطنده یرلشمش اولان (پروتستان) مذھبندہ آلمانلرک [صاقسونلرک] تحت حکمندہ ایدیلر . - (خرواتستان) ، (اسقلاوونیا) ، (دالماسیا) اھالیسی قاتولیک مذھبندہ اسلاولر ، یعنی خرواتلر ایدی . فقط ساحلده کی شہرلده اکثریت اھالی ایٹالیان اولدینی کبی شرق حوالیسی (اورتودوکس) مذھبندہ قالان صرب ملتجیلریلہ مسکون ایدی .

اقوام و مذھب مختلفہ آرسندہ کی رقابت بوکونکی قدر شدتلی دکلدی ؛ فقط ایمپراطورلق اھالیسی وحقی بر مملکتندہ قومشو اولان ایکی مختلف قوم آرسندہ اتحاد حصولنہ مانع اوله جق درجده اجرای حکم ایدیوردی . حکومت اقوام مختلفہ یی براداره مشترکہ تحتندہ توحید اتمک فکرندن واز کچمشدی . (مترنخ) ایمپراطور ایکنجی (ژوزف) ک اقوام مختلفہ دن ملت واحده وجوده کتیرمک خصوصندہ کی تشبثی رد وجرح ایدیوردی . (سن ایتین) تاجنه عائد ممالکک ادارہ سی اصل ایمپراطورلغک طرفی ادارہ سندن بسبتون فرقلی ایدی ؛ ایمپراطورلق ایکی مختلف صورتندہ اداره اولنیوردی . (ممالک ارثیہ) ، (بوھمی) ، (غالچیا) طوغریدن طوغری یه (ویانہ) حکومتہ تابع اولقہ برابر اداره جه آرہلرنده بعض فرقلر موجود ایدی .

اسلاولر (اوستریا) ایمپراطورلغی داخلندہ اکثریت اھالی یی تشکیل ایدیوردی ؛ فقط بو اکثریت ملت محکومہ دن عبارت ، اتحاددن محروم ایدی . اسلاولر ، طونہ وادیسندہ کی آلمانلرک و مجارلرک آرایہ کیرمسندن طولایی شمال و جنوب حوالیسندہ بولمق اوزره ایکی بیوک قسمه و آلتی مختلف ملیتہ منقسم ایدیلر : ۱ ، (چه) لر و (اسلواک) لر ؛ ۲ ، لھیلر ؛ شمال طرفندہ . - ۳ ، (اسلووون) لر ؛ ۴ ، (خروات) لر ؛ ۵ ، صربلر ؛ جنوب جھتندہ . اسلاو عنصرینہ منسوب اولان بولمق کندیلرن دن دھامتمدن و تشکیلاتی دھامتظم اولان براقلیتک ، یعنی غربندہ آلمانلرک ، شرقندہ مجارلرک تحت حکمندہ بولنیوردی .

نفوذ و رجحان آلمانلردہ ایدی : پایتخت اولان (ویانہ) بر آلمان شہری ، عائله حکمداری ایلہ سرای آلمان عائله سی و سرایی ایدی ؛ حکومتک و اردونک لسان رسمیی آلمانجه ایدی . بو طرز اداره ملیت مسئلہ لرینک هنوز افکار عامہ یی

۲ — « بوهیمیا تاجی » ممالکی ؛ که (بوهیمیا) ، (موراوایا) ، (سیلیزیا) نامنده کی اوج ولایت قدیمه دن متشکلدر [*] .

۳ — لهستان قرالغندن آلمان (گالیجیا) مملکتی ؛ که (مولداویا) دن ضبط ورومانیا عنصریله مسکون اولان (بوقووینا) بی دخی محتویدر .

۴ . — « سن اتین تاجی » ممالکی . بوقسم درت حکومتدن متشکلدی : (مجارستان) قرالغنی ، (ترانسیلوانیا) پرنسلیکی ، (خروواتستان) و (اسقلاوونیا) خروات قرالقلری ، (صربستان) ولایتی . [قدیم « ونیدیک » مالکانه سی اولان « دالماسیا » قرالغنی خروات ممالکنک عینی اولوب آرهلرنده اهلینک جنسی نقطهٔ نظرندن دخی بر فرق یوق ایسهده ادارهٔ ممالک ارثیه میاننه ادخال ایدلشدر] .

بودرت قسمک هربری دخی تشکیلات وانقلابات تاریخیه نتیجه سنده برلششم مختلف مملکتلردن متشکل ، آرهلرنده هیچ بر رابطهٔ اتحاد اولیمان ملل مختلفه دن مرکبدی . ایشته بوندن طولایبدرکه (آوستریا) نک حیات سیاسی سی غایت قاریشقدردر .

ممالک ارثیه نامی آلتنده برلشن مملکتلرک اهلیمی آلماندر ؛ (ویانه) ده ، (آوستریا آرشیدوقه لغنده) ، شمال ولایاتنده لسان خلق آلمانجه ایدی ؛ فقط جنوبده ، (قارنیول) ده (ایستیریا Styrie) ایله (قارینتسیا) نک بر پارچه سنده ، (کهرچ) ، (غرادیسقا) ، (ایستیری Ystrie) ده اهالی (اسلووهن) ، یعنی (اسلاو) ایدی . مع مافیله صوک ایکی ولایت ایله (تریسته) ده شهر اهلینک لسانی ایتالیانجه ایدی .

(بوهیمیا) ممالکنک اهلیمی عمومیتله اسلاو ایدی [اصل بوهیمیا ده چهلر ، سیلیزیا ده لهیلر] ؛ فقط بالخاصه شهرلرده پک چوق آلمان بولنمقده ایدی و (بوهیمیا) نک شمال غربی حوالیسی — که آلمانیا به متصل ایدی — همان تمامیه آلمانلاشدرلشدی .

(گالیجیا) ممالکی اهلیمی ده اسلاو ، فقط ایکی مختلف جنسه منسوبدی . غربده یالکز قاتولیک لهیلر بولنمقده ، وقتیه روسلردن آلمان شرق حوالیسنده ایسه اکثریت اهالی صنوف زادکانی تشکیل ایتمکده ایدی . شرقده کی اهالی اصلیه وقتیه اورتودوکس ایکن قاتولیک مذهبنی قبول ایدن ، مع مافیله اسلاو آیینی و تأهلرینه مساعده اولنان راهبیرینی محافظه ایلین (روتن) لردن مرکبدی ، (بوقووینا) نک اهلیمی (روتن) لر ایله قاریششم رومانیا لیر ایدی .

(سن اتین) تاجی ممالکی دیگر طرفلردن زیاده غیرمتجانسدی — حکومت حاکمه

[*] سیلیزیا ولایتنک کوچک برقیسی اوستریا به قالمشدی . بورایه (تروپاو Troppau) مملکتی

دنیلیر .

اون اوچنچى باب

اداره مطلقه زماننده آوستريا ايمپراطورلغى

۱۸۱۴ ده آوستريا ايمپراطورلغى . — (آوستريا)، فرانسز انقلاب كيرينك تاثيريله بلك آز تبدل ايتمشدى . — (آوستريا) حكومتى (ناپولئون) ه قارشى محاربه ايدرك تشكيلات داخله سنى اصلاحه چاليشامش ، حتى قوائم نقيه قيمتك تزيلى متضمن اولان ۱۸۱۱ بياننامه سيله تأديت خزينه ي تعطيل ايدرك اعلان افلاس ايلمشدى . — (آوستريا) نك اراضيسى ، ديكر آلمان حكومتلرينك كچي ، قارمه قاريشيق اولمامش ؛ يالكز (بريسغو Brigau) و (بلجيقا) كچي ولايات بعيده ي ترك ايتك مقابلنده اصل مملكته متصل اولان ولايتلرى ، (سالزبورغ Salzburg) بسقبوسلغى ايله (ونديك) مالكانه سنى ، يعنى (آدرياتيك) دكزى ساحلنى آلمش ايدى .

آلمانيا ايمپراطورلغتك محوندن صكره ايمپراطور (اوستريا ايمپراطورى) عنوان جديدينى آلدى [۱۸۰۶] ؛ زير اداره سنده بولنان حكوماتك كافه سى ايلك دفعه اوله رق بر عنوان مشترك تحتنده برلشدى . فقط بو ايمپراطورلق بر ملت تشكيل ايتيور ، بلكه عين حكمدارك اداره سى آلتنده بولنان بر چوق اقوام مختلفه دن مركب بولنيوردى . بنا برين (آوستريا) تاريخنى آكلامق ايجون بو مملكتى تشكيل ايدن مختلف اقوامك احوالنى بيلمك اقتضا ايدر . اقوام مذكوره ، مشترك بر اداره آلتنده برلشمزدن اول آيرى آيرى يشامش و لسانلرني ، اداره خصوصيلرني بر درجه يه قدر محافظه ايتمش قديم ملتزدن ويابو ملتلك انقاضدن عبارتدى . تاريخ نقطه نظرندن (آوستريا) حكومتى — (لومبارديا — ونديك) قرالغتك ايتاليانلرى خارج طوتلمق اوزره [*] — درت قسمه آيريلير :

۱ — « ممالك ارثيه » ، يعنى : مختلف ناملر تحتنده واون ولايت حالنده قديم (آوستريا آرشيذوقلغى) ايله برلشن (آلب) حواليسى .

[*] لومبارديا — ونديك قرالغى ايجون اون برنجى بابه مراجعت .

تعريف مؤلفات

آلمانيا ، پروسيه ، آوس-ترياكبي بتون آلمان مملكتلرينك تاريخي ايجون (دالمان - ويچ Quellenkunde der deutschen Geschichte) نامنده كي تعريف مؤلفات تاريخيه سنه مراجعت ايدليليدر . آلمان تواريخ مليه سنك كافه سي ايجون بو اثر مهده معلومات و تفصيلات لازمه موجود اولديفن دن بز بوراده (ديت) مجلسه عائد بالجمله اوراق و وثائق رسميه نك ۱۸۳۰ دن ۱۸۵۵ تاريخنه قدر مختلف مؤلفر طرفندن نشر ايدلديكني ذكر ايله اكتفا ايدم جكز .

آلمانيا حقنده كي فرانسزجه آثاره كلنجه ؛ (وان ده ووتر Van Deventer) ك ۱۸۷۰ ده نشر اولنان (آلمانانك اللى سنه ك تاريخي) ، (ده نيس Denis) ك (۱۸۱۰ دن ۱۸۵۲ تاريخنه) قدر آلمانيا) و (لهوى برول Lévy Bruhl) ك (لاينبيج دن صكره آلمانيا Allem. depuis Leibnitz) نامنده كي اثرلري شايدن توصيه در .



اولندی ، هیئت عدول الغا و محاکم مخصوصه تشکیل قلندی . افراد علمینده کی اخبارات نظر دفته آندی . حکومتلر کلیسانک ارتجاءه خدمت ایده جکنی نظر دفته آلهرق اهمیت معلملرینه و پروتستان راهلرینه تمهيلات ارائه ایتدیلر و مکتبلرک اداره سنی هیئت رهبانه ویردیلر .

(دیت) مجلسی ، ۱۸۴۸ دن اول اولدینی کبی ، (آوستریا) طرفندن اداره اولنیوردی . فقط (آوستریا) حکومتی . (پروسیه) یه قارشی تبدیل مسلک ایتشدی . (پروسیه) مرخص جدیدی (بسمارق) ۱۸۵۸ تاریخنه قدر (فرانقفورت) ده بولنهرق تجارب ذاتیه سنی خلاصه محتوی اولوق اوزره « مستقل بر پروسیه - آلمانیا سیاستنک لزوم تأسیسی حقنده مخطرہ ، مارت ۱۸۵۸ » نامیلہ معروف بر مخطرہ نشر ایتدی . (بسمارق) ک قولنجہ (آوستریا) و (پروسیه) ۱۸۴۸ دن اول (دیت) مجلسنده متحداً حرکت ایدیورلر و : « بو مجلسک بتون مذاکراتی حائز اهمیت اولمیان بر قاچ مسئله یه حصر ایدیورلردی . . . بالاتفاق حل ایدمه دکلری مسائلی موقع مذاکره یه بیله قویمورلردی . . . ۱۸۵۱ دن صکره (دیت) مجلسنک مذاکراتی ببتون بشقه برشکله کیرمشدر . (شوارچنبرغ) هیئت متفقہ قانون اساسسی احکامندن بالاستفاده اوستریانک آلمانیا اوزرنده « هکمونیا » سنی تأمین ایتک پلاننی قبول ایتمشدر . « بعدہ (بسمارق) اوستریانک آلمان پرنسلی ، ارباب صنایعی ، مالیونی اوزرنده کی نفوذ و تأثیرینی نه صورتله ونه کبی وسائط ایله اجرا ایتدیکی ایضاح و (دیت) مجلسنده اکثریتی نصل تأمین ایلدیکنی ارائه ایدیوردی . (بسمارق) ه نظراً (دیت) مجلسی (اوستریا) یه خدمت ایدن بر آلت ایدی ، (اوستریا) بو آلتک دائره خدمتی توسیع ایچون مجلسده اکثریت آرا ایله قرار ویریله بیله جک مسائلک مقدارینی تزید ایتکده ایدی .

الحاصل اعاده تأسیس اولنان (دیت) مجلسی احرازه قارشی حکومت مطلقه اصولنی ، (پروسیه) حکومتنه قارشی ده هیئت متفقہ یی محافظه ایچون (اوستریا) نک انده بر آلت ایدی .



ایستدی ؛ (پروسیه) قرالی متفکرینی جمع ایدرک اتحاد قانون اساسینک ملغا اولدیفنی اعلان ایتدی [۱۵ تشرین ثانی ۱۸۵۰] . « شوارجنبرغ Schwarzenberg » آچیقدن آچیفه (پروسیه) یه اعلان خصومت ایدرک « پروسیه اعتباردن ساقط اولملی ، بعده ییقلمیلدر « دیوردی [*] » .

آلمانیاه ارتجاع . — (پروسیه) آلمان حکومتلرینی اداره وظیفه سنی تزکه مجبور اولدیفندن (آوستریا) « یتش ملیون نفوسلی ایمراطورلق » تشکیلنی ، یعنی هیئت متحده یه بتون آوستریا ایمراطورلغنک ادخالنی تکلیف ایتدی . (درسد) ده اجتماع ایدن بر قونفرانس بو باده کی لایحه یی مذاکره ایدر کی کوروندی ؛ فقط آلمان پرنسلیری بو تشکیلاتی ایسته مدکلری کی (آوستریا) دخی او درجه اهمیت ویرمیوردی . نهایت ۱۸۴۸ دن اولکی هیئت متفقهنک یکیدن تأسیسنه قرار ویرلدی ووقتیله اولدیفنی کی یه (فرانقفورت) شهرنده اجتماع ایدن (دیت) مجلسی [مایس ۱۸۵۱] آلمانیاک آسایش داخلینسی تا، این ایتمک چاره لرینی تحری ایچون بر انجمن تشکیل ایتدی . « ارتجاع انجمنی » نامیه معروف اولان بو انجمن قوانین جدیده اساسیه ده موجود اولان آرای عمومیه ، عسکرلرک قانون اساسی یه یمین ایتملی کی تعبیرات انقلاب پرورانه نک اخراجی ایچون قوانین مذکورهنک تعدیلنی توصیه ایلدی .

۱۸۴۸ . دوره انقلابیه سنده بر چوق حکومتلر حاکمیت عامه اساسنه مستند قوانین اساسیه یی قبول ایتمش وحق انتخابی آرای عمومیه درجه سنده توسیع ، محاکمه « ژورنی » یعنی هیئت عدول اصولنی احداث ، عساکر ملیه تشکیل و سربستی ، مطبوعات قاعده سنی اعلان ایتمش ایدی . (دیت) مجلسی ۱۸۴۹ ده شورای امت طرفسندن قبول ایدیلن « حقوق اصلیه » نک ملغا اولدیفنی بیان ایتدی . بده هر بر حکمته ۱۸۴۸ دن اولکی طرز اداره نک اعاده سنه چالیشدی [**] ، انقلاب اثناسنده حریت ایله الفت ایدن اهالینک آلیشیدیفنی عادات جدیده منع اولندی . ارتجاع نتیجه سی اوله رق بر چوق مطبوعات دعوالری اقامه ایدیلور ، شبهلی مأمورین واهالینک احوالی تجسس اولنیور . دی ؛ مجالس عمومیه طاغیدادی ، حکومتلر منتخبلر ایله مجلسلری تضییقه باشلادیلر . حدودده سیاحینه مشکلات ایقاع وپسپورط اصولی احداث ایدلدی ، اقامتگاهلر تحری

[*] بو باده روسیه نک اوینادیفنی رول ایله (اولموج Olmütz) قونفرانسی حقتنه یکرمی بشنجی باه مراجعت .

[**] بو اصول اداره یه « Vormarzsche Zustande » ، یعنی « ۱۸۴۸ مارتدن اولکی طرز اداره » نامی ویرلمشدر .

تاسیس ایدیله جکدی : حکومتلرجه تعیین اولنان ۱۶۰ مرخصدن مرکب مجلس اعیان ، اهلایجه منتخب مبعوثلردن مرکب اولان مجلس مبعوثان. اون یدی حکومت معاهده نامه بی قبول ایتدیلر ، فقط (وورتیمبرغ) و (باویرا) قراللری بوکا راضی اولدیلر . مع مافیسه (پروسیه) فرقه ملیه سی اتحادی وجوده کتیرمک امیدنده ایدی . (فرانقفورت) شورای امتیک مرکزیمین و مرکز یساری اعضای قدیمه سندن یوز اللی کشی ، ۱۸۴۹ ده قبول اولنان قانون اساسی بی فدا ایدرک ، (پروسیه) یه نه صورتله معاونت ایدیله بیله جکدی قرارلشدیرمق ایچون (غوطه) ده اجتماع ایتدیلر .

فقط (پروسیه) قرالی اهلای طرفدان منتخب بر مجلسه استناد خصه و صنده شخصاً تردد ایدیور ایدی ، ۱۸۴۹ ده بر شورای امت تشکیلندن استنکاف و حکومتلر ایله مذاکره ایچون ایچه بر زمان غائب ایتدی . (آوستریا) بوندن بالاستفاده (ایتالیا) و (مجارستان) ده کی محارباته نهایت ویردی ؛ (پروسیه) قرالی منتخبلری اجتماعه دعوتیه قرار ویردیکی زمان (آوستریا) طرفدن تشویق ایدیلن (صاقسونیا) و (هانورره) قراللری اعتراض ایدیلر ؛ بعده مذاکره بی قطع ایتدیلر .

(پروسیه) قرالی حکومت صغیره ایله بر « اتحاد » تاسیسه چالیشدی . بو حکومتلرک اهلایی طرفدن انتخاب ایدیلن بر شورای امت [کانون ثانی ۱۸۵۰] مارت ظرفنده (ارفورت) ده اجتماع ایتدی ، اتحاد طرفدارلردن مرکب اولدینی ایچون (پروسیه) حکومتک تنظیم و تکلیف ایتدیکی قانون اساسی بی قبول ایلدی . اوصرده اتحاده معارض اولان حکومتلر هیئت متحدهیه (آوستریا) بی دخی ادخال ایدرک یدی اعضادن مرکب بر هیئت اداره مرکزیه و مساوی مقدار آوستریا ، پروسیه و آلمان مبعوثلردن مرکب بر شورای امت تشکیلنی تکلیف ایدیورلردی . (آوستریا) بونی قبول ایتدی . فقط (پروسیه) جواب رد ویردی [شباط - مارت ۱۸۵۰] .

(آوستریا) حکومتی قدیم (دیت) مجلسنی تنسیق ایچون آلمانیا حکومتلرینی (فرانقفورت) ده اجتماعه دعوت ایلدی . (پروسیه) حکومتی ده بوکا مقابل اتحاده داخل اولان آلمان حکومتلری مرخصلرینی (برلین) ده بر قونفره عقیدینه دعوت ایتدی . بر مدت ، آلمان حکومتلری یکدیگره ضد ایکی قسمه آیریلدیلر : مرخصلری (برلین) ده اجتماع ایدنلر (آوستریا) و (بیوک آلمانیا) طرفداری ایدیلر . فقط حکومتلر برر برر (پروسیه) دن آیریله رق (فرانقفورت) قونفرانسه ، اشتراک ایتدیلر . (پروسیه) قرالی (آوستریا) ایله محاربه تهلیکسنه معروض قالدی اولاتررد ایتدی ، بعده راضی اولدی . (آوستریا) حکومتی اتحادک صورت قطیه ده فسسخنی

هان کافه سی جنوبی آلمانلر اولوق اوزره یوز بش مبعوثدن عبارت قالان شورای امت (استوتفارت) ه نقل ایتدی [۶ حزبران] وبش اعضادن مرکب بر ایمبراطورلوق هیئت نیابتی انتخاب ایلدی. فقط بر مدت صکره (وورتمبرغ) حکومتی ایله اختلاف ظهور ایتدیکندن حکومت شورای امت سالوننی قیادتدی ومبعوثلری طاغیتدی. (باد) و (پالاتینا) مملکتلرنده اجرای حکم ایتدیکده ایدی؛ عصیان ایدن آلیلر بو عصات ایله ایله برلکده ایدی. (پروسیه) حکومتی بر اردو سوق ایتدی؛ عصات ایله محاربه لر وقوعه کلدی؛ نهایت عاصیلر مغلوب اوله رق طاغیلدیلر؛ اسرآنک بر قسمی دیوان حربلر طرفندن قورشونه دیزدیرلدی. جمهوریت طرفدارلردن چونغی اسویچرریه، فرانسه یه، آمریقایه قاجدیلر. عاصیلرک شدتله تأدیپ وتنکیل ایدلیری حکومتارجه مطلوب اولان نتیجه یی حاصل ایتدی: جنوبی آلمانیا ده پک غلبه لک اولان جمهوریت فرقه سی محو اولدی وبردها تشکل ایدمه دی [*].

پروسیه اتحادی. — بر آلمان حکومت متحده سی و بر شورای امت تأسیسی حقنده کی تشبث عقیم قالمشدی؛ (پروسیه) حکومتی بوفکری، حکومتلر ایله ائتلاف حاصل ایتدکدن صکره، موقع اجرایه قویمغه تشبث ایتدی. (پروسیه) عاصیلری تأدیپ ایتمش، انقلابی باصدیرمش اولدینی ایچون آلمان پرنسلیری نظرنده صاحب حکم ونفوذ، قوتلی بر حکومت ایدی. (ایتالیا) و (مجارستان) محاربه لر ایله مشغول اولان (اوستریا) دن قورتولمشدی. بر حکومت موقته تأسیسنی وشورای امت طرفندن قبول اولنان قانون اساسینک — حاکمیت عامه فکرینه مستند اولان احکامدن تصفیسه ایچون — تعدیلنی تکلیف ایتدی. بوتکلیف (برلین) ده عقد ایدیلن قونفرانسده مذاکره ایدلدی [۱۷ مایس ۱۸۴۹]. فقط اولجه شورای امته مناقشات شدیدیه سبب اولان مسئله بودفعده میدانه چیقدی: حکومت جدیدده (اوستریا) نك موقعی نه اوله جق؟ (پروسیه)، پروسیه قرالی رئیس اولوق اوزره بر حکومت متحده تأسیس اولمسنی وبعده (اوستریا) ایله بر اتفاق عقد ایدلسنی تکلیف ایتدی. (اوستریا) حکومتی درحال قونفرانسدن چکیلدی.

شمالی آلمانیا نك ایکی حکمداری، (هانووره) و (صاقسونیا) قرالری آچیقندن آچیغه جواب رد اعطاسنه جسارت ایدمه یه رک (پروسیه) قرالی ایله بر سنه لک بر اتفاق عقد ایتدیلر. (پروسیه) نك تنظیم ایتدیکی قانون اساسی لایحه سنه نظر آ ایکی مجلس

[*] [۱۸۴۸ دن ۱۸۵۰ تاریخنه قدر آلمانیا ده تشکل ایدن اشتراکیون فرقه لری ایچون یکرری دردنجی بابه مراجعت.

ایدلدی؛ شورای امت ایمبراتورلغك ارثاً انتقال ایده جگنی اعلان و ۲۹۰ رأی ایله آلمانیا ایمبراتورلغنه (پروسیه) قرالی انتخاب ایلدی [۲۸ مارت].

فقط شورای امت مقررانتك موقع اجراییه وضعی حكومات خصوصیه نك رأیلرینه متوقف ایلدی. واقعا (پروسیه) قرالی ایمبراتورلق تاجنی آرزو ایدیور ایدی ایسه ده بونی تبعه دن مرکب بر مجلسدن دکل، کندیسيله عین موقعه بولنان پرنسردن آلمق ایستوردی. شورای امتك ویرمك ایستدیکی تاجه «چامورلی و تحته دن بر تاج» نامنی ویریور و: «آلمان ملتك تاجنی برینه اعطا ایتك لازم کلیر ایسه بونی بن و بنم امثالم ویره بیلرلر.» دیوردی. پرنسار ایله ائتلاف حصوله کلمدن وقانون اساسی بی تدقیق ایتهدن تاجی قبول ایدهمیه جگنی رسماً بیان ایتدی. شورای امتك قانون اساسی ایله (پروسیه) قرالندن برنی انتخاب ایتمی لازم کلدی؛ اکثریت قانون اساسینك محافظه سنه قرار ویردی. قرال دیگر حكومتلرک رأیلرینی استمزاج ایلدی. یکریمی سکنز حكومت قانون اساسی بی، ایمبراتورلغك ارثاً انتقالنی و انتخاب واقعی قبول ایتدیلر؛ (باویرا، وورتمبرغ، صاقسونیا، هانورره) قراللری پروسیه قرالی کندیلر یله عین موقعه عد ایتدکلری ایچون ایمبراتورلق مقامنه صعودینی ایسته مدکلرندن رد ایلدیلر. (آوستریا) شورای امت ایله آچیقندن آچیغه قطع مناسبت ایدرک مبعوثلرینی کریه چاغیردی. (پروسیه) قرالی بوندن قورقدی، ایمبراتورلق تاجنی صورت قطیه ده رد ایتدی [۲۸ نیسان ۱۸۴۹].

شورای امت، (پروسیه) طرفندن دخی ترك ایدیلنجه، ۱۸۸ رأیه قارشی ۱۹۰ ایله قانون اساسی بی پرنسارک آرزولرینه رغماً موقع اجراییه قویغنه ومنتخبلری ۱۵ تموزده مبعوث انتخابنه دعوت ایلمکه قرار ویردی. جمهوریت طرفدارلری مشروطیتك تهله کده اولدیغنی کورهرک قانون اساسی بی مدافعه و بونی حكومتلره جبراً قبول ایتدیرمکه تشبث ایتدیلر. ذاتاً ۱۸۴۸ سنه سنده (باد) غراندوقلنی داخلنده جمهوریت طرفدارلری ایکی دفعه عصیان ایتشلر ایدی. ۱۸۴۹ سنه سی مایسنده ده (پروسیه) نك (رهن) ولایتی ایله (بره سلاو)، (قونیغسبرغ) شهرلرنده، صاقسونیا قرالغتك (درسد) بلده سنده، (باد) غراندوقه لغنده، (باویرا) نك (پالاتینا) قطعه سنده عصیانلر وقوعه کلدی. (صاقسونیا) قرالی ایله (باد) غراندوقه سی قاچدیلر و (پروسیه) قرالندن استمداد ایتدیلر. (پروسیه) خاصه اردوسی ایکی کون محازبه دن صکره (درسد) ی ضبط ایلدی. حكومتلر (فرانقفورت) دهکی مبعوثلری کریه چاغیردیلر؛ ایمبراتورلق طرفدارلری میداننن چکلیدیلر؛ یالکنز عزم و ثبات صاحبی جمهوریت طرفدارلری قالدیلر.

شورای امت ایله آلمانلر ایچی فرقیه آرلدیلر. - (غروس دویمچه Grossdeutsche)، یعنی (بیوک آلمانیا) فرقهسی آلمان اتحادینی محافظه ایچون (آوستریا) ایله اتحاده راضی اولیوردی؛ (آرند Arndt) «آلمان وطنی آلمان لسانک ایشیدلیدیکی برله قدر امتداد ایدر» مآلده کی مشهور وطنپرورانه شریسننده دخی بیان ایدلیدیکی اوزره بو فکر من القدیم اذهان عمومیده یرلشمشدی. (تیول) ولایتی اهالیسیله اوستریالیلر خارج قالمق اوزره بر آلمان وطنی تصور ایتمک خیال محال عد اولیوردی. - (قلاین دویمچه Klein deutsche)، یعنی (کوچک آلمانیا) فرقهسی حقیقی بر حکومت متحده تأسیس ایتمک ایچون (آوستریا) بی خارجده براقرق اراضی بی کوچولتمک راضی اولیوردی. - بو حدود مسئلهسی قوه مرکزیه مسئلهسنه مربوط ایدی. اگر آلمان هیئت متحدهسی (آوستریا) بی قبول ایدرسه حکومت متحده نک رئیس عنوانی، حقوق قدیمه تاریخیسی، ممالکنک اهمیتی حسیله (آوستریا) ایمپراطورندن بشقه کیمسه اوله. مازدی؛ اگر هیئت متحده (آوستریا) داخل اولدینی حالده تشکل ایدر ایسه رئیس آنجق (پروسیه) قرالی اوله بیلیردی. بو صورته (بیوک آلمانیا) فرقهسی (آوستریا) سیاستنه خدمت ایدیور، (کوچک آلمانیا) فرقهسی ایسه (پروسیه) طرفداری بولنیوردی.

(پروسیه) فرقهسی مناقشات و اختلافات شدیددن صکره غلبه ایتدی. شورای امت (آوستریا) ایله «دیپلوماسی» مناسباتنه کیریشمی ایچون ۲۲۴ رایه قارشی ۲۶۱ رأی ایله ایمپراطورلق هیئت وکلانسه مساعده ویردی؛ بومساعده شورای امتک (آوستریا) به بر حکومت اجنبیه نظریله باقدیغنی کوسترییوردی. مرکز یمین و مرکز یسار (کوچک آلمانیا)، مفرط جمهوریت طرفدارلریله صاغ جناح (بیوک آلمانیا) ایچون رأی ویرمشلر ایدی [۱۳ کانون ثانی ۱۸۴۹].

بو قرار صوک مسئله نک، یعنی قوه مرکزیه مسئله سنک جوابی ده ویرییوردی. شورای امت ۲۱۱ رایه قارشی ۲۵۸ رأی ایله «ایمپراطورلغ ریاست عالیسهسی الیوم مقام حکمداریده بولنان آلمان پرنسلرندن برینه تودیع اولنه جقدر» ویالکنز ۹ رأی اکثریت ایله ده «بورئیس آلمانلرک ایمپراطوری عنوانی حائز اوله جقدر» مآلده ایکی قرار اتخا ایتدی. ایکی آی صکره، اوستریا حکومتی، بتون آوستریا ایمپراطورلغ نک هیئت متفقیه ادخال اوله رق «یمش ملیون نفوسلی بر ایمپراطورلق» تشکیلی تکلیف ایتدی ایسه ده بعض مبعوثلر (آوستریا) فرقه سندن ایرلدقیری ایچون بو تکلیف قبول

شورای امت حکومت مطلقه اصولیه اداره اولنان هیئت متفقہ نك یرینه احرارانه بر قانون اساسی ایله اداره ایدیلیر بر حکومت متحده تأسیسه قرار ویرمش و بو حکومتك حدودینی تعیین ورئیسینی انتخاب ایتمزدن اول یکی آلمانیا نك پلانی یاغغه باشلامشدی . فقط بونی پایه بیلیمك ایچون دها ایکی مسئله نك حلی ایجاب ایدیوردی : یکی آلمانیا نك اراضیسی نه اوله جق ؟ قوه مرکزیه کیمك انده بولنه جق ؛ بو مسئله لر نظریات حقو- قیهدن معدود دکلدی ، بلکه ایکیسی حقدوده عملی بر قرار ویرمك لازمدی ؛ فقط اك زیاده صاحب قوت ایکی بیوك حكومتدن ، یعنی (آوستریا) ایله (پروسیه) دن برینك آمانه مخالفت ایتمدن بر قرار ویریله میوردی . شورای امتك مرکز یسار و مرکز یمینی قانون اساسی مسئله سنده متحدهاً حرکت ایستکلری حالده (آوستریا) ایله (پروسیه) دن برینی انتخاب ایتمك لازم کلدیکی زمان بر لرلندن آیرلیدیر .

حدود مسئله سی نا قابل حل ایدی . (آوستریا) و (پروسیه) دن هیچ بری صرف آلمان دکلدی . شورای امت اجنبی ولایتلرک ، یعنی اهلایسی آلمان اولمیان مملکتلرک آلمانیا حکومت متحده سنده داخل اوله میه جغه قرار ویرمشدی ؛ بونلر آلمان حکومتلرینه آنجق بر اتحاد شخصی ایله مربوط اوله بیله جکلردی [۲۷ تشرین اول] . بو قرار اوستریالیلری نمون ایتمه مکله برابر (پوزهن) ولایتدن طولایی پروسیه لیلری ده حدتلندیر- میوردی . فقط اصل نا قابل حل اولان مشکلات ، اهلایسنك اقلیتی آلمان اولان ، آوستریا جهتدن کلپوردی . آوستریا حکومتی مجار ، اسلاو ، ایتالیان عنصرلریله مسکون مملکتلری آلمان ولایتلرندن آیره رق آوستریا ایمپراطورلغنی دوچار انقسام ایتمك ایسته- میوردی . بتون ولایتلریله برلکده حکومت جدیدیه داخل اولق املنده ایدی ؛ بناءً علیه (آوستریا) نك کندی آتیسنی تعیین و تنظیم ایدنجیه قدر (آوستریا) ایله آلمانیا آره سنده کی مناسباتك شکل حاضرنده بر اقیامسنی ، یعنی حکومت متحده یه مخصوص عمومی بر قانون اساسی یاغق ایچون (آوستریا) ایمپراطورینك مملکتنه بر قانون اساسی ویرمسنه انتظار اولنسنی شورای امتدن طلب ایتدی . شورای امت ایکی صورت تسویه دن برینی انتخابده مضطر قالدی : یا ، (آوستریا) ایمپراطورلغنی تماماً هیئت متحده یه قبول ایتمك ؛ که بو حالده آلمان اولمیان عنصرلر دخی حکومت جدیدیه داخل اوله رق آره ده کی روابط کوشك اوله جق ، آرزو ایدیلن اتحاد قوی حصوله کله میه جك ایدی . - یاخورد ، قوتلی بر هیئت متحده وجوده کتیرمك ؛ که بو حالده ده (آوستریا) نك آلمان عنصریله مسکون ولایاتی خارجه ده براقق ، یعنی آلمانیا اتحادینی تماماً وجوده کتیرمکدن واز کچمك ایجاب ایده جکلدی .

اجتماع ایدن شمالی آلمانر، پروتستانر ؛ (طاش او Maison de pierre) نامیه معروف بر محله اجتماع ایدن جنوبی آلمانر ، قاتولیکلر ؛ اوستریالیر .
مرکز یمین و مرکز یسار ، فرقه لر خار چنده فالان و (ویلده Wilde) ، یعنی «وحشی» نامی ویریلن مبعوثان ایله برلشدکلری حالده کوچک بر اکثریت احراز ایدیورلردی .

آلمان حکومت متحده سنی تشکیل و تنسیقه مأمور اولان شورای امت قانون اساسی می مذاکره باشلادی . اول باول آتیده کی اوج مسئله می حل ایتمی لازم کلیوردی : اولاً ، حکومت متحده نك شکلی نه اوله جق ؟ ثانیاً ، حکومت متحده هانکی مملکتلر داخل اوله جق ؟ ثالثاً ، حکومت متحده هانکی حکمدارک اداره سنه ویریله جک ؟ یالکز برنجی مسئله حقنده اکثریت موجود ایدی ؛ اول امرده بتون آلمان وطنداشلیرنک « حقوق اصلیلرینی » تعیین ایتمک صورتیه بومسئله نك حلنه قرار ویرلدی [*] . احرار ، حائز اکثریت ایدیلر ؛ او زمانک قوانین اساسیه احرارانه سنه نمونه اولان (بلجیقا) قانون اساسی احکامی قبول ایتدیردیلر : نظر قانونده مساوات ، استقلال محاکم ، مختاریت نواحی ، هر بر حکومتده اهالینک مبعوث انتخابی حقنه نائلیتی ، حریت مطبوعات ، اجتماع ، مذاهب و تدریسات .— اوج آی مذاکره دن صکره لایحه برنجی قرائنده قبول ایدلدی [تشرین اول ۱۸۴۸] .

او صروده ، هیئت وکلا حکومت متحده اردوسی عسکرینک « ایمپراطورلق مدیر اموری » نامه یمین ایتملرینی امر ایدلی ؛ حکومتلرک اکثری بو امره اطاعت ایتمدیلر . شورای امت (هولشتاین) ده کی آلمانلرک لهنه اوله رق (دانیمارقه) امورینه مداخله ایدلسنه ۲۲۱ رایه قارشی ۲۳۸ رأی ایله قرار ویرلدی [۵ ایلول] ، بونک اوزرینه هیئت وکلا استعفا ایتدی ؛ بعده شورای امت ۲۲۶ رایه قارشی ۲۵۸ رأی ایله قرار سابق خلافنده بر قرار اتخاذا ایتدیکندن [۱۶ ایلول] هیئت وکلا تکرار موقع اقتداره کلدی . جمهوریت طرفداری بعض مبعوثلر ، ایکنچی قرار لهنه رأی ویردکلری ایچون ، « خان » نامیه یاد ایدیلن ۲۵۸ مبعوث علمنده کی حس خصومت و نفرتدن بالاستفاده جمهوریتی اعلان ایتمک و شورای امتی طاغیتمق ایستدیلر . فقط هیئت وکلا (پروسیه) و (اوستریا) عسکرینی جلب ایتدیردی و (فرانقفورت) ده جمهوریت طرفدارلرینک عصیانی صاغ جناحه منسوب ایکی مبعوثنک قتلدن بشقه برشی انتاج ایتمدی .

[*] شورای امت حکومت متحده عائد بر مسئله خصوصیه ، (شلزویغ هولشتاین) دوقه لقلری مسئله سی ایله ده مشغول اولدی . [اون سکرنجی بابه مراجعت] .

شورای امت آرتق بین الخلق هیچ بر اعتباری قالمان (دیت) مجلسنک یرینه قائم اولوق ایچون بر حکومت متحده موقته تاسیمی مسئله سیله ایشه باشلادی . مذاکرات و مباحثات غایت کورولتیلی ایدی ؛ طقوز لایحه تنظیم ایدلمش ، یوزسکمان طقوز مبعوث سوز سویلمک ایچون اسملرینی قید ایتدیرمشدی . حکومتلر طرفندن تعیین اولنه جق اوج اعضادن مرکب بر هیئت اداره مرکزیه احدائی ایچون انجمن مخصوصه تنظیم اولنان لایحه ایله شورای امت طرفندن بر قوه اجرائیه مجلسی انتخاب ایدلمسه دائر جمهوریت طرفدارانیک تنظیم ایتدکلی لایحه رد اولندی ؛ حکومت موقتهنک (پروسیه) قرالنه ویرلمسنی متضمن اولهرق (پروسیه) لی بر قاچ مبعوث طرفندن تکلیف ایدیلن لایحه ، عمومک استهزاسنی جلب ایدرک ، موقع مذاکره بیه قونمدی . آلتی کون مذاکره دن صکره ، رئیس بر حکمدار انتخاب اولنسنی تکلیف ایتدی ؛ شورای امت «ایمپراطورلق مدیر اموری» نامیه برنوع حکمدارلق احداث ایدرک بومأموریته آلمان پرنسلی آرهنده بین الخلق کز زیاده حرمت و اعتبار قازانمش اولان اوستریالی (آرشیدوق ژان) ی ۵۴۸ رایدن ۴۳۶ رأی ایله انتخاب ایلدی .

(آرشیدوق ژان) عدلیه ، داخلیه ، خارجیه ، حربیه ، مالیه ، تجارت ناظر - لرندن مرکب اولوق اوزره بر ایمپراطورلق هیئت وکلاسی تشکیل ایتدی ؛ بو هیئت اصول مشورته توفیقاً اداره اموره باشلادی . شورای امتده فرقه لر یواش یواش تشکیل ایدرک هربری عقدا اجتماع ایدیلن محلك نامنه نسبتله تسمیه ایدیلن بر طاقم قسمله آیرلیدلر . اون بر قدر فرقه وار ایدی . الكغلبهك فرقه لر مرکز یمین و مرکز یسار ایدی . مرکز یمین یوزیکرمی اعضادن مرکب وبالخاصه شمالی آلمانلردن متشکل اولوب هیئت وکلا فرقه سی ایدی ، محل اجتماعلرینه نسبة (قازینو Casino) و (لاندسبرگ Landsberg) ناملریله ایکی به آیرلمشدی . مرکز یسار اک زیاده جنوبی آلمانلردن مرکب اولوب ینه محل اجتماعلرینه نسبتله (وورتمبرگ اوتلی Hôtel de Wurtemberg) و (آئوغسبورگ اوتلی Hôtel d'Augsborg) ناملریله ایکی قسمه تفریق اولنمشدی .

جمهوریت طرفداری اولان ایکی یوز مبعوث ایکی فرقه تشکیل ایتدیلر : (وهستاندال Westendhall) و (نورمبرگ اوتلی Hôtel de Nuremberg) ناملریله ایکی به آیریلان معتدل صول جناح ؛ (مهزون الماند Maison allemande) و (دوننبرسبرگ Donnersberg) ناملریله معروف ایکی قسمه تفریق ایدیلن مفراط صول جناح .

صاغ جناح اوج قسمه آیرلمشدی : (قافه میلانی Café Milani) نامنده بر «غازینو» ده

رسمی سنجانگی اولدی [۹ مارث] . مجلس ، « شورای امت » ک بتون تکلیف لری نی قبول و بونلری مقررات شکله تحویل ایلدی ؛ حکومتلرده مقررات واقعه یی موقع اجراه وضع ایتدیلر . (دیت) مجلسی حقیقی برشورای امت تشکیله قرار ویردی ؛ بوشورای امت ، یالکز هیئت متفقہ یی تشکیل ایدن آلمان مملکتلری دکل ، بلکه (پروسیه) و (اوستریا) نک هیئت متحده خارجنده بولان ولایتلری [سیلزیا ، غربی پروسیه ، شرقی پروسیه ، پوزنانی ، بوهمییا] دخی داخل اولق اوزره بتون آلمان ممالکی اهالیسنک ۵۰,۰۰۰ کشیده بر مبعوث اوله رق انتخاب ایده جکلری مبعوثانندن مرکب اوله جق ایدی . شورای امت آرای عمومیه اصولیه انتخاب اوله جق وبالخاصه آلمانیا نک قانون اساسیسی تنظیم ایچون عقد اجتماعه دعوت ایدیله جک ایدی .

فرانقفورت شرای امتی . — منتخبلر فرق مخالفه قدیمه به منسوب رؤسای احراری ، اتحاد ملی طرفدارلرینی و یک چوک معلمین و محررینی مبعوث انتخاب ایتدیلر . شورای امت ، (دیت) مجلسنک مرکز اجتماعی اولان (فرانقفورت) شهرنده طوبلاندی و (سن پول) کلیسا سنده اجتماعه باشلادی . ۶۰۵ اعضاسی اوله جقدی ؛ فقط (بوهمییا) اهالیسی اولان (چه) لر آلمان شورای امتنه مبعوث کوندر مکدن امتناع ایتدکلری ایچون ۵۷۶ مبعوث کلادی . (پروسیه) ولایاتنک کافه سندن مبعوث انتخاب ایدلمشدی .

(فرانقفورت) شورای امتی غایت کورولتیلی بر مجلس اولدی ؛ مبعوثلر اداره مذاکرات خصوصنده تجربه و ملکه صاحبی دکلدیلر ؛ هپسی بردن لایحه ویرمک ایستیلور . لردی ؛ اتحاد طرفداران قدیمه سندن اولان رئیس (غا غرن) نظامنامه داخلی به رعایت ایتدیرمک اصولنی بیلیمور ، آره صره آیآغه قالدقیور و نطقلر ایراد ایدیلوردی . سامعینک ، ایراد ایدیلن نطقلری آلفیشلاملرینه ، یا خود اعتراض ایتلرینه مساعده اولنیور ، بوندن طولایی مجلسده کورولتی اکیسک اولیوردی .

شورای امت امثالی نامسبوق بر موقعه بولنیوردی ؛ آلمانیا نک شکل حکومتی ، آلمان ملتی نامنه اوله رق ، تعیین ایچون اجتماع ایتدیکی حالده النده معنوی بزقوتدن بشقه برشی یوقدی ؛ حکومت قدیمه ، کافی السابق باقی قالدقلرندن اصل قوت بونلرده ایدی . شورای امتک وظائفی ایله وسائط اجراییه سی آره سنده کی بونیسیتسزک ، ضدیت مجلسی هیچ برشی یاه مامغه محکوم ایدیلوردی ؛ بر قانون اساسی یی صورت نظریه ده مذاکره ایدن بر محفل علمایه بکزه دیوردی ؛ شورای امت بر چوق لایحه لر تکلیف ایتدیکی حالده یالکز حکومتلر بر قرار قطعی ویره بیلورلردی .

واجتماعی، (ژوری) اصولی، عساکر ملیه پی، تکلیف مترقی پی، عسکر لک قانون اساسی نامنه تحلیف لرینی، دیت مجلسنده وکلای ملتدن مرکب دیگر بر مجلسک تشکلی پی پروغزاملرینه اساس اولق اوزره قبول ایدیلر .

۱۰ تشرین اول ۱۸۴۷ تاریخده (ههپنهایم Heppenheim) ده اجتماع ایدن فرقه معتدله حکومت خصوصیه تک مجالس عمومی سه بتون آلمانیا به شامل بر شورای امت تشکلی تکلیف ایتمک قرار ویردی .

آلمانیا ده ۱۸۴۸ انقلابی . — فرانسزلرک ۱۸۴۸ انقلابی آلمانیا ده کی حرکات ملیه تک بردن بره بر انقلاب شکل پی . آلمنه سبب اولدی [*] . پارسده وقوعه کلن انقلاب آلمانیا ده شایع اولجه احرار اجرای تحریکاته باشلادیلر ؛ عوام ناسدن مرکب مجلسلر، اجتماعلر عقد ایتدیلر ؛ حریت مطبوعات، اصول مشورت، بتون آلمانیا ایچون بر شورای امت ایتدیلر . حکومتلر بونا کهای غلیسان افکار قارشینسده متحیر و متردد قاهر ق مقاومت جسارت ایده مدیلر .

اتحاد طرفدارلری بو قاریشیقلاقدن بالاستفاده آلمانیا پی بر حکومت متحده حاله افراغ ایتمک چالیشدیلر . ایلمک تثبیت بر معتاد جنوبده ، (باد) مملکتنده وقوعه کلدی ؛ (هایدلبرغ) ده اجتماع ایدن الی بر احرار اصلاحاتی حاضرملق ایچون بر مجلس ملی تاسیسنه قرار ویردیلر ویدی اعضادن مرکب بر انجمن تشکیل ایتدیلر .

بو انجمن ، آلمانیا حکومتلرینک مجالس عمومی سه سنده مبعوث صفتیه بولنمش اولان کافه ذواتدن مرکب اولق اوزره (فرانقفورت) ده شورای امت تشکلینه قرار ویردیلر ؛ مبعوثان مجلسلری بالخاصه جنوب حکومتلر نده بولن دینی ایچون قسم اعظمی جنوبی آلمانلردن اولق، بر قاج پروسیلی و پک آزی اوستریالی بولنق اوزره بش آلی یوز مبعوث (فرانقفورت) شهرنده طوپلانندی .

دیگر طرفدن (دیت) مجلسی ده اجتماع ایدیوردی ، فقط حکومتلر بو مجلسده کی مرخصلرینک یرینه حرکات احرارانه پی تشویق و تمهیل ایدرک بین الحلق شهرت قازانان ذواتی تعیین ایتمشردی . (دیت) مجلسی فرقه ملیه تک علامات مخصوصه سنی قبول ایتدی ؛ بو صورتله (بورشانسافت) جمعیتک سیاه - قیرمزی - سازی رنگلی بایراغی آلمانیا تک

[*] ۱۸۴۸ سنه سی شاپتک ایلمک کونلرنده (باویرا) ده کوچوک بر انقلاب محل وقوعه کلدی . (مونیخ) ده وقوعه کلن بو انقلاب بر عصیاندن عبارت اولوب نتیجه ده قرال (لوی) کوزده سی اولان مشهور رقاصه لردن (لولا مونتهس Lola Montès) ی سرایدن طرد و تبعیده مجبور اولدی . بو قادینه اولجه (قونس دولاندس فلد Landsfeld) عنوانی ویرلشدی .

فرانسهز مجلس مبعوثانده ۱۸۱۵ه معاهداتنك فسخی لزومندن وحقی (رهن) حدودینك استردادندن بحث اولنیور ایدی . بونك اوزرینه آلمانیاده فرانسه علیه شدتلی بر جریان افكار حصوله كلدی ، وطنپورانه شرقیلر ترتیب ایدلی : (بهكر Becker) ك مشهور (آلمان رهنی Rhin allemand) شرقیمی - كه « آلمانیاك (رهن) نهرینی اصلا آلمیه جقلر » سوزلریله باشلار - مملكتك هر طرفنده سویلنیوردی ؛ كذلك (واخت آم راین Waht am Rhein) شرقیمی دخی اوزمان ترتیب ایدلیکی حالده اول امرده بكدده نظر دقتی جلب ایتمهش ، فقط اوتوز سنه صكره ، ۱۸۷۰ محاربهسنده آلمانیاك ملی شرقیمی اولمشدر . حكمدارلك بیله حسیات وطنپورانهسی غلبانه كلدی ؛ (بهكر) بروسیه قرالندن تخصیصات ، (باویرا) قرالندنده قیمتدار برهدیه آلدی . (دیت) مجلسی حكومات متفقه اردوسی ایچون بر نظامنامه ترتینه قرار ویردی . ۱۸۴۲ سنهسنده (قولونیا) کلیسائینك اكمل انشاآتی ایچون اجرا ایدیلن وضع اساس رسمی ملی بر شلك حالی آلدی ، (پروسیه) قراللك تحت ریاستنده اولهرق بتون پرنسلسر رسم مذكوره حاضر بولدیلر ؛ (وورتمبرغ) قرالی « وطن مشترك » نامنه بادهنوش اولدی . دارالفنونلرده حیات سیاسیة دكیشدی ، بتون معلملر آلمان اتحادی فكرینی ترویجه باشلادیلر . ۱۸۴۶ سنهسنده (فرانقفورت) شهرنده عقد ایدیلن (جرمان) قونفرهسی هم لسان ، تاریخ ، حقوق متخصصلرندن مركب بر مجمع علما ، همده بر محفل وطنپوران اولدی ؛ بوراده مسائل ملیه دن ، بر آلمان شورای امتنك تأسیسی لزومندن اوزون اوزادییه بحث ایدلی . دارالفنون معلملرندن (ژروینوس Gervinus) ۱۸۴۹ سنه - سنده (هایدلبرغ) شهرنده (دوپچه زایتونغ Deutsche Zeitung) ، یعنی (آلمان غزته - سی) نی تأسیس ایتدی ، كه بتون آلمانیایه مخصوص ملی وسیاسی بر جریده مهسمه ایدی .

۱۸۴۷ سنهسنده (پروسیه) ده (لانتاغ) مجلسنك اجتماعی بیوك آلمان حكومتلرینك حیات سیاسییه اشتراكزینه وسیله اولدی . [اون دردنجی بابه مراجعت] ۱۸۳۴ تاریخندن بری محروم فعالیت اولهرق اوپوشمش قالمش اولان جنوب حكومتلرینك مبعوثان مجلسلری اثر حیات كوسترمكه باشلادیلر . جنوب احرارای (پروسیه) احرارای ایله پیدای مناسبات ایلدیلر . فقط ۱۸۳۲ ده اولدینگی كی بودفدهده تعقیب ایدیلهك خطحرکت بختنده بین الاحرار اختلاف ظهور ایتدی .

مرکزلی (باد) مملكتنده (مانهایم) شهری اولان حاكیمت عامه طرفدارای افراطیون (اوفنبورغ Offenburg) ده بر اجتماع عقد ایتدیلر [۱۲ ایلول ۱۸۴۷] وحریت مطبوعات

۱۸۳۳ دن ۱۸۴۷ تاریخه قدر - ۱۸۳۷ ده ظهور ایدن «یدیلر» مسئله سندن بشقه - هیچ بروقعه سیاسی کورلمدی . (هانوره) قرالی املاک حکومتی ضبط ایدرک بورجلرینی اوده بیلک ایچون ، سربستی حرکتنه مانع اولان ، ۱۸۳۳ قانون اساسینی فسخ ایتشدی ؛ (غوتینگه Goettingue) دارالفنونی معلملرندن یدی ذات قانون اساسی به رعایت ایچون یمین ایتمش اولدقلرینی سویلدیلر ؛ قرال معلملری عزل ایتدی ؛ بونک اوزرینه (لایچیغ) ده بر جمعیت تشکل ایتدی ومعلملره تضمینات اعطاسی ایچون بتون آلمانیاده اعانه طوبلادی .

۱۸۴۰ ده صکره کی مرقات امرارنه . - بتون آلمانیا به شامل اولمق اوزره یکانه هیئت ، یکانه مؤسسسه اولان (دیت) مجلسی شمدی به قدر یالکز تداییر تضییقه اتخادی خصوصنده ابراز فعالیت ایتمش وبر ضابطه سیاسی تشکیلندن ماعدا هیچ برایش کورمه مشدی ؛ بوندن طولایی افکار منوره صاحبی آلمانلر نزدنده غایت منفور ایدی . (دیت) مجلسنک یرینه حقیقی بر حکومت ملیه تأسیسی فکری بر چوق مؤلفلر ، از جمله ۱۸۱۵ ده (دیت) مجلسنده مرخص اولان (غاغرن Gagern) اسمنده بر « هس » لی ، (پیچر Pfizer) نامنده بر « وورتمبرغ » لی طرفندن میدانه قونمشدی . بونلرک حسیات وتمناتی شویکی جمله ده خلاصه ایدیله بیلیر : « روح ایچون جسد نصل شرط ایسه انسانیت ایچون ده ملیت اوپله بر شرط غیرمفارقدر . - پیچر . » ؛ « یکدیگره غایت کوشک روابط ایله باغلی اولان حکومت متفقه یرینه قوتلی بر صورتده برلشمش بر حکومت متحده قائم اولمیدر . » [*] . « پیچر » بویکی حکومتک (پروسیه) طرفندن اداره ایدلمسی وبرده شورای امت تشکیل اولتمسی لازم کله جکنی ده سویلدوردی . بو اتحاد ملی خیالی ، (پروسیه) مأمورلرینک (پروسیه) نک حکم ونفوذینی تزید ایتک خصوص . صنده کی آرزولرینه توافقی ایتمکده ایدی [نته کیم ناظر « برنشتورف Bernstorff » ۱۸۳۱ ده قراله بومالده بر مخطرته تقدیم ایتشدی] .

۱۸۴۰ سنه سنده بتون اوروپا به تعلق اولان بروقعه سیاسی آلمانیا ده حسیات ملیه نک یکیدن تظاهرینه وسیله اولدی . درت دولت معظمه ، ۱۸۱۴ « متفقین قدیمه سی » شرق مسئله سنی [محمد علی پاشا مسئله سیدر] تسویه ایچون فرانسه علیه نه اتفاق ایتشلر ایدی .

[*] ۱۸۱۸ سنه سنده فرانسه سفیری (راینارد Reinhard) حکومت متبوعه سنه کوندردیکی بر اپورده دیوردی که : « آلمانیا نک ایجابات زمانه مقاومت ایده جک درجه ده قوتلی بر رابطه ایله اتحاد ایتسی اوروپا به حائز اهمیتدر . بواپه ، بنجه ، شمدیکی آلمانیا حکومت متفقه سنک بر حکومت متحده به تحولی ایله ممکن اوله بیلیر . »

نهایت مطبوعات قانونی تبدیله مجبور اولدی . (وورتمبرغ) ، (هس) ، (ناساو) ده مبعوثان مجلسری طاغیدلدی واحرار غزته لری تعطیل ایدلدی .
فرقه احرار تعقیب اولنه جق مسلك بختنده ایکیه ایرلدی . اعتدالپوران وسائط قانونیه ایله مخالفتده دوام ایتمک ایستورلردی . افراطیون فرانسز ولهلی اختلاجیلر واسطه سیله حکومت مطلقه یی دوشورمکه چالیشدیله ؛ بومقصده بناءً تشکل ایدن جمعیات خفیه دارالفنون طلبه سیله کوچك ضابطر دخی داخل اولدیله . جمعیات مذکوره منسوینی (بزاسون) ده کی لهستان ملتجیلرینه و (آلساس) عساکر ملیه سنه کووه - نیورلردی . بولردن الی قدر اشخاص (دیت) مجلسنک مرکز اجتماعی اولان (فرانقفورت) شهرینی ضبطه تثبث ایتدیله ایسه ده [نيسان ۱۸۳۳] بعضری حکومت طرفدن توقیف ایدلدی ، بعضری اوتیه بری به طاغیلمغه مجبور اولدی .

بووقه یکدن تدایر شدیدة تضییقه اتخاذینه وسیله اولدی . (دیت) مجلسی اختلاجیلر علمنده کی تحقیقات و تعقیباته نظارت ایچون برانجمن مخصوص تشکیل ، دعاوی سیاسیة محاکماتنک نشرینی منع و پساپورطسز اوله رق آلمانیا به ویا اسویچریه هیچ برشخصک کیرمسنه مساعده ایدله منسی امر ایتدی [سالف الذکر انجمن ۱۸۴۲ سنه سنه قدر دوام ایتمدر] . مترنیخ بتون فناقلره سبب اولان شیئک «حاکمیت ملیه فکر جدیدینی اصول مشورت اشکالی آلتنده نشر و تعمیمه چالیشان فرقه دن عبارت بولدیغینی» بیان ایدلدی . (مترنیخ) ده ایلری به کیدرک حکومت متفقهنک هیئت عمومیه سنه عائد برضابطه مشترکه تاسیسنی ده ایستورلردی ؛ فقط حکومت خصوصیه کنندی ضابطه لرینک کافی اولدیغینی جواباً بیلدیردیله .

(پروسیه) ده اوتوز طقوز دارالفنون طلبه سی اعدامه محکوم اولدیله ، بعده عفو ایدیلهرک بر قلمه ده حبس ایدلدیله [*] . «هس» ده مجلس مبعوثانده کی فرقه احرار رئیس (ژوردان Jordan) توقیف اولندی ، آلتی سنه قدر بلاحکم حبسخانه ده قالدی ، بعده محاکمه سی اجرا اوله رق برائت قازاندی . (باد) ده ، (روتیق) و (ولهکر) تقاعد ایدلدیله . (باویرا) ده برغزته جی ، دیگر بر غزته نک نشر ایتدیکی مقاله یی نقل ایلدیکی ایچون ، بلاحکم درت سنه حبسخانه ده قالدقن صکره قرالک تصویری اوکنده استغفای قصوره و غیر محدود برمدت ایچون نفی جزاسنه محکوم اولدی .

بوتضییقات آلمانیا ده حرکات احرارانه یی ، حیات سیاسییه یی ازدی ، محو ایتدی .

[*] بوضورتله محکوم اولاندن (فریچ روبرت) اسمنده بری حبسخانه ده کچریدیکی حیاتی مصور اولقی اوزره عوام لسانیه بررومان یازمش و بوکتاب آثار مشهوره صره سنه کچمشدر .

اصولی خفیله؛ حتی روسیه چارینه قارشى عصيان ایدن لهیلرک محبی اولان حاکمیت عامه طرفدارلری طرفدن غزتهلر بیله نشر ایدلدی .

بوسرستی ، حکومتلرک کندیلهلرینی تحت تسلط کوردکلری مدتجه دوام ایتدی . آلمان حکومتلری ، ۱۸۳۲ ده ، لهستان عصیانک باصدیرلمسی اوزرینه موقعلرینی ده اامین کوردیلر ؛ (دیت) مجلسی ، طبوعاتک سؤ استعمالاتی منع ایچون تدابیر لازمه اتخاذهنی طلب و بعض احرار غزتهلرینی الغا ایتدی . حاکمیت عامه طرفدارلری پرنسپلرک اتفاقه قارشى مقاومت ایده بیلیمک ایچون (اتحاد مطبوعات) نامیه برجعت تأسیس ایتدیلر ؛ بوجمیت دوچار تضیق اولان غزتهجیلرک ضررلرینی تضمین ایده جک و حاکمیت عامه اساسنه مستند بر قانون اساسی ایله بیوک بر آلمان ایمراطورلغی تأسیسی ایچون فکر اتحادی بین الخلق نشر و تعمیمه چالیشه جقدی . افکار احرارانک مرکزی فرانسهیه قومشور بر مملکت ، (باویرا) یه تابع (پالاتینا) قطعسه ایدی . (اتحاد مطبوعات) جمعیتی رسالهلر طاعتدی . اجتماعلر عقد ایتدی ، (هامباخ Hambach) شاتوسنده بیوک بر شتک ترتیب ایلدی [۲۷ مایس ۱۸۳۲] . هر طرفدن بر جوق کیمسهلر ، حتی بعض لهیلر ایله فرانمزلر بوشنلکه کلدیلر ؛ بریوکسک قلهیه سیاه - قیرمزی - صاری رنگده بر باریق [بورشانسافت جمیتهک بایراغی اولدینی حالد آلمان اتحادینک علامت مخصوصه - صهسی کبی تلقی ایدلمکه باشلامشدی] ، دیگر بر قلهیه ده لهستان بایراغی چکیلدی . شرقیلر سویلندی ، عریضه تشکر بهلر اوقوندی ، نطقلر ایراد ایدلدی ؛ وطنک ، حاکمیت ملیهک ، آلمانیا حکومات متحده سنک ، اوروپا جمهوریت طرفدارلرینک شرفه اداره اقداح اولندی . (مترنیخ) ، وقتیله (وارتمبورغ) مراسمدن نصل استفاده ایتمش ایسه ، بودقهده (هامباخ) شتکلرینی وسیله اتخاذا ایدرک (دیت) مجلسنه ۱۸۳۳ امرنامهلرینی قبول ایتدیردی . بودغه شمدی به قدر رد اولنان شیلری ده استحصاله موفق اولدی ؛ مبعوثان مجلسلرینک کافه سنه نظارت ایتک اوزره حکومات متفقه مأمورلرندن مرکب برانجمن تشکیل ایدلدی ؛ (دیت) مجلسی حکومت مطلقه اصولی اخلاص ایده بیله جک صورتده تنظیم اولنان قوانین اساسیهک کانلم یکن حکمنده اولدیغنی شمیدین اعلان و تبصه سی ویرکو ویرمک ایسته مین حکومتلره سلاح ایله مداخله اولنه جغنی بیان ایتدی . بعده جمعیتلری ، اجتماعات سیاسی ، حریت آغاجلرینی ، علامات مخصوصه یی منع ایلدی ؛ ۱۸۱۹ و ۱۸۲۴ امرنامهلرینی تجرید و تأکید ایتدی . (باد) غراندوقلغنک مطبوعات قانونی ، حکومات متفقهک مقرراتنه مخالف عد ایدرک ، فسخ ایلدی . (باد) حکومتی مدافعه به چالیشدی ؛ (لوئی فیلیپ) دن استمداد ایتدی ؛ فقط جواب رد آلدی .

بعد ازین نشر اولنامه سینه قرار ویردیله . بعده آلمان پرنسلیک مرخصلری (یوهانیسبرغ Johannisberg) ده (مترنیخ) ک شاتوسنده اجتماع ایتدیله ؛ بو اجتماعده اتحاد اولدان مقررات ۱۸۲۴ سنه سی آغستوسنده (دیت) مجلسی طرفندن قبول ایدلدی . مرخصلر ، مطبوعات و دار الفنونلر علیهنده کی ۱۸۱۹ امرنامه لرینی تجدید و تأیید ایتدکن بشقه مجالس عمومی بی « حکومت مطلقه اصولی اخلاص ایده بیله جک » حرکاتدن منع ایچون نظارت آلتده بولندیرمغه قرار ویردیله .

(دیت) مجلسی بوندن صکره ۱۸۳۰ تاریخنه قدر نادرأ عقد اجتماع ایتدی . غزته لک حیات سیاسییه متعلق مسائل ایله اشتغال ایلملری منع اولندی ؛ آرتق سیاسیاتدن بحثه جسارت ایدیله میوردی . بتون آلمانلر ، آلمانیا موریله مشغول اولدقلری ایچون ، ممالک اجنبیه ده کی وقایعی وبالخاصه یونانستان عصائی ایله فرانسز احرارینک حرکاتی بیوک برمراق ایله تعقیب ایدیورلردی .

۱۸۳۰ حرکات امرارنسی . — ۱۸۱۵ دن ۱۸۳۰ تاریخنه قدر افکار منوره صاحبی آلمانلر بر فکر مخصوص سیاسییه صاحب اولمشلردی : آرتق ، فرانسه و (ناپولئون) دن قورقمیورلردی : حکومت مطلقه دن ، (اوستریا) ایله (پروسیه) دن نفرت ایدیورلر ، حریتلری مدافعه ایدن اقوامی ، بالخاصه فرانسزلره لهیلری آلفیشلا یورلردی . (روتنهق) فرانسه حکومت مشروطه سیله آلمان حکومت مطلقه سی آره سنده محاربه ظهور ایدر ایسه بتون آلمان احرارینک فرانسه طرفنی التزام ایتلری لازم کله جکنی سویلیور ایدی . افکار منوره صاحبی آلمانلر ، آلمان اتحادینه و حریت سیاسییه اودرجه اهمیت ویرمیورلردی . بالخاصه ، حر مملکتلرک مؤسسات و موضوعات سیاسییه سنی ، بودجه بی تدقیقه صلاحیتدار مجلس مبعوثان ایله حریت مطبوعاتی ، محاکمه (ژوری) دنیلن هیئت عدول اصولی ، ملتک نفوذ و قوتی تأمین ایچون ده عساکر ملیه طابورلری تشکیلی ایستیورلردی . ایچلرنده (بورنه Borne) و (هاینه) کبی — که هر ایکسی فرانسه یه تقدیر خوان و پروسیه یه دشمن ایدی — جمهوریت طرفدارلری ده وار ایدی .

فرانسه نک ۱۸۳۰ انقلابی آلمان احرارینه جسارت ویردی ؛ اک فنسا اداره اولنان کوچک حکومتلر داخلنده نمایشلر یابدیلر ؛ پرنسلر بونمایشلردن قورقه رق قانون اساسی ویردیله ؛ بو صورتله (برونسویق) ، (هس قاسل) ، (صاقسونیا) ، (هانوره) ایله صاقسونیا یه عائد ایکی دوقه لق قانون اساسییه مالک اولدیله . جنوب حکومت مشروطه - سنده وبالخاصه (باد) ایله (باویرا) ده حیات سیاسییه کسب فعالیت ایتدی ، « سانسور »

حکومات خصوصیه نك ویا آلمانیا نك راحتنی سلب ایده جك صورتده حدود نظامیه سنی تجاوز ایتمه سی لازم کله جکنه» قرار ویرلدی . مقصد ، حیات سیاسی نك صوك عضوی اولان مبعوثان مجلسلرینی قالدیرمق ویا حکمسنز براقق ایدی .

تحقیق انجمنی هیچ بر فساد ، حتی هیچ بر فعل ممنوع کشف ایده مدی ، یالکز برکوک رساله بولدی . فقط حکومتلر ، بالخاصه پروسیه ده ، دارالفنون طلبه سنی و طبرورانه شریقلر سوبدلکری ویا سیاه - قیرمزی - صاری رنگده علامات مخصوصیه یی طاشیدقلری ، حتی بر مکتب اعدادی شاگردینی برقرالی یوتان برشیطان رسمی یابدینی ایچون حبس وقلعه بندلکه محکوم ایتدیلر .

جنوب حکومت مشروطیتك مخالفی . — (ویانه) قونفرانسنی متعاقب ، جنوب حکومتلری ، قوانین اساسیه نك الغاسنی تصویرینه اعتراض ایتمشدر ایدی . بو حکومتلری ، ایکی بیوک حکومت مطلقیه ، یعنی (اوستریا) و (پروسیه) یه قارشلی حریت سیاسی نك مدافعلری کی حرکت ایتدیلر . قوانین اساسیه نك مدافعه سی حقه ده کی تثبثات (وورتمبرغ) قرالنك (دیت) مجلسنده کی مرخصی (وانکه نام Wangenheim) طرفندن اداره اولئیوردی . ۱۸۲۰ سنه سنده (وورتمبرغ) قرالنك امریله نشر اولنان (جنوبی آلمانیا نك بیاننامه سی) نه بوفرقه نك پروغرامی نظریله باقیدلی . فرقه نك قبول ایتدیکی اساسه کوره حقیقی آلمانیا ، قرون وسطاده کی آلمانیا در ، یعنی (البه) نهرینك غربنده کی دوقه قلدردن عبارتدر؛ (اوستریا) و (پروسیه) ایسه یاری آلمان مستملکه لرندن بشقه برشی دکلدرد . هیئت متفقه نك ، حکومت مطلقه طرزنده اداره اولنان بو ایکی نیم اجنبی حکومتی حقیقی ، حر آلمانلر اوزرینه تحکم ایتدیرمسی حقسنزلقدر ، بالعکس قدیم آلمانیا یه دخی عین اقتدار و نفوذی ویرمایدلر .

جنوبی و غربی حکومت احرارانه ایله شرقده کی بیوک حکومتلر آره سنده ظهور ایدن اختلاف حکومت متفقه مجلسنده سرایت ایتدی . اول امرده جنوب حکومتلری آلمان اردوسنك مستقل قول اردولره تقسیمنی متضمن اولان ۱۸۲۱ نظامنامه عسکرینسی - شمال اردولرینه قوماندایتمك حقیقی طلب ایدن (پروسیه) یه رغماً - مجلسه قبول ایتدیردیلر . بعده (وورتمبرغ) مرخصی ، (مایانس) تحقیق انجمنه ، (وهرونه) مؤتمرنك مقرراتنه ، حکومت مطلقه نك ای بیوک طرفدارلی اولان (هس) غراندوقه سنك اجرا آتیه آچیقندن آچیغه اعتراض ایتدی . بیوک حکومتلر بو مخالفتلردن اعتراضاتدن اوصانه رق (وورتمبرغ) سرایی نزدنده مقیم سفیرلرینی کری یه چاغیردیلر؛ قرال بوندن قورقه رق (وانکه نام) ی مملکته جلب ایلدی . بونك اوزرینه جنوب حکومتلرینك مخالفتی منقطع اولدی . حکومتلر (دیت) مجلسنی یکیدن تنسیق ایدرک مذاکرات ضبطنامه لرینك

بر مفسد سیاسی تعقیب ایدیور کبی کورنین یکانه جمعیتک مرکزی (هس دامشتاد) حکومت صغیره سی دارالفنونک بولندیغی (کیسن Giessen) شهری ایدی ؛ بوجعیت حاکمیت ملیه اساسنه مستند اولمق اوزره بر قانون اساسی لایحه سی تنظیم ایتشدی . جمعیت اعضاسندن دارالفنون طلبه سندن (ساند Ssnd) اسمنده ، قره سودایه مبتلا ، بر مجنون روسیه چارینک مشاوری (قوچه بوئه) بی خنچرله اولدیردی . (ناساو) لی بر اجزاجی چراغی ۱۸۱۹ سنه سنده (ناساو) رئیس حکومتی قتلہ تصدی ایتدی [*] . (مترنیخ) متفرق صورتده اجرا ایدیلن بوسوء قصدرلی وسیله اتحاد ایتدی ، حکومتلری واسع مقیاسده برفساد قومیته سنک موجودیتنه ایناندره رق قورقوتدی ، موقعه تطبیقه وضع اولنه جق تدابیر عمومیه نك . تمداً مذاکره سنی بتون حکومتله قبول ایتدیردی . باشلیجه حکومتلرک مرخصلری (قارلسباد) شهرنده قونفرانس لر عقد ایتدیلر ، اتحاد اولنان مقررات حکومت متفقہ مجلسی طرفندن درت کونده تصدیق و « قارلسباد امرنامه لری » عنوانیه نشر ایدلدی [۱۸۱۹] . ملتیرینک منافع مشترکله لری خصوصنده عقد ائتلافه یناشمیان آلمان پرنس لری حکومت مطلقه دشمنلری ، دارالفنونلر ، مطبوعات ، احرار علمینده مشترک بر حرکتده بولغنی بلامذاکره قبول ایدیلر . — امرنامه لر (بورشانسافت) ک، ژیمناستیک جمعیتلری نك طاغیدلمسنی ، هر بر دارالفنونده طلبه ایله معلمینه نظارت ایتک ایچون « وکیل curateur » نایله بر مأمور بولندیرلمسنی ، کانه جرائد ورسائلک طبعندن اول تفتیش و معاینه ایدلمسنی بتون پرنس لره امر ایدیوردی ، « اختلالچیلرک جمعیات مفسد نك منشأ ودرجه افساداتی » تدقیق ایچون سر نزی (مایانس) شهری اولمق اوزره یدی اعضاسدن مرکب بر مشترک انجمن تحقیق تأسیس ایدلدی .

بو طرز اداره (ویانه) قونفرانسیله اکمال اولندی [۱۸۲۰] . مترنیخ ، جنوب حکومتلری نك قوانین اساسیه سنی حکومت متفقہ مقاله نامه سنه مغایر اولدیغی بیانیه ، العا ایتک آرزوسنده ایدی . بونی تکلیفه جسارت ایده مدی ؛ فقط حکومت متفقہ نك حقوق متقابله سنی متضمن اولمق اوزره تنظیم ایتدیردیکی نظامنامه یه هیئت متفقہ مستقل حکمدارلردن مرکب اولمی جهتیله قوای عمومیه حکومتک رئیس حکومت یدنده تمرکز ایتمی لازم کله چکنه دائر بر ماده علاوه سنه موفق اولدی . مبعوثان مجلسلری مذاکراتنک نشرینی منعه جسارت ایدیله مدی ، فقط « سربستجه بیان افکار حقیقه

[*] تراچکه Treitschke اسمنده بر مؤلف بووقه بی مغایر حقیقت بر صورتده تصویر ایدنلرک سوزلری نه آلدانه رق انقلاب طرفدارلری نك حکومت علمینده تشبثاتی ظن ایتشدر .

غراندوقك اقامت ایتدیكى (وایمار) شهرلى آلمانیا حیات سیاسیہ ومعنویہ سنك مرکزی ایدی .

غراندوقلق داخلندەكى حریتپورر معاملر ایله غزته جیلر ، ۱۷ تشرین اول ۱۸۱۷ تاریخندە ، هم « ره فورمه » نك ، یعنی پروتستانتلق مذهبك دور سنویء روحانیسنی ، همده (لایپچیغ) محاربه سنك دور سنویء وطنپروراسنی تجیلاً (وارتبورغ Wartbourg) شهرنده برشنك ترتیب ایتدیلر . (وایمار) حكومتدن مساعدە آلان دارالفنونلرك كوندر دكلری وکیللرك اشتراكه رسمیت كسب ایدن بومراسمده (لوتر) ك تنظیم ایتدیكى آلپیلر اوقوندى ، معلملر طرفدن سیاسیاته پك آز تعلق اتمك اوزره برچوق نطقلر ایراد ایدلدى . فقط ، کیجه ، دارالفنون طلبه سی شنك آتشلری یاقدقلىرى زمان (یان) ك بعض شاگردلى (قوچه بوئه Kotzebue) و (هالهر) ك آئارى ، (ناپولئون قانوننامه سی) ، پروسیه نك ژاندارمه نظامنامه سی کبی خواجهلرنجه اك زیاده شایان نفرت کوریلن کتابلری - اسملرنی یوکسك سسله اوقویهرق - برر برر آتسه آتدیلر . بوکتابلرله برابر ، عسکرللك ایلماق مخصوصه سی اولق اوزره ، پروسیه خاصه عسکرینه عائد برقلیچ قایشنی ، (هس) عسکرینك طاقیدینی اوزون برصاچ اورکوسنی ، (اوستریا) اونباشیلرینه مخصوص برباستونى ده آتسه آتهرق وهپ بر آغزدن دارالفنون شرقیسنی سویلیه رك یاقدیلر .

بوچوققلق آلمانیاك هر طرفده طویولدى ، سیاسیات عمومیه نك مستغرق اولدیغی صحت عمیق آره سنده بیویه بیویه دارالفنون طلبه سنك حكومه قارشى عصیانی شكلى آلدی . (مترنیخ) بونی محصول انقلاب اولق اوزره کوستردی ؛ (رومانیا) اصیلزادكانندن (استورچا Stourdza) دارالفنونلرك عصیان و فساد اوجانغی اولدیغنی روسیه چارینه بیلدیردی . (وایمار) غراندوقه سی حریت مطبوعاتی الغایه وغزته لری تفتیش ومعاینه یه تابع طومتغه مجبور اولدی .

۳ . — جمعیات خفیه بتون اوروپاده موده ایدی . آلمانیاك اك قدیم جمعیت خفیه سی اولوب ۱۸۰۹ تاریخنه طوغری فرانسزلر علیهنده بولنق ایچون (پروسیه) ده تشکیل ایرلمش اولان مشهور (توکند بوند Tugend bund) جمعیتی پروسیه طرفدن منع ایدلمشدی ؛ فقط (مترنیخ) بونی آلآن قوتلی بر جمعیت اولق اوزره کوسترمکده ودوام ایدیوردی . (مترنیخ) ك مقصدی بتون عالمه (پرسیه) نك انقلاب و اختلال طرفدارلرینك مرکزی اولدیغنی اعلا ایتمکدی . ۱۸۱۵ دن صکره (پروسیه) ده جمعیات خفیه غایت نادر ودوامسز ایدی [حتی فارماصونلر بیله پك آز تحریکاتده بولنشلردر] .

ویرمزدی . (یان) ایله شاگردلری فرانسه موده سنه موده سنه موافق صورتده کینمش شیق بر کیمسهیه ، یاخود فرانسهجه یازی یی حاوی بر لوحیه تصادف ایتدکلری وقت هان اطرافنده طوبلانیرلر ، خوردانهزق یومروقلرینی کوسترلردی . چونکه (یان) فرانسه دن نفرت ایدردی ؛ فرانسه یی آلمانیدن آیرمیق ایچون آره یرده یبانی اوکوزلرله مسکون بیوک بر اورمان وجوده کتیرمک ایتردی . فرانسهجه دن مشتق کلماتک هییچ برنی سویلمز ، مطلقاً آلمانجه کلهلر استعمال ایدردی . شاگردلری طرفدن تأسیس ایدیلن « آلمان لسانی جمعیتی » اصللری فرانسهجه اولان کلماتک یرینه آلمانجه معادللری وضع ایتدی : مثلاً « دارالفنون Universitas » یرینه « Vernunftturnplatz » تعیرینی ایجاد ایلدی . معافیله (یان) ک افکار سیاسییه سی یوقدی وشا کرلری یالکز مکاتب اعدادیه طلبه سندن اولان کنجلردن عبارتدی .

۲ . — « بورشانسافت » ، بر دارالفنون طلبه سی جمعیتی اولوب مقصد تأسیسی اعضاسی آره سنده حسیات دینه یی ، حب فضلیتی ، محبت وطنپروانه یی محافظه دن عبارتدی . « بورشه ن Burchen » ، یعنی « آرقداش » نامیله یاد اولان اعضای جمعیت « خرستیان — آلمان البسه سی » دنیان یوکسک یاقه لی ، قویورنک بر اثواب کیرلردی ؛ ۱۸۱۳ کوکلولرینک علامتی اولان قیرمزی — سیاه — صاری رنگلری قبول ایتشلردی ؛ وطنپروانه شرفیلر ترنم ایتمک ایچون طوبلانیرلردی . بونلرک تشکیلاتی آلمانیا دارالفنونلری ایچون یکی عد ایدیلن بر قاعده یه مستند ایدی . قدیم دارالفنون جمعیتلری [*] — که نام رسمیلری « لاندمانسافت Landmannschaft » ایدی — عین ولایتک دارالفنون طلبه سندن مرکب کوچک جمعیتلر ایدی ؛ بوجعیتلره داخل اولان طلبه مجتمعاً اکثریلر ، ایچرلر ، دوئللو ایدرلر ، فقط بر مقصد عمومی تعقیب ایتزلرایدی . (بورشانسافت) ایسه بتون آلمان دارالفنون طلبه سندن مرکب بر جمعیت عمومیله اوله جق وحسیات ملیه نیک اویانمنه یاردم ایده جکدی . بوجعیت ۱۸۱۵ دن صکره کوچک برشهرده ، (ایتنا) ده تشکیل ایلدی ؛ اعضاسی بالخاصه وسطی آلمانیا حکومات صغیره سی داخلنده کی دارالفنونلر طلبه سندن مرکب دی . (ساقس وایمار) غراندوقه لی — غراندوقه نیک قانون اساسی ایله سربستی مطبوعاتی تأمین ایتدیکی زماندن بری — حرکات ملیه واحرارانه نیک مرکزی اولمشدی ؛ باشلیجه جرائد سیاسییه — مثلاً : (لودن Luden) ک (نه مہیس NemesiS) ، (اوقن Oken) ک (ایسیس Isis) اسمنده غزته لریله (اوپوزیسیونس بلات Oppositionsblatt) غزته سی — بوراده انتشار ایدیوردی . غراندوقه لی دارالفنونلرک بولندیفی (ایتنا) ،

[*] بوجعیتلر ایوم دخی آلمانیا نیک بتون دارالفنونلرند موجوددر .

خصوصیه ایله حکومت متفقہ آره‌سنده ظهور ایدن برطاقم اختلافات و منازعاتدن عبارت قالدی . بودور ، نتیجه اعتباریله حائز اهمیت اولیان ، تاریخ سیاسیدن زیاده تاریخ ادبیاته تعلق ایدن بر چوق و قایع صغیره ایله مالیدر . وقایع مذکورہ آره‌سنده اصلاحات ایچون اوچ نوع تشبث کوریلدورکه اوچده حکومتلر طرفدن عقیم بر اقدیرلمشدر .

دارالفنونلرک نغیبتی [۱۸۱۸ - ۲۰] . — مملکتی تخلیص ایچون فرانسزلر علیهنه وقوعه کلن محاربه دارلفنون طلبه‌سی آره‌سنده افکار وطنپورانہ‌یی اویندیرمشدی . بونلرک بر چوغنی کولکلو صفتیله آلمان اردولرینه داخل اولمشردی .

مظفریتدن صکره قدیم آلمانیانک اشکال جدیدہ احرارانه تحتندہ اوله‌رق اتحاد ایدہ‌جکنی امید ایدیورلردی . بناءً علیہ حکومت مطلقه اصولنک تأسسی و مملکتک حکومات صغیره انقساسی کنج وطنپورلره آلدانمش اولدقلرینی کوستردی . بونلرک احوال سیاسیدن خشنود اولاملری واتحاد ملینک حصولنی آرزو ایتملری (ژیمناستیک) ، (بورشانسافت Burschenschaft) ، (جمعیات خفیہ) ناملریله معروف برطاقم نمایشلر اجراسنه سبب اولمشدر ؛ بو نمایشلرک جله‌سی فعلاً اهمیتسز ، طفلانہ حرکات قییلندن اولقله برابر حکومتلر افکار عامه‌یی قورقوتماق ایچون اهمیتلرینی صورت مخصوصده مبالغه‌لی کوسترملر ، تدابیر تضییقه‌یی‌ده آکا کوره تشدید ایلمشدر . بوندن طولایی وقایع مذکورہ اوزمان اهالی نظرندہ نسبتسز بر صورتده مهم کورلمش و آلمانیا تاریخلرنده دخی بیوک بر موقع طومتشدر :

۱ . — « ژیمناستیک » دنیلن شی ، وطنپورلرکک بر شکل مخصوصی ایدی : وطنی مدافعہ‌یه مقتدر ، صاعلام بطنلر یتشدریمک ایستورلردی . بو فکری موقع تطبیقه قویان ذات — نامی یاری استهزا ، یاری حرمت ایله یاد ایدیلن — (یان Yahn) اسمندہ بر پروسیه کویلیسدر . (یان) ، (لوجوف Lützow) آوجی آلاینه کولکلو اوله‌رق داخل اولمش و محاربه‌نک ختامندن صکره (برلین) ده بر ژیمناستیک مکتبی آچمشدی . النده بوداقلری کسيلمه‌مش بر باستون ، صاچلری فوق العاده اوزون ، بونی چیبلاق — چونکه « بیون باغنک حرر آلمانہ یاقیشمدیغنی » سویلردی — اولدیغنی حالده (پارس) ه کیتمشدی . شاگردلریله سنلی‌سنلی کوزوشور ؛ « فکرلرینی اویندیرمق ایچون » بونلری طوقات ایله دوکر ؛ جله‌سنه ییقانامش بزدن معمول البسه کیدیررک ، بونلرینی آچیق و صاچلرینی اوزون بر اقرق مانورلر یاپدیرردی . ایام تعطیلده شاگردلرینه یرر بالطه ویردرک اوزاقلره کوتوریر ، کیجه‌لری قیرده یاتیرر ، اکمک و سوتدن ماعدا طعام

تشکیل ای دیوردی، منتخبلر وکلای ملتک بر قسمتی بومیان دن انتخاب ایتدیلر. هم مأمور، هم ده مبعوث اولان بو ذوات مشکل بر موقعدده قالدیلر؛ چونکه وظیفه هم حکومتی اطاعت ایتمک، هم ده موکلرینک منافعنی مدافعه ایلمک مجبوریتده ایدیلر. مبعوث انتخاب ایدیلن بر مأمورک سربستی فکرنی محافظه ایده بیله چکی وایکی وظیفه نی نفسنده جمع ایدرک مأمور صفتیه حکومتی اطاعت و مبعوث صفتیه ده مخالفت ایلیه بیله چکی اساسی قبول اولندی و مجلس مبعوثانده فرقه مخالفین، مأموریندن تشکیل ویا بونلر طرفدن اداره ایدلدی. حکومت بوندن بالاستفاده اکثریا مخالفلری تهدید و تخویف ایدر، حتی ده املین بر واسطه به مراجعت، یعنی مأمورینه مجلس مبعوثانه کیتیمک ایچون رخصت اعطاسندن امتناع ایلر ایدی.

حکومت مطلقه و مشروطیت طرفدارلری آره سنده کی ضدیت پک بیوک ونا قابل ازاله ایدی. حکومت مطلقه طرفدارلری هر درلو تبدلک، هر درلو قانون اساسینک، هر درلو اصول مشروطیتک خصم بی امانی اولان (مترنیخ) ه کووه نیورلر و بالطبع (اوستریا) طرفنی التزام ای دیورلردی. احرار (اوستریا) نک رقیبی اولان (پروسیه) به استناد ایتمک ایستورلردی؛ فقط (پروسیه) قرالی حکومت مطلقه طرفدارلری اولدقدن بشته مانه قانون اساسی وعد ایتدیکی حالده ویرمه مشدی [اون دردنچی باه مراجعت]. بناء علیه احرار (اوستریا) دن زیاده (پروسیه) دن نفرت ایتدیلر. شاعر مشهور (هاینه Heine)، (مترنیچ) ک هیچ اولمازسه خلوص قابه مالک بردشمن اولدیغنی، (پروسیه) قرانک ایسه حریتک خصم ریا کارندن بشفه برشی اولدیغنی سویلوردی. مشروطیت طرفدارلری ایچون جنوبی آلمانیا پرنسلیله اجانبندن بشفه مدار استناد قالدی؛ بناء علیه بونلر آلمان حکومت صغیره سنلک استقلال داخلیرینی محافظه ایتملرینه طرفدار و فرانسز اصول اداره سنده تقدیر خوان اولدیلر [و بوندن طولای آلمان مورخلرینک نفرت و خصوصتیرینی جلب ایلدیلر].

افکار منوره صاحبی آمانلر یکدیگرینه ضد ایکی آرزو آره سنده بولنیورلردی: بتون آلمانیا نک حریت پرور بر حکومت معظمه اولسنی ایستورلردی؛ حالبوکه اتحادی وجوده کتیره جک قدر قوتلی اولان حکومتلر حریته دشمن ایدیلر؛ اداره احرارانه آنجق حکومت صغیره ده تأسس ایده بیلردی. وطن پرور اولق نقطه نظرندن حکومت صغیره نک استقلالیرینی محافظه ایتملری طرفدارلری ایدیلر. افکار ملیه، تحریکات احرارانه به توافقی ایتموردی. بناء علیه آلمانیا ده حیات سیاسی ۱۸۴۸ تاریخه قدر غایت قاریشیق اولدی و حکومت خصوصیه ایله تبعه، حکومت متفقه ایله تبعه و حکومت

دشمنی و (بون) دارالفنونی معلمی (نیور Niebuhr) ، حکمدارلری اولان دانیمارقه قرالنک تلمیحه اجرای تحریکاتدن کری طور میان (هولشتاین) دوقلغنی زادگان مجلسنک کاتبی و (کیل) دارالفنونی معلمی (دالمان Dahlmann) بوفرقه دن ایدی . بوکون آلمان مورخلرینک اک زیاده لسان حرمتله یاد ایتدکلی حقوق تاریخیه فرقه سی اوزمان پک آز ، اوتیه بری طایغلمش ، عوام نزدنده مجهول و ملتک هیئت عمومی سی اوزرنده حکم و نفوذدن محروم ذواتدن مرکبیدی .

مشروطیت فرقه سی ، بالعکس ، حقوق طبیعییه و حاکمیت ملیه فکرنی ایلرییه سوریوردی . هر بر حکومتده بالعموم افراد ملته مأمورین ايله رهبانک سوء استعمالته قارشی مساوات حقوقی تاهین ایدن بر قانون اساسی طلب ایدیورلردی . تنظیم قوانین و طرح تکالیف خصوصنده صاحب رأی اولان وکلای ملتک تحت تفتیشنده بر حکومت ایستیورلردی . بوفرقه ، فرانسه انقلاب کیرینک تقدیر خوانی اولان حاکمیت عامه طرفدارلردن مرکب بر فرقه احرار ایدی . بالخاصه جنوبی و غربی آلمانیده ، یعنی بر مدت فرانسهک یا تحت اداره سنده ، یا خود تحت نفوذنده قالمش محللرده طرفدار بولیوردی . بوکونکی آلمان مورخلری بوفرقه حقه حقاقت آمیز بر لسان قوللانهرق و قتیله حقایق تاریخیه مغایر خیالات انقلابجویانه آلدانمش اولقه اتهام ایدیورلر . فقط اوزمانک افکار منوره احمابندن اولان آلمانلرک همان کافه سی وحتی محررلری ، شمدی کولونج بر حال و موقعده تصویر اولسان ، بو فرقیه داخل ایدیلر . بین الخلق اک زیاده شهرت قازانان مشروطیت طرفدارلری (فریبورغ) دارالفنونده معلم (روتنق Rotteck) ايله بر « تاریخ عمومی » مؤلفی اولان (وولکر Welcker) ایدی . (روتنق) ۱۸۱۹ سنه سنده نشر اولان « مجالس عمومییه اوزرینه افکار و ملاحظات » عنوانلی اثرنده ملتک ، حقوق طبیعییه نتیجه سی اولهرق ، حق حاکمیته مالک بولندیغنی بیان ایدیوردی ؛ بومعلمک افکارینه نظراً حکومت ملتک مرخصندن ، وکیلندن بشقه برشی دکدر ، مجالس عمومییه تمثال ملت اولدیغندن ملتک کندینه حصر ایتدیکی حق حاکمیتی استعمال ایده بیلیر . فکر مشروطیت خلیجه کسب قوت ایلدیکندن جنوبی آلمانیا پرنسلیری کندی حکومتلری داخلنده قوانین اساسیه مدونه اعطاسنه و اصول مشروطیتی قبوله مجبور اولدیلر . بونک اوزرینه تخصیصات نقدیه دن محروم بر صنف مبعوثان تشکل ایتدی . مملکت مبعوثلره تخصیصات ویره میسه جک درجه ده فقیر ایدی ؛ اراضی و املاک جسیمه احمابی ، صنعتکارلر ، دعوی وکیللری کی بلا تخصیصات مبعوثلق وظیفه سنی ایفا ایده . بيله جک ذوات پک آز ایدی . اوزمان افکار منوره صنفی همان بالکنز مأمورین حکومت

حکومت مطلقه فرقه‌سی حکمدار ایله مأمورلرندن ماعدا هیچ کیمسه‌نک ، هیچ بر هیئتک حق حاکمیته مالک اولسنی قبول ایتیمور ؛ هر نوع قانون اساسی به محصول انقلاب، هر نوع حق تفتیش و مراقبه حکمداره حقارت نظریله باقیوردی . بو نظریه ، حکومت مطلقه اصولنی قبول ایدن (ل . دوهاهر L. de Haller) اسمنده بر اسویچرهلینک (روصو) نک (مقاوله اجتماعیه) نامنده کی اثر مشهورینی رد و جرح ایتک اوزره ۱۸۱۶ سنه‌سنده یازدینی (احیای فن سیاست) عنوانلی کتابنده بر اعتنای مخصوص منطقی ایله ایضاح ایدلشدی . (هالهر) حقوق طبیعییه ، مقاوله اجتماعیه و حاکمیت ملیه نظریه‌لرینی ، حقایق تاریخیه به مغایر عد ایدرک ، قبول ایتیموردی . بو مؤلفک افاده‌سنه باقیلیرسه اوروباده حکومتک منشأی حق ملکیت اولدینی تاریخ اثبات ایدیور ؛ هر مملکت بر حکمداره ، بر کلیسایه ویا بر جمعیه ، هیئته عائد و ملت ایسه بر مالکانه‌ده مقیم مستأجرلرک هیئت مجموعه‌سندن عبارت ایدی . ملت محو اولسه بیله حکومت باقی قالیر ، چونکه حکمدار کندی مالکانه‌سنده اسکان ایتک ایچون یکی تبعه بوله بیلیر . حکومت ، بر مالکانه خصوصی اولدینی ایچون ، حکمدار « تماماً مستقل بر صاحب ملکدر » ؛ مالکانه‌سنده کی اهالی بی اداره کندی شخصی خدمتکارلرینی مأمور ایدر ؛ بونلری مدافعه و وظیفه‌سنی عسکرلرینه تودیع ایلر ؛ مصارفاتی واردات شخصیه‌سیله قیادیر . غایه حکومت ، حکمدار ایله عائله - سیدر . تبعه ، بعض حقوقه مالک و طنداشلر عد اولنه‌میله جقلری ایچون حکومت ایشلریله اشتغال خصوصنده هیچ بر جقلری یوقدر ؛ وظیفه‌لری اوامر حکمداریه اطاعتدن عبارت اولوب عکسی تقدیرده مملکتدن چیقوب کیتیلیدرلر . بو کتاب (پروسیه) حکمداری طرفندن فوق‌العاده مسرت ایله تلقی ایدلدی . (پروسیه) و (آوستریا) زادکانی ایله آلمان پرنسپلرینک قسم اعظمی ، وکلا و رهبان حکومت مطلقه نظریه‌سنی قبول ایتیدلر . حکومت مطلقه طرفدارلری بالطبع مطبوعاته و دارالفنونلره دشمن ایدیلر ؛ بونلری حکومت قارشی مقاومت ایتک و امور حکومتی تفتیش و مراقبه آلتنده بولندیرمق کی افکار انقلابجو - یانه‌نی نشر و تعمیم ایلمکله اتمام ایدیورلردی .

حقوق تاریخیه فرقه‌سی حکمدارک حق حاکمیتنی انکار ایتیمور ؛ قوانین مدونه اساسیه بی عادات قدیمیه مغایر عد ایدرک تعامل اساسنه مستند حقوقدن بشقه‌سنی طایمور ؛ فقط بو حقوق تعاملیه استناداً ویرکولری تدقیق و اداره و لایاتی تفتیش ایدن قدیم مجالس عمومیه‌نک یکدن تأسیسنی طلب ایدیوردی . بو فرقه ، انکلاترهنک (توری) سیاستنه تقدیر خوان اولان زادکاندن مرکب بر فرقه احرار ایدی . فرقه‌نک ارکان معتبره‌سی شمالی آلمانلر ، دارالفنون معلملری ایدی . از جمله فرانسه انقلاب کیرینک

ویرکولری مذاکره ایتمک ، سوء استعمالاته قارشی بیان شکایت ایلمک حقی حائز بولنیورلردی . (غراندوقه) تفتیش و معاینه اصولندن قورتیلان مطبوعاته سربستی تام دخی تأمین ایدیوردی .

دیگر پرنسیر ایکی بیوک حکومت ، یعنی (اوستریا) ایله (پروسیه) طرفندن حسن صورتله تلقی ایدلمین طرز جدید ادارهیی قبول ایتمزدن اول پک چوقو زمان تردد ایتدیلر . ققط جنوبی آلمانیا پرنسیرلی نهایت مدون قانون اساسی اعطاسنه و ویرکولری ، قانونلری تدقیق و مذاکره ایتمک حقنه مالک اولمق اوزه مبعوثان مجلسلری تأسیسنه قرار ویردیله و حریت شخصییه ایله مساوات حقوقی تحت تأمین آلدیلر [*] : « باویرا » مایس ۱۸۱۸ ، « باد » آغستوس ۱۸۱۸ ، « وورتمبرغ » ۱۸۱۹ ، « هس دارمشتاد » ۱۸۲۰ تاریخزننده بو اصول ادارهیی تطبیق ایدیلر [**] . « وورتمبرغ » ده قرال ۱۸۱۵ سنه - سنده مجلس مبعوثان تأسیسنی متضمن بر قانون اساسی ویرمشدی ؛ فقط مجلس عمومی قرالندن امین اولدینی ایچون قدیم قانون اساسی بی طلب ایتدی . بونک اوزرینه ظهور ایدن اختلاف قرالک خلنی زماننده دخی ۱۸۱۹ سنهسنه قدر دوام ایلدی .

آلمانیاده فرقلر — بومملکتلرک کافه سنده ، آلمان ملتک هیئت عمومیسی ، حکومت مطلقه اصولنه آلیشمش اولدیغندن امور ادارهیه بیگانه قالیور و حتی افکار منوره اصحابی آره سنده بیله پک آز بر قسم بیان افکاره جسارت ایده بیلور ایدی . سیاسیات ایله اشتغال ایدنلر آلمانیاده تأسس ایدن اوچ نوع طرز حکومتدن برینی قبول ایتمک اوزره اوچ فرقیه آریلیورلردی .

[*] باویرا قانون اساسیسنک اسباب موجب مضطه سنده تبعیه تأمین ایدیلن حقوق بروجه زیر تعریف ایدیور: « حکومته و کلیسیاه عائد خصوصات تماماً تفریق ایلمک شرطیه حریت وجدان . - سوء استعمالاته قارشی تحدیدات نظامیه ایله حریت افکار . - کافه اهالیء محلیه نك خدمات عمومیه نك هر درجهسنه قبول اولمق حقنه مساواتاً مالک اوللری . - مسلك جلیل عسکریده خدمت حقنك عمومی شامل اولسی . - قانون حضورنده مساوات . - ویرکولرک توزیع وجبایتنده مساوات . - هیأت بلدییه عائد امورک ادارهسی حقنك بلدیهره اعانهسی . - داخل مملکتده مقیم کافه اهالینک وکیللرندن مرکب مجالس عمومیه نك تأسیسی ؛ مجالس مذکوره نك قانونلری ، ویرکولری تدقیق و مذاکره ، مطا - لباتی بیان و حقوق مشروطه نك اخلاقی تقدیرنده اعتراض ایتمک حقنه مالک بولنلری . »

[**] ناساو ، برونسویق ایله صافسونیانک بعض کوچک دوقه لقلرنده دخی قوانین اساسیه ویرلشدر .

موقع تطبیقه قویدی ۱۸۱۹۰ ده مجلس عمومی زادکان و عوام نامیه ایکی هیئته تقسیم ایتدی . مذاکراتک نشرینی منع ایلدی . ضبطنامه لک آنجق بعض فقره لرینک طبع ونشر اولمسنه مساعدده ایدیوردی ؛ فقط بو فقره لراک عادی شیلر اولدیغندن هیچ کیمسه آلوبده اوقومیوردی . - (مکلمبورغ) ده مجلس عمومیه یالکیز زادکانک وبعض امتیازاته مالک اولان بلدییه هیئت لرینک وکیل لرندن مرکب دی ؛ زادکان اکثریتی احراز ایدیورلر . بتون مأموریت لری کندی لرینه حصر ایدرک کویلیلر اوزرنده کی نفوذ قطعیلرینی محافظه ایلورلردی . زادکانه مخصوص املاک اصحابی کندی اراضیسی اوزرنده آمر مطلق ایدی ؛ امور عدلیه و ضابطه بونلرک النده اولدیغی کبی ایستدکارینی اراضیلری داخلنده حق اقامتدن محروم ایتمک صلاحیتنه ملک بولئیورلردی . - (صاقس-ونیا) ده قرال ، حکمدارلغه مخصوص مراسم و تشریفاتی محافظه غیرتنده بولندیغندن ، یایا اوله رق سو قاغه اصلا چیقماز و میرالای رتبه سی مادوننده بولنان کیمسه لره سوز سویلمزدی . حکومت ، مجلس عمومی به امور مالیه حقنده معلومات اعطاسندن امتناع ایدیور و مجلس مذاکراتک نشرینی منع ایلورلردی . - (اولدنبورغ) ده غراندوقه ، مجلس عمومیه اصولنی تأسیس ایتمزدن اول بوجلسلرک ممالک سائرده نه تیجه ، ویرمش اولدیغی بیلیمک لازم کله چکنی سویلمشدی .

۳ . - بعض پرنس لر ، بالخاصه جنوبده کیلر ، فرانسه یی تقلیداً مدون بر قانون اساسی اعطاسنه و حکومته تنظیم و طرح اولنه جق قانونلری ، ویرکولری تدقیق ایتمک حقنه مالک اولق اوزره اهالی طرفندن منتخب مبعوثان مجلسلری تأسیسنه قرار ویردیلر . مقصد ، اصول مورتی تأسیس ایتمک دکلدی ؛ چونکه پرنس حق حاکمیتنی محافظه ، وکلاسی اکثریتی نظر دفته آلمدن تعیین وحتی قانون تکلیفی حقی یالکیز کندیسنه حصر ایدیوردی . بو طرز اداره ایسه (توری) اصولنه موافق و اون سکزنجی (لوتی) نک حکومتته مشابه بر اداره مشروطه ایدی .

بو خصوصده ایلمک خطوه یی آتان حکمدار ، آلمان پرنس لرینک اک حریت پروری و علما و حکمانک حامیسی اولان ، (ساقس و ایماز) غراندوقه سیدر . مشارالیه ، تبعه سنه بر قانون اساسی ویردکن صکره بونی حکومت متفقه هیئتک کفالتی آلتنه وضع ایتدی و شاید طرفیندن بری ، یعنی یا کندیسی یا خود تبعه سی تعهدات واقعیه یی ایفا ایتمز ایسه حکومت متفقه هیئتک ایفای تعهده اجبار ایتمک حقنه مالک بولندیغنی قبول ایلدی . شو الیه لک ، شهرلرک و کویلیلرک مبعوث لرندن مرکب بر مجلس احداث ایتدی ؛ (وکلاسی ملت) عنواننی حائر اولان بو مبعوثلر بودجه یی تدقیق و قانونلری ،

ایتدیرمک حقنه مالکدر . بنابرین هر یر حکومتک طرز ادارهسی حکمدارک آرزوی شخصیسنه کوره تعیین اولنمشدی . آلمانیا ممالکی اوج مختلف طرزده اداره ایدیلوردی :

۱ . — اصل حکومت ، مطلقه اصولنده حکمدار هیچ بر قونتروله ، تفتیشه تابع اولمادن ، تبعهسندن مرکب هیچ بر مجلسی اجتماعه دعوت ایتهدن وکلاسی و مأمورلریله برلکده یالکیز باشنه اجرای حکومت ایدیوردی . — بواصول اداره ایکی بیسوک حکومتده ، یعنی (اوستریا) ایله (پروسیه) ده جاری ایدی ؛ شمال پر نسلرندن بعضلری ده بونلری تقلید ایتمشلردی . — بونلرک اک مشهوری ، آلمانیا امپراطورلری آرتق قرون وسطاده اولدینی کبی پر نسلر طرفندن انتخاب ایدلدکلری ایچون معناسز قلمش اولان (منتخب Electour) عنوان قدیمی حائز ، (هس) غراندوقهسی ایدی . غراندوقه اولا بر مجلس عمومی طوبلامش ، فقط ۱۸۱۶ ده بومجلسی طاغیتهرق یالکیز باشنه اجرای حکومته باشلامشدی . ۱۸۰۶ ده ممالکتندن طرد و تبعید ایدلمش اولدیغندن کنديسنک عزیمتی تاریخندن صکره پاییلان شیلرک هیچ برینی طانییه جغنی بیان و ادعا ؛ قوانین قدیمه بی ، آغازیلری . اصناف جمعیتلرینی یکیدن وضع و تأسیس ؛ مأمورلری اسکی مأموریتلرینه ، ضابطانی اولکی رتبهلرینه اعاده ؛ عسکرلره وقتیه اولدینی کبی اوزون صاحب طاقارینی امر ایدیور و اولجه پر نسلره عائد ایکن املاک ملیه کبی صاتیلمش اولان املاک و اراضی بی اصحابی یندن استرداد ایلوردی . حکومت متفقه هیئت املاک ملیه اصحابنک حق تصرفلری معاهدات ایله تحت تأمینه آلمش اولدینی بیسان ایدرک (هس) غراندوقه نیک اجرا آتته اعتراض ایتدی ؛ فقط (غراندوقه) کندی حکومتک امور ادارهسنه مداخله اولنسنه موافقت ایده میه جکی جوانی ویردی .

۲ . — شمالی آلمانیا پر نسلرینک اکثری [*] مجالس عمومیه اصولنی قبول ایتدیلر . بونلر تبعه لرینه قارشى هیچ بر تعهد آتته کیرمیورلر ؛ فقط قدیم مجلس معتبرانی — که بالخاصه زادکاندن مرکبیدی — اجتماعه دعوت ایدیورلر و عادات قدیمه توفیقاً ویرکولرک قبول و تصدیقی واستقرضاتک تحت تأمینه آلمسنی طلب ایلورلردی . مجلس ، بوندن بالاستفاده ، بعض مطالباتده بولنیوردی ؛ مع مافیہ مجلسک بو حرکتی امور اداره بی حقیقی بر صورتده تفتیش دیمک اولیوب بلکه افکار عمومیه بر جیه ابرازندن عبارت قالیوردی . — (هانوره) ده حکومت املاک و تکالیف عمومیه خزینهلرینی برلشدیرمک خصوصنده زادکان ایله ائتلاف حاصل ایدمیکندن آرزو ایلدیکی اصلاحاتی عادی بر امرنامه ایله

[*] هانوره ، مکلمبورگ ، صاقسونیا ، بالاخره اولدنبورگ .

ایمپراطور لوق محکمه‌سی آوو قاتلریله مدعیء عمومی ۱۸۰۶ سنه‌سندن متداخل معاشره - نی ۱۸۱۶ سنه‌سندن بری طلب ایتدکاری حالده آنجق ۱۸۳۱ سنه‌سنده آله‌بیلدیلر ؛ ۱۷۹۲ دن ۱۸۰۱ سنه‌سنه قدر محاربه ایچون عقد ایدیلن دیون آنجق ۱۸۴۳ سنه‌سنده اصحاب مطلوبه تأدیه ایدیله‌بیلدی . اوتوز سنه محاربه‌سندن متولد دیون آنجق ایکی عصر صکره ، یعنی ۱۸۵۰ تاریخنده تصفیه اولنه‌بیلدی . اک مستعجل ایشلر تشکیلات عسکریه‌یه متعلق امور ایدی . حال بوکه نظامناهء عسکری ۱۸۲۱ ده تنظیم ایدلیکی حالده آنجق ۱۸۴۰ ده موقع تطبیقه وضعنه موقیت حاصل اولدی ؛ حکومات خصوصیه طرفندن هیئت متفقه نامه تدارکی لازم کلن قول اردولر ۱۸۳۱ ، ۳۵ ، ۳۶ سنه‌لرنده تشکیل ایدلدکاری حالده بر آرایه جمع ایدلملری ممکن اوله‌مادی ؛ حکومات متفقه‌یه عائد اولوب . صارفی فرانسه طرفندن ۱۸۱۵ تاریخنده اعطا ایدیلن استحکامات ۱۸۲۵ سنه‌سنده هنوز انشا اولنه‌ماشدی ، چونکه حکومات متفقه مجلسنک (اولم Ulm) و (راشتاد Rastadt) موقع‌لرندن هانکیسنه استحکام یاییلمسی لازم کله‌جکئی قرارلشدیرمسنه انتظار اولنیوردی .

حکومات متفقه مجلسی برچوق جلسهلر عقد ایدر ، پک چوق انجمنلر تشکیل ایلر [عین زمانده اوتوز انجمنک بولندیفی کورلمشدی] ، قدیم (دیت) مجلسی کبی مراسم مخصوصه فوق‌العاده‌یه رعایتکار بولنوردی ؛ فقط هیج برصلاحیتی ، هیج برقوتی یوقدی : بتون آلمانیا واوروپایه قارشی کولونج بر موقعده بولنیوردی .

حکومات مخصوصه د توانیو اساسیه — هر بر پرنس ، حکمدار مستقل اولدیغندن ، حکومتک طرز اداره‌سنی ایستدیکی کبی تنظیم ایدیوردی . قانون اساسی لایحه‌سی محررلری تبعیه بعض تأمینات اعطاسنی دوشونهرک اون اوچنچی ماده‌نی شو یولده یازمشلردر : « نهایت برسنه‌یه قدر مجالس عمومیه اصولنک تأسیمی مجبوریدر . » فقط اصل قانونده « برسنه‌یه قدر » تعبیری قالدیرلمش و « مجالس عمومیه اصولنک تأسیمی مجبوریدر » سوزلری یرینه‌ده « مجالس عمومیه اصولی تأسیس اولنه‌جقدر » دنیلمشدر . احراز ، بوتعبیری شایان استهزا بولیورلر و : « بوقانون دکل ، غییدن خبر ویرر برکهانت‌ناه‌دهر » دیورلردی .

« قانون اساسی » کله‌سی فکر انقلابی ایما ایتدیگی ایچون بونک یرینه « مجالس عمومیه اصولی » تعبیر قدیمی استعمال اولنمشدی . عمومیتله قبول ایدیلن قاعدهء اساسیه‌یه کوره حق حاکمیت یالکر حکمدارده در ؛ فقط حکمدار ، تبعه‌سنی امور حکومته اشتراک

ریاستنده اوله‌رق (فرانقفورت) ده اجتماع ایدن وبتون حکومتلرک مرخصلرندن مرکب اولان دائمی بر «قونفرانس» ایدی. مجلس اعضای سربستهجه بیان رای ایدن وبعونلر دکل، بلکه حکومت متبوعه‌لری طرفندن تعلیمات قطعیله ایله کوندرلمش وهربر قرار ایچون حکومتلرندن اوامر جدیده طلبنه مجبور بولنمش مأمورین ایدی. امور عادیله ایچون بیوک حکومتلرندن هر برینک بر رأی واردی؛ حکومت صغیره ایکشبر، اوچر برلشهرک بر رأی مشترک اعطاسنه صلاحیتدار هیئتلر تشکیل ایدرلردی [مجموع آرا ۱۷ ایدی].

قوانین و مقررات اساسیهیی قبول ایچون مجلس صورت مخصوصهده عقد اجتماع ایدر و حکومتلرک هربری وسعت واهمیتیه متناسب مقدارده رأی ویرردی؛ که بو رأیلرک مجموع عددی ۶۹ ایدی [اوستریا، پروسیه ایله درت قرالقدن هر برینک درت رأی واردی]. فقط کافه امور مهمه ایچون هیچ بر قرار اکثریت آرا ایله اتخاذ اولنه‌مزدی؛ بونک ایچون اتفاق آرا شرط ایدی.

حکومات متفقه مجلسی قوانین اصلیهیی تنظیم و هیئت متفقهنک مؤسسات و موضوعات سیاسیه‌سنی - امور خارجیه، عسکریه و داخلیه‌سنه کوره - تعیین ایده‌جک ایدی؛ فقط حکومت خصوصیه‌دن هربری کندی سفراسنی، اردوسنی، حکومت داخلیه‌سنی محافظه ایدیوردی. نه هیئت متفقیه مخصوص محکمه، نه ده حکومت متفقه هیئتنک اجنبی حکومتلر نزدنده بولندیره‌جفی سفارتخانهلر تأسیس ایدلدی. حکمدارلر فعلاً مستقل قالدیلر، مجلس ده حکومت خصوصیه‌نک سفراسندن مرکب بر قونفره‌دن بشقه بر شی اوله‌مدی.

مجلس، ایلول ۱۸۱۵ تاریخنده آچیله‌جقدی، فقط حکومتلر آره‌سنده‌کی حدودک تعیین و تنظیمنه قدر انتظار ایدلدی؛ نهایت ایرتسی یاز موسمنده مرخصلر اجتماع ایتدیلر، افکار عامه آرتق بو مجلسه اهمیت ویرمه‌مکه باشلامشدی. ایلک زمانلرده بعض مرخصلر لایحهلر ویردیلر، فقط براز صکره مجلسک هیچ بر مذاکره‌نک نتیجه‌لنمی ممکن اوله. میه‌جق بر صورتده تشکیل ایدلش اولدینی آکلاشیلدی. هربر مسئله ایچون هر حکومتک آیری آیری موافقتلرینه انتظار ایتمک لازم کلیوردی؛ بر مسئله‌نک حل اولنمنی ایسته‌مین حکومت جواب رد ویرمه‌مکه بیله احتیاج حسن ایتیمور، اعطای جواندن استنکاف ایتمک اومسئله‌نک حل ایدیله‌مه‌می ایچون کافی کلیوردی. بالخاصه وسط درجه‌ده‌کی حکومتلر حق حاکمیتلرینی محافظه‌یه دیکرلرندن زیاده حریص بولندقلرندن هر درلو مذاکراتی نتیجه‌سز بر اقیورلردی. مجلسک عطالت و بطاطی ضرب مثل حکمنه کیردی؛ بو عطالتی ارائه ایچون ذکر ایدیلن متالرک بعضلاری پک مشهوردر؛ مثلاً. قدیم

هیچ بر منفعت کور میوردی، بنابراین امپراطور لقی تاجنی تکرار کیممکن امتناع ایتدی، اوستریا امپراطوری قلمنی و آلمانیا حکومت صغیره سی اوزرنده «دیپلوماسی» طریقیه اجرای نفوذ ایتمکی ترجیح ایلدی. آلمان پرنسلسری ده حقیقت حلاله یالکز امپراطور ایله پروسیه قرالندن تشکل ایده جکی شبهه سنز اولان بر حکومت مرکزیه یه تابع اولق ایسته مدیلر؛ ۱۸۰۶ ده امپراطور لنگ سقوطندن بری مالک اولدقلری حق حاکمیتلرینی محافظه یه پک زیاده اعتنا ایدیورلردی. حق حاکمیتیه مالک بر حکومت مجتمعه تأسیسی حکومت خصوصیه نك حق حاکمیتلرینی محافظه ایتسییه قابل تالیف دکلدی؛ بو حکومتی تأسیس ایچون کوچك حکمدارلری اورته دن قالدیرمق لازم کلیوردی. حال بوکه، ۱۸۱۳ ده، دول متفقہ کوچك حکمدارلری (ناپولئون) دن آیروب هر برینه کندی مملکت و حق حاکمیتلرینی معاهدات مخصوصه ایله تأمین ایلمکی دها مناسب کور مشلردی؛ بویله بر معاهده نامه یه نائل اوله میان یکانه حکمدار، یعنی (صاقسونیا) قرالی ده (ویانه) قونفره سی مرخصلر نك مساعیسیله مملکتنی قوتاره بیلمشدی [برنجی بابہ مراجعت] . بناءً علیه قدیم امپراطور لغنی یکیدن تأسیس ایتمک، حتی بر حکومت مجتمعه وجوده کتیرمک مسئله سی موضوع بحث بیله اولمادی .

(اوستریا) ایله (پروسیه) بر صورت تسویه حاضر لادیلر. کوچك پرنسلسر (آلمانیا)، نك تشکیلاتنی یالکز بیوک آلمان حکومتلرینه بر اقق ایستدیلر، جمله سی برلشهرک «اوتوز ایکی کوچك حکومتک نوطه سی» نامیله معروف بر نوطه پی امضا ایتدیلر [۲ شباط ۱۸۱۵]. بونوطه ده بتون آلمانیا حکومتلرن دن مرکب بر مؤتمر عمومی، قونفره عقدی طلب اولنیوردی. بیوک حکومتلر اول امرده کندی آرملرنده ائتلاف حاصل ایتدیلر، بعده محضا شکه رعایت ایچون بتون حکمدارلرک مرخصلرینی مذاکره یه دعوت ایلدیلر، ۱۸ حزیران ۱۸۱۵ تاریخده عقد ایدیلن «حکومت متفقہ مقاوله نامه سنده» مستقل پرنسلسر ایله سربست شهرلر بر اتفاق مؤبد ایله برلشدرک لرینی اعلان ایتدیلر؛ بو اتفاقه (جرمانیا حکومت متفقہ سی Teutscher Bund) دنیلدی .

بو هیئت متفقہ دن مقصد «حکومت خصوصیه نك امنیت خارجییه و داخلیه سنی، استقلال و تمامی ملکینی محافظه» اولدینی تصریح ایلدیکی حلاله هیئت مذکورہ نك وظیفه و صلاحیتنی لایقیه تعییندن اجتناب ایدلمشدی .

حکومت متفقہ هیئتی یالکز بر مجلسدن، (بوندر فرساملونگ Bunderversamm- lung) دنیلن حکومت متفقہ مجلسندن عبارتدرکه بوده اوستریا مرخصنك تحت

پرنسler محافظه ایدلمشدی [صاقس، آنهالت، لیب، رويس] ؛ اڪ زياده دوچار انقسام اولان محل جنوبي آلمانیا دكل، شمالي آلمانیا ایدی. - برچوق پرنسler یكی عنوانر آلدیلر، بشی قرال اولدی [هانورره، پروسیه، صاقسونیا، وورتمبرغ، باویرا]. فقط بونلرك قرالقلری تمامیله مستقل دكلدی. - طوغریدن طوغریه فرانسه تابعیتنده بولنمش اولان طرفلرده [رن نهرینك صول ساحلی اوزرنده] فرانسز اصول ادارهسی، یعنی مساوات حقوق، حریت شخصیه، اداره منتظمه و متحده کبی شیلر قلمشدی. جنوبی آلمانیا پرنسlerی کندی حکومتلری داخلنده بو اصول ادارهبی تقلید ایتدیلر. لکن دیگر مملکتلرده طرز قدیم اداره محافظه ایدلدی. - (فرانسه) و (اسوج) آلمانیا ایمپرا. طورلغندن چیقمشلر، فقط ایمپراطورلق خارجنده بولنان بش حکمدار آلمانیا کبی ولایتلرینی محافظه ایتمشلردی: بونلرك ایکسی، یعنی اوستریا ایمپراطوری و پروسیه قرالی آلمان؛ اوچی، یعنی (هولشتاین) ایچون دانیمارقه، (هانورره) ایچون انکلتره، (لوکسمبورغ) ایچون (بهیبا) قراللری اجنبی ایدی.

بناء علیه آلمانیا، ۱۸۱۴ سنه سنده دخی، حق حاکمیتلری ناتمام بر طساقم حکومت صغیره به منقسم، اداره مطلقه به تابع و حکمداران اجنبیهنك مداخلتنه معروض ایدی. آنجق بر قسمی نائل تجدد اولمشدی؛ طرز قدیم ادارهنك انقاضی بستیون آتوب یكی بر اصول اداره تأسس ایدنجه به قدر مملکت اوزون بر دوره بجران کچیردی.

فرانسیا حکومت متفردنك شكلی [۱۸۱۵]. - آلمانر، کندی مملکتلرنندن فرانسزلی اخراج ایتدکدن صکره فرانسهنك هجوملرینه مقاومت ایچون قدیم ایمپرا. لقدن ده قوتلی بر حکومت تأسیسی احتیاحنی حس ایتدیلر. فقط بو حکومت ویریله جك شکل حقدن بر فکر قطعیلری بوق ایدی.

«مقدس ایمپراطورلق» زماننك تربیه سنی آلمش اولان برچوق وطنپرورلر قرون وسطاده آلمانیا نك دوره عظمت و اقباله اشترک ایدن بو شکل حکومتی محترم و ضروری عدایدیورلردی. قدیم حکومت صغیره دن برینك حکمدارلغنده بولنمش اولان (بارون دواشتاین Baron de Stein) طوغریدن طوغریه ایمپراطورک تابعی اولدینی جهتله آلمانیا ایچون ایمپراطورلقدن بشقه بر شکل تصور ایده میوردی. بو تصور نظرأ ایمپراطور. (هابسبورغ) خانداننك رئیسندن، یعنی اوستریا ایمپراطورندن بشقه بری اوله میه جق، امور مشترکینی رؤیت ایچون باشلیجه پرنسlerدن مرکب بر « هیئت اداره Directorium » بولنه جق ایدی. (بارون دو اشتاین) ك تصوراتی نا قابل ازاله مقاومته تصادف ایتدی. اوستریا ایمپراطوری پروسیه قرالنكده کندیسی قدر قوتلی بولنه جفی بر آلمانیا نك ایمپراطورلغنی قبول ایتمکده

اون ایکنجی باب

اتحاددن اول آلمانیا

۱۸۱۴ ده آلمانیا. — آلمانیا ، «مقدس جرمان روما ایمپراطورلغنک» غایت قاریشیق اولان تشکیلات قدیمه سنی اون سکزنجی عصرده دخی محافظه ایتمکده ایدی . ظاهرآ ، بر قاج پرنس طرفدن انتخاب ایدیلیر بر حکمداری [ایمپراطور] و حکومت مختلفه مرخصلرندن بر مجلسی [دیت] بولنان بر حکومت مجتمعه ایدی . فقط بو حکومت مجتمعه نك النده هیچ بر قوت حقیقه یوق ایدی ؛ حکومت مختلفه دن هر بری ، نظر - یانجه ایمپراطوره تابع اولدینی حالدّه فعلاً مستقل ایدی . بر برینه هیچ بکزه مین اشکاله کوره تشکیل ایدلمش اولان بو حکومتلرده حق حاکمیت قرال ، دوق ، پرنس ، قونت ، پستپوس ، راهب ، شوالیه ، شهر هیئتلی کی مختلف حکمدارلرده ایدی ؛ هر حکومتک اداره داخلی غایت مختلف اولمقه برابر یالکنز بر نقطه ده بر برلینه بکزه یوردی که اوده کافه حکومت صغیرنک حکومت مطلقه حالنده اداره ایدلمسی ایدی . بو قدر قاریشیق اولان بو ایمپراطورلغنک قطعی حدودی دخی یوق ایدی ؛ بر چوق حکمدارلرک کرک ایمپراطورلق داخلنده ، کرک خارجنده [اوستریا ، روسیه ، دانیمارقه ، اسوچ] مملکتلی وار ایدی و ایمپراطورلق داخلنده کی ولایتلیله ممالک اجنیه ده کی ولایتلی بر برلندن تفریق ایدیله میوردی .

فرانسه علیهنده کی محاربات بو قاریشیقنی براز آزلتدی . (په بی با) ، (اسویچره) ، (اسپانیا) و (ایتالیا) ده اولدینی کی آلمانیا ده دخی فرانسر استیلاسی مؤسسات و موضوعات قدیمه بی سیلوب سوپورمش و ملت جدیده بر زمین ترقی حاضرله مشدی . فقط بو سیلوب سوپورمشک ، تام و مکمل اولما مشدی . — ایمپراطور ایله (دیت Diète) مجلسی قالدیرلمش ، فقط بر اوستریا ایمپراطوری قالمشدی . (ناپولئون) ، اک کوچک و بقاری اک مشکوک اولان حکومتلی ، قدیم ایمپراطورلغنک شوالیه لرینی ، کلیسا حکومتلرینی ؛ دردی مستنا اولمق اوزره سربست شهرلی اورته دن قالدیرمشدی ؛ تقریباً اوج یوزه بالغ اولان حکمدارلرک عددی اوتوز سکره اینمش ، صفت روحانیه بی حائر پرنس قالمامشدی . فقط احوال مملکتک دها بسیط بر شکله قونمسی آنجق جنوب طرفلرنده وقوعه کلش و بوراده پارچه پارچه اولان اراضی درت حکومتده برلشدیرلمشدی . شمالده کوچک


تعریف مؤلفات

ایتالیا حقدہ کی آثار تاریخیہ ایچون (لانگوا) نک « تعریف مؤلفات تاریخیہ » سنہ مراجعت ایڈیلیر .

ایتالیا آثار تاریخیہ آرسندہ اک کثیر اولان قسم رجال سیاسیہ نك خاطرات و مخابراتیدر . بونلرک اک مہملری (قاوور) ك ۱۲ جلدك نطقلری و آلی جلدك مکتوبلریلہ (غاربالدی) نك اوج جلدك ترجمہ حالی ، (مانین) ، (لافارینا) ، (داچہ لیو) ، (ماجینی) کبی رجال حکومتك مکتوبلری در . (آنتولوجیا ایتالیانا) ، (ریویستاقونتا نپورہ نا) رسالہ لری اک مہم مجموعہ سیاسیہ لر در .

ایتالیا تاریخنك ہیئت عمومیہ سی ایچون پك چوق کتابلر وار ایسہدہ اک مہمی (بوتون کینگ Botton King) نامندہ کی انکلیز مؤلفنك فرانسیزیہ دخی ترجمہ ایڈلش اولان (۱۸۱۴ دن ۱۷۸۱ سنہ سنہ قدر ایتالیا اتحادی تاریخی) در . (روشلن Reuchlin) نامندہ کی آلمان مؤلفنك ۴ جلدك اثری دم بومیانده اک اپی یازلمش آثار دندر .

ایتالیا حکومتنك ادوار مختلفہ سی حقدہ کی ایتالیان ، آلمان ، فرانسز ، انکلیز مؤلفلرینك آثار عدیدہ سی ایچون خصوصی قتالوغلرہ مراجعت ایڈلک اقتضا ایدر .



(قریسی) مجلس مبعوثانجه آرزو ایتدیکی درجهده مظاهرته نائل اوله مدیغندن مجلسك دوره اجتماعیه سنی تأخیر ایتدی، بعده طاغیتدی [مایس ۱۸۹۵]؛ بیاننامه شکلنده نشر ایتدیردیکی بر نطقده منتخبلرک یا «حکومت ملیه» پی، یاخود «اجتماعی، اخلاقی و سیاسی اغتشاش ایله حکومتسزلیکی» قبول ایتلمی لازم کله جگنی بیان و «بتون ایی و طنداشلری قرالک اطرافنده اتحاد» دعوت ایلدی. (قریسی) بحران مالی دوره سنک آرتق ختامپذیر اولدیغنی تأمین ایدیوردی. ایتالیاده هان دائماً کورلیدیکی اوزره یکی مجلس مبعوثانده اکثریت عظیمه [۱۷۲ رأیه فارشی ۳۵۵ رأی] هیئت وکلا طرفنده ظهور ایتدی. مجلس حکومتجه طرح ایدیلن ویرکولری تصدیق ایلدی. فقط افراطیون ایله اشتراکیون بر قاچ مبعوث فضلّه انتخاب ایتدیرمشلردی؛ بونک ایچون مجلس مبعوثان جلسه لری غایت هیجانلی اولدی؛ عفو عمومی مسئله سندن طولانی مبعوثان آرهنده دوئلورلر وقوعه کلدی و (وقاوالوتتی Cavallotti) اسمنده بر ذات (قریسی) علیه نده غایت شدید المال بر رساله نشر ایتدی. جرائم سیاسییه محکومینی قسماً عفو ایدلدی ایسه ده بو تدبیر انقلابیور فرقه لری باریشدیرمق ایچون کافی کلدی. صاغ وصول چناخلرده کی مخالفلر (قریسی) علیه اتفاق ایدیورلردی؛ صاغ جناح رئیس (دی رو - دینی) رئیس وکلانی حریت مطبوعاتی محو ایتک، اشتراکیون ایله آنارشیسیتلری بر عد ایلمک و ثروت عمومیّه مملکتک دوچار انحطاط اولمامی ایچون هیچ بر تدبیر اتخاذ ایتمه مکه اتهام ایلوردی [کانون اول ۱۸۹۵].

ایتالیاده هان دائماً اولدیغنی کبی بو دفعهده سیاست خارجییه، سیاست داخلییه اجرای تأثیر ایتدی. ایتالیا اردوسنک حبسستانده منهزم اولسی (قریسی) پی موقع اقتداردن چکیلکه مجبور ایلدی [مارت ۱۸۹۶].

قرالک موقع اقتداره کتیرمه راضی اولدیغنی (دی رودینی) هیئت وکلاسی بر مسلک استلافجویانه تعقیب ایدرک، محافظه صلح و مسالته و اقتصاده رعایت ایلهرک مجلس مبعو- ثانی طاغیتمه محتاج اوله دن موقع اقتدارده قالدی. عفو عمومی اعلان، حبسستانک فتحندن صرف نظر، مستملکات مصارفنی تنقیص ایتدی. فقط بو هیئت وکلانک موقعی پکده صاغلام دکلدی.



بوزماندن اعتباراً ایتالیا ده حیات سیاسیہ (قریسی) ایله قرالنگک دشمنلری آرسنده کی مجادلاته منحصر قالدی. اشترا کیون بالخاصه (لومباردیا) ، (غارار) ، (رومانی) ده عمله جمعیتلری تأسیس ایتدیلر. (سیچلیا) ده املاک جسیمه اصحابنک تحت حکمنده اسیر کبی چالیشان کویلیرک سفالت فوق العاده لرندن استفاده ایدرک « چالیه انلر جمعیتی » نامیله برطاقم جمعیتلر تشکیل و بونلر آرسنده حصول اتحادی تمهیل ایتدیلر. جمعیتلر فقیر و سفیل اهالی آرسنده عصیان ظهورینه سبب اولدیلر [۱۸۹۳]. حکومت بونی بهانه اتخاذ ایدرک (سیچلیا) آطه سنده، اداره عرفیه اعلان [کانون ثانی ۱۸۹۴] ، عسکر اعزام ایتدی، رؤسای اشترا کیونی محاکم عسکریده محاکمه ایتدیردی [*]. بتون ایتالیا ده سربستیء اجتماع و حریت مطبوعاتی الغا ایلدی. بودجه آچیغنه چارم ساز اولمق ایچون بعض ویرکولری، کمرک رسمی برر عادی امرنامه ایله تزید ایتدی. هیئت وکلا، مجلس مبعوثاندن صلاحیت فوق العاده استحصاله موفق اولدی. (قریسی)، قرالک مظهر امن واعتمادی اولان بر رئیس وکلا صفتیه « دیققاتور » کبی حکومتی اداره ایلدی؛ اولجه حاکمیت عامه طرفداری اولان قدیم صول جناح بر حکومت فرقه سی حالنی آله رق حاکمیت عامه قواعد جدیده سنک ترقی و تعممی منع ایچون قدیم حکومت موقته طرفدارلرینک اصول و وسائطنه مراجعت ایتدی. حتی خصم قدیمی اولان (پاپا) یه قارشلی مجادله دن واز کچمش و (قاتولیک) فرقه سنی تقویه ایچون (پاپا) ایله باریشمق املنه دوشمش کبی کوروندی .

جمهوریت فرقه سی، رقیسلیله چاریشمق ایچون یکیدن تشکیل ایلدی ؛ مجلس مبعوثانده هیئت وکلانک سیاست عمومیه سنه ، قانون اساسینک بخش ایلدیکی سربستی یه مغایر اولدینی ایچون تدابیر متخذة تضییقه یه ، بحران اقتصادی و مالی یه سبب اولدینی ایچون مستملکات سفرلیله تسلیحات فوق العاده یه، تسلیحات فوق العاده یی انتاج ایتدیکی ایچون ده اتفاق مثله هجوم ایتدی . سربستیء مطبوعات ، اجتماع و اشتراکی، ترک سلاح ویا تنقیص مصارف عسکریه یی، آلمانیا ایله فرانسه آرسنده بیطرفلنی طلب ایلدی. حکومت اشترا کیونک ویا عمله نک تشکیل ایتمش اولدقلری جمعیتک کافه سنی ساده جه بر امرنامه ایله طاغیتمش اولدیغندن [۲۲ تشرین اول ۱۸۹۴] جمهوریت طرفدارلری «حمایه سربستی جمعیتی» نامیله یکی بر جمعیت تأسیس ایتدیلر .

[*] قارراره Carrare طاش اوجاقلری عمله سندن مرکب اولان فرقه اشتراکیون رئیس دعوی وکیلرندن (مولیناری Molinari) عائله وحق ملکیت علیهنده بر جمعیت تأسیس ایتک تمهتیه یکریمی اوج سنه قلع بندلک ، (سیچلیا) ده «چالیشانلر جمعیتی» هیئت مرکزیه سی اعضاسندن مبعوث (فلیس Felice) بر بیاننامه یه وضع امضا ایتدیکی ایچون اون سکز سنه کورک جزاسنه محکوم اولدیلر .

اوزره بر صول جناح هیئت وکلاسی تشکیل ایتدی [۱۵ مایس ۱۸۹۲] . بو هیئت وکلا مجلس مبعوثانی طاغیتدی ، انتخابات جدیده ده بیوک بر اکثریت قازاندی . فقط (روما) بانقسی مسئلهسندن طولایی سقوط ایتدی: بو بانقنک خلاف نظام ۶۵ میلیون فرانلق بانقنوط اخراج ایتمش اولدینی کشف ایدلدی [کانون ثانی ۱۸۹۳] ؛ مجلس مبعوثانجه تشکیل ایدیلن هیئت تحقیقه بانقه امورنده وقوعه کلن انتظامسراقلردن طولایی بیان تأسف ایتدکن صکره بو ایشده ذیمدخل اولان مبعوثلرک اسملرینی - که (جیولیٹی) نک برحبی ایله وکلا دن بری دخی داخل ایدی - میدانه قویدی و وکلانک ۱۸۸۹ سنهسندن بری حقیقت حاله واقف اولدقلرینی اثبات ایدلی . بونک اوزرینه (جیولیٹی) هیئت وکلاسی موقع اقتداردن چکیلدی [تشرین ثانی ۱۸۹۳] .

(قریسپی) تکرار ریاست وکلایه کچدی و ۱۸۹۶ تاریخنه قدر بو مقامده قالدی[*] . صول جناح ایله اتحاددن واز کچرک حاکمیت عامه قاعدهسینه مستند اولان مسلك قدیمه عودت ایتمش کبی کورونیوردی . (قریسپی) مجلس اعیان اعضاسنک ده مبعوثان کبی انتخاب ایدلسنی ، مبعوثاننه تخصیصات اعطاسنی ، عساکر دائمه مقدارینک تقیصنی طلب ایتمشدی [تشرین ثانی ۱۸۹۲] تاریخنده پالرموده ایراد ایدیلن نطق [«حرک دکل، صالح و مسالمتک مروجی» اولدینی ، کندیسنه نمونه امتثال اتحاد ایتدیکی (ماجینی) و (غاریبالدی) کبی بین الاقوام هیئت مجتمعه تشکیلی طرفداری بولندینی سویلمشدی [تشرین اول ۱۸۹۳] ده غاریبالدی آبدسنک رسم کشادی مناسبتیه ایراد ایلدیکی نطق] . فقط موقع اقتداره عودت ایدنجه جمهوریت طرفدارلریله اشتراکیونک هجوملرینه قارشلی سلامت عمومیهیی محافظه مأمور ایش کبی حرکت ایتدی . اولجه یایدینی کبی بو دفعهده مشروطیت طرفداری فرقلرک کافهسنی مدافعیه و بو دجه آچیغندن طولایی خللدار اولان اعتبار مالی مملکتی اعادهیه و امورمالیهیی اصلاحه دعوت ایدلی . ۲۰ کانون اول ۱۸۹۳ تاریخنده ایراد ایتدیکی بر نطقده شو سوزلری سویلدی : « وطنک حال حاضری هر زمانکندن زیاده وخیمدر . . . فرقلر آرمسندکی اختلافات بر طرف ایدلک صورتیه مجلس مبعوثانک معاوتنه محتاجز ؛ جمله کزی اختلافات موجودیه موقتاً ختام ویرمهک دعوت ایدرم . . . ۱۸۹۰ تاریخنه قدر وطنک اتحاد مادیسنی تأمینه چالیشدق . شمعدی ، اتحادمعنوییی تأیید و تقویهیه چالیشملی بز . » ۱۸۹۴ سنهسی مایسنده ایراد ایلدیکی بر نطقده دخی : « اتحادک تمثال مشخصی اولان قرالک اطرافنده دست بدست و فاق اولملی بز . » دیندی .

[*] هیئت وکلاده پالکر بردغه ، ۱۸۹۴ سنهسی حزیراننده تبدلات وقوعه کلدی .

باش وکیلنک النده بولمقده ایدی . فقط (قریسی) وقتیه جمهوریت طرفداری اولدیغی ایچون افکار عامهیی نظر دقت اوکنده بولندیرمق و دائماً افکار عامهیی جابه چالیشمق عادتیی محافظه ایدیوردی . جمهوریت طرفدارلرینک مطالباتنه قارشیی ایتالیانلرک حسیات ملهیرینه مراجعت ایدرک ایتالیان اتحادینک (پایا) ایله فرانسه طرفندن تهید ایددیکنی و بو اتحادک بقاسنی تأمین ایچون قوتلی بر حکومت عسکریه ایله اتفاق مثلته لزوم اولدیغنی بیان و بحر احر ساحلنده کی مستملکات سفرلرینی ایتالیان اردوسنک شان و شرفی نامنه مدافه ایلدی . فرانسر غزته لرینک تعریضات شدیدسه سی (قریسی) نک سیاستنه پک زیاده یاریم ایتدی . بو غزته لر (قریسی) نک « بیوکک سودامی » ایله معلول اولدیغنی سویلرکجه ، وطنلرینک بیوک بر مستملکات حکومتی اولسنی آرزو ایدن ایتالیان وطنپر - ورائنک حسیات مله لرینی جریجه دار ایدیورلردی . ایتالیان افکار عمومیه سنک تمایلتندن آکلاشیلدیغنه کوره (قریسی) ، هیچ اولمازسه متوسط صنوف اهالی نظرنده ، ایتالیانک محافظه شان و شرفی ایچون وجودی الزم بر ناظر ایدی .

(قریسی) بر کون مجلس مبعوثانده صاغ جناح مبعوثلرنجه حقارت مقامنده تلقی ایدیلن افاداتندن طولایی [*] بردن بره سقوط ایتدی [کانون ثانی ۱۸۹۱] و ایکی سنه قدر هیئت وکلا خارجنده قالدی . فقط بو ، بر فاصله دن عبارت ایدی .

اول امرده (دی رودینی Di Rudini) نک تحت ریاستنده بر صاغ جناح هیئت وکلاسی تشکل ایتدی [۹ شباط ۱۸۹۱] ؛ صول جناح رؤسائندن (نیقوته را) نک التحاقی ایله کسب قوت ایدن بو هیئت وکلا مصارفات عمومیه ده تصرفه رعایت ایده جکنی و « اتفاقله صادق » قاله جغنی اعلان ایلدی ؛ یکانه اصلاحاتی اسامیء متعدده بی حاوی رأی پوصله لرینک الغاسندن عبارت قالدی . (پایا) ایله حصول ائتلاف چاره لرینی آرادیی ۱۸۷۱ تأمینات قانونی (پایا) یه تضدیق ایتدیرمک چالیشدی . (پایا) ۱۴ کانون اول ۱۸۹۱ تاریخنده ایراد ایلدیکی بر نقطه ده هر ایکی فرقه دن ، یعنی « پالانق مقامنه بر ضربه بمات ایندیرمک ایستین » قریسی فرقه سیله « کلیدسانی حکومته تابع طومق ایستین » صاغ جناحدن شکایت و بونلرک هر ایکسنک (پایا) نک خرستیانلرله سربستیء مناسباتی تصعیب ایتدیکنی بیان ایلدی ؛ (پایا) رومانک استقلال تامنی طلب ایدیودی .

بعده (جیولیتی Giolitti) نک تحت ریاستنده بولمق و (قریسی) داخل اولماق

[*] قریسی مجلس مبعوثانده جریان ایدن بر مذاکره اثناسنده ۱۸۷۶ سنه سنه قدر تشکل ایدن هیات وکلانک [صاغ جناحک] سیاست خارجیه سندن بحث ایتدی . اوصرده صاغ جناح سیا - بیتنک « اجنپه اسپر » اولدیغنی سویلمش اولمقله اتمام ایلدی .

ایچون کورک جزاسی و ایفای وظیفه اثناسنده حکومتک قوانین و اجرا آتی تعیب ایدن کافه مأمورین روحانیه بر سنه حبس جزاسی و یریله جکی تصریح اولندی .

(قریسی) ، جمهوریت طرفدارلریله (ایرره داتایست) لرك تحریکاتنه قارشلی بعض تدایر ضابطه اتخاذ ایتدی . ایشسز قالان عملهنک (روما) ده ترتیب ایتدکلی نمایشلی قوه جبریه ایله منع ایلدی [شباط ۱۸۸۸] ؛ « ترسته » و « ترانت » ده تشکل ایدن بر جمعیتی « اوروبا صلح و مسالمتک اس اساسی و ایتالیا استقلال و اتحادینک ضمان قویسی اولان » اتفاق مثلث علیهنده بولندینی ایچون طاغیتدی ؛ (اوبردائق) شرفه ترتیب ایدیلن مراسمه [۱۸۸۹] ، (قاتانا) ده اجتماع ایدن حاکمیت عامه قونفره سنه ، ۱۸۴۹ (روما) جمهوریتک تأبید خاطره سی ایچون اجرا اولنان نمایشلره مانع اولدی (و بارساتی) ، (اوبردائق) قلوبلرینک طاغیدلینفی اعلان ایتدی [آغستوس ۱۸۹۰] . حتی بر ضیافتده (ایرره داتایست) فرقه سندن بر ذاتک ایراد ایلدیکی نطق بلا اعتراض استماع ایتسندن طولایی مالیه ناظرینی قراله عزل ایتدردی .

(قریسی) اتفاق مثلثک الك صادق طرفداری اولدینفی بیان ایدیوردی [۱۷ مارت ۱۸۸۸] ؛ اردو و دونمانک بو دجهیه بار اولسنه رغماً ترك سلاح ایچون وقوعه کلن هر درلو تشبث علیهنده بولندی [شباط ۱۸۸۹] ، ایراد ایتدیکی بر نطقده « ایتالیا یالکز باشنه ترك سلاح ایدرسه بر جنایت ارتکاب ایتمش اولور » دیدی [تشرین ثانی ۱۸۹۰] . بحر احمر ساحلنده کی تشبثات استعماریه ده دوام ایدرک (اریتره Erytrée) مستملکهنی تأسیس و حبشستان حکومتی ایتالیا نک تحت حمایه سنه وضع ایتدی .

بو مستملکات سیاستک باعث اولدینفی مصارف عظیمه ایله وقوعه کلن بحران تجاری بو دجه نک موازنه سنی اخلاص ایتدی . ۱۸۸۷ سنه سندن اعتباراً بو دجه ده دائمی بر آچیق کورلمک باشلادی و ایتالیا اسهامی فیاتی یکیدن تنزله باشلادی . مجلس مبعوثانده صاغ جناح فرقه مخالفه سی ، داخل مملکتده جمهوریت فرقه سی حکومتک سیاست مالیه سنه اعتراض و مصارف عسکر- یه نک تقیصنی طلب ایتدیلر . فقط هرشیدن اول اردونک باش قوماندانی اولان قرال ، (قریسی) یی التزام ایدیوردی ؛ بوندن بشقه (قریسی) مبعوثان انتخابی کندی آرزوسی وجهه اداره ایتدیکندن مجلس مبعوثانده هر زمان بیوک بر اکثریت تأمین ایتمکده ایدی . ۱۸۹۰ سنه سی تشرین ناینسنده انتخاب ایدیلن مجلس مبعوثان ، بر کره طاغیدلقدن صکره ، بشده دردی هیئت وکلا طرفداری مبعوثاندن ترکب ایتدی . (کیزو) هیئت وکلامی زماننده فرانسده اولدینفی کبی ایتالیا ده دخی حکومت ، ظاهری بر اصول مشورت آلتنده ، قرال ایله

[بش رئیس شوونلر ایدی : کورولی ، قریسپی ، نیقوته را ، زانارده للی ، باقارینی] .
۱۸۸۶ انتخاباتنده بالخاصه (لومباردیا) و (رومانی) ده افرادی کثیر اولان بر فرقه
اشترا کیون میدانه چیقمه باشلادی ؛ هیئت وکلا بو فرقه نك علیهنده بولندی ، بتون
عمله جمعیتلرینی طاعتدی .

مستملکات سیاستی بو اصول ادارهیه نهایت ویردی . « بش رئیس » ۱۸۸۵ ده
باشلایان حبشستان سفرینک مصارف عظیمه سندن ، موفقیتسزلکنندن بالاستفاده
(دوپره تیس) ی کندی آرهلرندن ایکی کشی بی ، یعنی (قریسپی) ایله (زانارده للی) بی هیئت
وکلایه قبوله مجبور ایتدیلر [نیشان ۱۸۸۷] . « دوپره تیس » تموز ظرفنده وفات
ایلدی . [*]

قریه نك مکرمتی [۱۸۸۷ - ۹۶] . — دوپره تیسک یرینه کچن (قریسپی)
قرالک امن و اعتمادینی قازاندینی کبی سلفنک سیاستنی تعقیب ، یعنی اتفاق مثلی التزام
و جمهوریت طرفدارلری علیهنده تدابیر تضييقه اتخاذینه دوام ایتدی . فرقه لرك یکیدن
تصنيفنه لزوم کوستردی ، صاغ و صول جناح کله لرینک معنای حقیقیلری آرتق غائب اولدیغنی
و اینالیاده ایکی بیوک فرقه مشروطیتدن بشقه فرقه ره احتیاج اولدیغنی بیان ایلدی .
تشکیل ایلدیکی هیئت وکلانک اصول مشورته حرفیاً رعایت ایده جکنی ، حریتی سودیکنی
و خارجاً ، داخللاً محافظه صلح و مسالمت آرزوسنده بولدیغنی تأمین ایتدی ؛ اصلاحات
عظیمه اجرا ایده جکنی اعلان ایتدی ؛ یالکز عدلیه بی ، تدریساتی ، اردویی ، صنایع
و تجارتی تنظیم و تنسیق نیننده بولدیغنی بیلدیردی . صول جناحه استناد ایدیور و بوفرقه
کندیسنه بیوک بر اکثریت تأمین ایلوردی . (قریسپی) نك حکومتی بالخاصه قرالغک
رقیلرینه ، یعنی (پایا) یه ، جمهوریت طرفدارلرینه ، (ایرره دانتیست) لره ، اشترا کیونه
قارشى مجادله دن عبارت قالدی .

(دوپره تیس) کلیسا مسئله سنده (پایا) ایله ائتلاف چاره لرینی آرامشدی ؛ قرال ،
۱۸۸۷ سنه سنده ، پاپالقی مقامیه اولان مناسباتده کی کرکینک زائل اولمق اوزره بولدیغنی
سویلیوردی . فقط اون اوچنچی (لئون) حکومت جسمانیه دن واز کچمیه جکنی تأمین
ایتدی ؛ بونک اوزرینه (قریسپی) یکیدن مجادله یه باشلادی . ۱۸۸۹ ده تنظیم اولنسان
یکی قانون جزاده و حدت حکومتی اخلال مقصدیه وقوعه کله جک هر درلو تشبشات

[*] دوپره تیس یکدیگری متعاقب ۲۸ مارت ۱۸۸۲ ، آغستوس ۱۸۸۳ ، ۱۸۸۴ ، ۱۸۸۵
و ۱۸۸۷ سنه لرده موقع اقتداره کلشدر .

حاضرین تریسته‌لی کنج بر دارالفنون طلبه‌سی ایدی]. — آلمان حکومتلری ایتالیا حکومتک، (قاوور) زمانده اولدینی کبی، اجانبک تحت اداره‌سنده بولنان مملکتلرک تخلیصی ایچون جمهوریت طرفدارلرینک تحریکاتی حقیقاً تشویق ایلمسندن شبهه ایدیور-لردی. اوستریا حدوده طوغری عسکر سوق ایتدی وایتالیا ایله اوستریا مناسباتی بر مدت غایت کرکین قالدی. بو زمان (که‌رولی) نک تحت ریاستنده تشکل ایدن مختلف هیئت وکلارک موقع اقتدارده قالدینی دوره‌یه [*] مصادفدر [۱۸۷۸ - ۸۱]. — فقط فرانسه، ایتالیانلرک شکایات ومدعیاتنه رغماً، (تونس) ی اشغال ایتدیکی زمان افکار عمومیه بردن بره فرانسه علمنه دوندی وفرانسزحجی اولان (که‌رولی) صورت قطعیده سقوط ایتدی. آلمانیا طرفداری اولان (دوپره‌تیس) ایله (قریسی) موقع اقتداره کلرک اتفاق مثلثی عقد ایتدیلر و (ایرره دانتیست) لر ایله جمهوریت طرفدارلرینک نمایشلرینه قارشی تدابیر شدیده اتخاذ ایلدیلر.

(دوپره‌تیس) بر مدت صکره صول جناح متفقلریله بوزوشدی؛ فقط قرالک معا-وتیله موقع اقتدارده قالدی. صول جناح، ۱۸۷۶ پروغرامنده مندرج موادی اکل ایتدیکی ایچون کندی سیاستک قانون اساسی‌یی وحکومت ملیه‌یی محافظه ایتمکدن، یعنی جمهوریت طرفدارلرینک علمنه بولتمقدن عبارت اوله‌جغنی بیان ایتدی؛ اتحاد ایتمک ایستین صاغ جناح منسوبینتی کندی فرقه‌سنه دعوت ایلدی و بوکا (استحاله transformisme) نامنی ویردی [ایلول ۱۸۸۲]. «دوپره‌تیس» مرکز یمین ویساری صول جناحک رؤسای سارده‌سنه قارشی اتحاد ایتدیره‌رک حکومتی اداره ایتدی [۱۸۸۲-۸۷]. «دو-پره‌تیس» ک مسلکی رفقاسی اولان وکلانک مهاجمات شدیدیه معروض قالمیرنه مساعده ایتمک و هیئت سابقه‌نک انقاضیه یکی هیئت وکلا تشکیل ایلمکدن عبارتدی [سکیز هیئت وکلا تشکیل ایتمدیر]. صول جناحک دیگر بش رئیس بو مسلکک مخالف مشروطیت اولدینی بیان وجنوب مبعوثلرندن مرکب بر اتحاد عمومی تأسیس ایتدیلر [تشرین ثانی ۱۸۸۳]، که بوکا «بش رئیس ایله اداره اولنور حکومت pen tarchie» نامی ویرلدی

[*] معین پروغرامی اولمان، اکثریتی احراز ایدمه‌ین (دوپره‌تیس) هیئت وکلای ۱۸ کانون اول ۱۸۷۸ تاریخنده (نیقوته‌را) ایله متفق اولان (که‌رولی) طرفندن دوشورلدی. — (که‌رولی) هیئت وکلای ۱۲ تموز ۱۸۷۹ تاریخنده اکثریتی قازانه‌مدی، ۲۴ تشرین ثانیده (که‌رولی) — (دوپره‌تیس) ک اتفاقیه یکیدن تشکل ایتدی، نپسان ۱۸۸۰ تاریخنده (قریسی) — نیوته‌را — زانارده‌لی) طرفندن دوشورلدی؛ بعده مجلس مبعوثانک طاغیدلسی سایه‌سنده موقع اقتدارده قالدی، ۷ نپسان ۱۸۸۱ ده ینه سقوط ایتدی، فقط تکرار موقع اقتداره کلدی. — ۲۸ مایس ۱۸۸۱ تاریخنده (دوپره‌تیس) هیئت وکلای کدی.

ورومالیئر قاتولیک فرانسه نك دشمن طبیعیسی ایدیلر ، چونكه فرانسه (پایا) بی ایتالیا قرالغنه قارشى مدافعه ایتمشدی ، بناء علیه جنوبی ایتالیا (آلمانیا) یه میال ایدی . صول جناحك موقع اقتداره کلسی فرانسز قاتولیک فرقه سنك (پایا) نك حكومت جسمانیه سنی اعاده ایچون تشبثانده بولندیغی زمانه [۱۸۷۷] تصادف ایتمش اولدیغندن ایتالیا حكومتی انفراد سیاستنی ترك ایدرك آلمانیا ایله اتفاق مذاکره سنه باشلادی [۱۸۷۸] .

فقط آلمانیا ، ایتالیان جمهوریت طرفدارلرینك خصم قدیمی اولان اوستریانك ، متفق ایدی و فرانسه ، جمهوریت فرقه سنك غلبه سندن صکره (روما) بی تهیدد ایلمکدن فارغ اولمشدی . ایتالیا حكومتی بر قاچ سنه فرانسه و آلمانیا حكومتلرندن هانکیسیله اتفاق ایتك لازم کله جکی خصوصنده تردد ایتدی .

(دوپره تیس) هیئت و کلاسی آلمانیا یه میل ایتمشدی ، (کورولی) هیئت و کلاسی ایسه فرانسه یه میل ایتدی . بو هیئت و کلا (دوپره تیس - نیقوته را - قریسپی) آره - سنده کی اتحاد قارشى طوره بیلمك ایچون عین زمانده ایکی منته فرقه یه ، یعنی صاغ جناح ایله جمهوریت فرقه سنه استناد ایلدی ؛ قرالغك حریتدن هیچ قورقوسی اولدیغنی بیان ایدرك حریت تاهة اجتماع و کلامی تأمین ایتدی .

مجلس مبعوثانده پك آز ، فقط بیوك شهرلرده [بالخاصه میلان ایله روماده] پك فعال اولان جمهوریت فرقه سی ، فرقه مفروطه نك سیاستنی تعقیب ایلدی و حسیات ملیه نامنه اجرای تحریکاته باشلادی . بعض وظنپرووران ایتالیانك ناتمام اولدیغنی بیان و اهالیسی ایتالیانجه تکلم ایتدیکی حالده اجانب النده بولنان مملکتلرک ، یعنی اوستریانك اداره سنده کی (تیروول) و (تریسته) نك ، فرانسه اداره سنده کی (قورسیقه) و (نیس) ك ، انکلتزه ادا - ره سنده کی (مالطه) نك ایتالیایه الحاقی لازم کله جکنی ادعا ایدیورلردی ؛ بو مملکتلره « خلاص اولماش ایتالیا Italia irredenta » دنیلیوردی . (ایرره دانیتست irredentiste) دنیلن بو فرقه (تیروول) و (تریسته) نك اوستریا اداره سندن ممنون اولمان اهالیسنه مأمورلر کوندرمک ، اونلری عصیانه دعوت ایتك صورتیه اوستریایی تهیدد ایدیوردی . (کورولی) هیئت و کلاسی (ایرره دانیتست) فرقه سنه منسوب جمهوریت طرفدارلرینك سر بستجه نمایش یاپمیرینه مساعده ایتدی . هیجان افکار آرتدی ؛ (پاسانانته Passanante) اسمنده بر آشچی (ناپولی) ده قرالی اولدیرمکه چالیشدی [تشرین ثانی ۱۸۷۸] ؛ آمرلرینه اطاعت سزلکندن طولایی قورشونه دیزیلن کوچك ضابط (بارسانتی Barsanti) نك شرفه (بارسانتی قلوبی) ، بعده (اوبردانق قلوبی cercle Oberdank) نامیه جمعیتلر تشکیل ایلدی [اوبردانق ، ۱۸۸۲ سنه سنده اوستریا امپراطورینی اولدیرمک ایچون بر بوما

فقط بو دوره نك اڪ شایان دقت خواص میزوسی شخصی رقابتلردن، سیاست خارجیه نك كافة مسائله تحکمندن عبارتدر .

صول جناح، روابط دوستانه و یاجمعیانه ایله رؤسادن برینه مربوط اولان مبعوثلردن مرکب اولوق اوزره بر طاقم قسملره آیرلمده ایدی . رؤسانك باشلیجه لری ۱۸۶۰ ده « پرودیقتاتور » اولان سیچیلیالی (دوپره دیس) ، (غازیبالدی) نك نظار سابقه سندن اولان وقراللق فرقه سنه التحاق ایتمش بر جمهوریت طرفدار ی بولنان کذا سیچیلیالی (قریسی Crispi)، ناپولی اها ایسندن (کرولی) ، (نیقوته را) و (زانارده للی) ایدی . بورئیس لر عین زمانده هیئت وکلایه داخل اوله بیلیمک ایچون کندی آره لرنده ائتلاف حاصل ایده . مدکلرندن موقع اقتداره چیقمق خصوصنده بر برلریله منازعه دن خالی قالمیورلردی . موقع اقتدارده بولنان رؤسانك منسوبینی حکومت فرقه سنی ، هیئت وکلا خارجنده قالان رؤسانك منسوبینی ده فرقه مخالفه یی تشکیل ایدیوردی . هیئت وکلا آنجق متعدد رؤسانك اتحادی ایله تشکل ایده بیلیمور وصول جناحک مخالفتنه قارش ی رأس کارده قالمسنی تأمین ایلمسی لازم کلیوردی . صاغ جناح یا هیئت وکلایه دوشورمک ایچون فرقه مخالفه ایله اتحاد ایدیور ، یاخود صول جناحک اکثریتنه قارش ی هیئت وکلایه طوتیوردی . بناءً علیه هیئت وکلالر آنجق رقیب فرقه لر آره سنده حاصل اولان کلوب کچیجی اتحادلره استناد ایده بیلیمور ایدی ، هیئت وکلایه تشکیل ایچون اجرا ایدیلن ترتیبات رؤسا آره . سنده کی مناسبات شخصیه کوره دکیشور و بعضاً رؤسادن برینک شهرت واعتبارینی کسر ایدن بر تصادف ترتیبات مذکوره یی قارمه قاریشیق ایدیوردی [نیقوته را ۱۸۷۷ ده ماضیمی حقتده کی افشا آتدن ، قریسی ۱۸۷۸ ده ایکی زوجه سی اولدیغنه دائر واقع اولان اتهاماتدن طولایه سقوط ایتمشدی] .

بتون بو رقابتلر قرالک نفوذ و اجرا آت شخصیسنی تزید ایدیوردی . قرال رقیملر آره سنده کی مجادلانه حکم اتمک صلاحیتینی حائر اولدیغی ایچون ، ظاهراً اصول مشورتی محافظه ایتکله برابر ، کندی آرزو ایلدیکی وکلایه انتخاب ایلیموردی . قرال ، وکلاسنی سیاست مخصوصه خارجیه سنك احتیاجنه کوره انتخاب ایتمکده ایدی . بوندن طولایه سیاست داخلیه اتحاددن اول اولدیغی کبی دائماً حکومت اجنبیه ایله اولان منا . سباتک تحت تأثیرنده قالمشدر .

صاغ جناح ، یعنی فرانسزلر طرفسندن اوستریادن تخلیص ایدلمش اولان شمالی ایتالیانلر فرانسه ایله اتفاق طرفدار ی ایدیلر ، بو کون بیله (میلان) شهری فرانسه یه مساعد اولان افکار عمومیه نك مرکزیدر . صول جناح ، (سیچیلیا) لیلر ، (ناپولی) لیلر

کره ایچون اجتماع عقیدنی منع اییدیوردی . هیئت وکلایی التزام ایتمش اولان فرقه مفرطه رؤسائندن (کهرولی Cairolı) فرقه مخالفهده قالان رؤسایله اتحاد ایتدی و صاغ جناح ایله برلشدی ؛ هیئت وکلاط ایلدی و (یقتور امانوئل) ک وفاتندن [کانون ثانی ۱۸۷۸] ایکی آی صکره (کهرولی) هیئت وکلاسی تشکل ایتدی [۲۳ مارت] ، بو هیئت ویرکولرک تنزیل و تقیصی پروگرامنی قبول ایلدی . ویرکولرک تقیصی اوزرینه موازنهسی بوزولان بو دجهده اول امرده آچیق حصوله کلدی . فقط بونی متعاقب بر قالج سنه احوال عمومیه نك ایی کیتمیسی اوزرینه بو دجه نك موازنهسی تأمین اولندی وحتی ۱۸۸۹ سنه سنه قدر جزئی بر فضله واردات دخی کوردی .

اصول انتخابک اصلاحی حقده پک چوق زماندن بری جریان ایدن مذاکرات نهایت ۱۸۸۲ قانونی ایله نتیجه لندی . صول جناح آرای عمومیه اصولنی ایسته میور و بو اصولک جاهل و سفیل کویلیلرک املاک جسیمه اصحابنک ایستدکلری طرزده رأی ویر - ملرینه سبب اوله جغنی ادعا اییدیوردی . یالکنز حق انتخاب نائلیت ایچون مشروط اولان ویرکو مقداری ۱۹,۸۰ فرانعه تنزیل ایدلک وحق انتخاب ۵۰۰ فرانق قیمتده چیفتلکلر اصحابنه تشمیل قلمق ایله اکتفا اولندی ؛ فقط بوندن بشقه حق انتخاب ایچون اهلیت آرائق اصولی وضع ، یعنی یازمق ویا او قومق بیلیدیکنی اثبات ایدن هر کسک حق رأیه مالک اولسی قبول ایلدی . بو اصلاحات سایه سنده منتخبلرک عددی (۶۲۷,۰۰۰) دن (۲,۰۴۹,۰۰۰) نه چیقمدی که (۷۱۰,۰۰۰) ی ویرکو ایله مکلف اولانلر و (۱,۳۳۸,۰۰۰) ی اثبات اهلیت ایدنلر ایدی . دوائر انتخابیه نك اصلاحی [*] ولایات ایچون اسمی متعدده بی حاوی پوصله لرله رأی ویرلسی اصولنی احداث ایتدی [دوائر انتخابیه نك یکریمی سکزند ۱ ، اوچنده ۲ ، آلتمش برنده ۳ ، اوتوز آلتیسنده ۴ مبعوث] .

انفاهه مثلث و شخصی رفاهت لر . — صول جناح موقع اقتداره کچدیکی زماندن بری ایتالیا نك تاریخ سیاسی بر چوق مجادلات شخصییه دن ، مجلس مبعوثان اترقیه لرندن ، مذاکرات خفیه دن ، فرقه لر آره سنده کی اتحاد و تشنت افکاردن ، تبدلات ناکهانیدن مرکبدر . وقایع سیاسییه نك اسباب حقیقیه سنی آکلامق بر اجنبی ایچون کوچدر ، ایتالیا نلر بیله بونلری ایضاح خصوصده متحدالفکر دکلدن لر .

[*] بش مبعوثلی اوتوزبش دائرة انتخابیه ده منتخبلر آتقیق درت اسم ایچون رأی ویره جکلدی . اقلیتک ده مبعوث چیقاره بیلمسی تأمین ایدن بو اصول ۱۸۹۰ ده الفا ایلدی .

آرمنده بيله اكرثيت عظيمه سياسته بيكانه قالير ؛ رأی ويرنلرك عددى حق انتخابه مالك اولانلرك نصفى نادراً كچر ، بوندن بشقه رأی ويرنلر آرمنده بيوك بر قسم ده اداره يه خوش كورينز نامزده اعطای رأی ايدر . هیئت وكلا، كنديسنه طرفدار اولان اكرثيتى انتخاب ايتديره بيله جكندن دائماً اميندر .

مجلس مبعوثانده بيله حیات سياسيه پكده فعالانه دكلدر . مبعوثلر تضمينات آمدقلا رندن مصرف اتمه مك ايجون دوره اجتماعيه نك دوام ايتديكي مدتجه مجلسده قاله مازلر ؛ چوغى يا اجتماعته حاضر بولنمازلر ، پاخود يالكز رأی ويريله چكى زمان بولنورلر . (روما) پاتخت اوله ليدن برى مركززدن اوزاق قلان [و بلده ده ماشغول بولنان] شمالى ايتاليانلر (سيچيلى) لى ، (نابولى) لى مبعوثلره ترك موقع ايتديلر . ايتاليانك وضعيت اداره سى دكيشدى ، حكومت شمال اهاليسندن جنوب اهاليسنه كچدى . حالوكه بر اداره منتظمه ايله حكومت مشروطه احرارانه يه مدت ميدهدن برى آليشانلر يالكز شمالى ايتاليانلر ايدى ؛ حیات سياسيه نك دائماً انقلاب شكلنده تظاهرينى كورن جنوبى ايتاليان قانون اساسيه يه ، نده شمالدن كلن قرالغه قويأ مربوط دكلدى ؛ فرقه افراطيونك اكرثيتى و بتون رؤسالى جنوبى ايتاليا اهاليسندن ايدى . بو صورته حكومت جنوبى ايتاليانلره كنججه فرقه افراطيون صاحب نفوذ اولدى . قاتوليكلر پاپالق مقامنك مبعوثان انتخاباتنه اشتراك اتمه مك خصوصنده كى امرينه اطاعت ايدر ك محافظه كار منتخبلرك آزمسنه و صاغ جناح فرقه سنك ضعيفلمسنه سبب اولديلر .

جنوبليرك نفوذ شخصيلرى وقاتوليكلرك انتخاباته اشتراك ايدن امتناعلرى سايه سنده موقع اقتداره كچن صول جناح ، حاكميت عامه اساسنه موافق وكليسا يه خصم بر مسلك اتخاذ ايتمشدى . آراى عموميه اصولنك توسيعى ، طحنه رسمنك الغاسى ، تحصيل ابتدا . ينك مجبورى اولسى ، شعبات اداره وعدليه نك اصلاحى ، « حریت وجدانك » تامينى ، يعنى هيئت رهبان نفوذينك سوء استعمال ايدلمسى علمينه تدبير اتخاذى وكليسا املا كنك جانب حكومتدن اداره سى صول جناح پروگرامنك باشليجه موادى ايدى . فقط رقيبيلرينه قارشى مجادلاتده متحد اولان فرقه موقع اقتداره كچديكى زمان مختلف قسملره آيرلدى ؛ يكديكره رقيب رؤسانك شخصيلره قائم كوچك فرقه لر تشكلى ايتدى .

بو انقسام اول امرده كوچك فرقه لر آرمنده سياستجه موجود فرقدن عبارت قالدى . (راتاجى) نك متفق قديمى اولان سيچيلىلى (دوپره تيس) ك تحت رياستنده اوله رق ۲۵ مارت ۱۸۷۶ تاريخنده تشكلى ايدن هيئت وكلا معتدل صول جناح فرقه سنك پروگرامنى قبول ايتمشدى ؛ بودجه آچيغنه بناى مطالعه ايدر ك طحنه رسمنك الغاسنى تاخير و حتى بومسئله نى مذا .

صاغ جناح هیئت وکلایرینک سیاستی تدافعی ایدی ، (مینکھتی) کندی پروغرامنی ایکی نقطهده خلاصه ایدیوردی : بودجهنک موازنهسی، کلیسانک استقلالی .

صول بنامک موقع اقتداره یکرسی [۱۸۷۶] . — یواش یواش مجلس مبعوثانده فرقه لر آره سنده کی نسبت دیکشدی . صول جناح فرقه سنک منسوینی آرتیوردی . «فرقه مفراطه» دنیلن بو فرقه قراللق طرفدارلرینه التحاق ایتمشدی ، قرالک یکرسی بشنچی دور سنوی؛ جلوسنده [۱۸۷۴] افراطیون فرقه سی «قراله و صاووا خاندانسه مربوطیت خصوصنده صول جناحک صاغ جناحدن قیل قدر کریده قالدیفنی» بیان ایتدی . ۱۸۷۴ انتخابانده ۲۲۰ مخالفه مقابل آنجق ۲۸۸ هیئت وکلا طرفداری مبعوث انتخاب ایدلی . ایلك دفعه اولق اوزره فرقه لرك تقسیمى مملکتک تقسیمات جغرافیه سنه توافق ایدلی : شمالی ایتالیا صاغ جناح و هیئت وکلا، جنوبی ایتالیا صول جناح ایچون رأی ویردی .

(فلورانسه) بی پانتخت اتخاذ ایتک ایچون فضله مصرف اختیار ایتدکلری حالده حکومتک بو شهرده آنجق آلتی سنه قالمسندن ممنون اولدان (طوسقانه) لیسار بر فرقه تشکیل ایدرک صول جناح ایله برلشدیلر ؛ هیئت وکلا طحینه رسمی حقنده جریان ایدن مذاکرانده ۱۸۱ رأیه قارشى ۲۴۲ رأی ایله اقلیتده قالدی .

(غاریبالدی) نك معاونین سابقه سندن اولان سیچیلی (دوپریتس) ایلك صول جناح هیئت وکلاسنی تشکیل ایتدی که بو هیئنده جنوبی ایتالیا نلر احراز اکثریت ایلمشلردی [مارت ۱۸۷۶] . یکی هیئت وکلا بر حقوق والیسری ، متصرفلری عزل ایتدی ، بعده مجلس مبعوثانی طاغیتدی . مجلس مبعوثان قسماً تجدید ایدلی ؛ ۵۰۸ مبعوثن آنجق اوج یوز اوتوز ایکیسی تکرار انتخاب اولندی . (سیچیلی) و (ناپولی) ۴۵ صاغ جناح مبعوثنه مقابل ۱۴۷ صول جناح مبعوثی یرینه ۱۸۴ صول جناح مبعوثی کوندردی . ۳۸۵ مبعوث هیئت وکلا طرفداری ، ۹۴ مبعوث صاغ جناحدن ، ۲۰ مبعوث ده جمهوریت فرقه سندن ایدی . ۱۸۷۶ دن بری اصل صاغ جناح فرقه سی مجلس مبعوثانده بردها احراز اکثریت ایدمه دی .

ایتالیاده شو صوک یکرسی سنه ظرفنده کی مجادلات سیاسی بی آکلامق ایچون انتخابانک، مجلس مبعوثانک احوال و شرائط مخصوصه سنی بیلک لازمدر . ۱۸۴۸ قانون اساسیسی احکامنه کوره حق انتخاب لاقول ۴۰ فرائق ویرکو ویرن مکلفینه منحصردر . حال بوکه ایتالیا نک قسم اعظمنده اراضی املاک جسیمه احبابنه عائد اولوب کویلیلر مستأجردرلر ، منتخبلرک عددی آلتی یوز بیکی آنجق کچوردی ، ۱۸۸۲ سنه سنده انتخاب اصولنک اصلاحندن صکره بیه منتخبلر ایکی ملیوندن فضله اولامشلردر . بو محدود مقدار منتخبلر

(پاپا) ایتالیا حکومتی طایمانمقدمه اصرار ایتدیکی ایچون (روما) نك اشغالی یالکز فعلاً وقوعه كلكش بر حال اولوب قاتولیکلرجه تصدیق ایدلمه مشدی؛ حکومت جسمانیه نك اعاده سی هر زمان ایچون ممکن ایدی. قاتولیک فرقه سی، بالخاصه فرانسه ده، (پاپا) نك اسارتنه اعتراض و حکومت جسمانیه نك ۱۸۴۹ ده اولدینی کبی سلاح ایله اعاده سندن بحث ایدیوردی. فرانسه ده قراللق طرفداری اولان قاتولیک فرقه سنك موقع اقتداره یکم سندن ۱۶ مایس موفقیت سز لکنه قدر مرور ایدن زمان طرفنده [۱۸۷۳ - ۷۷] ایتالیا حکومتی فرانسر استیلا سندن قورقدی. (قونسورته ریا) ایسه فرانسز فرقه سی، (ناپولئون) ایله اتفاق طرفداری ایدی؛ جمهوریت طرفدار لریله افراطیون بو فرقه یه هجوم ایدیورلردی. ۱۸۷۰ ده (قونسورته ریا) فرانسه طرفنی التزام ایتمکده ایدی. ۱۸۷۱ ده فرانسه حکومتی ایله مناسبات او قدر کرکینلشدی که هیئت وکلا «ممالک سائرده ملی بر فرقه کبی تشکل ایدم بیله جک اولان ره بان فرقه سنه» مقاومت ایچون اردوینی تزییده قرار ویردی.

(پاپا) نك مسلکی (روما) مناسترلی مسئله سنك بر «قونفوردا»، یعنی مقاوله نامه ایله حلنی ومنحل قالان پسقپوسلقره یکی پسقپوسلر تعییننی امکان خارجه چیقاریوردی [منحل پسقپوسلقر ۱۸۷۱ ده ۸۹ ایدی]. حکومت نشر ایتدیکی بر قانون ایله (روما) مناسترلینی املاک امیرییه صرهنه کچیردی و مناسترله عائد املاکی کنديسنه آلدی [۱۸۷۳]. نکاح مدینک مجبوری اولسی حقنده تنظیم ایتدیکی قانونی مجلس مبعوثانه تودیع ایتدی [۱۸۷۳]؛ فقط اختلافی تشدید ایتمک ایچون مذاکره سنی تأخیر ایلدی. (پاپا) منحل پسقپوسلقره پسقپوس تعییننه دوام ایدیور؛ پسقپوسلر حکومتک موافقتنی طلب ایتمدن. یالکز (پاپا) نك امرنامه سنی کلیسیایه تعلیق ایله اکتفا ایدرک ایفای وظیفه یه باشلایوردی؛ حکومت ده بوکاراضی اولیوردی. قاتولیک فرقه سی حیات سیاسییه یکدن داخل اولمغه تشبث ایتدی؛ قاتولیک جمعیتلرندن مرکب اوله رق اجتماع ایدن بر (قونفره) خرستیان مکتبلرینه مساعد بلدییه مجلسلری تشکیل ایدم بیلیمک ایچون هر یرده نواحی انتخاباتنه اشتراک ایدلمسنه قرار ویردی [۱۸۷۴]؛ قاتولیکلر یالکز (ناپولی) ده رای ویرمشلردی [۱۸۷۲]؛ اوله. موفق اوله مدیلر، فقط ۱۸۷۵ ده برچوق شهرلرده موفق اولدیلر.

ینه صاغ جناحدن مرکب بر هیئت وکلا خدمت عسکریه نك (پروسیه) طرزنده مجبوری اولسی و بر سنه ک کوکلولرک اردویه قبول ایدلسی اصولنی وضع ایتدی.

قدر یکی بر فرقه مخالفه [دائمیلت permanentes فرقه‌سنی] تشکیل ایتدیلر؛ فقط ۱۸۶۹ده صاغ جناح [مه‌نابره آ - مینککتی] هیئت وکلاسیله باریشدیلر .

(قونسورته‌ریا) بودجه آچیغنگ و (پایا) ایله حکومت آره‌سندنه موجود اختلافات شدیدنک تولید ایلدیکی بحران اناسندنه مملکتی اداره ایتدی. مالیه ناظری (سه‌للا) مجلس مبعوثانی غایت بهم تدابیر مالیه اجراسنده ارضا ایلدی. بودجه‌نک آچینی ۶۳۰ ملیونه چقمشدی [*]؛ ۱۸۶۸ سنه‌سندنه وقتیه، یعنی طقوز سنه اول اهالی‌یه آغیرکلدیکی ایچون لغو ایدلمش اولان دقیق رسمی [طحنیه] یکیدن طرح ایدلیدیکی کبی تقریباً ۱۵۰ ملیونلک یکی ویرکولر احداث اولندی. املاک امیریهمیانه ادخال اولنان املاکک فروختندن ۵۰۰ ملیونی متجاوز پاره حاصل اولدی [۱۸۶۸ دن ۱۸۷۶ سنه‌سنه قدر] . ۱۸۷۳ده بانقوطلرک نقد مقامنده تداولی مجبوری طوتولدی .

(روما) نک ضبطدن صکره (پایا) ایله حکومت آره‌سندنه کی مناسباتی تعیین وتنظیم ایدن ده ینه (قونسورته‌ریا) در. ایتالیا حکومتی، قرالغک پاتخت قطعیمی اولان، (روما)یه نقل ایلدی؛ قرال (کیرینال) سراینده اقامته باشلادی. (پایا) نک موقعی ۱۸۷۱ده تنظیم ایدیلن «تأمینات قانونی» ایله تعیین ایلدی. مستقل حکمدار طاینان (پایا) واتیقان سراینده اقامت ایدرک حقوق حکمداریسینی محافظه ایدیور؛ دول اجنبیه سفراسنی قبول، محاکم روحانی‌یی اداره ایلمک حقنی، محافظلرینی، اوراق ووثائق رسمیه‌سینی ترک ایتوردی . ایتالیا حکومتی (پایا)یه اوچ ملیون بر چاریک تخصیصات اعطاسنی تعهد ایلوردی . (پایا) نک حکومت جسمانی‌سی مقابله‌نده ایتالیا حکومتی ایتلیان هیئت رهبانی اوزرنده کی حقوقنی، بسقبوسلری تعیین ایتک صلاحیتنی، تصدیق مأموریتلرینی متضمن براتلری الغا ایدیوردی . فقط طقوزنجی (پی) کلیسا حکومتنه استیلا ایدنلری آفوروز ایتدی ، «معناً اسیر» اولدیغنی اعلان و (واتیقان) سرایندن اصلا چیقمامغنی قاعده اتخاذا ایلدی؛ ایتالیا حکومتیه مناسبانه کیریشمکدن وحق کندیسنه تخصیص اولنان مبالغنی آلمقدن امتناع ایتدی. پاپالک مقامنه حرمت ایتدیکنی اعلاندن کری طورمیان هیئت وکلا اورویایه وایتالیانلره قارشنی نازک بر موقعده بولندی .

[*] سه‌للا نک حساباته نظراً ۱۸۶۱ دن ۱۸۷۰ سنه‌سنه قدر مصارفات عمومیه یکونی ۱۰

میلیار ۴۹۹ ملیون، واردات عمومیه یکونی ده ۱۰ میلیارد ۵۴ ملیون ایدی . وارداتک ۳ میلیارد ۶۰۵ ملیونی فوق العاده واردادن، یعنی بالخاصه استقراض اولنان مبالغدن عبارتدی . حکومت ۲۰ میلیارد ۶۹۱ ملیون استقراض ایتک ایچون ۳ میلیارد ۸۵۲ ملیون اعتباری بر دین عقد ایتمش ۱۱ میلیارد ۲۱۹ ملیون فائض تأدیه ایلدش ایدی .

بر مکتب ابتدائی حائده ایدی [اوقومق بیلمینلرک مقداری ۱۸۶۶ ده یوزده ۶۴ نسبتنده ایدی] .

غوازل موجوده نك اك بیوکی امور مالیه نك تنظیم و تنسیق ایدی . اردونك دائماً محاربه یه مهیار حالده بولمسی ایچون نسبته چوق عسکرک سلاح آلتنده طوتولسی و دونمانك مجدداً احدائی ثروت مملکت ایله غیر متناسب مصارفی مستلزم اولیوردی . ۱۸۶۳ ده نشر ایدیلن بر حسابه نظراً [*] ۱۸۵۹ سنه سنده بر بردن آیری اولان حکومتلرک بودجه لریله ۱۸۶۴ ده ایتالیا قرالغتك بودجه سی آره سنده کی فرق بروجه آتی ایدی :

اردات	آجیق	دیون
۵۷۵ میلیون	۵۰ میلیون	۲ میلیارد
۹۰۰ »	۳۰۰ »	۴ »
۱۸۵۹		
۱۸۶۳		

۱۸۶۴ سنه سنده خزینه حکومت بوم بوش ایدی؛ (بره سچیا) شهر ی هنوز ایشلمین ویرکولری پیشین تأدییه ایدرک بلاد سائر یه شایان امثال بر وطن پرورلک نمونه سی کوستر - دی . واردات عمومی نك نصنی دیون عمومی نك فائصلرینه کیدیور، هر سنه بودجه سنده کی آجیق آجیق یکی استقر اضلرله قادیله بیلوردی .

قونسورتیریا [۱۸۶۱ - ۷۶] . — اون بش سنه قدر [۱۸۶۱ - ۷۶] ایتالیانك سیاست داخلیه سی احتیاجات عسکریه و اقتصادیه یه تابع اولدی . بو مدت ظرفنده کی هیئت وکلار هب امور جاریه یی تسویه ایچون تشکل ایتمش، قطعی و معین بر مسلك سیاستدن محروم هیئتلر ایدی . باشلیجه وکلا حکومت مشروطه طرفداری اولان صاغ جناحدن، شمالی و یا وسطی ایتالیانلردن ایدی؛ فقط بونلرده پیه مونته لیلر [لانچا، سه للا] ایله فرقه نك بیوک قسمنی تشکیل ایدوب (قونسورتیریا Consorteria)، یعنی « جمعیت احبا » دنیلن قسم آره سنده کی منازعات شخصیه دن طولایی حال ائتلافده دکلدیلر . مختلف ترتیبلر ایله همان دائماً هیئت وکلایی تشکیل ایتدیلر؛ (راتاجی) ایکی دفعه مرکز یسار و افراطیون ایله (پیه مونته) لیلرک غیر ممنون قسمی آره سنده بر اتحاد وجوده کتیره رك بونلری هیئت وکلادن اخراج ایتدی ایسه ده کندیسنك تشکیل ایلدیکی هیئتلر پك آز زمان دوام ایده بیلدی [مارت - تشرین اول ۱۸۶۲، نیشان - تشرین اول ۱۸۶۷] . —

پایتختک (تورن) دن (فلورانس) یه نقلندن ممنون اولمیان (پیه مونته) لیلر بر قاچ سنه

[*] یله بانو و موسو اسمنده کی مؤلفلرک ۱۸۶۳ ده نشر اولنان (ایتالیا قرالئی مالیه سی) نامنده کی کتابلرندن مأخوذ اولان بوراقام تقریبیدر .

طاغه قالدیریورلر ویا اتلاف ایدیورلردی . ایتالیان اردوسی بر چوق سنه لر طاغلرده بونلرله محاربه ایتدی . فقط هرکسی صومیق ویا اولدیرمک ایله تهدید ایدرک عادتاً اهلیدن ویرکو آلان حیدود جمعیات خفیه سنی ، (ناپولی) حواله سنده کی (قاموررا Camorra) و (سیجلیا) آطه سنده کی (مافیا Maffia) جمعیتلرینی تامیله محو ایتمک ممکن اوله مدی .

کلیسا اموری ایچندن چیقیه ماز درجه ده قاریشیوردی . علی العاده موقع اقتدارده بولنان صاغ جناح (قاورور) ک « سربست حکومت داخلنده سربست کلیسا » سوزلریله افاده ایدیلن پروگرامنه صادق قالان قاتولیک احراردن مرکب دی . بونلر ایتالیان حکومت قدیمه سنک امور مذهبه ده پسقپوسلر اوزرنده کی نفوذلرندن مع المنونیه واز کچورلر وحقی پسقپوسلری انتخاب ایتمک حقی (پاپا) یه براقیورلردی . ره بانک اکثریتله بولندقلری ولایات جدیدده کلیسا امورینی تنسیق ایچون (پاپا) لق مقامیله اتلاف حصولنی آرزو ایدیورلردی . فقط (پاپا) یکی قرالغنی طایمقدن امتناع ایتدیکی ایچون بر صورت تسویه بولمق وحقی معاملات عادیه یی بیه رؤیت ایتمک ممکن اولمیوردی ؛ بوندن طولایی پسقپوسلقلر منحل قالیور ، (پاپا) حکومت طرفندن قبول ایدلمن پسقپوسلری تعیین ایدیورلردی . ۱۸۶۶ سنه سنده امور مذهبه یه بر نتیجه ویریله جکی امید اولمیوردی ؛ فقط (پاپا) حکومتک هیچ بر حقی طایمق ایسته مدیکندن مذاکرات جاریه دن بر نتیجه چیقمادی وتعیین اوله جق پسقپوسلر مسئله سی معلقه قالدی .

بونک اوزرینه حکومت امور مذهبه یی یالکز باشنه اصلاحه قرار ویردی ؛ پسقپوسلقلره طوقونمادی ، فقط بعض تدابیر مالیه اتخاذا ایتدی . مناسترلی الغا وکلیسا املاکنی املاک امیرییه میانه ادخال ایلدی ؛ ره بان مکتب لری ۲۸۸ دن یکرمی بره ایندیرلدی [۱۸۶۷] . املاک امیرییه صرسته کچیریلن املاک ، حکومت منفعتنه اوله رق صاتیله جق و بوکا مقابل حکومت ره بانک مصارف اداره سنی درعه ده ایله جک ایدی .

ایتالیان اردوسی قدیم (پیه مونته) اردوسی حالنده قالدی وبتون ایتالیا افراد جدیده سی بو اردویه ادخال ایلدی . موظف وردیف تشکیلات قدیمه سی محافظه اولندی ؛ اخذ عسکر معامله سنک هر ولایته کوره تنظیم واجراسی ، اتحاد ایچون تهلکه لی کوریادرک ، قبول ایلدی . اردویه حسیات ملیه نک توسع وانکشافه مدار اولان بر مکتب نظریله باقیلدی ، ولایات مختلفه عسکرلری عین مملکت اولادی اولدقلرینی اردوده اوکره نه جکلردی . برده اردو اوقومق بیلمین افراد عسکریه ایچون

مبعوثانده بوايكي فرقهيه منسوب مبعوث همان يوق كيیدی ، (باپا) قاتوليكلره « نه منتخب ، نه ده مبعوث » اولاملريني امر ايتديكندن حكومت مطلقه فرقهسي ميدانن غائب اولمش كيیدی . جمهوريت طرفدارلري عددآ پك آز اولق اوزره بر فرقه افراطيون حالي آلمشدي . مجلس مبعوثان (مينككتي Minghetti) و (ريقاسولي Ricasoli) نك رياست ايتدكلري صاغ جناح و (راتاچي) نك زير اداره سنده بولنان مركز يسار ناميله ايكي حكومت مشروطه فرقه سندن مركبدي . (قاوور) ۱۸۶۱ سنه سنده وفات ايتمشدي .

هيئت وكلا منابۀ ايكي فرقه اركانندن - بالخاصه سياست خارجيه متعلق اسبابك تاثيريله - تشكل ايديوردی . ۱۸۶۲ ده (ناپولون) ك محبي صفتيله رياست وكلايه پكن (راتاچي) ، (اسپرومونت) وقعه سندن صكره فرانسه حكومتك اعتراضاتي اوزرينه سقوط ايتدی ؛ ۱۸۶۷ تاريخنده ينه عين سبدن طولايي (ماتانا) محاربه سندن صكره دوشدی .

فرقلر بالخاصه مملكتك اقسام مختلفه سنه كوره تشكل ايتمكده ايدي . (پيه مونته) ليلر وسطی ایتالیا مبعوثلرينك مظهر اعتمادلری اولدقلرندن همان دائما هيئت وكلايي تشكيل ايديورلردی ؛ جنوبي ايتاليانلر ايله (لومبارديا) ليلرك بر قسمي بونلره مخالفت ايديورلر وعلی الاكثر فرقه مفرطه طرفنده بولنيورلردی .

شعبات اداره يي تنسيق ايتمكده ايشه باشلاندى . (مينككتي) ولاياته براز مختياريت اداره ويرمكي تكليف ايديوردی . ا كثریت عظيمه والی وبلديه رئيسلرينك حكومت مركزيه جه انتخاب اولنسي صورتيله فرانسز مركزيت اصولنك تطيقي ترجيح ايتدی ؛ قراللق ۵۹ ولايته تقسيم اولندی ؛ بوتقسيم ولايات قديمۀ تاريخيه كوره دكل ، (ده پارتمان) طرزنده اجرا ايدلی [*] . بو صورته هر ولايتك باشلی باشنه اداره اولنسي فكلرندن طولايي تحت تهلكده قالان اتحادك تقويه اولنه جفي اميد ايديليور وعلی الخصوص ولايات قديمه مركز اداره لری محافظه ايديليورسه ديكر شهرلك حسد وخصومتی جلب اولنه جفندن قورقيلوردی .

(ناپولی) قراللقی داخلنده حيدودلر ايله ايشمز قالان طاغيلر حكومت مطلقه طرفدارلرينك معاونتيله قرال (فرديناند) نامنه حركت ايدرك اهالی يي خوف ودهشت ايجنده براقيورلر ، مكلفينك ويركو ويرمارينه مانع اوليورلر ، احراری

[*] ونديك ورومانك الحاقندن صكره ۶۹ «ده پارتمان» تشكيل ايدلی و بو ده پارتمانلره شهرلك

کوکلولوری اسپر ویا تلف اولدی ، (پاپا) حکومتی اراضیسنه داخل اولان ایتالیا اردوسی بیطرف قالغه مجبور اولدیغندن بو محاربهده (غاریبالدی) کوکلولورینه هیچ بر معاوننده بولنمدی [۳ تشرین ثانی ۱۸۶۷] . فرانسرلر ایلك دفعه اولهرق (شاسپو Chassepot) نامنده کی یکی تنکی قوللانیورلردی ؛ فرانسر قوماندانی پارسه چکدیکی تلغرافنامهده «شاسپولر شایان حیرت شیرل یادی » دیمشدر . بوسوز ایتالیانلر نظرندده حقارت مقامنده تلقی ایدلدی . (پارس) ده فرانسه رئیس وکلاسی (روهه) مجلس مبعوثانده « ایتالیا هیچ بر زمان رومایه کیرمیه جکدر ! » بیانات قطعیهسنده بولندی . (روما) ده فرانسر عساکر محافظهسی بر ایلدی [۵ کانون اول] . بونک اوزرینه (پاپا) کندیسینی اولدقجه حال امنیتده کورهرك (واتیکان) ده بر مجلس عمومی روحانی عقد ایتدی [کانون اول ۱۸۶۹] .

بو دفعه (روما) مسئلهسی دول اجنیهنک تأثیریه حل ایدلدی . فرانسه و آلمانیا محاربهسی (پاپا) یی مدافعسز براقدی ، فرانسهنک ایلك موفقیتسز لکلری اوزرینه حکومت (روما) دهکی فرانسر عسکرینی کری چاغیردی [آغستوس ۱۸۷۰] . (سهدان) تسلیمندن صکره ایتالیا اردوسی (روما) نیشکاهنه واصل اولدی . طقوزنجی (پی) آنجق قوه جبریه قارشیدنده (روما) یی تسلیم ایده جکنی بیان ایتدی و آنجق شهرک سورلرندن بر رخنه آچیلدقدن صکره عسکرینه کری یه چکیلیمسینی امر ایدلدی [۲۰ ایلول] . ایتالیانلر (روما) یی بلا حرب اشغال ایتدیلر . (پاپا) حکوماتنک الحاقی ، آرای عمومی ملته وضع اولههرق ، ۱,۵۰۰ رایه مقابل ۱۳۰,۰۰۰ رای ایله قبول ایدلدی .

ایتالیا قرالغی (پیهمونته) خاندان ملی حکمداریسنک تحت ادارهسنده ، مشروطیت و جمهوریت فرقهلرینک معاوتیه ، فقط بالخاصه ایکی حکومت اجنیهنک ، یعنی فرانسه و پروسیهنک یاردیمیه صورت قطعیهده تشکل ایتدی .

فرقرلک تشکلی و غوائل داضلیه [۱۸۶۱ - ۷۰] . — ایتالیا قرالغنک بردن بره تشکلی شرائط حیات سیاسی یی تبدیل ایتشدی . (ساردنیا) قرالغنک قانون اساسیمی یکی ولایاتده دخی تطبیق ایدلمش ؛ یکی بر اداره تأسیس ، کلیسا ایله ایتالیا حکومتی آرهسنده کی مناسباتی تعیین ، امور مالیه و عسکریه یی تنظیم ایتک لازم کلش ؛ یکی فرقهلر تشکل ایتشدی .

مفرط فرقهلر ، یعنی حکومت مطلقه و جمهوریت طرفدارلری مشروطیتله اداره اولنور قراللق طرفدارلرینک موفقیاتندن طولایی پک زیاده ضعیفله مشلردی ؛ مجلس

تکلیف واقعی قبول ایتدی. بوضورتله «ایلول مقاله نامه سی» نامیه معروف مقاله نامه عقد اولندی [۱۸۶۴]. «ایلول مقاله نامه سی» موجنجه ایتالیا «پایا» نك اراضیسنه تجاوز ایتمکی، (پایا) بی خارجدن وقوعه کله جك هر درلو هجومه قارشی مدافعه و (پایا) نك کوللوردن مرکب بر اردو تشکیل ایتسنه مساعده ایلمکی تعهد ایدیوردی. فرانسه ده بوکا مقابل (روما) ده کی عسکرینی ایکی سنه ظرفنده چکجکنی وعد ایلوردی. ایتالیا حکومتی پایتختی (تورن) دن (فلورانس) یه نقل ایتدی، فرانسه اردوسی ۱۸۶۶. تاریخنده (روما) بی تخلیه ایلدی. (روما) مسئله سنك حلی تأخیر ایدلش اولدی.

و نيك اياتی ابد رومانك الحاقی [۱۸۶۶ - ۷۰] . — ایتالیا ده دائماً امشالی کورلیدیکی اوزره بومسئله دخی دول اجنبیه نك تأثیریه حل ایلدی. پروسیه حکومتی، اوستریا ایله محاربه ایده بیلیمک ایچون ایتالیا به محتاجدی. حتی اتفاق ایچون ۱۸۶۲ ده بیه ایتالیا به مراجعت ایتشدی؛ فقط هر ایکی حکومت بر برندن امین دکلدیلر، ایکیسی ده متفقنی اوستریا دن اك موافق شرائط استحصالی ایچون آلت کی استخدام ایتک املنده بولمقله اتهام ایلوردی. ایتالیا (ونديك) ایلتنی بلا حرب — یا تضمینات مقابلنده، یاخود (ناپولئون) ك معاوتیه — اله ایتک امیدنده ایدی. نهایت (ناپولئون) ك مساعده سیله (پروسیه) و ایتالیا آره سنده یالکز اوچ آی ایچون بر اتفاق عقد اولندی [نیسان ۱۸۶۶]. ایتالیان اردوسی قلاع اربعه به هجوم ایتدی و (کوستوچا) موقعنده توقفه مجبور اولدی. ایتالیان دونماسی (لیسا) ده نصف نصفه محو اولدیغی صررده اردو (ونديك) ایلتنی استیلا به باشلادی. پروسیه لیلرک (صادووا) مظفیرتلی اوستریایی صلحه مجبور ایلدی. (ناپولئون) ك توسطنی قبول و (ونديك) ایلتنی آکا اعطا ایتدی؛ (ناپولئون) ده آرای عمومی اهالی به مراجعت ایدلک شرطیه الحاق اولنق اوزره بو ایلتنی (ایتالیا) به ویردی [کیفیت الحاق ۶۹ رایه مقابل ۶۴۷،۲۴۶ رأی ایله کسب قطعیت ایلدی] .

بوندن صکره یالکز (پایا) نك کوللورلیه مدافعه ایدیلن (روما) قالیوردی. (غاریبالدی) . اوچنجی دفعه اوله رق، (رانچی) نك تحت ریاستنده یکی بر هیئت وکلا تشکل ایتسندن بالاستفاده (روما) اراضیسنه هجوم ایتدی. ایتالیا حکومتی (پایا) بی یالکز باشنه مدافعه ایتسنه مساعده ایلمسنی (ناپولئون) دن رجا ایلدی ایسه ده (ناپولئون) ایتالیانك مداخله سنه امنیت ایده مدیکندن (روما) به بر فرانسه اردوسی کوندردی و بو اردو (پایا) نك عسکریه برلکده (غاریبالدی) کوللورلینه قارشی محاربه به باشلادی. (مانتانا) محاربه مشهوره سی بو صررده وقوعه کلدی؛ (غاریبالدی)

بیان ایلدی . مع مافیا نتیجہ حالہ انتظاراً منافع مذہبیہ یی محافظہ مقصدیلہ حکومت جسمانیہ یی محافظہ ایچون فرانسز عسا کر محافظہ سنی (روما) ده بر اقدی .

۴. — ایتالیا حکومتی بتون قاتولیکلرک رئیس اولان (پاپا) ایله تماماً قطع رابطه ایتمک ایسته مدیکی واوروپا قورقوسیلہ انقلابیورانی آچیقندن آچیغہ تشویق و تشجیع ایده مدیکی کبی فرانسه قورقوسیلہ رومیہ هجومده مقتدر اوله مدینی وایتالیان افکار عمومی . میه سی قورقوسیلہ نه انقلابیوران علیهنده بولنمغه ، نهده (روما) دن واز کچمکه جسارت ایلمه مدیکی جهتہ پک فنا بر موقدمه قالدی . (قاتولیک) مذہبنه صادق اولان قرال (پاپا) یه یازدینی محرراتی احترامکارانه بر لسان ایله یازمقده دوام اییدیوردی ، (قاوور) مجلس مبعوثانک ۲۷ مارت ۱۸۶۱ تاریخلی اجتماعنده رومامسئله سنک معلقده قالمی لازم کله جکنی رسماً بیان ایتدی و : « روما ، ایتالیانک پایتختی اولمیدر . روما ، پایتخت اولمادقجه ایتالیا صورت قطعیه ده تشکیل ایده مز » دیدی . فقط بونک ایچونده ایکی شرط لازم اولدینغی ، یعنی فرانسه ایله عقد ائتلاف ایتمک و (پاپا) نک حکومت روحانیه سنی محافظه ایلمک ایجاب ایتدیکنی علاوه بیان اییدیوردی . (قاوور) کندی مسلکنی شو : « سربست حکومتده سربست کلیسا » کله لیلہ خلاصه اییدیوردی که مقصدی ره بانک حکومتک هیج برمداخله سی اولمادن وظائف روحانیلرینی ایفا ایتلری ایدی . مجلس مبعوثانده بوکا یاقین مبهم بر قرار اتخاذ ایتدی .

بونک اوزرینه انتزیمه دوری باشلادی . (قاتولیک) فرقه سی (پاپا) نک حقوقی غضب ایلمسنه راضی اولمور ؛ ملی فرقه لرده (روما) دن واز کچمیوردی . فقط بو مسئله نک حل حکومت اجنبیه نک وبالخاصه فرانسه نک ویره جکی قراره منوط ایدی . (غاریبالدی) ۱۸۶۰ ده اولدینغی کبی کولکلوریلہ محاربه یه تشبث ایتدی . (راتاجی) هیئت وکلاسی (غاریبالدی) نک سیجلیایه چیقمسنه مساعده ایتدی ویالکز (قالابریا) ده ، (اسپرومونت) ده کولکلورلی توقیف ایلدی ؛ عین زمانده ، اگر ملته پایتخت طبیعی سی اولان (روما) ویرلز ایسه حکومتک آرتق ایتالیا ده آسایش وانتظامی تأمین ایده میه جکنی اعلان ایتدی [۱۸۶۲] . فقط نتیجه ده (ناپولئون) پاپا طرفه میل ایلدی و (راتاجی) هیئت وکلاسی چکیلیمکه مجبور اولدی .

بونک اوزرینه ایتالیا حکومتی مسئله نک حلنی تأخیره قرار ویردی ، پایتختنی (فلورانس) یه نقل و (پاپا) نک مدافع و وظیفه سنی درعه ده ایلمکی (ناپولئون) • تکلیف ایتدی . بو تکلیف ، (قاوور) ک ترتیبی ایدی . (ناپولئون) فرانسز قوماندانلریله (روما) سرایی آرہ سنده ظهور ایدن اختلافاتدن قورتولق ایچون

۱. — پاپا ایله ناظری (آنتونلی) کلیسا حکومتک هیچ برقمنده حکومت جسمانی دن واز کچمه جکلی بیان ای دیورلردی؛ (پاپا) حین جلوسنده ای تدیکی یمین موجبنجه حکومت مذکوریه بلا نقصان خلفنه دور و تودیمه مجبور اولدیغنی ادعا ایتمکده ای دی. بناء علیه عاصی تبعه سنی آفوروز ای تدیکی کبی الحاقی قبول ایتمش اولان ساردنیا قرالی و حکومتی ده آفوروز ای تدی. «محصول انقلاب» اولان ایتالیا قرالغنی طانیادی. (پاپا) نك باش قوماندانی جنرال (لامورسیهر) معیتده کی عسکره دیوردی که: «اوروپا وقتیه دین اسلام طرفندن نصل تهدید ای دلش ایسه بو کونده انقلابک تحت تهدیدنده بولنیور؛ وقتیه اولدیغنی کبی بو کونده پاپانک و مدینتک تعقیب ایلدیکی مقصد جهانک سر بستیسیدر.» ینه بو قوماندان بر مکتوبنده شو سوزلری یازیوردی: «هر زهده که انقلاب قولاغنک ویا بورننک او جنی کوسترر، همان اوراده قودوز کویک کبی اتلاف ای دلیدر.»

۲. — فی الحقیقه ایتالیا جمهوریت فرقه سی انقلاب حاضرلیور، (غاربالدی) ایله (ماچینی) تبعه یی «رهبانک استبدادن» قورتارمق ایچون آچیق دن آچیغه (پاپا) علیه محاربه ای دلسنی توصیه ای دیورلردی. (ناپولی) قرالنه قارشى ی ابدقلى کبی بونک ایچون ده کویکلو استخدام ایتمک ایستورلردی.

۳. — اوچنجی (ناپولئون) فرانسه ده غایت قوتلی بر موقعده بولان قاتولیک فرقه سنی حد تلندیرمه مک مجبور اولدیغنی ایچون حکومت جسمانیه یه طوقونماغنی ترجیح ای دیور، یالکز (پاپا) طرفدن ۱۸۴۸ ده اولدیغنی کبی بر قانون اساسی ویرلسنی ایستوردی. (رومانی) عصیانندن صکره کلیسا حکومتک قسم متباقیسنی محافظه ایچون هیچ اولمازسه بر جزئی ترک ایتمسنی (پاپا) یه توصیه ای تدی. ۱۸۵۹ سنه سی کانون نایسنده نشر ای تدریدیکی (پاپا و قونفره) عنوانلی رساله ده — اوزرنده محررینک نامی یازلامشدی — (رومانی) ده حال سابقک اعاده سی ممکن اولدیغنی ایضاح ای دیوردی. بو رساله یه نظراً (پاپا) نك وظائف روحانیه سنی سر بستجه ایفا ایده بیلمسی ایچون واقعا حکومت جسمانیه یه احتیاجی وار ایسه ده براز بیوک حکومتی اداره ایده مز؛ قاتولیک حکومتلر (پاپا) یه یالکز (رومانی) و (سن پهر) ک میراثی تامینه مجبوردرلر. (پاپا) بو رساله نك «محصول کذب وریا» اولدیغنی اعلان و مندرجاتی تکذیب ای دلدکجه (قونفره) یه مرخص کوندرمکن امتناع ای تدی. — ناپولئون (مارش) و (اومبریا) ابالتلرینک (پاپا) دن آلمسنه مساعده ای تدیکی کبی نشر ای تدریدیکی یکی بر رساله ده ایتالیا و پاپانک باریشملری لازم کله جکینی

(پاپا) نك كوچك اردوسى (آفنون) شهرسنة رجعت ايدلى ، اوراده توقفه مجبور اوله رق وقوعه كلن محاربه ده طاغيدلى [قاستهل فيدار دو Castelfidardo محاربهسى ، ۱۸ ايلول] ، قسم متباقيسى اسير ايدلى . (ساردنيا) حكومتك قوميسرلى (اومبريا) و (مارش) اهاليسنك آراى عموميه سنه مراجعت ايدرك بوايكى ولايتى (ويقتور امانوئل) ك حكومت مشروطه سنه الحاق ايتديرديلر [*]

جمهوريت طرفدارلرينك ضبط ايتدكلرى مملكتلرده مجادلات شديد دوام ايتدى . [آغستوس - تشرين اون ۱۸۶۰] . اولاً « سيچليا ديقتاتورى » ، بعده « سيچلپتين ديقتاتورى » عنوانى آلان (غاريبالدى) سيچليلى « قريسپى Crispi » نك اداره ايتديكى جمهوريت فرقه سنه تابع اوليور ؛ ايتاليا قرالغنه التحاق ايسته ميوردى . (سيچليا) و (ناپولى) رؤساسندن (دوپرتيس Depretis) و (پاللاويچينو Pallavicino) طرفندن اداره اولنان حكومت مشروطه احرارانه فرقه سى ايسه التحاق آرزو ايد ميوردى . (ناپولى) اهاليسى (سى si نمايشلىرى) ناميله معروف نمايشلىرى ترتيب ايلديلر ؛ هر كس شاقه سنه ، پنجره سنه ، قپوسى اوزرنده (سى) ، يعنى (اوت) كله سنى حاوى بر كاغد قويدى . (غاريبالدى) نهايت التحاق مسئله سنك آراى عموميه ملته وضعنه راضى اولدى . (ناپولى) ۱۰۱۳۲ رايه قارشى ۱۳۰۲۰۷۴ و (سيچليا) ۶۶۷ رايه قارشى ۴۳۲۰۵۴ راي ايله التحاق قبول ايتدى .

۴۱۳ مبعوث و ۲۱۴ اعيانندن مركب اولان شوراي امت (ويقتور امانوئل) ي « عون حق و آرزوى ملت ايله » ايتاليا قرالى اعلان ايدلى [شباط - مارت ۱۸۶۱] . قرالغك نفوسى بش مليوندن ۲۲ مليونه چيقمش ايدى .

روما مشدسى [۱۸۶۰ - ۱۸۶۶] . — ايتاليا قرالغنه هنوز (ونديك) قطعه سيله (روما) ولايتى الحاق ايدلمه مشدى . ايتاليانلر (ونديك) ايتالنى اوسترياليلردن ، (روما) يي (پاپا) نك مدافع لردن آله جق درجده قوتلى دكلديلر . اتحاد مى ، دوچار توقف اولدى و « روما مسئله سى » بر خيلى زمان ايتاليان سياستنى هر شيدن زياده اشغال ايتدى .

بو مسئله ۱۸۵۹ تاريخنده ، پاپانك (رومانى) ده كى تبعه سى حكومت جسامنيه ي قبول ايتك ايسته مديكى زمان ميدانه چيقمشدى . كليسا حكوماتى نه اوله جق ايدى ؟ بونى حل ايجون درت فرقه تشكل ايتمش و هر فرقه مسئله نك بر صورتله حلى التزام ايلمكده بولنمشدى :

[*] مارش ولايتى ۱۳۱۲ رايه مقابل ۱۳۲،۷۷۵ ، (اومبريا) ولايتى ۳۸۰ رايه مقابل ۹۷،۰۴۰ راي ايله التحاق اعلان ايتمشدر .

مرکب بیک کوللو ایله (سیچلیا) یه چیقدی [بو کوللور «مارسالابیکی» Mille de Marsala ناهیه معروفدر] . ۱۷ مایسده (قالاتافیمی) موقعنده کوچوک بر محاربه وقوعه کلدی ، ۲۶ مایسده (غاریبالدی) کوللورلی (پارمو) اوزرینه یوریدیلر ، ۳۰ مایسده برمتارکه عقد ایدلدی ، قوه معنویه سی خلدلار اولان (ناپولی) اردوسی کری یه چکلدی . (غاریبالدی) آز بر مدتده (سیچلیا) یه صاحب اوله رق ایتالیا شبه جزیره سنه کچمکه حاضر لاندی . (فردیناند) ناپولئوندن استمداد ایتدی ، (ناپولئون) شو جوابی ویردی : « ایتالیا نلر ذکی کیمسه لردر ، اتحاد ملی بی وجوده کتیرمک ایچون عسکر اولادلر مک قانی اسیرکه مدیکمی کوردکن صکره ایتالیا علینه استعمال سلاح ایتیمه جکمی بیلیرلر . » بونک اوزرینه (فردیناند) ۱۸۴۸ قانون اساسی ایله اوچ رنگلی بایراغی قبوله ، احراردن مرکب بر هیئت وکلا تشکیله ، مجلس مبعوثان واعیانی عقد اجتماعه دعوت ایلمکه راضی اولدی . فقط آرتق هیچ کیمسه کنديسنه امنیت ایده میوردی . هرکسک کنديسنی ترک ایلدیکنی آکلادی ، (غاریبالدی) اردوسی (ناپولی) قرالغنه استیلا ایتدیکی زمان مقاومته جسارت ایده میهرک (غائت Gaete) ه قاچدی . دونمسانی عصاته قارشی سوق ایتمک ایستدی ، فقط (ناپولی) ضابطانی کیملرک قازانلرینی ، دونملرینی بوزدیلر ، دونما حرکت ایده مدی . (غاریبالدی) ناپولیده ظفر آلییه استقبال ایدلدی . قرالک التده (قاپو) و (غائت) شهرلری قالدی ، که بونلرده بالاخره ضبط اولندی . (غاریبالدی) کوللورلی کلیسا حکومانه استیلا ایتدیلر . (پاپا) اسویچرملی عسکرک یرینه قائم اولمق اوزره تقریباً ۲۰۰۰۰ کوللودن وبالخاصه اوستریالی ، ایرلاندالی ، بلجیقالی و فرانسزلردن مرکب اولمق و بر فرانسز جنرالک تحت قومانداسنده بولمق اوزره کوچک بر اردو تشکیل ایتشدی ؛ بوندن بشقه ۱۸۴۹ تاریخندن بری (روما) ده فرانسز عساکر محافظه سی بولمقده ایدی . ایتالیان جمهوریت طرفدارلریله (پاپا) نک قاتولیک اردوسی آره سنده محاربه باشلادی . (قاوور) مداخله یه قرار ویردی ؛ «حسیات ملیه یی تحقیر ایدن وملتک آمال مخصوصه سنی اظهار ایلمسنه مانع اولان» اجنبی عسکرینی ترخیص ایتسنی (پاپا) حکومتدن طلب ایلدی . (ناپولئون) ه یازدیغی بر مکتوبده : «بو صورتله حرکتیه مجبورز» دیدی . (ناپولئون) ساردنیایی حرکاتنده سربست بر اقدی [*] . (پنه مونته) اردوسی (مارش) و (اومبریا) ولایتلرینی سرعتله اشغال ایتدی .

[*] ویقتور امانوئلک بر مکتوبی (شاهپری) ده بولنان ناپولئونه ایکی مأمور مخصوص کورتور-مشدر ؛ بونلردن بری اولان (چییالینی Cialdini) نک روایتنه نظراً (ناپولئون) شو جوابی ویرمش : « طالعکز آجیق اولسون ، چابوق یاپیکز . » - بالاخره بو جواب « یاپیکز ، فقط چابوق یاپیکز ! » شکلنه قولمیشدر .

مجلس مبعوثانہ اعضا انتخاب اولدی و بو مجلس (ملی پارلمنتو Parliament national) نامی آلدی .

قراللق طرفدارلری وسطی ایتالایی الده ایتشلر، جمهوریت طرفدارلری ایسه جنوبی ایتالیاده نشر و تعمیم افکاره دوام ایلمکده بولنمشلر ایدی .

(ناپولی) حکومتی بالخاصه اسویچره ملی عسکر طرفندن مدافعه ایدیلور ایدی .

۱۸۵۹ سنه سنده (پاپا) یه قارشلی عصیان ایدن (پروز) شهری براسویچره ملی آلائی طرفندن ضبط ایدلش اولدیغندن ایتالیان وطنپرورانی ایتالیا شهرلرنده مقیم اسویچره ملی تجماردن اخذناره قالدیشیلر ؛ تاجرلر محافظه مناع ایچون (اسویچره) یه مراجعت ایتدیلر .

(اسویچره) حکومتی اسویچره ملی آلایلرک بایراقلرنده بولنان اسویچره علامات ملیه سنک قالدیرلمسلی امر ایلدی ؛ بونک اوزرینه (ناپولی) حکومتک خدمتنده کی اسویچره ایسلر بشقه بر بایراق آلتنده خدمت ایتک ایسته میهرک عصیان ایتدیلر ، برچونگی عسکرلکدن چکیلدیلر . (ناپولی) قرالنه ، کندیسلی مدافعه یه پکده اوقدر متمایل اولیلان ناپولی عسکری قالدی . (ویقتور امانوئل) قراله اتفاق تکلیفنده بولندی و بر قانون اساسی ویرمسلی توصیه ایتدی [۱۸۵۹] ؛ فردیناند جواب رد ویردی [مارت ۱۸۶۰] . سیچیلیاده اختلال جمعیتلری تشکل ایتدی و شمالی ایتالیالیرک معاوتیه عصیانلر باشلادی .

(غاریبالدی) ساردنیا حکومتک معاوت خفییه سیله [*] بالخاصه (لومباردیا) لیلردن

[*] غاریبالدی، محاربه یی متعاقب، (طوسقانه) یه قوماندان تعیین اولمش، بعده (ویقتور امانوئل) طرفندن (لومباردیا) عساکر ملیه طابورلرینک تشکیلاتنه مأمور ایدلشدی . (غاریبالدی) طوسقا- نهده بولندی یی صروده کلیسا حکومتنه هجرم ایتک ایستدی کی حاده [تشرین ثانی ۱۸۵۹] ساردنیا حکومتی بوکا مانع اولمشدی؛ بوندن طولایی ساردنیا حکومتندن ممنون ذکلدی . (اتحاد ملی) جمعیتک مسلك مسالتمپرورانه سندن دخی ممنون اولیه رق ریاست فخریه سندن استعفا ایتدی [کانون اول ۱۸۵۹] .

وطنی اولان (نیس) شهرینک فرانسه یه ترکندن ایسه هیچ ممنون اولیه رق مأموریتدن چکیلدی . روایته نظراً (غاریبالدی) یی سیچیلیه کیتمه بالذات (قاوور) تشویق ایتش و یازدیغی بر مکتوبده « نیس، یاخود سیچیلیا » دیمشدی . مع مافییه (قاوور) ک بویله بر مکتوب یازدیغی قطعیاً تحقق ایتمه مشدر . یه روایته نظراً (ساردنیا) حکومتی (غاریبالدی) نک (موده نا) سلاح ده بوسندن تفنک آلمسنه مساعده ایتدی و کندیسنه پاره ویردکدن ماعدا تدارکات واقعه سنی کورمه مزالکه کلی ایچون (جنوه) والیسنه امر ویردی . (غاریبالدی) کوکاولری کیلره راکباً ذکره چیقار چیقماز (قاوور) اوروپا حکومتلرینه رسماً بیان تأسف ایتدی ؛ فقط دونخا قوماندانی آمیرال (پرسانو Persano) نک روایتنه نظراً، آمیراله شر مآلده بر تذکره کوندردی : « غاریبالدینک کیلزله ناپولی قروواوزورلری آره سنده بولمغه غیرت ایدیکز؛ امید ایدرمکه نه دیمک ایستدیکنی آکلادیکز . » پرسانو شو جوانی ویرمش : « موسیو لو قونت، ظن ایدرمکه نه دیمک ایستدیککیزی آکلادم . چین حاجتده نی قلعه بندلک ایله (فنه ستره ل) ه کوندریکز . »

وقوعه کلن انقلابی طایف ایسته میور؛ فرانسه حکومتی ده (پایا) علیه برمسلك اتحادینه جسارت ایده میوردی. وسطی ایتالیا سکنز آی قدر شبهه وتردد ایچنده، سیاسیونک اذیتقلری آره سنده یشادی. مسئله نك صورت قطمیده حلنه انتظاراً (موده نا)، (پارمه)، (روماچی) قطعلهری (ساردنیا) قانون اساسینی قبول، (ساردنیا) جهتنده کی کمرکلری الغا، پوسته خانلهری (ساردنیا) مأمورلرینه تسلیم ایتدیلر و (نه میلی ولایات قرالیسهی Provinces royales de l'Emilie) نامی تحتنده برلشدیلر. بعده (طوسقانه) ایله بر اتفاق عسکری عقد ایلدیلر.

ایتالیانلرک سیاسی (ناپولئون) ی بر امر واقع قارشینده بولندیرمق ایدی. ایتالیانلر فرانسه ایمرطورینه بتون ایتالیانک منجیمی صفتیله معامله ایدرک وملت، آرای عمومیه کبی مسائل حقنده کی افکار مخصوصه ذاتیه سنی ایلری به سوردرک ایتالیا امورینه مداخله سنه مانع اولیورلردی. (ناپولئون) ایتالیا احوالی بر (قونفره) ایله تنظیم ایتمک ایستوردی. بو (قونفره) عقد اجتماعه دعوت ایدلدی. فقط اجتماع ایتدی؛ چونکه (پایا) راضی اولمامشدی. — (پیه مونته) ده جمهوریت فرقه سی بو بو تأخراندن حدتلنرک بیکدن محاربه به باشلامق آرزوسنده ایدی؛ ایتالیاده باشدن باشه بر انقلاب وجوده کتیرمک مقصدیله (ناچیونه آرماتا Nazione Armata — ملت مسلحه) نامیله بر جمعیت تأسیس ایتدی. ۱۸۵۲ سنه سندن بری متحد بولنان مرکز یمین ویسار فرقه لری آره سنده کی اتحاد بوزولدی؛ مرکز یسار ایله (راتاچی) هیئت وکلاسی حرکات ملیه نی تسهیل و تشویق ایدیور؛ مرکز یمین ایله قرال، (ناپولئون) ه قارشی حرکت ایتمک ایسته میوردی. نهایت (راتاچی) موقع اقتداردن چکیددی، (قاوور) ریاست وکلایه کچدی [۲۰ کانون ثانی ۱۸۶۰]. قاوور، وسطی ایتالیانک (پلومیهر) ده تقرر ایدن بدل مقابلنده، یعنی (صاووا) ایله (نیس) فرانسه به ترک اولمق شرطیله (ساردنیا) به الحاقی ایچون (ناپولئون) ک موافقتی استحصاله موفق اولدی. ترک والحاق اراضی ایچون آریجه بر معاهده نامه عقد ایدلدی؛ کرک (ساردنیا) به الحاق وکرک فرانسه به ترک ایدیلن محللر اهالیسنک رأینه مراجعت اولنهرق هان اتفاق آرا ایله کیفیت الحاق کسب قطعیت ایتدی [*]. بونک اوزرینه یکی ولایتلردن (توره ن)

[*] نه میلی، ۷۵۶ رأیه قارشی ۴۲۶،۰۰۰ رأی ایله. — طوسقانه، آریجه بر قرالاق تشکیلنی ایستین ۱۴،۹۲۵ رأیه قارشی ۳۶۶،۵۷۱ رأی ایله. — صاووا، ۲۰۰۰ رأیه قارشی ۱۳۰،۰۰۰ رأی ایله. — نیس، ۱۶۰ رأیه قارشی ۲۵،۰۰۰ رأی ایله.

(پلومیبر) (مقاله نامه سنه ، یعنی «آدریاتیک دکزینہ قدر امتداد ایدن حرو مستقل بر ایٹالیا» نك تشکله معاونت ایدہ جکی حقندہ کی وعدینہ صادق قالدیغنی مقام تعریضده سویلمکد باشلادیلر . (قاوور) اولا صلحی قبول ایتمک ایستہمدی ، بالآخرہ مایوساً استعفاسنی ویردی .

فقط محاربه اثناسندہ (ویقتور امانوئل) بتون ایٹالیانلری سلاح باشنہ دعوت ایتمشدی . بو دعوتک ثمرہسی اولہرق وسطی ایٹالیادہکی اوچ دوقہلقده ، پاپالق حکومتہ عائد اولوب (روما) دن اک اوزاق اولان ولایادہ اتحاد طرفدارلری ، اوستریا عسکرینک عزیمتی متعاقب ، حکومت موقته تشکیل ایتمشدردی . بو بابدهکی تحریکات (ساردنیا) حکومتک انضمام معلومات ومعاونتی ایله وقوعہ کلیدور ؛ ہر طرفدہ تشکل ایدن موقت حکومتلر (اتحاد ملی) جمعیتی اعضاسندن ، یاخود بعضاً (ساردنیا) حکومتی مأمور۔ لرندن بری (دیقتاتور) تعیین اولنیوردی . — (طوسقانہ) دہ عوام وخواص فرقلری برلشہرک غراندوقک ترک حکومت ایتمسنی و اوستریایہ اعلان حرب اولنسنی طلب ایئدیلر ؛ غراندوق جواب رد ویردی ، مع مافیہ مملکتدن چیقدی ، کیتدی . بونک اوزرینہ درحال تشکل ایدن حکومت موقہ دیقتاتورلکی (ویقتور امانوئل) ہ تکلیف ایئدی ؛ قرال یالکز عسکرک ادارہسنی قبول ایئدی ، فقط حکومتی ادارہ ایچون دہ بر فوق العادہ قومیسر کوندردی . محاربه ختام بولدقن صوکرہ (ساردنیا) قومیسری عزیمت ایئدی ، (قونسولتا) دنیلن ولایت مجلسی طرفندن اجتماعہ دعوت اولنان مجلس مبعوثان غراندوققلق خاندانک سقوطنہ و (ساردنیا) یہ التحاقہ قرار ویردی [۱۶ آغستوس ۱۸۵۹] . — (مودہنا) و(پارمہ)دہکی دیقتاتورلر بو دوقہلقلرک (پیمہونته) یہ التحاقلرینی اہالی یہ قبول ایئدیریلر ؛ (مودہنا) ۹۰۰۰۰ ، (پارمہ) ۶۳۰۰۰ رأی ایله التحاق ایئدی [آغستوس ۱۸۵۹] . — (روما) ی دہ مجدداً انتخاب اولنان شورای امت اولاً «ملتک پاپانک حکومت جسمانیہسنی آرتق ایستہمدیکنی» ، بعدہ «ساردنیا قرالغنہ التحاق آرزو ایئدیکنی» اتفاق آرا ایله اعلان ایئدی [ایلول ۱۸۵۹] .

بو «انقلابی» ایٹالیانک مقدراتنہ حاکم اولان اوروپا دول معظمہسہ قبول ایئدیرمک پک کوچ اولدی . (ناپولون) ایله اوستریا ایمپراطوری وسطی ایٹالیانک اولکی کچی حکومت صغیرہ یہ منقسم قالمسنی ویالکز بو حکومتلر آرسندہ بر ہیئت مجتمعه تشکیلینی قرارلشدیرمشدردی . ایٹالیایی ، آلمانیا کچی ، حال انقسامدہ طومق فرانسنہک سیاست قدیمہسی اقتضاسندن ایدی ؛ (ناپولون) ایسہ طوسقانہ غراندوقلغنہ یکنی (زہروم) ی تعیین ایئدیرمک ایستہمشدی . بوندن بشقہ (پاپا) کلایسا حکومتہ عائدولایادہ ، (روما) ی دہ

۱۸۶۶ ده (وندیک) ؛ ۱۸۷۰ ده (روما) به مونته قرالغه الحاق اولمشدر . ایتالیا قرالنی اینک اوج الحاق متعاقب تشکل ایشدر .

اوستریا علمینده کی محاربه یه (پلومیهر) ملاقاتنده قرار ویرلشدی ؛ فقط اعلان حرب ایچون بر وسیله یه انتظار ایتمک لازم کلیوردی . صلح و مسالمتک محافظه سنی ایستین روسیه بر (قونفره) عقد اولمشنی تکلیف ایتدی ؛ (ناپولئون) بوکا راضی اولدی . (تاوور) او درجه مایوس اولدی که اتخار ایده جکنی سویلمکه باشلادی . فقط (اوستریا) حکومتی (قونفره) یی قبول ایده جکنه (ساردنیا) یه بر « اولتیماتوم » کوندردی ؛ بونک اوزرینه محاربه اعلان ایدلدی .

بو محاربه یالکز حکومتلر آرمسند دکل ، فرقه لر آرمسند دخی وقوعه کیش عد اولنه بیلیر . (اوستریا) ، اداره مطلقه نك ، کلیسا نفوذینک ، پاپالی حکومت جسمانیه سنک تمثال مشخصی کیدی ؛ بتون اوروباده کی محافظه کار فرقه لرله رهبان انقلاب ، یعنی مشروطیت اداره وملت ایچون واقع اولان کافه تشبثات علمینده بولندقلرندن (اوستریا) نك موفقیتنی تمنی ایدیورلردی ؛ حتی فرانسه ده بیله وکلا ایله کار سالونلرنده بو محاربه یه ائی بر نظرله باقلمیورلردی . (ساردنیا) حکومتی ایسه اتحاد ملی واداره احرارانه نك تمثالی ایدی ؛ ایتالیاده بولنان بتون و طنپورلر ، (فارماسون) لر ، حتی جمهوریت طرفدارلری و (اوروپا) ده بالجمله احرار ، حاکمیت عامه فرقه لری ، رهبان علمیداران (ساردنیا) نك موفقیتنه دعا خوان ایدیلر . (ساردنیا) مجلس مبعوثانی قرالی حرکاتنده سربست براتقی ایچون کنديسنه « دیتقاتورلک » وظیفه سنی ویردی . (اتحاد ملی) جمعیتی ، طاغیلدیغنی اعلان ایتدی ؛ « قلوب » لر ، غزته لر قیاندی . (غاریبالدی) کندی کولولرله برلکده وعسا کر منتظمه معیتنده محاربه یه اشتراك ایدرک اوستریالیلره یان طرفدن هجوم ایلدی . — (ماجنتا Magenta) محاربه سندن صوکره اوستریالیلر بتون (لومباردیا) یی تخلیه ایتدیلر ، بعده بو قطعه یی استرداد ایچون ایلریلمکه ایکن (صولفه رینو Solferino) ده توقفه مجبور اولدیلر . فقط — یوقاریده ذکر یی کچن — قلاع اربعه (وندیک) ایالتی مدافعه ایدیورلردی ؛ (ناپولئون) ، اردو - سنک پک زیاده ضایعات ویردیکنی ، عسکرینی حال سفر بری یه وضع ایدن (پروسیه) نك تهدیدکارانه بر وضعیت آلدیغنی کوردرک عقد صلحه قرار ویردی . (اوستریا) یالکز (لومباردیا) یی ترک ایتدی ؛ بو قطعه ، کویا ۱۸۴۸ سنه سندن بری اجزای ممالکندن ایمش کبی ، اهلینک رأینه مراجعت ایدله دن (ساردنیا) یه الحاق ایدلدی . ایتالیانلر یالکز (لومباردیا) نك الحاقیه نمون اولدیلر ، بالعکس مایوس اولدیلر و (ناپولئون) نك

آرامغه باشلادی . انکلیز قانون اساسینک تقدیر خوانی اولدینی ایچون (پیهمونته) ایله انکلتره آره‌سنده مناسبات قدیمه دوستانه‌یی محافظه ایتمشدی ؛ فقط (پیهمونته) یه قوتلی بر اردویه صاحب بر متفق لازم‌دی . اوچنجی (ناپولئون) ک ایی بر متفق اوله‌بیله‌جکئی پک چوق زمان اول دوشونمشدی . (ناپولئون) ه خوش کورونمک ایچون حکمداران اجنبیه‌یه واقع اوله‌جق حقارتلر حقنده‌کی قانونی - صول جناحک اعتراضانه رغماً - مجلس مبعوثانه قبول ایتدردی ؛ قریم محاربه‌سنده - (اوده‌سا) ایله اولان تجارتلرینی غائب ایدن جنوه‌لیلرک مخالفتلرینه رغماً - روسیه‌علیه‌ فرانسه و انکلتره ایله اتقاق ایتدی ؛ قریمه بتون مصارفی حکومت طرفندن ویرلمک اوزره بر (ساردنیا) اردوسی کوندردی ، انکلتره‌نک ویردیکی مصارف سفریه‌یی قبول ایتدی . (پیهمونته) قرالغنی بو محاربه‌دن طوغریدن طوغری‌یه اصلا مستفید اولدی ؛ فقط (قاوور) ایچون ۱۸۵۶ قونفره‌سنه اشتراکه وسیله اولدی . (قاوور) بوندن بالاستفاده اوچنجی (ناپولئون) ه ایتالیا احواله دائر کن‌دیسندن بر مخطره طلب ایتدردی ، صکره بتون ایتالیانلر نامنه فرانسه ایمپراطورینه تشکر ایتدی . ینه بوندن بالاستفاده (قونفره) نک ختامنده (پایا) حکومتنک اوستریا عسکرینک تحت اشغالنده بولم‌سندن طولایی نه کئی تحریکاته زمین وقوع اولدیغنه دائر بر نوطه ویردی .

موفقیت ، (ناپولئون) ک آرزوی ذاتی‌سنه منوط ایدی . (ناپولئون) کنج‌کننده ایتالیا اتحادینک حصولنه چالیشه‌جغنه یمین ایتمشدی . آکلاشیلان (اورسینی) نک سوء قصدی اوزرینه وبالخاصه ایتالیایی نائل استقلال ایلمسنی تمی ایچون (اورسینی) طرفندن کوندریلن مکتوبدن متأثر اوله‌رق (پیهمونته) یه معاونه قرار ویردی . طبیعی (قاوور) ه کوندره‌رک (پلومییه Plombières) ده ملاقاته دعوت ایتدی ؛ ایشته ائتلاف بو ملاقات خصوصیده عقد ایددی . ائتلاف واقع بر بازارلقدن عبارتدی : (ناپولئون) آدریاتیک دکزینه قدر بتون (لومباردیا - ونڈیک) قرالغنی اوستریان قورتارمغنی وعد ایدیور ، (قاوور) ده بوکا مقابل (ساووا) و (نیس) ی فرانسه‌یه ویریبوردی .

ایتالیا قرالغنیکنکلی [۱۸۵۹ - ۶۰] . ایتالیا اتحادی کرک قراللق ، کرک جمهوریت طرفداری اولان بتون ایتالیانلرک مساعیسی و (پیهمونته) حکومتنک تشبثی ایله وجوده کلش و اولا فرانسه ، صکره پروسیه حکومتلری ده حصول اتحاد معاونت ایتمشدر . اتحاد آنجق اون بر سنه‌ده و یکدیگری متعاقب بش قطعه‌نک التحاق ایله اکال ایدلمشدر : ۱۸۵۹ ده (لومباردیا) ؛ کانون ثانی ۱۸۶۰ تاریخنده (طوسقانه ، موده‌نا ، پارمه ، رومانی) ؛ ۱۸۶۰ سنه‌سی اواخرنده (ناپولی ، مارش ، اومبریا) ؛

La Marmora) نك تحت اداره سنده بولان اردو (پروسیه) اصوله توفیقاً اصلاح و تنسیق ایدلدی .

(قاوور) خارجه معاون بوله بیلیمك ایچون ایتالیا اتحادی طرفدارلریله پیدای مناسبانه چالیشدی . (پیه مونته) قرالغی داخلنده پك چوق ایتالیان ملتجیسی و بالخاصه (لومباردیا) لیلر واردی . ۱۸۴۸ جمهوریت طرفدارلرندن بعضلری جمهوریت تأسیسی صورتیه حصول اتحاددن مایوس و نومید اولدقلرندن (صاوا) خاندان حکمداریسته ربط قلب ایتدیلر . جمهوریت طرفدارلرندن تبدیل فکر ایدنلرک الك مهمی سابق (وندیک) دیقتاتوری (مانین) ایدی . (مانین) ۱۵ ایلول تاریخنده (عصر Siècle) غزته سیله نشر ایتدیکی بر مقاله ده اساس مسلکینک «استقلال و اتحاد» اولدیغی سؤیلدکن صکره (ساردنیا) قرالته توجیه خطاب ایله: «ایتالیایی وجوده کتیریکز؛ کرک بن، کرک بتون جمهوریت طرفدارلری وطنپرورلر سزک ایچون و سزکله برابرلر ؛ والا ، اصلا!» دیوردی . دیگر وطنپرورلرده (مانین) التحاق ایتدیلر . ۱۸۵۷ سنه سی آغستوسنده (اتحاد ملی) نامیله بر جمعیت تشکیل ایدیلر ، که (پیه مونته) ده علنی ، حکومات مطلقه داخلنده خفی ایدی . صنف متوسط اهلینک منورالافکار قسمی و بالخاصه شمالی ایتالیا و (سیچلیا) اهالیسی بوجمیته داخل اولدیلر . جمعیتمک کاتبی (لافارینا La Farina) اسمنده بر سیچلیالی ایدی [*] . جمعیت وسائط مسالته پرورانه ایله نشر افکاره چالیشیور و سوء قصدلر ، عصیانلر ترتیبی قبول ایتوردی . قدیم جمهوریت فرقه سی و بالخاصه (ماجینی) ایله جمعیت آرسنده اختلاف ظهور ایتدی . (ماجینی) جنوه شهرنده قراللق علینه بر جمعیت خفیسه تأسیس ایدلی و جنوده ، ناپولیده ، لیوورناده قاریشقلقره سبب اولدی . (پیه مونته) غزته لری اوستریا حکومتته آچقندن آچیغه هجومه باشلادیلر ؛ (پیه مونته) ده کائن (آلکساندری) قلعه سنه وضع ایدلمسی لازم کلن طوبلری مبیاعه ایچون ایتالیانک هر طرفنده بر اعانه دفتری آچیلدیغی کبی ایتالیا اردوسی شرفه بر آبده رکز ایدلمک اوزره ایکنجی بر اعانه ده طوبلانلی .

(قاوور) ، ۱۸۳۸ وطنپرورلری کبی ، ایتالیایی یالکز باشنه حرکت ایدیه بیله جک درجه ده قوتلی ظن ایتوردی ؛ بونک ایچون خارجه ناظری اولنجه خارجه ده متفقلر

[*] لافارینانک روایتنه نظر آکندیسی (قاوور) ایله خفیاً مناسبانه کیریشمشدی . ملاقاتلر صبا حین غایت ایرکن وقوعه کلیر و (قاوور) کندیسنه دائماشوسوزلری سویلردی: «یاپه بیلدیککز شیلری یاییکز . فقط حواری بوندن (پیه) مسیحی فصل انکار ایتمش ایسه بنده سزی عالم مواجه سنده اوله رد ایدرم .»

صالونہ دوام و فرانسز صنف متوسط اہالیسنک افکار احرارانه سنی قبول ایتمش، صکرہ آلمانیایہ؛ کیدوب اورادہده اصلاحات اقتصادیہ حقندہ افکار و معلومات مخصوصہ صاحبی اولمشدر. ۱۸۴۷ دە (تورن) دە (ریسورجیمنتو) نامیلہ اشمر ایدیلین حکومت مشروطۃ احرارانه طرفداری غزتہنک مؤسسہلرندن بری ایدی؛ انقلاب انناسندہ حاکمیت عامہ فرقه سسنہ بین الحلق حائز اولدینی شہرت عظیمہ یی خللدار ایدہجک درجہده، شدتلی تعریضاتده بولندی. فقط ارتجاع صرہسندہ قانون اساسی یی وسرہستی مطبوعاتی مدافعہ ایتدی. قوانین روحانیہ نک مذاکرہسندہ فرقه محافظہکاردن آیرلدی، «مرکزیمین» نامیلہ یکی برفرقہ تشکیکنہ باشلادی و (راناجی) نک تحت ادارہسندہکی مرکز یسارہ یاقلاشدی. (قاوور) ۱۸۵۰ سنہسندہ ایلک دفعہ اولہرق ناظر مخصوص [زراعت، تجارت و بحریہ ناظری] صفتیلہ «داچہلیو» نک ریاستی آلتندہکی ہیئت وکلای محافظہکارہ داخل اولدی. ۱۸۵۲ دە محافظہکاران ایلہ فسخ رابط ایدہرک (قاوور - راناجی) ہیئت وکلای تشکیل ایتدی، کہ بو ہیئت مرکزیسار ویمینک مظاہرتنہ نائل اولدیغندن ۱۸۵۹ سنہسنہ قدر. موقع اقتدارده قالدی.

(قاوور) بوندن صکرہ مملکتک قوای عسکریہسنی تزید ایتک و خارجدہ متفقلر آرامق صورتیلہ آوستریایہ قارشی محاربهیہ حاضرلندی.

ثروت مملکتی تزید ایچون عقد ایتدیکی تجارت معاهداتیہ (جنوہ) تجارت بحریہسنی توسیعہ و محصولات زراعیہ اخراجاتی ٹکثیرہ چالیشدی. موقع تطبیقہ قویدینی اصلاحات اقتصادیہ رهبان ایلہ اختلاف ظہورینہ سبب اولدی. کلیسا املاکی اوزرندن بر ویرکو آگمنسنی، فائدهسز بر حالہ کلن طریقه روحانیہلرہ عائد املاک املاک امیریہ صرہسسنہ یکیرلمسنی ورهبان معاشاتی آرہسندہ مساوات حصولہ کتیرہ بیلیمک ایچون بر کلیسا صندوق تاسیسنی تکلیف ایتدی. نہ موجود اولان ۴۱ پسخوسہ [۱۴۹,۰۰۰ نفوسہ بر پسخوسہ]، نده مناسترلر خارجدہکی رهبانہ طوقونیوردی؛ فقط مناسترلری الغا ایتک ایتک حقندہکی تصوری کلیسا دشمنی عد ایدلسنہ کافی کلدی. پایا (بیہ مونته) حکومتی آفوروز ایلہ اہتام ایتدی؛ بعدہ (ویقتور امانوئل) والدہسک، زوجہسک، برادرینک بر آی ظرفندہ یکدیگری متعاقب وفاتلریلہ دلخون اولدینی صرہده (پایا) بو اولوملرک طرف آلہدن بر اخطار مقامندہ تلقی ایدلسی لازم کلہجکینی مبین بر مکتوب کوندردی. قرال تردد ایتدی، فقط نہایت ۴,۲۸۰ راہب و ۱,۲۰۰ راہبسیلہ برلکدہ ۳۳۴ مناسترک الغاسی حقندہکی قانونی تصدیق ایلدی؛ کرییہ ۲۶۳ مناستر قالدی. — (لامارمورا

نشر ایتدی ، آنجق بونک اوزرینه انتخاب اولنان مجلس مبعوثان ۱۷ رایه قارشی
۱۱۲ رأی ایله معاهده صلحیه یی قبول ایلدی [کانون نانی ۱۸۵۰] .

بعده ، « قانوننامه » نك مملكتك هر طرفنده قرال نامنه اجرای عدالت اولنه جفنی
مبین اولان ماده سی حکمنی موقع تطیقه وضع ایچون محاکم روحانیه نك الفاسی لازم
کلدی . حکومت پبالق مقامیله بر مقاوله نامه عقد ایدرک بو محکمه لرك لغوی خصوصنی تأمین
ایده مدیکندن مشهور « سیقاردی قانوننرینی » مجلس مبعوثان و اعیانه قبول ایتدیردی .
عدلیه ناظری (سیقاردی Siccardi) نك نامنه اضافتله یاد اولنان بوقانونلر مناسترلرك
ملجاء اوله بیلرسی حقنی ، رهبانك محاکم عادیه یه جلب ایدیله مه ملری حقنده کی امتیازی ،
عادی یورطی کونلرنده چالیشانلره ویریلن جزالری الغا و حکومتك موافقتی منضم
اولدقجه املاك محلوله نك فروختنی منع ایدیوردی . بو صورتله ، حکومت ایله هیئت
رهبان آره سنده کی مناسبت و ارتباط منقطع اولدی ؛ (تورهن) سر پسبقوسی قوانین
مذکوریه اطاعت ایدلمه سنی امر ایتدیکندن بر آی حبس جزاسنه محکوم ایلدی .
ناظرلردن بری توبه و استغفار اتمدن وفات ایلدیکی ایچون هیئت رهبان جنازه یی
دفن ایتمکدن امتناع ایتدی و جازه آلایی مناسبتیله بر نمایش اجرا اولدی .

بو مجادلات صره سنده فرقه لرك تشکیلاتی اکمال ایلدی : قانون اساسی یه مخالف
بولنان حکومت مطلقه طرفدارلیله رهبانندن مرکب اقصادی یمین ، بر ده خاندان
حکمداری یه دشمن اولان حاکمیت عامه طرفدارلردن [بالخاصه جنوه لیلردن]
مرکب اقصادی یسار تشکل ایتدی . بو ایکی فرقه آره سنده بولنان ، خاندان حکمدازی یه
صادق ، حکومت مشروطه طرفدارلردن مرکب اکثریت عظیمه ده ایکیه آیرلمشدی :
قانون اساسی یی قبول ایدن فرقه محافظه کاردن متشکل « یمین » ، حاکمیت عامه فرقه سندن
آریلوب رهبان علیهداری صنف متوسط اهالیدن مرکب بر فرقه احرار حالی آلان
« مرکز یسار » .

« قاورر » ك سیاستی . — بو حکومت مشروطه ده ، هر شیدن اول بر آوجی وضابط
اولان ، قرال سیاسیات ایله پك آز مشغول اولدینی ایچون حکومتی نظاردن (قاورر)
اداره ایتدی . (باتزو دو قاورر Benzo de Cavour) صاری صاچلی . بیاض تنلی
براصیلزاده اولوب فرانسه زجه دن ، یاخود (پیه مونته) لهجه سندن بشقه بر لسان ایله
تکلم ایتدیکی ایچون ایتالیان عد اولنه میه جق درجه ده ایتالیان عنصرینه بیکانه ایدی .
بداية طوطی ضابطی ایدی ؛ ۱۸۳۰ انقلابی تصویب ایتدیکندن طولایی نظر توجهدن
دوشمش ، بعده چیفتلک کرینه چکیلمش ، فرانسه ده سیاحت ایدرک (برولی) نك

مسئولدی، شورای امتده قرال طرفندن ایکی صنف اوزرینه قید حیات شرطیه منتخب بر مجلس اعیان ایله معین مقدار ویرکو ویرن مکلفین طرفندن منتخب بر مجلس مبعوثاندن مرکبیدی. بو اصول، فرانسه نکلکندن زیاده حاکمیت عامه قاعده سنه موافق ایدی [حق انتخابه نائلیت ایچون مشروط اولان ویرکو مقصداری مملکته کوره ۴۰ ویا ۲۰ فرانق ایدی]، فقط بلجیقا اصول اداره سی درجه سنده احرارانه دکلدی. «قانوننامه» نه حاکمیت عامه بی، نه ده حقوق افرادی ذکر وتصریح ایدیوردی؛ بو، نه صورتله تعدیل اولنه جنفی ایضاح ایدلکمترین بخش اولنمش بر قانون اساسیدن عبارتدی؛ سربستی، مذاهب قاعده سنی طانیمور و (قائولیک) مذهبک دین رسمی، حکومت اولدیغی بیان ایدیوردی؛ مبعوثانه تخصیصات ویرمیوردی؛ ولانک مسؤلیتی مسئله سنی مهم وشبهه لی بر طرزده بر ایدیوردی.

فقط فعلاً مشروطیت اداره انکلیز اصول مشورتنه کوره تطبیق ایددی؛ «قانوننامه» شکل عادیله قبول ایدیلن قانونلر واسطه سیله علی الاکثر و [قابل تعدیل بر قانون اساسیدن دهها قولای بر صورتده] تعدیل اولندی؛ قرال، هیئت وکلایی آنجق مجلس مبعوثانک اکثریتنجه شایان قبول نظاردن تشکیل ایدی. فقط منتخبلرک قسم اعظمی حکومته مطیع قالدیفندن قرالک التزام ایدلیکی هیئت وکلایه مساعد بر اکثریت تأمین ایتک ایچون علی العاده مجلسی طاغیتقم کفایت ایدردی. بو صورتله قرال فرقه لر آره سنده حکم اولیور، حیات سیاسیته نک ناظم حقیقی صفتی آلیوردی. بو ایسه، (لوئی فیلیپ) زماننده فرانسه ده اولدیغی کبی، ظاهری بر اصول مشورت تحتسنده قرالک حکومت شخصی سنندن عبارتدی.

اوستریایه قارشو وقوعه کلن محاربه ائناسنده، حرکات ملیته نک تأثیریه دوچار هیجان اولان، منتخبلر حاکمیت عامه طرفدارلرینک احراز اکثریت ایلملرینی تأمین ایتشلردی؛ قرالی (جیوبرتی) نک تحت ریاستنده بر هیئت وکلا تشکیلنه مجبور ایدن بو اکثریت ایتالیان حکومتلری آره سنده بر هیئت مجتمعه وجوده کتیرمک صورتیه اتحاد ملی بی تأمین ایتک ادعاسنده ایدی. ۱۸۴۹ مغلوبیتدن صکره مجلس مبعوثان صلحه راضی اولماق ایتدیوردی؛ حال بوکه اوستریا ایله عقد اولنان معاهده صلحجه نک مجلس مبعوثانجه تصدیق اولنمی قانون اساسی احکامی اقتضاسندن ایدی. سنه مذ کوره ظرفنده مجلس مبعوثان اوج دفعه انتخاب اولندی [کانون ثانیده اجتماع ایدن مجلس ۳۰ مارتده؛ تموز ده اجتماع ایدن مجلس ۲۰ تشرین ثانیده طاغیدلدی؛ کانون اولده اوجنجه دفعه اوله رق یکیدن انتخابات اجرا ایددی]. قرال، منتخبلره خطاباً بر بیاننامه

فقیر، قرون وسطا دن قلمش کبی ترقیدن، حیات سیاسیهدن محروم بر مملکت اولان (ساردنیا) آطمی؛ - اهالیسی همان کاملاً کیمیجی اولوب (پیه‌مونت) حکومتنه یکی داخل اولان، خاندان حکمدارییه قارشی حس محتله متحسس اولیان، جمهوریت عامه فرقه‌سنگ مرکزی بولنان (جنوه) سواحلی؛ - زادگان ایله ره‌بانک تحت نفوذنده زراعی بر فرانمز مملکتی اولان (صاوا)؛ - اهالیسی هر درلو صنایعدن محروم کوبیلردن عبارت عبارت اولان وقرالک اقامت ایتدیکی (توره‌ن) دن بشقه بیوک بر شهری بولنمیان (پیه‌مونت) .

(پیه‌مونت) ده صنوف اهالی (ایتالیا) نك دیگر جهت‌رینه نظرأ ده‌ها واضح ودها آچیق بر صورتده آیرلمش، زادگان صنفی دیگرلردن زیاده حکم و نفوذ صاحبی اولمشدی. زادگان صنف متوسط اهالی ایله اختلاط ایتمز؛ من‌القدیم عسکرلکه آلیش‌دقلری ایچون اکثریا ضابط اولورلر ایدی. بو قوم ایتالیانلرک لسان ادیسندن پک فرقلی اولان و قبا، غلط بر لسان عد ایدیلن بر لهجه ایله متکلم ایدی؛ دیگر ایتالیانلرک نظرنده (پیه‌مونت) لیلر تربیه کورده‌مش، قبا، کری قلمش، عاداتا یاریم ایتالیان ایدیلر. فقط بونلرک دیگر ایتالیا اقوامنه نسبتله مهم بر رجحان سیاسیبری موجوددی: (پیه‌مونت) ده اجانبه غیر تابع، مستقل بر خاندان حکمداری و محاربه‌یه مقتدر بر اردو بولمقده ایدی. احرار (ساردنیا) قرالی (شال آلبر) دن نفرت ایدرلردی؛ ۱۸۲۱ ده کندیلرینی ترک ایتمش و حکومت مطلقه اصولنی محافظه ایلمش اولمسنی اصلاً عفو ایده‌میورلردی؛ بونک ایچون ۱۸۴۸ دن صکره بیه قرالدن امین دکلدیلر، حتی اهاتندن شبهه ایدیور. لردی. حال بوکه اتحاد طرفدارلرینک کافه‌سی احرار ایدی؛ (پیه‌مونت) یی حرکات ملییه مرکز اتخاذا ایتک ایچون اول باول حکومتک افکار حریت‌پورانه‌یی قبول ایتمی لازمدی. ایشه بو موفقیتی (ویقتور امانوئل) ایله (قاوور) استحصال ایتدیلر.

۱۸۴۹ ارتجاع عمومی ائناسنده (ویقتور امانوئل) اداره احرارانه‌یه صادق قالدی. اوستریا، ۱۸۴۸ «قانوننامه مشروطیتی» فسخ ایدر ایسه شرائط صلحیه‌یی تخفیف ایده‌جکنی وعد ایتدیکی حالد (ویقتور امانوئل) جواب رد ویردی. نه اوج رنکلی ملی بایراخی، نه‌ده سربستی، مطبوعاتی ترک ایتدی؛ بالعکس ممالک سائردهن التجا ایدن احراری حمایه ایلدی. الحاصل (ساردنیا) قرالانی ایتالیانک یکانه حکومت ملییه و احرارانه‌سی اولدی.

۱۸۴۸ «قانوننامه مشروطیتی» فرانسز برات مشروطیتی ایله (بلجیقا) قانون اساسیسندن مأخوذ ایدی. بو قانوننامه موجنبجه هیئت وکلا شورای امت حضورنده

کوکلولردن مرکب بر اردو تشکیل ایدلمشدی؛ (غارینالدی) کوکلولوری قیرمزی [دها اول ماوی] کوملاک ایله (قلابریا) لیلره مخصوص توبلی شاپقه کیورلردی. لدی الحاجه سوقاقلرده « باریقاد » دینلن سپرلی انشا ایچون هیات مخصوصه تشکیل اولنمشدی. فرانسه حکومتی اولا کوچک بر اردو کوندردی؛ حکومت مشروطه طرفداری اولان فرقه نك معاوتی سایه سنده بلا حرب (روما) یه کیریله بیله جکی امید ایدیلیوردی. مقصد، مؤسسات وموضوعات احرارانه یی محافظه ایتمک شرطیه (پایا) نك حکومتی اعاده دن عبارت ایدی. (پایا) نك مسلك احرازه موافق بر بیاننامه نشر ایده جکی امید اولنیوردی، فقط بویله بر بیاننامه یی نشر ایتدیرمک ممکن اوله مدی. فرانسه اردوسی آنسزین هجوم ایله شهری ضبط ایتمک ایستدی، لکن رومالیر طرفدن کری یه پوسکورلدی.

(روما) نك مقدراتی فرانسه ده کی سیاسی فرقه لر آره سنده کی مجادلاته مربوط ایدی؛ فرانسه رئیس جمهوری ایله مجلس ملینک قاتولیک صاغ جناحی - جمهوریت فرقه سنه رغماً - محاربه یه قرار ویردیلر. فرانسلرک (روما) سفری شهرک محاصره و ضبطی ایله نهایت بولدی [۳۰ حزیران ۱۸۴۹]. پایا عفو عمومی اعلان، فقط ۲۸۳ کشی یی استننا ایدی. قاردیناللرک حکومتی یکیدن تأسیس ایدی؛ مقام نظارته کچن قاردینال (آنتونلی Antonelli) فرانسه طرفندن تکلیف اولنان اصلاحاتی (پایا) نك حق حاکمیتنه مغایر اولدینی بیانیه قبول ایتدی؛ اعضای (پایا) طرفندن منتخب وهردرلو حقوق وصلاحیتدن محروم (قونسولتا) دینلن بر مجلس احداثیه اکتفا ایدلی.

ساردینیا حکومت مشروطه سی [۱۸۴۹ - ۵۸] - ۱۸۴۸ انقلابی نتیجه سنز قالمشدی. اثر انقلاب اولق اوزره اهالیده بر چوق خاطرات، فقر و سفالت، یاس ونومیدی؛ حکومتلرده مطبوعاته، افکار احرارانه یه، صنف متوسط اهالی یه قارشی دها بیوک بر امنیتسزک ایله بودجه آچیق لردن بشقه برشی قلامش وبتون وسطی ایتالیاده عساکر اجنبیه یرلشمشدی [دوقه لقلر ایله « رومانی » ده اوستربالیر، روماده فرانسلر] . بر آرالق بتون حکومتلرجه قبول ایدیلن اوچ رنکلی ملی یاراق ترک اولنمشدی. ایتالیا، ۱۸۴۸ دن اول اولدینی کبی، حکومت صغیره یه منقسم واجانبه تابع اولدی.

یالکز بر حکومت اداره مطلقه نك اعاده تأسیسندن قورتولش و بجراندن یکی بر شکله چیقمشدی. (ساردینیا) قرالغی ۱۸۴۸ قانون اساسی احرارانه سنی و اوچ رنکلی ملی یاراغی محافظه ایتمشدی. بو قراللق ایتالیا اتحادینک حاضرلنمی ایچون مکمل بر مرکز ترتیبات اولدی. (ساردینیا) حکومتی اولدقجه ضعیف، نفوسی ۵ ملیوندن آز، بر بردن فرقلی و آیری درت پارچه دن مرکب دی. بو درت پارچه ده شونلر ایدی: صیتمه لی،

[نوواره محاربه‌سی، ۲۳ مارت] محاربه‌یه دوامی امکان خارجه بر اقدی ؛ (شارل آلبر)
 مصالحه‌یی تسهیل ایچون ترك حكومت ایتدی. اوغلی (ویتور امانوئل) تضمینات حربیه
 مقابلنده عقد مصالحه ایلدی، (ونديك) اوزون بر محاصره‌دن صكره تسلیم اولدی [۲۲
 اغستوس]. (لومباردیا) ۱۸۵۱ سنه‌سنه قدر بر نوع اداره عریفه آلتنده قالدی. (بره‌سچیا
 Brescia) یی هجوم ایله ضبط ایدن اوستریا قوماندانی (هایناو Haynau) ه « بره‌سچیا صیرتلانی »
 لقبی ویرلدی؛ بوقرماندك قادیلری دو کدیردیکی سویلنیوردی. ایتالیاندك الكزیده نفرت
 ایتدکلی شی طایق جزاسی ایدی ؛ عسکرلر ایچون بو جزایی محافظه ایتمش اولان
 (اوستریا) لیلر بونی ایتالیانلرده تطبیق ایدیورلردی. حكومت عفو عمومی اعلان ایتدی ،
 فقط معتبراندن ۸۵ کشی یی بوندن استثنای ایتدیکی کی بالآخره (پیهمونته) یه التجا ایدن
 (لومباردیا) لیلرک املا کندی ده حجز و مصادره ایلدی.

(پیهمونته) یه التحاق ایتمش اولان (موده‌نا) و (پارمه) دوقلقلری ده اوستریا
 طرفدن اشغال ایلدی . مقاملرینه کتیریلن « دوقه » لر حكومت مطلقه اصولنی اعاده ،
 اتحادملی طرفداری اولان احرار ایله رهبانی تضییق و اوستریا ایله بر كرك اتحادی عقد
 ایتدیله .

(طوسقانه) احراری اوستریالیلردن قورتولمق ایچون بر حكومت موقته تشکیل
 ایدرك غراندوقی مقامنه دعوت ایلدیله . جمهوریت فرقه‌سنك النده یالكز (لیورنا)
 قالدی. فقط اوستریا اردوسی (طوسقانه) یی اشغال ایدرك ۱۸۵۹ تاریخه قدر اوراده
 قالدی ؛ غراندوق ، اوستریا حكومتك تضییق اوزرینه ، ۱۸۵۲ سنه‌سنده ۱۸۴۸
 قانون اساسیسی کری آلدی و مطبوعات سانسور اصولنه تابع طوتدی . (طوسقانه)
 انقلابدن اولکی حاله نسبتله ده آز سربست اولدی .

درت (قاتولیک) حكومتی ، یعنی (فرانسه ، اسپانیا ، اوستریا ، ناپولی) روما
 جمهوریتته قارشى محاربه ایتك ایچون اردولرینی کوندرمکی پایابه تکلیف ایتدیله . جنوب
 جهتدن (روما) جمهوریتی اراضیسنه داخل اولان ناپولی عسکری جمهوریت اردوسی
 طرفدن رجته مجبور ایلدی ؛ (اسپانیا) دن آنجق ایکی کی کلدی . اوستریالیلر
 یالكز کلیسا حكومتك شمال قسمی ، (رومانی) حوالیسنی اشغال ایتدیله و ۱۸۵۹
 سنه‌سنه قدر اوراده قالدیله .

(روما) نك استردادى وظیفه‌سنی فرانسز اردوسی درعهده ایتدی . مارت نظر -
 فنده تأسیس اولنان حكومت جمهوریه‌نك رئیسى و اوچ کشیلك هیئتك الك ذی نفوذ
 اعضاسی (ماچینی) ایله بین الحلق بیوك بر شهرتی اولان قوماندان (غاریبالدی) نك
 ایکیسی ده شمالی ایتالیا اهالیسندن ایدی؛ (ماچینی) جنوهلی ، (غاریبالدی) نیسلی ایدی .

جمهوریت طرفدارلرندن قورقهرق قانون اساسی تنظیمنه مأمور بر مجلس ملی تشکیله قرار ویردی [کانون ثانی ۱۸۴۹]. غراندوق قاچدی. جمهوریت طرفدارلرندن مرکب بر چته مجلس مبعوثان دائرهنه کیردی و حکومت موقته بی اوچ کشیدن مرکب بر هیئته ویردی. [۹ شباط]؛ بعده (ماچینی) نک توصیه سی اوزرینه جمهوریت اعلان اولندی. (لومباردیا) ده مشروطیت ایله اداره اولور قراللق طرفداری اولان حکومت موقته احرارانه (میلان) ده (ماچینی) نک تشویقیله باشلایان جمهوریت طرفدارلرینک تحریکاتنه نهایت ویرمک ایچون (ساردنیا) قرالغی ایله برلشمکه قرار ویرمشدی، مع مافیینه جمهوریت طرفدارلرینک طلب ایتدکری قاعده اساسی بی تطبیق ایچون بو قرار آرای عمومی ملته عرض ایلدی. (لومباردیا) لیلر «لومباردیانک پیهمونته حکومت مشروطه سنه همان التحاقی، یوقسه امر التحاقلک تأخیری لازم کلدیکی» مسئله سنی حل ایچون اعطای رایه دعوت اولنیدیلر. ۵۶۱,۰۰۰ کشی «اوت»، ۶۸۱ کشی «خیر» جوانی ویردی [۲۸ مایس ۱۸۴۸]. وندیك ایالتنده معتبران مملکتدن مرکب بر مجلس ۶ رایه قارشی ۱۲۷ رأی ایله التحاقه قرار ویردی [۲ تموز]. بو صورتله بتون شمالی ایتالیا بر حکومت مشروطه حالنده برلشمش اولدی.

اربع — ۱۸۲۱ و ۱۸۳۱ سنه لرنده اولدینی کبی بو دفعه دخی حکومت قدیمه مطلقه بی اجنبی اردولری اعاده تأسیس ایتدیلر. اوستریا اردوسی یالکز بر محاربه ده [کوستوچا Custozza محاربه سی، ۲۴ تموز] ساردنیا اردوسنی — که اوستریالیلردن عدداً ایکی میلی آز ایدی — بوزدی، بتون (لومباردیا) بی استرداد ایلدی. کنديسنه نامحدود بر صلاحیت ویریلن (راده چکی) انقلابه اشتراک ایتمش اولانلرک کافه سی اوزرینه فوق العاده برویرکو طرح ایتدی و عسکرجه اداره حکومته باشلادی. بو صورتله (پیهمونته) دن آیریلان (وندیک) ایالتی جمهوریتی اعلان ایلدی و مجلس ملی اوچ کشیدن مرکب بر هیئتک رئیس صفتیله (مانین) ی «دیفقاتور» تعیین ایتدی [۱۳ اغستوس ۱۸۴۸].

(ساردنیا) قرالغی اوستریا ایله متارکه عقد ایتمشدی؛ انکلتره و فرانسه حکومتلری عرض توسط ایتدیلر، فقط (لومباردیا) یه ویریله جک قانون اساسی حقیقده ائتلاف حصوله کله مدی. ۱۸۴۹ سنه سی مارتنده (ساردنیا) قرالی، مجلس مبعوثانک مظاهرتیله، یکیدن محاربه ملییه باشلادی. او صره ده (اوستریا) مجارستان عصاتنه قارشی محاربه ایله مشغولدی. (ساردنیا) اردوسنک موجودی ۸۵,۰۰۰ کشی یه ابلاغ ایدلمشدی، فقط بو اردو افراد جدیده ایله قوه معنویه لرینه خلل کیش عسکردن مرکب دی. یالکز بر هزیمت

وجرح ایتشدی؛ تبعه‌سنه دائما اطاعت لزومنی اخطار ایتدیکنی و اوستریایه اعلان حرب فکرنده اصلا بولمدیغنی بیان ایدیوردی. صنف روحانی‌یه منسوب اولمان هیئت وکلا- سیله کندی آره‌سنده اختلاف چیقدی، مجلسلرک اجتماعی مناسبتیه تحریر ایدیلن نطق افتتاحیدن ملیته دائر اولان بر فقره‌یی [*] چیقاردی، (دومینیکین) ره‌بانی طرفندن تنظیم اولنان مطبوعات قانونی تصدیق ایتدی [۴ حزیران]. مجلس مبعوثانک کلیسا رئیس ایله حکومت جسمانیه رئیس حقوق وصلاحیتک تقریقی، وکلانک مجلس حضورنده مسؤلیتلی حقنده کی نکلیفیرینی رد وبعده یکی بر هیئت وکلا تشکیل ایلدی. ریاست وکلایه کچن (پارس) سفیر سابقی (روسی Rossi) هم جمهوریت فرقه‌سنه، هم‌ده کلیسا حکومت جسمانیه‌سنک اعاده‌سی طرفدارلرینه مقاومت ایتمهک چالیشدی. مجلسلرک یوم کشادنده (رومانده) ائتلاف ایدلدی [۱۵ تشرین ثانی]. جمهوریت فرقه‌سی قانون اساسی ایتیوردی، اهالیدن بر جم غفیر (کیرینال) سرایی اوکنه کیتدی. (پاپا) قوه جبری قارشیسنده ترک حکومته مجبور اولدیغنی اوروپا سفراسنه تصدیق ایتدیردکن صکره (ناپولی) قرالغنه قاچدی [۲۴ تشرین ثانی]، حکومتی محافظه‌کاراندن بر قاچ راهب ایله سیویله ترک ایتدی، فقط بونلر ایفای وظیفه‌یه وقت بوله‌مدیلر. — بونک اوزرینه احرار بر حکومت موقته تشکیل ایتدیلر. حکومت موقته پاپالک مقامی ایله بسبتون قطع رابطه ایتمه‌ک چالیشدی ایسه‌ده (پاپا) انتخاباته اشتراک ایده جکلری آفوروز ایله تهدید ایلدی بو تهدیده رغماً قانون اساسی‌یی تنظیم ایچون انتخاب اولنان شورای امت پاپانک حکومت جسمانیدن سقوطنی و بو حکومت یرینه‌رومان جمهوریتک تأسسنی اعلان ایتدی. قوه اجرائیه (ماجینی) نیک تحت ریاستنده بولنان اوچ کشیک بر هیئته ویرلدی. حکومت بتون ایتالیانلری، ایتالیا اتحادینی وجوده کتیرمک ایچون بر مجلس عمومی ملی به مبعوث انتخابنه دعوت ایلدی.

(طوسقانه) ده حکومت «قلوب» لری. جمعیات سیاسییه منع ایتشدی؛ فقط بو باده‌کی امرنامه‌یی موقع اجرایه وضع ایده‌مدی. (لیوورنا) ده جمهوریت طرفدارلری عسکرلری بوسکورتمهک موفق اولدیلر [۲ ایلول]؛ بونلرک رئیس اولان شاعر (گراچی Guerazzi) لیوورنا شهرینه صاحب اولدی وقرالی، کندیسینی هیئت وکلا میاننه ادخاله مجبور ایتدی. جمهوریت فرقه‌سی، حاکمیت ملیه نامه، آرای عمومی ایله منتخب بر مجلس ملی ایتیوردی. ویرکو ایله مکلف ذواتدن مرکب مجلس مبعوثان

[*] فقره مذکوره شودر: «جناب حق بو دنیا ده لسان، ارض، عرق و اخلاق نقطه نظرندن یکدیگرندن فرقی ملتلی خلق ایتش و بونلرک هر برینه حیات مخصوص تخصیص ایامش جناب حق ایتالیا به شو تعداد ایلدی کمز لایتغیر اوصاف و خصائص بخش ایتشدر.»

تحت حکمدارینک منحل اولدیفنی وخاندان قرالینک سقوط ایتدیکنی اعلان ایلدی [۱۳ نیسان]. فقط (پاپا)نک التزام ایتدیکنی (طوسقانه) خاندانندن بر پرنس ایله (پیه مونته)لی بر پرنسدن هانکیسنی (سیچلیا) قرالی تعیین ایتک لازم کله چکی حصو. صنده تردد ایتدی؛ نهایت (پیه مونته) لی پرنس، یعنی قرال (شارل آلبر)ک ایکنجی اوغلی اولان (دوق دوزهن Duc de Gênes) ی انتخاب ایلدی ایسه ده قرال جواب رد ویردی [آغستوس]. بعده محاربه باشلادی. (ناپولی) اردوسی (سیچلیا) یه چیقدی، (مسینا)ی طوبه طوتهرق ضبط ویغما ایتدی [ایلول ۱۸۴۸]. قرال (فردیناند)ه «بومبا قرالی (Re Bomba) لقی ویری. فرانسه وانکلتره حکومتلی متارکه عقدینی تکلیف ایتدکلرندن ۱۸۴۹ سنه سی مارتنه قدر محاربه یه فاصله ویرلدی. — (سیچلیا) شورای امتی ۱۸۴۹ سنه سنده (فردیناند) طرفندن ویریلن «اولتیماتوم» ی رد ایتدی، اون سکزدن اوتوز یاشنه قدر اولان بتون وطنداشلرک عسکر اولدقلمنی اعلان وباش قوماندانلی (میروسلافسکی Mieroslawski) اسمنده جمهوریت طرفداری بر لهلی یه تودیع ایلدی؛ فقط عساکر منتظمه همان یوق کبی ایدی. محاربه (قاتانا) سواقلمنده وقوعه کلن بر مصادمه دن عبارت قالدی. (ناپولی) عسکرلری عصات اوزرینه ایلرلمکه جسارت ایده میورلردی؛ (برن) قانتونندن کلن بر اسویچره آلاپی سواقلمده کی «باریقاد» لری قالدیردی، عصاتی تسلیم سلاحه مجبور ایتدی. رؤسای احرار هجرت ایتدیلر؛ حکومت قوه اجرائیه یی (پارمو) بلدییه مجلسنه ویردی؛ (سیچلیا) نک دیگر شهرلری عرض مطاوعت ایلدیلر. (فردیناند) قانون اساسی ویره چکنی. تفو عمومی اعلان، سیچلیایه بر «خدیو» تعیین، عساکر ملیه تشکیل ایده چکنی و حکومت اختلالیه نک بورجنی طانیه جغنی وعد ایتدی ایسه ده بالاخره بو وعدلرک هیچ برینی طوتمدی، (سیچلیا) ینه بر حکومت مطلقه نک زیر اداره سنده قالدی [میس ۱۸۴۹]. — (ناپولی) قرالغنده حکومت مطلقه ده اول اعاده اولنش، قرال مجلس مبعوثانی طاغیتمشدی [۱۳ مارت]. بونک اوزرینه جرائم سیاسییه دعوالری باشلادی؛ ۱۱۴ مبعوثانندن نلثانی اعدامه، حبسه، نفیه محکوم اولدی. انکلیز شورای امتده (غلاستون) ناپولی حکومتی جرائم سیاسییه احمابنه جانی معامله سی یایمقله اتهام ایتدی. وسطی ایتالیا ده جمهوریت فرقه سی اول امرده (ناپولی) قرالی علیه نده کی نفرت عامه دن استفاده ایلدی. (پاپا) ایتالیان حکمدارلرندن مرکب برهیئت مجتمه نک ریاستنی، حاکمیت عامه فرقه سنک اداره سنی قبول ایتیه رک بوبابده واقع اولان مراجعتلره جواب رد ویرمشدی. ذاتاً، اولجه ۲۹ نیسان ۱۸۴۹ تاریخنده، ایراد ایلدیکنی بر نطقده ایتالیا انقلابانه سبب اولدیغنه دائر واقع اولان اسناداتی رد

اداره‌نک عودتی آرزو ایدیورلردی؛ اولجه متفقاً حرکت ایدن احرارحکومت مشروطه طرفدارلری، جمهوریت طرفدارلری نامیه بربرینه دشمن ایکی فرقیه آیرلمشدی؛ بو ایکی فرقه‌دن هر بری اتحاد ملی مشله‌سنی کندی آمالنه کوره حل ایتک ایستیوردی. حکومت مشروطه فرقه‌سی حکمداران موجوده آره‌سنده بر هیئت مجتمعه وجوده کتیرمک صورتیه اتحاد ملی‌ی تأمین ایتک املنده ایدی. رؤسای معتبران احرارندن مرکب اولان بو فرقه حکومت موجوده طرفندن التزام ایدلمکده ایدی. (ماجینی) ایله محبان سیاسی طرفندن اداره اولنان جمهوریت فرقه‌سی ایتالیانک مقدراتی تعیین ایچون عمومی بر شورای امت تشکیلنی آرزو ایلیمکده ایدی. بیوک شهرلرک وبالخاصه (جنوه، میلان، روما، لیورنا، ناپولی) بلده‌لرینک اهالیسندن مرکب اولان بو فرقه فرانسه جمهوریت طرفدارلرینک معاوتلرینه مظهر اوله‌جق‌لرینی امید ایدیورلردی.

سالف‌الذکر اوچ فرقه بربرلیله خیلی زمان اوغراشدیلر. حکومت مشروطه طرفدارلری شمالی، جمهوریت طرفدارلری وسطی، حکومت مطلقه طرفدارلری‌ده، جنوبی ایتالیاده غلبه ایتدیلر. — ارتجاع، جنوبی ایتالیاده باشلادی. (ناپولی) قرالغنده ایکی قانون اساسی‌یه توفیقاً، انتخاب اولنان مجلس مبعوثان حکومت مشروطه طرفداری احرارندن مرکبیدی. مجلس اجتماعه باشلامازدن اول قرال جمهوریت طرفدارلرینک (ناپولی)‌ده ترتیب ایتدکلری بر عصیاندن بالاستفاده مجلسی طاغیتدی [۱۵ مایس]؛ بعده غزته‌لری الغا و (پیه‌مونه) لیلرک امدادینه کوندریلن اردویی کری‌یه جلب ایتدی. (قالابریا) لیلر عصیان ایتدیلر، فقط حکومت طرفندن تأدیبدائره اطاعته ادخال اولندیلر. — تامام انتخاب نتیجه‌سنده طولانان ایکی بر مجلس مبعوثان تموز طرفنده اجتماع ایتدی. مجلس اردونک کری‌یه آلمسندن طولایی بیان تأسف ایتدی. و «ناپولی حکومتک تجدید و احیاسی نائل استقلال اوله‌دن و ایتالیا ملیتی تأسیس ایتدن ممکن اوله‌میه‌جغنی» اعلان ایتدکلن صکره انتخابانک اکمال و بودجه‌نک مجلسه تودیع اولمسنی طلب ایلدی. فقط حکومت مطلقه طرفدارلرندن مرکب اولان هیئت وکلا اوستریالیلرک مظفریتلرندن جسارت آله‌رق مجلسک اجتماعتی تأخیر [۵ ایلول] و احرار غزته‌لرینی الغا ایتدی. بعده (سیچلیا) یی عصات نلندن آلمق ایچون بر اردو کوندردی. — ۲۵ مارتدن اعتباراً اجتماع ایدن (سیچلیا) شورای امتی اول امرده (سیچلیا) نک (ناپولی) یه مربوطیتی قرالک شخصی ایله قائم اولمسنی، یعنی قرالک وفاتسندن صکره جزیره‌نک (ناپولی) قرالغندن آیرلمسنی طلب ایتدی؛ بعده، قرالک جواب رد ویرمسی اوزرینه،

رد ویا تصدیق حتی بو مجلسه اعددی . سر بستیء مطبوعاته رغماً کتب دینه نك تفتیش و معاینه سی اصولی باقی ایدی .

اوستریالیلرک اشغال ایتدکلری ایتالیان مملکتلرنده ۱۸۴۸ انقلابی (ویانه) انقلابنک نتیجه سی ایدی [اون اوچنچی بابہ مراجعت] . تشکیلات اساسیه سی خلدار اولان، هر طرفده ملی عصیانلر وقوعه کلن (اوستریا) ایتالیان ولایاتی ترکه مجبور اولدی . — (میلان) شهری اهالیسی عصیان ایتدی؛ اوستریا باش قوماندانی (رادہ چکی Radetzky) خط رجعتنک قطع ایدلسندن قورقورق (لومباردیا) ایله (وندیک) ایالتلری آره سنده بولسان قلاع اربعه به، درت موقع مستحکمک مدافعه ایتدیکی اردوگاهه چکیلدی . بونک اوزرینه (لومباردیا) لیلر بر حکومت موقته تشکیل ایتدیلر ، بر اردو وجوده کتیرمه کچالیشدیلر . — (وندیک) ده (مانین Manin) اسمنده جمهوریت طرفداری بر دعوی وکیلی حکومت موقته ریاسته تعیین اولندیغندن : « یشاسون جمهوریت وسن مارق ! » ندرایله جمهوریتی اعلان ایتدی . — اوستریالیلر (موده نا) دوقه لغنی تخلیه ایتدیلر؛ بوراده دخی انقلاب وقوعه کلدی . (بارمه) ده کی انقلاب (دوقه) نك بر قانون اساسی ویرمسیله نتیجه لندی [مارت ۱۸۴۸] .

(پیه مونته) احراری فرصدن بالاستفاده اوستریالیلری بتون ایتالیان چیقارمق ایستورلردی . (قاوور) فرقه معتدله نك واسطه نشر افکاری اولان (ریسور جیمنتو) غزته سنده شو سوزلری یازیوردی : (بز، که هر شیئی صفوق قانلیقله دوشونمکه وحشیات قلبیه مزه تبمیتدن زیاده مقتضیات عقل و حکمتی نظر دفته آلفه آلیشمشز . شونی کمال اعتماد قلب ایله بیان ایدرزکه : ملت، حکومت، قرال ایچون یالکنز بر آچیق یول واردر : محاربه ، درحال محاربه . « قرال اردویی حال سفر بری به وضع ایله (لومباردیا) به کوتوردی . (طوسقانه) . (پایا) و (ناپولی) اردولری پیه مونته اردوسیله برلشمک ایچون شنهاله چیقدیلر .

او زمانه قدر انقلاب حریتی ، مشروطیتی ، اتحاد ملی بی وجوده کتیرمک مقصدیله وقوعه کلیوردی . ایتالیان اتحادینک علامت مخصوصه سی اولان اوچرنکلکی بایراق مختلف حکومتلر داخلنده قبول ایدلمشدی ؛ حکمدارلر اجنبی به قارشی اتفاقه میال کورونیورلری .

اهتمومات و منازعات داخیره . — بو انقلابده ایکی نوع اسباب ضعف موجود ایدی : اولاً : ایتالیانلرک قوهء عسکریه لری یالکنز باشنه اجنبی مملکتندن چیقارمق درجه ده قوتلی دکلدی ؛ حربه مهیا یکنانه اردو اولان (ساردنیا) اردوسی ثلثانی افراد ردیفه دن عبارت اولمق اوزره ۶۰۰۰۰ کثیدن مرکبیدی . ثانیاً : قبول اوله جق شکل حکومت حقنده ایتالیانلر آره سنده ائتلاف افکار یوقدی ؛ حکومت مطلقه طرفدارلری طرز قدیم

دکدی ، عاصیلر (سیچلیا) نك ۱۸۱۲ قانون اساسیسنك یكیدن موقع تطبیقه وضعی ایستورلردی .

(ناپولی) ده اهالی سرای اوکنه کیدرک : « یشاسون قرال و قانون اساسی ! » ندالریله نمایشلر یابدیلر . اردویه اعتماد ایدله میه جکنی آکلایان (فردیناند) فرانسهنك برات مشروطیتنه مشابه بر قانون اساسی ویردی [۲۹ کانون ثانی] . بعده (مورا) طرفدارلرندن و (قاربوناری) جمعیتی اعضاسندن (بوچلی Bozzelli) نك تحت ریاستنده یکی بر هیئت وکلا تشکیل ایتدی .

۱۸۴۸ انقلاباتنك برنجیمی اولان بو انقلاب بتون ایتالیاده کی احرارک اجرای تحریکاته باشلامسهنه سبب اولدی . — (ساردنیا) قرالغنده جنوهیلیر (جزیت) لرك طردینی وعسا کر مله تشکیلی طلب ایدرک ایشه باشلامشیر و (تورهن) غزته جیلیرینی اصلاحاتی مذاکره ایچون بر اجتماع عقیدینه مجبور ایتمشیر ایدی . (قاورور Cavour) قانون اساسی ایستهنیلیمسنی تکلیف ایتدی [۶ کانون ثانی] . ناپولی انقلابندن صکره بالخاصه اصیلزادکندن مرکب اولان (تورهن) شهری مجلسی قانون اساسینك اعلانی و عسا کر ملیه تشکیلی طلبه قرار ویردی . قرال نهایت راضی اولدی ، (قانوننامه مشروطیت) (Statut constitutionnel) ی اعطا ایتدی [۸ شباط] ، که بالآخره ایتالیاقرالغنك قانون اساسیمی اولمشدر . — (طوسقانه) غراندوق ده فرانسیز برات مشروطیتنه مشابه بر قانون اساسی ویردی .

(روما) ده اهالی هنوز (کیرینال Quirinal) سراینده اقامت ایتمکده اولان (پایا) نك دائرهسی اوکنده طوبلانمشدی ؛ (پایا) بالقونه چیقهرق دعا ایتدی و بعده شو سوزلری علاوه ایلدی : « بوندن صکره کلیسانك قدسیته مغایر مطالبانده بولنمامکزی اخطار ایدرم ؛ چونکبو کبی مطالباتی قبول ایتهمکه مجبور اولدیغمدن نظر اعتباره آلهام ، آلمقده ایستهم . » بونکله برابر صنف روحانییه منسوب اولمیان ذواتدن اوچ ناظر تعیین ایتدی . فرانسیز انقلابندن صکره تبهسنك استرحا ماتی قبول ایدرک « کلیسا حکومتك اداره جسمانیهسی ایچون قانوننامه اساسی » نامیله بر نوع قانون اساسی بخش ایلدی [۱۴ مارت] . بو قانون موجبنجه بری معین مقدار ویرکو اعطا ایدن اهالی طرفندن منتخب یوز مبعوثدن ، دیکری پایا طرفندن منتخب زادکندن مرکب ایکی مجلس ، اعضاسی صنف روحانییه منسوب اولمیان بر شورای حکومت ، برده هیئت وکلابولنه جق ایدی . فقط حکم ونفوذ ، ینه قاردیالار مجلسنده ایدی ؛ چونککه قانونلری

مملکتی (طوسقانه) به برادری . (اسیر sbire) دنیان و (طوسقانه) به مخصوص اولوب
عادتا پدرن اولاده انتقال ایدن ضابطه خفیه مأموریتلری قالدیرلدی .

(ساردنیا) قرالی (شارل آلبر) پک چوق زمان تردد ایتشدی . ۱۸۲۱ سنه سنده کی
حرکت واقعه سندن طولایی هم حکومت مطلقه طرفدارلری . همده احرار نظرنده شبهه لی
عد ایدلدیکندن اداره مطلقه یی محافظه ایتک ویا لکز قوانین موجوده یی تعدیل [۱۸۳۷ ،
۱۸۴۰] وولایاتده مجلسلر تشکیل ایتدیرمک صورتیه اوروپا حکومتلرینک امنیتنی جلبه
چالیشمشدی . بالخاصه اردوسنی قوتلی بر حاله کتیرمکه غیرت ایدیوردی ؛ بونک ایچون
عسکری ایکی سنه سلاح آلتده طومق و سکرز سنه ترخیص ایتک صورتیه پیاده سنی وقت
حضرده ۲۲،۸۰۰ ووقت سفرده ۶۱،۴۰۰ کشی به چیقاردی . فقط آوستریا حکومتک
کندیسنی تحت ترصده بولندیردیغنی بیلوردی ؛ روایته نظراً آوستریا ، (شارل آلبر) ک
ضبطیه ناظرینی الهه ایتشدی . (ساردنیا) قرالی پاپانک (تورن) شهرنده بر وکیل
بولندیرمسنده مساعده ایتکه مجبور اولمشدی ؛ نه ، حکومت مطلقه طرفدارلی اولان وکلا-
سیله ، نهده جزویتلر ایله بوزوشمغه جسارت ایده میوردی . احرار کندیسنه (متردد قرال
Re Tentenna) لقبی ویرمشلردی .

نهایت ، ۱۸۴۶ سنه سنده ، (ریسور جیمنتو) وقایعی (شارل آلبر) ه جسارت ویردی .
بر کمرک مسئله سندن طولایی آوستریا به مخالفته جسارت ایتدی . آوستریا فرقه سی قرال
علیه یه یازلمش مجویه لری ، رساله لری هر طرفه طاغیتدی ؛ بوکا مقابل جنوویلر ، آوستریا
لیلرک شهر مذکوردن چیقارلملرینک یوزنجی دور سنویسی مناسبتیه بیسوک بر شنلک
ترتیب ایتدیلر [کانون اول ۱۸۴۶] . آوستریانک رقیبی اولان انکلتزه حکومتی (شارل
آلبر) ه وعد معاونت ایچون بر مرخص کونرددی و (پاپا) ، (طوسقانه) ایله بر کمرک
اتحادی تأسیسنه تشویق ایلدی . قرال ، ینه ترددن قورتیه مدی ؛ یواش یواش اصلاحات
مسائلنی مذاکره ایدن بر مجلس سیاسی حالنی آلان طبیعیون (قونفره) سنک مقررات
احرارانه سنه ، (جنوه) و (تورن) شهرلرنده آوستریا علیه وقوعه کلن وطنپرورانه
نمایشلره رغماً قطعی بر حرکتده بولنه مدی . نهایت ، امتیازلی محاکمک الفاسنه ، ضابطه
وظیفه سنک قوماندانلردن اخذینه ، بلدییه مجلسلری صلاحیتک تزییدینه ، سانسور
اصولنک تخفیفنه دائر اولان اصلاحات قانونلرینی تصدیق ایلدی .

ایتالیانلرک تأمین استقلالی مقصدیه وقوع بولان بو حرکات احرارانیه مقابل ، آوستریا
حکومتی (فهراره) موقعنه عسکر جمع ۱۸۴۶ ده (موده نا) ، کانون اول ۱۸۴۷
تاریخنده (پارمه) دوقه لریله اتفاق ایتدی .

و فرانسه طرفدن بالخاصه التزام اولمشدی؛ عموم نظرلنده (جیوبرتی) نك تخیل ایتدیکی اتحاد ملی بی ساحة وجوده چیقاره جق حریتپرور بر (پایا) ایدی. احراک محبت فوق - العاده سنه مظهر اولدی؛ «یشاسون طقوزنجی پی!» سوزلریله باشلایان دعا بتون ایتلایده ملی شرقی حالی آلدی.

طقوزنجی (پی) تبمه سنه بر چوق اصلاحات احرارانه بخش ایلدی: بتون جرائم سیاسیة محکومینی عفو ایلدی [تموز ۱۸۴۶]، بر عمومی کتبخانه آچیلدی، دهها معتدل بر سانسور قانونی وضع اولندی [مارت ۱۸۴۷]، هر ولایت مرکزنده صنف روحانی به منسوب اولیان ذوات میانندن ایکی سنه مدتله حکومتجه انتخاب اولنان اعضادن مرکب (قونسولتا دی استاتو Consulta di Stato) نامیله بر مجلس تشکیل [مارت ۱۸۴۷] وبالآخره عساکر مایه طابورلری احداث قلندی [تموز ۱۸۴۷]. احراری عوماً قتل ایچون تشبثات خفیهده بولنمقده ایتام ایدیلن (سانفهدیست) لرك تعقیب وتنکیلنه باشلاندى؛ بونلردن بعضلری اعدام، بعضلری توقیف ایلدی، (سانفهدیست) کوکلو - لرینک سلاحلری آلدی. مع مایه پایا (قونسولتا) مجلسی اعضاسنی حضورینه قبول ایتدیکی صروده حکومت جدهمانیه سنی محافظه ایتک عزمنده بولدیغنی بیان ایتدی. فقط (مخلف عوام Cercle populaire) نامیله بر جمعیت سیاسیة تشکیل ایلدش. (روما) اهالیسی محلات مختلفهده حرکات احرارانه بی اداره ایدن رؤسایه اطاعته باشلامشدی؛ بر جم غفیر (اسویچره) قونسولوخانه سنه کیدرک (زوندر بوند) هزیمتندن طولانی قونسولوسی تبریک ایتش و «یره باتسون جزویتلر!» ندرلیله نمایشلر پامشدی [۳۰ تشرین ثانی ۱۸۴۷]. ماچینی، پایا به یازدیغنی بر مکتوبده اتحاد ملی ایچون وقوعه کلن حرکانه ریاست ایتسنی توصیه ایلمشدی.

(طوسقانه) غراندوقه سی ده (پایا) کبی جرکت ایتدی. ایتالیانک اک بیوک لیمانی و تجارت شهری اولان (لیوورنا) ده، غراندوقه لنگ مرکز اداره سی بولنان (فلورانسه) ده، دار الفنونی ایله مشهور (پزا) ده وقوعه کلن حرکات احرارانه وانقلابپروروانه به تبعیته مجبور اولدی. ۵ مایس ۱۸۴۷ تاریخنده (پزا) و (لیوورنا) شهرلنده طقوزنجی (پی) نك شرفه و اوستریالیلر ایله جزویتلر علیه نمایشلر اجرا ایلدی. غراندوق سانسور اصو - لنگ تخفیفنه، (پایا) نك تشکیل ایتدیکی ولایات مجلسلرینه مشابه بر (قونسولتا) تشکیلنه، بعده عساکر ملیه طابورلری احداثه مساعده ایتدی [۳ ایلول ۱۸۴۷]. پزا، لیوورنا شهرلنده اوچ رنگلی ملی بایراق قبول ایلدی. (لوک) دوقه سی ترک حکومت ایدرک

وقایع اخیرہ) اسمندہ کی کتابندہ (رومانی) ایالتی احرارینک ۱۸۴۵ دہ دوچار اولدقبری مظالم و تعدیاتی حکایہ و « کلیسا حکومتی اہالیسنک اوروپا حکمداران و اقوامنہ بیاننامہ سی » ندہ بابالق مقامی علیہنہ ذکر و تعداد ایدیلن شکایاتی ایضاح ایلدی . بو مؤلف عاضیلرک جسارتنی تقدیر ایلمکلہ برابر اصل مقصد علوی بی ، یعنی ایٹالیان و طنتک تخلیصنی اونوتمش اولدقبرینی سویلیوردی .

ایٹالیادہ یکی برشی اولمق اوزرہ بو اوچ مؤلف (پیمونته) لی ایدی ؛ اوچی دہ متبوعری اولان (ساردنیا) قرالتک ایٹالیا استقلالنک قہرمانی اولہ جغنی ادعا ایدیوردی . بو صورتلہ (ریسورجیمنتو Risorgimento) ، یعنی « بعث بعدالموت » دنیلن دورہ باشلادی . ایٹالیانک اتحادی ، تعالیسی فکری افکار منورہ اصحابی آرہسندہ تعمیم ایتدی . بوفکر برفرقہنک دکل ، بتون ایٹالیانلری حسیات مشترکسنہ ترجمان اولیوردی . اتحادی تأمین ایچون تشکیلات و ترتیبات مخصوصہ یوقدی . حتی مقصد لایقیلہ تمین ایتہمشدی . بتون ایٹالیانلر ایچون اصلاحات ، ادارہ احرارانه و اتحاد آرزو ایدیلیوردی ؛ فقط حصول اتحادہ مانع اولان حکمدارلری تاج و تختلرنده کی حقسلرندن محروم ایتک ایچون انقلاب و وقوعہ کتیرمک ایستہ نیلمیور ، یالکز حکمداران آرہسندہ بر ہیئت مجتمعه تشکیلی دوشونیلیوردی ؛ حتی موجود حکمدارلرک کافہسنک بو ہیئتہ داخل اولوب اولیہ جغنی دہ تعین ایدلہمشدی . ایٹالیادہ اوچ ویا ایکی قراللقمی بولنہ جق ؛ پاپانک موقعی ، صفتی نہ اولہ جق ؛ بو بابدہ افکار و حسیات براز قاریشیق و مبہم ایدی ؛ لکن ایکی نقطہدہ ائتلاف حاصل اولیوردی : ۱ ، ایٹالیا اجنبیلردن کنڈیسنی قوررتار-ملیدر ؛ ۲ ، ایٹالیا کنڈی اتحادینی بالذات وجودہ کتیرہ جک درجہدہ قوتلیدر . (ساردنیا) قرالی (شارل آلبر) اتحادہ نصل چالیشہ جغنی بر جملہ ایلہ تعریف و ایضاح ایتدی ؛ وکلادن بری ایٹالیانک نصل جرکت ایدہ جکینی صوردیفنی زمان : « ایٹالیا یالکز باشنہ حرکت ایدہ جکدر . » جوانی ویردی .

۱۸۴۶ سنہسندن اعتباراً حرکات ملیہ اوچ حکمدار ، یعنی پاپا ، (طوسقانه) غرانڈو - قہسی ، (ساردنیا) طرفدن تشویق و حمایہ ایدلی . ۱۸۴۶ دہ پاپا اون آلتنجی (غرہ غوار) ک وفاتی اوزرینہ ، اجنبی قاردیناللرک ورودینہ انتظار ایدلہدن ، عجلہ اجتماع ایدن مجلس روحانی حکومت مطلقہ و آوستریا فرقهسنک نامزدی اولان قاردینال (لامبروشینی) پی رد ورومالیلر فرقهسنک نامزدی بولسان (ایمولا Imola) بسقبوسی (ماستائی) پی انتخاب ایتدی . (پی) لقیسلہ یاد اولسان بو بسقبوس طقوزنجی (پی) نامیلہ بابلق مقامنہ قعود ایدلی . پاپا طقوزنجی (پی) آوستریاہہ رغماً انتخاب ایدلمش

(پیه‌مونت) ده، ۱۸۴۴ ده (ناپولی) ده وقوع بولان تشبثاتی نتیجه‌سز سوؤقصدلردن بشقه بر نمره ویرمدی [*]

ریسور مپیمتور — فون و ادبیات عالنده ایتالیا اتحادینی صلحاً وجوده کتیرمک ایچون بر فکر حاصل اولدی. ۱۸۳۹ دن اعتباراً هر سنه، (آلمانیا) بی تقلیداً، (پیزا، تورن، فلورانس، پادو) شهرلرندن برنده اجتماع ایدن علوم طبیعیه متخصصلری قونقره-لرینک بو فکرک حصولنه سبب اولسی محتملدر. وسائط مسالمتپرورانه ایله ایتالیا اتحادینی وجوده کتیرمک فکری بعض آثار سیاسی سایه‌سنده بردن بره ظاهره چیقیدی؛ بو آثار ایتالیانک هر طرفنده اوقونیور و سیاسی بیاناملر درجه‌سنده بیوک بر تاثیر حاصل ایدیوردی.

۱۸۳۱ سنه‌سنده فرانسه‌یه‌التجا ایتیمش اولان (جیو برتی Gioberti) اسمنده بر راهب و آلمیات متخصصی ۱۸۴۳ ده (Primato morale civile degli Italiani) نامیله بر اثر نشر ایتدی. بو کتابده مدافعه اولنان فکر شو صورتله خلاصه ایدیله بیلیر: جناب حقیق مرکز انسانیت اولسنی تقدیر بیوردینی ایتالیا، بو موقع ممتازینی تکرار الده ایتک ایچون قوای کافییه مالکدر؛ بونک ایچونده (پایا) نک اداره‌سی آلتنده حصول اتحاده چالیشمق کافیدر. اتحاد وجوده کلنجه پایا هم ایتالیانک، همده بتون دنیانک رئیس اولور. (ماکیاوهل Machiavel) زمانندن بری ایتالیانلر (پایا) بی حصول اتحاده مانع عد ایدیورلردی؛ (جیوبرتی) ایسه پایالق مقامنی مرکز اتحاد اولمق اوزره کوستریوردی. فقط (جزویت) لری پایانک موقعنی لکهدار ایتمکله اتهام ایلوردی. [بونلر علیهنه «یکي جزویت» نامیله بر کتاب یازمشدر].

(قونت بالبو comte Balbo) ۱۸۴۴ سنه‌سنده نشر ایتدیکی (Speranze d'Italia) یعنی (ایتالیانک آتیمی) نامنده کی اثرنده ایتالیانلرک نائل استقلال اولملرینه مانع اولان سیاتنی تعداد و بونلری اصلاح چارلرینی ارانه ایتدی.

مؤلف (م. د. اچلیو M. d'Azeglio) ۱۸۴۶ سنه‌سنده نشر ایلدیکی (رومانی‌ده

[*] ۱۸۳۷ سنه‌سنده قولرا علی اجرایی تخریبات ایتدیکی صرده (سیچلیا) ده وقوعه کلن قتالر اسباب سیاسیهدن ایلری کله‌مشدی: اهالی زهرلیمش اولدقلرینه ذاهب اوله‌رق شبهه ایتدکری اشخاصی اولدیریوردی. (ناپولی) حکومتی بوندن بالاستفاده (سیچلیا) لیلرک کندی کندیلرینی اداره‌دن عاجز بولندقلرینی اعلان و ملکی و روحانی مأموریتلرک سیچلیالره تفویضی متضمن اولان ۱۸۱۶ امرنامه‌لرینی فسخ ایتدی. بوندن سوکره (سیچلیا) لیلر ایله (ناپولی) لیلر آره‌سنده هیچ بر فرق قالدی.

اداره اولندی . ۱۸۳۶ ده ۱,۷۸۰,۰۰۰ نفوسه مقابل ۱۰,۰۰۰ راهب ، ۳۲۳۴ مناستر
راهبی . ۴۱۷۲ راهبه موجود ایدی .

ماچینی و جمهوریت فرقه‌سی . — ۱۸۳۱ سنه‌سنه قدر طرز اداره حکومتدن
ممنون اولیانلر اوتوده بریده عصیانلر ترتیب ایتشلر، فقط مشترک بر پروگرامه توفیقاً
حرکت ایتمه مشلر ایدی . سنه مذکورده دن صکره بتون ایتالیا نلرک مشترکاً حرکت ایتلرینی
تأمین ایچون بعض تشبثات وقوع بولمغه باشلادی .

ایلك تشبث (ماچینی Mazzini) طرفندن وقوعه کلدی . (جنوه) لی بر دعوی
وکیلی اولان (ماچینی) ساردنیا قرانلک دشمنی ایدی [ذاتاً جنوه لیلر بیه مونتسه لی بر
حکمدارک تبمه‌سی اولمغه بردرلو راضی اولما مشلردی] . ۱۸۰۸ ده تولد ایتش ، ۱۸۳۱ ده
فرانسه یه التجایه مجبور اوله رق مسلك انقلابچویانه‌سنی تبدیله مجبور اولمشدی . ملك
اجنبیه‌ده بولندیفی مدتجه ایتالیا‌ده کی حرکات احرارانه‌یی اداره ایتدی و ایتالیا اتحادینی
تأمین ایچون بر جمهوریت تأسیس ایلمک مقصدیله حرکته باشلادی . ۱۸۳۱ ده (کنج
ایتالیا) نامنده کی جمعیت خفیه‌یی تشکیل ایلدی و بو جمعیته قرق باشندن دون کیمسه لردن
ماعدا هیچ بر شخصی قبول ایتدی . بعده پروگرامنی براز دها توسیع ایدرک اقوام
مختلفه‌یی حکومات مطلقه‌دن قورتارمق و هر یرده جمهوریت تأسیس و حاکمیت عامه قاعده‌سنی
تطبیق ایتک ایچون (کنج روما) نامیله بر جمعیت تأسیس ایتدی؛ هر قوم بر جمهوریت
تأسیس ایده‌جک و بو جمهوریتلر رابطه‌ اخوت ایله بر برلرینه مربوط بولنه‌جق ایدی .
(کنج اورویا) جمعیتده هر مملکت بر شعبه‌یی تشکیل ایدیور و هیئت مجموعه‌سی بر جمعیت
مرکزیه طرفندن اداره اولنیوردی . [۱۸۴۴ سنه‌سنده بو جمعیتک کنج ایتالیا، کنج
آلمانیا و سنه مذکورده دن صوکره کنج اسویچره، کنج اسپانیا نامیله شعبه‌لری وار
ایدی] .

(ماچینی) کلیسایه دشمندی، یالکز اللهک وجود و وحدانیتنه اعتقاد ایدرک خرسیتیان
مذهبنک ارکاننی قبول ایتمین بر متصوف ایدی . مسلکنی شوکلر ایله افاده ایدیوردی :
«حریت ، مساوات ، انسانیت ، بر الله ، بر حکمدار ، قانون آلهی» . کنج ایتالیا
جمعیتی اعضاسی قانون شناس ، طبیب ، معلم ، ضابط لئی حال ووقتی یرنده صنوف
اهالیدن مرکب ایدی ؛ بو جمعیت، انقلاب پرور بر جمهوریت فرقه‌سی ایدی ؛ (قاربو -
ناری) لره دشمندی ، فقط بونلر کی حرکت ایدرک اوتوده بریده عصیانلر
و حکمدارلر ایله خائنلر علیه‌نہ سوء قصدلر ترتیب ایدردی . جمعیتک ۱۸۳۴ ده

حکومتی صنف روحانی به منسوب اولیانرله تقسیم ایتک ایسته میورلردی ؛ مجالس اعضاسنک انتخابی و صنف روحانی به منسوب اولیانلردن مرکب بر شورای حکومت تشکیلی اتفاق آرا ایله رد ایتدیلر . یالکز (پایا) طرفدن تبیین اولغش بلدیہ مجلسلرینی احداث ایدیلر ؛ ولایت مجلسلری اعضاسی تعدیل قوانین ایچون استدعا و یرمک حقندن بیله محروم ایدیلر . امور مالیه مجالس روحانیه تحت اداره سنده قالدی ؛ مملکت ینه رهبان طرفندن اداره اولنور ، درت بیوک ولایتده (لهغا Legat) ، یعنی « پایانک وکیلی » عنوانی حائز درت (قاردینال) و دیگر اون یدی ولایتده (ده لهغامو نسیئوری délégués Mousignori) دنیلن « قاردینال وکیلری » بولمقده ایدی .

اوستریا اردوسی چکیلدیکی زمان احرار عساکر ملیه طابورلری تشکیل ایدیلر ؛ انضباط و انتظام تامدن محروم اولان (پایا) عسکرلری کندی حالنده کچین اهالی بی یغما ایتدیلر ؛ (پایا) نک وکیلی اوستریالیلری دعوت ایلدی ، بو دفعه اوستریالیلر مملکتک منجیسی کی آلقیشلرله استقبال ایدیلر . فرانسه حکومتی اوستریالیلرینه مداخله ایدرلر ایسه تأمینات مقامنده اوله زرق لیانلردن برینی اشغال ایده جکنی بیان ایلمشدی ؛ بونک ایچون (آنقون) ه فرانسه عسکری کونلردی [۱۸۳۲] . فقط بوتدیر ، صرف نمایشدن عبارت قالدی ؛ (پایا) شهری استرداد ایتدی و فرانسه عساکر محافظه سی ۱۸۳۸ سنه سنه قدر ایچ قلعه ده قالدی .

(پایا) حکومتی ناخشنودلری تأدیب ایچون اسویچره لیلردن مرکب ایکی آلائی عسکری آیلق ایله و یکرمی سنه مدتله خدمته آلدی و (سانفهدیست) جمعیتلری افرادینی کوکلو عسکر اولغه تشویق ایتدی ؛ ۱۸۳۲ ده اوتوز قوماندانک تحت اداره سنده ۳۰،۰۰۰ کوکلو عسکر یازلدی : بونلر کلیسا ریسی ایچون جان و ماللرینی فدا ایده جکلر- ینه یمین و احراری تحت ترصدده بولند بره رق ضابطه و وظیفه منی ایفا ایتکی تمهد ایلنوردلری . پایا اون دردنجی (غره غوار) بر حکمداردن زیاده آلهیات متخصی اولدیغندن امور حکومتی اداره مطلقه طرفدارلردن جنومی (لامبروشینی Lambruchini) اسمنده کی ناظرینه ترک ایتدی .

(طوسقانه) ده انقلاب اولدی ، ایتالیان حکومتندن اداره مطلقه بی اک خفیف صورتده تطبیق ایدن حکومت بو دوقلق ایدی ؛ حتی (طوسقانه) غراندوققه فی فراریلره ملجاء اولدی . ۱۸۳۱ ده بعض کنجلر بر جمعیت تشکیل ایدرک غراندوققه دن قانون اساسی ایسته مک ایچون (فلورانسه) تیا روسه کیمکی قرارلشدریدیلر ، فقط بو قراری موقع تطبیقه وضعه جسارت ایده مدیلر . مملکت بر اداره مطلقه بدرانه آلتنده

قورتولق ایستہ نیوردی . بو ایشدن خبردار اولان (مودہنا) دوقہسی عصائی ، ریسلری (مہنوتی Menotti) نك خانہسندہ توقیف و بونلری اعدام ایچون جلادی دعوت ایتدیردی .

بوتک اوزرینہ کلیسا حکوماتی داخلندہ بولنان انقلاب طرفدارلری اولا (بولونیا)ده، بعدہ (رومانی) نك دیگر شهرلرنده ، (اومبریا Ombrie) ده ، (مارش) ده ، الحاصل (سن پیر) دائرہ روحانیہسی مستثنا اولق اوزره هر یرده عصیان و عسا کر ملیہ طابولر، تشکیل ایتدیلر ؛ بعدہ زادکاندن ، اطسادن ، دعوی وکیللرندن مرکب حکومت موقته تأسیس ایلدیلر . محاربه وقوعه کلدی : چونکه صنف روحانیہ منسوب اولیان بتون اهالی ، حتی عسکرلر مأمورین روحانیہدن قورتولق ایچون متفق ایلدیلر . (بولونیا) ده اجتماع ایدن مبعوثلر « پاپانک حکومت جسمانیہسنگ تحت تحکمندن تاملیہ قورتولق و بر حکومت شکلندہ اتحاد ایتمک » خصوصنی بلا مذا کره قبول ایتدکن صکره پاپانک ادارهسی علیہنه بر بیاننامہ نشر و بر رئیس ایله یدی ناظردن مرکب بر حکومت مرکزیہ تشکیل ایتدیلر .

(پارمه) دوقه لغندہ ، (مودہنا) ده بلا محاربه بر حکومت موقته تأسیس ایتدی : بو حکومت (قونسول) نامنی آلان اوج ناظر ایله بر « دیققاتور » دن مرکبیدی .

عصات فرانسه دن معاونت کوره جکلرینی امید ایدیورلردی . فقط (لوئی فیلیپ) محاربه ایستہ میوردی . اوستریا اردوسی (رومانی) نی اشغال ایتدی ؛ عاصیلر بر (قاردینال) ایله مذا کره یه کیریشهرک عفو عمومی و عدینی استحصال ایتدکن صکره عرض مطاوعت ایلدیلر [مارت ۱۸۳۱] . « مودہنا » دوقہسی ده اوستریالیر واسطه سیله مقامنه کتیرلدی . - اوروپا دولتلیرنک مرخصلری (قونفرانس) حالندہ عقد اجتماع ایدرک (پایا) یه کوندردکلری بر مخطرده یکی بر انقلابه مانع اولق ایچون اصلاحات اجراسنی توصیه ایتدیلر . اوروپا دولتلی شو اساسی وضع ایدیورلردی : اولاً ، یانکز عصیان ایدن ولایاتده دکل ، (روما) ده دخی اصلاحات یایمق ؛ ثانیاً ، صنف روحانیہ منسوب اولیانلری محاکم و اداره مأموریتلرینہ قبول ایتمک ؛ نواحیده اهالی طرفندن منتخب مجالس بلدیہ تشکیل و امور مالیہی تنظیم ایچون صنف روحانیہ منسوب اولیان اعضاءن مرکب بر شورای حکومت تأسیس ایلمک . - بو مخطره ، بالخاصه رهبانک تحت اداره سندہ بولمقدن حدتلنن اهلینک شکایاتنه بر جواب مقامندہ ایدی . پایا اون آلتنجی (غره غوار) بر اصلاحات لایحهسی حاضرلندی ؛ فقط (قاردینال) لر

ایدیلبرگ (اسپیلبرگ Spielberg) قامه سنه حبس اولئدیلهر ؛ بالاخره صورت توقیفی مبین اثریله اشتهار ایدن (سیلیویو پهلوقو Silvio Pellico) دخی بومیانده ایدی . — ۱۸۲۱ سنه سنده دیگر بر عصیان ترتیباتی دخی بر چوق محکومیتلر ایله نتیجه لندی . (ناپولی) احراری ایله بر لکده حرکت ایدن (موده نا) دوقه لغی داخنده کی حریت پروران ایچون بر انجمن فوق العاده تشکیل ایدلدی ؛ قرق یدی کشی محکوم اولدی .

۱۸۳۱ انقلابی — انقلابات عسکرینه تک نتیجه سز قالمسی اوزرینه (ایتالیا) ده هر درلوح حرکت سیاسی منقطع اولدی [۱۸۲۷ سنه سنده ناپولی قرالغی داخنده «قاربوناری» لر طرفدن ترتیب ایدیلن عصیان مستثنا] . کلیسا حکومانه سیاست مسالمتجویانه طرفداری اولان بابا یدنجی (پی Pie) ایله رئیس نظاری (قونسالوی Consalvi) ۱۸۲۳ و ۱۸۲۴ سنه لرنده وفات ایتملری اوزرینه ؛ پالقی مقامه قعود ایدن اون ایکنجی (لئون) حکومت مطلقه تک اعاده سنی تأمین ایدر بر سیاست مخصوصه اتخاذ ایتدی . [۱۸۲۴ — ۱۸۲۹] . حقوق مدینه ده کلیسا قانونلرینک مرعیتی و محاکمه لاینجه تک استعمالی اصولنی اعاده . تدریسیاتی (جزویت) لرک زیر اداره سنه تودیع ، (قاربوناری) لر علیهنه تعقیماً قانونیه اجراسنی امر ایدلی . (قاربوناری) لر حبس و یا نفی ، یا خود (پره چه تنو پولیتوقو precetto politico) ، یعنی کیجه لری سواقغه چیقمقدن منع ایدلمک و هر اون بش کونده بر ضابطه اداره سنده اثبات وجوده و هر آی پاپس حضورنده گناه چیقارمغه مجبور اولمق شرطیله بر شهرده اقامت ایتمک جزاسنه محکوم اولدیلهر . تبعه ، جمعیت خفیه اعضاسنی اخباره مجبور ایدی ؛ بیلوبده اخبار ایتمیلره کورک جزاسی ویریلیدی .

شمدی به قدر انقلاب وقوعه کلین حکومتلر داخنده واک ضعیف اولان حکومتلره قارشی ۱۸۳۰ سنه سی اواخرنده (موده نا) ، (پارمه) و کلیسا حکومتلرنده یکی بر حرکت انقلابیه مشاهده ایدلدی . بو دفعه فرانسه انقلابی نمونه اتخاذ اولتمشدی . فرانسه ده اولدینگی کبی شهرلر اهالیسی قانون اساسی استحصال ایتمک ، عساکر ملیه طابورلری تأسیس ایتدیرمک و سربستیء ، مطبوعاتی تأمین ایللمک ایچون قیام ایتدیلهر . ایتالیان ملتجیلری جمعیتی ۱۸۳۰ ده وفات ایدن سکرنجی (پی) تک خلفی هنوز تعیین ایدلمه سنندن استفاده ایچون کلیسا حکومتی داخنده بر عصیان حاضرلمقده ایدیلر ؛ عصیانندن مقصدنه اولدینگی لایقیله تعیین اولنمامشدی . (ژهروم بوناپارت Jérôme Bonaparte) ک ویا (اوژن بوهارنه Eugène Beauharnais) تک اوغلارندن برینک روما قرالی اعلان اولنه جفندن بحث اولنیور [لوئی ناپولئون بو تصورک مرتبلر — ندن ایدی] ، فقط هر شیدن اول راهلر ایله (سان فدیست) لرک حکومتلندن

دشمنی اولدیغی ایچون قانون اساسینک قبولنی صورت قداعیده فسخ ، صادق قالان تبعه سنی مقاومه دعوت و روسیه چارندن امداد طلب ایتدی . چار (آلکساندر) یوز بیك کشیک بر اردونک حرکتی ایچون امر ویردی . اوستریا اردوسی ذاتاً حدود اوزرنده ایدی . قرال نامه استغفایه دعوت ایدیلن (سانتاروزا) قرالک اوستریالیلر انده اسیر اولدیغنی بیان واردو ایله مکانب عالیه طلبه سنی (لومباردیا) یه سوق ایتدی . احرار اردوسی (نوواره Novare) جوارنده اوستریالیلره راست کلاسی و کوچک بر محاربه بی متماقب طاغیلدی . رؤسا (جنوه) یه ، بعده ممالک اجنبیه قاجدیلر ؛ تشکک ایدن بر انجمن مخصوص ۱۷۸ متهمی اعداهه محکوم ایتدی ، ۲۲۰ ضابط عزل ایدلدی ؛ ایکی دارالفنون بر سنه مدته قیادلدی . (مترنیخ) پرنس (دوقارینیان) ه جزا اولوق اوزره (ساردنیا) تاج حکمداریسنده کی حقوقدن ساقط اولدیغنی اعلان و بونک یرینه (موده نا) ده کی اوستریالی (دوقه) بی تعیینه تشبث ایتدی . فقط فرانسه حکومتی پرنسک طرفنی التزام ایلدیکندن کندیسنی (اسپانیا) احرارینه قارشى سوق ایدیلن فرانسر اردوسیله برلکده کیتمهک ، عادتاً توبه واستغفاره مجبور ایتمهکله اکتفا ایلدیلر ؛ بعده هیج بر زمان قانون اساسی ویرمه جکنه دائر پرنسدن وعد آلدیلر . ۱۸۳۱ ده (شارل فلیکس) ک وفاتی اوزرینه خاندان حکمدارینک اکبر اولاد شعبه سندن کیمسه قالمدیغنی جهته پرنس (دوقارینیان) ، (شارل آلبر) عنوانیه قرال اولدی .

(میلان) شهرنده دخی اوستریالیلره قارشى عصیان ترتیباتی وار ایدی . (لومباردیا - وندیك) قرالغی «خدیو» عنوانی حائز اولان اوستریالی (آرشیدوق ره یه archiduc Rainier) نک تحت اداره سنده ایدی ؛ حکومت مأمورلری قسماً ایتالیاندی ؛ ایتالیان معتبرانندن مرکب مجالس اداره دخی بولتمقده ایدی . [بو مجلسلره «قونفره غاسیون congrégation» نامی ویریلوب ایکسی (لومباردیا) و (وندیک) ه ، اون یدیمی ولایاته عائد ایدی] . مترنیخ ، ۱۸۱۷ سنه سنده ، (لومباردیا - وندیك) قرالغنک بر آلمان ولایتی کی اداره ایدلمک ایستیلمدیکنی اثبات ایتک ایچون ایتالیانلردن مأمور انتخاب اولنمسی توصیه ایتشدی . فقط احرار ، محاکمه (ژوری) دنیلن هیئت عدول اصولنی و محاکمات علنییه یه الغا ایدن اوستریا قوانین و نظاماتندن ، مکتوبلری آچان و شبهه لی کیمسه لرك احوالی خفیه لر واسطه سیله تفتیش ایدن ضابطه خفیه دن ، ۱۸۱۹ ده (قونسی لیا توره Cot ciliatore) نامنده کی احرار غزته سنی الغا ایدن (سانسور) دن ممنون دکلدیلر . صنف متوسط اهالی یه منسوب کنج لردن مرکب اولان بعض احرار ۱۸۲۰ سنه سنده (میلان) ده عصیان ایتدیلر . بونلردن اون اوچی توقیف ، اعداهه محکوم ، بعده عفو

و انقلاب پرورانك تضییقه تشكلی ایدن حكومتته نهایت ویرمك ایچون اوروپا دولترلی نامنه کوندریلن ۵۰,۰۰۰ كشیك بر اردو ایله مملكتته عودت ایلدی .

(ناپولی) حكومتی ایکی كوچك اردو جمع ایلدی ؛ فقط (ریهتی Rieti) ده وقوعه كلن ایلک مصادمهده (ناپولی) عسكری بوزولدی ، اوستریالیلر بتون قرالغی بلا مقاومت اشغال ایتدیلر . موقع اقتداره كچن حكومات مطلقه فرقهسی (قاربوناری) لرك علاماتی طاشیانیلر ، سلاجلینی محافظه ایدنلر ایچون اعدام جزاسی ویردی . بونك اوزرینه بر چوق چوق زمان درلودرلو افشآت ، اهانات وقوعه كلدی ، دعوالر ، محاکمه لر آچیلدی . برچوق احرار اعداوه ویا كوركه محكوم اولدیلر ؛ بعضلری قیرلرده اتلاف ایدلیر ، بعضلری ممالك اجنبیهه قاچدیلر . قرال ، یکی بر انقلاب عسكری وقوعنی منع ایچون ، ۱۸۲۶ سنه - سنده اسویچره (قانتون) لری ایله عقد ایتدیکی بر مقاوله نامه موجنبه اسویچره لی عسكردن مركب دوت آلابی آیلقه معینه آلدی .

(ساردنیا) قرالغی داخنده عصیان ، (آلكساندری Alexandrie) شهرنده كی ضابطه قیامی ایله باشلادی [۱۰ مارت ۱۸۲۱] . بو عصیان یالكز استحصال حریت مقصدیه وقوعه كله مشدی ، عین زمانده بر « قیام ملی » ایدی . عاصیلر ، (ناپولی) ده اولدیغی كبی ، اسپانیا قانون اساسیسه یمین ایتدیلر ؛ فضا اوله رق یشیل - بیاض - قیرمزیدن مركب اوچ رنگلی ایتالیان باراغنی قبول و ایتالیا قرالغك تأسسنی و بتون ایتالیان ملتك بو قرالغه دخولنی اعلان ایدیلر ، عصاتك باشلیجه رئیس اولان (قونت دوسانتا روزا comte de Santa Roca) قرال ایله مملكتی اوستریالیلردن قورتاره جقلمی (ناپولی) ده حریتك استردادینه مانع اوله جقلمی اعلان ایتدی . عاصیلر (قاربوناری) - لردن اولدیغی وعصیان ترتیباتندن خبردار بولندیغی روایت ایدیلن پرنس (شارل آلبر دو قارینیان Charles - Albert de Carignan) . كووه نیورلردی . - (تورهن) عساكر محافظه سی ده عصیان ایدرك قرال قانون اساسی بی قبول ایتدیکی تقدیرده شهری طوبه طوته جقلمی بیلدیردیلر .

قرال (ویکتور امانوئل Victor - Emmanuel) او اثناده (مودهنا) ده بولنان برادرینه ترك حكومتی ترجیح ایتدی . خلفك مواصلته قدر پرنس (دو قارینیان) ی نایب تعیین ایلدی . پرنس ، قانون اساسی بی اعلان واحكامنه رعایت ایله جگنه یمین ایتدكدن صكره شورای امت انتخاباتنه انتظاراً حكومتی یکی تشكلی ایدن « فوق العاده شورای حكومت » ویردی ؛ (سانتاروزا) حربیه ناظری اولدی . فقط یکی قرال (شارل فلیكس Charles - Félix) حكومت ، طلقه طرفداری و پرنس (دو قارینیان) ك

جناب حقندن استعانه ایله شو سوزلری علاوه ایلدی: « یاربی! اکر بن یالان سویلیور -
 سم، یمینی بوزارسم صاعقه انتقامک ایله بنی قهر ایت! » بو قانون اساسی فرانسز -
 لرك ۱۷۹۱ قانون اساسیسه مشابه و حاکمیت عامه اساسه مستند ایدی . قوه قانونیه یالکز
 مجلس مبعوثاندن عبارت شورای امته ویرلمشدی . قرال قانون اساسی یی شورای امته
 تعدیل ایتدیره بیلردی . شورای امت اعضای انتخاب ایدیلرک (ناپولی) ده اجتماع
 ایتدی ؛ اکثریت ، قانون اساسی یی فرانسه حکومتته قبول ایتدیره بیلرک صورتله
 تعدیلات اجراسنه حاضر ایدی . فقط (قاربوناری) لر بتون عسکری آیلرند
 شعبه احداث ایتمشلر ، ولایات مرخصلرندن مرکب اولق اوزره (ناپولی) ده بر مجلس
 عمومی طوبیلامشدر ایدی ؛ حکومتی نفوذلری آلتنه آلمشدر ، ضابطه یی الده ایتمشدر ،
 اخذ عسکر معاملاتی اداره ایتمکه بولتمشدردی . شورای امته کی طرفدارلری قانون
 اساسینک موقع مذاکره وضعنه مانع اولدیلر .

(سیچلیا) ده (پالمو) عصاتی اول امرده (ناپولی) خاندان حکمداریسندن
 بر پرنسک زیر اداره سنده اولهرق مستقل بر حکومت طلب ایتمشلردی ؛ بو صورتله
 (سیچلیا) و (ناپولی) حکومتلری آره سنده حکمدارلرک مناسبات و قرابت شخصیه لرندن
 ماعدا بر رابطه بولنیه جق ایدی . فقط (سیچلیا) لیلر (ناپولی) شورای امته مبعوث
 کوندرمشلردی ؛ (پالمو) اهالیسی ده قتال و یغمادن قورقهرق نهایت (ناپولی)
 حکومتی قبول ایتدیلر .

اوستریا حکومتی (ناپولی) انقلابی بر طرف ایتک وظیفه سنی درعهده ایلدی .
 (ناپولی) قراله اوستریا حکومتک تشکیلاتنه توافقی ایتین هر درلو اصول اداره یی کندی
 قرالغی داخلسنده موقع تطبیقه وضع ایتیه جکنه دائر ۱۸۱۵ ده واقع اولان تعهدینی
 اخطار ایدرک قانون اساسی یی تصدیقندن امتناع ایتدی . اصول اداره قدییه یی یکیدن
 تأسیس ایچون (ناپولی) به بر اردو کوندرمه حاضرلندی . روسیه چاری ایله فرانسه
 حکومتی براز تردددن صکره قانون اساسی علیه نه بر مسلک اتخاذ ایتدیلر ؛ (مترنیخ)
 بوفرستدن بالاستفاده انقلاب ظهور ایدن مملکتلره مداخله ایدلمسی نظریه سنی وضع ایلدی .
 (تروپاو Troppau) ده اجتماع ایدن دول معظمه مرخصلری (لایباخ) ه کیدرک
 (ناپولی) قرالی کندی حکومتته عائد اموری معاهدات موجوده احکامنه توفیقاً رؤیت
 ایچون شهر مذکوره دعوت ایتدیلر .

قرال (فردیاند) قانون اساسی احکامی لهنده اداره لسان ایده جکنه دائر شورای
 امته یمین ایتدکدن صکره (لایباخ) ه کیتدی ؛ (ناپولی) قرالغی اشغال ایتمک

صنوف اهالیدن ، یعنی حکومت ره‌بانه خصم اولان صنف متوسط اهالی احراری ایله حکومت مطلقه قدیمه‌نك اعاده‌سندن نمون اولیان ضابطاندن سر‌کدی ؛ هر ایکس‌نك تشکیلاتی بر ایدی . احتمال که هم (قاربوناری) ، هم ده فارماسون اولان بعض رؤسا واسطه‌سیله بو ایکی جمعیتک یکدیگره مناسبتی وار ایدی [*] . هر ایکی جمعیت حکومت‌ترجه تعقیب و (پایا) طرفدن محکوم ایدلدی . اداره مطلقه طرفدارلری بونوره مقابل بر طاقم جمعیتلر تأسیس ایتدیلر : (ناپولی) ضبطیه ناظری طرفدن ۱۸۱۶ سنه‌سنده تشکیل ایدیلن (قالد‌راری calderari) ایله کلیسا حکومت‌نده تأسیس اولنان (سان فهدیست sanfedistes) جمعیتلری بو قیلدن ایدی . بربرینه رقیب جمعیتلر بر چوق اهانتلر ، جنایتلر ایله بربری علیهنده بولنورلردی . بو منازعاتک ، مجادلانک صحیح بر صورتده تاریخچه‌سنی یازمق ممکن دکلدرد .

حقیقت حالده ایتالیان انقلاب‌پرورلری کندیلرینه مخصوص بر حرکت احرارانده بولنماملر ؛ ممالک اجنبیه ده کوردکلری مثالله تقلیداً بعض انقلابات وجوده کتیرمشر؛ پروغراملرینی دائماً ممالک اجنبیه‌دن اخذ و اقتباس ایل‌مشردر .

ایتالیان انقلاب‌پرورانی (اسپانیا) نك ۱۸۲۰ انقلابی نمونه اتخاذ ایتدیلر . ۱۸۲۰ده (ناپولی) ده، ۱۸۲۱ ده (پیه‌مونت) ده وقوعه کلن انقلابلر (اسپانیا) نك انقلابات عسکریه‌سندن فرقلی دکلدی .

(ناپولی) ده پك چوق ضابطان (مورا) اردوسنده خدمت ایت‌مشرلردی ؛ (مورا طرفدارانی muratistes) دنیلن بو ضابطان حکومتی کندیلرینی ترفیع رتبه‌دن محروم بر اقمقله اتهام و قانون اساسی طلب ایدیورلردی . ضابطانک بر چوغی (قاربوناری) اولقله برابر حکومت علیهنده بر سوء قصد وقوعه کلدی ؛ چونکه رؤسا عمومی بر قیامه جسارت ایده‌میورلردی . انقلاب ، ایکی سواری ملازم‌نایسنك معیتلرنده‌کی افرادی آل‌ه‌رق : « ی‌شاسون قرال و قانون اساسی ! » ندالریله (ناپولی) یه طوغری کوتورملری اوزرینه باشلادی . (قاربوناری) لر افراد عاصیه ایله برلکده حرکت ایتدیلر ، عسکرلر بونلری توقیف ایتدیلر . قرال قورقدی ، کندی آرزو و اختیاریله بر قانون اساسی ویردیکنی بیله‌یردی . یکی بر قانون اساسی تنظیم‌نه وقت بولنه‌مدی ، « اسپانیا قانون اساسیمی » قبول و تصدیق ایدلدی . قرال قانون اساسی‌یه یمین ایتدی و کندی اختراع اولق اوزره

[*] بومناسبتی اثبات ایچون یازیلان وثائق - ازجه (ده‌شان Deschamps) نك (جمعیات خفیه و جمعیت بشریه L's sociétés secrètes et la société نامنده‌کی آری - یاوقاییدن پك چوق زمان صکره یازلمش، یاخود اعتماد اولنه‌می‌ه‌جق درجه‌ده شبه‌لی بعض شهودک قلمندن چیقمشدر .

(آلكساندر) ك حمايه ايتديكى (ساردنيا) قرالى اوستريا باش و كينك تكليفنى رد ايدرك بو تصورى عقيم بر اقديردى .

۱۸۱۵ سنه سندن صكره ايتاليانك حال و موقع سياسيسى شو اوج كله ايله . تعريف اولنه بيلير : انقسام ، اداره مطلقه ، اوسترياه محكوميت . ايتاليان وطنپروراني ، احرارى اتحاد مى و اداره مشروطه نك تاسسى ، اجانبك طرد و تبعيدنى ايسيتيورلردى . فقط بتون ايتاليانلرك مشتركاً حركت ايدى بيلملىرى آنجق اوتوز سنه صكره ممكن اوله بيلدى و اول امرده اوتوده بر طاقم انقلابات محليه وقوعه كلدى .

۱۸۲۰ و ۱۸۲۱ انقلابات عسكريسى — ايلك حركات احرارانه جمعيات خفيه ايله ضايطان طرفندن وقوعه كيتيلدى . ايتالياده فرانسزلرك استيلاسى زماننده دخى خفى جمعيتلر واردى . بونلر آره سنده اك زياده ابراز فعاليت ايدن (قاربونارا Carbonara) جمعيتى — اغلب احتمال — ۱۸۰۷ تاريخلرينه طوغرى (ناپولى) قراللىنى طاغلرنده تشكيل ايتمش و ايلك اعضاسى (قالابريا Calabre) كورجیلرندن عبارت بولنش ايدى . بو جمعيت فرانسزلرى طرد و اخراجه چاليشدى . جميتك منشأى حقنده كى معلومات ماصال قيلندن روايتدن عبارت ايسه ده تشكيلاقى معلومدر : (قاربونارى) لر ، (وانت Vente) دنيلن بر طاقم شعبه لردن مركبى ؛ بعض اسرارك تعليم و تلقينى معامه سندن صكره جميته قبول ايديلن اعضا رؤسانك اوامرينه اطاعت ايله جكلرينه يمين ايدرلردى ؛ (وانت) دنيلن شعبه لر (هوت وانت Haute Vente) ناميله بر شعبه مركزيه نك زير اداره سنده بر لشيرلردى . (قاربونارا) نك اصل مركزى (ناپولى) قراللىنى داخلنده ايدى ؛ ۱۸۱۶ دن صكره جميته ۶۰,۰۰۰ كشى داخل اولدينى و بونلر مياننده بولنان بر چوق حيدودلرك افعال جنايتكارانه لريله جمعيتى اعتباردن دوشوردكلرى روايت اولنور . افراد جمعيت پايا حكومتانده وبالخاصه (رومانى) ده ، ايتاليانك اوستريا اداره سنده بولنان طرفلرنده وبالخاصه (لومبارديا) ده دخى بك غلبه لك ايدى . حكومات مطلقه قديمه نك اعاده سندن صكره بونلرك غايه امللرى دكيشدى : آرتق اوسترياليرى ايتاليان طور ائغندن اخراج ايتك ، ايتاليا اتحادينى وجوده كيتيرمك ، اصول مشروطيتى تاسيس ايلمك ايسيتيورلردى ؛ فرانسزلرده اولكى كې دشمن دكل ، متفق نظريه باقيورلردى . ايتالياده (قاربونارا) جمعيتى كسب قوت ايتديكى صهرده (فارماسون) لق دخى ترقى ايديبوردى . بو ايكي جمعيت خفيه نك ماهيتلرى بر دكلدى : (قاربونارى) لر سلاح ايله بر انقلاب وقوعه كيتيرمكه حاضر ارباب اختلال اولدقلى حالده (فارماسون) لر آنجق بر مقصد انسانيتكارانه ايله حركت ايديبورلردى . فقط هر ايكيسنك اعضاسنده عين

سنه سنده دیگر حیدودلری ازمک ایچون بو چته به معاش تخصیص ایندی و صکره بر بوضویه دوشوره رک بتون چته افرادینی اتلاف ایتدیردی .

آلمانیه اولدینی کبی ایتالیا دهده مقاملرینه اعاده اولنان حکمدار لر اصول قدیمه بی تماماً تأسیس ایتدیلر . انقلاب کبیرک موضوع اتندن زادکان امتیازاتنک [عنوان اصالت ایله برابر املاک و اراضی تملیکی ، ویرکولردن معفویت ، زادکانک اهالیء قرا آره سنده کی اختلافاتی حل و فصله صلاحیتدار اولسی] الغاسی ، مناستر لره عائد اراضینک اراضیء امیریه دن عد ایدلسی کبی تدابیری و امور ملکیه و مالیه عائد نظاماتی قبول ایتدیلر . اصل اعاده اولنان شی هیئت ره بانک حقوقی ایله ضابطهء سیاسیه ایدی . سرای ، ضابطه و هیئت ره بان واسطه سیاه ادارهء مطلقه اصولی تماماً اعاده ایدلمشدی [*] . ایتالیا نک صنف متوسط اهالیسی آره سنده و بالخاصه (میلان) ، (ناپولی) و (رومانی Romagne) ده خیلجه کترله بولنان احرار بو اصولدن هیچ ممنون اولیوب نفوذ ره باندن آزاده بر حکومت مشروطهء احرارانه نک تأسیسنی طلب و تمنی ایدیور لردی . (ویانه) مؤتمری مقرراتی دخی ایتالیا نلرک حسیات مله لرینی جریحه دار ایدیور لردی . (مترنیخ) بو قونفره ده آلمانیا اموری ایچون اولدینی کبی ایتالیا ایشلری ایچون ده بر انجمن تشکیله موافقت ایتمه مش ؛ آلمانیا بر هیئت حکومت اولدینی حالده ایتالیا نک بالعکس « یالکز بر نام جغرافی آلتنده برلشمش حکومت مستقده دن بشقه بر شی اولدینی » ادعا ایلمش ایدی . بنا برین ایتالیا نک موقع رسمیمی حال انقسامده بولنق ایدی . حال انقسامده بولنان بو ایتالیا ده اجرای حکومت ایدنلر اجنبی ایدی . (لومباردیا - ونیدک) قرالغنی اوستریا ایمپراطورینک ایدی ، بو حکمدار اجنبی کندی نامه اجرای حکومت ایچون (میلان) شهرینه بر اوستریالی (آرشیدوق) کوندریور لردی . (طوسقانه موده نا ، پاره) دوقه لریده اوستریالی ایدی .

ایتالیان اولان حکمدار لر اوزرنده بیله اوستریانک بیوک بر نفوذی وار ایدی . اوستریا ، (لومباردیا - ونیدک) قرالغنک اصول اداره سیله قابل توفیق اولیان طرز حکومتی وضع و تطبیق ایتمه سی ایچون (ناپولی) قرالنه اجرای نفوذ ایتمش ، بوباده قرالدن وعد ایش ایدی . حتی (مترنیخ) اوستریانک تحت نفوذنده اولق اوزره بتون ایتالیا ن حکمدار لردن مرکب بر هیئت متحده تشکیله تشبث ایتدی . فقط روسیه چاری

[*] بو اصول اداره بی پک یاقیندن کورن (استاندال Stendhal) نامه کی (مؤلف پاره

شارتروسی la Chartreuse de Parme) حکایهء مشهوره سی بونک تصویرینه حصر ایتمشدره .

طرفدن اصلاح ایدلیکی جهتله اصول اداره قدیمه نك فرانسز اصول اداره سندن اساسلی بر فرقی یوق ایدی .

کلیسا حکوماتنده ایسه اصول وعادات قدیمه تماماً اعاده اولندی . اداره ملکهنك یرینه اداره روحانیه قائم اولدی . پاپا ، (انکیزیسیون) ی وبتون مناسترلی [۱۸۲۴ ارکک و ۶۱۲ قادین مناسترینی] یکیدن تأسیس ایتدی . مملکت اون سکز ولایته تقسیم وهربر ولایت پاپانک وکیلی صفتنی حائر بر (قاردینال) ک زیر اداره سنه تودیع ایدلی . صنف روحانییه منسوب اولمیان مأمورلر عزل و تبدیل ، (ناپولئون) قانونی فسخ والفا اولندی . تلقیح جدری اصولی ایله (روما) سواقدرینک تنویری فرانسز عاداتندن عد ایدیلهرک قالدیرلدی . حکومت روحانیه جمعیات خفیه یی وبالخاصه (فارماسون) لری تعقیب ایله مشغول اولدی . فقط طاغلردن اینهرک روما جوارنده کی صیفیه لری بیله یغما ایدن حیدودلری اورتدن قالدیرمدی .

(ناپولی) قرالغنده قرال فرانسز موضوعات و مؤسسات سیاسیهنك اک مهملرینی محافظه ایتدی ؛ بصورتله زادکان امتیازاتنک الغاسی ، فرانسز حقوق مدنیه و جزائیهنسی ، نواحینک مأمورین حکومت طرفدن اداره سنی ، امور مالیهنك اصلاحی ، اخذ عسکر اصولنک وضعی کی تشکیلات جدیده اجتماعیه واداریه یه خلل کتیرمدی . فقط فرانسزلره او درجه خصومتی وار ایدی که فرانسزلر زماننده کشاد ایدلیکی ایچون (پوزیلپ Pausilipe) سواقغندن کچمک ایسته مدی ، « اجانبک دور استیلاسنده » استدار اولنان (پومپئی Pompeii) شهر قدیمی خرابهلرنده کی حفریاتی تعطیل ایتدیردی . کلیسا ایله بر استلافامه عقد ایدلی : املاک امیریه صره سنه کچن املاکی هیئت رهبانه اعاده ایتدی ، بتون مناسترلی تکرار آجدی [*] ، بسقوپوسلرک کافه سنی یکیدن تأسیس ایلمدی . ۱۸۰۶ ده بش ملیون نفوس ایچون ۱۳۲ بسقوپوسلق واردی ؛ (مورا) بونلری قرق اوچه ایندیرمشدی . ۱۸۱۸ سنه سنده پاپا ایله عقد ایدیلن متواله نامه موجبنجه ۱۹ سر بسقوپوسلق و ۶۶ بسقوپوسلق تأسیس ایدلی . حکومت ، قوانینی کیفی بر صورتده تطبیق ایتمکه اتهام اولیوردی . قرال ، حکمدار سابق (مورا) علیهنه محاربه ایدن حیدودلری عفو ایدیوردی . سواری حیدودلردن مرکب بر چته مملکتک هر طرفنه او درجه القای دهشت ایدلی که حکومت ۱۸۱۷

[*] ناپولی قرالغنی داخلنده کی رهبانک مقداری آتیده کی وجهله تخمین ایدیلور ، مع مافیه بو تخمین بر حساب قطعییه مستند بولنیور ایدی : ۱۸۰۶ : ۵۵ : ۴۷,۰۰۸ : راهب ، ۲۵۱,۰۰۰ . مناستر راهی ، ۲۶,۰۰۰ : راهبه . ۱۸۳۷ : ۵۵ : ۲۶,۰۰۰ : راهب . ۱۱,۴۰۰ : مناستر راهی ، ۹,۵۹۰ : راهبه .

بو کوچك حكومتلر بروجہ آتی ایدی : قدیم (جنوہ) جمہوریتی اراضیسیلہ توسیع ایدیلن (ساردنیا) قرالغی ؛ - اوستریا (آرشدوق) لرینہ اعادہ اولنان (طوسقانہ) و (مودہنا) دوقہلقلری ؛ - سابق فرانسہ ایمپراطوریچہسی (ماری لوئیز) ہ ویریلن (پارمہ) دوقہلقی ؛ - (لوک Luques) پرنسکی ؛ - کلیسا حکوماتی ؛ - (ناپولی) قرالغی .

(ناپولی) قرالغندہ بولنان (ناپولٹون) ک انشتہسی (مورا) اول امردہ بو حکومتدہ قالدی ایسہدہ بالآخرہ طرد و تبعید و معیتندن برینک اہاتیلہ دردست اولنہرق قورشونہ دیزلدی [۱۸۱۵] . اوستریا ، اولجہ کندیسندہ بولنان (میلان) ایاتنی استرداد و بوکا (ونڈیک) ایالتی دہ علاوہ ایدرک (لومباردیا - ونڈیک) قرالغنی تشکیل ایتدی [*] .

بو حکومتلرک کافہسی بر رئیسک ، بر حکمدارک تحت ادارہسندہ ایدی . مقاملرینہ اعادہ اولنان حکمدارلرک کافہسی حکمدار مطلق ایدی ؛ اصول ادارہ قدیمہیی اعادہ خصوصندہ تماماً سربست ایدیلر .

(ساردنیا) قرالی کلیسانک نفوذ قدیمی ، ہیئت رهبانک حقوق سابقہسنی اعادہ ، دیانہ مقدس عد ایدیلن شیلرہ رعایت ایتمنرہ اعدام جزاسی ویرن قانونلری یکیدن موقع تطبیقہ وضع ، سربستی مذاہبی الفا ، کتابلرک رهبان طرفندن تفتیش و معاینہسی اصولنی تکرار تاسیس و کلیسا املاکنی ینہ کلیسایہ اعطا ایتدی . دارالفنون ، بر انجمن تفتیش و معاینہنک تحت نظارتہ ویرلدی ؛ (مونتسکیو) کبی مؤلفینک آتاری مضر عد اولنہرق کتبخانہ عمومیدہ حبس ایدلدی . قرال ، فرانسہیہ اولان خصوصیتندن طولایی بیکلرچہ فرانسلرلی طرد و تبعید و فرانسلرک تاسیس ایتمش اولدقلری (تورہن) نباتات باغچہسنی تخریب ایتدیردی . (پو) نہری اوزرندهکی کوپری فرانسلر طرفندن یاسیلدینی ایچون قرال بونی دہ اورتہدن قالدیرمق ایستوردی ؛ بلدیہ مجلسی کوپرینک یانندہ بر کلیسا یابدیرمق ہیچ اولمازسہ بونی حکمدارک ید تخریبندن قورتاردی .

(مودہنا) دوقہسی ۱۷۷۱ قوانین قدیمہسنی تکرار موقع تطبیقہ وضع ایتدی و موسویلری تضیقہ باشلادی . - (طوسقانہ) دوقہسی مناسترلری یکیدن تاسیس ایتمکہ برابر بونلرہ مخصصات کافیہ اعطاسنی مناسب کورہرک اولجہ افرادہ فروخت اولنان مناسر املاکنی اصحابی یدندہ براقدی . (طوسقانہ) اون سکزنجی عصرده (لئوپولد)

[*] ۱۸۱۴ دہ باشلایان بو ترتیبات ۱۸۱۵ دہ (ناپولٹون) ک (الہ) آطہسندن عودتی متاقب تعدیل ایدلدی و آنجی ۱۸۱۷ سنہسندہ بر نتیجہ قطعہیہ اقتران ایتدی .

—○— اون برنجی باب —○—

ایتالیا

ایتالیاده مکرمانت قریب نیک اعاده تاسیسی — فرانسیز اردولری طرفندن ضبط ایدیلن ایتالیا اون بش سنه قدر اوج پارچه یه منقسم قالدی؛ بونلرک اوچی ده فرانسیز حکومتلرینک زیر اداره سنده بولندی: برنجیسی، (ناپولئون) ک اوکی اوغلی (بوهارنه Beauharnais) نک تحت اداره سنده بولان و (وندیک)، (میلان) ایالتلرندن مرکب اولان ایتالیا قراللیقی؛ ایکنجیسی، (ناپولئون) ک انشتهسی (مورا Murat) نک اجرای حکومت ایتدیکی (ناپولی)؛ اوچنجیسی، فرانسه ایمپراطورلغنه الحاق ایدلمش اولان (پیه مونت، جنوه، طوسقانه، پارمه، روما) حوالیسی. — ایکی ایتالیان خاندان حکمداریسی آطهره التجا ایتشلردی؛ یعنی (تورن Turin) سرانی (ساردنیا) یه، نابولیده کی (بوربون) خاندان حکمداریسی ده (سیچلیا) یه کچمکه مجبور اولمشلردی.

فرانسه ادارهسی ایتالیانلره استقلال میلیرینی تأمین ایتدکن بشقه بونلری غایت آغیر تکالیف عسکریه آلتنده ازیوردی؛ (ناپولئون) روسیه سفیرینه ایتالیا قراللغندن ۲۷۰۰۰ کشی کورتوردیکی حالده بونلردن آنجق بیکی مملکتلرینه عودت ایده بیلمشلردی. فقط فرانسیز ادارهسی، ایتالیایه عادات جدیدیه ایدخال ایتمش؛ مساوات حقوق، سربستی، شخصی، سربستی، مذاهب، وحدت قوانین کی اساسلری وضع ایلمشدی [ناپولئون قانونی نامیله معروف فرانسیز قانون مدنیسی ایتالیانک ده قانون مدنیسی اولمشدی]. مناسترلره عائد املاک، املاک امیریه یه تحویل اولمشدی. الحاصل اتحاد سیاسی یه مساعد بر زمین حاضرلشمش و حتی بعض وطنپروران ایتالیان ملتک استقلاللی ایچون (ناپولئون) علمنه ترتیاده بولمغه بیه باشلامشدی.

دول متفقنک فرانسه یه غلبه لری ایتالیایی دها وخیم بر موقعه قویدی. دول متفق هر طرفده فرانسه انقلاب کیرندن اولکی حالی اعاده ایتدیلر؛ یالکز (وندیک)، (جنوه) جمهوریتلری اعاده تاسیس ایدلدی. دیگر ولایات اسکی صاحب لرینه اعاده ایدیلرک ایتالیا یکدن متعدد حکومتلر صغیره یه تقسیم اولندی.

D
363

S389

1908

v. 2-3

شارل سه نیوبوس

(صوروبون) دار الفنونشده تاریخ معلی

تاریخ سیاسی

(۱۸۱۴) دن (۱۸۹۶) به قدر

عصر حاضر در ایران

فرانسه انجمن دانش کیرنجه مظهر مکافات اولمشدر

ایکنجی جلد

مترجمی

استانبول لیلی اعدادیسی مدیری و تاریخ عمومی معلی

علی رشاد

طابع و ناشری

باب عالی جاده سنده قناعت کتبخانه سی صاحبی الیاس

در سعادت — قدر مطبعه سی

**PLEASE DO NOT REMOVE
CARDS OR SLIPS FROM THIS POCKET**

UNIVERSITY OF TORONTO LIBRARY
